


續修四庫全書

《續修四庫全書》編纂委員會編

續修四庫全書



上海古籍出版社



三七一・史部・編年類

東華錄一百九十四卷東華續錄二百三十卷(雍正一至乾隆七)

王先謙撰

.....

111

# 東華錄

東華錄目錄

雍正一

起康熙六十一年十一月甲午盡十二月

雍正二

起雍正元年正月盡六月

雍正三

起元年七月盡十二月

雍正四

起二年正月盡六月

雍正五

起二年七月盡十二月

雍正六

起三年正月盡六月

東華錄

目錄

雍正七

起三年七月盡十二月

雍正八

起四年正月盡六月

雍正九

起四年七月盡十二月

雍正十

起五年正月盡六月

雍正十一

起五年七月盡十二月

雍正十二





起六年正月盡六月

雍正十三

起六年七月盡十二月

雍正十四

起七年正月盡六月

雍正十五

起七年七月盡十二月

雍正十六

起八年正月盡六月

雍正十七

起八年七月盡十二月

雍正十八

東華錄

目錄

二

起九年正月盡六月

雍正十九

起九年七月盡十二月

雍正二十

起十年正月盡六月

雍正二十一

起十年七月盡十二月

雍正二十二

起十一年正月盡六月

雍正二十三

起十一年七月盡十二月

雍正二十四

起十二年正月盡六月

雍正二十五

起十二年七月盡十二月

雍正二十六

起十三年正月盡八月己丑

東華錄

目錄

三



臣王先謙敬編

臣周澹著恭校

世宗憲皇帝 聖祖第四子也 母孝恭仁皇后吳雅氏原任護

軍參領加封一等公衛武之女端莊恭肅慈惠安和事 聖祖仁

皇帝恪襄內治著範宮庭嘉祥肇集宵夢月入懷華彩四照已而

誕 上康熙十七年戊午十月三十日寅時也誕生之夕祥光煜

燦經久弗散闔宮稱異 上天表奇偉降順身雙耳豐垂目光

炯照音吐洪亮舉止端凝大智夙成宏才肆應允恭克讓寬裕有

容幼耽書史博覽弗倦精究理學之源旁徹性宗之旨天章濬發

立就萬言書法迥雄妙兼眾體每籌度事理評隲人材因端竟委

燭照如神輅略機宜皆所洞悉而性尤純孝婉愉愛慕悉本乎至

東華錄 雍正一

誠逮事 孝莊文皇后 孝惠章皇后備膺 慈眷侍奉 聖祖

仁皇帝 孝恭仁皇后盡禮盡敬仰愜歡心偶遇 聖祖違和必

躬親湯藥問視惟虔晝夜無少懈 聖祖常稱為誠孝焉又誼敦

友愛值二阿哥罪廢眾議當幽禁 上獨涕泣不能起 聖祖為

之動容平日無私交無黨援無干譽秉道守義巖然自重嘗奉

命隨征統率將士軍紀肅然初封多羅貝勒晉封和碩雍親王每

值 鑾駕巡方翠華駐蹕輒命扈行軍國大計亦多諮決禮祀鉅

典恆令恭代 聖祖嘗諭諸大臣曰朕萬年後必擇一堅固可託

之人與爾等作主令爾等永享太平蓋天心默定神器攸歸久矣

○康熙六十一年二月一日 聖祖崩 聖躬不豫因同

一月癸酉 聖祖自暢春園幸南苑行圍戊子 聖躬不豫因同

駐暢春園庚寅以冬至屆期將大祀於 南郊命 上恭代 上

於齋所致齋甲午 聖祖疾大漸召 上於齋所遂召誠親王允

祉濱郡王允祐多羅貝勒允禩固山貝子允禔敦郡王允祿固山

貝子允禩皇十三子允祥尙書隆科多至 御榻前宣諭曰皇四

子人品貴重深肖朕躬必能克承大統著繼朕登基即皇帝位

上聞召馳至趨進 寢宮問安戊刻 聖祖賓天 上慟哭仆地

良久乃起趨至 御榻前撫足大慟親為 聖祖更衣遵用 孝

莊文皇后製賜御服 上皆敬加於首然後進御恭奉 大行皇

帝還大內安於乾清宮○乙未禮部奏大殮儀注諭 皇考教養

文武大小臣工六十餘年孰不躬沐深恩今一旦升遐悲痛切至

實出衷忱大殮時著令王貝勒貝子公文武大臣俱入乾清門令

共瞻仰得盡哀戀之情又諭公主王妃豈可遠列丹墀著仍入大

內親近 梓宮使得盡哀朕之兄弟子姪亦令俱入乾清門在丹

東華錄 雍正一

陛上隨朕行禮○戊刻 大行皇帝大殮 上痛哭失聲擗踊無

數既殮遂行祭奠禮凡尊罍簋盤 上皆躬自陳設奠侑飲食儼

如視膳哀感羣臣咸痛哭伏地莫能仰視○諸王大臣奏請諒陰

之次或御昭仁殿或御弘德殿諭朕遭 皇考大事哀痛方深何

忍安居內殿其以乾清宮東廡為倚廬自後 上居乾清宮東廡

席地寢苦慮 皇太后高年過哀每夜五鼓親詣問安○命貝勒

允禩十三阿哥允祥大學士馬齊尙書隆科多總理事務諭朕苦

塊之次中心紛首所有啟奏諸事除朕藩邸事件外餘俱交送四

大臣凡有諭旨必經由四大臣傳出並令記檔則諸事庶乎秩然

不紊其奏事官員處亦令記檔至 皇考時所有未完事件何者

可緩何者應行速結朕未深悉著大臣等將應行速結等事會同

查明具奏○諭總理王大臣等西路軍務大將軍職任重六十四



阿哥允禵勢難暫離但遇 皇考大事伊若不來恐於心不安著速行文大將軍王令與弘曙二人馳驛來京軍前事務甚屬緊要公延信著馳驛速赴甘州管理大將軍印務並行文總督年羹堯於西路軍務糧餉及地方諸事俱同延信管理年羹堯或駐肅州或至甘州辦理軍務或至西安辦理總督事務令其酌量奏聞至見在軍前大臣等職名一併繕寫進呈爾等會議具奏尋議諭旨甚屬周詳應速行文大將軍王將印敕暫交平郡王訥爾素署理即與弘曙來京得旨副都統阿爾訥著隨大將軍王來京副都統阿林保著隨弘曙來京○諭貝勒允禩十三阿哥允祥俱封為親王二阿哥之子弘皙封為郡王○丙申 上哀瘠過甚 皇太后屢傳諭勸進飲食 上泣奏曰臣若能進飲食必稍進以慰慈衷諸王大臣奏請節哀並勸進饘粥諭仰思 皇考深恩不但諸王

東華錄 雍正一 三

大臣哀慕無窮凡官員兵民均茲依戀况朕親承鞠育奚能自己且朕既受付託之重酌量可進飲食朕自少進若勉強飲食反於朕躬無益嗣後不必勸奏○命蒙古王台吉等未出痘者免其來京朝謁 梓宮者增給口糧○丁酉頒 大行皇帝遺詔○命速修景山壽皇殿諭朕受 皇考深恩如天罔極忽升仙馭攀戀無從惟有朝夕瞻近 梓宮稍盡哀慕之忱今王大臣等所議安奉之處或在南海子或在鄭家莊此二處隔越郊外離宮禁甚遠朕心不忍緬惟 世祖章皇帝大事時曾安奉景山壽皇殿朕意亦欲安奉於景山壽皇殿庶得朝夕前往親行奠獻○諭先因京師米價騰貴 皇考宵旰焦勞特命朕查視各倉彼時見倉糧充溢露積不少因請將應行出倉之米迅速辦理蒙 旨允朕今仰體 皇考軫恤民生至意務令米價漸平交與監督張坦麟陳守

創等會同倉場總督帶領工部賢能司官將倉庫確實料估應修補者速行修補應添建者於明歲春初添建所需錢糧動用捐貯驛站銀兩其應否補項之處再議此事並非此時應下之旨係遵奉 皇考原下之要旨是以特諭○諭 皇考念切天下兵民生計因京師米貴焦思極慮當龍馭上賓之時猶惓惓未釋於懷向來口外米穀不准運進口內而燒鍋仍照常開設可速令口外米穀准其進口其開設燒鍋著行禁止○戊戌禮部進 登極儀注上自乾清宮月臺坐御輿出乾清門諭乾清宮安奉 梓宮雖懸設簾幙朕何忍在 皇考前乘輿而出中門著移向乾清門朕出東旁門乘之及奏請 御殿行禮畢例應列坐賜茶諭朕祇承 皇考遺命勉抑哀衷以遵大禮豈忍安坐飲茶即在朝羣臣亦誰能下咽著停止賜茶又奏捧寶人員應捧玉寶由乾清宮御路

東華錄 雍正一 四

中行諭此寶雖 皇考舊日所御今傳之於朕 梓宮在上豈可竟由中路而出著由甬路旁行○封固山貝子蘇努為多羅貝勒○命兵部尚書白潢協理大學士事務○召工部左侍郎署湖廣總督滿丕來京在原任侍郎內行走以楊宗仁為湖廣總督年希堯署廣東巡撫原任江南安徽布政使○以內廷舊勞贈故大學士張英為太子太傅刑部侍郎勵杜訥為禮部尚書○己亥 上以 大行皇帝遺詔定制二十七日釋服諭諸王滿漢大臣曰三年持服乃人子之道若未遂朕志必致慈恨無已爾諸王滿漢大臣宜體朕意○調張伯行辦理戶部右侍郎錢局事務以李英貴為總督倉場侍郎由內務府總管○庚子 上以登極遺官告祭 天地 太廟 社稷 奉先殿○禮部奏 皇上登極先詣 皇太后前行禮畢然後御殿並奏於 皇太后奉 皇太后懿旨皇帝誕膺大



位理應受賀至與我行禮有何關繫况先帝喪服中即衣朝服受皇帝行禮我心實為不安著免行禮是日王大臣等又繕摺固請皇太后仍不允上又再三懇請奉皇太后懿旨諸王大臣等既援引先帝所行大禮懇切求請我亦無可如何今晚於梓宮前行告祭禮至上食奠酒請遣員恭代諭奠酒時朕仍親奠強自節哀朕得多近皇考梓宮愈增福祉更復何所避忌明日祭禮○辛丑上即皇帝位於太和殿頒詔天下以明年為雍正元年加恩中外罪非常赦所不原者咸赦除之○諭朕惟自古賢聖之君必有顯號微稱以彰功德之盛垂於萬世此國家不易之鉅典也仰惟我皇考大行皇帝臨御六十一年早承大統寅畏東華錄 雍正一 五

廣博士於五賢配先儒於十哲文婉二典書邁百家貫徹天文總括地理旁羅術數考正元聲研索羣編鑿裁纂輯凡此難名之美善洵亘古帝王首出之一人雖復累牘連章不能紀述萬一朕方與天下臣民均切怙戴不意龍馭上賓願予冲人嗣膺大統仰承佑啟之恩敢後顯揚之禮謹考彝章宜升尊諡爾部詳察典禮具奏○壬寅諸王大臣等具奏請遵大行皇帝遺詔二十七日釋服得旨皇考大行皇帝聖德神功罕有比倫實為亘古未有之聖君朕亦不宜行近代相沿之典禮釋服之制以日易月雖始於漢文而高宗諒陰三年獨非古制乎朕不能上比高宗而哀慕之情不能自已且稽之史冊漢文以來誰能媲美皇考則朕又安忍守漢文二十七日之制乎本朝舊制釋服亦待百日之期庶可稍盡思君思父之哀衷揣爾等之意惟恐過勞朕躬殊東華錄 雍正一 六



慟耳始知為君之難止此持服一節乃天子第一苦衷曾不如臣庶尚能各盡其心雖勉從所請朕之哀思因茲愈切矣○諭修國維襲公奏摺蒙 皇考留中此一等公爵著隆科多承襲修國維墳塋交與該部修理加祭一次○命大將軍以下及直省督撫提鎮等差員齋摺到京者照常啟奏無得沈滯○乙巳總理王大臣等奏 大行皇帝尊諡廟號伏候 皇上親定得旨 皇考大行皇帝尊諡廟號諸王大臣等請朕親定朕思子臣尊崇君父之心何有止極然必須至允至當方孚千秋定論若少有溢美之詞不獨失天下之至公且開後人之僭越是因臣子之愚忠愚孝轉將君父盛德大業之實行涉於贊頌之虛文朕心殊不安也我 皇考大行皇帝續繼大統舊典本應稱宗但經云祖有功而宗有德我 皇考鴻猷駿烈冠古標今拓宇開疆極於無外且六十餘年

東華錄

雍正一

七

手定太平德洋恩溥萬國來王論繼統則為守成論勳業實為開創朕意宜崇 祖號方副豐功但追崇大典攸關理應會謀共協爾諸王大臣等會同九卿詹事科道文六品以上武四品以上詳考舊章從公確議毋得依違毋得附和務期紀實以垂萬年○丙午諭隆科多應稱呼舅舅嗣後啟奏處書寫舅舅隆科多○戊申以福敏為內閣學士原任庶吉士○己酉諸王貝勒貝子公文武大臣官員等議奏 大行皇帝尊諡廟號議曰謹按傳云為人君止於仁禮運云仁者義之本順之體也得之者尊說文云在天為元在人為仁故易曰元者善之長仁者德之首 大行皇帝體元立政茂育羣生以義制事綏安兆姓史稱帝堯其仁如天惟 大行皇帝實與並之又按禮經云有虞氏禘黃帝而郊得祖顓頊而宗堯而尚書舜典云舜格於文祖釋者謂文祖堯廟也又謂格於藝祖

釋者謂藝祖堯之祖也合之祖顓頊之文則有虞氏有三祖矣宋臣陳祥道云凡配天者皆得稱祖故國語展禽有有虞氏祖高陽而郊堯之說堯所以稱文祖也顓頊至堯皆黃帝子孫而皆稱祖又周禮大宗伯禘禘追享朝享解云古者朝廟合羣祖而祭焉故禘謂之朝享以合羣祖為不足又禘其祖之所自出故禘謂之追享夫祖之所自出始祖也而其下曰羣祖則自始祖以下皆可稱祖矣又諡義曰帝王功業隆盛引古者祖有功之義得稱祖此經書可據者臣等謂惟 聖字可以贊揚 大行皇帝之峻德惟祖號可以顯彰 大行皇帝之隆功恭擬敬上 尊諡曰 合天弘運文武睿哲恭儉寬裕孝敬誠信功德大成仁皇帝 廟號曰 聖祖是日 上召諸王大臣等入諭曰諸王大臣官員俱深悉我 皇考一生神聖實行同心合詞恭上尊稱無一人異詞甚愜朕懷朕之哀思庶可稍釋諭畢 上持鍼刺中指出血將奏內聖祖二字圈出敬恭高捧交學士等齋出○諭內務府總管等諸王大臣會云朕持服二十七日後應居乾清宮朕思乾清宮乃皇考六十餘年所御朕即居住心實不忍朕意欲居於月華門外養心殿著將殿內略為葺理務令素樸朕居養心殿內守孝二十七月以盡朕心○庚戌諭大學士等朕惟敷政之道用人惟先關門顧後之典由來尚矣然知人則哲自古為難朕在藩邸不與朝臣往來所以內外大小官吏皆不能悉知今荷 皇考大行皇帝命承大統臨御之初簡用人材爾諸大臣皆久蒙 皇考知遇任以股肱茲值 梓宮在上靈爽式憑爾等哀感交迫之時益當各竭忠盡仰報高深內而大臣以及開曹外而督撫以及州縣或品行端方或操守清廉或才具敏練者爾等各據真知灼見從公具

東華錄

雍正一

八



摺密奏古人云內舉不避親外舉不避讐爾等果矢公忠以人報國或素日同僚共事或同鄉同年或門生親戚子弟俱准保奏勿避嫌疑勿徇私援黨勿沽名市恩勿輕聽風聞勿言過其實有一於此則上負 皇考任用之恩又負朕諮詢之意矣 皇考遺命屬朕篤愛懿親保全臣下數十年來聖明之世本不容有姦貪昭著之人朕所需者人材但當有舉無劾毋得修怨陷害爾等具摺或滿字或漢字各須親寫不可假手於子弟詞但達意不在文理字畫之工拙其有不能書寫者即行面奏至於政事中有應行應革能裨益國計民生者果能深知利弊亦著各行密奏朕自即位以來用人行政若有闕失亦以直言毋隱朕之諄切詢問者一則急欲得人以資治理二則欲知朕行事之當否三則觀爾等所舉之人及所奏之事便可知爾等之居心制行矣○諭理藩院翁牛東華錄 雍正一

特公鄂齊爾自幼跟隨我 皇考效力多年人甚謹慎朕十歲時亦曾跟隨出獵行走著封為貝子○以覺羅蘇庫為禮部尚書由京兵部敦拜為左都御史由戶部左勵廷儀為兵部左侍郎由內○停止江南解送薦新秬米○辛亥以格爾布為盛京戶部侍郎由內閣○遣御史巡查 陵寢道路嚴禁騷擾派累

十二月壬子勅以奉移 大行皇帝梓宮告祭 上從苦次望見陳設祭品失聲大慟諭誠親王允祉等曰 皇考明年七旬大慶吾兄弟等方思 萬壽聖節在暢春園盡誠致敬供奉甘旨與四海臣民共效無疆之祝豈意今年此日乃於乾清宮作如此陳設耶復大慟不止諸王皆伏地號慟大臣近侍在左右者咸感泣不能仰視○諭宗室及覺羅人等 皇考至仁至厚恩篤宗支凡宗室覺羅大罪薄懲小罪寬免歷年無一人及於刑辟者必不得已

乃令圍禁朕思 皇考時問罪圍禁之人原不應釋放祇以見遇恩赦姑予寬宥伊等當念宗室覺羅須閉戶家居安分靜守慎毋枯過不改再罹重罪○禁止八旗官員誦罵屬下人等父母違者交該管官懲治○癸丑諭戶部 皇考御極六十餘年澤周兆姓凡巡幸所經小民除道清塵趨事恐後古北口一路為我 皇考每年行幸之地農工商賈皆得瞻仰 天顏親承膏澤朕念此路百姓歷年殫力宜加恩恤著將宛平順義懷柔密雲平谷五縣昌平一州雍正元年正額錢糧盡行蠲免又 陵寢一路此時正當修道亦宜加恤著將大興三河二縣通薊遵化三州雍正元年正項錢糧亦盡行蠲免○甲寅 大行皇帝梓宮安奉 壽皇殿自後 上每日黎明詣 壽皇殿獻食觀德殿席地坐日晡方回苦次○諸王大臣等合詞恭懇節哀諭朕受 皇考教誨鞠育四十餘年今遇大事哀痛迫切實不能已朕非於此自謂盡孝也况天降編雪林木皆白自安奉 梓宮羣鴉環繞殿庭哀鳴七夜仰觀天意俯察物情尙且如此朕能已於沈痛乎今 梓宮奉移壽皇殿朕未釋服之前必每日三次親詣獻食一月內每日一次親詣獻食一月外數日親詣一次如此庶可稍釋悲思若欲朕銜哀強制則朕心愈無以自解爾諸王大臣不必再奏○諭總理王大臣等從前 皇祖母孝惠章皇后大事時 皇考命貝子允禩署理內務府總管事務辦理妥協 皇考曾深嘉之今茲大事允禩經理三衙門事務井井有條其辦理 梓宮事務甚為效力允禩著封為郡王其總理事務之王大臣等亦克殫誠諸事允當除二王已經加恩外舅舅隆科多大學士馬齊俱著賞給阿達哈哈番世職○調李永紹為盛京工部侍郎以李周望為戶部左侍郎



黃叔琳為內閣學士由太常寺卿遷○命八旗詳察孝行素著者以聞○

丁巳加上 列祖 列后尊諡○諭總理王大臣等朕奉 皇太

后懿旨 孝懿皇后會撫育爾躬貴妃係 孝懿皇后親妹應將

貴妃封為皇貴妃又和妃奉事 先帝最為謹慎應將和妃封為

貴妃朕惟 皇太后聖心至仁至厚此 旨實為允當爾等會同

禮部查例具奏又諭朕奉 皇太后懿旨爾兄弟之母當加意相

待朕念十二阿哥之母多年侍奉 皇考甚為謹慎久列嬪位今

晉封為妃十五阿哥之母十六阿哥之母嬪亦晉封為妃再見在

有曾生兄弟之母未經受封者俱應封為貴人六公主之母應封

為嬪內有一常在年已七旬亦應封為貴人○戊午諭吏部兵部

王大臣等驗看革退人員內其武職官曾在軍旅效力身經受傷

雖年齒衰邁仍留職銜文職除年老庸劣外若由進士舉人正途

出身初選知縣即以才力不及革退亦屬可憫嗣後將此等人員

或改授教職或以原品休致著會同酌議定例遵行○停止直省

將軍督撫提鎮等官貢獻方物其有恭獻 梓宮前食品及齋送

御用藥物仍照常呈進○定下五旗補放參領各缺均勻公派親

王門下參領不得過三員郡王門下參領不得過二員○庚申

上釋服移居養心殿○辛酉諭總理王大臣等往年稅差官員公

帑無虧而羨餘又足養贍家口兼及親族近日則不然率多虧帑

獲罪歸亦無顏見其族戚公私均屬無益 皇考洞鑒其故每將

稅務交與地方官管理各省已居其半嗣後稅務悉交地方官監

收歲額之外所有羨餘該撫奏聞起解應賞給者再行賞給爾等

會同戶部工部衙門議奏○諭山東按察使黃炳著補授山東巡

撫山東巡撫謝賜履操守頗好人亦謹慎但見今漕船阻凍兼有

修築河工之事謝賜履係新任之員未能諳悉著以相當之缺另

行補授至於黃河衝決見在堵築未竣今冬若不乘時辦理恐至

來春桃汛時愈難措置國子監祭酒齊蘇勒著補授山東按察使

先赴河南會同楊宗義陳鵬年將今冬修理黃河之處商酌明白

再赴按察使新任山東漕運河道事務亦著齊蘇勒會同巡撫辦

理李樹德向蒙 皇考簡任山東巡撫旋改福州將軍尙未赴任

今東省錢糧事宜清查著宜兆熊前赴福州署理將軍事務李樹

德代宜兆熊署理都統事務清查伊任內錢糧○禮部議覆據朝

鮮國王解送山東採漁人楊三等十四人被風飄至伊國審無信

票又據奉天將軍咨報楊三等至鳳凰城始將信票交出復被領

催雅爾泰失去應將楊三等交山東巡撫確查曾否給票雅爾泰

照例治罪得旨朝鮮誠心篤敬臣服我朝歷年已久今將被風飄

東華錄 雍正一

至揚三等船隻送回伊等或實係風飄到彼或匪類藉端欲為不

法俱未可定嗣後飄風船隻人口驗有票文並未生事者照舊令

其送回若無票文生事犯法者著朝鮮國即照伊國法究治庶足

懲匪類而戒妄行著九卿詹事科道公同會議具奏○壬戌實授

高其倬雲貴總督陳鵬年河道總督德音山西巡撫馮毅廣東巡

撫○諭八旗禁酒飲○封貝勒允禩為和碩廉親王十三阿哥允

祥為和碩怡親王貝子允禩為多羅履郡王二阿哥子弘晷為多

羅理郡王○禮部遵 大行皇帝諭旨議覆歷代帝王廟原祀伏

羲氏神農氏軒轅氏金天氏高陽氏高辛氏陶唐氏有虞氏夏禹

王商湯王周武王漢高祖世祖唐太宗遼太祖宋太祖金太祖世

宗元太祖世祖明太祖二十一位今擬增夏啟仲康少康杼槐芒

世不降局塵孔甲皋發商太甲沃丁太庚小甲雍己太戊仲丁外



壬河宣甲祖乙祖辛沃甲祖丁南庚陽甲盤庚小辛小乙武丁祖  
庚祖甲廩辛庚丁太丁帝乙周成王康王昭王穆王共王懿王孝  
王夷王宣王平王桓王莊王僖王惠王襄王頃王匡王定王簡王  
靈王景王悼王敬王元王貞定王考王威烈王安王烈王顯王慎  
親王漢惠帝文帝景帝武帝昭帝宣帝元帝成帝哀帝明帝章帝  
和帝殤帝安帝順帝沖帝桓帝靈帝昭烈帝唐高祖高宗睿宗元  
宗肅宗代宗德宗順宗穆宗文宗武宗宣宗懿宗僖宗遼太宗景  
宗聖宗興宗道宗宋太宗真宗仁宗英宗神宗哲宗高宗孝宗光  
宗甯宗理宗度宗端宗金太宗章宗宣宗元太宗定宗憲宗成宗  
武宗仁宗大定皇帝文宗甯宗明太宗仁宗宣宗英宗景皇帝憲  
宗孝宗武宗世宗穆宗愍皇帝凡一百四十三位其從祀功臣原  
祀黃帝臣風后力牧唐虞臣皋陶夔龍伯夷伯益商臣伊尹傅說  
東華錄 雍正一 十三

夢雷之門生平日在外生事者亦即指明陳奏楊文言乃耿逆偽  
相一時漏網公然潛匿京師著書立說今雖已服冥刑如有子弟  
在京者亦即奏明驅遣爾等毋得徇私隱蔽陳夢雷處所存古今  
圖書集成一書皆 皇考指示訓誨 欽定條例費數十年 聖  
心故能貫穿今古彙合經史天文地理皆有圖記下至山川草木  
百工製造海西秘法靡不備具洵為典籍之大觀此書工猶未竣  
著九卿公舉一二學問淵通之人令其編輯竣事原稿內有訛錯  
未當者即加潤色增刪仰副 皇考稽古博覽至意○諭九卿等  
自 皇考升遐以來朕心哀慕無已一應典禮俱詳考舊章務從  
隆備蓋不敢以天下儉其 親也但上之所行下必效之向來八  
旗官員於喪葬等事每多靡費今見朕備禮如是恐習以成風競  
尚奢侈而兵民等或至傾家蕩產殊非朕以禮教天下之意論語  
東華錄 雍正一 十四

周臣周公旦召公奭太公望召虎方叔漢臣張良蕭何曹參陳平  
周勃鄧禹馮異諸葛亮唐臣房元齡杜如晦李靖郭子儀張巡許  
遠李晟宋臣曹彬韓世忠岳飛金臣韓魯粘沒喝幹商不元臣木  
華黎伯顏明臣徐達劉基三十九人今擬增黃帝臣蒼頡商臣仲  
虺周臣畢公高呂侯仲山甫尹吉甫漢臣劉章魏相丙吉耿弇馬  
援趙雲唐臣狄仁傑宋璟姚崇李泌陸贄裴度遼臣耶律曷魯宋  
臣呂蒙正李沆寇準王曾范仲淹富弼韓琦文彥博司馬光李綱  
趙鼎文天祥元臣不忽木脫脫明臣常遇春李文忠楊士奇楊榮  
于謙李賢劉大夏凡四十人得旨是依議速行○癸亥諭陳夢雷  
原係叛附耿精忠之人 皇考寬仁免戮發往關東後東巡時以  
其平日稍知學問帶回京師交誠親王處行走累年以來招搖無  
忌不法甚多京師斷不可留著將陳夢雷父子發遣邊外或有陳

云禮與其奢也甯儉喪與其易也甯戚禮記云喪具稱家之有無  
載在典籍灼然昭著著九卿等將滿漢官按其品級分為等次及  
兵民喪葬務從簡樸毋得僭妄並將婚嫁等禮詳議定例著為令  
○諭刑部恩詔內赦罪一款徒開惡人徼倖之門於政治甚無裨  
益因朕即位之初諸臣援例陳請姑用允行實則此等罪人皆其  
自取並非治之以不應得之罪也此番援赦豁免人等俱宜詳記  
檔案如已赦之後仍不悛改干犯法紀務必將伊等加等治罪著  
詳悉曉諭○命大學士蕭永藻尙書凱音布陳元龍刑部右侍郎  
周道新原任侍郎穆爾泰往馬蘭峪護視 陵寢以蕭永藻勤慎  
廉潔特加太子太傅銜○命雍正元年開鄉會恩科於四月鄉試  
九月會試十月殿試其癸卯甲辰鄉會試正科改於雍正二年舉  
行二月鄉試八月會試九月殿試○命年老大臣乘馬入紫禁城



○裁直隸惠清河監督缺合通州坐糧廳兼理○甲子 上詣壽皇殿行月祭禮○諭部院各衙門凡出示曉諭原欲利民除弊使人知所遵奉以昭功令也近見各衙門出示或變易舊章或恣徇私意或作威作福或鈞譽沽名往往朝夕自為更改彼此互相矛盾胥吏因之以作奸宄小藉端以滋擾種種弊竇不可勝舉先帝嘗深惡之嗣後各衙門遇當禁約曉諭之事務期矢公矢慎協情當理可以永遠奉行方准出示儻仍蹈故轍科道官即行參奏治罪○諭戶部自古惟正之供所以儲軍國之需當治平無事之日必使倉庫充足斯可有備無患 皇考躬行節儉裕國愛民六十餘年以來蠲租賜復殆無虛日休養生息之恩至矣而近日道府州縣虧空錢糧者正復不少揆厥所由或係上司勒索或係自己侵漁豈皆因公那用 皇考好生如天不忍即正典刑故東華錄 雍正一 十五

伊等每恃寬容毫無畏懼恣意虧空動輒盈千累萬督撫明知其弊曲相容隱及至萬難掩飾往往改侵欺為那移勒限追捕視為故事而全完者絕少遷延數載但存追比虛名究竟全無著落新任之人上司偏受前任交盤彼既畏大吏之勢雖有虧空不得不受又因以啟效尤之心遂藉此挾制上司不得不為之隱諱任意侵蝕展轉相因虧空愈甚一旦地方或有急需不能支應關繫匪淺朕深悉此弊本應即行徹底清查重加懲治但念已成積習姑從寬典除陝西省外限以三年各省督撫將所屬錢糧嚴行稽查凡有虧空無論已經參出及未經參出者三年之內務期如數補足毋得派累民間毋得藉端進飾如限滿不完定行從重治罪三年補足之後若再有虧空者決不寬貸至於署印之官更為緊要必須慎重簡擇蓋署印之人始而百計鑽營既而視如傳舍肆意

貪婪圖飽慾壑或取媚上官供其索取貽害小民尤非淺鮮其於前任虧空視作泛常接受交盤復轉授新任苟且因循虧空之弊終不得清嗣後如察出此等情弊必將委署之上司與署印之員一併嚴加治罪爾部可即傳知各省督撫○諭戶工二部財者利用之源古帝足國裕民務必制節謹度朕初即位每恐府庫金錢中飽於胥吏之侵蝕以後凡戶工二部一應奏銷錢糧米石物價工料必須詳查覈實開造清冊具奏毋得虛開浮估儻有以少作多以賤作貴數目不敷覈估不實者事覺將堂司官從重治罪○命富甯安為武英殿大學士兼吏部尚書調隆科多為吏部尚書以廉親王允禩為理藩院尚書○加特古忒尚書銜仍辦理藩院侍郎事務以副都統拉錫兼署理藩院侍郎事○丙寅諭怡親王允祥等朕受 皇考深恩四十餘年未常遠離 皇考升遐無由東華錄 雍正一 十六

再瞻色笑今追想音容宛然在目御史莽鵠立精於寫像昔日隨班奏事常觀 聖顏 皇考有 御容數軸收藏內務府今 皇考年高 聖顏微異於往時著莽鵠立敬憶 御容悉心薰沐圖寫○諭總理王大臣等從前揀選庶吉士外諸進士俱留京學習三年伊等若果有心學習猶可如不用心學習則留京何益嗣後進士中學問好者著令為教習年滿照例錄用其餘進士等俱令回籍候缺補用○命怡親王允祥總理戶部三庫事務○以吳爾泰為戶部左侍郎由內閣學士遷○裁廣善庫衙門停止內外官員借俸例○丁卯以石文焯為江南安徽布政使陳安策為江西按察使由饒南○停止直隸等四省官員運米餉軍例○戊辰以侍郎查克旦自軍前擢回命革職留在並帶世職自備資斧赴軍前效力○以河南秋收稍歉命折徵漕糧免其採買○己巳命白潢為文



華殿大學士兼兵部尚書由兵部 ○庚午命纂修 聖祖仁皇帝  
 實錄 ○白潢懇辭大學士命諭朕嗣紹丕基夙夜祗惕惟恐負  
 皇考付託之重念內閣要地襄贊匪輕特命爾入閣辦事爾具摺  
 懇辭朕素聞爾居官操守甚好巡撫江西時綏輯地方甚為裨益  
 及任兵部尚書清勤恪慎 皇考每加優獎今朕以機務重大資  
 爾料理爾可即遵旨供職不必固辭兵部事務亦要緊仍著爾兼  
 管 ○以佛格三泰常保俱為內閣學士佛格宗室三泰由太常寺  
常保由監祭御史選  
 ○辛未先是宗人府奏親王阿哥等名上一字與 御名同應請  
 更定 上以名諱由 聖祖欽定不忍更改禮部宜請 皇太后  
 裁定至是禮部等衙門具摺啟奏得旨朕曾奏聞 皇太后諸王  
 阿哥名上一字著改為允字 ○贈故一等侍衛副都統諡果毅海  
 青為一品致祭一次 ○壬申封裕親王保泰子廣善為世子 ○以  
 東華錄 雍正一 十七  
 張廷玉為禮部尚書由吏部右  
侍郎選 ○吏部題大學士馬齊奉旨特給  
 一等阿達哈哈番併前所襲一等阿思哈尼哈番又一拖沙喇哈  
 番授為二等伯准其世襲從之 ○癸酉遣官祭長白山醫巫閭五  
 岳會稽山南海歷代帝王陵寢孔子闕里 ○乙亥賜左都御史朱  
 軾宅一所銀一千兩 ○加大學士嵩祝馬齊吏部尚書張鵬翮太  
 子太傅 ○丙子命八旗在京武職及各省駐防者俱五年一考選  
 軍政 ○以黃叔琳為刑部右侍郎由內閣  
學士選 ○楊柱綠事革職以伊  
 忒海為盛京兵部侍郎由左副都  
御史選 ○戊寅御史莽鶴立恭繪 聖  
 祖御容畢捧進於養心殿 上瞻仰依戀悲痛不勝命俟 梓宮  
 發引後敬謹供奉於 壽皇殿 ○己卯酌撤噶斯駐防兵 ○是歲  
 人丁戶口二千五百三十萬九千一百七十八又永不加賦滋生  
 人丁四十五萬四千三百二十田地山蕩畦地八百五十一萬九

百九十二頃十畝有奇徵銀二千九百四十七萬六千六百二十  
 八兩有奇米豆麥四百六十六萬八千八百三十三石有奇草四  
 百九十二萬二千八百一十束茶三十五萬九千一百五十四引  
 行鹽五百五萬一千六百五十六引徵課銀四百四萬四千一百  
 一十一兩有奇鑄錢四十六萬一千七百有奇

東華錄 雍正 大



東華錄

雍正二

臣王先謙敬編

臣周澐恭校

雍正元年癸卯春正月辛巳朔頒諭旨十一道訓飭督撫提鎮以下文武各官○諭總督自古帝王疆理天下必有岳牧之臣以分猷佐治而後四方甯謐共臻上理此封疆大臣以總督為最要也總督地控兩省權兼文武必使將吏協和軍民綏輯乃為稱職但統轄遠遠職務殷繁較巡撫之所屬更大是在遴選屬僚之賢能者委任得宜則振綱飭紀可無廢弛之虞而以人報國亦得大臣之體特是激清吏治必本大公之心虛懷察訪果係清節素著才具練達者任以要劇即行保薦則舉一可以風百今或以逢迎意指為能以沽名市譽為賢甚至暗通賄賂私受請託不肖官吏濫

東華錄 雍正二

列薦章而樸素無華敦尚實治者反抑而不伸是豈風勵屬員之道乎朕視天下如一家視臣鄰如一體爾等亦宜深體此意以一家之心視兩省以一體之心視屬吏本之至公用之至當則上司之任使下僚如身之使臂臂之使指凡有才守之人皆樂為效用矣至於所在管轄地方有作姦犯科之豪猾倚勢剝民之搢紳理應重加懲治乃因巧於結納反得徼倖自全而家居之大臣官員皆經 皇考任用之人致政投閒安靜自好為大吏者並不加以禮貌或反被土豪侵欺者有之亦非所以表率屬僚彰善癉惡之道也總督與巡撫將軍提督誼屬同寅凡地方軍民事務宜互相商榷各本虛公勿苟且雷同勿偏執意見方於國計民生有所裨益總督參劾州縣例由兩司道府揭報眾論僉同所以示公也近有參劾之後始行補揭夫果其當劾司道府不能揭報於前既

有徇庇之愆而令其補揭於後又欲寬其失察之罪彼此巧飾以欺朝廷尚得謂之至公平朕觀古之純臣載在史冊者興利除弊以實心行實政實至而名亦歸之故曰名者實之華也今之居官者釣譽以為名肥家以為實而云名實兼收不知所謂名實者果何謂也爾督臣臈茲簡畀固宜篤矢忠誠尤當戒諭屬員痛改陋習更有任官之初頗著廉名及身躋大位則頓易其操者古人謂之巧宦其心事豈可問乎且職居制閫亦非徒以清操自善也若但謹身節用而遇地方大事一籌莫展雖免貪冒之名究鮮屏翰之實國家又何所倚毗耶爾督臣皆 皇考擢用之大臣朕嗣紹丕基一切遵循成法惟冀爾等察吏安民練兵覈餉崇實行而不事虛名秉公衷而不持偏見故諄諄告誡並兩司道府州縣各有諭旨爾等亦宜細心體察與爾屬吏共勵官箴交相儆朕自優

東華錄 雍正二

加恩禮始終保全若爾等恣意徇私不能竭忠盡職則深負 皇考簡用之恩其罪甚大國法森嚴朕雖欲寬貸爾等不可得矣○諭巡撫國家任官守土綏輯兆民封疆之責惟撫臣為重今之巡撫即古之保釐夾輔之臣也一省之事凡察吏安民轉漕裕餉皆統攝於巡撫苟非正己率屬振飭勵精則一切刑政錢穀必致墮墮拊循保障之功何賴乎夫吏治不清民何由安從來大法則小廉自兩司以至郡縣平時參見接談即可略知其才品優劣迨試以委任訪之輿情賢否清濁自難滑濶惟上官偏私好諛屬僚善於逢迎者即推為才能其樸直自好潔己愛民之員反無見知之地及至計典黜陟並遇選擇保題之缺或先納賄賂或責報異時始為之薦引亦有寄耳目於監司等官聽毀譽於幕賓僚友之口以致舉劾不公潛滋奔競勸賞黜陟既失其當地方安得良有司



乎藩庫錢糧虧空近來或多至數十萬蓋因巡撫之費用皆取給於藩司或以柔和交好互相侵那或先鉤致藩司短長繼以威制勒索分肥入己徒供一身貪緣自奉之費罔顧朝廷帑藏財用之虛及事發難掩惟思加派補庫展轉累民負國營私莫此為甚州縣積穀本為備荒之計水旱歉收之歲待此拯濟於民生最為關繫今既視為正供之餘項藉出陳易新之名半為胥吏中飽半為州縣補空一遇災荒茫無賑貸皆由巡撫平時疏略包容玩愒所致也屬員缺出委署雖由兩司詳請其實巡撫操其權下屬鑽營屬託以缺之美惡定酬賂之重輕攝篆之人久則年餘近亦數月往往視為傳舍情同行劫不恤小民之脂膏但飽谿壑於無厭務償得署之餽遺而止試思此一年數月之閒窮黎何罪而可縱貪暴以剝削之乎此等積弊尤為國法所不容者巡撫參劾知府應

東華錄

雍正二

三

公尤損保全耆舊之義非鎮撫者所當留意乎爾諸臣皆荷 皇考任用之恩受全省撫綏之寄朕繼承大統祇遵成憲優禮大臣保全終始惟冀爾等各抒忠悃安靖封疆朕所諭者有則悔悟速改無則省躬加勉爾司道府州縣各有諭旨爾亦詳細體察與諸屬吏共相勉勵同心協力以盡職守若不念 皇考簡畀之隆致貽地方黎庶之害負恩曠職自取罪戾朕又安能廢法以宥爾乎

○諭督學朕惟自古帝王皆以興賢育才為務我國朝自 太祖太宗肇造鴻圖 世祖定鼎中夏首隆學校加意人材開國規模超越前古至我 皇考聖祖仁皇帝御極六十一年培養教育恬冒涵濡深仁厚澤有加無已 御製訓飭士子文頒布學宮東西南朔海澨山陬戶習詩書家敦禮樂遐邇無不嚮風文教之隆莫過於此矣朕繼承大統遵守舊章寤寐求賢惟恐或失念學校

東華錄

雍正二

四



不以兵革為事相沿日久營伍漸弛非所以肅軍政飭戎行也爾等皆係 皇考簡用節鉞之大臣尤宜恪遵令典倡率所屬將弁簡閱卒伍整理器械操演技勇平時討論軍實訓練精勤乃稱節制之師折衝禦侮庶幾有備無患矣夫儲糧裕餉所以足兵食壯干城非為飽一人之私囊也乃虛名冒餉優漁扣剋視為故常以致朝廷恤兵養士之典止供將吏肥家之計居心多慾自難彈壓下僚馭眾寡恩何以振興士氣提臣職任拊循果能廉正自持無虛給餉俾士飽馬騰有不感激思奮者乎至山海要區得人最重爾身為大帥凡將佐偏裨果其智勇素著才技優長肅紀律而輯兵民歷有成績之員或軍政薦舉或破格題請皆當予以優擢如本係庸劣之弁徇情面受賄賂始則權宜委任旋復列名保奏不特冒干名器必致貽誤地方濫用匪人之咎其能逃於功令乎且

東華錄

雍正二

五

設兵所以衛民文武官屬殊途而轄兵愛民均有責焉如各執己見不相和協勢必有縱兵虐民挾制長吏以逞威作奸者在文臣豈容辭咎而提臣統領水陸重師管轄不嚴調劑不力致文武抗衡兵民異視責更難追書曰同寅協恭和衷哉爾當一秉虛公和衷辦事嚴飭將弁於所屬汎地實心捍衛勤緝奸宄俾居民安堵無虞地方咸受其利益爾等皆勤勞素著效力年久之人 皇考屢加拔擢海膺斯任朕祇遵成憲優遇大臣保全終始爾等其各抒忠悃以無負朕愛養兵民之至意其總兵副將參遊等官各有諭旨爾亦應詳細體察同心協力共相策勵靖共爾位永奠封疆

○諭總兵官國家幅員廣大凡嚴疆重鎮關塞要害之地設總兵

俾之鎮守上承督臣之節制下樹將弁之表率輯兵安民厥任甚重居是官者當以甯謐地方為念嚴飭官兵巡緝奸宄備有匪類

務必窮盡根株使宵小無從潛匿良民得以甯居若平時漫無覺察日久必致蔓延網繆未雨之謂何武臣雖不干民事然保障捍衛責有攸歸守此方即當軫念此方之民毋得視之膜外縱兵肆擾至文武職任雖分盡心王事則一彼此和衷同心共濟自不至貽誤公事况揆文振武經術同源善於恤兵必善於愛民尙何至縱兵虐民失國家設兵衛民之意乎總兵統轄營汛甚多當以訓練為先嫻騎射整隊伍備器械限期校閱勤惰嚴分賞罰明而軍政肅隱然一長城矣所屬將弁兵丁智勇超羣則立登薦剡武藝精熟則特拔戎行以之鼓勵軍士猶有古良將風焉兵之所需糧餉最重給糧而扣剋則師旅有枵腹之憂缺兵而不補則營伍有空虛之患總兵率先潔己嚴飭偏裨毋得久懸兵缺以恣侵漁毋得剋減額糧以肥囊橐則兵籍無虛士氣自奮有不收臂指之效

東華錄

雍正二

六

者乎至於馭兵之道務在寬嚴得中過寬則兵以怠玩而生驕過嚴則兵以拘迫而滋怨能於嚴明之中隱寓愛恤之意庶幾上下一心忠義自奮此又在爾鎮臣之善為運用也仰惟 皇考垂誠提鎮諸臣有曰韶鈐宜裕紀律宜明拊循宜至訓練宜精又曰文武輯睦毋相抗衡軍民調劑各得其平煌煌 天語勒於箴規久矣爾等皆係 皇考簡界之人果能實心力行不致始勤終惰上負 聖訓朕心嘉乃成績必懋錫殊典如其徒擁厚祿虛糜爾位既無益於兵民致有乖於令典國法森嚴朕不爾貸也○諭布政司朕惟國家官制分省開藩爾職居方伯任寄旬宣所以綏輯羣黎布昭德意實庶邦之喉舌列服之綱維任既重矣責亦大矣府州縣官之賢不肖最關民生休戚當不時察覈治行務知其實分別臧否以告督撫爾以無私自信督撫自不以私心自疑協和盡



力以勸賢懲不肖則除害興利一方安矣今計典之黜陟特疏之薦彈朝廷憑督撫之奏章督撫憑布按之詳揭爾布政爲官吏表式自當益矢公忠若愛憎任情是非倒置以詔事上官通行請託爲賢不善逢迎恥投暮夜爲不肖其何以稱之屏之翰百辟爲憲者哉夫官至監司敏歷有年當服官之初廉潔自守漸登高位頓改初心更有矯飾虛聲潛納賄賂陋俗相沿謂之名實兼收其罔上行私爲尤甚孔子謂事君勿欺甯不聞乎賦役會計皆爾專司調劑均平乃爲稱職今錢糧火耗日漸加增重者每兩加至四五錢民脂民膏剝何堪至州縣差徭巧立名色恣其苛派竭小民衣食之資供官司奴隸之用爾試思戶版稅籍誰爲職掌私派橫徵誰任其咎顧可失於覺察乎各省庫項虧空動盈千萬是優是那總無完補耗盡公帑視爲泛常尤爲不法宜嚴革前弊永杜侵

東華錄

雍正二

七

那如司庫盤查之責在巡撫虧空之根亦由巡撫巡撫借支而布政不應者少矣然職在監司果能廉正自持則巡撫挾勢借支斷不能行但謹身節用量入爲出司庫必無虧空矣州縣庫盤查之責在知府覺察虛實之責獨在布政爾但潔已率屬不容徇庇州縣庫必不虧空矣朕深悉弊源所以反復諄切言之冀爾等悔且改也 皇考德洽區宇六十餘年朕嗣守丕基惟成法是式爾等皆蒙 皇考簡授職任藩宣果能各效忠誠稟遵功令朕自始終保全加以擢用若營私贖貨曠職累民爾既負 皇考之深恩朕又安能弛國家之令典三尺莫道爾其慎之○諭按察司朕惟直省大小訟獄民命所關國家各設按察司以專掌之一切州縣申詳至爾司而獄成凡督撫達部題奏事件皆由爾司定案任豈不重歟 皇考仁覆如天每覽西曹奏牘反復推詳惟寬惟慎逮情

實罪當猶施緩決之恩好生之德洽於民心六十餘年於茲朕嗣守大訓思四海之內有匹夫匹婦罰非其辜者卽非所以繼 皇考之志夙夜凜凜焉何道而能不濫不冤惟爾司是賴朕惟國家考定律例所以弼教非以厲民是故嚴立刑書防其或罹於法及至斷獄又條分縷析思以曲全其生書曰欽哉欽哉惟刑之恤哉又曰與其殺不辜甯失不經此律例之本意也今或情例相違牽合文法以納民於網或有兩例並見輒上下其手以自遂其私安得無冤獄哉 太祖高皇帝之訓曰生殺之際不可不慎聽斷之官必期得情大哉 聖言包舉虞書周禮之義夫折獄憑口供而平反憑案卷今法吏不求得情惟求完結州縣案卷之申詳爾司者多鍛鍊口供附於律例冀免爾司之駁查爾司之詳督撫督撫之揭部院者又加文致焉冀免三法司之駁查漢路溫舒所云奏

東華錄

雍正二

八

當既成雖皋陶視之猶以爲死有餘辜者也口供案卷如是冤抑何從平反咎在聽斷之初心原非欲必得其情也今宜釐剔宿弊歸於明允毋得因循故事自墮奸欺也大計黜陟由爾司詳報督撫宜以用刑明慎執法不阿者爲賢能毋以善事督撫弗逆爾意者爲賢能也地方豪猾若苗有莠不除不翦害我嘉生至於良善巨室致政大臣猾吏或藉端侵抑之非所以稱朕意也邇來士大夫好云名實兼收所謂名者官爵也所謂實者貨財也習俗偷薄朕甚憫焉夫大廉之義百司攸同至納賄出入人罪於法尤重戕人之命破人之家以潤屋奉身歷觀古來逃於國法者十無一二免於罰者更百無一二書之呂刑曰獄貨非寶非聽訟者之明訓歟爾司其正己率下使法無枉撓庶幾刑措之風尙其助諸○諭道員爾等官歷監司所以贊襄藩臬承流宣化者也分守分巡職



居協理糧河鹽驛各有專司身居是官必顧名思義名者實之華也克副其實而後名歸焉如守巡兩道首先潔已惠民凡府州縣之廉潔貪污俱宜細加察訪不時密詳督撫以憑舉劾地方有土豪武斷尤宜禁戢窮除衛良除莠乃稱其實若但知趨承大吏或止圖下屬陋規一切吏治民生槩置不問貪庸陋劣殊負朝廷設官之意矣糧道專理漕運職任非輕使徒知起運規例扣剋運費苦累迎丁營私煩擾有玷官箴貽害百姓何所底止河道有董率工程之責凡分修河員孰賢孰否俱應洞悉並宜親身經歷查勘估計某口險峻某口平易某處隄工堅固某處冒支帑金儻不計虛實不辨勤惰僅以納賄多者為能員餽送少者為拙吏而於工程漠不經意一遇坍塌誰之咎耶鹽道一員尤關國課邇年鹽法弊竇叢生正項錢糧每多虧欠一由上下各官需索商人巧立名色誅求無已窮商力竭不得不那新補舊上虧國課高擡鹽價下累小民至於官鹽騰貴貧民販賣私鹽捕役鬪毆株連人命流弊無窮一由商人用度奢靡相仍陋俗不知節儉致欠額徵爾等運籌鹽法宜將陋例積習盡情禁革必思何以黜商何以裕課上供軍國下利閭閻方為稱職驛道為驛站錢糧所繫必廉節自守乃克剔弊釐奸凡驛遞馬匹數目多寡每有假冒開銷歲修船隻亦有虛浮不實該員一貪貨貨勢必昏庸或過於苛覈勒索多方經管屬吏疲不能支總之病官病民悉緣貪黷敬爾在官垂諸古訓靖共爾位載在風詩爾等各有常職各守官方名實二字極宜體認今以獻賂為實虛譽為名動云名實兼收內以欺已外以負國有視面目其何以立身而抒忠盡乎 皇考御極六十餘年以軫恤民生為首務各省道員必親加遴擢諄諄戒勉極其詳慎朕積

承大統翼翼小心惟仰體 皇考愛護三元之至意亦期爾等爭自濯磨振飭風憲以副朕望果能肅清綱紀無致廢弛當破格獎勵其或因循不改朕必置之重法○諭副將參將遊擊等官朕惟國家兵制凡疆宇要地既設提督總兵統率鎮守又設副將參遊分別營伍遞相鈐轄蓋從古治兵有大帥必有偏裨所以宣揚威武協贊軍機收指臂之效奠磐石之安也爾等所屬地形有險易兵數有多寡各宜豫定練兵之法親校騎射嚴試技勇簡拔驍銳更換老弱務令一營士卒人材雄健武藝精嫻又時教以行陣使之步伐進退井然有法日演月習氣壯心齊自成有制之師而無難折衝禦侮矣乃有不肖將弁不勤訓練按籍徒有虛名責效毫無實濟營伍廢弛為害最大究其弊由於將弁之貪利而廢法一在冒虛糧而兵無實數一在剋月糧而兵有怨心上虧天家之糧

東華錄 雍正二 九  
色誅求無已窮商力竭不得不那新補舊上虧國課高擡鹽價下累小民至於官鹽騰貴貧民販賣私鹽捕役鬪毆株連人命流弊無窮一由商人用度奢靡相仍陋俗不知節儉致欠額徵爾等運籌鹽法宜將陋例積習盡情禁革必思何以黜商何以裕課上供軍國下利閭閻方為稱職驛道為驛站錢糧所繫必廉節自守乃克剔弊釐奸凡驛遞馬匹數目多寡每有假冒開銷歲修船隻亦有虛浮不實該員一貪貨貨勢必昏庸或過於苛覈勒索多方經管屬吏疲不能支總之病官病民悉緣貪黷敬爾在官垂諸古訓靖共爾位載在風詩爾等各有常職各守官方名實二字極宜體認今以獻賂為實虛譽為名動云名實兼收內以欺已外以負國有視面目其何以立身而抒忠盡乎 皇考御極六十餘年以軫恤民生為首務各省道員必親加遴擢諄諄戒勉極其詳慎朕積

東華錄 雍正二 十  
餉下腹窘卒之脂膏身司戎務而不能廉正以服眾雖日示訓練之法誰為之踴躍用命乎爾等遇有兵丁空缺即選力勇技精者補足隊伍至於馬步各糧按期領給不得剋減分毫古之良將多以愛恤士卒克建膚功投醪挾纊之風爾等宜知嚮慕焉官軍之協守一方所以捍衛一方之百姓故曰設兵以衛民也防亂於未萌緝奸於已發俾居民安家樂業共享昇平自然受兵之利而不受兵之害儻或約束不嚴縱兵肆虐誘賭放債恃強奪利甚至地方小警不防禦緝捕以致奸宄滋蔓徒卸責於有司文武失和秦越相視殊背國家設兵鎮守之意律法具在罪有攸歸至於爾等簡用督撫中軍責任匪輕尤宜潔已奉公恪遵法紀至都司守備千總把總等員各有城守汛防之責亦宜努力稱職自奮功名朕念爾等會受 皇考選擇之恩自應保守前勞力圖後效果能整



飭戎伍允著干城之望朕自不惜寵以崇階儻若廢墮武備侵漁  
糗芻甚且妄執武官不惜死之言恣意逞威虐民生事爲害於地  
方王法森嚴決難輕貸○諭知府國家親民之官莫先於守令蓋  
州縣官與民最親而知府又與州縣官最親凡州縣興利除弊之  
事皆於知府有專責焉是知府一官分寄督撫監司之耳目而爲  
州牧縣令之表率承流於上宣化於下所繫甚重矣漢宣帝有曰  
太守吏民之本也又曰庶民所以安其田里而無歎息愁恨之心  
者政平訟理也與我共此者其惟良二千石乎故兩漢循良稱盛  
而賢守尤多龔黃召杜諸人大都皆廉潔和平正身率屬以爲民  
休養生息史稱其所居民富所去民思此皆彰明較著者也 皇  
考激肅官方慎簡僚吏知府中有政績茂異聲名著聞者必加優  
眷數年之間卽膺殊擢所以鼓勵循良務令羣黎受福爾等蒙

東華錄

雍正二

十一

皇考簡用之恩受國家民社之寄地方不甚遼遠則於民間之疾  
苦可以周知勢分不甚懸殊則於屬下之賢否可以洞悉爾果廉  
潔自持屏絕賄賂則督撫監司必不至肆行需索而州牧縣令亦  
不敢恣意貪婪近聞州縣火耗任意加增罔知顧忌以小民之脂  
膏飽貪吏之谿壑由爾不能卻遺金於暮夜又安能禁屬吏之濫  
徵乎盤查倉庫必須嚴實不可視爲故事乃或藉盤查之名勒索  
餽遺是因盤查而虧空愈甚矣爾能時勤勸誡加以體恤則州縣  
可無虧空之虞能制節謹度淡薄是安則爾亦可免虧空之累勸  
課農桑以厚風俗禁緝強暴以安善良平情聽斷以清獄訟皆爾  
職守之所當盡者至於督撫舉劾州縣必由爾之詳揭務須秉公  
持正勿涉偏私若善於逢迎者從而護庇薦拔之而端方恬靜之  
人反故爲推抑下吏皆苟且營私以求容悅地方之事尙可問乎

居官者每有初入仕途清操自矢漸登華要頓改初心既知砥礪  
廉隅卽當始終一節更有巧於仕宦者人每謂其名實兼收朕最  
不解此語夫名者實之華果能廉潔愛民奉公盡職此所謂實也  
治行稱首民歌輿誦此所謂名也實至而名隨之如本立而華茂  
焉若以弋取虛譽爲名而以封殖多藏爲實此則小人之尤更甚  
於貪黷彰聞之輩矣朕繼承大統夙夜祇懼惟恐有負 皇考付  
託之重深冀爾等各體此意精白乃心以古循良自勉若徇私納  
賄不能率屬愛民貽害地方蔑視憲典三尺具在朕不能爲爾等  
寬也○諭知州知縣朕惟國家首重吏治爾州縣令乃親民之官  
吏治之始基也貢賦獄訟爾實司之品秩雖卑職任綦重州縣官  
賢則民先受其利州縣官不肖則民先受其害胥茲任者當體朝  
廷惠養元元之意以愛民爲先務周察節屋綏輯鄉里治行果有

東華錄

雍正二

十二

其實循卓自有其名非內聚賄而外干譽謂之名實兼收也全省  
吏治如作室然督撫其棟梁也司道其垣墉也州縣其基址也書  
云民惟邦本本固邦甯夫所以固邦本者在吏治而吏治之本在  
州縣苟州縣之品行不端猶基不立則室不固庸有濟乎 皇考  
臨御六十一年灼知州縣之重特行引見諮詢明試至詳至慎其  
有廉能之員每不次超擢以示鼓勵今海內羣黎皆 皇考所懷  
保也朕膺 宗社重寄思繼 皇考之治功惟爾州縣諸臣具有  
父母斯民之責其爲朕立之基址以固邦本焉誠能潔己奉公實  
心盡職一州一縣之中興仁興讓教孝教忠物阜民安刑清訟簡  
朕將升之朝宇用作股肱如或罔念民瘼恣意貪婪或賸削肥家  
或濫刑逞虐或藉刻以爲清或恃才而多事或諂媚上司以貪位  
或任縱胥吏以擾民或徇私逞欲以上虧國帑王章具在豈爾貸



歎更有任州縣時私肥己囊而漫云且俟顯要方立名節者其與  
 初市清名晚而改操之人何以異哉至於錢糧關係尤重絲毫顆  
 粒皆百姓之脂膏增一分則民受一分之累減一分則民沾一分  
 之澤前有請暫加火耗抵補虧空帑項者 皇考示諭在廷不允  
 其請爾諸臣共聞之矣今州縣火耗任意加增視為成例民何以  
 堪乎嗣後斷宜禁止或被上司察覈或被科道糾參必從重治罪  
 決不寬貸夫欲清虧空之源莫如節儉正直節儉則用無不足正  
 直則上司不可干以私若股小民之生以飽上官之貪欲口不測  
 之罪以快一時之奢侈豈砥礪廉隅為民父母之道乎爾州縣等  
 官其各恪共乃職勿貽罪戾毋謂地遠官卑朕不及察其賢否也  
 ○壬午諭戶部恩賜老人原為崇年尚齒而地方賞老人者每州  
 縣動支數千金司府牧令上下通同侵扣吏役復任意需索老人  
 東華錄 雍正二

十不得一上負曠典罪不容追今飭令督撫嚴查務令有司親自  
 沿鄉訪察據實造冊給發不許絲毫侵扣儻仍蹈前弊立即參處  
 如督撫奉行不謹朕若訪出必加以失察之罪再老人九十以上  
 者州縣不時存問其或鰥寡無子及子孫貧不能養贍者督撫以  
 至州縣公同設法恤養或奏聞動用錢糧務令得需實惠○癸未  
 河南河隄合龍嚴諭河南巡撫楊宗義加謹防守○甲申召趙宏  
 運來京以蔡起俊為湖北按察使由雲南廣南知府遷○丙戌諭原任大學  
 士阿蘭泰王熙李光地尙書趙申喬等俱係 皇考時宣力效忠  
 之人作何追卹加恩之處總理事務王大臣會同白潢張鵬翮朱  
 軾議奏尋議阿蘭泰王熙加祭一次李光地贈太子太傅趙申喬  
 贈太子太保從之○上召來京叩謁 梓宮科爾沁達爾漢親王  
 和碩額駙羅卜藏滾布等入養心殿諭曰爾等先世俱在 太祖

時歸誠效順竭力同心誼若一家懋著勤績皆深沐 皇考加恩  
 愛養之人今聞 皇考升遐叩謁 梓宮哀號擗踊朕心深為憫  
 惻仰維 皇考視爾等如子孫於茲六十餘年恩隆情篤今 龍  
 馭上賓屬大位於朕躬朕仰承 皇考付託之重當視爾等如一  
 家深加愛養爾等宜感念 皇考深恩和衷共勵竭誠效力爾等  
 眾扎薩克俱有辦理旗務統轄眾庶之責凡事秉公矢慎各撫恤  
 屬下人等慎勿擾累○辛卯莊親王博果鐸薨○壬辰諭總理王  
 大臣議政大臣等青海台吉策零董洛卜著封為貝勒自西陲用  
 兵以來青海之王以下台吉以上各著勞績 皇考會降旨俟凱  
 旋之日再行計功今青海王台吉等歷年功績作何加封施恩之  
 處察明議敘具奏○追封輔國將軍巴爾堪為輔國公諡武襄以  
 其子巴賽襲○陳鵬年以病劇奏以齊蘇勒署河道總督修吉圖  
 東華錄 雍正二

署山東按察使由御史○癸巳召王企靖來京以裴粹度為江西巡  
 撫由貴州布政使遷○召張連登來京以納齊喀為湖北巡撫森圖為山  
 西布政使高成齡為山西按察使由江西瑞州府遷○甲午諭內閣各省  
 奏銷錢糧除地方正項及軍需外其餘奏銷項內積弊甚大若無  
 部費雖冊檔分明亦以本內數字互異或因銀數幾兩不符往來  
 駁詰一有部費即糜費錢糧百萬亦准奏銷或將無關緊要之處  
 駁回以存駁詰之名掩飾耳目咨覆到日旋即議准內外通同欺  
 盜虛冒此等情弊盡在 皇考睿照之中 聖恩寬大未行深究  
 朕今不得不加整理嗣後一應錢糧奏銷事務無論何部俱著怡  
 親王隆科多大學士白潢左都御史朱軾會同辦理或將各部賢  
 能司員指名保題或酌量另取官員令伊等管辦之處著王大臣  
 四人議奏尋議錢糧關係甚重應另立衙門設滿漢郎中員外郎



主事各二筆帖式十遴選賢能補用至錢糧除正項之外其軍需各省動用之項具題到日應准應駁臣等會同該部查覈議覆設立署名恭候 欽定得旨署名著為會考府餘依議○乙未諭九卿朕受 皇考付託之重撫育羣黎夙夜孜孜惟恐闕失所昨山東巡撫黃炳奏稱東兗二屬上年二麥失收小民未免困苦直隸河南鄰境之民有攜家覓食者朕即飭直隸河南巡撫加意撫綏招集復業但兩省巡撫並未奏聞朕恐其視為泛常奉行不力爾等可會同確議或特遣大臣或交與該撫作何賑濟之法務使窮黎得沾實惠又前歲河南黃水潰決汎溢於直隸地方比年以來兩省近水居民耕種無資衣食匱乏均應加恩撫恤爾等一併議奏尋議直隸河南流民應各派大臣一員會同該撫動常平倉穀賑濟其無力耕種者酌量賞給不能回籍者應令直隸河南山東巡撫加意撫恤從之○諭戶部原任兩江總督常鼎勳奏兩淮巡鹽御史張應詔科派加根銀兩經工部尚書李先復等審明覆奏爾部駁詰以為加根銀兩去年眾商既已供為張應詔所派今常鼎身故眾商遂改前供所審未為允協朕聞常鼎居官本無令名 皇考亦曾向朕言之其所奏豈可為準 皇考當日不肯據常鼎所奏定案故遣大臣前往察審今既已審明不必再行駁詰况張應詔本無科派之事眾商安得不改前供乎至於商人欲以此項銀兩充餉朕豈需此其已交十三萬餘兩准其抵算往年商欠其未完銀二十餘萬兩盡行豁免我 皇考恤商愛民若辨此事亦必如此歸結也至於眾商歷年所欠正項關繫國帑著該部悉心確議定限徵收○丙申 上臨莊親王博果鐸喪○諭吏部八旗滿洲翰林向無升轉之途甚為可憫伊等如何升轉之處著

東華錄

雍正二

五

議奏尋議嗣後翰林院滿洲侍讀侍講諭德洗馬國子監司業缺出將各部俸滿應升之人補授一員翰林院編修檢討補授一員分缺補用從之○命八旗舉人生員內有在讀軍執事人行走者俱退回生員仍給銀二兩舉人仍給銀三兩令伊等讀書○先是理藩院奏澤卜尊丹巴胡土克圖原係法教內之第一人數世行善垂九十年當噶爾丹叛亂時身率七旗之喀爾喀等來歸最為有功伊係喀爾喀汗之子土謝圖汗之弟遭逢 聖朝疊蒙殊遇前年 聖朝仁皇帝面諭之曰癸卯年朕壽七十爾壽九十大慶之年爾必前來斷勿食言胡土克圖領旨而回今雖年邁衰病遵諭來京謁見 梓宮志願已遂泊然示寂請照達賴喇嘛班禪額爾德尼之例給賜名號印冊以示優典得旨允命給與名號印冊既而喀爾喀土謝圖汗等以停止往弔胡土克圖奏謝諭胡

東華錄

雍正二

六



王之樞爲吏部右侍郎魏廷珍爲湖南巡撫查嗣庭爲內閣學士  
由翰林院侍講學士遷 ○王寅總理王大臣議奏宋明之禮 梓宮至山陵  
 嗣帝皆不親送宋時以親王宰相充之明時或以皇子親王主之  
 祈 皇上思宋明定制之深意念 宗廟 社稷之重任以慰臣  
 民之心得旨凡事當遵奉 皇考已行典禮方爲盡善前 曾祖  
 母太皇太后發引時 皇考親自恭送至 祖母皇太后發引時  
 皇考聖躬違和兼有足疾尙且 親送 梓宮啟行諸王大臣  
 豈能勸止乎親送 皇考梓宮至 山陵朕意已定大臣等勿再  
 強奏○諭提鎮副將俱係 聖祖仁皇帝簡用之員故將遺存弓  
 矢藥韃等物各行給賞伊等應作何敬謹迎接供奉俾 聖祖仁  
 皇帝恩澤遺及子孫累世永戴之處爾等會同兵部議奏等議所  
 賞物件應令伊等於子弟內選擇謹慎之人赴部祇領子孫永遠  
 供奉從之○以登德爲工部左侍郎尹泰爲內閣學士辦工部侍  
 郎事原任 ○降刑部尙書陶賴四級調用張廷樞五級調用侍郎  
 王景曾二級留任以審擬陳夢雷一案徇縱故也○癸卯楊宗義  
 丁憂以牟欽元署河南巡撫由布政使兼署 ○以巴泰爲左副都御史由  
 林院侍講學士遷 ○吏部議覆新進士除庶吉士外揀學問好者令爲內  
 外官學教習年滿遇月官扣缺補用餘回籍候選從之○甲辰封  
 瀋郡王允祐子弘曙爲長子貝子允禔子弘春爲貝子○乙巳總  
 理王大臣禮部九卿遵旨議奏臣等謹考典章恭上 仁壽皇太  
 后尊號伏承 懿旨以 聖祖仁皇帝梓宮奉移 山陵之事未  
 畢屢辭不允臣等眾懇懇求始荷允行今恭上 冊 寶典禮  
 皇太后仍欲遲遲仰見 聖德謙光追念 先皇誠敬哀慕之心  
 至真至切從古未有臣等竊思尊上 崇稱聖王之盛軌恪遵

慈諭大孝之至情況值 聖祖仁皇帝梓宮奉移 山陵在選  
 謹俟事畢之後恭上 皇太后 冊 寶典禮吉期交與欽天監  
 選擇舉行得旨是○以胡煦爲內閣學士由鴻臚寺卿遷劉師恕爲貴州  
 布政使由祭酒遷 ○大學士王揆以老病乞休允之○朝鮮國王李昉  
 奏謝敕封弟李昉爲世弟恩並報該國議政金昌集中樞李頤命  
 左議政李健命判中樞趙泰來等謀逆伏誅顛末報聞○丙午策  
 妄阿拉布坦使臣垂納木喀等朝見 上命都統拉錫等傳諭曰  
 爾國台吉在我 聖祖時雖有微勞亦多罪戾乃無故侵我哈密  
 發兵往招地殺害拉藏毀壞佛教惟天子統御萬邦理宜興師問  
 罪我 聖祖皇考至仁如天但令陳兵邊境俟其深悔前非即加  
 恩寬宥並無意於殄滅爾國也其後澤卜尊丹巴胡土克圖爲策  
 妄阿喇布坦再三求救我 聖祖皇考追念舊日微勞又曲鑒胡  
 東華錄 雍正二 六  
 土克圖老人懇款之意允其所奏令遣使往諭待其伏罪自陳即  
 降 恩旨今 聖祖皇考升遐朕繼承大寶胡土克圖老人遠來  
 再爲奏請是以復遣使於爾若爾台吉即遣親信之人誠懇陳辭  
 朕即寬宥以爾爾土字若冥頑不靈仍搆兵端亦可明言其意如  
 欲廣我 聖祖皇考之仁恩惟爾台吉欲振我 聖祖皇考之武  
 烈亦惟爾台吉朕仰承丕緒行我軍威爾台吉詎不稔知今胡土  
 克圖大喇嘛又已圓寂從此亦無有爲爾台吉奏請者矣可作述  
 定奪來奏若仍前枝梧則兵由爾起無與於朕也爾非專使故不  
 與爾敕書爾其謹識朕言一一往諭○己酉以李紱署吏部右侍  
 郎原任左副都御史 ○禁侍衛官員等私在諸王門下行走○庚戌諭黃  
 炳東竟爾屬去歲二麥失收直隸河南鄰境之民亦有攜家覓食  
 者朕覽奏惻然爾奏欲各捐己貲以爲賑濟爾等贊從何出勢必

一第 371 册 續修四庫全書



仍取之於民是賑民實以累民也不如動用倉儲遴員分路賑濟小民庶得均霑實惠至鄰省流移之民亦宜一體撫恤毋令失所又諭運道淺阻舊例撥派民夫挑淺濟運朕思東省連年薄收百姓未必堪此重役古人救荒之策有大興役以濟民食者不若竟動正項錢糧雇夫挑漕應雇既多散者復聚民資工食稍延殘喘民心鼓舞工程易就運道早通於興役之中即寓賑濟之意已有旨命修吉圖署理按察使赴河南與齊蘇勒商定料理運道俟其到日爾與公同料理

二月辛亥朔以宗室佛格勳廷儀俱為刑部尚書佛格由內閣學士勳廷儀由兵部左侍吳士玉為內閣學士由翰林院侍○王子諭各路將軍揀留精卒其老病者撤之○命張鵬翮為文華殿大學士兼吏部尚書由吏部○癸丑追封 皇太后曾祖額布根祖一等阿思哈尼

東華錄 雍正二 九  
哈番兼佐領額參父護軍參領衛武俱為一等公世襲以衛武子白啟襲○巴濟納休致以關色為盛京禮部侍郎由副都統遷○甲寅諭禮部朕奉 皇太后懿旨嫡妃那拉氏懿範性成德音素著孝敬惠慈宜承光宸極顯號中宮應立為皇后以宣壹教朕祇遵慈訓立妃為皇后應行典禮爾部詳察具奏○乙卯諭禮部陳鵬年潔已奉公實心為國因河工決口自請前往堵築寢食俱廢風雨不辭積勞成疾歿於公所聞其家有八旬老母著該撫賜司庫銀二千兩資其養贍伊母給以封典並予陳鵬年諡照一品廕其子○宗人府題莊親王博果鐸薨逝無嗣所襲乃承澤王碩塞之爵承澤王係 太宗皇帝之子 世祖皇帝親兄與 皇上甚近

理應 聖祖皇帝之子承襲得旨宗人府奏請莊親王之王爵於朕諸弟內著一人承襲朕奏請於 皇太后奉 懿旨令十六阿哥允祿承襲允祿著襲封莊親王其惠郡王博翁果諾之孫球琳著封為多羅貝勒將惠郡王原有佐領屬下人等俱著給與○命甄別翰林詹事官不安本分者勒令解退回籍○戊午諭總理王大臣等趙之垣將虧空錢糧知縣連參二員從前 皇考令趙之垣署理直隸巡撫事務專為清理伊叔趙宏燮錢糧也而伊視為與己無干但將屬下知縣連行參奏定例督參事件交巡撫審理撫參交總督審理直隸既無總督著將趙之垣所參虧空錢糧之知縣二員交與刑部確審他省若有此等奏參虧空內有別情者亦將一二案提交刑部審訊○諭吏部直省教官專司訓迪士子今捐納教職人員有不諳文藝之人不可為年長學優者師應照伊所捐品級別任補用該部議奏尋議各省教職俱以舉人恩拔副榜廩生揆貢補用其捐納人員教諭改以縣丞用訓導改以主簿用從之○以稽曾筠署河南巡撫給路費銀一千兩由左僉都御史遷○己未封朱軾母一品夫人並給銀二千兩○降級留任吏部左侍郎李旭升以老病乞休給還原品加尚書銜致仕○庚申諭總理王大臣及諸王大臣等外間匪類捏造流言妄生議論謂朕鍾愛十六阿哥令其承襲莊親王王爵承受其家產朕為君上多封諸弟數人為親王何所不可而必藉承襲莊親王以加厚於十六阿哥乎見今廉親王怡親王履郡王朕皆封以親王郡王矣大阿哥之子弘昉一閒散宗室亦見居親王邸第豈伊本分所應得乎且如發遣一人即謂朕報復舊怨擢用一人又謂朕恩出於私今諸王大臣具在朕所用佛格尹泰等何私之有佛格係宗室輔國將軍在 皇考時無薦舉之者故未蒙錄用朕聞其人可用或有裨政事是以擢為尚書尹泰為人明達伊係四格親戚或曾在二



阿哥處行走一二次亦未可定 皇考惜其材品仍授為盛京佐領今朕既知之何忍置之閒曹夫天子簡用所知之人乃分內之事非臣下所可妄議也勒什亨儉邪小人伊父蘇努係七十之黨結為生死之交七十等朋比為姦播惑人心擾亂國事朕於蘇努父子宥其罪戾疊沛恩施封蘇努為貝勒授勒什亨領侍衛內大臣御前行走亦冀其感念國恩改舊惡豈知伊等心無鑿足仍然結黨營私護庇貝子允禩代為枝梧巧飾將朕所交之事顛倒錯謬以致諸事掣肘難於辦理又朕諸弟兄家有姦惡太監數人種種引誘伊主若明正其罪詳審究擬則牽連伊主之處甚多朕念兄弟之情加意保全不加明訊將此輩姦惡小人發遣遐方令其疏遠曾謂勒什亨曰此不過懲治家人其事甚細不必記在檔案而勒什亨顯背朕旨記在檔案復以懇給佐領冒昧陳請狂妄

東華錄

雍正二

三

背謬勒什亨不可在內廷行走著革職發往西甯跟隨允禩效力又我朝舊制行軍之處必派王公等前往大將軍王允禩到京後未定應行回任與否經諸王大臣酌議將貝子允禩派往軍前駐紮西甯此不過為國事邊疆起見而允禩怠慢不肯起程奏云俟過百日又云俟 陵寢回來屢次推諉延時日誠屬何心且允禩之太監何玉柱一至微至賤之人而使有家貲數十萬伊府管領何人不可用而用一漢給事中秦道然豈非欲耀內廷太監以財利而要外廷漢人之稱譽乎如此作為朕猶並未革其貝子降其俸祿撤其家奴所懲治者特一二姦惡太監耳而遽謂朕陵偪弟輩揚言無忌悖亂極矣朕受 皇考洪恩歷年身居藩邸享安閒之福登極以來不辭勞瘁治益求治安愈求安誠以 皇考付託神器至重思欲仰副 皇考知人之明事事必求至當爾諸臣

理宜感發天良靖共爾位同心協力翼贊朕躬乃爾等之職分朕為普天率土之主爾等莫非臣下若任爾等之縱恣朕何以對皇考乎魯論有曰三年無改於父之道可謂孝矣朕受 皇考鞠育教誨深恩四十五年今承大統惟思永永無改何止三年是以朕之弟兄及諸大臣一切過犯無不施恩寬宥如陳夢雷罪大惡極朕詢問九卿大臣僉云陳夢雷斷不可留應行正法朕猶將伊免死發遣陶賴張廷樞竟將奉旨發遣之犯陳夢雷二子擅自釋放朕猶欲保全大臣免其治罪止以降級結案爾等果能悛改惡習竭力供職一二年後必有誠於中而形於外者朕自必知之如不悛改不思 皇考六十餘年教養深恩不感戴朕保全寬宥之意妄生事端干犯法紀朕斷不寬宥總之使朕廣推 皇考之仁慈惟爾等自勉之使朕昭宣 皇考之天威亦爾等自取之朕仰

東華錄

雍正二

三

體 皇考聖心仁愛欲保全爾等之意實出於至誠爾等務必成全朕之孝思焉特諭○以拉錫希布為內閣學士由少詹事遷○辛酉以張聖佐為兵部左侍郎由順天府丞遷○于故莊親王博果鐸祭一次造墳立碑諡曰靖○壬戌召董永芝來京以秦國龍為福建按察使由御史遷召張安世來京以甘國奎為湖南按察使由山西河東道遷召李繼謨來京以白洵為廣西按察使由雲南永昌道遷○癸亥諭禮部朝廷每遇覃恩詔款內必有旌表孝義貞節之條邇來直省大吏往往視為具文並未廣諮遠訪山僻貧寒之人或救水養親天性篤孝或柏舟矢志之死靡他鄉鄰嗟歎為可欽而姓氏不傳於城邑何可勝數爾部即行傳諭督撫學政務加意搜羅題奏旌獎勿以匹夫匹婦而輕為阻抑勿以富家巨族而濫為表揚以副朕成俗化民至意○實授陳守創總督倉場侍郎○總管內務府大臣莊親



王允等奏願貞門爲內廷禁近之地請將旗下護軍更換令內府護軍等看守分爲六班並於內府三旗內每旗補放管轄之員以司稽察得旨每旗著補放統領一員定爲三品餘依議○都察院奏科道等員內升外轉得旨升轉拘定年限未爲允協如外任好官因一盜案註誤不得升遷豈不可惜嗣後科道官內升外轉不必拘定歷俸年限俱行開列○甲子諭禮部奉 皇太后懿旨側妃年氏封爲貴妃側妃李氏封爲齊妃格格鈕祜魯氏封爲熹妃格格宋氏封爲懋嬪格格耿氏封爲裕嬪爾部查例具奏○乙丑宗人府題輔國公揆慧因昏憤不端革退其應襲公爵除溫良郡王猛戡之子輔國公延信並無別子請將延信改爲襲封輔國公得旨延信兼二公爵著封爲貝子○丙寅諭六部尚書侍郎等各部屬員既各分司則各有職守彼此不得干預况每司滿漢共

東華錄

雍正二

五

有六員不可謂辦事無人若皆關允貪庸何難指名題參另易其人安用他司越俎代庖乎此明係鑽營包攬爲漁獵之計嗣後不論何司不論滿漢永遠不得藉才能之名一人兼攝數司之事若有緊要事件暫時派出指辦一二事尙可○諭禮部國家掄才大典首重試官主考憑房考閱薦之文定其去取則一榜衡鑒之當否係於分校諸臣之賢不肖亦匪輕矣近科以來 皇考慎重關門額俊之典於順天鄉試及會試房考官慮其人邪正不一特命每房各用二人同閱試卷使之互相覺察彼此鈐制用意良爲周密但法久弊生一房兩考官皆遇秉公持正之人設有一狡黠者參雜其間卽爲賢者之累况兩人或皆不肖則朋比作姦爲弊更甚嗣後仍著照原定科場條例各房止用一人校閱其責既專其功罪亦難推諉務俾鎖鑰清肅悉拔真才以仰繼 皇考旁求

俊父之志○諭都察院各衙門募設書辦不過令其繕寫文書收貯檔案但書辦五年方滿爲日既久熟於作弊甚至已經考滿復改換姓名竄入別部姦弊叢生更有一等缺主名色掌握一司之事盤踞其中交通賄賂上下朋姦書辦尙有更換缺主總無改移子孫世業遂成積蠹自後書辦五年考滿之後各部院堂司官查明勒令回籍聽選如有逗留不歸者飭令五城司坊官稽察遣逐其缺主倚恃勢力抗違潛匿者刻卽參究押解回籍各部院一年一次保結具奏儻仍有潛居京師者或經朕聞知或被科道題參將出結之大臣官員一併治罪○諭科道等官 皇考臨御六十餘年至聖至明無日不以國計民生爲念凡所以諮訪吏治通達民情之意至爲殷切邇年以來無知小人見科道疏章稀少遂疑 皇考不甚信納羣言又譏言官皆緘默取容此大失 皇考本

東華錄

雍正二

五

懷真所謂坐井觀天也當時內而滿漢大臣外而督撫提鎮皆許其密摺言事蓋因各省地方事務督撫身親閱歷自能詳悉周知較言臣風聞言事勝什倍矣以此 皇考據所聞見折衷行之大小國政措置咸宜言官無所用其建白而實則天下之利弊無不洞燭於 聖心也朕仰承大統一切遵守成憲尤以求言爲急在京滿漢大臣外省督撫提鎮仍令摺奏外爾等科道諸臣原爲朝廷耳目之官凡有所見自應竭誠入告絕去避嫌顧忌之私乃爲忠盡若此時不能盡言卽後日官至大僚豈能期爾建立謀猷乎今著各科道每日一人上一密摺輪流具奏一摺止言一事無論大小時務皆許據實敷陳卽或無事可言摺內亦必聲明無可言之故在外候旨或召令面見或令且退其所言果是朕卽施行卽或未甚切當朕亦留中不發不令人知儻有徇私挾讐等情巧爲



瀆奏亦不能惑朕之耳目也摺內之言不許與人參酌如有漏洩或同僚知而言之則同僚即可據以密聞朕將兩人之摺合驗情事必不能隱諱推諉矣至於有能面折廷諍或彈劾權要或更革弊端不妨仍以露章奏聞朕亦不拒又朕居藩邸時在朝大小官員及 皇考御前之人以至藝術之流從無熟識往來者即藩邸豈無素所任使之人然從不假以顏色信用其言今朕躬攬大權所用一二人皆深悉其人可用而用之非有念舊偏徇之心誠恐向日效力微員藉稱王府舊臣在外招搖嚇騙生事干法其害甚大斷難姑容爾等可不時留心察訪一有聞見著即密參切勿畏忌爾諸臣其敬承明諭各抒忠悃毋負朕懸轡設鐸之意○諭直省督撫爾等抵任每使家丁管理事務號為堂官往往串通中軍旗牌威嚇勒索且使潛往各屬探聽事件各屬皆有坐省家人東華錄 雍正二 五

與督撫司關一氣相通爾謂甚密而彼已知之因得豫為賄屬若誤信其言則是非顛倒為害滋甚至走差齋本之人每至驛遞抑勒多端騷擾百出尤屬不法嗣後著永行禁止堂上辦事則遣佐貳官輪班值日奔走出差則於衙役中擇家道殷實謹厚熟練之人分任仍嚴加察訪若招搖生事即行革退○以直隸河南山東窮民就食來京者多倍增五城粥廠銀米展期一月○丁卯尊聖祖仁皇帝陵曰 景陵○命廉親王允禩管工部裕親王保泰管理藩院○戊辰改直隸古北口總兵官為提督 陵寢副將為總兵官○以修吉圖為山東布政使程光珠為山東按察使由清

○己巳恭上 大行皇帝尊諡曰 合天弘運文武睿哲恭儉寬裕孝敬誠信功德大成仁皇帝 廟號 聖祖頒詔天下軍恩有差○庚午祭哈爾厄魯特佐領羅卜藏錫拉布藍翎侍衛垂木

不爾等逃遁詔捕獲之遣侍衛達爾郎中鄂賴前往撫其餘眾○辛未趙之垣緣事革職以李維鈞為直隸巡撫由守○給川陝總督年羹堯二等阿達哈哈番世職並加其父原任巡撫年遐齡尚書銜○壬申命在京部院復行三年考察例○癸酉行百日大祭禮 上詣 壽皇殿躬親奠獻哭泣盡哀諸王大臣等奏 皇上追念 先皇悲思篤切躬親大事勞瘁倍常伏懇強制哀情仰慰 先皇付託之命其詣 壽皇殿拜奠之處乞多隔數日得旨朕因 皇考付託鴻基之重故愛惜此身於臣子哀慕之道十分未盡二三朕非強飾以取孝名但朕受 聖祖皇考四十五載顧復教育深恩今一旦永訣中心悲痛何能自己目今尚可瞻仰 梓宮罔極哀思乘此猶可稍展至 梓宮睽隔之後何由再得瞻仰 皇考乎朕躬尚能自持朕亦盡力強制諸王大臣所奏知道了東華錄 雍正二 五

○甲戌以胡期恆為陝西西安布政使由四川 ○永泰緣事革職以王景灝為陝西西安按察使由臨洮 ○寶授傅德陝西甘肅布政使以劉世奇為陝西甘肅按察使由成都 ○以西陲用兵青海王台吉等效力有年親王羅卜藏丹津加倅進爵有差○戊寅晉封喀爾喀郡王額駙敦多卜爾濟為親王額駙台吉策零貝勒丹津多爾濟俱為郡王輔國公博貝為貝勒○己卯諭吏部虧空錢糧各官若革職留任催追必致貽累百姓伊等既已獲罪革職豈可復留原任嗣後虧空錢糧各官即行革職著落伊身勒限追還若果清完居官好者該督撫等奏明著通行直隸各省督撫知之○副將軍阿喇納奏報羅卜腦兒回人古班爾等率領喇庫爾薩達克圖哈喇和邵三處戶口一千餘人輸誠投順○是月免荆州鍾祥等四州縣康熙六十一年旱災額賦有差



三月辛巳革職留任禮部左侍郎王思斌以老病乞休命復還原職致仕○癸未命建故一等公修圖賴修國綱圖海等祠春秋致祭贈圖海太師國綱國維太傅○甲申撤西藏駐防官軍及西甯入旗兵設戍於察木多○命吏部定直省督撫兼銜○加隆科多馬齊年羹堯太保○兵部議覆川陝總督年羹堯奏川陝事宜一打箭鑪之外中渡河口係通西藏要隘請將分駐嵐州之化林協守備移駐中渡建立土城撥把總一兵二百隨往分防一保縣在大河之南為土番出入隘口防汎不可不增請撥威茂營千總一兵一百名移駐保縣以資防禦一松潘口外各番部落不一而阿樹一處最為緊要今止給以委牌暫令土目管理終不足見信於羌番請給長官司職銜以資鈐束一建昌所屬越嵩衛地方甚為寥闊每多蠻獍出沒搶奪今僅設守備一員兵二百五十名實難東華錄 雍正二

分撥防禦請改設遊擊一見在守備即為中軍再添千總一把總一兵二百五十分防彈壓一大金川土司之土舍色勒奔曾因出兵羊崗著有勤勞請給以安撫司職銜小金川土司之勢一烏蒙土府地界最廣姦目達木等自土司祿鼎乾故後益逞兇暴土舍祿鼎坤祿為固情願擒獻俟二人擒獻達木給以土職各管其地下部議從之○乙酉諭部院各衙門凡一應衙門卷案各有典守之官稽查引據全以舊檔為憑此固一代之典冊六官之掌故不得視為具文也收貯卷案封禁雖嚴而翻閱查對不能脫書吏之手盜取文移改易字蹟百弊叢生莫可究詰嗣後司官遷轉將所掌卷案新舊交盤各具甘結說堂存案如有疏失換易等弊一經發覺與受同罪爾各部院衙門急宜查覈清楚設法封貯永杜弊端不得因卷案浩繁畏難退阻其交盤事例爾部院諸臣公同

確議具奏尋議各衙門卷案俱應呈堂用印收貯遇有查閱滿漢司官親身驗看升轉之日出結交代並請揀發專寫檔案筆帖式三年無誤保送補用從之○諭吏部各省督撫衙門事繁非一手一足所能辦勢必延請幕賓相助其來久矣但幕賓賢否不等每有不肖之徒句通內外肆行作弊黷陟屬員則清濁混淆申理訟獄則山直倒置敗督撫之清節誤督撫之功名彼則置身事外飽橐而去殊屬可恨夫今之幕客即古之參謀記室凡節度觀察等使赴任之時皆徵辟幕僚功績異著即拜表薦引彼愛惜功名自不敢任意苟且嗣後督撫所延幕客須擇歷練老成深信不疑之人將姓名具題如效力有年果稱厥職咨部議敘授之職位以示砥礪該部詳議具奏尋議各省督撫應將幕客姓名造冊報部勤慎無過者照應得職銜即用無職銜特疏舉薦者從優議敘如徇東華錄 雍正二

私保舉照徇庇例議處從之○丙戌諭吏部行取知縣今年著停止俟雍正二年舉行○戊子追封 皇后之父費揚古為一等公其子孫襲封一等侯○封川陝總督年羹堯為三等公○庚寅諭大學士等侍郎王懿在軍前效力已久亦有年紀著原任江西巡撫王企靖前往更換協辦軍需錢糧見今大將軍處事少兵部侍郎查克旦原任湖北巡撫張連登吏部侍郎王之樞俱著交與年羹堯在布隆爾地方墾地築城仍著帶伊原品效力○調黃叔琳為吏部左侍郎以盧詢為刑部右侍郎傅德署甘肅巡撫○調常壽為兵部左侍郎以尹泰為工部右侍郎諾敏為內閣學士署工部侍郎○由戶部○辛卯調刑部左侍郎王景曾為禮部侍郎行走以馬爾齊哈為額外內閣學士署刑部侍郎事○由額外○以石文焯為河南巡撫董永艾為江南安徽布政使○由福建按察使遷



以高其佩為光祿寺卿辦理刑部侍郎事彭振翼為四川按察使  
由甘肅 ○解戴鐸任以羅殷泰為四川布政使由吏部 ○壬辰諭  
 總理王大臣等吳爾占所犯之罪甚重朕即位伊始未曾誅戮一  
 人吳爾占又係宗室朕不忍將伊即正典刑著從寬免死從前伊  
 獲罪於 皇考貶其親王之爵伊等怨望肆行誹謗 皇考深知  
 伊等承襲王爵者不知感恩不承襲者又生怨望是以未令承襲  
 伊等希圖王爵互相侵害陷伊宗嗣於死地色亨圖又覬覦王爵  
 各處鑽營卒不能得復生怨望去年在南海子舉止傲慢以致  
 皇考震怒伊等俱屬無知妄亂不安本分之人不可容留京師經  
 希之子並吳爾占父子色亨圖父子給假五日料理發往盛京到  
 盛京時無論城內城外令其在五十里內居住伊等屬下佐領交  
 與該旗請旨朕另有處置包衣佐領內令其酌量力能養贍人數  
 東華錄 雍正二 元

帶往其餘交該旗請旨至於一切器用交與伊隨往之家人限兩  
 箇月務令收拾清楚起身前去不可潛留一人儻仍來往京師暗  
 通音信彼時朕不得已定按律治罪○召許兆麟來京以石成義  
 為江西布政使由候補 ○癸巳轉景日珍為禮部左侍郎以蔣廷  
 錫為禮部右侍郎仍在學士裏行走○吏部遵旨議覆直省督撫  
 兼銜查川陝總督統理西安甘肅四川三處事務控制番羌兩江  
 總督統理江蘇安徽江西三處事務地連江海俱應授為兵部尚  
 書兼都察院右都御史其餘總督及各省巡撫仍照舊例由各部  
 侍郎以及別項官員補授總督者俱改為兵部右侍郎兼都察院  
 右副都御史由侍郎補授巡撫者亦改為兵部右侍郎兼都察院  
 右副都御史由學士副都御史及卿員布政使補授巡撫者俱授  
 為右副都御史由左僉都御史補授巡撫者改為右僉都御史永

為定例從之○命奉旨速議事件限五日覆奏○甲午諭禮部  
 至聖先師孔子道冠古今德參天地樹百王之模範立萬世之宗  
 師其為功於天下者至矣而水源木本積厚流光有開必先克昌  
 厥後則聖人之祖考宜膺崇厚之褒對所以追溯前徽不忘所自  
 也粵稽舊制孔子之父叔梁公於宋真宗時追封啟聖公自宋以  
 後歷代遵循而叔梁公以上則向來未加封號亦未奉祀祠庭朕  
 仰體 皇考崇儒重道之盛心敬修崇德報功之典禮意欲追封  
 五代並享蒸嘗用申景仰之誠庶慰羹牆之慕內閣禮部可會同  
 具奏○乙未命詳定 陵寢風水攸關之處各樹紅椿設禁其遷  
 遠無礙者聽民樵採○丙申刑部議奏臺灣叛賊鄭文遠等家口  
 應分別定罪得旨凡謀反大逆以及謀叛重罪均無可宥按律凌  
 遲處死正法之祖父子孫兄弟及同居之人期親及伯叔父兄弟  
 東華錄 雍正二 元

之子不限已未析居男十六以上不論篤疾廢疾皆斬但此案事  
 起倉卒遠隔海洋親屬人等有身在臺灣者亦有身在內地者若  
 概從誅戮情堪憫惻除身在臺灣者依律正法外其內地者從寬  
 免死解部給與功臣之家為奴該督撫逐一詳查應行正法者正  
 法應行解部者解部○丁酉資送直隸山東河南流民回籍○己  
 亥復輔國公普照原爵○以署吏部侍郎李紱署左副都御史○  
 以鄂爾為內閣學士由理藩院 ○庚子諭禮部明季帝王皆不親  
 送梓宮故令親王大臣奉 主回京朕既親往若不躬奉 神主  
 於心何安俟 山陵事畢 主禮成朕親奉 皇考神主回京  
 途間如何分站及先還預備奉迎之處一併詳議具奏○辛丑諭  
 戶部陝省自軍興以來大兵駐紮運糧餉供草豆無一不需民力  
 皇考每為軫念今當大沛恩膏子惠元元所有康熙六十年以



前陝西全省民屯衛所未完銀米豆草悉予蠲免該部作速行文毋得遲留○吳存禮緣事革職以何天培署江蘇巡撫○由京口○解李世仁任以鄂爾泰為江南江蘇布政使員外郎○以黃叔琬為福建布政使少卿○召宋致來京以鄭任鑰為湖南布政使由翰林院侍○以劉廷琛為廣西布政使原任布○移奉天錦州府通判駐義州義州巡檢駐天橋廠○王寅以巴泰為吏部左侍郎由左副都史貽直署吏部右侍郎由翰林院侍○以遲維臺為湖南按察使由廣西○甲辰加左都御史朱軾吏部尚書銜○江蘇積欠蘆課學租等項撫臣請豁免部以不符詔款議駁上曰此雖非恩詔內應免之項但歷年最久備行催徵窮民必致受累著一併豁免○乙巳晉封輔國公阿布蘭為貝勒○以史貽直為內閣學士仍署吏部右侍郎由翰林院侍○封厄魯特額東華錄 雍正二

駙色布騰旺布為貝勒輔國公多爾濟色卜騰為貝子○丙午聖祖仁皇帝梓宮發引 上恭送至 景陵啟鑿○己酉以伊都立署內閣學士由詹○是月免東平歷城濟南等四十九州縣衛康熙六十年旱災壽張等五州縣康熙六十一年水災額賦有差夏四月辛亥 聖祖仁皇帝梓宮至 景陵奉安於 享殿○王子行奉安 享殿禮 上哀慕依戀欲留駐 山陵數日諸王大臣懇請乃 回鑾是日駐蹕豪門村南○命貝子允禩留駐 陵寢附近之湯泉於大祀日行禮○諭禮部 景陵辦理修飾甚好十七阿哥孫渣齊薩爾納甚屬盡心敬謹效力十七阿哥封為郡王孫渣齊薩爾納從優議敘○乙卯 上還京師○禁差員騷擾蒙古○丙辰命怡親王允祥管理戶部○命察八旗年老人員有獨子在軍前者奏聞○設繙譯科○戊午總理王大臣等以 聖

祖仁皇帝梓宮奉安 山陵大禮已成奏請 上御門聽政得旨諸王大臣所奏雖是但 皇考梓宮尚在 享殿安奉朕今即臨御正門理事心實不忍念 皇考付託重大節養朕身一切禮儀多有未盡每以天下萬民事關緊要勉強照常辦理亦無遲誤至御門理事俟 皇考梓宮奉安 地宮之後再為舉行○庚申諸王大臣復援據典禮再三懇請 上御門聽政乃允之○辛酉封怡親王允祥子弘昌為貝子○壬戌命黑龍江船廠歲派科道部院官經理其事○以范時捷署西安巡撫由甯夏總○癸亥諭總理王大臣等朕臨御以來時以天下蒼生為念凡自外省來京之員各處雨暘豐歉必面加詳詢蓋欲周知民隱也今差往致祭華嶽侍講學士田文鏡回京朕詢彼經過地方情形與百姓生理據奏山西平定州壽陽縣徐溝縣祁縣等處雨澤歉少民間生計維艱汾州府屬得雨亦未霑足地方官見在徵比錢糧夫巡撫以撫綏地方愛養百姓為職今平定壽陽等處黎民饑饉並未奏請賑濟緩徵反行催科小民何以存濟此皆因伊等去年會奏報得雨今欲掩飾前言甚屬不合巡撫德音布政使森圖著交該部察議仍即命侍講學士田文鏡會同巡撫德音率領地方官員將平定等四州縣饑民速行賑濟務使恩澤實霑撫養得所毋羈時日以致羣黎失業○甲子諭直隸各省督撫國家敦勵風俗首重賢良舉髦士以勸秀民實為政教之大端凡封疆大吏宜共體此意廣詢博訪不可視為具文漫不加察也前所頒恩詔內有每府州縣衛各舉孝廉方正暫賜以六品頂戴榮身以備召用一條距今數月未有疏聞豈通都大邑之中海澨山陬之遠遂無潛修砥礪克稱俊乂可應詔旨者歟誠恐有司怠於採訪雖有端方之品無由



上達殊負殷殷延攬之至意特著直省督撫速遵前詔確訪所屬果有行誼篤實素為鄉黨所推者即列名具奏毋得隱蔽及濫列塞責○直隸巡撫李維鈞奏原任署撫趙之垣應發回原籍令川陝督臣清查伊叔趙弘燮家產以完帑項得旨 皇考御極六十餘年用人之道嘉善獎能不吝爵賞宥罪赦過率多矜全如勇略將軍趙良棟乃心王室忠勇素著始終宣力 皇考待以隆恩異數超越等倫其子趙弘燮承襲餘蔭位任封疆不思竭力報稱惟圖利偷安以致事務廢弛庫帑虧空 皇考不忍遽加罷斥寵遇如初格外優容冀其改悔迨至病故又令伊姪趙之垣往署撫篆為之料理一切未完事件蓋不欲其行事一朝破露遂罹國法有損先人名節耳 皇考之所以待功臣者至於如此亦云厚矣朕繼承大統即洞悉趙之垣暗昧無知萬難勝任然猶仰體 皇考東華錄 雍正二

深仁厚澤曲加優庇面飭訓諭數次乃趙之垣怙終不悛昧於大義具摺捐銀三十萬兩始知前此所聞勒要屬官銀兩進上之言並非虛語試問此銀出於何所直隸全省數十萬民生繫於巡撫一人之賢否奉職無狀貢納財物謂可邀免有是理乎畿輔重地貽誤匪輕特令解任准其暫回原籍仍著速來完補伊叔任內虧空俟其完日另降諭旨猶是 皇考厚待功臣之意也趙氏子孫忍負國恩 皇考與朕甯忍負功臣後裔耶該部速將此諭行文川陝總督出示曉諭使咸知朕意○乙丑諭翰林院自古帝王臨朝施政右史記言左史記動蓋欲使一舉動一出言之微無不可著為法則垂範百世也 皇考聖祖仁皇帝英年踐阼即設日講起居注官於詞臣中擇其才品優長者以原官充補鉅典茂昭度越前代誠為聖帝哲王之盛事御極六十一年紹精一執中之統

勵敬 天勤民之心文謨武烈經緯萬幾盛德日新大業宏顯天下臣民仰瞻至治不啻日月麗天江河行地莫不敬信悅服記注之臣美不勝書 皇考聖祖仁皇帝謙德彌光聖不自聖惟恐史官或多溢美之詞故康熙五十六年以後裁省記注祇令翰林五員於理事時輪侍班行凡重務要旨仍令內閣諸臣記而存之意至周深也茲朕繼承大統夙夜兢兢日昃不遑思所以繼 皇考功德之隆下致四海晏安之治願惟涼德深懼負荷之難今御門聽政之初益當寅畏小心綜理庶事咸期舉措允宜簪筆侍臣何可闕數當酌復舊章於朕視朝臨御祭祀 壇 廟之時令滿漢講官二人侍班不獨記載諭旨政務或朕有一言之過一事之失皆必據實書諸簡策朕用以自儆冀寡悔尤庶幾懷淵冰之懷以致久安慎樞機之動以圖長治其仍復日講起居注官如康熙東華錄 雍正二

五十六年以前故事爾衙門即遵旨行○封十七阿哥允禮為果郡王○丙寅命國子監丞助教等官停用捐納○丁卯 上初御乾清門聽政○諭滿漢文武大臣官員等朋黨最為惡習明季各立門戶互相陷害此風至今未息惟我 皇考允執厥中至仁在宥各子保全不會戮及一人爾諸大臣內不無立黨營私者即宗室中亦或有之爾等若以向蒙 皇考寬大幸免罪愆仍蹈前轍致干國法昏昧極矣豈但滿洲即漢人亦與一家骨肉無異何苦波累及之夫人之性情各有所向豈有與通國之人無不投契之理但辦理公事不可存私今諸大臣俱在朕前朕居藩邸曾與爾等議及私事密相往來乎 皇考知朕中立不倚是以命朕繼承大統朕自思之亦惟朕方能不戮一人無一人不保全耳朕非獨因 皇考付託之重實感 皇考四十餘年教養深恩委曲周至



言念 宏慈昊天罔極此朋黨之習爾諸大臣有則痛改前非無則永以為戒爾等當思 皇考數十年寬厚之恩亦當共體朕委曲保全至意若仍怙惡不悛朕雖欲勉強仰體 皇考聖衷力為寬宥豈可得乎夫朕言是即宜遵行朕言非即宜陳奏朕未嘗拒也朕屢詔求言雖小臣欲進言者咸得上達每多召人屏去左右令其面陳爾諸大臣非不得奏之人乃隱匿不奏退有後言某人不當用某事不當行誠小人之惡習也夫朕所用之人所行之事如有不當爾等身為大臣何難陳奏所言果是朕即用之如不奏而但肆譏議設有人詰以不奏之故能無愧於心耶賢者朕之所好爾等即宜好之不肖者朕之所惡爾等即宜惡之乃或其人為朕所信任盡心竭力於國家之事則反謂其專擅作威如此人孰肯效其所為自取誹謗乎其或唯諾成風諸事不問但思自便其東華錄 雍正二年

身為己則得矣於國何補夫君親大義也譬若父之讐則與之相愛父之愛則與之為讐為人子者有是理乎要之以君之好惡為好惡然後人人知改其惡而遷於善君臣一心國之福也傳之萬世亦有合名爾等其祇承朕諭○諭大學士等爾等皆 皇考簡任者舊大臣論年齒雖與 皇考相等若經歷事務豈能仰及 皇考萬一 皇考實足為爾等之師是以爾等但能遵奉 諭旨者斯稱善已朕自幼未曾理事 皇考命朕紹承大統朕深念付託之重凡朕所降諭旨爾等以為是則曰是以為非則即諫奏勿得面從雖封還殊批諭旨朕亦深喜斷不譴責若但隨聲附和致自取辱非朕所望也○諭領侍衛內大臣八旗大臣等國家武備關繫重大爾等皆有訓兵責任昔 皇考嘗躬率士卒寓訓練於較獵之中 皇考騎射超倫士卒無不欽服各相鼓勵並非爾等

訓練所致朕不能企及 皇考則訓練之事惟爾等是賴但訓練士卒有實心操習者亦有虛應故事者若爾等按期較射以圖塞責不過閒談飲茶而散則不但徒勞軍士爾等亦徒多往返何益之有此皆朕居藩邸時素所深知者爾等能盡職朕必全爾等顏面爾等亦宜全朕繼述之孝思嗣後爾等務宜實力訓練比來軍士生計稍艱 皇考教養六十餘年恩賚頻施無不周備以天下之正供贍養兵丁如此外再欲加增錢糧亦恐難給兵丁生計之艱其故雖多大抵因奢侈所致爾等皆管轄兵丁之人應將平素守分者加以優獎奢侈者加以訓飭則自知懲勸矣此事一時亦難以移易朕與爾等約以三年為期如三年後仍不能改爾等之罪不止罷黜勿希復用彼時勿更怨望○禮部遵旨議覆 孔子先世五代俱應封公爵以明隆典得旨五倫為百行之本天地君親師人所宜重而天地君親之義又賴 師教以明自古師道無過於 孔子誠首出之聖也我 皇考崇儒重道超軼千古凡尊崇 孔子典禮無不備至朕蒙 皇考教育自幼讀書心切景仰欲再加尊重更無可增之處故敕部追封 孔子先世五代今部議封公上考歷代帝王皆有尊崇之典唐明皇封 孔子為文宣王宋真宗加封至聖文宣王封 孔子父叔梁紇為齊國公元加封 孔子為大成至聖文宣王加封齊國公為啓聖王至明嘉靖時猶以王係臣爵改稱為 至聖先師孔子改啟聖王為啟聖公王公雖同屬尊稱朕意以為王爵較尊 孔子五世應否封王之處著詢問諸大臣具奏○直隸撫臣奏請捐築太行等隄 上不允命給帑○戊辰除山西陝西教坊樂籍改業為良民○癸酉吏部議奏山西巡撫德音布政使森圖隱匿地方災荒既不奏報又



不停徵應革職得旨德音從寬免其革職著來京在學士任效力行走其員缺著內閣學士諾岷補授布政使森圖人不及著革退在驍騎參領效力行走其員缺著順天府府丞連肖先補授○甲戌追封故阿達哈番修養真爲一等公加贈太師諡忠烈○乙亥諭戶部朕臨御以來宵旰憂勤凡有益於民生者無不廣爲籌度因念國家承平日久生齒殷繁地土所出僅可贍給偶遇荒歉民食維艱將來戶口日滋何以爲業惟開墾一事於百姓最有裨益但向來開墾之弊自州縣以至督撫但需索陋規致墾荒之費浮於買價百姓畏縮不前往往膏腴荒棄豈不可惜嗣後各省凡有可墾之處聽民相度地宜自墾自報地方官不得勒索胥吏亦不得阻撓至升科之例水田仍以六年起科旱田以十年起科著爲定例其府州縣官能勸諭百姓開墾地畝多者准令議敘督撫

東華錄

雍正二

著

大吏能督率各屬開墾地畝多者亦准議敘務使野無曠土家給人足以副朕富民阜俗之意○命卓異官員留京以應升之缺用○丙子諭宗人府瀋郡王數年以來安分守己敬順小心朕御極後尤竭誠盡敬於 皇考大事一應典禮不願殘廢勉曲盡殊屬可嘉著晉封親王○丁丑 孝陵著草生馬蘭口總兵官范時釋奏聞恭進 上命傳示廷臣無不驚喜贊頌以爲奇瑞○命各省總兵官俱以捐子奏事○給戶部尚書孫渣齊內務府郎中薩爾納拖沙喇哈番世職○戊寅發內帑九十萬給入旗及內務府三旗經理生息以備護軍校及馬步兵等喜喪之用○是月免山東德州章邱臨清等四十四州縣衛康熙六十年旱災江南海州桃源徐州等十一州縣衛康熙六十一年旱災額賦有差五月己卯朔禮部等衙門奏請 御殿受朝諭朕原欲周年之後

始升御正殿今諸臣援引古典合詞懇奏朕限於禮制勉從所請其奏樂賜茶著停止○擢薩爾納爲左副都御史辦工部侍郎事由內務府○實授馬爾齊哈內閣學士○壬午加武英殿大學士王頊齡太子太傅○議敘追捕厄魯特羅卜藏錫拉布等並收管未曾逃逝厄魯特人員功封喀爾喀貝勒旺扎爾爲郡王公策布登策木楚克納木扎爾爲貝勒贈陣亡蘇尼特台吉進達克爲輔國公察哈爾副總管公額孫等世職弁兵等賞卹有差○甲申諭內閣湖北布政使員缺朕熟思數日不得其人著大學士尙書都御史侍郎副都御史等各保一人密摺封奏如更有堪任他職者亦併繕入再有裨政事放沃朕躬之言並附陳奏務宜謹密所奏必出於公正儻有交通約會等情經朕聞知不獨見輕於朕且彼此非笑亦當顧惜尙其慎之○諭禮部近日天時頗旱 皇考先

東華錄

雍正二

著

年屢降 諭旨云大喪之後必有旱年 太皇太后 世祖章皇帝 皇太后皇后之事俱曾經過朕當此之際嘗恐懼於懷而未懼也三月十二日雨雖霪足朕曾兩三次以儆惕之意曉諭諸人三月以來多風少雨遂覺旱乾再直隸山東山西河南地方連年雨水不調田禾歉收朕雖遣大臣官員賑救當此旱時民必皇皇朕心甚以爲慮朕在宮中久已盡心虔誠祈禱爾部亦虔誠祈禱諸大臣各敬謹齋戒○諭入旗大臣步軍統領及都察院大小官員有一定之品級卽有一定服式所以重名器辨等威也近多不按品級佩帶數珠且馬懸纓前用導馬更有將紬爲坐具者尤屬僭越嗣後應各按品級遵奉定例而行爾等嚴加稽察有仍前僭越卽行參處大臣官員亦毋得徇情隱庇再舊例諸王等以數珠鞍轡賞其屬下許令服用今後著將賞用之處行文該旗存案年



終彙奏以便稽查○直隸巡撫李維鈞奏直隸從前虧空計州縣歲之所餘積累填補二年督令清理得旨州縣官令少從容不慮窘乏方可實其盡心撫字少有餘貨亦可自為地方興利之舉何可勒令為他人補苴虧空耶○乙酉諭宗人府鄭家莊修葺房屋駐紮兵丁想 皇考聖意或欲令二阿哥前往居住但未明降諭旨朕未敢揣度舉行今弘皙已封王令伊率領子弟於彼居住甚為妥協其分家之處見今交與內務府大臣辦理其旗下兵丁擇日遷徙之處俟府佐領人數派定後舉行弘皙擇吉移居一切器用及屬下人等如何搬運安置何日遷移兵丁如何當差府佐領人等如何養贍及如何設立長久產業之處著恆親王裕親王溥親王貝勒滿都護會同詳議具奏一切供用務令充裕勿使伊艱難並貽累屬下之人彼處離京二十餘里不便照在城居住諸東華錄 雍正二 堯

東華錄

雍正二

堯

發諭旨所以令諸臣公議者原以求其至當朕本無成見爾諸臣宜矢公矢慎共襄盛治凡事當理即合朕意逢迎之術斷不可用○丁亥廣西巡撫孔毓珣奏薦梧州府知府張若需等升補蒼梧道等缺得旨蒼梧道員缺業已部選殷邦翰朕聞張若需居官聲名較優所以允行至其餘各員俱照爾所請爾統率一省該屬員自必有深知灼見處始行奏請假若日後改易操行切毋存回護之念姑息從事今日因其賢能而保薦後日因其改易而糾參正見爾之公正無私將朕此旨轉諭伊等俾各知儆懼時加慎勉庶不敢恃被薦在前而稍有放縱也保薦一事甚難或懷銜玉求售之心掩其不善而著其善一被愚惑他日受累不淺斷不可輕忽於一時也朕將合省百萬赤子付託督撫似此薦舉數人有何可疑而不推心信任其閒設有徇情納賄假公濟私實據斷不輕恕東華錄 雍正二 早

東華錄

雍正二

早

王一體行走除伊自行來京請安外其如何上班會射諸事著一併議奏尋議理郡王弘皙遷移鄭家莊山兵部領取車輛將需用物件載往其給與理郡王人數共三百四十五名見有護軍領催馬甲並親隨執事等均給錢糧令其當差行走鄭家莊城內原有房四百間如尙不敷再行添造見有欽放長史一員所請護衛十二員暫行跟隨侍衛三員藍翎侍衛一員俟有缺出照例咨部題明補放鄭家莊離京二十餘里升殿之日理郡王聽傳來京每月朝會一次射箭一次從之設駐防鄭家莊城守尉一佐領六防禦六號騎校六筆帖式二領催二十四名兵五百七十名○命八旗外任廢官准於臺站效力自贖優者予議敘○九卿分別議敘四川蓋造營房官員得旨議敘四川蓋造營房一事前則不及今又太過議事以公平正直為主何至參差如是若朕欲加恩何難特



行摺薦者備將情節聲明密奏則可今因初次朕姑從爾請特諭  
 ○甲午召金啟復來京以張謙為雲南按察使由雲南學政按察使司僉事選  
 乙未諭滿漢九卿詹事科道等天時亢旱朕夙夜焦勞敬謹齋戒  
 久未得雨意者用人行政之間尙有關失不能感召天和以致甘  
 霖未沛朕欲在廷諸臣直言得失猶恐視為具文概以諛詞頌揚  
 負朕實心求言之意今特諭爾等各具密摺凡朕所行之事或有  
 過失務盡言無隱即所行無過或更有應行事宜亦各據己見陳  
 奏使朕有則改之無則加勉方得古大臣責難於君之義至用人  
 一途或有未當爾等務必據實指陳勿避嫌怨即朕親信重臣不  
 妨指出上古君臣都俞吁咈至今傳為盛事爾等若能披肝露膽  
 極言直諫即所奏未盡合宜朕亦重其人品儻仍瞻徇依違浮言  
 塞責朕亦薄其為人爾等各宜副朕實心果有嘉謨嘉猷俾得見

東華錄

雍正二

聖

之政事將召天和而蘇民困胥在於此矣○丁酉命工部尚書徐  
 元夢署大學士戶部尚書孫渣齊辦工部事○戊戌諭大學士等  
 山西平定州等處山多田少粒食恆艱小民向賴陶冶器具輸運  
 直省易米以供朝夕近聞直隸州縣因米貴禁糶此方百姓何以  
 養給昔春秋時諸侯各君其國尙申遏糶之禁今天下一家海內  
 之民皆吾赤子自宜緩急共濟見今陝西督臣運米萬石賑救山  
 西甚愜朕意豈有坐視鄰封乏食反行遏糶之理自今凡鄰近郡  
 邑偶遇荒歉即行拯恤毋得各分疆界漠不相關其所當禁者富  
 戶規利販米動盈千萬又沿海數省運米出洋玩法網利該督撫  
 提鎮當嚴查禁止至肩負小民貿易度日悉從自便可也著直隸  
 巡撫曉諭鄰近平定州等處州縣不得禁糶以副朕一視同仁之  
 意並諭直省督撫知之○截留江西漕糧二十萬石貯山東備賑

○命山東諸湖蓄水以濟漕運○以河南懷慶等三府缺雨命撫  
 臣勸富戶糶儲粟以備賑○己亥諭大學士等孝經一書與五經  
 並重蓋孝為百行之首我 聖祖仁皇帝欽定孝經衍義以闡發  
 至德要道誠化民成俗之本也鄉會試二場尙以孝經為論題後  
 改太極圖說通書西銘正蒙夫宋儒之書雖足羽翼經傳豈若聖  
 言之廣大悉備今自雍正元年會試為始二場論題宜仍用孝經  
 庶士子咸知誦習而民間亦敦本勵行即移孝作忠之道胥由乎  
 此又聞各省鄉試房考凡州縣官由科甲出身者止許入闈一次  
 夫考官以秉公精鑒識拔人才為主何論曾否入闈嗣後凡遇鄉  
 科各省督撫臨場調齊科甲出身之員不論已未分房監臨試以  
 時藝一篇其文理優長者為內簾房考荒疏者俱外場執事則分  
 校得人而佳文盡拔矣朕於雍正元年開科廣額總欲鼓勵人才

東華錄

雍正二

聖

興起教化著該部通行直省督撫俾副朕崇教育才之意○上憂  
 早減膳虔禱甘霖立沛大學士等恭請 皇上復常膳報聞○張  
 聖弼緣事革職以朱綱為湖北布政使張保為河南按察使山監  
 史○賜禮部尚書張廷玉房一所銀一千兩○庚子 仁壽皇太  
 后不豫 上詣永和宮親視湯藥晝夜無閒○諭總理王大臣等  
 青海台吉兄弟不睦儻邊境有事大將軍延信駐紮甘州相隔遙  
 遠朕特將一切事務俱降旨交年羹堯辦理若有調遣軍兵動用  
 糧餉之處著防邊辦餉大臣及川陝雲南督撫提鎮等俱知照年  
 羹堯辦理邊疆事務斷不可貽誤並諭延信知之○以徐元夢張  
 廷玉俱署左都御史○辛丑丑刻 仁壽皇太后崩於永和宮先  
 是 皇太后久御永和宮禮臣等尊上 徽稱擇日恭進 冊  
 寶 皇太后命侯 聖祖山陵事成後舉行 上奏請 皇太后



移御甯壽宮亦未允至是奉安 梓宮於甯壽宮 上於蒼震門  
內設倚廬縞素居喪每日赴 梓宮前上食三次哀號弗輟羣臣  
莫不感泣○諭總理王大臣等貝子允禩原屬無知狂悖氣傲心  
高朕屢加訓誨望其改悔以便加恩但恐伊終不知改而朕必欲  
俟其自悔則終身不得加恩矣朕惟欲慰我 皇妣皇太后之心  
著晉封允禩爲郡王伊從此若知改悔朕自疊沛恩澤若枯終不  
峻則國法具在朕不得不治其罪允禩來時爾等將此旨傳諭知  
之○諭舅祖岳色 皇妣向欲加恩今仰體 慈懷著授爲拜他  
喇布勒哈番准襲一次○壬寅頒 大行皇太后遺詔○甲辰恭  
移 大行皇太后梓宮安奉 壽皇殿 上於順貞門內設倚廬  
以居每日親詣奠獻○是月免壽州合肥廬州等二十州縣衛康  
熙六十一年旱災額賦有差

東華錄

雍正二

聖

六月己酉諭刑部熱審減等國朝舊有成例蓋念時當盛暑囹圄  
之地倍覺炎蒸笞杖所加更爲酷烈故特予減等以昭法外之仁  
迨後日久弊生罪人妄希巧脫胥吏因緣爲姦故延日期致逃法  
網是以停止熱審減等之例以杜弊端我 聖祖仁皇帝如天好  
生凡閱讞章哀矜詳慎秋審決囚屢行停止至每歲夏月必 特  
沛恩綸監候者寬其刑具枷責者緩至秋涼雖停熱審之例仍寓  
減等之心恩至渥也朕仰體 聖慈時深欽恤嗣後每逢熱審之  
期仍復減等舊例其監禁重犯亦量加寬恤至情罪可疑及牽連  
待質人等暫予保釋俟秋後再行拘禁凡內外讞獄衙門一體詳  
慎遵行庶幾刑期無刑之意其有故意遲延仍蹈前弊希圖漏網  
者除本犯不准減等外官吏嚴加議罪爾部即通行直省尋議熱  
審減等自奉 上諭之日起立秋日止直省一體遵行從之○乙

東華錄

雍正二

卯諭理藩院郭爾羅斯之食爾等議將鄰近札薩克公巴圖旗下  
倉糧撥給散賑等語殊未妥協若將此項倉糧撥給將來伊旗下  
備散賑之用但止給與米糧餬口並無產業營生亦非久遠之計  
從前給產業買牲餼之事俱將富戶派出以致苟且塞責所給之  
物浮報數倍蒙古並不得實惠夫科爾沁一旗與別部落蒙古並  
同 太祖高皇帝時首先臣服且爲朕 皇曾祖妣孝莊文皇后  
皇祖妣孝惠章皇后之母家世爲國戚恪恭翼順歷今百有餘  
年今聞伊屬下之人乏食朕心軫惻著即動用正項錢糧三萬兩  
往賑再派出大臣一員司官一員往郭爾羅斯旗下將實在窮苦  
並無牲餼之人查明數目按其戶口給與羔羊牛隻務令寬裕足  
用爾衙門會同總理事務王大臣速議具奏尋議白都訥倉內發

東華錄

雍正二

聖

米二萬石按口給糧戶部撥銀三萬兩採買牲畜遣都統伯四格  
等馳驛前往賑給從之○己未免江蘇地丁釐課積逋○加封  
孔子先世五代俱爲王爵木金父公爲肇聖王所父公爲裕聖王  
防叔公爲貽聖王伯夏公爲昌聖王叔梁公爲啟聖王○實授托  
時戶部右侍郎○庚申諭戶部兵部朕治安天下欲兵民並得其  
所比年以來策妄阿喇布坦狂逞逆命發師致討四川陝西進藏  
官兵經歷險遠往返勞苦朕深憫念其倒斃駝載馬匹價銀及口  
外沿途與西藏留駐兵丁續補駝馬價銀著悉免追賠又西郵軍  
興以來民間急公趨事實慮朕懷聞陝西甘肅二屬各州縣衛所  
地丁銀每錢額外徵收三釐米每斗額外徵收三合以爲備荒之  
用徒有加賦之名究無賑濟之實著自雍正元年始將額外徵收  
銀米永行停止如有舊欠亦悉蠲除務俾均霑實惠以副朕鴻念

三三二



兵民至意○辛酉命京師八旗兵無恆產者移駐熱河喀喇河屯  
 樺榆溝獵田○壬戌署撫遠大將軍貝子延信奏據青海郡王額  
 爾得尼額爾克托克托奈來稱維下藏丹津等領兵來侵率兵交  
 戰四次屬下人多陣亡其餘亦逃散又將牲畜劫掠今率妻子來  
 投乞賜救援等語臣等暫住蘇油口內奏入命遣官慰撫之  
 ○癸亥以三泰為禮部右侍郎山內閣學士遷○甲子河決中牟命僉都  
 御史嵇曾筠往偕巡撫總河塞之並查賑被水州縣○遣副都統  
 廣福等往巴衍喀喇大山致祭黃河源○署撫遠大將軍貝子延  
 信奏青海公噶爾丹達錫來至甘州據稱率弟台吉鄂齊爾台吉  
 阿旺達克巴領兵與貝勒阿爾布坦溫布等相拒我兵敗散賊人  
 肆行搶奪來投進口等語臣已令噶爾丹達錫暫與伊叔額爾德  
 尼額爾克托克托奈同居報聞○丙寅 上詣 大行皇太后梓  
 東華錄 雍正二 聖  
 官前行大祭禮釋服 上始回養心殿○丁卯總理王大臣等官  
 會議恭請 四后同附 聖祖廟 尊諡並加仁字諭朕惟 母  
 后升附 太廟 大典攸關欲伸臣子之孝思必準前代之成憲  
 務得情理允協乃可昭示萬年諸王大臣等奏請 四后同附  
 太廟引據宋朝太宗真宗四后附廟之禮朱子及有宋諸儒皆以  
 為允當覽奏既得展朕孝敬無窮之心復合前代斟酌盡善之典  
 不覺悲慰交集恭惟 孝誠仁皇后元配 宸極 孝昭仁皇后  
 孝懿仁皇后繼位中宮 孝恭仁皇后誕育朕躬母儀天下按  
 先儒附廟之儀一元后一繼立一本生以次並列今 母后升附  
 位次當首奉 孝誠仁皇后次奉 孝昭仁皇后次奉 孝懿仁  
 皇后次奉 孝恭仁皇后如此庶於古禮符合而朕心亦安矣○  
 以嵇曾筠為兵部左侍郎由左僉都御史遷○壬申追封 聖祖敬妃為

皇考皇貴妃○諭直隸巡撫李維鈞畿甸之內旗民雜處向日  
 所在旗人暴橫小民受累地方官雖知之莫敢誰何朕所稔悉爾  
 等奮勉整飭不必避忌旗漢冰炭之形迹不可畏懼王公勳戚之  
 評論即皇莊內有擾害地方者毋得姑容皆密奏以聞○河南巡  
 撫石文焯奏河南永城等處蝗蟲飛集得旨蝗蝻生發盡力捕捉  
 乃不成災考古捕蝗惟有撲滅之法甚善若怠忽從事捕不盡力  
 而委之天災者皆誤也○甲戌以衡鑿公慎議敘順天考官加朱  
 軾太子太傅張廷玉太子太保○乙亥諭吏部兵部三年舉行大  
 計五年舉行軍政其居官優者列為卓異劣者分別輕重置之八  
 法所以激敘官方勸善懲過典至重也朕思卓異入法所舉所劾  
 不過十數人而平等供職不列舉劾者尚有多員如文員倉庫之  
 盈虧辦事之能否武官騎射之優劣訓練之勤惰皆未填註考語  
 東華錄 雍正二 吳  
 是考課羣吏尚有遺漏之處也嗣後大計軍政除卓異八法照例  
 舉行外其平等官員文職自知縣以上武職自守備以上俱於大  
 計軍政之年令督撫提鎮註明考語造冊報明吏兵二部務期秉  
 公覈實不得徇情任意顛倒是非爾等確議具奏尋議嗣後不入  
 舉劾文武官督撫提鎮等秉公填註考語送部察覈從之○諭戶  
 部各倉監督向有年限滿漢一同更換立法最善前任若有未清  
 後任豈可接受所以稽錢糧之出入而除虧空之弊端也惟通州  
 坐糧廳貯有通濟庫每年動用輕齋等項司其出入關繫錢糧數  
 十萬兩而坐糧廳一差並無年限或滿員升轉則更滿員或漢員  
 升轉則更漢員滿漢參差更換彼此牽制回護勢難徹底澈清况  
 在任日久儻有虧欠必致積累增多更難清理爾部可將通濟庫  
 錢糧逐一確查務期明晰其坐糧廳一差嗣後或限二年或限三



年滿漢一同更換庶接受之際不至含糊而弊端亦自此清釐爾  
部即確議具奏尋議坐糧廳三年一次滿漢一同更換定爲例從  
之○以朱絳爲廣東按察使由華高○丙子諭內閣旗員爲外吏  
者每爲該旗都統等官所制注選取結勒索重賄得缺後復遣人  
需索五旗諸王分外苛求或縱門下人員肆意貪索以致該員竭  
蹙餽送虧空公帑嗣後如有仍蹈前轍許本官據實密詳著撫轉  
奏督撫容隱即揭都察院轉奏各御史亦得據揭糾參○諭領侍  
衛內大臣等奉天地方乃我國家啟祥之所甚屬緊要朕前詣奉  
天聞地方人言論悉知兵丁差役煩多不能休息之處曾降諭旨  
令將軍唐保住將無用地哨悉行撤退而將軍副都統於定額親  
隨兵丁之外多帶百餘人省城官員又各帶其子弟因而屬員效  
尤各多帶兵丁以致應差乏人兵丁仍多勞苦又於槍手中以選  
東華錄 雍正二

命外任文武官員除特參貪酷外其因公註誤降革解退之員將  
任內錢糧案件完結之後各親赴都察院具呈十日一次彙題代  
奏有可取者酌量錄用○佟吉圖緣事革職以須州署山東布政  
使由太僕寺○是月免東明長垣二縣康熙六十年水災額賦有  
差

東華錄

雍正二

癸



東華錄

雍正三

臣王先謙敬編

臣周澗蕃恭校

秋七月己卯諭駐紮西甯辦青海事務兵部左侍郎常壽據貝子延信奏報親王羅卜藏丹津貝勒益蘇克汪扎爾等率兵四千搶奪王額爾得厄厄爾克托克托奈等爾宜遣人勸阻令其和好若羅卜藏丹津藉此侵犯邊塞則不可不加懲治此事或爾親往和解或遣賢能官員喇嘛等往彼和解爾悉心籌畫與年羹堯商酌而行○壬午以恆德本錫俱辦理藩院侍郎事俱由理藩院郎中選○實授年希堯廣東巡撫○癸未雲南巡撫楊名時奏巡撫衙門規禮共有五萬餘兩准留若干其餘應充公用諭督撫羨餘豈可限以科則拘以繩墨惟視秉心何如耳取所當取而不傷乎廉用所當用

東華錄

雍正三

而不涉於濫固不可賤削以困民亦不必矯激以沽譽若一切公用編賞之需至於拮据窘乏殊失封疆之體非朕意也必使兵民溫飽官弁豐足督撫司道亦皆饒裕乃朕之所願是在爾等揆情度理而行之其是與否自難逃朕之鑒照也○甲申諭禮部國家祀典必貴潔誠先農壇每歲展祀且為親耕藉田之所最宜清肅舊制園壇內有地一千七百畝以二百畝給壇戶種植五穀蔬菜以供祭祀餘一千五百畝每年交租銀三百兩以備修理間康熙四十年間內務府撥給園頭耕種菜蔬無所從出惟向市中採買殊非潔淨精誠之意今著園頭清還地畝仍給太常寺壇戶耕種以供祭祀之需餘地一千五百畝著將內外園壇查明丈尺每種地十畝估計令其修牆若干務期加謹葺護毋致傾壞每年派滿漢太常寺少卿一員不時稽察庶壇境精潔祀事更加虔謹

矣○命工部借造貢院內應用桌椅等器不許借用五城民間之物以滋擾害○遣官赴盛京江西湖廣糴米運京師○丙戌諭大學士等總督巡撫保題官員與例不合者部議不准行甚是其應否照伊所請補授朕自另降諭旨朕亦看保題官員之人何如耳如恣意徇私妄行保奏朕斷不准行 皇考當日亦是如此○工部議覆川陝總督年羹堯疏奏布隆吉爾地方北連哈密西接沙州去嘉峪關約五百餘里請建城一座屯兵駐守則柳溝赤金始得屏捍應如所請從之○丁亥命軍前官弁升補本旗省員缺遺員署其事○戊子諭內閣前因年羹堯奏稱趙之壇情願捐銀一萬兩往布隆吉爾地方築城效力朕念趙之壇係功臣之後若伊才具不勝知府之任道員事簡易辦捐銀敘用似屬可行若趙之壇才克勝任即留知府用見今趙引變虧空庫銀三四十萬兩交

東華錄

雍正三

二

與趙之壇料理又何必另外捐銀况年羹堯啟奏築城已有張連登王之樞等可以竣事今復遣往效力議敘似又開一捐例斷不可行若布隆吉爾築城張連登等所捐之費不克完工今年羹堯密摺具奏再將情願效力者發往此朕從前諭旨也爾等票籤全不符合將朕緊要語句俱行遺漏爾等俱係 聖祖仁皇帝委任大臣 聖祖仁皇帝天縱生知兼之臨御日久諸事精熟爾等舛錯之處全賴 聖祖仁皇帝改正所以不至誤事今朕臨御之初內藉大學士外藉督撫提鎮理應諸事勤慎盡心協辦如前日本上脫落一字事雖甚小然不得謂小事便可輕忽本章用心細閱自無錯誤又如前口蔡珽所奏之事即係年羹堯奏過之事爾等又票該部議奏朕疑其或有異同照籤批發及觀部議仍是一事何至玩忽如此朕若亦如爾等玩忽督撫本章概批依議用人一



途聽之九卿隨意保舉豈不省事但爾等可以負朕朕何忍負我  
皇考之深恩乎況朕於爾等陳奏虛心採納並未有偏執之處  
人非聖賢孰能無過爾等若能指摘朕過朕心甚喜改過是天下  
第一等善事有何繫吝以箱結爲老成以退讓爲謹慎非朕所望  
於爾等之意也○以史貽直爲吏部右侍郎由內閣學士遷○命征勦西  
藏臺灣有功員弁身故者均予議敘著爲例○己丑諭戶部朕自  
臨御以來勤求民瘼事無鉅細必延訪體察務期利民而於徵收  
錢糧尤爲留意惟恐閭閻滋擾此念時切於懷如江西省有漕米  
各州縣運糧到省又自省倉搬上軍船故有腳耗扒夫修倉補墊  
等項編載全書歷來支給已久自康熙二十三年部中誤駁不准  
支給行令追還嗣後一例駁追究無完解至三十四年 聖祖仁  
皇帝特頒諭旨將從前已經支給者俱免追賠恩至渥也至康熙  
三十八年部議又以腳耗與扒夫等項分晰未清仍令扣追不知  
腳耗乃貼運之總名扒夫等項乃支給之細數實一事非兩項也  
自康熙三十八年至今二十餘載應追銀五十一萬餘兩米六十  
一萬餘石積累增多究無完解追比日久官民均受其累朕知之  
甚悉特諭爾部將從前積欠盡免追賠向後准其支給副朕加惠  
黎元體恤有司之意○諭著撫遠大將軍貝子延信爾遺書與額  
爾得尼厄爾克托克托索等稱欽奉諭旨青海台吉皆係顧實汗  
之嫡孫自我朝 太宗皇帝時願實汗與達賴喇嘛和好恭順效  
力至今百年蒙我 皇考施以恩寵加封名號普加庇護後經策  
妄阿喇布坦敗壞黃教圍困西藏殺害拉藏且復謀侵爾等於是  
我 皇考遣發大兵同爾等送達賴喇嘛至藏振興黃教今羅卜  
藏丹津無故稱兵以王等不入伊黨自相侵害朕仰體 皇考眷

東華錄

雍正三

三

念願實汗子孫之意其罪未明尚不忍卽加征討已遣侍郎常壽  
往問羅卜藏丹津所行情事若羅卜藏丹津知罪悔過朕當定其  
是非和解爾眾仍令爾弟兄照舊居住青海如果羅卜藏丹津不  
遵朕旨侵犯邊塞豈可不遣兵征勦今王之屬下人等盡被搶擄  
窮困投至甘州朕聞之不勝惻然特遣郎中通智辦給王公並屬  
下人等廩餼牲畜令從豐厚王等在彼安住不須憂慮朕斷不使  
爾等稍有拮据也可如是往諭並譯蒙古文發往○庚寅諭倉場  
侍郎糧運關繫國儲必須進行無阻始得及早抵通自楊村至通  
州河道多有淤淺糧船起剝每致耽延以致回空凍阻並誤新漕  
著該督嚴飭坐糧廳查看河道有淤淺處作速挑濬深通毋使阻  
滯並知會天津總兵官用心催趕且天津一帶地方向有販賣私  
鹽等弊糧船不許停泊火速趨行直抵通州至通後速行起卸交  
倉毋得需索抑勒苦累軍丁朕去年親自閱倉知漕運過壩一晝  
夜可五萬袋可見交卸甚易爾等加意督催務使空船早得回南  
新漕亦可無誤漕務一事朕親身閱歷纖悉洞知爾等儻不盡心  
料理或因勒索致有遲延責無所諉○辛卯諭禮部朝鮮國歸我  
朝以來恪盡藩職進貢年久在 太宗文皇帝 世祖章皇帝  
聖祖仁皇帝時屢次施恩將伊國貢物減免今所貢物尙多此內  
若有可減去者爾部會同內務府確議具奏再加減免以紓朝鮮  
民力尋議朝鮮貢物嗣後請酌減布八百匹獺皮百張青鼠皮三  
百張紙二千卷從之○頒賜朝鮮國王李昉段匹及使臣李穡等  
賞賚有差停止筵宴 上召使臣李穡進見諭曰爾朝鮮國王啟  
疆東土於我 太宗文皇帝時誠心豫附恪守藩封我 太宗文  
皇帝 世祖章皇帝視同一家恩施優渥爾國王祖父亦能仰承

東華錄

雍正三

四



厚澤奉職惟謹百年於茲矣我 聖祖仁皇帝化成久道萬國來  
 王念爾國君李焯幼繼嗣服光紹前猷權不下移惠能撫眾數十  
 年來職貢匪懈用是 隆恩異數寵眷有加賚予便蕃貢物頻減  
 病則賜之以珍藥歿則錫之以榮名 特遣近臣優頒奠帛今朕  
 續承大統爾嗣王李昉遣爾恭進賀表朕嘉爾嗣王忱悃肫篤又  
 念爾係嗣王宗族特行召見以示優禮爾歸告爾嗣王繼乃祖父  
 之緒夙夜匪懈慎守綱維毋替厥服長為屏翰不忘恭順克殫忠  
 誠朕必體 列聖怙冒宏仁俾爾遠藩保安於永久爾其識之  
 ○壬辰禁出差官騷擾地方州縣官託名私派○總理王大臣等  
 議覆給事中碩塞奏八旗都統印信清文係固山額真字樣額真  
 二字所關甚鉅非臣下所可濫用應請改定以昭名分將固山額  
 真改為固山昂邦伊都額真改為伊都章京八旗印信改鑄從之  
 東華錄 雍正三 五

○署撫遠大將軍貝子延信奏額爾得尼厄爾克托克柰之子  
 阿拉布濟索諾木達什來稱與賊人交戰相拒六七日賊人退去  
 領兵五百及其妻子共一千餘口來投等語臣已遣往額爾得尼  
 厄爾克托克柰處居住報聞○癸巳諭下五旗諸王母許私派  
 所屬旗人多供差使擅自苛虐治罪○派滿洲御史稽察八旗事  
 務○甲午諭大學士等史書務紀其真而史才古稱難得蓋彰善  
 癉惡傳信去疑苟非存心忠厚學識淹通未能定得失於一時垂  
 鑒戒於久遠也有明一代之史屢經修纂尙未成書我 聖祖仁  
 皇帝大公至慎之心旌別淑慝務期允當惟恐幾微未協遂失其  
 真鄭重周詳多歷年所冀得良史之才畀以編摩之任朕思歲月  
 愈久考據愈難目今相去明季將及百年幸簡編之紀載猶存故  
 老之傳聞未遠應令文學大臣董率其事慎選儒臣以任分修再

訪山林績學之士忠厚淹通者一同編輯俾得各展所長取舍折  
 衷歸於盡善庶成一代信史足以昭示於無窮著將滿漢大臣等  
 職名開列具奏○諭工部沿河州縣向有額設河夫自百名至數  
 十名不等興工則併力濬築工停則分遣巡防損者隨補塌者隨  
 培修搶擁護俱係熟諳夫役故雖偶有衝決不能為患近聞管夫  
 河官侵蝕河夫工食每處僅存夫頭數名遇有工役臨時雇募鄉  
 民充數塞責以致修築不能堅固損壞不能隄防冒銷誤工莫此  
 為甚嗣後著總河及近河各省巡撫嚴飭河道不時稽察按冊覈  
 實禁絕虛冒儻有仍前侵蝕貽誤河防者即行指名題參○伊忒  
 海緣事革職調吳爾泰為盛京兵部侍郎常壽為戶部左侍郎以  
 伊都立為兵部侍郎由詹事府○以牛鈕為兵部右侍郎由左副都○  
 王昭度以病免以李紱為兵部左侍郎由左副都○以李鳳翥署  
 東華錄 雍正三 六

兵部左侍郎由鴻臚寺卿○以薩哈布在軍前命為額外侍郎調登德  
 為禮部左侍郎轉尹泰為工部左侍郎以薩爾納為工部右侍郎  
 仍兼左副都御史○以鄂托拜為內閣學士由給事中○己亥奉天  
 將軍唐保住奏虧空錢糧各官應照數追完得旨將軍唐保住將  
 虧空錢糧之存住等參奏甚是歷年以來諸臣不知感戴 皇考  
 寬厚慈祥之恩轉以侵盜國帑勒索小民之事視為故常玩法已  
 甚不可不隨時整理此案係已往之事是以但加申飭儻三年之  
 後仍復如是斷不寬宥爾等宜深悉朕心凡事須秉公辦理○辛  
 丑頒 聖祖欽定孝經行義○壬寅以隆科多王項齡為明史監  
 修官徐元夢張廷玉朱軾覺羅達泰為總裁官○甲辰以涂天相  
 為內閣學士由詹事府○丙午諭諸王大臣及內外文武各官朕維自  
 古帝王治化隆盛中外臣民頌禱情殷故天保之詩卷阿之什往



往有之我 聖祖仁皇帝御極六十餘年深仁厚澤超過百王臣  
工黎庶無以致其感激愛戴之誠每於 萬壽聖節京師暨直省  
各建道場誦經祝壽今朕嗣位之初夙夜祇懼所以立政圖治者  
安能及 聖祖之萬一爾諸臣工於朕誕日儻仍照從前建立道  
場則此後將成定例在京王公及部院等官未免從事靡文稽遲  
公事在外文武大吏亦恐科派屬員貽累地方且有有用之財供  
無益之費既非朕以勤儉勵有位之心又非朕以康阜期海內之  
意甚無取焉特宣布中外於朕誕日毋得建立祝壽道場但冀內  
外諸臣各殫厥心勉襄化理以慰朕宵衣旰食之焦勞即不啻天  
保卷阿之祝頌矣若不遵諭旨朕必加以處分不少寬貸○諭禮  
部湖南士子赴湖北鄉試必經由洞庭湖湖水浩瀚無涯波濤不  
測六七月間風浪尤險聞有覆溺之患朕甚惻然或致士子畏避  
東華錄 雍正三 七  
險遠裹足不前又非朕廣育人材之意今欲於湖南地方建立試  
院每科另簡考官俾士子就近入場永無阻隔之虞共遂觀光之  
願明年二月為鄉試之期爾部即可行文湖南巡撫若能於二月  
之前豫備場屋則於明春即分湖北湖南兩闈考試儻為期已迫  
豫備不及則於下科舉行至於湖廣通省取中原有定額今既分  
兩闈其取中之數應如何分別之處著湖南湖北巡撫公議湖廣  
總督從公酌定具奏○命尚書侍郎等官每日一人輪班奏事密  
摺封進○以岳色為左副都御史由翰林院侍讀學士遷○是月免陝西平  
涼等廳州縣衛所康熙六十年旱災涼州古浪所屬大靖雹災直  
隸東明縣康熙六十一年水災額賦有差  
八月戊申朔李英貴緣事革職以法敏為總督倉場侍郎由直隸巡道遷  
○己酉加上 列祖 列后尊諡○諭鹽政約束商人循禮安分

東華錄 雍正三

嚴禁奢靡僭越○諭各省關差及崇文門稅務嚴禁胥役勒索阻  
滯○庚戌御史孫塔等題參戶部事件違限得旨從前戶部堂官  
將部中事件累百壅積怠玩不理自怡親王辦理戶部事務於展  
限四十日之內一切積弊剔除殆盡獎勵屬員清理數千案件甚  
屬可嘉即使偶然遺漏一二小事不但無庸議處其清理如許事  
案當應議敘察議之處著從寬免至御史孫塔等以逾限題參如  
此方是凡勤敏效力之人偶有過失姑從寬宥其權在朕大學士  
亦不得徇庇情面草率歸結至於戶部職掌皆係銷算會同稽攷  
錢糧之事較於別部加倍繁多非如銓選地方員弁等項可比似  
應稍展限期得細加察覈於事更有裨益著都察院科道將戶部  
事件展限歸結之處另行定議具奏尋議嗣後戶部辦理事件其  
本部題覆者於原限三十日外加增十日其行查會稿各衙門者  
東華錄 雍正三 八  
於原限三十日外加增十日如逾限不行完結照例查參永著為  
例從之○甲寅諭兵部提督總兵副將等官仍照舊例不許在任  
所置產入籍其參將以下俱係微員任所縱有房產諒亦微薄若  
概勒歸原籍必致困累爾等會同九卿定議具奏尋議參將以下  
等官任所置有產業或本身休致事故解退或經身故子孫居住  
任所有欲在彼入籍者許令地方官報明督撫即准其入籍居住  
田土丁糧與土著之民一體輸納從之○召連肖先來京以高成  
齡署山西布政使由按察使署○乙卯兵部議覆巡視臺灣御史吳達  
禮奏諸羅縣北半綫地方民番雜處請分設知縣一典史一其淡  
水係海岸要口形勢遼闊請增設捕盜同知一應如所請從之定  
諸羅分設縣曰彰化○丁巳 上親書 景陵碑匾復命誠親王  
瀛親王及翰林官善書者恭寫一幅隨召九卿及南書房翰林一

三九



併敬閱諭 景陵碑匾事關重大誠親王瀆親王素工書法朕已

令其恭寫翰林中善書者亦令其恭寫朕早蒙 皇考庭訓做學

御書常荷嘉獎今 景陵碑匾朕亦敬謹書寫非欲自耀己長

但以大禮所在不親寫於心不安爾諸臣可公同細看不必定用

朕書須擇書法極好者用之方愜朕心諸臣奏曰 御筆之妙天

矩自然而仁孝誠敬之意流溢於楮墨之間正與 陵寢大事相

稱 聖祖仁皇帝在天之靈實為欣慰○戊午以兩廣總督楊琳

專管廣東總督事以孔毓珣為廣西總督仍兼巡撫事由廣西○

己未恭上 大行皇太后尊諡曰 孝恭宣惠溫肅定裕贊天承

聖仁皇后頒詔天下覃恩有差○福建巡撫黃國材奏服色僭越

請分別嚴禁違者以僭妄治罪 上諭奢僭之弊朕亦稔知但陋

習因循一旦遽然禁止若非立法嚴峻有犯無宥不能使之永遠

東華錄 雍正三 九

遵奉揆之於理移風易俗宜漸不宜驟究以從容不迫為貴爾等

姑且徐徐勸導誘掖維持儻仍不改革然後嚴為定制以法繩之

耳○庚申禁官民人等服用五爪龍紗段○癸亥添設歸化城理

事同知一○定朝陽門外新建倉曰萬安倉設滿漢監督各一○

甲子巳刻 上御乾清宮西煖閣召總理事務王大臣滿漢文武

大臣九卿入面諭曰我 聖祖仁皇帝為 宗社臣民計慎選於

諸子之中命朕繼承統緒於去年十一月十三日倉卒之間一言

而定大計薄海內外莫不傾心悅服共享安全之福 聖祖之精

神力量默運於事先貫注於事後神聖睿哲高出乎千古帝王之

上自能主持若朕則豈能及此也 皇考當日亦曾降旨於爾諸

臣曰朕萬年後必擇一堅固可託之人與爾等作主必令爾等傾

心悅服斷不至貽累於爾諸臣也朕自即位以來念 聖祖付託

之重 太祖 太宗 世祖勦垂大業在於朕躬夙夜兢兢惟恐

未克負荷向日朕在藩邸時坦懷接物無猜無疑飲食起居不加

防範此身利害聽之於命蓋未任天下之重也今躬膺 聖祖付

託神器之重安可怠忽不為長久之慮乎當日 聖祖因二阿哥

之事身心憂悴不可殫述今朕諸子尚幼建儲一事必須詳慎此

時安可舉行然 聖祖既將大事付託於朕朕身為 宗社之主

不得不預為之計今朕特將此事親寫密封藏於匣內置之乾清

宮正中 世祖章皇帝御書正大光明匾額之後乃宮中最高之

處以備不虞諸王大臣咸宜知之或收藏數十年亦未可定諸王

大臣等當各竭忠悃輔弼朕躬俾朕成一代之令主朕於爾等亦

必保全成就篤厚恩誼豈非國家天下之大慶乎朕意若此諸王

大臣其共議之諸王大臣奏曰 皇上聖慮周詳臣下豈有異議

東華錄 雍正三 十

惟當謹遵 聖旨 上曰爾諸臣既同心遵奉諭旨朕心深為慰

悅乃命諸臣退仍留總理事務王大臣將密封錦匣收藏於乾清

宮正大光明匾額後乃出○兵部議敘陝西四川雲南官兵平定

西藏功得旨平定西藏乃自古未至之絕域所以 皇考曾有從

優議敘之 旨況 皇考當春秋高邁備兵於極邊宣揚威略峻

德鴻功允垂億萬斯年之美政也此一次議敘軍功前固無例可

援後亦不得為例將軍延信著封為貝勒兩路率領八旗官員進

勦之將軍等著給與世襲三等阿達哈哈番參贊大臣給與拜他

喇布勒哈番副都統營總等給與拖沙喇哈番其護軍校驍騎校

給與頭等功牌二面仍加一級綠旗官員經大將軍等咨送冊籍

頭等者照攻取打箭鑪功加一倍二等者功加一等三等者功加

二等至於滿洲漢軍綠旗之外委官俱係一體效力人員無論由



部委外委概行從優議敘以仰副我 皇考恩綸特沛從優議敘之 諭旨○乙丑 孝恭仁皇后梓宮發引 上恭送至 景陵啟鑾○丙寅兵部議敘福建官兵克復臺灣功得旨臺灣地方自古未屬中國 皇考聖略神威取入版圖逆賊朱一貴等倡亂占據臺地 皇考籌畫周詳指授地方官員遣調官兵七日之內剿除數萬賊眾克復全臺 皇考當春秋高邁威揚海外功德峻偉官兵感戴 皇考教養之恩奮勇攻取甚屬可嘉固不必援引前例後亦不得為例茲仰副 皇考從優議敘之曠典官員見行議敘功加外著概行各加一級總督滿保雖有失陷地方之罪但一聞事發即親往廈門撫慰眾心遵依 皇考指示調遣官兵七日之內克復臺灣滿保著兼兵部尚書職銜提督施世驃統領大兵徑渡海洋鼓勵將士屢經大戰擊敗賊眾七日之內克復臺灣厥功甚大施世驃著給與世襲一等阿達哈哈番總兵官藍廷珍曾協助施世驃著給與世襲三等阿達哈哈番水師營副將許雲失陷臺灣非關伊罪奮勇前進多殺賊眾身又陣亡著給與世襲拜他喇布勒哈番參將羅萬倉遊擊游崇功俱係陣亡著給與世襲拖沙喇哈番總兵官歐陽凱著追贈太子少保參將林亮著給拜他喇布勒哈番遊擊董芳守備何勉俱著給拖沙喇哈番○己巳發帑遣官賑喀喇沁等處饑○庚午侍郎常壽奏七月二十二日抵親王羅卜藏丹津駐牧之沙拉圖地方恭宣諭旨令伊等兄弟罷兵和陸羅卜藏丹津訴稱戴青和碩齊察罕丹津額爾得尼厄爾克托克托奈欲霸占招地捏言我遣使準噶爾欲同策妄阿喇布坦背叛是以眾台吉等不服會盟與兵並備言戴青和碩齊等過惡擬起程渡河與決勝負臣察其情勢難和好據察罕丹津訴

稱羅卜藏丹津與兵逐額爾得尼厄爾克托克托奈於內地今勒令眾台吉聚兵於巴爾托羅海處意欲獨占西招青海地方兵約不過一萬二三千名其黨率多勒從若渡河前來定即力拒又據眾蒙古告稱羅卜藏丹津勒令眾等呼伊為達賴混台吉其餘台吉俱令呼舊日名號一概不許稱呼王貝勒貝子公封號細揣其意先滅額爾得尼厄爾克托克托奈再滅察罕丹津獨占青海會同眾台吉奏請賞伊汗號踞占招地遙管青海顯然可見至問遣往準噶爾處使人音信據云準噶爾以青海人等不足憑信又云準噶爾兵丁已至噶斯口前九月內可至青海等語得旨此事甚大行在總理事務王大臣議政大臣詳議並發往在京之總理王大臣議政大臣等會同詳議具奏○辛未 上謁 暫安奉殿 孝陵 孝東陵遂詣 景陵至 享殿躬奠奉 孝恭仁皇后梓宮安於享殿○諭王大臣等 皇太后素性謙謹事 聖祖仁皇帝數十年恪恭罔懈見今 享殿內奉 聖祖仁皇帝梓宮 皇太后梓宮暫安奉於 薦殿一應供獻及祭文不可由中門出入俱應於西門行走以仰體我 皇妣謙沖至意○召入 陵寢官員諭曰 聖祖仁皇帝鹵簿之內備鞍馬匹向在御殿俱曾經 皇考乘騎應送至達里剛愛交與福壽敬謹牧養俾之終老若有私自騎用及抵換者事覺即行正法○甲戌總理王大臣等議奏羅卜藏丹津久懷異志糾眾盟誓 皇上念伊祖願實汗恭謙敬順不即加罪特遣侍郎常壽前往和解羅卜藏丹津不聽欲與戴青和碩齊察罕丹津交戰又私稱為達賴混台吉殊屬背逆應調西甯兵俟羅卜藏丹津渡河時於渡口邀截其後至松潘兵丁請令提督岳鍾琪帶領前往就近應援以張聲勢其西路軍務應行



文年羹堯詳議辦理從之○常壽奏親王戴青和碩齊察罕丹津

領兵與羅卜藏丹津相持勢難抵敵率妻子屬人一百四十餘名

來至河州老鴉關外臣即令其進邊居住其餘人眾令伊察桑管

束邊外防守要隘報聞○丙子諭各蒙古王貝勒貝子扎薩克台

吉塔布囊等自爾先世歸附 太祖 太宗蒙被聖化於茲五六

代矣世締國姻恩深祿重兄弟主臣洽比保聚安居樂業百有餘

年其間厄魯特噶爾丹猖獗弄兵破喀爾喀七旗侵及內扎薩克

蒙古蹂躪遊牧之地 皇考為爾等三次自將出師乃滅噶爾丹

使爾等永享太平之福六十餘年以來爾等屬下偶有饑饉災傷

莫不發帑與糧資給畜牧更派富戶屯田代耕使饑者復安散者

復聚 皇考養育爾等蒙古恩澤重矣大矣曩者郭爾羅斯以歲

饑聞朕仰體 皇考聖意即遣大臣前往發倉賑救賞給牛羊今

東華錄 雍正三 三

喀喇沁翁牛特各旗又以歲饑聞復遣大臣前往即速查明饑口

動用正項錢糧買米散賑夫一時阻饑朕雖賑之常年貧乏之民

在爾各君長於本旗內哀多益寡互相調劑以養育之庶幾得所

耳若仍然厚斂重徭納之於阡危之域使之至於散亡孰為爾等

納賦孰為爾等供徭愛民惠下是第一要務不可不知也連歲災

旱頻仍今年又遭饑饉爾等各子其民者如何減賦如何輕徭如

何裕其農功如何孳其畜牧爾等王貝勒大臣等議定務使各得

生理以仰副我 皇考聖心以慰朕心定議之後儻有顯背公議

仍然重賦苛役者國法具在朕所得而私也我 皇考目親爾

等長成愛如子孫事事包容處處軫恤爾等視 皇考如祖父恃

皇考之慈愛每事懈逸朕新即位務須各盡爾職謹慎小心管

轄屬下訓練兵丁嚴禁盜賊奉公守法循分安生仰報我 皇考

軫愛之恩俾朕得以仰法 皇考慈惠爾等至意始終保全永永

勿替朕之願也今日特於 皇考梓宮前諭爾等知之

九月丁丑朔葬 聖祖仁皇帝於 景陵 孝恭仁皇后祔龍輦

入 寶城時諸王大臣及各官見祥雲五色自西北起覆於 景

陵繚繞不散 上回鑾○己卯 上還京師○庚辰 聖祖仁皇

帝 孝誠仁皇后 孝昭仁皇后 孝懿仁皇后 孝恭仁皇后

升祔 太廟是日恭上 孝誠仁皇后尊諡曰 孝誠恭肅正惠

安和儷天襄聖仁皇后 孝昭仁皇后尊諡曰 孝昭靜淑明惠

正和欽天順聖仁皇后 孝懿仁皇后尊諡曰 孝懿溫誠端仁

憲穆奉天佐聖仁皇后○辛巳以升祔 太廟禮成頒詔加恩中

外○壬午調田從典為吏部尚書張廷玉為戶部尚書以張伯行

為禮部尚書調景日珍為戶部右侍郎以王景曾為禮部左侍郎

東華錄 雍正三 三

○以盧詢為刑部尚書高其佩為刑部右侍郎由光祿

○以涂天相為刑部左侍郎由內閣○甲申諭京尹謹行鄉飲酒禮

○戶部議覆直隸巡撫李維鈞請將丁銀攤入田糧內應如所請

於雍正二年為始造冊徵收得旨九卿詹事科道會同確議具奏

○丁亥諭八旗都統等查驗器械國家定制從前查驗時彼此那

借及租賃弓矢枝梧掩飾朕所深知著寬限一年各將器械修理

完備朕於明歲十月間遣大臣會同兵部一日查驗一旗封貯公

所再驗一旗將二十四旗悉行據實驗存交還各旗各自收貯庶

免那借租賃之弊○裴律度請捐俸工銀助賑 上不許○發帑

賑扎魯特饑○己丑常壽奏羅卜藏丹津攻察罕丹津已渡黃河

命年羹堯備兵擒剿○以原任廣東布政使王沛慎為太常寺卿

原任湖北布政使張文燦為太僕寺卿○庚寅禮部尚書覺羅蘇



庫以病乞休允之○辛卯命須洲巡視河務以博爾多署山東布政使由戶部○壬辰免江蘇太倉等衛運賦○癸巳命纂修律例○乙未諭大學士等朕近於 聖祖仁皇帝所遺書笥中檢得未經頒發 諭旨一道以明太祖崛起布衣統一方夏經文緯武爲漢唐宋諸君之所未及其後嗣亦未有如前代荒淫暴虐亡國之迹欲大廓成例訪其支派一人量授官職以奉春秋陳腐仍令世襲朕伏讀之下仰見我 聖祖仁皇帝海涵天覆大度深仁遠邁百王超軼萬古朕思史載東樓詩歌白馬商周以來無不推恩前代後世類多疑忌以致歷代之君宗祀殄絕朕仰體 聖祖如天之心遠法隆古盛德之事謹將 聖祖所貽 諭旨頒發訪求明太祖支派子孫一人量授職銜俾之承襲以奉春秋祭享但恐有明迄今年代久遠或有奸徒假冒致生事端爾內閣大學士卽會東華錄 雍正三 五

同廷臣詳明妥議以副 聖祖仁皇帝寬仁矜恤之至意○詔停本年秋決○除紹興府情民丐籍○丁酉諭內閣世襲官員所得三品廕生內有願在武職行走者仍賜以應得原品其內外廕生監生等到部考試繙譯書法再分派各部行走令伊等咸得勉力學習至世襲官員所得三品廕生內若考試有列優等者仍著奏聞賜以所應得原品如此則伊等必痛自砥礪以求上進不但國家得有人才足供任使卽各部院衙門亦不至令無知子弟羣廁其間率意肆行爲眾人所譏議矣○以李鳳翥爲內閣學士由禮部○戊戌九卿遵旨議覆直隸巡撫李維鈞請將丁銀攤入地糧徵收應令該撫確查各州縣田土因地制宜作何攤入田畝之處分別定例庶使無地窮民免輸納丁銀之苦有地窮民無加納丁銀之累得旨巡撫李維鈞條奏丁隨地起一事九卿並不據理

詳議依違瞻顧皆由迎合上意起見卽如本內有地窮民一語既稱有地何謂窮民不與有米餓李之語相似乎不但此也凡九卿會議理應將所議事件預先詳審至臨議時各出己見平心靜氣公同商榷以求至當邇來九卿坐班多有不齊及至會議彼此推諉不發一言或假寐閒談遲延累日令一二科道新進者倡言於眾便羣相附和以圖塞責在九卿遲延一日內而六部八旗外而各省俱因以遲延矣以此爲居官安靜及至保舉議行事件又有請託賄賂等弊爾等在 聖祖時皆受 深恩不圖實心報效每事迎合有時依議准行便爲迎合得計遇有駁回事件雖加嚴飭又謂上有深意以此事君負恩殊甚此皆朕之所深知而不忍見者 聖祖與 天相似諸臣豈能以人意揣度 天心所有種種惡習皆在 聖祖洞鑒之中包涵已久有何益處朕卽位以來將此等惡習概置不究爾等自揣平日所爲亦當知懼亦當知感矣今仍欲迎合朕意於諸事本無成見有何迎合之處所發會議事件原欲與眾共商卽書所云汝則從龜從筮從卿士從庶民從之意也元首股肱誼同一體朕止欲諸弟盡爲賢王諸臣盡爲良臣事事當理卽朕意耳朕從不自以爲是所議允當朕卽不從不妨面折廷諍再三執奏卽不顯言亦可密摺敷陳至爾等以堯舜比朕朕果能上法堯舜乎抑屬贊頌之詞也如或不能正可因此自勉卽爾等亦當上法古名臣也 聖祖良法美政布在方策朕與爾等期共相勉勉以臻至治朕宵旰勤勞爾等可圖安逸乎嗣後宜洗心滌慮痛改前非凡事皆持公正止論是非毋事揣度朕實心延納果能據實直陳豈肯拒阻若仍蹈前轍朕或據理飭行或擇人另議爾等豈不自愧乎原本發還九卿著仍照戶部議行○



己亥以李鳳翥署工部侍郎由內閣○移湖北襄陽府同知駐樊城○庚子以田文鏡署山西布政使由內閣○辛丑解傅澤淵任調王朝恩為浙江布政使加大理寺卿銜以圖理琛為廣東布政使由兵部○總理王大臣等議准署山東布政使博爾多奏東充一區周方數千里請照舊例復置一鎮設總兵官一駐兗州府以資彈壓從之○子故戶部尚書王鴻緒祭葬○壬寅諭會試總裁官中額外如有佳卷選出另奏其落卷照今春例覆檢○癸卯劉相緣事革職以噶什圖為刑部右侍郎原任陝西巡撫○金應璧緣事解任以楊汝毅為左副都御史由通政使遷○實授范時捷陝西西安巡撫○甲辰湖廣總督楊宗仁奏百姓食鹽價值應請 欽定下慰商民仰望得旨據楊宗仁奏請欽定鹽價伊並不體察事理但固執己見仍照原題具奏夫士農工商雖各異業皆係國家子民東華錄 雍正三 七

理當一視同仁督撫偏袒百姓巡鹽御史偏袒商人可乎總督係地方大臣凡辦理事務必須平心靜氣期於合理楊宗仁身為總督於此等處並不留意混行瀆奏著黃叔琳謝賜履前往楚省會同楊宗仁將鹽價確議酌定謝賜履印務著運使何順暫行署理○乙巳諭大學士等人臣膺命效職果能實心愛民清白自矢則官去民思甘棠畱詠有愈久而不能忘者從古有之若今之生祠書院不知始自何人自督撫提鎮以及監司守令所在多有究其實不過該員在任之時或係屬員獻媚或係地方紳士逢迎甚至有出入公門包攬詞訟之輩倡議糾合假公派費占地興工以致園囿亭臺窮極華麗勞民傷財一無顧惜營造之後或為宴會遊玩之場或本官竟據為產業果係官去民思不忘遺愛特為興建者甚少此事向曾禁止而踵弊如故應加嚴飭嗣後如有仍造生

祠書院或經告發或被糾參即將本官及為首之人嚴加議處其見在之生祠書院如實係名宦去任之後百姓追思蓋造者准其存留其餘俱著地方官查明一概改為別用或為義學延師授徒以廣文教如此則以無用為有用惜民財力杜絕虛浮於地方風俗大有裨益○理藩院奏陣亡台吉進達克蒙恩優恤伊子噶爾馬孫多布等謝恩得旨蘇尼特王垂濟拱蘇隆旗下台吉管理旗務官進達克帶領屬下兵丁與逃竄之厄魯特羅卜藏錫拉布等鏖戰身亡甚屬可嘉此並非出兵之時亦並未令其率眾追擒而伊奮勇前往臨敵致命是以朕交部議敘部議二等台吉加一等授為頭等台吉具奏朕特降諭旨施恩將進達克照依公爵致祭今襲頭等台吉進達克之子噶爾馬孫多布著授為輔國公○丙午諭內閣朕惟我 太祖高皇帝天錫智勇肇造鴻基 太宗文皇帝繼業恢圖丕昭聖武 世祖章皇帝統一寰區功成治定其時內外文武勳舊臣工勤亂效力茂著厥功 皇考聖祖仁皇帝特敕內閣翰林院諸臣纂修三朝國史用揚 列聖之鴻謨並及諸臣之勞動迄今尚未編輯矧惟 聖祖仁皇帝垂統六十餘年以守兼創 恩澤聲教遠及海外絕域 德業之盛超於百世凡於指授所及能顯立功勳誠敬任事之大臣與夫軼羣出眾有才之人若不博採聞見蒼萃成編恐閱世久遠或致闕略著將我朝國初以來文武諸臣內立功行開誠敬任事卓越之才有應傳述者行文八旗將諸王貝勒貝子公以及文武大臣之冊文誥敕碑記功牌家傳等項詳加查覈暨有顯績可紀者亦著詳察逐一按次彙成文冊悉付史館刪去無稽浮夸之詞務採確切事實編成列傳如此可以垂之萬世庶為國家宣力有功之大臣不至泯沒

東華錄 雍正三 六



矣○以永福爲左副都御史由給事中遷○賜果郡王允禮銀一萬兩  
冬十月丁未朔 聖祖仁皇帝御製律歷淵源一百卷刻成分三  
部一日歷象考成一日律呂正義一日數理精蘊 上敬製序文  
○戊申川陝總督年羹堯奏羅卜藏丹津忒肆猖狂臣領兵於九  
月二十日自甘州起程十月初至西甯相機行事授年羹堯爲撫  
遠大將軍改貝勒延信爲平逆將軍○辛亥諭兵部驛站關繫重  
大經朕屢加嚴諭然其間積弊難以盡詰有在官之累有在民之  
累如直隸山西等省差徭更爲浩繁雖驛馬足數亦供應不敷乃  
內而兵部外而驛道於給發馬匹時官吏通情受賄往往所給浮  
於勘合之數且行李輜重皆令驛卒乘馬背負多至八九人不等  
所到州縣以見馬換馬向有舊例不敢詰問至督撫提鎮經過之  
處更惟命是從嗣後照勘合之外有敢多給一夫一馬者許前途  
東華錄 雍正三 九

子弟可倚者給半分錢糧終其身○敘平郭羅克賊番功封年羹  
堯爲二等公給岳鍾琪拜他喇布勒哈番世職并兵賞賚有差○  
禮部遵旨議奏八旗直隸各省孝行節義之人例得請旌給銀建  
坊恭遇 皇上彰善大典卽鄉曲貧民勿令湮沒又以節婦年逾  
四十而身故者守節已歷十五載以上亦應予旌又酌設祠宇入  
於祀典請敕下八旗直隸各省督撫學臣採訪查報一體予旌其  
設立祠宇應令順天府奉天府直隸各省府州縣衛每處建二祠  
一爲忠義孝弟之祠建於學宮內祠門立石碑一通刊刻姓氏於  
上已故者設牌位於其中一爲節孝婦女之祠另擇地營建祠門  
外建大坊一座亦標題姓氏於其上已故者設牌位於祠中其八  
旗分左右翼擇地各建二祠每年春秋二次致祭直省交與各府  
州縣衛所官兩翼交與大宛二縣至於建坊銀兩嗣後應行停給  
東華錄 雍正三 二十

州縣卽據實揭報都察院以聽糾參如甲縣容情不揭而被乙縣  
揭報者並甲縣一併治罪其督撫提鎮騷擾驛遞者皆照此例庶  
少甦在官之累至若河南山東諸省離京稍遠謂耳目易欺每驛  
額設馬匹不過十存三四其草料工食仍照舊例開銷且逐年詳  
報倒斃侵蝕補買之價差使一至則照里科派將民間耕種牲口  
強遣當差令其自備物料跟隨守候種種累民尤屬不法著該地  
方督撫將所有驛站徹底清查缺額者勒限買補至派借民間牲  
口尤當勒石永禁違者卽從重治罪○壬子諭總理王大臣等各  
處工程有請將俸工銀兩捐助者此事斷不可行伊等名爲捐助  
實則借端勒派擾累小民且直省大吏將已分內所得羨餘捐助  
完工者聽其捐助如或不能著奏請動用正項錢糧○鎮國公普  
貴因病解退封其子智保爲輔國公○甲寅命八旗病廢兵丁無

如係有力之家仍聽其自行建造得旨孝行節義建立牌坊年久  
毀壞遂致湮沒今欲設立祠宇特爲昭垂久遠之意並非欲節省  
錢糧部議建立祠宇停給建坊銀兩不合建坊銀兩仍著給與餘  
如議行○裁雲南澂江府經歷其事務歸本府司獄兼管添設麗  
江府經歷一兼管司獄事○乙卯添設熱河滿洲理事同知一○  
戊午諭內閣九卿詹事科道等從來用人之道必兼聽並觀周咨  
博採方能允當而無失朕於選用人員勤加諮訪正以朕一人之  
耳目有限不若合爾諸臣之見聞始無遺漏也乃爾等僉云未能  
深知互相推諉夫百職在廷四方具集同鄉親故豈無見聞其賢  
者卽小善亦應稱舉不肖者卽小惡無容隱匿若知其賢而不言  
是謂蔽賢知其不肖而不言是謂黨惡卽如月選官內有劉尙儉  
者係四川夔州府參革貪酷知府劉天觀之子其父刻剝民膏爲



伊子捐職罪莫大焉如此之人豈可錄用在廷豈無一人知之者乃俱緘默不言以此推之可見知而不言者甚多爾等之意惟恐結怨於朋友不若徇情容隱自保功名雖誤朕選用之事而不顧貽害於地方而不恤試思得罪於朋友與見棄於君父孰重孰輕全一人之功名與貽地方之患孰孰孰小即所舉之人為賢為不肖朕不過於引見時借以參酌自有裁奪並非責爾等保其終身無過致貽日後之累何必過慮乎嗣後務宜痛改積習苟有見聞即從實舉出進賢勿避嫌退不肖勿避怨朕生平惟以真誠待人爾等亦當以至誠報朕尚其各抒忠悃勿負朕推心置腹之至意○禮部奏請將 文廟從祀先儒位次及各壇廟祭品祭器樂器逐一繪圖彙為成書頒示天下從之○壬戌諭內閣親王郡王俱賜封號所以便於稱謂也如無封號之王貝勒在諸臣奏章內

東華錄

雍正三

三

自應直稱其名再小人等並將閒散宗室亦稱為王又有貝勒王貝子王公王之稱嗣後俱著禁止○諭湖廣總督楊宗仁凡為大臣者身任封疆重寄必當和平詳慎曲體人情虛懷博詢以求適中庶於國計民生俱有裨益近聞湖廣鹽斤湧貴良由減價太過所致在爾意原欲利民而不期先已病商乃致商運裹足不前眾口食淡是欲利民而民轉受其困矣至如楚地本產米之鄉素為東南之所仰給因爾禁米出境以致川米亦不到楚不但鄰省價昂而本省糧價亦致漸長是爾之過爾原欲封本境而本境之民並未沾毫釐之益也夫鄰省黔黎莫非朝廷赤子大臣體國當以公溥為心似此偏執褊狹殊屬不諳大體其速行改圖務令販運流通遠近民食有賴○年羹堯奏前鋒統領蘇丹經事頗多岳鍾琪總統綠旗土司兵丁請授為參贊大臣至青海之事並請侍郎

常壽一等侍衛達爾參議報聞○乙丑諭怡親王允祥等策妄阿喇布坦之來使將至朕亦欲遣使臣與伊來使同往將理藩院郎中眾佛保授為內閣學士前去○諭大學士等國家建官分職於翰林之選尤為慎重必人品端方學問純粹始為無忝厥職所以培館閣之材儲公輔之器也從前 聖祖加意育才循循訓導又纂修各種書籍需員甚多故翰林院編修幾至二百人庶吉士亦五六十人朕臨御之初未有編纂諸事又未能如 聖祖之善於訓導誠恐人才置之閒散特多方錄用內而科道吏部外而道府州縣俱各隨材器使務令疏通今編檢尚有百餘人庶吉士尚有數十人著內閣大學士會同翰林院掌院教習秉公別擇其學問優長字畫端楷或精於繙譯國書者留本衙門辦事及派各館纂修其或才具練達可當科道吏部之選或長於吏治編檢可道府

東華錄

雍正三

三

庶吉士可為州縣者一一分別具奏至或老病衰廢願自解退者聽其原官休致其有行止不端事蹟確實者奏聞革退今朕特恩開科人材輩出將來揀選庶常朕當親加考試引見揀選至日後散館仍照舊例以三等分用目今正屆殿試之期朕深知向有擬送策聯鑽營甲等弊殊可痛恨朕所點閱卷大臣俱係平日實心委任之人各宜虛公謹慎杜絕諸弊儻有仍蹈前轍者必嚴加處分務令文治日隆英材蔚起以副朕願俊興賢之至意○丙寅諭總理王大臣等今年殿試天氣已寒諸貢士若照舊例在丹墀對策恐硯池冰結難於書寫著在太和殿內兩旁對策再傳諭總管太監置火爐使殿內和暖諸貢士得盡心作文寫卷○諭理藩院厄魯特公茅海同伊伯王丹津阿拉布坦來時我 皇考深加眷愛授為公爵茅海今在軍前輸誠效力多年著授為固山貝子



○羅卜藏丹津執侍郎常壽於堪布廟筆帖式多爾濟死之○丁卯諭部院八旗大臣等據副都統那爾薩條奏從前滿洲遇有喪事親友饋送粥茶弔慰後風俗漸弛至多備羊豕大設肴饌送飯過事奢靡等語夫饋粥一事乃我朝滿洲醇樸之俗因其人篤於居喪至廢飲食親友恐其傷生特饋粥糜勸令少進並非設宴也此禮相沿至今失其本意竟至過為侈費昔廉親王允禩值伊母妃之事欲沽取孝名詭為孝行迨至百日猶令二人扶掖匍匐而行於定例外加行祭禮每祭焚化珍珠金銀器皿等物所費不貲半年後仍令人扶掖而行當日朕慮伊致殞其生深加軫惜再三慰勸及事畢見伊容體充肥略無衰損有識者多厭憎而譏議之敦郡王允禛郡王允禩貝子允禔三人相結指稱饋食大設筵席自初喪以至百日日用羊豕二三十口備極肴品輪流饋送舉國喧傳此眾人所共知者我皇考洞鑒其情曾於眾阿哥會集時諭云孝必本於誠心如欲邀孝名即屬虛偽凡為人子者不務盡敬於生前而欲矯飾於歿後可謂孝乎以此指責允禩者屢矣朕遭皇考皇妣大事惟遵皇考當皇祖考皇祖妣大事時所行儀禮不敢借稱盡孝稍有矯飾之處論語云禮與其奢也甯儉喪與其易也甯戚朕前曾降諭旨著大臣等考稽喪禮定為儀節具奏尚未議覆茲朕欲援據典則揆情合義且期有神於旗人生計將副都統那爾薩所奏准行但恐眾人謂朕抑制伊等使居喪不得備禮有礙於子孫盡孝之心親友相關之誼是以躊躇未定著各部及八旗大臣等會同詳議具奏尋議事親之道務盡其誠我皇上大孝格天聖祖仁皇帝孝恭仁皇后大事時哀感本於中心儀節協諸典禮此中外臣民所共知者若矯

東華錄

雍正三

三

飾邀名徒見鄙於有識禮云祭不欲數數則煩煩則不敬惡有不敬而可稱孝乎宋臣司馬光云居喪饋食或因親朋慮其不能成禮齋送粥糜往勞之若肥饌美膳致之者為不義受之者為不孝我朝甚重喪禮親友憐其廢食特饋粥糜蓋以人子居喪疏食飲水古之道也未聞大設筵席備具肥甘饋者不止受者不辭而猶得稱為孝者伏讀聖諭是非誠偽昭然共喻內閣九卿等已將婚喪等事分別條款奏准允行應如那爾薩所請嗣後不得以饋粥為名過情棄禮致失當年醇樸之俗違者查出參處得旨凡作偽飾飾以取虛名朕平日所差為者且自太祖太宗世祖聖祖以來歷代相繼專務誠實撫天下之黎民登國家於平治無粉飾之政諸臣咸當恪遵我朝制度崇尚實行鄙薄虛名將兩次所降諭旨一併傳示八旗徧令遵行○年羹堯奏羅卜藏丹津等聚集各台吉肆行邊外臣札令又木多總兵官周瑛率兵截其往藏之路但羅卜藏丹津急即遁至穆魯烏蘇等處亦未可定臣令靖逆將軍富甯安調都統穆森往吐魯番駐防調吐魯番駐防副將軍阿喇納帶領滿洲蒙古綠旗兵二千名由噶斯一路前往截殺若羅卜藏丹津實心恭順即將此二千名暫住布隆吉爾再查布隆吉爾駐防兵甚少四圍皆係厄魯特喇布坦巴蘇泰每令伊屬下截奪臺站馬駝應令綠旗兵二千名調往布隆吉爾交參將孫繼宗管轄若用兵即令率所管兵丁剿滅喇布坦巴蘇泰與副將軍阿喇納會合共截羅卜藏丹津如此賊人不能脫逃而布隆吉爾地方亦甚堅固奏入報聞○癸酉調徐元夢為戶部尚書孫渣齊為工部尚書以阿爾松阿為禮部尚書○以尹泰為左都御史調阿錫爾為工部左侍郎以馬爾齊哈為刑部左侍郎

東華錄

雍正三

三



塞楞額為內閣學士由少詹事遷○年羹堯奏十月十九日賊人侵鎮海堡都統武格率兵援救二十日厄魯特兵二千名番賊一千餘人圍堡二十一日至二十三等日賊人陸續添兵日夜轉戰參將宋可進等於二十五日往援賊人敗走共殺厄魯特六百餘人再多巴之囊素阿旺丹津從前叛歸羅卜藏丹津今為我兵擒獲理應正法暫行監禁報聞○丙子 上御懋勤殿召讀卷官入詳定甲第閱進呈十卷一一酌定大學士馬齊等奏曰 皇上加意作人恩施格外落卷回避卷俱遣官校閱有善必錄罔有遺才士子無不感服 上諭入閣各官為國家宣力但子弟反不得應試殊屬可憫考試回避諸生其永著為例又諭曰國家取士大典原應加意朕惟以至誠御下並非欲其感恩也即如爾等大臣若以恩意籠絡反為輕視爾等朕平日行路從不輕踐人影左右近侍皆東華錄

○雍正三 五  
所深知豈於大臣而肯輕視耶爾等能佐朕為令主朕亦樂爾等為良臣隨命讀卷官等坐賜茶畢 上回宮

十一月丁丑朔賜于振等二百四十六人進士及第出身有差○戊寅總理王大臣等議覆年羹堯奏羅卜藏丹津攻西甯之南川口我兵據中堡賊人圍堡堡內囊素潛與賊通欲鑿牆而入守備馬有仁等奮力抵禦參將宋可進等率兵往援內外夾攻賊敗遁囊素助賊盡皆殺滅甘州兵少乞調兵三千名協駐以壯軍威查喀爾喀等散處遙遠應停其調遣就近派鄂爾多斯兵五千令副都統花色等帶領歸化城土默特兵五百令副都統查克旦等帶領大同鎮兵一千總兵官馬觀伯帶領前往甘州從之○庚辰總理王大臣等奏謁陵之禮始於東漢歷唐宋明皆間歲一行至於周年親謁陵寢未見記載我 皇上至仁大孝一歲之中兩謁

山陵孝思備摯見今冬至將近 聖祖仁皇帝配 天大典指日恭行伏望 皇上以禮制情停止親謁於諸王內命一人恭代得旨諸王大臣援據典禮勸止朕行姑暫停往謁今歲兩次躬送梓宮地方百姓亦甚勞苦俟明歲清明親往恭謁○壬午以塞爾圖為兵部侍郎原任吏部侍郎○癸未年羹堯奏據隨侍郎常壽之千總馬超羣等回稱常壽於初九日至羅卜藏丹津所駐巴顏布拉克地方羅卜藏丹津云是月十五日我等在察罕托羅海地方會盟再議十七日行至和爾地方薄暮時忽有二三千賊人突至將侍郎常壽及輜重劫去筆帖式多爾濟憤賊陵辱拔刀自刎等語常壽見被禁堪布廟中報聞○甲申大學士等檢舉誤票京口將軍本章請交部議處得旨忠君愛國之心發於至誠凡事自不至舛錯遺漏若但思竊位沽名趨利避害僥倖於萬一而於國家制度政事輕重絕不加意茫昧失序豈不貽笑於世此等小事猶非所重但能各守君臣大義使朕不至恐懼疑惑便是國家之福朕之所望於大臣者於一切利欲之心勉自克制精白乃心維持國家大體統不使我朝君臣貽譏於萬世朕之所望足矣○禁止奸棍私販中國幼穉出口賣與蒙古關口官員兵丁不行查拏者分別議處著為例○乙酉諭大學士等古制凡遇廟諱字樣於本字內但缺一筆恐未足以伸敬心昨朕偶閱時憲曆二月月令內見 聖祖仁皇帝聖諱上一字不覺感痛嗣後中外奏章文移遇 聖諱上一字則寫元字遇 聖諱下一字則寫煬字爾等交與該部即遵諭行○賑浙江富陽等三十一縣衛所旱災饑民○丙戌年羹堯奏北川新城有賊二千餘踞住遊擊馬成輔擊殺甚眾副將王嵩參將宋可進等帶兵三千往援破賊六營賊敗走再莊浪



爲河西五府總路東西兩山俱番人遊牧地此內謝爾蘇一夥最  
強厄爾布一夥助其行惡其地最險者係碁子山茨爾溝二處臣  
調兵四千令涼州總兵楊盡信管領四面夾攻斬賊數百級俘獲  
其妻子番賊奔入鐵保城生擒厄爾布賊首魯木受等二人謝爾  
蘇賊首坎柱等六人審明正法臣見餘賊無幾將兵調回西甯得  
旨嘉獎○丁亥以浙省秋旱折徵杭嘉湖三府漕米之半應徵米  
色並令紅白兼收○年羹堯奏西甯北川上北塔下北塔二處蒙  
古回子占地數百里丁眾糧裕素懷異志臣令千總馬忠孝前往  
下北塔將三十村莊回目招撫馬忠孝等又帶兵一千往勦上北  
塔擒獲頭目阿布多吳園厄爾克喀等正法餘回就撫報聞又奏  
察罕丹津在河州居住羅卜藏丹津欲行劫擄臣令少卿花善帶  
領察罕丹津妻子屬人移至蘭州居住報聞○辛卯諭理藩院據  
東華錄 雍正三  
大將軍年羹堯奏稱青海台吉索諾木達什在布隆吉爾地方由  
羅卜藏丹津處脫身來歸等語向者索諾木達什盡忠效力乃被  
叛賊羅卜藏丹津誘擒今聞伊已來歸良慰朕懷索諾木達什先  
與駐紮柴旦木地方之官兵一處效力繼又往西藏軍前竭誠報  
國深屬可嘉特沛殊恩著封爲貝子給與上等產業加意撫綏並  
著大將軍傳諭俾知朕意○癸巳年羹堯奏厄魯特番賊在新城  
堡等處往來劫奪臣調西甯總兵官黃喜林等領兵往勦羅卜藏  
察罕等賊共殺傷奇嘉寺逆賊五百餘喇嘛番子千餘獲賊目七  
器械駝馬牛羊無算因時值寒冷令黃喜林等撤兵回西甯報聞  
○甲午戶部議覆廣西總督孔毓珣奏粵西地方邊遠商人資本  
無多以致誤課誤鹽民憂淡食請動藩庫銀六萬兩令鹽道委員  
辦理官運官銷行之三年可以酌減鹽價從之○復設太常寺協

律郎一贊禮郎二司樂二○丁酉諭內閣爲治之道在於務實不  
尚虛名朕繼承丕基時刻以吏治兵民爲念事無大小周思詳慮  
求其見諸施行實可以有濟天下者必下諭旨諄諄告誡中外條  
奏有當理者無不嘉與採納所冀內外臣工實在遵行庶有成效  
一年以來所降諭旨及內外條奏頒發於六部九卿八旗直隸各  
省者亦已多矣內外衙門於奉到事件若不過行一文書出一告  
示徒託空文竟不見諸實事則不徵不信豈朕倚毗相助爲理之  
至意歟儻所降諭旨及條奏准行之事其中果有一二未盡允協  
宜加損益者須據實入告候朕酌定總於來年十二月將各條各  
款實在如何施行及行之如何成效條分縷晰明白奏聞○諭禮  
部 孔子道冠古今爲萬世師表薄海內外無不俎豆尊崇國學  
乃四方表率其制尤重 聖祖仁皇帝臨雍釋奠典禮優隆朕續  
東華錄 雍正三  
承大統景仰先型羹牆如見念國學爲造士之地聖教所被莫先  
於此恐歷歲既久有應加修葺之處爾部會同工部詳加閱視凡  
文廟殿宇廊廡及講堂學舍務須整理周備俾廟貌聿新以申景  
慕朕將親詣焉○以金世揚爲工部右侍郎毛文銓爲貴州巡撫  
由雲南布政使遷 ○戊戌諭內閣今科庶吉士散館滿漢試卷著吏部尚  
書隆科多戶部尚書張廷玉禮部尚書張伯行禮部侍郎登德閱  
看具奏從前已將庶吉士內揀選分用此內或更有才堪外任及  
可任部員者爾等會同左都御史朱軾分別具奏朕思編檢庶常  
乃清要之選必須文學優長人品端方始爲稱職若品行有虧雖  
文藝可觀亦無足取至今歲所中進士爾等務悉心察訪必得文  
行兼優之士擢爲庶吉士將來始可以收得人之效其第一甲第  
一名于振著卽爲翰林修撰第二名戴瀚第三名楊炳卽授編修



二甲第一名張廷珩即授檢討俱著在南書房行走○己亥撫遠大將軍年羹堯條奏進勦青海事宜一預備進勦兵丁請將陝西督標西安固原甯夏四川甘肅大同榆林土默特鄂爾多斯巴爾庫爾吐魯番等處兵丁共揀選一萬九千名令提督岳鍾琪等分領從西甯松潘甘肅四路進勦一防守邊口土司兵二千名及西安滿兵五百名甯西甯各邊口陝西撫標兵五百名防守永昌西安滿兵五百名防守甘肅其布隆吉爾舊有兵一千名應仍留駐防至副將張成龍見領兵五百防守巴塘其裏塘止駐兵二百請將四川撫標兵三百增添防守再令署松潘鎮副將張英副都統黑色領兵一千五百名出松潘口在黃勝關駐紮雲南提督郝玉麟領兵二千名駐紮又木多則羅卜藏丹津等斷不敢前往巴爾喀木等處一購買馬駝臣在陝西買馬一千匹甚不東華錄 雍正三

敷用請令在歸化城張家口採買或將太僕寺上都打布孫腦兒孳生馬匹解送三千匹巴爾庫爾挑送駝二千匹再於甘涼肅州等處採買一千五百則兵丁進勦之時可無貽誤一貯備軍糧臣在西安慮青海有事已豫買米六萬石將來自不至有誤一精練火器請將景山製造之火藥每駝以一百八十斤計算賞給一百駝於明年正內解送西甯得旨總理事務王大臣議政大臣會議具奏尋議大將軍年羹堯所奏進勦賊寇調遣兵馬堅守隘口備足糧餉等款均應如所請其所請馬數外再增一千匹解送至火藥於所請額數外增送一倍再行文郝玉麟即由中甸帶兵前往又木多駐紮其中甸地方應令總督高其倬簡選總兵官一員帶兵五百名前往駐紮從之○辛丑冬至祀 天於 圓丘恭奉 聖祖仁皇帝配享○諭王大臣等怡親王於 皇考時敬謹持身

廉潔立品未嘗圖利干預一事糾黨邀結一人所屬人員略無擾累其安分自守家計空乏舉國皆知朕素加崇獎自朕御極以來一心戴朕克盡臣弟之道所交事務悉效公忠亦眾所共知也查從前朕弟兄分封之例總計各得錢糧二十三萬兩朕欲援此例賜之王奏辭不已朕勉諭再四僅受十三萬兩而已再照裕親王例令支官物六年王又叩首固辭極其懇切朕欲以王之善表揚於眾且為後日子孫模範故特諭諸王大臣今不允王之所請既不可得允王所請則超軼尋常實心為國宣力之弟轉不得以諸兄弟應得之分賜之朕心實為不忍著諸王大臣議奏○壬寅以 聖祖仁皇帝配天禮成頒詔天下覃恩有差○以綽爾泰為內閣學士仍留軍前辦理糧餉由翰林院侍讀學士遷○總理王大臣等奏將軍傅爾丹處兵丁既派往巴爾庫爾阿爾泰地方未免兵少僅有東華錄 雍正三

調遣應將祁里德所領之兵共合一處歸一人總統恭候 欽定得旨兩處將軍儘有合行處著傅爾丹總統祁里德令在參贊上行走○癸卯命八旗蒙古建官學○甲辰策妄阿喇布坦使臣根頓等朝見 上召入諭曰爾台吉於 聖祖皇考時有獲罪之處亦有效力之處爾台吉今悔過引罪朕甚嘉之所貢方物朕酌量收納俟爾回日另降敕諭○乙巳諭王大臣等前將怡親王奏摺交王大臣等議奏王又屢次奏辭力求允其所請朕尚難於酌定想王大臣等自難定議今俱著照所請以副王謙抑之懷朕另行加恩將見在王所兼管之佐領俱令為王之屬下賞給一等護衛四員二等護衛四員三等護衛十二員加賜豹尾槍二長桿刀二每佐領下添給親軍二名以此加恩於王即遵諭旨行○諭大學士等向來庶吉士學習清書散館之後每至荒廢殊為可惜嗣後



清書散館之翰林不可令其荒廢今年新科進士選拔庶常朕意  
學習清書者少派數人令其盡心學習務期通曉散館後亦不可  
荒廢或在翰林或在部曹即令與滿員一同繙譯如此方實有裨  
益新科進士於引見之前朕欲先行考試知其學問再行引見選  
拔庶人才不至遺漏目今天氣寒冷一應仍照殿試豫備考試題  
目朕將詩文四六各體出題視其所能或一篇或二三篇或各體  
俱作悉聽其便○是月免浙江安吉仁和湖州杭州等五十三州  
縣衛所旱災額賦有差

十二月丙午朔諭八旗官員等老安郡王居心不正諂附輔政大  
臣又自恃長輩每觸忤 皇考蒙 聖德寬仁始終容宥而伊諸  
子全不知感不務竭誠效力馬爾渾經希吳爾占等弟兄之間互  
相傾軋競事營求色亨圖亦妄冀得爵讒害骨肉此眾所共知者  
東華錄 雍正三

安郡王諸子之中馬爾渾係應襲封王爵之人似屬安分其子華  
玘尚無劣蹟而天絕其嗣封爵虛懸是以 皇考審擇其人躊躇  
有待乃安郡王之子孫遽生怨望吳爾占色亨圖等至屢形於辭  
色夫國家恩施詎可倚恃而強邀今廉親王以不襲封安郡王之  
故讒間宗室搖動該王屬下人等之心以累世仰受 太祖 太  
宗 世祖 聖祖施恩之舊人豈肯被伊引誘遂其擾亂若強欲  
令朕襲封安郡王則朕從容施恩之本念俱不可行矣將襲封安  
郡王之本章發回不准承襲其屬下佐領著俱撤出另賜他人○  
戊申以軍前效力封厄魯特貝勒額駙阿寶為郡王台吉沙畢多  
爾濟為貝子喀喇沁一等塔布囊噶爾馬色楞札薩克一等台吉  
沙克都爾扎布俱為輔國公餘升賞有差○命旗員因公革職者  
免當勞苦差役及挑取烏槍馬甲私罪仍照舊例○己酉命九卿

於新科進士內有居家孝友人品端方者各舉所知親識亦不必  
回避○分湖北湖南鄉試額湖北中式五十名副榜十名湖南四  
十九名副榜九名武舉各二十五名○添設刑部見審司辦理在  
京八旗命盜及各衙門欽發事件○子故福建水師提督施世驤  
祭葬諡勇果贈太子少保○庚戌禮部議覆御史田嘉穀條奏各  
省學政科考生員舊例用四書題文二篇請增用經題文一篇以  
崇經學如遇三冬日短減去四書文一篇從之○壬子拉錫希布  
以老疾乞休加侍郎銜致仕以巴錫為內閣學士原任甘肅按察使○調  
朱綱為湖南布政使鄭任鑰為湖北布政使○吏部奏舉人揀選  
知縣每逾三十年不克及時試用除見在已經截取赴部者聽其  
照例銓選外其餘無論已未揀選之員除本科外應行令直省督  
撫每於鄉試事竣會同主考官秉公驗看凡年力精壯克勝吏治

東華錄 雍正三  
者給文赴部銓選其年老及才具平常者雖已經截取俱准於本  
籍具呈改授教職歸班銓選從之○子故原任禮部尚書陳銑祭  
葬諡清恪○癸丑年羹堯奏王察罕丹津屬下厄爾克扎爾固齊  
阿爾塔爾和碩齊拉布木三人將羅卜藏丹津看守伊等賊兵殺  
散帶領一千餘戶口來投貝勒色卜騰扎爾帶領青海左翼公冊  
零之弟台吉巴爾珠爾等妻子並屬下人二千餘口來投臣即宣  
諭 皇仁赦其被脅從逆之罪安插於西川口外報聞○甲寅解  
佛格任調阿爾松阿為刑部尚書由禮部調○丙辰諭內閣每日條奏  
甚多朕覽訖或交王大臣等議奏或交九卿或交該管處議奏至  
於日久朕安能一一記憶凡朕交議事件內與前奏有重複者即  
行奏聞若事雖相似而所陳有更詳悉者仍行定議具奏○年羹  
堯奏察罕丹津之婿喇卜坦察桑巴圖等屬下一千四百餘戶及



丹忠屬下七百餘戶俱從羅上藏丹津處脫逃來投仍令往原處居住報聞○戊午年羹堯奏墨爾根戴青拉查卜之子察罕喇卜坦旺舒克喇卜坦二人率眾來投云我父墨爾根戴青拉查卜聞大兵前來逃往巴爾喀木地方再堪布諾門汗亦率屬人來投查墨爾根戴青拉查卜與羅上藏丹津併力搶掠察罕丹津情屬可惡已令察罕喇卜坦遣人喚回伊父俟到日審明請旨堪布諾門汗係邊口內塔爾寺喇嘛乃察罕丹津親姪唆令羅上藏丹津叛逆又令伊等喇嘛與我兵交戰雖勢窮來投情難姑恕到日臣即行正法報聞○庚申子故原任工部右侍郎王懿祭葬○辛酉年羹堯奏賊人來侵布隆吉爾地方參將孫繼宗遊擊孫超節領兵往迎遇賊三千餘人正交戰時副將潘之善引兵繼至併力奮擊殺賊甚眾所獲器械無算報聞○壬戌宗人府奏履郡王允禩受

東華錄

雍正三

三

皇上深恩不敬謹辦事每思推諉應革去郡王降授輔國公得旨允禩自封王以來並不感激效力著革去郡王仍在原固山貝子上行走○禮部議覆浙閩總督覺羅滿保奏西洋人在各省起蓋天主堂潛住行教人心漸被煽惑毫無裨益請將各省西洋人除送京效力外餘俱安插澳門應如所請天主堂改為公所誤入其教者嚴行禁飭得旨西洋人乃外國之人各省居住年久今該督奏請撤移恐地方之人妄行擾累著行文各省督撫伊等撤移時或給與半年數月之限令其撤移其來京與安插澳門者委官沿途照看送京母使勞苦○復設江南雲臺山東海營以海州營守備移駐增把總一兵百六十六名○設立廣西太平土州縣以養利州訓導一員移駐○乙丑賜李琰等一百三十六人武進士及第出身有差○丁卯冊立嫡妃那拉氏為 皇后封年氏為

貴妃李氏為 齊妃鈕祜祿氏為 熹妃宋氏為 懋嬪耿氏為 裕嬪翌日頒詔天下覃恩有差○癸酉年羹堯奏西甯一帶番賊俱經剿滅惟南川口外郭密九部肆行截搶臣廣行招撫有沙克都爾阿拉布坦率三部來投其餘部落仍行恣肆其呈庫活爾賈二部暴戾尤甚岳鍾琪帶來瓦斯雜谷之兵熟習山路臣前令岳鍾琪在歸德堡將上寺東策布下寺東策布之助惡賊番勦撫兼施俱已安插即移師進剿郭密番賊搜捕賊穴將呈庫一部攻殺殆盡活爾賈等部首惡已誅其餘盡皆投降報聞○是月免直隸開州等二十二州縣康熙六十年旱災江南海州溧陽太倉等二十七州縣衛旱災河南中牟等十縣水災額賦有差○是歲朝鮮琉球來貢○會計人丁戶口二千五百三十二萬六千三百七又永不加賦滋生人丁四十萬八千五百五十七田地山蕩畦地

東華錄

雍正三

三

百有奇



臣王先謙敬編

臣周澗蕃恭校

雍正二年甲辰春正月丁丑年癸亥奏十二月十三日羅卜藏丹津送侍郎常壽回營並呈奏章一函筆帖式多爾濟被賊掠去仗義捐軀請施恩優卹以示鼓勵得旨侍郎常壽乃簡任西甯辦理青海事務之員伊並不將羅卜藏丹津謀叛情形奏聞一切軍務悉推諉於年羹堯又擅棄西甯輕往青海為羅卜藏丹津所獲及羅卜藏丹津將伊釋放復覩顏生還溺職已甚著將常壽解西安監禁至筆帖式多爾濟被賊擒獲不屈身死甚屬可嘉著交部照殉節例議敘仍著大將軍年羹堯照例子祭○戊寅論年羹堯朕前曾降旨羅卜藏丹津被囚時必將常壽送回請罪今果將常壽送回矣羅卜藏丹津從此又以甘言巧懇阻滯吾兵亦未可定羅卜藏丹津乃孤負國恩與吾兵對敵之叛賊國法斷不可宥不得因伊曾封王爵稍存疑慮再與羅卜藏丹津同謀之王貝勒貝子公等既經背叛其爵即宜削除伊等或來歸順或被擒獲不必更論其先曾封爵但論其行事之輕重可寬者從寬應治罪者治罪辦理奏聞○庚辰以故大學士一等公圖海配享太廟西廡○辛巳祈穀於上帝恭奉聖祖仁皇帝配享○領侍衛內大臣公馬爾賽等以伊祖配享具疏謝恩得旨此出自聖祖皇考所遺恩旨爾祖茂著功勳爾等其法祖報效各相奮勉○甲申諭理藩院西海逆賊羅卜藏丹津一事喇嘛等理宜將叛亂之人善言開導令其和輯不致起事戕害生命是為維持佛教如其不能亦應呈明該將軍等各自閉戶安居豈意反助西海背逆之人竟

糾合數千喇嘛手持兵刃公然抗拒官兵及至潰敗猶不降順入廟固守以致追殺覆滅有玷佛教甚矣欽惟太宗文皇帝時第五輩達賴喇嘛遣使人覲極為恭順及世祖章皇帝時將第五輩達賴喇嘛延至京師封為瓦齊拉達喇達賴喇嘛被殊禮百年以來法教興隆皆我朝之恩賜也前者準噶爾寇犯招地殺戮僧徒拆毀寺廟聖祖仁皇帝遣發大軍恢復招地俾達賴喇嘛重安法座佛教復興如此隆恩喇嘛並不感激反助悖逆之人兇惡已極於佛門之教尚可謂遵受奉行者乎將朕此旨徧諭各處寺廟喇嘛並住居蒙古扎薩克處之大小喇嘛等知之○丁亥授四川提督岳鍾琪為奮威將軍○戊子封喀爾喀鎮國公策旺諾爾布為貝子○辛卯諭兵部副將孫繼宗領兵在布隆吉爾等處同遊擊潘之善大敗青海逆賊孫繼宗著賞給總兵官職銜俟有

東華錄 雍正四

陝西總兵官缺出題補○壬辰以牟欽元為太常寺卿調田文鏡為河南布政使以高成齡為山西布政使金啟復為山西按察使原任雲南○以張楷為江蘇按察使○癸巳諭宗人府皇考以公星尼招搖生事革去公爵繼又念伊先人之故仍復施恩令伊子星海承襲公爵詎知星海又復不才昏庸懶惰身罹國憲皇考尚冀星尼或知懲創改惡習復其公爵以觀後效今星尼不惟不感戴皇考之恩不知改行易轍且各處鑽營無恥莫甚有玷天潢著仍革去公爵拘禁在家將應襲公爵之人查明具奏再伊屬下佐領甚多與公爵不稱可酌留數佐領給與襲公之人其餘佐領存於公處○諭內閣廣東總督楊琳辦理鹽務以來聞將窮民生理盡行霸占百姓怨憤夫錢糧雖屬緊要當為百姓存留微利養生若既為錢糧起見又圖自己取利絲毫不與百



姓使窮民失所成羣竊盜其害較缺欠錢糧為更大矣務須謹慎廉潔從公辦理方屬稱職不可止為錢糧起見不顧百姓○甲午諭總理王大臣等朕御極以來加恩文武官員各得升階而宗室獨無仕進之路朕欲施恩予以升階思之再三總不可得如用伊等為大臣等及侍衛猶可供朕使令若用部院或遇屬下人為大臣難以行走勢必至貽仰情面若令其鄉試會試與民人一體按檢恐失觀瞻可否補用宗人府官員筆帖式之處爾等傳與宗人府議奏再宗室內有學優才美者作何考選之處亦著議奏○年羹堯奏張家胡土克圖之胡必爾汗原住西甯東北郭隆寺屬下喇嘛甚多素與羅卜藏丹津阿爾布坦溫布和好本年正月郭隆寺眾喇嘛忽聚兵操演臣隨給示禁止而寺內喇嘛傳令東山一帶番人約於是月十一日齊集拒戰臣見反形已露急宜剿滅隨東華錄 雍正四

遣提督岳鍾琪會同前鋒統領蘇丹副都統覺羅伊禮布等統兵進剿尚未至郭隆寺而賊眾已於十二日駐營哈拉直溝迎敵我軍直前奮擊斬殺數千據其三嶺毀其十寨副將宋可進總兵官吳正安黃喜林等各有斬獲隨沿途毀其七寨焚其房屋七十餘所次日抵郭隆寺外山谷間伏賊千餘人皆逃入洞內我兵施放槍礮復聚薪縱火賊俱薰死計前後殺傷賊眾共六千餘名隨毀郭隆寺並查究張家胡土克圖之胡必爾汗消息眾喇嘛已豫先攜往大通河西雜隆地方臣即將達克瑪胡土克圖正法此次效力弁兵及陣亡受傷者俟查明咨部得旨效力官兵俟事竣議敘其勞績尤著之官兵俱著加銜二等○庚子建 孔子廟於歸化城左右兩翼各設滿學教官一○辛丑封喀爾喀一等台吉滾卜扎布為輔國公○壬寅直隸巡撫李維鈞奏請揀發人員以收實

效諭直隸咫尺京師必無懸缺久待之慮朕於遠省每揀發人員不過暫時權宜止行一二次並非常例應將一省屬員內量材器使斟酌調補隨時摺奏以聞○癸卯廣東巡撫年希堯奏盤查藩庫用巡撫封條封貯但新收錢糧多寡未悉請另設一庫委道官一員兼同藩司察視收支得旨朝廷設官各有職掌巡撫乃朕任用之人藩司亦朕所簡用者理應協恭辦理況撫藩同在一城儻有虧空何難覺察年希堯欲令道員監察藩庫向來道員倉庫藩司有盤查之責今反欲自下察上殊屬倒置原本發回嚴加飭行○以壽州定遠等州縣歉收命發前截漕米四萬石平糶○部覆黃炳奏山東散賑銀米著落各官賠補 上不允命給帑

二月丙午初 聖祖仁皇帝 御製上諭十六條頒示八旗及直省兵民人等自綱常名教之際以至耕桑作息之間本末精粗公東華錄 雍正四

私鉅細各舉要領垂訓萬世 上以各條遵行日久慮民或怠宜申告誠以示提撕迺復尋釋其義推行其文共得萬言名曰 聖諭廣訓並製序文刊刻成編頒行天下○諭八旗文武官員人等我國家念爾等祖父皆係從龍舊臣著有勳績故加恩後裔量才授官冀收心營驅策之效爾等自當恪守官箴勤勞王事建股肱之盛烈垂清白之家聲庶幾上以仰報君恩下以顯揚世美乃每見旗員居官不能悉體朝廷期望之意賢否雜出志行不齊由筮仕之初輒謂旗人與漢人不同漢人無累可以輕視自守旗人則本旗官屬需索多端親族往來責望甚眾萬一任滿又不免有當差之累此念一起百弊叢生不以忠君體國為心不以曠職殃民為懼潛通賄賂恣意苞苴惟期囊橐之充盡喪廉隅之守殊不思國家察吏廉者獎貪者懲滿與漢無二法也爾等果能潔己奉公



始終一節休聲丕著惠政日聞朕自當從優擢用以示獎勵凡所  
過慮皆可不必如其不然則法網難寬縱家擁厚貨安能坐享乎  
至於爾等家世武功業在騎射近多慕爲文職漸致武備廢弛而  
由文途進身者又止傲倖成名不能苦心向學玩日愒時迄無所  
就平居積習尤以奢侈相尙居室器用衣服飲饌無不備極紛華  
爭誇靡麗甚且沈湎梨園遊博肆不念從前積累之維艱不願  
向後日用之難繼任意糜費取快目前彼此效尤其害莫甚朕特  
加諄諭自此以後出仕者各宜精白乃心靖共爾位人人以廉能  
自矢不得藉旗人多累之說以遂其罔上行私之術八旗子弟各  
習其業文則潛心制義博覽詩書務求用世之實學武則嫻習弓  
馬講究韜略預儲闈外之良材且各崇儉戒奢安分循禮父誡其  
子兄誡其弟與其恣情縱意博一日之豪華何如量入爲出謀百  
東華錄 雍正四 五  
年之生計與其蕩檢踰閑作無藉之匪類何如謹身寡過勉有用  
之事功以報朝廷以蘇世澤以敦風俗以保身家顧不美歟大雅  
之詩曰凡周之士不顯亦世蓋欲疏附後先之子孫亦世世修德  
與周匹休也爾等八旗皆佐命後昆深願克紹前修榮名悠遠國  
家亦重有賴焉其各欽承母忽○諭各省關差鹽差等官從來關  
推鹽稅之設所以通商裕國或用欽差管轄或令督撫兼理無非  
因地制宜利商便民之至也朕前於關鹽兩差各下諭旨誥誨諄  
切但旗員向來相沿成習陽奉陰違任意侈靡不知樽節額外加  
派苦累商民差滿之日惟恐回京有當差效力之事每以缺額懇  
求寬限希圖掩飾是以不憚丁甯再加申飭大抵關差之弊皆惟  
知目前小利恣意侵漁聽信家丁縱容胥吏開關分別遲早肆無  
厭之誅求報單任意重輕爲納課之多寡飽給壑者則任其漏稅

代爲朦朧不遂願者則倒篋傾箱不遺纖細致商賈畏懼裹足不  
前行旅徬徨越關迂道則困商實所以自困也鹽差之弊尤合重  
懲飛渡重照貴賣夾帶弊之在商者猶小加派陋規弊之在官者  
更多若不徹底激清勢必令商人失業國帑常虧夫以一引之課  
漸添至數倍有餘官無論大小職無論文武皆視爲利藪引分  
肥商家安得不重困賠累日深則配引日少配引日少則官鹽不  
得不貴而私鹽得以橫行故逐年之課難以奏銷連歲之引盡皆  
壅滯非加派之所致與故關差在嚴禁苛求使舟車絡繹貨物流  
通則稅自足額鹽差惟在力除加派使商困少蘇盡復舊業則課  
自盈餘至於督撫係封疆大吏更當仰體朝廷歸併之意乃罔恤  
窮商獨專厚利硬派州縣計口徵錢夫推關部屬尙有顧忌恐督  
撫持其短長今歸督撫則何所瞻顧巡鹽御史地方官或不奉約  
東華錄 雍正四 六  
束今歸督撫則孰敢抗違況欽差猶每年更換而督撫兼理則無  
限期若不實心奉行使風清弊絕則大負歸併之本意矣至將耗  
羨充課固屬急公但恐以耗羨歸正額而額之外復加耗羨商民  
重輸疊出何以堪此朕深悉關鹽擾累之害垂念商民營逐之苦  
特諭爾等經理推稅者務期奉公守法遵委得人知商旅之艱辛  
絕算欵之弊實通商卽所以理財足民卽所以裕國如敢自利自  
便罔上行私責有攸歸其悉遵朕旨○戊申以李衛爲雲南布政  
使仍兼鹽務由驛鹽○廣西提督韓良輔奏謝賞賚恩得旨賞罰  
之柄雖操於朕若徇徇以愛惡之私則對天下後世不能無慚惟  
本至公而施之各當然後人心悅服是賞罰雖云在朕而實在海  
內臣民之自取也○己酉諭諸王大臣九卿等欽惟 孝莊文皇  
后躬備聖德 天錫純禧誕育 世祖章皇帝瑞應昌期君臨萬



國建我 聖祖仁皇帝繼 聖嗣統久道化成立萬世無疆之業  
 皆我 孝莊文皇后福德兼隆之所啟佑也康熙二十六年十二  
 月 慈馭升遐先期再三面諭我 聖祖仁皇帝曰我身後之事  
 特以屬汝 太宗文皇帝梓宮安奉已久卑不動尊此時未便合  
 葬若另起瑩域勞民動眾究非合葬之義我心戀汝父子不忍遠  
 離止於遵化州 陵瑩近處安厝我心無憾矣 聖祖仁皇帝涕  
 泣受 命爰 諭諸王大臣集議僉同於康熙二十七年四月安  
 奉 梓宮於 孝陵之南為 暫安奉殿迄今三十餘年矣朕惟  
 禮經云合葬非古也先儒又云神靈有知無所不通是知合與不  
 合惟義所在今 昭陵安奉日久若於左近另起 山陵究非合  
 葬之義且自 孝莊文皇后安奉以來我 聖祖仁皇帝歷數縣  
 長海宇又安子孫蕃衍想 孝莊文皇后在天之靈極為安安  
 東華錄 雍正四

遺命諄諄 聖祖仁皇帝遵奉三十餘年今朕身任付託之重  
 山陵典禮斟酌盡善永垂萬世事莫大焉著諸王大臣九卿等會  
 同確議具奏○庚戌諭刑部部內彙奏本內有罪應割筋者定例  
 固然但割後即成廢人理宜審慎今部奏入彙題冊中恐致疏忽  
 嗣後滿洲人等有此罪之案另行具奏○壬子年羹堯奏青海貝  
 勒羅卜藏察罕貝子濟克濟扎布台吉滾布色卜騰納漢伊席羅  
 卜藏察罕之母率領伊等妻子及貝勒策凌敦多卜之姊投至西  
 甯隨酌給茶葉大麥等項仍令往口外駐紮訖臣思羅卜藏丹津  
 欲威脅懦弱以益兵力眾人尚在游移若不乘機派兵前往則來  
 投之人勢難保全臣令提督岳鍾琪總兵官吳正安黃喜林侍衛  
 達爾副將王高宋可進紀成斌等領兵六千名分二路進剿前鋒  
 統領蘇丹雷於西甯軍營辦事報聞○癸丑諭直隸各省督撫等

朕惟撫養元元之道足用為先朕自臨御以來無刻不慮念民依  
 重農務本但我國家休養生息數十年來戶口日繁而田地止有  
 此數非率天下農民竭力耕種兼收倍穫欲家室盈甯必不可得  
 周官所載巡稼之官保介田畷皆為課農設也今課農雖無專官  
 然自督撫以下孰不兼此任各督撫其率有司悉心相勸並不時  
 諮訪疾苦有絲毫妨於農業者必為除去仍於每鄉中擇一二老  
 農之勤勞作苦者優其獎賞以示鼓勵如此則農民知勸而惰者  
 可化為勤矣再舍旁田畔及荒山曠野度量土宜種植樹木桑柘  
 可以飼蠶棗栗可以佐食柏桐可以資用即榛楛雜木亦足以供  
 炊爨其令有司督率指畫課令種植仍嚴禁非時之斧斤牛羊之  
 踐踏奸徒之盜竊亦為民利不小至孳養牲畜如北方之羊南方  
 之豕牧養如法乳字以時於生計誠有裨益總之小民至愚經營  
 東華錄 雍正四

衣食非不迫切而於目前自然之利反多忽略所賴親民之官委  
 曲周詳多方勸導庶使踴躍爭先人力無遺而地利始盡不惟民  
 生可厚風俗亦可還淳爾督撫等官各體朕惓惓愛民之意實心  
 奉行儻視為具文苟且塗飾或反以擾民則尤為不可也○丙辰  
 禮部等衙門奏 聖祖仁皇帝以明太祖宗祀淪絕訪求支派一  
 人授之官爵恪奉烝嘗我 皇上繼志存恤特申前諭臣等謹按  
 明太祖之子封藩者十二人迄今三百餘年子姓雖繁無從考證  
 查得鑲白旗朱文元係明太祖第十三子代簡王之後明崇禎時  
 簡王後裔代王為洪承疇監軍於松山我 太宗文皇帝時代王  
 與伊姪文元同被俘獲遂歸我朝會蒙 聖祖仁皇帝召見親詢  
 宗系今原任內閣侍讀學士朱海錫之子眾關係等俱文元之孫  
 也文元於順治年間曾奏明往大同取其宗族來京今見任直隸



正定府知府朱之璉一支是也請於此一支內查取譜牒吏部揀選引見擇用一人隨飭禮部差官同伊祭告明太祖陵及昌平十三陵以承祀事仍令回京居住嗣後每年春秋二季令其呈明前往從之○戊午諭總理王大臣等青海之事不日告竣而策安阿喇布坦亦屬恭順其撤回各路之兵及固守地方之事應豫行定議額駙策凌貝勒博貝俱在阿爾泰駐紮年久地方情形皆所悉知見皆在京可詳詢阿爾泰一路兵丁如何撤回及駐防兵丁應於何處安設之處確議具奏尋議撤阿爾泰及烏蘭古木兵於茂岱察罕叟爾扎克拜達里克兩處從之○諭各省督撫凡百姓完納錢糧當令該戶親身投納不許里長甲首巧立名目希圖侵蝕不肖生員監生本身田產無多輒恃衣衿包攬同姓錢糧自稱備戶官戶每當地丁漕米徵收之時遲延拖欠有誤國課通都大邑

東華錄

雍正四

九

固多而山僻小縣尤甚該督撫著即嚴查曉諭革除儒戶宦戶名目如再有抗頑生監即行重處毋得姑貸儻有瞻顧不即革除此弊者或科道參劾或被旁人告發治以重罪○解李馥任以黃叔琳為浙江巡撫由吏部左侍郎遷○年羹堯奏據岳鍾琪報稱二月初八日領兵出口聞巴爾珠爾喇布坦在烏蘭博爾克地方即分兵三路進剿及至其地賊人已經逃遁遂令總兵官吳正安率兵由北路總兵官黃喜林副將宋可進率兵由中路岳鍾琪侍衛達爾率兵由南路往追賊人副將王嵩紀成斌等各率兵接山岳鍾琪追至阿克哈爾吉地方阿爾布坦溫布逃入哈爾吉山中我兵進山遂擒獲阿爾布坦溫布黃喜林擒獲巴珠爾喇布坦並其叔伊克喇布坦因追剿賊首羅卜藏丹津不可遲延即攜擒獲之阿喇布坦等三賊進剿並收撫逃散部落報聞○己未子陣亡原任

湖廣總督額倫特祭葬諡忠勇○辛酉諭禮部帝王臨雍大典所以尊師重道為教化之本朕覽史冊所載多稱幸學而近日奏章儀注相沿未改此臣下尊君之詞朕心有所未安今釋菜伊邇朕將親詣行禮嗣後一應奏章記註將幸字改為詣字以伸崇敬○阿錫爾緣事革職轉薩爾納為工部左侍郎以綽爾岱為工部右侍郎由內閣學士遷○壬戌調噶爾圖為盛京禮部侍郎以馬喇為刑部右侍郎由副都統遷○癸亥 上親耕藉田三推畢又加一推嗣是以為常○甲子諭各省督撫朕惟四民以士為首農次之工商其下也漢有孝弟力田之科而市井子孫不得仕宦重農抑末之意庶為近古今士子讀書砥行學成用世國家榮之以爵祿而農民勤勞作苦手胼足胝以供租賦養父母育妻子其敦龐醇樸之行雖寵榮非其所慕而獎賞要當有加其令州縣有司擇老農之勤勞

東華錄

雍正四

十

儉樸身無過舉者歲舉一人給以八品頂帶榮身以示鼓勵○年羹堯奏羅卜藏丹津背叛阿岡部落賊番每探報內地信息臣令涼莊道蔣洞等率兵四路進剿擒斬人口牲畜無算即將賊首阿岡囊蘇正法得旨蔣洞著加按察使銜○丙寅雲貴總督高其倬疏報中甸地方原係麗江所屬後為青海占去領逆賊羅卜藏丹津偽札臣遵旨令提督郝玉麟帶兵駐紮中甸其番夷人等隨即投繳偽札歸誠納土見在安撫清理疆界得旨郝玉麟遵旨率兵至中甸揚威駐紮宣布德意中甸番夷頭目歡忭感激率眾三千五百戶男婦一萬七千五百名喇嘛一千十四人投誠納土高其倬復遣官安撫殊屬可嘉俟青海事竣之日議敘具奏○年羹堯奏據岳鍾琪報稱二月十四日領兵至席爾哈羅色地方知吹拉克諾木齊見在天城察罕哈達居住因即派兵前往擒獲男婦性



畜甚多吹拉克諾木齊於十四日帶三百餘人乘夜遁往噶斯地方其屬下都喇爾寨桑及扎錫敦多布之母帶領屬下人口馬匹逃遁被台吉益蘇克汪扎爾等擒獲投獻即賞給伊等段匹銀兩令帶領蒙古兵五百名往噶斯一路追擒吹拉克諾木齊並令守備劉廷彥等帶兵同往再訪得羅卜藏丹津仍在原處居住大兵務於十九日至伊所住地方進剿報聞○丁卯轉史貽直為吏部左侍郎以沈近思為吏部右侍郎由太僕寺卿遷○年羹堯奏據涼莊道蔣洞報稱石門寺喇嘛渾囊蘇山丹等所屬羅卜藏馬賈等部落從前伴稱歸順潛與謝爾蘇厄爾二部落逃散人等倚石門寺為巢穴肆行劫掠等語臣隨令蔣洞率領綠旗土司民兵分為五路進發至石門寺奮勇齊擊殺死喇嘛番賊六百餘人接寺得盜甲五十餘副刀槍撤袋等物甚多因即將寺毀焚收兵而還報聞○東華錄

庚午 上詣 黑龍潭祈雨○辛未康親王崇安等遵旨議奏

聖祖仁皇帝遵奉 孝莊文皇后遺旨奉安 暫安奉殿至今三十餘年 聖祖仁皇帝福壽康甯四海生民樂育誠希有之吉兆允宜定為陵寢得旨是著即擇日興工○壬申諭刑部今屆仲春雨澤愆期時有大風朕心深用兢惕念自臨御以來惟恐政事或有缺失時時省察不敢少有忽略且令諸臣直言陳奏而諸臣所奏徒事頌揚毫無裨益朕之虛心至意可以質諸 天地實堪自信無少愧處熟思刑名為國家之要務上關 天和下繫民命若刑獄未能清理即為天時亢旱之由是以朕於獄獄再三詳慎即懲治之人雖置之於法朕於其中從寬從輕之處惟 天地知之至於兇頑之徒情罪重大眾人知者亦有不能盡知者俱於法外從寬不可勝數並未冤抑一人此亦可以自信者但爾部所辦

案件雖如朕親理然其中終有微間夫用法不得不嚴所謂火烈而民畏之爾等執法之官固宜外示嚴明而中心須存仁恕凡案件到部數日可結者不得固執定限即當速行審結以免拖累牽連則輕罪之人不至久羈囹圄且案件早完一日則無辜者得早脫一日之苦若因限期未滿任意耽延雖所告得伸者亦必致其含怨即訊鞫罪人亦不可輕用重刑若云非夾訊不能定案此尤爾部之大謬錄囚之際當如懲治家人子弟嚴切之下務存矜憫之心但求平允不可過當所謂如得其情則哀矜而勿喜也朕在藩邸時奉 聖祖諭旨發審事件初見用刑徧體驚顛不覺淚下至數見之後遂覺少異於前爾等刑官訊獄動刑習為常事若少有未當所關甚鉅即大負朕任用之意且爾等亦當自念其子孫豈可疏忽致有後悔乎蓋刑部非他曹可比尤不可以愚昧意想

東華錄 雍正四 十一

不到以致錯誤為辭嗣後諸事當同寅協恭速為辦理毋得恃才偏執毋得瞻徇推諉務宜仰體朕心以恤民命也○癸酉年羹堯奏楚克賴納木扎爾率伊子策凌敦多卜及屬下一千餘戶來投賞給茶葉大麥等物仍令往伊克烏蘭和邵等處居住報聞三月乙亥朔 上詣太學釋奠 先師孔子御彝倫堂命講大學尚書廣太學鄉試中額○丁丑雨 上賦詩誌喜○河南巡撫石文焯奏請將捐穀耗羨銀兩存庫充公得旨耗羨存庫不過暫寄以備地方公用斷不可歸入錢糧之內凡此等羨餘概不得牽混正項國家經費自有常額若將此入正項爾等羨餘必仍另取不特名實相違且恐移東就西反致滋弊○山東巡撫黃炳奏父子兄弟同登仕籍繕摺謝恩得旨爾一門榮寵固幸遭逢然必能互相砥礪感恩圖報方期福澤綿遠若倚勢家庭顯耀任情縱恣明



比黨援轉相請託順之者屈意容隱逆之者多方排擠甚至欺君虐民有所不顧如此則目前富貴非為福基翻為禍媒歷觀古今人事履盛滿之時不惟不敢稱慶且更加謙謹所以世代子孫長保安全也爾可體此意傳親族之在仕籍者俱令知之○戊寅詣學禮成 上御太和殿羣臣朝賀是日召衍聖公孔傳鐸之子孔繼溥等入見賞賚有差○大學士等奏 皇上至誠至敬感協天心甘雨應時隨禱立應合辭稱賀得旨誠敬二字朕之所勉朕能先天下之憂而憂諸卿必後天下之樂而樂也期卿等共勉之○轉金世揚為工部左侍郎以李鳳翥為工部右侍郎署工部○封科爾沁協理旗務台吉烏爾呼滿爾和托輝特台吉沙克扎俱為輔國公○庚辰 上恭謁 陵寢啟鑾○移江西湖口關於九江分設口岸於大姑塘○癸未詔大計軍政應奪職者毋俟部覆即東華錄 雍正四 五

東華錄 雍正四

藏丹津之事大將軍年羹堯奮威將軍岳鍾琪以及兵丁皆奮勇殺賊於十五日內即能將逆賊剿滅平定殊為可嘉年羹堯著授為一等公再賞一精奇尼哈番岳鍾琪著授為三等公凡效力官兵俱加優恩策勳外著戶部動用錢糧二十萬兩送至大將軍年羹堯處分別官兵效力等次賞給以示格外加恩之意○封大將軍年羹堯之父年遐齡為一等公加太傅銜賜段九十四○乙酉清明節 上親詣 景陵著黃布護履躬自負土膝行至 寶頂跪添土畢匍匐退行又詣 隆恩殿行大祭禮祭畢入至 寶城前伏地哀慟諸王大臣敦請再四出 隆恩門猶瞻望移時乃回行宮 上回鑾○丁亥 上還京師○庚寅封裕親王保泰子廣華為輔國公○壬辰敕諭準噶爾台吉策妄阿喇布坦爾前者無故侵擾我哈密疆界罪在不赦 皇考聖意止令於邊地防守雖東華錄 雍正四 六

五九



前通市使命往來爾台吉誠能以鮮終為戒其必惟和惟順無貳無疑披瀝悃忱以期永好不特克協於朕休養生靈至意爾台吉遊牧地方亦永永無虞安居樂業矣特賜諭示並賜各色段二十匹爾其祇領○江南提督高其位奏松江之泖湖澱湖澄湖港泖叢雜奸宄易滋目今太湖遵旨稽查防範泖澱諸湖亦宜豫籌防禦計松江所屬一百十三處俱應釘椿立柵編民船嚴啟閉以杜奸宄出沒之路得旨此事廷議不准行夫地方文武大吏酌量彼處情形相機而為又在爾等權宜措置也查果無礙於商民之處毋因廷議不准遂爾中止地方諸務總以便民為主誠實心任事自必情理俱洽○年羹堯奏副將軍阿喇納報稱阿拉布坦蘇巴泰等截路搶奪宜行殲除臣令總兵官孫繼宗喀爾喀扎薩克通摩克等率兵進剿至哈拉腦兒知阿拉布坦蘇巴泰等逃往阿祿

東華錄

雍正四

五

巴爾虎即進兵追至推墨爾地方賊人拒敵被官兵擊敗盡棄牛羊止率妻子逃去報聞○癸巳命江蘇各屬設粥廠賑○甲午諭刑部刑獄關繫重大必須虛公詳慎盡得實情不可疏忽遺漏以致民有冤抑夫君臣之義本同一體朕視臣下如手足也爾等遇事有可疑不能決者不妨面奏俟朕斟酌至當然後施行若既不面奏又以私心揣度巧為迎合及刑罰不中則退有後言將所謂股肱大臣之任而存心卑污如此豈不可恥或朕有未當之處亦不妨直陳所見人非聖人孰能無過君子之過如日月之食過而能改善莫大焉朕之不吝改過諒爾諸臣素所共知凡有功者加之以賞有罪者加之以刑此乃帝王御世之大權朕但知因事順應並不先有成見爾等皆宜體朕欽恤之意不可自恃己見亦不可彼此推諉和衷協恭平心靜氣毋得有意迎合務使用法如

衡之平如鑑之明庶幾民不輕犯國無冤獄以共成咸中有慶之治○以覺羅塞德為左副都御史原任員外郎○丙申以青海平定遣官告祭 天 地 宗廟 社稷 奉先殿○丁酉直隸巡撫李維鈞奏見行地方事宜各款虧空地丁銀兩均攤十分之四以便逐漸補完一減火耗每兩二三分以紓民力一起解兵餉知府例有規禮今悉裁革令州縣自行解司一各官衙署例有里下鋪墊陋規今已革除一清查地畝無致隱佔一行保甲以杜奸匪一查飭武弁除募兵虛兵之弊一親檢三營甲械勤加操演一修整煙臺添建營房增設馬步兵五名以嚴防汛一編飭村莊築牆掘濠兼選壯丁習練以防盜賊一驛路兩旁栽種柳樹以恤行旅得旨天下督撫皆當如此畱心擴而充之何虞吏治不肅民生不遂耶村莊溝壑實係有益之事但須豫為陳說利害使愚民灼知有益

東華錄

雍正四

五

踴躍樂從秋成之後方可行之斷不宜急遽強迫也民壯頭目殊難其人須擇平素為眾所推服者方可委之董率尤須飭地方官不時稽查其行止勿致生事至種樹即古人列樹表道之意朕見刊諭一道尚未頒發爾奏恰合隨即通行直隸各省矣○賞各旗窮乏兵丁銀兩置備蓋甲兵器○戊戌以陳世倌為內閣學士原任翰林院侍讀學士○己亥禁八旗官員兵丁無得於園館游蕩縱飲○革除各省門差牙帖○庚子子故致仕禮部尚書凱音布祭葬○壬寅江西巡撫裴律度奏湖口關稅贏餘應悉解部得旨今歲贏餘是爾等清釐所致但數覺過多備額外剝削商民則斷然不可關稅多少繫於年歲之豐歉難可豫定或遇不及之年不可勉強必求足數不然是又增加稅額矣當嚴飭胥吏毋致苦累商民○晉封喀爾喀鎮國公顏楚卜多爾濟為貝子○癸卯年羹堯奏據侍



衛達第報稱三月初三日與副將紀成斌等搜尋羅卜藏丹津屬人探得夾木燦堪布喇嘛在布代山後藏匿恐由西藏一路逃遁遣人往調台吉濟木巴等派蒙古兵往西藏邀截即率兵前進至梭羅木地方夾木燦堪布等拒戰敗遁我兵隨後勦殺濟木巴台吉等鈔路迎賊將夾木燦堪布垂扎木素二人擒斬報聞○是月免廣東海康遂溪二縣雍正元年水災額賦

夏四月乙巳以青海平定道官告祭 暫安奉殿 孝陵 孝東陵 景陵○敘平青海功授參贊蘇丹總兵官宋可進為三等阿

達哈番總兵官黃喜林為二等阿達哈番按察司王景灝總兵官周瑛副將王嵩紀成斌為拜他喇布勒哈番提督郝玉麟總

兵官吳正安為拖沙喇哈番以侍衛達第為副都統授拜他喇布勒哈番其餘有力將士升賞有差○丙午怡親王允祥等議覆副

東華錄 雍正四 七

河道總督嵇曾筠奏河工調遣不敷請設標下河兵應不准行得旨嵇曾筠已投副總河駐紮南河兼管運河於河南黃河相去甚

遠猝有緊要工程實難相顧若無標下官兵難供驅使見在總河標下河兵十營為數甚多或令齊蘇勒酌撥分給務期永遠可行

爾等詳議具奏尋議河南黃河險要之處莫如懷慶府屬之武陟縣應令副總河駐紮彼處督率防護就近撥河南撫標守備一員

千總一員把總二員馬步兵一百名按季更替聽副總河差遣至河標營兵應令總河齊蘇勒酌撥分給從之○刑部等衙門奏焦

宏勳侵隱莊親王財產議罪一案御史楊纘緒田嘉穀俱不畫題得旨楊纘緒田嘉穀俱有言職風聞事件尚許奏聞此案三法司

堂官俱已畫題若議罪之處與伊等意見不合即應另行啟奏伊等既不畫題又不另奏非欲沽名即係徇私爾等傳諭楊纘緒田

嘉穀令其明白回奏嗣後凡會稟有不畫題者該部即行聲明具奏○丁未以孔毓珣為兩廣總督李紱為廣西巡撫楊汝毅為兵部右侍郎由左副都御史遷○己酉子雲貴總督高其倬拜他喇布勒哈番世職以其調兵出口諸事盡心也○庚戌諭諸王大臣等自戊子年來朕之無知兄弟數人種種妄行以致 皇考暮年憤懣未嘗貽 皇考一日之安也是以肌體消瘦血氣衰耗伊等非惟不自引咎毫無愛戀之心且固結黨援希圖僥倖由來久矣朕時時殫竭心力寬慰 皇考保全伊等不但伊等知之諒亦眾所共知也朕即位後惟篤兄弟之誼曲予包容指示教誨冀其改過以期終始成全此朕向在 皇考時即志願如此豈今紹登大寶而於兄弟間有指瑕求疵之理乎允禩素行陰險狡詐 皇考深知曾于朕兄弟前屢降 諭旨不可悉數今姑舉其一與眾知之康熙

東華錄 雍正四 六

嘉穀令其明白回奏嗣後凡會稟有不畫題者該部即行聲明具奏○丁未以孔毓珣為兩廣總督李紱為廣西巡撫楊汝毅為兵部右侍郎由左副都御史遷○己酉子雲貴總督高其倬拜他喇布勒哈番世職以其調兵出口諸事盡心也○庚戌諭諸王大臣等自戊子年來朕之無知兄弟數人種種妄行以致 皇考暮年憤懣未嘗貽 皇考一日之安也是以肌體消瘦血氣衰耗伊等非惟不自引咎毫無愛戀之心且固結黨援希圖僥倖由來久矣朕時時殫竭心力寬慰 皇考保全伊等不但伊等知之諒亦眾所共知也朕即位後惟篤兄弟之誼曲予包容指示教誨冀其改過以期終始成全此朕向在 皇考時即志願如此豈今紹登大寶而於兄弟間有指瑕求疵之理乎允禩素行陰險狡詐 皇考深知曾于朕兄弟前屢降 諭旨不可悉數今姑舉其一與眾知之康熙

東華錄 雍正四 六

五十二年 皇考自熱河回鑾駐蹕遙亭允禩遣人以將斃二鷹上進 皇考閱見甚怒隨有 硃批諭旨以示朕及諸皇子比時

捧覽之下俱無奏言朕獨繕摺具奏所批 諭旨誠親王收貯見今繳上諒此 嚴旨允禩未必得知即允禩亦斷不以告也 皇

考所遺諭旨諸王大臣一經捧閱即知之矣朕豈有意陵虐苛責之哉自朕即位允禩優封親王任以總理事務理應痛改前非感

朕包容委任之意輸其誠悃以輔朕躬乃不以事君事兄為重猶以同輩諸弟允禩允禵為伊出力之故懷挾私心至今未已也諸

凡事務不實心辦理有意墮廢且每遇奏事並不身到亦不親加檢點苟且草率付之他人豈非欲激朕怒以治伊罪加朕以不

令之名乎允禩較諸弟頗有辦事之材朕甚愛惜之非允禩允禵等可比是以朕屢加教誨令其回心改過殫厥至誠佐理政治為

六

六

六

六

六

六

六

六

六

六

六

六

六

六

六

六

六

六

六

六



國家得力之人不但成朕友于之誼亦以全 皇考慈愛之衷伊果盡心國事即盡心於 太祖 太宗 世祖 聖祖也豈惟身受隆恩且傳之子孫亦永永勿替若仍不知悔改肆行悖亂干犯法紀朕雖欲包容寬宥而國憲具在亦無可如何當與諸大臣共正其罪矣昔 皇考年十五執巴圖魯公鰲拜往事可鑒朕若果欲將允禩治罪豈有於眾前三復教誨之理實望其回心耳爾諸王大臣宜時加規勸務令改悔允禩果能回心改過明於君臣大義感激朕恩表裏如一爾等即據實陳奏若怙過不悛亦斷不可隱諱允禩 聖祖仁皇帝之子朕之弟也安可目覩其日即於凶惡乎伊之善惡若不據實奏明稍有隱匿非惟負朕更有何顏瞻拜 景陵朕向日並無希望大位之心亦不效伊等營謀有所糾合之人以市私恩小義之名他人容或不知深知朕者無過允禩

東華錄

雍正四

九

也 皇考以大位付朕朕念 皇考四十五年顧復深恩勉承大統仰荷貽謀之重大夙夜祇懼不遑寢食天下幾務無分巨細務期綜理詳明朕非以此博取名特以欽承 烈祖開創洪基仰體 皇考付託至意為 社稷之重勤勞罔懈耳古云為君難若止圖一身逸樂亦復何難惟欲繼美 皇考之治則憂勤惕厲莫難於為君矣朕既受 皇考所付重任則朕之一身上關 宗廟社稷不得不為防範且允禩於 皇考時毫不遜順恣意妄行匪朝伊夕至今猶然不止朕可不念 祖宗肇造鴻圖永貽子孫之安乎茲大臣等參奏允禩一摺曾與誠親王恆親王溥親王閱看王等皆云猶有 皇考大內所降諭旨伊等不知之處甚多隨以 皇考從前所降諭旨另行繕摺具奏請將此摺傳示諸王大臣乃允禩再三懇求奏請免其宣示以全顏面等語果能從此改

悔若將另行繕摺之處暫停宣示著宗人府內閣一併鈐印封固內閣敬謹存貯○諭刑部朕惟明刑所以弼教君德在於好生從來帝王於用刑之際法雖一定而心本寬仁是以虞廷以欽恤垂訓周書以慎罰為辭誠以民命至重少涉疑案甯過乎仁不過乎義也朕自臨御以來一切奏章無不留心細覽於刑獄一事尤加詳慎誠恐法司未能平允情罪未能悉當故凡京城及直省題奏獄獄少有可矜者無不法外施仁量加末減獨念朝審重囚其情實者刑科必三覆奏聞勾除者方行處決而外省情實重囚惟於秋審後法司具題即咨行該省無覆奏之例朕思中外一體豈在京諸囚宜加詳慎在外省者獨可不用詳慎乎人命攸關自當同仁一視自今年為始凡外省重囚經秋審具題情實應決者爾法司亦照朝審之例三覆奏聞以副朕欽恤慎罰之至意○辛亥兵

東華錄

雍正四

十

部參奏允禩奉使口外不肯前往捏稱有旨令其進口竟在張家口居住得旨廉親王允禩議奏尋允禩議應作速行文仍令允禩前往差遣並將不行諫阻之長史額爾金交部議處得旨允禩既於途中私回不肯往今又何必令其出口伊既進口亦聽其自便至額爾金原非允禩意之所重何必治罪著允禩再議具奏允禩又議允禩奉使口外不肯前往捏旨進口應革去郡王撤其所屬佐領沒入家產解回交宗人府永遠禁錮得旨所奏著交諸王貝勒貝子公及議政大臣詳議具奏允禩卑鄙性成行止妄亂文學武藝蒙 皇考訓諭數十年終於一無所成平生無一事可以上慰 皇考聖心貽 皇考一日之悅豫抑且賦性陰險既不自知其庸懦無能又不肯安分守己恣意倔強覽廉親王所奏允禩惡蹟似無虛語數十年來朕諸兄弟各人行誼昭然在人耳目朕之



兄弟知之舉國孰不知之諸王大臣等務期各秉公忠自出意見議奏儻稍有迎合之念又苟且照廉親王所奏議覆之處豈獨壞爾等臣節更有何顏瞻拜 景陵且廉親王所奏或出至誠或蓄他志在朕猶自遲疑未信此事惟賴諸王大臣公忠辦理著速議具奏諸王大臣尋議允祇奉使不肯前往捏旨私自進口不法已極應革去郡王撤回佐領交宗人府永遠禁錮得旨允祇之事交與允禩者特以觀其如何處置向來允禩允禔允禞等俱聽允禩指示即便遵行故朕望允禩教誨伊等使之改過乃不但不行教誨反激成伊等妄為朕所差遣之處竟不前往私回觀望居住口外數月又稱奉旨進口如此不法任意妄行惟欲朕將伊等治罪以受不美之名豈知此等無禮無義乖戾犯法之弟治之以罪適足以昭朕無私之善政何礙之有朕今施以恩澤而不知感喻

東華錄

雍正四

五

以法令而不知懼朕自當明罰敕法雖係兄弟亦難顧惜諸王大臣理應將允祇素行與今所作之罪明白指陳或照允禩所議治罪或加等減等治罪之處請旨定奪朕自降諭旨○甲寅九卿等遵旨詢問御史田嘉穀楊續緒會議焦宏勳一案不畫題又不另議緣由具奏得旨焦宏勳一案田嘉穀楊續緒意見不合即當兩議或將不畫題緣由繕摺奏聞不然即應同三法司畫題具奏言官尙許風聞言事乃在與議之例既不兩議又不奏明緣由又不畫題耽延命案是屬何心因朕問及耽延之故始知由伊等不畫題所致伊等既故為隱瞞設朕不問及不知伊等之不曾畫題竟照法司所議完結伊等必以為人命案件三法司大臣官員不能詳審定案是以我等不曾畫題借此邀名干譽無所不至古人慎重人命每戮一人必謀之左右謀之大夫更謀之國人今縱不能

謀之國人如何與議官員內尙爾議論不能僉同況朕自即位以來屢經面諭大臣官員務宜矢公矢慎同寅協恭不可稍有徧私拘執意見如有於心不合之處不妨奏聞朕自有定奪朕深望爾等之直言陳奏爾等自應仰體朕心直陳所見今觀田嘉穀楊續緒之所為是專務虛聲自樹黨援非愚昧無知即其心叵測事雖微小亦不可不防微杜漸此風斷不可長田嘉穀楊續緒著革職回籍今尙在三年之內故但令革職回籍如三年後大小臣工猶有各執己見邀譽盜名者朕必治以重罪○丙辰諭湖廣總督楊宗仁湖北巡撫納齊喀湖南巡撫魏廷珍等國家設立常平諸倉蓄穀積粟偶逢旱澇詳報踏勘往返察驗未免後時古人云備荒之倉莫便於近民而近民則莫便於社倉前諭爾等勸導建設蓋專為安民起見也爾等自應轉諭屬員體訪各邑士民中有急公

東華錄

雍正四

五

尙義之心者使主其事果掌管得人出納無弊行之日久穀數日增至於勸捐之時須俟年歲豐熟輸將之數宜隨民力多寡利息之入務從乎輕取償之期務從乎緩如值連年歉收即予展限令至豐歲完納一切條約有司毋得干預至行有成效積穀漸多該督撫亦止可具摺奏聞不宜造冊題報使社倉頓成官倉貽後日官民之累朕初意如此孰料該督撫欲速不達令各州縣應輸正賦一兩者加納社倉穀一石且以貯穀之多少定收令之殿最近聞楚省穀石見價四五錢不等是何異於一兩正賦外加收四五錢火耗耶是為裕國乎抑為安民乎諭到該督撫速會同司道府等官確商妥議務得安民經久之法以副朕意○戊午諭內閣朕於朝會大典行禮有年見近來禮儀比前甚屬廢弛大非尊君敬上之道我 皇考寬仁如天覆幬概予包容故稽察之大臣官員



遂皆視為尋常並不約束糾參漸致玩忽朕今若不整肅嚴禁將來流弊無所底止夫朝堂之上大典攸關君臣之分大義所繫玩忽之人不得不以法治之朕御極以來屢有諭旨近又申飭嚴禁乃李建勳羅植於行禮之日紊越朝章顯違朕旨著將二人俱革職拏送刑部按法懲治並飭稽察御史侍衛等嗣後加謹嚴查有失儀者即行糾參治罪○年羹堯奏侍衛達爾副將紀成斌等領兵前往布哈色布蘇地方擒獲阿布濟車陳台吉再喀爾喀扎薩克沙爾都台吉前來投順報聞○癸亥總理王大臣奏青海大捷應獻俘 太廟恭請 皇上臨御午門受俘得旨平定青海實乃皇考爾貽之功故捷音到日恭告 景陵今逆首安吹拉克諾木齊阿爾布坦温布藏巴扎布等三人檻送來京朕令議獻俘太廟之禮以慰 列祖在天之靈諸王大臣等乃議請受俘歸功東華錄 雍正四

於朕非朕本意也可否止行獻俘不行受俘之禮諸王大臣等再察典禮具奏尋議出師凱旋執獲醜類獻俘廟社即受俘於廷歷代之大典攸昭應請允行從之○宗人府參奏貝子允禩差往西南居住擅自遣人往河州買草踏看牧地抗違軍法肆行邊地請將允禩革去貝子所有屬下佐領撤出為旗下中公中佐領得旨允禩革去貝子撤出佐領之處俱著寬免○革辦理察罕安爾糧餉侍郎薩哈布職以其侵蝕軍餉也○丁卯命資送流民銀兩有餘贖者存貯五城備賑濟掩骼之用○年羹堯奏河州口外鐵布等寨番人皆係青海所屬劫擄道路恣意妄行臣派署河州副將岳起龍等帶兵進剿攻取四十一寨剿服三十七寨殺傷番賊二千一百餘名擒獲人口牲畜無算報聞○己巳諭總理王大臣等允職不肯前往奉差地方並不請旨私自回來詐稱抱病任意出

入邊界朕已寬容數月伊家無惶懼之意公然居住彼處近召入王大臣等嚴降諭旨允職料已稔悉亦竟不差一人前來謝罪奏請殊失人臣之節著革去王爵調回京師永遠拘禁允職之子與伊家產及佐領下人員將如何措置並拘禁處所著各該管處另行請旨○召王之麟來京以甘國奎為浙江按察使原任湖南○辛未諭內務府爾衙門補放園頭弊端百出聞鳴禮石文柱等入官家人中富戶願為園頭壯丁者百計鑽營希圖挑取賂遺園頭倩人代役偷安暇逸又彼此相依為姦營謀取利賄賂該管官員撥給膏腴之產因此所給田畝肥瘠不均得瘠地者受累不堪此等處朕知之甚悉爾等嗣後務秉公平必應行補放之人方可揀選派給地畝務令均平並將斷不受人請託等語明白曉示則伊等必自醒悟不至受人欺詐矣儻不悛改經朕訪知罪在爾等○東華錄 雍正四

壬申增孔顏曾孟四氏學舉人中額一名  
閏四月乙亥以覺羅塞德為戶部額外侍郎仍兼左副都御史○丁丑諭各省督撫社倉之設原以備荒歉不時之需用意良厚然往往行之不善致滋煩擾官民俱受其累朕意以為奉行之道宜緩不宜急宜勸諭百姓聽其自為之而不當以官法繩之也近聞各省漸行社倉之法貯蓄於豐年取資於儉歲俾民食有賴而荒歉無憂朕心深為嘉悅但因地制宜須從民便是在有司善為倡導於前留心稽覈於後使地方有社倉之益而無社倉之害此則爾督撫所當加意體察者也又聞民間輸納錢糧自封投櫃亦屬便民之法但偶有短少之處令其添補每至多方需索其數浮於所少之外應將原銀發還仍於原封內照數補足交納庶可免多索之弊此雖細事督撫大吏亦不可不畱心體察嚴飭有司以除



民累○命續纂大清會典○戊寅諭刑部朕披覽奏章其中人命案件如故殺謀殺者尚少而以鬪毆傷人者甚多或因口角相爭或因微物起釁揮拳操戈一時殞命及至於抵罪雖悔何追此皆由於愚賤鄉民不知法律因一朝之忿貽身命之憂言之可爲憫惻古有月吉讀法之典 聖祖仁皇帝上諭十六條內有講法律以儆愚頑一則蓋欲使民知法之不可犯律之無可寬畏懼猛醒遷善而遠過也但法律包舉甚廣一時難以徧喻爾部可將大清律內所載凡毆殺人命等條逐條摘出疏解詳明通行各省令地方有司刊刻散布於大小鄉村處張挂徧加曉諭風雨損壞仍復再頒俾知鬪毆之律尙然如此則故殺謀殺罪更可知父兄子弟互相講論時存提撕警戒之心以化其好勇鬪狠之習庶命案可以漸少以副朕好生慎罰之至意○命左右兩翼各立宗學一所

東華錄 雍正四

揀選宗室四人爲正教長十六人爲副教長宗室子弟願入學者分別教習清漢書讀書之暇演習騎射並月給銀米紙筆等項以隆教育 上諭宗學正教長輔國將軍善福等朕惟睦族敬宗務先教化嘗見宗室中習氣未善各懷私心互相傾軋並無扶持愛護之意惟知寵厚妻黨姻婭其於本支骨肉視若讎敵殊爲悖謬或因祖父昔日微嫌追念舊惡必圖報復卽如齊正額行事無狀甘蹈匪僻以致重干法紀王貝勒之子孫妄自尊大任意奢侈不顧禮義陷於罪戾者往往有之其將軍及閑散宗室不知自重狎比小人蕩盡先人產業者尤爲不少昔我 皇考加恩宗室養育栽培撫恤備至苟有片長薄技靡不收錄如普奇經希勒什亨等皆曾擢用伊等不思感恩酬德反要結朋黨專事鑽營大負 皇考委任之意且其居家素行亦多乖戾又如賴士不安本分蕩產

破家及其贖罪軍前仍不改過生事訐告此皆宗室中之可爲炯戒者朕嘗歎明代宗室年久繁衍失於訓教末流猥鄙至不可言誠恐朕之宗室日流日下不知前鑑深用爲憂是以亟籌保全之道若非立教設學鼓舞振興循循善誘安能使之改過遷善望其有成今特立義學揀選爾等教習宗室爾等隨其資質勸學興行導以禮義夫教訓之方漸摩陶淑非可責效旦夕也但須盡心竭力善爲開導毋避怨母倦怠教習久而禮義明自當遠惡從善或有不遵教訓罔顧廉恥有玷名教者小則爾等自行懲戒大則揭報宗人府會同奏聞其行止端方精勤好學者無論年齒長幼卽行保奏從來立教之術莫要於獎善懲惡善不獎不能使之勸惡不懲不能使之改爾等旣膺簡任其各平心靜氣屏除私意教訓宗室子弟如己之子弟懇懇然無毫髮不盡其心所頒諭旨令其

東華錄 雍正四

朝夕記誦如木鐸之儆眾俾皆覺悟自新庶幾積習可除翕然向化以協休風爾等務期勤慎勉恪供厥職以副朕篤厚宗親殷勤教育之至意○以貝勒滿都護協辦總理事務○癸未青海叛囚吹拉克諾木齊阿爾布坦温布藏巴扎布解送至京遣官告祭太廟 社稷○諭順天府府尹京師廣甯門外向有普濟堂凡老疾無依之人每棲息於此司其事者樂善不倦殊爲可嘉 聖祖仁皇帝曾賜額立碑以旌好義爾等均有地方之責宜時加獎勵以鼓舞之但年力尙壯及游手好閑之人不得借名濶入其中以長浮惰而生事端又聞廣渠門內有育嬰堂一區凡孩穉之不能養育者收留於此數十年來成立者頗眾夫養少存孤載於月令與扶衰恤老同一善舉爲世俗之所難朕心嘉悅特頒扁額並賜白金爾等其宣示朕懷使之益加鼓勵再行文各省督撫轉飭



有司勸募好善之人於通都大邑人煙稠集之處照京師例推而行之其於字弱恤孤之道似有裨益而凡人怵惕惻隱之心亦可感發而興起也○以謝賜履為左副都御史仍管鹽務由兩淮鹽御史○解程光琳任以余甸為山東按察使由權○甲申兵部等衙門議覆條奏內改併各衛所歸於州縣管轄一條查得各處軍民戶役不同未便歸併且武官科甲出身人員專選衛所守備千

總若盡裁衛所必致選法壅滯應無庸議得旨此事部議所見甚小滇蜀兩省曾經裁減衛所未聞不便今除邊衛無州縣可歸與漕運之衛所軍民各有徭役仍舊分隸外其餘內地所有衛所悉令歸併州縣飭令直省督撫分別詳細區畫其武舉進士作何銓選不令壅滯之處吏兵二部詳議奏聞○乙酉諭戶部朕惟錢糧固屬緊要而民瘼尤宜體恤聞有州縣虧空錢糧百姓情願代賠東華錄雍正四

者此端斷不可開虧空之員未必愛民況百姓貧富不等斷無闔縣情願代賠之理或係棍蠹勾連借端科歛或不肖紳衿一向出入衙門通同作弊及本官被參猶冀題留復任因而號召多事之人連名具呈稱係闔縣願賠後官畏懼承追處分接呈入手即差役按里追呼名曰樂捐其實強派累民不淺嗣後紳衿富民情願協助者聽其自行完納其有闔縣具呈者即將為首之人治以重罪如府州縣官擅准派賠著該督撫查參重處至因公那移之項依限全完定例准其開復嗣後督撫題報全完即給咨本官令其隨本引見朕觀其人可用者即用如不可用以原品休致其年老及不願補官之人亦於本內聲明給還原職不必來京爾部行文直省督撫一體遵行○丙戌 上御午門受俘○以嵇曾筠為河南副總河由兵部右○丁亥諭宗人府及部院大臣等宗室阿布

蘭朕素不深知在 皇考時伊於委任之事尚為勉力廉親王又於朕前保奏朕因特加殊恩由輔國公晉封貝勒賞給佐領又令總理事務外人不知以為阿布蘭曾奏聞二阿哥營書一事故爾擢用不知營書事敗阿布蘭尚自遲疑未奏係貝勒蘇努指使奏聞非其本心也阿布蘭自任以來並不實心效力而且素行卑污前大將軍允禩自軍前回時伊特出班跪接從來宗室公於諸王阿哥並無此例也宗人府建立碑亭翰林院所撰之文阿布蘭以為不佳另行改撰並不頌揚 皇考功德惟稱贊大將軍允禩擬文勒石朕即位後伊自知誣謬復行磨去辦理旗務每每徇私近參奏佐領一事經朕交部查出傳示眾大臣似此罪惡種種朕是以交宗人府議處非有別意也再李英貴勒什亨俱朕施恩擢用之人因其不肖有負朕恩始行革退善則用之不善則退之朕素性也 皇考每訓朕諸事當戒急用忍屢降 諭旨朕敬書於居室之所觀瞻自儆今於阿布蘭既不加詳察任用太急今伊自干不可寬宥之罪又難以用忍則 皇考訓誡之聖明益著而朕亦知過矣阿布蘭應作何治罪之處爾部院滿大臣會同宗人府定議具奏○以黃炳為內閣學士陳世倌為山東巡撫內閣學士○召

王朝恩來京以佟吉圖署浙江布政使原任山東○辛卯免甯州南昌等七州縣浮額銀一萬五千餘兩○乙未以班第為內閣學士由內閣侍○己亥諭兩江總督查弼納署江蘇巡撫何天培河道總督齊蘇勒漕運總督張大有等京口一帶運河為南北漕運咽喉歷年以來挑濬淤淺皆係丹徒丹陽兩縣百姓派辦工役物料俱出民間殊屬偏累此運河乃杭嘉湖蘇松常六郡共濟之河而獨累兩縣之民其何以堪朕深為軫念今後須確估每年經費



悉心會商或令地方官支用地丁錢糧或令河員專司其事於河  
帑內動支開銷毋致累民更聞六郡向有協濟之例抑或共襄工  
費以濟運道爾等確議奏聞以副朕愛惜黎元之意○庚子以塞  
爾圖爲禮部尙書由兵部侍郎遷

五月癸卯朔夏至祭地於方澤恭奉聖祖仁皇帝配享○

甲辰諭戶部朕惟漕運關係甚大經費本無不敷而運丁恣行不  
法者皆由官弁剝削所致如開兌之時糧道發給錢糧任意扣剋  
運丁所得十止八九而運丁之都司監兌之通判又多誅求及至  
啟行沿途武弁借催趨爲名百計需索又過淮盤查私貨徒滋擾  
累究屬無益運丁浮費既多力不能支因而盜賣漕糧偷竊爲匪  
無所不至矣嗣後各省糧道給發錢糧不許剋扣分釐沿途武弁  
不許借端需索運丁除包攬抗違外所帶些須貨物亦無庸苛刻

東華錄

雍正四

元

盤查至江浙船政同知經管修造糧船侵漁尤甚此官於漕政毫  
無裨益著卽裁去爾部行文各督撫不時查察如有仍前需索等  
弊立即指參從重治罪庶運丁漸有起色自必保守身家懷遠約  
束禁官弁之侵削卽所以戢旗丁之才悍也○諭河南巡撫石大  
焯等有人條奏河南河工買草辦運及搶工夫役州縣均派累里  
民覽之不勝駭異朕如此推心置腹任用爾等凡有累民之舉概  
令據實入告而爾等竟若罔聞致令乖方一至於此朕亦無可諭  
爾等也石大焯嵇曾筠田文鏡同看○增西安甘肅武鄉試中額  
○丙午諭刑部朕因朝儀不肅曾屢降諭旨申飭刑官司官李建  
勳羅植朝賀失儀此二人違旨大不敬本卽應正法但念卽位以  
來立心不以己意輕殺一人且係立法之初故令監候秋後處決  
以觀眾人知畏法與否若眾人仍不畏法秋後定行處決以爲大

不敬者之戒則此二人乃眾人殺之也後於受俘之日見班行整  
齊祭壇之日亦皆敬謹夫二人之可殺者欲以明法也今既人人  
皆知遵法是法已明矣則犯法之人可從寬宥乃眾人人生之也可  
將李建勳羅植免罪釋放勒令回籍並行文該地方官勿令出境  
爾等將此旨交與內閣傳諭大小官員知悉○解蔡珽任以塞爾

圖署四川巡撫由禮部尙書署○己酉宗人府等衙門奏阿布蘭負恩背  
逆奏事不敬應革去貝勒撤去所賞佐領圈禁在家原襲輔國公

其子應不准承襲得旨阿布蘭著革去多羅貝勒仍令在輔國公  
上效力行走將增賞之佐領俱撤出○庚戌命督撫提鎮於副參

游擊材勇有聲者保送引見○辛亥安南國王黎維禱遣使賀登  
極並進歲貢命沿途增餼廩以示恩恤○甲寅諭諸王大臣等李

元璽等一案係伊等新犯之罪刑部宜照律審擬具奏今覽刑部  
所奏將步軍統領衙門以李元璽照大光棍例擊送之舊案及遇

東華錄

雍正四

三

赦寬免之處查出一併敘入本內夫伊等舊案與此案毫不相涉  
乃刑部援引敘入豈以李元璽之罪曾經皇考寬免亦欲朕將  
李元璽等寬免耶抑以從前步軍統領將李元璽等爲大光棍送  
部之處俾朕知之卽行正法耶此明係以難處之事歸之朕躬欲  
以試朕也近日馬爾齊哈在朕前稱籩豆之事則有司存是譏朕  
不當察及細務其心欲朕不加詳察則伊等可以邀結黨與任意  
擅行夫古帝王明四目達四聰舜好問而好察邇言故上下之情  
不至壅隔閭閻疾苦利弊無不周知古人云鈇鑕充耳前旒蔽明  
亦有所謂而云然也馬爾齊哈粗識數字便於朕前誦述古語妄  
行瀆奏註云道之全體固無不該然其分則有司之守非君子之  
所重並非謂全不畱心也如耕田播種乃農夫之事講誦訓詁亦



屬文士之業若云不親細務朕又何用行耕藉詣學之典乎國家設官分職各有專司而總攬萬幾全在一人之裁決但云委諸有司則六部之事付之六部為天子者惟有端默高拱而已豈不為逸但天下之事可以如此料理乎朕以刑部事件民命攸關所繫非小務期明罰敕法簡孚慎恤每案必詳審再三求其至當始愜於衷而欲朕付之不見不聞可乎若云有司則刑部尚書侍郎非大有司乎今所辦事件顛倒如此有司甯可恃哉馬爾齊哈向在各旗行醫朕以伊行醫之人必然好生其為人似尙坦率即位後海軍刑部侍郎當感恩報竭忠以奉君上而猶不改舊習存從前分黨之念其始召見時即禮貌疏略絕無對君恭敬之意聞其在乾清門與大學士列坐共食會降諭旨嚴飭令其改過今又以曾子語譏諷朕躬設令朕或有不當何妨直陳其事冀朕採東華錄 雍正四 主

擇而為此隱約之詞狂妄甚矣朕御極以來用人行政自返絕無過當朝廷清肅亦無攬權怙勢之人總理事務王大臣皆 皇考素所信重遵奉 皇考遺旨輔佐朕躬而非其願者每懷嫉妬輒以絕無影響之事加之此皆有意擾亂國政造言生事者之所為也爾等心所不快之人欲借事巧傷朕確有成見豈為宵小所動搖乎 皇考常言每事當防微杜漸朕服膺 聖訓爾等稍萌邪僻之念朕斷不能隱默也朕用人任使全出至公而無知小人妄生議論謂朕聽用總理事務大臣之言所用者皆係伊等親友伊等俱係 皇考簡用之人非朕即位後所特擢也今朝廷之上俱是 皇考時所用大臣朕豈有私乎馬爾齊哈係蘇努之黨觀其行事伊等結引黨與至今猶未散解朕屢申諭旨告誡諄切望伊等洗心滌慮將從前結黨傲倖之想悉行改除伊等自求生全身

家可以永保若執迷不悟以懷二三不竭力扞誠為朝廷效力則伊等自干國法斷不輕貸嗣後如馬爾齊哈仍似從前狂悖諸王大臣見即參奏拘拏故特諭知○丙辰諭諸王大臣等廉親王允禩今日具奏貝子允禵事又將議處滿丕事一併具奏謂之無心可乎再議處滿丕案內並不將總兵等官取供遞行草率擬罪向來定例有如此者乎皆因前日朕於馬爾齊哈案內言及蘇努之故是以間日一次欲以擾亂朕心耳從前 皇考時審訊與允禩相面之張明德供出賴士普奇一案 皇考在乾清門降旨曰蘇努之祖阿爾哈圖土門貝勒褚英薨逝時 太宗特降諭旨云此人若在必亂國家大抵此一宗支向日原有嫌隙即如蘇努於我父子兄弟骨肉之中讒譖離間暗中鑽營惟擾亂國家事務朕防之有年矣爾等其知之每事留意此 諭旨乃眾阿哥及諸大臣東華錄 雍正四 主

等所共聞也朕即位後於蘇努格外加恩晉封貝勒伊子勒什亨委署領侍衛內大臣亦冀伊等感朕寬大之恩遷善改過耳詎意勒什亨並不感戴仍袒護貝子允禵扶同隱匿將所交事件故為遲延及朕將勒什亨派往西南伊弟烏爾陳指稱武備院奏事入內於朕前顯露憤恨之容勒什亨係獲罪之人例不得奏請訓旨而烏爾陳將伊兄引入紫禁城內殊屬不合是以並將烏爾陳同伊兄發往軍前今蘇努以七十病故退有後言是仍念伊等舊日黨與擾亂國家之心毫無悔改也蘇努不可留在京師煽惑眾心著革去貝勒其屬下佐領著撤回存貯公所止畱伊府佐領著伊同在京諸子於十日內帶往右衛居住到彼之後若不安靜自守仍事鑽營差人往來京師定將蘇努明正國法○庚申諭總理王大臣朕從前曾諭外省文武大臣等凡陛見來京不必進獻一切



物件朕近日將鎮協等官調來引見特欲識認其人詢問地方事務理應輕騎速來不可帶食物進獻嗣後著永行禁止○諭直省督撫前四川巡撫蔡珽題報重慶府知府蔣興仁病故本到之日朕聞蔣興仁之死乃係自盡特令蔡珽明白回奏乃蔡珽回奏仍復支吾不明夫一介小民偶有此事尚必報明官長詳察情節焉有身叨一命而輕生若此必有萬不得已之情或係本人犯法畏罪或被上司偏勒或受同事欺陵斷非無因豈容草率含糊冀逃國法嗣後大小職官若有此等之事該督撫據實具奏○年羹堯奏莊浪之謝爾蘇部落番人首倡為惡擅據桌子山碁子山又涼州南崇寺之沙馬拉木札木巴等與蒙古通連去年曾搶掠新城張義等堡再郭隆寺郭莽寺逃出之喇嘛煽惑西甯之納朱公寺朝天堂加爾多寺番人與莊浪番賊串通並不歸順臣與岳鍾琪東華錄 雍正四

官宋可進涼莊道蔣洞統兵五千名暫駐防守又守備馬光在寬溝地方殺賊二十餘人眾俱逃散再查先密寺番人順逆無常且與碁子山賊穴相連恐後日復聚生事令伊等喇嘛番眾俱移於加爾多寺之外居住其先密寺即行焚毀得旨桌子山碁子山番賊甚屬兇頑倚恃地方危險屢行劫掠大將軍年羹堯籌畫調遣令奮威將軍岳鍾琪等統率官兵進剿於山險林密之處奮戰五十餘日盡行剿滅勉效力克奏膚功永靖邊塞甚屬可嘉此次勦績著大將軍年羹堯及岳鍾琪等弁兵俱從優議敘○辛酉禮部等衙門遵旨議奏古昔聖王制祀凡有道有德施教於學者祀於瞽宗漢文翁立學宮於成都首祀孔子又畫七十二子於壁此諸賢從祀之始也厥後有功經傳皆得從祀謂之經師自唐至明歷代進退不一而當代賢儒得預於祀典蓋自宋始伏讀 聖諭東華錄 雍正四



考證折衷盡善庶使萬世遵守永無異議爾等所議復祀諸儒雖  
皆有功經學然戴聖何休未為純儒鄭眾盧植服虔范甯謹守一  
家言轉相傳述視鄭康成之純質深通似乎有閒至若唐之陸贄  
宋之韓琦勳業昭垂史冊自是千古名臣然於孔孟心傳果有授  
受而能表彰羽翼乎其他諸儒是否允協以及宰予冉有增置博  
士之處著再公同確議務期至當不易具奏○壬戌諭總理王大  
臣等七十馬爾齊哈常明等皆實緣妄亂之人伊等皆廉親王之  
黨七十原為阿靈阿謀主各處鑽營阿爾松阿視為恩人在戶部  
時專主戶部之事今在刑部又專主刑部之事凡小有才者俱被  
引誘愚懦又畏其威並入伊黨常明業已正法伊等俱在八旗  
王大臣並近侍人家或用逢迎或用離間又有暗地鑽營者數人  
朕悉知之但不遇事發姑不深究伊等悔心改則已若仍固執

東華錄

雍正四

聖

不改伊等斷不能掩朕之耳目也七十自許墅關差回隱匿半年  
任內浮額稅銀數萬朕俱加寬宥止令出銀數千兩為朕弟莊親  
王修理府第理應踴躍效力乃竟不感戴寬宥之恩並不作速全  
完遷延至今不肯交納且又造言怨望經莊親王具奏朕著莊親  
王將七十圈禁伊府內令其交納無論何人求爾爾即奏聞七十  
仍復怠玩反營求裕親王差蘇克肫屬託布達時照看朕御極之  
初即諭諸王大臣曰彼此結黨互相戕害甚屬惡習爾等當以朕  
之所好者好之所惡者惡之是非盡一則茲黨無自而起善者朕  
所嘉美爾等一體嘉美之則其人愈加鼓舞以向於善他人亦企  
慕效法之矣惡者朕所賤惡爾等亦一體賤惡之則其人無地自  
容亦可望其悔悟改矣傳曰唯仁人能好人能惡人羣臣當輔  
朕以成仁人果能盡言規諫朕並無所拒抑也昔日 皇考時凡

被譴責之人本出於至公至當而內有黨同袒庇者稱為冤抑眾  
皆隨聲附和素有讎者亦解其讎素不識面者轉成相識本人亦  
忘其有應得之罪隨眾自稱冤抑誠為惡習人臣事君當同德同  
心協力和衷乃國家之福即不得已亦當致身盡忠直言進諫何  
故意效此最下惡習朕甚不解其故今將是非所在聽君上之自  
為王大臣等專擅行私於下可乎如此則各自為黨矣欲除朋黨  
之源當令舉國內外共為一心既為一心則是非與予一人同之  
朕有過誤大臣進忠諫諍朕必將用其諫論鑒其忠心其人亦足  
垂名萬世何故行此無父無君小人之行乎朕在藩邸甚惡此風  
斷不為其所染廉親王至今與朕結怨亦即此故今廉親王之意  
不過欲觸朕之怒多行殺戮使眾心離散希圖擾亂國家耳如此  
天豈肯如其願乎古人云亂臣賊子人人得而誅之 皇考每引

東華錄

雍正四

聖

述此語特指廉親王言之乃至今朋黨之人尚猶未息不知君臣  
大義之輕重效法眾人惡習其事難以枚舉今七十等實緣妄亂  
之人若不繩以國法則憲典不行矣見今審理七十接查家產俟  
查完之時著阿爾松阿馬爾齊哈奏聞七十著革職交阿爾松  
阿馬爾齊哈聽其作何處分阿爾松阿馬爾齊哈往查七十家產  
細微物件不得藏匿阿林保布達時亦往協助其查出之家產仍  
給莊親王為修府之用諸王大臣等此後專心一志輔翼朕躬成  
全仁人之名同好其所當好同惡其所當惡如仍固執不改各為  
一是非朕亦不得不執法從事矣爾等謹識朕言實心奉行以副  
朕好生慈愛之至意此事可徧諭八旗文武大臣官員知悉○諭  
自西陲逆賊羅卜藏丹津等背棄國恩招集同惡殘其骨肉侵犯  
邊城朕命年羹堯揆度機宜指麾將士犁庭掃境迅奏膚功惟逆



賊犯塞之初邊民略被騷擾克敵之後居民安堵不知有兵且士馬有飽騰之歡閭閻無轉運之苦支用錢糧一無糜費昨因野番掠劫成性出沒無常又令奮威將軍岳鍾琪領兵按捕餘孽將士用命於深山林木之中轉戰五十餘日俱已蕩平從此鋒鏑永清疆圉開拓今具奏善後事宜十三條又定禁約青海十二事運籌周密措置精詳朕心嘉悅之至其所奏善後諸事皆合機宜惟新闢地方宜廣屯種而欲令五省有罪之人發往開墾恐此等之人未必習於耕種又無室家可以羈留於邊塞之處少當留意耳爾等一併悉心妥議具奏○諭禮部內廷太監及王公家太監之爲民者率多在京居住此輩最好生事不可容留俱著回籍如有內有六十五歲以上曾經效力因得殘疾而爲民者許其在京居住令總管太監奏聞其一應回籍者著行文該地方嚴查如不在本地東華錄

雍正四

方居住又往別省將該地方官一併從重治罪○丙寅以黃炳署刑部侍郎仍在內閣學士裏行○戊辰諭宗人府引春朕加恩授爲貝子令其效力行走乃伊父及伊伯廉親王每事偏迫禁止伊父伊伯既不願其在朕前效力引春著革去貝子○總理王大臣遵旨議奏年羹堯奏青海善後事宜十三條一奏稱青海各部落人等宜分別功罪以加賞罰也從前羅卜藏丹津侵犯內地時貝勒色卜騰扎爾力拒及賊人侵犯西川南川時嘗報信息並未出兵協助即首先投誠並引策凌諾爾布羅卜藏察罕等來投台吉噶爾丹戴青始終未助賊人且與貝勒益蘇克汪扎爾力戰吹拉克諾木齊又隨大兵出口亦爲效力扎薩克阿喇布坦係察罕丹津之婿隨大將軍進剿效力均應請加封爵以示鼓勵應如所請色卜騰扎爾晉封郡王噶爾丹戴青封爲貝子阿喇布坦封爲輔

東華錄 雍正四

國公又奏稱俘獲之諾顏格隆乃圖爾古特台吉今已爲喇嘛隨提督岳鍾琪在軍前效力貝勒益蘇克汪扎爾從前雖助逆賊後知悔過投誠擒賊贖罪應與投誠之公策凌諾爾布爾其原封之爵以示寬大應如所請各復伊等原爵又奏稱輔國公羅卜藏察罕台吉濟濟克扎布雖經投順從前與貝子阿喇布坦巴爾朱爾阿喇布坦擾亂內地請革爵爲民貝勒策凌敦多卜貝子拉查卜雖經投誠但久助逆賊應降其所封之爵以示懲戒應如所請羅卜藏察罕濟濟克扎布革爵爲民策凌敦多卜降爲貝子拉查卜降爲鎮國公一奏青海部落宜分別游牧居住也請照依內扎薩克編爲佐領以申約束每百戶編一佐領其不滿百戶者爲半佐領將該管台吉俱授爲扎薩克於伊等弟兄內揀選授爲協理台吉每扎薩克俱設協領副協領參領各一員每佐領俱設佐領驍東華錄

雍正四

騎校各一員領催四名其一旗有十佐領以上者添設副協領一員佐領兩員酌添參領一員備蒙俞允請將一等侍衛副都統達爾賽爾辦理其每年會盟奏選老成恭順之人委充盟長不准妄行私推以致生事滋擾均應如所請一奏稱朝貢交易宜按期定地也請自雍正三年起於諸王台吉內派定人數令其自備駝馬由邊外赴京請安進貢青海諸王貝勒應分作三班三年一次九年一周其餘內地之人互相交易之處則定以每年二月八月二次交易俱以邊外爲集臣選得西甯西川邊外有那拉薩拉地方請指定爲集不准擅移屆期仍令總兵官飭委營弁領兵督守如有擅進邊境者即行懲治應如所請但各蒙古需用茶葉布疋等物交易之期過遠必致窮乏應令四季交易又奏稱羅卜藏丹津所屬垂察桑係首先歸順之人應令於松潘口外駐牧授爲土百



戶職銜丹忠部下寨桑噶隆色卜騰達什等率領數百餘人赴松潘投順見住潘州應給以千戶百戶文憑均應如所請一奏稱喀爾喀厄魯特之四部落宜不屬青海也查伊等原非被虜之人今青海諸王台吉內之投降者咸歸仁化助逆者俱已被擒而喀爾喀內有隨大兵投降者宜乘此軍威遠振將不願為青海屬人之喀爾喀等照青海例編旗分爲佐領添設扎薩克等分駐剿滅逆賊之舊地其情願歸本處者聽其自便則青海之勢可分而喀爾喀台吉等無不感恩報效應如所請一奏稱西番人等宜屬內地管轄也查陝西之甘肅涼州莊浪西甯河州四川之松潘打箭爐裏塘巴塘雲南之中甸等處皆係西番人等居住牧養之地自明以來失其撫治之道或爲喇嘛耕地或爲青海屬人交納租稅惟知有蒙古而不知有廳衛營伍官員今西番人等盡歸仁化即係

東華錄

雍正四

元

內地之良民應相度地方添設衛所以便撫治將番人心服之頭目給與土司千百戶土司巡檢等職銜分管仍令附近道廳及添設衛所官員管轄其應納糧草較從前數目請略爲減少以示寬大至近邊居住帳房逐水草游牧者仍准伊等照舊游牧均應如所請一奏稱青海等處宜加約束也查青海巴爾喀木藏危乃唐古特四部落顧實汗占據此地以青海地面寬大可以牧養牲畜喀木地方人眾糧多遂將伊子孫分居此二處伊則在青海游牧居住喀木地方爲伊等納貢藏危二處從前原施捨爲達賴喇嘛班禪喇嘛香火今因青海叛逆取此一帶地方交四川雲南官員管理達賴喇嘛向差人赴打箭爐貿易每馱向又木多乍了巴塘裏塘居住喇嘛索取銀兩不等名爲鞍租至打箭爐始行納稅請飭達賴喇嘛等不准收受鞍租並飭打箭爐收租官員亦免其

納稅再每年請賞給達賴喇嘛茶葉五千斤班禪喇嘛減半賞給均應如所請一奏稱喇嘛廟宇宜定例稽察也查西甯各廟喇嘛多者二三千少者五六百遂成藏垢納污之地番民納喇嘛租稅與納貢無異而喇嘛復私藏盜甲器械前羅卜藏丹津侵犯時喇嘛等帶領番民與大兵抗衡今臣於塔兒寺喇嘛內之老成者揀選三百名給與大將軍印信執照諭令學習清規請嗣後定例寺廟之房不得過二百間喇嘛多者三百人少者十數人仍每年稽察二次令首領喇嘛出具甘結存檔至番民之糧應俱交地方官管理每年量各廟用度給發再加給喇嘛衣服銀兩庶可分別其賢否地方官得以稽察均應如所請一奏稱邊防宜嚴界限也查邊外自黃河入中國之處至於河州西甯蘭州中衛甯夏榆林莊浪甘州等處其間水草甚佳林麓茂密乃棄此不守以致蒙古等

東華錄

雍正四

早

占據大草灘之地將常甯湖爲牧廠是以各處相通竟無阻礙請於西甯之北川邊外上下白塔之處自巴爾托海至扁都都口一帶地方創修邊牆築建城堡則西番人等肆行據攘之區悉成內地又肅州之西桃賚河常馬爾鄂敦他拉等處俱膏腴之地應令民人耕種布隆吉爾地方修城駐兵之後可漸至富饒至甯夏險地無過於賀蘭山顧實汗之諸孫及額駙阿保等向俱在山後居住游牧今竟移至山前營盤水長流等處俱爲內地均應如所請一奏稱甘州等處宜添設官弁也查甘州西甯疆界相連應於此二處設立營汛至於青海巴爾虎鹽池自古原係內地後竟棄爲塞外蒙古等至西藏噶斯等處必於此處經過應速取回於新設邊內大通河設立總兵一員兵三千名管轄中左右三營於大通南



邊設立參將一員兵八百名大通北邊設立遊擊一員兵八百名  
鹽池地方設立副將一員及左右都司二營兵一千六百名四川  
邊外單噶爾斯地方移鎮海營參將駐紮兵一千名再拉科閭門  
等處各設守備一員兵二百五十名恆鈴子地方移南川守備駐  
紮兵五百名南川舊營留千總一員兵一百名至西甯地方宜改  
設同知移西甯通判駐紮鹽池令其辦理稅務再河州保安堡應  
設遊擊一員千把總各一員兵四百名歸德堡應添設把總一員  
兵二百名俱隸西甯總兵道員管轄則蒙古等不敢覬覦番民等  
亦有所依仗均應如所請一奏稱打箭鑪等處亦宜添設官弁也  
查青海既已平定應將巴爾喀木處人等悉行收集除羅隆宗之  
東又木多乍了地方俱隸胡土克圖管轄外其餘番眾頭目等俱  
應給與印信執照與內地土司一體保障打箭鑪之外木雅吉達  
東華錄 雍正四

如所請一奏稱邊地弁兵宜歸併裁汰也查西甯地方設立總兵  
留兵四千即可敷用應裁五百名歸併於大通鎮屬甘涼莊浪等  
處其餘營汛兵丁可裁一千名甯夏既添駐滿兵其綠營兵丁亦  
可裁汰一千改為四營將後營遊守千把等員補入大通鎮標四  
川重慶川北二鎮應改設副將都司守備千把等員裁汰總兵官  
二員遊擊六員遊義夔州兩協遊擊各二員亦行裁汰化林副將  
一員額兵一千名應改為遊擊一員留兵五百名均應如所請一  
奏稱邊內地方宜開墾屯種也查西甯邊境內俱屬可耕之田布  
隆吉爾地方見在修築城垣請將直隸山西河南山東陝西五省  
軍罪人犯盡行發往大通布隆吉爾等處令其開墾查西甯本處  
人民與駐大通三千兵丁之子弟親戚情願往種者正不乏人大  
通河地方不必發遣犯人惟布隆吉爾地方遠居邊外願去之人  
東華錄 雍正四

地方應設總兵遊守千把等官兵二千名雅龍江中渡處設守備  
一員千總二員兵五百名裏塘巴塘之吹音等處設守備一員兵  
二百名裏塘地處四衝應設副將一員都司一員兵一千二百名  
鄂洛地方各路咽喉應設參將一員兵六百名巴塘係形勝要地  
應設遊擊一員兵五百名宗都地當雲南孔道應設參將一員兵  
一千名俱令新設之總兵統轄以爲雲南四川兩省聲援又青海  
所屬左格等處番人應亟移於內地再阿巴之土司頭目墨丹住  
等帶兵進勦屢次建功應給與安撫司職銜不隸青海管轄又黃  
勝關外潘州舊城應設遊擊一員兵六百名河巴地方山河圍繞  
應設副將一員都司一員兵一千五百名黃河南邊渡口應設守  
備一員兵三百名悉隸松潘總兵統轄裏塘添設同知一員令其  
管理兵糧收納番民貢賦則南至滇省北至陝省俱可援助均應

甚少應如所請行文刑部並直隸山西河南山東陝西五省會妻  
軍犯內除賊盜外有能種地者即發往布隆吉爾地方令地方官  
動支正項錢糧買給牛具籽種三年後照例起科一奏稱番人部  
落宜加撫綏也今兵事已竣臣應遵旨回西安辦理三省事務暫  
令奮威將軍岳鍾琪駐紮西甯留兵四千名聽其管束其撫遠大  
將軍印信見今策妄阿喇布坦遣使請罪應俟撤回各路將軍時  
臣即行恭繳收貯內庫再甘州地方黃番各部落乘此軍威收聚  
撫綏亦可抵禦青海臣同岳鍾琪會商俟七八月馬匹肥壯時親  
率兵丁由西甯口外到甘州地方招撫番民均應如所請至年羹  
堯奏請禁約青海十二事一朝見進貢定有定期一不准自稱盟  
長一番子唐古特人等不許擾累一喀爾喀輝特圖爾古特部落  
不許青海占爲屬下一編設佐領不可抗違一內外貿易定地限



時以上六事臣等已於善後事宜內議定其餘六事一背負恩澤必行勦滅一內地差遣官員不論品級大小若捧諭旨王公等俱行跪接其餘相見俱行賓主禮一恪守分地不許強占一差員商賈往過不許搶掠一父沒不許娶繼母及強娶兄弟之婦一察罕諾門汗喇嘛廟內不得妄聚議事均應如所請得旨所議甚屬周詳依議○己巳諭刑部朕從前並未認識七十但聞其行止今又適遇此事七十常明馬爾齊哈等在王大臣家往來鑽營不但朕知之舉國誰不知之七十在部中專主事件平日又不安靜今大臣等因朕一時之怒請將七十正法朕若日後追悔大臣等亦不可當爾等會同議政大臣三法司秉公詳議具奏如有不便畫一之處各抒所見另議具奏若不秉公議奏即是負朕之恩○庚午諭諸王大臣等德爾蒙 聖祖仁皇帝擢至大臣之列身沐 聖

東華錄

雍正四

聖

祖仁皇帝隆恩毫無圖報之心悠悠玩愒捏稱足疾希圖推諉並不效力行走深負 聖祖仁皇帝簡用之恩且素行不安本分鑽營允禩令伊子永端在軍前跪求允禩在侍衛班內行走永端既願為允禩效力著發往跟隨允禩再德甯前往江南時多方圖利飽其私囊又聞伊曾經強占人家產之事爾等可將伊家產查明抵補虧空之項酌留伊養贍之資外其餘查明應行給還之人定議具奏德甯身為宗室而似此貪緣請託有玷天潢若不加懲創則眾何以知儆戒也

六月丙子以裕親王保泰管禮部隆科多兼理理藩院○戊寅免

江南浙江福建陝西康熙五十年以前通賦九十四萬一千六百

餘兩○庚辰闕里 聖廟災○辛巳尊封 聖祖仁皇帝皇貴妃

貴妃 密妃 定妃 通嬪○癸未大學士王頊齡以年老請

致仕溫旨慰留之○諭內閣諸老臣皆係 皇考簡用貽朕之人如因衰老休致朕心不忍大學士王頊齡著仍在內閣辦事年邁之人間時行走可也○諭刑部刑法上關天和下繫民命實為政治之要朕御極以來讞斷必加詳慎務期當罪而得其平惟明克允所以體天心而重民生也向來八旗官軍人等待家人過嚴微小之失甚至毆責斃命奴僕雖賤彼亦人子況性命攸關何得任意荼毒朕於刑部成獄除強盜故殺謀殺等犯不得不依律正法其餘罪犯略有可恕者俱行寬免從未降旨特殺一人朕大君也於有罪者尚不忍輕加刑戮為臣下者乃可毆死無辜之奴僕乎且奴僕奔走服勞又性多愚暗易獲過愆全賴上人之矜恤而原宥之即有酗酒冒犯之處應加懲治亦不宜過重致於死地以逞一時之憤怒該部即行文曉諭八旗嗣後務宜待下以寬不得擅

東華錄

雍正四

聖

自毆死家人凡遇毆斃家人詳其情罪分作三等定例議奏尋議凡旗人奴僕違犯教令家主依法決罰致死及過失殺者仍照舊例不論外其官員違法責打奴僕致死及持刀殺死者分三等定以罰俸降革鞭責平人犯者分二等鞭責枷號至官員平人有致死族中家僕者各從重擬八旗畫一遵行從之○命吏部尚書田從典協理大學士○調景日珍為禮部右侍郎蔣廷錫為戶部右侍郎○涂天相緣事降調以黃炳為刑部左侍郎仍兼內閣學士行走○乙酉以平定青海撰文勒石國學頒發直省以昭功德文曰我國家受 天眷命撫臨八極日月所照罔不臣順遐邇乂安兆人蒙福乃有羅卜藏丹津者其先世願實汗自國初稽首歸命當時使臣建議畀以駐牧之地其居雜番羌密近甘涼我 皇考 聖祖仁皇帝眷慮深遠每廬於懷既 親御六師平定朔漠威靈



所加青海部落扎什巴圖爾等震警承命 聖祖仁皇帝因沛殊恩封爲親王兄弟八人咸錫爵祿羈縻包容示以寬大而狠心梟性不可以德義化三十年來包藏異心朕紹登寶位優之錫賚榮其封號尙冀革心緝甯部眾而羅卜藏丹津昏謬狂悖同黨吹拉克諾木齊阿爾布坦溫布藏巴扎布等實爲元惡謂國家方宏浩蕩之恩不設嚴密之備誕敢首造逆謀迫脅番羌侵犯邊城反狀彰露用不可釋於天誅遂命川陝總督太保公年羹堯爲撫遠大將軍聲罪致討以雍正元年十月師出塞自冬涉春屢破其眾凡同叛之部落戈鋌所指應時摧敗招降數十萬眾又降其貝勒貝子公台吉等二十餘人朕猶閔其蠢愚若悔禍思愆束手來歸尙可全宥而怙惡不悛負險抗違仍決翦滅之計以方略密付大將軍年羹堯調度軍謀簡稽將士用四川提督岳鍾琪爲奮威將軍

東華錄

雍正四

聖

於仲春初旬馮牙徂征分道深入搗其窟穴電掃風馳按剔巖阻賊徒倉皇糜潰窮蹙失據羅卜藏丹津之母及謀逆渠魁悉就俘執擒獲賊眾累萬牲畜軍械不可數計賊首逃遁我師踰險窮追獲其輜重人口殆盡羅卜藏丹津子身易服竄匿荒山殘喘待斃自二月八日至二十有二日僅旬有五軍士無久役之勞內地無轉輸之費克奏膚功永清西徼三月之朔奏凱旋旅饒歌喧轟士眾訢喜四月十有二日以倡逆之吹拉克諾木齊等三人獻俘廟 社受俘之日臣民稱慶伏念 聖祖仁皇帝威靈振於遐方福慶流於奕葉用克張皇六師殄滅狂賊行間將士亦由感激湛恩厚澤爲朕踴躍用命斯役也芟夷凶悖綏靖番羌俾烽燧永息中外人民胥享安阜實成 先志以懋有不績廷臣上言稽古典禮出征而受成於學所以定兵謀也獻馘而釋奠於學所以

告凱捷也宜刊諸珉石揭於太學用昭示於無極遂爲銘曰 天有雷霆聖作弧矢輔仁而行威遠爾邇維此青海種類實繁錫之茅土列在藩垣被我寵光位崇祿富負其阻遐禍心潛構恭維聖祖慮遠智周瞻念荒服綏撫懷柔朔野旣清西陲攸震爵號游加示之恩信如何兇狡造謀逆天鼓動昏愆寇侵於邊惟彼有罪自干天罰桓桓虎貔爰張九伐王師卽路冬雪初霽日耀組練雪響擊鉦蠢茲不順敢逆戎旅奮張螳臂以當齊斧止如山岳疾如兩風我戰則克賊壘其空彼昏終迷曾不悔戾當翦而滅斯焉決計厲兵簡將往擣其巢踰歷嶠嶮坦若坳郊賊棄其家我繫而獲牛馬谷量器仗山積蹇兔失窟何所逋逃枯魚游釜假息煎熬師以順動神明所福旬日凱歸不疾而速殄彼逆謀懸首繫街獻俘成禮金鼓調諧西域所瞻此惟雄特天討旣伸羣酋惕息棄戈偃

東華錄

雍正四

聖

革告成辟雍聲教遐暨萬國來同惟我 聖祖親平大漠巍功煥文邁桓軼酌流光悠久視此銘辭繼志述事念茲在茲○山西布政使高成齡摺奏臣見內閣交出請禁提解火耗之條奏臣伏思直省錢糧正供之外向有耗羨雖多寡不同皆係州縣入己但百姓旣以奉公卽屬朝廷之財賦臣愚以爲州縣耗羨銀兩自當提解司庫以憑大吏酌量分給均得養廉且通省遇有不得已之費卽可支應而分派州縣借端勒索至以羨餘賠補虧空今撫臣諾岷將每年存貯耗羨銀二十萬兩留補無著虧空之處先經奏明臣請 皇上敕下直省督撫俱如山西撫臣諾岷所奏將通省一年所得耗銀約計數目先行奏明歲終將給發養廉支應公費留補虧空若干之處一一具摺陳奏則不肖之上司不得借名提解自便其私如條奏所慮矣 論此事著總理事務王大臣九卿詹



事科道平心靜氣秉公持正會議少有一毫挾私尙氣阻撓不公者國法具在斷不寬宥各出己見明白速議具奏如不能畫一不妨兩議三議皆可○庚寅諭吏部直省督撫統轄屬員必中正和平推誠體察屬員有一善則獎勵誘掖以成之其微瑕小疵則多方訓導使之省改必至怙惡不悛方據實題參如此始能激濁揚清於地方有益若妄自尊大暴戾恣睢甚至一言不當即加叱辱如四川巡撫蔡珽慢罵屬官以致重慶府知府蔣興仁憤激而死似此褊急任性不惟有乖大臣之體且恐屬吏相率顧畏阿順取容喪其氣節尙欲建立功名安可得乎爾部行文各督撫須仰體朕意正己率屬虛懷待下卽檄行申飭亦無慢罵之理至尊卑相見有一定典儀毋得倨傲致長諂諛之風其部院堂官亦當和衷翁受待屬以禮始不負朕委任之意○魏廷珍緣事革職以王朝

東華錄 雍正四

恩爲湖南巡撫實授佟吉圖浙江布政使○實授博爾多山東布政使○壬辰刑部等衙門奏七十應卽正法得旨七十行爲妄亂應行正法但朕自御極以來除強盜故殺謀殺人犯外並未降旨特殺一人七十雖應處斬亦不足以當朕之初命正法之人常明之惡甚大 皇考亦未加戮但行發遣後在發遣處仍復妄行始行正法七十著從寬免死同妻孥發往三姓地方若仍造言生事妄作妄言則是伊自殺其身也不可以彼地僻遠謂朕聞見不及也將此諭旨曉諭七十○癸巳予故廣東總督楊琳祭葬○甲午諭五旗王貝勒貝子公等凡王府等佐領下人有用於部院者有用於外省州縣者王等宜爲國家得人起見獎勵成循吏俾勤勞官職竭力自效王等亦與有光榮乃反令其酷害地方百姓侵尅錢糧妄取財物汝爲伊主顏面置於何地耶如王承勳一州縣官伊

主里尼一公爾耳尙勒取銀兩數千若屬於王府而爲大員者尙可問乎今將王承勳一事徧諭五旗王貝勒貝子公等嗣後儻仍不悛改再有發覺朕必將五旗王府佐領下人一概裁革永不敘用○衍聖公孔傳鐸奏闕里 聖廟被災情形得旨朕惟 孔子道高德厚萬世師表所以維世教立人極者與天地同其悠久朕臨御以來思極尊崇之典以申仰止之忱今闕里 聖像被災豈朕尊師重道之誠有未至歟朕在諒闇之中素服齋居毋庸更事減膳撤樂擬親詣國學文廟虔申祭奠宣讀告文以展朕踴躍不安之誠先期齋戒二日於二十七日不設鹵簿朕素服前往諸王大臣官員陪祀者亦皆常服從事仍遣官馳赴闕里告祭以慰神靈幸新建崇聖祠無恙 聖像神牌不至露處朕心稍甯遣工部堂官一員會同該撫作速計材料工擇日興修務期規制復舊

東華錄 雍正四

廟貌重新告成之日朕將親詣行禮該部遵旨速行○戶部議覆戶部侍郎塞德奏請設立井田查內務府餘地一千六百餘頃入官地二千六百餘頃應於此內擇二百餘頃爲井田將八旗無產業人內自十六歲以上六十歲以下者派往耕種滿洲五十戶蒙古十戶漢軍四十戶共一百戶各受田百畝周圍八分爲私田中間百畝爲公田共力同養公田俟三年後所種公田之穀再行徵取於革職大員內揀選二人勸教管理三年分別議敘每年十月後農事既畢校園學射並令戶部派員往視設立村莊蓋造土房四百間計口分給其耕種之人每名給銀五十兩以爲置辦種粒牛具農器之用其井田地畝儻有旗民交錯之地請將附近良田照數給換從之○丙申戶部等衙門議覆直隸巡撫李維鈞奏直隸正定府管轄三十二州縣鞭長不及請改設直隸州分轄南宮



新河東強武邑衡水五縣分隸冀州柏鄉隆平高邑臨城南晉五縣分隸趙州武強饒陽安平三縣分隸深州無極藁城二縣分隸晉州曲陽新樂二縣分隸定州直隸知州照知府之例稽察各縣錢糧案件其五州錢糧倉庫等項令直隸守道不時委員盤查從之○工部尚書李先復以老乞休允之○丁酉宗人府奏貝子允禩將 聖祖仁皇帝配享儀注及封 妃金冊遺漏舛錯應將允禩革去貝子降一等授爲鎮國公從之○戊戌 上以闕里大成殿災親詣國子監致祭 先師孔子○命都察院及八旗都統等申嚴官員等違越定制前施引馬及馬項懸纓等禁○己亥命禮部左侍郎王景曾往闕里告祭○封科爾沁固山額駙拉錫協理旗分事務一等台吉噶爾弼俱爲輔國公○庚子諭江西巡撫裴率度地丁錢糧百姓自行投納此定例也朕聞江西省用里民催

東華錄

雍正五

癸

收每里十甲輪遞值年名曰里長催頭小民充者有經催之責既

不免奸胥之需索而經年奔走曠農失業擾民實甚須即查明通行裁革若慮裁革里長輸納不前亦當另設催徵之法或止令十甲輪催花戶各自完納庶爲近便務須斟酌盡善無滋擾累以廣朕惠愛元元之意○諭禁江西鄂教○以王景灝爲四川巡撫黃焜爲陝西西安按察使由洪焜○辛丑年夔堯奏據岳鍾琪報稱進剿碁子山桌子山謝爾蘇屬下番賊殺傷賊目班第馬牙並賊眾多餘皆敗奔山內隨派署總兵官宋可進統兵進剿番目嘎住帶領男婦老小一千一百六十二口來投已准其投誠報聞

東華錄

王先謙敬

周瀚蕃恭校

秋七月甲辰大學士等奏松江提督高其位奏飛鴉食蝗秋禾豐茂請將原摺發鈔並宣付史館以彰嘉瑞得旨若以飛鴉食蝗爲瑞則起蝗之初得無有由乎昨發下奏摺與諸王大臣閱看者誠恐爾等體朕憂民之意不釋於懷故將蝗不成災之處令眾知之非以爲瑞也其發鈔及宣付史館俱不必行○乙巳諭直隸總督巡撫等引見月官內經朕改調人員特因地方緊要觀其人言動舉止似屬可用是以記名調用然必俟事後方可定其賢否若督撫不實心訪察而因朕一時稱許遂爾優容任其恣意行事豈朕改調之意乎再揀選命往各省人員該督撫亦不可因係揀選之

東華錄

雍正五

人聽其妄爲不行糾參此等人員係朕特用必當益加勉勵責心愛民方不負簡拔之意儻任意放縱有玷官箴即當從重治罪嗣後督撫題參官內有此等官員著將原係奉旨調用或揀選命往不思報效孤負擢用之處於參本內聲明○以李永紹爲工部尚書由盛京工部侍郎遷○丙午川陝總督年羹堯奏甯夏地方資渠水灌溉因渠隄日久失修奉旨令臣相度增築臣親至甯夏渠口中爲漢渠東爲秦渠西爲唐渠而唐渠之中向東分流者則爲我朝大清渠引水溉田不啻萬頃見在各渠尚無倒塌漫溢即間被衝決修築甚易查甯夏設有水利都司專司修濬請俟秋收水涸查勘修理從之○丁未總理王大臣九卿科道等議覆山西布政司高成齡條奏提解火耗一疏得旨高成齡奏提解火耗一事前朕曾降諭旨令爾等平心靜氣秉公會議今觀爾等所議見識淺小與



朕意未合州縣火耗原非應有之項因通省公費各官養廉有不  
得不取給於此者朕非不願天下州縣絲毫不取於民而其勢有  
所不能且歷來火耗皆州縣經收而加派橫徵侵蝕國帑虧空之  
數不下數百餘萬原其所由州縣徵收火耗分送上司各上司日  
用之資皆取給於州縣以至耗羨之外種種餽送名色繁多故州  
縣有所藉口而肆其貪婪上司有所瞻徇而曲為容隱此從來之  
積弊所當消除者也與其州縣存火耗以養上司何如上司撥火  
耗以養州縣乎爾等奏稱各屬火耗請將分數酌定朕思一省之  
內州縣有大小錢糧有輕重地廣糧多之州縣少加火耗已足養  
廉若行之地小糧少之州縣則不能矣惟火耗不定分數備地方  
遇差多事繁之時則酌量可以濟用或是年差少事簡則耗羨即  
可量減矣又或偶遇不肖有司一時加增而遇清廉自好者自可

東華錄

雍正五

二

減除矣若酌定分數則將來竟為成額必致有增無減此火耗分  
數之不可以酌定者也又奏稱提解火耗將州縣應得之項聽其  
如數扣存不必解而復撥等語見今州縣徵收錢糧皆百姓自封  
投櫃其拆封起解時同城官公同驗看耗羨與正項同解分毫不  
能入己州縣皆知重耗無益於己孰肯額外加徵乎是提解火耗  
既給上下養廉之資而且留補虧空有益於國計若將州縣應得  
之數扣存於下勢必額外加增私行巧取浮於應得之數累及小  
民况解交督撫則顯然有據扣存州縣則難保貪廉此州縣羨餘  
之不可扣存者也又奏稱巡撫諾岷清勤敏幹布政司高成齡操  
守亦優應令二人盡心商榷先於山西一省內照所奏試行之此  
言尤非也天下事惟有可行與不可行兩端耳如以為可行則可  
通行於天下如以為不可行則亦不當試之於山西譬如治病漫

以醫藥試之鮮有能愈者今以山西為試之之省朕不忍也且天  
下撫藩豈盡不如諾岷高成齡而謂二人獨能行之乎又奏稱提  
解火耗非經常可久之道凡立法行政孰可歷久無弊從來有治  
人無治法文武之政布在方策其人存則其政舉朕有治人即有  
治法法有因時制宜者譬如人有疾病因證投藥病愈即止今提  
解火耗原一時權宜之計將來虧空清楚府庫充裕有司皆知自  
好則提解自不必行火耗亦當漸減今爾等所議為國計乎為民  
生乎不過為州縣起見獨不思州縣有州縣之苦上司亦有上司  
之苦持論必當公平不可偏向又朝廷之與百姓原屬一體朝廷  
經費充足民間儻遇歉收可以施恩賑恤百姓自無不足之虞是  
清補虧空於國計民生均有益也天下督撫有如諾岷等不避嫌  
怨實心任事自能酌量行之通省羨餘絲毫不能隱匿又孰敢此

東華錄

雍正五

三

外多取一錢以干罪戾乎朕於臣下期望甚殷即州縣官員亦冀  
其為舉稟稷契自此各加勉勵勿侵蝕國帑勿貪剝小民各省火  
耗自漸輕以至於盡革此朕之願也爾等所奏與朕意不合若令  
再議爾等必遵朕諭議覆准行朕亦不能保其將來無弊否也各  
省能行聽其舉行不行者亦不必勉強可將此諭旨並爾等所議  
之本交存內閣○諭兵部嗣後文官在軍前效力者即著兵部議  
敘永著為例○辛亥諭總理王大臣等 皇考陵寢關係重大若  
照定例止派總管等守護朕衷實切不安朕意於朕兄弟內酌令  
一人封以王爵子姪內二人封以公爵用代朕躬居守 山陵遂  
令郡王允禩前往○壬子諭戶部從前出口密雲縣南天門渡船  
俱令地方富戶豫備似屬擾累著停止嗣後交與通州坐糧廳每  
一處需用渡船幾隻照例豫備應給工費著倉場侍郎坐糧廳酌



定支給○丁巳諭諸王貝勒公文武大臣官員等朕即位後於初御門聽政日即面諭諸王文武大臣諄諄以朋黨爲戒今一年以來此風猶未盡除 聖祖仁皇帝亦特以朋黨訓誡廷臣俱不能仰體 聖心每分別門戶彼此傾陷分爲兩三黨各有私人一時無知之流不入於此即入於彼朕在藩邸時敬慎獨立深以朋黨爲戒從不示恩亦無結怨設若朕當年在朋黨之內今日何顏對諸臣降此諭旨乎 皇考深知朕從無偏黨必能保全爾諸臣名節故 命朕繼承大統今日大小臣工所以安然無事得享太平之福者我 皇考之恩賜也朕平日並未樹立黨援而登踐寶位爾等亦可知朋黨之無益也夫朋友亦五倫之一往來交際原所不廢但投分相好止可施於平日至於朝廷公事則宜秉公持正不可稍涉黨援之私朕今御製朋黨論一篇頒示爾等須洗心滌

東華錄

雍正五

四

慮詳玩熟體如自信素不預朋黨者則當益加勉勵如或不能自保則當痛改前非務期君臣一德一心同好惡公是非斷不可存門戶之見即爾等彼此亦當互相砥礪時相訓誡行事共求當理諸臣不負朕心則朕可不負 皇考付託之重朕之不負 皇考全在爾諸臣之贊成朕得爲天下之令主也諸臣不負朕朕豈忍負諸臣乎朕之用人加恩容有未當之處或不能自信至於治人以罪無不詳慎開有法外寬貸之處不令人知者即下一嚴旨亦求至當從未隨意輕加呵斥此朕可自信者也如七十之惡亂舉國皆知發遣在道竟寬其械繫臨行時王大臣內多有贈遺此朋黨未消之明驗也夫朕用一人而非其黨者嫉之罰一人而是其黨者庇之使榮辱不關於賞罰則國法安在乎嗣後朋黨之習務宜盡除爾等須捫心自問不可陽奉陰違以致欺君罔上悖理違

天毋謂朕恩寬大罪不加眾儆自干國法萬不能寬朕雖未必盡行誅戮然或千之中百人百人之中十人爾等能自保不在百人十人之列乎爾等務期斷絕黨私同心輔佐盡誠極言勿使朕躬有過此朕所厚望於爾等也凡人於朋友箴規尚不可背况君臣大義耶爾等當上念朝廷任用之恩下爲身家子孫之計各勉之慎之 御製朋黨論曰朕惟天尊地卑而君臣之分定爲人臣者義當惟知有君則其情固結不可解而能與君同好惡夫是之謂一德一心而上下交乃有心懷二三不能與君同好惡以至於上下之情睽而尊卑之分逆則皆朋黨之習爲之害也夫人君之好惡惟求其至公而已矣凡用舍進退孰不以其爲賢而進之以其不賢而退之或恐其所見之未盡當也故虛其心以博稽眾論然必眾論盡歸於至正而人君從之方合於大公若朋黨之徒挾

東華錄

雍正五

五

偏私以惑主聽而人君或誤用之則是以至公之心反成其爲至私之事矣孟子論國君之進賢退不肖既合左右諸大夫國人之論而必加察焉以親見其賢否之實洪範稽疑以謀及乃心者求卿士庶民之從而皇極敷言必戒其好惡偏黨以歸於王道之蕩平正直若是乎人君之不自用而必欲盡化天下之偏私以成大同也人臣乃敢溺私心樹朋黨各徇其好惡以爲是非至使人君懲偏聽之生姦謂反不如獨見之公也朋黨之罪可勝誅乎我聖祖仁皇帝御極六十年用人行政邁越千古帝王而大小臣僚未能盡矢公忠往往要結朋黨 聖祖戒飭再三未能盡改朕即位以來屢加申飭而此風尚存彼不顧好惡之公而徇其私暱牢不可破上用一人則相與議之曰是某所汲引者也於是乎遠之若浼曰吾避嫌也不附勢也爭懷妬心交騰謗口以媒孽之必欲



去之而後快上去一人則相與議之曰是某所中傷者也親暱者為之惋惜疏遠者亦慰藉稱屈即素有嫌隙者至此反致其殷勤欲借以釋憾而修好求一人責其改過自新者無有也於是乎其人亦不復自知其過惡而愈以滋其怨上之心是朝廷之賞罰黜陟不足為輕重而專以黨人之咨嗟歎惜為榮以黨人之指摘詆訾為辱亂天下之公是公非作好惡以陰撓人主予奪之柄朋黨之為害一至此哉且使人主之好惡而果有未公則何不面折廷諍而為是陽奉陰違以遂其植黨營私之計也書曰予違汝弼汝無面從退有後言當此君臣告語望其匡弼而以面從後言為戒夫是故一堂之上都兪吁咈用能廢歌颺拜以成太和之運朕無日不延見羣臣造膝陳詞何事不可盡達願乃默無獻替而狡獪叵測蓄私見以肆為後言事君之義當如是乎古純臣之事君也

東華錄

雍正五

六

必期致吾君於堯舜而人君亦當以堯舜自待其身豈惟當以堯舜待其身亦當以皋夔稷契待其臣孟子曰責難於君謂之恭陳善閉邪謂之敬吾君不能謂之賊夫以我君不能而謂之賊則為君者以吾臣不能亦當謂之忍語云取法乎上僅得乎中苟不以唐虞君臣相期待而區區做法僅在漢唐以下是烏能廓然盡去其私心而悉合乎大公至正之則哉宋歐陽修朋黨論初為異說曰君子以同道為朋夫罔上行私安得謂道修之所謂道亦小人之道耳自有此論而小人之為朋者皆得假同道之名以濟其同利之實朕以為君子無朋惟小人則有之且如修之論將始終其黨者則為君子解散而不終於黨者反為小人乎設修在今日而為此論朕必飭之以正其惑大抵文人掉弄筆舌但求購其才辨每至害理傷道而不恤惟六經語孟及宋五子傳註可奉為典要

論語謂君子不黨在易渙之六四曰渙其羣元吉朱子謂上承九五下無應與為能散其朋黨之眾大善而吉然則君子之必無朋黨而朋黨之必貴解散以求元吉聖人之垂訓亦既明且切矣夫朋友亦五倫之一朋黨不可有而朋友之道不可無然惟草茅伏處之時恆資其講習以相扶助今既登朝涖官則君臣為公義而朋友為私情人臣當以公滅私豈得稍顧私情而違公義且以君親之並重而出身事主則以其身致之於君尚不能為父母有況朋友乎況可藉口於朋以怙其黨乎朕自四十五年來一切情偽無不洞矚今臨御之後思移風易俗躋斯世於熙皞之盛故兼聽並觀周諏博採以詳悉世務且熟察風俗之變易與否而無知小人輒議朕為煩苛瑣細有云人君不當親庶務者信若斯言則皋陶之陳謨何以云一日二日萬幾孔子之贊舜何以云好問好察

東華錄

雍正五

七

此皆朋黨之錮習未去畏人君之英察而欲蒙蔽耳目以自便其好惡之私焉耳朕在藩邸時坦易光明不樹私恩小惠與滿漢臣工素無交與有往來門下者嚴加拒絕 聖祖鑒朕居心行事公正無私故令續承大統今之好為朋黨者不過冀其攀援扶植緩急可恃而不知其無益也徒自逆天悖義以陷於誅絕之罪亦甚可憫矣朕願滿漢文武大小諸臣合為一心共竭忠悃與君同其好惡之公恪遵大易論語之明訓而盡去其朋比黨援之積習庶肅然有以懷尊卑之分歡然有以洽上下之情虞廷賡歌颺拜明良喜起之休風豈不再見於今日哉○以張楷為江西布政使徐琳為江蘇按察使由浙江○癸亥諭總理王大臣等副將軍阿喇衲在布隆吉爾病故朕甚惻然阿喇衲在軍前效力年久伊身原有精奇尼哈番著再賞一拜他喇布勒哈番併令伊子承襲或命



其弟承襲侯阿喇納靈柩到日議奏再阿喇納遺本內請給伊父

阿南達諡號亦著賞給○甲子以花善為理藩院侍郎由太僕寺少卿遷

○乙丑復設太僕寺主簿一並給官房一所為太僕寺衙門

八月癸酉王大臣等奏蒙恩頒賜 御製朋黨論訓誡諄切巨等

共矢公誠敬謹奉行 上召諸王大臣進見諭曰諸王大臣等所

奏未知眾意愈同否抑出於二三人之意而眾附名同奏者歟今

爾等既稱眾意愈同朕心深為慰悅爾諸臣但能如陳奏之言實

心奉行不但朕之福即 宗廟 社稷之福亦爾諸王大臣之福

也朕受 聖祖仁皇帝付託之重繼登寶位朕之身上承 祖宗

之大統為天下臣民主若朕居心行事有一時一事少存意見即

朕自輕其身爾諸王大臣若尚存私見是豈知君臣之大義乎若

因中有私心尚懷疑畏則又不知朕之甚者也朕在藩邸時光明

東華錄 雍正五 八

正大不立黨援為 皇考洞鑒爾等即當以朕躬為法朕四十五

年之內旁觀甚明在朝諸臣豈能無一瑕疵朕俱寬宥時時諄切

訓誨冀其改過自新今諸王大臣既在朕前僉稱共矢公誠並無

異念此言 天地 祖宗實鑒臨之嗣後爾諸王大臣等果能同

心奉公協力襄贊 上天必加默佑不但身受厚福餘慶且及子

孫若或心懷異念退而違背禍必隨之豈能倖免乎朕惟望爾等

一德一心輔佐朕躬為天下令主若朕行事偶有闕遺爾等或面

折廷諍或密封陳奏朕必嘉納至諸臣中有誠心為國者眾人當

敬禮優待之其有心懷二三當做戒愧勵之以期君臣交勉共

臻上理庶今日諸王大臣所奏不徒託之空言也願爾等共勉之

○甲戌諭禮部會試為掄才大典內外簾官子弟理應回避但跋

涉數千里志切觀光既至京師不得與試深為可憫朕於上科特

降諭旨另行考校然此止可暫行不便著為定例今科凡官員入

闈者其子弟著一體應試將試卷另封進呈朕派大臣校閱遴選

庶人才不至屈抑至於闈中謄錄試卷弊端甚多其有賄屬者則

書寫精工否則潦草舛錯致誤佳文著知貢舉及監試御史嚴行

申飭其謄寫不工者必重加責懲令其重寫並令對讀官嚴飭各

生悉心校對毋使字畫錯誤儻外簾官失於查察日後發覺將該

管官員一併嚴加議處○乙亥年羹堯奏歸德堡等處番人內附

並勦平拉扁上下二寨回賊○丁丑定親王及輔國公護軍領催

等額數○己卯召蔡起俊來京以陳時夏為湖北按察使由河南

遷○壬午發下裁名摺奏參劾浙江巡撫黃叔琳徇庇鄉紳陳世

侃杖斃民人賀懋芳又從前審理湖廣鹽務收受商人吳雨山賄

賂又伊弟巡視臺灣御史黃叔瓚回京時路過浙江縱僕騷擾地

東華錄 雍正五 九

方論大學士等黃叔琳前差江南主試及任吏部侍郎時聲名頗

好故用為浙江巡撫自命下日屢次召見觀其神氣頓異言語浮

泛跪聆訓旨總不安詳敬聽及到任後舉薦不公敷陳不當密摺

奏請之事多屬支離朕頻降嚴旨置若罔聞今覽此奏大概真確

事雖屑小然初蒙委任即如此肆志將來放縱何事不可為大負

委任黃叔琳著解浙江巡撫任以布政使修吉圖署理巡撫印務

其陳氏僕人黃叔瓚兩案情由著將軍安泰修吉圖審理吳雨山

一案著李周望塞楞額爾泰審理○詔停今年秋決○藉田瑞

穀生○甲申諭江浙督撫等朕思天地之間惟此五行之理人得

之以生全物得之以長養而主宰五行者不外乎陰陽陰陽者即

鬼神之謂也孔子言鬼神之德體物而不可遺豈神道設教哉蓋

以鬼神之事即天地之理不可以偶忽也凡小而邱陵大而川嶽





莫不有神焉主之故皆當敬信而尊事況海為四瀆之歸宿乎使以爲不足敬則堯舜之君何以望秩於山川文武之君何以懷柔百神及河喬嶽今愚民昧於此理往往信淫祀而不信神明傲慢褻瀆致干天譴夫善人多而不善人少則天降之福即少有不善者亦蒙其庇不善人多而善人少則天降之罰雖善者亦被其殃近者江南奏報上海崇明諸處海水泛溢浙江又奏報海甯海鹽平湖會稽等處海水衝決隄防致傷田禾朕念切民隱憂心孔殷水患雖關乎天數或亦由近海居民平日享安瀾之福絕不念神明佑護之力傲慢褻瀆者有之夫敬神固理所當然而趨福避禍之道即在乎此能敬則謂之順天不敬則謂之褻天褻天之人願可望綏甯之福乎詩曰敬天之怒無敢戲豫又曰畏天之威于時保之朕固當朝乾夕惕不遑甯處以敬承天意亦願百姓共懷此

東華錄 雍正五年 十

言內盡其心外盡其禮敬神如在以至誠昭事而不徒尚乎虛文人意即神意一念之感格自足以致休祥豈獨一鄉一家之被其澤哉若百姓果能人人心存敬畏必獲永慶安瀾著該督撫將此諭旨令地方官家喻戶曉俾沿海居民一體知悉○命州縣完補虧空原參失察之上司一體開復○停差巡視湖河御史○戊子諭都察院嗣後外省督撫有懷挾私心背法逞威如蔡珽之逼死知府黃叔琳之杖斃無辜小民等事給事中御史等若受其請託賄賂賄徇隱瞞經朕於別處訪聞將都察院堂官一併議處○己丑諭吏部國家分理庶績務在得人道府州縣等官尤屬要職其有才幹素著廉節自持者儻不得以時上聞何以示勸著於各省道府同知通判州縣等官內總督保奏三員巡撫保奏二員布政使按察使各保奏一員將軍提督亦屬本省大員將所知者亦令

保奏一員俱各密封保奏不得會同商酌此保奏內不必將朕特用之員塞責朕特用人員有才守兼優者不拘人數亦另摺奏聞俟朕降旨調取之時再令來京引見如保奏不當日後劣蹟敗露將保奏上司一併治罪○庚寅調石文焯署浙江巡撫以田文鏡署河南巡撫由布政使署○壬辰 上召諸王宗室等俱入諭曰書云克明峻德以親九族朕今繼承 皇考聖祖仁皇帝大業若不首正宗室何以正天下萬民年來朕見宗室之習氣未善往來彼此視若仇讐交相陷害動輒語人曰彼與我甚不相合專欲陷我否則曰彼原與我有仇夫今日宗室皆是同 祖骨肉仇自何來此皆讒邪構鬪其間令骨肉生隙耳朕未登大位之先不但朕之兄弟宗室即入旗大臣官員並無一人與朕有仇不特不與人結仇亦不與人結黨爾宗室等一家骨肉視若仇讐反將母黨妻族子

東華錄 雍正五年 十一

壻及漫不相干之人視爲至戚親密往來朕在藩邸有年與舊族皇后族及諸親戚之家並無一親密太過者且亦並無與滿漢大臣及內廷執事人侍衛等一人交結親密往來者初時弟兄之內尚相往來自戊子年 皇考下訓旨之後弟兄之內亦並無私相往來之處若有私相往來之處豈能掩人之耳目乎自前歲公請 皇考臨幸花園弟兄畢集自後曾具儲招莊親王公允禩看花又曾具儲招誠親王因病不赴又曾招恆親王怡親王果郡王逮允禩出征時亦曾屢次具儲召之此外更無有也或有疑朕與二阿哥不睦者夫二阿哥爲皇太子時乃國之儲君也二阿哥未得罪之先朕但盡弟道臣道凡事敬謹因 皇考隆恩篤愛朕躬二阿哥恐有妨於己遂至以非理相加然朕惟有盡己之道恭敬翼順而已此皆眾所共知戊子年二阿哥得罪令伊保全者誰之力



歎此時 皇考聖躬違和又有禁錮允禩等事朕忘身與家惟以 皇考爲念靡晷靡夜凡百躬親者四閱月欲報 皇考隆恩於萬一 皇考知朕之爲人行事爰付大位蓋因朕心仁慈毫無朋黨偏私能明大義可以保全爾等之故也前歲十一月十三日 皇考賓天之後朕繼承大業授受之際中外救甯以成國家之善慶夫宗室之惡習朕若明知而不爲整理仍聽爾等相仇陷是負 皇考付託大業之意矣爾等內有背主鑽營結黨之人豈能逃爾等眾人耳目若果能努力改過自新頂戴君王殫心盡力於國家朕亦必爲包容如蘇努等懷挾伊祖舊讐專意離間宗支使互有煩言人人不睦朕卽位以來棄伊過惡格外施恩欲其改過從善伊等不從仍鑽營搆亂毫不悛改朕當以國法懲之豈可容其如此乎爾等當念朕躬爲 聖祖之繼體承 太祖

東華錄

雍正五

三

太宗 世祖 聖祖天下 社稷之重朕爲合主羣生共享太平之福使感戴朕躬是卽感戴 聖祖皇考也聖經云在止於至善朕望爾等偕至於善尤望爾等輔佐朕躬善益求善朕居大位勤念 皇考付託之重思日孜孜惟善是從施於有政以期兼善天下爾等當體朕此意各存善心各行善事朕若少有過失爾等各竭所知力爲匡弼俾朕得爲令主誠使宗室之內無非善人善事以示天下後世豈不美哉若爾宗室不能親睦相陷如仇幸遇 聖祖仁皇帝及朕躬概與包容百事消釋以有今日爾等自後當益相親相睦恪遵國法各守本分敬慎勤儉豈獨朕心歡悅天下之人誰不稱美而加尊敬乎如大阿哥允禩廉親王允禩郡王允禩貝子允禩俱不知本量結爲朋黨冀遂其志 皇考洞鑒此情禁錮允禩令允禩出征西甯置之遠地無知之人反謂試用允禩

將定儲位允禩遂妄生覬覦蓋亦思 皇考年高體弱置繼承之子於數千里之遠有是理乎伊等本係嫡親兄弟又結爲同盟更相親密鑽營內更換之人巧行賄賂收服人心家貧者陰與貨財好名者美言稱獎徧置耳目思欲待間乘時成伊大志此皆 皇考所洞悉者也從前朕皆保廉親王爲皇太子視爲奇人今朕封伊爲親王用之重地彼之所以報朕待朕者舉國皆知之伊先不知君臣之大義況其他乎因此朕卽位以來離散伊黨令居遠地惟望伊等改悔前行不致生事罹於國法耳朕之仁愛至意 上天知之朕躬非所惜但所居者 太祖 太宗 世祖 聖祖之位 社稷天下之所繫也書曰以親九族九族既睦夫親之者朕也睦則在於爾等若不知大義擾亂國政朕雖曲加寬宥多方教訓爾等不悛不改朕亦無可奈何也夫人不知己之惡反以人之

東華錄

雍正五

三

言其惡者爲仇又如子孫既知祖父所行之非理應勉修省乃以先世所仇益相仇恨庸懦者挾仇尚淺英僞者挾仇更深此等習氣實爲亂階亟宜省改凡人必言行相合乃可嘉耳朕今嗣大位何者爲朕所行之事六部大臣外省督撫皆能遵旨奉行是卽朕所行之事也朕下訓旨於爾等而爾等不能悛改舊習卽朕之不能言行相合也俾朕之言行相合者在爾等爲朕努力矣爾等內有爲蘇努吳爾占星尼之幼輩者誠知爾等長輩之罪戾雖未匡救於前但從此勤修善行不復繼其奸宄惡蹟則庶乎其可也若聞此慈訓猶執祖父以來舊仇稍存報復之見其人適自取殃禍耳爾等敬識之尚其竭力自治能自治則皆善人矣又爾宗室等居家各宜守分節儉毋或侈費當以虛名僭稱爲戒爾等行事儻侈亦非美事貝子公等輒擬諸王官員間散宗室輒擬貝子委



使其身果為王貝勒而下人稱為王貝勒宜也下人非分之詔稱於己何榮適足取人嘲笑耳朕初為貝勒時人稱為王軌為報顏又爾等宗室如有讀書作文等事欲資講習常用漢人中舉人進士此輩皆吾國家考取錄用之員其心本自無他有一種考試不中之人不安本分在外各處夤緣誘人不善從中覓利乃漢人中之賤流斷不可與之親近爾等敬識之朕望爾等克篤忠誠盡心效力凡知君臣大義者眾共敬之其有怨望搆亂不知君臣大義者眾共非之如此則善人知感愈加為善惡人知恥思改其惡矣凡諸陰詭詐惡好結仇讐之習爾等返之於身有則速改無則加勉家庭之間崇實安分習武學文存敬慎勤恪之心行睦嫻任恤之事朕所日望者誠實之人光明正大所深惡者作偽之人詭詐陰險爾等惟朕所望者是遵所惡者是戒福祿自至矣吾宗室甚東華錄 雍正五

眾果能和衷一體交相愛恤交相匡救各持大義為子孫表範世世率由如此則我家庭之內和氣達於天地億萬斯年垂諸史冊我宗室之榮顯何如哉何為守目前之陋習挾往日之微嫌而棄千萬載之令名乎況爾等雖固守此陋習必無所益堅挾此微嫌必不能報徒然犯法受辱貽羞天下後世而已不虛朕此一番誠心訓誨乎爾宗室等尚其誠服而力行之朕不勝厚望○癸巳戶部等衙門議覆河南巡撫石文焯疏言豫省開封府轄四州三十縣河南府轄一州十三縣汝甯府轄二州十二縣地方遼闊請改設直隸州分轄將開封府屬之西華商水項城沈邱四縣分隸陳州臨潁襄城郟城長葛分隸許州密縣新鄭二縣分隸禹州榮澤榮陽河陰汜水四縣分隸鄭州其原武延津二縣均在河北原武縣就近歸懷慶府管轄延津縣就近歸衛輝府管轄河南府屬之

靈寶閩鄉二縣分隸陝州汝甯府屬之光山息縣固始商城四縣分隸光州直隸州稽察各縣錢糧案件俱照知府之例處分至直隸州經徵錢糧令道員不時盤查均應如所請從之○甲午禮部等衙門遵旨再議從祀 孔廟宜復祀者六人林放遯瑗秦冉顏何鄭康成范甯宜增祀者二十人縣廩牧皮樂正子公都子萬章公孫丑諸葛亮尹焯魏了翁黃幹陳淳何基王柏趙復金履祥許謙陳澹羅欽順蔡清陸隴其入崇聖祠者一人張迪宜增置博士者四人冉雍冉伯牛子張有若此三十一人或親承訓論遞衍源流或遠契心傳倡明正學升諸從祀之列予以延世之賞人心公論以為允合得旨朕念先賢先儒扶持名教羽翼聖經有關學術人心爰命九卿詳議今諸臣參考周詳評論公正甚合朕心著依議行○禁武弁私役兵丁○貴州提督趙坤奏處置狎家苗機宜東華錄 雍正五

及請增定番一路額兵諭安靜近於因循振作近於多事迹雖相類而其實不同無事時不可多事有事時不可因循要在審觀時勢相度機宜而為之方能中其肯綮也若一味苟且彌縫置庶務廢弛而不問則爾等職任封疆之謂何然不熟思審處謀及始終而孟浪從事脫至有損國威則尤其不可者也總在爾等文武大員正己率屬勤慎自勵誠以馭下公以考績營伍既皆整飭有司又復廉明則兵民和輯根本固矣果能若此遇此等愚頑苗獮或以德化或以威服胡令不行曷禁不止耶可與撫臣同心協力治理地方務宜夙夜敬謹精勤勿懈以革除習弊置黔民於衽席之安方不負朕諄諄告誡企望之殷也○戊戌諭兵部青海既平之後涼州莊浪所有賊番以次剿撫官兵效力懋著功勳今大將軍年羹堯等奏稱乘川兵回汛之便並將歸德至松潘口外一帶番



族或勦或撫悉無梗化殊屬可嘉在事有功人員著於勦撫桌子山之外另行議敘○己亥豐澤圍嘉禾生

九月辛丑朔論總理事務王大臣等阿爾泰處軍事已竣著將軍功議敘將軍丁壽特給拜他喇布勒哈番世襲罔替議敘時仍照伊應得爵級歸併計算○癸卯諭戶部開例捐納少助軍需原屬一時權宜非可行之久遠 皇考曾屢言捐納非美事朕繼承大

統亦以軍需浩繁戶部供支不繼捐納事例仍暫開收今仰賴皇考在天之靈西邊軍務將已告竣即見有需用錢糧之處為數

無多著將戶部與陝西各項事例即行停止其運糧赴巴爾庫爾與肅州所動西安藩庫銀兩悉作正項報銷○甲辰戶部等衙門

議覆兩江總督查弼納奏江南為財賦重地而蘇松常三府之州縣尤為繁劇額徵賦稅款項繁多獄訟刑名案牘紛積為牧令者

東華錄 雍正五 七

卽有肆應之才亦難治理請將蘇州府屬之長洲吳江常熟崑山嘉定五縣太倉一州松江府屬之華亭婁縣青浦上海四縣常州

府屬之武進無錫宜興三縣各分立一縣庶得因地制宜之法又此三府舊設同知共六員通判共六員今應各裁去三員每府止

留同知一員通判一員以捕盜者兼司防海管糧者兼司水利亦足辦理其長洲吳江崑山華亭婁縣青浦上海七縣舊有縣丞二

員亦應各裁去一員新分之十三縣各設知縣一員典史一員將各該縣疆域田畝均勻分界一應錢糧刑獄案卷詳查分晰各歸

所轄之處辦理均應如所請至於建立城垣工費浩繁江南雖有大市鎮率與溪河水港錯雜其閒形局不能方整應將新縣之官

吏衙署各與舊縣同城而居如係附郭之縣所分者仍駐府城其學宮亦不必另建似為省便從之尋定蘇州府長洲分縣曰元和

吳江分縣曰震澤常熟分縣曰昭文崑山分縣曰新陽嘉定分縣曰寶山太倉州分縣曰鎮洋松江府華亭分縣曰奉賢婁縣分縣

曰金山青浦分縣曰福泉上海分縣曰南匯常州府武進分縣曰陽湖無錫分縣曰金匱宜興分縣曰荆溪○江蘇布政使鄂爾泰

奏七月十八十九兩日颶風迅發海塘衝決死者甚眾崇明縣被災尤甚已撥存留米一萬石又買米二千石平糶其餘州縣詳明

督撫量災之輕重發銀散給再查松江府屬之海塘土隄衝決三千六百七丈上海護塘衝決九百一十丈均應急為搶築以防秋

潮大汛請權動正項地丁給發堵築即以被災之民充役給以工食一舉而塘工民命並可兩全得旨應如是行築隄之策甚屬良

法去歲山東挑淺大得其益可覈詳督撫題請舉行○丙午調博爾多為安徽布政使董永艾為山東布政使○戊申諭兩廣總督

東華錄 雍正五 七

孔毓珣據奏請於廣東開採以濟窮民朕發廷臣會議知昔年粵省開礦聚集多人以致盜賊漸起鄰郡戒嚴是以永行封閉夫養

民之道惟在勸農務本若皆舍本逐末爭趨目前之利不肯盡力畎畝殊非經常之道且各省無賴之徒望風而至豈能辨其奸良

而去畱之勢必至眾聚難容況礦砂乃天地自然之利非人力種植可得焉保其生生不息今日有利聚之甚易他日利絕則散之

甚難曷可不徹始終而計其利害耶至於課稅朕富有四海何藉於此原因憫念窮黎起見諭爾酌量令其開採蓋為一二實在無

產之民許於深山窮谷覓微利以餬口資生耳爾等揆情度勢必不致聚眾生事庶或可行若招商開廠設官徵稅傳聞遠近以致

聚眾藏奸則斷不可行也又諭爾任廣西巡撫時與提督韓良輔會奏大金蕉木等山礦徒地方官不能驅逐添調官兵防汛今廣



西巡撫李紱摺奏有外省無籍礦徒流入蕉木山隨飭賀縣知縣會同富賀營守備帶兵三路並進驅入廣東又稱廣東海崗宿塘等處礦徒梁老二聚集多人汛兵子弟亦多附和巡檢不能防緝等語據此廣東既有巢窟雖從廣西暫驅出境亦復何益此關繫地方利害爾總督全粵宜會同兩省巡撫提督設法驅除解散毋因前曾奏請開礦小有回護以致慢忽因循且聞所聚礦徒已有名目將來為害不輕非比一二窮民偷採或可法外寬宥斷宜速行嚴禁解散無使滋蔓督撫身任封疆重寄職在戢暴安民如應提調官兵處悉心籌畫而為之不可姑息省事貽害地方務期整飭甯謐以副朕意○庚戌戶部等衙門議覆山東巡撫陳世倌疏言濟南府轄三十州縣兗州府轄二十七州縣幅員既廣管轄殊難請改設直隸州分轄將濟南府之新泰萊蕪長清三縣分隸秦

東華錄

雍正五

九

安州陽信海豐樂陵三縣分隸武定州利津濰化蒲臺三縣分隸濱州兗州府屬之曹縣定陶二縣分隸曹州刻城費縣二縣分隸沂州嘉祥鉅野鄆城三縣分隸濟甯州將泰安州武定州濱州曹州沂州濟甯州俱升為直隸州統轄各縣一應考成照知府之例處分其泰安等三州錢糧令濟東道盤查曹州等三州錢糧令充甯道盤查均應如所請從之○命賞給會試下第舉人盤費雲南廣東廣西貴州四川五省每人銀十兩福建浙江江西南江西湖廣陝西六省每人銀七兩直隸山東山西河南四省每人銀五兩○壬子兵部議覆浙閩總督覺羅滿保疏言嘉興之乍浦與江南洋面交界請增設兵五百名撥定海鎮戰船十隻以副巡防其兵數請於水陸各營內酌量抽撥再營石營馬兵既改為水師應將該營馬兵七十三名月餉改添為水戰兵一百四十六名其營石營

陸汛請改歸樂清營管轄再鎮海瑞安二營俱改水師請將二營馬兵二百二十四名改為水戰兵四百四十八名其鎮海營陸路穿山崑亭靈橋各汛請改歸提標左營管轄瑞安營陸汛請改歸溫州平陽營管轄均應如所請從之○裁陝西甯夏水利都司成縣黃渚關巡檢各一○癸丑諭戶部驍騎校護軍校雖係官員實與兵丁無異其通倉支領米石所用車價較多嗣後著於京倉支領○以魏廷珍為盛京工部侍郎原任湖南巡撫○甲寅命山西丁銀攤入田賦徵收○丙辰諭禮部今歲會試取中二百九十名朕茲續取硃卷著於本科榜後再行出榜○兵部議准兩江總督查弼納疏江南太湖口岸極多惟洞庭東山最為緊要請將新設參將一員駐紮其地左營守備應駐湖東南隅之簡村右營守備駐湖東北隅之周鐵橋千總二員分駐鮎魚口馬跡山把總四員分防龍

東華錄

雍正五

九

山東山鳳川吳淩其原防江南鳳川吳淩之浙江把總改歸浙江防汛江南西山地方仍令原駐西山之浙江遊擊巡防再江南新添兵丁五百名若於各營抽調未免汎廣兵單請於提鎮以至千把親丁內撥補從之○己未戶部議准兩江總督查弼納疏江南財賦甲於天下款項繁多地方遼闊知府實難查察請以鳳陽府之潁州亳州泗州廬州府之六安州蘇州府之太倉州淮安府之邳州海州揚州府之通州俱改為直隸州以潁上霍邱二縣隸潁州太和蒙城二縣隸亳州盱眙天長五河三縣隸泗州英山霍山二縣隸六安州鎮洋嘉定寶山崇明四縣隸太倉州宿遷睢甯二縣隸邳州贛榆沭陽二縣隸海州如皋泰興二縣隸通州其直隸州一切考成俱照知府例處分至潁州等四州錢糧令廬鳳道盤查太倉錢糧令蘇松糧道盤查邳州錢糧令淮徐道盤查海州通



州錢糧令淮揚道盤查從之○辛酉河道總督齊蘇勒副總河嵇曾筠奏河工平穩予齊蘇勒世襲拜他喇布勒哈番嵇曾筠加三級○壬戌以江浙沿海州縣颶災命湖廣江西山東河南安徽發帑買米運往平糶○甲子給軍前工部侍郎綽爾岱拖沙喇哈番世職○乙丑諭大學士九卿等朕前因兵部所奏年滿千總一事未詢定例誤降諭旨彼時大學士等應即詳陳其故使朕不至有誤今幸所降諭旨尚未發出朕已詢知定例備朕知之不早勢必將發出諭旨追還更改殊妨政體 皇考御極六十餘年諸事無不諳練朕在藩邸年久雖於羣情利弊事理得失無不周知至於國家政事有關定例者朕既經歷未久如何可比 皇考其匡正之責實在爾等朕屢降諭旨君臣誼同一體即使人君不能容納臣下之言猶當一心愛主極陳無隱况朕自御極以來痛懲逢迎

東華錄

雍正五

二十

之弊諄諄以實心匡弼朕躬期望爾等君子之過也如日月之食其過也人皆見之及其更也人皆仰之朕之素性不吝改過苟自知其非即於大廷廣眾之中明言以改之從無護庇粉飾之事今為年滿千總所降諭旨爾等具悉成例辦事有年豈不知朕偶誤總以逢迎緘默為心或是或非聽朕為之而不言則待朕者何薄耶嗣後爾等各宜深悔前非務思君臣一體之大義竭誠殫慮仰副朕懷○子故鎮國公登塞祭二次造墳立碑諡恪恭○丁卯工部議浙閩總督覺羅滿保疏覆御史錢廷獻奏請開西湖東湖漚漚仁和錢塘海南三縣田畝查三縣之田皆賴上下兩塘河流漚漚水源皆自西湖流注自明季東湖壅塞而西湖之流不能滄漚三縣之田旱不兼旬即憂枯槁湖內舊址先被民人作為田塲妨礙水流其納官銀糧為數無幾而所損於三縣民田者甚多應請

豁除糧額盡行清出其淤淺沙灘三千一百二十二畝相應挑清城內之河通西湖之血脉亦應酌量開濬城外一帶河身及支港淤塞之處應責成沿河各縣勸諭業主佃戶漸次開濬至東湖實西湖蓄水之地上塘屏水之源自宋以來從未開濬僅存湖址六百餘畝竟同陸地工程甚大非一時可以並舉俟西湖工完再為確議運河四十餘里皆多淤淺糧船出入田畝車戽最關緊要亟應疏濬均應如所請從之○己巳復設江蘇蘇松巡道

冬十月甲戌復設廣東潮州運同兩廣運使經歷各一○賜陳惠華等二百九十九人進士及第出身有差○戊寅吏部帶領明代後裔鑲白旗正定府知府朱之璉等六人引見得旨朕遵 皇考諭旨仰體 皇考聖心於明代後嗣特加曠典封以侯爵著將阿思哈尼哈番朱廷楸之嫡孫朱之璉封為一等侯世襲凡伊族內

東華錄

雍正五

三十

人丁俱令入於正白旗○山東紳士請捐修文廟 上不許命給帑○癸未諭九卿詹事科道朕惟周禮有司勳之官凡有功者書名太常祭於大烝祭法曰以死勤事則祀之凡以崇德報功風勵忠節也 太祖高皇帝肇造鴻圖 太宗文皇帝式廓區夏 世祖章皇帝奄有萬邦自勦業以至定鼎將帥之臣致命立功者不少 聖祖仁皇帝臨御六十一年中間殲滅三逆永清朔漠以及平定西藏臺灣雖天戈所指如疾風振槁而師旅之臣捐軀馬革及守土之官見危授命者所在多有邇者青海蕩平西域效順然自用兵以來將士奮勇前驅亦有歿於行陣者此皆盡忠報國之臣朕甚嘉之亦甚憫之當於京城建立祠廟春秋妥侑其備禘士卒力戰敵愾舍生取義者亦附列左右用以褒崇大節揚表芳徽俾遠近視聽勃然生忠義之心於治道亦有裨益仍令翰林官纂



其籍貫事蹟各為立傳彙成一編垂諸永久爾等悉心詳議具奏  
尋議凡文武諸臣臨陣捐軀守土授命以及偏裨士卒赤心報國  
奮不顧身者應令兵部詳查檔案行文八旗直省督撫將籍貫事  
蹟詳晰繕冊具奏其建祠之處應於京城內相度地方鳩工庀材  
建立祠廟製造牌位請 欽定匾額擇日懸挂文武諸臣牌位安  
設正祠偏裨士卒牌位安設兩廡入祠日遣官致祭其每年春秋  
二次祭祀交太常寺備辦仍交翰林院詳查史冊立傳成編從之  
○建陝西郃陽縣夏陽川城堡設參將守備各一千總二把總四  
兵八百名○甲申諭刑部朕繼承大統於各衙門事務無不加以  
詳察爾部之事尤有不同俱係民命所關豈可絲毫錯誤乃司官  
于灑勒可得審理冒領俸米一案將無辜之人妄行夾訊洵酷吏  
也凡用刑最宜詳慎必遇人命盜案其罪重者方可夾訊若其輕  
東華錄 雍正五

罪則斷不可用蓋執法不可不嚴存心不可不慈也即如審理此  
案初次訊問不明止須向通州細細察訪便可得矣何得如此濫  
用重刑乎擬罪必案律例講求習熟方不至於錯誤乃當聞服之  
時置律例於不問臨時聽信書吏高下其手尚得謂之詳慎乎且  
司官有承審定招之責非實在能幹之員不能辦理于灑勒可得  
據爾部堂官稱為中等夫中等者尚且如此下等者更可知矣傳  
諭各司官等須自己酌量年力精壯者尚可勉勵其年老殘疾不  
能辦事者當速告退勿得尸位素餐○丁亥諭兵部奮威將軍岳  
鍾琪具奏副都統達爾阿爾什總兵黃喜林王嵩孫繼宗營練蘇  
圖等統領大兵窮追羅卜藏丹津直至花海子擊獲丹津渾台吉  
及其妻子並招撫三十三家台吉當此口外水凍草枯之候官兵  
奮勇遠行甚屬可嘉自大將軍以下著從優議敘官兵勞績甚

憫之一切馱載輜重馬駝必多損傷著查明免其賠補其軍營馬  
匹如有倒斃亦令領帑購買補數再馬兵每名賞銀八兩步兵每  
名賞銀六兩蒙古兵有隨軍效力者亦著奮威將軍按其行走等  
次應如何賞給之處確議奏聞○己丑孫渣齊綠事革職以綽奇  
為工部尚書由甘肅○庚寅戶部議覆署河南巡撫田文鏡奏豫  
省兌運漕糧請將河北之彰德衛輝懷慶三府及陽武原武封邱  
三縣起運本色米一十萬四千餘石仍在衛輝五陵水次兌運外  
其開歸等五府一州折徵採買米一十五萬餘石自衛輝府至大  
名府小灘鎮沿河一帶地方不拘何處買米即於彼處交兌不必  
拘定衛輝小灘則兌運既屬便宜而漕船不至遲誤查河北三府  
三縣之糧向在衛輝五陵水次兌運應如所奏至開歸等處採買  
漕米該撫奏稱不必拘定衛輝小灘恐沿路交兌漫無處所則駕  
東華錄 雍正五

運漕艘者有往來移候之苦辦買漕糧者開爭近避遠之端殊為  
未便查衛輝至小灘經濟滑內黃大名四縣境其間沿河村落頗  
多巨鎮大市商販所集計運糧之船約三百隻莫若分定地方撥  
兌既有一定之所而糧米散於各處採買又可免牙行圍戶之弊  
矣從之○以颶災發帑賑兩淮沿海甌丁並免速課○辛卯以胡  
期恆為甘肅巡撫諾穆渾為陝西布政使由郎中○以傅德為內閣  
學士彭振翼為甘肅布政使張適為甘肅按察使由陝西糧○癸  
巳諭直省督撫提鎮等從前題奏事件俱有部費朕屢次降旨嚴  
禁今聞仍蹈前轍凡事不講部費不能結案各衙門書吏勢難枵  
腹辦事酌量稍給紙筆飯錢於理猶無違礙何得費至盈千累萬  
以遂小人無厭之求況各省大臣題奏事件俱朕親覽交部定議  
及議覆時朕詳覽獨斷在各省大臣何不自信甘受蠶役欺枉耶



至會考府係朕新設特為稽查各部諸弊以清錢糧之出入會考  
府王大臣朕可保其無受使費之理今聞有各省畏懦不明之大  
臣另加一倍使用殊可痛恨嗣後著永行禁止若經朕查出與受  
一體治罪○乙未理藩院議覆厄魯特郡王額駙阿寶呈稱自伊  
祖額寶汗歸誠向附至今百年受 聖祖仁皇帝隆恩安居樂業  
因青海兄弟妄亂生事致干天討臣等理應一併殄滅復荷寬恩  
存畱遊牧臣請於青海處賜開曠之地居住管理青海人等不致  
復萌亂心等語查阿寶之父巴圖爾額爾克濟農和洛里自青海  
來歸封為貝勒阿寶承襲後於平定西藏有功封為郡王應如所  
請見有貝子丹忠所居之地甚為寬大即令阿寶駐牧並令大將  
軍年羹堯派員齎餉助其移徙安插從之○撫遠大將軍年羹堯  
疏奏甯夏駐紮滿洲兵丁之處應設將軍一員副都統二員滿洲  
東華錄 雍正五

協領四員蒙古協領二員每旗滿洲佐領各二員蒙古佐領各一  
員每佐領下防禦各一員驍騎校各一員八旗共派駐防兵二千  
二百名又八旗應添步兵一千二百名左右兩翼添放防禦各一  
員令其管轄步兵看守城池倉庫於馬甲內擇其漢仗好者令為  
前鋒甯夏既駐滿洲兵丁應設理事同知一員從之○丙申諭  
諸王大臣等朕盡三年喪禮齋居養心殿聞裕親王保泰在家演  
戲及面詢之公然承認復任意妄奏大失臣節保泰性本昏愚並  
無為國宣力之志雖勉強任用亦於國事無益著將伊所管宗人  
府禮部都統武備院及看守大阿哥等事俱行罷革伊子亦俱著  
革退朕登極時即將保泰加恩重用伊之三子俱格外優待保泰  
幼年在內廷行走 皇考令朕教其經書算法多方率領指示保  
泰受朕恩遇甚深乃自蘇努問罪以來即生異心其不知輕重如

此朕特降此諭旨宣付起居注並令宗人府及諸王大臣等知之  
○諭內閣前因刑部尚書不得其人將阿爾松阿特加擢用乃受  
任以來無心效力朕勘之不聽懲之不畏令其總理天下刑罰大  
事於國事無益刑部尚書員缺著禮部尚書塞爾圖調補○丁酉  
吏部議覆川陝總督年羹堯奏甘肅之河西各廳自古皆為郡縣  
至明代始改為衛所今生齒繁庶不減內地宜改衛所為州縣請  
改甯夏衛為甯夏府其所屬左衛改為甯夏縣右衛改為甯朔縣  
中衛改為中衛縣平羅所改為平羅縣靈壽所改為靈州甯夏中  
路廳改為甯夏水路同知西路廳應仍舊駐紮中衛以資彈壓俱  
隸甯夏府管轄西甯廳請改為西甯府所屬西甯衛改為西甯縣  
碾伯所改為碾伯縣西甯通判專管鹽池即為西甯鹽捕通判西  
甯之北川應設一衛為大通衛俱隸西甯府管轄涼州廳請改為  
東華錄 雍正五

涼州府所屬涼州衛改為武威縣鎮番衛改為鎮番縣永昌衛改  
為永昌縣古浪所改為古浪縣莊浪所改為平番縣莊浪同知經  
理茶務應仍其舊隸涼州府管轄甘肅請改為甘肅府所屬  
左右兩衛改為張掖一縣山丹衛改為山丹縣高臺所改為高臺  
縣以肅州之鎮彝所併入俱隸甘肅州府管轄其肅州衛事務即令  
肅州通判管理靖遠衛事務改為靖遠廳管理所有衛所之守備  
千總及舊有大使三員悉行裁去均應如所請以上四府設知府  
四員經歷四員知州一員知縣十四員典史十四員其大通衛設  
守備一員張掖縣添設縣丞一員至各處教職或添設或改移應  
令該督撫確查另議從之○封厄魯特郡王額駙阿寶之好協理  
台吉功額喇卜坦為輔國公○戊戌革二等公阿爾松阿爵發奉  
天居住以其伯音德襲○己亥廣東巡撫年希堯奏暹羅入貢稻



種果樹等物應令進獻並運米來廣貨賣來船捐目九十六人本  
 係漢人今皆求免回籍並為奏明得旨暹羅國王不憚險遠進獻  
 稻種果樹等物最為恭順殊屬可嘉應加獎賚其運來米石令地  
 方官照粵省見在時價速行發賣不許行戶任意低昂如賤買貴  
 賣甚非朕體恤小國之意嗣後且令暫停俟有需米之處候旨遵  
 行其壓船隨帶貨物一概免徵稅銀來船捐目徐寬等九十六名  
 雖係廣東福建江西等省民人然住居該國歷經數代各有親屬  
 實難勒令遷歸著照所請免令回籍仍在該國居住以示寬大之  
 典○以李維鈞為直隸總督由巡撫遷

十一月壬寅諭王貝勒公等悉有一定品制國家大典攸關不可  
 稍有踰越亦不可過為貶損各按品制遵行乃為合理朕前為貝  
 勒時並無僭越之處後為親王亦未有意謙讓惟遵國之制守己  
 東華錄 雍正五

之分而已近聞廉親王允禩過為貶損凡事俱減於伊為貝勒之  
 時至將引馬悉行撤去此伊專事詭詐巧取謙讓之名誑惑愚人  
 邀其稱譽懷姦敗法心迹昭然將此曉諭諸王貝勒公等嗣後再  
 有此等不按定制過為貶損以取虛名紊亂典章者著宗人府即  
 行糾參○調伊都立為刑部左侍郎以欽拜兼兵部侍郎行走都統  
 ○以鄂賴為理藩院額外侍郎由內閣學士遷○癸卯諭禮部考試繙  
 譯舉人不必分作三場止須一次考試一日一夜量其所能章奏  
 一道或四書或五經酌量出一題其優劣便已可見此考試並無  
 漢文不必派漢大臣再考試舉子俱係八旗內人其繙譯好者眾  
 所共知即字蹟亦最易認識伊等試卷應行謄錄著於六部各衙  
 門善書之筆帖式內酌量足用選取令其謄寫選中之卷進呈時  
 再定額數仍選備卷呈覽其分校及巡察等員亦俱照文鄉試例

派用○甲辰諭各省巡撫等朕念商賈貿易之人往來關津宜加  
 恩恤故將關差歸併巡撫兼管以巡撫為封疆大吏必能仰承德  
 意加惠商旅也但各關俱有遠處口岸所委看管之家人賢愚不  
 一難免額外苛求及勒取飯錢等弊稍不如意則執送有司有司  
 礙巡撫之面徇情枉法則商民無所控訴矣嗣後將上稅課之貨  
 物遵照則例逐項開明刊刻詳單分發各貨店徧行曉諭使眾皆  
 知悉其關前所有刊刻則例之木榜務令豎立街市人人共見不  
 得藏匿屋內或用油紙掩蓋以便高下其手任意苛索立法如此  
 自能剔除弊端但爾等受朕委任之重尤當仰體朕心遴選誠實  
 可信之人以任稽查之責必期商民有益方為稱職○庚戌宗人  
 府議奏世子弘展屢次獲罪俱蒙恩宥今又訛詐銀兩請革世子  
 為閒散宗室令伊父誠親王允祉嚴加約束從之○嚴禁兵民等  
 東華錄 雍正五

出殯時前列諸戲及前一日聚集親友設筵演戲○臺灣生番蘭  
 郎等四社歸順○以巴林二等台吉桑里達出兵有勞授為輔國  
 公○壬子以綽爾岱為工部額外侍郎巴泰為工部右侍郎以查  
 郎阿為吏部左侍郎由吏部郎中遷○以楊文乾署河南布政使原任陝西榆林  
 道○湖南巡撫王朝恩奏報岳州衛所屬地方旱災雖據詳報但  
 臣履任伊始未經確查事關蠲免錢糧動支倉穀請俟勘明分數  
 題請賑濟得旨岳州衛田穀被旱情形從前曾經署撫朱綱題報  
 差員確勘已將該衛所屬地方實被旱災之田畝應免錢糧分數  
 造冊呈送矣王朝恩當如救焚拯溺應散賑者即行散賑應免錢  
 糧者即行奏聞如俟再加確查始行散賑被災之民甯可待乎若  
 謂錢糧緊要民命尤屬緊要有民始有錢糧所奏甚屬錯謬此事  
 已經遲誤嗣後再如此遲誤定行治罪將本發回著嚴飭行○裁



陝西潼關榆林靖邊等衛所守備千總及教職等缺移華陰縣縣丞駐潼關各衛所錢糧歸併附近州縣管理生童歸該管州縣考試○免陝西康熙五十七年至六十年積逋糧草及地丁銀二十萬有奇○予故輔國公普照祭二次造墳立碑○予故盛京禮部侍郎管色祭葬○癸丑諭總理事務王大臣等廉親王存心狡詐結黨營私自朕即位以來凡遇政事百端阻撓即如清查工部清片一案廉親王以重為輕以輕為重顛倒錯亂其從前所犯應議之案交宗人府議處者不止數十事朕俱曲為寬宥但切加訓誡冀其改過自新並未降一階罰一俸乃在廷諸臣向為廉親王所愚反以朕為過於苛刻為伊抱屈此朕審察眾人神色而知之一年以來大小臣工因廉親王貽累者甚多乃甘受罪戾毫無悔心而廉親王亦恬然自安竟不知愧並不念及國法稍加儆懼由東華錄 雍正五

東華錄

雍正五

无

故朕特令怡親王管理清查朕思康熙年間之虧空此時不能清楚儻雍正年間又有虧空將來亦復不便稽查積弊相因何以經國用而垂法紀乎後經怡親王查出實在虧空二百五十餘萬兩深以追補為難請以戶部所有雜費逐年代完約計十年可以清楚此怡親王欲善為歸結之意朕思歷年經手俱有堂司官員當時任意侵漁此時置之不問令其脫然事外國法安在諭令交與戶部尚書孫渣齊辦理孫渣齊職司戶部以致虧空如此之多朕曲加寬宥並未革職止令伊查明經手官員量力派令完補乃孫渣齊徇情庇護私人又有冒瞎子一案揆厥情罪實不容追朕又念先帝舊臣不忍正法將孫渣齊革職其各員名下應追銀兩照所派數目作速追完其餘一百餘萬兩照怡親王所請在戶部逐年彌補若各員應行追完之項將來仍不全完則按律治罪朕亦不能再寬矣至於怡親王欲上補國課下全眾員多方籌畫辦理此事甚屬可嘉而無知嫉妬小人反謂王過於苛刻不但昧於天理即人情公好之一念何在乎特諭爾等知之○諭九卿大臣及工部上駟院兩衙門官員等朕御極以來令廉親王總理事務凡伊所辦之事皆要結人心欲以惡名加之朕躬從前令伊管理藩院時伊將來京科爾沁台吉等不給盤費盡皆逐出致使科爾沁台吉等哭泣而回後令伊管理工部凡關繫錢糧應嚴追還項者伊欲市恩竟行寬免應寬免者反行嚴追凡係小事故作寬容並不顧理之是非大事有錯便自承當欲以抗違朕旨前因工部郎中岳周遲誤柴炭廉親王既已題參隨暗給銀二次共一千七百兩後又借與銀二次共一千六百五十兩以此施恩欲收眾人之心今岳周竟以銀二萬兩許大將軍羹堯求薦為布政使年

東華錄

雍正五

无



羹堯奏聞訊問各犯皆吐實情此乃廉親王有心玷朕之名顯而易見者也廉親王所作罪過宗人府屢次議罪奏聞朕皆寬宥從無罰俸一月降級一次之事案卷俱在歷歷可考朕屢次降旨教諭並不改悔必欲擾亂國政暗使銀錢惑買人心朕不使允禩允禩允禩等過於富厚者為此故也允禩居心行事如此爾諸大臣定已盡知惟是工部上駟院兩衙門官員人等恐不知廉親王之居心奸詐一墮其術中便為所累朕豈忍以兩衙門之臣下為伊所愚弄乎用是再加曉諭非令爾等每事與伊抗拒但令爾等於辦事效力之處一歸於正勿被伊引誘惑亂而已若廉親王允禩果將好官保題朕亦錄用題參者實係不好朕亦治罪如有無知小人受其引誘入其黨與朕必治以重罪後悔無及○甲寅諭工部 陵寢所需物料典禮攸關理應敬謹遵照辦理允禩等議稱東華錄 雍正五

陵寢所用紅土折銀發往彼處採買可省腳價此特允禩存心陰險欲加朕以輕 陵工而重財物之名也此議豈可准行所用紅土著仍在京採買好者運送應用如有不肖官員串通部員不將紅土領運折銀攜往本處採買定行從重治罪○以故輔國公普照子恆冉襲爵○召范時捷來京調石文焯為陝西巡撫以法海為浙江巡撫由江南學政遷○乙卯召劉廷琛來京調黃叔琬為廣西布政使以秦國龍為福建布政使丁士一為福建按察使由巡視○丁巳諭怡親王等貴州定廣仲苗比他省苗蠻兇頑尤甚朕向知之前雲貴總督高其倬摺奏請調官兵勦捕朕曾降旨仲苗向屬兇頑所居之地山深箐密進剿官兵務期擒捕首惡勿致疏忽茲據高其倬等奏稱進剿苗官兵用命攀援而入直抵賊巢於十月初七十四等日擒獲渠魁阿近暨其弟阿臥及妻子賊黨

等地方從此安靜深為可嘉高其倬趙坤毛文銓著從優議敘此內著有勞績官員該督查明造冊報部一併從優議敘效力兵丁即加恩賞○辛酉諸王大臣等恭擬 孝莊文皇后 暫安奉殿為 昭西陵得旨是○壬戌宗人府奏裕親王保泰自幼蒙 聖祖撫養內廷又蒙 皇上疊沛隆恩付以重任伊子俱封尊爵乃不知感戴值 聖祖服制未滿 皇上素服齋居伊在家唱戲為樂及承訊問毅然承認反稱於伊母喪事時六年並未唱戲等語又迎合廉親王允禩昧於君臣大義奏言不遜不忠不孝罪狀昭然應將保泰革去王爵另與應襲之人承襲得旨保泰著革去親王○刑部議奏原任四川巡撫蔡珽逼死重慶府知府蔣興仁一案得旨部議將蔡珽援引應斬之律又減等擬以枷責此特設法欲寬免蔡珽耳蔡珽果能寬免亦應明白陳奏大臣可殺而不可東華錄 雍正五

辱何得將封疆大吏解京枷責著另議○扎魯特鎮國公蘇里卒遣官致祭○甲子召余甸來京降董永芝為山東按察使以布蘭泰為山東布政使由戶部○乙丑諭內閣岳周一案牽連多人怡親王等承審訊問並未加刑於一人而能將其中情弊徹底審出足為獄獄諸臣標準較之阿爾松阿馬爾齊哈等將無辜之人濫施刑訊者不啻霄壤此所審事情著九卿詹事科道秉公定議具奏尋議岳周妄行鑽營應擬斬立決廉親王允禩以私恩要結匪人應交宗人府嚴加議處得旨岳周改為應斬秋後處決允禩從前所犯之罪較此重大者甚多朕已俱行寬免著從寬免交宗人府議處○議敘平定青海及擒獲桌子山基子山番賊功加大將軍年羹堯一等阿思哈尼哈番世職○賞會試武舉下第路費○吏部議覆川陝總督年羹堯等疏延安府屬三十營堡綿亘千餘



里除神木廳所轄東路黃甫川等十營堡應照舊分管外查榆林城堡廳所轄中路十堡內雙山常樂保甯歸德魚河五堡俱環繞榆林鎮城今榆林衛守備千總既裁應將鄜州州同移駐鎮城改爲分駐榆林州同將榆林衛併雙山等五堡地方民事俱交該州同經管其嚮水波羅懷遠三堡以波羅爲適中之地今西安都司經歷既裁應將該經歷改爲葭州州同駐紮波羅爲分駐波羅州同兼管嚮水懷遠二堡又清平威武二堡壤地相接應於威武添設威武巡檢司一員兼管清平堡所有榆林稅課大使應行裁去其稅務歸榆林道兼攝至靖邊廳所轄西路十堡惟靖邊所與定邊爲扼要重地而定邊離鹽場堡二十里鹽販由此出入應設專員巡緝查定邊東有鞏井堡西有鹽場宜川邑非繁劇應將宜川縣縣丞移駐定邊爲分駐定邊縣丞兼管鞏井鹽場二堡且鹽場東華錄

東華錄 雍正五

堡原係延屬地方舊設管理鹽務之甯州州同及鹽場大使俱係慶陽府屬甯州管轄以致呼應不靈應將州同掣回甯州鹽務改歸靖邊廳就近管轄而令定邊縣丞稽查私販其鹽場大使亦歸靖邊廳管轄又靖邊東爲鎮羅堡西爲甯塞堡靖邊事繁民眾今靖邊廳千總既裁請將延安府經歷司移駐靖邊兼管鎮羅甯塞二堡再鎮靖一堡路當孔道應添設巡檢司一員爲鎮靖巡檢司兼管龍州一堡將榆林驛丞事務裁歸城堡廳兼管其安邊柳樹澗二堡幅員遼闊必得彈壓之員應將甯州州同改爲綏德州州同移駐安邊兼管柳樹澗堡爲分駐安邊州同歸延安管轄均應如所請從之○丙寅封阿霸垓台吉德木楚克爲貝子○丁卯馬喇緣事革職以塞榜額爲刑部右侍郎由內閣學士遷○是月免浙江仁和湖南臨湘湖北沔陽江陵荊州等十九州縣衛被災額賦有差

十二月辛未賜苗國琮等一百三十六人武進士及第出身有差○實授田文鏡河南巡撫○壬申禮部奏雍正三年元旦令節恭請 皇上升殿進表行禮得旨朕卽位之初諸王大臣奏請元旦升殿受賀至再至三朕無可如何准於次年舉行今年元旦升殿讀表時朕聽之不禁傷感悽然垂淚明歲元旦尙未過三年著停止行禮○癸酉諭吏部尙書朱軾浙江沿海塘工最爲緊要署撫石文焯前經奏稱應用石工後又奏稱不必用石全無定見誠恐貽誤塘工朕已諭令法海佟吉圖作速詳議具奏矣但恐法海等初任不諳地方情形爾曾爲浙江巡撫必深悉事宜著馳驛前往浙江作何修築之處會同法海佟吉圖詳查定議交與法海等修築朕思海塘關係民生務要工程堅固一勞永逸不可吝惜錢糧江南海塘亦爲緊要俟浙江議定卽至蘇州會同何天培鄂爾泰東華錄

東華錄 雍正五

將查勘蘇松塘工如何修築之處亦定議具奏○諭禮部工部國子監進士題名之典始於唐時新進士榜後於慈恩寺塔下題名立碑自宋明以至我朝皆建碑於國學按其甲第先後勒載姓名籍貫於上所以重科名也今太學 聖廟戟門外所立本朝歷科題名碑自順治丙戌科起至康熙戊戌科而止稽之會典諸進士釋菜後禮部題請工部給建碑銀一百兩交與國子監立石題名康熙三年輔政大臣裁省自後每科諸進士各自捐貲立石我國家振興文教凡鄉試會試動用帑金數萬朕卽位之始卽開恩科誠以科目一途實關用人取士之要題名之典豈宜缺焉著工部動用正項錢糧令國子監將雍正癸卯甲辰兩科題名碑速行建立康熙辛丑科亦宜補建嗣後每科仍照舊例題請士子觀覽此碑知讀書登榜之榮益勵其潛修上達之意爾該衙門卽遵諭行



○甲戌諭刑部刑名案件最為緊要朕所賴者諸大臣之贊襄諸大臣所賴以辦事者各司之盡職是以每司必得一二實心辦事才能之員方有裨益朕思翰林院滿漢編修檢討庶吉士俱係進士出身伊等即未必素諳律例亦必不難於練習爾等於滿漢編修檢討庶吉士內揀選或有情願在刑部學習辦事者或有為爾等所知者共揀選二三十員帶領引見分在各司學習辦事明白實心效力者酌量題補○丁丑諭刑部殺人之犯因伊親老家無次丁奏請免死留養然亦須查明被殺之人有無父母是否獨子若係親老又係獨子一旦被殺以致親老無人贍養而殺人之人反得免死留養殊與情理未協著行文直省督撫如奏請殺人之犯存留養親務必將被殺之人有無父母及以次成丁之處一併查明於本內聲明具奏○命登德以侍郎銜在學士裏行走調牛

東華錄

雍正五

三

鈕為禮部左侍郎以傅爾為兵部右侍郎由副都統遷○召張楷來京以常德壽為江西布政使由直隸巡道遷○以桑成鼎為湖北按察使由直隸守道遷○安南國王黎維禔遣使賀登極並貢方物○戊寅諭吏部直隸守道職司通省錢穀巡道職司通省刑名即如各省之有藩臬二司也今若概與諸道員一體不加分別似未允協蓋向以畿輔重地不立布政按察名色朕思畿輔與各省有何區別今應更改畫一著將守道改為布政使司巡道改為按察司前因李維鈞辦事勤慎且能訓練士卒整飭營伍故授為直隸總督並令提督總兵官聽其節制此係特旨不為定例將來李維鈞或升任後直隸仍用巡撫一切俱照巡撫舊例即有授為總督者亦止照趙宏燮例行不得援李維鈞之例○己卯吏部尚書朱軾奏 皇上至誠大孝居喪三年猶如一日今服制已滿請給祭 太廟即吉釋

哀得旨朕覽朱軾所奏當之甚愧朕受 皇考四十餘年顧復深恩罔極莫報諒陰三年祇以默盡一點私情非為歷代帝王不能行之事朕能行之思欲立法定制以垂令名也且如祭祀朝會大禮不容久曠者朕亦勉徇諸王大臣之請照常舉行惟有齋居素服悲哀思慕盡一之誠於宮禁之中古人云禮之至者無文哀之深者無節朕自嗣統以迄於今撫時生感觸物增悽愴見輿聞潛然出涕情不容以自禁心不能以自覺遑論其合於古制否乎昔 世祖 聖祖皆以沖齡登極一時禮制容有未備設 世祖 聖祖踐阼之日已若朕躬之年則盡禮盡制必有朕所萬不能逮者今朕抱歉之處尚多敢云盡禮乎至所奏三年以來深山窮谷無不哀思戀慕過密八音等語此乃 皇考六十餘年深仁厚澤決髓淪肌四海臣民哀痛迫切感激思慕愈久不忘出於人心

東華錄

雍正五

三

之自然非有所禁約而然也夫以薄海內外凡有知識之倫尙且哀慕不忘如此況朕躬為子臣欲報昊天罔極之德其終身哀慕復何時能已耶朕之衷曲非欲表暴於人特因奏章過於稱揚朕心滋慚故略為宣寫以示中外○以羅密為直隸布政使原任理藩院郎中浦文焯為直隸按察使由河間府遷○庚辰朝鮮國王李昉謹守藩封竭誠吟遣使告其兄國王李昉喪得旨朝鮮國王李昉謹守藩封竭誠盡敬恭順事上慈愛撫民深為可嘉忽聞溘逝朕心不勝軫惻應得卹典著察例議奏○辛巳諸王大臣奏雍正三年元旦恭請上御殿受賀得旨諸王大臣雖請朕俯順輿情亦當仰體朕意朕以為與其行慶賀禮以示萬國不若盡孝道以示天下二年元旦因行元年之禮故允所請去年長至行禮因 聖祖仁皇帝配天大典朕不得已勉從眾請至於元旦御殿進表受賀不比尋常



之御殿謝恩行禮也朕已降諭旨諸王大臣著即遵行○壬午王大臣奏二阿哥病勢甚篤得旨前看守之王大臣奏聞二阿哥病體朕即下旨與王大臣於太醫院擇良醫調治昨者少愈二阿哥披誠陳奏感激朕恩殊為可憫今日醫云病復變重朕欲往看恐二阿哥執為臣之禮俟有事後朕再往奠前二阿哥福金事既照親王福金辦理若二阿哥有事亦應照親王之例辦理一切所用之物交與內務府大臣莊親王常明來保等俱於內府取給理郡王所屬人等俱著穿孝即傳諭令其豫備二阿哥之子孫交與總管太監多派人照看從前 皇考時大阿哥福金曾派在內阿哥穿孝如二阿哥有事著誠親王公允禔長子弘曙弘暉弘曠弘昉弘春弘昂穿孝照親王例齊集時值隆冬福金及大臣之命婦免其齊集著擇定出殯日期送至鄭家莊設棚安厝令伊子弘哲得東華錄 雍正五

盡子道出殯時每翼派領侍衛內大臣各一員散秩大臣各二員侍衛各五十員送至鄭家莊○癸未二阿哥允初薨追封為和碩理親王諡曰密○甲申諸王大臣等恭聞 皇上有旨往奠二阿哥合詞懇請停止親往得旨王大臣勸朕雖是但朕心不能自己之處爾等尚未盡知二阿哥獲重罪於 皇考其身若在乃係負罪之人今既薨逝則罪案已畢依然朕之兄也從前裕親王歿時 皇考自熱河回京躬臨致奠朕之弟兄俱著穿孝今封二阿哥為親王即與裕親王無異朕登大寶以來於二阿哥處未降一旨未遣一人雖錫賚頻加皆未言及朕所頒賜惟交與總管太監傳送蓋朕心不欲受伊拜謝並不欲聞伊感恩之言也前日聞伊病篤朕遣大臣往視二阿哥奏曰臣蒙皇上種種施恩甚厚臣心實深感激又訓伊子理郡王曰爾若能一心竭誠效力以事君父方

東華錄 雍正五

為令子等語此皆二阿哥至誠由衷之言朕今往奠乃兄弟至情不能自己並非邀譽也明日朕必往奠王大臣不必再奏又諭弘哲之母奉侍二阿哥有年人甚醇謹著封理親王側妃令居伊子府第弘哲盡心孝養理親王侍妾曾有子女者伊子如欲迎養聽其迎養有欲隨側妃居住者亦聽其隨往不願者另給廩舍與居豐其衣食以終餘年著徧諭理親王府下人等知之○乙酉 上詣五龍亭哭奠理親王○丁亥諭兵部爾等所奏廩生內有情願在旗行走六十四人朕從前曾降諭旨給與廩生人員令其分部行走因伊等俱係年少子弟藉祖父效力得一品二品廩生遂授以員外等官備不能辦事日後必致參革殊非朕加恩之意所以將世職一品二品廩生俱著給與三品廩生考試分給部內學習行走如行走好者著本部大臣具奏仍以原品級補用今此六十東華錄 雍正五

四人既不能學習文藝情願在旗行走伊等皆因祖父世職應得廩生今既不得用於部員著仍照伊等世職給與原品級廩生於明年擇日考試○以江苞為雲南按察使由糧○戊子遣散秩大臣覺羅舒魯翰林院學士阿克敦賜祭故朝鮮國王李昫諡恪恭封朝鮮國王世弟李昫為朝鮮國王○己丑諸王大臣又奏雍正三年元旦恭請 皇上升殿受賀得旨諸王大臣奏請朕於明歲元旦升殿受賀朕因未過三年故著停止今諸王大臣又復引經據典陳懇再三著准行禮其表文但行呈進不必宣讀○禮部奏請將 皇上潛邸升為宮殿交與工部會同內務府繪圖呈覽敬謹營造內閣翰林院撰擬嘉名恭候 欽定從之○庚寅封裕親王次子保壽之長子廣甯為裕親王○辛卯封故鎮國公登塞子鎮國將軍塞爾臣為輔國公○以賴都為禮部尚書原任禮部尚書○添

九五



設湖南提督學政○雲貴總督高其倬奏雲南魯魁山猓賊方景明普有才等擅攻村寨肆行搶掠遣弁兵勦捕擒斬淨盡得旨魯魁猓賊為害有年該督分遣官兵奮力追勦賊首成擒賊黨根株盡行收捕高其倬及在事有功人員著加恩議敘○是月免江南太倉長洲等三十八州縣水災額賦有差○是歲人丁戶口二千五百五十一萬一百一十五又永不加賦滋生人丁六十萬一千八百三十八田地山蕩畦地八百九十萬六千四百七十五頃二十四畝有奇徵銀三千四百四萬六千六百九十二兩有奇米豆麥四百五十九萬六千一百一十九石有奇草四百九十二萬二千七百九十八束茶四十九萬五千六百三十六引行鹽五百一萬四千四百九十引徵課銀四百四十二萬六千一百五十五兩有奇鑄錢四十萬九千二百有奇

東華錄

雍正五

天

東華錄

雍正六

臣王先謙敬編

臣周瀚蕃恭校

雍正三年乙巳春正月甲辰調圖理琛為陝西布政使以朱絳為廣東布政使宋瑋為廣東按察使由廣州府○乙巳遣官於直隸固安縣擇官地二百頃為井田命八旗無產之人受耕○戊申實授楊文乾河南布政使○丙辰以甘肅無事命平逆將軍貝勒延信赴西安將軍任○己未諭福建巡撫黃國材古帝王以豐年為祥瑞而不以景星慶雲靈芝甘露為祥瑞以賢才為寶而不以珠玉為寶矧耆艾舊臣閱歷既多其嘉猷善政有益於天下國家非寶而何故朕於老臣尤加珍惜爾等各宜加勉○庚申封和托輝特協理台吉圖巴為輔國公○辛酉諭大學士等蔡珽身為巡撫縱

東華錄

雍正六

情任性將所屬知府蔣興仁威逼自盡經年羹堯參奏朕始知之降旨詰問蔡珽屢次蒙混陳奏罪實難追因交與塞爾圖將此案情節一一查出本到內閣應票擬嚴旨乃大學士等以蔡珽已於開礦案內革職此本票擬該部知道庇護蔡珽之意顯然及刑部議罪擬以枷責具奏蔡珽曾為大吏有罪當置之於法枷責殊失國體此不過巧為開釋之意國法所在恩威當自朕出臣下以意為輕重徇情市德可乎後經刑部將伊按律擬斬今奏蔡珽已到京請旨監禁朕思蔡珽所犯係年羹堯參奏今若將蔡珽置之於法人必以朕為聽年羹堯之言而殺蔡珽矣朝廷威福之柄臣下得而操之有此理乎即如岳周之罪本應即行正法因係年羹堯所參故改為監候再四川巡撫王景灝乃年羹堯所薦王景灝在軍前辦事出力及來京陛見朕觀其才幹可用故簡任巡撫以觀



其後效朕之存心大公至正是非功罪惟求其當且罪疑惟輕功疑惟重甯可使人謂朕聽年羹堯之言而用王景灝不可使人謂朕聽年羹堯之言而殺蔡珽著將蔡珽從寬免罪並將始末論眾知之○命西北邊關城門遇請安進貢之蒙古禁止收稅○壬戌諭大學士等前因蔡珽有病復有蔣興仁一事將伊革職今召令入見並無疾病伊學問尚優著補授都察院左都御史○理藩院議奏張家口外入官地畝請照邊地例定為三等起科每犁一具徵銀四兩二錢 上諭民人交納維艱不得催科太迫如不能足四兩二錢之數著再量減二錢○裁山東濟南衛守備千總各一管河千總二○癸亥諭吏部覽年羹堯將驛傳道金南瑛等參奏金南瑛曾經大學士朱軾保題在會考府行走怡親王亦曾奏薦朕是以揀選任用年羹堯遠行題參必有錯誤金南瑛仍著留任

東華錄

雍正六

二

再行差委○乙丑諭大學士等凡大小臣工面奉諭旨皆國家政務不當輕洩於外昔 聖祖仁皇帝時有兩人同見而將旨意漏洩者則彼此互相推諉有一人獨見旨意漏洩者則謂近侍內監竊聞朕悉知其弊是以召見臣工常令一人獨進不許三尺之童在側伊等出外恐因漏洩獲罪遇親友詢問不能謝卻則託他詞以告之其實非朕諭也周易曰臣不密則失身若將密旨宣露於外則其為人已不明於君臣大義並利害不知所言尚可聽乎况其又不確實無益有害嗣後切勿輕問輕信自干罪戾著將此頒行中外○貴州巡撫毛文銓摺奏安順府神苗焚劫不法請親往查明得旨凡事貴協於中不宜偏執遇有事時惟圖安靜則誤於因循無事時銳意振作則失之孟浪若貪功而妄逞兵威斷然不可苗獠雖愚亦人類也豈無良心既示之以威即宜繼之以德總

東華錄

雍正六

三

去歲年羹堯來京陛見時朕將文武官員揀選多人命其帶往止令學習事務並非悉令補用也且伊等歷俸甚淺亦未至於即用今年羹堯將金南瑛等參奏特欲出缺用朕所命往之人此斷乎不可著降旨年羹堯此次命往之人如有缺出不得即行題補雖委署印務亦著請旨再行又本內所參官員俱係胡期恆詳揭胡期恆朕未識面此所參官員朕亦未知其人除金南瑛外其餘官員著胡期恆帶領來京具奏伊等員缺暫且不必補人甘肅巡撫印務著甘肅布政使彭振翼署理○甲子諾岷以病乞假命解任來京調治以伊都立署山西巡撫由刑部左侍郎署○吏部奏請差湖南山東學政得旨從前學政主考皆就其為人謹慎者派往並未考試文藝其中竟有不能衡文者或因中式之後荒疏年久故耳著將應差之翰林並進士出身之各部院官員查奏俟朕試以文藝

要武弁整飭營伍有司清白吏治數年後再無不感化之理也○丙寅以蔣河為山西按察使由陝西涼莊道遷○追賜原任福建巡撫許嗣興祭葬從其子宣化總兵官許國柱請也○丁卯浙閩總督滿保奏臺灣陳阿難益難等六社生番歸化每歲照例以鹿皮代稅下部知之○戊辰欽天監奏本年二月初二日庚午日月合璧五星連珠請敕付史館得旨朕惟日月五星運行於天本有常度是以從古歷元可坐算而得然古稱高陽時五星會於營室漢帝時五星聚於東井宋祖時五星聚於奎史書皆紀以為祥蓋七政會合數雖一定而遭逢其時者實海宇昇平民安物阜之會也若以為德化所致朕方臨御二載有何功德遠能致此嘉祥皆由我皇考六十餘年聖德神功際天蟠地為千古不世出之君為 上天第一篤愛之子所以純禧駢集庶數縣長錫祚垂光至於今日



視此難逢之嘉瑞朕嗣統以來兢兢業業率由舊章惟以 皇考之心為心以 皇考之政為政宅衷圖事罔敢稍越尺寸故邀

上天垂鑒仍如 皇考之御宇綏猷而錫以無疆之福也朕幸逢嘉會不但不敢自居亦且不敢自謙總由 上天申眷 皇考朕

與天下臣民同在福祐之中當與天下臣民共慶之所奏著付史館並頒示中外○諭大學士等貝子允禩外飾醇良內藏奸狡並不約束屬下人等縱恣騷擾民間朕曾令楚宗來京今不必來京

著往允禩處約束其屬下人等如有擾亂等事即行攔阻允禩如不聽從即行參奏楚宗若不嚴行約束事覺一併治罪○諭九卿詹事科道等雲貴總督高其倬條奏黔省事宜本內捆掠販賣一

款與毛文銓密摺所奏川販之事詞語竟不相同是高其倬欲將川販字樣隱避但以境連川楚一句含糊帶過此特畏懼年羹堯

東華錄 雍正六年 四 之所致也朕君臨天下每事出於大公至正豈有重視川陝而輕視雲貴厚待年羹堯而薄待高其倬之理督撫須深知朕心庶無瞻顧將此川販捆掠一事交與年羹堯王景灝嚴行禁止務除從前積弊毋害黔省民苗儻不實力奉行定將伊等一併嚴加議處

二月己巳朔王大臣等以日月合璧五星連珠請升殿慶賀 上不允○定布隆吉爾為安西鎮設總兵一標下五營遊擊五守備五千總十把總二十兵五千名○庚午王大臣等再奏請升殿受賀得旨朕生平存心真誠內外如一昨頒諭旨已悉朕意今諸王大臣等再申懇請是以有意謙讓朕矣 上天既賜嘉祥朕與

內外臣工惟有益加敬謹以仰答 上天昭示之恩承 皇考貽謀之遠所奏升殿慶賀不必行○辛未停止竊賊逃人等割腳筋例○丙子諭內閣各省督撫提鎮將朕摺批密諭有同在一省而

彼此互相傳看者有隔越鄰省而彼此互相通知者亦有經過其地而私相探問者周易曰幾事不密則害成是以歷來會議軍務皆極慎密以防洩洩凡文武大吏之密奏及朕所降密旨俱係國家緊要事件豈不更重於軍務而可輕洩以貽害乎嗣後若有此等一經發覺該部概照洩漏軍機律治罪○丁丑刑部等衙門議奏廣西生員陳為翰打死何壯深一案巡撫李紱仍照關毆殺人律擬絞監候具題應改為斬監候得旨讞獄之道貴於虛公詳慎務得其平不可稍存一毫意見以致畸輕畸重朕駁審陳為翰一案該撫審出實情仍照前擬具題而該部又欲駁重朕籌之再四若依部駁恐將來督撫等俱有意迎合而事情委曲有所未盡若仍照該撫所擬又恐將來督撫等堅執前見不肯改易朦朧結案二者皆於法不得其平朕慎重讞獄期於盡善無弊此案著九卿

東華錄 雍正六年 五 等會同詳議悉心斟酌以歸至當夫矜棍恃勢欺壓平民固屬不法至於閉戶讀書之人設或遭土棍欺陵又豈法所能容書曰惟明克允蓋用法惟明允乃得其平也尋議陳為翰應仍照關毆殺人律擬絞監候從之○庚辰 上以 聖祖仁皇帝三年服闋親詣 太廟行禘祭禮○諭直省督撫等朕惟古昔帝王以孝治天下誠以孝者天之經地之義民之則也故魯論云慎終追遠民德歸厚矣朕以藐躬繼承大統永惟 皇考聖祖仁皇帝願復洪慈恩德罔極中心哀痛什伯恆情以日易月實所不忍特以 天

地 宗廟大祀朝會重典不容久曠時亦勉從諸王大臣之請遵禮舉行惟於宮庭內素服齋居默畫此心每撫時觸景輒增悽愴

後見愴惻之際哀發於中潸然出涕古人云禮之至者無文哀之至者無節實非有所做而行亦非欲以立法定制垂譽於天下後

者無節實非有所做而行亦非欲以立法定制垂譽於天下後

者無節實非有所做而行亦非欲以立法定制垂譽於天下後

者無節實非有所做而行亦非欲以立法定制垂譽於天下後

者無節實非有所做而行亦非欲以立法定制垂譽於天下後

者無節實非有所做而行亦非欲以立法定制垂譽於天下後

者無節實非有所做而行亦非欲以立法定制垂譽於天下後

者無節實非有所做而行亦非欲以立法定制垂譽於天下後

者無節實非有所做而行亦非欲以立法定制垂譽於天下後

者無節實非有所做而行亦非欲以立法定制垂譽於天下後



世也終身孺慕甯有已時今諸臣據二十七月卽吉之文合辭公請禘祭釋服朕以禮制情勉允所請於雍正三年二月十二日禘祭 太廟釋服卽吉伏念 皇考聖祖仁皇帝御極六十餘年深仁厚澤普徧寰區 賓天之日凡京畿直省海澱山陬士農工賈白叟黃童莫不呼號哀泣孺慕之誠三載以來有如一曰今舉行吉禮應敷告天下朕嗣位以來惟日兢兢嚴恭寅畏不敢怠息庶幾克荷 皇考聖祖仁皇帝付託之重羣黎百姓受 皇考聖祖仁皇帝教育深恩當勉勵忠誠勤守職業言慈言孝克友克恭農夫盡力於南畝工商致精於器用毋尚奢侈毋事浮偽共期歸真還樸比戶可封以無負 皇考六十餘年培養漸摩之至德於朕奉先思孝之心實有賴焉爾該地方官徧行曉諭俾薄海黎民咸悉朕意○壬午諭諸王大學士九卿等壬寅之冬朕繼承大統幾

東華錄

雍正六

六

務殷繁恐哀戚之中思慮不到或有差誤是以特令廉親王怡親王大學士馬齊舅隆科多四人總理事務迄今三年服制已滿合奏懇辭具見忱悃准照伊等所請各歸職守辦事此三年來林遭 皇考 皇妣大事怡親王悉心辦理諸事妥協所委大小事務絲毫不苟小心謹慎竭力忠誠實屬可嘉著從優議敘隆科多馬齊亦著議敘廉親王自委任以來諸事推諉無一實心出力之處無一有裨政治之言且懷挾私心遇事簸弄希冀搖動眾志攪擾朕之心思阻撓朕之政事卽如管理工部之事值 皇考梓宮奉移 山陵需用夫役向例皆用二萬餘名伊密奏費用錢糧太多今減省一半便可足用朕不知舊例准行若非大學士奏阻幾爲其所誤又命管理理藩院事謂外藩到京糜費口糧將科爾沁台吉等於邊口攔阻逐回令不得拜謁 皇考梓宮蒙古等涕泣

而歸怨聲載道若非拉錫奏聞隨卽開示蒙古等幾致寒心又如管理上駟院事奏稱馬圈畜馬太多請行裁減大半以省錢糧其意非欲以彰揚 皇考糜費之名卽欲使馬匹不足將來設有緩急無所取資也至如以破紙書寫奏章祭所更衣幄次油氣薰蒸刻不可近又用破損桌案安奉祝版種種不敬之事舉國所知其他顛倒是非草率怠忽悖慢無禮之處不可枚舉朕皆容忍寬免允禩非才力不及智慮不到之人而存心行事若此誠不知其何意且朕之於允禩崇重信任伊不當如此待朕也其應否議敘之處著秉公會議具奏尋議廉親王允禩挾私懷詐阻撓政事 山陵典禮至重竟將定例夫役誑奏裁減外藩叩謁甚眾竟於邊口攔阻幾失蒙古等心他如請減院馬破損奏章供奉 祝版不虔豫備油幄草率盛京 陵寢需用紅土違例發價就被採買不忠

東華錄

雍正六

七

不敬應行議處之案實難枚舉允禩有罪無功不應議敘從之○裁浙江杭州温州衛所千總九○癸未諸王大臣等奏服制已滿恭請 皇上於乾清宮聽政一應齋戒之處俱照吉禮舉行再圓明園水土清潔允宜隨時駐蹕得旨國家大禮 皇考 皇妣雖有輕重之別而朕之私衷則 皇考 皇妣不容分視外廷吉禮已令照國家典制舉行若朕於宮中務期獨盡人子之禮據奏駐蹕圓明園不但朕心實爲不忍 皇考 皇妣之事朕何可有所分別况今之二十七月並非勉強從事沽取孝名以爲觀美止求朕心之安耳禮盡則朕心自安朕意已定諸王大臣毋得再奏○甲申奉移 孝莊文皇后梓宮安奉 昭西陵享殿○諭靖逆將軍富甯安軍興以來已經數載爾在軍前效力小心謹慎提督路振聲係初次派往之人在邊地效力已久見今策妄阿喇布坦之



事未完又不便撤兵若以兵丁久戍之故即令更換轉令伊等軍前數年勞績有初鮮終矣但爾等在外年久甚慮朕懷今特賞帑金二十萬兩內給將軍二萬兩提督五千兩其餘按弁兵效力年分以為賞賜之等次綠旗兵丁向係輪班行走伊等作何賞賜之處爾會同路振聲商酌所賞銀兩著行文年羹堯勳西安庫帑派賢能官員解送賞給○乙酉諭各省督撫提鎮等凡司道府副將參遊等官出京之時奏請訓旨朕或言及地方之事間有與督撫提鎮諭旨中批示所不能盡者向伊等諭及今各省督撫提鎮往往有奏稱某屬官口傳上諭臣即遵奉施行等語如此則大非朕意矣督撫提鎮等聞屬官口傳旨意必當再行奏聞俟批准之後方可奉行若地方有應行事宜朕自諭部傳旨或摺批密諭豈有命微員隨便口傳之理况伊等奉朕面諭時亦有不能明晰領

東華錄 雍正六年 八

會傳宣錯誤而督撫提鎮覆奏時竟與原旨不符者甚多此等皆大有關係且伊等至彼處傳旨時止應在衙署內密向本人傳宣若於大廷廣眾以屬員而傳旨與上司亦屬非體皆非朕本意也

○丙戌裁江南清江浦理事同知一○丁亥 上親耕藉田○己丑諭撫遠大將軍年羹堯據岳鍾琪奏稱青海郡王額爾得尼厄爾克托克托奈所屬部落窮困流離資生窘乏親王戴青和碩齋察罕丹津等所屬部落雖稍能存活亦屬貧窮爾身為撫遠大將軍凡西陲軍務調撥糧餉綏輯遠人皆爾之責理應酌量事勢緩急人口多寡盡心籌畫辦理乃僅發銀一萬兩賑濟此諸部落流離失所之眾豈萬金所能徧給是知爾於諸務皆未實盡其心矣托奈等遭叛賊搶奪投命來歸全賴安插得所俾其衣食有資今爾既不能籌畫於未然又不克拯濟其見在如諸部落內或有一

二人窘急萬難自存潛逃遠匿竄入策妄阿拉布坦之地者朕必重治爾罪○辛卯予故太子太傅文華殿大學士吏部尚書張鵬翮祭葬加祭一次贈少保諡文端禮部尚書張伯行祭葬加祭一次贈太子太保諡清恪○壬辰諭河南巡撫田文鏡據奏欲以存司耗羨彌補州縣無著虧空既以填實倉庫又省案牘之繁固屬美舉果如此行本內或作承追督催各官代為完結仍將該犯照例處分則可若直將通省公用耗銀明為貪劣參員抵補虧項是止以錢糧為重而國家懲貪肅惡之法轉輕矣如何其可無論謹飭廉員聞之心不甘服甯不大啓一切貪員希冀之念乎斯乃勸始之舉當審酌而行○金世揚緣事革職以郝林為工部左侍郎原任工部左侍郎○癸巳頒示工部製造盔甲式樣每旗各一副又令工部收貯二副永為定式○裁安徽鳳陽右衛歸併中衛管理○甲午江西巡撫裴率度奏查廣信府之封禁山相傳產銅舊名銅塘山明代即經封禁其中樹石充塞荒榛極目並無沃土可以資生亦無頑民盤踞在內此山開則擾累封則安甯歷有成案康熙五十九年鉛山匪類擒獲之後此山搜查二十餘日並無藏匿據實奏聞得旨當開不得因循當禁則不宜依違但不存貪功圖利之念實心為地方興利除弊何事不可為也在秉公相度時宜而酌定之○乙未鄂倫岱有罪削爵發往奉天居住以其弟領侍衛內大臣夸岱襲一等公○丙申戶部議准雲南巡撫楊名時奏一滇省丁銀有民丁軍丁之分民丁請照直隸例攤入田糧完納至軍丁之額自二錢八分起有重至六錢二分者難與輕額民丁一槩均攤應俟查出吳逆平後隱匿田土量加增攤一民間田產先由吳逆賦重差繁減價絕賣今承繼熟之後指定原價告找告贖爭

東華錄 雍正六年 九



控不休應通飭永禁一雲南府屬舊有三泊縣在萬山之中先併入昆陽州遠至二百餘里請改歸相近十餘里之安甯州勢方聯屬可以便民一糧儲道爲通省道員之首請改爲守道永昌道轄迤西數郡有稽察地方之責請改爲巡道從之○添設河南開封府南北兩岸管河同知各一懷慶府管河同知一○丁酉 上召諸王滿漢文武大臣等入諭曰朕因貝子允禩行事悖謬在西甯地方縱容家下人生事妄爲特發諭旨著都統楚宗往彼約束今據楚宗摺奏臣至西大通允禩並不出迎請安良久始令臣進見允禩氣槩強盛形色如前並無憂懼之容臣令出院跪聆諭旨允禩並未叩頭卽起立向臣云諭旨皆是我有何說我已欲出家離世有何亂行之處其屬下人等亦毫無畏敬之色等語朕遣楚宗到彼傳旨約束其屬下之人原恐其生事騷擾且冀其改悔前愆

東華錄 雍正六年 十

遵守法度曲爲保全乃允禩肆行傲慢全無人臣事君之禮且稱出家離世等語其意以爲出家則無兄弟之誼離世則無君臣之分也荒誕不經如此朕兄弟中如允禔允禩允禵允禴等在皇考時結黨妄行以致 皇考聖心憂憤日夜不甯 皇考實天時允禩從西甯來京並不奏請 太后安亦不請朕安反先行文禮部問其到京如何行禮儀注及在 壽皇殿叩謁 梓宮後見朕遠跪不前毫無哀戚親近之意朕向前就之仍不爲動彼時拉錫在旁掖之使前伊出遠將拉錫晉罵復忿然至朕前云我本恭敬盡禮拉錫將我扯拽我是皇上親弟拉錫乃擄獲下賤若我有不是處求皇上將我處分若我無不是處求皇上卽將拉錫正法以正國體等語朕亦不意其咆哮無禮至此也及 梓宮奉移山陵時朕因允禩倨傲不恭且與拉錫佛倫爭鬪降旨訓誡而

東華錄 雍正六年

允禩忽從帳房中出勸令允禩跪而允禩卽跪是事事聽從允禩之言爲其指使此其明驗也又允禩妻病故朕厚加恩卹乃伊奏摺中有我今已到盡頭之處一身是病在世不久等語朕思允禩恭代朕躬奉祀 景陵任至重也又以貝子加封王爵有何屈抑而出此怨望之語乎又允禩身爲大將軍不應支用之錢糧濫支數萬以市恩邀譽而不知有違定制例應賠補此皆國帑所關何得任意侵取乎至若允禩奉旨送澤上尊丹巴胡土克圖至張家口外乃託病不行又私與允禩暗相往來餽送馬匹允禩回書有事機已失悔之無及之語悖亂已極允禩又私行禳禱將雍正新君字樣連寫入疏文之內甚屬不敬蓋由允禩等私結黨援牢不可破朕若一經訊詰則國法難容朕居心寬大不忍爲此務欲保全骨肉不事深求仰體 皇考之心爲心也阿靈阿鄂倫岱二人

東華錄 雍正六年 十一

原係允禩等之黨首罪惡至重從前懷毒逞奸上費 皇考無限慈懷屢干 聖怒當日因允禩得罪在遙亭地方將伊門下太監審訊供云阿靈阿鄂倫岱乃我主子之黨問此二人便知彼時阿靈阿鄂倫岱在旁無言可辨顏色改變但隨口枝梧抵飾豈能欺君父與眾耳目乎戊子年學問允禩既而寬赦次年春 皇考從霸州回鑾自行宮啓行至南紅門言及鄂倫岱等結黨之事 皇考震怒沿途切責鄂倫岱行至三十里而 聖怒未解鄂倫岱悍然不知畏懼亦無一毫愛君之心朕在旁悚惕不安向妻徵額云 聖躬初愈今又震怒於風沙中行三十里若少頃 聖駕出又復動怒爾先行奏勸我當隨同奏懇及 聖駕出而鄂倫岱仍悍然向前迎立以觸 聖怒致 皇考復嚴加切責妻徵額進前奏勸朕遂泣奏云 皇父聖體初愈此等悖逆之人何足屢煩 聖



心亂臣賊子自有國法若交與臣下便可即行誅戮懇奏再三  
皇考之怒方解又在熱河時 皇考聖體違和大臣侍衛等俱請  
安求瞻仰 聖顏惟鄂倫岱並不請安且率同乾清門侍衛等每  
日較射遊戲鄂倫岱悖惡多端每事干犯 聖怒 皇考行圍哨  
鹿時曾悉數其罪令侍衛五哥鞭責之後令其前往邊地料理驛  
站伊到彼處並不撫恤驛站之人反將驛站事務敗壞致蒙古等  
不能存活朕即位後聞知其事特加恩賞資數萬金另遣員前往  
料理以甦蒙古之困鄂倫岱種種罪惡俱行寬免從驛站調回仍  
令為領侍衛內大臣又為都統伊之祖父朕皆厚加恩典鄂倫岱  
並無感激報效之念在朕前並無一語奏謝鄂倫岱引見本旗襲  
職人員明知罪人之子例不得承襲乃違例帶領引見朕亦寬免  
其罪伊身為火器營統領乃於操練兵丁之處並不親到一次去

東華錄

雍正六年

十二

年伊從鄂羅斯回來奏請將蘇尼特為賊之台吉數人調來京師  
披甲朕諭以不如仍留本處交扎薩克王等自能管束令其悔改  
如不能悔改再依爾等所奏行鄂倫岱並不遵照朕旨乃自行繕  
寫內有云 皇考時調來披甲朕心不忍等語其意以為 皇考  
欲行之事朕不忍行欲將歸過 皇考之名加之於朕也朕有殊  
批諭旨降與阿爾松阿者令鄂倫岱轉交乃鄂倫岱於乾清門眾  
人前將朕諭旨擲之於地且極力黨護阿爾松阿將其死罪承認  
在身此等頑悍之狀有是理乎朕每召諸王大臣等頒發諭旨鄂  
倫岱從未有一次點首心服前召旗下大臣面諭云近日大臣等  
辦事將從前積習已改十之七八若再整頓一二年便可全改朕  
嘗慮向來惡習恐非誅戮一二人不能挽回今看來可不用誅戮  
矣為此朕心甚喜諸臣無不點首喜動顏色惟鄂倫岱略無喜容

俯首冷笑昨因辦理旗下之事在眾人前將一原當侍衛之人問  
鄂倫岱鄂倫岱並未認識妄奏云此人平常朕責以欺罔鄂倫岱  
奏云我信口回奏含忿搖頭故激朕怒由此觀之總因伊私相依  
附之人未遂其願故將怨望 皇考之心怨望於朕鄂倫岱之罪  
與阿靈阿等雖置極典不足以蔽其辜朕念係 皇祖妣 皇妣  
之戚其父又經陣亡不忍加誅從寬發往奉天令與阿爾松阿一  
同居住伊既遠離京師庶不至遇事生波煽惑朝政嗣後大小臣  
工若有怙惡不悛暗附其黨者朕必明正其罪置之重辟使伊等  
黨援解散無附會濟惡之人正所以曲為保全之計總之朕兄弟  
中積習沈痼既不能懾之以威使其悔改而加意施恩又終不能  
使之感化朕衷深為抱愧不過竭盡朕之心力曉諭內外臣工令  
伊等不能為害於國家若必盡按根株朕心實有所不忍甯可使

東華錄

雍正六年

十三

天下後世議 皇考及朕優容寬斷過於姑息耳不得議 皇考  
與朕見不及也朕種種苦心 上天垂鑒 皇考在 天之靈照  
察惟欲爾等滿漢文武大臣共知朕心天下後世亦共知朕心耳  
○以李周望為禮部尚書由戶部左侍郎遷 ○是月免吳江等四縣雍正  
二年水災額賦  
三月辛丑裁江南掌印都司一○壬寅轉蔣廷錫為戶部左侍郎  
以吳士玉為戶部右侍郎仍兼內閣學士裏行○癸卯諭吏部科  
道之有外轉向屬降用是以令其將科道原銜帶於新任前御史  
陳時夏越分奏事朕曾嚴飭今河南管河道給事中陳世倌係專  
管錢糧工程之員在副總河嵇曾筠處甚是掣肘於緊要工程所  
需物料不即給發價銀以致遲誤去歲江南撥到河兵三月不給  
兵餉河道近省尚屬易知他省所用道員倚恃科道職銜抗違上



司亦未可定朕用行政豈可令上下不遵定分乎除新用許谷  
柯喬年陸賜書三人仍帶科道職銜外其餘兼科道銜之各道員  
各該督撫問明情願不兼科道銜在道員效力者畱任其有不願  
在道員者仍調回原任再陝西洮岷道單疇書去年總督年羹堯  
陛見時奏伊才力不及操守不廉朕看此人老成端謹必係不能  
迎合年羹堯之所致單疇書辦事才情或有不及斷非操守不廉  
之人著調回以卿員用○乙巳都察院參奏修造 太祖 太宗  
世祖 神牌管工部事廉親王允禩草率不敬應將允禩並堂  
司官按律治罪 上召入大學士九卿等諭曰 祖宗神牌關係  
甚大允禩供稱止查看 太廟 奉先殿所修 神牌至他處  
神牌修造時並未查看伊乃承辦工部事務理應俱行親往敬謹  
看造乃漫不經心止交與司官草率從事以致修造時日未久遂  
東華錄 雍正六年 丙  
至漆流字漫且允禩並非思慮不到不能辦事之人特有意草率  
欲陷朕以不敬之名耳又聞伊欲卸罪於司官將已給之口供復  
行撤回此罪名不但司官難以承當即允禩又可以承當乎朕既  
欲寬伊罪惟有躬自引罪而已據爾等奏稱康熙三十七年 天  
壇配享 神牌 皇考特諭佛保監督內府工匠修造彼時允禩  
未將舊例查奏朕在諒陰之中心神恍惚未及周詳是朕疏忽之  
過也今 神牌應如何敬謹修造之處大學士會同九卿確議具  
奏再各處 壇 廟所供 神牌著太常寺堂官前往敬謹閱視  
如有應修之處一併議奏尋議見據太常寺敬謹瞻視祈穀壇神  
牌有塌陷裂縫之處相應重新修理 天壇 地壇 太廟 奉  
先殿神牌微有脫金落青應黏補修理請於 天壇 祈穀壇派  
工部內務府司官二員 地壇派司官二員 太廟 奉先殿派

東華錄 雍正六年

司官二員各督率修理其興工告竣日期交與欽天監選擇敬啟  
神牌並修完供奉之儀令禮部照例辦理從之○兵部議准川  
陝總督年羹堯奏桌子等山為匪類潛匿之所相度形勢惟  
他拉渡川東通莊浪西通刀林又仙米寺四圍之山林木叢茂盜  
賊俱由此路出沒應於他拉渡川有水之地設立遊擊一千總一  
把總二馬步兵五百名即請移涼州高古城遊擊等員調兵駐防  
仙米寺應設立守備把總各一馬步兵三百名請即移高溝堡守  
備黑松堡把總調兵駐防從之○裁直隸延慶衛守備一梁城所  
千總一保定左所教授訓導千總各一改天津衛為州設立知州  
一改衛經歷為吏目教授為學正○丁未以河南陽武封邱中牟  
三縣兩被水災後元氣未復命侍郎托時前往會同田文鏡查勘  
新舊錢糧應徵應免確實定議○裁湖北掌印都司及都司經歷  
東華錄 雍正六年 壬  
各一○準噶爾厄魯特台吉策妄阿喇布坦遣使臣博洛胡爾哈  
進表貢獻方物賞賚如例○戊申諭大學士等前聞南坪壩番人  
聚眾梗化朕料其必有起釁之由會降諭旨令提督岳鍾琪查奏  
今據摺奏叛番懼罪逃散擊獲起事首惡喇嘛番子拔那等九名  
其餘脅從逃匿者見在陸續投誠數日可以安輯此事實因石泉  
營守備孟繼先魚肉番人縱兵騷擾茂州知州邊鴻烈擅作威福  
因修城苛虐番人以致伊等憤激殺傷兵民等語番人敢行悖逆  
自有憲典至守備知州等既有苛刻激成之由必須審出實情分  
別治罪以申國家之法以服番眾之心著刑部侍郎黃炳前往審  
理○謝賜履緣事降調以梁文科為左副都御史 由大理 寺卿遷○吏部  
議准直隸總督李維鈞奏直隸向年未設藩臬兩司改通永天津  
霸昌大名口北五道俱掛山西山東河南等布按二司銜今直隸

一〇三



守巡二道既改為布按二司其五道等俱應改直隸布按二司衙從之○添設福建臺灣府新設彰化縣儒學教諭一改諸羅縣羅漢門地方歸臺灣縣轄○設安徽提督學政○辛亥諸王宗室等以建立宗學具摺謝恩 上召入乾清宮諭曰書云以親九族九族既睦爾等宗室之內自應和協彼此保護骨肉之親豈可相為仇敵乎朕在藩邸時雖知宗室惡習但孔子云不在其位不謀其政又云非天子不議禮不制度不考文朕今即位教育愛護宗室俱係朕躬職分之事前朕議處蘇努吳爾占之罪伊等並非與朕舊有隙怨祇以骨肉之內彼此傾陷互為仇敵一有微隙可乘羣起而攻之則其人何所容身乎今我宗室內互相仇陷之習皆由蘇努所致凡仇當解不當結所謂九世之仇必報者指敵國言之爾非言宗族骨肉也以骨肉而信下人無影響之言彼此視為仇

東華錄

雍正六年

六

敵反與旁人相親豈非輕重倒置乎今朕宗室僅千餘人尙不及十佐領人數若如此互相傾陷何所底止朕甚惜之望爾等習為善人爾宗室內不但同心協力報效國家之人為朕所深眷止安靜守分不干法紀之人即在朕眷注之中若妄行犯法朕必照例處分豈可望朕之寬宥乎爾等為立宗學之故謝恩如以朕設立此學果為有益爾諸王宗室之子弟或在家庭師讀書亦可或勞其身心閱歷世務令入宗學中讀書亦可惟令教習等嚴加訓誨爾等又時加約束自可望其成就若溺愛袒護己子反怨教誨之人何由望其成立耶爾眾宗室等聽朕此旨實心奉行各自勉勵或學習經書或學習武藝宗族骨肉內彼此扶持各守本分無貽羞辱如果學習數年文武兩途有幾人成材則朕心喜悅如獲奇珍庶此學之設不為虛矣再宗室子弟之成丁者宜各自勉勵

學至於鼓舞振作之勤則在爾宗人府王貝勒公等如數年中各自勤學誠得幾人成立彼時不但爾等謝朕之恩朕且舉行筵宴以誌歡慶總之宗室骨肉之間以和為貴爾等勉旃○工部奏修理壇廟等處事宜得旨此本內將修理壇廟及修墳立碑等事俱在一處繕寫殊為不敬縱使舊式如此亦應更改另行分晰繕寫纔是廉親王並非意見不到之人著查詢具奏○壬子諭領侍衛內大臣等各處俱有其次辦事之人如部院則有司官都統則有副都統參領等惟領侍衛內大臣前鋒統領護軍統領等並未派有其次辦事之人著領侍衛內大臣每旗派侍衛班領一員侍衛什長二員次於領侍衛內大臣等辦事前鋒統領處派前鋒參領一員前鋒侍衛一員前鋒校二員護軍統領處派護軍參領一員副參領一員護軍校二員次於前鋒統領護軍統領等辦事若大臣等辦事錯誤將伊等並議處分如此則伊等各勤厥事皆得殫心於大臣之前矣此所派之侍衛班領等當差之處仍著照常行走○癸丑命張鵬翮大學士缺俟一月後開列○召入內閣部院諸大臣諭曰大臣之道貴於殫精竭忠事事盡心務求至當爾吏部兵部近又有議罪太重之弊爾等以為議輕則上必從重不若議重則恩自上出必從寬典此等私心揣度皆係從來積習朕所洞悉何得仍其故智乎如朱綱鉛法一事議以革職因朱綱平日奏摺朕命隆科多代表奏故從重議以見避嫌之意盧詢獨奏一事議以革去都統因其同為兵部堂官故從重議以見不瞻徇之意吉當阿於舉行計典時上三旗無卓異之員豈有下五旗皆有可薦之人而上三旗獨無一人可信乎據稱伊等或係出差或派往打圍故未行舉薦夫既有可薦之人獨不可展限補

東華錄

雍正六年

七



薦乎朕將吉當阿交部議處而該部又謂此必朕欲重處者遂議革職以迎合朕旨夫朕欲褫吉當阿之職何難竟行斥革而必借此一事以從部議乎此等但知行私自便全無公忠爲國之心所當痛加悛改者也又如大學士張鵬翮員缺吏部即開列具題請旨朕令內閣確查舊例其初含糊回奏及朕憶 皇考加恩李光地有一月後開列之旨內閣始查出檔案請罪當時李光地之事朕在藩邸時即聞人傳頌 皇考待大臣恩意周渥不忍遽行開缺以爲盛事爾等豈不聞知且見有檔案而置若罔聞必待朕再四往復查詢始具奏請罪是誠何心朕非過於煩瑣欲爾等屢次請罪特欲求其當耳蓋大學士之缺必遲回鄭重以得其人非如他職有一缺出卽有一人可補况 皇考加恩開臣尤爲備至李光地係 皇考登極後之進士洊歷台輔恩禮優渥至於如此張東華錄 雍正六年

鵬翮爲 皇考之舊大臣朕擢任機衡今加恩乃不如李光地可乎此係 皇考非常恩典在新任閣臣及吏部或尙可託詞未經詳查舊檔至如馬齊嵩祝與李光地同時共事之人如此 隆恩豈有遺忘不知之理設朕不加意查詢乃於張鵬翮之缺遽著開列補授又將使朕引爲己咎矣此等事皆有關係爾等大臣全不在意豈爾等不盡心辦事抑或爾等才情俱出朕下耶朕但期事之歸於至當非好爲苛求乃不得已也諸大臣其勉之○諭各省督撫等周禮稱惟王建國體國經野孟子亦言仁政必自經界始疆界所關誠爲至重從來兩省交壤之地其界址多有不清雪貴川廣等處爲尤甚間有一省之內各州縣地界亦有不清者每遇命盜等事則互相推諉礙鹽茶等有利之事則互相爭競甚非息事甯民之意各省督撫其共矢公心詳細清查如與鄰省地界

東華錄 雍正六

有不清者卽委本省賢員勘定地皆朕土人皆朕臣此盈彼絀悉在版圖之內無容分視也惟地界或開有難定之處但不心勘畫即使稍有不協然一定之後久遠得以遵據永無推諉爭競之處於地方大有裨益矣○甲寅諭大學士等應開科道人員俱係科甲出身再考文字亦屬無益今次著於翰林各部院衙門應行開列人員內令各堂官薦舉從前朕於科道中欲用外省道員故將有才幹者選用今外省道員將次用足科道職司言路務擇忠誠爲國直言無隱者方爲稱職如錢廷獻之徒務虛名劉燦之挾仇爲己崔致遠之抗違狂妄此數人皆但知有身而不顧朝廷如此存私之人斷不宜於言責今次薦舉人員內若有此等行爲必將原保舉之人一併究問○諭吏部月選道府州縣等官於地方民生最爲切近與其甄別於既仕之後不若詳慎於未仕之前是以東華錄 雍正六年

我 皇考特重其事每於月官銓選之後令九卿詹事科道驗看凡有出身不正素行不端之人各將所知據實陳奏九卿等每多瞻徇莫肯抒誠及朕臨御以來屢降明諭務令直陳無隱乃仍循舊習瞻顧懷私係同鄉則畏避嫌怨係別籍又謂不能確知如此殊非慎選官方之道也嗣後月選掣缺之後九卿照例驗看但九卿人少不能周知並令各部院衙門堂司官將所知漢人內有出身不正行止不端者各具密摺於月官考履歷之日至乾清門進呈其有品行素優者亦令密奏若係旗員則令本佐領參領都統副都統亦照此例各具密摺奏聞倘有挾譽誣奏者朕參閱眾論自能洞悉諸臣亦斷不能欺朕也如此則不肖倖進之徒皆知敬畏名器不至濫邀矣○乙卯諭九卿等節行爲風化之首故旌揚盛典歷代崇之朕卽位以來拳拳以敦教化勵風俗爲務恩詔中

一〇五



飭令旌表節義嗣又頒發諭旨至再至三誠欲地方有司加意採訪每見直省舉報節行俱係民間婦女而營伍中人絕少豈旌典例由生員具呈教官具結與兵丁聲氣渺不相通無由舉報耶嗣後必使兵民一體凡營伍中節行貞烈之婦女盡行舉報不致冒濫亦不致隱漏以副朕廣勵風節至意尋議嗣後令直省督撫提鎮學臣宜諭地方文武員弁查明營伍中合例節婦移明教官申報州縣詳請題跋旌表永為定例從之○丙辰允朱軾請修浙江杭州等府江南華亭等縣海塘捍禦湖汐○丁巳管理戶部事務怡親王奏請酌減蘇松浮糧得旨蘇松浮糧常廩 皇考聖懷屢頒諭旨本欲施恩裁減乃彼時大臣以舊額相沿已久國課所關綦重數以不應裁減固執覆奏凡國家大事因革損益必君臣計議畫一始可舉行若 皇考違眾獨斷既非詢謀僉同之意且恐東華錄 雍正六年

一時減免僅後來國用不足又開議論之端是以從眾議而中止然 聖慈之軫念蘇松誕敷渥澤屢蠲舊欠以紓民力其數較他處為多是亦與裁減正額無異也今怡親王等悉心籌畫斟酌奏請朕仰體 皇考愛民寬賦之盛心准將蘇州府正額銀蠲免三十萬兩松江府正額銀蠲免十五萬兩論語曰百姓足君孰與不足易曰損上益下民悅無疆朕但願百姓之足時存益下之懷用是特沛恩膏著為定例俾黎民輕其賦稅官吏易於催科可飭令該地方官知之○追封裕親王廣甯父保壽親王遣官致祭立碑造墳諡曰悼○封喀爾喀札薩克台吉通摩克為輔國公○浙閩總督覺羅滿保奏臺灣山後七十四社生番歸化○戊午添設河南省河南營參將一改河南營都司為守備移駐陝州另立陝州一營添設把總二兵三百四十名分防靈寶閿鄉二縣嵩縣營添

把總二分防永甯盧氏二縣汝甯營添把總一兵三十名分防遂平縣○己未禁止直隸道員調用雜職充巡捕官○辛酉川陝總督年羹堯以日月合璧五星聯珠具本奏賀得旨年羹堯所奏本內字畫潦草且將朝乾夕惕寫作夕惕朝乾年羹堯平日非粗心辦事之人直不欲以朝乾夕惕四字歸之於朕耳朕自臨御以來日理萬幾兢兢業業雖不敢謂乾惕之心足以仰承 天貺然敬天勤民之心時切於中未嘗有一時懈怠此四海所知者今年羹堯既不以朝乾夕惕許朕則年羹堯青海之功亦在朕許與不許之間而未定也朕今降旨詰責年羹堯必推託患病係他人代書夫臣子事君必誠必敬陳奏本章縱係他人代書豈有不經目之理觀此則年羹堯自恃己功顯露不敬之意其謬誤之處斷非無心此本發與年羹堯令其明白回奏○癸亥諭大學士等甘肅東華錄 雍正六年

巡撫胡期恆朕素不識其人因西海初經平定必得熟悉邊方情形者昇以巡撫之職朕詢問年羹堯伊即薦胡期恆謂可勝任前年羹堯曾薦王景灝求令朕見及王景灝來京朕觀其才具實屬可用是以此番薦舉胡期恆朕亦不疑即用為甘肅巡撫後見揭參金南瑛等七人朕察其情節甚不允協且年羹堯於王景灝則請令朕見於胡期恆則不請令朕見是殆欲借王景灝一人使朕信其言之不誣遂可薦舉胡期恆之類以肆其蒙蔽也今胡期恆來京所奏之言皆屬荒唐悖謬觀其人甚屬卑鄙豈特不稱巡撫即道府之職亦屬有玷著革職甘肅巡撫員缺著將軍岳鍾琪兼理○諭覽年羹堯奏稱委赴南坪築城之知州邊鴻烈守備孟繼先不恤番民欲令寒冬入山砍木且出言恐嚇以致各寨番民驚惶生事曾經一面繕摺奏明一面調兵剿撫等語伊前奏摺內止



稱彼處以無城郭今欲築城駐兵喇嘛番等不能任意行事是以聚眾離叛並未將邊鴻烈等情由聲明朕降旨查問伊將從前奏摺內全無之事竟稱已於摺內奏明含糊具題或是年羹堯從前有心隱匿具題亦或被屬員欺瞞遂爾蒙混具題之處著年羹堯明白回奏○乙丑莊親王允祿等遵旨將總理事務王大臣等分別定議具奏得旨廉親王允祺怡親王允祥爲人聰明強幹廉潔自矢才具優裕朕深知其能辦大事遭 皇考上賓之日朕心神恍惚恐事有錯誤爰於即位之初命二王贊佐朕躬效力國家總理事務朕倚任二王原無異視也廉親王因不得遂志又以朕疏遠允祿允禔允禵致生怨恨每事煩擾朕之心思阻撓朕之政事惑亂眾心朕爲備極焦勞是竟以歷年之煩擾 皇考者又欲以之煩苦朕躬矣怡親王極其敬慎遵守臣節凡朕所交事件竭盡忠誠勤勞辦理三年來佐朕治理之功甚大廉親王種種悖謬之罪朕既盡行寬宥如怡親王之誠心效力者若不加褒異則將來之宗室諸王爲國效力之心必至懈怠矣怡親王著賞一郡王聽王於諸子中指名奏請授封隆科多著賞給世襲一等阿達哈哈番馬齊著賞給拜他喇布勒哈番餘依議○諭大臣等家人互相黨比結爲兄弟鑽營請託之處甚多大臣等彼此和洽其請託處固不待言如彼此不睦家人從中或爲調停或爲激怒千態萬狀各欺其主以圖己利伊主爲其所惑不能辨別是非反爲家人所用而忘己之利害獲罪敗名不可勝數此朕數年來所深知亦眾人所共知也此等事大有關繫不可不嚴行禁止著交與步軍統領五城官員凡大臣等之家人如有嫁娶筵席延請親友等事令各稟明家主然後舉行儻有私結黨與約爲兄弟彼此會飲藉

東華錄 雍正六年 三

以請託事件者卽行嚴拏治罪將此通諭八旗曉諭○命何天培回京口將軍任以張楷爲江蘇巡撫由江西布政使遷○丁卯諭雲貴總督高其倬貴州巡撫毛文銓提督趙坤等黔省紳苗最爲不法上年三四月間輒敢蟻聚搶奪市集定廣協副將領兵驅逐官兵多被損傷至八月間撫提會調兵丁二千名委員進剿於九月行至定番州兵丁強買民物喧鬧罷市暮抵谷蘭地方夜火不戢又復焚燬熟苗五寨以致民苗合圍射傷官兵夫師出以律乃沿途騷擾平民激變熟苗種種強橫何漫無法紀竟至如此且紳苗及紅黑諸苗之巢穴附在各州縣者種類不一出沒無常朕意與其有事而加勦撫孰若未事而豫爲計畫黔省文武各官委靡成風匪伊朝夕爾等須大爲整頓身先倡率文自司道以至府州縣衙惟無恤是務武自鎮協以至參遊備弁惟操練是勤務使民無派累

東華錄 雍正六年 三



設法莫若將各項陋規通盤查清即以本省之所出還濟本省之公用似屬允協聞自巡撫提鎮及司道等官各有納糧官莊每歲收米千百石至數十石不等府州縣亦聞有之此皆國家正賦豈容私行隱占又聞貴陽鎮遠安順普安四處榷稅每歲抽收一萬金而報解正項不過數千思南威甯黔西大定畢節等處俱有過往牛馬銅鹽並落地等稅每歲可收至八九千金少亦不下二三千金而報解正項亦不過數百此等府州縣養廉太覺有餘至若都勻思州石阡平越獨山麻哈廣順定番安平等處養廉又甚屬不足一省之中而豐當懸殊安可不為調劑嗣後爾督撫應將各處稅課逐一清查每歲盈餘若干量留該管官養廉餘者貯庫並將文武各員所占官莊交納之米盡數貯倉閩省錢糧耗羨一總提解合此三項通行會計自巡撫司道以下及府州縣分別衝僻

東華錄

雍正六年

西

繁簡酌定養廉之數而派與之如此則溥徧均平缺美者無虧空之虞缺苦者亦不至科累民苗上下俱無染指各員咸得奉公盡職矣再者除養廉外量存數千金貯司庫以備犒賞兵丁苗獮之用亦未始非裨益地方之一助也爾等其周思詳議具摺陳奏務令官民兩賴可以永久行之無弊庶幾地方甯輯民苗樂利以副朕懷遠籌邊之至意

夏四月戊辰朔諭直隸河南山東督撫朕因兩省接壤之區民人雜處最易藏奸已令直省督撫清理疆界聞曹州西南桃源集地方界聯三省接壤七縣而離各州縣治又皆遠遼文武兵役巡察難周此處甚為緊要爾等可差員會勘將如何專委弁員撥兵彈壓及應歸某省管轄之處會同詳議具奏○己巳吏部議奏原任翰林院檢討董紀以親老乞在籍終養應准其所請俟親終服滿

令其來京候補得旨凡人誰無父母為人子者無不欲其父母常存今欲告請終養疏內聲明親終服滿補用為人子者聞知何以為情况該撫舉董紀為孝廉方正此人雖暫未錄用朕但願伊克盡子職常奉伊親耳似此不仁之語朕不惟不忍降旨亦不忍閱覽將本發回著刪去此段具奏○庚午怡親王允祥奏辭議敘得旨王忠敬勤勞佐朕辦理政事三年以來實多裨益茲因議敘特加封王一子為郡王以彰國家酬庸之典王其祗遵不必固辭○以何國宗為內閣學士由少詹事遷○追封關帝三代公爵○辛未安徽巡撫李成龍奏五河縣烈婦白三之妻謝氏遇姦不從刎頸全節應請旌表得旨謝氏因伊夫縱勒通姦守貞自矢終不為強暴所污旋即自盡可謂烈婦中之超眾者殊為可嘉應加恩旌表以敦風化嗣後如有此等烈婦應作何加恩旌表之處一併定議具

東華錄

雍正六年

丑

奏尋奏白三妻謝氏與尋常烈婦不同應照常例增給銀十兩令地方官於墓所建坊鐫列實蹟遣儒學官致祭一次嗣後如有此等超眾節烈婦女俱照此例旌表從之○壬申諭刑部朕每覽所奏罪犯案內多有僧人不法致干憲典者為僧無清淨心行兇頑事則其非僧也必矣朕嘗覽釋氏之教雖不足為治世理民之用而空諸色相遺棄榮利有戒定慧之學有貪嗔癡之戒為說雖多總不出乎寡慾攝心戒惡行善四端為大要也為其徒者雖有為禪為律為講為持誦之不同然莫不以四端為本至於混迹僧徒竇乖僧行者飲酒食肉肆為不法有應付馬流塵頭挂搭關棍江湖捏怪煉魔潑皮等名色皆敗壞僧教甘為非法何得稱佛門弟子乎若槩以僧目之則苗莠弗辨涇渭莫分矣朕非為僧人正其名色蓋嚴名實辨是非國家勸懲之法不可忽也爾部行文直省



嗣後凡遇緇流犯法須按是何名色之僧人入案呈奏審擬定罪若既稱戒僧有干犯法紀之事必嚴加治罪○裁廣東廣州左衛前衛後衛南海衛東莞所新會所新甯所增城所從化所靖遠衛連州所南雄所韶州所惠州衛河源所龍州所長樂所潮州衛澄海所程鄉所肇慶衛廣甯所興甯所陽春所陽江所神霄衛高州所甯川所海南衛萬州所崖州所廣海衛海門所靖海所蓬州所清瀾所並裁掌印都司都司經歷各一○癸酉左都御史尹秦奏定例監察御史試俸一年不稱職者以按察使經歷改補請嗣後一年限滿未能深信者再試一年庶賢否可以詳察從之○丙子諭議政王大臣等策妄阿喇布坦來求吐魯番之地曾諭將從前內附為首者令其遷入內地今將軍穆克登奏言吐魯番處共有一萬餘人若但遷首領數人而不遷其所屬之人則伊等生計必致艱難且伊所屬之內願移入內者不下四五千人等語朕思瓜州沙州地方甚寬亦必用人耕種若有願移者即在此居住給與一二年養贍令其耕種羅卜腦兒地方亦照吐魯番例有願移來者亦隨為首之人一併移來不願者仍畱本處著議奏尋議歸順之回子若再給與策妄阿喇布坦恐致擾累所以願移者甚眾應令其在布隆吉爾地方沙州瓜州等處種地其建立村莊養贍之處行文將軍富甯安等詳議辦理再羅卜腦兒回子皆水居打魚為生此內有願陸居為生者請照吐魯番例一併移來從之○丁丑諭大學士等怡親王恪恭盡職夙夜匪懈贊襄國政披瀝忠誠朕念茲勤勞特加封王子為郡王以昭酬庸之典迺王具疏懇辭及見朕時復再三陳奏情辭諄切出於至誠朕亦難強姑允其請以成謙讓之美○戊寅諭大學士等天人相感之理至微而實

東華錄

雍正六

庚

至顯凡人果實盡誠敬自能上格 天心人君受 天眷命日鑒在茲其感通為尤捷朕自臨御以來敬 天之心夙夜儆惕凡水旱災祲皆 上天譴責朕躬特示儆戒內省身心之過愆外考政治之闕失務期黽勉以回 天意用是上承 帝鑒以求輒應如今年三月十六日覽署山西巡撫伊都立摺奏如平陽地方三春少雨朕懷甚為憂慮祇告神明齋心虔禱續據伊都立奏報於十八十九二十等日得雨霑足三月二十九日覽河南巡撫田文鏡奏摺知開封一帶地方亢旱朕於四月初一日禱於神明竭誠致敬刻不敢懈昨田文鏡奏報初三日開封四境果得時雨可見天人感通之理捷於影響益覺可畏可懼而不敢纖毫疏忽也但恐督撫大吏於地方水旱之事不速行奏聞則朕無從省戒以挽天心致使旱澇成災閭閻受困此則地方大吏隱蔽之咎也嗣後

東華錄

雍正六

毛



肅提督兼理巡撫事岳鍾琪速赴西安署理其撫遠大將軍印著  
 齋送來京舊威將軍印如無用處亦著齋送來京○調石文焯為  
 甘肅巡撫以圖理琛署西安巡撫由布政使署○以楊文乾為廣東巡  
 撫黃焜為河南布政使費金吾為陝西按察使由江西糧道遷○禮部疏  
 奏直省督撫將軍提鎮題奏事件本式會典原有定例理應畫一  
 今直省題奏同屬一事任意參差與例不合嗣後一切錢糧刑名  
 兵馬及地方民務所關公事皆用有印題本其本身事件俱用奏  
 本不准用印如有違式者通政使司查參交部議處從之○遣內  
 閣學士眾佛保副都統查史等往準噶爾勸諭準噶爾台吉策妄  
 阿喇布坦曰前歲台吉遣使根頓陳奏情詞恭順朕實嘉之曾遣  
 使答諭今覽爾使博洛胡爾哈齋奏及口奏之詞知爾仰副朕旨  
 欲永息兵戈共修和好興教逸民出自誠心朕甚欣慰願欲修和  
 東華錄 雍正六年 无

好不可不計久遠議定疆界以杜爭端乃垂久遠之道也朕去歲  
 遣使與爾定議疆界大概以阿爾泰山嶺為界原未實指地名今  
 爾奏稱以唐努山陰之克木可穆齊克地方為詞又有哈噶斯地  
 方係喀爾喀厄魯特之界哲爾格西拉胡魯蘇地方係會集之所  
 哈濟爾地方係索林齊居住等語此爾但陳奏其故並未執意爭  
 求應毋庸議外今姑以科布多烏蘭古木等處言之喀爾喀厄魯  
 特未構兵時原混雜住牧今喀爾喀西境直抵阿爾泰山嶺築城  
 種地自唐努山陰之克木可穆齊克至博木地方見有車零旺布  
 博貝吳梁海居住今定疆界自紅郭壘至阿爾泰哈道里嶺此千  
 里內所有巴斯庫斯索羅斯漢哈屯阿爾古特阿爾坦腦兒等  
 處為爾疆界自哈道里以及克木之博木地方為我疆界自哈道  
 里以南由山嶺至額爾齊斯西邊自厄隆古布拉罕哈布塔克拜

塔克再抵烏爾蘇羅上腦兒噶斯地方即係沙磧應自克野以  
 南定為我國疆界朕為元后統一寰宇爾所請可行無不允豈  
 為最爾廢地致啟爭論不過欲明定疆界永結和好耳爾又奏稱  
 爾使臣貿易之人若由內地往來途遠勞苦請由喀爾喀地方行  
 走朕今照爾所請但人數不可過三百耳嗣後惟當不渝前好以  
 信為本普濟蒼生爾其思之特諭○庚辰諭盛京將軍滿漢大臣  
 大凌河副都統眾城守尉等邇來盛京諸事墮廢風俗日流日下  
 朕前祭 陵時見盛京城內酒肆幾千家平素但以演戲飲酒為  
 事稍有能幹者俱於人漫內謀利官員等亦不以公務為事衙門  
 內行走者甚少其聚會往來不過彼此相請食祭肉嬉戲而已司  
 官竟有終年不一至衙門者堂官亦置若罔聞坐台之人看守邊  
 口俱係關東人伊等雖有押送罪人之差而當兵者全無當兵之  
 東華錄 雍正六年 无

實為官者亦無為官之道朕深知此等陋習雖降諭旨數次竟不  
 悛改因將將軍大臣內不及者革退另簡爾等補授爾等雖係新  
 任但能畱心細訪即便知之應將盛京陋習極力整飭令其悛改  
 復還滿洲舊日儉樸風俗勤學騎射武藝若有惡亂之人即加重  
 處以儆其餘將軍大臣其欽遵朕旨與下屬官員同心協力各自  
 勉力改從前陋習再盛京地方乃本朝勦業之地關係甚重爾  
 等將聚集惡亂之人不時稽查應逐去者作速逐出境外大臣等  
 若仍相推諉不實心效力朕訪聞治罪之時勿復怨悔○兵部議  
 覆雲貴總督高其倬條奏苗疆事宜一定廣預苗已經擒獲請於  
 西孟地方撥定廣營千總一兵一百名駐紮彈壓又定廣一帶路  
 通廣西泗城土府請於青藤斷杉樹二處設立塘汛護衛行人一  
 廣順州所屬之長寨者貢同筍焦山安順府所屬之十三枝普定



縣所屬之五枝及白老虎等處苗民宜添設官兵彈壓查大定一鎮所防僅一州之地請改爲一協祇留左右二營以左營兼管中營帶兵一千名防守大定裁中營遊擊一移中營守備一千把總各一兵四百五十名分防長樂等處移把總一帶兵五十名分防羊城聖統歸定廣副將轄再於平遠協分千總一帶兵一百名防守白老虎一帶地方至都勻府屬之獨山州境接廣西之南丹土州苗俗尤爲頑劣應於通省抽兵二百名移都勻守備一帶領駐防一黔省境接川楚姦棍頑苗互相勾結販賣人口一事最爲地方之害請嗣後定例地方官於一年內有能拏獲積棍頑苗者計人數分別議敘儘不能查緝爲別處官弁拏獲者亦計人數降革至窩藏護送及牽合之人亦分別嚴加懲治其外省客民有買貧民子女者令報官用印亦不許買至四五入違者仍照輿販例治

東華錄

雍正六

三

罪一黔省與楚蜀滇粵接壤多民苗互相殺劫之事請嗣後定例夷人越界未曾爲非者仍拏送本省如係越境偷搶及助人讎殺者即在拏獲之省審明發落又黔省有拏白放黑之習如被人劫殺力不能報復將無干之家奪其人口牛馬丟插冤單令爲報復如不能代其報復則勒索銀兩取贖嗣後定例照應得之罪加一等究擬一土司貪苦往往將所管有糧之田作爲無糧之土賣與紳衿商民以致完納無資每至派累苗戶請敕令查覈清楚令各買田之人照例輸納又各土司下設立權目人等應令報明有司凡有事發一併緝捕懲治一黔省地氣潮溼倉米易致霉爛請嗣後將兵米合計共存三年之蓄餘者於青黃不接之時量行減價平糶以濟民食著爲定例以上六條均應如所請又奏稱黎平一府與楚省五開衛同在一城民苗雜處分隸兩省事權不一請

將五開衛改爲一縣歸黎平管理銅鼓衛亦歸併五開則中間古州八萬等苗區皆屬於黔省一切措辦呼應得靈查銅鼓五開二衛歸黔歸楚從前兩省督撫各執一詞應令妥議畫一具題再議得旨高其倬爲人謹慎辦事精細伊所奏之事諒無錯誤五開銅鼓二衛著照所奏歸黔省管轄餘依議○壬午以福敏爲吏部右侍郎查嗣庭爲禮部左侍郎俱由內閣學士通○癸未 上召諸王貝勒公大學士九卿及工部官員等入諭曰朕向見工部所製器械類多粗率是以卽位之後特降諭旨此後細小工作該部卽行置辦若工作稍大及緊要物件俱先行奏明造成之後奏請差人驗看前因製造兵丁帳房錯誤朕曾降諭旨今製辦阿爾泰兵丁軍器關緊緊要朕意其必盡心辦理昨製成奏請驗看朕著夸岱來保查閱據二人回奏刀刃無鋼蓋有裂縫甲係市買粗鐵所造朕詢

東華錄

雍正六

三

問廉親王伊卽具摺認罪情願賠補夫軍器所關至重朕旣屢降諭旨伊又奏請驗看而所製之物並不堅利若此其居心尙可問乎朕與廉親王允禩分屬君臣誼屬兄弟今觀允禩之於朕則情如水火勢如敵國朕嗣登大位念 皇考付託之重凡用人行政朝乾夕惕務求至當而廉親王允禩處心積慮必欲自居於是而以不是歸於朕朕自返無愧何必與之較論但朕之是非有關皇考之得失不得不諄諄辯白也廉親王允禩若肯實心任事部務皆所優爲論其才具操守諸大臣無出其右者而其心術之險詐諸大臣亦無與之比者此惟 皇考鑒朕躬深悉之向因允禩乳母之夫雅齊布獲罪正法一案 皇考殊批諭朕眾兄弟有朕與允禩父子之義已絕之 旨允禩曾向朕再三哀懇云若將此旨宣示則允禩實不可以爲人矣朕彼時因將此 旨封固交



內閣收貯是朕之所以矜全允禩者如是允禩全不知感恩悔過專務沽取名譽邀結黨與希圖敗壞政事實為國法所不容當日朕召允禩來京允禩奏云皇上如此加恩允禩必然悅服及允禩到京狂悖妄為允禩又云此我未獲先寄書信於中途曉示之也觀此等言語則允禩在伊指使之中允禩在京日久允禩何竟無一言規勸令其改過乎朕於諸王大臣前降旨訓誨允禩視諸王大臣之意頗有以允禩為屈抑者允禩罪案甚多朕俱加寬宥並未治罪有何屈抑之處爾工部官員等受 皇考數十年教養之恩當念君臣大義為朕竭力盡心以圖報稱勿因允禩之甘言詭計為其所惑允禩故為小心謹畏於屬員則作噢咻體恤之狀其心實欲敗壞事務且知朕必能查出將眾人治罪以彰朕之苛刻俾眾人感伊而歸怨於朕其居心大抵如此爾諸王大臣果能悉

東華錄

雍正六年

三

知允禩之非則其黨與自然解散允禩果能自知其非幡然改過盡為弟為臣之道則朕既得其是允禩亦歸於是豈非朕之深願乎過而能改則無過矣朕仍望其改悔○諭大學士九卿等前日李鍾義奏稱翰林為儲材重地自康熙四十五年至六十年七科每省俱有庶吉士查雍正元年癸卯科漢軍及河南四川進士無館選者雍正二年甲辰科蒙古及山西河南陝西四川廣東湖南廣西雲南貴州進士俱無館選者請廣儲才之路等語朕即位之後以培養人材最重翰林故加意詳慎隆科多曾奏稱 聖祖時館選每省俱有庶吉士所以朕於雍正元年癸卯科館選時試其文義觀其人品於僻遠省分之人亦酌量選取又每諭教習之臣盡心訓迪迨後歷經簡擇及考試文章其中惟浙江人文義實較各省為優因將各省人員分用於內外各衙門而浙江人留館獨

多雍正二年甲辰科館選亦詳加考試朕因以文義優者選為庶吉士於是山西河南等省進士遂多不得與選蓋翰林職司文章若以文義不及者處之則用違其才而其人或有他長反無以自見矣朕凡於用人行政無不審慎籌畫務求當理而選擇翰林更為留意實欲其人人勿枉其才各效所長庶國家得收器使之效豈計及於各省翰林之多寡有無也今覽李鍾義所奏是必外人有此議論故遂以入告朕甚嘉之大凡國家政事朕有不及見聞者若臣下不言朕何由而知朕正欲爾等盡心陳奏朕因得以查其所奏之是否是則改而從之否則亦可以朕意宣示爾等使天下之人曉然共白不致妄生議論嗣後館選庶吉士或應考試文義選取或應每省額選幾人或應分為南北兩院向來教習止派滿漢各一員今若按省分各選庶吉士或亦按省分各設教習可

東華錄

雍正六年

三

乎至各省未得館選之進士中或有文義可充翰林之選者爾等確有所知即行舉出毋使人有遺才之論爾大學士會同九卿詳議具奏尋議 皇上振興文教儲養英才因人器使館選之法盡善盡美更無遺逸之才李鍾義條奏應毋庸議從之○諭內務府今年京城附近地方雖雨水霑足然山東河南兩省尚未得雨進膳穀饑宜為撤減著每日止用菜蔬二器餅餌二器用楹盛貯進御餘物一概不用○乙酉 上孝思純篤追慕 聖祖仁皇帝敬建 恩佑寺告成親詣行禮○諭戶部朕撫育蒸黎務期休養寬裕俾咸臻安阜故於各省雨暘節候時時咨訪體察無刻少釋於懷近聞河南山東春雨稍缺朕心深切軫念著將河南歷年民欠錢糧寬作五年帶徵山東省歷年民欠錢糧寬作八年帶徵俾閭閻納賦舒徐以副朕勤恤民隱之意○戶部議覆署山西巡撫伊



都立參奏原任川陝總督年羹堯擅給鹽商印票增引十萬道既非部頒之引無從稽覈且將應行收貯正課並不請撥擅自動用又差咸甯知縣嚴士俊於山西拏獲私茶越境提入將茶變價五萬兩又擅罰茶犯王欽菴等銀九萬兩私令贖罪隨保題嚴士俊為河東運同假捏商名私占鹽窩招搖生事應特遣大臣前往查審得旨遣吏部左侍郎史貽直刑部右侍郎高其佩前往審理○丁亥毛文銓來京陛見以石禮哈署貴州巡撫由咸甯總兵官署○戊子諭直省總督等為政首重安民安民必先察吏邇年有司不能仰體 聖祖仁皇帝寬仁德意吏治漸致廢弛朕即位以來嚴加訓誡整飭官方欲其潔己愛民奉公盡職在朕並非苛刻亦非偏私乃有庸懦無能之督撫閒有參劾每向人云我若不參恐非上意又恐他人參劾於我不便以此等語解釋於眾似覺參劾為迎合

東華錄

雍正六

五

朕意而出於不得已者即如浙閩督撫滿保參劾知府何國棟似屬迎合朕查其無貪污之蹟仍准畱任則朕無成心可知矣前滿保曾奏浙閩屬吏已劾多員若再題參恐致無人辦事魏廷珍巡撫湖南時亦曾奏稱屬員參劾過半容再查奏等語夫屬員之去畱惟視居官之優劣豈論參劾之多寡朕心總出於至公爾督撫等安得以庸鄙之見偏私之心妄為窺測乎又聞外間議論云朝廷懲盜臣而重聚斂之臣此語尤為荒誕自朕臨御以來蠲免舊欠錢糧不下千百萬兩江南蘇松之浮糧江西南昌之浮糧共免額徵銀五十餘萬此皆惟正之供尚且大沛恩膏特行豁免見今各省督撫大吏將諸項名色私派陋規裁革甚多莫非推惠於民尚得謂之聚斂乎至若虧空侵蝕以及貪婪枉法之輩盡國殃民有干法紀既寬其誅已屬格外若不嚴追完項一任貪吏優游

自得國法安在耶此明係朋黨匪人懷私捏造悖謬之語以惑眾聽殊屬可恨故特諭眾知之願爾內外大小臣工深知朕心凡事秉公據理不可稍存迎合之見則庶政皆得其宜而吏治民生均有攸賴矣○以喀爾喀駐兵年久命於鄂爾昆圖拉屯田以備軍糧○已丑諭大學士等朕從前將御前侍衛揀發年羹堯處特欲其效力軍前遇有緊要事務備其驅策並非供伊之隨從也乃伊將朕揀發之侍衛不用於公務俱畱伊左右使令帶至西安以侍衛擺對前引後隨又令侍衛為伊鑿燈是誠何心向年 聖祖時富甯安傅爾丹處皆揀發侍衛曾未聞將軍等將侍衛作奴隸使令也督撫並無跪接大將軍之例伊去年來京陛見又未帶有大將軍敕印而途中令總督李維鈞巡撫范時捷等跪接伊係征剿青海將軍青海之叛逆王台吉等則可令其下跪至並無罪犯蒙

東華錄

雍正六

五

古王等亦令下跪阿寶係扎薩克郡王本朝之額駙亦令其下跪伊如此僭越無知是誠何心著年羹堯明白回奏○先是雲南總督高其倬奏雲南開化府與交趾接壤有內地舊境失入交趾今因開銅礦經布政使李衛詳報臣隨委開化總兵馮允中勘查今查出都龍廠之對過鉛廠山下一百二十九里又南狼猛康南丁等三四十寨皆被交趾占去伏查雲南通志載開化府南二百四十里至交趾賭呢河為界今交趾呼為安邊河是也後明季因其地曠遠將塘汛移入內地另指鉛廠山下一小溪強名為賭呢河已失去一百二十里本朝康熙二十一年鉛廠下小溪內斜路村六寨復入於交趾以見在之馬伯汛為界較明季又失去四十里若論舊界應將二百四十里之境徹底取回臣見在移咨安南國王交趾之都龍南丹二廠皆在此內交趾倚為大利必枝梧抗拒



捏辭瀆陳為此詳奏得旨覽奏稱交趾舊界有遠近互異等情朕思柔遠之道分疆與睦鄰論則睦鄰為美畏威與懷德較則懷德為上據云都龍南丹等處在明季已為安南所有是侵占非始於我朝也安南自我朝以來累世恭順深屬可嘉當獎勵是務甯與爭尺寸之地况係明季久失之區乎其地果有利耶則天朝豈宜與小邦爭利如無利耶則又何必與之爭朕居心惟以大公至正為期視中外皆赤子且兩地接壤連境最易生釁尤須善處以綏懷之非徒安彼民正所以安吾民耳即以小溪為界庸何傷貪利倖功之舉皆不可為訓悉朕此意斟酌行之至是安南國王黎維禱奏稱臣國渭川州向與雲南開化府接壤以賭呪河為界河之西歸開化府河之東歸渭川州聚龍社忽接雲貴總督移咨臣國聚龍斜路村等六寨皆係開化府屬內地向為都龍土目侵占至

東華錄

雍正六年

五月

今四十餘年合行清立疆界臣已具文回覆隨有開化總鎮親來斜路村之鞍馬山去賭呪河一百二十里就立界牌設立房屋分兵防守臣備錄情由謹具摺奏聞得旨此事王未奏之先雲貴總督高其倬方差員勘界之時即已摺奏矣朕念安南累世恭順王能恪繼職分可嘉且此地乃棄自明朝安南之民居住既久安土重遷恐有流離之苦朕心存柔遠中外一視甚為不忍已批諭將斜路村等處人員撤回別議立界之地務期允當諒茲時所批已到必另料理矣王但自供厥職以綏爾民靜候可也○辛卯命田從典為文華殿大學士兼吏部尚書由協理大學士○癸巳以汪澹為內閣學士由太常寺卿遷○乙未兵部議准雲貴總督高其倬奏雲南苗獮平時踞元江新平之閒官兵剿捕則遁入威遠普洱茶山等處廣袤二三千難難以控制請將威遠土州改土歸流設撫夷

清餉同知一經歷鹽井大使二於猛班設巡檢一分理民事再添設普威一營置參將一駐紮普洱守備二一駐威遠一駐茶山千總四把總八兵丁一千二百名分汛防守至賊苗巢穴根株全在元江協新營營所轄之地而舊制新營止屬臨元不屬元江故兩界遇事易於推卸請將新營營歸元江轄仍令臨元統轄又裸夷有討保之習勒索銀兩騷擾地方請於九龍江口夷人出入之處設立防汛照山海關例給以印票並將所屬村寨編立里甲戶口以憑稽察其夷人子弟有志讀書者准其於元江附考元江府入學額數應加取二名田畝照地肥瘠酌定額賦土地可闢者見今開墾照定例水田六年旱田十年升科至於土官方普二姓糾眾騷擾所有二姓土巡檢承襲之處應永遠停止從之○復設國子監舊裁滿助教四

東華錄

雍正六年

五月

五月戊戌朔直隸總督李維鈞奏各屬晴雨並見遵董仲舒春秋繁露祈雨之法虔誠祈禱得旨覽奏因檢春秋繁露細閱其祈雨之法朕意似此皆可不必蓋獲罪於天無所禱也大凡地方水旱沴不虛生或朕朝政闕遺或爾等封疆大吏治理紕繆或小民習尚澆漓之所致消弭之道當應之以實不應之以文惟返躬修省克己改過然後齋肅懇懇則天人交感之際潛孚默契有如響之應聲但庸愚視為杳渺無憑耳朕即位以來凡有所禱從未命僧道之流設壇作法朕嚴恭寅畏敬天之心無時敢懈至於鬼神之道體物不遺第宜敬而遠之固不可輕忽亦不可溺信而涉於貪瀆茲亟應省察吏治檢點刑名其有關於國政者奏聞於朕我君臣期共懋勉以恭迓天休可也又奏向與年羹堯通問稀疏近與相絕得旨據奏與年羹堯通問歲不過一二次殊屬狡辯西安總



督署前未有隔五日不見直隸總督李維鈞之使者眾目昭彰何能遮掩但人非聖賢孰能無過如果奮然易轍不少依回猶可謂之勇於自新若似此巧言粉飾以狡獪為得計以隱蔽為深謀恐一旦發覺罪無可追斷不能逃朕之鑒察爾其思之○己亥諭大學士等查弼納保奏參將遊擊六員彙寫一樣考語豈有六人盡悉相同之理朕調取武員輪流引見係國家用人要政朕將大臣等摺奏之語悉皆躬自鈔錄又將朕閱看之處逐一記於該員姓名之旁為將來用人之據且可見各省大臣所保之公私今查弼納如此怠忽著將此摺行文訊問查弼納○辛丑諭吏部月官條奏原欲觀其人之存心今漸有將地方關繫事務條奏者伊等新進小臣恐或受人屬託或將條奏事件在外聲揚以沽虛名或刻入文集此等情弊一經查出必治以重罪爾等即明白傳諭嗣後

東華錄 雍正六 天

月官考試履歷令其密封進呈○壬寅諭直省提鎮等我 皇考聖祖仁皇帝優待武臣恩眷之隆自昔希比諸武臣感激恩寵遇事奮力效命但平日居官砥礪操守撫恤兵民之道尚多不及夫為將弁者雖貴乎材勇然使有衝鋒破陣之才而不能潔己愛人撫綏士眾或至扣剋貪婪人羅其害則與盜賊何異彼盜賊之肆行劫掠不恤身命何嘗不勇惟因利人財物遂謂之為盜賊而法在必誅勇不足稱即為可恥凡爾武臣務須廉潔持躬奉法循令恤兵愛民綏輯地方遵國憲正所以重身家也設或婪財貪利橫生事端致干法網則地方既滋擾害而法所不容國家又失一勇力有用之材豈不可惜是知心存報國最在平日之愛恤兵民安靜守分耳若至生事擾害之後雖或捐軀亦何所補從前縱有微勞亦不足以贖此日之罪愆矣爾將弁當各輕目前小利勉為國

東華錄 雍正六

家梁棟垂名竹帛以圖光前裕後之功業可也勉之戒之勿負朕諄諄告誡之意○癸卯汪球乞假回籍以王之麟為左副都御史

由浙江按 奏臣在西甯時因邊外波羅沖可克之鹽池青海蒙古人等運來邊內貿易西甯軍民賴食此鹽奏設副將一員兵一千六百名駐防彼處將西甯通判移駐管理鹽務見郡王額駙阿寶移在波羅沖可克地方駐紮官兵若仍住彼處恐其生事應將原議設立官兵駐紮鹽池之處請行停止其管理鹽務之通判亦裁應如所請從之○己酉鑲白旗漢軍都統范時捷奏原任大將軍川陝總督年羹堯欺罔貪婪五款一運米至軍前侵蝕腳價銀四十餘萬兩一管理捐納駝米勒取私費發銀三十萬兩一違旨勒派屬員公捐俸工一與將軍督撫文書擅用令諭直書官名一保舉題補各員悉多營私受賄應將年羹堯並通同欺罔之桑成鼎金啓勳胡期恆及伊家人魏之耀嚴大等一併敕部提拏嚴行審究治罪得旨著年羹堯明白回奏○辛亥諭吏部前年羹堯奏稱陝西郃陽縣有鹽梟甚是兇惡必得用兵彈壓遂調集兵丁令河東運使金啓勳前往料理金啓勳不告知該處人民竟率兵驟至郃陽地方黑夜圍堡致無知男婦等多驚惶無措有自縊投崖溺井而死者范時捷先經摺奏朕將范時捷原摺發與年羹堯令其明白回奏而年羹堯希圖蒙混反奏稱並未傷損一人金啓勳料理此事甚屬妥協迨范時捷再行摺奏復令年羹堯查明今始將金啓勳領兵圍堡傷死人口名數奏聞金啓勳附和年羹堯生事擾民甚屬可惡著將金啓勳革職擊問並將范時捷年羹堯摺奏發與史貽直高其佩等審理○壬子以德新為內閣學士

東華錄 雍正六 天

由翰林院侍 讀學士遷



灣生番巴老遠等四社猫仔等十九社歸化○癸丑諭內閣朕軫念民生蠲租賜復不過行吾心之所安使斯民共霑實惠並無一毫市恩之念欲以崇尚虛名也前蠲免江南蘇松兩府浮糧彼處士民感激朕惠為朕祈福聞有誦經立碑蓋造龍亭聚會演戲者雖或出於愛戴之誠然實非矢報君親之理朕所望於天下者祇欲各安職業端本務實以生以養庶幾家給人足共享昇平仰報我皇考之付託耳以云所報莫大於此至於誦經禮懺諸事皆為粉飾虛文即謂頌禱致虔亦於朕躬毫無所益且聚眾演戲蓋造碑亭非徒糜費金錢兼恐有不肖官吏及里胥人等借名私派乾沒肥己貽累小民俱未可定此等陋俗 聖祖仁皇帝久已洞悉曾屢降 諭旨禁止及朕臨御以來曉諭天下人民務本重農力行節儉而聚眾演戲諸事更屬奢靡浪費蘇松士民習於華侈東華錄 雍正六年

今又為此虛文以祈朕福甚非朕意著該督撫嚴行禁飭其碑亭建造之處概行停止仍徧諭士民各歸本業以副朕懷○諭制錢乃日用必需之物務使遠近流通以便民用京師錢局每歲鼓鑄制錢應日加增今雖不至缺乏而各省未得流布民用不敷是必有銷毀官錢以為私鑄者且聞湖廣河南等省私鑄之風尤甚著直隸及各省督撫申飭該地方官密訪查拏嚴行禁止毋使奸徒漏網儻稽察少疏仍蹈前弊一經訪覺定將地方大小官吏分別治罪○諭前松江提督高其位署理江南總督印務時年羹堯奏聖祖仁皇帝云高其位年老衰憊兩耳重聽貪位隱飾貽誤地方不應畀以重任是以 聖祖仁皇帝降旨罷其署理之職及朕即位猶記年羹堯之言特召高其位來京陛見朕視其為人老成忠厚善氣迎人雖已年老精力猶可任用適值年羹堯在京遂令

伊詢問高其位觀汝筋力尚可為朕效力數年不得固辭目下見有鑿儀使一缺旗下都統一缺著高其位量其力之所能或願在京效力或願仍回松江提督之任自行陳奏比時高其位奏稱都統事務向來不甚熟練至於鑿儀衛又無可效力之處朕遂降旨令回松江此乃出自朕意加恩老臣並非年羹堯贊助之力揣年羹堯必隱其從前之參劾反市德於高其位而高其位不知亦以為出於年羹堯贊助之力也去年高其位奏進松江漁船所獲玉寶朕賞以四團龍補服等物又適值年羹堯在京必又向高其位居功冀其感激聞年羹堯將蘇州一無賴小人王廷貴薦與高其位高其位不察其能否不驗其騎射即投以把總未幾又特拔為千總此事在向時外省督撫提鎮中皆所不免年羹堯尤視為常事但高其位向被年羹堯所參及朕加種種之恩皆特出朕意與東華錄 雍正六年

年羹堯毫無干涉而年羹堯竊君恩為己功高其位奉私屬如公令即此見年羹堯之巧詐營私隨處要結而內外臣工之為所愚者不少矣以上情節著高其位明白回奏其所薦王廷貴著高其位速遣來京朕親自閱看○甲寅諭內閣江南浙江海塘已差尚書朱軾會同江浙巡撫查勘估議具奏但沿海黎庶全賴堅築海塘捍禦潮汐得以保全生聚事關民瘼朕時刻在念若塘工遲誤則海濱之人未能安居樂業所派效力人員雖經赴工惟恐遷延時日驟難告竣亦未可定著巡撫張楷法海等星速遴委幹員動支司庫錢糧立限堅築剋期報完務使永安瀾毋得因循延緩亦不得草率塞責貽誤民生○諭刑部龐登雲打死林榮一案吳隆元另議具奏毫無合理之處律載官司差人捕獲罪人聚眾中途打奪殺人及聚至十人為首者斬監候等語是中途打奪殺人

一第... 野... 日... 全... 第... 3... 反... 日...



者即應擬斬若聚至十人即不殺人亦擬斬候律載甚明今此案龐登雲明係中途打奪殺人之犯而吳隆元忽稱所糾之眾止有三人與聚至十人有間遠以應照關毆殺論兩議具奏及詰問吳隆元兩議情由曾否與法司大臣商酌初則奏稱曾說與刑部書吏後又奏稱兩議之後曾向尚書塞爾圖言之在朕前奏對自相背謬如此吳隆元身為僉都御史與各道御史不同即所見甚確亦當與法司諸大臣虛衷推詳以期平允今所議既與律例不符又於情理乖謬徒自貽恥安能顯其所長且吳隆元平日稱隆科多為柱石大臣又將年羹堯所薦落卷故意在年羹堯之前極力贊賞看其行止不過趨承附勢希圖邀幸殊不知生殺之權操之自朕伊所逢迎之人何能保全伊之身名似此假作剛方之態陰為奸險之謀朕豈肯姑容著隆科多查審○諭八旗都統等八旗

東華錄 雍正六年

恩賞銀兩或有一旗不給與官員之子弟或又有一旗給與者夫推恩賞賜理當畫一即如貧乏筆帖式等以其為部院官員不令給與似屬難行此必八旗大臣恐銀兩不敷故行節省耳大約每旗一月不令過一千二百兩則銀可足用矣著八旗大臣詳悉畫一議奏尋議恩賞銀兩貧乏官員子弟及護軍校驍騎校看守城門官渡等員並部院衙門筆帖式前鋒護軍領催馬甲執事人等應令一體給與從之○丙辰諭大學士等從前年羹堯所奏事件朕所降諭旨並殊批諭旨甚多有交部者亦有未曾交部者其前後所奏事件每有互相舛謬之處爾等行文年羹堯著將諾穆渾等帶往杭州一切年羹堯所奏事件奉朕所降諭旨並殊批諭旨俱著察明具奏俟察明具奏時將伊等如何措置之處著年羹堯具奏請旨至去冬年羹堯奏請帶往補用人員內惟侍衛查爾

東華錄 雍正六年

扈係奉旨發去之員其餘有請託年羹堯帶往者有年羹堯自欲帶往者此內亦有將督撫大臣官員子弟帶往者亦有欲作質當帶往者是以有感激年羹堯之人亦有怨恨年羹堯之人著伊等各將帶往緣由請託情節並年羹堯所行事蹟聲明繕寫摺子俱交與岳鍾琪轉奏儻有不能聲明情由者俱著仍隨年羹堯前赴杭州學習高其倬之弟高其倬著令回京至於前歲朕揀選發與年羹堯之侍衛俱係 皇考時所用朕左右隨侍之人特欲伊等效力軍前勉勤勞並非令為年羹堯廝役而供其驅使也伊等至彼貪其貲財為年羹堯前引後隨且為鑿鑿竟似奴僕聽命而行伊等既甘卑賤如此即令跟隨年羹堯前往杭州至杭州時將伊等如何措置之處著年羹堯具奏請旨○免浙江鹽政所屬華亭餘姚等縣雍正元年二年未完場課○以法敏為湖北巡撫

東華錄 雍正六年

調托時為總督倉場侍郎以覺羅塞德為戶部右侍郎○以杭奕祿為左副都御史○解白洵任以甘汝來為廣西按察使○理藩院奏振武將軍傅爾丹咨稱輝特台吉濟克濟扎卜稱由錫喇他拉移遊牧於伊族公巴濟處大將軍年羹堯遣人看送出口即回途途困憊人畜散斃懇賜軫恤應准其與公巴濟同居俟伊屬下人等俱到再議編設佐領得旨輝特台吉濟克濟扎卜之事年羹堯止用密摺具奏並未報部亦未行文與將軍傅爾丹及該扎薩克等但交與章京一員送至口上即回將此多人致此勞苦謬亂已極著年羹堯明白回奏○丁巳諭大學士等頃將年羹堯解退大將軍總督職任補授杭州將軍陝西通省滿漢兵民羣稱得命復見天日靡不懽忻相慶乃聞年羹堯繫戀總督職任又設法揚言將行李發往巧圖仍畱原任自負為良

一一七



臣欲加朕以遺棄功臣之名眩惑營求彼處兵民等年羹堯既負朕恩致犯眾惡若此尙復繫戀營求誠爲不識羞恥者閒有愚人或貪圖年羹堯財物或仍畏年羹堯威勢代爲具呈朕必照逆黨例從重治罪斷不寬宥年羹堯應交岳鍾琪事件著作速交代急赴杭州任所將此行文岳鍾琪及該撫等令其知悉○以能奉爲左副都御史原任四○已未諭大學士九卿等人君圖治首在用

東華錄

雍正六年

○

布公推心置腹相信如一體然後爲臣者乃可惟所欲言惟所宜行而無顧慮朕御極之始將隆科多年羹堯寄以心膂毫無猜防所以作其公忠期其報效孰知朕視爲一體伊等竟懷二心朕予以寵榮伊等乃倖爲要結招權納賄擅作威福敢於欺罔忍於背負幾至陷朕於不明朕深恨辨之不早寵之太過愧悔交集竟無辭以謝天下惟有自咎而已朕今於隆科多年羹堯但解其權柄不加刑誅者正以彼等之妄謬皆由朕之信任太過是以惟有自責而於伊等一概從寬也自今以後既覺其姦僞曉諭眾知不復信任假以要權在朕既不失馭下之道而諸人亦免被其愚惑若伊等怨望不遂其欲仍怙惡不悛彼既視憲典等於弁髦朕豈能姑息以養奸邪至於二人門下向來趨赴奔走者不少此亦中之常情希其薦拔畏其加害之所致但宜急解散黨與洗心革面若仍念舊情負國恩而感私惠蔑大倫而重小節往來饋營妄有希冀或餽送賂道或書札來往設計陷人或揣擬伺探朕意暗作威福不能改革惟務隱密巧詐若再發覺之時決以逆黨從重正法伊等各宜儆懼無得自干誅滅朕意已定法在必行○壬戌諭禮部前博爾多來京陛見奏稱僧人宏素處有朕昔年賞賜金剛

經一部上有朕所製序文今欲刊刻流傳朕細思向來並無此事因命博爾多將此經取來閱看昨日齎到文與字俱非朕筆且將朕名皆書寫錯誤甚不可解聞宏素已經身故其同寺僧人必有知其由來者著卽行文問明具奏不必嚴拏拘禁前令各處呈繳御筆伊等既將此字認爲御筆何以不行呈繳若以爲非御筆何以不行詳察亦著問明朕在藩邸時因府第與柏林寺相近閒暇之時閒與僧人談論內典並非以僧人爲可信用也况今臨御天下豈有密用僧人贊助之理近日直隸宣化府江南蘇州府等處竟有僧人假稱朕旨任彼招搖生事者已經發覺懲治此等小人行爲皆於朕之聲名大有關係爾部不可不嚴行禁飭若再有此等著該地方官訪拏參奏毋得疏縱年來各處呈繳御筆今限期已滿尙有未繳者所繳之內亦有假筆混雜者朕俱從寬不行深

東華錄

雍正六年

○

究今又有金剛經序文之事爾部可嚴行各省以文到之日再限一年務令全繳儻再有隱漏定行治罪○癸亥諭內閣盛京風俗甚屬不堪俱因蘇努爲將軍八年俯仰無知小人之心沽取虛名私恩小惠逞其機詐惟利是圖毫無裨益地方軍民之處風俗由是大壞非有爲國家實心效力之大臣盡心竭誠大加整理不能挽回風俗著都察院左都御史尹秦以原品往盛京署禮部侍郎兼理府尹事○添設雲南中甸撫番清餉同知一經歷一巡檢二○設山西朔平甯武二府改右玉衛爲右玉縣左雲衛爲左雲縣平魯衛爲平魯縣並割大同府屬之朔州馬邑縣俱隸朔平府管轄改甯武所爲甯武縣神池堡爲神池縣偏關所爲偏關縣五寨堡爲五寨縣俱隸甯武府管轄改天鎮衛爲天鎮縣陽高衛爲陽高縣移原駐陽高通判駐府城俱隸大同府管轄改甯化所爲巡



檢司隸甯武縣管轄朔平甯武各設知府一員甯武府設同知一員右玉等九縣設知縣九員典史九員甯武設巡檢一員裁太原府中路西路同知二員右玉等衛守備十員甯武等所千總十三員○乙丑以能泰為左都御史魯羅常泰為左副都御史由大理寺卿遷○吏部兵部奏杭州將軍年羹堯於川陝總督任內妄參金南瑛等七員應革職得旨此年羹堯總督任內之事並非將軍任內之事乃吏部應議者與兵部無涉若果以將軍係兵部職掌即應請旨交與兵部而吏部可不必會議今並未請旨含糊專擅會同兵部議革年羹堯將軍之職具奏特預先立意徇庇年羹堯耳如此巧為殊屬不合隆科多等著交與都察院嚴察奏聞將本發回仍令吏部議奏

六月丁卯朔諭內閣昔 聖祖仁皇帝明目達聰無微不照而關

繫國計民生之事尤殷採訪屢降 諭旨令內外臣工各抒所見

不時條奏無非欲洞悉下情與利弊期臻上理也在廷諸臣不

能仰體 聖懷未見有剴切敷陳裨益政事者如科道等官之章

奏或請開例捐納或請開設礦廠或請節省錢糧種種假公濟私

之處不可枚舉皆在 聖祖仁皇帝洞鑒之中故近年來條奏之

事 聖心裁擇其可行者見之施行其不可行者概置勿用而言

官之不得遂其私者反有 聖祖仁皇帝不甚納諫之妄議此等

小人情狀朕在藩邸知之甚悉疾之甚深故臨御以來諄諄告誡

期其各矢公忠直陳無隱夫條奏者原欲上以匡君下以澤民非

為臣子沽名之具也朕原有旨即密奏中朕不行者若有真知灼

見力懇施行仍准其露章陳奏非必止於密奏也因念諸臣之欲

盡言者或多所顧忌或恐招怨尤或有牽制之情或有不便顯言

之處故令各人密封進呈其中言有可採而易於招怨者朕將摺

內職名裁去發出或令諸臣會議或即見諸施行而外聞不知何

人所奏其所以如此者無非欲人人盡其所言無所瞻顧迴避而

朕得收聽人之實效於治理大有裨益也乃有詐偽之人因所奏

既行而誇耀於人者亦有因裁去銜名無可稽考竟將他人陳奏

之事據為己有者亦有謂出之自朕託言諸臣而實非諸臣之條

奏者種種浮言深可痛恨又常見人文集中有擬稿未上之奏疏

夫既有此疏何以未上既云未上何故存稿此乃欺罔之徒內懷

詐偽外託忠誠遇事不敢直言故飾虛詞傳播人口以欺世盜名

也且更有以特恩施行之事而冒為己功者如蠲免蘇松浮糧一

事係戶部所奏恩自朕出並無一人條陳近聞有人自稱為彼之

密奏者人而無恥至於此極朕念為政之道首先得人故自即位

以來於文武大小臣工皆留意簡選而於伊等陛見之日必召入

面詢親加訓誨欲其潔己奉公勤修職業謹守法度愛養兵民丁

甯詰誠至再至三無非諄及內外事務及勉勵官方之語而諸臣

出外每任意增減多方粉飾以誇示於眾竟有與原降諭旨甚

不相符者此皆大有關係著凡文武官員曾經面奉諭旨除不能

紀載者俱將訓旨一一詳細將年月日一同繕寫進呈內外文武

大臣著自行封進其不應摺奏之員著封固交與該上司轉奏自

今以後凡而奉諭旨者俱著繕寫進呈若不繕寫進呈但私相傳

播及私自記載者即係假捏旨意定當從重治罪○己巳召法海

來京以甘國奎署浙江巡撫由按察使○庚午桑成鼎錄事革職以

王克莊為湖北按察使由湖南岳○署川陝總督岳鍾琪奏遵旨

查勘雜谷大小金川沃日等處土司構釁緣由差員到雜谷地方



照舊立界傾心悅服又金川土司處有美同等寨本為金川咽喉  
被前巡撫年羹堯強斷與沃日所以讎殺多年今斷歸金川以龍  
堡三歌退給沃日兩家永無爭奪又土司承襲地方官勒索陋規  
多致遲延歲月請立嚴限具題不許勒指得旨本朝各省土司俱  
畏威懷德甚為恭順間有一二梗化者皆由地方文武大吏調劑  
失宜之故今春年羹堯奏稱四川雜谷及大小金川等土司頗有  
不法情狀朕即知此必年羹堯希冀其多事欲借此名色得以久  
揀大將軍之權固畱川陝總督之任耳年羹堯若不速離川陝則  
川陝必至有事是以將年羹堯調往杭州未幾南坪壩之事果已  
安帖茲據岳鍾琪所奏雜谷金川沃日等土司又已悅服彼此和  
輯矣此諸土司向日皆因年羹堯辦理不公以致互相讎殺今岳  
鍾琪遵朕諭旨辦理有方甯番息事殊屬可嘉著交與該部議敘

東華錄

雍正六年

吳

其條奏土司襲職之處著內閣九卿會議具奏○王申諭內閣署  
總督岳鍾琪總督高其倬楊宗仁孔毓珣河道總督齊蘇勒提督  
吳陞魏經國在 聖祖仁皇帝時服官有年勤勞素著自朕即位  
以來又能潔己奉公深知大義不附邪黨不事鑽營居官行已俱  
屬可嘉應沛殊恩以風有位岳鍾琪高其倬楊宗仁吳陞魏經國  
俱著加太子少傅銜孔毓珣齊蘇勒俱加兵部尚書銜以示朕嘉  
獎優眷之至意○癸酉諭大學士九卿等年羹堯如許大罪顯露  
而伊子年富年興等向毫無畏懼之形若伊父果有冤抑之處應  
分晰代奏若無冤抑之處則應竭誠效力以贖伊父之罪乃隨處  
為伊父探聽音信且怨憤見於顏色年富年興俱著革職交與伊  
祖年遐齡儻仍不悛改定行正法再隆科多之子變儀使玉柱行  
止甚劣亦著革職交與伊父隆科多○吏部議奏原任川陝總督

年羹堯妄參道員金南瑛等應嚴加治罪得旨所議甚屬悖謬年  
羹堯所犯之罪甚多雖即行正法亦不足蔽其辜並不在此一事  
朕交此事即當就此事定議乃任意妄議處分過當前議既屬徇  
私今議復爾過當料他人斷不敢如此定議此必隆科多有有意擾  
亂之故隆科多著交與都察院嚴加議處此本吏部另議具奏○  
以盛暑命清理庶獄○甲戌吏部等衙門遵旨公閱年羹堯奏摺  
疏參年羹堯受 皇上莫大之恩乃狂妄悖逆至於此極種種不  
法罪大彌天令調任杭州將軍又奏稱江南儀徵縣地方水陸分  
途臣至此靜候綸音等語更不知其何心人臣如年羹堯背義負  
恩越分藐法為天地所必誅臣民所共憤請將年羹堯革職及所  
有太保並世職一併革去從前恩賞團龍補服黃帶雙眼孔雀翎  
紫批手等物悉行追繳敕下法司將年羹堯鎖拏來京嚴審正法

東華錄

雍正六年

吳

以為人臣負恩不忠之戒得旨年羹堯在任種種僭妄曾經降旨  
詢問今據年羹堯奏稱伊為大將軍所行之事俱循照俗例而行  
等語昔年用兵有諸王掌大將軍印者有大臣掌大將軍印者惟  
允禩妄自尊大種種不法我朝大將軍如此行事者從未之聞也  
年羹堯不但踵而行之且殺戮過焉今乃云循照俗例夫允禩所  
行悉僭妄非制豈可云例假若云例則係國家大將軍之定制豈  
可云俗此語狂妄已極在年羹堯職分即當年諸王掌大將軍印  
所行之例伊尚不應比擬而乃效法允禩狂妄不法之舉乎又據  
年羹堯奏稱既不敢久居陝省亦不敢遽赴浙江今於儀徵縣水  
陸交通之地靜候綸音等語朕前降諭旨令速赴杭州新任今逗  
遛中途曠廢職守遷延觀望不知何心其回奏摺內凡枝梧掩飾  
及未經回奏之處俱著年羹堯一一分晰明白回奏至九卿等所



議革去一切職銜追回恩賜等物鎖擊來京嚴審正法之處俟年  
羹堯回奏到日再行請旨○乙亥諭侍衛內大臣公馬爾賽等帶  
領諸大臣子孫引見諭曰爾等宜旨與納泰爾在乾清門行走因  
年羹堯舉奏擢用至護軍統領又令往署四川提督事務爾乃並  
不感恩效力惟依附年羹堯以諂媚爲事甚屬卑賤朕將年羹堯  
所行二次殊批諭爾爾並無一言陳奏但多方諂附年羹堯明係  
圖其利耳不僅深負主恩且玷辱爾之祖父且玷及眾大臣之子  
孫納泰勿令在護軍統領處行走俟朕另降諭旨再爾等俱係大  
臣勳舊之子孫孰不當爲國家效用乎令但擇人任用大臣等之  
子孫內能勝任者不可驟得今大臣之子孫及散秩大臣侍衛等  
之子內爾諸臣有知其善者卽行舉奏縱不深知訪問於章京護  
軍校等如得其人亦行舉奏以備朕之試用如此則人各加鼓勵  
矣且今大臣等多有不教其子弟者雖不教以漢書卽教以清書  
亦可得明義理乃其中家貨豐裕者並不黽勉正務而習爲嬉戲  
此皆不教之所致也其家道窘乏者又無教訓之方以致子弟往  
往陷於不才爾諸臣公同將上三旗勳舊世臣如公侯伯精奇尼  
哈番阿思哈尼哈番阿達哈哈番及登城巴圖魯等之子自二十  
歲以下十四歲以上或十二三歲而身軀長成者亦同揀選開明  
伊等履歷帶領引見朕酌量其宜加教諭成就之處另降諭旨○  
己卯大學士奏請 皇上潛邸升爲宮殿撰擬嘉名恭候欽定  
上欽命曰雍和宮○諭八旗都統等國家設立法制特欲使眾人  
遵行也若定制之內及條奏准行事件有不便施行者諸臣可將  
不便施行之處聲明具奏朕卽諭令停止若既傳示眾人令其遵  
循事件必須實力奉行方爲有益儻仍照常疏忽則與未嘗傳諭

東華錄

雍正六年

辛

於眾者何異如白塔及九門例有信礮礮幟乃曉示士卒之標準  
也今不惟兵丁等不知此例卽新任大臣亦有不知者大臣等俱  
係管轄兵丁之人儻值用兵爾等卽爲士卒之觀瞻職任甚屬要  
密不可妄意輕視爾等各旗俱給有開載號令之書一冊作何曉  
示新舊兵丁咸令知悉凡事務須防於未然周思詳慮不少忽略  
則自無可虞之事至於軍器爲用最要聞得兵丁等佩刀俱係粗  
鐵並無鋒刃尙可謂之軍器乎且東華門西華門外聞有賃刀之  
處步軍統領衙門應將此查明禁止爾等公同詳議具奏尋議嗣  
後所奉諭旨八旗於月朔宣示再於教場及一應會集之處宣讀  
曉示至白塔九門所有信礮礮幟雍正元年每旗給有書籍一冊  
甚爲明晰應交八旗於春秋二季凡該管兵丁有陸續挑取未經  
知悉者徧行曉諭至官兵有佩粗鐵刀者應令立限更換違者治  
罪其兵丁賃用佩刀尤屬不合應交與步軍統領嚴查禁止從之  
○庚辰諭內閣朕從前曾諭各省文武大吏令其密摺薦舉賢員  
陳世倌曾遵旨密薦知縣二員昨又具密摺奏稱見有武定州等  
缺臣從前密奏之員不敢再行保題今此本內又另題堂邑縣知  
縣何多學等朕從前並無密薦人員不許明題之旨况從前既可  
膺密薦今遇缺自應保題若云曾經密薦遇缺不行保題是密薦  
反阻賢員上進之路甚屬非理將原本發回著另行具奏陳世倌  
從前密薦之人不行保題之故亦著聲明具奏○辛巳兵部議覆  
直隸總督李維鈞奏大城營守備員缺請將藍翎侍衛張大烈補  
授應如所請得旨各省所發藍翎侍衛皆係藍翎侍衛之平常者  
故命於外省補用此等應於不緊要之缺題補並分與各省年滿  
千總皆選騎射嫻熟者命往令其題補並非命往令其學習也若

東華錄

雍正六年

辛



果騎射較前生疏該督理應題參李維鈞從前並未將年滿千總許印等參奏今遇缺出始稱此二人騎射尚未嫻熟反將藍翎侍衛張大烈題補此內必有情由許印苗世忠著調來引見○癸未諭大學士等朕即位時間葛繼孔行止不端但未見其人是以前降諭旨問江南總督查弼納據奏葛繼孔辦事勤慎才向可用又詢問署江南巡撫何天培亦云其人向知敬畏從事朕細加訪察恐二人皆為其所愚故解其臬司之任調為內閣侍讀學士欲親加試看其人也後見年羹堯參奏之摺遂將葛繼孔改授鴻臚寺卿乃葛繼孔於年羹堯來京時又私往納賄請託及朕降旨詰問始供年羹堯向索古玩既經餽送隨訂往見且誇獎之許其留心照看前後兩次送銅器磁器玉器字畫等件俱交年羹堯家人魏之耀收受葛繼孔人品不堪實緣年羹堯至今尚各處鑽營殊

東華錄

雍正六年

五

屬可惡著革職發與李成龍開濬安慶府河道工程效力若少推諉必治以重罪至年羹堯始以正人自居參劾葛繼孔為匪人繼又與之殷勤親密索取古玩許為留心照看著行文年羹堯伊係正人之流與抑匪人之流與葛繼孔古玩果正人所當索取與且如何照看如何留心之處著一一明白回奏又年羹堯摺內稱陳瑣乃伊所薦因其奏薦葛繼孔一事與陳瑣遂絕往來等語陳瑣之清操乃 聖祖所久知亦舉朝所共曉昔曾為四川學道與年羹堯同城而居無交辦之事是以不疾之已甚耳後絕往來定係陳瑣絕年羹堯非年羹堯絕陳瑣也年羹堯欲借曾薦陳瑣以沽名真無恥之極此事亦不可不辨○乙酉諭吏部朕從前恐天下督撫參劾屬員或有不公致受屈抑曾降諭旨令歷年廢官具呈都察院查覈題明引見當經補用數員今見年羹堯題參金南瑛

等數人皆屬誣枉又如滿保之參汀洲府知府何國棟有意揣摩迎合朕深鄙其為人已經降旨令湖州府知府曹掄彬曾有人在朕前參奏伊於門生吳襄蔡嵩差往督學時有所需索朕降旨問石文焯如此之人豈能為清白吏石文焯奏稱曹掄彬居官尚屬謹慎及石文焯離任將諭旨移交法海法海未悉情由將曹掄彬題參並將接受諭旨之處具摺聲明但因委令親審屬縣人命曹掄彬以鹽案限期將屆不能兼審命案而法海遂以抗違玩視人命題請革職情罪未協曹掄彬著暫留浙江俟法海來京問明再降諭旨朕為天下臣民之主一夫不獲尚慮朕懷豈可令郡縣司牧枉受冤抑乎朕屢降諭旨令督撫務宜秉公體恤屬員今金南瑛等案既經發覺恐此外尚有冤抑之員嗣後道府以下知縣以上各官有實有冤抑被參降革者仍令赴都察院具呈該衙門確

東華錄

雍正六年

五

查原參緣由嚴實具奏其並無冤抑係已身實有罪愆人品不端才力不及之人混行具呈者亦必重治其罪○命御門聽政日派翰林院編修檢討四員侍班○丙戌諭直隸大名府屬之滑縣濟縣內黃縣為河南漕運所經地雖接壤而屬則隔省聞多有呼應不靈之處以致河南糧艘年年遲誤且大名府所屬計一州十縣彰德府所屬止一州六縣衛輝府所屬止六縣若以滑濟內黃三縣分隸彰德衛輝則多寡既均而於運道得專責成亦有裨益著九卿速議具奏尋議滑濟為古汲郡地內黃為唐相州地本均屬河南省請以滑濟二縣隸衛輝府內黃縣隸彰德府運道糧艘咸資裨益從之○丁亥諭大學士等滇省西粵俱苗夷雜處之區聞黔之安籠滇之廣羅廣西粵西之泗城鎮安安隆上林等協營為三省交界之處層巒疊嶂苗夷巢穴其間每與鄰省小嫌輒相讎



殺本地捕緝則竄往鄰省以致案牘難結必得大員統轄始於撫循巡緝有濟查貴州之安籠鎮本為控馭苗蠻而設其駐紮之地與廣西雲南所屬地方均為接壤若將廣西雲南接壤之土司與改流地方各協營汛悉受安籠鎮節制而該鎮亦受三省督提節制其將弁之舉劾兵丁之汰補糧餉之銷算仍照各本省舊制惟於苗蠻警殺劫擄諸事悉令安籠鎮總兵就近調度庶緝苗有專責而地方得以寧靜朕所聞如此未知果否有益邊疆著雲貴總督高其倬廣西巡撫李紱署貴州巡撫石禮哈廣西提督韓良輔悉心商酌辦理○己丑諭大學士等前據年羹堯摺奏鎮海堡城外之戰我兵已將賊人殺敗城內都統武格帶領滿兵及察哈爾兵開城西門尾追賊後搶掠物件以致賊人折回斫傷西安驍騎校一員滿兵一名察哈爾兵二名武格首先敗回又復衝突綠旗

東華錄

雍正六

卷

隊伍致鎮海營千總與兵卒帶傷者十有餘人其餘行事昏憤不知羞恥西倫圖輕浮妄言狂叫無禮皆軍事所最忌者臣是以即行撤回等語朕比時即批示令其具本參奏隨據年羹堯奏稱都統武格西倫圖本應參劾然臣之受恩威權太重若再參兩都統於臣不利伏乞暫賜優容置之閒散之地等語朕是以將武格西倫圖調回令其別處效力今據護軍參領常明奏稱羅卜藏丹津侵犯康城邊界時年羹堯令臣到鎮海堡送信與都統武格武格隨帶西安滿兵一百名察哈爾兵三百八十名入守鎮海堡凡四晝夜至第五日今升總兵之宋可進帶西甯綠旗兵一千五百名來赴臣與都統武格參將張家翰同率在城滿洲蒙古綠旗兵丁六百餘名出西門向城下排列與賊戰賊即奔敗因深入賊壘交戰西安正藍旗驍騎校署參領四哥鑲藍旗披甲達三保陣亡正

黃旗領催署驍騎校吳泰等五六人俱數處重傷察哈爾兵亦有陣亡受傷者此皆世受國恩遇敵感憤報效死傷之人臣不敢隱匿謹此奏聞等語常明身在軍前所奏如此與年羹堯從前所奏迥異且年羹堯既稱武格種種失律之處彼時又不參劾及朕令其參奏又云臣威權太重不便又參兩都統夫行軍之道止論功罪之當否豈可意為輕重且以年羹堯之擅作威福所參豈止兩都統而至此忽又懼威權太重耶觀常明所奏當日在事官兵奮力殺賊有受重傷者有陣亡者深屬可憫武格等既無失律之罪則效力之官兵等應加優卹此案功罪不便含糊歸結著年羹堯明白回奏○庚寅諭吏部外任官員回避本族例俱赴京另補朕思督撫兩司及統轄全省之道員其族人回避者自應赴京另補若分巡數府之道員及知府同知通判知州等官所轄之地無幾

東華錄

雍正六

卷

其屬員職分卑微若必一例赴京另補未免往返稽延艱難拮据深可軫念此後遇此等應行回避之員著該督撫即於本省內調補如此則屬員既遵本族回避之例而又無另補守候之苦於公私均為有益爾部即遵諭行○壬辰諭內閣今年雨大屋漏牆欹者多朕軫念披甲人等家貧不能修理特加恩賜務使人人得所著動戶部庫銀九萬兩賞給八旗每旗一萬兩上三旗內府佐領一萬兩令得修理房屋著八旗都統前鋒統領護軍統領副都統內務府總管會同酌議分別賞給○諭刑部朕每覽審理案件常有無辜之人因稍有干連即行解審以致往返拖累守候日久必待結案之後始得歸業此等株累之人深為可憫乃承審各官並不留心民瘼視為故常殊非朕愛養黎民之至意嗣後爾部暨各直省審案凡係干連之人作何即行釋放或有待質者作何取保



之處爾部詳議具奏尋議嗣後京城八旗提督衙門五城等處解部案件臣部審明無干即行釋放笞杖人犯先行懲責發落至直隸山海關古北口等處應解部完結之案笞杖人犯並證佐干連之人俱免解部釋放取保儻必須審訊明確再行拘提命案屍親亦止申送口供免其解部至直省州縣案件自理細事速行完結其必須申解上司者應擬笞杖等犯亦取供保釋不得濫行監禁差押如承審各官違者題參議處請為定例庶干連之人永無拖累之苦從之○癸巳諭吏部各省吏治今漸可觀惟四川陝西兩省劣員甚多皆因年羹堯任用私人舉劾不公所致爾部將應補應選人員傳集會同九卿驗看除年老及人材甚劣者不用外其通曉文義人材可用者帶領引見朕親加揀取再行考試發往四川陝西補用○吏部議奏都統范時捷疏參年羹堯婪贓侵帑越東華錄 雍正六年 五月

分犯法各款年羹堯乃敢狡飾回奏請將年羹堯革職擊問並案內有名之桑成鼎胡期恆金啓勳魏之耀嚴大等一併交與法司嚴審追擬以彰國法得旨年羹堯著暫停革職擊問從前以胡期恆於年羹堯無甚干連惡亂事件曾發往河南河工效力今年羹堯案內通同串合行爲之事甚多胡期恆桑成鼎金啓勳魏之耀嚴大等俱著提解訊審○改陝西平涼固原二衛歸平涼府轄慶陽衛歸慶陽府轄臨洮河州蘭州三衛歸德一所歸臨洮府轄洮州岷州靖逆三衛西固一所歸鞏昌府轄○甲午吏部議覆年羹堯懷挾私心急欲出缺另行補人妄參道員金南瑛等列款全虛應將其太保職銜削去從之○丙申禮部議覆浙江巡撫法海疏言吳國上大夫伍員唐武肅王錢鏐宋安濟公張夏實爲浙省江海保障之神又明代紹興府知府湯紹恩卬築三江閘有功紹郡

請各加封號修整廟宇每歲春秋致祭應如所請得旨伍員封爲英衛公錢鏐封爲誠應武肅王張夏封爲靜安公湯紹恩封爲甯江伯

東華錄

雍正六年

五月



雍正七

臣王先謙

臣周澍蕃恭校

秋七月丙申朔諭大學士等年羹堯從前題奏西藏青海等處軍功議敘文武官員多冒濫不實朕所深知今特施寬大之恩凡有軍功議敘文武官員若係年羹堯任內冒濫題奏者無論已升未升已授未授俱准速行據實自首其官職卑微不能自達者俱交該督撫提鎮齎送此皆出自年羹堯悖逆擅作威福之舉與伊等無干朕皆從寬宥釋若仍隱匿不首一經發覺定行嚴加治罪再此等無軍功者既可以效力議敘題補則實在立功人員亦必有挾私抑遏不行議敘者俱著將所以挾私之故詳細呈首○丁酉移河南開封府同知駐朱仙鎮陳州州判駐周家口○己亥諭大

東華錄

雍正七

學士等朕惟治天下之道首重用人朕自臨御以來凡大小文武官員俱親加看驗考試補用至降革罰俸等項處分必再三詳審務使情罪允當不令稍有屈抑今吏兵二部銓選處分則例刊刻遵行已久其中不無前後互異之處又見行則例有未經校刊者部內鈔白存查遇事引用外官無由得知姦胥猾吏因而上下其手亦未可定今律例館纂修律例將竣著吏兵二部會同將銓選處分則例並鈔白條例逐一細查詳議應刪者刪應留者留務期簡明確切可以永遠遵行仍逐卷繕寫並原書進呈朕親加酌量刊刻頒行再書肆有刻賣六部則例等書行文五城並各直省督撫嚴行禁止○辛丑移進賢縣巡檢二員駐甯州新建縣巡檢駐武甯專司稽察棚民裁玉山縣懷玉驛驛丞改設巡檢與玉山縣縣丞分轄隘口移瑞州府同知駐甯州銅鼓營南昌鎮標後營遊

擊駐銅鼓營銅鼓營原設之守備駐袁州府萬載縣後營遊擊所轄千總駐瑞州府新昌縣袁州府屬之黎源廣信府屬之下鎮墟地方各添外委把總一員帶兵防守○予故湖北巡撫納齊喀祭葬諡勤恪○壬寅以宜兆熊署福建總督○癸卯諭大學士等朕因隆科多年羹堯從前頗著勤勞賞給異數以示鼓勵今二人交結專擅諸事欺隱所賞隆科多年羹堯之黃帶紫扯手雙眼翎俱不許用四圍龍補服俱著交入○甲辰衍聖公孔傳鐸奏請頒賜 聖諭廣訓朋黨論二書得旨我 聖祖仁皇帝教育羣生 御製上諭十六條期以厚民風而端習俗朕仰承 先志推行發明著為廣訓使愚氓易曉凡茲作述之間悉本 先師孔子之道以為是訓是行之本並無一語出乎聖教之外也卿為至聖後裔果能祇遵祖訓身體力行則修身齊家之道化民善俗之模

東華錄

雍正七

莫大乎是且植黨為聖人所深戒向來孔氏子孫從無趨附匪黨之事所請二書不必頒發卿其恪遵好學力行知恥之訓能光家乘即廣國華勉之慎之○丙午諭大學士等舊歲直隸總督李維鈞奏稱畿輔地方每有蝗蝻之害土人虔禱於劉猛將軍之廟則蝗不為災朕念切惻痍凡事之有益於民生者皆欲推廣行之且禦災捍患之神載在祀典即大田之詩亦云去其螟螣及其蠹賊無害我田稗田祖有神秉畀炎火是蝗蝻之害古人亦未嘗不藉神力驅除也今兩江總督查弼納奏稱江南地方有為劉猛將軍立廟之處則無蝗蝻之害其未嘗立廟之處則不能無蝗此乃查弼納偏狹之見疑朕專恃祝禱為消弭災祲之方也其他督撫亦多有奏稱設法祈雨禱晴者夫天人之理感應不爽凡水旱蝗蝻之災或朝廷有失政則天示此以儆之或一方之大吏不能公正



宜猷或郡縣守令不能循良敷化又或一郡一邑之中風俗澆漓人心險偽以致陰陽沴戾災祲漸臻所謂人事失於下則天道變於上也故朕一聞各直省雨暘愆期必深自修省思改闕失朝夕乾惕冀回天意爾等封疆大吏暨司牧之官以及居民人等亦當恐懼修省交相做誠夫人事既盡自然感召天和災祲可消豐稷可致此桑林之禱所以捷於影響也蓋惟以恐懼修省誠敬感格為本至於祈禱鬼神不過借以達誠心耳若專恃祈禱以為消弭災祲之方而置恐懼修省於不事是未免清流而舍其源執末而遺其本矣朕實有見於天人感應之至理而斷不惑於鬼神巫禱之俗習故不惜反復明晰言之內外臣工黎庶其共體朕意○丁未諭大學士等年羹堯自任川陝總督以來擅作威福顛倒是非異己者屏斥趨附者薦拔又借用兵之名虛冒軍功以朝廷之名

東華錄

雍正七

三

器徇一己之私情目今事事敗露不可悉數其所用匪類如陝西官員內則有延安府知府李繼泰甯夏同知趙健河州知州許啓盛三原縣知縣劉于正南鄭縣知縣嚴世傑四川官員內則有川東道金德蔚甯道周元勳保甯府知府王國正重慶府同知楊文斌建昌衛通判崔鳴圖邛州知州張純巴縣知縣周仁舉遊擊年悅此等官員平日侵蝕軍需剝削民膏諂媚上司苛刻地方實為兩省之害著即行文該省調取伊等來京引見定奪又如年羹堯數年來參革及降調之文武官員甚多其中自有冤抑著吏兵二部一一查明繕摺具奏候朕親覽酌其情節降旨調來引見使年羹堯不得肆其蒙蔽而伊等不致受其誣陷且以為罔上行私無知之大吏戒並為鎮營黨附無恥之屬員懲再如川陝兩省副將以下千總以上等武官經年羹堯冒濫題補者俱著岳鍾琪詳

查擇其尤劣者參奏○都察院疏參吏部尚書隆科多議處年羹堯曲護徇庇不將伊公爵議革隆科多應革職得旨隆科多著削去太保職銜從寬免革職○戊申河南睢甯縣朱家口河溢○己酉諭禮部據奏八月二十三日 皇妣孝恭仁皇后服制期滿請照 皇考聖祖仁皇帝釋服之禮給祭 太廟頒諭中外等語朕皇考 皇妣大事追念罔極深恩莫由仰報三年以來祇於宮禁之中齋居素服默盡思慕哀戚之忱非敢自謂遵循古禮更不欲宣播於眾也父母之喪人子之心則一而帝后之禮國家之制則殊今八月二十三日屆 皇妣孝恭仁皇后釋服之期著擇日於 奉先殿告祭自行家禮至於頒諭中外不必行○庚戌諭內閣凡官員離任每有地方士民保畱如果該員在任實有政績惠澤在人愛戴出於至誠理應赴上司呈請或清正廉幹之

東華錄

雍正七

四

官員賢否概借保畱為名竟不呈明上司輒鳴鑼聚眾擅行罷市顯然挾制其中買屬招搖種種弊端殊為不法如果保畱盡係真情何以升任官員不聞有人愛戴者耶此乃刁風惡習斷不可長朕聞年羹堯自西安起身之時私屬咸甯縣知縣朱炯賄人保畱因年羹堯恃逆貪虐罪惡滿盈去時人人稱快竟無一人肯應者然後出城所過州縣或有迎送多人者或有一人不出舉手加額稱慶甚且唾啐者夫百姓若果愛戴自必通省皆然斷無此迎彼唾之理可見保畱官員者多非出於真情皆買屬偏迫而然也嗣後官員離任士民有擅行鳴鑼聚眾罷市者分別首從治罪其被保之員亦嚴加究治以儆刁風○辛亥都察院參奏據趙弘焯首告伊廷超之垣侵吞家產趙之垣具呈陳辨並首告年羹堯將清



理伊叔趙弘變虧空銀四十萬兩侵欺入己李維鈞朋比為姦請  
交部嚴審定擬得旨康熙六十一年冬朕即位後趙之垣李維鈞  
同來陛見朕於倚廬召見二人諭趙之垣曰 皇考念爾祖舊日  
功勳加恩後裔爾父爾叔皆任以節鉞爾叔趙弘變在直隸時聲  
名甚屬平常且未完公項累蒙 皇考特予保全是以前爾叔身歿  
隨命爾署直隸巡撫印務以完爾叔未完之項乃爾在任以來未  
能改易前轍朕仰體 皇考優待功臣後裔之意諄切訓誡爾當  
竭誠勉勵以益前愆又諭李維鈞曰爾係趙之垣屬官在直隸居  
官年久諸事諳練爾於趙之垣不可拘上司屬官之分當如骨肉  
相待諸事竭力規正使彼不至隕越以上成 皇考保全功臣之  
意並副朕仰體 皇考之心比時李維鈞回奏云臣惟有盡心竭  
力以幫助趙之垣等語次年二月年夔堯進京面奏趙之垣庸劣  
東華錄 雍正七年 五  
紈袴不可以磨巡撫重任朕諭之曰趙之垣為人朕亦素知但伊  
之署理巡撫乃 皇考保全功臣後裔之盛心去冬伊等來京朕  
已諄切訓誡之矣年夔堯見朕意不為搖動一月之後復奏云趙  
之垣斷不可令為巡撫伊從前居官不過庸劣今自皇上訓誡之  
後不惟不悛遵明旨反大肆貪婪以進上為名向各屬私派銀三  
十萬兩並勒索從前未收之規禮朕聞之駭異亦不深信越七八  
日趙之垣果具摺進銀三十萬兩朕始以年夔堯之言為實特將  
趙之垣解退今年夔堯帶往陝西以清趙弘變虧項及至去年冬  
年夔堯又將趙之垣帶至京師再四懇求引見力保其可用年夔  
堯前後語言顛倒殊不可解今據趙弘燁首告又經都察院奏趙  
之垣控訴原委年夔堯欺罔姦詐設局誘陷情弊顯然著將此摺  
鈔發年夔堯李維鈞令其明白回奏○壬子白潢以病免命高其

東華錄 雍正七年

位為文淵閣大學士兼禮部尚書由松江○以戶部尚書張廷玉  
署大學士事○命隆科多往修阿爾善山等城池開墾地畝○實  
授岳鍾琪川陝總督圖理琛西安巡撫以馬喀為陝西布政使由  
學士遷○劉世奇緣事革職以程如絲為四川按察使由川東  
以萬際璋署廣東按察使由鹽運○癸丑以兵部尚書孫柱兼理  
吏部尚書○內閣九卿詹事科道合詞劾奏年夔堯欺罔悖亂各  
款請加誅戮以彰國法得旨年夔堯為川陝總督貪婪放縱罔利  
營私本應即加處分因伊青海之功朕意尚欲委曲保全故罷其  
總督之任授以杭州將軍令其效力以贖前愆乃今事事敗露不  
料其欺罔悖逆之罪至於此極實為國法之所不宥朕展轉思維  
自古帝王之不能保全功臣者多有烏盡弓藏之譏然使委曲寬  
宥則廢典常而虧國法將來何以示懲此所奏乃在廷之公論而  
東華錄 雍正七年 六  
國家賞罰大事必諮詢內外大臣僉謀畫一可降旨詢問各省將  
軍督撫提鎮各秉公心各抒己見平情酌議應作何處分即速具  
奏○乙卯命內閣學士何國宗等閱視河道諭曰運河關係重大  
詳加閱看凡泉源湖身與各水源流地方形勢務須身到測看方  
得確準定議不可苟且草率意為揣度以致後日勢不可行河道  
總督凡黃河所經皆其管轄豈能處處親到即河屬官員偶有所  
見亦未敢輕易舉行爾等將儀器與圖一併帶去再有算法館行  
走明白測量人員著何國宗指名舉奏二人帶去詳加測量或將  
廷錫條奏款項之外有關繫運道應查看修理之處亦逐一審視  
會同該督撫詳議具奏務期一勞永逸爾等於八月二十日起身  
乘驛前去備遇無驛遞之處爾等輕騎減從該撫照料前往德河

一二七



齊蘇勒見在堵築黃河決口爾等此去先看漳河衛河後到濟甯  
則總河隄工事完便可會同閱看備該督撫有緊要事務爾等或  
稍候數日或躬往就之勿致貽誤地方○諭刑部安民莫先於弭  
盜而為政必貴於實心從前兩江總督查弼納條奏種種弭盜之  
法且欲水次釘椿以為周防極似實心料理者乃今一月之內所  
報盜案竟有一百九件朕覽之不勝駭異豈因查弼納實心料理  
反致如是之多乎可見伊從前所奏盡屬虛偽欺飾耳查弼納身  
為總督統轄文武弭盜一事尤其專責今前後盜案累累伊所司  
果何事耶茲特降諭旨與查弼納務必實心清致盜之源察窩盜  
之所竭誠料理使盜賊斂迹百姓安堵以副朕意若因有此嚴旨  
更復隱諱蒙混使民害不得上聞凶惡肆行無忌必將查弼納治  
以重罪○吏部議覆署陝甘總督岳鍾琪疏參年羹堯建築邵陽

東華錄 雍正七年

縣夏陽川城堡餘贖銀兩不歸司庫並不題請擅給各兵應將年  
羹堯一等公降為二等公從之○丙辰解盧詢任以蔡珽為兵部  
尚書兼理左都御史事由左都御史遷○丁巳特命舉行經筵○以翰林  
院掌院學士阿克敦兼理左副都御史○庚申吏部議覆河南巡  
撫田文鏡疏參年羹堯鹽場徧置私人私鹽充斥又以印票運茶  
違廢茶引應將年羹堯二等公降為三等公從之○辛酉禮部議  
覆朝鮮國王李吟疏奏宗祀之重未有所託請將副室所生之子  
李絳封為世子查該王甫過三十遽請封副室所生之子與例不  
符應毋庸議得旨朝鮮請封世子事關伊國建立儲位該王必因  
萬不得已再三斟酌始懇切具奏著照所請行其請封所進禮物  
不必收受○封青海扎薩克台吉阿拉布坦為輔國公○壬戌諭  
大學士等年羹堯以總督補放將軍亦為升遷伊前違旨欲在儀

徵縣逗遛居住今又止將接任日期具奏並不謝恩有悖臣道著  
革退杭州將軍任授為閒散章京在杭州效力行走其將軍印務  
著原任副都統王府長史鄂彌達前往署理○癸亥諭大學士等  
據廣西巡撫李紱參奏黃國材等向在廣西經收捐穀事例正項  
之外侵匿數倍應行查追黃國材著解福建巡撫任發往廣西質  
審○山西巡撫伊都立參奏貝子允禩護衛烏雅圖等在平定州  
地方擅行毆打生員應請按律治罪得旨此事從前諾岷隱匿未  
奏經朕聞知降旨詢問諾岷始行題參內有太監李大成乃允禩  
家下為首緊要太監伊豈有不知此事之理諾岷訊審時以李大  
成患病不知此事竟為脫卸違行發回諾岷係滿都護屬下之人  
滿都護允禩比鄰而居伊等原屬同黨似此互相瞻徇強為掩飾  
將置國典於何地耶諾岷大負朕恩伊都立到彼理應詳究乃止

東華錄 雍正七年

據諾岷所審具奏疏忽殊甚此事仍著伊都立將太監李大成提  
往晉省明白對質將實情審出具奏至於允禩自來結納黨援不  
守本分且品行庸劣居心妄自尊大 聖祖皇考稍加訓誡輒云  
不過革去此微末貝子已耳偶遇勞瘁動稱若如大阿哥二阿哥  
一例拘禁我倒安逸此等狂悖之談時出諸口朕與諸阿哥所共  
知者及遭 皇考大事並未見有點滴悲淚朕御極後允禩昂然  
恣肆抗違諭旨狂悖之形種種不一朕因發往西甯居住稍示儆  
誠伊又寄書允禩語多悖亂且縱容屬下騷擾地方毆打民人罔  
顧國紀朕特遣都統楚宗前往約束及楚宗到彼宣旨伊並未迎  
接跪聽安居臥室豪無悔懼之容信口妄言有出家離世等狂悖  
之語且伊攜帶數萬金前往西甯濫行糜費買結人心地方人等  
俱稱九王爺伊不過一貝子耳尚未得貝勒職分又安得漫稱王



洵屬不識臣子大義悖亂之極允禩著革去貝子撤其佐領屬下  
並行文陝西督撫嗣後仍有擅稱允禩為九王爺者從重治罪○  
乙丑調毛文銓為福建巡撫由貴州調○召遲維臺來京以謝夏署湖  
南按察使由驛鹽糧

八月丙寅朔以福敏署浙江巡撫由吏部右侍郎署○庚午頒發孔子  
及顏曾思孟閔子仲子廟御書匾額○辛未諭大學士等年羹  
堯從前竊弄權柄擅作威福所有脅從諂附者原不足深責今年  
羹堯之姦邪僭逆種種敗露朕已洞悉屢頒諭旨頻敕內外諸臣  
令各洗滌已往儆戒將來共期改過若仍黨惡不悛則斷不姑恕  
諭旨甚明乃直隸總督李維鈞居心險譎竟敢陽順陰違如保定  
府城內見有年羹堯私置家產藏匿之財物彼並不參奏迨朕降  
旨令查尙具摺故作猶豫之狀希圖延挨俾得隱匿此等情景必  
東華錄 雍正七

有緣由著馬爾賽蔡珽往保定府詳細詢察若果得姦欺黨惡實  
情即將李維鈞鞫問請旨○以法海署兵部尙書原任浙江巡撫唐喀署  
吏部右侍郎武格署刑部左侍郎俱由副都統署○召鄂爾泰來京以漆  
紹文為江蘇布政使由山東監運使遷○癸酉諭內閣九卿等古有諱名  
之禮所以昭誠敬致尊崇也朕臨御以來恐臣民過於拘謹屢降  
旨凡與御名聲音相同字樣不必回避近見各省地名以音同而  
改易者頗多朕為天下主四海臣民竭誠盡敬如此况孔子德  
高千古道冠百王正彝倫端風化為往聖繼絕學為萬世開太平  
自天子以至於庶人皆受師資之益而直省郡邑之名有聖諱  
字在內者古今相沿未改朕心深為不安爾等會議凡直省地名  
有同聖諱者或改讀某音或另易他字至於常用之際於此字  
作何回避一併詳議具奏○都察院遵旨察議吏部尙書隆科多

於議敘銀庫郎中等員一案並不從公商酌擅屬司官將熟練人  
員一時概議升轉必致接任辦事不能得人沽恩市惠甚屬溺職  
應革去世襲公爵得旨隆科多著從寬免革公爵止革去恩賜之  
一等阿達哈哈番○甲戌以李成龍為湖廣總督魏廷珍為安徽  
巡撫增壽為盛京工部侍郎由署光祿寺少卿遷○戶部議覆廣西巡撫李  
紱疏柳州一府所轄二州十縣東西八百里南北九百里地廣事  
繁其賓州上林等州縣獠獍頑劣察治尤難請以賓州改為直隸  
州管轄附近之上林來賓遷江武宣四縣其與柳州相近之七州  
縣仍歸府轄再梧州府治設在東偏其西南至鬱林州已三百餘  
里請以鬱林州亦改為直隸州管轄北流博白陸川興業四縣其  
與梧州相近之五縣仍歸府轄庶各得就近綜理應如所請從之  
○乙亥吏部議覆鴻臚寺少卿單疇書疏參年羹堯樹黨營私任  
東華錄 雍正七

用委署甯夏同知常璽等濫竊名器倚勢殃民實非尋常尙庇可  
比請將年羹堯所有三等公降為一等精奇尼哈番從之○太子  
太傅武英殿大學士兼工部尙書王頊齡卒輟朝一日賜祭葬加  
祭二次諡文恭贈少傅○丙子諭內閣滿洲兵丁於技勇武藝俱  
已精練惟向來未習水師今欲於天津地方設立水師營分撥八  
旗滿洲前往駐防操演似屬有益其應於何處駐紮設立幾營派  
兵若干用船若干並如何製造船隻如何演習兵丁之處著怡親  
王會同朱軾張廷玉蔣廷錫拉錫詳議具奏○丁丑西洋教化王  
伯納地叻遣使鳴噠都易德豐進表貢獻方物宴賚如例○戊寅  
以張謙為貴州巡撫由大理寺少卿遷○己卯諭吏部都察院安民必先  
弭盜盜風不息皆由有司官諱盜不報之故不但江南地方盜賊  
素多近聞河南湖廣路上有迺往官員被劫者州縣官賄賂事主



通同隱匿司道既無覺察督撫亦受蒙蔽以致盜賊無忌貽害不小不可不嚴行稽察朕思巡按御史久經裁汰自不可復今或於滿漢御史並部員內揀選賢能官酌量於湖廣江南浙江福建山東河南等省每省或差二員或一員或兩省差一員兼理令其專司稽察盜賊並巡查驛站煙墩儻有縱容盜賊隱諱不報者許據實題參一切地方事務差員不得干預若生事滋擾必從重治罪爾等詳細酌議具奏○辛巳諸王大臣等請隨時駐蹕圓明園允之○以米價騰貴命發倉減價平糶○癸未吏部議覆吏部左侍郎查郎阿奏直隸州州判雖係佐貳見管逃盜等案不便以捐納貢監補授管轄屬縣請將舉人銓補州同恩拔副榜貢生銓補州判應如所請從之○甲申諸王大臣等合詞疏奏本月二十一日

皇上告祭 奉先殿三年之大禮既盡萬載之嘉祥方始臣等

東華錄 雍正七年

謹按唐六典云皇帝卽吉之期百官奉表具賀宴於紫宸殿宋嘉祐禮云仁宗宮中改吉百官奉觴上壽臣等法古禮典擬備筵宴進獻闕廷以展踴躍懼怖之忱祈 皇上俯允所請得旨朕荷天 祖默佑克盡三年之禮然孺慕之念終身莫釋於懷昨已曉諭廷臣矣茲諸王大臣援引古禮陳奏懇切勉從所請以慰臣民虔望之意○乙酉李維鈞緣事革職以蔡珽署直隸總督由兵部禮部 上詣 奉先殿祭告行釋服禮 上御乾清宮召諸王大臣入見垂淚諭曰父母之恩鞠育顧復為人子者終身仰報不盡而朕荷 皇考 皇妣教育之恩尤為至深至厚誠所謂欲報之德昊天罔極也三年之中如祭祀朝會國家大禮不可曠缺朕不得已勉從諸王大臣之請照例舉行不過於宮中持服以默盡其心而究未能盡此心於萬一也日月

易邁已屆三載禮制有定而朕心無窮此一領素服朕衣之三年今日更換不勝悽愴之至朕之一念豈但三年固結於中卽終身之久亦斷不能忘也○丁亥諭刑部嗣後直隸各省秋審情實緩決可矜人犯各該督撫仍照常具題外該部進呈黃冊時著將情實緩決可矜三項分別彙歸各項仍照省分遠近為序從雲南省起刊刻刷印進呈○八旗都統等將服色等事各按等秩定制具奏 上召入諭曰覽奏欲將官員軍民服用一概加以禁約朕試問諸臣照此定制以申禁約能管束令其必改乎斷不能也法令者必其能禁而後禁之明知法不能勝而禁止之則法必不行從前屢禁而不能豈可復禁乎且照此奏各按等秩將段匹及貂鼠槍狽等細裘悉行禁止不准服用轉令大臣官員得以賤價購而服之是乃富室獲其利也其兵丁等概令更換則布匹等物一時價值騰貴反致貧乏兵丁難以爲生有何益哉爾等見有服用僭越之人誠飭約束曉諭而訓導之以爲伊等生計漸至醒悟數年之後自然悛改一遵儉樸矣不必過於煩細以致紛擾○戊子召羅密來京以德明署直隸布政使由戶部○己丑吏部議覆刑部左侍郎黃炳疏參原任川陝總督年羹堯係封疆大吏於南坪築城一案委用知州邊鴻烈等恣行擾累激變番民又不據實參奏明係年羹堯敗壞生事隱匿徇庇應將所有一等精奇尼哈番降爲一等阿思哈尼哈番從之○庚寅 上御經筵○以李紱爲直隸總督鄂爾泰爲廣西巡撫由江蘇布○辛卯吏部議覆西安巡撫石文焯疏原任川陝總督年羹堯參革四川夔州守程如絲私賣鹽斤貪殘凶暴一案俱屬虛事明係年羹堯捏詞妄參應將所有一等阿思哈尼哈番降爲一等阿達哈哈番從之○壬辰

東華錄 雍正七年

易邁已屆三載禮制有定而朕心無窮此一領素服朕衣之三年今日更換不勝悽愴之至朕之一念豈但三年固結於中卽終身之久亦斷不能忘也○丁亥諭刑部嗣後直隸各省秋審情實緩決可矜人犯各該督撫仍照常具題外該部進呈黃冊時著將情實緩決可矜三項分別彙歸各項仍照省分遠近為序從雲南省起刊刻刷印進呈○八旗都統等將服色等事各按等秩定制具奏 上召入諭曰覽奏欲將官員軍民服用一概加以禁約朕試問諸臣照此定制以申禁約能管束令其必改乎斷不能也法令者必其能禁而後禁之明知法不能勝而禁止之則法必不行從前屢禁而不能豈可復禁乎且照此奏各按等秩將段匹及貂鼠槍狽等細裘悉行禁止不准服用轉令大臣官員得以賤價購而服之是乃富室獲其利也其兵丁等概令更換則布匹等物一時價值騰貴反致貧乏兵丁難以爲生有何益哉爾等見有服用僭越之人誠飭約束曉諭而訓導之以爲伊等生計漸至醒悟數年之後自然悛改一遵儉樸矣不必過於煩細以致紛擾○戊子召羅密來京以德明署直隸布政使由戶部○己丑吏部議覆刑部左侍郎黃炳疏參原任川陝總督年羹堯係封疆大吏於南坪築城一案委用知州邊鴻烈等恣行擾累激變番民又不據實參奏明係年羹堯敗壞生事隱匿徇庇應將所有一等精奇尼哈番降爲一等阿思哈尼哈番從之○庚寅 上御經筵○以李紱爲直隸總督鄂爾泰爲廣西巡撫由江蘇布○辛卯吏部議覆西安巡撫石文焯疏原任川陝總督年羹堯參革四川夔州守程如絲私賣鹽斤貪殘凶暴一案俱屬虛事明係年羹堯捏詞妄參應將所有一等阿思哈尼哈番降爲一等阿達哈哈番從之○壬辰



上幸圓明園駐蹕○諭宗人府怡親王果郡王實心爲國凡朕所  
交之事盡心竭力辦理操守亦甚清廉隨朕行走之處甚多所費  
甚繁著加怡親王俸銀一萬兩果郡王著照親王給與俸銀俸米  
護衛亦照親王府員額著順承郡王班居果郡王下○諭吏部兵  
部朕在圓明園與在宮中無異凡應辦之事照常辦理爾等應奏  
者不可遲誤若無應奏事件在衙門辦事不必到此其理事之日  
爾等於春末秋初可趁早涼而來秋末春初天時寒冷於日出之  
前起行不但爾等不受寒暑即隨從人夫亦不至勞苦矣

九月乙未朔戶部議覆陝西巡撫圖理琛疏陝省西安延安兩府  
管理州縣地廣事繁請將商州同州華州乾州邠州耀州鄜州葭  
州綏德州俱改爲直隸州其西安府屬之鎮安雒南山陽商南四  
縣分隸商州朝邑郃陽澄城韓城四縣分隸同州華陰蒲城二縣  
東華錄 雍正七年

分隸華州武功永壽二縣分隸乾州三水涇化長武三縣分隸邠  
州同官白水二縣分隸耀州延安府屬之雒川中部宜君三縣分  
隸鄜州吳堡神木府谷三縣分隸葭州米脂清澗二縣分隸綏德  
州應如所請從之○丙申允岳鍾琪來京陛見以圖理琛署川陝  
總督由陝西○丁酉諭大學士等前因天津倉廩潮溼不能收貯  
米石故停止截留今據蔡珽奏稱天津倉廩雖不能貯米可分發  
各州縣以備賑濟請仍截留二十萬石等語著戶部速派賢能滿  
漢司官各一員前往天津會同倉場總督托時將河南小米截留  
二十萬石一面行文蔡珽令其酌量應貯米之州縣撥派官員於  
天津地方領運收貯備賑前李維鈞奏請賑濟一月朕思賑濟原  
不可拘定期著加賑三箇月務令小民得所見今遺增壽等前  
往奉天採買米石運至天津即可行文伊等於米石之外採買高

梁或十萬石或七八萬石一併運至天津於賑濟大有裨益爾等  
即遵諭行○諭戶部朕體恤臣工時深軫念每思經理區畫以贍  
其俯仰之資查舊例在京大小漢官每年俸米俱支給十二石蓋  
因向日漢官攜帶家口者少食指無多故給米十二石即可粗足  
今見漢官帶家口者多若俸米仍照舊數則日用或有不敷難免  
內顧之慮嗣後在京大小漢官著按俸銀數目給與俸米俾祿糈  
所領足供養贍以示朕加惠羣臣之至意○戊戌張道緣事革職  
以鍾保爲甘肅按察使由刑部○壬寅順天府府尹張令瑣疏藉  
田嘉禾一莖九穗實屬盛世奇瑞閩府紳士耆庶公籲撰文立碑  
昭示奕禩得旨藉田嘉穀雖有九穗之瑞但今歲畿輔地方被水  
小民乏食朕方修省之暇所請撰文勒石不必行○甲辰大學  
士高其位以衰老不勝機務具疏懇辭溫旨諭畱之○加川陝總  
督岳鍾琪兵部尚書銜○召陳世倌來京陛見以布蘭泰著山東  
巡撫由布政○乙巳吏部等衙門議覆川陝總督岳鍾琪條奏各  
省土司承襲例取宗圖冊結鄰封甘結由該管地方文武官以次  
申呈督撫具題乃地方官往往藉此居奇將其印信封固勒索陋  
規不爲請襲甚有數年不能用印管事者遂致部族番目專權生  
事互相爭奪釀成警殺最爲隱害請定立嚴限以除地方官畱難  
勒指之弊應如所請凡土官病故該督撫於題報之時即查明應  
襲之人取具宗圖冊結鄰封甘結併原領號紙定限六箇月內具  
題承襲其未經具題之先即令應襲之人照署事官例用印管事  
地方官不得將印信封固致滋事端再查土司之許其承襲者原  
因其祖父向化歸誠著有勞績之故今伊嫡長子孫雖得承襲本  
職此外支庶更無他途可以進身亦屬可憫嗣後各處土司文武



官員嫡長子孫仍令其照例承襲本職其支庶子弟中有馴謹能辦事者俱許本土官詳報督撫具題請旨酌量給與職銜令其分管地方事務其所授職銜視本土司各降二等一體頒給敕印號紙其所分管地方視本土官多則三分之一少則五分之一庶幾本末各有條理使勢足相維則情更相安矣從之○己酉諭內閣從前年羹堯查拏陝西邵陽縣私鹽用兵一案初據年羹堯奏稱並未傷損一人及朕畱心訪察知有傷損居民之事續據黃焜寄與范時捷稟帖亦止稱傷損數十人朕再加訪問知所傷之人甚多因傳諭審事侍郎史貽直高其佩令其用心查訪勿以黃焜從前用威恐嚇小民不敢申訴實情今據史貽直高其佩奏稱遵旨查訪實在因年羹堯用兵致死無辜男婦老幼共七百八十六名口連前報出之十九名共傷損八百零五名口俱取有該縣冊結

東華錄

雍正七

五

鑿鑿可據又奏稱年羹堯因查拏鹽梟曹猪頭而該縣將良善之馮猪頭頂名解送年羹堯並不覆審即將馮猪頭正法等語朕以愛養百姓為心惟恐一夫不獲其所乃年羹堯負朕委任之恩逞其兇暴之性草菅民命毒害無辜以致多人受其慘酷皆由朕任用匪人之故深自愧憾實無以謝邵陽之紳衿黎庶邵陽地方既被騷擾著該督撫等加意撫綏其被害之家雖經欽差官員賞給銀兩著該督撫等再行優恤雍正四年邵陽縣應徵錢糧盡予豁免該督撫等可徧行曉諭合邑紳衿黎庶伊等遭年羹堯之殘害幸朕畱心察訪研究實情使伊等沈寃得伸今特沛恩膏以示軫恤務令僻壤荒村咸知朕意○諭宗人府普照之子恆再見在承襲公爵其家原不應有二公向因普照在軍前效力尚屬勤謹且年羹堯之妻係普照兄女朕因年羹堯青海之功又念普照原係

承襲公爵之人是以特授為輔國公今年羹堯如此背負朕恩其普照之公爵著不必承襲○庚戌裁會考府衙門其從前任事大臣隆科多朱軾白潢盧詢等議敘有差○甲寅命吏部尚書朱軾為文華殿大學士仍管吏部尚書事調兵部尚書蔡瑛為吏部尚書仍管兵部尚書左都御史事○丙辰諭大學士等凡事皆要持平一有所偏則輕重顛倒為累非淺况用刑豈可或偏乎爾等稱朕寬大詳審朕看來詳審尤為緊要蓋能詳審而得其平則所施一當於理並無寬大之足名矣此即用中之道也且偶然錯誤人所時有語云人非聖賢孰能無過人能自見其過庶可馴至無過如自謂無過則過必更多矣即如爾等歸美朕躬朕不敢自謂已能也全賴爾等匡弼設使朕有過失爾等果能直陳無隱朕且欣然納受雖詞色之間必無幾微相拒之處爾等不可不知也○予

東華錄

雍正七

六

先賢顯孫師後裔世襲五經博士○吏部議覆川陝總督岳鍾琪疏參原任川陝總督年羹堯將甘州巴爾庫爾等處官員應行奏請錢糧之事誑稱此非交代事件並不交代明白應將年羹堯所有一等阿達哈哈番降為拜他拉布勒哈番得旨年羹堯所有職銜俱著革去○丁巳諭大學士等朕體恤臣工凡官員辦事著有勞績者無論大小俱敕部議敘其有過誤致干吏議者亦照例處分夫一人之身有功有過一官之級有降有加舊例官員降級畱任停其升轉必三年無過方准開復降級後雖有恩詔加級不准抵銷殊非以功補過開人自新之義嗣後降級畱任官員遇有恩詔及議敘加級者俱准以加一級抵銷降一級庶使人皆奮勵勉圖後效亦鼓舞吏治之一道也至於降級後捐納加級者不得抵銷前案○諭古者視歲之上中為儲蓄之節蓋為民經畫久遠不



爲一時苟且之計積之於豐年用之於歉歲所謂有備無患法良而意美也朕自臨御以來宵旰勤求無刻不以民依爲念乃重農積粟之詔屢下而閭閻卒少蓋藏官倉亦多虧缺卽如直隸保定等府去歲頗稱有秋今春二麥亦熟乃以夏秋雨水過多田禾被澇而民間遂有饑色若非多方賑恤窮民必致失所此皆草野無知食不以時用不以禮但快目前之有餘罔計異日之不足一朝旱澇追悔無從至於常平義倉原爲備荒而設乃有司奉行不力多至缺額罪何可追茲據江南浙江江西湖廣福建河南山西陝西廣東廣西雲南貴州等省督撫報稱今歲秋成八九十分不等朕覽奏不勝慰悅又重爲吾民計及長久宜乘此時儲蓄之道以備將來該督撫等可轉飭有司徧行曉諭務須節愛惜各畱餘地預爲他時緩急之需社倉之法亦宜趁此豐年努力行之勿

東華錄

雍正七

七

但視爲虛文故事朕爲吾民籌畫養贍之道惓惓於懷無時或釋而吾民自謀其身家若但苟且因循不復長顧遠慮則重負朕軫念元元之意矣至於州縣倉儲向有虧缺者若不趁此豐收之時速行買補將來發覺斷不姑貸慎之○己未裁陝西郃陽縣新設參將守備各一千總二把總四兵八百名○庚申諭內閣朕前曾降諭旨凡來圓明園奏事之大臣官員等不必太早今見大臣等務皆早到如在南城居住人員必得五鼓前來其年老有疾之人必受寒冷爾等效力惟在實心辦事似此奔走並無關繫若侍衛及職司看守人等則不得不然蓋以伊等之專職也爾等若不盡心於職分雖經年如此奔走何益之有嗣後爾等咸知朕旨毋得有違雖稍遲誤或一二人不到亦無妨礙並不至有誤事之處也○刑部等衙門議覆吏部左侍郎史貽直刑部右侍郎高其佩奏

東華錄 雍正七

臣等審理年羹堯誣罰茶商私占鹽窩二案緣商人王欽菴第自義等十一人自湖廣買茶屯貯陝西平陸等處咸甯知縣嚴士俊私稟年羹堯遣人隔省提拏誣以私販勒派贖罪銀一萬四千兩復將曲沃縣富戶高科等十人姓名陷入案內勒派幫助銀七萬六千八百兩嚴士俊及曲沃知縣魏士瑛等共得銀九千二百四十兩又年羹堯管理鹽務時革退舊商將伊子年富年斌偽編商人富斌等名色私占山西潞安澤州等鹽窩十七處自出本銀行鹽別令心腹人等偽編商名私占陝西咸甯等十八處鹽窩代已行鹽前後得利銀十七萬二千二百兩又聽信嚴士俊之言私行印票一萬二千張每票抵作十引共增鹽引十二萬張止以十萬具奏其二萬張課銀盡入私囊請將年羹堯革職拏問年富年斌革職嚴士俊魏士瑛等俱擬絞監候秋後處決年羹堯等所得銀

東華錄

雍正七

六

兩照例行追分別入官給主其行鹽本利銀兩應於年羹堯名下嚴追一併入官查年羹堯所有職銜已於別案俱行革去應俟各省將軍督撫提鎮議奏到齊之日提拏到京審擬正法一等精奇尼哈番年斌應革職年富已於別案拏問應從重歸結餘並應如所請從之○辛酉琉球國中山王尙敬遣使貢方物○甲子欽定律例告成○升直隸河間府所屬天津州爲直隸州管轄武清青縣靜海三縣  
冬十月戊辰諭內閣外省官員督參撫審撫參督審此係向來定例但朕思督撫果係同城駐紮或相距不遠則舊例甚屬合理若隔處遠隔該犯與干連人等不無往返拖累且案件亦易至耽延卽如山東河南山西俱無總督但有巡撫凡題參事件應如何得就近審理使案件易於歸結情罪皆得公平著九卿議奏等議嗣



後總督所參之員仍照例令各該撫審理其福建湖北陝西雲南等省巡撫與總督同城江甯安徽廣東等省督撫雖不同城兩江總督駐紮江甯府為江甯安徽適中之地兩廣總督駐紮肇慶府與廣東巡撫駐紮之所相去不遠亦皆應照舊例撫參督審外其湖南雖屬湖廣相隔洞庭一湖甘肅雖屬陝西相去千有餘里以及浙江江西四川廣西貴州等省均屬隔省巡撫所參之員應即令該撫就近審結該布按兩司審轉時即備詳總督稽覈仍令巡撫將案移會總督合詞具題從之○調高其倬為閩浙總督以伊都立為雲貴總督布蘭泰為山西巡撫張保為山東布政使河南按察使○以李衛為浙江巡撫調常德壽為雲南布政使江西按察使○以積善為江西按察使刑部○已刑部議覆川陝總督岳鍾琪疏參年羹堯幕賓趙士河將故弟趙勳軍前效力知縣職銜令東華錄 雍正七年

劉以堂頂替年羹堯掩護欺罔不行實奏應將年羹堯鎖拏來京按律正法得旨此案顯係年羹堯通同作弊明知故為之事朕令其明白回奏並不具實陳首復立意欺罔伴為不知巧飾奏聞朕已遣人將年羹堯提拏來京俟其來日嚴究質審○庚午 上御太和殿補行慶賀冊立 皇后禮○調綽爾岱為刑部左侍郎馬進泰為工部右侍郎以武格為盛京刑部侍郎刑部○辛未句決山西省情實人犯 上諭大學士等用刑貴於平恕惟平惟恕斯寬非濫而嚴非枉但平恕二字必詳慎精密得其至情方能無誤若止照舊例斷決則一巡撫衙門老吏能之何待朕與爾等大

臣悉心商酌爾等須竭力贊襄有言必盡毋畏母隱○壬申諭刑部圖殺人本應抵償其奏准存留養親追給埋葬銀兩此法外之仁也既免其抵償則埋葬銀兩自應照數追給以恤死者之家若

止存給付之名而無領受之實是不但於情理未協而於法律亦未為允當嗣後一應追給埋葬銀兩之案務必交與該地方官實

在照數追給然後將該犯釋放報部存案若不行照數給付者必將該犯仍行監追儻並未追給而捏稱付給即將該犯釋放者告發之日將該管地方官一併從重議處○癸酉 玉牒成○諭西洋教化王伯納地哆日覽王奏並進貢方物具見惻誠我 聖祖仁皇帝怙冒萬方無遠弗届 龍馭升遐中外臣民悲思永慕朕繼承大統勉思紹述 前徵教化王地處極遠特遣使臣齋章陳奏感 先帝之垂恩祝朕躬之衍慶周詳懇至詞意虔恭披閱之餘朕心嘉慰使臣遠來朕已加禮優待至於西洋寓居中國之人朕以萬物一體為懷時時教以謹飭安靜果能慎守法度行止無愆朕自推愛撫卹茲因使臣歸國特頒斯教並賜綵段錦段大段

東華錄 雍正七年

六十四次段四十四王其領受悉朕惓惓之意○甲戌浙閩總督覺羅滿保卒遺疏聞得旨滿保向來居官雖無廉介之稱然才幹優長盡心辦事整飭營伍經理海疆實為稱職昔年臺灣一事雖不得消弭於未然而能於七日之內即行克復功過足以相抵朕即位以來時加教誨滿保亦知奮勵矢志廉潔及至抱病沈篤之際尚能留心地方將黃國材留閩以待新任巡撫並將總督印務交與將軍宜兆熊此等料理之處俱屬得體今聞溘逝朕心深為軫惻應得卹典著察例具奏大凡督撫離任封疆重務必須接受分明如廣東巡撫楊文乾聞計即便起程將巡撫印務交與總督孔毓珣孔毓珣交與李杓李杓復送還孔毓珣彼此互相推諉殊非體統嗣後督撫丁憂者不得遽行送印其任內文卷擇司道一人代行聽候諭旨方行離任庶不至貽誤公事○乙亥工部議覆



河道總督齊蘇勒奏治河物料全責董柳請酌定附近管河文武員弁裁種董柳議敘其效力各官及民人等亦分別議敘至河兵補裁額向無議處之條今亦請嚴定專汛各官處分自雍正四年為始著為定例應如所請從之○丙子封簡親王雅爾江阿子永謙為鎮國公恆親王允祺子弘旺順承郡王錫保子熙夏俱為輔國公○己卯朱絳因病解任以常賚為廣東布政使由戶部○丁亥黃焜緣事革職以費金吾為河南布政使許容署陝西按察使由禮部○彭振翼緣事革職以鍾保為甘肅布政使李元英為甘肅按察使由陝西○庚寅以王朝恩為內閣學士調布爾察為湖南巡撫改伊都立為山西總督管巡撫事以楊名時為雲貴總督仍管巡撫事鄂爾泰為雲南巡撫兼管雲貴總督事以汪漑為廣西巡撫由內閣○辛卯署川陝總督圖理琛疏參四川巡撫東華錄  
雍正七年  
王景灝前在西甯地方經手辦理軍需於年羹堯冒銷軍需銀兩之處朦朧具奏請將王景灝解任質審得旨王景灝從前依附年羹堯相助為惡凡年羹堯種種貪暴劣蹟王景灝事事阿附朕知之甚悉以年羹堯之勢力王景灝不能抗拒固屬不職然當此之際亦有出於不得已之處朕念王景灝年力方壯才亦可用姑從寬免其解任予以自新年羹堯任內凡係王景灝經手之項著逐一據實開明造冊移送陝西督撫以憑確覈毋得絲毫蒙混隱漏伊若能痛懲前非洗心改過朕自照舊任用儻仍復瞻徇私黨不實心為國出力必嚴加治罪○實授謝昺湖南按察使○壬辰添設稽察盛京御史一員清查五部及將軍衙門事件每年派換○癸巳命提鎮廕生願改武職者候考試簡用○是月免廣東海康遂溪二縣雍正二年水災額賦有差

東華錄 雍正七

十一月乙未朔諭大學士等今年直隸州縣被水小民乏食朕軫念殷切除截留漕米發給常平倉穀外又將通倉米六成以上者著托時陳守創親交余甸乘起後運赴天津分散賑糶今朕訪得所發之米朽爛不堪其高者不過三四成低者全屬灰土朕軫恤災黎宵旰憂勞無時或釋乃托時等全不仰體朕心將此無用之米運給有名無實小民何所資藉此已運成色米十萬石著賞給各處窮民再另發六成以上米十萬石令托時陳守創余甸乘起後運往天津再今歲秋季所發官俸兵糧米色俱不好嗣後若再如此必從重治罪康熙五十五年曾發通倉米五萬石分貯各州縣備用歷年已久聞俱陳腐甚為有司之累著從寬豁免○浦文焯緣事革職以張廷棟為直隸按察使由禮部○議政王大臣等議覆川陝總督岳鍾琪奏打箭鎭界外之裏塘巴塘乍了又木多雲南之中甸又木多之外羅隆宗察哇坐爾剛柔噶吹宗袞卓爾部落雖非達賴喇嘛所管地方但羅隆宗離打箭鎭甚遠若歸併內地難以遙制應將原係內地土司所屬之中甸裏塘巴塘再沿近之得爾格時瓦舒霍爾地方俱歸內地擇其頭目給與土司官銜令其管轄其羅隆宗等部落請賞給達賴喇嘛管理特遣大臣前往西藏將賞給各部落之處曉諭達賴喇嘛知悉再康濟爾阿爾布巴既封為貝子管理西藏事務請令康濟爾總理阿爾布巴協理頒給敕諭曉諭唐古特人等盡令遵奉二人約束庶免擾亂之患至從前年羹堯奏請噶達地方設立總兵官駐紮今若將羅隆宗等處賞給達賴喇嘛則噶達地方設立總兵官之處請行停止俱應如所請得旨畫定內地疆界給與達賴喇嘛地方曉諭番人之事著遣副都統宗室鄂齊學士班第扎薩克大喇嘛格勒

一三五



克綽爾濟前往會同提督周瑛詳細辦理○丙申諭諸王大臣等  
 內府佐領內管領等從前康熙三十年閒所用錢糧不過三十餘  
 萬兩今增至七十餘萬兩朕思以國家徵輸之額賦而養此並非  
 正項兵丁無用人口且逐年增添無所底止甚非經久之策是以  
 屢詢廷臣商酌變通之法據廉親王奏稱旗下披甲人每一佐領  
 止二十四名內府佐領亦應照此辦理朕云內府佐領下人等甚  
 多若照八旗裁減恐不可行廉親王奏稱臣屬之圖巴海佐領俱  
 係六七十人始得一披甲錢糧照此辦理無不可行朕因將此事交  
 與莊親王及常明來保同廉親王確議乃廉親王議將內府佐領  
 下增甲九十餘副廉親王在朕前奏請裁減內府佐領之甲及至  
 議奏反議增添誠不知其何心若果前奏難行亦當陳明從前所  
 奏之誤何以面奏可裁而又議加增陰邪叵測莫此為甚伊從前  
 東華錄 雍正七年

種種姦謀欺騙諸臣在廷共識其姦伊計無所施又借此搖惑此  
 等卑下之人欲以擾亂政事且邀結人心沽取名譽而加朕以不  
 美之名朕念內府佐領披甲之人多係殷富官員之家人即如來  
 保常明家人披甲者甚多且內管領人等即幼穉亦有錢糧其披  
 甲錢糧乃分外多得之項將此裁去未嘗不可因酌量定額每佐  
 領准其畱甲五十副裁其家下披甲內之多者且目前亦不即行  
 裁減俟其缺出扣除不補乃來保常明自顧其私將不甚緊急事  
 件連夜通傳守夜步軍不能禁止以致內府佐領無賴之人齊集  
 廉親王府門妄行嚷鬧彼時廉親王來奏此事適本日朕將廉親  
 王之舅家撥給廉親王朕意謂其必因撥給之事來奏未曾召入  
 諭令於諸王大臣奏事之日同奏而廉親王並未聲明內府佐領  
 人等嚷鬧情由即行退去次日莊親王內務府大臣奏稱內府佐

領下人等至廉親王處嚷鬧朕降旨云親王之邸何得擅入嚷鬧  
 且母妃在內豈可驚擾爾等速行逐散如不散即行鎖拏若不能  
 鎖拏即將莊親王革去王爵來保常明正法伊等遵旨前去乃是  
 日並未至廉親王處嚷鬧朕往旃檀寺瞻禮問及提督阿齊圖奏  
 稱三十日至廉親王處嚷鬧次日至李延禧家嚷鬧且搶去物件  
 派出官兵拏獲數人等語朕始聞知而內務府大臣並未向朕奏  
 明後莊親王與常明來保等拏獲數人審訊奏稱據供嚷鬧李延  
 禧家係廉親王所使廉親王亦直認不辯朕意若果係廉親王所  
 使廉親王必不肯認今既承認必非廉親王所使朕素深知廉親  
 王奸詐因令阿齊圖研審各犯果供並非廉親王所使及再問廉  
 親王乃云此等無知小人我原替他應承來廉親王陰致人於死  
 地而又於此等處代為應承冀人感激其居心之卑鄙尚可問耶  
 東華錄 雍正七年

况內府佐領下人數百名前往嚷鬧此等不法之事伊視為淡然  
 不行入告置之而去豈非欲加朕以不美之名耶此案搶奪李延  
 禧之家固屬不法至於親王府邸擅入嚷鬧尤為大干法紀此俱  
 係莊親王來保常明等始則孟浪通傳致起事端繼又不行據實  
 奏聞所致莊親王著罰親王俸三年常明來保俱著革去內務府  
 總管來保著枷號三箇月鞭一百廉親王審定為首嚷鬧之五人  
 著廉親王查明具奏交與岑倫額騰吉同刑部侍郎二人監看正  
 法其餘為從四十餘人著交與刑部定擬斬絞監候秋後處決至  
 王邸自有守門官員兵丁此等之人何由得入著將伊等交與今  
 日面奉諭旨之王大臣會同察議具奏近日廉親王乘醉將伊門  
 下之護軍酷打致斃隱匿不行奏聞恐死者之家申訴遣太監等  
 屬令寢息今日朕當諸臣之前面問廉親王初猶枝梧反覆窮詰



始俯首無詞廉親王外市慈厚之虛名而內忍行慘酷斃人之實  
專惟工於矯飾而欲蓋彌彰著交領侍衛內大臣與宗人府會審  
具奏○丁酉諭內閣來保原在辛者庫朕即位後拔入佐領下授  
為內務府總管理應凡事加謹效力乃並無一事輸誠陳奏一味  
苟且因循沽名釣譽甚屬不堪今姑從寬免其枷責伊兄見在  
跟隨誠親王著同伊兄一處行走效力毋得推諉遲延○甘國奎  
緣事革職調董永艾為浙江按察使以徐湛恩為山東按察使仍  
管充甯道事○戊戌諭內大臣等朕曾降旨著廉親王永禛察奏  
為首曠鬧之五人即行正法今據廉親王允禩將為首五人姓名  
具奏此內有自首一人又有一人堅供抱病未去而廉親王永禛  
據廚子認識遂入於五人之內可見廉親王所審甚不足憑人命  
關繫重大豈可草率定案廉親王永禛生出事端擾亂政事若此  
東華錄 雍正七 五

等曠鬧妄為之人不行處治則國法何在若即據廉親王永禛所  
審正法則其中不無冤抑此事原不必急迫可將案內眾犯交與  
刑部監禁著內大臣大學士議政大臣九卿等公同詳確會議○  
己亥宗人府遵旨議奏允禩心懷姦惡其悖逆結黨之罪屢蒙  
皇上寬免超授親王畀以重任理應感恩悔過乃從前既欲裁減  
包衣披甲額數及交伊辦理忽背前議奏請增添激令內務府人  
等曠鬧明係市恩惑眾毫無畏懼姦惡已極相應革退和碩親王  
撤出屬下佐領以示懲儆得旨允禩革退和碩親王並撤出屬下  
佐領之處俱從寬免○壬寅 上以 聖祖仁皇帝三週又恭值  
孝莊文皇后安奉地宮之期恭詣 山陵是日啓鑿○甲辰予  
故太子太傅湖廣總督楊宗仁祭葬加祭一次諡清端贈少保給  
拜他喇布勒哈番世職○丙午 上謁 昭西陵 孝陵 孝東

陵 景陵○丁未 上謁 景陵旋詣 昭西陵行安奉 地宮  
告祭禮回鑾○戊申 上還京師○己酉諭禮部貴妃年氏秉性  
柔嘉持躬淑慎朕在藩邸時事朕克盡敬慎在皇后前小心恭謹  
馭下寬厚和平 皇考嘉其端莊貴重封為親王側妃朕即位後  
貴妃於 皇考 皇妣大事悉皆盡心力疾盡禮實能贊襄內政  
妃素病弱三年以來朕辦理機務宵旰不遑未及留心商榷診治  
凡方藥之事悉付醫家以致耽延日久目今漸次沉重朕心深為  
軫念貴妃著封為皇貴妃備事一切禮儀俱照皇貴妃行○乙  
卯九卿遵旨議覆設立各省巡察官並該員出差事宜及地方官  
盜案處分十一條一出差官職司巡察應令禮部鑄給關防以重  
職掌一各州縣盜案於巡察官處一體通報以憑稽察一巡察官  
令其所歷地方密訪盜賊窩藏之處會同地方文武官弁協力捕  
東華錄 雍正七 五

緝以清盜源一衝途驛站有差使肆行騷擾者詳報巡察官據實  
題參一道路煙墩應令巡察官加意查察倘有防守疏懈者題參  
議處一巡察官務於一年內徧歷通省各府悉行訪察一年之內  
克稱厥職從優議敘倘遇有盜案通同隱匿或在地方生事滋擾  
者該監督查參議處一承緝盜案初限不獲降一級無級可降之  
官革職俱畱任仍照舊例遵行外至再限不獲例應調用革職者  
今議再畱任一年如一年內能獲盜過半照例開復如再不獲始  
照例調用革職其承緝官將一案盜犯全獲者每案紀錄二次一  
請寬承緝盜首之處分嗣後限內獲盜過半並獲盜首者免其參  
處限內獲夥盜過半而盜首未獲者罰俸一年再限不獲盜首者  
罰俸二年三限不獲盜首者降一級畱任一凡事主報盜如有地  
方官借端嚇阻者嚴實照參照諱盜例革職其有失察書役需索



及拖案事主者一併題參從重議處若事主有以竊報強挾制官  
府妄行控告者查明治罪一地方官遇有盜案一面申報上司即  
一面關會鄰境州縣營汛等官徧處查察一月內擊獲鄰境案內  
盜首者加一級再紀錄一次擊獲夥盜者每一名紀錄一次擊獲  
之兵役令原失事之地方官給銀二十兩一月後擊獲者紀錄三  
次擊獲過半者紀錄二次一捕盜廳官於所屬州縣官如有諱盜  
不報及以強為竊察出揭報者免議失察者罰俸一年徧隱不報  
者革職如所轄地方緝擊盜犯三月內全獲一夥者准其紀錄一  
次得旨依議閩浙二省不必派官前往江甯安徽二處共派一員  
湖南湖北二處共派一員山東河南二處各派一員著大學士九  
卿等於小京堂及科道各部郎中內揀選引見至所議請寬承緝  
盜首之處分一條甚是著照所議行○丙辰 皇貴妃年氏薨輟  
東華錄 雍正七年

朝五日○辛酉諭內閣天津衛設立水師前令戶部兵部工部會  
議遲延數月迫朕查問始行覆奏明係工部耽誤其逾限之處科  
道為何不行查參著大學士等將耽延之故查奏從前朕屢降諭  
旨期諸臣洗滌怠緩之習訓誡再三仍未悛改殊不能體朕勵精  
圖治之意凡速議事件與平常事件朕素已定有定期嗣後務遵  
定限議覆歸結備事件之內有行查他處咨提人犯不能依限歸  
結者可於限滿之日將情由聲明交送內閣奏聞如並無別項情  
由而逾限不結科道即行查參備科道不行查參著內閣都察院  
一併參奏尋大學士等覆奏遵旨詢問科道等員據供奉旨交議  
及摺奏事件俱不知會科道衙門無憑稽查嗣後請令於到部之  
日即行知會內閣及都察院如限內不能結案將緣由聲明若無  
緣由逾限不完科道不行查參察出一併議處從之○改直隸原

防滑縣潛縣之把總二兵七十九名歸河南衛輝營參將轄原防  
內黃縣之把總一兵四十一名歸磁州營都司轄○裁直省首領  
佐貳等缺直隸倉大使一江南府照磨四檢校一都司經歷一縣  
丞一巡檢四驛丞四江西布政使司檢校一按察使司照磨一府  
知事三照磨一倉大使一縣丞一巡檢三驛丞十三浙江縣丞一  
巡檢二驛丞一福建府照磨五檢校一稅課大使一湖北府知事  
二照磨一倉大使一州同一湖南巡檢二山東布政使司理問一  
巡檢一河南稅課大使一山西布政使司理問一按察使司知事  
一州同三州判三衛經歷二府司獄四稅課大使二倉大使四縣  
丞十八巡檢一驛丞三改設河曲縣巡檢一陝西稅課大使二舊  
大使一都司一都司經歷一斷事一廣東巡檢一驛丞三河泊所  
官一廣西巡檢二驛丞三雲南通判三州判一鹽課大使一改設  
東華錄 雍正七年

十二月甲子朔以署兵部尚書法海為左都御史兼管兵部尚書  
事○定內閣侍讀學士翰林講讀學士為從四品翰林侍讀侍講  
為從五品○乙丑解王昇瀨任調法教為四川巡撫以湖廣總督  
李成龍兼管湖北巡撫事○直省督撫提鎮等陸續疏參年羹堯  
欺罔貪殘大逆不道請正典刑下部知之○丁卯宗人府參奏  
郡王允禩前廣軍任乃違背 聖祖仁皇帝訓示任意妄為  
苦累兵丁侵擾地方軍需帑銀徇情糜費請將允禩革退郡王降  
為鎮國公得旨允禩革去多羅郡王降為固山貝子○戊辰召朱  
作鼎來京以段如惠為安徽按察使由河東鹽運使○移直隸保定府



通判駐通州○己巳和碩怡親王等遵旨議覆天津之海口為京師重鎮滿洲兵丁令往天津駐紮學習水師於海防大有裨益其撥派兵丁二千名之處已經奉有諭旨官兵駐紮地方亦奉旨派出大臣前往相度毋庸再議此外所派兵丁令入旗滿洲蒙古都統等於各該旗餘丁內挑選每滿洲旗分各派二百名設立三佐領蒙古旗分每旗挑選五十名設立一佐領立為左右兩營兵丁習練火器為鳥槍手並設副都統一員令其總管滿洲旗分應補佐領防禦騎校各三員每翼補協領各二員蒙古旗分應補佐領防禦騎校各一員每翼補協領各一員再駐防滿洲兵丁應補理事同知一員筆帖式一員其船隻製造大趕船十六隻小趕船十六隻酌量分配官兵分為兩班操演其趕船各隨小船一隻應令造杉板船三十二隻雇募船頭舵水手令兵丁學東華錄  
○雍正七  
習熟練從之○庚午以阿克敦兼理兵部侍郎翰林掌院學士海壽署刑部侍郎由給事中○癸酉奉安 孝莊文皇后梓宮於 昭西陵○甲戌議政大臣刑部等衙門題奏年羹堯反逆不道欺罔貪殘罪迹昭彰彈章交至案牘等邱山之積罪惡踰谿壑之深臣等謹將其罪案列款陳之其大逆之罪五一年羹堯與靜一道人郝魯等謀為不軌一將 殊批諭旨輒敢做寫進呈一見汪景祺西征隨筆不行參奏一家藏索子甲又私行多貯鉛子皆軍需禁物一偽造圖讖妖言其欺罔之罪九一邵陽用兵致死無辜良民八百餘口奉旨查問始奏並未傷損一人後又止奏出六人一縱容私人邊鴻烈等恣行騷擾激變番民不即參奏一捏奏都統武格等鎮海堡失律一西安起身私屬咸甯令朱炯買人保畱一通同趙士河作弊將劉以堂假冒趙勳名字赴武功縣任巧飾具奏一將幕

黃張泰基父子趙士河之弟趙祺及伊兄年法堯並高之傅等共十八案冒入軍功一家人魏之耀家產數十萬金年羹堯妄奏毫無受賄一西甯效力者實止六十二員冊報一百九員一將退役王治奇名字冒入軍功令他人頂替選授廣德州州判其僭越之罪十六一出門黃土填道官員穿補服淨街一驗看武官用綠頭牌引見一會府 龍牌前設床正坐一用驚黃小刀荷包擅穿四衩衣服一衣服俱用黃包袱一官員餽送俱云恭進一伊子穿四圍補服一凡與屬員物件令北向叩頭謝恩一總督李維鈞巡撫范時捷跪道迎接受之不辭一令扎薩克郡王額駙阿寶下跪一行文督撫書官書名一進京陛見沿途墊道坐轎鋪面俱令關閉一坐落公館牆壁俱彩畫四爪龍一轅門鼓廳畫四爪龍吹手穿段蟒袍一私造大將軍箭筒又將頒發大將軍箭筒燒毀一賞賜東華錄  
○雍正七  
動至千萬提督叩頭謝恩其狂悖之罪十三一兩次恩詔到陝並不宣讀亦不張挂一奏摺在內房啓發並不穿朝服大堂拜送一同城巡撫不許放礮一勒娶蒙古貝勒七信之女為妾一以侍衛擺對前引後隨又令墜燈一大將軍印不肯交出一妄稱大將軍所行之事俱循照俗例而行一縱容家人魏之耀等穿朝服補服與司道提鎮同坐一在儀徵地方違旨逗遛一勒令川北總兵王永吉告老一與行止妄亂之沈竹戴鐸結黨懷欺煽惑眾聽一袒庇私人馬德仁阻回石文焯參本一將本內朝乾夕惕故寫夕惕朝乾其專擅之罪六一邵陽縣建築城堡不行題請擅發銀兩一將侍衛李俊等題請委署守備奉旨不准題補又不即行調回一擅用私票一萬二千張作引十二萬道行鹽一奉 旨停捐雍正二年俸工仍令照舊公捐一挈獲私鹽李乾勝擅令銷案一面屬



董玉祥將患病守備何天寵不令照例填注軍政局李維鈞勒令陸篆接受王允猷虧空其貪贖之罪十八一題補官員受謝儀四十餘萬兩一勒索捐納人員額外銀二十四萬兩一受趙之垣金珠等物值銀二十萬兩一取受樂戶寶經榮銀兩一受宋師曾銀一萬兩並玉杯等物一徧置私人私行鹽茶一私占咸甯等十八處鹽窩一收受葛繼孔餽送古玩一受傅澤溥賄明知虧空不行查參一勒令四省效力人員每員幫銀四千兩一受參革知府樂廷芳賄豫帶往陝省一將搶掠各番衣服等物掩為己有一私徵新撫各番雍正二年租糧一蒲州盤獲私鹽計值一萬兩入己一差家人高四販買馬匹一令家人顏泰將馬匹發與安各鎮勒取重價一委典史朱尚文販買木植一令馬起龍賣茶得銀九萬九千餘兩其侵蝕之罪十五一冒銷四川軍需一百六十餘萬兩又東華錄 雍正七

加派銀五十六萬兩一冒銷西甯軍需四十七萬兩一運米四萬石至軍前冒銷腳價四十餘萬一侵用康熙六十年起至雍正三年俸工銀十四萬九千餘兩一借名築布隆吉爾城垣冒銷錢糧一隱匿夔關歷年稅銀八萬八千兩又加派軍需糧規五萬餘兩一將拏獲私茶罰贖銀四萬餘兩入己一侵用河東鹽政盈餘捐修銀五萬六千餘兩一將見貯西安未運米一萬石捏稱運至西甯冒銷腳價四萬六千餘兩一將甯夏各衛所貯倉耗一萬四千石並不題報並甯甯拴養馬匹工料銀一萬五千兩入己一侵用城工餘贖銀一萬六千餘兩一買貯咸長等八縣米浮銷價銀一萬五千餘兩一鈔沒塔兒寺珊瑚茜草等物私自變價一萬四千餘兩一侵紀廷詔等捐解銀一萬兩一砍取桌子山木植借稱公用存貯入己其忌刻之罪六一見任職員陵虐遺調任用私人奪

缺委署一軍前官兵支給口糧不先咨明晉撫欲致其遲誤獲罪一將綽齊會商軍餉清字咨文差趙成說說非交代事件欲致岳鍾琪遲誤軍需一捏參程如絲販賣私鹽殺傷多人一欲薦李維鈞為巡撫設計誘陷趙之垣一遏抑阿炳安等軍功共六案其殘忍之罪四一出示訪拏曹猪頭該縣將馮猪頭錯解並不覆審即行枉殺一無故將筆帖式戴蘇鎖拏監禁一急欲出缺劾參金南瑛等七員庸劣病廢一將台吉濟克濟扎上等不善於安輯致伊等困苦失所以上各款供狀昭著謹按律內凡謀反不分已未行皆凌遲處死又大不敬者斬詐傳詔旨者斬大逆知情故縱隱藏者斬官員交結紊亂朝政者斬妻子為奴財產入官官吏人等挾詐欺公妄生異議擅為更改變亂成法者斬造讒緯妖書妖言者斬假與人官者斬偽造茶鹽引者斬在外大小各衙門官但有入東華錄 雍正七

遞進呈寶封公文至御前而上司官令人於中途邀截取回者斬侵盜錢糧入己數滿三百兩者斬有一於此法所不宥而年羹堯所犯至九十二大罪內外文武諸臣合口齊聲恥同覆載伏請皇上將年羹堯立正典刑以申國法其父及兄弟子孫伯叔伯叔父兄弟之子年十六歲以上者俱按律斬十五歲以下及母女妻妾姊妹及子之妻妾給付功臣之家為奴正犯財產入官仍將臣等審訊年羹堯惡蹟昭示中外以為天下萬世人臣反逆不道欺罔貪殘者戒得旨年羹堯不臣之心顯然但因喪心病狂昏憤顛倒之所致鄒魯乃無知小人相與謀逆之情雖實而事蹟尚未昭著朕念年羹堯青海之功不忍即加極刑著交步軍統領阿齊圖令其自裁年羹堯剛愎殘忍之性朕所夙知其父兄之教不但素不聽從而向來視其父兄有如草芥年遐齡年希堯皆屬忠厚安



分之人著革職寬免其罪一應賞賚御筆衣服等物俱著收回年  
羹堯之子甚多惟年富居心行事與年羹堯相類著立斬其餘十  
五歲以上之子著發遣廣西雲貴極邊烟瘴之地充軍年羹堯之  
妻係宗室之女著遣還母家去年羹堯及其子所有家貲俱鈔沒  
入官其見銀百十萬兩著發往西安交與岳鍾琪圖理琛以補年  
羹堯川陝各項侵欺案件其父兄族人皆免其鈔沒年羹堯族中  
有見任候補文武官者俱著革職年羹堯嫡親子孫將來長至十  
五歲者皆陸續照例發遣永不赦回亦不許爲官有匿養年羹堯  
之子孫者以黨附叛逆例治罪著內閣明白記載鄒魯著改爲立  
斬其親弟兄子姪著僉妻發往黑龍江給與披甲之人爲奴其餘  
皆從寬免○領侍衛內大臣公馬爾賽步軍統領阿齊圖恭捧諭  
旨諭年羹堯爾亦係讀書之人歷觀史書所載曾有悖逆不法如

東華錄

雍正七

五

爾之甚者乎自古不法之臣有之然當未曾敗露之先尙皆假飾  
勉強偽守臣節如爾公行不法全無忌憚古來曾有其人乎朕待  
爾之恩如天高地厚且待爾父兄及爾子並爾闔家之恩俱不啻  
天高地厚爾捫心自思朕之恩尙忍負乎授爾爲川陝總督又用  
爲撫遠大將軍將西陲之事全畀於爾事事推心置腹文官自督  
撫以至州縣武官自提鎮以至千把俱聽爾之分別用舍朕意以  
爾實心爲國斷不欺罔故盡去嫌疑一心任用爾乃作威作福植  
黨營私如此孤恩負德於心忍爲乎卽如青海之事朕命爾四月  
閒進兵爾故意遲延又命於八月進兵爾復稽留不往及朕嚴加  
催督然後進兵孤軍冒險幾至失機又如阿喇衲所領之兵爾令  
其由噶斯地方前進以險惡不可行之路令其行走豈非欲陷害  
阿喇衲乎又如爾令富甯安將蒙駝三千餘隻從巴爾庫爾送至

布隆吉爾爲無用之需豈非設計欲陷害富甯安乎又如令岳鍾  
琪之兵調至西甯其經由之路爾指令舍近就遠故意使其紆道  
數千里欲使蔡珽運糧不及豈非欲巧陷蔡珽乎此皆國家軍務  
大事視爲兒戲藉此以快私忿尙得謂之有人心者乎又如爾所  
奏善後十三條於不應造城之處建議造城於不應屯兵之處建  
議屯兵並無一件有益於事爲國家籌畫邊機如此草率錯亂是  
誠何心如青海用兵以來爾之殘殺無辜顛倒軍政等事朕尙皆  
未令入於廷臣議罪之條卽就廷臣所議九十二條之內爾應服  
極刑及立斬者共三十餘條朕覽之不禁墮淚朕統御萬方必賞  
罰公明方足以治天下若如爾之悖逆不臣至此而朕枉法寬宥  
則何以彰國家之憲典服天下之心乎卽爾苟活人世自思負  
恩悖逆至此尙可以對天地鬼神靦顏與世人相見乎今寬爾殊

東華錄

雍正七

五

死之罪令爾自裁又赦爾父兄子孫伯叔等多人之死罪此皆朕  
委曲矜全莫大之恩爾非草木雖死亦當感涕也○乙亥追贈  
皇貴妃年氏爲敦肅皇貴妃○丙子諭大學士等康熙六十年年  
羹堯奏請四川復設鋪司經部議准設立每年支給工食銀三萬  
六千餘兩及朕訪聞四川並未設立鋪司仍令塘兵傳遞文書將  
鋪司工食銀俱乾沒入己此係高其佩四川按察司任內經手之  
事爾等可卽詢問高其佩令其據實一一陳奏不准絲毫隱瞞若  
高其佩稍有徇隱將來法敏程如絲查出回奏到日定將高其佩  
從重議處○丁丑調傅爾爲盛京戶部侍郎由戶部右○戊寅移  
四川松茂道駐茂州○庚辰諭吏部教官專司課士前恐捐納出  
身之員文藝未能精通難以訓課士子故令改補佐貳等官朕思  
此等改補之員並非事故出身之比其從前敎職任內所歷之俸



自應准其一併通算不得將前俸開除且此等改補人員甚多其中豈無辦事可用之材爾部可將見在赴部改補人員內識字能書履歷者傳齊帶領來引見此係朕愛惜人才至意惟恐或有遺棄特降諭旨其優劣俱係朕親定若伊等以不肖之心自待妄行請託為人所愚不但負朕深恩自壞人品日後發覺且罹罪戾爾部並傳諭知之○辛巳刑部等衙門議奏妄作西征隨筆之汪景祺照大不敬律擬斬立決得旨汪景祺作詩譏訕 聖祖仁皇帝大逆不道應當處以極刑今大臣等定擬立斬具奏姑從其請著將汪景祺立斬梟示其妻子發遣黑龍江給與窮披甲之人為奴其期服之親兄弟親姪俱著革職發遣甯古塔其五服以內之族人見任及候選候補者俱著查出一一革職令伊本籍地方官約束不許出境○免江南太平盱眙泗州三州縣本年分旱災額賦

東華錄

雍正七年

五月

有差○壬午諭巡視五城御史今年天氣寒冷聞外間無屋居住之窮民竟有受凍傷損者朕心深為憫惻朕思居民中豈無愷悌好善之人但因慮及稽查牽累不敢輕易收留此亦人情之常爾等可留心照看使寒夜不致露處若有好義之人容其棲息者不必禁阻至明春二月和暖便可無慮爾等巡城之職固在禁民為非亦當恤窮救困嗣後備有凍斃之人經朕訪聞爾等不得辭其責也又諭今年天氣甚冷京城多有窮民廣甯門安定門外向有養濟院此二處著將變色米賞給一百石煮粥賑濟傳諭倉場侍郎將米樣呈驗然後賞給○癸未署浙江巡撫福敏疏紹興海塘工程原議皆用條石後以條石不易購致限期已迫遂用條石托外亂石填中今恐日久坍塌仍改用條石請寬限期督率改築得旨海塘工程關係民生最為緊要必須一勞永逸若因條石一時

難以購致從前便當聲明緣由奏請展限何得草率從事著交與新任巡撫李衛悉心查勘指示更改修理務期永遠堅固張楷在江南修理塘工用木椿密釘似為有益可否做行並令李衛酌量○改管理天津水師營副都統為都統○甲申調史貽直為工部右侍郎以張令璜為吏部左侍郎由大理寺選○景日珍乞假回籍以魏方泰為禮部右侍郎由禮部選○以莽鶴立為兵部右侍郎由大理寺選明圖為內閣學士由外郎選○宗人府參奏廉親王允禩因護軍九十六不遵伊之指使立斃杖下太監閻進代伊隱瞞所行之事重賜銀兩衣服允禩擅專生殺之權甚為悖亂應將允禩革去親王嚴行禁錮將所屬佐領撤入公中得旨允禩革去親王禁錮並撤所屬佐領之處俱著寬免九十六之宗族佐領不可留於允禩屬下著撤入公中○乙酉諭兵部朕君臨萬方中外一體有功必

東華錄

雍正七年

五月

賞有罪必懲初無偏黨之心亦並不存依違之見前以羅布藏丹津潛行悖逆謀擾邊陲朕命將出師用彰天討滿洲綠旗漢土官兵皆能奮勇爭先克成懋績論功行賞恩所宜施乃年羹堯以私昵人員冒濫入冊以致綠旗官兵議敘至今駁查未定而土司功冊亦因之暫停朕心深為惻念夫土司非比內地凡所遣調目兵皆豫定名數按名隨師無從虛冒其功績等第必定詳確稽查如四川屬之瓦斯雜谷二土司部下目兵與三寨包坐之頭目所部番兵皆屢年效力戰功尤多小金川土司湯鵬陝西土司魯華齡於攻取桌子山時其目兵亦能勦力用命似此邊遠番眾知效忠誠則其寸功必宜盡錄爾部查照領兵官所報各土司功冊除各土兵已給賞賜外其官目應各加以職銜仍予恩賞陣亡帶傷者照依綠旗兵丁一體優恤務期均霑實惠仍將此旨下與該管督



撫提鎮轉飭各土司自茲以往尤宜益矢忠勤各兵駐牧嚴束部  
落不得滋事生非和睦族鄰不可恣行讎殺盡地莫非王土率土  
莫非王臣番苗種類固多皆係朕之赤子或有強悍不平各土司  
祇宜赴該管上司陳告豈得任意戕殺以背朕好生保赤之念各  
土司果能懷遵訓誠則世守職土朕自加恩若敢恃功驕肆陽奉  
陰違則國法具在亦斷不因今日之功賞更從寬貸也○丙戌牛  
鈕緣事降調以阿克敦為禮部左侍郎由翰林掌院學士遷○怡親王等陳  
奏直隸水利營田事宜三款一白衛淀地等河情形並繪圖進呈  
一請於濼薊等處各設營田一請揀選河員得旨直隸地方向來  
旱澇無備皆因水患未除水利未興所致朕宵旰軫念莫釋於懷  
特命怡親王及大學士朱軾前往查勘今據查繪圖陳奏所議甚  
為明晰且於一月之內衝寒往返而能歷勘周詳區畫悉當以從  
東華錄 雍正七

來未有之工程照此措置似乎可收實效具見為國計民生盡心  
經畫甚為可嘉著九卿速議具奏至於工程應用人員若交與九  
卿揀選恐有掣肘即令怡親王及朱軾揀選請旨其從前差往修  
城修隄之員俱著於水利工程處一同辦理○丁亥命直隸被水  
州縣加賑一月○戊子諭大學士等積貯倉穀關係民生最為緊  
要朕屢降諭旨令該督撫嚴飭州縣及時買補昔年虧空之數無  
如苟且遲延奉行不力即如原任直隸總督李維鈞曾奏稱各屬  
倉穀已補足七八分及今冬發倉賑濟虧空甚多若非截留漕米  
並發給通倉之米窮民幾至失所矣昨據月選官陳克復條奏虧  
空倉穀請動支正項買補一面嚴追本官還項朕已交與九卿議  
行今直省地方俱著定限三年將一應倉穀務期買補完足不得  
顆粒虧欠三年之後朕必特差官前往盤查如有缺項定行重治

其罪儻有不能補足情由著該督撫題奏凡虧空錢糧猶可勒限  
追完無損國帑若虧空倉穀則一時旱澇事關民瘼是虧空倉穀  
之罪較虧空錢糧為甚自宜嚴加處分並著內閣九卿確議定例  
具奏○諭內閣山東歷城等四十三州縣德州等五衛所今歲被  
水收成歉薄巡撫陳世倌奏請將被災之州縣衛所應徵漕糧盡  
行緩徵分作三年帶徵起運經部議覆以漕糧無本年全緩分作  
三年帶徵之例應緩徵一半於雍正四年秋成後徵收起運等語  
朕思被災地方有輕重不等若被災既重即徵收漕米一半閭閻  
亦覺艱難著山東巡撫於四十三州縣五縣所之中悉心詳查其  
被災稍輕之處仍照部議緩徵一半被災重者准其全緩務期分  
別確當不得草率偏枯備輕重失實日後發覺定行重治其罪○  
以左僉都御史王廷揚安徽按察使段如惠經理直隸水利事務  
東華錄 雍正七

○以祖秉圭為安徽按察使由湖南辰沅靖道遷○寶授許容陝西按察使  
仍兼管西安糧驛道事○已丑諭陝西總督巡撫等西安地方緊  
要又有滿洲駐防兵丁省倉米石應當多貯查西安見在所貯米  
石為數無多今歲秦省收成豐稔著總督岳鍾琪巡撫圖理琛就  
近商酌動用庫銀採買米石存貯省倉以為備用其米數多寡該  
督撫酌定奏聞務須陸續採買勿令價值騰貴儻倉廩不足亦令  
該督撫酌議收貯之法該督撫等宜仰體朕心實力奉行○以原  
任河道總督靳輔治河著續其子副參領治豫明晰河務加工部  
侍郎銜協理江南河工事務○庚寅禮部等衙門遵旨議覆先  
師孔子聖諱理應回避惟祭天於圓丘丘字不用回避外凡係  
姓氏俱加偏旁為邱字如係地名則更易他名至於書寫常用之  
際則從古體止字得旨今文出於古文若改用止字是仍未嘗回



避也此字本有期音查毛詩及古文作期音者甚多嗣後除四書五經外凡遇此字並用邱字地名亦不必改易但加偏旁讀作期音庶乎允協足副朕尊崇先師至聖之意○諭刑部從前內外惡亂鑽營之人紊亂法紀朕知之甚悉是以登極以來不時教訓宮內太監並外廷大臣等凡事無得欺隱有鑽營者斷不寬恕若被擊獲務必從重懲戒正法屢次諭旨甚明乃有婦院太監傅國相向奏事太監劉裕探聽外邊有一廢官欲圖開復曾否保奏一事劉裕止告訴總管太監俱不奏聞甚屬可惡著將總管太監並奏事太監劉裕問明情由凡有關涉此案人犯俱行鎖拏查問治罪○以沈廷正為河南按察使由開歸○辛卯 上以 聖祖仁皇帝東西煖閣御用菰蘆宣示廷臣諸王大臣等奏言 聖祖仁皇帝臨御六十餘年時時以愛惜物力崇尚儉素為休養元元之東華錄 雍正七年

本而 聖躬服御之物尤倍加撙節質樸無華歷久不易今臣等恭覽 御前陳設之瓊歷三十餘年尚潔淨完整崇儉惜物實從古未有請宣付史館以昭 聖德得旨是○戶部等衙門遵旨議准直隸河防水利事宜據和碩怡親王等疏言直隸之衛河淀河子牙河永定河皆匯於天津州大直沽入海此直隸水道之大路也衛河與汶河合流東下德棣倉景以下春多淺阻一遇伏秋暴漲不免潰溢請將滄州南之磚河青縣南之興濟河故道疏濬於舊時建閘之處築減水壩以洩衛河之漲靜海縣權家口亦築壩減水白塘口入海之處並開直河一道使磚河與濟河之委同歸白塘出口修理海口舊閘以時啓閉則滄瀛以北水利興而水患除矣東西二淀跨雄霸等十餘州縣均應疏濬深廣並多開引河使諸淀脈絡相通其已淤為田畝者四面開渠中穿溝洫庶圩田

旱澇有備其趙北苑家二口為東西二淀咽喉趙北口隄長七里板石橋共八座俱應升高加闊苑家口北之中亭河上流之玉帶河對岸為十望河均應開通庶東西二淀無衝決之患矣子牙河為滹漳下流清濁二漳發源山西經廣平正定而滹沱滄陽大陸之水會焉其下流有清河夾河月河皆分子牙之流同趨於淀宜開決分注以緩子牙河奔放之勢永定河俗名渾河水濁泥多故道遂湮應自柳又口引之稍北繞王慶沱之東北入淀兩河淀內之隄至三角淀而止為眾淀之歸宿應照舊開通逐年疏濬兩河之濁流自不能為患矣至各處隄防衝潰甚多如高陽河之紫淀口新河南界之古隄新安之霍河均應疏濬修築再請於京東之樂薊天津京南之文霸任邱新雄等處各設營田專官經畫疆理召募老農課導耕種民力不辦者動支正項錢糧代為經理田熟東華錄 雍正七年

歲收十分之一以補庫帑足額而止營田一頃以上者分別獎賞有能出貲代營者民則優旌官則議敘至各屬官田約數萬頃請遣官首先舉行為農倡率民閒田廬有礙水道者計畝撥抵視其畝數加十之二三河淀淤地必須挖掘者將附近官地照數撥補則營田水利人皆趨事樂從矣從之○是月免河南西華等四縣雲南鄧川等二州江南太平等三州縣被災額賦有差○是歲琉球國西洋來貢



臣王先謙敬編

臣周瀚蕃恭校

雍正四年丙午春正月甲午朔 上御太和殿羣臣行慶賀禮朝正外藩及使臣等俱加恩賚○乙未召內大臣滿漢大學士尙書侍郎八旗都統副都統內閣學士內廷翰林院等賜宴於乾清宮

上諭曰今日君臣同堂合宴海宇承平上下和樂皆我 聖祖仁皇帝深仁厚澤之所留貽也豈能暫忘思慕之情豈能稍弛儆惕之念乎朕之才德遠不及我 皇考今萬幾殷繁一人識力有限用是朝乾夕惕晷刻靡甯仰維 祖宗託付之重下念萬民待澤之殷全賴爾諸臣同心一德輔佐朕躬使庶政無不就理兆民無不被澤以成熙熙皞皞之風此朕所深望也夫移風易俗端於

東華錄

雍正八

大臣是賴自古人臣之誼公爾忘私不可有游移瞻顧之心黨援朋比之習每見徇私不法之人好爲夤緣互相請託揆之於義則請託實爲可羞而度之於命則請託究實無益且積習相沿遂成風俗既爲子弟親戚營求作弊是教之以不正矣何足爲其師範徒使子弟親戚有所恃以無恐終歸於壞品喪志不能上進其害可勝言哉朕於爾諸臣實以股肱手足一體相視爾諸臣亦當公忠體國視君上如元首腹心若悠悠忽忽安於習俗而不知奮發鼓勵爾諸臣自待居何等耶况朕在藩邸四十餘年人情世態無不周知亦非可以欺隱蒙蔽者如年羹堯隆科多營私挾詐深負朕恩不旋踵而事事敗露爾諸臣自度才幹伎倆未必能如彼二人若營私自便稍有不檢不惟薄待其身兼懼罹於國法尙可立身朝端爲眾人之表率耶從來朋友規箴一言尙當聽受况君上

平朕諄諄誥誡者無非欲爾等諸臣各矢公心盡除私意如果能時時仰體朕訓彼此互相勸勉則天下之人觀感變化而風俗盡歸於醇厚爾諸臣身家子孫亦並受其福矣諭畢隨各頒賜 聖祖仁皇帝御批通鑑綱目各一部蟒段貂皮荷包等物○丙申諭內閣何國宗等所奏運河情形甚爲明晰但督理工程尙委之地方官恐其因循遲誤若特差官員前往又恐呼應不靈且不得其人轉滋煩擾朕意將沿河州縣俱揀賢能之員補用果能實心任事卽著加恩議敘似於地方工程均有裨益著九卿速議具奏尋議沿河有應修工程之州縣請令該督撫會同總河副總河等於所屬州縣官內揀選熟諳河務者保題引見調補如果實心任事著有功績題請議敘以示鼓勵從之○命再發通倉米十萬石運天津加賑直隸霸州保定等七十五州縣水災饑民○丁酉諭諸

東華錄

雍正八

王滿漢文武大臣等允禩平日居心詭詐行事乖張從前罪犯多端不可悉數朕不忍執法治罪令其居住西甯望其醒悟改悔乃怙惡不悛詭詐如故其門下親信之毛太佟保將編造字樣之書信縫於羸夫衣襪之內寄往西甯被九門捕役拏獲該提督奏聞朕見體製怪異有類西洋字蹟因遣人詢問西洋人據西洋人稱此種字體亦不能識認朕因遣人詢問允禩之子弘曷據弘曷稱去年十一月佟保來京我父親寄來格子一張令我學習照樣繕寫書信寄去我向佟保學會了因此照樣寫信寄往等語從來惟敵國之人差遣奸細往來偷傳信息造作隱語防人知覺允禩在彼朕何曾禁其寄信亦未禁其往來之人若果安分守法則所寄書無不可以令人共見何至於別造字體巧編格式暗藏衣襪之內居然爲敵國奸細之行耶前朕見允禩諸子中惟弘曷尙覺老



實故留京料理伊之家務不料其詭譎亦如此允禩名下應賠公項銀十三萬兩有零仍假作窘迫之狀百計牽延而以所得揆敘之銀數百萬兩帶往西甯恣意費用凡市買物件不論貴賤隨人索價即如數與之以此要結人心不知意欲何為即今毛太家中搜出借券八十餘紙其借與眾姓之銀至十萬餘兩則允禩之窘迫與否不問可知矣又如從前楚宗至彼宜旨允禩站立不跪自稱出家離世之人今觀造作字樣暗通書信等事出家離世之人顧如是乎允禩寄與弘陽書擅用硃書弘陽書信中稱伊父之言為旨意種種不法之處昭然又如允禩曾寄信允禩有事機已失之語洵足駭人聽聞當時幸邀 天 祖 皇考之靈伊等不得肆其奸謀乃伊等之福儻若機會不失伊等首領尚得保乎毛太佟保六雅圖那丹珠雲敦克什圖俱係允禩親信之人允禩允禩

東華錄

雍正八年

三

允禩等匪黨固結人所共知佟保豈有不知之理昨將佟保等從出兵處撤回朕面下旨意詢問允禩若有冤抑之處著即陳辨若實在行止妄亂亦著啟奏並問伊等或仍願在允禩處或不願在允禩處亦據實啟奏伊等僉稱允禩行止妄亂我等願為朝廷出力等語朕因其陳奏是以各授官職今允禩造作字樣行蹤詭秘伊等竟不奏聞情實可惡著將毛太佟保等交與順承郡王及蔡珽拉錫阿齊圖查即阿高其佩常明公同審訊其允禩未往西甯以前之事朕不究問自到西甯以後如何妄為及何人管理此等書札之事俱令據實供明若仍隱匿不行供出立將伊等正法○以原任工部右侍郎年希堯為內務府總管○戊戌 上御西暖閣召入諸王貝勒貝子公滿漢文武大臣等諭曰今日凡我宗親及滿漢大臣齊集於此廉親王允禩狂悖已極朕若再為隱忍有

實不可以仰對 聖祖仁皇帝在天之靈者朕前在藩邸時居心行事公正無偏諸兄弟待朕亦皆恭順不敢存欺慢之念平日無一毫嫌隙此爾等所共知亦允禩所深悉者朕今日紹登大位以天下一家萬物一體為心豈於兄弟之間反生芥蒂有所刻求苛索耶當時允禩希冀非望欲沽忠孝之名欺人耳目而其奸險不法事事傷 聖祖仁皇帝慈懷以致忿怒鬱結無時舒暢康熙四十七年冬 聖祖仁皇帝聖體違和朕同允禩允禩檢點醫藥凡立方合劑朕與允禩每日悉心商酌允禩惟同允禩允禩促坐密語醫藥之事曾不一問不過以篋筒收拾方帖而已 天祐聖躬旋即痊愈朕心喜慰向允禩云 皇父聖體大安矣允禩云目前 聖體雖愈將來之事奈何朕聞之不勝駭愕又是年二阿哥有事時 聖祖仁皇帝命朕同允禩在京辦理事務凡有啟奏

東華錄

雍正八年

四

皆蒙 御批事竣之後朕將所有 御批奏摺交與允禩收貯後向允禩問及允禩云前在遼寧時 皇考怒我恐有不測此時寄信回家將一應筆札燒毀此 御批奏摺藏在佛櫃內一併焚之矣此允禩親向朕言者康熙六十一年 聖祖仁皇帝龍馭升遐命朕繼承大統朕念允禩素有才幹諒伊此時自應仰體 皇考之心痛改前非為國家實心出力故令其同怡親王及隆科多馬齊四人總理事務次日即加封親王朕事事推心置腹信任之專恩誼之厚此舉朝所共知者乃於封伊親王之日伊之妻黨往賀伊妻云有何喜可賀恐不能保此首領爾其言怪誕若此則平日居心可知矣允禩總以未遂大志時懷怨恨詭詐百出欲以搖惑眾心擾亂國政其管理工部也 皇考梓宮奉移 山陵允禩明知舊例用夫二萬乃故以裁減奏請若非大學士奏明幾誤大事



又將京中運送 陵寢所用之紅土議令發銀彼處採買可省腳價欲加朕以輕 陵寢而重財物之名安奉祝版之案則朽爛破損製造軍需之器則單薄鈍敝至於乘輿法物則斷釘薄板草率不堪更衣幄次則油漆薰蒸刻不可近其管理理藩院也以科爾沁台吉爲糜費口糧於邊口攔阻令不得拜謁 皇考梓宮致蒙古等涕泣而歸怨聲載道若非拉錫奏聞隨經降旨開示幾與蒙古之心矣其管理上駟院也奏稱馬圈牧馬太多請行裁減大半以省錢糧其意欲以彰 皇考糜費無益之名歸之於朕且欲使馬匹不足將來設有緩急無所資也至於妄費財物固結私人如岳周鑽營奸宄之徒乃國家之蠹允禩以數千金助其爲非亂法其他顛倒是非肆行欺罔及傲慢不敬之處更不可悉數又雍正元年朕命莽鵠立恭寫 聖祖仁皇帝御容朕於養心殿瞻拜東華錄 雍正八年 五

十餘副前後之語大相矛盾不過欲邀結人心沽取名譽加朕以刻薄之名耳及內府佐領之人齊集伊門囑關朕令伊查出爲首之人以便正法伊將並非爲首之人混行指出欲令朕枉殺無辜快其私忿其門下從實吐供之九十六伊即登時杖斃又因伊親信太監閻俊爲伊隱瞞素行不法之事特賞銀二百兩及冬夏衣服段匹等物朕雖尊居九五從不敢罰一無罪之人至於賞賜內侍太監亦從未有如允禩賞閻俊之厚者允禩以人臣而專賞罰之權抗違國家之法其罪可勝言乎朕以其狂妄悖亂包藏禍心是以令宗人府訊問從前何得將 皇考御批焚毀允禩頓改前言奏稱因抱病昏昧誤行燒毀等語及朕面質之公然於朕前設誓云若有虛言一家俱死及宗人府審訊伊管事親信之太監常海等俱供稱昔年允禩在遙亭獲罪於 聖祖仁皇帝特遣太監劉自成回京將所有一切筆札燒毀是時 聖祖仁皇帝御批亦在其內供認鑿鑿而允禩反覆其詞者緣其平日與奸黨往來書札皆不可告人之語今欲掩其燒毀私書之迹故併此亦復隱匿不承此確實萬無可辯之事竟敢指天誓日不畏天地鬼神已盡喪其良心至於一家俱死之語伊向日曾在朕前設此誓詞朕諭之曰一家二字所指者廣獨不思及朕耶今復與諸王大臣前重設前誓明係詛是允禩心中將 祖宗君上悉行蔑棄矣允禩既自絕於 天自絕於 祖宗自絕於朕宗姓內豈容有此不忠不孝大奸大惡之人乎從前 皇考曾諭諸王等允禩奸險詭詐結黨設謀欲弑皇太子今事俱敗露見在交審是時允禩允禩在側獨挺身保奏允禩並無此意因致 皇考震怒拔刀欲誅允禩恆親王等勸止將允禩責懲並允禩逐出又 皇考曾於乾清門



諭諸王大臣曰自朕廢皇太子後允禩百計邀取美名蠱惑眾人希圖冊立私結黨援其意叵測又奉 皇考諭旨朕駐蹕遙亭允禩以將斃之鷹來進口稱伊在湯泉等候進京並不請旨擅行狗斷藐視朕躬朕因震怒心中寒戰幾平危殆允禩自奸人張明德妄相伊有人君之貴伊遂不守臣節招集惡黨謀殺皇太子及大阿哥此舉國所知者其欲謀弑之時未知置朕於何地也又 皇考諭旨云朕與允禩父子之恩絕矣以上 諭旨數道昭然具在凡為臣子者不忍聽聞朕從前欲行發出允禩痛哭叩首再三懇求朕以其惟恐人知之念尚有愧悔之機故爾暫止今其作為至此斷不可留於宗姓之內以為我朝之玷謹將 皇考諭旨發出朕繕文祭告 奉先殿仰體 列祖嚴懲奸惡之心祇遵 先朝削籍離宗之典將允禩黃帶子革去以嚴宗牒以儆兇邪以為萬世子孫鑒戒至允禩蘇努吳爾占結黨搆逆靡惡不為允禩中懷悖亂其往來私書有事機已失悔之無及等語聞者皆為髮指今又造作字樣密傳信息行同奸細視朝廷為敵國無父無君不法已甚蘇努積惡巨猾罪狀彰著舉國所知吳爾占既素與允禩等比匪為奸且又行止鄙劣心懷怨望此三人者亦斷不可留於宗姓之內著將允禩蘇努吳爾占革去黃帶子並令宗人府將允禩允禩蘇努吳爾占名字除去又諭朕即位後恭檢 皇考所遺殊批諭旨內有料理宮闈家務事宜一紙 皇考諭令有子之妃嬪年老者各隨其子歸養府邸年少者暫留宮中朕謹遵 聖諭遣人詢問諸位母妃咸願隨子歸邸慧妃母妃乃大阿哥之生母允禩之慈母也允禩少時即為慧妃母妃所撫養朕因大阿哥獲罪禁錮其諸子又少不知事意欲奉養於允禩之邸因遣人詢問慧

妃母妃慧妃母妃欣然允從朕揣允禩畏朕訪察必於母妃前盡禮故令伊迎養府邸彼時允禩酌議諸位母妃移府之禮允禩議奏內有朕思念諸位母妃之時即令入宮相見等語朕以諸位母妃豈有召入相見之禮深責允禩之非迄今三年以來諸位母妃未曾遣人至朕前一問起居諸位母妃深居府中一切皆諸王主持此必允禩從中阻撓諸王亦遂觀望不前耳允禩之行事狂悖若此必不能於母妃之前曲盡孝道况允禩既經革去黃帶子則已非宗姓之人母妃亦不應在伊家居住著莊親王誠親王迎歸宮中供養○己亥賑山東歷城等四十三州縣五衛所水災饑民○召羅股秦來京以佛喜為四川布政使由兵部○以何錫祿為湖南按察使由御史○辛丑諭大學士等允禩等不可留於宗姓之內此朕灼知確見者今撰文告祭 奉先殿可將祭文宣示諸王

東華錄 雍正八年 八

大臣等或朕之所見如此而仰體 列聖之心稍有不慊諸王大臣不妨直言各出所見回奏此事關係重大朕既切加詢問諸王大臣等若有所見而不直行陳奏則大不忠矣尋諸王大臣等覆奏允禩等逆天犯法歷有確據臣等咸所深悉昭告 奉先殿除其宗籍實為允協○癸卯諭內閣朕於文武官員赴任之初俱召入內廷諄諄訓誨無非欲其實心供職愛養兵民而伊等承旨之後出外私相傳播記載或記憶不全或粉飾太過以致錯誤之處甚多此等處大有關係是以朕特降諭旨令伊等繕寫呈覽其遺忘不能記載者即不必書寫進呈若官職不應奏事者則從該管上司彙集乘便轉奏近見數處繕寫進呈者或意指錯誤或言詞粗率且備開頒賜之物並述伊等奏對之言如此則與朕合寫上諭之本意全不相符若一一發還合其更改則不勝其煩是以姑



且存置並非謂伊等繕寫合式也昨有廣東總兵官因屬員一人奏摺特行齎送未免煩瑣嗣後督撫提鎮等當遵旨彙齊乘便啟奏其記憶不全者停其書寫進呈亦不得私自傳播記載錯誤失實自干罪戾至於朕召見文武官員時每頒賜物件蓋欲其捧至任所觸目儆心並思朕訓誨之諄切非專以此賜賚爲鼓舞激勸之具夫人臣事君自有應盡之道應修之職豈在賜賚之有無多寡若專以賜賚爲鼓舞是以胥吏走卒視文武官弁矣豈朕優待臣工之意乎恐無識之人不知朕心並諭令知之○乙巳諭戶部據兩淮巡鹽御史鳴爾泰奏稱眾商感戴賑恤蠲免之恩今鹽豐課裕商業已隆情願公捐銀二十四萬兩亦願報部撥解等語從前兩淮鹽課虧欠甚多自鳴爾泰辦理以來歷年商欠正項贏餘俱一一完納恤商裕課鹽政肅清甚屬可嘉朕前曾諭令江南督

東華錄

雍正八年

九

撫酌議積穀備用今眾商公捐及鳴爾泰奏稱解部之項共計三十二萬兩著將二萬兩賞給鳴爾泰其三十萬兩可卽爲江南買貯米穀蓋造倉廩之用所蓋倉廩賜名鹽義倉卽著鳴爾泰交與商人經理如此則於地方積貯甚爲有益而眾商急公之項亦得實濟鳴爾泰著該部從優議敘其急公眾商行合鳴爾泰分別造冊報部議敘以示鼓勵○王子大學士九卿等合詞參奏允禩性情乖張行止狂悖素與廉親王允禩及允禩允禴固結匪黨舉國盡知所犯罪愆難以悉數向曾寄書允禩竟有事機已失悔之無及等語在廷諸臣聞之無不駭駭憤怒乃蒙 皇上天恩曲加寬宥仍令安住西甯冀其改悔而允禩執迷不悟私帶多金欲以要結彼地之人心於市買物件時不論貴賤隨人索價卽行給與又如楚宗到彼宣旨允禩不迎不跪且口稱出家離世種種怨望之

東華錄 雍正八年

言我 皇上仍復包涵不行治罪允禩自應感恩悔過痛改前非不意狡獪如前詭譎益甚又復別造字樣巧編格式縫於羸夫衣襪之內傳遞往來竟同於敵國奸細之所爲且 皇上御極以來並未禁其書信人役之往還允禩若果能安分守常無邪謀異念何以行蹤隱僻書信秘密一至於此誠爲人心所共憤國憲所不容臣等爲此合詞參奏仰請 皇上乾斷將允禩嚴加治罪以爲人臣不忠不孝詭詐妄亂者戒得旨爾等題參允禩一事著交與允禩允禴議處具奏允禩未在此處著於學士內或侍讀學士內派出一明白之人將此事持往允禩處令其看閱議覆著各出意見陳奏勿得互相商酌○癸丑諭大學士等今日朕坐勤政殿以待諸臣奏事乃部院八旗毫無奏事之人想諸臣以朕駐圓明園欲圖安逸故將所奏之事有意簡省耶朕因郊外水土氣味較城

東華錄

雍正八年

十

內稍輕故駐蹕於此而每日辦理政事與宮中無異未嘗一刻肯自暇逸已曾屢降諭旨切告廷臣令其照常奏事若朕偶欲靜息自當曉諭諸臣知之儻廷臣不知仰體朕心將陳奏事件有意簡省是不欲朕駐蹕圓明園矣又見各衙門奏事有一日擁集繁多者有一日竟無一事者似此太覺不均以後八旗定爲八日各分一日輪奏六部之外都察院與理藩院爲一日內務府爲一日其餘衙門可酌量事務之多寡附於部院班次每日一旗一部同來陳奏則朕每日皆有辦理之事而不來奏事之大臣又得在京辦理誠爲安便至朕聽政辦事各官齊集之日原不在輪班奏事之數次日仍按班次前來若該部院衙門輪班之日無事可奏其堂官亦著前來恐有召問委辦之事亦未可定其緊要事件仍不拘班次卽行啟奏○甲寅諭大學士九卿等隆科多深負朕恩種種

一四九



罪惡應置重典但伊辦事之才尙屬可用見今與策妄阿拉布坦將阿爾泰嶺定爲邊界之事甚屬緊要差往彼處官員計已將回應豫爲詳審地勢明晰定議今已派出額駙策凌貝勒博貝散秩大臣伯四格護軍統領喀爾吉善前去著隆科多一併同往至阿爾泰嶺再由空鄂羅東至楚庫拜姓地方詳察地勢公同定議具奏再由楚庫拜姓之東額爾古納以至黑龍江之源舊定邊界亦未清晰俟阿爾泰做事竣隆科多即從彼處前往楚庫拜姓將此等地方亦詳審定議見今鄂羅斯國爲定邊界之故差使前來隆科多候伊使臣到日即將定邊界之處會同議結此事隆科多非不能辦者伊若實心任事思蓋前愆朕必寬宥其罪若心懷叵測思欲僨事所定邊界不合機宜於策妄阿喇布坦鄂羅斯地方生事朕必將伊治罪○乙卯諭吏部禮部原任禮部尙書顧八代品

東華錄

雍正入

十一

行端方學術醇正昔蒙 皇考簡用服官有年當征剿吳逆時以學士協贊軍務從將軍莽伊圖賴塔等克復粵西滇南勞績茂著備承 恩眷擢授秩宗且深知其品學優長足爲模範 特命爲朕兄弟之師朕自幼與共朝夕講論忠孝之大義研究經書之至理肫誠周至獲益良多嗣以公事累誤罷職仍在內廷課讀數載後因抱病遂就閒居於戊子之冬物故是時朕親臨其喪並遣人經理殯葬本欲陳情於 皇考之前求加恩賜卹適值 聖體違和不敢瀆奏迄今回憶當年誦讀情景宛然如昨老成舊學時眷於懷應優加贈卹以展朕篤念師資酬獎前勞之至意爾部會議具奏尋允部議顧八代復還尙書原職加贈太傅予全葬致祭一次諡文端○丙辰工部議覆奉差勘河內閩學士何國宗奏山東運河必賴湖水以濟輪輓請將安山湖開濬增築湖隄再南旺湖

馬踏湖蜀山湖馬場湖諸隄及關家壩俱應加高培厚建築石閘以時啟閉其分水口兩岸沙山之下各宜築束沙壩一道又汶水之南有戴村壩應加修築再建坎河石壩於汶水之北河南運河自百泉而下歷仁義禮智信五閘過水旁注愚民不無截流盜水之弊請將五閘拆去於泉池南口建石堰一道開三口門分爲三渠又建築小隄使無旁洩東西各開一渠渠內照舊各建五閘分灌民田再小丹河自清化鎮上下開廣挑深建築小隄河東一渠爲民渠其洹河舊有石壩皆已湮廢民間自作土壩過水灌田請將舊石壩修五丈爲挑水壩至於諸河泉源各開深廣使其入衛通流查東省豫省河道關繫重大各項工程應令總河副總河山東河南巡撫逐一查明確估具題到日再議從之○丁巳諭吏部

東華錄

雍正入

十二

兵部凡官員任內或有降革事故及承追督催未完案件若一概不准保題則賢能必致遺漏嗣後有事故官員仍准保題著該督撫提鎮於保題本內將所有事故一一聲明具奏候朕調來引見再行定奪○梁文科緣事革職以王沛檀爲左副都御史由通政使遷○己未戶部等衙門議覆御史覺羅勒因特奏欲杜私毀制錢之弊必先於銅禁加嚴康熙二十三年大制錢改鑄重一錢彼時即有奸民私毀迨四十一年每文仍重一錢四分而錢價亦復昂貴皆由私毀不絕制錢日少故也蓋以銀一兩兌大錢八百四五十文約重七斤有餘製造銅器可賣銀二三兩即如煙袋一物雖屬微小然用者甚多毀錢十文製成煙袋一具輒值百文有餘奸民罔十倍之利安得不毀請敕步軍統領五城順天府嚴行禁止等語查康熙十八年已嚴銅器之禁三十六年又定失察銷毀制錢



處分之例而弊仍未除者以但禁未造之銅其已成者置之不議也臣等酌議欲杜銷毀制錢之源惟在嚴立黃銅器皿之禁今請紅白銅器仍照常行用其黃銅所鑄除樂器軍器天平法馬馱子及五斤以下之圓鏡不禁外其餘不論大小器物俱不得用黃銅鑄造其已成者俱作廢銅交官估價給值儻再有製造者照違例造禁物律治罪失察官員及買用之人亦照例議處則私毀之弊可息而於錢法亦有裨益從之○庚申諭刑部允禩誤指內府佐領下人到王府嚷鬧爲首之五人既審無確據豈可枉行正法內中六十三一犯既到王府又到李延禧家鈔搶著監禁議罪其餘並搶李延禧家人犯俱發雲南貴州廣西四川等省極邊若係另戶著安插充當苦差若原係奴僕著與彼處兵丁爲奴○是日蒙古王貝勒貝子公額駙台吉塔布囊等謝恩 上召入諭曰爾等

東華錄

雍正八

三

俱受國家深恩封號優崇非小部落可比爾等在 皇考時或有過被懲爾等毫無怨色及朕嗣位後厄魯特羅卜藏錫拉布等從察哈爾旗分逃去朕之諭旨未到而內外扎薩克等即領兵往追似此竭誠效力始終如一天必加爾多福今爾等歸各宜盡心養育屬下之人俾得各遂其生朕心滋爲喜悅特諭爾等知之○辛酉諭諸王大臣等允禩愈加悖逆將朕所交之事毫不實心效力每事敗壞不但伊奸詐多端伊妻更屬殘刻允禩平日甚畏之戊子年 聖祖仁皇帝御乾清門會 特降諭旨云允禩之妻殘刻皆染伊外家安郡王惡亂之習幾致允禩絕嗣伊妻聞之恐懼方容允禩收女婢一二人僅生一子一女朕即位以來於允禩無恩不施無事不教並不悛改未必非伊妻唆使所致朕將允禩晉封親王時伊妻外家向伊稱賀伊云何喜之有不知墮首何日等語

是誠何語是誠何心朕屢降嚴旨與允禩之妻又令皇后面加開導諭伊勸諫允禩感激朕恩實心效力乃屢次訓教允禩夫妻毫無感激之意伊等惡蹟昭著允禩之妻亦不可留於允禩之家我朝 先世曾有舊例信郡王敖扎之妻因欺侮其王 聖祖仁皇帝曾令休回外家禮親王福金殘刻 太祖高皇帝特遣王等將伊處死今爾等前去將朕諭旨降與允禩之妻革去福金休回外家降旨與伊外家人等另給屋數間居住嚴加看守不可令其往來潛通信息再將此旨降與允禩嗣後若痛改前惡實心效力朕自有加恩之處若因逐回伊妻懷怨於心故意託病不肯行走必將伊妻處死伊子亦必治以重罪○刑部等衙門議奏隆科多挾勢婪贓差家人王五牛倫陸續索取授教家人安圖名下羸馬段匹古玩等物並銀十四萬兩此外復收取趙世顯滿保甘國璧蘇

東華錄

雍正八

十四

克濟程光珠姚讓張其仁王廷揚年羹堯等金八百兩銀四萬二千二百兩隆科多世受國恩貪婪犯法應將尚書一等公並世職俱行革去照大不敬律擬斬立決得旨隆科多貪贓犯法即應按律治罪但其才尚有可用朕心憫惜著革退吏部尚書令其料理阿爾泰等路邊界事務已另降諭旨儻能盡心辦理尚可贖其前愆如稍有怠忽定難寬貸伊家人牛倫從前犯罪應死彼時交與隆科多自行處置乃隆科多徇私容留實屬可惡今招搖受賄諸事又復敗露再難寬宥將牛倫即行正法其餽送銀兩之奉天府府丞程光珠著革職從寬留任准徐道張其仁濟南府知府姚讓著調來引見○壬戌增給五城煮賑米石並於東直西直安定右安廣甯五門增設飯廠○癸亥諭大學士等各倉米石奸胥惡役串通鋪戶賤買貴糶此倉買完又領別倉發賣是爲富戶生利也



殊屬可惡倉場侍郎所司何事嗣後如有此等情弊務將監糶官員正法倉場侍郎嚴加治罪○賑河南汝州等十八州縣水災饑民

二月甲子朔調孫柱為吏部尚書以法海為兵部尚書福敏為左都御史調綽爾岱為吏部右侍郎實授海壽刑部左侍郎○乙丑諭大學士等副總河嵇曾筠料理河工往往慮及後患豫先陳奏一二語以為將來卸過之地如去年諉咎於屬員朕已切加申飭今年河道險工下移朕已降旨諭令早為防禦今桃汛將屆嵇曾筠始奏稱相度情形近來險勢下移必須先事豫防又稱加幫大隄因河臣未到尙未收工或有雨淋坍塌之處似此皆豫留地步以便將來卸責况江南睢甯漫口與此無涉何得借以為詞可行文嵇曾筠嚴行申飭武陟等處險工既移於祥符蘭陽等處著嵇東華錄

雍正八年

五

會筠移駐緊要地方以便督工保固○己巳諭宗人府允禩既革去宗室授為民王不可照宗室諸王例留所屬佐領人員凡有朝會之處俱照民公侯伯例交旗令其稽查各處俱著書寫親王允禩○加江南提督魏經國尙書銜並給拜他喇布勒哈番世職○庚午諸王大臣合詞參奏允禩不孝不忠悖亂奸惡請即行正法以彰國典 上御勤政殿特召諸王大臣及允禩入諭曰爾諸王大臣等合詞參奏允禩請即正典刑允禩乃 皇考之子 太祖太宗之孫朕之弟也今日之舉 列祖 皇考在天之靈寶昭察於上儻允禩不應正法而爾等妄行陳奏以殘害 列祖 皇考之子孫而陷朕於不義爾等之罪尙可追乎朕思爾等公同具奏時或有隨眾列名而不出於中心之誠者故特召入面加詢問若有以允禩為不公正法者可出班另跪於右朕今日如此詢問

當眾人中猶有心口相違不肯據實陳奏者 列祖 皇考在天之靈必加誅殛論畢諸王大臣等回奏允禩悖倫亂政罪狀多端按之國法應正典刑諸臣實無異辭上曰諸王大臣引據大義欲正國法所奏亦是但朕曾降諭旨斷不治允禩之罪即今令允禩離宗亦因伊將確實之事於諸臣前指天發誓詛呪一家不獲善終難以存留宗室之中此萬不得已所致耳朕本意斷不將允禩治罪此所奏知道了允禩之妻朕再詳酌另降諭旨○壬申諭內閣安民必先弭盜而捕盜之法在於速擊聞有交界地方失事盜賊竄匿鄰境有司以地非管轄不便徑拘必用文移關提添差緝拏以致需遲時日聞風遠颺即使日後拏獲而賊已花銷懸案不結凡係地方官均有弭盜之責何分此疆彼界嗣後交界地方失事探實賊盜藏匿之處無論隔縣隔府隔省一面即行密拏一面東華錄

雍正八年

六

移文關會拏獲之後仍報明所在該管地方官添差移解備捕役借端誣害良民照例從重治罪各該有司務須協力稽查使奸宄無可潛藏以副朕息盜安民之至意○戶部議准雲貴總督高其倬奏滇省鶴慶府鄧川騰越嵩明三州太和浪穹二縣土軍丁賦銀共九百餘兩此項軍丁並非承種軍田之丁緣前明嘉靖萬歷間安酋鐵鎖箐等夷人先後作亂暫撥民人協防隨立太和所屬梧所等名目每丁徵銀一兩是伊等既納民賦於本籍又輸軍賦於防所流弊相仍至今未革查滇省民丁每丁納銀五錢至一錢不等屯丁每丁六錢至二錢不等獨此項軍丁徵銀多至一倍而又身充二賦誠為苦累請永行豁免從之○癸酉諭諸王大臣等貝子魯賓在西甯時諂媚允禩曾遣伊屢次寄書與允禩往來同謀奸宄今在眾人前詢問時魯賓仍感允禩之恩蒙混具奏



理應卽行正法但伊父止一子伊又無子若將伊正法必致斷絕其嗣矣朕不忍絕人之嗣魯賓著從寬免死並伊妻妾俱著監禁高牆○命削允禩王爵在宗人府看守尋命圈禁高牆著總管太監派老成太監二名在內隨侍○甲戌諭大學士等直隸近京地方去歲被水歉收朕已疊沛恩膏毋使失所其覓食來京者又復增給米石添設飯廠俾窮民得以養給近日東作方興令大臣等酌議資送回籍乃覓食之民來京者日眾是必傳聞京師加恩賑濟無知愚民希冀非分之望舍其耕種之本業跋涉遠來則大負朕綏輯窮黎之至意矣可卽傳諭順天府大興宛平二縣及近京地方文武官員將續來之民曉諭回籍目今春氣和暖其有田可耕者卽當乘時播種如無田可耕則各處皆有工程或修隄岸或開水利正需人力以修土工伊等回籍就近備工度日不至離棄

東華錄

雍正八年

七

鄉井轉徙外方實爲謀生善策可嚴切諭令伊等知之並將此行文直隸總督○大學士朱軾丁母憂諭大學士朱軾之母冷氏暨儀淑慎訓子成名今聞在籍病故深可軫惻朕優禮大臣推恩賢母用頒異數以示眷懷著江西巡撫裴率度動支司庫銀二千兩賞賜其家讀文致祭一次俟朱軾抵家時舉行朱軾查勘水利事竣到京後著馳驛回籍○宗人府參奏固山貝子允禩門下之太監劉玉逃走並不報部輒敢違旨差遣私人往豐潤縣緝捕擾民生事甚屬不合應將允禩革去固山貝子降一等爲鎮國公得旨允禩革退固山貝子之處著從寬免○吏部等衙門議准怡親王允祥等奏直隸興修水利請分諸河爲四局專官管轄以便稽查南運河與臧家橋以下之子牙河苑家口以東之淀河爲一局應令天津道就近控制同知以下等員受其管轄永定河爲一局應

將原設之永定分司改爲河道駐紮固安沿河州縣以下等員聽其管轄其北運河爲一局應將原設之分司撤去令通永道就近兼理管河通判等員悉聽統轄苑家口以西各淀池及畿南諸河綿延五六百里經州縣二十餘處亦爲一局應將大名道改爲清河道移駐保定府所有管河同知州判以下等員悉聽管轄其天津大名兩道既定爲河道專司河務所屬州縣錢糧刑名事務應各歸該知府考成通永道所屬永平一府州縣事務亦歸該知府考成通州以下無知府之八州縣仍令通永道兼管一應水田溝洫各該道督率經理錢糧虛冒工程修廢歸直隸總督考覈得旨依議速行○子故貴州巡撫張謙祭葬○乙亥以鄭任鑰爲湖北巡撫王克莊爲湖北布政使憲德爲湖北按察使由刑部調○議政王大臣等議覆隆科多等奏驗看甯夏賀蘭山前插漢拖輝至石

東華錄

雍正八年

六

甯子等處寬闊一百里曠野而平其土肥潤耕種俱皆發生其地尙暖易於引水如西河六羊河皆係古舊渠大溝黑龍口倒流河黃泥河董家河皆係引水分水之路遺棄年久雖有形蹟俱皆沙泥淤塞若修造渠壩及放水之閘兩岸可以耕種萬頃等語又據甘肅巡撫石文焯等奏稱甯夏東北五十里插漢拖輝地方南北延袤百有餘里東西廣四五十里或二三十里不等東界黃河西至西河其地平衍可以開墾自鄂爾多斯遷移之後十餘年來小民亦有私墾者必得開渠通水築隄建閘以時啓閉以資灌溉則曠土盡成膏壤今相度地勢自雙廟墩起至六羊河地方計長一百十餘里做漢唐諸渠法開渠一道建正閘一座攔水閘梢閘各一座迎水湃一道又六羊河口與黃河相近之處亦建正閘攔水閘梢閘各一座再自上泗墩起至六羊河岸東距黃河五里許築



隄一道約長一百里可以永禦黃水統計墾田六十餘萬畝等語查插漢拖輝為漢唐靈州之地當時廣置屯田元至元閒置屯田萬戶所明時套夷渡河而西侵占內地葫蘆河之東居民不得耕種遂致廢棄我朝德洋恩溥番夷臣服鄂爾多斯移歸套內以河為界插漢拖輝之地久屬版圖今甯夏衛志漢唐二渠之支流有百家良田滿達刺等渠向在插漢拖輝左近若仿其遺迹開渠建闢誠裕國利民之善政但隆科多石文焯等所奏建闢築壩等處情形互異事關久遠臣等難以懸定見令總督岳鍾琪親赴布隆吉爾查看地勢應將隆科多石文焯奏摺並地方畫圖一併交與大理寺卿通智帶往同岳鍾琪前至插漢拖輝等處照圖驗看覈議具奏從之○丙子以劉師恕為通政使申大成為貴州布政使存柱為貴州按察使由刑部郎中遷○以陳安策為太僕寺卿丁士一

東華錄 雍正八年 九

為江西布政使喬學尹為福建按察使由禮科給事中遷○再發倉米二萬五千石運往保定平糶○戊寅諭戶部去秋北方多雨直隸所屬七十四州縣被水歉收朕心深為軫恤疊沛恩澤加惠窮黎已將七十四州縣被災田畝之錢糧照例蠲免其餘應徵額賦又復停徵在案朕思一省之中既有七十餘州縣收成歉薄則必有向鄰封隔縣謀生覓食之民當此青黃不接之時間豈能充裕若仍照舊徵收民力輸將未免竭蹶用是特頒諭旨施恩於常格之外將雍正四年通省應徵額賦一體停徵俾民力寬紓各得用力於南畝以副朕勤恤民隱至意○薩爾納綠事革職以常保為工部左侍郎圖爾為內閣學士博爾多為通政使覺羅石麟為安徽布政使白奏事員○己卯諭宗人府輔國公富增人甚不及皇考用為散秩大臣伊毫無感恩報效之意朕仍留為散秩大臣令

其效力行走伊不但不肯奮勉且時形退縮前革運賴士公爵時因無可承襲之人始令伊承襲今賴士在軍前行走數年其子伊爾登又甚勤謹竭力行走著將富增公爵革退與伊爾登承襲所撤伊之佐領亦著賞與伊爾登○壬午諭內閣大學士朱軾事親最孝今伊母在籍病故自必哀痛切至但伊母年已八旬有餘伊祿養顯揚俱無餘憾此時正當節哀抑痛護惜此身為國家出力盡忠正所以盡孝朕前已降諭旨賜銀二千兩為伊母喪事之費今朱軾奔喪回籍著再賜銀二千兩為伊一切盤費之用其子亦令隨歸伊到家守孝百日將伊母之事料理完畢即來京辦事○大學士朱軾具摺謝恩並奏請解任開缺以終服制得旨據奏情詞迫切此乃伊名節所關朕知其出於至性誠懇允從所請解任開缺以全其志但三年為時甚久卸事閒居在籍伊心亦未必自安况目前見有畿輔水利之事正資料理可於八月起身前來居住京師以備委任顧問不居見任之職則與居家無異於禮既盡於心亦可安矣朱軾素性誠篤今遭母喪深恐其哀毀過節爾等可將朕意諄切諭之伊年高體弱不宜過於悲感况六十不毀載在禮經若能仰體朕心時思朕訓護惜此身為國家出力伊母有知亦必深慰斯為忠孝兩全備過哀以致毀瘠則有負朕恩矣爾等並傳諭膳房侍衛永壽攜茶飯往賜○實授明德直隸布政使○甲申 上御經筵○乙酉先是宗人府奏據簡親王雅爾江阿奏稱臣因進呈 玉牒式樣內將皇子遺漏停止俸精撤六佐領入於公中臣懇乞隆恩量臣俸精將佐領撤出將俸精給與等語查五旗王等所屬佐領皆係 皇上之佐領今請將佐領進上以抵伊之俸精殊屬不合應無庸議得旨雅爾江阿人甚卑鄙終日

東華錄 雍正八年 十



沈醉將朕所交事件漫不經心專懼允禩蘇努等悖逆之徒甚忝厥職又因數案議罪停俸况王等屬下之人豈有售於朝廷之理著嚴加議處尋議雅爾江阿身係親王毫不力圖報效忝職之處甚多又因數案議罪停俸乃並不悛改終日沈醉欲將 皇上之佐領進上抵俸甚玷王爵應將雅爾江阿革去親王得旨雅爾江阿著革去親王○宗人府參奏鎮國公永謙由閒散宗室超授鎮國公不知感戴殊恩乃於允禩一案並不據實陳奏枝梧抵飾永謙應革去鎮國公爵得旨永謙著革去鎮國公○丁亥 上親耕藉田○己丑吏部遵旨議覆雲南巡撫鄂爾泰前任江蘇布政使時將應得銀兩買穀三萬三千四百石有奇分貯蘇松常三府以備賑貸實屬急公應准加級議敘得旨鄂爾泰著加二級伊平日實心辦事聲名素優又將應得之項急公備用是以降旨交部議

東華錄 雍正八年

室白起廣善照不應重律杖八十准其折贖得旨著寬免○敕封青海水神為靈顯青海之神○丙申先是宗人府奏允禩允禔蘇努吳爾占等既已削出宗籍應將伊等本身及其子孫俱撤去黃帶更改舊名歸併各該旗各佐領其有品級之女一併銷去品級奉旨允行至是正藍旗都統音德等將允禩允禔等更名編入佐領事定議奏聞得旨爾等乘便行文楚宗將允禔之名並伊子孫之名著伊自身書寫告知楚宗令楚宗報於爾旗允禩之名及允禩之子之名亦著允禩自書寫編入佐領○工部議准怡親王允祥等奏京東水利情形一河西數十里內止有鳳河一道即桑乾河之分流自蘆溝河經南苑至潮縣西南流入武清縣南河流本暢自武清之墩上村淤為平陸偶遇水潦田野瀾漫應循故道疏濬仍於分流處各建閘一座以時啓閉一香河寶坻二邑沿河隄岸坍塌甚多應及時修築再於牛牧屯以上斜築長隄一道以障上流俾運河無東溢之患一通州煙郊以南之水匯於窩頭分為二支南流入運東流經香河之吳村達於寶坻吳村以下大半淤塞難於開濬應將南流一支疏通暢入運河其由香河入寶坻之溝頭河亦加疏濬導之自寶坻城南達於大河不令漫溢一寶坻與薊州接壤運河自三台營會諸水至寶坻之白龍港又南經玉田豐潤合漚水以達於海應先修築河隄再於薊州下蒼鎮以南建橋下開壅水注於兩崖以資灌溉一漚水出遷安之泉莊至崖兒口東決則淹豐潤西決則淹玉田應開直河二道與舊流分瀉其近河隄堰更加高廣建閘開渠庶令窪溼之區皆為膏壤一玉田之藍泉流入薊運河河外瀦水為湖山水暴漲河與湖平應將河身疏通深廣東以隄防湖之西北另開小河引山間諸水入

東華錄 雍正八年



河下流使湖不泛溢仍於湖心最深處儲為水櫃以濟泉水不足其泉河一帶仍多方疏導以廣水利一豐潤之王家河汊河龍堂灣泥河四道或流入大泊或流入蘄運河田疇不蒙其利應滌源疏流築隄建壩於東北引徒河為大渠橫貫四河之中廣開溝洫以備旱澇一永平所屬若盧龍之燕河營及營東五泉灤州之別故河龍溪沂河勒家河黃坨河龍堂牯牛河遷安之徐流營泉河三里河皆應隨地制宜開溝引流於水利營田大有裨益得旨依議速行○庚子馬進泰緣事革職以邁柱為工部右侍郎由史○辛丑諭議政王大臣等據遣往策妄阿喇布坦處眾佛保奏稱策妄阿喇布坦以克木可穆齊克吳梁海地方原係伊所屬被丹津喇布坦侵占仍欲得此地方等語今不合策妄阿喇布坦來使入內地即於巴爾庫爾遣回恐策妄阿喇布坦乘此時發兵侵

東華錄

雍正八年

五

擾克木可穆齊克吳梁海見今我滿洲蒙古兵丁在茂岱察罕叟爾扎克拜達里克駐紮著前鋒統領丁壽帶滿洲兵五百名蒙古兵五百名副將軍貝勒博貝帶喀爾喀兵一千名前往唐努山前之特斯等形勝地方駐紮於克木可穆齊克居住之車零旺布吳梁海居住之博貝處不時偵探若策妄阿喇布坦侵犯吳梁海等處賊兵若少即襲擊之如賊勢眾斷不可輕進著將軍穆克登副將軍丹津多爾濟策零博貝等應如何防守豫備定議奏聞○封皇后弟五格為一等侯○壬寅安奉 聖祖仁皇帝御容於恩佑寺○諭理藩院昨為吳梁海人等特降諭旨發兵駐防朕復詳思克木可穆齊克地方之吳梁海人等俱係車零旺布博貝屬下其來歸之科羅爾賈等見交博貝撫綏存恤居之公所此等人向在喀爾喀邊外樹內打牲為生與準噶爾所屬吳梁海接壤又與

鄂羅斯連界必當輕徭薄賦俾伊等生計饒裕乃為有益此等人素無知識萬一策妄阿喇布坦設計哄誘或與兵搶掠雖地屬彈丸人極愚賤而儻被侵犯即與蒙古王貝勒之部落一體豈可置之不問觀策妄阿喇布坦奏章其意於吳梁海每飯不忘將來未必無乘閒侵犯之事今茲夏月我師見在特斯等處遊牧朕欲乘此遣大臣一員攜帶布帛茶葉等物同王車零旺布貝勒博貝或親至克木可穆齊克地方或於附近吳梁海之唐奴特斯等處齊集伊等為首之人分別賞賜明示朕意曰皇帝軫念爾等民生特命前來傳旨曉諭爾吳梁海人世居樹內以打牲為生遇力強者即為納賦由來舊矣今爾等納貢賦於蒙古王貝勒等即為朕之屬國所居與鄂羅斯準噶爾邊界甚近據今差往準噶爾使臣回奏策妄阿喇布坦云克木可穆齊克地方之吳梁海人等向俱為

東華錄

雍正八年

五

伊之屬下甚恨爾等皇帝恐爾等受伊侵害故特遣大臣傳諭豫為防備且施恩賞賜爾等嗣後遠設營哨盡心防禦策妄阿喇布坦所屬之吳梁海與爾等接壤宜不時探察再鄂羅斯亦與爾等甚近儻伊國人等侵爾邊界造屋種地立即報知汛地轉報將軍即使策妄阿喇布坦侵害爾等將軍早聞便可發兵救助但策妄阿喇布坦兵多事起倉卒爾等力不能當即攜帶妻孥移入內邊遊牧若賊兵無多爾等酌量己力可以殄滅即殄滅之與其畧不設備致策妄阿喇布坦忽來見侵劫掠牲畜殺傷人民何如早備之為善也皇帝又軫念爾等生計特命爾等王貝勒等減爾貢賦將所減之數皇帝動支國帑賞賚爾等主期於爾等生計有益爾等誠能感戴國恩恪遵訓旨固守地方探察詳報朝廷恩賚自必有加無已等語車零旺布博貝同命往大臣如此詳悉曉諭伊



等再於伊等中揀選老成服眾之人作為首領令其守望相助其  
遇有緊急事務作何知會傳報之處亦著詳細定議開示伊等伊  
等果能深知利害感佩恩澤則必輸誠效力從此邊圉益固矣○  
甲辰諸王大臣等遵旨將允禩改名之處詢問允禩允禩自改名  
為阿其那改伊子弘旺名為菩薩保奏入報聞○丙午召山西總  
督伊都立來京以高成齡署山西巡撫由布政使署○戊申諭宗人府  
魯賓人原不及昨將允禩之事於眾人前詢問見其舉動狂悖原  
欲將伊正法因伊無兄弟子息不忍絕伊後嗣特子寬典諭令禁  
錮高牆爾衙門奏稱無應襲伊貝子之人朕令爾等往問魯賓據  
爾等奏稱魯賓甚是惶恐並非前日舉動且又耳聾據此將伊正  
法之旨伊或未聞所以如此伊之職銜既無應襲之人著將魯賓  
寬宥降授輔國公伊之佐領諒伊亦不能約束俱撤回置之公處

東華錄

雍正八年

五月

○復置江南海口葦蕩二營設參將一守備二千總二把總四兵  
一千三百名專管葦蕩巡河○己酉封簡親王雅布庶子神保住  
為簡親王○定陝西延安府十七州縣丁銀概從下則以二錢為  
率歲減舊額一萬二千八百九十兩○辛亥以沈廷正為福建布  
政使魏定國為河南按察使由浙江杭州府遷○壬子諭雲南巡撫管理  
總督事務鄂爾泰四川烏蒙土司縱恣不法擅擾東川府地方似  
此若不嚴行懲戒將來益無忌憚滋事愈多雲南與烏蒙接壤爾  
可與岳鍾琪和衷酌辦將烏蒙土官土目先行戒諭令其毋虐土  
民毋擾鄰境痛改前非恪遵法度儻敢怙惡不悛罔知斂戢應作  
何懲治爾當悉心籌畫萬全勿少輕易其會同岳鍾琪辦理之處  
朕已頒諭令知之矣○賑河南襄城等二十三州縣水災饑民○  
甲寅諭九卿漢人為外官者俱回避本省朕思漢軍之在直隸亦

當如漢人之回避本省也直隸去京城甚近漢軍中親戚友朋散  
處直隸州縣且伊等莊田地土亦多分隸其地保無請託牽制徇  
私報怨之弊乎嗣後應照漢人回避本省之例停其在直隸居官  
令於別省各缺銓用著九卿速議具奏尋議八旗漢軍人員應照  
漢人回避本省例凡遇直隸道府州縣等缺於銓選時扣除布按  
二司缺出亦停其開列得旨布政按察使仍行開列餘依議○論  
八旗漢軍官員等入臣事君須明大義固不可矯情立異尤不可  
挾私黨同習氣陷人流而不返每至乖於大義皆由察之不早挽  
之不力故也八旗漢軍向來惡習好通聲氣凡內文武官員無  
論平素識與不識一登仕籍必信息相通互相袒護雖其初意不  
過矜名圖利然積久不改種種偏私固結害正誤公漸成大惡矣  
夫立身事主豈有二理若果能孤介一秉至公自然能獲乎上否

東華錄

雍正八年

五月

雖竭力盡心徒然敗品喪名而且犯義擷法况此輩邀結原非至  
誠利則同爭害則各避究何益乎夫同此固結之心也於君則為  
忠於友則為黨忠則為君子而賞必及之黨則為小人而罰亦必  
及之雖至愚之人亦未有不欲為忠良之君子而甘為匪黨之小  
人以避賞就罰者也毫釐之差天淵之判可不慎歟或有云人非  
聖人誰能無私又云瞞上不瞞下此等陋諺不知出自何典爾等  
既登仕籍奈何為此市井無賴之談以自絕於聖人而願為有私  
瞞上之人耶况朕從前局外旁觀三四十年一切情態知之甚悉  
汝欲瞞上而上竟不能瞞汝不瞞下而下實互相瞞也深可憫歎  
漢軍中公正不阿之人朕皆委任信用如楊宗仁持身剛介既歿  
之後尚屢邀朕恩爾等若成能實心遵朕訓諭效法正人必寵渥  
厥身慶流後裔若面是心非不能悛改惡習不但身遭黜罷此風



不息後人效尤必日貽害子孫嗣後各宜公忠自立共絕攀依官無論崇卑惟盡己職事無論大小惟盡己心人人皆能孤介則眾孤介和合而成一德同風之盛矣○庚申諭各省督撫提鎮等連年以來朕令督撫提鎮等保送所屬武弁進京引見若該上司奏摺內有某員操守平常字樣朕於召見該員之日必將所奏諭知冀洗滌前愆以圖後效無非愛惜人才之意乃聞有不肖之員於回任之後以上司既有貶抑之詞心懷怨望遂與上司日漸參商或又以平時操守不謹既為朕所知將來難望上進由是志氣熾熾見利忘義者有之但當引見之時伊等任內未嘗顯有過犯該管上司又未參劾朕姑且容留試用豈能保其將來耶嗣後該上司保送人員務秉公心勿存私意儻伊等陛見擢用之後改易前轍即當據實參奏勿謂朕曾擢用有所瞻顧勿謂己曾保舉回護

東華錄

雍正八年

壬戌

前非總以大公至正無偏無黨之心處之則賞罰明而屬員知所勸懲矣○壬戌大學士九卿等奏食侍講俸之錢名世作詩投贈年羹堯稱功頌德備極諂媚且以平藏之功歸美年羹堯謂當立碑於 聖祖仁皇帝平藏碑之後甚屬悖逆應革職交與刑部從重治罪得旨向來如錢名世何焯陳夢雷等皆頗有文名可惜行止不端立身卑污所以 聖祖仁皇帝擯斥不用置之閒散之地而錢名世諂媚性成作為詩詞頌揚姦惡措詞悖謬自取罪戾今既敗露益足以彰 聖祖知人之明但其所犯尚不至於死伊既以文詞諂媚姦惡為名教所不容朕即以文詞為國法示人臣之炯戒著將錢名世革去職銜發回原籍朕書名教罪人四字令該地方官製造扁額張挂錢名世所居之宅且錢名世係讀書之人不知大義廉恥蕩然凡文學正士必深惡痛絕共為切齒可令在

京見任官員由舉人進士出身者做詩人刺惡之意各為詩文紀其劣蹟以儆頑邪並使天下讀書人知所激勸其所為詩文一併彙齊繕寫進呈俟朕覽過給付錢名世

夏四月癸亥朔議政王大臣等議准川陝總督岳鍾琪奏巴塘係打箭鑪之門戶久入川省版圖至中甸貼近滇省久入滇省版圖附近中甸之奔雜拉祈宗喇普維西等處雖係巴塘所屬之地向歸四川而其界緊接滇省汛防總通於阿墩子阿墩子乃中甸之門戶請改歸滇省管轄設官防汛與川省之裏塘打箭鑪彼此倚角足以控制番民從之○甲子戶部等衙門議奏原任直隸總督李維鈞侵蝕俸工銀十四萬八千餘兩勒限五年追完若限滿不完或不足數照侵蝕例治罪得旨五年限滿分毫不完然後治罪於錢糧何益此等缺欠錢糧勒限追賠事件應將所欠銀兩數目

東華錄

雍正八年

壬戌

按所勒年限計算一年應完若干儻一年應完之數不完如何治罪年限已滿不能全完又如何治罪著分別定議嗣後一體遵行○戊辰吏部疏奏京察屆期請派大學士尚書等大臣會同考察得旨嗣後遇京察之年著內閣滿漢大學士吏部都察院吏科河南道公同閱看著為例不必另派大臣○己巳添設直隸布政使經歷一理問一按察司經歷一○庚午貴州巡撫何世璠奏請訓旨以便遵守安輯民苗撫綏地方論地方要務朕既未親歷其境安能悉知即有所見亦不過得之傳聞總賴爾等大臣無欺無隱據實入告君臣同心商酌則可耳至於居心立志應如何處朕今一一諭示於爾若能實力遵奉而行於地方吏治自大有裨益也不可惟務虛名而廢實事不可但求潔己而不奉公不可以因循為安靜不可以生事為振作毋偏柔善以盜寬仁之譽毋事姑息



以邀屬員之感毋徇友朋之情而欺主毋受權要之託而誑君黔  
省錢糧有限爾之操守朕所素知再者武備不宜輕視稍致懈弛  
當十分留心時加鼓勵苗夷雖蠢而無知然亦人也若地方有司  
實意矜恤令其知感營伍嚴肅令其知畏朕可保其永遠無事恩  
威二字萬不可偏用之目前雖有小效將來必更遭大患非爲國  
家圖久安之策朕所不取鑒別屬員不可盡以科甲爲人材而視  
他途爲市井小人自古用人無方賢愚豈宜如此區別凡事虛衷  
秉公切勿豫蓄成見平心以待彼亦此應何事不得其理也勉之  
勉之莫負朕倚任之重○辛未諭內閣倉差甚有關繫小京官內  
未必有人御史亦各有職掌漢監督著將候補候選道府同知知  
州有情願效力者報名吏部戶部會同九卿揀選引見如任內果  
能效力以應升之缺即用滿監督著部院挑選筆帖式保送引見  
東華錄 雍正八年 无

如能實心效力以主事即用若係中等仍回原職下等者革退○  
癸酉諭議政王大臣等據差往策妄阿喇布坦處取佛保等奏稱  
臣等與策妄阿喇布坦議定疆界仍欲以索爾畢嶺至唐努山陰  
之哈喇巴爾魯克山爲界等語其事暫且不能完結朕思巴爾庫  
爾吐魯番之兵丁理應撤回著議奏尋議策妄阿喇布坦怙惡不  
悛輒敢指占地方以圖倖得乃自取滅亡也 皇上愛恤官兵以  
出征年久令即撤回應將巴爾庫爾吐魯番官兵俱行撤回但撤  
回之後策妄阿喇布坦或遣人往哈密地方盜取馬匹牲畜亦未  
可定查哈密地方見駐兵五百名應於安西兵內再撥五百名派  
副將遊擊各一員管轄駐紮令其遠設斥堠嚴加防範俟哈密建  
城完工將五百兵再行撤回安西將軍富甯安前降旨調回陞見  
應帶領大兵來京再甘州見有京城滿洲兵三百餘名亦令都統

查克丹帶回並撤所設軍站其自嘉峪關以至安西沙州哈密應  
留軍站以備遞送從之○甲戌怡親王允祥奏臣查修水利徧歷  
關隘所過正定府衢通九省地界重邊向設總兵一員統轄自奉  
裁後改設副將隸於督標事多牽制防汎每多廢弛請復設總兵  
以資控制以靖地方得旨著照所請復設直隸正定總兵官以南  
營參將張起鵬補授○乙亥諭內閣督撫提鎮俱係朝廷簡用之  
大臣其因公晉接自有一定之禮儀不應過卑過亢以違制度乃  
間有督撫倨傲妄行而提鎮等遂卑躬屈節以爲諂媚者如年羹  
堯當日視提鎮等如同奴隸每令其披執進見常跪在江南時令  
兩司侍立於旁此皆妄誕不法之甚嗣後督撫提鎮相見務遵會  
典所載一定儀注儻有違例披執者一經發覺定將倨傲諂媚之  
人一同治罪又屬員謁見上司遇應穿公服之日止用補服不許  
東華錄 雍正八年 三

擅用朝服向日屢申明禁近來仍有違背不遵者今曉諭後若再  
有此等察出必加重處○禮部議覆江西巡撫裴律度奏白鹿書  
院已經修葺請於各省薦舉孝廉方正中簡發一人授以官職或  
於詞臣中遴選文行兼優者爲掌教應不准行得旨朕臨御以來  
時時以教育人材爲念但期實有益於學校不肯虛務課士之美  
名蓋欲使士習端方文風振起必賴大臣督率有司躬行實踐倡  
導於先勸學興文孜孜不倦俾士子觀感奮勵立品勤學爭自濯  
磨此乃爲政之本至於設立書院擇一人爲師如肄業者少則教  
澤所及不廣如肄業者多其中賢否混淆智愚雜處而流弊將至  
於藏垢納污若以一人教授即能化導多人俱爲端人正士則此  
一人之材德可以膺輔弼之任受封疆之寄而有餘此等之人豈  
可易得當時孔子至聖門弟子三千餘人而史稱身通六藝者僅



七十有二其餘不必皆賢况在後世之章句教人者乎是以朕深嘉部議不肯草率從裴倅度之請也其奏請頒發未備之典籍亦不知未備者是何等書不便頒發至於奏請特賜扁額當年既經聖祖仁皇帝賜以御書朕亦不必再賜○西安巡撫圖理琛奏請動存庫銀六萬兩採買豆草以為西安兵丁備用得旨圖理琛向任廣東布政使密奏不准官兵豫支俸餉廣東及各省原有歲暮豫支兩用錢糧之例伊既固執不行以致兵丁度歲艱窘怨謗繁興撫臣年希堯強之而後給發隨經具摺奏聞此時朕恐圖理琛在廣東未必相安故改調西安旋因西安巡撫員缺遂爾擢用今圖理琛奏請豫支銀兩採買豆草以備用是圖理琛為布政使時則但知有錢糧而不知有兵丁今為巡撫又但知邀兵弁之歡心而不復計錢糧之出納身為大臣乃偏執己私遂致前後大相

東華錄

雍正八年

三

矛盾况雍正元年題定兵馬豆草折銀之例悉照酌中之價若遇豐年價賤兵丁可得餘銀若遇歉年價貴許該管上司題請增給是兵丁原無歉年匱乏之慮今西安兵丁之豆草請豫買以備用則他處兵馬之豆草獨不當豫備乎圖理琛身在西安即欲加厚於西安之旗標兵丁豈此外兵丁皆不當蒙惠乎若一視同仁使天下兵丁皆有備用之豆草其事果能行乎文武大臣各有職任彼此不得干預西安總統滿洲兵馬乃將軍之事延信以宗室而為將軍經理軍務乃其專責圖理琛此奏即有益於兵丁亦當與延信商妥同奏今妄憑臆見獨自敷陳顯欲侵將軍之職掌延信既在同城於圖理琛此奏知而不阻亦屬不合○命再運奉天米十萬石至天津又截南漕米十萬石分貯河間保定二府備用○丙子吏部議准山西總督伊都立奏增設移駐官弁事宜一朔平

甯武二府請添經歷各一員老營堡雁門所添設巡檢各一員一太原府駐紮甯武之中路同知請改為甯武府鹽捕同知駐紮偏關大同中路管糧通判改為大同府糧捕通判大同府右衛西路同知改為朔平府管理糧餉同知左衛理事同知改為朔平府總捕理事同知移駐朔平府一萬億甯化二倉改隸甯武縣神池利民八角三倉改隸神池縣五寨倉改隸五寨縣其大同西路之常盈庫常豐倉改為朔平府常盈庫常豐倉一神池堡守備改為神池營守備五寨營把總改為五寨縣把總鎮西衛守備改為鎮西城守備從之○丁丑諭各省鄉試正副考官朕御極以來屢次開科取士凡屬考官皆擇人品端方素行謹恪者為之而諸臣果慎守法度洗滌弊端各省榜發士林皆無異議但聞試官之內偶有學問不及而所取之文未盡滿人意者是以去年朕將在京科目

東華錄

雍正八年

三

出身官員應開列正副主考者通行考試分別等第記名以備簡用今鄉試屆期將記名人員掣籤命往使典試事夫文行原無二理豈有文藝優通而品行卑劣者况國家以文章取士爾等以文章發科今膺鑑衡之任若文優而行劣使天下之人謂文章一道全無足憑則是讀書通籍之人貽玷於名教國法尚可容乎料爾等必無此事但朕慎重科場大典不得不諄諄告誡爾等共加勉勵勿負朕心○戊寅兵部議覆貴州銅仁府正大營同知馮光裕條奏湖南平溪清浪二衛與貴州思州府接壤去湖南省會遠請改歸貴州管轄應如所請再查湖南天柱縣與貴州黎平府接壤應改隸貴州四川東川府與雲南尋甸州接壤應改隸雲南就近管轄從之○己卯召查弼納來京以范時綽署兩江總督直隸馬蘭口○庚辰諭宗人府允禧著交與都統楚宗侍衛胡什里



馳驛從西安一路來京沿途酌量派兵看守伊之妻子家口著總督岳鍾琪巡撫圖理琛石文焯等派地方官兵嚴行看守○諭貝勒滿都護庸鄙卑汚所以 皇考聖祖仁皇帝不令承襲貝勒而用伊弟海山其後海山獲罪禁錮無應襲之人不得已方令伊承襲屢蒙 皇考聖祖仁皇帝厚恩官至議政大臣領侍衛內大臣管理正白旗三旗都統事務伊並未盡心辦事竭力供職不但不思圖報 高厚之恩反入允禩允禵允禴保泰蘇努阿靈阿鄂倫岱之黨實為深負我 皇考之人朕雖知之甚悉然朕即位以來特望伊悛改諄諄教誨加以深恩令伊在總理事務處協同行走伊毫無竭誠效力改悔前非之意惟欲阻撓政事搖亂人心陰險奸偽無所不至從前不孝於父不友於兄弟眾所共知實為黨與中之巨魁伊並不知朕之心迹可令伊每日侍從行走朕亦欲識東華錄 雍正八年

東華錄 雍正八年 其性情也○諭大學士等去歲畿南被水朕軫念民生除截漕賑濟種種加恩外又特命怡親王等親身前往查勘地理情形以除水患以興水利今一切工程事務雖有分發效力人員但地非素經人非素轄恐有呼應不靈之處必得本處地方官公同實心協辦始克有濟且事權必欲專一方奏功凡直隸地方文武官於水利事務須與分發效力人員秉公和衷協助如有漠視推諉及阻撓者俱著怡親王題參有實力奉行著怡親王保題○辛巳諭九卿等朕從前會降諭旨凡遇理事之日若有大風雨雪著在京官員等不必來圓明園朕自改期另傳昨日原擬今辰理事乃夜來下雨朕即傳諭諸臣不必前來而城中官員俱已行至西直門聞旨始回昨夜既有風雨在京大臣等理應遵照前旨何必多此往返嗣後有特旨所傳之官員若有風雨無阻字樣則不論風雨即著前來若朕御門之日遇有大風雨雪伊等即互相傳諭不必前來○調阿克敦為兵部左侍郎轉三泰為禮部左侍郎調塞楞額為禮部右侍郎由兵部調○壬午諭內閣據總河齊蘇勒奏報朱家口水勢斗長東岸壩臺大埽衝陷見在防守修築等語黃河水性無定將來或有浸溢河水旁引恐有奪河之患齊蘇勒在工年久歷練老成清慎勤三字均屬無愧朕所深知但年已望七恐精力稍減河工勤勞思慮有不及處兩廣總督孔毓珣素諳河工事務伊從前屢請陞見今准其來京著先至河上詳勘水勢協同齊蘇勒細加商酌妥議兩廣總督印務著兵部侍郎阿克敦前往署理○癸未吏部議准怡親王允祥奏直隸水利營田事務殷繁請設立滿漢司屬各四員水利營田使經歷一員從之○甲申諭大學士等弭盜之法莫良於保甲朕自御極以來屢頒諭旨必期實力奉行乃地方官憚其繁難視為故套奉行不實稽查不嚴又有藉稱村落畸零難編排甲至各邊省更藉稱土苗雜處不便比照內地者此甚不然村落雖小即數家亦可編為一甲熟苗熟種即可編入齊民苟有實心自有實效嗣後督撫及州縣以上各官不實力奉行著何嚴加處分保正甲長及同甲之人能據實舉首者作何獎賞隱匿者作何分別治罪其各省通行文到半年以內被舉盜犯可否照家長自首之例暫治以輕罪舉首之盜儻有從前未經發覺之案地方官可否從輕處分以免贖徇畏縮著九卿詳議具奏再盜案疏防文武各處分雖著有成例但其中尚有分別凡山海大盜聚眾多人土獍苗蠻成羣劫奪及響馬老瓜等賊聚有窩穴勢難擒捕者責之弁兵如久無緝獲則文武一例處分情罪俱當若盜止十人以下蹤迹散處者則補役力能擒



制雖事發潛逃亦能躡探而營汛弁兵各有職守勢難遠緝此等盜犯似當專責州縣武職處分可否酌量從輕庶情法得平中無枉抑著九卿一併確議具奏○丁亥以僧格為內閣額外學士內閣侍讀○九卿議准怡親王允祥奏滄陽河發源河南磁州州民攔河築壩致直屬之邯鄲永年諸縣爭水訐訟事關兩省文務動經歲月請將磁州改屬廣平府滄陽一河全歸直隸統轄從之○命雲南通省丁銀攤入田畝內徵收○戊子戶部議覆署四川巡撫羅殷奏秦川省州縣多屬以糧載丁紳衿貢監等盡皆優免差徭請將優免之名永行禁革與民一例當差查川省以糧載丁之州縣紳士原無丁銀無庸優免行旨向來徵收錢糧每私立儒戶宦戶名色累及小民已經降旨嚴禁而丁糧差徭或借紳衿貢監之名包免巧脫情弊多端羅殷奏所奏禁革紳士優免之處固屬

東華錄 雍正八年

太刻而部議但就其錯處指駁其餘未曾詳議亦屬蒙混著九卿詳議具奏尋議照例優免本身一丁其子孫族戶濫冒及私立儒戶宦戶包攬詭寄者查出治罪從之○兵部遵旨議奏正定副將既改為總兵官應將標下兩營改為鎮標復設遊擊二員以見有之守備二員即為遊擊中軍守備復設千總一員再設城守龍固營守備一員把總二員添設馬步兵二百三十五名從之○四川巡撫法敏奏川省邊界番夷干犯法紀者請一面會同督撫提鎮具奏一面相機擒拏治罪並請嚴飭督撫提鎮約束沿邊弁員務以安戢邊境為主不得一毫需索以致開釁生事得旨治內地當先寬而劑之以嚴治邊夷宜先威而繼之以恩方克有濟朕非好大喜功偏於殘忍之主此數處番夷咸沐 聖祖數十年寬仁厚德自應傾心向化總緣地方官不實心任事苛求見小激出事端

復隱匿養姦致令伊恩不知感威不知畏所以大不法之案重見疊出今若照爾迂見而行爾能令所屬各員盡皆一塵不染乎儻再有不法事出將不肖員弁正法以謝罪於番夷乎抑別有料理之法乎若漫然不料事之始終亦並無深謀遠慮止據無稽之迂談奉為指歸信而不疑是豈封疆大臣之識見耶今爾所見亦不可謂全無用處但尙非其時俟將此歷來不法之積習極力振作整頓一番使伊等懍然知法當遵知威可畏然後再行爾此奏嚴飭將弁屬員遵守弗違彼時可保地方百姓永遠享昇平之福也○己丑諭內閣各省耗羨銀兩與營伍中數分公糧存貯公所原為本省本營之中或有公事需用或為各官養廉使地方營伍備用有資不至派累兵民乃通權達變之法其來久矣並非正項錢糧可比也邇來督撫提鎮中小心拘謹者恐目前經手將來無以

東華錄 雍正八年

自明具摺奏請咨部以記出納原係見小之舉該部止應存案此並非開銷正項錢糧也若將耗羨銀兩俱比照正項具題報銷相沿日久或有不肖官員指耗羨為正項而於耗羨之外又事苛求必至貽累小民此風斷不可長○裁廣西太平府龍州流官吏目○庚寅諭吏部兵部蔡珽職掌太多不能兼管著將都察院左都御史及正白旗漢軍都統二缺另行開列具奏兵部尚書事仍令蔡珽管理○是月免直隸霸州玉田等州縣雍正三年水災額賦有差  
五月壬辰朔川陝總督岳鍾琪奏甯夏駐防滿漢兵丁糧餉請分別折給得旨從來滿洲兵丁性情質樸奉公守法不知爭論財物白圖便利亦未聞於該管上司前有控告錢糧等事昔年福州漢軍駐防兵丁因爭競馬乾錢糧 聖祖仁皇帝將為首之人重懲



附和之人分別治罪蓋恐其漸成惡習故用法以儆將來也每見旗人爲上司往往袒護旗人亦有故意刻待漢人袒護漢人以示公者漢人爲上司又往往袒護漢人亦有故意刻待漢人袒護旗人以示公者此皆非大公至正之道也朕君臨天下一視同仁惟期事事公平不肯稍有偏向如滿洲駐防兵丁其所得錢糧馬乾等項較綠旗兵丁爲多此非厚待旗人也蓋綠旗兵丁係土著之人經營度日稍覺容易滿洲兵丁於錢糧之外無所資藉故特加恩惠以養贍之旗兵既有多得錢糧之處則不應復占綠旗之分例今岳鍾琪奏據鍾保詳稱甯夏滿兵初到採買米石草束實難請將夏朔二縣實徵草束並額徵一萬五千石之米盡給滿兵以折價給與綠旗兵丁此奏甚屬錯謬若云折價足敷採買之用則綠旗可以採買滿兵即可以採買且地方官亦可以採買矣若云東華錄 雍正八年 折價不敷兵丁同爲朝廷養之人滿洲素性尚義輕財豈肯奪綠旗兵丁之利以自便其私乎據云詢問綠旗兵丁亦欣然樂從凡辦事止論理之當行與否若於理當行豈因綠旗兵丁不願而遂停止乎若於理不當行即綠旗兵丁情願固屬可嘉獨不計及滿洲兵丁之顏面乎又稱所需白米每石以一兩五錢折價爲數無幾等語國家有一定之經費若屬應用則數千數萬亦不爲多若不應用則一絲一粟亦宜察覈豈有因數目不多而遂可任意增添乎况爲數不過七百餘金即將此分與三千人取爲利幾何而令滿兵徒受與國家較量錙銖之名乎鍾保身爲藩司料理軍餉乃其專責滿洲兵丁所需米石草束著交與鍾保管理採買散給不得稍有虧缺若借端貽累地方朕必加重處俟辦理數年兵丁住久熟習之後再行奏聞令兵丁各自採買○癸巳諸王大臣

等奏允禩身爲大將軍毫不效力止圖利己營私貪受銀兩縱容屬下騷擾地方嚇詐官員固結黨羽心懷悖亂請卽正典刑以彰國法得旨阿其那允禩允禩等結黨營私同惡相濟朕以宗廟社稷爲重遲回詳慎多方勸戒而伊等怙終不悛罪惡昭著朕亦無可如何但允禩與阿其那允禩雖均屬罪人而允禩爲人止於賦性糊塗行事狂妄至奸詐陰險之處則與阿其那允禩相去甚遠因阿其那允禩多方籠絡允禩墮其術中受其指使不知悔悟設令伊一人獨處則才具庸劣斷不能獨爲一事若與阿其那允禩一處聽其愚弄則狂悖恣肆可以無所不爲矣朕數十年來於伊等之居心行事知之甚悉若謂朕於允禩獨有偏徇則朕何以對 聖祖在天之靈乎朕之此心 天地神明自能昭鑒前令允禩在馬蘭峪居住原欲其瞻仰 景陵感發天良痛改前非洗東華錄 雍正八年 心滌慮而允禩並不醒悟悛改蔽鋼日深奸民蔡懷壘又構造大逆之言冀行蠱惑則馬蘭峪亦不可令其居住著滿都護常明來文馳驛前往將允禩撤回朕思 壽皇殿乃供奉 皇考 皇妣聖容之處將允禩於附近禁錮令其追思 教育之恩寬以歲月待其改悔伊子白起甚屬不堪著與允禩一處禁錮其子白敦尙好可封爲鎮國公令在伊家居住○陝西巡撫圖理琛奏保送遊擊守備赴部引見諭嘗見滿洲爲上司則以滿洲爲可信任漢人爲上司則以漢人爲可信任不思身爲大臣管轄之人滿漢俱有一有偏向則諸事皆不得其平何以服人心而理庶務前令陝西督撫提臣各保遊擊一員守備一員送京引見朕意以陝西武弁可用者甚多而征討桌子山等處又多效力有功之人地方大臣當從公保薦以副朕留心人才之意乃圖理琛於遊擊內將查爾



扈保送前來查爾扈在乾清門侍衛行走用為陝西撫標遊擊滿洲在陝為綠旗武官者止有查爾扈一人而圖理琛即將伊保舉豈此外遂無可保舉者乎且查爾扈係朕深知熟識之人又何必進京引見著即令回任又潼關修造滿兵房屋延信圖理琛特差旗員四人前往監造若云滿洲房屋漢官監造未必合宜何妨指示規模令其照式為之而必欲委滿洲謂其不至侵蝕淨冒是明以漢人為不可信用而以滿洲為可信用即有意偏向之明驗矣著交與延信圖理琛不時稽查若所差旗員不善辦理或有侵蝕淨冒或在地方生事滋擾朕少有所聞定將延信圖理琛一併從重議處從前年羹堯署理大將軍印務將滿洲官員兵丁百計陵辱領兵征剿領海堡時將滿洲功績概行泯沒且加以敗北之名以致人人怨憤此又有意遏抑滿洲者更為悖逆身為大臣一東華錄 雍正八年 完

涉徇徇則大乖為政之道將來必干嚴譴凡居封疆大任者當深以為戒○兵部等衙門議奏鄂倫岱阿爾松阿固結朋黨擾亂眾心屢蒙寬宥發往盛京仍怙惡不悛大干國紀鄂倫岱阿爾松阿應擬斬立決從之○乙未議政王大臣議准川陝總督岳鍾琪等奏臣遵旨同通智將隆科多石文焯所奏插漢拖輝開渠建閘之事按圖驗看自插漢拖輝至石嘴子築隄開渠有地萬頃可以招民耕種請於插漢拖輝適中之地建城一座設知縣一典史一再將李綱堡把總一兵五十名移防縣城石嘴子地方請撥平羅營守備一把總一兵二百名駐中衛邊日請撥甯夏鎮標守備一把總一兵一百名分汛防守自河西寨至石嘴子築隄二百餘里開渠一道建欄水閘八座請於七月間動工招民開墾以資灌溉得旨依議插漢拖輝之事甚屬緊要著通智留插漢拖輝地方辦事

單疇書向管甯夏亦著前往同通智管理事務尋定新設縣名曰新渠○丁酉以裴率度為左都御史調汪澂為江西巡撫以甘汝來為廣西巡撫由按察使遷○庚子諭大學士等從前阿其那允禩允禵等結黨營私每好造言生事凡僧道喇嘛醫卜星相甚至優人賤隸以及西洋人大臣官員之家奴俱留心施恩相與往來以備其用若欲排陷何人即捏造無影響之言使此等人傳播以黃惑無識見之輩 聖祖仁皇帝深知此輩奸惡時時留心至朕即位以後即有傳言云朕日日飲酒又云朕頻與隆科多飲至更深隆科多沈醉不勝令人擡出即蔡珽自四川到京越數月見朕毫不飲酒曾駭歎奏朕云臣在四川聞人流言皇上日日飲酒今臣到京已久朝夕侍從始知皇上涓滴不飲昨路振揚來京陛見臨行時亦奏臣聞流言謂皇上即位後常好飲酒今臣朝暮入對惟見東華錄 雍正八年 完

皇上辦事不輟毫無酒氣如此陳奏者甚多此無他故皆因阿其那允禩素日沈湎於酒朕頻降旨訓誡而伊等遂播此流言反加朕以好酒之名傳之天下夫朕若於政事不誤即使飲酒亦復何傷然朕實天性素不能飲內外之所共知以天性素不能飲者尚偽造此言則此輩之流言何可限量也今又見報房小鈔內云初五日王大臣等赴圓明園叩節畢皇上出宮登龍舟命王大臣登舟共數十隻俱作樂上賜蒲酒由東海至西海駕於申時回宮等語夫人君玉食萬方偶於令節宴集羣臣即御龍舟奏樂賜飲亦豈蕭蕭湛露之意在古之聖帝明王亦所不廢何不可者但朕於初四日即降旨令在城諸臣不必赴圓明園叩節初五日僅召在圓明園居住之王大臣等十餘人至勤政殿側之四宜堂賜饌食角黍逾時而散並未登舟作樂遊宴也且先期內務府總管等奏



請今歲照例修備龍舟朕實止之此非有意屏卻讒遊蓋厭其喧雜耳而報房竟捏造小鈔刊刻散播以無為有甚有關繫著兵刑二部詳審訊務究根源以戒將來以懲奸黨○諭從前降旨詢問查弼納凡八次伊將蘇努七十隆科多互相串通鎖營之處隱匿並不據實舉出是以朕將伊調來京覲面詢問伊仍堅執不認是以將伊革去總督擊交王大臣詢問彼時降旨云伊若將蘇努七十實情舉出將伊口供繕寫具奏若不據實供出爾等將伊擬罪具奏伊今供稱蘇努七十阿靈阿揆敘鄂倫岱阿爾松阿結為朋黨協力欲將阿其那致之大位蘇努屢稱允禔氣象大方蘇努結交七十特為結交允禔之故允禔又與阿其那相好結為一黨邀買人心藐法妄行隆科多專擅威權又結交接敘阿靈阿各處邀買人心為彼羽翼等語將種種實情舉出查弼納係後進之人

東華錄 雍正八年

伊特畏懼權勢隨聲附和今既據實供出諸王大臣尚議將伊正法甚屬不合朕昨降旨時以言及 聖祖仁皇帝彼時查弼納即痛哭不止此處伊尚有良心著將查弼納之罪悉行寬免仍降旨與查弼納云從前朕降旨詢問之時爾果照今日所供將實情舉出朕亦不將爾調來京師爾在兩江總督任內居官尚好故將爾寬免爾果痛改前愆朕尚有用爾之處若不悛改定行正法決不寬恕再蘇努七十阿其那允禔等互相結黨串通鎖營妄亂行為之處查弼納俱經供出今蘇努七十雖已身故應如何追治其罪以彰國法至蘇努七十之子孫內有兇惡妄亂之人爾等詳加察看將應如何治罪之處議奏○諭賜錢名世名教罪人四字著伊製扁懸於居宅又諭旨一道及諸臣所賦惡刺之詩一併交與錢名世刊刻進呈凡直省學校所在各頒一部以示鑑戒○諭領侍

東華錄 雍正八年

衛內大臣公馬爾賽等爾等傳諭鄂倫岱之妻子兄弟族人等昔日佟國綱因鄂倫岱不孝奏請誅之我 聖祖皇考思念 皇祖妣孝康章皇后特從寬宥使離京師授為廣東駐防副都統既而調回京師授為領侍衛內大臣承襲公爵伊不念 皇考如此天高地厚之恩忍於背負與阿靈阿蘇努等結為黨與保舉阿其那欲圖大位擾亂國家前者審訊阿其那之太監供出阿靈阿鄂倫岱為黨與之首顯干滅族之罪舉國皆知 皇考復加寬宥伊仍不知感激不思致身為國以贖前愆乃己丑年 皇考自霸州回鑾時面數鄂倫岱結黨之罪伊毫無畏懼 皇考如此高年而伊一路觸犯行至六十餘里其倨傲兇狠之狀朕與扈從人等旁觀無不痛恨及在熱河 皇考聖體違和並未請安一次其意頗以為快在宮門前每日較射歡笑其後 皇考於行圍地方向鄂倫岱云爾無恩情爾所作之罪不可勝數實為可殺之人伊承 旨之下毫無畏懼倨傲如此親隨侍衛等不勝憤恨人人髮指因此 皇考憤懣終日伊平生於 皇考前敢於觸犯種種過惡其小者不可枚舉伊於 皇考則忍心違忤如此而於阿其那則結為黨與擾亂國家政事朕無不知之朕即位以來效法 皇考仍不念其罪惡施恩保全乃伊每事擾亂傾身回護阿其那因阿其那佐領一事在外於眾人前一番議論在內代伊啓奏顯露悖逆之狀將朕所交硃批諭旨擲於乾清門地上在朕前舉止抗橫為人臣者當如是乎伊與阿其那固結死黨同阿爾松阿阻撓政事以亂眾心朕百端諭令改悔毫無悛心益肆傲慢故諸王大臣屢次奏請將鄂倫岱阿爾松阿即行正法朕尚不忍望其改悔發往盛京令其思過乃伊至彼處仍不知畏懼妄生怨忿終日酣醉夫令

東華錄 雍正八年



其改過則斷不知改加以恩澤則毫無感激懲以國法又毫無畏懼朕其奈何若不將伊等正法伊等欲圖大事之心斷不能絕也故將鄂倫岱阿爾松阿正法從前大臣等議奏籍沒鄂倫岱之家產將妻子入辛者庫朕思念 皇祖妣孝康章皇后 皇妣孝懿仁皇后特與寬免阿爾松阿效法伊父敢行悖逆其罪尤重故發遣其妻子至鄂倫岱之妻子兄弟族眾理應感戴朕委曲保全之恩若稍存異心天亦不宥昔者大禹父雖殛死禹惟盡忠後人稱爲聖人豈以禹爲不孝乎能知君臣之大義自當感朕寬大之洪恩也觀鄂倫岱之子補熙尙無惡行著照常供職效力其餘亦各於本職效力行走補熙果能向上朕仍委用爾等若以報鄂倫岱之讎爲念不誠心感恩效力朕自知之彼時切勿含怨也諭畢法海夸岱兄弟及鄂倫岱之子補熙並族人等跪泣叩頭奏請謝恩

東華錄

雍正八年

聖

又奉 上諭著降旨與伊等爾族豈比他族乃 皇祖妣孝康章皇后 皇妣孝懿仁皇后之親支也爾等雖犯大罪朕但治犯罪之人而已其餘兄弟族眾斷不累及今因鄂倫岱悖棄國恩身獲重罪實爲國法難寬不得已而正法鄂倫岱所作之罪指不勝屈爾等所深知爾等陳奏鄂倫岱種種罪惡感戴朕恩既欲叩謝准其叩謝○癸卯調徐湛恩爲廣西按察使以楊紹爲山東按察使山江南○乙巳諸王大臣等參奏允禧改名所擬字樣存心奸巧殊屬不法應發令擬改得旨此事在允禧猶爲罪犯之小者阿其那允禧允祿允禔固結匪黨潛設機謀種種不法之事不可枚舉朕所舉以曉諭羣臣及爾等所共知者不過十分之二三其餘有所干礙而不便言及繁瑣委曲而難以悉數者甚多朕俱爲隱忍難以宣示也祇因二阿哥在東宮時失儲君之道阿其那允禧

等潛萌希冀之心而阿靈阿揆敘鄂倫岱等復私相附和將二阿哥百計傾陷以便遂其私願夫二阿哥居心行事 皇考無不照察廢黜斷自 宸衷豈伊等所得施其伎倆乎二阿哥一日在東宮之位凡爲臣下者當守一日之臣節豈可以悖逆之私心而視東宮如讎敵乎及二阿哥廢爲庶人已見斥於 皇考又有一等奸宄之徒妄思復立以圖僥倖此又背紀亂倫之罪人也當時伊等見二阿哥廢黜妄以爲伊等奸計之所致邪黨愈加堅固公然欲仗邪黨之力以東宮之位可唾手而得漫無忌憚竟有敢與皇考相抗之意此實朝廷之大患國家之深憂是以朕卽位以來百凡整理費盡苦心乃三年之久頑邪尙未盡化風俗尙未丕變爾等滿洲大臣急宜醒悟當日 世祖章皇帝御極正在沖齡睿親王輔政大權在握一日以黃色衣示在廷大臣詢問可否衣著

東華錄

雍正八年

聖

而彼時大臣尙力爭以爲不可凡滿洲耆舊內此等剛方正直之風權勢所不能奪者歷歷可考當時上三旗風俗止知有君上後因下五旗之人與上三旗之人並用遂染下五旗卑微之習然從前下五旗之人雖各有該管之主而其心亦止知有君上不知有管主也何至今日遂卑靡一至於此如昨日都統武格在朕前奏對尙將獲罪削籍之允禧稱之爲主武格乃一無知武夫此則風俗頹壞大義不明之故也孟子云遵先王之法而過者未之有也朕事事效法 祖宗願爾等亦效法爾之祖父忠誠自矢一念不移古人云天無二日民無二王臣子之於君上乃天經地義苟懷二心而存游移瞻顧之念卽爲亂臣賊子天理國法豈能容乎如阿靈阿鄂倫岱等之奸惡不明大義其存心行事爾等當以爲戒當日滿洲風俗醇樸雖遇天潢宗室未嘗不加禮敬尊君親上之



心最爲腫篤朕今日之諄諄訓誡不憚反復周詳者無非欲正人心化風俗使國家永享昇平之福耳至於允禩改名之事諸王大臣議令發伊自改若發令自改伊必致又多奸詐著交與誠親王恒親王酌改具奏尋議允禩應改爲塞思黑從之○命撥江西米十五萬石運閩備賑○戊申召入諸王大臣九卿等論曰歷年以來朕之數弟昏昧無知不安本分其奸偽逆亂之行爾等大臣從前雖畧曉一二何能盡知爾等且不能盡知外間小人又何由知之伊等爲人存心行事朕因三四十一年共在一處知之甚悉伊等僭妄之心悖逆之行及其黨與於國家大有關係阿其那等歷年傷 皇考之心不孝不忠結爲黨援擾亂國家其罪倍甚於二阿哥從前阿其那塞思黑允禩允禵等共爲黨與包藏禍心將不守本分詭隨之人百計千方引誘交結又將生事兇亂喇嘛僧道醫東華錄 雍正八年 聖

明伊等皆得罪於 宗廟 社稷 皇考之人國法所當誅者也朕卽位以來將伊等罪過俱從寬宥凡事教訓冀伊等解散黨與去其僭妄之心改其悖亂之行將阿其那封爲親王簡用重任總理事務阿其那仍不改其覲覲悖逆之心奸偽之行凡朕所交之事俱有意欲敗壞之舉以美譽自居欲將惡名歸之於朕其悖逆之心無少改悔處俱爲朕所覺察伊但兇心稍萌朕卽顯然曉示於眾故伊計窮力絀知其悖逆之心奸偽之行斷不能施布意欲朕加以誅戮或可有玷朕名譽之萬一以洩其忿種種擾亂全無人臣之體竟在眾大臣前發誓公然詛咒連及朕躬舉動狂悖一至於此朕封阿其那爲親王之時伊妻家之親爲伊賀喜阿其那卽云何喜之有我頭不知落於何日等語朕不知其何心而出此言再阿其那在拘禁之處向看守太監云我向來每餐飯止一碗今飯加二碗我斷斷不願全屍以歿必使見殺而後已等語豈有身爲臣子而如此暴虐悖逆之理耶再阿其那於 皇考在日不能承歡奉事以叨 君父之矜憐不能保其貝勒之爵祿不能不犯鎖鑿之罪伊之乳母之首領不能保妻子不能保家財不能保則阿其那之才具福分顯然可知夫阿其那以此才具福分兼以不孝不忠挾其奸偽之心恣其所行之事儻致此大位豈能上安 宗廟社稷報答 祖父之恩澤被生民之眾哉果係誠心爲大清國之人未必願阿其那位登大寶也至塞思黑乃係癡肥腫矯揉妄作粗率狂謬卑污無恥之人 皇考從前不比之於人數弟兄輩亦將伊戲謔輕視卽阿其那亦知伊庸昧無能特引誘愚弄使出努力塞思黑因阿其那事敗未稱伊等之心數年間挺身覲覲大位者亦阿其那將伊慈憐之所致也朕卽位以來因思



伊等斷不可置之一處將伊遣往西大通居住原欲令其更改惡心逆行也伊覺朕之寬仁斷不肯傷伊等身命不但不改其悖逆之心反種種妄亂敢行自古人臣未行之事敢言自古人臣未出之言祇欲激怒朕心務令誅之而後已至於帶給允祿書札內有機曾已失悔之無及等語數千里寄此等悖逆書信毫無畏懼如此不法是誠何心抑蒙 聖祖皇考隆恩蒙養臣子三四十年之厚澤豈有因未遂借妄之私即怨望 君父與國為讎如此悖逆肆行有是理乎且伊蠢然無知行事悖謬不量己才不知羞恥以不足比數之人賄買棍徒而小人惑於流傳之言以為塞思黑可邀大位致使眾口紛紛此亦世所罕聞也而伊亦公然自受忒口亂言自古以來亦未有不自度量顏無恥悖謬干法如塞思黑者也至允祿生性糊塗急暴不知天高地厚之人 皇考知伊在

東華錄

雍正八年

四

家必然生事特遠遣出征在外允祿乃信阿其那塞思黑之唆誘頓萌大志自古有大志之人豈有不願身名美善之理而允祿於出征處妄費國帑肆行貪婪騷擾地方又鑽營塞思黑令在 皇考前巧為設法取青海台吉之女逐日醉飲種種淫亂貪污之行眾皆知之允祿身為大將軍所行之事有國法在在 皇考洞鑒在有公論在自當勉勵圖功粉飾邀譽強為忍耐遂伊願望之心而乃醜行不法至於如此似此伎倆人品若至大位恣任其意何所不為豈能為國家萬姓造福也不過私心令伊同黨中不孝不忠奸宄亂國當誅之數人僥倖而已非國家之福也朕即位後即降恩旨將允祿喚回允祿於未到京之時即露種種狂悖於到京之日向朕輕躁妄行狀類棍徒其罪不可枚舉朕皆寬宥施恩於皇妣梓宮前封伊為王全不思報朕恩並不改伊等朋黨之初

心逆志益恣向朕種種欺妄暴虐之心倍加近者蔡懷聖投伊院內字帖內開二七變為主貴人守宗山以九王之母為太后數語允祿不行奏聞將要緊字樣裁去塗抹但交與總兵范時繹令不論如何完結且云並非大事看其如此悖亂之行即史書內亦屬希有至於允祿但知索取民財爭奪買賣交結內侍種種宵小刻薄無恥劣行之處難以屈指舉國共知阿其那將此等人亦行設法牢籠令其出力以為羽翼阿其那等心懷奸惡擾亂國政煽惑人心邀買美名結交匪類偏處稱揚伊善不過欺人而已豈能欺上天 皇考乎阿其那等承歡 皇考者何處效力者何處有裨國家者何處利濟軍民者何處施恩臣工者何處有益兄弟者何處且當 皇考聖明在御之時阿其那為皇子何得交結外人不會與政事有何善足稱遂致人目之為佛者何故耶此皆伊等

東華錄

雍正八年

四

所結朋黨作亂之徒招搖惑眾小人愚昧入其機變不審始末虛實之所致甚顯然也伊等如果有善可據朕此數言又安能掩沒伊等之善行乎但眾多愚昧伊等存心行事已久眾人被其欺惑者深朕若不如此明白降旨分晰伊等奸偽之術兇惡之性不孝不忠之行眾皆難以知曉今眾人但將伊等果如何好如何似佛之處稍為揣度則若夢之醒咸自曉然也且當 皇考之時朕若欲似伊等結黨不能得人耶若欲似伊等邀名不能致譽耶若欲效伊等之所行豈不能為之人耶止因上天昭鑒可畏 皇考恩德甚重朕心不忍妄負是以但甯靜守分敬謹孝順於 皇考之前朕自幼時諸兄弟俱恭敬朕躬朕於兄弟中亦並無私嫌而朕亦從無希冀大位之念此 皇考所深鑒眾人所深知也昔朕之兄弟中往往有得罪 皇考者朕身為之解釋調停以寬解 皇



考之怒凡此不可枚舉見今諸王與 皇考親近侍衛俱悉知之朕非邀名亦非爲伊等乃實爲 君父年高仰體 聖躬之故是以堅持心志而行之耳莅位以來惟因國家利害所關但欲伊等改其兇孽之性以及於善耳設使朕先便有希冀此位之念今已登此位矣又於伊等何讎乎朕從前若有被兄弟陵辱或置朕於惡地或於朕有虧傷處如此等私怨儻有一人亦必不能掩眾人之耳目 皇考在時朕賴 皇考之恩平安尊榮已四十五年與此等不肖弟輩豈但並無讎隙即些微一言之不合亦未有也朕臨御以來日夜念 皇考之恩付託之重於政事竭力勤求已經四載爾眾大臣朝夕在廷覲面奏事豈有不知之理自古帝王未有如我 聖祖皇考之勤政者即 皇考之勤亦無自朝至暮辦事之理但朕甫登大位因素性於事不好干預臣工皆

東華錄

雍正八年

完

所未識政務皆所未經念 皇考付託之重大恐其隕越遺漏故爾精勤求治自晨至暮總無間斷伊等不得窺朕之瑕隙於元年二年間造言有謂朕每日早間理事日中即醉飲者又有謂朕日中酒醒日昃方理事者朕當時即已聞知諸卿甯不聞乎朕從不能飲若彼時即降諭旨似乎弭謗亦謂流言虛實歷久自明故未即降諭旨經今四載朕從前不能飲之處眾已共知伊等見朕勤理政事又 皇考以大業付託朕躬奸惡之徒遂欲以不美之名加之於朕以有過加之 皇考欲使天下擾亂不已故又造此等無稽之言傳播聲揚今郭允進作書拋入塞楞額轎中內云十月作亂八佛被囚軍民怨新主又謂朕自即位以來遭旱潦饑荒之災等語觀此實乃阿其那塞思黑允禩允禩等朋黨之奸逆兇惡小人行亂作惡之書辦阜隸旗棍等貪取貨財訛詐尋事慣於鑽

東華錄 雍正八年

營之徒見朕將部院衙門及各省私弊盡行除革政治肅清此輩宵小之人不能行其劫掠訛詐之事始遺恨於朕不憚法度不畏死亡特造此等悖亂之語以搖動人心擾亂國家欲使朕心疑畏將此輩惡棍朋謀之人容忍寬假之意朕以聖賢大公至正之道治天下焉有因此等悖逆之言遂爾畏懼寬假之理乎謂阿其那爲佛者豈以其不孝不忠如鬼如蜮之行乎不然伊又有何等忠孝仁慈之美行耶似此兇暴惡詐奸險之佛誠自古所未聞者况水旱疾疫世所有者此輩如此妄言儻偶逢其事眾即以其言爲驗而信之矣所關甚鉅朕即位三年以來幸叨天貺眾所知者此豈可以假飾之事乎儻非皇天眷佑稍合此輩造作之言又不知如何造作謗訕矣如直省去歲偶值水災朕即發粟數百萬石賑救又令修治塘隄大開水利因軫念元元之故動用數百萬帑金

東華錄

雍正八年

辛

使直省數百萬黎民竟若無災不至艱食直隸通省百姓之感戴亦難掩眾人之耳目天下軍民朕愛之如赤子自臨御以來所以推恩於軍民者甚備天下之人何故不戴朕恩反生怨恨也且不知怨朕何事豈即以懲治阿其那等當誅之奸類故乎如朕即位三年有一事可致軍民之怨朕萬歲後何以見我 皇考在天之靈朕如有致軍民可怨之處眾即當明言今者內有郭允進之輩外有蔡懷璽之徒任意造作各樣謠言實國家之蠹賊不可以不正法也我朝自 太祖 太宗肇造區宇至我 皇考百有餘年滿洲等世沐恩膏朕承 皇考之命嗣此鴻基天惟一曰國止一君八旗人等亦惟感戴大君一心事朕而已似此不忠不孝之輩擾亂國家妄行不法亂臣賊子之居心行事八旗之人聆朕曉諭之旨當必駭然深燭其行事之悖亂當切齒而共恨之者嗣後

一六九



爾等各部院衙門八旗之內有如此等妄造語言搖亂人心者汝等加意訪拏誅殛數人羣小自然戒懼不敢妄為矣儻知之聞之故作不知被他處拏獲審出時將隱匿之人照犯人一例治罪塞楞額陳奏甚是嘉大凡微賤小人不知國家之大義懷奸隱匿以示私恩如塞思黑允禔等以關繫己身之事值此等妄言之人尙故作不知縱之以示寬仁非國家之叛臣賊子而何且置法紀於何地乎從前諸王大臣請將阿其那塞思黑允禔即行正法斷不可留所奏甚為當理此輩包藏異心撓亂國政乃獲罪於宗廟 社稷與我 皇考之人理應正法但伊等歷年結成黨與妄造語言蠱惑人心久矣阿其那等種種奸詐惡逆之事中外及八旗軍民人等尙未得徧知此事乃關繫 皇考及朕躬之事今故將此輩奸惡不忠不孝大罪備悉言明使中外之人昭然盡曉即

東華錄 雍正八年 至

將此輩正法亦屬當然日後亦不得議朕即姑留之不過少延其性命耳亦無所關礙汝等謹記此旨錄出奏覽後傳與京城內外八旗軍民人等一體知之○已酉諭宗人府順承郡王錫保才品優長乃國家實心效力之賢王今在內廷行走差遣甚多王之費用亦多著給與親王俸護衛官員俱照親王之數用○諭十五阿哥允禩封為貝勒著在 陵上居住二十阿哥允禵封為貝子各賞給內府佐領並各給藍甲兵丁○庚戌刑部等衙門議奏捏造小鈔之何遇恩等依律斬決得旨何遇恩邵南山俱改為應斬著監候秋後處決報房捏寫小鈔以無為有甚屬可惡朕素性事事率真不為粉飾今歲駐蹕圓明園適值花開時諸大臣奏事齊集朕於理事後偶爾率同觀覽賜以家常食饌為時不過二三刻仍以吏治民生人心風俗諄諄誥誡君臣互相勸勉並不因遊覽而

忘咨傲也賜食畢朕仍至勤政殿辦事如常此滿漢文武大臣所共知共見者今觀小鈔所載既可以捏造全無影響之談則從前之偶爾看花又不知如何粉飾傳播矣夫自古帝王遊讌亦所不廢果能於遊讌時所對者皆諸王大臣所言者皆民生國計其於勸勉化導不大有裨益乎總之人主所最要者在於一心果誠心戒省念茲在茲無地非咨傲之處也乃無識之人不能知此又加以捏造之言令人聞而疑駭如小鈔所載正復不少又如各省督撫貢獻地方土產食物此亦封疆大臣達瞻仰之情展恭敬之悃實不便一概屏卻 聖祖仁皇帝時常擇其不適於用者皆不收受朕思遠方之物既已齎至京師若不收則攜回反多路費故常體其情而受之而宮中所用有限每因諸臣奏事之餘隨便賞賜總因朕心之待諸臣坦意真率實是家人一體之誼若謂朕借

東華錄 雍正八年 至

此為鼓舞臣工之具因以分別朕待諸王大臣之輕重則不知大體之甚者也又見督撫等自陳本中有將頒賜細物臚列詳載者此等識見甚屬卑陋至於外任微員武弁出京時朕擇其可以琢磨者每召入訓誨又加恩賜無非欲其捧至任所觀瞻賜物思朕訓誨之切以盡職守而伊等出外往往誇耀鋪張以致訛傳失實似此卑陋之見謬誤之言遠近傳聞安能察其真偽故因小鈔捏造之事並諭及之○壬子工部等衙門議准怡親王允祥奏畿輔西南水利一拒馬河為涑水之下流白溝河為拒馬河之歸宿馬頭芒牛諸水又皆為白溝之支流清泉疏衍俱可灌田惟芒牛下無所歸多致泛溢請於高橋以下疏濬淤塞使安流入淀則房涿之水利可興一房涿之間王家莊等處向係水田改為旱田甚屬可惜請於鐵鎖崖分流之處深溝側注使水之來者不窮復於白



溝河之上隨宜建閘使水之去者有節則啓閉以時王家莊等處之水田可復一易水有三濡水名北易電水名南易武水名中易自濡水與涑水合其流始大請循石壩之舊基考開渠之遺蹟沿流建閘以廣水利一徐水分爲諸河而安州實九河下流有徐水爲蓄洩之方則安州無泛溢之害請分減依城河以上諸水合電水徐水徑趨東淀復疏引一畝方順蒲水九龍等泉以資灌溉一唐河上承澆水合滋沙二河明代於電水村駕木爲槽以過水號爲騰橋溉田無算今請於唐水所經之處築岸濬渠後多設騰橋以防衝潰則節宜有法而溝溉無窮一沙河在唐河之南者其流爲大請凡阜平行唐新樂之水田有泉渠堙廢者盡行疏濬以資民利一滋水自行唐縣牛飲山白鹿谷而下洶涌澎湃於田沒稼請於靈壽之滋水七祖寨岔頭錦繡大明川等處壅流積水以溉

東華錄

雍正八

五

濟均惠通濟通惠通利永賴惠民邵家新開博濟永潤普潤諸閘引百泉水溉田請按閘座上下遇需水之時先閉下閘俟蓄水既盈乃閉上閘復蓄如前各以三日爲期禁民無得擅專撓越並展拓河身一倍則南和任縣皆爲澤國一野河引流凡七十二道會於沙河又有洺河與沙河合爲沙洺河常若涸竭請引滏陽河入沙洺合承年雞澤南和等縣並得沾溉之利一滏陽河合諸沁二水其流甚鉅向時建有人閘應修復以時啓閉使上下均平各沾水澤一南北二泊爲眾水所匯請於穆家口河道隘者廣之淺者深之令水勢得分復於邢家灣王甫隄諸處橋之廢者葺之少者增之使水得暢流不至梗塞再將灤河古隄增單培薄使水無泛決則任縣隆平之民俱獲利益一甯晉泊地窪水深自滹沱橫截溢水七里河口淤爲平地泊水無歸溢之路遂爲民害請於交口

東華錄

雍正八

五



充當苦差蘇努之第四子原任副都統赫世亨見在甘州請提擊正法得旨蘇努七十照議治罪以彭巨惡伊等家產諒已隱匿何必鈔沒蘇努之子赫世亨見在軍前著提解刑部監禁其餘子孫見在右衛者著交與將軍申穆德即在右衛監禁蘇努七十之子孫內有奸惡不可留者俱著右翼諸王旗下大臣公分別詳察指名奏請候旨尋議蘇努七十之子孫內赫世亨等十二人實係奸惡俱請即行正法得旨蘇努七十結為黨援擾亂國政歷年傷皇考之心伊等子孫理當加以誅戮但將如許人正法朕心不忍蘇努之子勒什亨烏爾陳著仍在誠親王允祉處禁錮俟阿其那塞思黑事定另降諭旨赫世亨魯爾金福爾陳書爾陳木爾陳庫章阿不可令在一處著押往河南山東山西江南蘇州浙江等處分交該督撫於衙門內禁錮其餘俱著交與右衛將軍入於右

東華錄 雍正八年 五月

衛兵額內嚴行約束如仍不悛改指名題參七十之子福永著擬斬監候珠棟福明七十之孫壽善著交與伊族人其如何處治之處著誠親王允祉議奏其餘著發遣船廠披甲嚴行管束○禮部等衙門遵旨議覆朝鮮國王李吟之四代祖李侗在明天啓三年請封當據該國宗族臣民稱侗恭順因籲請統理國事今該國王奏稱有明十六朝記直以篡奪書之實屬冤誣請刪除雜說著為定論應如所請俟明史告成後將列傳內立李侗之事頒發該國從之○庚申以內閣學士眾佛保兼理藩院侍郎事

六月壬戌朔諭大學士九卿翰詹科道等朕自即位以來念 皇考付託之重惟恐天下之人有一夫一婦不獲其所自朝至夜殫心竭慮晷刻靡甯無非欲休養生激清吏治使中外永享昇平之福得以仰慰我 聖祖仁皇帝在天之靈即如前歲雨澤偶愆

去歲畿輔被潦朕在宮中虔禱 上天中夜屢起瞻望雲色以下晴雨祈禱之時嘗終日飲膳不御不止於減膳而已此皆朕默盡其心不肯令人知之在朕心以為敬 天勤民勵精圖治之意至真至切可以自信無少愧歉於中故凡下詔求言之事未曾舉行今夏二麥登場之時適值連雨目前雖晴尚未開霽朕為小民深切軫念且奸民郭允進私貼謠歌有軍民怨新主之語朕因此反躬自省不能無疑或用人行政之間在朕已實盡其心而眾人觀論尙有以為未當之處亦未可知總之千萬人之中有一二人或有異議朕心即欲省察而權衡之爾諸臣皆朕簡用之人職在勸諭同休戚若朕身有過可直言無隱政治得失亦即各抒己見據實陳奏朕必嘉納勿視為具文勿有所瞻顧苟且塞責重負朕真切清問之至意尋大學士等奏 皇上自御極以來 郊壇大典禮祀必親精誠靡懈值陽雨偶愆虔禱宮中終日卻膳中夜屢興 皇上敬 天之誠從古未有也諒陰大禮盡倫盡制齋居素服優見輿聞之誠三年如一日每禮遇舊臣必曰此仰體 聖祖皇帝之意每廣行惠政必曰此仰推 聖祖皇帝之恩夙興夜寐惟以繼志述事為心 皇上孝德之隆從古未有也開恩科廣學額崇重科目激清吏道命內外之臣密舉所知臨軒召見不以小善而或遺不以微瑕而遽棄博采旁搜惟恐不及 皇上用人之當從古未有也綜理萬幾細大必周兢兢業業竟日端坐至黃昏秉燭之候尙覽悉庶務批答奏章 皇上莅政之勤從古未有也豁除蘇松江西浮糧暨各省積欠不下數百餘萬直省少有水旱歉收即蠲賑緩徵八旗人等俱蒙養育教誨每遇刑讞必詳求再四迺定爰書去年畿甸偶遭水患發太倉之貯運奉天之糧分遣

東華錄 雍正八年 五月



官員察視賑濟被水之區官給耕牛令其及時播植就食京師者給貨送回原籍額徵舊欠悉予停緩又有畿甸九十九河瀆於三淀遇潦必溢爲患已久特遣親王大臣相度疏濬墾闢水田遠至甯夏邊外浚河修渠開沃田累萬頃以惠邊氓米價驟貴發米五萬石減價平糶又將八旗甲米先期支放米價頓減 皇上愛民之仁從古未有也是以萬國九區感深高厚遐邇臣庶慶遇隆平咸以爲 皇上嗣紹 聖祖仁皇帝丕基協德重華如舜之繼堯今日之運卽唐虞之盛也蒼穹協應地軸呈祥日月璧合於營室五緯珠聯於乾方響應畢臻昭然可觀奸民郭允進於無數億萬之中自絕於大造者凡有血氣皆切齒痛憤不願與戴履天地其私貼謠歌又何能搖惑人聽乎至於求言之切從古又未有如皇上者科道則封章奏事文武諸臣則分班進摺外而封疆大臣東華錄 雍正八年 天

及方面有司得以上陳地方事宜內而引見各官並於繕寫履歷中皆得敷陳所見是 皇上無時不求言而諸臣無人不獲盡言也芻蕘之論每賜包容千慮一得輒令廷議大舜之好問好察執兩用中我 皇上固已追媲盛德矣臣等祇聆 聖諭儻有未議可效涓埃卽當陳奏以仰副 聖主懸轡設鐸之盛心疏入得旨朕自卽位以來朝乾夕惕惟恐有負 皇考付託之重於國計民生風俗吏治時時留心諮訪而未專下求言之詔者亦惟恐諸臣因此或有頌揚之語也近因雨水稍多朕推誠降旨詢問得失今覽諸卿所奏敷陳功德朕若作愧歎之詞觀覽亦居然任受矣奏內頌揚之語朕不作頌揚觀惟實作規諫期望益加勉勵以期副諸卿陳奏之語以仰慰 皇考在天之靈諸卿近來皆守法奉公恪勤供職於敷奏舉劾之間朕洞見諸卿之心朕甚嘉焉但

似出於勉強尙未底於自然亦期諸卿交相砥礪合於大公贊襄化理以副朕心膂股肱之寄朕旣宵旰勵精諸卿亦當公忠匪懈必底自然君臣至誠勉勸一德同心爲四海蒼生造福澤於無窮以共報我 皇考之深恩是朕之厚望也○甲子康親王崇安暨諸王貝勒貝子公滿漢文武大臣等公同議奏阿其那罪狀四款阿其那秉性姦險立心詭詐康熙四十七年冬 聖祖仁皇帝聖體違和奉 旨檢視方藥阿其那毫無憂色醫藥之事漫不關心惟與塞思黑允禔等促坐密語情狀叵測暨 聖躬平復毫無喜色反有目前雖愈將來之事奈何等語驚駭聽聞眾所共知者一也素蓄異志聽信相士張明德誑言遂欲謀殺二阿哥希圖儲位又與大阿哥暗蓄刺客謀爲不軌眾所共知者一也趨奉裕親王福金令其保薦及二阿哥旣廢揆敘與廷臣暗通消息各人手東華錄 雍正八年 天

心寫一八字眾所共知者一也詭託矯廉而凡有用財收買人心之處皆取於塞思黑託人重價購書誇其好學九流術士招至家中藏之密室厚加賞給俾各處稱揚眾所共知者一也平日受制於妻一日與何焯共談任聽伊妻門外大笑不知省避又將何焯之幼女私養宅中以爲己女眾所共知者一也二阿哥初廢時希冀儲位邪謀日熾結黨鑽營暨事情泄漏 聖祖仁皇帝震怒提拏發審問所犯情由俱已顯著 聖祖仁皇帝召集諸王大臣悉數其姦惡降 旨革去貝勒爲閒散宗室眾所共知者一也康熙五十三年冬 聖祖仁皇帝駐蹕遙亭阿其那遣人以將斃之鷹進獻又稱伊在湯山等候進京並不請旨行止自由 聖祖仁皇帝憤怒嚴訊伊之護衛暨太監等同黨姦謀盡行顯露其太監馮進朝供招鄂倫岱阿靈阿理屈詞窮倉皇退避 聖祖仁皇帝降



旨云朕與伊父子之情絕矣眾所共知者一也是日。聖祖仁皇帝又降旨諭眾阿哥云八阿哥允禩大背臣道覓人謀殺皇太子竟未念及朕躬也前朕患病諸大臣公保八阿哥朕甚無奈止得將不可冊立之允初放出五載之內極其鬱悶允禩仍望遂其初念與亂臣賊子等結為黨與密行姦險謂朕年已老邁歲月無多及至不諱伊曾為眾人所保誰敢爭執後日必有行同狗彘之阿哥仰賴其恩為之興兵構難偏朕遜位而立允禩若果如此朕惟有含笑而歿已爾朕深為憤怒特諭爾等眾阿哥俱當念朕慈恩遵朕之旨始為子臣之理允禩因不得立為皇太子恨朕切骨伊之黨與亦皆如此二阿哥悖逆屢失人心允禩則屢結人心此人之險實百倍於二阿哥也此 聖祖仁皇帝之諭旨眾所共知者一也又因伊乳公雅齊布之叔廐長吳達禮與御史永泰同出關

東華錄

雍正八年

堯

差永泰所給銀兩不多阿其那不顧國體將永泰私行箠楚 聖祖仁皇帝將雅齊布賞與公主阿其那背旨潛留雅齊布在京致將雅齊布夫婦正法嗣後 聖祖仁皇帝曾降諭旨云允禩因欲將雅齊布正法遂欲為伊乳公報復與朕結仇愈深矣為臣子者竟敢與 君父結怨成仇逆亂已極眾所共知者一也又自知種種不法惟恐授其字蹟家中惡黨書札悉行焚燒將 聖祖仁皇帝硃批摺子一併銷毀悖逆不敬眾所共知者一也二阿哥復行擊禁之後阿其那徑到 聖祖仁皇帝御前密奏云我今如何行走情願臥病不起 聖祖仁皇帝知其志望非分作此試探之語降旨切責眾所共知者一也見儲位未定與塞思黑允禩允禩交結彌固必欲遂其大志謫詐萬端致 聖祖仁皇帝憤恨感傷時為不豫不孝之罪上通於天眾所共知者一也既革貝勒之後暗

以銀馬等物要結汝福等人入黨又密同太監李玉擅革膳房行走之厄穆克托又與翰林院何焯固結匪黨盜取名譽潛蓄異心眾所共知者一也阿其那母妃喪時凡事踰禮沽取孝名已及百日尚令人扶掖而行而受塞思黑允禩允禩等每日輪班送飯豕羊狼藉筵席喧囂脫孝後面貌愈加豐碩 聖祖仁皇帝降旨切責云虛偽不孝實屬謫詭眾所共知者一也康熙五十五年秋阿其那偶患傷寒正值 聖祖仁皇帝自熱河回鑾翼以病證幸邀寬宥故託大病懇求魏珠跪奏將所停俸米賞給病愈仍稱病重魏珠往看乃下炕迎接在地叩謝蓋偽無恥眾所共知者一也康熙五十六年春阿其那病痊 聖祖俯垂慈憫將賜食物遣人降旨云爾病初愈不知何物相宜故未敢送去而阿其那忽起疑端謂未敢二字承受不起即往宮中叩懇 聖祖仁皇帝復降旨切

東華錄

雍正八年

李

責僭分妄疑大虧孝道眾所共知者一也外作矯廉內多貪鄙特遣護衛太監等私向赫壽吳存禮滿丕索取銀兩眾所共知者一也 聖祖仁皇帝賓天時阿其那並不哀泣乃於院外倚柱獨立凝思派辦事務全然不理亦不同答其怨憤可知眾所共知者一也 皇上龍飛御極情敦同氣翼其改過自新念其尙有才幹晉封親王俾同總理事務阿其那全無感激受恩之日出口怨誹眾所共知者一也自蒙恩委任後挾私懷詐遇事播弄冀以歸過主上搖惑眾心如奉移 聖祖仁皇帝梓宮誑請裁減人夫一半意欲遲誤 山陵大事眾所共知者一也 皇上孝思罔極特命莽鵠立恭寫 聖祖仁皇帝御容供奉瞻仰阿其那乃奏稱不當供奉語言狂謬眾所共知者一也任理藩院時科爾沁蒙古乃累朝近親蒙 聖祖仁皇帝六十年厚恩其台吉等叩謁 梓宮阿其



那令人於邊口攔阻致蒙古呼天號泣眾所共知者一也任上駟院時心懷叵測請減內廐歷來所蓄馬匹眾所共知者一也任工部時盛京陵寢所用紅土舊例自京採買運送阿其那奏請折銀就彼採買藉節省腳費之名輕慢陵工眾所共知者一也監造列祖神牌漆流金駁全不經心實大不敬眾所共知者一也豫備祝版之案朽爛不堪製造軍前之器鈍敝無用眾所共知者一也雍正元年春桃汛將發要兒渡等處河工關繫緊要地方官正值辦理陵工大事乃奏請將河工交與地方官不令監督看守欲使彼此交代耽誤隄岸衝決殃害百姓眾所共知者一也皇上乘輿法物以斷釘薄板爲之更衣幄次以汚油惡漆塗之眾所共知者一也清查工部錢糧於應追者反予蠲免於應免者反令嚴追顛倒是非使人怨望眾所共知者一也工部說堂之稿將

東華錄

雍正八

全

伊擡寫伊看過並不改正徑用印而行妄自尊大眾所共知者一也庇護私人謀集黨與以私財數千金代岳周完補公項繼又以典鋪數萬金助其作奸犯科眾所共知者一也包衣披甲額數在御前密奏之時則請裁減在公廷議覆之日則請增添及至姦僞敗露眾怨沸騰爭鬧其門皇上降旨察訊伊又枉陷無辜以亂國法眾所共知者一也阿其那之妻不守婦道聖祖仁皇帝諭旨甚明皇上降旨遣回母家伊女婢白哥勸伊於皇上前謝罪奏懇乃憤然曰我丈夫也豈因妻室之故而求人乎白哥見伊日在醉鄉屢次勸諫不從遂憤恨自縊而死逆理昏亂眾所共知者一也門下太監閻俊代伊隱瞞所行不法之事則厚賞銀幣護軍九十六據實供吐違其本意則立斃杖下長史胡什吞以直言觸怒痛加箠楚推入冰內幾致殞命身爲大臣敢操賞罰生殺

之柄眾所共知者一也清查太常寺奏銷黃冊遲至一年之久尙不查奏違聖旨而輕祀典眾所共知者一也門上佐領係管理事務之員阿其那所用哈升乃擄來之厄魯特用爲頭等護衛佐領眾所共知者一也捏稱工部郎中三泰虧欠銀兩尋隙參奏眾所共知者一也皇上所交利益旗下銀十萬兩內擅自動用五六萬兩私買人口益張羽翼眾所共知者一也奉旨諭令梭改乃含刀發誓云我若再與塞思黑往來一家俱死一家二字顯行詛呪眾所共知者一也奉旨拘禁宗人府全無恐懼反有不顧全屍之語兇惡之性古今罕聞眾所共知者一也塞思黑罪狀二十八款塞思黑行止惡亂謀望非常暗以貲財買結人心且使門下之人廣爲延譽收西洋人穆經遠爲心腹誇稱其善希圖儲位眾所共知者一也康熙五十六年冬聖祖仁皇帝召諸王子面詢建

東華錄

雍正八

全

儲之事塞思黑陳奏之語背謬聖祖仁皇帝面加切責是夜三鼓時聖祖仁皇帝念及塞思黑之言益增憤怒中夜起坐次日塞思黑卽畏懼稱病平日結交近侍密行伺察探聽眾所共知者一也詐稱有疾私向穆經遠云皇父欲立我爲皇太子是以詐病回避僭妄無恥眾所共知者一也聖祖仁皇帝稍加教訓卽生怨恚每云不過革此微末貝子爾又每云如大阿哥二阿哥一例拘禁我到快樂出言悖逆眾所共知者一也因封貝子未遂其望令秦道然各處稱其寬洪大量慈祥愷悌圖買人心以謀大位又密結何圖令其姑赴同知之任如有用處卽速來京不軌之情公然出口無忌眾所共知者一也康熙四十七年聖祖仁皇帝降旨凡非本王門上之人俱不許在別王子阿哥處行走而塞思黑抗不遵奉仍復招集私人往來無忌眾所共知者一也聖祖



仁皇帝將阿其那鎖拏發審塞思黑與允禔懷藏毒藥願與同死又令人攜帶鐵錐從行以示同患之意及阿其那蒙恩寬免塞思黑當眾取出毒藥與眾人看畢而棄之固結死黨凶暴悖亂眾所共知者一也向秦道然言生有異徵又言曾患病見金甲神滿屋梁詭詐妖言欲惑人以圖非分眾所共知者一也將伊子弘晷認內侍魏珠等為伯叔窺探宮禁信息行事卑污眾所共知者一也允禔往軍前時塞思黑私與密約若 聖祖仁皇帝聖躬欠安即遣人馳信軍前以便計議眾所共知者一也伊女聘與明珠之孫永福索取貲財累百萬金奪據各處貿易貪婪無厭眾所共知者一也 聖祖仁皇帝賓天時 皇上正在哀痛哭泣塞思黑突至上前對坐箕踞無人臣禮其情叵測眾所共知者一也 梓宮前上食舉哀塞思黑全無滴淚 皇上降旨詢問即出帕忿爭情狀不遜眾所共知者一也允禔往軍前時塞思黑遣太監隨從復差人往來寄信允禔回京時又差人迎過大同暗籌私事眾所共知者一也又私與允禔允禔相約彼此往來密信看後即行燒毀圖謀不法之處顯然眾所共知者一也 聖慈曲加保全發往西甯居住伊屢次延挨日期既到西甯寄信允禔內稱事機已失追悔無及逆亂之語公然形之紙筆眾所共知者一也初到西甯時向穆經遠云越遠越好心懷悖亂眾所共知者一也伊妻路經山右縱容手下人騷擾百姓毆打生員公行不法眾所共知者一也應賠錢糧抗不還項乃將詐取明珠家財數百萬兩帶往西甯凡市買物件聽人索價如數給與圖買人心又越禮犯規僭稱王號眾所共知者一也縱容屬下人在地方生事 皇上特遣都統楚宗往行約束及楚宗到彼宣旨伊不出迎接亦不叩頭謝罪口稱

我已出家離世之人種種怨望眾所共知者一也寄與伊子及所屬官員人等字俱用硃批伊子稱塞思黑之言為旨僭逆已極眾所共知者一也別造字樣巧編格式令伊子學習打聽內中信息縫於羸夫衣襪之內傳遞往來陰謀詭計儼同敵國眾所共知者一也 太祖高皇帝欽定國書臣民所共遵守塞思黑徑敢添造七字頭私行刊刻變亂 祖制眾所共知者一也在西甯時於所居後牆潛開窗戶密與穆經遠往來計議行蹤詭秘眾所共知者一也又將貲財藏匿穆經遠處令其覓人開鋪京中信息從鋪中密送詭秘若此眾所共知者一也又向穆經遠云前日有人送字來上寫山陝百姓說我好又說我狠苦的話我隨著人向伊說我們兄弟沒有爭天下的道理穆經遠勸將此人擊交楚宗塞思黑縱之使去身在拘禁可為此悖逆之語眾所共知者一也具摺請 東華錄 雍正八年 安稱奴才弟具摺請 皇后安亦有弟字悖謬已極眾所共知者一也自康熙元年以來並無民人投充旗下之例塞思黑不遵法度隱匿私置民人一百四十七名又有投充入檔者五名不入檔者二十五名引誘民戶糾合黨惡眾所共知者一也允禔罪狀一十四款允禔性質狂悖與阿其那尤相親密 聖祖仁皇帝於二阿哥之案將阿其那擊問時召入眾阿哥諭以阿其那謀奪東宮之罪見交議政究審允禔與塞思黑同向 聖祖仁皇帝之前允禔奏云阿其那並無此心若將阿其那問罪我等願與同罪 聖祖仁皇帝震怒拔佩刀欲殺允禔經允禔力勸稍解將允禔重加責懲與塞思黑一併逐出眾所共知者一也康熙四十八年夏 聖祖仁皇帝避暑口外恐伊等聚黨生事止令阿其那跟隨行走允禔敝帽故衣坐小車裝作販賣之人私自送出日則潛蹤而隨



夜則至阿其那帳房歇宿密語通背蹤迹詭異眾所共知者一也  
聖祖仁皇帝知允禩昏愚狂妄必生事端因遣往軍前使不得  
朋匪為惡而允禩與阿其那塞思黑密信往來曾無間斷機計莫  
測眾所共知者一也在西邊時取青海台吉等女子日夜縱酒淫  
亂不恤軍政修造房屋勞民費帑眾所共知者一也指稱雜項名  
色糜費國帑三四十萬而進兵止到穆魯烏蘇將所運糧餉遲誤  
身未到藏乃於無用之處傷損官兵千餘馬駝死者數千眾所共  
知者一也私受折爾金銀六萬六千兩將疲瘦馬匹留與白訥喂  
養令其買辦駝隻信用藍翎鐵柱任其招搖撞騙向噶什圖等索  
銀十二萬兩又懼鐵柱舉發始終庇護眾所共知者一也在西甯  
時張瞎子為之算命詭稱此命定有九五之尊允禩大喜稱善賞  
銀二十兩眾所共知者一也將到京師一切禮儀並不奏請 皇  
東華錄 雍正八年 奎  
上指示及到京後不請 皇太后安亦不請 皇上安大虧臣子  
之義眾所共知者一也叩謁 梓宮並不哀痛至 皇上向伊哭  
泣相見伊並不向前抱膝痛哭拉錫微加扶攜令請 上安反肆  
咆哮奏稱拉錫侮慢我求連我交與宗人府等語 皇上降旨開  
諭伊愈加忿怒退出將拉錫痛罵眾所共知者一也 孝恭仁皇  
后上賓 皇上仰體 慈恩將允禩晉封郡王並無感恩之意反  
有忿怒之怨眾所共知者一也 皇上謁 陵回蹕遣拉錫等降  
旨訓誡允禩並不下跪反使氣抗奏良久阿其那見眾人共議允  
禩之非乃向允禩云汝應下跪便寂然無聲而跪不遵 皇上諭  
旨止重阿其那一言結黨背 君公然無忌眾所共知者一也允  
禩之妻病故 皇上厚加恩卹乃伊奏摺中有我今已到靈頭一  
身是病在世不久等語怨望非理眾所共知者一也不以禮葬其

妻乃於居室之後幽僻之處私造兩金塔一為伊妻葬地一備已  
身葬地不遵國制反從番僧之教悖理不經眾所共知者一也茲  
民蔡懷璽造出大逆之言明指允禩為皇帝塞思黑之母為太后  
用黃紙書寫隔牆拋入允禩院內允禩不即奏聞私自裁去二行  
交與把總送至總兵衙門令其酌量完結及欽差審問始理屈詞  
窮悖亂之心顯然眾所共知者一也以上款迹皆舉臣等所知者  
言之即奏道然何圖穆經遠三人所供阿其那惡蹟繁不勝書臣  
等謹案阿其那等以邪黨為足恃而要結之念彌堅以大位無可  
干而搆禍之心不已不忠不孝蔑天倫而干國典罪惡滿盈昭彰  
耳目實朝廷之罪人 宗社之蠱賊 聖祖仁皇帝降旨嚴責阿  
其那云亂臣賊子人人得而誅之 聖明遠鑒正謂今日伏乞  
皇上大施乾斷將阿其那塞思黑允禩等即正典刑以為萬世臣  
東華錄 雍正八年 奕  
子之炯戒疏入得旨我 皇考聰明首出文武聖神臨御六十餘  
年功德隆盛如征勦三番平定朔漠軍國大事皆不動聲色而措  
置帖然凡屬凶頑無不革面革心望風嚮化而獨是諸子中有阿  
其那塞思黑允禩者姦邪成性包藏禍心私結黨援妄希大位如  
鬼如蜮變幻干端 皇考曲加矜全寬宥之恩伊等並無感激悔  
過之意以致 皇考震怒屢降嚴旨切責忿激之語凡為臣子者  
不忍聽聞 聖躬因此數人每憂憤感傷時為不豫朕侍奉左右  
安慰 聖懷十數年來費盡苦心委曲調劑此諸兄弟內廷人等  
所共知者及朕即位以阿其那實為匪黨倡首之人伊若感恩改  
過自新則羣邪無所比暱黨與自然解散是以格外優禮晉封王  
爵推心任用且知其素務虛名故特獎以誠孝二字鼓舞勸勉之  
蓋朕心實實望其遷善改過也乃伊辦理事務懷私挾詐過犯甚



多朕俱一一寬免未罰伊一月之俸未治伊家下一人之罪亦始終望其改過遷善也迄今三年有餘而悖逆妄亂日益加甚時以巖惑人心擾亂國政煩朕心激朕怒爲事而公廷之上諸王大臣之前竟至指天誓日詛呪不道不臣之罪人人髮指朕思此等凶頑之人不知德之可感或知法之可畏故將伊革去王爵拘禁宗人府將伊家下數人正法而阿其那反向人云拘禁之後我每飯加餐若全屍以歿我心斷斷不肯似此悖逆之言實意想所不到古今所罕有也總之伊自知從前所爲之罪久爲朕心所洞悉且爲天地所必誅捫心自問萬無可赦之理遂以伊毒忍之性度朕亦不信朕實有寬宥之心所以故爲種種桀驁狂肆之行以激朕之怒但欲朕將伊卽置之於法使天下不明大義之人或生議論致朕之聲名或有損於萬一以快其不臣之心遂其怨望之意朕

東華錄

雍正八年

奎

受 皇考付託之重統御寰區一民一物無不欲其得所以共享皇考久道化成之福豈於兄弟手足而反忍有傷殘之念乎且朕昔在藩邸時光明正大諸兄弟才識實不及朕待朕悉皆恭敬盡禮不但不敢侮慢並無一語之爭競亦無一事之猜嫌此歷來內外皆知者不待朕今日粉飾過言也今登大位豈忽有藏怒匿怨之事而欲修報復乎無奈朕昆弟之中有此等大奸大惡之徒而朕於家庭之間實有萬難萬苦之處不可以德化不可以威服不可以誠感不可以理喻朕展轉反復無可如何含淚呼天我皇考及 列祖在天之靈定垂昭鑒阿其那與允禩塞思黑允禩允禩結爲死黨而阿其那除險詭譎實爲罪魁塞思黑之惡亦與相等允禩等狂悖糊塗受其籠絡聽其指揮遂至膠固而不解總之此數人者希冀非分密設邪謀賄結內外朋黨煽惑眾心行險

傲幸之輩皆樂爲之用私相推戴而忘君臣之大義此風漸積已二十餘年朕自卽位以來竭力料理百凡訓誡而又不得不反復諄詳告諭眾人者祇因伊等所結之奸黨所行之惡蹟惟朕知之最詳最確故三年以來感之以恩惕之以威百計化導冀其解散悛改無如阿其那倡率不從不肯解散悔過而固結復深況此奸黨之風如阿靈阿之子阿爾松阿蘇努之子勒什亨等皆繼其父志而奸惡過焉似此毫無忌憚父子相承先後濟惡實爲國家之大患必貽後日之深憂者此不待朕之宣諭舉國之人豈不知乎伊等既不肯解散悔過若朕此時不將朕所深知灼見者分晰宣諭昭示天下垂訓後人將來朕之子孫欲明晰此逆黨之事恐年歲久遠或有懷挾私心之輩借端牽引反致無罪之人枉被冤抑况朕之所深知者在廷諸臣未必能盡知之因三年於茲朕

東華錄

雍正八年

奎

遇便則備悉訓示明指伊等居心行事之奸險今在廷諸臣雖知之矣而天下之人未必能知之此是非邪正所關甚大朕所以不得不反復周詳剖悉曉諭也諸王大臣等臚列阿其那塞思黑允禩各款合詞糾參請正典刑以彰國法參劾之條事事皆係實蹟而奏章中所不能盡者尚有多端難以悉數今諸王大臣以邪黨不翦奸宄不除恐爲 宗社之憂數次力引大義滅親之請者固爲得理但朕受 皇考託付之重而手足之內遭遇此等逆亂頑邪百計保全而不得實痛於衷不忍於情然使姑息養奸優柔貽患存大不公之私心懷小不忍之淺見而不籌及於國家 宗社之長計則朕又爲 列祖 皇考之大罪臣矣允禩允禩雖屬狂悖乖張尚非首惡已皆拘禁冀伊等感發天良悔改過惡至阿其那塞思黑治罪之處朕不能卽斷俟再加詳細熟思頒發諭



旨可將諸王大臣等所奏及朕此旨頒示中外使咸知朕萬難之  
苦衷天下臣工自必諒朕為 宗社久安長治之計實有不得已  
之處也○乙丑山西巡撫伊都立陛辭 上召入諭曰地方大吏  
一切關繫地方事件務必實力行之不可視為具文即如嚴保甲  
查私鑄斷燒鍋禁賭博皆朕令爾等奉行之事儻接到諭旨毫不  
經意止發幾張告示行之州縣貼於通衢即以爲我已奉行矣嚴  
禁矣是將誰欺乎要必實心遵奉細訪密查果有違犯重治其罪  
則懲一可以儆百使法在必行方爲有益並諭令屬官使皆知奮  
勵辦理一切事件悉出誠心即如盜案獲賊過半照案緝拏雖有  
成例然必設法訪查務期全獲抵之於法則人知畏懼盜源可清  
矣大凡爲大吏者當正己率屬砥礪廉隅持身孤介固不可貪婪  
肆志亦不可矯飾偏枯不可一味姑容以貽誤亦不可謬加參劾

東華錄

雍正八

究

以塞責凡事悉準天理尊君親上善則歸君過則歸己人臣之義  
當如是也朕待臣下開誠布公爾等有何疑慮而不坦白乃心以  
取信於朕慶君臣之交泰乎其竭力經營殫心籌畫毋負朕簡任  
之意○丙寅諭吏部三年舉行大計所以激濁揚清整飭吏治必  
舉劾之間至公至當方足以昭勸懲之典查定例卓異人員俱送  
京引見而參劾之員則聽候部院議奏不行引見此中或有冤抑  
暨避重就輕等弊亦未可定嗣後大計之年除貪酷之員既已指  
明劣蹟參奏無庸再行引見其餘參劾等員該部照例處分出缺  
其應作何送京引見之處九卿詳議具奏○西洋意達里亞國教  
化王伯納地方哆奏請援釋放德里格之例將廣東監禁之畢天  
祥計有綱一體施恩釋放諭曰德里格於康熙五十九年因傳  
信不實又妄行陳奏我 聖祖仁皇帝念係海外之人從寬禁錮

及朕即位後頒降恩詔凡情罪可原者悉與赦免開以自新德里  
格所犯與赦款相符故得省釋彼時廣東大吏未曾以畢天祥計  
有綱之案入大赦冊內具題上聞今據王奏請朕查二人所犯非  
在不宥之條即王不行陳奏朕亦必察出施恩今特降旨與廣東  
大吏將畢天祥計有綱釋放以示朕中外一體寬大矜全之至意  
○庚午諭刑部緝拏賭博當場所獲銀錢不必入官即賞給拏獲  
之人以示鼓勵嗣後永爲定例○諭總督倉場侍郎旗丁輓運天  
儲每歲勤勞朕屢降諭旨加恩優恤令其俯仰充足不至匱乏近  
聞糧船抵通石壩經紀勒索斛費每船至三十金在從前旗丁多  
帶貨物射利營私所過地方不無需索煩擾故抵通之後有此陋  
規今各幫旗丁遵守法度押運官弁約束亦嚴所帶貨物有一定  
額數不敢多攜除所給行月糧外安有餘貲以爲斛費爾倉場總  
督可嚴飭坐糧廳申飭經紀嗣後糧船抵通除加耗米外不得藉  
斛費名色索取銀兩亦不得淋尖踢斛以致正糧虧闕苦累旗丁  
儻有違者必嚴加治罪若該管各官失於覺察經朕訪聞亦必從  
重議處○甲戌賑江南泗州水災饑民○丁丑諭管理旗務王大  
臣等爾等會議事件緘默不言者甚眾轉以言者爲專擅似此何  
以議事朕因將爾等分別定爲班次前議大臣一班後議大臣一  
班如會議事件限以二十日者前議大臣十日後議大臣亦十日  
前議大臣於限內議定立稿與後議大臣公同閱看如所議皆符  
即定擬具奏或有不符著另議具奏仍將另議之處告知前議大  
臣有願另奏者亦准其另奏如此則學習之人亦得諳練事體矣  
將此著爲定例○甲申馬喀緣事革職以張廷棟爲陝西布政使  
彭維新爲直隸按察使

東華錄

雍正八

半

由少詹 ○己丑諭諸王大臣等從古帝王



之治天下皆言理財用人朕思用人之關繫更在理財之上果任用得人又何患財之不理事之不辦乎朕即位以來推心置腹以待爾等大臣時時諮訪務得人才共襄庶政爾大臣等亦各有所保薦以備任用朕深嘉之但知人自古為難而保人更非易事知人者不過知其才具豈能知其人心保人者亦止能保其目前豈能保其異日是以朕曲加體諒從不苛求但公私二字所關甚重不可以不酌辨而公中有私私中有公尤不可不時時儆省也即如始初見其人善而舉之既舉之後其人改操易轍即當據實奏聞儻以為從前既舉而自護其短為之掩飾彌縫此則公中之私也或始初因朋友故舊之情而舉之既舉之後時時儆戒提撕相責以善一聞其聲名不好或即行檢舉或密奏以聞此則私中之公也爾諸大臣每一人所舉多者不過二三十人平時訪察其行

東華錄

雍正八年

主

為勸勉其廉謹或有居官不善即行參奏不稍回護如此則人人有所忌憚爭自濯磨國家可收得人之益爾等亦不愧以人事君之義矣又如爾等大臣各有子弟居官為父兄者同列於朝情關朋友豈不望其有成然與其私受屬託庇護朋友之子弟使子弟有所恃而不肯努力上進何如切加教導使其儆惕玉之於成若大臣子弟既有父兄之訓迪又有堂官之督率則成人者必多國家豈不甚樂有世家大族之子孫而用之哉總之朕之優待爾大臣與其遷官賞賚不若成就爾之名節為一不朽之人爾等之於朋友暨舉薦之人與其結以私恩小惠護其過愆而喪其人品何如以大義相規使之為端人良吏永保令名至於家庭之間訓導子弟又不待言矣勉之戒之○宗人府參奏貝勒滿都護之屬下諾岷為山西巡撫時不將塞思黑屬下為首行惡之太監李大成

等嚴究顯係滿都護指使黨庇應將滿都護革去貝勒與應襲之人承襲得旨滿都護著革去貝勒授為固山貝子○頒給八旗參領關防○庚寅諭內閣向年高天爵捐軀盡忠大節可嘉今大學士高其位等為伊父奏請賜卹著追贈禮部尚書職並賜卹典八旗各省有似此被難而未獲恩卹者俱著詳察奏聞

東華錄

雍正八年

主



臣王先謙敬編  
臣周潤蕃恭校

秋七月辛卯朔諭內閣凡各省地方有闕米或米價昂貴者必係其地上年荒歉所致今歲楊文乾奏廣東米貴駐防兵丁有不許巡撫減糶之事宜兆熊毛文銓又奏福建闕米有土棍搶米之事此二省上年俱奏稱豐收並未云荒歉也且據黃國材稱福建積穀見有一百六十餘萬石而毛文銓乃奏請於江西採買米石朕已降特旨令江西運米十五萬石往福建平糶然黃國材謂福建有米而毛文銓則求米於鄰省觀此則當日兩人之交代種種不清可知矣滿保黃國材在福建多年諸事善於掩蓋彌縫或毛文銓被其所愚耳至福建廣東二省地處極邊米穀應作何貯備著

九卿會議具奏尋議福建地處海濱福興泉漳四府人多田少皆仰給臺灣之米自嚴禁奸商販米出境之後民食常苦不足雍正二年奉旨飭發臺灣倉穀每年碾米五萬石運赴泉漳平糶今請再動正項錢糧運米十萬石存貯邊海地方至臺灣商販任許至福泉等府貿易其米船出入海口設禁巡防應令該督撫另行詳議至廣東近經總督孔毓珣以潮州穀少不足碾米給兵惠州穀多又不能出陳易新請撥惠州府倉穀平糶將價銀解交潮州府買穀存貯實哀多益寡之良法應令該督撫將通省倉穀照此斟酌令其多寡得宜以備民食再粵西梧州二府與廣東接壤產米甚多先經巡撫汪滢奏稱桂林等四府所有捐穀糶三價值不必轉糶還倉請將銀解部經戶部議准在案應將此穀價仍買穀石運交廣東分貯州縣亦足以補益倉儲從之○乙未湖南巡撫布

蘭泰奏衡山縣知縣張翼觀劇飲酒不行轉解人犯並不接受民間詞狀應請革職得旨張翼各款俱屬應參之事但稱不肯接受詞狀此語甚屬錯誤民間詞狀虛妄者多一概接受必啟刁民誣告健訟之端此風斷不可長若以收受詞狀之多寡定屬員之賢否則必致以此相尚生事滋擾矣○丁酉諭吏部道府等官有表率屬員之責必得賢能諳練之員方於地方事務不致貽誤朕慎重官方雖州縣等官皆審酌補用而於道府尤為加意非審知其人才識足以勝任者不輕試用捐例候選人員初任者多於地方事務從未經歷一旦畀以道府驟膺民社未必遽能稱職暨至不稱職時督撫糾參反受黜革情亦可憫嗣後凡係捐例候選道府人員俱著補授各部郎中令其學習辦理至應升道府時令各該堂官保送引見○戊戌諭直省督撫布按等居官立身之道自以

操守廉潔為本但封疆大吏職任甚鉅洪範所稱有猷有為有守三者並重則是操守者不過居官之一節耳安民察吏興利除弊其道多端儻但恃其操守博取名譽而悠悠忽忽於地方事務不能整飭經理苟且塞責姑息養奸貽害甚大蓋此等清官無所取於民而善良者感之不能禁民之為非而豪強者頌之故百姓之賢不肖皆稱之無所取於屬員而亦不能禁屬員之不法故屬員之賢不肖皆安之大臣之子弟親戚犯法則姑容而不行參革地方之強紳劣衿生事則寬貸而不加約束故大臣紳衿皆言其和平而望其久留甚至胥吏作奸而不能懲盜賊肆行而不能察故自胥吏至於盜賊皆樂其安靜而不欲其去任暨至事務廢弛朝廷訪聞加以譴責罷斥而地方官民人等羣然歎息以為去一清廉上司為之稱屈此則平日摸稜悅眾違道干譽之所致也且



操守平常者其心既不敢自恃心懷畏懼頗能整頓經理事務不致曠廢朝廷又留心時時訪察一有不善即加懲戒而在朝之官員暨伊屬下之官吏紳衿人等皆伺察其過不肯為之隱諱是以此等之人貽累於地方者尚輕而潔己沽譽之巧宦貽累於地方者更甚也夫操守雖清而皆顧惜情面一味遷就求容悅於人自使內外之人譽之者多若操守既更勝於他人而又能實心任事整飭官民不避嫌怨因而遂不滿眾人之意或謗其苛刻或議其偏執或譏其驕傲故意吹索加以評論此風若不悛改必至封疆大吏皆以實心任事整理地方為嫌相率而為苟且之計吏治何所倚賴乎朕深望爾等為明體達用之全材而深惜爾等為同流合俗之鄉愿故諄諄誥誡不憚周詳此春秋責備之義勉之懷之

○調邁柱為吏部右侍郎以明圖為工部右侍郎哲先為內閣學士

東華錄 雍正九

左副都御史由通政使遷 ○己亥諭吏部朕從前曾下諭旨各省道府州縣之居官好者命總督保舉三人巡撫保舉二人提督布政按察二司各保舉一人密封具奏不得互相商議原以通省人才不少保舉多者不過二三人少者僅一人諸臣於所素知者各拔其尤自然精確督撫提督布按二司皆朝廷大吏受國家深恩自應體朕為天下得人之意不徇私情秉公薦舉乃其中竟有挾私妄舉者及來京引見俱極庸陋殊非人臣以人事君之義今各員俱已引見爾部可再行文與各省督撫布按二司除從前曾經密舉及朕特旨補授各員外督撫暨布按二司各於道府州縣中明舉一人不得雷同督撫自行題奏布按二司咨呈爾部文到日爾部即繕摺具奏被舉之州縣官員並令給資來京引見保舉之道府

官員不必來京如有挾私任情草率濫舉者朕必從重治罪斷不姑容

○浙閩總督高其倬奏閩省米價騰貴見撥溫台二府倉穀七萬石運往接濟更請於江南淮安等處採買二麥運閩平糶得旨朕因福建米價騰貴已降旨令江西巡撫運米十五萬石前往閩省以濟民食又令九卿酌議閩廣積穀之法今覽高其倬所奏備極周詳李衛又能實心辦事不分彼此均甚屬可嘉著照高其倬所請行並星速行文江南山東二省巡撫即遣能員協同辦理如高其倬差員未到該撫可借支錢糧豫為買備務令速發以濟閩省之用

○甲辰奉使閩河內閣學士何國宗等條奏河道事宜得旨河南小丹河一件何國宗等與田文鏡嵇曾筠兩議具奏何國宗等乃一己之見田文鏡嵇曾筠身在地方所見必確著照田文鏡嵇曾筠所議行其山東疏濬泉源一件何國宗等議設管泉

東華錄 雍正九

通判一員甚是著照所請行山東挑濬馬頰徒駭二河前經陳世倌差委道員徐德倣辦理此處工程緊要徐德倣不稱此任著御史尤清王之錡各管一處聽陳世倌調度不得自立意見其高家堰加修隄工關緊要若於歲修案內逐漸增修恐致遲緩著照何國宗等所議即動正項錢糧作速估計興修著九卿會議具奏尋議一河南百泉洹河丹河之水民資其利惟三日濟運一日灌田之舊制實屬有名無實查百泉原分三渠中為官渠東西為民渠東口門寬四尺四寸西口門寬三尺六寸請將東口加寬一尺一寸西口加寬九寸其洹河請自石橋東第十洞許民於需水之際自築石壩開渠引水其西三十三洞盡行疏濬則灌田濟運均有攸賴應如所請至小丹河斗門何國宗等請加寬一丈六尺副總河嵇曾筠河南巡撫田文鏡議稱恐山水直下一時瀉洩不及



不便拆造惟將小丹河上下之秦董二渠口門量爲開寬使小丹河出水分灌民田其在內之三十六口門並皆堵塞俾水勢盡入衛河於漕運有益應遵旨照稽曾筠田文鏡所議一山東運道全賴泉源輸助請令州縣官時加疏濬其額設泉夫因地酌加增減有能濬出新泉者酌給銀米以示獎勵又獨山湖東水土壩南陽湖石閘張穀山口草壩皆以蓄水濟運宜加謹修防一徒駭馬頰二河乃東省運道蓄水之支河宜相機挑濬高津趙牛等支渠水道係民間溝洫宜於農隙之時令地方官督率民夫挑挖均應如所請一高家堰土隄工程緊要若俟歲修恐致遲緩應遵旨即動正項錢糧作速興修一恩縣四女寺請建滾水壩一座博平縣運河西岸修復進水閘二座東岸建滾水壩一座濮州境內舊於沙河會通王河之處築有土壩向北開引河以分其勢請將土壩修

東華錄

雍正九

五

築並開濬引河其河西州縣聽民開通水道匯入沙河於運道民生均有裨益一膠萊新河兩岸民田陂水俱藉以宜洩宜開濬深通一濮州等處之魏河聊城等處之洩水河宜聽民間自行挑挖武城縣運河北岸恩縣運河北岸請各挑引河一道均應如所請至所奏柳長河請一例聽民開挖之處查柳長河工程浩大民間果否願行開挖應行令總河巡撫另行妥議具奏從之○乙已諭內閣前命鄂爾奇繆沅往直隸清查州縣倉穀今據奏稱直隸借糶倉穀弊端種種無非地方官巧爲掩飾虧空之計向來直隸倉穀虧缺甚多朕知之甚悉各官惟恐敗露故設計彌縫詳請借糶此等州縣官員若仍留原任將來假公濟私那新掩舊必至刻剝小民虧欠正項而地方倉廩始終不得清楚可將巧稱倉穀出借各官悉行解任著吏部將投供到部候補候選之州縣官俱帶來

東華錄 雍正九

引見朕親自選定人數其鄂爾奇等已經到過之正定順德大名廣平保定五府所屬贊皇等二十一州縣著即將揀選人員掣籤發往鄂爾奇等未到之永平宣化順天三府所屬之二十一州縣俟伊等到彼查出有出借倉糧者即咨吏部令籤掣人員前往代之以以上各州縣借出之穀俱著解任之官員自行催還以一年爲限限內全完者仍准即行另補若先期速完者隨到隨即另補逾限不還者治以那移虧空之罪如此則虧空之員不得復居見任挾制小民那移出納而接任之員交代井然又無前後不清之項若果係借欠在民按數催還其原官仍可另補於公私均有裨益又鄂爾奇等奏稱阜平贊皇等處違例將穀借給兵丁向來有無借給兵丁之例著九卿查明具奏聞直隸各處倉廩久未修理傾圮者多著李紱嚴飭各屬設法速行修整尋議米穀原無借給兵丁之例或貧乏兵丁於青黃不接時該管官出具印文借支季米至支放秋糧時扣還今贊皇等處借給兵米應令該督會同該管總兵官查明再嗣後直省州縣遇借給民糧之時或有兵丁需借米穀者許具該管官印領借給於支兵糧時扣還倘有私領冒領私給擅給等弊各按律治罪庶兵丁無匱乏之虞倉穀亦免濫給之弊從之○諭大學士等據弘春所奏阿其那曾得過允禔銀二十萬兩塞思黑於康熙六十年曾得過允禔銀六萬兩阿其那僞爲矯廉而利允禔之貪惡以供其多取廉潔之人乃忍心害理至於此乎且得銀如此之多不審從前何功於允禔而當之不愧嗣後何以酬其贈而受之不疑至塞思黑當康熙六十年得揆敘家之銀已百餘萬而允禔尙以六萬兩予之塞思黑竟受之均屬可詫著將弘春此奏及順承郡王問阿其那回奏之語一併與滿漢

東華錄

雍正九

六

引見朕親自選定人數其鄂爾奇等已經到過之正定順德大名廣平保定五府所屬贊皇等二十一州縣著即將揀選人員掣籤發往鄂爾奇等未到之永平宣化順天三府所屬之二十一州縣俟伊等到彼查出有出借倉糧者即咨吏部令籤掣人員前往代之以以上各州縣借出之穀俱著解任之官員自行催還以一年爲限限內全完者仍准即行另補若先期速完者隨到隨即另補逾限不還者治以那移虧空之罪如此則虧空之員不得復居見任挾制小民那移出納而接任之員交代井然又無前後不清之項若果係借欠在民按數催還其原官仍可另補於公私均有裨益又鄂爾奇等奏稱阜平贊皇等處違例將穀借給兵丁向來有無借給兵丁之例著九卿查明具奏聞直隸各處倉廩久未修理傾圮者多著李紱嚴飭各屬設法速行修整尋議米穀原無借給兵丁之例或貧乏兵丁於青黃不接時該管官出具印文借支季米至支放秋糧時扣還今贊皇等處借給兵米應令該督會同該管總兵官查明再嗣後直省州縣遇借給民糧之時或有兵丁需借米穀者許具該管官印領借給於支兵糧時扣還倘有私領冒領私給擅給等弊各按律治罪庶兵丁無匱乏之虞倉穀亦免濫給之弊從之○諭大學士等據弘春所奏阿其那曾得過允禔銀二十萬兩塞思黑於康熙六十年曾得過允禔銀六萬兩阿其那僞爲矯廉而利允禔之貪惡以供其多取廉潔之人乃忍心害理至於此乎且得銀如此之多不審從前何功於允禔而當之不愧嗣後何以酬其贈而受之不疑至塞思黑當康熙六十年得揆敘家之銀已百餘萬而允禔尙以六萬兩予之塞思黑竟受之均屬可詫著將弘春此奏及順承郡王問阿其那回奏之語一併與滿漢

一八三



各衙門觀看○丁未諭內閣從來流言之傳播皆起於奸宄之徒欲擾亂政事顛倒是非故造作無稽之語煽惑人心流布遠近間或國家舉行一事因流言而中止而造作之人益自以為得計肆其伎倆此等為害不可勝言朕即位以來外間流言有謂好鈔沒人之家產者有謂輕聽風聞之言以為黜陟用舍者不得不以其故曉諭眾人知之從前貪賊犯法之官蠹國殃民罪大惡極即立置重典不足以蔽其辜但不教而殺有所不忍故曲宥其死已屬浩蕩之恩若又聽其以貪婪橫取之貲財肥身家以長子孫則國法何存而人心何以示儆况犯法之人原有籍沒家產之例是以朕將奇貪極酷之員鈔沒其家產以備公事實資之用此等兇惡之人本身應正典刑家產鈔沒妻子皆當遠徙者朕皆從寬赦免而止於鈔沒其贓私尚保其性命即本人稍有人心應知感恩戴

東華錄

雍正九

七

德何得因鈔沒而生怨望乎且朕臨御以來覃敷恩澤蠲免錢糧不下數百萬兩賞資兵丁及各地地方興利除患所費亦不下數百萬兩皆中外所共知者夫以額徵錢糧及內庫帑金為數如此之多朕尚毫無吝惜豈反為此貪官污吏些微之財物以啟小人之議論乎即如年來鈔沒之人不過是年羹堯滿丕李英貴何廷圭等及阿其那塞思黑等門下最用事為非之人耳此皆奸惡顯著之徒法無可貸有何屈抑而為之不平乎至謂朕喜聽風聞之言以為黜陟用舍此語亦屬愚昧蓋因十數年來人情多詐每遇薦舉參劾多有情弊不出公心重負我 聖祖仁皇帝集思廣益之至意是以 聖明洞鑒隱微不輕聽信於是懷私者既畏懼而不敢言謹慎者又避嫌而不肯言彼此緘默遂成積習朕即位以來常思 聖祖仁皇帝以天亶聖人臨御六十餘年一切政治經

宸衷獨斷無不盡善若朕則辦事之初必須公聽並觀盡去壅蔽庶能合於機宜而又恐大小臣工有所牽制而不敢直言有所瞻顧而不便明言是以令其密摺具奏及發與廷議有裁去本人姓名者無非欲諸臣無所回護直言無隱使下情盡能上達利弊悉能周知全無壅蔽之患永享昇平之治也至於密奏中薦舉參劾者朕原未常輕信必細細留心訪察確有證據眾論僉同然後加以黜陟用舍未嘗因一人之奏而即定其人品見諸施行不知者以為輕聽風聞而朕則慎重周詳務求實蹟也以上流言二事皆係阿其那塞思黑允祿允禔等同黨之小人心懷私忿故造狂悖之語蠱惑人心擾亂國政更有一種貪賊犯法之徒畏懼鈔沒參劾是以造作此語傳播遠近希冀因流言而停止自古治天下之道發政施令止論理之當行事之當行與否悠悠之口何足為憑

東華錄

雍正九

八

朕之此心可以對越 皇考可以對越 上天可以告天下億萬臣民而一二奸邪小人乃欲挾其如鬼如蜮之伎倆以惑眾聽而撓公事朕豈肯絲毫為此輩流言所動乎天下之人奸惡者少而善良者多造作流言者少而誤聽流言者多彼奸惡之徒造作流言實自作之孽儻經緝獲按律在所必誅此外善良之人當共知朕心勿為邪說所惑其偶行鈔籍也實於懲貪罰惡之中尚寓寬仁之意其廣行採訪也實欲收好問好察之益以為政治之資朕之宵旰憂勤無非為國是民生思久安長治之計天下之人豈忍聽宵小狂悖之言而忘君上高厚之恩哉○諭貴州神家苗肆行不法十餘年來擾害平民朕知之甚悉石禮哈方署巡撫印務即奏稱應行征剿馬會伯到任亦奏與石禮哈相同朕恐石禮哈年少孟浪用兵之事不可輕舉未即允行何世璠到任則奏稱苗人



應行招撫不必用兵而武員大喜功貪圖議敘且狎家苗藥箭  
銛利地勢險阻亦不易於成事等語丁士傑所奏大槩亦與何世  
璣同朕曾下旨與何世璣即令其招撫而何世璣並不能有所招  
撫及高其倬到京亦面奏應行征剿以靖地方朕又降旨與鄂爾  
泰亦奏稱用兵爲是是以令石禮哈馬會伯協同辦理然此事甚  
有關繫朕心時時塵念今據石禮哈奏報各隆長塞者貢羊城里  
等處俱已攻破首惡阿革阿給及爲從兇苗川販等亦俱就擒朕  
心甚爲喜悅何世璣未必能審究此案著將各犯交與鄂爾泰審  
究分別定議並安插撫恤使地方永遠甯謐不受惡苗之擾一一  
經理具奏石禮哈俟事竣照例議敘外今先沛特恩著將伊父石  
文焯革職之處復還以示朕賞功推恩之意○諭刑部國家立法  
本以懲兇暴之徒而因事原情則時深惻隱之念書云宥過無大

東華錄

雍正九

九

刑故無小所以斟酌權衡用廣好生之德也朕慎重刑罰矜恤下  
民每遇讞鞠之案往復披覽至再至三求其可生之路嘗見各直  
省命案內或緣細事起爭或因護親情急或已經退避而毆者勢  
不相容或本意恐嚇而誤傷者遂致莫救其誤傷之中有經報官  
保辜者亦有未經保辜者有延至數日殞命者亦有延至數十日  
殞命者當其爭角之時止知乘憤直前豈計因傷致斃按律抵罪  
法所當然但念蚩蚩愚氓因一朝之忿頓罹重罪每詳閱案情朕  
心實爲不忍且秋審時凡情輕之案多以情可矜原減等發落今  
特沛殊恩予以自新之路見在各省具題到部已未入秋審案內  
除情由可惡者不准寬免外其餘一百七十七名俱著釋放分別  
有力無力照追埋葬銀兩給付死者之家此朕格外生全浩蕩之  
恩爲舊例之所未有凡茲小民當體朕省刑宥過之慈懷身受者

東華錄 雍正九

力圖改悔以贖前愆旁觀者觀感提撕時存儆懼父訓其子兄勉  
其弟比閭族黨互相勸勉各安本業不犯王章則是朕之法外加  
恩與小民之望外受恩均爲移風易俗之美事儻以爲法網寬恕  
希圖倖免不改其好勇鬪狠之習重負朕牖民遷善之心則格外  
之寬典豈能屢邀而異日之追悔亦屬何益爾部將此行文各該  
地方官徧行曉諭務使鄉里愚民盡皆知悉○辛亥 御書忠敬  
誠直勤慎廉明扁額賜怡親王諭大學士九卿翰詹科道等朕自  
卽位以來怡親王事朕克殫忠誠至純至恪事事爲朕實心辦理  
而朕委任之處甚多約畧舉之職掌之大而且繁者有九議政關  
繫機密戶部掌領度支三庫總理出納興修畿輔水利以厚民生  
管領漢侍衛以育人材至於諸王子之事務舊邸之事務以及督  
領園囿入旗守衛禁兵養心殿監理製造鉅細事件皆一人經

東華錄

雍正九

十

畫料理而怡親王公爾忘私視國事如家事處處妥帖能代朕勞  
不煩朕心蓋其忠君親上之念肫懇篤摯是其忠也小心兢業無  
纖毫怠忽是其敬也精白一心無欺無僞是其誠也直言無隱表  
裏如一是其直也黽勉奉公夙夜匪懈卽如今王雖身抱痾疾  
而案牘紛紜披閱不倦朕聞之實至於不忍是其勤也一舉未嘗  
放逸一語未嘗宣漏是其慎也清潔之操一塵不染是其廉也見  
理透徹莅事精詳利弊周知賢愚立辨是其明也是以朕特書忠  
敬誠直勤慎廉明八字賜之惟朕深知王之德洞悉王之心覺此  
八字實不能盡其美善亦無一毫過量之詞若有一字不確不切  
是朕之頒賜非嘉獎之詞乃譏諷之語矣朕不爲也且朕賜此八  
字乃就怡親王事朕之大端而言至於王之當年侍奉 皇考極  
盡誠孝深蒙 皇考之慈愛而其居心之方正秉性之和平待人

一八五



之寬厚遇下之仁惠種種善行筆不勝書朕觀爾等在朝諸臣於忠勤慎明四字向多有之若敬誠直廉四字朕則未能輕許向後咸當奮勉砥礪以副朕望○諭內閣從前江西巡撫裴率度以該省州縣虧空係民欠居多請交與接任官徵催具奏今聞德安縣知縣蕭彬虧空並互揭知府李敬熙鹽驛道孫蘭苾詐贓一案司道揭報後裴率度遲延兩月始行題參又武甯縣廖科齡已參虧空之後知府張景偉查伊任內已徵未解地丁等項銀六千餘兩捏稱有民欠可抵申報裴率度不行確查將虧空徇庇官員續參反令知府代完銀四千兩餘銀勒令新任知縣方聲亮出結認徵夫以已徵在庫知縣虧空之項重複徵之於民若百姓依限完納則有一糧再輸之累或接任催徵不前勢必那新補舊冀免處分見收錢糧又致虧空將來彼此那移及離任盤查之日皆以民欠

東華錄

雍正九

十一

藉口國帑虛懸州縣牽累似此者直省不計其數裴率度身任封疆理應將此等積弊釐剔清除乃為虧空之員蒙蔽巧隱令知府徇私料理以沽寬厚之名殊乖大臣公忠之道此事須派欽差前往將此二案徹底審究前候補知府王景望條陳請令抑勒交盤者毋庸揭報上司直揭部科轉咨督撫審結報部如後任枉揭者嚴加治罪等語此處著九卿會議具奏尋議嗣後州縣抑勒交盤者許揭報督撫題參或督撫司道護庇離任之員知府願慮分賠抑勒交盤者許直揭部科備接任官容隱不報者將欠項坐令賠補其出揭之員調任他省上司有多方誣陷者許赴都察院呈辨庶交代積弊可除州縣侵蝕漸少從之○命孫柱蔡珽俱專管兵部事以查弼納為吏部尚書仍管內務府總管事楊名時為吏部尚書仍留雲南巡撫任○以兵部尚書法海協辦禮部尚書○宗

人府議奏平郡王訥爾素在西甯軍前貪婪受賄應永停俸祿得旨訥爾素行止卑污貪劣素著及署大將軍印務更肆婪贓索詐地方官銀兩朕向即聞之因訥爾素與允禩不和朕意與允禩相善之人故為播揚欲傾陷訥爾素所以未即深究治罪且加恩令辦理上駟院事務乃伊並不追悔前愆仍犯法妄行情屬可惡若仍在王列則於諸王有玷著將訥爾素多羅郡王革退在家園禁其王爵令伊子福彭承襲○甲寅增壽絲事革職調常保為盛京工部侍郎轉明圖為工部左侍郎以哲先為工部右侍郎桑格為內閣學士由副中選○乙卯吏部遵旨議覆保甲之法十戶立一牌頭十牌立一甲長十甲立一保正其村落畸零及熟苗熟種亦一體編排地方官不實力奉行者專管兼轄統轄各官分別議處再立民間勸懲之法以示鼓勵有據實首告者按名數獎賞隱匿者加以杖責應通行直省以文到半年為限有能舉首盜犯者免罪其從前未經發覺之案地方官即行揭報者亦免議處至盜案疏防文武各官處分除山海大盜土獍蠻苗及響馬老瓜等賊勢難擒捕者文武官照舊例處分若盜至十人以下者文職照例處分外武職各官酌量分別寬減惟未獲盜首者專汛官仍照定例處分得旨依議通行各省文到半年為期其迫著以一年為限○丙辰吏部議准浙江巡撫李衛奏湖州府烏程縣所屬之烏鎮地方界聯二省三府接近太湖易藏奸宄請將湖州府同知移駐烏鎮以資彈壓從之○戊午諭內閣朕昨覽湖廣安陸府屬有一縣名即係景陵二字見之心甚不安該省督撫不具奏請改於心獨安乎此縣名著內閣擬改請旨尋內閣撰擬具奏得旨著改為天門縣○己未諭刑部律載鬪毆成傷定有保辜之限所以重民命也

東華錄

雍正九

十一



被毆之人受傷雖重尙可醫救一經移動勞頓冒風或致殞命嗣後毆傷重者禁止移動著問理衙門委官親詣驗看使被毆之人得以安臥醫救不至誤傷性命其應如何定例通行之處著三法司詳議具奏尋議凡京城內外有鬪毆傷重者該衙門即委官親詣驗傷就取確供定限保辜其被傷之人擡赴衙門驗傷之處永行禁止違者將該管各員治罪從之○禮部題河南杞縣壽民蕭俊德年屆一百十八歲應照例給銀三十兩建坊得旨蕭俊德年過百齡之外實屬希有之事著於定例賞賜坊銀外加增兩倍共賞銀九十兩以示特恩嗣後年至一百一十歲者加一倍賞賜一百二十歲者加兩倍更有多得壽算者按其壽算加增著爲定例○刑部等衙門審奏天津州民郭允進擅造狂悖不經之語肆行訛謗大逆不道應凌遲處死得旨郭允進捏造悖逆之詞詛咒朕躬尙無叛逆實蹟若照部議將朕因怒而加以極刑矣郭允進著改爲立決梟示

東華錄

雍正九

志

八月庚申朔諭吏部戶部直隸地方旗民雜處猾吏舞文太監戚屬散處州縣兼皇莊王公等莊屯全在其間地方官往往掣肘今直隸虧空倉糧四十二州縣特行揀選人員命往令其清理倉庫整飭地方但直隸書吏積弊凡新官到任一切文卷悉行藏匿州縣官因限期嚴迫急而求之方始取出由是墮其術中以後事件皆任其把持爲害甚大州縣官能鉤致其隱而重置之法者不可多得錮弊相仍朕知之甚悉已諭令總督李紱嚴查但流弊既久命往各官徹底清查必需時日一切案件勢難依限完結恐有遲延之虞著將直隸各州縣見在欽部案件一年之內暫行寬限庶各員得以從容釐剔積弊可除再直隸州縣太監之父兄弟姪在

地方不無生事本人亦未必盡知可令該州縣大事照例詳報總督具題小事徑報內務府內務府傳該太監曉諭令其自行約束如仍不悛改內務府即酌量懲治內府大糧莊頭並諸王大臣莊頭如有生事梗法之處大者仍申報總督具題細微事件屬內務府者申報內務府懲治其餘莊頭人等申報都察院轉行各該管官員懲治不必奏聞再畿輔重地理宜嚴肅乃近來盜案較他省居多定例強盜不分首從皆斬立法甚嚴當年 聖祖仁皇帝法外施仁凡有盜案命大學士會同三法司覈擬止將爲首起意並傷人之犯擬斬餘俱減等發落乃不法之徒不思感激愈肆玩法甚屬可惡自雍正五年正月初一日爲始直隸盜案事發仍照舊例不分首從皆斬直隸盜賊不盡係直隸之人著行文各省督撫出示徧行曉諭使皆知所畏懼毋致自投法網如此於弭盜似有裨益此次命往人員果能清理錢糧擒拏盜賊不畏強禦設或被入挾讎誣陷致遭參處者赴都察院控告都察院即代爲奏聞如果屈抑朕必爲伊等主張斷不令無辜受累也○辛酉諭八旗大臣等侍郎一官係辦理部務大臣職任與副都統相等嗣後按班坐立之處俱令在滿洲副都統之次蒙古漢軍副都統之上○癸亥諭直省督撫等數十年來各省錢糧虧空甚多朕曾降諭旨寬限三年令督撫催追完項至今未見有奏報料理就緒者惟原任直隸總督李維鈞曾於去年奏稱各屬地丁銀兩俱已彌補惟倉穀尙畧有缺欠冬春之間即可補足及去秋畿輔水澇歉收須用穀石賑濟而倉穀存者甚少今夏遣官訪查各屬虧欠一一顯露倉穀如此則庫帑之虧缺可知矣李維鈞之罪誠無所逃據此則他省之錢糧不能清楚顯然可見該督撫等特遲緩不行奏報耳

東華錄

雍正九

志

地方不無生事本人亦未必盡知可令該州縣大事照例詳報總督具題小事徑報內務府內務府傳該太監曉諭令其自行約束如仍不悛改內務府即酌量懲治內府大糧莊頭並諸王大臣莊頭如有生事梗法之處大者仍申報總督具題細微事件屬內務府者申報內務府懲治其餘莊頭人等申報都察院轉行各該管官員懲治不必奏聞再畿輔重地理宜嚴肅乃近來盜案較他省居多定例強盜不分首從皆斬立法甚嚴當年 聖祖仁皇帝法外施仁凡有盜案命大學士會同三法司覈擬止將爲首起意並傷人之犯擬斬餘俱減等發落乃不法之徒不思感激愈肆玩法甚屬可惡自雍正五年正月初一日爲始直隸盜案事發仍照舊例不分首從皆斬直隸盜賊不盡係直隸之人著行文各省督撫出示徧行曉諭使皆知所畏懼毋致自投法網如此於弭盜似有裨益此次命往人員果能清理錢糧擒拏盜賊不畏強禦設或被入挾讎誣陷致遭參處者赴都察院控告都察院即代爲奏聞如果屈抑朕必爲伊等主張斷不令無辜受累也○辛酉諭八旗大臣等侍郎一官係辦理部務大臣職任與副都統相等嗣後按班坐立之處俱令在滿洲副都統之次蒙古漢軍副都統之上○癸亥諭直省督撫等數十年來各省錢糧虧空甚多朕曾降諭旨寬限三年令督撫催追完項至今未見有奏報料理就緒者惟原任直隸總督李維鈞曾於去年奏稱各屬地丁銀兩俱已彌補惟倉穀尙畧有缺欠冬春之間即可補足及去秋畿輔水澇歉收須用穀石賑濟而倉穀存者甚少今夏遣官訪查各屬虧欠一一顯露倉穀如此則庫帑之虧缺可知矣李維鈞之罪誠無所逃據此則他省之錢糧不能清楚顯然可見該督撫等特遲緩不行奏報耳



又如各省虧空動稱無著之項夫錢糧未經徵收則欠在民已經徵收而有虧空則欠在官州縣力不能完則上司有分賠之例本人雖已病故而子孫有應追之條何得藉口無著以虛國帑從前彌補虧空皆指俸工銀兩及朕有旨不許捐輸俸工則皆稱以耗羨抵補夫耗羨亦出於民乃不問當日督撫等所以致此虧空之由而動稱耗羨彌補以百姓之脂膏飽有司之谿壑豈朕憫惜元元之至意乎今特沛寬恩凡各省虧空未經完補者再限三年務須一一清楚如屆期再不全完定將該督撫從重治罪如有實在不能依限之處著該督撫奏開請旨又如前年原任浙閩總督滿保曾具摺奏稱梁龍任內虧空銀六萬兩係 聖祖仁皇帝南巡時所用臣不便露此情事彼時朕即批示云當年 皇考南巡屢降諭旨絲毫不取給於地方凡行在所需悉由內府豫備食用等

東華錄

雍正九

五

物俱發官價採買賞資銀兩皆從司庫支給嚴禁地方有司不許與扈從人員交結往來私相餽送違者以軍法從事立法甚為嚴切即或修理一二處行宮亦皆本地方情願豫備而所費亦屬有限何至虧空多金歷二十年之久不能清結我 皇考及朕所行之事無不可告天下臣民其當年南巡時如何費用之處爾可據實直陳而滿保理屈詞窮不能回奏蓋此等銀兩皆當日地方官結交匪類餽送交暮夜饋營恣意花費及至虧空敗露則動稱因南巡時用去伊等違背 皇考聖旨擅動公帑以結私交目無國法其罪已不容誅而又敢藉口南巡將虧空之故推卸於君上以寬己罪此尚得謂有人心者乎又如山西河南兩省昔年虧空甚多俱稱應辦軍需所致凡軍需所用皆有正項錢糧何至累及地方有司此皆平日地方官不能大法小廉下吏侵漁上司需索

以致國帑久虧反借支應公事之名以掩其侵盜之實深可痛恨嗣後直省督撫等當祇遵朕訓仰體朕心共矢公忠盡除舊習以副朕委任封疆之意○賑湖南臨湘岳州等縣衛水災饑民○乙丑諭內閣數年以來蔣廷錫協同怡親王辦理戶部事務秉公執正釐剔諸弊甚屬盡心而胥吏宵小徇私作弊之人未必無疾如懷怨者今蔣廷錫入閣典試或乘此造作浮言妄加謗議亦未可定科場關係大典若闔中閱卷果有不公許應試舉子赴都察院控告奏聞若有不軌之徒假捏污蔑之詞以洩私憤而撓公事則國法斷難寬宥著步軍統領及順天府府尹五城御史密訪嚴擊參奏從重治罪○雲南巡撫管雲貴總督事鄂爾泰奏滇黔大小文武各官謹實據所知開闢進呈論治天下惟以用人為本其餘皆枝葉事耳覽卿之奏非大公不能如是非注意留神為國家得人不能如是非虛明覺照不能如是朕實嘉之但必明試以功臨事經驗方可信任即歷經幾事亦止可信其已往猶當留意觀其將來萬不可信其必不改移也卿等封疆之任古諸侯也閩省窺伺投其所好往往掩其不善而著其善粉飾欺隱何所不至惟才之一字不能假借凡有才具之員當惜之教之○諭停今年秋決

東華錄

雍正九

六

○丁卯祭 先師孔子 上親詣行禮祭畢諭禮部侍郎三泰太常寺卿孫卓曰儀注內開獻帛進酒皆不跪朕今跪獻非誤也若立獻於 先師之前朕心有所不安可記檔案以後著照此遵行○戊辰諭內閣從來直隸江南兩省盜案多於別省是必有為首積盜糾合匪類巧於漏網各州縣被竊之處雖多而奸猾之盜首不過數人窩藏之巢穴亦不過數處而已畿輔之地為四方觀瞻豈可聽宵小之潛藏任有司之疏忽李紱職司表率安可漠不關



心可速飭屬員嚴加緝捕務令得其根柢以清盜源若仍前疏忽定將李紱治罪並諭直隸提鎮等官各飭弁員稽查防汎以靖地方毋得疏縱自干罪戾在京步軍統領衙門及巡捕營弁五城御史司坊官員各宜盡心緝訪以副詰姦弭盜之職○已巳 上御經筵○吏部議奏署理大學士事務戶部尚書徐元夢繙譯本章錯誤應革職交部治罪得旨徐元夢在內廷行走多年從寬免其交部著革職在內閣學士之列辦理票籤本章一切繙譯事務效力行走○賑湖廣武左等縣衛水災饑民○河南巡撫田文鏡奏報瑞毅得旨據田文鏡奏進豫省所產嘉穀有多至十三穗者此實罕見之事大凡為督撫者果能殫心竭力為國為民必能感召天和化災稔而成豐稔前歲畿輔偶旱李維鈞奏稱欲用法術祈禱比時朕即降旨止之蓋無實心實政感格上天而仗法術以為東華錄 雍正九年 七

平府糧餉同知兼管○辛巳諭內閣各處監督俱由該部院堂官保舉派出之後著原保題之堂官時加訓誡訪察若有劣蹟許據實參奏免其治罪儻由別處發覺則將原保題之人一併治罪如此部院堂官必慎加揀選而派出之監督亦知所畏懼不敢妄行矣○壬午兵部議准奉天將軍噶爾弼奏旅順口至鳳凰城水程幾及千里止有旅順水師一營請添設水師營三處每一營兵丁三百名各設佐領一防禦二驍騎校三令其管轄連絡巡哨以固海疆從之○癸未召張楷來京陛見加長蘆鹽運使陳時夏布政使銜署江蘇巡撫○召甘汝來來京陛見以韓良輔署廣西巡撫由提督署○召圖理琛來京陛見以岳鍾琪兼署西安巡撫由川陝總督署○乙酉傅胤緣事革職以王朝恩為盛京戶部侍郎由內閣學士選○丙戌諭諸王大臣內閣九卿等朕 皇考聖祖仁皇帝三年大禮已東華錄 雍正九年 六



瑞誇耀於眾也蓋實有見於天人感召之理捷於影響無纖毫之  
或爽朕以至誠肫懇之心每歲躬耕藉田以重農事即蒙上帝降  
鑒疊產嘉穀以昭休應似此八穗九穗之穀豈人力所能強為亦  
豈人君所能強之使有平天人感應之理朕見之最真最切但恐  
此心不誠耳誠則未有不動者即如從前青海蠢動朕為邊陲憂  
慮虔禱於宮中不數旬而捷音即至疆宇甯謐又如前歲夏間近  
畿雨澤稍愆朕在宮中默禱減膳修省虔誠叩懇不數日而甘霖  
渥沛禾稼有秋此皆近年以來朕親行親驗之事至去年夏秋之  
間時常陰雨而李維鈞並不將畿輔被潦實情具奏是以朕未嘗  
早為虔禱殫竭誠心以挽天意而紓民困及蔡珽署直隸總督事  
務詳悉奏聞朕宵旰憂勤幾廢寢食於是截漕發倉多方賑濟京  
城設廠各邑興工俾窮民皆得餬口是以地方雖被水災而小民

東華錄

雍正九

九

不至流離失所今歲二麥豐收禾黍暢茂此皆上天俯鑒朕衷故  
加惠黎元而錫以盈甯之慶也蓋天生民而立之君鑒觀在上人  
君一念敬謹政事無闕天必嘉之佑之一念放逸政事有乖天必  
儆之戒之此一定之理也況人君撫馭臣庶位處極尊所以賞罰  
之者獨有上天耳是以朕每於水旱等事皆實心內省至於各省  
旱澇之事朕皆事同一體原無彼此之別惟是地方相隔路遠彼  
地偶有水旱有司未必即行具報及至奏達朕前而緊急之時已  
過是以朕無從盡其誠心為之所禱此其責則全在本省督撫矣  
督撫受朕委任之事為朕養育萬民必視百姓之疾苦如痛癢之  
在己身一遇水旱饑饉必思所以致此之由或因本省之政事更  
治有闕即思速為改易之或因本地之人心風俗不端即思速為  
化導之兢兢業業修省祈禱竭盡誠心一如朕之朝乾夕惕斷無

不可以挽回天意者假若聞朕之政治稍有闕失亦即直言陳奏  
不必隱諱如此則官與民聯為一體臣與君又聯為一體太和邦  
洽實意交孚天聽雖高誠呼吸可通矣朕每歲躬耕藉田並非崇  
尚虛文實是敬天勤民之至意禮曰天子為藉十畝諸侯百畝據  
此則為耕藉之禮亦可通於臣下矣朕意欲令地方守土之官俱  
行耕藉之禮使知稼穡之艱難悉農夫之作苦量天時之晴雨察  
地方之肥磽如此則凡為官者皆時存重農課稼之心而凡為農  
者亦斷無苟安怠惰之習似與養民務本之道大有裨益著九卿  
詳議具奏○諭吏治惟在得人而各省有司員缺甚多非廣收博  
取不足備庶官之位故數年以來各省官員經朕揀選命往者亦  
多然當其揀選之時或見其奏對明白舉止從容或見其條陳事  
宜似屬可採遂入於揀選之中命往各省以試用之又有奉旨特

東華錄

雍正九

十

用之員大約因督撫上司等薦舉保奏朕召來引見見其才具可  
用遂加遷擢以鼓勵之此等人員朕不過取拔於臨時並未曾試  
驗於平日實不知其居心行事何如也伊等莅任後自應倍加敬  
謹勉為良吏方不負朕格外之恩若自恃為揀選特用之員傲上  
陵下恣意妄行而該管上司以為朕所揀選特用之員不加約束  
委曲寬容則大非朕激清吏治整飭官方之意矣朕以大公之心  
撫馭萬方凡屬臣工止論其居官之賢否以為進退豈以部選揀  
選常用特用分別異視有所偏向凡為督撫者宜深知朕心切勿  
以其為揀選特用之員有意優待而姑容之儻居官不善即據實  
參奏不為隱蔽不涉瞻徇如此則人皆知做官皆得人而於吏治  
大有裨益矣○諭朕欽恤刑獄每遇讞決無論罪之輕重必原情  
酌理再三推求務使情罪允協又念罪人幽囚叢棘易致瘵斃屢



諭問刑衙門修整監獄督責禁卒不時灑掃潔淨遇有疾病必加調治務令痊可此亦矜恤罪囚之一端也乃近聞各省本章監斃人犯不少多由羈禁之處踰隘倒斃以嚴寒酷暑侵骨刻肌潮溼穢惡氣薰蒸傳染之故也况監獄不固防禦多疏罪人越獄脫逃亦所不免特飭各直省督撫通查所屬監獄逐一修葺並高築牆垣以資防範其地勢低窪者改造高厚之處狹隘者酌量刑獄繁簡展寬蓋造凡枷號暫羈之門戶倉所亦必繕治完固正印官仍不時稽查毋令獄官獄卒任意陵虐懈弛疏防如此則罪人不致痠病而監禁既固亦可免越獄之虞該督撫俱各仰體朕好生至意督令有司遵行毋忽○丁亥直隸總督李紱以塞思黑於八月二十四日病故奏報 上召諸王大臣等入諭曰今日李紱奏報塞思黑病故塞思黑素性奸惡行止陰邪當日與阿其那允祿東華錄 雍正九 主

然到伊寓所投遞書帖稱願輔有道之主不附無道之君欲糾合川陝兵民以救恩主等語乃塞思黑聞此大逆無道之語不但不行出首且向其人云我兄弟無爭天下之理並屬勿令楚宗知之唯恐其人受累似此狂悖妄亂包藏禍心日益加甚其罪難以悉數又如伊在西甯時將伊所用太監撤回京師伊每人賞與金條及西洋金表等物皆貴重難得之物是伊獲罪之後尙私買人心目無國法肆行無忌諸王大臣等屢次奏請即行正法以彰國憲朕心尙在遲回不忍即定因其不便再留西甯故令伊回京治罪伊一路毫無改悔戒謹之心談笑如常因復令暫禁保定以觀其行止前李紱奏稱伊患腹瀉之疾比卽降旨令李紱揀選名醫調治不料伊惡貫滿盈獲罪 天 祖已伏冥誅可見善惡之報捷如影響似此不忠不孝大奸大惡之人雖未受國法亦不能逃天東華錄 雍正九 主



曾經李紱奏聞彼時朕即欲將胡什禮楚宗擊問治其任意之罪又恐眾人不知或因此謂朕欲寬待塞思黑或因此謂朕欲加嚴於塞思黑又致妄存意見是以暫行停止未曾究問今塞思黑既伏冥誅則從前胡什禮楚宗等擅將塞思黑上鎖後又私自寬釋明係有意欺罔罪不可道著將胡什禮鎖擊交副都統御史常泰帶往保定並將楚宗鎖擊一同明白嚴審具奏即將二人留於保定候旨○戊子諭諸王大臣等阿其那塞思黑罪大惡極天下共知諸王大臣等屢請將伊等即行正法以彰國憲朕意遲回不忍即定今塞思黑已伏冥誅昨聞奏報朕心惻然今欲將阿其那從寬曲宥諸王大臣等以為何如著各秉忠誠陳奏並詢直省將軍督撫提鎮等亦令其各抒己見具奏○己丑諭諸王大臣等朕將塞思黑之事交與楚宗始初所奏一二事件尚有實心勉

東華錄

雍正九

三

效力之意朕料伊久在軍前年齒加長必能改易前行用加信任昇以殊恩乃楚宗將一二事件致朕信任未久遂奏稱塞思黑邀買人心大有關繫斷不宜處之極邊應擊送京城禁錮等語似此明係見民人令狐士義之投書流言因而具奏恐嚇朕躬楚宗係專守塞思黑之人將令狐士義之投書流言並塞思黑與西洋人穆經遠從窗牖出入時常計議如許事件妄亂行為之處盡為隱匿不行奏聞及朕明降諭旨伊知塞思黑罪惡深重斷不能逃於法網乃欲自益前愆將塞思黑從西大通解來保定時並未奉朕諭旨擅將塞思黑鎖擊以見毫不徇情之意且既稱鎖擊自應實

審明具奏○是月免泗州水災額賦有差

九月壬辰以李成龍為正白旗漢軍都統宜兆熊為湖廣總督兩州將○癸巳宗人府參奏固山貝子滿都護屢犯大罪不知悔改應革去固山貝子禁錮高牆得旨滿都護從寬免其圈禁著革去固山貝子授為鎮國公所屬之佐領俱著撤出○命直隸督撫及府州縣有司耕藉○乙未裁甘肅屬之平涼固原慶陽臨洮河州蘭州岷州七衛西固一所各干總缺歸併各州縣管轄○丙申諭內閣錢文乃民間日用之所必需向因錢價昂貴朕心籌畫至再至三今鼓鑄之錢日增而錢文不見其多錢價仍復不減是必奸民圖利有銷毀制錢打造器皿之事若不禁止銅器則錢價究不能平嗣後除三品以上官員准用銅器外其餘人等不准用黃銅器皿定限三年令將所有黃銅器皿悉行報出官給應得之價如

東華錄

雍正九

丙

旗人則於本旗交官領價漢官民人則於五城該管之處交官領價不論輕重多寡隨便收買不許發價之人絲毫扣剋違者重治其罪若三年之後仍有私藏黃銅器皿者亦加重處如此可永杜毀錢制器之弊而國寶流通民用充裕實為有益著九卿確議具奏○丁酉宗人府參奏旗人虧空帑項不能賠者入辛者庫乃係定例該旗王公並無謝恩之例輔國公阿布蘭從前訛取常泰之子銀兩今又越例妄奏應革去公爵仍行禁錮得旨阿布蘭革退輔國公禁錮之處暫行寬免將所屬佐領俱著撤出○戊戌重九節 上御乾清宮西暖閣召皇子諸王大學士以下各官九十四人賜宴賦柏梁體詩○己亥准關監督年希堯奏原任監督慶元貪婪劣蹟得旨慶元莅任年餘朕聞其聲名不好曾屢次詢問張大有令其據實陳奏張大有堅稱慶元秉公奉職商民皆便朕



又詢問張楷亦稱慶元居官甚善朕以二人陳奏之言自屬可信故將慶元留督淮關稅務今覽年希堯奏慶元劣蹟多端商民含怨則從前張大有張楷徇私妄奏可知年希堯所奏慶元款蹟及伊不法之家人俱交與黃炳齊蘇勒審理○順承郡王錫保奏阿其那染患嘔逆前於初一日奏開奉旨將阿其那用心調養欲食之物悉著給與臣遵旨令太監給與調養至初五日阿其那病勢加增不進飲食初十日病故報聞○庚子以塞楞額署山東巡撫由禮部左○辛丑降工部左侍郎明圖為內閣學士○壬寅諭內閣張楷由道員拔至巡撫理應感恩報效乃到任以後惟務沽取虛名於地方事務全不經心料理朕降旨訓飭而伊奏稱臣有潔己愛民之心無振作有為之能大凡愛民之政莫大於察吏緝盜張楷在任縱容不肖官吏鹽梟盜賊為害地方朕訪知貪劣不

東華錄

雍正九

五月

職官員指名令其參奏伊始行參奏朕訪知鹽梟私販指名令其緝拏伊始行緝拏數年來裨益地方之事無一可稱乃公然以愛民自誇於君父之前又潔己二字乃朕獎勵臣下之語張楷何得以此自居乎且為大吏者激濁揚清興利除害皆職分以內之事朕不知如何謂之振作如何謂之有為朕之諄諄訓誨者不過欲地方大吏各勉其職各盡其道以為息事甯人之本何嘗以苛刻為能察察為明而令督撫等生事以滋擾乎以朕綏靖地方之心而張楷視為煩擾地方之事其意不過欲姑息優容得宵小之歡心而不顧國家之法度使名歸於己而怨歸於上尚得謂之知君臣之大義乎著將張楷革職鎖拏嚴審定擬○以鄂爾奇為工部左侍郎由詹事○甲辰諭內閣古者射御居六藝之中聖人所重本朝開國以來騎射精熟歷代罕有倫比旗人凡少長貴賤悉皆專

心練習未有一人不嫻熟弓馬者士子應試必先試其騎射合式方准入闈蓋恐其專習文藝或致騎射生疏故先以此試之即今部院堂司官亦每月如期在本旗教場該管都統佐領看練弓馬所謂有文事者必有武備勅制立法之意誠深遠也近來文官外任之人漸漸不習於騎射若聽其因循怠惰將來必致騎射生疏豈國家勅制立法之意乎凡旗人外任文官六十歲以下者限二之內仍須熟練騎射二年後有不能騎射者該督撫即行參劾若督撫徇隱經朕察知將督撫一併治罪○諭禮部明年乃會試之期春季適有閏月二月節候尚早各省舉子途次遠來及闈中考試恐其寒冷辛苦朕心軫念著將場期改至三月該部即行文諭知之嗣後會試之年遇有閏月該部先期奏聞○禮部遵旨議奏 聖祖仁皇帝忌辰每年應遵照周年祭祀之例恭讀祝文

東華錄

雍正九

五月

永遠舉行得旨是○以山東登萊青三府豐稔命巡撫發帑購米分貯濟南等屬米少之州縣○丙午諭內閣大學士朱軾將至京師著學士何國宗副都統永福迎勞賜食示朕眷念之意○諭吏部州縣為親民之官關係緊要見在投供候補候選未用之人俱屬平常用之於不甚繁劇之州縣尚可供職若任繁劇必致貽誤地方及至督撫訪察題參事務已至廢弛著將在京候補候選無論已未投供驗到各項人員查明帶領引見○以吳襄為內閣學士由翰林院○以福敏署湖廣總督馬齊暫署左都御史事○戊申移四川重慶府同知駐黔江裁酉陽司經歷一其雅州天全二司經歷瀘州九姓司吏目俱改設州同以資彈壓○壬子諭內閣賭博之事最壞人之品行若下等之人習此必至聚集匪類作奸犯科放僻邪侈之事多由此起若讀書居官之人習此必至廢



時失事志氣昏濁何能立品上進乃向來屢申禁飭而此風尙未  
止息深可痛恨若不嚴禁賭具究不能除賭博之源著京城內外  
及各省地方官將紙牌骰子悉行嚴禁不許貨賣違者重治其罪  
嘗有窩賭之家誘人入局以取其利嗣後准輸錢之人自行出首  
免其賭博之罪仍追還所輸之銀錢庶使賭博之人有害而無利  
則其風可以止息又見漢軍惡習常以工於馬弔互相誇尙夫既  
已居官則應辦之事務甚多日夕不遑尙恐違誤安有餘閒爲此  
無益之戲且聞有上司與屬員鬪牌爲樂者尤非體統大玷官箴  
嗣後若有司官鬪牌賭博該管上司及該督撫指名題參至禁止  
賭博宜如何定例之處該部議奏尋議定例旗人製造紙牌骰子  
售賣者照光棍爲從例擬絞監候而民人止於枷責所以不知畏  
懼嗣後應將民人之製賣賭具及賭博者以充發杖流分別擬罪

東華錄

雍正九年

七

至官員賭博者革職永不敘用從之○癸丑諭內閣大學士朱軾  
丁憂回籍朕本欲成全其志准其在籍守制三年但朕左右匡弼  
需人而營田水利工程亦係伊協同辦理之事故召令來京三年  
之內不補原官准其素服凡朝會燕饗及應穿補服之處俱不必  
到俾伊得盡人子之心以展孝思當日怡親王遣伊母妃之喪  
聖祖仁皇帝恩准素服三年今日朱軾即可皆照此例著仍在內  
閣兼吏部都察院行走○以查郎阿署左都御史由吏部左○乙  
卯諭內閣九卿翰詹科道等查嗣庭向來趨附隆科多隆科多曾  
經薦舉朕令在內廷行走授爲內閣學士後見其語言虛詐兼有  
狠願之相料其心術不端從未信任及禮部侍郎員缺需人蔡珽  
又復將伊薦舉今歲各省鄉試屆期朕以江西大省須得大員以  
典試事故用伊爲正考官今閱江西試錄所出題目顯露心懷怨

望譏刺時事之意料其居心澆薄乖張平日必有紀載遣人查其  
寓所及行李中則有日記二本悖亂荒唐怨誹捏造之語甚多又  
於 聖祖仁皇帝用人行政大肆訕謗以翰林改授科道爲可恥  
以裁汰冗員爲當厄以欽賜進士爲濫舉以戴名世獲罪爲文字  
之禍以趙晉正法爲因江南之流傳對句所致以科場作弊之知  
縣方名正法爲冤抑以清書庶常復考漢書爲苛刻以庶常散館  
爲畏途以多選庶常爲葶草爲厄運以殿試不完卷黜革之進士  
爲非罪熱河偶然發水則書淹死官員八百人其餘不計其數又  
書雨中飛蝗蔽天似此一派荒唐之言皆未有之事而伊公然造  
作書寫至其受人屬託代人營求之事不可枚舉又有科場關節  
及科場作弊書信皆甚屬詭秘今若但就科場題目加以處分則  
天下之人必有以查嗣庭爲出於無心偶因文字獲罪爲伊稱屈

東華錄

雍正九年

天

者今種種實蹟見在尙有何辭以爲之解免乎爾等漢官讀書稽  
古歷觀前代以來得天下未有如我朝之正者况 世祖 聖祖  
重熙累洽八十餘年深仁厚澤淪肌浹髓天下億萬臣民無不坐  
享昇平之福我 皇考加恩臣下一視同仁及朕即位以來推心  
置腹滿漢從無異視蓋以人之賢否不一各處皆有善良各處皆  
有好惡不可以一人而槩眾人亦不可以一事而槩眾事朕惟以  
至公至平之心處之爾等當仰體朕心各忤誠相交相勉勵殫竭  
公忠無負平日立身立德之志或有一二心術不端者亦宜清夜  
自省痛加悔改朕今日之諭益欲正人心維風俗使普天率土永  
享昇平之福也爾等承朕訓旨當曉然明白勿存疑懼避忌之念  
但能恪慎供職屏去習染之私朕必知之朕惟以至誠待臣下臣  
下有負朕恩者往往自行敗露蓋普天率土皆受朝廷恩澤咸當



知君臣之大義一心感戴若稍萌異志卽爲逆天之人豈能逃於  
誅戮報應昭彰纖毫不爽諸臣勉之戒之查嗣庭讀書之人受朕  
格外擢用之恩而伊逆天負恩譏刺呪詛大千法紀著將查嗣庭  
革職擊問交三法司嚴審定擬○丁巳諭內閣爲士者乃四民之  
首一方之望凡屬編氓皆尊之奉之以爲讀聖賢之書列膠庠之  
選其所言所行俱可以爲鄉人法則也故必敦品勵學謹言慎行  
不愧端人正士然後以聖賢詩書之道開示愚民則民必聽從其  
言服習其教相率而歸於謹厚或小民偶有不善之事卽懷愧恥  
之心相戒勿令某人知之如古人之往事則民風何患不醇世道  
何患不復古耶朕觀今日之士雖不乏閉戶勤修讀書立品之人  
而蕩檢踰閑不顧名節者亦復不少或出入官署包攬詞訟或武  
斷鄉曲欺壓平民或抗違錢糧藐視國法或代民交課私潤身家

東華錄

雍正九

元

種種卑污下賤之事難以悉數彼爲民者見士子誦讀聖賢之書  
而行止尙且如此則必薄待讀書之人而並且輕視聖賢之書矣  
士習不端民風何由而正其間關係極爲重大朕自卽位以來加  
恩學校培養人材所以教育士子者無所不至宜乎天下之士皆  
鼓舞奮興爭自濯磨盡去其佻達之習矣而內外諸臣條奏中臆  
列諸生之劣蹟請行嚴懲者甚多朕思轉移化導之法當先端其  
本原教官者多士之儀型也學臣者教官之表率也教官多屬中  
材又或年齒衰邁貪位竊祿與士子爲朋儔視考課爲故套而學  
臣又但以衡文爲任教官之因循怠惰苟且塞責漫不加察所以  
倡率之本不立無怪乎士習之弊端風俗之未醇也朕孜孜圖治  
欲四海之大萬民之眾皆嚮風慕義革薄從忠故特簡督學之臣  
慎重教官之職欲使自上而下端本激源以收實效也凡爲學臣

者務須持正秉公宣揚風化於教官之稱職者卽加薦拔溺職者  
卽行參革爲教官者訓誨士子悉秉誠心如父兄之督課子弟至  
於分別優劣必至公至當不涉偏私如此各盡其道則士子人人  
崇尚品詣砥礪廉隅不但自淑其身而羣黎百姓日聞善言日觀  
善行必共生感發之念風俗之丕變庶幾其可望也○戊午諸王  
文武大臣等合詞議奏阿其那塞思黑逆天大罪應戮屍示眾同  
黨之允禔允禛並應正法 上召入諭曰諸王大臣等所奏乃執  
法定罪至公之論但阿其那塞思黑既伏冥誅其戮屍之罪著從  
寬免允禔乃狂妄無知之人爲阿其那塞思黑所愚入其邪黨聽  
其指揮尙非首惡故將伊拘禁於 壽皇殿之旁俟其悔改當日  
皇考拘執阿其那之時允禔與塞思黑公然挺身保奏允禔且  
曾邀約朕躬伊等又私藏毒藥願與同死昨阿其那身故之後朕

東華錄

雍正九

三

遣人詢問允禔云阿其那在 皇考之時爾原欲與之同死今伊  
身故爾若欲往看若欲同死悉聽爾意比時允禔回奏我向來爲  
阿其那所愚今伊既伏冥誅我不願往看等語據此則允禔似有  
悔心之萌或伊僞作此語欲留其身以圖將來報復均未可定著  
暫緩其誅以徐觀其後若竟不悛改仍蹈罪愆再行正法允禔擬  
庸卑鄙若將伊與阿其那等同列亦覺不稱今既已禁錮亦免其  
正法○是月免山東德州歷城濟南東平等四十九州縣衛所上  
年水災額賦有差

冬十月庚申諭內閣部院大臣等朕宵旰勤勞勵精圖治諄諄以  
正人心端風俗爲首務而欲人心風俗同歸於善必先去其營求  
請託之私而後可以成公平之化大臣者羣僚之表率也職官者  
士庶之儀型也大臣不能去營求請託之私則標準不立而百僚



士庶相習成風更無所底止矣外省督撫藩臬皆地方大吏其所辦理皆地方緊要之事若在京大臣以私情屬託必致進退人材不得其實聽斷獄訟不得其平種種倚仗勢力顛倒是非貪緣奔競之事皆由此起民生何由安吏治何由肅乎夫交以道接以禮聖人所不廢內外官員凡有問候書札及餽遺往來而無所干瀆者不必拒絕有關說請託者宜嚴行禁止地方大吏正當謝絕知交屬託之私情以除向來相沿之陋習在廷諸臣亦可舉國法以謝親知秉公去私共襄移風易俗之化慎之勉之○諸王文武大臣等以十月三十日恭屆 萬壽聖節合詞奏請慶賀得旨朕即位以來事事效法 皇考當日 皇考聖誕未曾每歲行慶賀禮是以今年朕萬壽節禮部奏請慶賀朕降旨停止蓋 皇考六十年來所行之事朕力能效法者無不遵奉施行其力所不能者則待朕勉於他日即如 皇考慎重武備每歲巡行邊塞校獵講武一事朕年來未一舉行而庸劣無知之官員及怠惰不堪之兵丁頗有以朕之不往為是者此皆愚賤之人偷安自便不知大體之論國家武備關繫緊要不可一日廢弛朕之不往乃朕不及 皇考之處朕自知之蓋 皇考德盛化神睿思廣運巡幸所至日理萬幾略無曠缺與在宮中無異朕則從朝至夕殫竭心力尚恐經理未周實無暇及於校獵行圍之事此朕不及 皇考者也 皇考神武天授挽強貫札之能超越千古眾蒙古見之無不驚服而朕之騎射不及 皇考矣 皇考聖體康強如天行之常健春秋已高猶不減壯盛之時而朕之精力又不及 皇考矣是以臨邊講武之事未曾舉行祇於前歲令皇子出口行圍以習訓練而武弁及旗員引見則皆試以騎射而後用之朕欲俟經理政事悉皆

得宜即當於農隙之時躬行獮狩之禮耳朕事事不及 皇考惟有洞悉下情之處則朕得之於親身閱歷朕在藩邸四十餘年凡臣下之結黨懷奸貪緣請託欺罔蒙蔽陽奉陰違假公濟私之習皆深知灼見可以屈指而數者是以今日宵旰憂勤為世道人心長久之計禁之不得不嚴訓之不得不切非好為辨論自取煩勞也其他宣猷敷政實不及 皇考之萬一惟有事事勉效法而行如萬壽節不行慶賀禮乃事之易行者著仍遵前旨○以吏部尚書內務府總管查弼納協理兵部尚書事署正藍旗漢軍都統黃國材協理兵部侍郎事○癸亥召佟吉圖來京以許容為浙江布政使原任陝西○甲子諭九卿等朕聞浙省風俗澆漓甚於他省若不力為整頓挽回及其陷於重罪加以刑實有不忍朕意專遣一官前往浙江省問風俗稽察奸偽應勸導者勸導之應懲治者懲治之務使紳衿士庶有所戒盡除浮薄嚮陵之習歸於謹厚以昭一道同風之治其如何設立衙門鑄給關防之處著詳議具奏尋議查唐貞觀中置觀風俗使巡省天下觀風俗之得失今遣官前往浙江省問風俗稽察奸偽應授為浙江等處觀風整俗使鑄給關防以重職守從之○諭禮部直省學臣三年任滿著於各學生員內選擇人品端方有猷有為有守之士大省舉四五人小省二人送部引見酌用○以光祿寺卿王國棟為浙江觀風整俗使○丙寅諭纂修 實錄總裁官大學士張廷玉朕閱康熙四十九年 實錄內載 皇考褒獎朕之諭旨云朕之諸子多令人視養惟四阿哥朕親撫育能體朕意愛朕之心殷勤懇切可謂誠孝當時降 旨原有幼年微覺喜怒不定一語朕曾奏曰臣侍 皇父左右時蒙訓誨頃者復降 褒綸實切感愧至於喜怒不



定一語昔年曾蒙 皇父訓飭此十餘年以來 皇父未曾降旨  
 飭臣有喜怒不定之處是臣省改微誠已荷 皇父洞鑒今臣年  
 逾三十居心行事大槩已定喜怒不定四字關係臣之生平仰懇  
 聖慈將 諭旨內此四字恩免記載隨蒙 皇父傳諭曰十餘  
 年來實未見四阿哥有喜怒不定之處頃朕降旨時偶然諭及無  
 非益加勉勵之意此語不必記載今朕繼承大統臨御寰區凡一  
 喜一怒皆慎之又慎未敢輕忽如或尚有不定處足見 皇考知  
 人之明評論不爽如朕已無喜怒不定之處是朕仰遵 廷訓時  
 時體察得以陶鎔氣質 皇考訓誨之恩尤不敢忘也爾等可將  
 當日 皇考降旨及朕奏懇蒙 恩俞允前後情節據實添載  
 實錄中○諭內閣助教一官有教訓士子之責若止考試繕寫則  
 年少淺學但工寫字者皆可入選何能得人可傳諭各部院衙門  
 東華錄 雍正九年 五

將滿字筆帖式內為人老成有品行者保舉引見其應考繙譯者  
 仍照例考試○丁卯調郝林為禮部左侍郎由工○刑部等衙門  
 議奏楚宗胡什禮奉旨帶領塞思黑回京並不請旨擅將塞思黑  
 鎖拏又復故意寬鬆任其脫卸明係懷挾奸邪暗庇逆黨應照例  
 將楚宗擬斬監候胡什禮擬絞監候得旨楚宗從寬免死發往阿  
 爾泰種地處效力胡什禮從寬免死在黏竿處效力○浙閩總督  
 高其倬奏報蘇祿國王遣使奉表貢獻方物已抵閩界得旨蘇祿  
 國遠在海外隔越重洋從來未通職貢今輸誠嚮化甚屬可嘉閩  
 省起送來京之時著沿途地方官護送照看應用夫馬食物著從  
 厚支給以示朕加惠遠人之至意○添設浙江杭嘉湖三府分巡  
 道一○戊辰諭諸王大臣等朕 皇考聖祖仁皇帝臨御六十餘  
 年富有四海而躬行儉德節愛養以為保惠萬民之本此中外

東華錄 雍正九年

臣民所共知者從來宮中服御之具惟尚質樸無華至於古玩器  
 皿皆尋常平等之屬竟無一物為人所罕見可珍奇者此等事朕  
 向來且不深知則外廷臣工又何從而知之朕即位後偶令太監  
 將大內所有玩器稽查檢點並將避暑山莊等處歷年陳設之物  
 其中可觀者皆取回宮中看來較朕藩邸所藏尚屬不逮益欽服  
 我 皇考之至德即此一節已超越前古矣偶因閒暇憶及實不  
 忍 皇考盛德異日湮沒而不彰特書此以留示子孫俾知 皇  
 考之節用愛人戒奢崇約不獨溥鴻恩於萬姓亦且留厚福於子  
 孫而世世追思 聖德祇遵 聖訓敬謹奉行毋稍踰越此又人  
 人所當自勉者也○己巳諭大學士九卿等直隸地方旗民雜處  
 往往以強陵弱勢力相加而謹樸良民常被欺壓因而相習於強  
 悍之風不知悛改俗不醇厚或由於此朕勵精圖治欲四海之廣  
 東華錄 雍正九年 五

道德一而風俗同况輦轂之下首善之區尤當整飭化導以為萬  
 邦之式今欲將滿漢漢軍御史各差二員令其巡查直隸八府地  
 方凡旗下告退官員及在屯之莊頭內監之族戚與在籍之鄉紳  
 衿監儻有不安本分陵虐良民不畏官吏恣行暴悍者或即行懲  
 治或具本參奏其地方命盜案件亦聽其查訪務使豪強斂迹良  
 善安居以副朕移風易俗之至意其如何遣官分巡之處爾等妥  
 議具奏○辛未諭戶部朕覽所奏恩詔內賞給老人一項直隸各  
 省七十以上至百歲以上老民老婦共一百四十二萬一千六百  
 二十五名其仕宦紳士商賈僧道皆不入此數內洪範以壽居五  
 福之首而昔人稱七十為古稀誠以壽為難得而可貴也乃今日  
 老人之多至於如此皆由我 皇考聖祖仁皇帝六十餘年以來  
 深仁厚澤休養生息凡山陬海澨僻壤窮鄉無不沐浴 鴻慈涵

一九七



滿大化太和翔洽壽國壽民所以期頤耄耋龐眉皓首之人至數百餘萬之多所謂老者以壽終幼孤得遂長者皆我 皇考之賜也從此益加培養日積月累則民間之享高年介眉壽者更不知如何之眾矣此等老人躬際昌期年登上壽大抵皆居心忠厚力行善事之人即或有一二年少時未盡醇謹者亦必中年暮齒能自悔悟蓋一念修省即荷上天福佑也是國家有培養之恩而木人又能修善以承承之非侍而致之者也爾等百姓視太平之盛事當歡欣鼓舞謹身修德以迓天庥父與父言慈子與子言孝兄弟友恭夫婦和順比閭族黨之閒相親相愛無詐無欺革薄從忠循分守法盡除乖戾之氣為國家醇樸善良之民則天地佑善錫福長享遐年此必然之理也但生齒日盛食指繁多則謀生之計不可不講爾等百姓當重農桑以順天時勤開墾以盡地利務本東華錄 雍正九年

業以戒游惰謹蓋藏以裕久遠而且節省食用愛惜物力毋尚奢侈毋競紛華毋任意糜費以耗有用之財毋但顧目前而忘經久之計朕以勤儉先天下宮禁之中尚多方撙節愛養以為加惠元元之本爾等小民安可忘物力之艱難乎誠能體朕諄諄訓諭之意敦善行則心體安務本計則俯仰足惜財用則家室裕人心和樂風俗醇美同為壽考之人長享昇平之福朕蓋有厚望焉著該部將朕此旨轉發直省督撫通行所屬郡邑鄉村咸使聞知○壬申諭戶部錢糧之有火耗原非應有之項但以相沿日久地方官員非此無以養贍故姑且存之而各省舊例亦有輕重之不同備地方官員於應取之外稍有加重者朕必訪聞重治其罪向來山西省虧空甚多地方官無以藉口動稱因豫備軍需所致並將侵蝕之人皆指為軍需之用及諸岷到任加意整頓盡革從前之加

派而各屬無著之虧空不能填補者則將各官應得耗羨歸之於公以為酌補虧空之計又恐各官無以養廉以致苛索於百姓故於耗羨中酌定數目為日用之資以官員之羨餘補官員之虧空既可完帑亦不累民實權宜得中之善策也前聞伊都立將通省火耗應減者皆出示裁減朕甚嘉之近日又聞伊都立以用度不敷竟不奏聞而將已減之耗羨仍舊徵取經朕訪聞尚不肯深信因降旨詢究務令照前裁減今伊摺奏竟係實有之事認咎無辭伊都立如此暮四朝三前後矛盾同於兒戲可乎夫以封疆大臣不能宣揚德意使小民知朕恤下之恩而反為此悖理營私之事昏庸若此豈事君理民之道伊都立著交部嚴加議處○諭刑部逃人在外生事被人毆死與尋常鬪毆不同不應擬抵庶使逃人知所做懼爾部即知會各省遵行○癸酉降兵部尚書蔡瑛為奉

東華錄 雍正九年

美

天府府尹○甲戌諭大學士九卿翰詹科道等爾等多出自科甲之人既誦法聖賢讀書明理當知君臣之大義須上下一體情分相聯方克致昇平之治人人共受其澤自唐宋以來去古已遠習俗澆漓人心詐偽狂妄無忌憚之徒往往腹誹朝政甚至筆之於書肆其誣謗如汪景祺查嗣庭豈能逃於天譴乎我國家恩養休息海宇晏清八十餘年萬民樂業爾等父母妻子孰不沐浴膏澤安享其福耶且士人立身行己以禮義廉恥為重乃至昏夜乞憐上書投札滿紙稱功頌德之語何廉恥蕩然至於此極又有將子弟姻戚門生故舊私書請託者不知以素所親愛之人為之請託照拂實屬無益而有損益彼無倚恃尚知儆惕自守勉勵供職若先有請託彼心以為勢力可恃肆其狂妄無所不為及實任職款發覺則受請託者不能為之庇護是非所以愛之而實以害之

續修四庫全書第4卷反內



也又爾等皆係各省州縣之百姓受制於有司者如請託之風盡除凡地方有司皆有所畏懼而廉潔愛民則爾等之子孫宗族咸受其慶不亦善乎如請託之風不絕則地方官員各有倚賴將肆其貪婪則爾等之家產不足飽貪官汚吏之谿壑爾等自爲身家桑梓計亦斷應速改歷代之陋習也查嗣庭請託賄屬之書札不一而足其日記所載狂妄悖逆之語與汪景祺相爲表裏而其誹議 聖祖仁皇帝用行政大逆不道之言不可勝舉實共工驩兜之流也復有無知之徒謂朕進人太驟退人太速者朕在藩邸時從未與外廷諸臣往還即認識者甚少及即位後有內外員缺甯能不用人乎而素無認識之人不得不博採旁求以用之及用之而徐觀其人實不可用則不得不更易之故自督撫提鎮至於道府參遊州縣每一缺出苟不得其人朕將吏兵二部月摺翻閱

東華錄

雍正九

卷

再四每至終夜不寢必得其人方釋然於中此爲君之難實不可以言語形容者也又有議朕求治太速者朕受 聖祖仁皇帝付託之重實欲治益求治安益求安以仰副 聖祖仁皇帝養育深恩然於臣下辦理政務從未嘗刻期促限也但勵精圖治欲使天下臣僚振作奮興去其怠玩上下交相勸勉庶底於有成苟此志稍有或弛則庶務積而叢脞矣朕自朝至夕凝坐殿室披覽各處章奏目不停視手不停批訓諭諸臣日不下數千百言悉出於至公至正之心如從前政令果有未協之處爾等能直陳其非朕卽爲改定有獨見者卽昌言之或公同詳議具覆此時不言日後私相議論發覺之日必治以重罪勿謂朕求言之不誠也○諭禮部士子讀書制行之道首在明經其以五經取中副榜者必有志經學之士著將今年各省五經取副榜之人俱准作舉人一體會試

東華錄 雍正九

再今科各省所中副榜內有兩次中副榜者亦准作舉人一體會試此係特典後不爲例○丁丑覺羅塞德緣事革職調塞榜額爲戶部右侍郎莽鵠立爲禮部右侍郎以圖理琛爲兵部右侍郎調法敏爲陝西巡撫以馬會伯爲四川巡撫由甘肅○解丁士一任以王承烈爲江西布政使由湖北○戊寅諭九卿等各部漢司官實能辦事者不過一二人其餘庸碌無能之人偷惰安閒實屬充濫朕卽位以來其賢能司官或升道府或選科道擢用甚眾而平庸之人若一槩升用必致曠官廢事然尙不忍多行黜退蓋以各司人眾兼有堂官辦理事無貽誤故今春京察止將甚不堪者革退數人其餘槩爲優容此朕寬大之恩也乃汪景祺查嗣庭等妄謂郎中員外主事等官壅滯不得升轉至有白首爲郎十年不調等語此必司官中不感朕寬容之恩而以不得升用私相怨望

東華錄

雍正九

卷

者此等之人既不能爲國家效力而反以不得卽升爲怨又復多占員缺阻塞後人升補之路甚非整飭官方之道著各部堂官將所屬司官詳加甄別凡有才具平常目前不能辦事將來不堪升用者盡行舉出與應留辦事人員一同帶領引見請旨各部堂官不得瞻徇情面稍有容隱○諭雲貴川廣湖南各省督撫直省地方官辦理欽部案件皆有定限其不依限完結者例有處分惟邊省苗疆間有督撫自行歸結之案地方官因無限期遂生怠玩以致案件稽遲民人受其拖累嗣後遇有民苗爭訟事件皆督撫嚴飭該管各官作速查審完結如地界兩省或有關提之人或有會勘之處兩省大吏務須和衷辦理不得互相推諉其有不肖有司託故稽遲巧爲推卸者卽指名題參毋得徇庇○添設直隸河官天津州同一青縣子牙河主簿一屬天津道轄涿州霸州判各

一九九



一吏目各一宛平良鄉固安永清東安武清六縣縣丞各一主簿  
各一屬永定道轄北運河同知通判各一要兒渡縣丞一東陽村  
主簿一屬通永道轄霸州清河吏目一屬清河道轄○己卯命大  
學士馬齊為正使領侍衛內大臣馬武為副使齎冊寶封和碩怡  
親王諡怡親王誠敬事君公忠體國自古賢王罕與倫比數年以  
來遇王之生辰與遷移府第朕每次加以恩賚之期及遣王祭祀  
行禮奉差起程之日朕留心觀之天氣必暄和爽期今日冊封更  
覺風和日暖足見朕之加恩上合天意而人臣之純一格恭者天  
必降之福澤其理昭然不爽非人力所能強致也朕心甚為嘉悅  
將此旨傳諭諸王大臣○辛巳諭宗人府裕親王廣甯朕授以王  
爵並不感恩報效反懷異志退避不前辦事錯謬朕降旨切責伊  
全無畏懼之容尚未除保泰等朋黨之念甚屬可惡著拏交宗人

東華錄

雍正九

五

府嚴加議處尋議廣甯身受隆恩由閒散宗室封為親王又授為  
領侍衛內大臣乃不思感恩效力反懷異志所議藍翎侍衛一案  
甚屬錯謬 皇上降旨切責並無畏懼之容結黨營私有干國紀  
應將廣甯革退王爵在臣衙門永遠鎖禁得旨廣甯著永遠鎖禁  
宗人府○壬午以戶部尚書蔣廷錫兼管兵部尚書事○癸未調  
彭維新為河南按察使魏定國為直隸按察使○甲申諭議政大  
臣等岳鍾琪見今經理剿撫番苗事務地連三省必須岳鍾  
琪前往四川就近調遣方能悉合機宜著岳鍾琪親赴川省駐紮  
成都以便相機調度或於此時即便起程或俟法敏到陝後起程  
令岳鍾琪酌量辦理○實授鄂爾泰雲貴總督加兵部尚書銜○  
乙酉轉吏貽直為工部左侍郎以劉師恕為工部右侍郎鄭任銓  
為左副都御史憲德為湖北巡撫蔡嵩為湖北按察使由翰林院  
侍讀遷

○解汪澂任以適柱署江西巡撫由吏部右  
侍郎署○丁亥諭大學士九  
卿等朕自即位以來以 皇考之心為心以 皇考之政為政寬  
嚴賞罰之間止此一理而愚昧無知之人陳奏摺內往往將 皇  
考與朕之行事強為分別有春溫秋肅仁育義正之語其意謂  
皇考為寬仁謂朕為嚴義何其謬歟帝王為治之道有應寬者則  
用寬而非廢法應嚴者則用嚴而非濫刑古人云寬以濟猛猛以  
濟寬惟寬嚴得當乃為相濟朕經理萬幾用寬用嚴皆因其人之  
自取物來順應初無成見惟斟酌情理之至當而行之天下惟此  
一理諸臣須知朕今日之義即 皇考當日之仁朕今日之仁即  
皇考當日之義道無二致同歸一中因時制宜使得其平此聖  
人所以言平天下也朕臨下御眾悉本至誠爾內外諸臣亦當體  
朕之心務實存誠秉公持正去私心揣度之陋習佐寬嚴得中之  
東華錄

雍正九

五

罕

雅化行之恒久將刑措之風可以復見而太和翔洽民物長春永  
登郵隆之盛治實朕之所期望也○是月免湖北沔陽武昌等州  
縣衛湖南臨湘岳州等縣衛水災額賦有差  
十一月辛卯諭大學士等各省學政有教導士子之責關繫甚重  
乃向來定例由翰林科道簡用則為學院由部屬簡用則為學道  
不論其見任之職掌但論其前任之官職似未允當應作何畫一  
之處著會議具奏尋議郎中等官奉差督學者應一體稱為學院  
停其開缺各以原銜督學差滿後仍歸衙門辦事得旨凡郎中等  
官奉差提督學政者若原缺不行另補恐部中辦事乏人所議尚  
未周詳朕意凡部內郎中等官膺督學之任則加以編修檢討之  
銜使其名實相稱其員缺另行銓補俟伊任滿考察之後仍歸本  
部補用如此庶為妥協著九卿定議具奏○調伊都立為江西巡



撫以德明為山西巡撫張適為直隸布政使原任甘肅按察使○乙未靖

邊將軍富甯安自軍營回京帶領官弁陛見諭富甯安在軍前多年約束兵丁辦理事務俱井井有條而且行止端方廉潔此數年以來領兵之將軍等聲名未有出其右者其於我皇考之寄任

實心奮勉不負任使朕實嘉愛今朕代皇考推恩特行旌賞封富甯安世襲侯爵爾諸大臣果能以品行聲名為念於國家公務一意抒誠勉盡人臣效忠之道豈惟主上嘉愛即上天亦必慈佑

報之以福矣○吏部遵旨議覆御史分巡直隸應令都察院於滿洲漢軍漢人御史內各派出二員差往其各員巡察之處分順天各屬及永平宣化二府為一路保定正定河間三府為一路順德

廣平大名三府為一路每路派御史二員徧歷巡查凡旗下告退官員在屯莊頭內監族戚及在籍鄉紳衿監並內府莊頭如有恣

行不法者即行文該地方官提拏訊實懲治其應交地方官歸結者即會同地方官歸結應參奏者即行參奏並請鑄給關防以重

職守如該御史徇私容隱以及生事滋擾仍許直隸總督據實題參從之○己亥諭內閣帝王體國經邦政治所施惟準乎道理之

至當寬嚴賞罰各得其宜若一涉利弊二字便入於私是以孟子云仁義而已矣何必曰利蓋仁所以休養安全義所以裁成化導

也朕嗣承大統四年於茲凡政教號令皆遵法皇考皇考在位六十一年聖謨宏遠諭旨周詳紀綱法度靡不備舉特當時臣下或有陽奉陰違不能實力遵行者或有事經歷久漸至廢弛者朕在藩邸時知之甚悉即位以來仰體皇考仁育義正之心履降明旨諄諄誥誡無非欲內外大小臣僚咸恪遵皇考之良法美政貞心奉行以共成久安長治之盛是朕所行之政皆

皇考已行之章程朕所申之令皆皇考已申之寶訓實未嘗有

所減省增益也特以歷年既久新進疏遠之臣未能悉知見朕所施之政令遂以為從前所未有而淺陋寡識之人往往於陳奏內有眾利皆興諸弊俱除之語朕經理天下凡用人行政悉本大中

至正之心事至而應惟理所當然從無計及利弊之私意如謂與利除弊則凡平治道路疏濬河渠修葺城垣開墾田畝此國家經

野之常典而可謂之興利乎年歲豐歉不齊設有水旱為之賑饑平糶蠲賦緩徵此朝廷軫恤之恒政而可謂之興利乎老人應賜

以衣食則賜之孤獨應恤以錢物則恤之勤以孝弟本小民自有之天良助以耕桑固閭閻各盡之職業而可謂之興利乎至於盜

賊奸宄法所應誅貪官污吏法所應黜豪紳劣衿法所應鋤而謂誅盜奸黜貪污鋤豪劣為除弊可乎情罪重者予以刑辟情罪輕

者予以矜釋此又謂之除弊可乎欲正民風而端士習不得不戒之用休董之用威也將以此為興利乎抑除弊乎念習俗之流於

奢靡也朕躬行節儉以身示天下慮農人之惰於南畝也朕親為耕藉以身先天下將以此為興利乎抑除弊乎夫存興利之心即

有不利之害有除弊之意即為啟弊之端由此類推治道安得有利弊之名朕又何常有興利除弊之舉也皇考六十餘年豐功偉烈布在方策皆因事治事以人治人從不居興利除弊之名而以此頌揚朕之政事朕實不敢當朕亦不願當也外省督撫諸臣未能深悉朕意為此曉諭知之○賑廣東歸善博羅等縣水災饑民○大學士高其位以老疾乞休得旨卿效力年久恪慎奉職老成練達懋著賢聲是以簡預機務用昭優眷前以老病乞休朕未忍俞允特命供職數時以示眷念者舊大臣之至意今復行奏請



情詞懇切准以原官致仕○辛丑兵部遵旨議覆州縣民壯中有材力技藝出眾者請與見在之步戰兵守兵一體比較拔補馬步戰兵額缺又議准原任山東巡撫陳世倌奏衛所歸併州縣原為便於地方起見東省安東等七衛及已裁之雄崖浮山二所俱係海疆重地形勢險要請將該衛所照舊存留無庸裁併其濟南衛所與海疆不同請裁歸附近州縣管理均從之○癸卯諭大學士等朕覽九卿所議欲停夥盜減等發遣一案當日將夥盜分別減等乃 皇考聖祖仁皇帝好生至德從古未有之仁政也若照律不分首從皆斬立決則受戮者甚多其中不無應酌量矜減之人是以夥盜減等立法誠為盡善朕惟照舊遵行但行之既久地方官吏捕役人等悉知此例或將愚劣無能之輩嚴刑逼迫令其認為造意為首之人反將奸狡積盜入於夥盜之中得邀減等亦未

東華錄

雍正九

聖

可定凡盜案內必有實在為盜者亦有被人誘脅並非素常為盜情尚可憫者若將實在強盜拏獲即行正法不但法無不當且盜案亦不至於併積當日 聖祖仁皇帝未將夥盜減等之條著為定例原有深意但既施法外之仁通行年久朕意將此條另立檔案首載 聖祖仁皇帝諭旨次將凡因盜案所下諭旨存案遵行嗣後遇有盜案務令地方各官詳察情形確實究審將案內之悍惡兇暴實在為盜及被人誘脅或出於一時救死之計並非素常為盜者一一分註明白於疏內聲明著大學士會同三法司將造意為首與極惡難留者仍按律擬斬其被人誘脅或非素常為盜情尚可憫有應行減等發遣者將應減等緣由於本內聲明具題至發遣之地亦不必於黑龍江甯古塔等處應如何分發各省內地之處爾等公同詳細議奏○丙午裁湖南永順保靖二司經歷

缺各改設同知一○庚戌存柱緣事降調調莽鶴立為刑部右侍郎由禮部調○禮部左侍郎郝林以老疾乞休命加尚書銜致仕○辛亥禮部議准原任總督管山西巡撫事伊都立奏 關聖後裔在洛陽者已設守墓博士一其後裔在解梁原籍者實係大宗請增設博士一以奉祭祀從之○改廣西太平府屬之江州太平萬承龍英慶遠府屬之東蘭思恩府屬之田州等六州吏目俱為州同太平府屬之安平憑詳思恩府屬之向武等三州吏目俱為州判添設慶遠府屬之南丹州州同一那地州州判一○壬子封大學士富甯安三等侯世襲○癸丑諭內閣滿洲風俗尊卑上下秩然整肅最嚴主僕之分家主所以約束奴僕者雖或嚴切亦無不相安為固然及見漢人陵替之俗彼此相形而不肖奴僕遂生缺望雖約束之道無加於疇昔而向之相安者遂覺為難堪矣乃至一

東華錄

雍正九

聖

二滿洲大臣漸染漢人之俗亦有寬縱其下漸就陵替者此於風俗人心大有關係不可不加整飭夫主僕之分一定則終身不能更易在本身及妻子仰其衣食賴其生養固宜有不忍背負之心而且世世子孫長遠服役亦當有不敢縱肆之念今漢人之奴僕乃有傲慢頑梗不遵約束加以詞責則輕去其主種種傲俗朕所洞悉嗣後漢人奴僕如有頑傲不遵約束或背主逃匿或私行誣謗被伊主覺察者應作何懲治與滿洲待奴僕之法作何畫一之處著滿洲大學士九卿詳悉定議具奏尋議漢人奴僕有傲慢不遵約束及誣謗家長背主逃匿者俱照滿洲家人例治罪如典當雇工限內及身隸門下為長隨者照滿洲白契所買家人例治罪從之○何錫祿緣事革職以趙殿最為湖南按察使由拾事○乙卯諭九卿等讀書所以明理講求天經地義知有君父之尊然後



見諸行事足以厚俗維風以備國家之用非僅欲其工於文字也  
浙江文詞甲於天下而風俗澆漓做壞已極如查嗣庭汪景祺自  
矜其私智小慧傲睨一世輕薄天下之人遂至喪心悖義謗訕君  
上以 聖祖仁皇帝六十餘年聖德神功深仁厚澤普天率土浹  
髓淪肌 聖敬日躋純亦不已用人行政至公至正事事周詳盡  
善實自古帝王中所罕見者而查嗣庭汪景祺乃敢肆行謗議悖  
逆猖狂公然紀載誰無君父能不痛心能不切齒昔孔子作春秋  
歷代因之各有史冊以垂法戒今若容悖逆之人顛倒是非私行  
紀載則史冊皆不足憑矣豈非千古之罪人乎浙江風氣如此儻  
聽其頹敝不加整飭何以成一道同風之治朕思開科取士原欲  
得人任用豈徒以其文章詞藻之工有益於民生吏治乎且巡撫  
李衛等從查嗣庭家中搜出科場懷挾細字密寫文章數百篇似  
東華錄 雍正九 聖  
此無恥不法之事不但藐視國法亦且玷辱科名浙江士子未必  
不因此效尤應將浙江人鄉會試停止俟風俗漸趨醇樸再降諭  
旨至於生員歲考仍舊舉行朕因人心風俗關係重大不得不嚴  
加整理以爲久安長治之計也○諭吏部江西各州縣倉糧民欠  
虧空不清著伊都立會同邁柱清查巡撫印務仍著邁柱署理查  
出虧空之州縣照直隸之例俱令解任留於本處賠補賠補全完  
者具題給咨赴部另補所遺員缺即將命往之人題補事竣日將  
巡撫印務交與伊都立邁柱再行來京○丁巳冬至祀 天於  
圓丘 上親詣行禮畢諭諸王大臣等今日未祭之前大雪及行  
禮時微止行禮畢雪復大作此實 上天垂佑之象朕心甚慰爾  
諸大臣諒亦必共相慶幸也○是月免江南宿松無爲望江銅陵  
等州縣江西南昌等縣湖南巴陵等縣水災額賦有差

十二月戊午朔四川巡撫法敏奏建昌所屬苗稜種類不一冕山  
賊蠻金格關壽阿租等狂悖不法從前並未殲其兇首因調漢土  
官兵分路進剿而金格等潛匿山箐茲又添兵深入梁山搜捕除  
各處調來土兵量給口糧外查官兵內地行走無支給口糧之例  
但官兵深入崇山峻嶺購米維難與出口無異請暫照松潘戍守  
兵丁之例支給口糧於官兵應領米折銀兩陸續扣還得旨向來  
官兵凡在內地行走者例不給與口糧朕思內地亦有遠近之分  
行走不無遲速之別宜酌加恩澤以獎勵勤勞今建昌官兵因進  
剿賊蠻已經深入梁山此地舊稱險遠並非內地可比而賊徒金  
格等潛匿荒僻之區尙未授首見在官兵各處搜剿奮勇效力甚  
屬可嘉查前歲進剿南坪時官兵俱經給與口糧今進剿梁山官  
兵著照南坪之例一體支給口糧以示朕撫恤兵丁之至意○庚  
東華錄 雍正九 哭  
申康親王崇安等奏請將大逆不道之阿其那塞思黑妻子正法  
得旨阿其那塞思黑心懷不軌亂我國家大奸大惡不忠不孝造  
背主逆天之大罪諸王大臣遵依國法請將阿其那塞思黑妻子  
按律正法理所當然從來史冊中反叛篡逆之人則有之而未叛  
之先即公然敢與君上抗拒大逆不道無人臣禮如阿其那塞思  
黑年羹堯者實自古未聞也但阿其那塞思黑之大逆不道雖著  
而反叛之事蹟未彰其妻子從寬免其正法塞思黑之妻逐回其  
家嚴加禁錮阿其那塞思黑之眷屬交與內務府總管給與住居  
養贍四保既係過繼尼雅哈母之人著仍留伊家○辛酉命河南  
丁銀攤入地糧內徵收○癸亥以唐執玉爲禮部左侍郎由宗人府承  
遷○戶部議准川陝總督岳鍾琪奏陝甘兩屬應徵丁銀請攤於  
地畝徵收以雍正五年爲始著爲定例其以衛改縣未經載丁及



原有丁銀者按其額賦均載丁銀至陸續開墾及見今新開渠開屯墾之處亦照此糧額一例增載再川省地方多係以糧載丁開有數州縣以人載丁之處亦應查改畫一從之○甲子御史謝濟世參奏河南巡撫田文鏡營私負國貪虐不法十罪得旨田文鏡秉公持正實心辦事乃天下督撫中所罕見者貪贓壞法之事朕可以保其必無而謝濟世於天下督撫中獨參田文鏡朕不知其何心從前 聖祖仁皇帝見科道官員朋比作奸互結黨羽潛通聲氣罔利徇私屢降諭旨切責至再至三朕即位以來令滿漢文武諸臣及科道等官皆用密摺奏事蓋欲明目達聰盡去壅蔽以收實效也而科道等官所密陳者未見有裨益政治之事是以停止密摺令其專用本章猶恐惡習尚存頹風不改諄諄訓誡往復周詳誠以欲正人心端風俗必自科道始科道無私方能彈劾人東華錄 雍正九年

之有私者若自恃為言官胸懷詭詐聽人指使顛倒是非擾亂國政實大有害於人心世道為國法之所斷不可容朕豈不知誅戮諫官史書所戒然審其緩急權其輕重誅戮諫官之過小而釀成人心世道之害大也古人云禮義不愆何恤於人言朕為天下主豈恤此區區之小節而忘經國之遠圖哉謝濟世若不嚴行訊問則鬼蜮之伎倆得行於光天化日之下人心何由正風俗何由端乎著將謝濟世革職令大學士九卿詹事科道等嚴訊務將其中實情審出具奏○浙江總督李衛查奏李維鈞家產得旨李衛清查李維鈞家產不徇情面洵屬可嘉但參奏李維鈞婢妾一節未免過刻不合大體此事不必議及凡大臣審理公務止當就事論事不必於事外苛索攻發人之陰私朕常見好發人之陰私者往往因己身行事有愧於心故意揭人之過以掩己之短如年羹堯

素性貪婪往往以貪婪之名加之於人朕以忠厚之道教天下著將此訓諭李衛知之○乙丑刑部等衙門遵旨審奏謝濟世參劾田文鏡各款自認風聞無據顯係聽人指使要結朋黨擾亂是非謝濟世應擬斬立決疏入 上召入大學士九卿翰林詹事科道等諭曰科道乃朝廷耳目之官果能秉公持正據實敷陳方合天下之公是公非而於朝廷政事有所裨益昨日謝濟世參劾田文鏡貪贓壞法等事今日朕特面詢爾等滿漢大小臣工愈云田文鏡並無貪婪之事謝濟世所參各款皆虛可見公道在人難於掩蔽矣夫身為言官背公懷私朋比結黨將造作並無實據之浮言轉相買屬恣憑糾彈以洩私忿而報宿怨令無知狂悖之人愚弄指使借風聞言事之名以酬報私恩小惠則顛倒是非擾亂國政其有害於人心風俗者不淺我 聖祖仁皇帝神明天縱深知其弊屢頒 諭旨嚴加訓誡停止風聞言事蓋以人君圖治固貴於明目達聰而無稽之言勿聽勿詢之謀勿庸則訪聞不確者尚不可採而況於構黨傾陷此風豈可長哉朕在藩邸時從不識田文鏡之面並不知其姓名因雍正元年年羹堯來京陛見時言山西年歲歉收宜早為賑恤朕因降旨與巡撫德音令其查奏而德音回奏稱山西去年收成甚好道途亦無饑民實無可賑濟之處時適田文鏡告祭華山回京復命將山西通省荒歉情形激切敷陳備極周詳朕以田文鏡係告祭之員經過山西地方聞閭疾苦非伊責任乃目擊民瘼直言無隱深屬可嘉若非忠國愛民之人何能如此因遂令田文鏡往山西任賑濟之事田文鏡到彼盡心竭力辦理甚妥即以田文鏡為山西布政使令其與諾岷料理山西一應未清案件二人秉公和衷將積年虧空及地方宿弊剔除清

東華錄 雍正九年



理吏治整飭一新嗣因河南諸事廢弛故將田文鏡調爲河南布政使旋卽用爲河南巡撫朕之所以擢用田文鏡原委如此及任巡撫後三年以來整飭河工隄岸堅固河汛安瀾年歲豐稔紳衿畏法正己率屬地方甯謐而每事秉公潔己謝絕私交實爲巡撫中之第一李紱自廣西來京陛見時卽奏田文鏡參劾黃振國汪誠邵言綸甚爲冤抑張球居官聲名甚劣田文鏡並不糾參且言黃振國此時已爲田文鏡監斃滅口矣未幾黃振國已從河南解赴來京依然無恙朕不知李紱受何人意指而捏造此不稽之言敢於冒昧陳奏也至田文鏡所參黃振國各案皆係田文鏡自行奏請遣大臣前往審理朕因差侍郎海壽史貽直到豫將各案重審皆已究詢明白定擬具奏其張球一案田文鏡早經認過請罪部議亦於張球盜案內將田文鏡處分夫督撫統轄通省地方甚

東華錄

雍正九

癸

廣屬員甚眾其居心辦事安能盡保其無過田文鏡始而誤信張球爲可用既而察其不肖卽據實參奏亦可以解其從前誤用之愆若必追究已往借端苛責則督撫大吏將何道而始能免於指摘乎至汪誠邵言綸皆係庸劣不堪之人田文鏡參奏處並無冤抑乃謝濟世所言黃振國張球邵言綸汪誠等事與從前李紱自廣西來京陛見時所奏一一脗合朕思封疆大臣能爲朝廷實心任事卽爲國之棟梁朕之股肱若不爲保護而任人傾陷則朕何顏對天下封疆大臣乎况從前特頒諭旨言天下巡撫中實心任事不避嫌怨爲國爲民者惟田文鏡李衛楊文乾三人謝濟世聽人指使將田文鏡糾參顯與朕之明旨相悖且田文鏡並不可謂之權要亦斷不能加以貪污之名而謝濟世爲此參奏者其意不過欲使天下督撫皆因循苟且庸碌偷安邀眾人之虛譽保一己

之身家而不爲國家實心效力以快其黨錮之私心此種結黨營私排擠傾陷之惡習不可不嚴加懲治是以令內閣九卿等公同研究務得實情今內閣九卿等審問謝濟世時將伊所奏田文鏡各款逐一究訊謝濟世皆茫無憑據俯首無詞則其受人指使情弊顯然謝濟世既自命爲報效國家之人著革職令往阿爾泰軍前效力贖罪此案亦免深究前朕曾降諭旨凡天下官員有被上司參劾冤抑者許令赴都察院控訴若黃振國汪誠邵言綸關陞被參果屬冤抑何不遵旨赴都察院辨理乃黃振國汪誠邵言綸暗結黨援將本身所犯之罪巧爲掩飾鑽營李紱密奏今又指使謝濟世挺身陳奏關陞以行賄被劾乃不安本分屬託佟鎮寄信隆科多在朕前稱揚其善以圖僥倖在黃振國挾勢婪贓狂妄不法已罹重罪而汪誠邵言綸關陞等處分不過罷官何至要結黨與請託權要必欲更翻前案報復私讎實爲法所難容是以將黃振國汪誠置之重典邵言綸關陞發遣邊衛充軍朕素性不嗜殺人但此奸惡之風不得不懲一以儆百實爲人心風俗計也半月以前朕面諭九卿翰詹科道戒以結黨營私徇情請託言之可謂諄切矣今尙有無理妄奏如謝濟世可見此風一時難於悛改而朕之所以姑寬謝濟世者蓋以不教而殺實所不忍教而不久朕亦不忍卽加誅也爾等諸臣皆由科甲出身將來爲督撫爲學政果能公忠體國朕必當加恩保護斷不使妻非之人得行其傾陷之計儻懷私挾詐顛倒是非朕亦決不姑貸凡此構黨排陷之風朕必加整頓者乃正所以爲爾等諸臣之身家子孫保全久遠之計若諸臣果能遵朕訓旨凡事秉公持平之福豈不美與諸臣當共勉之○丙寅

東華錄

雍正九

壬



上命 皇四子 莊親王允祿視馬武疾諭馬武抱病危篤聞之深為悽惻馬武事我 皇考五十餘年朝夕侍奉不離左右恪恭謹慎事事能仰體 聖心每當盛暑嚴寒隨從勤勞並無幾微倦怠之色朕幼齡時伊抱扶服事備極小心其情事宛然如昨伊為人雖未讀書而侍從 皇考數十年如一日其功甚大朕追念 皇考凡係昔年侍從之人皆加恩眷况馬武乃年齒最高效力最久 聖眷最渥之人是以朕聞其病勢沉重悲傷垂涕不能自已屢次降旨欲親身前往看視諸大臣合辭勸阻至再三不得遂朕之願朕尚望其痊可儻伊病果不起著照伯爵賜與卹典賞銀一千兩並給與世襲阿達哈哈番以示朕優眷老臣之至意○丁卯署湖廣總督福敏等奏請將通省州縣各官酌調繁簡次第調換以便盤查倉庫錢糧諭湖廣一省舊無調繁調簡之例即他

東華錄

雍正九年

至

省亦未經通行朕踐阼以來督撫諸臣往往密為奏請此舉若出於至公原屬美政儻涉於私比則其弊不可勝言矣所以朕不輕開此例即一時權宜行之惟視督撫之公私何如而斟酌於其間耳朕意調繁自必皆勤幹之員至於調簡或亦偶有抱屈者然大都姑容徇庇之舉居多地方繁簡固有不同即就極簡州縣而論莫不皆有刑名錢穀之責其間其劣員安可任其曠官貽誤乎若不過僅短於才而無蕩檢踰閑之處宜勒令退休係科甲出身者或題請改教即如月選各官引見時朕觀其人雖似不及但豈得以語言相貌一見而定其優劣遂將無過之人即行斥革是以姑且補授令其莅任是在爾等督撫大吏秉公衡鑑明試以功也朕反復思維吏治須嚴為甄別若係庸材斷宜沙汰試思一人之榮辱得失較之國計民生輕重何啻倍蓰向來姑容陋習近於婦人

之仁欲沽此寬厚之虛名實不知乖激揚之大典也地方惟良吏難得果係有為有守之員遇因公呈誤參劾仍不妨另為題留設遇丁艱事故揆其情理如非孤子或亦可在任守制給假數月俾得盡其子道然後赴任儻該員報本念切堅欲奔赴則不必強或具本題請於服滿之日仍留本省遇缺即用如此方為鼓勵人材之道今爾楚省牧令中察有精勤能幹之員而在僻地者用違其才誠為可惜爾等題請調繁可也至於才短而任衝繁之地欲為調簡者當仰遵朕諭加意斟酌而行均將與例不符情節備細聲明題奏又所奏次第調換盤查倉庫之說似可不必儻或不肖有司彼此互相容隱反致爾等難於查察矣亦何益之有○戊辰實授陳時夏江蘇巡撫○王申雲貴總督鄂爾泰奏黔省狃苗兇悍長寨等一帶尤甚焚毀劫擄視為慣常所劫男女又有川販沿途

東華錄

雍正九年

至

接應故兇賊日熾臣委調官兵進剿兇苗川販窩黨見今擒獲陣斬首級九顆所獲器械什物無算攻破者三十六寨投誠者二十一寨招撫苗民五百餘戶三千餘口又查出熟田五千八百餘畝熟地一萬四千五百餘畝荒地九千六百餘畝各造清冊臣隨遵旨審理安插地方甯謐得旨數百年以來狃苗兇悍不法擾害平民今鄂爾泰石禮哈馬會伯率領弁兵前往剿撫成功甚速地方俱已甯謐永無苗人騷擾之患甚屬可嘉著將鄂爾泰等從優議敘在事官員兵丁俱著照軍功例議敘如有用兵之時退縮不前者著嚴察議奏○癸酉戶部遵旨議覆兩浙鹽商輸銀積貯應照兩淮鹽義倉之例於杭州府地方建倉買米積貯隨時平糶從之○甲戌吏部奏大學士富甯安蒙恩賜爵三等侯照例請將從前所得拜他喇布勒哈番歸併授為一等侯世襲罔替從之○乙亥



九卿遵旨議覆部員奉差督學員缺另行銓補其加銜照庶吉士散館授職之例該員係二甲進士出身者加以編修職銜係三甲同進士出身者加以檢討職銜一體稱為學院任滿仍候本部員缺補用從之○丙子諭都察院及五城御史等制錢乃日用之所必需務使充足流通始便民間之用國家開局年年鼓鑄而京師錢文不見加增外省地方亦未流布是必有銷毀制錢製造器皿以致錢文短少錢價日昂朕念切民生屢降諭旨而錢價仍未平減是以禁用黃銅器皿凡民間所有俱給價令其交官以資鼓鑄此悉心籌畫專為民間資生使用起見並非朕有需用銅斤之處而廣收民間之銅器於內務府也似此有益於民間之事即當踴躍急公欣然交納使錢文盈餘日用瞻足尚何待於上官稽查催迫耶况銅器交官皆如數領受價值又何樂而不為且民間器皿東華錄 雍正九

非必定需黃銅製造其在有力之家則白銅紅銅皆非難得之物而無力之家如木盆甕器價廉工省亦未嘗不適於用非若錢文為人人所萬不可缺者與其將黃銅器皿藏匿於家將來限滿三年犯禁獲罪何如彼此相勸早為交納既得價值而又受錢價減省之利益乎著將此旨通行曉諭其咸體朕意毋忽○諭刑部從來監斃人犯多由獄官疏忽一任禁卒陵偏所致若使本犯有應死之罪又當別論其軍流以下輕罪之人瘐斃在獄甚屬可憫嗣後監斃不應死之輕犯與應死之重犯其處分似應分別輕重著為定例其犯輕罪之人在獄患病者應否保釋調治再督撫題報監斃人犯本內務府將本犯情罪病故緣由聲明無令蒙混著九卿一併議奏○丁丑諭多羅順承郡王錫保等正黃旗滿洲副都統宗室鄂齊自委任之後竭力行走此番差往西藏辦事明白著將

伊父鄂飛未襲輔國公爵給與鄂齊承襲○內閣等衙門議覆雲貴總督鄂爾泰奏流官固宜重其職守土司尤宜嚴其處分應分為三途盜由苗寨專責土司盜起內地責在文員盜自外來責在武職查土司等官世受厚恩理宜謹遵法度約束苗獠乃日久藐視並不實心管攝遇有殺人劫擄之事知情故縱受賄隱藏若不嚴定考成勢必益無忌憚嗣後除命盜案件照例處分外如有故縱苗獠擾害土民者該督撫將該土司奏請革職另行承襲至有養盜殃民者題參嚴拏治罪儻能嚴行約束擒拏盜賊奏明加級以示鼓勵至於文武官弁均有地方之責嗣後盜起內地則文員為專責官武職為兼管官照例分別降調若盜自外來則以武職為專責官以文員為兼管官亦照例治罪再清盜之源莫善於保甲雲貴苗民雜處戶多畸零將零戶編甲獨戶遷移附近以便稽查之處行令該督悉心籌畫飭令該地方官善為奉行安置得法又設立捕快汛兵原以稽查匪類嗣後督緝賊盜逾限不獲將捕快與快頭一併責比治罪至塘兵有酬頑賭博及偷竊等事按律加倍治罪若文官縱捕殃民武弁不整飭塘汛即題參從重議處並行令雲南貴州四川廣西湖南五省一併遵行從之○工部遵旨議覆山東與河南接壤之曹縣定陶曹州單縣城武等處所近黃河地方一切修築隄岸等工程俱請交與副總河稽曾筠就近管轄從之○命船廠地方添立永吉州設知州州同吏目學正各一甯古塔地方添立泰甯縣白都納地方添立長甯縣各設知縣典史教諭一俱隸奉天府轄○戊寅黃河清○禮部右侍郎魏方泰以衰老乞休允之○己卯以和碩淑慎公主下嫁觀音保授為和碩額駙○晉封科爾沁固山額駙輔國公拉錫為貝子○庚

東華錄 雍正九



辰諭內閣年來冬月封印之後政務畧有餘閒朕手書福字賜內  
外大臣諸臣奏謝皆稱受朕賜福之恩此世俗之言非正理也朕  
何能以福賜諸臣哉不但朕也即上天亦豈能以福私與一人哉  
書曰惠迪吉從逆凶又曰天道福善禍淫易曰積善之家必有余  
慶詩曰自求多福古聖人之垂訓深切著明如此從來善惡之報  
如影隨形福緣善慶視乎其人之自取他人不能助纖毫之力也  
且所謂福者不在乎富貴貧賤之間有富貴人之福有貧賤人之  
福或貧賤之人循理守分無患無憂其心志安舒四體暢適轉在  
富貴人之上是人人各有其福也朕之每年頒賜福字者蓋欲諸  
臣觸目儆心時時存可以獲福之心行可以獲福之事如詩人之  
所言自求多福則諸福集於其身矣諸臣又常言賴朕之福此言  
亦屬非是蓋必諸臣皆有福方為朕之福是朕實賴諸臣之福也

東華錄

雍正九

奏

又必天下百姓皆有福然後為吾君臣之福是君與臣皆賴百姓  
之福也願與諸臣共勉修福之道可耳○諭戶部尚書蔣廷錫在  
內廷侍從二十餘年恪慎勤勞實心效力朕御極以來凡交與部  
院事務皆能悉心辦理明晰妥協簡任農曹尤為稱職素性篤於  
孝道其母身享高年蔣廷錫朝夕承歡奉養惟謹朕優眷大臣推  
恩及於其母時加存問賜賚載頒今聞其母奄逝深為軫惻特遣  
大臣前往賜奠茶酒加恩諭祭一次照生前例給與一品太夫人  
封誥並賜銀一千兩為殯殮之資以示朕教孝勸忠之至意○辛  
巳以工部左侍郎史貽直倉場侍郎托時俱兼理戶部侍郎事○  
晉封青海貝勒益蘇克汪扎爾為郡王○壬午以何天培為兵部  
尚書毛文銓為江南京口將軍常賚為福建巡撫官達為廣東布  
政使由光祿寺卿遷○以李紱為工部右侍郎調宜兆熊署直隸總督○

以福敏署湖廣總督調工部右侍郎劉師恕為禮部右侍郎協辦  
直隸總督事○宋瑋患病解任以方願瑛為廣東按察使由惠潮  
○癸未諭內閣朕即位以來視滿漢臣工均為一體時時訓誨以  
君臣之間務敦元首股肱一體聯屬之實心而不在於儀文度數  
之末至於上之賜賚於下下之進獻於上不過藉微物以表誠意  
之交孚若誠意不孚而徒事虛文則大非君臣一體之道也朕三  
年以來素服齋居從未令進獻至上年八月三年之期已滿十月  
為朕萬壽節在廷諸臣有進獻書籍筆墨文玩之事朕以諸臣之  
意出於誠懇若一概拒卻恐無以聯上下之情而成泰交之誼故  
其物雖極輕微陋朕亦鑒其忱悃收納一二此朕優待臣工曲  
體下情之深恩並非因其進獻之物可適於內廷之用而收納也  
旋已命停止羣臣之進獻矣朕之視爾諸臣實不啻家人骨肉是

東華錄

雍正九

奏

以偶有食用之物朕亦不論物之輕重遇便即行頒賜如論語所  
記賜食賜腥古人早已行之朕實出於一片待下之誠心豈藉此  
鼓勵望其報效乎向來年節之時 聖祖仁皇帝以口外所進鹿  
豕雉兔之類頒賜諸王外其餘止及於漢大學士及內廷供奉之  
翰林則其優待漢人者如此朕踵而行之徧及於在廷大臣無非  
家人父子歲時伏臘歡欣浹洽之意不在微物也乃查嗣庭私編  
日記譏訕朝政而於賞賜進獻之物則以無為有以少為多將來  
散布流傳必致外人議論即於楊名時李紱何世璠甘汝來等所  
進之物奏單見在李紱甘汝來又因不收再三奏懇觀其所獻俱  
堪一笑此亦非伊等今日所進偶涉菲薄乃向日之例大率皆然  
我 聖祖仁皇帝六十餘年諸臣進獻之物不過如此天下人所  
共知者蒙 聖祖寬大包涵之度鑒其微忱不遺葑菲所收率多



筆墨箋紙書冊之類恩誼可謂至矣假若有悖逆狂妄如查嗣庭之誣妄記載者六十餘年之久又不知如何訛言也不幾以聖祖恤下宏仁而反啟僉王之訾議乎朕事事率由舊章祇因查嗣庭之妄行訛謗是以有禁止漢官進獻之旨卽年節賞賜之事朕意亦躊躇蓋恐照舊行之或啟無知小人之議論若將進獻賞賚概行停止又將謂朕之待下過於嚴峻無以聯上下之情而不合於聖祖之政此雖細微之事中有關係朕不得不加詳慎若將甘汝來奏摺並李紱等進獻奏單發與漢大學士九卿閱看議奏尋漢大學士九卿等援據舊典合詞具奏內外官員進獻及廷臣常年賞賜懇請仍照舊例得旨此朕慎重之意惟恐以濫賞啟人議論又恐因進獻開諂媚之端故令漢大臣等會議具奏今覽所奏援引舊典情詞懇切著照所請行至於諸臣進獻之事外任大

東華錄

雍正九

卷

忽見黃河之水湛然激清隨據河營守備朱錦等呈報自河南鹿城縣至江南桃源縣共六百餘里於本月十六十七十八等日河水激激並無濁流兩岸士民紛紛稱瑞洵屬千古罕觀之奇徵臣不勝懽躍之至疏入報聞○甲申諭禮部嗣後自外省來京之大臣已入班者在伊本班坐未入班者在班末各按品級坐著爲定例○丙戌河道總督齊蘇勒疏朱家口決口合龍得旨嘉獎加齊蘇勒太子太傅○是月免湖南澧州江南江甯宣城南陵邳州宿遷雒甯等縣衛被災額賦有差○是歲蘇祿國來貢○是歲人丁戶口二千五百五十七萬九千六百七十五又永不加賦滋生人丁八十一萬一千二百二十四田地山蕩畦地八百九十六萬八千六百五十四頃十七畝有奇徵銀二千九百五十四萬六千四百一十八兩有奇米豆麥四百九十二萬九千三百三石有奇草

東華錄

雍正九

卷



東華錄

雍正十

臣王先謙敬編

臣周倫蕃恭校

雍正五年丁未春正月癸巳康親王崇安等奏雍正四年十二月十六日至十八日黃河激清六百餘里實為 聖朝嘉瑞恭請升殿受賀得旨朕思上天之錫福降災即如人君之賞罰也上天嘉佑示以休徵而承之者驕矜縱肆怠惰前修則將轉福為災矣若上天譴責示以咎徵而承之者戒慎恐懼省改前愆則將化災為福矣天人感應捷於影響視其人之自取而天心仁愛雷霆雨露均屬成就之恩一如君臣上下之間用賞用罰無非曲成之使其遷善改過也朕事 皇考四十餘年凡遇 聖諭訓責嘉獎恩寵此心皆以恐懼惕處之一念愚誠深蒙 皇考垂鑒御極以後

東華錄 雍正十

事天之心即當日事 皇考之心也乃數年之中休徵疊見難以悉數稽諸史冊咸稱福慶而朕受寵若驚不以為喜實以為懼蓋恐前此之受賜無因而後此不能仰副也惟有君臣益加勉勵一德一心恭承天眷昔 皇考臨御初年偶有一二災祲之事此特兆三逆之變亂由於氣數使然而 皇考朝乾夕惕誠敬交孚是以感格上蒼錫以多福四海甯謐麻數縣長此天道彰明較著者也朕即位以來敷政宣猷豈足當上天嘉貺惟有孝敬思慕 皇考之心實為誠切或者仰邀 皇考昭察代籲昊天默祈福祐從前疊賜嘉祥今又有河清之瑞蓋許其已往而勉其將來也朕祇承之下益深敬畏勉不遑若允行慶賀則沿襲頌美之虛文大非朕戒傲之素志既蒙 皇考錫以希有之瑞應告祭 景陵申朕感激惶悚之誠至於上年朱家口河水潰決朕敕諭河臣悉心

修築今於十二月十三日決口合龍越三日即有河清之應具見河神福國佑民功用顯著宜崇祀典以答神庥該部察例具奏至所請升殿受賀不必行○諭八旗官員兵丁等國用莫要於制錢制錢充滿價值日平始於眾人生計有益今錢局每年鼓鑄並未流通外省乃錢不加多而價值反覺昂貴皆因不肖之徒希圖利息銷毀制錢製造器皿以至於此朕洞悉此等情弊爰降諭旨禁用黃銅器皿令給官價收納此特為爾等生計周詳籌畫理應欣然踊躍各將家中所有黃銅器皿速行交出聞有經該管人員催促不肯即行交納者又有遷怒隱匿者是誠何意爾等有力之家白銅紅銅鉛錫俱屬可用至中人家器木器未嘗不適於用而所需價值又復廉省爾等將黃銅器皿交納既可照常得價而制錢漸漸加多充滿足用於爾等生計亦大有裨益今爾等隱匿

東華錄 雍正十

家中將來三年限滿發覺之日自干罪戾何如早為交納以得官價乎是以朕復行降旨曉諭再滿洲風俗原以醇樸儉約為上今漸染漢人習俗互相倣倣以至諸凡用度皆涉侈靡不識撙節之道因酌定品次以禁服色勒限一月令其各按品次著用諭旨甚明此特軫念八旗滿洲官兵如同保赤關繫尤切故曲為籌畫或有無知之徒於已禁之後新製衣服誑稱禁前所製若如此則終無底止時矣人之尊榮不在衣服惟在各人行止蓋富足之人少而貧乏之人多既已貧乏而強相倣倣則生計愈窘爾等與其為衣服拮据倣倣豈若安守本分砥礪於技藝品行如果能奮勉得至官員大僚即可服用矣凡官員兵丁所恃以謀生者惟在俸餉且各有應當之差若因製一衣服即耗費數月之錢糧其日用尚能饒裕乎夫儉約為持家根本不能節省於衣服等項焉能有益



於生理若能謹遵朕諭約自持不事奢靡濫用馴至比戶充盈方感戴朕教養之深恩也著交與八旗該管處再行曉諭務使咸知朕心各圖儉約以副朕軫恤優待旗人之至意○乙未川陝總督岳鍾琪奏普雄即梁山東通烏蒙鎮雄西接建昌南連雲南北達峽邊馬邊敘馬等營在烏蒙鎮雄恃為退步者即此地也其中番族甚多而賊番金格等負隅抗拒從前調遣漢土官兵進剿金格等逃匿山箐復遣建昌鎮臣趙儒化林協副將張成隆等會同前往相機勦撫前後俘馘甚多所獲牛羊馬匹無算彼處番苗數十餘族相率乞降鎮臣趙儒等隨加化誨令將逆首金格等擊獻茲於十二月初三日逆首金格阿租已經擒獻并誘擒關壽一併解省審究臣請仰仗 天威乘此勝兵將其餘番族一一招撫庶可一勞永逸得旨賊番金格等依恃險僻肆行不法以搶奪為生且煽惑普雄一帶番苗負隅抗拒為地方百姓之害其來久矣當日活昇龍年羹堯亦曾奏請用兵征剿皆未擒獲渠魁使兇苗革心革面前歲因賊蠻阿底加巴等拾奪不法遊擊蘇凱差遣兵丁追捕賊眾聞風遠颺該弁將阿租之父姑姑踢打身死阿租遂與其叔金格挾仇報怨夤夜聚眾劫擄鐵廠民人又將營兵魏國臣綁去砍死以祭姑姑似此兇惡性成干犯法紀斷難寬貸是以朕允地方督撫提鎮之請令建昌總兵趙儒化林協副將張成隆等率領漢土官兵前往相機勦撫岳鍾琪悉心經理調度有方趙儒張成隆勇敢當先奉行得宜在事官兵當寒天冰雪之時不避險阻奮勇效力直抵普雄地方今據岳鍾琪奏報寨峒賊眾咸知畏威懷德悉就勦撫將賊首金格阿租關壽三人擒獲投獻等語渠魁既已伏辜其餘黨再加詳悉料理安插則從此番地甯謐居民

東華錄

雍正十

三

安堵甚屬可嘉岳鍾琪著該部議敘在事官員兵丁俱著加恩議敘賞賚○丁酉諭諸王大臣等朕每逢祭祀天氣必和霽去年冬至祭 天蒙降瑞雪今日祭 太廟又有微雪可為豐稔之兆此皆天心默佑朕躬故於祭祀之日示以休徵朕心不勝欣慰然天庥滋至人事益不可怠朕又不勝兢惕也爾諸臣其共勉之○王寅諭刑部向因年羹堯狂悖妄亂結黨肆行法難寬宥朕不得已將伊治罪又恐其黨援固結不散伊諸子留在京師或彼此暗相比附又生事端故令徙居邊遠之地遇赦不赦今見年羹堯正法之後伊平日同黨之人實皆悔過解散無一人比附之者而當日平定青海年羹堯亦著有功績著將伊子遠徙邊省者俱赦回交與年遐齡管束以示朕格外恩宥之至意○甲辰康親王崇安等奏先河道總督齊蘇勒奏報黃河激清嗣據漕運總督張大有河南巡撫田文鏡副總河嵇曾筠陸續奏稱黃河之水自河南陝州至江南桃源縣約計二千里水色激清略無沙滓據各處沿河官弁呈報自雍正四年十二月初九日起至二十九日河水悉皆激清而嵇曾筠於本年正月初四日奏稱親勘河水激澈如前是則河水激清遠跨陝西河南江南山東四省之境經歷二十日之久誠亘古以來未有之瑞伏懇升殿慶賀以慰羣情得旨諸王公大臣等奏稱河水激清二千里期逾兩旬為從來未有之瑞懇請升殿慶賀朕嘗言天下至大庶務至繁斷非人主一身所能經理必賴內外臣工協力贊襄然後可以成一道同風之盛若上有涼德之主而下皆皋夔稷契之臣則工虞水火佐理有人政務亦不患其不舉若上有堯舜之主而下皆共工驩兜之輩則耳目股肱無所資藉政務亦必至於廢弛故人君之道以得人為要而人臣之

東華錄

雍正十

四



道以奉職為先此一定之理也朕統臨萬方雖刻刻有勵精圖治之念然必賴內外臣工共矢公忠各殫才力然後有實政實效及於吏治民生方可以感天和而錫繁祉不然則朕雖有勤政之念豈能事事躬親辦理也今見數年之中荷蒙 上天 皇考默佑疊賜嘉祥茲又有河清之上瑞朕細推天人感應之理自非無因當由內外臣工能體朕宵衣旰食之懷洗陽奉陰違之習分猷效職有數端之善上合 昊天 皇考之心是以錫茲福慶以勵將來爾等試再思之人事甫修僅有數端之善即邀 上天 皇考之嘉貺若此儻能益竭忠誠事事皆善則其獲福又當何如或由此而侈然自足忘情前修則其獲譴又當何如可不慎乎可不懼乎况天道惡盈朕心方且因此益加戒敬所請慶賀典禮朕必不行朕念君臣之間實屬一體 上天 皇考既垂訓於朕朕即以

東華錄

雍正十

五

此訓及諸臣 上天 皇考既錫福於朕朕即以此福及諸臣凡屬京官自大學士尚書以下主事以上內大臣都統前鋒統領護軍統領步軍統領以下參領以上凡屬外官自督撫以下知縣以上武官自將軍提鎮以下參領以上俱著加一級其王公等管理部院都統事務者應如何加恩之處著宗人府議奏自茲以往內外臣工當益加勉精白乃心和衷共濟矢勤矢慎秉公去私懷天鑒之匪遙念感應之不爽以至誠至敬仰承 上天 皇考之眷佑則受福孔多永永勿替矣勉之勉之○乙巳諭內閣從前奉天將軍蘇努等深負 皇考委用之恩於任內之事漫不經心內懷狡詐飾貌沽名將朝廷法紀滿洲制度盡行廢棄侵蝕庫帑虧空倉糧種種罪惡不可枚舉朕即位以來雖悉心竭力整飭修治於今五年尚未就緒頃據噶爾弼奏稱盛京城內所有駐防兵丁

六千名節年俱各搬移城外或百里或五六十里居住等語夫以駐防地方之兵丁而聽其散處僻遠有此理乎皆由蘇努肆意擾亂國政嵩祝唐保住甘為蘇努犬馬曲意效尤所以二十年來流弊一至於此伊等之罪至為深重盛京乃 太祖 太宗開基之地偏近 福陵 昭陵關繫甚鉅著將蘇努家產交與嵩祝唐保住查明再將伊等所有貲財俱帶往盛京以為兵丁搬移入城之費如有應交與都統之處即著交與都統令伊等效力贖罪六千名兵丁縱不能盡行移入但移二三千名伊等之罪亦可少輕若不悉心效力定將伊二人從重治罪○諭各省所貯倉穀原備歉年賑濟之用實百姓性命所關地方官員虧空倉穀者較之虧空銀兩其罪更為重大是以朕即位以來時刻以倉儲為念總為民命起見也雍正元年特頒諭旨令各省州縣於三年之內將所虧

東華錄

雍正十

六

倉穀悉行買補務期足數違者重治其罪嗣又屢頒諭旨諄諄申飭並諭各省督撫若所屬地方有不能如期補足情由亦據實陳奏乃江西巡撫裴律度奏稱江西倉穀俱已補足並無虧缺且有數人在朕前稱江西乃產米之鄉不必多貯穀石應將江西見貯之穀酌量減數難賣者今據邁柱摺奏見在查出江西州縣倉穀虧空甚多是裴律度所奏顯屬徇隱欺罔而從前之奏稱江西穀石當發糶者想皆受裴律度之屬託欲借此以掩蓋江西倉穀虧空耳又據邁柱奏稱見在清查倉糧請將存七糶三之例暫行停止庶免蒙混等語據此則江西從前之存七糶三不過借百姓之名以為掩飾官員虧空之計非真有出陳易新之事也裴律度身任封疆大臣為百姓所倚賴而忍以百姓性命所關之物化為子虛使屬官得其利百姓居其名有是理乎原任布政使張楷陳



安策職司錢穀乃敢扶同欺隱以致倉儲虧缺若此從前裴律度摺奏力薦張楷陳安策而張楷陳安策來京陛見亦極口稱贊裴律度似此明係彼此徇情比附袒護屬員盜虛名而貽實患甚屬可惡陳安策著革職與張楷一同發往江西交與邁柱伊都立將虧空情由嚴加審訊裴律度亦著革職與伊等質審務將虧空之項徹底明白清楚儼張楷陳安策裴律度仍然欺隱含糊不得清結定將伊等在江西地方正法以為私動倉儲輕視民命者之戒○諭戶部兩准巡鹽御史噶爾泰奏稱乙巳綱商人呈稱感戴皇恩撫恤鹽課裕家足戶盈情願公捐銀二十四萬兩以充公用以達微忱等語朕軫恤眾商是以減除浮費加添鹽斤種種施恩之處無非欲使眾商均沾利益資本饒裕並不計其感激報效也伊等上年公捐銀兩朕因其既已捐出難於退還故令即於本地

東華錄

雍正十

七

方建立鹽義倉以裕積貯備地方之用今伊等又復公捐大非朕意但據噶爾泰所奏眾商情詞懇切著將此項銀兩令眾商各暫行存貯將來遇有公事動用之處再候諭旨或將此項任伊等資生利息亦從其便向後不必再捐又據噶爾泰奏稱眾商備伊公務銀八萬兩今一併交庫等語此係噶爾泰應得之項若有需用之處聽其自行支用伊若不接受任其退還眾商朕不收受聞得煎鹽竈戶皆居住濱海之地離城最遠一遇歉收之歲覓食維艱若遠赴鹽義倉領取米石恐窮民多往返之勞朕意應計地之遠近人之多寡酌立數倉於近竈之地積貯米穀以備貧苦竈戶一時緩急之用令誠實商人經營其事若遇歉歲即以此為賑貸之資濟其困乏著噶爾泰悉心經理即於乙巳綱商人公捐銀兩酌量動用若干以為建倉積穀之費並遴選商人管理務期實有神

東華錄 雍正一〇

益○命兵部尚書孫柱署大學士事○署湖廣總督福敏奏湖廣苗獠地方不產硝磺而各案每以槍礮傷人明係奸民販買轉入向寨臣等正行嚴禁乃查舊案參革藩司張聖弼任內濫給硝磺牌照甚多以致漢口經紀分然販賣至今尚有存貯前撫臣鄭任鑰在藩司任內亦有伊戚林西周販賣雖經詳明督撫而違禁射利殊玷官箴理合奏聞得旨鄭任鑰在學政任內頗有清名為巡撫時聞於應得之項亦不收受今觀福敏等所奏以硝磺違禁之物令伊戚販賣且湖廣地方苗獠雜處例禁更嚴而鄭任鑰身為封疆大臣縱其私人犯禁取利是鄭任鑰之為人於人所共知之處則強制不取以沽清廉之名而於人所不知之處則暗中巧取以遂其營私之實不知清廉之官當如是否耶彼意在於名實兼收而不知其終歸敗露又如湖廣社倉一項楊宗仁殫心經理勸

東華錄

雍正十

八

導百姓勉力公捐以裕積貯而鄭任鑰身為巡撫徇庇屬員聽其侵漁置之不問以致民間辛苦蓄積之物皆化為烏有但知取悅於屬員不顧生民之緩急尚得謂之愛養斯民者乎鄭任鑰著革職在湖廣修理江岸工程處效力贖罪○丙午諭江蘇巡撫運米十萬石赴閩平糶○丁未命賚奉天黑龍江船廠三處將軍養廉銀各二千兩並發帑三萬四千兩分賜旗員○庚戌諭吏部內外各官皆有職業不可一日曠缺而大員尤為緊要外省督撫在任丁憂者已令聽候諭旨到日方行離任嗣後三品以上京官升遷之日原任內若無同堂辦事之人仍令本人辦理俟爾部開缺奉旨補用人員後方行卸事其兼管別衙門者亦一體遵行庶職任不至或曠○刑部等衙門議覆禮部右侍郎塞楞額奉差審訊廣東駐防兵丁閻尚義等打毀米廠擁鬧巡撫公堂一案其為首之

一一三



間尚義陳顯聰及扎傷守備之譚英奇等均應擬斬立決為從之  
梁亞得湯亞四等均應擬絞監候原任廣州將軍李杅平時不行  
約束兵丁臨時復向巡撫楊文乾求情釋放縱容曲庇明係擾亂  
地方李杅應擬斬監候從之○辛亥諭火器營大臣等火器營甚  
屬緊要馬上教習熟練方為有益凡屬滿洲以騎射為根本不可  
專習鳥槍而廢棄騎射須在馬上射箭放槍著令兵丁加意熟習  
再兵丁內有自己養馬學習鳥槍技藝及勤謹效力當差者爾等  
即當獎勵以優等記名其或行走不及者當誘掖勸導蓋教訓兵  
丁須如父兄之於子弟不可遽加呵責若有下愚不移之人或經  
再三教訓終不悛改仍然行止妄亂者豈可留之京師爾等當即  
行奏聞發遣爾等凡遇官兵齊集訓練之處將朕諭旨諄諄勸誘  
明白曉諭○壬子雲南總督鄂爾泰遵旨議奏候補通判管席條

東華錄

雍正十

九

陳事宜一漢奸宜禁查邊境逞兇莫如頑苗而頑苗肆惡專仗漢  
姦苗之族類甚繁凡黔粵四川邊界所在皆有今安設營汛兵苗  
錯處之地雖不能禁漢民之不相往來而劫殺之風自可少息其  
餘無營汛之寨原不許漢民雜居借貿易之名巧為勾通自宜嚴  
行禁止舊議以擊獲川販十五名准予該管官紀錄一次夫川販  
漢奸潛匿兇寨擊獲甚難又多由外結不行報部故雖有鼓勵之  
典而踊躍效力之員甚少請嗣後凡有擒獲奸販審明實有通同  
劫殺情罪每擒獲一起即予紀錄一次一切劫殺案件不得外結  
有告首奸販情實罪當者每獲一人賞出首人銀五兩但不得挾  
仇射利如虛反坐一藥箭宜禁查兇苗所恃惟有兇器臣自親往  
長寨已將定廣各寨兇器查繳惟是熟苗查繳頗易生苗查繳甚  
難若盡收熟苗之器械必轉受生苗之推殘則外侮之來反無以

抵禦不可不慎今擬嚴定規條一切兵器止許收藏在家以防賊  
盜其有萬不得已之事必欲攜帶夜行者給以號票每過塘汛盤  
驗放行至藥箭多自川粵而來見已密訪飭拏此風少減總俟兇  
惡土官盡歸法度則此患可絕一倉穀宜積查積貯之法穀原勝  
米然實心任事存乎其人每見一經官糶則徒飽吏胥民不沾惠  
輕斗糶出重斗糶入官價減而民未受減價之利官買穀而民實  
受買穀之害此弊江浙為甚雲貴亦然臣自莅滇以來凡銀折印  
借民欠勢壓等弊漸次禁止其有虧缺勒限完補已各知儆惕至  
於米應易穀雖經通行猶未畫一俟各倉清楚少待秋成可以就  
緒一黔省鼓鑄宜開查黔省地瘠民貧輕毀湖銀所在通行若換  
制錢必須加戥折色甚以為苦况兇苗錯雜見財殺人往來行客  
尤不便帶錢而開採礦廠動聚萬人油米等項少不接濟則商無  
多息民累貴食一旦封閉而眾無所歸則結夥為盜不可不慎臣  
愚以為不如開墾田畝多積米糧使油米價賤則開採不難今猶  
未敢輕議也奏入報聞○甲寅以永壽為禮部右侍郎由副都統遷○  
乙卯諭內閣地方水利關係民生最為緊要如江南戶口繁庶宜  
更加修濬時其蓄洩以防旱澇向來屢有條奏之人但未經本省  
督撫奏請朕意亦久欲興修以資農務因海塘工程正在營治且  
水利事關重大必得實心辦事之人方有裨益即如目今畿輔水  
利賴有忠誠任事之怡親王始可興此大工不然則亦未敢輕易  
遽行也我 皇考念切民依周知稼穡康熙四十六年巡省江浙  
所至必細驗水土燥濕高下之宜詳考五穀種植之性 躬親講  
求將附近太湖及通江湖之處條分縷析特頒諭旨令江浙督撫  
於蘇松常鎮杭嘉湖地方疏濬河港以資灌溉修建閘座以便啟

東華錄

雍正十

十



閉皆動用公帑錢糧不使絲毫出於民力恩至渥也乃當時督撫諸臣不能實心仰體惟以虛文奉行糜費帑金二十餘萬大都飽於官吏之侵漁而無實效深可痛恨朕即位以來事事仰繼皇考之貽謀永圖民生之遠計本欲俟直隸水利興修之後令怡親王前往江浙相度情形酌興修之舉今巡撫陳時夏特行奏請且稱費用不過十餘萬兩即可成功據陳時夏陳奏應是地方不可遲緩之事副都統李淑德昔任江南松江府同知諳悉水利事宜曾經條奏頗爲明晰原任山東巡撫陳世倌年力精壯見在間居著李淑德陳世倌會同巡撫陳時夏總河齊蘇勒總督孔毓珣悉心踏勘詳加酌議儻河工緊要齊蘇勒不能親身前往卽行商酌定議具奏凡建立閘座疏濬河流務期盡除淤塞以杜泛溢之虞廣蓄水泉以收灌溉之益其一應公費俱動用庫帑支給一切

東華錄 雍正十  
十一

工程交與李淑德陳世倌監督辦理並諭吏部將各部見任司員候選司員及府州縣人員內有具呈願往效力者挑選十餘人帶往江南不必令出貲財惟令辦理事務交李淑德陳世倌二人酌量委用○致仕太子少傅文淵閣大學士高其位卒遣簡親王神保住奠茶酒○丙辰諭內閣太常寺卿鄒汝魯進河清頌內有舊染維新風移俗易等語朕御極以來用人行政事事效法 皇考凡朕所行政務皆 皇考已行之舊章所頒諭旨皆 皇考已頒之寶訓初未嘗少有所增損更張也朕已屢行曉諭中外大小臣工無不知之今鄒汝魯所云舊染維新風移俗易不知其出自何心亦不知其有何所指且所移者何風所易者何俗舊染者何事維新者何政且書經成語舊染汚俗咸與維新此處豈可引用耶鄒汝魯前在奉天府尹任內並不實心供職諸事怠忽聲名亦甚

平常來京陛見條奏數事皆屬荒唐不可行之事因轉用爲太常寺卿朕見伊言動舉止知非端方之人又因伊弟縱容家人生事被參革職伊心懷怨望形於顏色今茲河清之瑞朕並未令臣工進獻詩文鄒汝魯若不善文詞原可不必陳獻乃於所進冊葉出此悖謬之語顯係譏訕甚屬可惡著交與九卿公同嚴審定擬具奏○以沈近思爲左都御史仍兼理吏部侍郎事○丁巳議政王大臣等議覆副都統宗室鄂齊奏西藏首領辦事之人互相不睦達賴喇嘛之年紀尙幼未免有偏向伊父索諾木達爾扎之處康濟爾爲人甚好但恃伊動輒輕視眾噶隆爲眾所恨阿爾布巴賦性陰險行事異於康濟爾而索諾木達爾扎因娶隆布奈二女三人合爲一黨若挑唆達賴喇嘛與康濟爾不睦必至爭競生事再噶隆甚多反增煩擾隆布奈行止妄亂扎爾雅庸懦無能應將此

東華錄 雍正十  
十一

二人以噶隆原銜解任則阿爾布巴無人協助自然勢孤無作亂之人矣請降訓旨曉諭達賴喇嘛康濟爾阿爾布巴等和衷辦事均應如所請遣大臣一員齎旨前往曉諭令伊等和好辦事再達賴喇嘛母舅裘都阿喇木巴既誠心守護應給與達爾漢之號賞段六匹得旨著內閣學士僧格副都統馬喇差往達賴喇嘛處各賞銀一千兩○戶部議准江蘇巡撫陳時夏奏江南省二十三衛向隸都司轄今都司已裁其徵收錢糧盤查倉庫應歸附近之府州專轄結報請將上江之新安等衛歸徽州等府轄下江之蘇州等衛歸蘇州府轄江淮與武等衛歸江甯府轄從之

二月戊午朔宗人府遵旨議奏前因黃河激清奉旨將管理部院都統事務之王公一體加恩查王公無加級之例應各與紀錄一次得旨依議王公紀錄一次著准算俸二年○庚申 上以直隸



總督宜兆熊劉師恕參奏原任總督李紱彌縫虧空一摺出示大  
學士九卿詹事科道等諭凡汝等科甲出身之人朕因其較之捐  
納人員目不識丁者不同所以欲加任用若盡如李紱鄭任鑰等  
之營私作弊轉不如非科甲之人矣汝等宜思天人感應之理絲  
毫不爽果能至誠秉公致朕於堯舜之君朕必委曲保全益令爾  
等為臬夔稷契之臣將唐宋元明積染之習盡行洗滌則天下永  
享太平即爾等子孫亦蒙其福朕所以誨諭諄諄者蓋欲諸臣屏  
去虛文崇尚實政以仰答天眷耳且朕亦並非謂已治愈求其治  
也爾等試思今天下之大果事事就理耶爾等讀書原欲致君澤  
民建功立業流譽於無窮但功名富貴是有命焉不可倖而致也  
即禍患災難亦有命焉不可倖而免也但當誠意正心竭盡忠盡  
以為立身事君之本而已朕所以誨諭諄諄者實欲國泰民安眾  
東華錄 雍正十

共受福朕之所為並無成見不過渴飲而飢食夏葛而冬裘光天  
化日因物而施耳見今黃河激清朕實不敢以為瑞愈滋恐懼修  
省之心也○諭雲南貴州四川廣西督撫提鎮等神苗素稱兇悍  
加以漢姦販棍潛藏其中引誘為惡以致燒殺劫掠毒害良民居  
民深受其擾今督臣鄂爾泰等奉旨勦撫業已擒獲兇苗販棍正  
在撫恤地方籌畫久遠之計朕聞滇黔蜀粵四省接壤之區搖擯  
雜處不時統眾越境警殺擄害鄰封地方文武官員往往以責任  
不輕彼此推諉苟且因循以致塵案莫結者甚多此天下之共知  
共聞者如廣西西隆州古障地方土目王尙義等與貴州普安州  
捧鮮地方之苗目阿九等互控一案遷延數年之久尙未審理朕  
已降旨督責此即其明證也况各省所設汛防在於腹內而徭裸  
則環居腹外防範難周遇有殺掠必待事主稟報始行追捕往返

耽延兇徒已遠遁矣四省督撫提鎮宜各委賢員於四省接壤之  
地勘明界址凡徭裸販棍往來要路設立營汛派撥遊守各官帶  
領弁兵駐防稽察儻有越境警殺劫掠之事即時禽解不使漏網  
其委防弁兵以一年為期即於四省附近營伍內輪流撥換如一  
年之內無越境生事之人及有而能逐名擊獲者四省督撫提鎮  
會同保題從優議敘兵丁量加賞資儻有貪功生事騷擾地方者  
立即題參從重治罪○辛酉諭內閣九卿前據李紱奏稱田文鏡  
欲監斃黃振國以滅其口等語著將黃振國再行細訊田文鏡有  
何不公不法之事為黃振國挾制而必欲制之死地以滅其口黃  
振國係必應正法之人此時有何顧忌田文鏡若果有不公不法  
之事著伊據實供出並不因其供出田文鏡之短方行正法亦不  
因其不供出田文鏡之短遂可邀寬減也據黃振國供稱伏讀上  
東華錄 雍正十

諭說黃振國之罪不至斬決可見皇上至聖至仁原不要殺我是  
李紱蔡珽謝濟世三人要殺我等語朕前謂黃振國之罪不至於  
斬決者乃謂從前田文鏡參劾之案其罪本不至於死地及被參  
之後蔡珽為之黨護李紱為之陳奏謝濟世又為之翻案鉤結黨  
援造作蜚語擾亂國政誣陷大臣為世道人心之害所關甚大是  
黃振國之罪雖服極刑而有餘尙得謂之罪不至於死乎但其所  
以至此不可赦之死罪者實由蔡珽李紱謝濟世三人成之也著  
並諭黃振國知之○內閣九卿翰詹科道議奏江西考試官查嗣  
庭俞鴻圖收受舉人牌坊銀兩除查嗣庭大逆不道另案歸結其  
巡撫汪隆布政使丁士一副考官俞鴻圖應按律治罪得旨舉人  
牌坊銀兩分送主考官尙來亦相沿行之尙非贓銀之比但謂主  
考應該收受亦非也汪隆之過在於身為封疆大臣而與欽差主



考為房屋交易之事應加處分以儆將來但其為人尚老成著降  
四級以京員調用丁士一由部曹推為御史朕特簡任巡臺御史  
隨升福建按察使又升江西布政使伊受朕格外擢用之恩當於  
地方一切有關國計民生之事悉行奏聞方是乃丁士一負朕深  
恩並不實心效力其在福建時阿附滿保黃國材於地方積弊多  
端俱行隱匿並不陳奏及至江西又阿附裴律度且以布政使職  
掌之錢穀任各州縣處處虧空置若罔聞既不稽查又不揭報其  
扶同徇隱那移侵蝕之罪顯然著革職發往高其倬處或有應修  
城工或別有地方工程派伊出資效力儘不盡心效力定行從重  
治罪俞鴻圖著革職在翰林院編修內行走儘三年無過准其開  
復至查嗣庭俞鴻圖名下追出收受牌坊銀兩既非贓銀不必入  
官俟江西會試舉人來京應試後無論中試不中試者俱按名散

東華錄

雍正十

五

給○定湖南改歸貴州之清浪平溪二衛屬思州府轄○吏部題  
戶部尚書蔣廷錫丁母憂請解任守制得旨蔣廷錫著給假數月  
奉母櫬回籍喪葬事畢回京在任守制辦事○壬戌賑江南江甯  
淮安等縣衛水災饑民○朝鮮國王李昉遣使臣表謝改正伊祖  
李倬被誣史書恩並獻方物得旨著將方物交內務府准作五年  
正貢○癸亥諭兵部水師甚屬緊要見今天津設立水師令滿洲  
官兵操練學習其江甯駐防滿洲官兵亦應照天津例設立水師  
將鎮江水師見有船隻酌量撥給江甯將軍令其學習操練○以  
湖北按察使蔡嵩為太僕寺卿○允楊文乾給假葬親調常資署  
廣東巡撫由福建調○甲子諭內閣三月十八日為 皇考聖祖仁皇  
帝萬壽聖節舊例於是日虔誠齋肅禁止屠宰今應永遠遵行  
至聖先師孔子師表萬世八月二十七日為聖誕之期亦應虔肅

致敬朕惟 君師功德恩被億載普天率土尊親之戴永永不忘  
而於 誕日尤當加謹以展恪恭思慕之忱非以佛誕為比擬也  
著內閣九卿會同確議具奏尋議 先師聖誕應致齋一日不理  
刑名禁止屠宰得旨是○以王肅章為湖北按察使由給事中遷○戶  
部議覆怡親王允祥等奏水利營田修治如式者請交與地方官  
收管定其考成載入計典其畸零閒曠之地與各處河隄俱令地  
方官訓飭農民栽種樹木以護隄根以盡地利並將植過樹木若  
干冊報本管上司不時查視應如所請得旨依議修舉水利種植  
樹木等事原為利濟民生必須詳諭勸導令其鼓舞從事方有裨  
益不得繩之以法若地方官員因關繫考成督課嚴急則小民轉  
受其擾矣著直隸學臣轉飭教職各官切加曉諭不時勸課使小  
民踴躍興作若地方官員怠忽不加勸導或有逼勒過嚴者著學

東華錄

雍正十

六

臣稽察奏報三路巡察御史亦著善為勸導悉心稽察如地方官  
有奉行不善之處即行據實奏聞○禮部題黃河激清應遣官告  
祭江南清口河神並懇 御製碑文昭垂永久其武陟縣河神廟  
亦應一體告祭勒碑從之○署湖廣總督福敏奏請動用耗羨銀  
兩修築荊州府江陵監利松滋等縣沿江隄岸得旨據福敏奏稱  
荊州地方沿江隄岸例係民隄民修今請動用耗羨銀兩修築令  
監修官防護朕思耗羨銀兩亦係小民脂膏凡地方應修工程於  
民生實有裨益者即當動用帑金辦理不必取給於耗羨此處既  
係民隄若修理之後即算欽工則凡遇隨時補葺之處小民不敢  
干涉轉致疏忽且恐頑劣之民恃有朝廷歲修之例不肯用心防  
護以致潰決害及田廬而民受其累此等處皆當豫為籌及荊州  
沿江隄岸著動用帑金遴委賢員監督修理修成之後仍算民隄



令百姓加意保護隨時補葺俾得永受其益○署廣西巡撫韓良輔奏天河縣獄內拘禁莫東旺一名係李紱批飭枷責追賊結案之犯乃遷延一載尚未發落以致蠻獠糾集多人推倒土牆將莫東旺搶去得旨此係李紱甘汝來任內之事伊二人身為封疆大臣此等細事不能早行完結遷延日久以致蠻獠敢於妄行有關國體著將韓良輔奏摺發與李紱甘汝來看令二人明白回奏尋李紱甘汝來遵旨回奏得旨據李紱奏稱莫東旺一案經臣審結臣即起身赴直隸新任其因何遷延一載尚未發落之處無由得知等語夫舊令尹之政必以告新令尹古人於罷官之後尚以國事為念豈有李紱升任總督不將此事明白交付接任巡撫屬其早行完結之理著將李紱甘汝來交部察議具奏○乙丑諭大學士九卿等廣東巡撫楊文乾條陳廣東事宜三件一係肇慶二府東華錄 雍正十 七

修築圍基之事據楊文乾奏稱頂衝之處必須用石工修築方能永久約計各項工程非數十萬金不可據阿克敦摺奏則云本地百姓言土隄易於修理若用石工將來民間力量不能修補轉於地方無益是以會彙時未曾列名等語據此則二人意見不同其應如何修理之處難以遙定俟孔毓珣楊文乾到京時令九卿會同確議具奏一係廣東積貯倉穀之事據楊文乾奏稱廣東一歲所產米石即豐收之年僅足支半年有餘之食合計通省須積穀四百餘萬石等語夫本省所產之米不足供本省之食在歉年則有之若云每年如此即豐歲亦然恐無此理朕思廣東之米所以不敷廣東之用者或田疇荒廢未盡地利或興作怠惰未用人工或奸民貪得重價私賣海洋三者均未可定每年漕運進京之米亦不過三百餘萬石以廣東一省而積四百餘萬石之穀為數太

多難於查覈而又當嶺南潮溼之地能保無霉爛之虞乎今廣東各屬見報存倉之穀一百六十餘萬石去冬又令廣西運穀三十萬石以備廣東之用是廣東已有穀一百九十餘萬石若此數實貯在倉則一時需用儘足支應不慮匱乏矣一係請開捐納以築圍基以備不虞積貯之事既為地方需米起見一開捐納則米價反致昂貴於民不便故上年冬底為廣東籌畫積貯九卿議開運穀捐監之例其所以令其運穀者即是此意若云開捐收納銀兩再委員採買於鄰省則何不動用庫帑採買而必廣開事例乎况廣東既有運穀捐監之例則將來米穀自然日益加多想楊文乾具本時尚未知運穀捐監之議也以上二事亦俟孔毓珣楊文乾到京之日九卿會同定議具奏至廣西撥運廣東之穀三十萬石仍遵前旨即速運送○刑部等衙門議覆太常寺卿鄒汝魯身為東華錄 雍正十 六

大臣乃於進獻河清疏內故用悖逆之語顯肆譏訕請革職照律擬絞立決得旨鄒汝魯著革職從寬免死發往湖廣荊州府沿江隄岸工程處效力○丙寅諭內閣浙江杭嘉湖三府上年秋冬之間雨水稍多收成略歉今年青黃不接之時已令地方官商酌平糶以濟民食但念米價雖不至昂貴而無力窮苦之民本無糶米之資甚屬可憫著動用庫銀四萬兩令巡撫李衛會同將軍鄂彌達觀風整俗使王國棟悉心商酌於地方或開濬河道或修理城垣隄岸令小民就近備工藉以餬口儻四萬金尚不敷用著李衛等再行具奏請旨○刑部遵旨議覆直省盜案嗣後州縣以至巡撫務嚴行究審將法所難宥及情有可原者一一分晰於疏內聲明照律不分首從擬斬立決具題大學士會同三法司仍照從前將應正法應減等發遣者分別詳議請旨其應發遣者改發內地



三千里撥入驛站及營兵差使仍交與該管官員不時查點管轄毋致脫逃得旨緝盜乃安民之要務兇暴不剪則善良不獲甯居故立法不容寬貸止因同夥多人其中原有被人誘脇而非秉性好同屢行劫奪者朕仰體 聖祖仁皇帝好生之仁施恩法外必須各省督撫大吏實心奉行分晰至當使積賊大盜不至漏網方為用法之平儻姑息養奸意謂多寬一人即可造福是乃縱盜殃民其造作罪孽更甚於嚴厲苛刻者嗣後督撫所議減等之盜犯儻至發遣之處怙惡不悛一經發覺定將原議之督撫從重議處

○封哈密扎薩克達爾漢伯克額敏為鎮國公賞銀一千兩其下種地回民四百人各賞銀兩布匹以口外開墾著有成效也○丁卯 上啟鑿謁 陵○庚午 上謁 昭西陵 孝陵 孝東陵 回鑾○壬申刑部議准直隸總督今授工部侍郎李紱奏保定府理事同知職任繁劇請將河間府及天津州所屬十八州縣旗民大小案件改歸新設之天津州理事同知就近管轄從之○癸酉諭內閣朕聞陝西鄭渠白渠龍洞渠向來引涇河之水溉田甚廣因歷年既久疏濬失宜龍洞與鄭白渠漸至淤塞隄堰坍塌醴泉涇陽等縣水田僅存其名深為可惜特令該督岳鍾琪詳酌興修今據該督親勘奏稱龍洞急當挑挖鄭白渠務當疏濬更須修築隄堰建設開口以俾堅久已於西安布政司備公羨餘銀內先動一千兩委員將龍洞鄭白渠及時挑濬其建閘工料約估銀七千兩請亦於司庫存貯羨餘銀內動用等語朕惟興修隄堰乃於民生大有裨益之事著動用正項錢糧俟一切工程告竣造報工部查覈務期渠道深通隄堰堅固俾農田得以永賴以副朕保惠元元之至意○甲戌 上還京師○加福建興泉道巡海道銜移駐

東華錄 雍正一〇

廈門改臺廈道為臺灣道添設臺灣府通判一駐澎湖裁澎湖巡檢一○乙亥河南巡撫田文鏡奏請將候選州縣分發各省學習以裨吏治論此議朕於踐阼之初業經思及因難以施行遂寢而未發蓋自古迄今大抵中材居多欲求出類拔萃之賢世不屢觀故理國之道貴備材有素首先以厚風俗為要務風俗既端斯趨向有方而人才蔚起不特科甲輩學古入官即一切旗漢人員宜無不講求經濟吏治民生豈盡茫然莫喻但恐其居心不肯恪秉公忠以奉乃職耳若慮以民社為新進後生所嘗試之具粵稽舜典明試以功車服以庸已啟後世科資循格之端是以地方外吏全賴守封疆者激揚公正糾舉精明正所謂三載考績黜陟幽明也至云新選者少則數月多則經年安保其無害於民今學習之員不令攝事無由覈驗優劣委令署理彼僉邪小人之為害於民又獨不然乎况督撫諸臣雖簡命自朕未必一皆公爾忘私或稍涉資緣則大啟奔競其弊有不可勝言者不甯惟是即朕見今用人之法亦止堪暫行一時將來自仍歸於 聖祖疇昔銓衡之成憲朕緣目擊官常懈弛吏治因循不得不大示鼓勵以振作羣工委靡之氣俟咸知奮勉治行改觀時朕另有裁處又據稱朕超擢教職為州選舉生員為縣雜職亦准卓異試觀如是甄拔才堪入彀者能得幾人此亦出於偶爾旁求非可永遠循行之良策所以吏兵二部向年舊例悉仍舊貫未命更張一二間遇督撫越例題請補授亦俱令聲明原委朕降特旨允行蓋有深意存焉豈必俾輕紊成憲而致一代典章混淆無序哉○以王克莊為太常寺卿黃煊為湖北布政使由副都統通○解揚名時任以朱綱為雲南巡撫調漆紹文為湖南布政使以張坦麟為江蘇布政使由副都統通

一一九



丙子以祖秉圭為貴州布政使馬世珩為安徽按察使由江安○  
 丁丑江西巡撫汪滙奏江西地方舊有落地稅白潢為巡撫時將  
 稅銀裁革不令商民完納而以巡撫司道公捐銀兩代完每年假  
 造花名冊籍報部其舊有收稅大使等官仍設立如前接任巡撫  
 王企靖裴律度皆照白潢之例行應請批示遵行得旨國家經制  
 錢糧豈臣子可以意為增減若江西此項稅銀不應徵收則白潢  
 應奏請於 聖祖仁皇帝施恩豁免若係地方應徵之項則自應  
 令商民完納何得將公捐銀兩代商完課曲市私恩以博無知小  
 人之稱頌並不計及將來之可永行與否且此端一開他省督撫  
 何以催辦國賦似此飾詐沽名豈人臣事君之道且江西近日參  
 出虧空甚多皆由白潢當日徇情市恩苟且姑容所致至於汪滙  
 身為巡撫凡事不能據理而行乃將白潢所行悖理之事奏聞冀

東華錄

雍正十

三

朕批示朕若批令將稅銀豁免則是國家之經費 聖祖仁皇帝  
 六十餘年所未免者而朕安能任意輕免之耶若批令仍向商民  
 徵收則是白潢已免之項而朕復行徵收無知愚民豈不歸怨於  
 朕若批令照白潢之例以公捐銀兩代商完課則國體何在有此  
 治天下之道乎○戊寅以甘汝來為左副都御史實授韓良輔廣  
 西巡撫○改湖南五寨司吏目為巡檢○命給事中黎致遠往江  
 南稽察河工○庚辰諭內閣敬覽 聖祖仁皇帝實錄內康熙五  
 十一年五月二十日奉 旨山東人出口種地者多至十萬有餘  
 伊等皆朕黎庶既到口外種地生理若不容留令伊等何往但不  
 互相對閱查明將來俱為蒙古矣嗣後山東民人有到口外種地  
 者該撫查明年貌籍貫造冊移送稽查由口外回山東去者亦查  
 明造冊移送該撫覆閱稽查則百姓不得任意往返而事亦得清

釐矣朕披讀之下仰見我 皇考聖慮周詳撫民懷遠之至意此  
 事今尚行否其直隸山西民人有往口外種地者亦照此例行否  
 著大學士等查奏尋奏查康熙五十一年四月內曾奉 聖祖仁  
 皇帝諭旨古北口六路種地民人酌設副將同知管理嗣經九卿  
 議停未曾舉行至雍正元年二年三年陸續添設古北口張家口  
 歸化城同知各一員與 聖祖當日諭旨早已符合但口外地方  
 遼闊各該同知所轄恐有遺漏之處應令直隸山西督撫查明酌  
 量分交管理並嚴飭三路同知各案所管地方將見在寄居民人  
 與種地民人查明姓名籍貫造冊咨查各本籍仍令各州縣官  
 將所有出口種地民人記檔以備日後查對嗣後再有出口種地  
 之人俱著該同知一面安插一面移咨本籍查無過犯逃遁等情  
 准其居住耕種年終造冊報部從之○辛巳甘肅巡撫石文焯奏

東華錄

雍正十

三

世襲一等精奇尼哈番趙之璧應賠伊父趙弘變贓銀並不依限  
 交納應革去世職嚴追還項得旨趙良棟宜力疆場勞績懋著是  
 以 聖祖仁皇帝將趙弘變等加恩擢用昇以封疆重任乃趙弘  
 變深負高厚之恩居官貪劣贓私纍纍其名下應追各項銀兩本  
 應將趙之璧革去世職嚴追完項但朕念趙良棟昔日功勳格外  
 施恩及其後裔著將趙之璧從寬免革職銜其應追銀兩亦著免  
 追留與伊等養贍以示朕優眷功臣之至意所有承追督催各官  
 亦免查參○甲申 上御經筵○乙酉諭內閣廣西巡撫韓良輔  
 奏稱廣東地廣人稠專仰給廣西之米在廣東本處之人惟知貪  
 財重利將地土多種龍眼甘蔗煙葉靛之屬以致民富而米少  
 廣西地瘠人稀豈能以所產供鄰省多人之販運等語此奏與朕  
 前旨相符可知閩廣民食之不敷有由來矣著兩省總督巡撫等



悉心勸導俾人人知食乃民天各務本業盡力南畝不得貪利而廢農功之大不得逐末而忘稼穡之艱至於園圃果木之類當俟有餘地餘力而後爲之豈可圖目前一時之利益而不籌畫於養命之源以致緩急無所倚賴而待濟於鄰省哉假使鄰省或亦歉收則又將何如哉該督撫等務須諄切曉諭善爲化導俾愚民豁然醒悟踴躍趨事則地力不至虛耗而米穀不至匱乏矣每見各省督撫大吏皆各私其所轄之地方而於鄰省休戚膜外視之如高其俦則請運江南之米於福建而陳時夏又欲留貯於江南楊文乾則欲運廣西之米於廣東而韓良輔又欲留貯於廣西伊等各從疆界起見甚屬褊小朕君臨萬方普天率土皆吾赤子一省米穀不敷自然接濟於鄰省有無相通古今之義若封疆大吏各據本地實情奏聞則朕易於辦理儻各存偏向本省之見不肯通融接濟則朕辦理甚難若開捐納以積穀則地方米價必致高昂若截漕米以濟民則天庾所關更爲緊要展轉思維實無善策是在凡爲督撫者體朕一視同仁之意酌地方之緩急爲有無相通之道勿以彼此隔屬有心區別如此方不愧大臣公忠之誼而於國家懷保小民之治大有裨益也○丙戌諭內閣前鄂爾泰會奏稱廣西泗城土司甚屬不法素爲民害請敕令廣西巡撫提督懲治朕曾降旨詢問韓良輔據韓良輔奏請欲往雲南與鄂爾泰面加商酌朕思此事甚有關繫非韓良輔與鄂爾泰面議不可昨都察院奏原任廣西州判程且控告羅文剛一案羅文剛統眾肆惡吞噬十一處邨落竟敢與官兵相抗不容設立塘汛李紱身爲封疆大臣遠巡畏縮苟且彌縫但爲掩飾一時之計而於地方之利害民生之休戚毫不關心甘汝來時爲臬司亦因循怠忽不能整頓昨令廷臣詢問二人俱俯首無詞李紱甘汝來相繼爲廣西巡撫著二人前往廣西辦理土司之事從前疏縱之兇徒羅文剛等著卽交與李紱甘汝來速行擒獲不得容其免脫韓良輔前往雲南與鄂爾泰會商時著李紱一同前往將副將張傑調至省城署理廣西提督李紱一到同韓良輔卽起身赴滇韓良輔起身後巡撫印務著甘汝來署理前朕准給韓良輔假期送其母柩回籍著俟公事定議後伊酌量起身李紱甘汝來負朕推用深恩今加寬宥容其效力贖罪務將廣西境內不法之苗夷與地方不法之奸民悉心料理俾盡革兇頑遵奉國憲以安良善以靖地方儻日前疏縱之羅文剛等不能擒獲及伊等料理土司之事虛文掩飾以卸目前之責將來仍有兇苗妄行干犯王章者定將李紱甘汝來從重治罪又如礦賊盤踞兩廣之間而兩省官員互相推諉以致

東華錄

雍正十

差

宵小肆行良民時受其擾著李紱甘汝來會同阿克敦將兩省疆界一一清查分別防範管理使汛地各有專責匪類無計潛藏不得仍前怠忽自干重罪若泗城土司怙惡不悛有應行用兵之處交與鄂爾泰調度廣西巡撫提督總兵官俱聽鄂爾泰節制○解程如絲任以葛斗南爲四川按察使由山東鹽運使遷○是月免浙江安吉仁和等州縣江西新喻等縣福建連江等縣上年水災額賦有差

三月戊子朔諭直省督撫等向來普雄烏蒙犍苗等兇悍性成又有漢姦爲之煽惑引誘是以肆行不法且其地在深山密箐之間最爲險阻內地干犯重罪之人往往逃匿其中一時難於捕緝上年冬岳鍾琪鄂爾泰奉命剿撫兇苗今據奏報普雄烏蒙犍苗皆革面革心輸誠嚮化則內地犯法之人向來逃竄苗地者此時必

東華錄

雍正十

差



不能隱蔽又將轉徙他處為苟活之計矣為此密諭爾等可乘此機會設立賞格各密飭所屬文武官弁嚴行稽察勿使匪類得以漏網備稽查不愼將來發覺之後定將從前經過之處不行查出之地方官弁及該管上司從重治罪○改陝西潼關衛為潼關縣設知縣典史復設教諭訓導各一○庚寅諭內閣自古帝王致治誠民莫不以重農為先務書陳無逸先知稼穡之艱難詩載幽風備敘田家之力作論語云百姓足君孰與不足孟子云民事不可緩也蓋國以民為本民以食為天農事者帝王所以承天養人久安長治之本也我國家撫綏寰宇 聖祖仁皇帝臨御六十餘年深仁厚澤休養生息戶口日增生齒益繁而直省之內地不加廣近年以來各處皆有收成其被災歉收者不過州縣數處耳而米價遂覺漸貴閭閻之困頓有不敷之慮望濟於鄰省良由地土之

東華錄

雍正十

五

所產如舊而民間之食指愈多所入不足以供所出是以米少而價昂此亦理勢之必然者也夫米穀為養命之寶人既賴之以生則當加意愛惜而不可萌輕棄之心且資之者眾尤當隨時撙節而不可縱口腹之欲每人能省一勺在我不覺其少而積少成多便可多養數人若人人如此則所積豈不更多所養豈不更眾乎養生家以食少為要訣固所以頤神養和亦所以節用惜福也况脾主於信習慣便成自然每見食少之人其精神氣體未嘗不壯此顯而可見者至於各省地土其不可以種植五穀之處則不妨種他物以取利其可種植五穀之處則當視之如寶勤加墾治樹藝菽粟安可舍而逐末棄膏腴之沃壤而變為果木之場廢糞殮之恆產以倖圖贏餘之利乎至於煙菜一種於生人日用毫無裨益而種植必擇肥饒善地尤為妨農之甚者也小民較量錙銖但

顧目前而不為久遠之計故當圖利之時若令其舍多取寡棄重就輕必非其情之所願而地方官遠繩之以法則勢有所難行轉滋紛擾惟在良有司勤勤懇懇諄切勸諭俾小民豁然醒悟知稼穡為身命之所關非此不能生活而其他皆不足恃則羣情踴躍不待督課而皆盡力於南畝矣朕聞江南江西湖廣粵東數省有一歲再熟之稱風土如此而仍至於乏食者是地土之力有餘而播植之功不足豈非小民習於怠惰而有司之化導者有未至耶或者曰米穀太多則價賤而難於糶賣昔人有穀賤傷農之說諺語所謂熟荒者此則不必過慮假若小民勤於耕作收穫豐盈至於價賤而難於出糶朕必多發官價以糶買之使重農務本之良民獲利而有餘貨也朕生平愛惜米穀每食之時雖顆粒不肯拋棄以朕玉食萬方豈慮天庾之不給而所以如此撙節愛惜者實

東華錄

雍正十

五

出於天性自然之敬慎並不由於勉強且以米穀乃上天所賜以生養萬民者朕為天下生民主惟有敬謹寶重仰冀天心默佑雨暘時若歲獲有秋俾小民家有蓋藏人歌樂土朕既為億萬生民計不敢輕忽天貺爾等紳衿百姓獨不自為一身一家之計乎朝夕生養之需既受上天之賜若果加意愛惜隨時撙節則天必頻加錫養長享盈甯之福若恣情縱欲暴殄天物則必上干天怒不蒙眷養而水旱災祲之事皆所不免其理豈或爽哉又聞江西廣西地方竟有以米穀飼養豚豕者試思穀食之與肉食孰重孰輕孰緩孰急而乃以上天之所賜小民終歲勤苦之所獲者為豢養物類之用豈不干天和而輕民命乎朕所以惓惓訓諭者惟期天下之人專務本業以杜浮靡愛惜物力以圖久遠共體朕敬迓天庥勤恤民隱之意則爾等家室必益至於豐饒爾等子孫必永蘇



於福澤思之思之母忽朕言著將此曉諭內外官民人等並通行遠鄉僻壤咸使聞之○諭朕以今年閏月節氣稍遲二月天寒故將會試日期改三月但目今天氣尚覺寒冷若再改期又恐舉子盤費無多難以久於旅食今照舊於初八日入場著曉諭各舉子俱許攜帶手鑪以溫筆硯皮衣及厚絲衣服俱許穿進但不得乘機懷挾以滋弊端場內茶飯著供給官加意豫備朕另派大臣照看料理令早晚給與薑湯並按名給發木炭以資其用○先是貴州安籠總兵官蔡成貴奏廣西西隆州古障地方土目王尙義等與貴州普安州捧鮮地方苗目阿九等歷年互爭歪染烏舍壩犁魯濠等寨一案因土目自相讐殺俱係外結例無考成是以遲延未結請敕下黔粵撫臣另委大員密斷並請嗣後審理兩省交界土苗案件敕部議定期限於邊方實有神益奉旨發與雲貴總督

東華錄

雍正十

三

鄂爾泰議奏至是鄂爾泰覆奏苗民劫奪不已地方官姑息因循釀成此習其故多由外結臣將分別流土考成使各有專責不致案件遲延不結之處具題在案至於黔粵之交原有大江爲界止因犬牙相錯以致彼此相爭今若劃江而理江以南屬之粵江以北屬之黔則界限井然防守稽察皆易爲力庶兩省之紛爭永絕矣得旨鄂爾泰既稱黔粵兩省當以大江分界今韓良輔李紱前往雲南與鄂爾泰面商苗地事宜著將此事一併會同定議其土苗爭訟案件例由外結者應如何定限之處亦著議奏○以廣甯弟廣祿襲封裕親王○壬辰王之麟緣事降調以錢以塏爲左副都御史由少詹事○吏部議准廣西巡撫韓良輔奏廣西泗城土府同知並無職掌請改爲恩恩府泗城理苗同知專管泗城西隆西林等處苗民仇殺搶劫之事又太平府新改上龍下龍二土司所

東華錄 雍正一〇

屬鎮南大關係安南貢道且水路可通內地最爲緊要須設流官彈壓請將太平通判移駐上下龍地方兼管憑祥土州等處經理鎮南大關水陸隘口緞緝土民從之○癸巳諭八旗都統等兵丁等喜喪之事俱已加恩賞給銀兩朕思大臣官員內有家貧饒裕者亦有家計艱窘者其於喜事尙可若遇喪事倉卒之間必至窘迫無措嗣後大臣官員若遇喪事有情願借銀者著戶部借給四箇月俸祿至下季扣除若於未及扣除之前有緣事革職者除世襲官員外仍令其賠補如病故者著卽賞給免令賠補其行取戶部庫銀恐一時不能卽得先將旗下恩賞兵丁銀兩給與再行取戶部庫銀墊補○戶部議覆雲貴總督鄂爾泰奏雲南黑鹽井正額鹽每百斤請增新價銀四分二釐八毫又撥給不敷課款每鹽百斤增新價銀二錢應如所請其迤東鹽價每斤再減二釐之處

東華錄

雍正十

三

無庸議得旨此事曾經李衛奏聞朕令鄂爾泰復行查奏今據鄂爾泰奏請於定額三分內每斤再減二釐以便商民鄂爾泰李衛均從地方起見其出產有舊無而可以新增者亦有舊有而應當裁減者若有彼此抵算之項准其據實奏聞則事皆覈實而督撫等亦易於辦理儻止令其增添而不許其裁減則殊非公平之道而隱瞞那移之弊且由此而生卽如貴州礦廠各處開閉不常所收賦稅多有隱此補彼者曾經毛文銓奏明改正雲南自近年以來督撫等清查鹽稅等項約計增銀甚多著鄂爾泰查明鹽斤內所增銀兩覈算明白抵補減價增新之數定議奏聞○乙未諭吏部漢司官屢經侍班朕得認識滿司官中有不認識者嗣後凡御門理事之日著滿司官四員漢司官四員一體輪流侍班引見若有條奏之事卽於侍班時密封具奏止許條陳一事不得以數事

一一三



並奏如此則司官之賢否優劣可知矣○諭士子讀書應試須專心講習方可望其成就入旗舉人生員內在護軍執事人行走者朕念其用度艱難恐致分心是以於雍正元年特加殊恩令其退回仍賞給錢糧養贍俾得專心讀書勉勵上進庶國家可收得人之益今已三年有餘其中或有年力衰邁及不肖之人徒領錢糧無志上進虛糜國帑者亦未可知若不加考課分別勤惰無以鼓勵人材著於會試後將八旗滿洲蒙古舉人生員漢軍舉人查明人數請題考試分別等第並驗其人品優劣具奏○丙申諭吏部盛京五部司官多係本處居住之人互相交結瞻徇情面欺蔽上司朕屢降諭旨不能悛改若不盡行調換難於整頓爾部將盛京本處之人見在郎中以下主事以上人員查明人數悉行調來以京員用其員缺著在京各部堂官派選辦事中等司官爾部帶領

東華錄

雍正十

元

引見補用所遺員缺即將盛京撤回之員補授如此則盛京堂官易於辦理而盛京部院積習可以悛改矣○戊戌諭大學士九卿等朕辦理天下事務惟有物來順應初無成見成心蓋天下庶物殷繁人情詐偽變幻百出蒙蔽欺罔之處往往有之而一時聽從或不能不有錯誤而即為改易不存回護之見則誤者可以不誤而是非瞭然人亦知所儆懼古之聖賢不曰無過而曰改過不吝朕常以此自勉也如蔡珽程如絲一案今日特宣諭爾等知之當日年羹堯奏請四川開設鼓鑄蔡珽執奏以為四川不產鉛斤及訥親到彼則奏稱川省本有鉛斤而蔡珽勒令各屬誣稱無鉛以撓公事因將鉛斤鍊就呈進似此顯係蔡珽欺罔比時蔡珽又有威逼知府蔣興仁自盡之事年羹堯又奏其任內劣跡種種是以朕將蔡珽革職治罪及蔡珽到京而年羹堯諸事敗露朕召蔡珽

入見伊懋陳己之枉屈及平日抗拒年羹堯以致被訪之處並年羹堯貪酷殘暴各款朕觀其為人聽其言論似乎尚屬和平不應有偏死屬員之事是以宥其罪而用之伊在朕前奏稱程如絲為四川第一好官因得罪年羹堯是以誣參必欲致之死地今今年羹堯審訊必加以重刑則程如絲身命莫保等語朕以年羹堯素性殘虐蔡珽之言似乎確實因降旨令石文焯乘公審理及石文焯審奏年羹堯所參程如絲與販私鹽放槍殺人之處實係冤抑朕因蔡珽力言程如絲居官甚優是以用為四川按察使以觀其後效然其中虛實真偽朕究未釋然於中數年以來未嘗不時時留心訪察也前者檢閱汪景祺記載程如絲貪橫一條云程如絲重賄蔡珽調補夔州知府程如絲至夔凡商家所有之鹽盡以半價強買之私鹽船自夔至楚者官素不甚禁以活窮民程如絲悉奪之私鹽船過夔程如絲遣人籍其鹽私商不服程如絲集吏人鄉勇獵戶汎兵幾千人往捕治之烏槍弓矢競發私商與捕人死者枕藉商人過客斃者無算蔡珽庇之不上聞湖督楊宗仁受客商呈詞欲入告程如絲指稱是年大將軍意楊督竟寢其事年公聞之遂具題參劾奉旨革職擊問蔡珽入覲力言程如絲為天下第一清官上將大用之今此案令西安巡撫石文焯秉公確審石文焯脫程罪且議復其官以合上意嗚呼浙撫黃叔琳以置土豪賀茂芳於死遂革職問罪乃知府殺人不計其數而反無過乎汪景祺記載之言如此伊乃年羹堯門下走狗其言何足為據且謂石文焯出脫程如絲之罪乃迎合朕意此語更屬悖謬朕本無意石文焯何從迎合若云朕有所庇護則年羹堯乃朕當時藩邸舊人多年效力朕不庇護年羹堯而乃庇護素不識認之程如絲乎

東華錄

雍正十

三



卽如黃叔琳深受朕恩由太常寺卿歷升巡撫極蒙委任優眷朕不庇謫黃叔琳而乃庇護一海甯無賴之光棍乎朕之賞罰悉本至公無一毫偏向之處而石文焯之開脫程如絲或別有因今觀蔡珽草率放縱徇私妄爲則偏向程如絲顯倒是非乃伊之實情而其所行背理之事較甚於此者更難悉數孔子曰君子不以人廢言汪景祺雖犯重罪身正典刑然其言未必字字皆虛今既有程如絲枉殺多人之語則外間爲此語者必不止於汪景祺一人此處甚有關於國家之政事必須究問明白得其實情始足以清吏治而肅官方剖是非而除壅蔽程如絲與販私鹽放槍殺人一案著侍郎黃炳前往四川會同岳鍾琪馬會伯及湖北巡撫憲德一逃一明白審理從前被程如絲之害者多係湖廣之人著憲德一查一帶往四川質審再此案內有應行質審之人俱著黃炳等東華錄 雍正十

中國船小所有板片桅柁不足資彼處之用應請復開洋禁以惠商民並令出洋之船酌量帶米回閩實爲便益應令該督詳立規條嚴加防範從之○王寅兵部議准貴州巡撫何世璠奏安順府鎮甯州屬康佐司土官薛世乾以罪革職伊子幼穉無知不能承襲請將康佐司地方改歸鎮甯州轄從之○癸卯署湖廣總督福敏奏臣奉命至楚任事之後卽查衙門從前陋規盡已革除惟武昌廠稅一項每年約計盈餘六七千或七八千不等又鹽商未裁禮銀四千兩前任督臣楊宗仁留此爲總督養廉之用臣非敢矯廉干譽緣受恩深重自奉過厚踴躍難安除一切用度外計餘銀四千兩今因饑民停賑恐青黃不接易致乏食卽以存銀買米散賑用廣 皇仁至兩省刑名錢穀事務殷繁必須幕賓相助辦理所需脩金等項臣俱於歲底將支用存貯細數另行奏聞諭此事東華錄 雍正十



緘之枉法市恩徇私要譽則是朕之法外施仁偶然原情寬宥之處臣工皆強為比照題請以濟其私而用法多不得其平內外臣工當以為戒○命八旗每佐領添設副領一協同辦事○吏部右侍郎王沛恒以老病乞休加左都御史銜致仕○丙午俄羅斯察罕遣使臣薩瓦表賀登極進貢方物賞賚如例○丁未諭內閣向來督撫提鎮陳奏本章例有副本投遞通政司衙門又有揭帖知會關涉之各部院往往緊要之事未達朕前而先已傳播於眾口又如內外咨呈文書往來該衙門尤易疏忽以致匪類探聽多生弊端間有緝拏之犯聞風遠颺遂致漏網此皆不慎之故貽誤匪輕嗣後一切本章以及咨呈文書除平常通行事件外其有關涉緊要之案與緝拏人犯之處內外各衙門應密封投遞各該管官應謹慎辦理以防漏洩儻有疏忽將來事發之日究問根由必將

東華錄

雍正十

五

漏洩之人及該管官員從重治罪○諭吏部會試舉人著爾部揀選引見並問九卿將所知者舉出再舉人內有伊等同鄉素日推服之人亦著舉人公舉或數人公舉一人或十數人公舉一人俱將姓名註明務須有猷有為有守之人方可推薦不可冒濫○戊申吏部議准雲貴總督鄂爾泰奏自湖廣改歸貴州之五開銅鼓二衛先經督臣高其倬奏請將五開衛改爲一縣兼管銅鼓衛地方令黎平府管轄奉旨允行臣細加訪察必須五開銅鼓分設二縣始於地方有益請添設知縣各一典史各一五開衛向無學校今請添設教諭訓導各一銅鼓衛向設教授一訓導一今請將教授改爲教諭其歲科二試取進文武童生各如舊額從之○己酉吏部議准雲貴總督鄂爾泰奏貴州銅仁府屬平頭司省溪司思南府屬沿河司朗溪司黎平府屬潭溪司八舟司龍里司歐陽司

新化司洪州司原設吏目各一稽察土司今請並加州同職銜重其職守以便就近彈壓從之○予故領侍衛內大臣馬武祭葬諡勤恪○庚戌調嵇曾筠爲吏部右侍郎仍留河東副總河任轉楊汝毅爲兵部左侍郎以胡煦爲兵部右侍郎由內閣學士遷○辛亥禮部奏會試舉人叨荷特恩合詞陳謝得旨朕視天下萬民皆爲一體況讀書鄉薦之人異日俱可作朕股肱耳目是以朕心待之實有一體聯屬之意愛養培護皆出於中心之自然並非欲邀天下士子之感頌也今舉子等以會試叨荷特恩合詞陳謝是尙不能深悉朕一體相關之意而存上下彼此之形跡矣朕待天下惟有一誠而崇儒重道之心尤爲篤切但所崇者皆真儒所重者皆正道若徒尙虛文邀取名譽致貽世道人心之害朕不忍爲也爾等讀書之人實四民之所觀瞻風俗之所維繫果能誦法聖賢躬修實

東華錄

雍正十

五

踐宅心正直行己端方則通籍於朝必能爲國家宣猷樹績膺棟梁之選即退處鄉閭亦必能教孝勸忠爲眾人之坊表故士習既端而人心尙有不正風俗尙有不醇者無是理也爾等既感朕恩即當仰體朕心恪遵朕訓爭自濯磨或出或處皆端人正士爲國家所倚賴如此方爲實心報效不在感恩奏謝之儀文也○壬子戶部議准署湖廣總督福敏等奏大江以南皆係財賦重地獨至米穀則江浙等省每賴湖廣接濟荷倉庾所積充足有餘不但舉省無憂乏食即江浙等省或有歉收可以撥運平糶順流直下誠甚便也今湖北湖南見存常平倉穀麥及截留漕米等項統計止有五十餘萬石視他省積貯較少臣等公同籌畫須每年買穀數十萬石分貯各倉以備不時之需查楚省尙有各衙門鹽規銀十萬六萬兩經前督臣楊宗仁裁革迨楊宗仁故後各衙門仍復明裁



暗收臣蒙 皇上高厚隆恩萬無收受絲毫之理而觀感之下各衙門自不敢收受以此項銀兩買貯穀石自可備用再查江浙二省見開事例捐納貢監以裕積貯請令湖廣照例開捐著將各府知府收捐本色實貯在府倉廩以便盤查則湖廣積貯充裕不惟本省足食且東南各省便於撥運平糶賑恤黎民大有裨益從之○添設安徽江安糧道庫大使一○癸丑諭吏部兵部刑部盛京人員習氣澆薄營謀鑽刺朋比侵盜甚甚是無恥屢加教誡終不悛改皆緣犯法參革治罪之後仍在本地居住往往生事滋擾誘人為非無所不至此等敗類若不卽令遷移望風俗之歸於醇厚終不可得嗣後盛京居住滿洲蒙古漢軍文武官員除因公誥誤獲罪者仍准本地方居住外其犯侵盜虧欠錢糧及姦貪訛詐之事降革者酌其所犯事由或令來京歸旗或著於各省滿洲駐防之

東華錄

雍正十

五月

處安插如此則不肖之徒漸少而盛京澆薄之習可息爾三部嗣後凡遇盛京人犯罪案件俱照此定擬仍將從前盛京旗員所犯侵盜錢糧姦貪訛詐等案內廢員查明奏聞○賞會試舉子下第路費銀各五兩○甲寅命江西丁銀攤入地畝徵收○兵部議准雲貴總督鄂爾泰奏經理狎苗事宜一長寨等狎苗不遵化誨阻建營房調兵進剿首惡悉經擒獲其未獲人犯有自行投首及脅從附和者請一槩從寬一苗民被剿四散已失耕種之期本年正賦請行豁免一歸寨苗民每人請月給糧三斗鹽六兩無力耕種者給以籽種以示撫恤其未歸寨者以一月為限如逾限不同將該苗田土分賞兵丁一苗民地畝多恃強侵占以致互相仇殺應令各具契紙開明四至官給印信俾永遠承業一狎苗姓氏相同者多難於分別應令各照祖姓造報戶口清冊編立保甲其不知

本姓者代為立姓以便稽察一苗民逞兇皆由兵器嗣後苗民出入止許佩數寸小刀所有一切軍器悉令繳出如有私造者卽行處決一營汛兵丁不得踐踏禾苗生事擾害如該汛文武官弁不加鈐束照溺職例治罪一長寨既有武職巡防仍須設一文員宣諭化導請以貴陽府同知移駐就近撫綏庶兵民咸得相安一打攘寨接連竹林井口兇苗出沒其中應撥長寨把總一員移駐則竹林等寨俱得控制一兇苗劫殺原非三五塘兵所能擒獲應令汛防各員一面申報督撫提鎮一面率兵擒拏所獲賊犯文武官會同審究無得袒庇徇私從之○予故大學士高其位祭葬諡文恪○丙辰工部議准河道總督齊疏勒奏黃河大溜頂衝之處請將斗岸削成斜坡令水隨坡溜再取密葉大柳懸於坡上以抵其溜之汕刷紓其力之猛烈久之大溜漸歸中泓而柳枝之上雷挂

東華錄

雍正十

五月

泥滓悉成沙灘易險為平工不費而費甚省並請凡河崖斗峻之處俱照此例行所需工費入搶修案內題銷從之閏三月丁巳朔諭吏部朕日理萬幾惟欲周知庶務通達下情是以廣開言路令人條奏事件冀於政治有所裨益近見條陳人員內頗有能據實陳奏不避嫌怨切中情弊者朕思此等之人其言既可採錄則其善亦不可泯嗣後凡內外大小引見人員如有條奏交廷議允行者著該部記明檔冊其人日後或被堂官參劾或被督撫糾參該部議處覆本之時將該員某事曾經允行之處寫籤夾於本內進呈以便斟酌其事之輕重量與寬減則國家政治既得條奏之益而其人亦深受敢言之效庶可共加勸勵也○諭八旗大臣等旗人犯罪革退官兵在京間住並無恆業倚靠親戚為生以致良善之人被累伊等無事遊手好閒自必為非作惡將



此等之人查出令於京城附近直隸地方耕種井田其作何安置之處需等會議具奏尋議八旗另戶滿洲蒙古內因拖欠錢糧並非為犯法革退之官兵無產業可依者請俱查明連妻子發往井田每戶給地三十畝每五戶給牛三隻其製辦農具籽種並半年口糧每戶給銀十五兩交與管理井田官員照伊人口多寡給與土房居住如有約束不嚴生事擾害等弊將該管官從重治罪得旨依議井田地方著添設驍騎校四員領催八名其俸祿錢糧升轉之處照京城驍騎校領催之例行如有已經升轉仍願在彼效力者即帶所升品級在彼居住○戊午湖南巡撫布蘭泰奏開礦事宜諭開採一事目前不無小利人聚眾多為害甚巨從來礦徒率皆五方匪類烏合於深山窮谷之中逐此末利今聚之甚易將來散之甚難也至於利之在公在私尚屬細事爾果欲效忠盡何

東華錄

雍正十

五

必諄諄以利為言豈不問有一利必有一害要當權其利與害之輕重大小而行之耳○添設盛京戶部刑部工部漢郎中各一員外郎各一主事各一○辛酉諸王大臣等參奏原任兵部尚書法海從前阿附允禔極力鑽營擅自回京行止狂妄應按律擬斬得旨法海原係革職發往軍前效力之人伊到軍前並無出力之處惟極力鑽營阿附允禔自謂有所依庇輒敢擅自回京又有種種不法之處本應按律治罪今從寬免死著發往插漢拖輝交與通智單騎管轄聽其差委在水利處效力行走一切事宜毋許干預若果實心效力則已如仍不實心效力狂妄虛詐著通智單騎書即行參奏○癸亥 聖祖榮妃薨逝 上降旨親往祭奠諸王大臣合詞陳奏請照從前裕親王母妃薨逝之例停止親往 上命莊親王允祿公馬爾賽一等公舅舅白啟往奠○吏部議覆川

陝總督岳鍾琪奏烏蒙土知府祿萬鍾奉旨革職提至川省質審烏蒙沿途土民俱各投順惟白女抵祿未申二人率所屬苗眾截路拒敵被官兵剿擊旋亦投誠歸附白女抵祿未申應行究提烏蒙人民久為土酋殘虐應請改土歸流以甦邊氓積困查所參烏蒙各案見在雲南應行令該督將祿萬鍾等各犯解送雲南質審其烏蒙改土歸流之處候旨遵行得旨征剿烏蒙搗其巢穴係雲南官兵奮勇總督鄂爾泰調度之功然非川陝總督岳鍾琪將屍山涼山不法番夷悉行剿撫去其犄角之勢則雲南官兵亦不能成功如此之速白女抵祿未申敢於抗拒官兵甚屬可惡鄂爾泰屢次遣祿鼎坤招撫祿萬鍾而祿萬鍾不肯就撫及至勢窮力竭又至岳鍾琪軍前投到欲以巧脫重罪甚屬狡詐部議將祿萬鍾解往雲南質審甚是白女抵祿未申擒獲之時亦著解往雲南質

東華錄

雍正十

五

審餘依議又議覆川陝總督岳鍾琪奏鎮雄土知府隴慶侯穉弱無知不能約束土目懇請改土歸流適准雲貴督臣鄂爾泰咨稱隴慶侯向與祿萬鍾勾通作惡今復唆使逃匿抗拒官兵法所難寬等語查鎮雄土府界連黔蜀二省應行令該督將隴慶侯解赴雲南質審其應否改設流官歸併何省管轄亦令會同雲貴總督鄂爾泰再奏得旨隴慶侯著解送雲南審明其鎮雄地方改土為流歸併雲南就近管轄○乙丑吏部道旨會同九卿揀選下第舉人引見 上命分發各直省以州縣委署試用諭守令乃親民之官關繫百姓之休戚故得其人則民生被澤而風俗日醇不得其人則百姓蒙殃而風俗日薄自古安民必先察吏此不易之經也朕御極以來夙夜孜孜欲使薄海之內無一夫不獲其所而此願一時難遂者則以縣令之不能盡得其人也果能得有欲有為有



守之人布散各省分屬民社之寄彼一人之精神力量足以貫注乎一邑凡督撫大吏耳目心思之所不能徧及者縣令皆能體察經理之則民生安得不厚風俗安得不醇而朕心無一夫不獲之願於是乎可遂矣向來各省縣令多循資按次照例選用之員故其中庸碌無能者有之年力衰憊者有之少不更事者有之以致苟且因循貪位竊祿諸凡闕冗職掌廢弛此等之人尚不能顧一身之考成豈能為地方之憑藉乎今因會試後天下舉子齊集京師朕思其中有才品兼優之士是以特加遴選畀以縣令之任朕之所望於爾等者不僅在於辦理刑名徵收稅賦了簿書期會之責而已必須實盡父母斯民之道視眾庶為一體剛柔相濟教養兼施化澆薄而為醇良懲僉邪以安善類古稱愛民如子此語最宜體會父母愛子之心未有不教之以正者縣令果視民如子豈有優柔貽害姑息養奸行婦人之仁忘聖賢之義而可謂之恫瘝保赤者乎書經曰罔違道以干百姓之譽自古聖賢為治皆尚實政最惡虛名若時存沽名市惠之心必至為同流合污之鄉愿又何能為整飭綱紀之良吏乎從來父子之間施者不以為恩受者並忘其感守令之於民果能潛移默化使閭閻習為固然而泯其感頌之迹斯不愧父母之稱而媲美古之循良矣紳士居鄉儻有違理肆行之處令有司約束勸導之者無非欲其同歸於善並非令地方官有意推折之也爾等莅任後於紳士之品行端方者則當加意敬禮以樹四民之坊表其小有過愆者則勸戒之命其悛改其不可覺悟不可寬宥者則置之於法以儆其餘如此則賞罰公明輿情悅服而觀感興起比戶可封矣爾等身叨鄉薦皆以古之孝廉相比擬何以克副此孝廉二字且見經下第選期尚遠朕

東華錄

雍正十

癸

東華錄 雍正一〇

破格選授以官職即論感恩圖報之常情亦當人人自奮况朕心實仗爾等為朕教養斯民移風易俗以成一道同風之盛爾等豈可薄待其身而為陋習所漸染私欲所牽制乎爾等果能卓然自立不負選用朕自格外加恩儻拜命之初一時感激而莅官以後頓改初心則不但國典王章無可寬貸即清夜靜思亦應無地自容矣勉之勉之○丙寅諭內閣凡州縣錢糧之虧空總不出侵欺那移二項當侵那之時官固主之而經手之經承自無不知也乃不行稟阻且從而懲憊之以便作奸分肥迨至本官監追而經承且優游於事外本官問重罪而經承僅得不行稟阻之處分故凡虧空蠲業多由於官吏之相成也朕以為經承庫吏經管倉庫之人亦宜重其處分之例更定以勸懲之法凡州縣官到任先揀選殷實老成胥吏二人充錢糧總吏通詳報部凡徵收錢糧即令隨徵報解不得存留內署承辦五年該員無虧空者即將總吏咨部以九品雜職即用本官少有虧空該總吏力行稟阻如不聽從許徑赴司院呈明免罪若該吏不行稟阻致本官以虧空糾參即將經承一同監追減本官一等治罪如此則經承有所勸懲不敢順從本官擅動國帑亦杜絕虧空之一法也○諭據江西巡撫趙柱奏稱江西存倉穀石向係二錢一石折價存留各縣價銀二錢買穀一石實屬不敷等語朕思離任官員交代之際並無穀石存倉而以二錢一石之賤價交與接任之員接任之員力難賠墊以致穀石空虛弊端種種國帑民生均受其累此皆裴律度及歷任布政使等徇情市惠強令接任官員收受之故著將江西通省折價銀兩交與裴律度及歷任布政使作速照數買穀還倉不得借端絲毫派累小民再直隸各省倉穀若有前任官折價存庫者不

東華錄

雍正十

甲

二二九



許新任官接任交代仍令前任官買穀交倉不許顆粒短少其該管督撫上司亦不得徇情寬縱故違定將本官及該管官分別從重治罪永著為例○禮部議覆河南巡撫田文鏡奏捐納貢監歸併學臣與生員一體約束應如所請嗣後貢監犯事視革行令督撫移咨學臣得旨該撫疏稱捐納貢監平日學臣毫無約束之權且與文武生員歸併學臣約束之例亦不畫一等語今部議貢監視革者令地方官申報督撫移咨學臣一面視革一面報部此議尙未周備捐納貢監既令學臣約束若必俟督撫移咨學臣則學臣仍無約束之權嗣後有應行視革者令地方官申報督撫學臣其事屬督撫者准督撫移咨學臣其事屬學臣者准學臣移咨督撫如此始為周備○丁卯諭大學士等從前奉天將軍噶爾弼奏盛京海洋應添設水師營分布三處自鳳凰城訖於海塘議東華錄 雍正十

政大臣已經議准續據奉天府尹尹泰奏稱自山海關迤南錦州復州蓋州地方海洋係進登州之海口不比大海旅順口關見有水師營今天津又設水師營此二營水師儘可輪班巡察若又添設水師營將來製造船隻修葺營房以及兵餉等項所需錢糧浩繁究於巡察無益等語經議政大臣議令噶爾弼尹泰會同畫一定議具奏今噶爾弼尹泰仍各執己見具題朕意以尹泰所奏為是如添設水師營果於巡察有益即多費錢糧亦應舉行今既無益又何用添設從前朕降諭旨將盛京穀石由海用船運至天津盛京大臣奏稱盛京所有船隻難以海運穀石看來盛京所有船隻未必照數全備水手未必熟練著將朕旨曉諭議政王大臣此原係議政所議之事著再會議具奏尋議盛京添設水師營實屬無益應如尹泰所奏停止從之○戊辰以宜兆熊為吏部尚書

仍署直隸總督○召福敏來京以迺柱為湖廣總督由署江西○兵部議覆浙江武舉會試應照文舉人例停止得旨士習澆漓不干武途況浙省文有餘而武不足毫無不便之處武科著照舊會試○己巳以趙城為湖南布政使由湖廣巡○癸酉諭內務府來京考試舉子朕加意體恤屢諭崇文門監督不必查其行李致滋勒索但恐巡役人等未必奉行盡善且恐日久弊生或有不肖之徒假冒舉子名色夾帶貨物亦未可定爾等可於蘆溝橋查稅之所設立店房務期寬展可容多人令舉子等即於店內安放行李其有無應行上稅之項爾等著人查看看畢給與照票令其入城廣甯門不必重查如此則舉子行裝不至狼藉亦可免宵小假冒之弊矣○雲貴總督鄂爾泰奏四川烏蒙土府祿萬鍾縱容土目劫掠良民經陝西督臣岳鍾琪題參革職奉旨命臣會審臣前赴東華錄 雍正十

東川有烏蒙祿鼎坤率二子投到臣遣其持檄往諭祿萬鍾等繳印就質乃祿萬鍾枝梧違抗至再至三而鎮雄土府隴慶侯向與祿萬鍾同惡相濟合謀拒命叛逆顯然臣咨商陝西督臣岳鍾琪調遣將士分路擄剿祿萬鍾見勢危急擁兵逃往鎮雄臣檄曲尋總兵劉起元率領官兵攻其倒江三灣諸險寨所向摧破兩酋計窮勢迫萬鍾等由筠連地方潛往川省遇川省守備胡璉解送成都隴慶侯等赴川省副將張玉行營繳印獻土今烏蒙鎮雄兩土府俱已平定見在量留官兵彈壓一面委員查勘界址並戶口錢糧實數以便改土歸流其兩府設官安營事宜及應歸何省管轄之處聽陝西督臣岳鍾琪詳議請旨得旨祿萬鍾隴慶侯等已有旨解雲南質審鄂爾泰辦理甚屬可嘉著議敘其在事人員查明分別議敘賞賚○復設河南河北守道一駐紮武陟統轄彰德衛



輝懷慶三府兼管河務以昨城縣並入延津縣裁知縣典史教諭訓導各一○乙亥川陝總督岳鍾琪奏夔州府知府喬鐸等隱匿變關稅銀得旨喬鐸著革職其捏結侵欺並程如絲扶同隱漏情由俱交與黃炳岳鍾琪會同該撫嚴審追擬具奏各省稅課向來隱匿者甚多雖奉旨稽查而徵收官員瞻顧從前隱匿之罪仍復枝梧不將實數盡行報出及至敗露則於隱匿稅課之外又添欺罔之重罪愈不可道朕心實為不忍今特沛寬大之典准各處將實在數目自行首出其從前多收之處免其究問朕既如此開恩倘再有隱匿日後發覺定治以重罪著該部通行曉諭知之○丁丑恭建 聖祖仁皇帝聖德神功碑於 景陵遣官告祭碑文曰 皇天眷佑我國家顯謨盛烈世世相承 太祖 太宗肇基東土締構鴻圖 世祖混一寰瀛克成駿業篤生我 皇考皇帝擅神聖之姿立君師之極大德廣運健行不息至明如日至仁如天集皇王之大成亘古今而首出書契以來罕有倫比以揚 列聖之耿光以裕我無疆大庥服予小子纘承基緒既奉冊寶恭上尊諡惟山陵禮畢宜建穹碑欽惟我 皇考臨御六十餘年厚德崇功布濩宇宙盈溢簡牒巍巍乎蕩蕩乎不可殫述謹擬大槩鐫勒貞珉用昭垂於億萬祀敘曰 聖祖合天弘運文武睿哲恭儉寬裕孝敬誠信功德大成仁皇帝諱 世祖體天隆運定統建極英睿欽文大德弘功至仁純孝章皇帝第三子也 母孝康慈和莊懿恭惠溫穆崇天育聖章皇后在妊時 孝莊文皇后見孝康章皇后衣裾若有龍繞知毓聖之祥逮降誕之辰異香盈室經日不散五色光華與日並耀宮人內侍咸所瞻仰天表奇偉耳大聲洪雙瞳日懸隆準岳聳膚理瑩白皎然玉質舉止嚴重性

東華錄

雍正十

聖

東華錄 雍正一〇

度恢宏敦敏聰明出言中理辛丑正月嗣登大寶時甫八齡 孝莊文皇后問所欲對曰惟願天下又安兆人樂業共享太平之福 孝莊文皇后動容嘉歎知能荷神器為生民主也自初讀書十行俱下略不遺忘講幄既開日與儒臣論難往復雖烈暑沍寒未嘗暫懈焚膏繼晷常至中宵遜志覃思好古敏求勤篤甚於儒素談經評史發揮道奧莫不觸類洞徹得其精要故知性知天察人倫而明庶物雖一名一物皆研究精微而一以貫之敬 天尊祖禮祀必親齊明盛服率履無怠至年踰六旬頗艱拜起冬至上辛禘祭羣臣懇請遣官恭代猶必 親詣省視陳設行迎神之禮退居齋幄默致精誠俟禮畢然後旋輅天性純孝事 孝莊文皇后垂三十年致愛盡誠委曲周至從幸時乘馬不離左右遇道路少仄即下馬扶輦踰嶺則扶掖升降彌加恭謹康熙二十六年冬 孝莊文皇后聖體不豫 皇考親嘗湯藥席地而坐目不交睫衣不解帶者三十五晝夜逮疾大漸自撰祝詞步禱南郊請減己算以延慈壽伏地誠懇涕泗交頤至居廬時哀瘠過甚不盥沐者數十日釋服仍處偏殿衣布素恭送龍輅每日必步隨數里朝夕慟戚如初喪終身思慕每一言及聲淚俱發事 孝惠章皇后垂六十年備極孝養省方江南避暑塞外必奉鑾輿以行康熙四十九年 孝惠章皇后壽踰七旬 皇考亦年六旬矣正月元夕宮中張燈設宴躬親起舞稱萬壽觴中外稱為天家盛事友愛裕親王等同問安 慈甯宮每序家人之禮親親之誼久而彌篤其疾也屢親視之其薨也親臨之宗室中用其才俊而禮其高年無爵位者亦有常廩自康熙六年始親政事未明求衣日昃忘食數御門延見公卿詳論得失綜理萬幾日有常程靡所稽滯嘗於巡幸

東華錄

雍正十

聖

一三三



之次章奏未至秉燭以俟或於四鼓披覽達旦遂忘寢息孜孜圖治不自暇逸歷六十餘年終始惟一虛己求言以廣視聽片詞之善必蒙采錄或星象示異水旱為沴即命羣下直陳休咎所起無所隱諱又命督撫諸臣密奏地方利弊所宜興罷者雖在萬里之外周悉情狀視若目前審官班祿必惟其當內自六卿之屬外自縣令以上臨軒召見觀其可否然後命之其以清修苦節著聞者立行甄擢以勸有位介冑之士無小大必親試其能開霽天顏從容詢問寸長微績並加獎勵人皆感激自奮 聖性天授一經親謁歷久不忘故文武之選程材使器官得其人人稱其職 皇考智勇天錫妙算如神三逆未叛之前即燭其終為悖逆宜早定大計遣大臣趣召之吳三桂果反耿精忠繼之乃宣睿略簡禁兵守荊州安慶鎮江為犄角勢命諸大臣為大將軍分道並進三桂自出

東華錄

雍正十

聖

至衡州湖南皆陷王師扼之於岳州用戰艦據江湖斷賊餉道三桂憂怖死遂拔岳州盡收湖南地由陝西取漢興定四川明年定貴州又明年定雲南逆孽自焚餘黨悉平精忠兵出仙霞旁擾溫臺大兵遏之衢州屢摧其鋒遂北入仙霞順流而下精忠自縛營前溫臺賊悉破散尚之信最後反王師北自韶州東自潮州楚之之信束身乞降其間孫延齡陸梁於桂林王輔臣潰亂於甯羌戈鋌所指不久就俘常賊勢之熾大江以西五嶺以南悉為賊踞烽火幾半海內 皇考默運神謨不動聲色八載之間再定寰宇廓清氛翳耿精忠之亂鄭經自廈門盜踞下游三府精忠敗大兵乘勢復三府經遁歸廈門越二年克廈門經遁歸臺灣以海舟守澎湖為門戶 皇考決策命帥治藤脆以六月乘北風攻澎湖再戰破之臺灣震誓乞降遂以其地為郡縣海氛起於明季自鄭成功

巢穴茲島傳子經及其孫歷三世出沒為閩南患至是悉靖察哈爾部布爾尼者元之遺裔其先世納款獻傳國璽故荷特恩尚主封王父阿布奈漸為狂恣 皇考不忍置諸法羈諸盛京俾布爾尼襲封召之不至遂以所部叛遣將帥禁旅討之兩月之內殲厥渠魁招撫其眾北藩以甯鄂羅斯風慕德化奉職貢乃其邊人羅利踞雅克薩城納我逋逃以擾索倫與師徂征拔其城縱其俘振旅而還會鄂羅斯之國王遣使上疏謝罪命大臣往定邊界東北數千里延及海邊胥隸版圖厄魯特者元之牧牲人也其頭目鳴爾丹梟桀習戰鬪劫服諸番殘回子數百餘城復與喀爾喀構難潛劫其眾故喀爾喀七旗數十餘萬眾皆稱臣內附 皇考親巡塞外受其朝謁錫之名爵頒諭兩部落息兵甯人鳴爾丹願頑梗弗率以追喀爾喀為名闖入邊界 皇考計安藩服躬申天討以

東華錄

雍正十

聖

康熙三十五年春親統六師由中路直抵克爾倫料賊必逸而西別遣大將由西路進兵圖拉噶爾丹聞天兵至棄其輜重連夜西奔恰遇西師於昭莫多大破之噶爾丹收合餘眾竄伏窮荒其冬車駕再出至鄂爾多斯遣使招附明年春又出甯夏循賀蘭山哈密擒其子以獻其族類丹濟拉等潛輸誠款師次狼居胥山天兵四布噶爾丹勢孤援絕仰藥自盡丹濟拉攜其遺體及其子女人口來歸朔漠蕩定其兒子策妄阿喇布坦素與噶爾丹有隙乘其南發潛據其地誘致逋逃種類漸滋因圖青海諸部及西域諸番暗遣人攻拉藏殺之掠據藏地 皇考以太宗文皇帝時班禪額爾得尼達賴喇嘛知東土有聖人遣使歸命追念厥誠不可以勿救於是分遣將帥率西甯諸路之兵自青海入四川雲南之兵自拉里入整旅前驅不遺一矢遂定藏地復達賴喇嘛之位安西



域之眾其他西番諸國無不欣喜感戴委盾恐後軫念東南水患  
屢勸舉華躬視河淮每步長隄或駕小舟周回觀覽高下險易瞭  
若指掌授策河臣罔不奏效開中河以避黃河八十里之險治下  
河則疏人字芒稻河注之江溶蝦鬚諸溝注之海治清河則培高  
堰塞六壩以蓄其勢開張福口裴家場以暢其流治黃河則浚雲  
梯關以通海口築挑水壩開桃莊引河以導其北向築減水壩修  
鹽河以洩其旁溢於是淮不東漫而北敵黃黃不南灌而東趨海  
下河七州縣化浸爲沃農桑徧野漕艘商舶上下數千里安若衽  
席其在畿輔之內則隄子牙而漳滏滹沱無泛濫開柳岔口而蘆  
溝不橫決皆 皇考頻年巡省面授經畫用迄於成績勤求民瘼  
凡所在陽雨之期封疆大吏隨時奏聞偶有旱潦無不周知賑恤  
之恩不稽旬日籌畫詳盡溥徧優渥故雖有愆伏而民忘其災遠

東華錄

雍正十

聖

至蒙古諸藩並塵 睿慮分遣使臣教以網罟耒耜之利俾之鮮  
食艱食每聞積雪荒歉即賜之牲畜米糧咸獲贍給康熙三十六  
年朝鮮以大饑告截河南漕米由登州汎海發盛京倉儲合水陸  
運至數萬石平糶賜賚凋瘵盡起舉國怵慶蠲租之詔無歲不下  
所在災傷見告即與減除積年逋負輒免追徵積算無慮億萬計  
人用底於殷阜四十八年特赦遞免天下地丁錢糧三歲而徧八  
埏之內次第雷被寬仁之澤決於黎蒸隆冬停流遣之期盛夏解  
圍圍之禁法司奏獄多所矜釋和氣薰陶萬方康泰至於三藩之  
亂所全者不可勝紀明降救諭尙之信耿精忠罪大惡極法應及  
族但念尙可喜耿仲明航海歸誠著有勞績其兄弟俱從寬免罪  
屬下人有父兄子弟在賊中者一無所問又如噶爾丹子女赦弗  
誅俾子有室女有家仍官其子自秦漢以來叛逆之條夏及宗室

東華錄 雍正一〇

橫枉無辜 皇考宏曠蕩之恩遂除二千年誅戮慘酷之弊慎茲  
祥刑復於三代興行教化申之以告誡 御製訓飭士子文刊於  
學宮 聖諭十六條頒於州縣訓詞深厚丁甯周至士習民風於  
焉丕變崇敬先師表章前賢東巡狩至於兗州親詣闕里致祭  
孔子拜跪之儀有加於往代廣賢裔博士之封宋儒周邵二程張  
朱皆稱子而不名升朱子祀於堂壽考作人開鄉會試者各二十  
有二科髦俊蔚興相繼輩出增江浙入學名數廣直省鄉試解額  
文思光被苗穡之秀隸籍鬯宮島上君長遣子弟就業辟雍窮山  
越海靡然嚮風右文稽古命儒臣纂修周易折中圖象卦爻之蘊  
親加論定又修書詩春秋傳說彙纂性理精義朱子大全經籍之  
道煥然大明又親授詞臣考訂律麻合天津諧真度誠萬世不易  
之法按北極之高測地理南北東西差得皇輿全圖其他所編輯

東華錄

雍正十

聖

卷帙繁富充於內府聽政之暇喜操翰墨文成典誥詩爲雅頌書  
跡神應天矩爲百代楷模閭五鈞之弓射大鐵之矢發則必中  
必洞貫文事武備並臻其極所謂天縱之聖又多能也致敬前代  
禮踰常典自夏商以迄元明帝王膺麻服者咸入廟而享祀焉前  
後南巡親祭明孝陵者三又欲封其後裔俾承世祀予小子祇奉  
遺言錫之侯爵公卿大臣戎行將帥多服官至四五十年 皇考  
眷待耆舊恩禮優渥凡朝會謙享龐眉皓首濟濟盈庭三代而下  
誠爲盛典 皇考自幼齡奉 孝莊文皇后慈訓凡飲食起居視  
聽言動皆有矩度盛德自然周旋中禮端辰莅政天顏肅穆雖宮  
庭間譙一言一笑不以假人太和元氣充於四體冬不鏽而自溫  
夏不扇而手足未嘗濡汗正衣冠尊瞻視終日儼乎若思逮於耄  
齡聖敬日躋敦尙儉素衣不辭澣濯食不取珍異宮掖人數至少

一一三三



光祿寺一歲所費較之前代僅十之一服御器用歷久不易未嘗以故敝棄遺巡幸所至不煩民間一物宮室舟舫純用樸斲無丹青之飾秉德謙冲自平定三逆肅清朔漠凱旋告功及五旬六旬萬壽節五十六年聖曆國家大慶諸王公文武臣僚太學生徒京兆耆老履請恭上 尊號雲集闕下備陳丹懇 皇考頻下諭旨讓而弗居於戲惟我 皇考躬備聖德久道化成風教翔洽錫福烝人胥躋仁壽乃至鳥獸草木咸若守成之業恢於創造拓開疆宇廣表各數萬里在昔未賓之國重譯踵至戴天覆地含生負氣之倫莫不尊親自有生民蓋莫盛於斯日者然且兢兢業業緝熙單心敬上天之明威察下民之視聽焦勞萬務未嘗以天位為樂憂勤惕勵以迄於終身是所以接堯舜禹湯文武孔子之心傳優入聖域而仁覆天下也康熙六十一年十一月甲午崩 聖

東華錄 卷之十 聖 壽六十有九雍正元年九月丁丑葬 景陵謹拜稽首而作頌曰

維我皇清 上天眷命二儀凝祉 三朝為慶 皇考紹烈建中表正竇聰賈明乃神乃聖翼翼昭事仰格 高穹化將道贊祭以誠通虔承 九廟孺慕 兩宮大孝備矣至德光融爰在冲年夙成睿智致泰之基徵乎言志日就月將古訓是嗜理數兼該窮源抽祕萬極在御入表君臨克勤於政無逸為箴求衣忘食日昃宵深慮周禹跡事塵堯心廣聽並觀樹旌建鼓無情不達有善必取四門攸聞百司式敘文采珪璋武羅貌虎苞有三孽怙勢悖恩獸運神機載奠乾坤旆麾烽息鸞指鯨奔提封式廓截海為藩元裔速辜不修厥職禁旅一臨兇渠伏殛羅刹擾邊邊帥討賊拔城縱俘感恩懷德維彼雄梟搆難比鄰比鄰內附稽顙稱臣敢抗明詔怙惡不悛 天子三征掃蕩邊塵茲遺孽構氛西徼自恃荒遐

狂跳縱暴堂堂天兵何幽不到底定三危恩同再造瑤池之水崑崙之岡窮域絕漠越海踰洋書傳所記咸我版章敷天率土無不來王睦念河淮煩乘四載既安二瀆亦通百派一授成功萬世永賴胥樂同愛仁膏徧沛周詩時邁虞典歲巡省方詢俗輦路生春蠲租賜復歲有恩綸惠心溥渥益道平均賜雨偶愆恩澤已布朔漠朝鮮同沾膏露象魏既懸雜竿屢樹貫索其空析揚可厝德惟善政道在遺經紆御東魯親奠兩楹禮明樂備檜柏增榮光華復旦天下文明覃心四府研精儒術典籍大興英髦踵出爰在璣衡協時正日玉振金聲審音調律海涵地負大哉王言鸞鳳翥煥乎宸翰文經武緯異用同源道高能博藝備德尊歷代帝王祀典彌厚備列几筵光延邊豆修敬前朝親臨鐘阜三恪垂封烝嘗有後功勳耆舊恩禮優容龐眉皓首濟濟雍雍攜謙克讓川受谷冲

東華錄 卷之十 聖 壽六十有九雍正元年九月丁丑葬 景陵謹拜稽首而作頌曰

穆穆其敬安安其恭六幕啟宇八垓肇域維我 皇考憂勞靡極三靈集祐五紀膺麻維我 皇考克勤不息貽我臣庶食德難忘貽我子孫卜世無疆昌瑞之山峯峙川長功德穹碑天日同光○已卯諭內閣三農仰資雨澤所重尤在春時今年三月間直隸地方雨暘不一朕念切民依時時體訪昨閏三月十一日京師及近畿之地俱得雨澤而蘇州僅有微雨不能霑足朕向來屢降諭旨凡水旱災禱之故或因朝廷政事闕失或因該省大吏及該郡邑有司有乖職守各致愆尤或因本地風俗偷薄人情澆漓此數者皆足以上干天和致使陰陽違序古人言此最為詳備而朕研究天人感應之理確然知其不爽是以往復諄諄訓諭中外期於共相儆勉修人事以格天心此念無一刻或忘也今春畿輔遠近雨澤不均朕再四思維不得其故昨見保定府舉人蘇庭條奏請將



本年帶徵錢糧緩其徵收而又故爲迫切愁苦之詞欲以聳動朕聽卽此可知小民之心無時足當收成偶歉之際朕多方拯恤比歲緩徵而小民皆習視爲固然迨及歲已豐熟全不念租稅乃惟正之供輸將乃分內之事仍思遷延僥倖遂其私心轉覺納科完糧爲意外之事相對展轉志氣不舒遂致上干天和甘雨不能應時而降既忘朝廷撫綏之深恩又忘上天錫福惠民之大德人情如此尙得謂之風醇俗厚而可邀上天之眷佑乎夫錢糧出於地畝凡應完國課者皆係有產業之家並非無力窮民可比豈有上年豐收之時全不籌及於今年國課之理假若民力果屬艱難該地方大吏有司自然體朕宵旰勤民之至意暫緩催科斷不忍過於迫急竭民力而違朕旨也朕因小民習染既久私欲難除不識君民一體之情不知天人感召之理致干上蒼譴責垂慈示儆

東華錄

雍正十

至

朕心深用惻惻切加訓飭果能遵朕諭旨安分守法循理奉公則俯仰寬舒心志暢適古人云和氣致祥將見五風十雨大有頻書斷不憂水旱災祲之爲累若宵小無知以爲朕因催科降此諭旨則不但不知朕教養之深恩抑且昧天人感應之理矣著直隸總督督率有司體恤民隱教養兼施將朕此旨通行出示曉諭使遠鄉僻壤之民詳悉知之○庚辰諭內閣九卿翰詹科道等昔日聖祖仁皇帝辦理天下事務六十餘年事事熟練故當奏事之時諸臣奏畢卽令退散不必久待自朕辦理以來於大小政務未能洞悉周知而其果否悉合機宜之處亦未能自信每欲與諸臣商榷計論以求其當是以諸臣奏事前來每多留一二時每令膳房頒賜飯食俾得飽餐以辦公事不至枵腹久待此朕體恤之至意也至於光祿寺每年動用錢糧仍遵 聖祖仁皇帝當年舊額無

所增益其因添桌飯而支用者朕則另發內帑以給之朕躬行節儉教導天下時以撙節愛養爲心而此等多費之處實以辦理公事之故第恐眾人不知或以每日多備桌飯花費錢糧輒生議論故特將此細事諭令知之○辛巳宗人府議奏輔國公阿布蘭擅將 玉牒底本私交隆科多應革去公爵嚴行圈禁得旨阿布蘭著革去輔國公在伊家圈禁 玉牒關緊要隆科多向阿布蘭將繕錄清本要去收藏在家是何意見著問隆科多將情由回奏○刑部遵旨議覆苗蠻黎獐改土歸流地方官弁兵役有勒索財物應分別數目治罪贓銀追給還主得旨此等應追入官銀兩卽限內全完亦不免其罪永著爲例○乙酉諭內閣聞會試舉人感朕特恩以今年爲朕五十萬壽特於京城寺廟設立經壇以申頌祝之意此舉甚爲虛妄朕臨御天下孜孜求治凡所行之事惟以

東華錄

雍正十

至

循理爲本誠以理之所在卽天意所在感孚默應捷於影響若朕所行悉合於理則問心無愧之處卽可以對越神明而輿情之頌祝與否皆可置之不問也朕儆戒乾惕之功無時或釋舉人乃平日讀書明理之人當效法古之聖賢豈可爲此世俗誕妄之舉且朕正念士子貧寒歸途艱於資斧是以賞給路費今乃費於無用之地尤不能體朕之心矣其所設經壇卽行禁止朕又聞各省督撫因朕今年五十萬壽欲購寬玩好之物以爲進獻者此舉尤爲不可夫地方大吏偶有進獻方物土產者不過借此以達其瞻仰之意而朕之酌量收納又復隨便分賜廷臣者亦所以聯君臣上下之情若今年亦止照每年之例備辦尙准其奏達朕前備別有玩賞之物槩不寓目朕仰賴 皇考福庇在藩邸數十年所蓄器玩頗有及卽位後見宮中傳留古玩器皿皆質樸之物實無奇異



爲人所罕見者言之於人亦令人難信視朕藩邸所藏尙屬不逮朕深用抱愧於懷當日二阿哥在東宮時廣蓄奇巧珍貴之物數倍於 皇考宮中之所有朕仰思 皇考恭儉至德實可垂法萬世欽服之誠切於五內益覺二阿哥之所爲實屬無益當爲鑒戒也朕既深知二阿哥之非若朕此時復留心玩好廣收進獻則將來子孫之賢而有識者豈不以此爲朕躬之累乎朕意欲俟暇時將宮中所有之物或係 皇考流傳或朕藩邸舊蓄一一分晰標記以明 皇考之儉德俾世世子孫共知之又安肯多收玩好以滋朕心之愧乎朕激清吏治令督撫諸臣共勵廉隅卽量予公費不過供其日用之需安有餘貲搜求玩器儻轉索之於屬員則又開下吏逢迎奔競之漸尙望其秉公督率整飭官方乎朕心惟以民安物阜爲美薦賢舉能爲貴儻督撫等秉公察吏實心爲國行東華錄 雍正十 聖

一利民之政勝於獻希世之珍也薦一可用之才勝於貢連城之寶也當年 皇考五十萬壽時朕再三懇請慶賀不蒙 俞允若以朕所強求而不能仰得 皇考歡心者今朕五十壽誕躬自舉行於心實有未安至於設立經壇建立碑亭等事在 皇考當日甚鄙而厭之因見諸臣願懇之切隨便聽其舉行乃朕所深悉者而其中羣下隱情在 皇考實不能深知朕居子臣之位四十年於臣庶情形皆所親見是以不肯復爲內外諸臣其共體朕心祇遵朕諭殫竭誠意屏絕虛文勉之勉之○諭各省建立忠義節孝祠宇及賞給老民老婦布絹米石皆係朕之特恩凡地方有司自應實心奉行以彰朝廷曠典昨據安徽巡撫參奏太湖縣知縣冒開老民數至二千餘名之多卽此則各省有司之奉行不能無弊可知矣建立忠義節孝祠宇表揚德行在地方有司獎善慕義之

公心卽捐輸已貲亦當勇往今朕動用國帑爲之建立而承辦各官尙忍於冒銷錢糧草率從事以致易於傾圮有此情理乎著行文各省督撫詳加察勘有無冒銷果是堅固之處不得容其蒙混並令各地方官將所建祠宇造入盤查冊內前後交代儻工程不堅未久卽至坍塌者仍著落原辦之人賠補至於永遠照看修葺則係地方官分內之事若能隨時整理所費不過數金多亦不出數十金甚易爲力嗣後責成於地方官則彼視爲己事時時留心大於祠廟有益儻准其動用正項錢糧修理不肖有司必致借端開銷而奸胥猾吏又從中侵漁入己有名無實屋宇必致頽壞負朕彰善闡惡之至意矣太湖縣冒開老婦名數業已被參各省州縣必有冒濫開銷及胥吏蒙混侵蝕等弊著各省督撫一併確查如該地方官將浮冒之處自行出首免其治罪儻仍隱匿不報或東華錄 雍正十 聖

經旁人告發或被督撫科道等題參定行嚴加治罪○丙戌諭宗人府宏昇辦理旗務並不以事爲事多方教訓不知悛改著不必辦理旗務嚴加議處具奏尋議宏昇身受隆恩封爲世子委以重任並不實心效力應革去世子得旨宏昇著革去世子交與伊父允祺在家嚴加訓誨若不能約束仍致妄行生事定行一併懲治○兵部議准雲貴總督鄂爾泰奏湖廣五開銅鼓平溪清浪四衛改歸黔省管轄應設官兵防守五開銅鼓請將黎平協官兵撥防查黎平協原設副將一守備一千總二把總四兵六百二十名今加五開銅鼓二衛地方遼闊恐難兼顧應添設守備一兵三百八十名合原設之官兵分爲左右兩營駐防平溪清浪乃水陸要衝應撥鎮遠協分防思州之遊擊一駐紮撥把總一兵一百五十名分守平溪把總一兵五十名分守清浪至思州係府治亦不可



無官防守應於鎮遠協內撥千總一兵五十名駐防其自湖廣歸併黔省之天柱營所有參將守備千總等應令黎平協副將兼轄再平溪清浪二衛請照五開銅鼓之例改爲二縣設知縣典史教諭訓導各一從之尋定五開新改縣曰開泰銅鼓新改縣曰錦屏平溪新改縣曰玉屏清浪新改縣曰清溪○是月免廣東東莞等縣上年水災額賦有差

夏四月丁亥朔諭內閣大學士富甯安在 聖祖仁皇帝時宣力多年清操素著領兵邊塞十有餘載備極勤勞自朕卽位以來見其辦理軍務恪慎周詳及簡任大學士公忠誠實靜鎮和平甚屬可嘉著加太子太傅以示優眷○以班第爲理藩院額外侍郎願魯爲內閣學士由內閣侍讀學士遷○戊子議政王大臣等議奏吐魯番回目白斤伯克奏請照前每年差人請安進貢應不准行得旨所議

東華錄

雍正十

五月

甚是但止令員外郎升柱遣其歸去而不言其故所見甚小辦理天下事務莫貴於誠理應以誠實曉諭之曰前策妄阿喇布坦無故來侵哈密又騷擾西藏 聖祖皇考將沿邊官兵兩路分發爾吐魯番當進兵大路若不先取爾吐魯番斷乎不可故取吐魯番留兵防守以保護爾等後策妄阿喇布坦悔過輸誠遣使根頓博洛胡爾哈特來請罪朕仰體 聖祖皇考之心卽將大兵撤回撤兵之後策妄阿喇布坦或以爾等歸順天朝尋隙生事將爾等騷擾亦未可定朕軫念爾等曾降諭旨有情願隨大兵同來者聽故拖克拖麻穆忒移來內地安居樂業爾等想已聞知今爾等奏稱請仍照前差人來京凡外藩部落人等請安進貢從無禁止之例所以不令爾等來京者誠恐策妄阿喇布坦騷擾爾等耳爾等如云策妄阿喇布坦卽便發兵亦不畏懼可以保吐魯番萬無一失

朕亦不禁止爾等但恐將來策妄阿喇布坦騷擾爾吐魯番之時爾等雖欲奏報內地相隔甚遠大兵一時不及救援也著行文與升柱等曉諭吐魯番回目知之○己丑吏部遵旨將會試下第舉人挑選各省效法引見諭教官有董率士子之責果能實心訓導使諸生讀書循理無佻達巽陵之習則齊民有所觀法風俗可望醇厚所關非淺鮮也乃向來教官因循偷惰全不以教訓爲事朕屢頒諭旨而積習如故因於爾等下第舉人中擇文理明通者引見命往諭爾等科分名次尙非應選之人朕加恩特用務須勉力供職加意訓誨六年之內如果著有成效督撫題薦朕格外加恩如有負職守經督撫題參朕不姑容也○查弼納緣事降調仍命署兵部尙書以福敏爲吏部尙書查郎阿爲左都御史仍辦理吏部事由吏部左侍郎遷○以正黃旗漢軍都統協理兵部侍郎事黃國材

東華錄

雍正十

五月

署兵部尙書○辛卯 上御太和殿賜彭啟豐等二百二十六人進士及第出身有差○壬辰申禁黃銅器皿○雲貴總督鄂爾泰奏鎮沅府猥賊於七月十七日夜縱火肆掠威遠同知署鎮沅府知府事劉洪度被害隨調元江協副將張應宗等領兵前往陸續獲賊首刁如珍等五十餘人賊黨百餘招回夷民三千餘戶得旨猥賊聚眾妄行大干法紀在事官弁奮往效力殊屬可嘉著交部議敘其被傷官兵著交鄂爾泰查明分別優卹○癸巳諭內閣從來爲政在乎得人書曰野無遺賢萬邦咸甯蓋賢才登進仕位者多則分猷效職庶績自能就理而民生無不被其澤也朕卽位以來加意旁求凡所以延訪擢用之道無不備至如見任官候補候選科目諸人每特令薦舉遴選引見廣開錄用之途冀收羣策之力又念各省學校原以養育人材命學臣保舉賢能升聞於朝以



備任使乃直省學臣所舉人數不多又或草率塞責不能副得人  
之實夫十室之邑必有忠信古者取人之法惟鄉舉里選合於三  
代之制今直省府州縣學貢生員多者數百人少亦不下百餘  
人其中豈無行誼醇篤好修自愛明達之士乎著州縣官會同該  
學教官將貢生員內居家孝友行己端方才可辦事而文亦可  
觀者秉公確查一學各舉一人於今年冬底申報該上司奏聞請  
旨或實無可舉者出具印結該督撫查實奏聞朕因廣攬人材舉  
此曠典所以黜浮華而資實用州縣教職為一方師長選賢薦能  
乃其專責儻敢虛應故事濫舉非人照溺職例革職或徇情受賄  
則當重治其罪八旗之滿洲蒙古漢軍亦照此例將人品端方通  
曉漢文者著該佐領各舉一人如不得其人亦具印結令該都統  
彙齊奏聞請旨庶使潛修篤行之士得以表見而國家亦收得人  
東華錄 雍正十

之效矣○以兵部尚書何天培署江南江甯將軍○實授眾佛保  
理藩院左侍郎班第理藩院右侍郎○乙未廣西巡撫韓良輔奏  
移駐官弁事宜一查柳州設有同知通判各一經歷司獄各一今  
將柳屬之賓州改為直隸屬以四縣則柳州同知似屬冗員應裁  
至慶遠一府所轄一州四縣並南丹那地東蘭忻城等土州縣幅  
員遼闊苗獠雜處乃設知府而無同知通判請以所裁之柳州同  
知改設慶遠府同知一轉移間大有裨益一查上林之三鎮在縣  
城東北一百四十餘里接界忻城安定二土司故明時號其地為  
東西二撫民設立思吉周安古蓬三鎮給官田養贍土兵歷經三  
百餘年忘其舊制奪田爭立積案纍纍擬將思吉鎮之兵田查出  
分給土兵歸於三里營守備管轄輪撥經制千總一員以統制之  
並移佐貳一員協同守備暫駐思吉播以恩威俟思吉馴服之後

再及於周安古蓬俾一一革心向化一查上林縣處於安定古零  
忻城諸土司中所屬之東西二撫民及思吉等三鎮即故明所平  
八寨菁深山密嶺悍難泊向屬柳州府轄雍正三年前撫臣李紱  
請改隸賓州之後一切要務徑達該州賓州又無官兵足資彈壓  
實於機宜未協若將上林改屬思恩府將三里營改屬思恩協不  
獨文武相去咫尺便於調度且將來經營三鎮其地既屬思恩則  
同知可以暫駐三里營與備兵協同辦理而思恩府協之聲威足  
以制服叢獍其古零安定等土司逐漸撫綏不難矣得旨著孔毓  
珣會同東西督撫提督議奏尋議柳州府應裁同知一慶遠府應  
添同知一俱准其改設其思吉鎮應移佐貳一請即將上林縣之  
三畔鎮巡檢移駐至新經改屬賓州之上林縣及三里營請應照  
舊制屬柳州府轄毋庸議改餘均如所請行從之○丁酉刑部議

奏奉天府府尹蔡珽應許戴鐸求託轉奏等案應擬斬立決妻子  
入辛者庫財產入官得旨蔡珽著革職將此本暫收內閣俟伊四  
川案件審結到時一併進呈○戊戌宗人府議奏允祿於禁所藏  
埋壓魃歷供不諱又供出與阿其那共為不法應立正典刑得旨  
允祿著免其正法仍舊禁錮○己亥以布蘭泰為戶部右侍郎仍  
署湖南巡撫○實授塞楞額山東巡撫○禮部議覆鑲黃旗滿洲  
都統鄂善奏鄂善之高祖尚善自沾河歸誠蒙 太祖高皇帝殊  
恩將親妹公主下嫁因在盛京薨逝未得冊封懇請追給封典應  
如所請其應封固倫公主和碩公主之志恭候 欽定得旨著封  
為和碩公主○庚子以蔡世遠為內閣學士由少詹事遷○辛丑諭內  
閣朕今年五十已有諡旨不行慶賀禮昨楊名時南天祥摺奏俱  
稱今年進京慶祝萬壽朕思 聖祖仁皇帝久道化成聖德神功



際天蟠地當年五十 聖壽之時尚未允行慶賀之禮今朕臨御以來雖時時有勵精圖治又安海宇之心而實在善政善教可以造福於社稷蒼生者何事堪以自信正當君臣交相倣勉期於有成又安可爲此粉飾之事以滋煩擾乎朕之待下惟有一誠諸臣果矢誠懇之念於隱微寤寐之中尊君親上如詩書所載元后父母之誼豈不勝於拜舞形埒效稱觴祝嘏之儀節乎外任諸臣俱不必具本奏請來京止照常年之例行若有因地方事務應來京陛見者朕自另降諭旨其各省耆民等若有欲來京慶祝者著地方官切止之再各省地方若有指慶萬壽建立經壇或聚集梨園誼譁糜費者此皆生事不安本分之徒誘惑愚人希圖財利尤宜嚴禁儻有司不行禁止經朕訪聞定照欺罔之律治罪○添設宗人府宗室御史二屬都察院轄○壬寅調阿克敦爲吏部左侍郎

東華錄 雍正十 癸卯佛喜緣事降調以承福爲盛京兵部侍郎

仍署廣東巡撫轉圖理琛爲兵部左侍郎調永壽爲兵部右侍郎

莽鵠立爲禮部右侍郎以塞爾臣署刑部右侍郎○以岳爾岱爲吏部右侍郎

○吳爾泰緣事降調以承福爲盛京兵部侍郎

○乙巳諭宗人府瀋親王子弘曙愚昧怠惰並無勉勵成人之意著將其長子革去伊弟弘曠人老成著封爲長子○議政大臣等遵旨議准雲貴總督鄂爾泰奏中甸一區爲雲南西面藩籬延袤二千餘里應設弁兵以資控制但中甸雖地大民眾天氣寒冷不能種植維西一帶天氣和暢又接鶴麗鎮釧川協之汛防外通西藏實緊要之區應於維西建立大營設參將一千總一把總一兵四百名駐紮中甸地方應設守備一把總一兵丁二百名駐紮中甸之格咱地方應設把總一兵五十名奔雜拉渡口應

設把總一兵五十名祁宗喇普二處應各設兵五十名阿墩子應設千總一兵一百五十名瀾滄江應設把總一兵五十名其守備千總兵丁統屬於維西營之參將仍聽鶴麗鎮統轄則聲勢聯絡呼應得靈其設兵一千名應於鶴麗鎮抽兵四百名釧川協抽兵二百名援剿左右兩協抽兵四百名撥歸維西營餉銀移彼就此已敷給放其所設營弁應裁援剿右協守備一兩協標千總各一把總各二撥補維西營止須設參將一轉移開內外營制俱合機宜而兵餉不致增添得旨維西一區乃通藏之路甚屬緊要今令兵丁移駐邊遠地方搬移家屬等項不可節省錢糧必須豐裕足用著降旨與總督鄂爾泰辦理餘依議○丁未署湖廣總督福敏奏諺沖花苗蠢動經臣會商黔省協力擒捕今黔省委撥遊守二員帶兵三百五十名臣委遊擊吳文都司劉策名帶兵三百名

東華錄 雍正十 會齊進剿黔兵堵截後路楚兵從前路直抵賊寨兇苗四散逃竄深箐官兵深入搜捕務盡根株俟事竣日查明疆界作何安設塘汛巡防善後之策臣與黔省督撫提臣會同酌議奏聞諭閱奏捕苗情形深愜朕懷此番籌畫甚合機宜○戊申移雲南鶴慶府通判駐維西添設釧川州判一駐中甸○己酉諭內閣治天下之道在於用人今日刑部堂官塞爾圖等保舉筆帖式一人升補主事朕問其在部辦事幾年對曰三月又問所以保舉之由則曰因伊坐臺十二年是以舉之朕令內外各衙門遴選人員者原期官得其人人稱其職使吏治民生均收實效也況刑部爲民命所關朕尤加意慎重惟恐用人不當使刑罰偶失其平干天和而枉國法此意乃舉朝所共知者塞爾圖等以朝廷量能授職之典視爲用情市恩之地此不過身受者一人感激而已欲有益於國家之



事生眾人鼓勵之心豈可得乎朕治天下用賞用罰悉秉至公夫賞所當賞則在朕並非加恩而受之者不必私感罰所當罰則在朕並非用威而受之者亦不當懷怨凡受恩而生感者即受罰而生怨者也施恩而喜人之感激者即受罰而懼人之怨望者也然則喜人感激日日施恩而懼人怨望不幾置法度於不用乎塞爾爾等身為大臣乃庶官之表率今存卑鄙狹小之見既欲市賈私恩則必回避嫌怨似此私心自用即作威作福之所由也此風斷不可長是以特行宣諭令內外臣工以為戒○諭領侍衛內大臣六員實授內大臣亦著定為六員朕特旨額外補授者可准為額外之員○癸丑諭內閣朕以移風易俗為心凡習俗相沿不能振拔者咸與以自新之路如山西之樂戶浙江之情民皆除其賤籍使為良民所以勵廉恥而廣風化也近聞江南徽州府則有伴僮

東華錄

雍正十

空

甯國府則有世僕本地呼為細民幾與樂戶情民相同又其甚者如二姓丁戶村莊相等而此姓乃係彼姓伴僮世僕凡彼姓有婚喪之事此姓即往服役稍有不合加以箠楚及訊其僕役起自何時則皆茫然無考非有上下之分不過相沿惡習耳此朕得諸傳聞者若果有之應予開豁為良俾得奮興向上免至污賤終身累及後裔著該督查明定議具奏尋禮部議准安慶巡撫魏廷珍遵旨議奏江南徽甯等處向有伴僮世僕名色請嗣後紳衿之家典買奴僕有文契可考未經贖身者本身及其子孫俱聽從伊主役使即以贖身本身及在主人家所生子孫仍應存主僕名分其不在主人家所生者仍照旗人開戶之例豁免為良至年代久遠契無存不受主人家養者不得以世僕名之永行嚴禁從之

五月己未諭內閣前織造等衙門貢獻物件所進御用繡綾黃龍

袍增至九件之多又鐙幃之上有加以綵繡為飾者朕心深為不悅即降旨諭近因端陽令節外間所進香囊宮扇中有裝飾華麗雕刻精工者此皆開風俗奢侈之端朕所深惡而不取也向來外省諸臣凡有進獻方物朕每頒賜諸王內外大臣如黃龍繡段之類既不可以頒賜不過收貯於宮中耳其餘華燦之物在朕用之心尚覺不安若賜諸王大臣在伊等亦覺非分豈非費於無益之地乎況朕素性實不喜華靡一切器具惟以雅潔適用為貴此朕摶節愛惜之心本出自然並非勉強數十年如一日者凡外臣進獻惟應量加工價少異於市肆之物即可見恭敬之忱何必過於工巧人情喜新好異無所底止見美麗式樣初則競相慕倣後必出奇鬪勝此雕文纂組古人所以斥為奇袤豈可導使為之而不防其漸乎蓋治天下之道莫要於厚風俗而厚風俗之道必

東華錄

雍正十

空

當崇儉而去奢若諸臣以奢為尚又何以訓民儉乎朕觀四民之業士之外農為最貴凡士工商賈皆賴食於農以故農為天下之本務而工賈皆其末也今若於器用服玩爭尚華巧必將多用工匠市肆中多一工作之人則田畝中少一耕稼之人且愚民見工匠之利多於力田必羣趨而為工羣趨為工則物之製造者必多物多則售賣不易必至壅滯而價賤是逐末之人多不但有害於農而並有害於工也小民舍輕利而趨重利故逐末易而務本難遽然繩之以法必非其情之所願而勢有所難行惟在平日留心勸導使民知本業之為貴崇尚樸實不為華巧如此日積月累遂成風俗雖不必使為工者盡歸於農然可免為農者相率而趨於工矣至於士人所業在乎讀書明理以為世用故居四民之首然父兄之教子弟亦當觀其才質如何若果穎悟恂謹可望有成則



當使之就學而爲士若愚濁中下之資讀書難通卽當早令改業使盡力於南畝誠恐讀書不成而又粗識數字曠廢閒遊必致非分妄爲越禮犯法是浮慕讀書之名而不得其道其傷農而害本者爲尤甚也朕深揆人情物理之源知奢儉一端關係民生風俗者至大故欲中外臣民黜奢賤末專力於本人人自厚其生自正其德則天下共享太平之樂矣朕自身體力行爲天下先諸王內外大臣文武官弁與鄉紳富戶當深體朕心欽遵朕諭期共勉之

○庚申諭內閣朕覽治河方略見原任河道總督靳輔昔年修理河工勞績茂著欲加恩澤以獎勵庸據該部查奏靳輔於康熙四十六年已蒙 聖祖仁皇帝加贈宮保給與世職今著追贈工部尚書銜予祭一次以示朕篤念前勞至意○辛酉諭內閣今科選拔庶常應如何簡選考試務得人材以濟實用爾等會議具奏尋

東華錄

雍正十

查

議進士選拔庶常原屬儲才大典必得學問素優才品兼著之士方可選列清華查雍正元年癸卯科殿試後集諸進士於保和殿御試並令九卿各舉所知雍正二年甲辰科照前舉行今科進士亦應詳加考試仍令內閣九卿確行保舉其考試擬用論詔奏議詩四題或作一二篇或諸體全構聽其各展所長屆期欽點大臣閱卷進呈其進士內有彼此熟悉素爲眾所推服者亦令公同舉行伏候 皇上親加選定從之○壬戌內閣衙門議奏查嗣庭蒙恩擢用歷至禮部侍郎陰懷二心忍行橫議臣等謹將查嗣庭所著日記悖逆不道大罪並負絲請託關節私書逐款究審嗣庭亦俯首甘誅無能置喙除各輕罪不議外應照大逆律凌遲處死今已在監病故應戮屍梟示查嗣庭之兄查慎行查嗣璠子查澧姪查克念查基應斬立決查嗣庭之子查克上在監病故次子查

長椿查大梁查克續姪查開查學俱年十五以下應給功臣之家爲奴所有財產查明入官得旨查嗣庭著戮屍梟示伊子查澧改爲應斬監候查慎行年已老邁且家居日久南北相隔路遠查嗣庭所爲惡亂之事伊實無由得知著將查慎行父子俱從寬免釋放高籍查嗣庭之胞兄查嗣璠胞姪查基俱免死流三千里案內擬給功臣之家爲奴各犯亦著流三千里其應行拏解之犯該撫查明一併發遣查嗣庭名下應追家產著變價留於浙江以充海塘工程之用○癸亥阿布蘭緣罪革爵封其姪法爾善爲輔國公

○甲子宗人府奏滿都護隱匿 聖祖仁皇帝殊批諭旨應革去公爵得旨滿都護係朕親叔恭親王之子是以朕卽位時任以要職伊自委用之後總不實心爲國家出力惟戀戀於阿其那蘇努保泰等黨與甘爲犬馬不孝不忠伊弟海山人甚狂悖海山之子

東華錄

雍正十

查

倫木布 聖祖仁皇帝望其成人令隨乾清門御前侍衛處行走及 皇考升遐伊竟無滴淚朕見其如此忘恩實爲痛恨故令於伊父海山處拘禁滿都護之弟對青額庸劣無恥在侍衛班中飲酒沈醉竟在中和殿階上溲溺滿都護隱匿不參及朕聞知止於革退亦未將伊究治也海山任貝勒時滿都護任伊陵辱隱忍不露而暗將海山謀陷中傷糾伊黨與極力排擠其姦詐處朕知之最悉雖時加訓誨伊並不感恩改悔而於其黨與則甘心出其胥下伊大罪甚多不勝枚舉因伊尚無子嗣彼兄弟子姪中又無可以襲封之人是以朕俱寬免今未交 殊批之事以伊身所犯之罪較論之此猶其小者耳若將滿都護革去公爵則恭親王子孫承襲無人滿都護雖不念其父朕豈不念朕叔父乎著從寬免革公爵俟伊改悔○乙丑刑部議覆署江西巡撫趙柱奏永新縣民



朱倫三同姪朱三傑致死伊弟朱甯三一案朱倫三應擬流徙朱三傑應擬徒得旨從來兇悍之人偷竊姦宄怙惡不悛以致伯叔兄弟重受其累本人所犯之罪在國法未至於死而其尊長族人剪除兇惡訓誡子弟治以家法至於身死亦是懲惡防患之道情非得已不當案律擬以抵償如朱倫三因伊弟朱甯三屢次犯竊累伊鸞男變產代賠贖銀又復偷牛被獲故將朱甯三致死朱三傑並未與謀著將朱倫三朱三傑流徙等罪俱從寬免嗣後凡遇兇惡不法之人經官懲治怙惡不悛為合族所共惡者准族人鳴之於官或將伊流徙遠方以除宗族之害或以家法處治至於身死免其抵罪著九卿詳悉定議具奏尋議兇悍之人伯叔兄弟治以家法因而致死若必案律擬抵則不法子弟終不知所懼嗣後許族人呈明地方官照所犯罪科斷若已經官懲治仍不悛改

東華錄

雍正十

奏

該地方官查明過犯實蹟流三千里儻事起一時合族公憤處以家法致死該地方官審明所犯確有應死之罪將為首者照罪人應死而擅殺律予杖若罪不致死將為首者照應得之罪減一等免其抵償若本人並非兇悍不法無過犯實蹟而族人誣捏毆斃者將為首之人仍照本律科斷從之○癸酉召伊都立來京調布蘭泰為江西巡撫以王國棟為湖南巡撫由浙江觀風整俗使遷○命浙江布政使許容以原銜為浙江觀風整俗使以孔毓璞為浙江布政使由江南蘇○調憲德為四川巡撫馬會伯為湖北巡撫○甲戌以傅泰為戶部右侍郎由副都統遷○乙亥以雲貴總督鄂爾泰勦撫烏蒙鎮雄土府有功賞加二級並給拜他喇布勒哈番世職○兵部議准雲貴總督鄂爾泰奏貴州安順州四面環夷五方雜處請立安順一營設守備一千總一把總二將壩陽石頭寨黎兒哨山

京四汛歸併管轄即移四汛兵三百二十名分防汛守並移安順府經歷一員兼巡檢職銜駐安順州城內專司查緝從之○丙子添設湖北漢陽縣漢口鎮巡檢一○已卯刑部議覆福建巡撫毛文銓奏鹽梟彭瑞仁等致死鄭建如一案查彭瑞仁拒捕殺人明係大夥私販應令該撫訪拏夥黨並將失察各官查參得旨部駁甚是毛文銓前任貴州巡撫時朕聞其全不實心任事降旨調回時因福建巡撫員缺朕見毛文銓奏對明白且歷外任已久因諄切開導冀其悛改前非伊亦感悔流涕是以授為福建巡撫詎意下愚不移到任之後沽取虛名一切刑名錢穀事件全不實心辦理以致地方姦徒橫行官吏恣意作弊倉庫亦多虛懸每次陳奏事務俱屬虛誑枝梧朕燭照其奸屢加訓飭今又以私梟拒捕殺人案為零星小販不究訊夥黨查參失察各官似此曲法縱姦大

東華錄

雍正十

奏

負委任之意有玷封疆重任甚屬可惡毛文銓著解任留閣將此案務須據實審明定擬具奏○甲申以署兵部尚書黃國材辦理刑部尚書事工部左侍郎鄂爾奇協辦刑部事務六月丙戌朔諭內閣近有不法匪類造作訛言一人煽惑眾口喧騰以致人心驚惶良民受累如京城之訛傳挑選秀女賜西洋人浙江之謠傳海甯屠城此必姦惡之徒不肯改過遷善怨朕約束懲治甚嚴故肆其鬼蜮之伎倆搖惑眾心以希朕之畏而中止此則大誤矣朕非庸懦無能之主也如京城造言之人見在拏獲按律治罪惟是百姓等一聞浮言遂爾倉皇失措皆由平日不知朕之存心故易為所動在姦民固罪不容誅而小民無識亦殊覺愚而可憫也朕自臨御以來日夕憂勤惟以愛民為念凡所行之政所發之令無一不準乎天理體乎人情多方籌畫委曲周詳愛我



百姓實懷父母保赤之心恩勤惻怛出於至誠若有一毫不便於民立即措置得宜務使安居樂業無一夫不獲其所故地方一有不肖官員不法姦民定加懲治蓋恐姦邪一日不去良善一日不安且亦欲令姦邪改過自新同歸於善此一片真誠愛民之苦心

上蒼 后土 聖祖在天之靈鑒之凡我赤子宜無不昭然共見假如偶有傳聞其事若不合乎天理人情即應度理揆情以爲此斷非我主上所行者果如此深信不疑縱使無稽之言百端傳播亦付之不聽而消歸烏有矣浙江風俗向來澆薄士子不守禮教勢豪欺壓鄉閭恣意橫行罔知國法不得不嚴加整飭使惡黨潛蹤愚民安堵此更朕保護浙人之舉並非棄之於化外俟能改行率德之時朕自仍沛恩膏也總之姦惡之人皆不畏死誘國害民法所不宥嗣後該地方有司務期密訪嚴拏立置重典凡爾遠東華錄 雍正十

近良民當共信朕斷不肯爲累民之事一切浮言彼此相戒勿聽則俯仰順適寤寐安舒永無倉皇失所之慮庶不負朕勤民保赤之心而姦惡不法之輩亦無所逞其伎倆矣著將此發與五城順天府及各直省督撫轉行各州縣刊刻頒布務期遠鄉僻壤咸使聞知○河道總督齊蘇勒會同西安巡撫法敏山西巡撫德明署山東巡撫塞楞額副總河嵇曾筠河南巡撫田文鏡遵旨查奏黃河激清各省起止日期陝西山西於雍正四年十二月初八九等日起至五年正月十二三等日止河南於十二月初九日起至五年正月初十日止山東曹縣於十二月初九日起至五年正月初十日止單縣於十月初九日激清十六十七十八等日激清徹底至二十二日以後復舊江南於十二月十六日起至二十三日止此見黃河激清自上而下也再查河清於江南之桃源而止十二

月二十三日桃源以上迄於河南交界始見濁流自是而接壤之界以漸復舊最後山西陝西於正月十二三等日止此見濁流復舊自下而上也計陝西清三十六日山西清三十五日河南清三十一日山東單縣清十四日江南清七日實爲千年之嘉應報聞○署湖廣總督福敏參奏虧空社倉穀石各員請分別議處得旨社倉之設所以裕積貯而備緩急朕御極以來令各省舉行會屢頒訓諭務俾民間踴躍樂輸量力儲蓄不可繩以官法誠以官法相繩則勉強催迫轉滋煩擾惟期設法開導使眾樂從不至一毫擾累乃爲盡善也數年之內各省督撫奉行最力者惟湖廣總督楊宗仁今據福敏陸續盤查具奏前來始知原報甚多而見貯無幾此中情弊想因不肖有司侵蝕入己或那移以掩其虧空又或楊宗仁銳於舉行而各官迎合其意虛報穀數以少爲多均未可東華錄 雍正十

定總之舉行社倉之法其中實有甚難者我 聖祖仁皇帝深知其難是以李光地奏請而未允張伯行暫行而卽罷此實事勢使然也以民間積貯言之在富饒之家自有蓄積雖遇歉收而無藉乎倉穀則當輸納之時往往退縮不前至貧乏之家仰給社倉固爲殷切而每歲所收僅供生計又無餘粟可納以備緩急此責諸民者之難也至於州縣官實心視百姓爲一體者豈可多得今以常平之穀爲國家之公儲關係己身之考成尙且侵欺那用虧空蠱累况民間之社倉安能望其盡心經理使之實貯以濟用乎朕之舉行社倉實因民生起見又諸臣條奏多言之鑿鑿是以令各省酌量試行以觀其成效何如並非責令一槩施行也湖廣社倉虧缺之故卽交與福敏悉心清查儻穀已如數交倉而州縣侵蝕那移忍以百姓豫備之需充一己之私用者著卽於原侵那之州



縣名下嚴追賠補或民間原未交倉或交倉之數與原報之數多寡不符者若必欲令民間照數完納恐小民力有未敷未免竭蹶非朕曲體民隱之意福欲辦理此事必須至公至當方於吏治民生兩有裨益也自古有治人無治法必有忠信樂善之良民方可以主社倉之出入必有清廉愛民之良吏方可以任社倉之稽查各省官民果能實力奉行而善全無弊朕實嘉之至於繩以官法而好尚虛名則有司奉行之不善負朕本意矣○丁亥諭內閣學政一官所以化導士習養育人材職任甚重近年以來各省督學諸臣頗能仰體朕心祇遵朕訓矢公矢慎杜絕苞苴深可嘉獎但向來學政恣行貪劣以國家興賢造士之途視為射利營私之地此固本人之不肖而亦大半由於提調官員贊成之也其學政之秉心貪劣者與提調官通同作弊固不待言而學政之可與為善

東華錄

雍正十

充

可與為惡者提調官則引誘之或挾制之使不得全其操守而於其中網取厚利此提調官之惡習而天下之所通知者也學政原有關防若提調官持正秉公則學政必不能肆行無忌學政果能公明廉潔提調官更當敬禮而玉成之豈可反導之為非乎提調與學政相為表裏嗣後學政聲名不好應將提調官一併議處其如何定例之處著九卿會議具奏尋議學臣考試凡關防啟閉以及拆卷發案俱經提調官之手如有通同作弊者應照貪官例革職提問如學臣私鬻名器提調官防範不嚴照溺職例革職如有胥吏招搖受賄等弊提調官不行訪拏別經發覺照失察衙役犯贓例議處儆學臣操守清廉提調官反為引誘挾制者准學臣即行指參照貪官例治罪從之○己丑諭內閣朕所交事件甚多諸大臣因何不行覆奏若事不可施行應將不可施行之處聲明具

奏朕不憚暑熱竟日坐勤政殿竟無事辦而諸大臣如此因循不奏其意將誰諉乎著內閣將朕交與各該處一切事件俱查明具奏嗣後奉特旨所交事務並揀選引見人員等事著該處每月將已結情由聲明交送內閣於月底彙奏尋議臣等遵旨行文各部院衙門將一切事件每月聲明已結未結情由送閣彙奏外其內務府另設有御史應仍交該御史稽查步軍統領所辦之事與別衙門不同應行交步軍統領奏聞八旗向有當月人員應交當月之都統副都統等查奏得旨步軍統領衙門事件亦著派滿漢御史各一員稽查辦理○辛卯諭內閣常平倉穀乃民命所關數年以來朕為此事宵旰焦勞諄諄訓誡若地方大小官員苟有人心斷不忍置之膜外查福建通省應貯米穀共一百七十八萬石為數可謂足矣乃上年稍覺歉收米價略長而地方大小官員與兵

東華錄

雍正十

年

民之心皇皇以缺米為慮彼時朕即疑閩省積貯之數必有虧空故地方情形若此也近聞閩省各屬倉穀錢糧虛懸甚多有銀穀兩虧者有無穀而僅存價值者至於實貯在倉者則十無三四毛文銓身為巡撫奉朕面訓切諭乃將無作有捏稱實貯在倉敢於欺罔且忍以百姓性命之所需供屬員之侵那作弊負國負恩莫此為甚向來直隸江西二省倉儲不實經朕特遣大臣前往逐一清查並遴選人員命往將虧空之州縣官即行更換是以二省倉穀漸次清楚今閩省積弊若此亦當特遣大臣會同新任巡撫常資將通省倉穀秉公據實一一查清其揀選府州縣等官著即帶往並前所發人員遵照諭旨分別題補委署如有查出虧空之州縣並失察之知府等官即將伊等解任審追其員缺將前後命往人員應題補者題補應委署者委署務期徹底澈清不使絲毫蒙



混以副朕察吏惠民之至意○癸巳諭內閣倉場米石乃國家第一要務試思此項米石民間輸納何等辛苦官員徵解何等煩勞糧船運送京師何等繁難一顆一粒皆當愛惜不忍輕忽朕為此時加訓飭曾降旨令修理倉廩不惜多費帑金務期完固托時陳守創身為倉場侍郎自當仰體朕心悉心料理昨朕特遣大臣等前往查看京通各處倉廩屋瓦滲漏牆壁損壞者十居八九所貯米石漸至潮溼霉爛夫以如珠如玉之米糧而視為泥沙棄擲忍心害理莫此為甚若不嚴行稽查無以儆愆而清弊端在京十倉每倉派都統或副都統各一員御史中不論滿漢每倉各派一員專任稽察之責所有米石出入支放奏銷事件仍屬倉場侍郎管理其房屋滲漏牆垣損壞與倉內鋪墊及匪類偷竊一切情弊俱交與派出之都統副都統御史稽察遇有查出之處即行知倉

東華錄

雍正十

主

場侍郎若倉場侍郎等不即辦理妥協致遲延著都統副都統御史奏聞儻有應行查出之處不行查出將缺少米石著落倉場監督等官與派出之都統副都統御史分賠其通州三倉交與通永道通州副將稽查亦照依京倉例行○諭福建通省倉穀虧空甚多巡撫毛文銓扶同欺隱經朕訪聞確實特遣大臣前往盤查務令徹底澈清顆粒無虧以備民間緩急之用朕之為閩民籌畫者可為殫心竭力矣但恐不肖有司間欽差將至向紳衿富戶那移借貸以掩飾其虧空之項而紳衿富戶或畏其威勢或迫於情而不得已代為應付以圖彌縫於一時均未可定朕此番差遣大臣清查斷不容有絲毫蒙混隱匿且揀選府州縣等官多員令帶往更換是見任者必去而接任者新來儻紳衿富戶等一將貨財穀米借出便成官物用是特頒此旨明白曉諭俾勿墮貪官劣員

東華錄 雍正一〇

之術中使地方積弊永除而後任官員亦共知儆戒不至仍蹈前轍著將此通行福建郡邑鄉村咸使聞知○議政王大臣等議奏隆科多私鈔 玉牒存貯家中及降旨詢問又不據實具奏應俟辦完鄂羅斯疆界事件將伊革職鞫治罪得旨爾等所議俟隆科多辦完鄂羅斯之事再行鞫問甚非朕意朕從前差隆科多前去並非不得其人以其能辦理而使之也鄂羅斯事件最易料理特給伊效力之路以贖罪耳乃隆科多去後看其陳奏一應事件不但不能改伊之兇心逆行且並不承認過失而舉動狂悖全無愧懼將朕降旨行文查問之事隱匿巧飾無一誠實之語伊既不實心效力則留伊在彼處反致妄行攪擾毫無裨益可將隆科多調回令其速來未到京以前爾等請旨鄂羅斯邊疆等事著克什圖前往與四格圖理琛辦理○命廣東巡撫楊文乾浙江觀風整

東華錄

雍正十

主

俗使許容吏部郎中鄂彌達內務府員外郎伊拉齊往福建會同巡撫常賚盤查倉庫錢糧○丙申 御製黃河激清碑文勒石於江南清口河南武陟縣河神廟○何國宗緣事降調實授任蘭枝內閣學士○蘇祿國王蘇老丹臣毋漢末毋拉律林表言臣僻居荒服遠隔神京幸際昌期末由趨覲邇來天無烈風淫雨海不揚波知中國必有 聖人臣捧閱歷朝紀事原有觀光之例是用遣使臣冀廷採阿石丹奉臣赤心仰陳彤陛敬獻本國所產土物聊效野人負暄之意得旨蘇祿國隔越重洋未通職貢今該國王輸誠向化遣使遠來進貢方物奏辭懇切具見惻忱其有應行議奏之處著大學士九卿詳議以聞尋議東南海外諸國琉球荷蘭安南暹羅初次奉表納貢頒敕諭一道即令來使齋捧還國其使臣賜宴頒賞遣官伴送今蘇祿國初次奉表稱臣納貢應照例行以

一四五



示嘉獎從之救諭蘇祿國王母漢末母拉律林曰朕惟職貢虔修為臣輸忠之大義寵施宏普大國柔遠之常經越重海以瞻雲識嚮風之有素宜加賚予以勵盡誠爾蘇祿國王母漢末母拉律林屬在遐陬克抒丹悃敬恭遣使梯航不隔於滄溟懇切陳詞琛寶並將其方物慕義之忱良可嘉尚是用降敕獎諭並賜王文綉器皿等物王其祗受益矢恪恭副朕眷懷至王所請貢期念爾國遠在重洋往來迢遞酌俟五年之外一修歲獻之儀若王有所敷陳則隨時上達故茲敕諭○戊戌解法敏任以張保為陝西西安巡撫西琳為刑部右侍郎由御史遷○解塞欽任以碩色為陝西西安按察使由戶部員外郎遷○解積善任以柳國勳為江西按察使由湖北鹽運使遷○庚子諭內閣盛京甚屬緊要兵民旗人最多且地方遼闊十三城相隔七八百里將軍副都統俱駐紮盛京內地教訓整理不能

東華錄

雍正十

吉

周到朕意當照船廠甯古塔白都納例各設副都統一員管理自廣甯義州錦州甯遠至山海關設副都統一員復州熊岳南金州鳳凰城岫巖旅順等處設副都統一員令其分轄管理一切事務教訓眾人改易陋俗當有裨益再開原與船廠相隔六百餘里自開原押送發遣犯人官兵往返行走月餘甚屬勞苦聞得從前議於船廠開原適中之地在克爾素驛站左右酌設官兵因與圍場相近恐禽獸駭逸而止今查此處雖近圍場仍是大路可以安設官兵惟當禁其駭散圍場耳但必須相視膏腴可耕之地令其永遠居住則押送發遣人犯往還可免勞苦矣著議政王大臣詳議具奏尋議盛京將軍及副都統俱在一城駐紮十三城相距遼闊應於錦州及熊岳地方添設副都統各一員即於盛京副都統二員內移駐錦州一員其熊岳一員交兵部照例奏請補放見今熊

岳錦州俱有原駐之官兵毋庸另議至開原船廠相隔六百餘里押送人犯官兵往返勞苦應於適中之地酌設佐領二員驍騎校二員兵一百名查船廠將軍屬下有佐領四十五員驍騎校五十員兵三千三百餘名應即於此項官兵內有孤獨情願移駐者令其移駐並令該將軍親往相視地勢不得駭散圍場其官兵駐住房屋照例料估奏聞從之○封誠親王允祉子弘景為鎮國公○召趙殿最來京以李蘭為湖南按察使由江西糧道遷○辛丑諸王滿漢文武大臣合辭具奏蘇努悖逆妄亂其子孫俱應照叛逆例正法上召入王大臣等諭曰蘇努雖已削籍離宗然原係宗室之人爾等請將伊之子孫照叛逆例治罪是其子孫俱應即行正法此事甚有關係爾等具本之時隨眾列名或不便獨抒己見今朕特命爾等入見面加詢問 天地 祖宗照察於上爾等眾人中或

東華錄

雍正十

吉

有一人意見不同可即於此時據實面奏事之是非君臣共之儻有不應誅戮之人加以誅戮使朕有用刑不當之名實爾諸臣之咎若諸臣心有所見藏匿於中將來必受蘇努之禍即己身倖免其子孫受禍亦必與蘇努之子孫同爾等思之慎之諸王大臣會奏云蘇努罪大惡極今又查出 聖祖仁皇帝殊批奏摺蘇努敢於 御筆之旁狂書塗抹臣等將伊子孫請照叛逆例治罪實屬至當 上又問滿都護查弼納之意以為何如亦俱奏稱應照叛逆例治罪 上諭曰觀滿都護今日光景似出實心至於查弼納欲將蘇努子孫盡行正法其心較眾人更為迫切眾人所執者國法而查弼納所懷者私心也蓋查弼納與蘇努既固結於先惟恐連累於後不若將伊子孫盡行剪滅永除己身將來之禍此情事之必然者即此可見結黨之人事敗之後其同黨即自相攻擊小



人情狀古今一轍也夫要結黨與平時未必得其相助之力及至有事反多一等操戈下石之流則小人結黨豈不無益而有大事乎而趨附匪黨之人平時亦未必得其援引之力及至有事豈能免於牽連卽倖而逃於法網而憂虞畏懼慚赧終身豈不可恥之甚乎滿都護查弼納與蘇努結交前後情形如此爾等諸臣深知日規皆當以此爲戒諸王大臣參奏之本著交三法司定議具奏○壬寅諭內閣近因考試新科進士以宋儒所云士人當有禮義廉恥句爲論題諸進士試卷進呈朕躬自披覽見其文藝之工拙優劣固有不同然大槩皆詞章記誦之常談未能眞知題中之理蘊而實有發明蓋所言止於儀文末節而已非禮義廉恥之大者也朕則謂人言禮義廉恥國之四維者蓋以天下之大四海之眾皆範圍其中而不可須臾離而士人貴有禮義廉恥之說所指甚

東華錄

雍正十

五月

遠所包甚宏上之爲人君下之爲人臣皆當求其大者以爲務而不可局於儀文末節間也以禮言之如化民成俗立教明倫使天下之人爲臣皆知忠爲子皆知孝此禮之大者也進退周旋俯仰揖讓此禮之小者也以義言之如開誠布公蕩平正直使天下之人無黨無偏和衷共濟此義之大者也然諾不欺出入必謹此義之小者也以廉言之理財制用崇儉務本使天下之人家給人足路不拾遺盜賊不生爭訟不作貪官猾吏無以自容此廉之大者也箪食豆羹一介不取此廉之小者也至於以恥言之爲人君者憲天出治誠和萬民則當以一夫不獲其所爲恥爲人臣者行義達道兼善天下則當以其君之不爲堯舜爲恥若夫鄉黨自好不失言於人不失色於人此乃恥之小者耳欲爲君盡君道欲爲臣盡臣道而其道不外禮義廉恥之四端士人者以天下爲己任其

身旣爲臣之身而有致君之責者豈可徒知其小節而不知其大者乎夫禮義廉恥由一端之小者擴而充之可以保四海然必知其大者而務之自可不遺於其小若或徒規小節而不知其大則迂拘曲謹止圖檢束一身而不敢任天下之重此則細民之行而非士人之道也孔子曰人能宏道非道宏人其可不勉自奮勵乎朕見新科進士時卽欲面加訓諭因天氣炎熱恐伊等暫時跪聽不能悉心領會今特詳爲宣示朕願與大小諸臣交相儆勉詳思禮義廉恥之大者身體力行則人心風俗蒸蒸日上而唐虞三代之治庶幾其可復見也○癸卯諭吏部各省官員數年以內已經該督撫隨時舉劾今屆三年大計之期著停止一次○乙巳塞爾圖緣事革職以德明爲刑部尙書覺羅石麟爲山西巡撫富貴爲安徽布政使由貴州按察使遷○丁未諭內閣昔年會奉 聖祖仁皇帝

東華錄

雍正十

五月

諭旨海外噶喇吧乃紅毛國泊船之所呂宋乃西洋泊船之所彼處藏匿賊盜甚多內地之民希圖獲利往往畱在彼處不可不預爲措置隨經廷臣與閩廣總督議令內地之人畱在外洋者准附洋船帶回內地奉 旨准行在案此乃 聖祖仁皇帝綏靖海疆且不忍令內地之民轉徙異地實仁育義正之盛心也但數年以來附洋船而回者甚少朕思此輩多係不安本分之人若聽其去來任意不論年月之久遠伊等並無顧忌輕去其鄉而飄流外國者愈眾矣嗣後應定期限若逾限不回是其人甘心流移外方無可憫惜朕意不許令其復回內地如此則貿易欲歸之速不敢稽遲在外矣將此交與高其倬楊文乾常賚悉心酌議並如何定限年月之處一併詳議具奏尋福建總督高其倬遵旨議奏康熙五十六年定例入洋貿易人民三年之內准其回籍其五十六年以



後私去者不得徇縱入口久已准行在案又見住外洋之船或去來人數不符或年貌互異者即係頂替私回應嚴飭守口官於棹船回時點對照票細加稽查如有情弊將船戶及汛口官員分別治罪至閩粵洋船出入總在廈門虎門守泊嗣後別處口岸集行嚴禁得旨康熙五十六年定例之時隨據福建等省奏報回籍者幾及二千餘人是出洋之人皆以陸續返棹而存畱彼地者皆甘心異域及五十六年以後違禁私越者也方今洋禁新開禁約不可不嚴以免內地民人貪冒飄流之漸其從前逗畱外洋之人不准回籍餘依議○以玉田縣河決損民田廬發帑金二萬兩賑之○隆科多緣罪革爵以其弟慶復襲一等公○戊申解江苞任以張允隨為雲南按察使由權○壬子復設湖南靖州州判一○癸丑諭內閣倉場米石乃國計民命所關顆粒皆當珍惜必廢座堅

東華錄

雍正十

表

大臣會同大學士詳加訊問如有本倉廢座全無損漏者仍畱原任將新補監督撤回如從前曾將滲漏之處詳報倉場者著將情由聲明奏聞吏部右侍郎岳爾岱順天府尹劉於義著補授倉場侍郎順天府尹事務著左僉都御史申大成暫行署理○裁陝西甯夏府玉泉倉大使一○予故致仕湖北巡撫年遐齡祭一次○甲寅調圖理琛為吏部右侍郎轉永壽為兵部左侍郎以那蘇圖為兵部右侍郎由鑾儀使遷

東華錄

雍正十

表



臣王先謙 臣周瀚 著恭校

秋七月丙辰諭禮部 昭西陵帷幄用金黃色 孝東陵帷幄用

明黃色 陵寢神龕寶座供奉之物理應同色但供奉多年不敢

輕易更換之時著俱用明黃色○丁巳諭內閣頃岳鍾琪奏稱四

川成都府城中有一男子沿街叫喊說岳鍾琪帶領川陝兵馬欲

行造反其人已披提督黃廷桂拏獲臣不便檄訊又不敢隱匿等

語數年以來在朕前讒謔岳鍾琪者甚多不但謗書一篋而已甚

至有謂岳鍾琪係岳飛之後伊意欲修宋金之報復者其荒唐悖

謬至於此極岳鍾琪懋著功勳朕故任以西陲要地付以川陝重

兵而檢險奸邪之徒造作蜚語煽惑人心譏毀大臣其罪可勝誅

東華錄 雍正十一

乎此成都造言之人斷非出於無因或蔡珽程如絲輩懷挾私怨

暗中指使或再有播弄之人均未可定著交與黃炳黃廷桂會同

嚴審此事關繫誣謗國家大臣重案非民間誣告比也至於川陝

兵民向來醇良忠厚且受 聖祖仁皇帝六十餘年深仁厚澤淪

肌浹髓朕即位以來又屢加恩澤伊等至誠感激西省數年用兵

軍民人人踴躍急公其尊君親上之習實眾所共知其聞者今奸

民乃云欲從岳鍾琪謀反是不但誣岳鍾琪一人而並誣川陝兵

民以叛逆之罪矣黃炳等務將實情審明具奏○戊午吏部議奏

工部尚書李永紹辦理殿試桌椅遲延復捏奏已經收貯應請革

職得旨朕即位時間李永紹居官聲名不好是以調任盛京工部

侍郎令其效力贖罪伊在奉天實能洗心改過聲名甚優故擢用

工部尚書乃伊自任尚書以來並不實心效力所辦事務舛錯謬

妄如 昭西陵碑文鐫字及恭建 聖祖仁皇帝聖德碑關繫

祖宗重大典禮伊皆因循怠忽又如製造戰船火礮器械行文錯

誤修理大城牆垣故意遲延其他交部議處之案甚多今此備造

殿試桌椅一事明係有意欺隱姑念其年老效力多年從寬免其

革職著降三級休致○河道總督齊蘇勒稽曾筠奏報伏汛安瀾

得旨疏內稱頌之語俱有洪福齊天河伯效靈字樣朕敬 天祀

神至誠至恪如齊天字樣實為越理即效靈字樣朕覽之心亦不

安嗣後內外臣工本章內將此等祝頌之語通行禁止○己未調

署兵部尚書辦理刑部尚書事黃國材為工部尚書○壬戌諭吏

部八旗恩廕本具奏完日將降授三品廕生之公侯伯及官員等

傳集宣諭曰爾等見今職分應得一二品廕生因爾等平日爵高

祿重並無效法祖父圖報國家之心亦不以文學武藝訓教子弟

東華錄 雍正十一

徒恃父祖舊勞累世榮顯凡遇公事因循怠忽規避不前所以將

爾等子弟降授三品廕生且爾等子弟年俱幼穉若得一品二品

廕生當即以員外郎主事補用補官之後才質庸碌不能辦理部

務徒被參革亦屬可憫今暫給三品廕生正欲使伊等勉力學習

若果勤謹自立學習成材之日爾等本身即可懇恩具奏朕固樂

於加恩若爾等子弟內誠有才質英俊可膺一品二品廕生之任

者爾等今日即可陳奏朕亦樂於加恩仍賜以一品二品廕生○

刑部侍郎黃炳等審奏程如絲在夔州知府任內販賣私鹽重賄

蔡珽依勢橫行殺傷多人殘忍已極蔡珽身任巡撫利欲薰心袒

護保舉程如絲為四川第一好官負恩罔上俱應擬斬立決得旨

此案內程如絲所差巡兵甚多黃炳未曾詳究又據程如絲自認

販賣私鹽四萬餘包而蔡珽推為不知程如絲私販之事焉有私



鹽至四萬餘包之多而蔡珽不知之理黃炳亦未將此處究問且所審喬鐸隱匿夔關稅銀一案佛喜通同作弊之處本內亦未置議黃炳辦理此事甚屬不及但程如絲蔡珽已擬立斬罪無可加而案內牽連各犯多人一加較詰又至遷延拖累是以交與法司議結將來黃炳尚有另行差委之處儻似此草率審理定行嚴加議處佛喜負恩作姦著將伊布政使任內錢糧事件速令交代清楚拏解來京質審○署福建巡撫毛文銓奏汀漳道劉燦揭報漳州府知府耿國祚龍溪令魏彪倉庫相近彼此那移耿國祚詳揭劉燦縱容家人書役等索詐銀兩互相揭告俱請解任質審得旨朕看劉燦為人蠱惑不識大體則有之若貪贓枉法之事可以料其必無聞伊到任後揭報屬員虧空被人將伊揭帖藏匿伊心憤激於眾人前以首觸牆旋即具詳辭官因士民多人環繞攀留東華錄

雍正十一 三

而止今毛文銓所參道府互揭一案其過自在耿國祚魏彪著將耿國祚魏彪解任質審劉燦仍著在任質審俱交與楊文乾常賚審明定擬○賑陝西固原州水災饑民○予故理藩院額外侍郎兼副都統本錫祭一次○癸亥兵部議准雲貴總督鄂爾泰奏雲南鎮沅府附近之威遠係新開地方而普洱乃沅江府舊屬流官所轄皆須設兵彈壓應令普洱參將帶兵五百名移駐威遠威遠守備帶兵三百名移駐普洱又鎮沅府內通哀牢四面夷獠茶山地勢狹隘不能安設多兵應令茶山守備帶兵三百名移駐鎮沅茶山設千總一員帶兵二百名防守者樂近於鎮沅界接景東應令把總一員帶兵一百名駐防其餘汎地仍令原設千把帶兵防守總屬於普威營參將仍令臨元總兵官副將統轄則聲勢聯絡呼應得靈矣從之○甲子諭大學士等七月初一日朕曾頒諭旨

云從來天人感召之理捷於影響凡地方水旱災祲皆由人事所致或朝廷政事有所闕失或督撫大吏不修其職或郡縣守令不得其人又或一鄉一邑之中人心詐偽風俗澆漓此數端者皆足以干天和而召災祲是以朕諄諄訓飭頒發諭旨至再至三而宵旰之時無刻不深乾惕但天下至大兆民至眾察吏之責莫如督撫親民之官莫如守令若地方有司官果能視民如子休戚相關平時化導有方桐瘝一體則民氣舒暢而乖戾潛消設偶遇雨暘愆期又復為民請命虔誠祈禱自可挽回天意感召休和如張堪之麥秀兩岐魯恭之蝗不入境史冊所傳皆實有其事實有其理非虛語也近見有司官平時不能盡愛養之道民生不厚民俗不醇既足上干天譴及遇水旱又漠不關心不知悔過自省縱事祈禱虛文不過勉強塞責甚至不肖之員惟恐報災蠲賦己身不得

東華錄 雍正十一 四

火耗羨餘而隱匿不報者有之又或本身原有虧空轉糞水旱得邀賑以便開銷而百姓並不沾顆粒之惠者有之似此居心行事竟將民生疾苦視同陌路則民氣鬱而不舒何以弭天災而召豐稷乎朕為天下主凡民生之休戚吏治之得失皆朕躬之責亦難推諉於臣工況臣工之是非朕之是非朕又何能推諉乎但用人察吏之道各有等次朕所察用者督撫也督撫所察用者有司也若督撫不得其人朕之過也有司不得其人則督撫之過也至地方百姓不能為之遂生復性捍患禦災則其過專在有司矣夫為政之道在於得人而用人之法止得博採輿論然使但以輿論為憑則如裴律度張楷人皆稱其秉公持正謹慎和平及至近日江西虧空畢露弊端種種皆裴律度張楷任內之事至如河南巡撫田文鏡者尚有李紱謝濟世等誣為貪婪如此不辨公私顛倒



是非之事不可枚舉則輿論既不足盡憑人之賢否何由而知是以試用之以觀其後即古聖人明試以功之意試之而稱其職豈非朕心之所樂願試之而不稱其職自當速行更換豈有劣員既經敗露尚可姑留在任乎乃無知小人不知朕進退人才之苦心而輒有輕於去留之私議此則愚昧之甚者也為督撫者當體朕察吏安民之苦心竭誠秉公倡率百僚使地方有司皆能實盡父母斯民之道則上與下合為一心官與民聯為一體和氣致祥休嘉日集斷不至旱潦之為憂矣今年春月直隸地方有數處少雨朕心軫念不遑宵處降旨詢問而總督宜兆熊劉師恕坦然奏稱今年閏月嗣後得雨亦不為遲朕已降旨切責如此存心怠忽豈能感召天和從前雍正二年春河南地方少雨田文鏡具摺奏聞朕覽奏為之心動謁誠祈禱乃伊摺奏到京之二日河南即得大雨自後三年之內豫省皆獲豐收連歲穀秀十三穗麥秀三歧可見至誠感格無有不應凡封疆大臣皆能如此存心則地方斷無不受福之理田文鏡當加殊恩以示嘉獎著加兵部尚書銜授為河南總督總兵以下聽其節制此係特恩不為豫省定例朕意各省地方莫要於水旱之事當定為地方官之考成除直隸之玉田寶坻等處江南之泗州盱眙等處湖廣之江陵沔陽等處廣東之圍基等處皆濱江近河素稱沮洳之地似此等地方難以定議外其餘地方官員儻有政治不修化導不力以致民氣不舒災祲見告者或有自顧己私匿災不報者應作何嚴加處分之處著大學士九卿詳議具奏如此則人人知敬天勤民之道矣自古有治人無治法朕所降諭旨丁甯往復無非念切民生然必奉行盡善方收實效即如社倉一事朕數年以來屢屢降旨但可勸民自為不

東華錄 雍正十一 五

可繩以官法前楊宗仁在湖廣銳於舉行而州縣官迎合其意勉强行之近日竟有官吏將此項米穀侵那者此即奉行社倉之弊非朕之意也又如民間向來多將膏腴之壤栽種煙葉以圖重利朕慮其拋荒農務諭令有司善為勸導使知務本諭旨甚明並非迫令一時改業也今聞有將民間已種之煙葉竟行拔去此時既不能樹藝五穀而已種之物又復棄置豈不農末兩失大負朕愛養百姓之初心耶朕所降諭旨明白周詳而奉行者如此舛錯皆係愚劣官員不能領會且遠鄉僻壤之地未曾曉諭周知此皆地方大吏疏忽之咎著將此諭旨徧傳直省務使遠鄉僻壤咸共知之此乃初一日所降諭旨也乃數日以來陰雨連綿不見晴霽朕甚憂畏虔誠修省細思近日用人行政之處可以自信或因前日頒發諭旨欲將地方水旱定為有司考成之處其事有所不可故

東華錄 雍正十一 六

上天垂象以示意耶其以水旱為考成之處不必定例大學士九卿不必議奏著將前後所降諭旨彙寫一處仍復通行並令大小官員各錄一道存貯官署以自儆省且使知朕敬天乾惕之至意期與內外大小臣工勉之其餘仍照前旨行○乙丑 上以陰雨連綿在圓明園齋戒虔禱雨中步行數里詣恩佑寺禱於 聖祖仁皇帝御容前是日雨勢稍止夜分而霽翼日大晴○命直省建龍神廟○丙寅刑部議奏山西猗氏縣姦民令狐士義因受塞思黑資給還鄉志存叛逆挾稟遠赴西甯語多狂悖合依大逆律凌遲處死得旨令狐士義著立斬梟示○發帑金六萬兩賑直隸濱河州縣水災饑民○己巳綽奇緣事革職以夸佞為工部尚書仍兼內大臣行走○癸酉諭禮部朕惟孔子以天縱之至德集羣聖之大成堯舜禹湯文武相傳之道具於經籍者賴孔子纂述修



明之而魯論一書尤切於人生日用之實使萬世之倫紀以明萬世之名分以辨萬世之人心以正風俗以端若無孔子之教則人將忽於天秩天敘之經昧於民彝物則之理勢必以小加大以少陵長以賤妨貴尊卑倒置上下無等干名犯分越禮悖義所謂君不君臣不臣父不父子雖有粟吾得而食諸其為世道人心之害尙可勝言哉惟有孔子之教而人道之大經彝倫之至理昭然如日月之麗天江河之行地歷世愈久其道彌彰統智愚賢不肖之儔無有能越其範圍者綱維既立而人無踰閑蕩檢之事在君上尤受其益易曰君子以辨上下定民志禮運曰禮達而分定使非孔子立教垂訓則上下何以辨禮制何以達此孔子所以治萬世之天下而為生民以來所未有也使為君者不知尊崇孔子亦何以建極於上而表正萬邦乎人第知孔子之教在明倫紀辨

東華錄

雍正十一

七

名分正人心端風俗亦知倫紀既明名分既辨人心既正風俗既端而受其益者之尤在君上也哉朕故表而出之以見孔子之道之大而孔子之功之隆也○以阿克敦署廣東巡撫由兵部左侍郎署○西藏噶隆扎薩克台吉頗羅爾等奏報康濟爾與準噶爾構兵所辦諸事洵有裨益乃阿爾布巴隆布奈扎爾爾等會同前藏頭目於六月十八日將康濟爾殺害臣即收聚後藏軍兵防守駐紮阿爾布巴等復發兵來侵被臣殺傷無算今臣帶領兵眾勦捕阿爾布巴等伏祈 皇上速遣官兵進藏勦滅逆魁以安西藏奏入報聞○革哲先任以法保為工部右侍郎由中選○丙子晉封輔國公弘旺鄂齊熙良俱為鎮國公○解高其佩任命在都統行走以單騎書為刑部右侍郎由大理寺卿選○以赫勝額為貴州按察使由員外郎選○戊寅原任江西巡撫伊都立緣事革職發往鄂爾昆圖拉地方

代亨特辦理種地事務效力贖罪○己卯刑部等衙門議覆康親王等參奏蘇努於 聖祖仁皇帝殊批諭旨狂書塗抹悖逆已極應將伊子孫照叛逆例悉行正法得旨朕從前在藩邸時與蘇努並無絲毫嫌怨止因蘇努為人陰險姦邪為惡黨之首引誘宗親要結匪類欲以擾亂政事煽惑人心其害關於宗社誠為元惡渠魁舉朝所共知者朕即位後冀其改過自新封為貝勒厚加恩眷而伊並不感恩悔罪仍復怙惡不悛又見朕防範嚴密伊不得遂結黨之私復教導其諸子肆行不法甚至蘇爾金庫爾陳烏爾臣信從西洋外國之教朕屢次降旨諭令悛改伊竟公然抗違奏稱願甘正法不肯改易似此忘本背君藐視國法喪心蔑理聞者莫不駭異今查出昔年 聖祖仁皇帝殊批奏摺蘇努竟於 御筆中間狂書塗抹見者無不心寒髮指是其背叛之心顯然昭著罪

東華錄

雍正十一

八

實同於大逆本應將伊子孫照法司所議俱行正法但伊子孫多至四十人若悉行正法朕心有所不忍儻分別存留於法又覺未協今從寬暫免其死仍照前禁錮著將蘇努父子前後所犯罪案及朕所降諭旨徧行曉諭伊之子孫若嗣後伊等安靜守法再無過犯則開恩全其性命儻諸人中有一人犯法者不論情罪之輕重定照此議將伊即行正法○庚辰以安陸荊州等府水災命修隄墜以工代賑○賑江南無為舒城等六州縣水災饑民○辛巳吏部議准雲貴總督鄂爾泰奏東川一府地方遼闊實非一知府一經歷所能徧理查巧家營偏近烏蒙去府甚遠應立一縣設知縣一員管轄馬書弩革米糧壩以扯汎等處者海地方素通烏蒙暗行不法應設典史一員管轄革舍阿固伙紅等處駐紮者海其歹補地方離府百里山深箐險應設巡檢一員管轄五龍畢七法



裏等處又則補地方遠在江外亦應設巡檢一員管轄阿木可祖  
普毛杉木箐等處至東川府教職諸事向係知府兼攝請添設教  
授一員專司學校嚴取文武童生各十名從之尋定巧家營新設  
縣曰會澤○壬午諭內閣法敏從司官之職朕加特恩用至倉場  
侍郎歷任巡撫乃伊深負朕恩一味沽名釣譽苟且因循朕屢加  
訓誨而伊全然不知悛改卽如南坪冕山之苗蠻等肆行不法騷  
擾居民搶奪行旅爲地方之患久矣岳鍾琪方議用兵剿撫以爲  
除暴安民之計而法敏密摺奏稱近邊員弁僥倖軍功議敘遂生  
喜功好事之心或致激成事端等語此時朕見其奏猶以爲此庸  
人迂闊之見或道聽塗說之言而不識安邊經國之遠圖是以詳  
悉批示冀其醒悟今岳鍾琪料理南坪冕山等處苗蠻之事迅速  
成功永除地方之累而法敏與佛喜程如絲喬鐸等通同作弊之  
東華錄 雍正十一年 九

處一一敗露可知法敏從前之奏實與蔡珽佛喜程如絲暗結黨  
援欲以傾陷岳鍾琪而阻撓國家之政事並非迂闊之見出於無  
心者也其護庇屬下貪官隱匿夔關稅課乃伊營私作弊之一節  
耳負國負恩莫此爲甚法敏著革職擊問將伊所奏原摺發出交  
九卿嚴審定擬○大學士九卿等奏順天府恭進藉田所產嘉穀  
一莖雙穗五本一莖三穗至四穗五穗十二本一莖六穗至七穗  
八穗十四本一莖九穗二本一莖十穗至十一穗十二穗六本一  
莖十三穗二本又內務府恭進豐澤園 皇上親植稻穀雙穗者  
二百七十本三穗者十五本四穗者一本臣等欣逢嘉瑞請宣付  
史館俾垂永久報聞○癸未諭直省總督巡撫等自雍正二年以  
來朕躬耕藉田而藉田之中每歲必產嘉穀上年自雙穗至於九  
穗今歲則自雙穗至於十三穗在廷諸臣及京師耆庶皆驚訝以

爲奇朕之宣示於眾者並非矜誇張以爲祥瑞蓋實有見於天  
人感召之理捷於影響而朕敬 天之心至誠至切願與內外大  
小臣工共勉之也稼穡爲天地之寶民命攸關我 聖祖仁皇帝  
臨御六十餘年無刻不以重農力穡爲先務仰觀天時俯察地利  
辨土性而課人功咨兩陽而防旱潦綢繆區畫旣食宵衣偶遇雨  
澤愆期 聖心憂勞之切侍側臣子皆惶悚不甯所以爲萬世謀  
粒食者至矣盡矣朕朝夕瞻仰者四十餘年今續承大統竭誠效  
法念切民依每年虔祀 先農躬耕帝藉仰蒙 上天眷佑疊錫  
嘉禾是以特頒諭旨令各省守土官共舉耕藉之禮爲萬方百姓  
祈禱秋成今見各省督撫奏報處處風雨均調春麥秋禾並登豐  
稔雖邊遠荒僻之地亦慶有秋惟直隸湖廣安徽數州縣近水最  
低之處常年被潦者畧有浸注亦不爲災是今歲可稱大有年矣  
東華錄 雍正十一年 十

良由各省初耕藉田各該有司自然小心敬慎齋戒虔誠是以感  
格上蒼而獲此盈甯之錫儻從此益加敬謹不懈初心則歲歲屢  
豐可以豫必爾督撫等可通行曉諭所屬官民當懷帝鑒之匪遙  
勿視耕藉爲故事永矢嚴恪以迓天和天下臣民受福斯朕之福  
也  
八月甲申朔諭刑部李茂卿打死胡君彩之案若非爾部駁令覆  
審則兇犯李茂卿脫然無罪而屍親胡君星反坐以誣告擬流不  
惟是非失實亦且冤抑莫伸矣今駁回覆審該撫將一切實情審  
出李茂卿擬絞監候方成信案似此定案司官若不量加獎勵則  
將來實心辦事之員何由鼓舞嗣後此等事件爾部司員苟能細  
心究覈駁令覆審改正妥協者應量加議敘以示獎勵若有將應  
照覆完結之案妄行苛駁徒滋弊端者亦當加以懲戒○刑部議



准雲南巡撫楊名時奏姚安府土同知高厚德占奪民田欺隱莊地請革其世職遷其家口於省城改派流官從之○乙酉工部議奏部統盧詢等監修昭西陵工程辦理不慎應分別處分得旨前據盧詢奏稱修工時值雨水連綿甄塊被淫以致入冬冰凍將甄塊擠出周圍裂墜石角磕損等語 陵工關係重大白應敬謹修理今盧詢等以冬寒冰凍為詞當時未凍之先何不速行完工及至冰凍之時又不據實奏聞請旨明係草率怠忽甚屬可惡著將盧詢鈕倫革職令來保動支正項錢糧交與盧詢等速行修理仍著來保監督如果工程堅固完好屆期三年該部奏聞將盧詢鈕倫免其治罪若三年之內有些微損裂之處即將盧詢鈕倫正法○議政王大臣等議覆川陝總督岳鍾琪奏西甯北川口外大通川白塔川及野馬川之側爾免地方城垣營房漸次告竣應

東華錄

雍正十一年

十一

設官兵豫為酌派查肅州鎮屬永固城等營涼州鎮屬永昌等營向因偏鄰邊境設馬六步四或馬步各半今大通鎮營扼險拒要肅州口外又設安西重鎮表壯聲威則永固等營皆屬內地應將肅州涼州二鎮所屬永固永昌等十八營馬兵量裁九百六十名連甯夏鎮標後營近已裁去馬兵六百名共裁馬兵一千五百六十名大通鎮有控制援勦之責應照馬步各半之例設馬兵一千名步兵一千名側爾免遊擊偏近邊境路通青海應設馬兵三百二十名步兵四百八十名白塔川參將與西甯北川營相去止五十里距大通鎮不過一百餘里聲氣響應應設馬兵二百四十名步兵五百六十名得旨西大通等處初設兵丁甚屬緊要其應添設參將遊擊守備千總等官著岳鍾琪於陝西武官內應題補者題補應調補者具題調補○丁亥調史貽直為戶部左侍郎吳士

玉為工部左侍郎○己丑 上御經筵○領侍衛內大臣公馬爾賽等奏原任將軍那里德統率軍營在軍前勒索蒙古銀兩駝馬縱容家人包攬捐納冒銷錢糧入己巴達色鑽營諂媚認伊為父即將巴達色題補筆帖式並代其捐升主事那里德婪贓不法本應正法因已故無庸議其家產應入官巴達色應斬監候不准援赦寬免得旨此本內將巴達色等議以不得援赦寬免者原為兵餉事務關係重大之故但本內並未聲明嗣後凡有軍機兵餉之事俱不應援赦寬免著永為定例○署直隸總督宜兆熊等奏大城縣知縣李先枝貪婪成性罔念民瘼將地畝人丁於額徵之外加派私收苦累小民請革職究審得旨李絳任直隸總督時將李先枝題升天津州知州朕調來引見其人甚屬庸常故令仍回知縣原任今以私派被參劣款見有明據常見科甲出身人員多

東華錄

雍正十一年

十一

有黃絲黨庇之惡習而貪贓枉法者尚不多見今李先枝目無國法公然私派科斂苦累小民實為科目中之匪類而李絳乃敢在朕前特薦題補天津要缺是李絳不但有心袒護且必有暗受李先枝請託之處著將李先枝革職擊問其私派情由及本內有名人犯該督等一併嚴審定擬再將如何請託李絳之處務須究出具奏李絳受朕深恩不思報效敢於營私欺罔甚屬可惡著將李絳革職其工部侍郎員缺著申大成補授仍兼管順天府府尹事前因廣西貴州查勘疆界及擒擊羅文剛二案將李絳發往廣西彼時降旨若不能擊獲羅文剛即將李絳在廣西正法今羅文剛已經緝獲是李絳在廣西無可辦理著行文令李絳來京見在應行質問之案件甚多且李絳曾在朕前奏稱蔡珽為人粗疏鹵莽則有之若貪婪不法之事臣可以保其必無今蔡珽諸事敗露在



四川任內受賄貪贓劣蹟昭著李紱敢於庇護私黨在朕前妄奏此處亦應審問○添設湖南糧道庫大使一裁衡陽縣松柏市巡檢一○庚寅命江南附近商竈地方設倉六所貯穀備賑○協理禮部尙書法海緣事革職○賴都休致以常壽爲禮部尙書調西琳爲戶部左侍郎以張保爲刑部右侍郎仍署西安巡撫○調富貴爲雲南布政使以鳴爾泰署江南安徽布政使由兩淮鹽政署○乙未戶部議准署廣西巡撫甘汝來奏思恩府屬之西隆州西林縣僻處西北距府千里之外界接滇黔獐獍頑梗知府耳目難周請改西隆州爲直隸州西林縣距州四十里可以就近分歸管轄從之○工部等衙門議准川陝總督岳鍾琪遵旨查覆四川永甯協副將張瑛條奏內酌議可行者四款一四川松潘鎮爲川西屏障城堡損壞不足以壯聲威而資防禦請委員確估修築完固一雲

東華錄

雍正十一

三

南東川府會理州貴州威甯府屬之阿底鹽倉等處永甯之各夷屯歸流已久其土目各治其民流官向土目收糧終非久計請將土目遷往腹地其催糧之里屯甲首令內地輪流充當其土民悉令薙髮男婦俱照內地服飾一貴州威甯府屬之永甯縣去府千里駐紮衙署乃與四川之敘永同知共在永甯而所屬人民散處於四川江安納溪興義等縣且無貴州營汛而以四川永甯協營弁代爲稽查奸良莫辨請將永甯縣改歸四川隸於同城之敘永同知管轄一東川府土人習讀蠻書不諳文藝請設立義學俟教化有成照湖廣考取苗猺童生例另編字號酌量進取以示鼓舞從之○丙申吏部等衙門議奏見任官員職守地方各有專責不得借終養之名諉卸職任即或父母衰疾迎養維艱陳情詳請必應俸三年該督撫查明該員政務並無怠忽倉穀錢糧並無虧空

東華錄 雍正一一

取結具題照例准其終養或從前家有次丁出仕之後兄弟物故父母無人奉事者該督撫取具原籍地方官印結具題不拘年限准其回籍從之○丁酉吏部議准署廣西巡撫甘汝來奏太平府屬之思明州向隸思明土府同知自改土爲流始歸太平府管轄止留吏目一員仍駐其地該州地處極邊鄰近交趾土民獠悍非吏目所能約束太平知府遠在百里之外鞭長莫及請將該州仍歸附近之思明土府同知管轄從之○己亥廣東總督孔毓珣奏臣由曲阜縣路經江南鳳陽府屬之宿州及靈璧縣地方溝洫不通雨水停積訪之土人宿州之水有流入新河者有流入運河者有流入滄河者其靈璧縣之水悉入滄河而匯於洪澤湖出清口合黃水入海請敕安徽撫臣令該地方官照舊溝深淺用力疏濬則雨水暢流可無停蓄之患得旨凡爲大臣者當視國事如家事

東華錄

雍正十一

四

卽非己身管轄之地有所見聞亦據實陳奏方爲公忠之道孔毓珣珣經過宿州靈璧地方見溝洫不通雨水停積卽行奏聞甚屬可嘉著交部議敘魏廷珍身爲巡撫於本省事務漫不關心以致低窪之處被水停注甚屬疏忽玩著交部嚴察議奏孔毓珣所奏著交與總督范時繹轉交署布政使鳴爾泰確查被水之民加恩賑恤並將應行疏濬之水道相度修治使積水暢流不爲民害○裁陝西洮陽驛永昌驛古浪驛南大通驛西甯驛嘉順驛巴古驛王鉉驛大壩驛驛丞九增寬溝驛三眼井驛營盤水驛驛丞三○庚子諭大學士九卿等天下庶務殷繁斷非一人所能辦理朕宵旰勤勞勵精圖治而分猷贊理之任實於爾諸大臣是賴爲大臣者必須視國事如家事方可謂之公忠不負朕股肱心膂之寄如爾等自理家務必商酌盡善措置得宜斷無漫然爲之聽其錯誤

一一五五



不為釐正之理至於教導家人約束奴僕其分別優劣賞罰寬嚴之間爾等亦斷無率意而行之事而獨至於辦理公事之時類多苟且塞責漫不經心或隨眾畫題畫行而於其中之原委曲折茫然不知或心知其不可而瞻顧不肯直言以為非我一人之事不如隨班逐隊以免是非至於接待屬員如同僚友平時不辨別其是非不督責其過失及至甄別之際又復瞻徇情面曲直不分種種陋習皆部院大臣所不能免古人云公爾忘私國爾忘家言人臣既以身許國即當置家事於不問也今縱不能如古人之體國奉公忘私忘家亦安可視國事家事截然分為兩途而輕重疏密其相去若是之遠哉庸臣具臣之習切宜深戒朕日以良臣名臣之道期望大臣爾等慎勿菲薄自待重負朕期望之心至於諸臣存心之誠偽朕觀其陳奏之言辦理之事即可洞悉其隱微或改

東華錄

雍正十一

五

變初心或屏除舊習朕一見無不知之不可不自勉也夫人臣之弊莫大於迎合上意此朕所深惡而日加訓誡者朕欲大小臣工俱為好官爾等若欲迎合朕意何不即以勉為好官為迎合之首務則朕之心慰爾等亦無負於朕矣○癸卯諭大學士等 皇祖妣 皇妣外家俱有世襲公爵 孝誠仁皇后外家之公爵因常泰獲罪奉 皇考諭旨革退而彼時未令承襲者 皇考或有深意存焉今可著常海之子倫布承襲再原任都統賴塔當三逆變亂時伊統兵征剿克復雲南功績懋著朕恭閱 聖祖仁皇帝實錄備悉其詳因伊身有過犯其功過適足以相抵是以未封公爵給以阿思哈尼哈番在國法實為允當且當日之不優封賴塔者欲使立功之人咸知儆惕收斂不可恃功驕肆妄為今事歷多年後人已知鑒戒奉法著將賴塔追封為一等公令伊孫博爾屯承

襲以示朕眷念舊臣之至意○諭內閣積善由刑部司官朕加恩擢至江西按察使准其具摺奏事伊自應勉竭忠誠凡有所見據實奏聞乃自到任以後諸凡事務一槩隱匿並不陳奏值適柱到任之時亦當將地方事務一一告知同心協辦以報朕格外擢用之恩乃反袒護裴律度等徇庇屬員邀結黨與捏造無稽之談誣參邁柱邁柱到任以來不避嫌怨為地方生民計實心效力天下共知伊縱不竭誠協助邁柱辦理又何忍誣陷邁柱此等行事是何肺腸聽誰指使積善向為刑部司官塞爾圖若非黨與何故將如此不肖之人保舉著富甯安查即阿會同刑部堂官訊問積善務將始末緣由審出若不實供即嚴加刑訊○吏部議准雲貴總督鄂爾泰奏廣西貴州交界地方犬牙相錯惟紅水一江天之所以限黔粵也議以紅水江為界江以南屬之廣西江以北屬之貴

東華錄

雍正十一

六

州凡廣西西隆州所屬羅煩冊亨等四甲及泗城府所屬上江長壩桑郎羅斛等十六甲俱在江北應請割隸貴州其地南北約三百里東西徑六七百里勢既遼闊民復兇悍請於泗城對江之長壩地方建設州治添知州一吏目一學正一管理之東北羅斛四甲與貴州定番永甯二州相連土苗兇頑山谿尤險請於羅斛甲地方設州判一分理之西隆州所割四甲距長壩遠請於冊亨甲地方設州同一分理之其武弁亦屬緊要請設城守遊擊一千總一兵二百五十名防守長壩地方守備一把總一兵一百五十名防守冊亨甲地方把總一兵一百名防守羅斛甲地方俱歸安籠鎮統轄至泗城之北有一肩作山為黔粵分界黔屬之董家旗等十寨穿入泗城請將此十寨俱歸新設之州管理再安順一府原轄三州五縣南籠一廳地方廣闊再轄新設州地數百里勢難



兼顧請將南籠廳改爲府治添設知府一經歷一仍留南籠通判爲之佐理將安順府所屬之普安一州安南普安二縣併新設一州俱歸南籠府管轄其鎮甯永甯二州普定安平清鎮三縣請仍歸安順府管轄又普安州之捧鮮地方有養馬箐穿連三十餘里爲三江咽喉夷獍之要隘上江白雲壘險峻異常惟一徑迂回攀援而上法巖寨山高十五里路險巖危歪染寨煙戶百餘家田多民富若於捧鮮地方設立一營白雲壘之上撥員弁帶兵扼險法巖歪染二處設立大汛防守不惟黔夷可以控制卽粵獍亦不敢起釁查黃草壩在捧鮮之內請卽以駐防黃草壩之安籠鎮標左營遊擊一千總一把總一兵三百名移駐捧鮮將原防捧鮮汛之把總一兵五十名移駐黃草壩黃草壩民居稠密漢多夷少且距州遙遠請於普安州添設州判一員分駐其地稽查姦究卽將貴

東華錄

雍正十一

七

州按察司經歷裁汰改設普安州判從之尋定長壩新設州曰永豐○吏部議准雲貴總督鄂爾泰奏泗城土知府岑映宸橫徵濫派眾不聊生以致殺劫爲活復差役攜帶兵器越境擊人甚至調兵數千於者相地方紮營七盤以誇強悍臣等奉旨各調官兵在營候檄岑映宸自知罪犯難逃隨繳印信號紙呈懇免死改流存祀請將岑映宸革去世職改設流官知府岑映宸妻子家口一併解至浙江原籍安插查岑映宸之祖岑繼祿曾有率土兵迎導大軍之功請將岑映宸之弟武舉岑映翰賞給八品頂帶仍居泗城量給田產奉祀不得干預地方生事至泗城一協向設官弁但駐守泗城內哨外哨其接壤黔苗數百里內並無一兵防汛請將泗城協副將裁去改設右江總兵官添設左右兩營遊擊各一左營遊擊兼管中軍事駐紮飯樂地方右營遊擊駐紮百色地方每營

東華錄 雍正十一

添設千總一把總二泗城協原設守備千總把總仍照前駐紮共設兵一千六百名屬右江鎮管轄再安隆營改爲隆林營添設遊擊一把總一並原設安隆營守備一千總一俱駐紮西隆州共設兵五百名分汛防守聽右江鎮統轄其原設上林守備營兵丁令歸隆林營管轄從之○乙巳議政王大臣等議覆郡王額駙策凌等奏臣等與鄂羅斯使臣薩瓦等相見議定疆界事宜臣以應爲界址之處詳告薩瓦云東邊額爾古納等處昔年內大臣索額圖等與爾使臣費羅多爾等議歸爾國無庸再議今自額爾古納河岸以至阿魯哈當蘇阿魯奇都勒齊克大奇林俱係我處斥候應以相對之楚庫河爲界自此往西沿布爾古特山等處以博木沙畢爾嶺爲界定界之後不得混雜居住及容留逃盜人等犯者互相查拏隨與伯四格侍郎圖理琛等以應立界石地方繕寫給與

東華錄

雍正十一

六

薩瓦薩瓦及布里雅特吳梁海等俱皆心服據薩瓦云此次幸爲使臣瞻仰 天顏旣優賜我察罕汗復賞資奉使人眾 皇恩優渥今既秉公辦理卽可永爲定界臣等隨派侍衛胡畢圖郎中納延泰與鄂羅斯副使一番一番諾費池等指定東西界址議立界石俟其回時卽將界址山河地名繕寫給圖恭呈 御覽應照策凌等所議立石定界曉諭喀爾喀汗王各扎薩克黑龍江將軍等令其約束屬人不得越界生事違者從重治罪至恰克圖口定爲貿易之所應派理藩院司官一員管理貿易人數照例不得過二百其京城鄂羅斯館應爲修整令使臣居住其來京讀書幼童及教習等亦令同居官給養贍如願回者聽其歸國至領侍衛內大臣克什圖前派往代隆科多辦事今疆界已定應令其來京從之○丁未議政王大臣等議奏翁牛特扎薩克多羅杜楞郡王和碩

一五七



額駙蒼津肯恩自專奏請策安阿喇布坦煎茶之使者入藏行走甚屬悖逆應將蒼津之扎薩克郡王和碩額駙革退其郡王另請承襲得旨扎薩克多羅杜楞郡王著貝子鄂齊爾承襲○戊申諭怡親王大學士富甯安張廷玉等西安滿洲兵著派二千名令副都統尼馬善豫備管領備夏滿洲兵派一千名令副都統蘇圖豫備管領其綠旗兵陝西省豫備五千名四川省豫備三千名雲南省豫備三千名爾等可行文與岳鍾琪鄂爾泰即遵照派辦管兵之官弁及應用帳房等項一有調發之處候文到即便啓行岳鍾琪見在四川著回到西安將豫備兵馬之事料理畢即馳驛來京朕有面降旨之處其陝甘總督印務仍著岳鍾琪隨路帶辦不必委人署理○庚戌八旗都統帶領各旗副佐領引見 上諭各都統等八旗人員乃國家根本所關甚重養育教誨不可少懈佐領

東華錄

雍正十一年

九

者乃統轄一佐領之人俾佐領下人等皆不失生計不染惡俗養之教之使趨於善莫要於佐領下人爾等理宜為國家宣力正己率物教育所轄佐領下人佐領內有原管佐領有世管佐領有公中佐領原管佐領乃 太祖 太宗時爾等之祖或率所部來歸或戰陣有功賞賜人口各編為佐領令其管理是爾等與佐領下人同是滿洲其中亦有從爾等之祖宣力國家得授世職逮於子孫爾等理宜骨肉視之若自以為原管佐領將佐領下人視同奴隸而陵賤之豈惟國法不容亦敗汝祖勤勞所立之基業矣世管佐領因爾等之祖曾宣力國家或人材可用善於管轄故令其管理佐領世世相傳以至於爾等之身爾等理宜將佐領下人愛惜訓誨念爾祖之勤勞以永保累世所管之佐領也再管公中佐領之人特以其能理佐領之事能教佐領下人是以揀選令其管理

益宜視佐領下人無不成就佐領內事無不辦理矣夫佐領之管佐領下人無異州縣之於百姓州縣所轄地方或百里有餘或幾二百里戶口人民不下數萬微槿斷訟事件繁多然猶可為地方興利除弊懲惡勸善俾庶民各遂其生一佐領下滿洲多不及二百人少或七八十人計戶不過四五十家世為同里孰守分節儉孰越禮奢修孰孝弟勤學孰安亂生事諒無有不知者也管佐領之人誠於佐領內之善者獎勵優待薦舉以鼓勵之則善者益樂為善其劣者視如子弟初教之不改再則斥辱之誠如此愛惜而訓誨之雖係下愚亦必中心省悟儻有賦性頑劣怙終不悛者即申詳參領都統等懲戒之或送部治罪以儆眾人則佐領下頑梗之徒咸懼而不敢為非矣令佐領內或有不肖之人自恃身為佐領陵虐佐領下人不論是非恣意妄行其或昏懦怠惰之輩將佐

東華錄

雍正十一年

二十

領事盡諉之驍騎校領催轉相傳示其或貪鄙之輩不知愛惜反貪小利而陵刻之則佐領下人何由心服何由成就是以朕今特令每佐領設副佐領一員協同佐領辦事和衷其濟儻副佐領不問事理肆行無忌該佐領即申詳都統若佐領與佐領下人結黨目無副佐領朦朧作弊副佐領亦即申詳都統不可彼此瞻徇情面爾等以朕訓旨謹識於心將佐領下人教育約束勉習文武之業副朕樂育八旗人材之至意○癸丑刑部等衙門議奏窩盜黃三聖等行劫松江府奉賢縣裴詩度典鋪一案應照強盜窩主共謀分贓例應斬立決得旨黃三聖等著即處斬黃三聖已經行劫二次此案內又復窩盜分贓兇惡已極而陳時夏以為情有可原擬以發遣甚屬疏縱前張楷將確實強盜數人改招寬釋又如今歲秋審招冊內署甘肅巡撫鍾保將因姦殺死親夫案內姦夫樊



先成擬爲緩決其夫既遭慘死其婦又被極刑皆因樊先成而起此人尙可緩決乎又福建巡撫毛文銓將賭博殺死人命之邱奇章擬以緩決邱奇章設局誘賭又復毒毆斃人性命兇惡若此尙可緩決乎書經曰天討有罪五刑五用哉刑罰之設乃帝王代天出治除暴安良之要務而無識之流以爲曲全一人便可得美名而獲厚福殊不知其人無罪而蹈顛危果能救之則爲陰陽僞係犯罪應死之人而故意寬縱是爲枉法殃民豈不上干天地之和乎如國家之設倉積穀乃水旱緩急之所賴百姓性命之所關而徇情邀譽之上司一任屬吏之侵漁而不問以致顆粒無存倉廩空虛一時需用無所資藉而嗷嗷待哺之民已成溝中之瘠是爲民父母而使千百善良之人死於其手此等罪孽上通於天今乃於此處不加儆戒恐懼以贖愆尤而欲曲活行兇劫奪之盜犯以

東華錄

雍正十一

三

求邀福於冥冥之中乎古聖人所云罪疑惟輕者亦必其中本有可疑之處然後酌量從輕未聞於無可疑之中而枉法寬貸以沽長厚之名也夫政寬則民慢因而犯法者愈多是不能息事而轉以生事不能愛人而轉以害人故子產云水懦弱民狎而玩之故多死焉火烈民望而畏之故鮮死焉此一定之理也朕覽秋審緩決人犯中亦有情罪可惡者或因彼時正法之人已多故從緩決並非一次緩決之後便永不正法也若內外辦理諸臣以爲一次既寬便不當正法則與緩決二字之意不符陳時夏毛文銓鍾保身任封疆不能秉公持正而枉法故縱是何意見著明白回奏九月乙卯諭各省督撫等民生日用所需制錢最爲切要朕特爲便民起見屢頒諭旨嚴禁銷毀制錢並令京城及各省督撫駐紮之省城不許鑄造黃銅器皿三品以下官員及兵民人等不得私

東華錄 雍正十一

用此朕欲期錢文豐裕爲小民易於資生非朕有所需用也已曾諄切詳諭不啻再三京城見今奉行錢價已覺稍平乃近聞各處督撫駐紮之省城銅器店仍用黃銅鑄造者甚多此明係各省督撫不實力奉行徒以告示曉諭虛文掩飾而已朕向因錢局鼓鑄日增而錢文日見短少卽知有銷毀制錢鑄造銅器之弊嗣於京城內屢次拏獲銷毀制錢之姦民而欽差官員至甘肅地方亦見有毀錢爲器者省會乃督撫駐節之區耳目最近政令易行非若遠鄉僻壤之難於稽察也若果實心遵奉甚屬易事朕爲制錢籌畫宵旰焦勞各省地方官辦運銅斤亦甚費經營跋涉之苦然後官局得以鼓鑄錢文以資百姓之用夫以鑄錢如此之難而奸棍貪財射利竟將已成之錢復行銷毀故禁用黃銅者所以杜毀錢之源也今特再加訓誠各省督撫務宜實力奉行儻仍前疏忽定

東華錄

雍正十一

三

將督撫嚴加處分至從前曾斟酌三品以上許用黃銅器皿今覺濫用者多嗣後惟一品官員之家器皿許用黃銅餘著通行禁止○戊午諭戶部前商人胡嘉佩等虧欠帑銀開出朝鮮國人賒欠銀六萬餘兩以抵公項朕恐開報不實或有累及外國之處故令行文詢問並令內地貿易之人與朝鮮賒欠之人在中江地方質對明白使中外之人不得互相推諉以息擾累今據盛京禮部奏呈朝鮮國王李昉咨文支離巧飾則該國之人欠銀之處顯然矣本應照議案數追還朕思當日朝鮮已故國王李燾才幹優長政令嚴肅深蒙 聖祖仁皇帝眷注加獎李燾曾將伊國負欠之人正法想見其辦事之公明向聞李昉柔懦無能觀此咨文推託牽強必其陪臣所爲非該國王語氣似此清查積欠之事該國王不能辦理今若以不能辦理之事委之甚非朕柔遠之意此案不必

一一五九



質對其朝鮮國人應還之銀著從寬免追此朕加恩於外藩竝非疏法於內地也至從前該國王李燉理民馭下之善朕至今思之

○徐琳緣事革職以覺羅白清為江南江蘇按察使由員外郎遷○庚申諭議政王大臣等前因達爾報稱康濟爾被擒之信恐策妄阿喇布坦有窺伺西藏之意是以降旨令陝西各路及四川雲南各派兵馬豫備以候調遣今康濟爾被害情由係西藏噶隆等彼此不睦自相殘害之小事不須用兵著將各路兵馬停止不必豫備

○理藩院奏稱青海貝子噶爾丹代青諾爾布病故無人承襲伊妻請以姪貝子達錫策零兼襲伊夫世職查貝子無兼襲兩職之例應無庸議得旨噶爾丹代青諾爾布於青海羅卜藏丹津之事著有功績因議敘封為貝子今既病故伊兄弟兩家止有貝子達錫策零一人著從優加恩並兩貝子職晉封為貝勒世襲罔替○

東華錄 雍正十一年 三

癸亥諭大學士等弭盜安民乃為治之首務但緝盜之例最難於斟酌盡善如立法稍嚴似可防盜犯漏網之虞杜地方官諱匿不報之患然上司督責州縣督責捕役按期處分勒限責比過於迫切人多顧惜考成巧圖脫卸勢必有誣陷冤濫之事如立法稍寬似可詳籌緝捕免累無辜然又恐州縣視同膜外漫不經心捕役玩法養奸盜風愈熾此緝盜設法之難也至於失事之家往往亦有張大其詞者或以少為多或以竊為強甚至扳害平人洩其私憤挾制官長任意肆行此又報盜之弊也以上種種情形朕皆知之甚悉今覽田文鏡奏摺豫省地方有全無影響而捏報被盜者有別因事故而託稱盜案者有以竊為強欲快其挾制之私者有以口角微嫌遂報被盜欲逞其刁誣之計者既有如此惡習法當嚴加禁止但思若嚴捏報被盜之處分刁詐者固知歛迹恐

謹夏者必至不敢報盜矣朕實難之夫弭盜之法貴乎至公至平寬嚴輕重之間皆須斟酌得宜俾盜犯不能漏網平民不致拖累官吏皆盡緝盜之責而不敢任意以失實事主得伸被盜之苦而不敢借端以滋擾如此匪類方知儆懼而良民悉得甯居爾等可會同九卿科道及部曹內曾經外任年久者悉心酌議務期妥協並將田文鏡摺內詳議具奏○吏部議准河南總督田文鏡奏南陽府屬暫有南召縣順治十六年裁併南陽縣管轄止設巡檢一員駐紮南召縣署但其地界連萬山路通山陝湖廣五方叢雜實屬要區請將南陽通判移駐南召其原駐南召之雅路鎮巡檢改駐南召嵩縣適中之李清店地方從之○禮部議覆四川巡撫憲德奏成都府灌縣都江堰口廟祀李二郎從前未授封號查係秦蜀守李冰之子二郎除水怪鑿離堆穿三十六江灌漑成都等州

東華錄 雍正十一年 三

縣稻田至今江水安瀾不乾不溢應請敕賜封號等語按史記漢書專載蜀守李冰鑿離堆穿二江惟灌口志書內有使其子二郎鑿山穿江之事是李冰實主治水之功又按王圻續文獻通考元至順元年封秦蜀郡太守李冰及其子二郎俱為王爵今該撫止請封李二郎而不及李冰似未妥協請將李冰並給封號之處恭候 欽定得旨李冰李二郎俱著給與封號封李冰為敷澤興濟通佑王李二郎為承績廣惠顯英王○乙丑諭吏部凡縣令改授教職者因其不勝牧民之任例當罷黜朕念其讀書攻苦選授一官不忍遽令廢棄是以俾居師儒之席以展其所學此朕格外之恩也況教官有化導士子之責較理民之任關繫尤重應當殫心竭力以盡職守儻因改授之故志氣墮頹奉職怠忽著各省巡撫學政查參議處○調孔毓璞為陝西甘肅布政使以彭維新為浙



江布政使李秉忠為河南按察使由內閣侍讀學士遷○以呂耀曾為四川

按察使由湖廣武昌道遷○吏部議奏甘肅布政使護理巡撫印務鍾保

因固原州偶遇驟雨城牆舊剝落田禾畧被冰雹尙未成災乃

並不確查冒昧具奏殊屬不合經提督路振揚目覩情形據實陳

明鍾保應降三級調用得旨鍾保由司官之職朕加恩擢用至布

政使伊到任以來專務虛名並不實心辦事上年詳辦兵糧一摺

將國家錢糧市恩邀譽今年秋審又將因奸殺死親夫之重犯擬

以緩決刑罰顛倒見者無不駭異至於具奏錯誤乖張之處不可

枚舉一味柔順沽名鍾保著革職以為人臣負恩溺職者之戒○

丙寅諭王大臣等王公大臣官員等朝服頂帶俱有定制但平時

所用服色並無分別應如何辨別品級之處著議政王大臣九卿

會議具奏尋議諸王及大小臣工平時所戴暖帽涼帽俱照朝帽

東華錄 雍正十一年 五月

頂分別令其戴用凡諸王世子郡王長子貝勒貝子入八分公俱

用紅寶石頂未入八分公固倫額駙民公侯伯鎮國將軍及一品

大臣俱用珊瑚頂輔國將軍奉國將軍多羅額駙二品三品大臣

俱用起花珊瑚頂奉恩將軍固山額駙及四品官員俱用青金石

頂五品六品官員俱用水晶頂七品以下及進士舉人貢生俱用

金頂生員監生俱用銀頂從之○命孫柱為文淵閣大學士實授

查弼訥兵部尚書○解韓夏輔任調阿克敦署廣西巡撫由署廣西巡撫

○戊辰諭吏部聖人之道為人臣者過關必趨而於家庭父母

之前亦有趨庭之禮蓋因敬謹之念素存於中故舉動威儀之間

自無怠忽也前者大朝之時有漢司官二人於班聯之中大失禮

節朕降嚴旨欲治二人之罪嗣後眾人皆知儆惕因而寬釋至於

引見之時往往漢官有在朕前高視闊步舉動不恭者又聞各部

堂司官辦理公事滿司見滿堂則屈一膝應對而漢官之對漢堂

官則或立或蹲一任其意同一堂司何以滿漢之禮互異即科道

滿漢禮節亦不相同況漢司官升遷方為道府道府之見督撫卑

躬屈節竟有違例朝服跪道以為恭敬惟恐以簡畧獲罪者夫督

撫品級既不及部院堂官而司官品級則又卑於道府何以為京

官則傲慢不恭而為外吏則謙抑過度是伊等不知爵位之尊卑

而但論權勢之輕重也司官不敬堂官相沿日久平日不知禮儀

是以致朕前亦不能約束身心每至草率不恭如昨日御史韓瑛

於朕御門時捧持本章竟不恭敬高舉今已被參見在部議又如

原任侍郎陳守創年羹堯曾奏其粗率無禮一日在諸王大臣會

議之處曳衣露足見者無不哂笑從來滿洲風俗尊君親上出乎

至誠事事不敢越禮而漢人不知做做何也朕以誨人不倦為心

東華錄 雍正十一年 五月

有一見聞即明白指示欲其醒悟改改不忍聽其暗昧終身大凡

為司官而不敬堂官者其人必無上進之志滿漢司官之禮自應

畫一如何酌定著九卿會議具奏尋議嗣後朝房辦事堂官席地

而坐漢司官應照滿司官俱屈一膝應對於堂官前往來俱行趨

走漢科道亦照滿科道禮節畫一遵行其有或蹲或立怠慢不恭

者俱令該堂官指名參處該堂官瞻徇不行參出者一併交部議

處從之○諭戶部向來山西虧空甚多國帑久虛不能彌補不但

毫無益於國帑此等劣員轉將虧空為護符無所不為民生實受

其害諾岷淮任後將虧空人員盡行參革酌定以公完公之法將

州縣之火耗重者嚴行裁汰酌中量留耗羨抵補無著之虧空不

使累及民間而官員亦免承追不力之參罰又恐官員無以養廉

復酌撥以為日用之資凡地方公務所需亦皆取給於此上不誤



公下不累民此實通權達變之良策也諾岷在任二年將山西數十年未清之積案漸漸就緒伊都立接任柔懦無能且好務虛名因循瞻顧從前諾岷之未及清理者未能清理一事當諾岷在任之時高成齡不得已協力相助上緊辦理及伊都立接任高成齡苟且怠忽贊成伊都立之廢弛今見年歲已久舊案不能楚結又經朕數次嚴諭始請定承追之限獨不思數年以來歲匿花費弊端種種清理愈難高成齡何不陳奏於從前而乃遲至於今日乎應如何追完之處俟石麟到任後與高成齡悉心定議具奏伊都立曾奏稱地方虧空彌補全完之後應將耗羨解充公帑他省亦屢有如此陳奏之人朕皆嚴切訓飭之蓋耗羨者出產於地方即小民之膏脂也以地方之出產完本地之虧項所謂以公完公官民均有裨益若虧空既完則此項耗羨應仍歸於本地之官民豈

東華錄 雍正十一年 毛

有收入公帑之理他省亦有將州縣之耗羨提解十分中之二三以備公用者該地方大吏應念此項雖充公用實民力之所輸將百凡撙節愛惜不使妄費遇有應用之事而後動用方為節用愛人之道乃近來督撫藩司等多以此項既已捐之於公取攜甚便任意支用如此非諾岷提解火耗之初心矣昨田文鏡奏稱河南固始縣東關官河一道地勢窪下七月間驟雨水漲東岸長興集西岸站馬集二處被水浸注民房倒塌漂沒人口幸而水退甚速未稼無恙並不成災無庸題請蠲免其被水人民已將司庫存貯耗羨之銀動撥令道員確查散賑加意撫恤等語如田文鏡之辦理此事乃以地方之耗羨為地方之公用百姓得霑恩惠而耗羨之留誠為有益大凡地方小有水旱之事勘不成災於例不應題本者該督撫當就近酌量料理並具摺奏聞務令朕得知地方情

形無絲毫隱匿方不負封疆大臣之任田文鏡所奏固始臨河鄉村被水之處河道或有應修濬以除水患者著田文鏡酌辦○已已雲貴總督鄂爾泰奏臣前任江蘇藩司於所屬水利悉心咨訪畧知大要及奉命來滇心未暫忘前閱邸鈔知 聖主發帑金十萬委大臣辦理更蒙 聖恩著臣胞弟鄂禮同往協辦謹據臣所見冒昧陳奏按劉河白茆二處奉旨開濬此誠湖海二區之脈絡江浙六郡之要津也至江甯之泰淮其源有二一出句容華山一出溧水東廬山合流入方山埭自通濟水門入於郡城內外交資其利甚溥但久不疏濬河道雖存僅於夏秋暫通舟楫如不及今疏濬勢必日就湮廢若揚州之五塘久屬豪強侵占而故址尚存由揚州至邵伯高郵寶應直達淮安稍遇水大一望汪洋若開濬五塘亦足分其下流但河隄縣亘三百餘里設閘雖多而淮

東華錄 雍正十一年 天

黃及湖一時匯聚橫行泛溢須別分支河出水迅駛則淮揚二郡永遠奠定庶江北之水患息矣江南自劉河白茆之外其南北要津莫如鎮江之漕河在丹徒界者四十五里在丹陽界者九十里地勢如建瓴雖有京口呂城奔牛諸閘可以蓄水而河身淺狹每年隨濬隨淤皆由挑濬時淤泥堆積兩岸大雨淋漓仍復衝卸入河一至冬月水涸難行漕船輓運艱難民船起旱盤壩公私交困臣查此地係杭嘉湖蘇松常鎮七府行漕之河而向來每歲挑濬獨責之丹陽是丹陽之民獨受其累臣於雍正二年開料估工費公中疏濬然猶未能如式且附近各境有可比丹陽之練湖者皆應開通以助運河使流注無窮不須復浚庶為一勞永逸之計至各郡州縣之內外城河並各鎮市支河港瀆塘浦之類一切疏通之法總須倡率有方調度得宜又非臣言之所能盡也臣曾任江



南故不揣愚昧越職陳奏得旨覽鄂爾泰所奏江南水道事宜甚屬周詳但摺內有越職陳奏字樣凡內外大臣越職辦事固為不可至非己身職任之事有關國計民生者既有見聞據實入告方合公忠體國之義乃盡職非越職也鄂爾泰所奏發與范時繹陳時夏齊蘇勒陳世倌鄂禮就近詳加相度悉心妥議具奏○雲貴總督鄂爾泰奏花苗一種介在楚黔兼連西粵獷悍難馴諺沖尤甚今黎平府知府張廣泗率領員弁攻破其地陸續擒獲賊苗共二百三十餘名所有渠魁姚相明等見在定擬會題自此各寨畏威懷德有歸歐鬼壘九厥交椅几馬等寨俱花苗種類其頭目率領羣苗冊開戶口花名同詣行營願求內附查歸歐鬼壘等寨係黎平府所屬洪州土司界外應歸洪州轄交椅几馬二寨係廣西懷遠縣所屬幹沖地方界內應歸懷遠縣轄從之○庚午雲貴總督鄂爾泰奏雲南永北府瀘蘆地方與四川之腊汝窩邊界相接今四川建昌總兵官趙儒征勦腊汝窩臣以川省用兵事同一體隨委永北遊擊徐成貞等率領健兵五百名前往瀘蘆駐紮分路堵禦協同川兵進勦擒殺多人餘皆降服兩省各皆撤兵回營諭封疆大臣不分彼此毫不推諉瞻顧何事不能辦理也嘉悅覽之○辛未雲貴總督鄂爾泰奏雲南臨元鎮屬威遠新平一帶地方猥賊猖獗潛匿魯魁哀牢出沒江內江外為害已久前以鎮沅逞逆因而威遠猥賊札鐵匠等乘機劫寨新平之李百疊等亦肆行搶殺臣嚴檄臨元總兵官孫宏本等帶弁兵協力擒勦深入搜箝斬殺過半威遠猥賊擒獻賊首扎鐵匠等新平兇賊李百疊聞風畏懼亦率眾投訴願為良民從此威遠新平地方安堵得旨嘉獎○添設四川驛鹽道一○壬申以石禮哈署廣東巡撫由廣州將軍著

東華錄 雍正十一 元

甲戌添設湖北糧道庫大使一裁蒲圻縣羊樓司巡檢一○乙亥諭內閣滿洲居首之大學士在前行走外其餘大學士行走班次應按其補授之日前後行走不必分別滿漢張廷玉著在孫柱前嗣後補授大學士時著將班次前後請旨具奏○丙子諭各省督撫藩臬等朕宵旰勤勞時以教養萬民為念所頒諭旨皆正德厚生之要務實切於民生日用者乃聞向來諭旨頒至各省不過省會之地一出告示州縣並未徧傳至於鄉村莊堡偏僻之區則更無從知之矣如禁止黃銅賭博宰牛等事朕為百姓籌畫者委曲周詳而地方官員有司不行禁約上司置若罔聞無怪乎百姓之迷而不悟也京師乃五方雜處之地凡禁約之事較他省為難今京城內外市賣銅器及羣聚賭博者俱已禁止豈外省轉不能行乎他如清查保甲積貯社倉之類行之必以其漸地方始無紛擾

東華錄 雍正十一 三

若驟然舉行而迫之以官法奸胥猾吏將借端為非轉為小民之累今觀地方大吏於應當從容辦理之事則急切為之而於一時可以禁止之事實有益而無害者則漫不經心豈非緩急失宜先後不得其序耶至於邪教妖言大有關於人心風俗該地方官一有所聞即當留心根究庶可以消奸宄而安良善所謂防微杜漸也若下屬隱匿不報或上司知之又欲化有事為無事勢必致致究漏網匪黨無所忌憚附和者愈眾則將來株連者愈多是本息事而轉致多事故不如懲治之於早也各省督撫藩臬皆地方大吏勉之毋忽○丁丑諭刑部刑名關係民命死者不可復生斷者不可復續故禮記王制曰刑者例也例者成也一成而不可變故君子盡心焉朕於刑名更加慎重書曰天討有罪五刑五用哉五刑有輕重之等無一非天理之當然故當輕重必須至公至平



乃為欽承天道若應嚴而寬便是逆天稍寬且不可而況於嚴乎  
朕為人君尚不可寬嚴稍失其平況人臣居法司之任者乎凡有  
案件始之以聽斷繼之以研訊定之以律例若稍有不公不平之  
處則情罪之輕重不得宜而用法之寬嚴皆失其當矣蓋鴟鴞不  
除無以致鸞鳳狼莠不翦無以植嘉禾司刑名者姑息養奸則小  
人無所懲戒必不能改惡以從善此所謂婦人之仁其害豈淺小  
哉故刑法者使人遷善遠罪所以輔教者也舜之勉皋陶曰汝作  
士明于五刑以弼五教期於予治刑期于無刑民協于中夫持法  
之平可以成協中之化故居法司之任者不但重罪不可疏忽即  
輕罪亦當詳慎務操其至公至平之心而時懷天監在茲之懼使  
用法之寬嚴悉當情罪之輕重允孚則不愧明允之司而成無刑  
之治矣○戊寅刑部疏參蔡珽從前在四川巡撫任屢蹈重罪部

東華錄

雍正十一年

三

議革職及威逼屬員蔣興仁自盡部議斬罪悉蒙 聖慈寬宥權  
授左都御史洵至兩部尚書兼漢軍都統署理直隸總督仍敢肆  
行無忌種種不法復蒙矜宥調授奉天府尹乃尚不改悔挾詐懷  
私罪案山積今將蔡珽所犯諸罪謹列陳之如怡親王等查勘水  
利撥兵引導訛傳七省騷擾營兵其罪一伊子廕生欺公請復其  
罪二本章錯誤並不認罪狡飾狂悖其罪三甯遠州知州孫大桐  
將徵收米石私自借出蔡珽徇隱不參其罪四屬員刑名案件故  
違部限蔡珽袒庇不提其罪五錦縣知縣呂曰宮虧空米石蔡珽  
代為欺隱其罪六奉天府屬徵收銀米擅令停解任意藐法其罪  
七奉屬各府州縣支給俸工銀兩竟不飭查日期疏忽政務其罪  
八甯遠等州縣所收莊頭餘地租糧草束改折銀穀並不詳查玩  
忽國計其罪九鋪司被人奪去公文並不批查懈弛公務其罪十

眾民控告訛詐案件竟不准理縱暴殃民其罪十一盛京侍郎武  
格所參孫大桐疏縱一案並無冤抑蔡珽懷私妄奏其罪十二私  
受夔州府知府喬鐸夔關稅銀一千八百八十兩富順縣知縣劉  
上駟鹽規銀五千兩婪贓入己其罪十三捏造公用名色冒銷藩  
庫銀三萬兩其罪十四收受貪殘不法之程如絲銀六萬六千兩  
金九百兩貪賄庇姦懷欺保舉其罪十五交結大逆不道之查嗣  
庭其罪十六黨庇行止妄亂之戴鐸其罪十七讒譖岳鍾琪稱爲  
不可深信後岳鍾琪經過保定時又恐姦迹敗露轉以無稽荒謬  
之語巧為播弄譏忌姦險其罪十八案之律例蔡珽所犯諸罪均  
干大辟蔡珽應斬立決伊妻子入辛者庫財產入官今伊見在四  
川質審應行文四川巡撫將伊作速鎖解來京正法得旨蔡珽從  
寬改爲應斬著監候秋後處決餘依議○己卯川陝總督岳鍾琪

東華錄

雍正十一年

三

奏湖廣江西廣東廣西等省之民逃荒入川不下數萬戶請開招  
民事例給窮民牛具籽種令其開墾荒地方為有益得旨覽岳鍾  
琪奏朕心深為憫惻各省大小官員於地方歉收即當題請設法  
撫恤況各省皆有耗羨備用銀兩即當以此為賑恤貧民之用何  
得坐視百姓之窮迫不加賑恤而令其逃往他省乎今據岳鍾琪  
奏請設法安插令其開墾以為生計此實安輯貧民之急務其牛  
具籽種口糧等項之費不必另開事例見今有營田水利捐納銀  
兩數餘之項存貯在京著於此內撥發十萬兩解川應用備有不  
敷該督撫再為奏請但此等遠來多人良姦莫辨不行稽查必轉  
為良民之擾且恐既開招墾之端愚民無知但圖目前之利必至  
輕去其鄉亦非所以愛之也且地方官吏坐視百姓之遠徙異鄉  
而不知軫念斷不可不加懲戒著岳鍾琪會同巡撫憲德行令四



川州縣將雍正四年秋冬以後各省入川人戶逐一稽查姓名籍貫果係窮民酌量安插再備造細冊咨查原籍將所用牛種口糧銀兩若落原籍之州縣官照數補還如此則游惰之民不至混冒而地方官亦知所儆戒共以愛養百姓為務可杜流移之患於將來矣○辛巳吏部奏廣東肇高道王士俊揭報廣東布政使官達受賄婪贓令重役李長茂委管黃江廠稅王士俊詳請署撫阿克敦嚴訊署撫令按察使方願瑛力勸士俊從寬銷釋等情得旨官達方願瑛俱著解任質審廣東布政司印務著少詹事王慧署理按察司印務著翰林院侍講尹繼善署理○壬午移南河上北河同知駐陽武縣太平鎮新設上南河同知駐中牟縣楊橋下北河同知駐祥符縣陳橋懷慶府黃河同知駐武陟縣二鋪營武陟縣主簿駐木欒店○是月免江南溧陽無錫上元吳江安東等縣雍正四年水災額賦有差

東華錄

雍正十一

五

冬十月甲申川陝總督岳鍾琪奏勦撫建昌冕山賊番事竣苗疆底定普雄涼山地方邊關請暫留兵丁彈壓土兵口糧並懇賞給得旨冕山賊番向來逞惡肆姦敢行不法久為民害地方大吏畏難因循不肯辦理岳鍾琪遵旨勦撫調度有方俾苗疆永遠甯謐甚屬可嘉岳鍾琪著交部議敘並將任事官兵加恩議敘賞資其兵丁等借支銀兩槩加賞給不必扣還○諭大學士九卿等科道職司言路乃朝廷政務所關當矢竭公忠無欺無隱方為稱職朕觀數年以來科道陳奏者並無忠諫可信之詞又有庸陋之科道既不敢直陳政務之大端又恐蹈緘默之愆往往撻拾瑣細迂謬毫無關繫之事濫行條奏甚至顛倒是非紊亂黑白或借以行私植黨者有之從來人君聽言納諫原為美德但言之公者自應嘉

東華錄 雍正一一

納而言之私者豈可漫為聽從今科道所奏朕若不加採納則以朕為不能受諫若所言謬妄而稍為懲戒則謂朕刻待言官以杜忠諫之路此為君之所以難也舊例科道吏部等官專用科目出身之人科道職司糾參吏部管理考察相為表裏凡外任科目出身之州縣官一經行取內升即可補授吏部科道由是操督撫之長短敢於上司前傲慢無禮為督撫者亦恐結怨報復不加約束頗為吏治人心之害是以數年以來行取之典未曾舉行朕思禮部管理科場翰詹職司文翰國學官員有課士之責自宜專用科目之人若科道吏部皆係辦事衙門並非用其文墨也何必拘定科目乎朕意欲將舊例變通以杜黨援之弊而收用人之效嗣後銓補科道吏部及州縣行取之例著大學士九卿等詳議具奏但此例相沿已久今欲變通若稍有未協恐生疑議如或不應更易

東華錄

雍正十一

五

即各陳所見毋面從背非以蹈欺罔尋議嗣後科道缺出在京則令翰林院掌院於編修檢討內保送各部院堂官於各屬司官內不論科甲貢監擇勤敏練達立心正直者保送引見恭候選定其留京者以科道補用至吏部四司郎中等員缺與戶兵工刑四部司員不論科甲貢監俱歸月選從之○丁亥順承郡王錫保等遵旨審奏隆科多罪案大不敬之罪五欺罔之罪四紊亂朝政之罪三姦黨之罪六不法之罪七貪婪之罪十六查隆科多私鈔玉牒收藏在家大不敬之罪一將 聖祖仁皇帝欽賜御書貼在廂房視為玩具大不敬之罪二妄擬請葛亮奏稱白帝城受命之日即是死期已至之時大不敬之罪三盛京兵部主事馬岱之事屢奉 聖諭隆科多明知干犯復行妄奏大不敬之罪四 皇上賞銀三千兩著令修理公主墳墓隆科多遲至三年竟不修理大不

一一六五



敬之罪五 聖祖仁皇帝升遐之日隆科多並未 御前亦未  
 派出近御之人乃詭稱伊身曾帶七首以防不測欺罔之罪一狂  
 言妄奏提督之權甚大一呼可聚二萬兵欺罔之罪二時當太平  
 盛世臣民戴德守分安居而隆科多作有刺客之狀故將 壇廟  
 桌下按查欺罔之罪三妄奏被參知縣關敵原係好官欺罔之罪  
 四 皇上謁 陵之日妄奏諸王心變紊亂朝政之罪一妄奏調  
 取年羹堯來京必生事端紊亂朝政之罪二妄奏舉國之人俱不  
 可信紊亂朝政之罪三交結阿靈阿揆敘邀結人心紊亂之罪一  
 保奏大逆之查嗣庭姦黨之罪二徇庇傅爾丹竹戴鐸巴海不行  
 查參姦黨之罪三比暹伊門下行走之禁起俊姦黨之罪四徇庇  
 阿錫爾法敏將倉場所奏泄爛倉米著落歷年監督分賄之案巧  
 為袒護具奏姦黨之罪五曲庇菩薩保屬託佛格免參姦黨之罪  
 東華錄 雍正十一年 五月  
 六任吏部尚書時所辦銓選官員皆自稱為修選不法之罪一縱  
 容家人勒索財物包攬招搖肆行無忌不法之罪二徇庇提督衙  
 門筆帖式詹泰屬託吏部侍郎勒什布改換成例不法之罪三發  
 遣西安人犯應給口糧並赤金等處應裁應補兵丁之處故行推  
 諉欲以貽誤公事不法之罪四因係修姓捏造惟有人冬耐歲寒  
 之語向人誇示以為姓應圖識不法之罪五自知身犯重罪將私  
 取金銀豫行寄藏菩薩保家不法之罪六挾勢用強恐嚇內外人  
 等不法之罪七索詐安圖銀三十八萬兩貪婪之罪一收受趙世  
 顯銀一萬二千兩貪婪之罪二收受滿保金三百兩貪婪之罪三  
 收受蘇克濟銀三萬六千餘兩貪婪之罪四收受甘國璧金五百  
 兩銀一千兩貪婪之罪五收受程光珠銀五千兩貪婪之罪六收  
 受六格貓睛映紅寶石貪婪之罪七收受姚讓銀五百兩貪婪之

罪八收受張其仁銀一千兩貪婪之罪九收受王廷揚銀二萬兩  
 貪婪之罪十收受吳存禮銀一萬二千兩貪婪之罪十一收受鄂  
 海銀一千五百兩貪婪之罪十二收受修國勳銀二千四百兩貪  
 婪之罪十三收受修世祿銀二千兩貪婪之罪十四收受李樹德  
 銀二萬一千四百餘兩貪婪之罪十五收受菩薩保銀五千兩貪  
 婪之罪十六以上罪狀昭著隆科多應擬斬立決妻子入辛者庫  
 財產入官 上召議政王大臣內閣九卿等諭曰隆科多所犯四  
 十一款重罪實不容誅但 皇考升遐之日召朕之諸兄弟及隆  
 科多入見而隆諭旨以大統付朕是大臣之內承 旨者惟隆科  
 多一人今因罪誅戮雖於國法允當而朕心則有所不忍隆科多  
 忍負 皇考及朕高厚之恩肆行不法朕既誤加信任於初又不  
 曾嚴行禁約於繼今惟有朕身引過而已在隆科多負恩狂悖以  
 東華錄 雍正十一年 五月  
 致臣民共憤此伊自作之孽 皇考在 天之靈必昭鑒而默誅  
 之隆科多免其正法於暢春園外附近空地造屋三間永遠禁錮  
 伊之家產何必入官其應追贖銀數十萬尚且不足抵賠著交該  
 旗照數追完其妻子亦免入辛者庫伊子岳興阿著革職玉柱著  
 發往黑龍江當差○理藩院奏鄂羅斯頭目喀喀呈請將商人之  
 馬匹牛羊留在張家口外牧放應如所請令張家口察哈爾總管  
 嚴行稽查盜賊禁止鬪毆得旨鄂羅斯既欲將伊等馬匹牲畜牧  
 放邊外著照所請行即派司官一員前去稽查盜賊禁止鬪毆並  
 曉諭鄂羅斯即喀爾喀等留住之人必須揀選善能管轄者為首使  
 約束爾等之人毋令生事再行文與就近居住之總管等著各屬  
 下人加意約束防禁盜賊鄂羅斯係外藩小國如伊等馬匹牲畜  
 被人偷竊遺失查係何處地方即著該地方總管等查緝交付若



不能查獲著該地方總管等照數賠償○戊子諭吏部臺灣遠隔重洋向來學政交與臺灣道兼管朕思道員管理地方之事又兼學政未免稍繁應將學政交與派往巡察之漢御史管理永著爲例○戶部遵旨議覆西安八旗出征官員所借銀兩請於各人所得俸銀內坐扣其休政病故者俱於伊等子弟所得俸銀錢糧扣完得旨凡出征兵丁所借銀兩朕已加恩盡行豁免其官員等所借俸銀未曾豁免者原有深意蓋官員與兵丁不同若與兵丁一體豁免則將來遇有差遺之事本人不便借支該管官不便借給緩急之際轉覺無所資藉所以未曾降旨豁免者正加恩於出征之官員也但已經休致及亡故之人本身既無俸可扣於其子孫俸餉內扣還朕心不忍除有罪革職人員外著加恩全行豁免至外委之員本無俸祿可以指借當時何得借與以市私恩著查明

東華錄

雍正十一

七

於原借給之將軍大臣名下追補凡滿洲蒙古漢軍綠旗各處出征之官員俱照此旨行○己丑諭內閣外省鄉試房考舊例皆用見任知縣入闈朕思知縣身爲民牧地方政務甚繁入闈動經數月慮諸事或致遲誤朕意欲將外省房考之例斟酌更定或於鄰省中舉人進士之在家候選者臨期調取數十人交與監臨之督撫秉公掣籤令其入闈分校著九卿悉心詳議具奏○召何世堪來京陛見以祖秉圭署貴州巡撫赫勝額署貴州布政使張廣泗署貴州按察使由黎平○命大學士九卿等觀浙江巡撫李衛所進瑞穀大學士等奏 皇上至德光昭太和翔洽是以宇內徧產嘉禾浙江又呈瑞穀臣等不勝歡欣得旨覽卿等所奏此非朕涼德所能致想浙省澆漓之習必然不變是以感召上蒼如此之瑞應朕深爲浙省臣民慶幸著將此曉諭浙江通省○刑部等衙門

奏宛平縣民重陽因伊妻龔氏與張起鳳通姦將龔氏打死張起鳳被打走脫重陽應擬絞監候得旨律載止殺姦婦者照毆妻至死律擬絞蓋恐姦情不實將此杜借名殺妻之弊若姦情是實而姦夫被毆走脫及拏獲到官承認者亦照此擬罪殊未允協著九卿會議具奏尋議本夫於姦所獲姦將妻毆死姦夫走脫後被拏獲到官審明姦情是實姦夫供認不諱者將姦夫擬絞監候本夫照不應重律杖八十永爲定例從之○庚寅諭吏部朕因盛京各官習氣不好是以揀選京員調補原欲其悉心辦理事務若到任未久卽以京城員缺升用於盛京部務無益嗣後由京補授盛京滿漢司官歷俸三年方行升轉如三年內遇伊應升之時爾部奏聞以升銜留任仍以升銜較俸○命班第回內閣學士任調取佛保爲理藩院右侍郎以顧魯爲理藩院左侍郎由內閣○辛卯刑

東華錄

雍正十一

庚

部議奏四川成都府擊獲捏稱岳鍾琪造反之人據侍郎黃炳等審係湖廣黃州府麻陽縣民盧宗漢寄居川省長壽縣因贖田私事希圖准狀播造浮言沿街叫喊並無主使之入應將盧宗漢照妖言惑眾律擬斬監候從之○壬辰諭內閣朕覽文武官員履歷開載年歲任意增減多有不實外省文武年歲不實者尤多國家用人惟論其才力之可以辦事任職與否原不以年歲之老少爲重輕如老成望重之人宜於居官服政年歲雖多精神尙健卽屬可用之員若年歲未老而志氣萎靡則不可用是多者不必減之爲少也少年精壯之人宜於效力宜勞年雖輕而辦事勤敏亦屬可用之員若年齒雖大而才具庸劣則不可用是少者不必增之爲多也人之立身事事皆當誠實不可涉於欺詐彼增減年歲者無益於功名而有關於品行豈得習爲固然今朕特爲訓諭凡各



官從前之年歲不實者著卽行更正令以實在年歲開明註冊○癸巳以博爾屯爲駐防阿爾泰將軍查克旦爲參贊大臣○發帑優恤索倫窮民及效力兵丁○甲午戶部議覆河道總督齊蘇勒等疏報江南朱家口堵塞之後安河等淀以至木家墩一帶地方盡淤成膏腴美地分晰丈勘新淤地畝泗州虹縣桃源睢甯宿遷五州縣共丈出二萬二千六百二十三畝零共應升科銀四萬八千四百五十兩零此新淤之地俱係平衍沃土非尋常湖灘可比應卽於雍正六年升課起租其木家墩一帶俟乾涸之日陸續清丈另行報升並請於五州縣適中之地在宿遷縣白洋河鎮設立衛守備一員徵收錢糧新衛賜以嘉名伏候 欽定從之尋定新設衛曰潼安○乙未賚會試下第武舉路費○命建八旗學舍○丙申諭大學士九卿等天地生財原以濟生民之用貴

東華錄

雍正十一

元

乎流通於宇宙之間故出之於此得之於彼流通轉移各受其益此卽哀多益寡酌盈劑虛之道也乃愚昧無知之人不明此義惟恐積之不固祕之不深或以萬計或以數十萬計埋藏地中多方掩蓋不令人知迨歲月久遠子孫亦無從蹤迹遂致迷失是錙銖而積之什襲而藏之者竟歸於烏有亦惑之甚者也或有時被他人創取旁觀伎如每致紛爭角訟因而受累招尤豈非埋藏者實貽之害乎似此愚昧無知之見若不明白開導終至迷而不悟朕爲愛養生民計欲使財寶流通彼此得其利濟其作何曉諭勸戒禁止之處著九卿會議具奏再富家巨室每以金銀殉葬毫無益於死者而徒啓小人覬覦之心厥後往往不免偷掘之事此其於理不順於事非宜更不待智者而後知也並將此通行曉諭勸導之尋議通行八旗及各直省督撫轉飭地方官徧張告示宣揚

聖訓明白曉諭禁止嗣後有將金銀埋藏地中及被他人偷掘者事發將所藏金銀充地方賑恤窮民之用至以金銀殉葬尤非禮制應一併曉諭禁止從之○飭各省總兵官毋得進獻方物○戊戌命文淵閣大學士張廷玉爲文華殿大學士仍兼管戶部尚書翰林院學士事○禮部等衙門遵旨議覆各部院堂司官相見儀注並請滿漢畫一遵行不得互異得旨堂司相見體統雖經大臣等議定而科道與各部司官皆不曾與議恐狂妄無知之小人將來別有議論亦未可知此所定儀注著科道與部院司官公同詳議具奏尋議朝廷名分自有尊卑滿漢禮儀尤當畫一所謂議堂司相見儀注及滿漢科道體統相同之處至爲允當應請著爲定例永遠遵行從之○己亥諭議政王大臣等阿爾布巴差兵至阿里欲害頗羅鼐被頗羅鼐將伊所發之兵盡行截殺已領兵往招征

東華錄

雍正十一

四

劄阿爾布巴此舉若能事成於西藏有益但今見有欽差馬喇僧格在藏恐伊等或爲阿爾布巴所惑從中講和或被阿爾布巴詭誘以致頗羅鼐受害則大有關係著岳鍾琪於川陝標下官員內選擇熟習番情通曉番語可以差遣往藏者速令其前往將一應情節密述與馬喇僧格俾伊等心中明白則諸事無阻此諭著學士班第送去其詳悉之處班第口傳○軍營效力行走原任大同總兵官馬觀伯奏鄂爾昆圖拉地方爲極邊初墾之地近產瑞麥有一莖至十五穗之多實屬希逢之上瑞罕觀之嘉祥得旨今歲各省俱產嘉禾頃馬觀伯復進瑞麥朕觀自古聖帝賢王皆務實心實政不以祥瑞爲尙朕深明此理擯斥虛文因今歲爲通行精田典禮之初卽獲感召天和是以特爲表著以明天人感應之理捷於影響期中外諸臣益加誠敬共相儆勉於將來也但恐地方



有司未必深悉朕心或競尚嘉禾之美名借端粉飾致有隱匿旱澇而不以上聞者亦未可定著將雍正五年以後各省田畝所產嘉禾俱停其進獻奏聞○庚子諭內閣鳳凰城中江稅務向來俱係城守尉等官管理此處係外國交易之地關係緊要嗣後著盛京五部堂官於司官內揀選奏聞派出管理一年更換○辛丑加湖廣總督邁柱兵部尚書○癸卯諭滿漢文武大臣等凡為國家大臣者非爵位崇顯體貌魁梧之謂必其胸襟識量所見者大方可謂之大臣朕觀諸臣中有器量小者見朕賞賜則欣喜不勝見於詞色夫受賞而欣喜若此則受罰必怨忿於心矣朕之賞罰悉出大公總視乎其人之自取受賞者當思所以致賞之由並思所以不愧乎賞之道則可以常保其恩賞受罰者當思所以致罰之由並思所以免罰之道則可以不至於再罰矣○己酉諭戶部朕

東華錄

雍正十一

聖

御極以來愛養黎元勤求治理各省錢糧耗羨原非應有本欲悉行革除因廣為諮詢留心體察知州縣官員實有不得已之用度若將耗羨盡行禁止在廉謹之員實難支持而貪劣不肖之徒勢必藉口無以養廉恣意苛索百姓轉受其累是以錢糧之有火耗由來已久各處皆有相沿之例其數亦多寡不同惟應於火耗過重之員重治其罪若有司官酌量收納不加重苛取於民小民亦覺相安此各省之大勢也查各省之中賦稅最多者莫如江南之蘇松二府浙江之嘉湖二府每府多至數十萬兩地方百姓未免艱於輸將其賦稅加重之由始於明初洪武時四府之人為張士誠固守故平定之後籍諸富民之田以為官田按私租為稅額夫負固之罪在士誠一人而乃歸咎於百姓加其賦稅此洪武之苛政也有明二百餘年減復不一我朝定鼎以來亦照明例徵收

蓋因陸續辦理軍需經費所在未便遽行裁減我 皇考聖祖仁皇帝常論及此雍正三年朕仰體 皇考多年寬賦之 聖心將蘇松二府額徵浮糧豁免彼時頒發諭旨甚明本欲一體加恩於嘉湖二府因浙江風俗澆漓正須化導不便啓其望恩倖澤之心故爾暫止今見浙俗漸次轉移改而遷善朕心深慰用沛恩膏查嘉興府額徵銀四十七萬二千九百餘兩湖州府額徵銀三十九萬九千九百餘兩俱著減十分之一二府共免銀八萬七千二百兩有奇永著為例至於浙省地方各官養廉之資更無別項而耗羨每兩不過五六分以通省額徵之數計之每年耗羨僅十四萬兩自督撫將軍副都統學政及藩臬道府同知通判州縣等官共一百二十員凡用度公費皆取資於此似不足支應除嘉湖二府錢糧已經減免外著將杭州甯波紹興台州金華衢州嚴州溫州處州等九府額徵銀二百五萬兩按十分之一內存半計算銀十萬兩賞給各官以為養廉合之州縣耗羨則有二十四萬兩從雍正六年為始俱著提解司庫令該撫酌量官職之大小府州縣地方之繁簡秉公派定數目奏聞餘銀存為本省公事之用朕軫念浙省官民施恩格外百姓賦稅之稍重者則將額徵之數特賜裁減官員用度之不足者則將惟正之供賞給養廉朕之施恩於官者實施恩於民之意無非欲百姓等催科不擾皆樂業於田間官員等俯仰裕如咸盡心於官守儻官員不知副朕愛民之苦心仍有作姦犯科隱糧逋賦及侵漁公帑剝削民膏者在天理國法俱難姑容加以重懲更無可貸思之慎之○以莽鵠立署陝西甘肅巡撫由禮部右侍郎署○雲貴總督鄂爾泰奏威遠新平猓賊倚恃深山密箐專以劫殺為活從前雖屢經用兵緣兇頑難以遽擒或反代

東華錄

雍正十一

聖

密箐專以劫殺為活從前雖屢經用兵緣兇頑難以遽擒或反代



爲容隱由來已久比鎮流蠶動二處裸賊遂乘機聚眾焚掠鄉村  
臣隨飭征勦鎮沅各路勝兵一鼓擒剿見獲威遠賊首扎鐵匠新  
平賊首李百疊等餘黨就撫得旨猥賊倚恃險阻肆行不法爲害  
地方鄂爾泰檄令各路官兵乘機剿撫兇犯成擒地方從此甯謐  
甚爲可嘉著交部議敘總兵孫宏本奉該督調度實心效力勞績  
懋著著從優議敘烟瘴地方又值炎暑官弁兵丁奮勇效力皆屬  
勤勞著從優議敘賞資其中有染病受傷以致身故者俱照陣亡  
例一體恩卹

十一月癸丑朔命四川陝西雲南各遣兵進藏以左都御史查郎  
阿副都統邁祿經理一應軍務○甲寅諭內閣延信已犯重罪革  
去貝勒交與宗人府究審著行文與富甯安即將伊家產查明看  
守其家屬人口著派官兵解送進京○乙卯諭吏部定例凡在京

東華錄

雍正十一

聖

各部院官員因病告假回籍調理者病痊之日仍以原衙門補用  
至在外各官一經告病卽令休致所以防不肖有司之託病規避  
也夫外官有地方之責患病不能辦事自應呈請離任但病痊之  
日格於成例雖有才具優長之員不得起用殊爲可惜從前府  
縣官員告病者朕降旨調來引見見其才尚可用卽命醫調治痊  
可仍行補用誠以人才難得雖片長薄技不忍棄置也嗣後外官  
告病者著督撫查明確實具題令回籍調治痊可有情願起用者  
於本籍起文赴部引見仍以原缺補用如此則可以杜規避之端  
而人才亦不至於淪棄矣○丁巳諭內閣戶部侍郎西琳著補授  
西安巡撫張保著回刑部侍郎原任常德壽到京時著署理戶部  
侍郎事務浙閩總督高其倬辦理兩省之事才力不及李衛著  
授爲浙江總督管巡撫事從前鄂海楊琳爲總督時因不能兼攝

兩省之事是以曾用年羹堯爲四川總督孔毓珣爲廣西總督總  
之酌量時勢因人而施也今李衛亦照此爲浙江總督不爲浙江  
定例○命法敏傳德辦理阿爾泰軍糧屯田事○以科爾沁敖漢  
等處秋收歉薄發帑九千兩賑之○戊午江西巡撫布蘭泰參奏  
原任撫標遊擊今升蔚州參將裴魁從前虛冒馬糧二分步糧三  
分守糧六分今經查出請革職究追得旨武弁虛冒糧餉幾分乃  
歷來積弊較有司之貪贓枉法累及國計民生者似有分別該上  
司等應豫行嚴飭令其後改爲國家愛惜人才若切加訓誨仍不  
遵奉則當參革治罪今布蘭泰到任伊始尙未教導屬員遽以空  
糧幾分將裴魁參奏未免過刻若督撫等皆如此參劾恐有用之  
才受微愆之累而不得改過自新者多矣朕念裴魁從前效力從  
寬免其究問著降三級留任朕此番降旨將裴魁寬免深恐各省

東華錄

雍正十一

聖

武弁等剋扣兵糧而該管上司等徇情寬縱者由此漸多若照例  
將裴魁治罪則又恐各該上司以此事參處爲是因而刻意撻求  
使可用之員遽行黜革實屬可惜是以明降諭旨凡此寬嚴輕重  
之間朕實以至公之心而權衡於至當之理封疆大臣等祇遵朕  
訓隨事察理因時制宜遇屬員中之小過當加訓戒容其改悔自  
新方能事事合乎公平至當也○庚申諭內閣前據怡親王及大  
學士朱軾奏稱直隸水田稻穀豐收民間多不慣食稻米請發銀  
採買米石使得賣米價銀轉買小米高粱於百姓甚屬有益此特  
爲民食計非爲倉儲計也近聞州縣中竟有倡勒小民強買稻米  
者此等不肖官吏生事擾民將朕愛民德政奉行不善反爲擾民  
之事較之一切貪劣之員尤爲可惡著該督等查參治罪備徇情  
隱庇不行查參將該督等一併嚴加議處○敕修八旗志書○壬



皮諫內閣朕日理萬幾勤思上治凡外省來京之小臣如州縣佐貳等官常令引見並許條奏地方事務數年以來覽所奏甚多其中指陳近理言有可採者或交部議或即准行此皆朕留心政治期有裨益於地方之意也特恐行之日久致生弊端或各省督撫藩臬等見地方事務有不便自行陳奏之處因授意於屬員令其寫人條陳之內亦未可定朕防微杜漸不得不豫行曉諭儻有此等則顯蹈欺罔之罪一經發露斷不寬貸至朕屢頒諭旨訓勵臣工總爲國計民生之至要各省督撫諸臣自當實心遵奉但恐前任督撫所奉之諭旨接任者未曾備悉或致日久廢弛著各省督撫等將歷來所奉諭旨俱繕錄成冊一一詳載以便每日觀覽觸目儆心並將此冊交代不許失漏藏匿如此則前任奉行之諭旨後任仍得知所遵循觀覽之際悉如親承朕訓於國計民生庶有裨益

東華錄

雍正十一

聖

裨益○諭朕覽明太祖所著洪武寶訓一書詞義周詳誥誡諄切所以教其子孫臣庶者亦費苦心但明太祖起自布衣奄有天下雖資性過人而其識見尙局於卑隘其規模未臻於廣大蓋緣文過其實言行多不能相符而議論自相矛盾者有之朕觀堯舜授受心法惟有一中治世之道必事事合乎時中始爲至善我太祖太宗世祖聖祖相承之神謨聖烈合於大中至正之道者已經敬輯聖訓垂爲世法而從前史冊所載歷代帝王之舉動言論每於中道之權衡或未能悉協大抵由於時勢之所值不同故政治訓辭亦因之而有偏向後之論者遂不能無疑議於其間朕意欲將經史所載歷代帝王之嘉言懿行可以紹執中建極之心傳者採錄成書爲後世子孫之法鑒者著派翰林官分任纂修陸續進呈朕親加酌定○丁卯諭內閣昔聖祖仁皇帝嘗稱

東華錄

雍正一一

巴圖魯公鰲拜效力處甚多厥功甚大因犯重案不得已將伊治罪伊孫達禮善朕甚望其成立欲加恩育但伊人甚平常行止不堪可惜不能承朕恩眷當時諭旨如此朕數十年來惟聞鰲拜僭妄無禮擅權作威之罪未深知伊之功勳並不知鰲拜子孫見在者何人昨引見達福時方知達福人去得朕又恭閱聖祖仁皇帝實錄鰲拜所效功績每多超眾之處是以康熙五十二年聖祖特命查鰲拜之子孫加恩賞給一等阿思哈尼哈番皇考既已施恩寬免鰲拜之罪應將鰲拜效力所得一等公爵給達福承襲世襲罔替仍授爲散秩大臣鰲拜著致祭一次至建立石碑加恩等處交該部查例具奏○戊辰雲貴總督鄂爾泰奏黔省邊界生苗不納糧賦不受管轄隨其自便無所不爲由來已久臣自勦撫長寨後生苗目視長寨苗戶安居樂業各思投誠內附長寨

東華錄

雍正十一

吳

後路克猛等處及馬頭山松把廣順州定番州古羊山外等處招撫化誨夷苗共一百八十四寨一千八百餘戶俱聞風嚮化並獻弓弩盔甲雖區區頑苗頑獠不啻犬羊芟夷土夷糧何增毫末但念其原無統轄遂任彼擾害邊疆欲行稽查無從蹤迹縱思撫卹末由招安今仰賴聖主聲教所訖莫不願附版圖但戶口必須編造錢糧自應從輕且夷民半無姓氏名字雷同應行更定姓名彙冊報部酌爲額賦案年輪租庶幾邊境長甯夷民永賴得旨苗民梗化由來已久況屬生苗尤難懾服綏靖鄂爾泰勦撫並用威惠兼施俾生苗等嚮化輸誠咸願納賦歸附版籍又謬沖逆苗等素稱獷悍難馴今勦撫已靖悉皆內嚮鄂爾泰辦理甚屬可嘉著由拜他喇布勒哈番加授一等阿達哈哈番世職以獎勞績張廣泗遵依鄂爾泰調度實心出力著交部從優議敘在事官兵應

二七一



如何議敘賞賚之處著鄂爾泰分別具奏○庚午理藩院遵旨議覆澤卜尊丹巴胡土克圖請加封澤卜尊丹巴喇嘛道官齋捧敕印送至喀爾喀庫倫地方得旨澤卜尊丹巴胡土克圖與班禪額爾德尼達賴喇嘛之後身出處甚確應封於庫倫地方以掌釋教朕為普天維持宣揚教化之宗主而釋教又無分於內外東西隨處皆可以闡揚昔達賴喇嘛與班禪額爾德尼在西域時其居住青海之厄魯特顧實汗等實與之鄰近相與護持故其教盛行於西藏自此各部落俱為檀越踵而行之有年矣蓋宣揚釋教得有名大喇嘛出世即可宣揚豈僅在西域一方耶澤卜尊丹巴胡土克圖其鍾靈原有根源乃與達賴喇嘛班禪額爾德尼相等之大喇嘛也故眾喀爾喀俱尊敬供奉之且伊所居庫倫地方弟子甚眾著動用帑銀十萬兩修建大剎封伊後身俾令住持齊集眾喇嘛亦如西域講習經典宣揚釋教再多倫腦兒地方乃眾喀爾喀歸順時我 皇考巡狩於此眾喀爾喀齊來朝覲會盟之地也應造寺宇以表彰之俾出世之張家胡土克圖居住張家胡土克圖者西域有名之大喇嘛也唐古特人眾敬悅誠服在達賴喇嘛班禪額爾德尼之上各處蒙古亦皆尊敬供奉今其後身稟性靈異確實可據著將多倫腦兒地方寺宇亦動帑銀十萬兩修理寬廣使張家胡土克圖之後身住持於此齊集喇嘛亦如西域講習經典以宣揚釋教蒙古汗王貝勒貝子公台吉等既同為檀越朕如此推廣教法建造寺宇一如西域令喇嘛居住講習經典於伊等蒙古之誦經行善亦甚便易蓋禮佛行善無分遠近宣揚釋教之處愈多則佛法可以日廣即澤卜尊丹巴胡土克圖張家胡土克圖皆前世達賴喇嘛之弟子伊等豈肯忘其宗派耶○戶部等衙

門議覆四川巡撫憲德奏各府州縣增設裁改事宜一成都府請復設華陽縣添知縣典史教諭訓導各一裁府屬之稅課大使一請改資縣為直隸資州管轄仁壽資陽井研內江四縣裁資縣原設之典史一改縣州為直隸州管轄德陽安縣縣竹梓潼四縣其威州應裁併入保縣管理改茂州為直隸州兼轄汶川保縣二縣及各土司一請裁馬湖府其知府經歷教授各一俱裁將馬湖府原屬之屏山縣歸併敘州府轄其敘州府通判請移駐馬湖府管束雷波等各土司從之○辛未署湖廣總督福敏奏勦撫諺沖花苗巢穴已焚接獲男婦見在解審官兵俱撤回原汛得旨花苗地連黔楚素行不法為害地方今福敏會同勦撫楚地從此無兇苗之擾甚屬可嘉福敏著交部議敘其在事官兵丁應如何議敘賞賚之處著福敏分別具奏○癸酉兵部議覆盛京偷採眾犯東華錄 雍正十一 哭

私越邊口往朝鮮地方行兇不法據該國王李昉咨報皆由守口官弁廢弛徇縱所致除將失察之該管官革職拏審外嗣後應嚴行查禁備守口官不驗明印票任其出入者該將軍督撫提鎮題參交刑部嚴行治罪得旨依議著該管之將軍督撫提鎮等實力奉行嗣後倘有越境生事者定將該管各官從重議處再者昔年聖祖仁皇帝頒諭朝鮮國王儻有盜賊前往伊國劫掠著該國王即行追擊殺戮生擒解送自朕即位以來又降諭旨若颶風船隻人內有無票妄行生事者該國王即照伊國律例懲戒治罪屢降諭旨甚明今內地盜竊之輩因各處捕緝禁約甚嚴無處可以藏匿是以潛逃外國苟且偷生該國王既列藩封當為朝廷盡捕盜安民之職乃柔懦不能遵奉轉使內地犯法之人恃朝鮮以為潛蹤避罪之地此風斷不可長嗣後倘有匪類越境生事而朝鮮

東華錄 雍正十一 哭



不能擒獲以致漏網者著該國王將伊國防汎之員題參治罪該部將該國王一併議處以爲藩王不能遵旨奉行捕盜安民者之戒著將此文與朝鮮國王知之○甲戌常保錄事降調以通智爲盛京工部侍郎由大理寺卿遷○賜王元浩等一百十六人武進士及第出身有差○乙亥宗人府議奏開散宗室廣善蒙恩賞給公銜在 陵寢居住越分請安請革去公銜以開散章京看守 陵寢大學士蕭永藻不行攔阻聽其請安應革職得旨廣善著革去公銜在開散章京之列行走蕭永藻向來操守甚好伊恃其操守驕矜偏執諸事任意在 聖祖仁皇帝時並無實心效力之處及朕卽位因其年逾七旬爲舊日大臣加恩優待念 景陵事務關繫重大特命伊一切總理且令伊得就閒散之地以頤養暮年正所以善全之也乃伊不知感朕之恩且以朕不加任用時懷怨望之

東華錄

雍正十一

兇

意自到 陵寢以來事事推諉瞻徇不肯實心辦理卽如筆帖式等強奪民人之牛隻而伊不行約束小人偷鋸 陵寢枯樹而伊不知察訪員勒允禩到 陵行禮而伊不行齊集其餘如請安來京不候旨卽去似此疏慢之罪甚多不可悉數惟知阿諛允禩以長其傲慢狂肆之罪而其特行條奏者則裁汰舊設之官員減去祭祀之乳牛以爲節省錢糧之計不知大體負恩廢職蕭永藻著革職仍在 陵寢地方居住效力○丙子諭諸王大臣等朕每恭讀 聖祖仁皇帝實錄必虔加頂禮然後展誦每遇 聖祖尊號必頂禮致敬不敢平視此朕居敬存心不待勉強非獨一事爲然也聖人戒慎恐懼之功無間須臾時時收斂此心便是敬稍或不敬則此心縱逸而不可追矣凡人動怒之時或與人相爭之時心尤易縱切須以敬自持果能操存涵養不但是聖賢修己工夫亦

可得養生之道不可不加之意也爾等每聆朕諭旨聽受之下中心誠服在爾等斷無面從背違之習然恐存此成見或中心以爲是未必果然全是也設爾等陳奏之言朕或誤以未當者爲當其失僅在一事所繫猶小若朕所發諭旨爾等漫以未盡善者爲盡善其所繫不綦重乎嗣後切須爲朕存心致思詳加體認不可稍有遷就迎合之意使朕有失言過舉朕於爾等有厚望焉○丁丑諭八旗都統等歷來滿洲人材壯健弓馬技勇罕與比倫前令八旗查得親軍護軍內能開八箇力以上硬弓者見有一萬八千餘人昨朕在瀛臺考試天下武舉騎射之後令八旗人等當眾人之前校射伊等所用之弓自十八箇力以至十三箇力不等舉重若輕從容合度眾武舉等咸驚異以爲從來罕覩朕心甚爲嘉悅著分別賞給銀兩伊等藝勇超羣是其盡心學習之所致嗣後務須

東華錄

雍正十一

辛

更加勉勵演習熟練不可以弓力相爭尙將此通諭八旗知之○戊寅諭刑部凡強盜拒捕將官兵傷死之案除同夥傷人之時該犯不在一處者仍照例議罪外其同在一處或三五成羣雖非下手之人既在旁目覩卽係同惡相濟法所難寬嗣後應照舊例立決向來各省督撫於命盜案件或稱酒後殺傷或稱饑寒所迫巧爲開釋是皆婦寺之仁未聞聖賢之義者夫酗酒之徒已非良善況恃酒致傷人命更屬兇殘今不因酗酒而加其罪反因酗酒而寬其罪恐奸惡之徒借麴蘖迷心之名以肆其兇暴殺人之計流弊固無窮矣至迫於饑寒之說在老弱之人容或有之然爲盜賊者必係年力強壯之人耕種傭工何事不可資生餬口乃喪心滅理甘蹈刑戮而不顧乎蓋良善之人雖遇饑寒亦斷不爲盜兇惡之人不必饑寒而後爲盜其理顯而易明凡爲封疆大臣者豈可



不察情理而姑息以養奸乎朕代天以出治督撫受職以理民兇暴在所當懲良善在所當恤所謂天命天討也一夫不獲其所實吾君臣之責儻無辜之民不能保護而安全之而使之有轉徙流亡者此必水旱之不時積貯之未備地利之未興科派苦累之未革實朕與該督撫經理失宜而使斯民罹於困厄也清夜捫心應如何抱慚負疚若坐視百千良善之失所而不生惻隱之心轉於兇暴殃民之盜賊加之憐憫欲枉法以保全之豈非賞罰顛倒重負父母斯民之責耶朕做惕之切無一時稍釋於懷願天下督撫臣工咸體斯意○庚辰諭內閣聞向來常有演習拳棒之人自號教師召誘徒眾鼓惑愚民此等多係游手好閒不務本業之流而強悍少年從之學習廢弛營生之道羣居終日尚氣角勝以致賭博酗酒打降之類往往由此而起甚且有以行教為名句劫盜竊

東華錄

雍正十一年

至

賊擾累地方者若言民間學習拳棒可以防身禦侮不知人果謹遵國法為善良尚廉恥則盜賊之風盡息而鬪訟之累自消又何須拳棒以防身乎若使實有膂力勇健過人何不學習弓馬或就武科考試或投營伍食糧為國家效力以圖榮身上進豈可私行教習誘惑小民耶著各省督撫轉飭地方官將拳棒一事嚴行禁止如有仍前自號教師及投師學習者即行拏究庶游手浮蕩之徒知所儆懼好勇鬪狠之習不至漸染而民俗可歸於謹厚矣○戶部議覆川陝總督岳鍾琪奏川省欺隱田地請遴選賢能司官前往查丈應如所請於各部司官並候補候選州縣內揀選引見命往如有奸民脅眾阻撓者按律治罪得旨此本內但稱奸民阻撓公事按律治罪而百姓實有冤抑下情如何准其陳訴之處未曾議及著通行曉諭丈量案內百姓果有冤抑下情准其控告該

督撫欽差官員秉公審理儻所控虛妄將本人照誣告者加等律治罪所請丈量地畝人員著於小京堂科道內揀選並令各部堂官保送一併帶來引見其帶往丈量人員著於庶吉士見任主事內閣中書中行評博候補候選人員內揀選引見○宗人府議奏順承郡王錫保徇庇黨與並不將延信大不敬之事參奏又將不能騎馬之章京派擊延信以致遲誤應將錫保王爵並管理宗人府事務一併革退圈禁家中得旨錫保革去王爵及圈禁之處俱從寬免其特恩賞給之親王俸祿護衛官員俱著撤回仍罰郡王俸三年○調祖秉圭為廣西巡撫以沈廷正為貴州巡撫趙國麟為福建布政使由長蘆鹽運使遷○黃叔琬緣事降調以郭洪為廣西布政使張元懷為廣西按察使由御史遷○實授赫勝額貴州布政使張廣泗貴州按察使○以孫卓為禮部右侍郎由通政使遷○實授莽鵠

東華錄

雍正十一年

至

立陝西甘肅巡撫○是月免湖北蘄州黃岡公安石首荊左荊右等州縣衛浙江安吉仁和等州縣杭州前右二衛水災額賦有差十二月壬午朔諭諸王大臣等親王及旗下大臣部院大臣內務府總管等在乾清門外辦事所有跟隨之人並無限制以致人數眾多頗覺繁雜爾等查例議奏尋議親王以下宗室公以上如進內禁門帶護衛一員部院大臣等帶筆帖式一員旗下大臣等帶印房筆帖式或領催一人又乾清門侍衛人等出入景運門隆宗門後右門俱照例投職名查驗在內行走之王等亦得在隆宗門出入其餘俱令在後左門出入從之○以兵部右侍郎那蘇圖為黑龍江將軍○甲申刊刻孝經小學清漢文告成 御製序文○乙酉諭禮部直省拔貢舊例十二年題請舉行一次後因各省學政不能秉公選取國子監未便照例請行於雍正元年特行一次



朕思各州縣每年歲貢較其食廩淺深挨次出貢內多年力衰邁欲得人材必須選拔著各省學臣於科考時照例府學拔取二名州縣學拔取一名甯缺勿濫務取學問優通品行端方材猷可用之人令其來京朕將親加考驗令入國子監肄業如有學問荒陋人品不端才具庸劣者將該學政嚴加議處嗣後六年選拔一次國子監屆期題請候旨○丁亥諭大學士九卿等為治之道首在得人朕臨御以來夙夜孜孜廣為諮訪期得人材以理庶政而內外臣工所保舉之員其中秉公推荐足備任使者固不乏人而徇私濫舉及苟且塞責者亦復不少朕思荐舉人材關係國家辨材論官之要道舉得其人則政事無不就理舉非其人則流弊從此而生孟子曰立賢無方孔子曰舉爾所知觀聖賢之言則知得人之道宜廣其途以為揆羅而各舉所知庶可以收克知灼見之益

東華錄

雍正十一

聖

也今特諭內外諸臣等京官自翰林科道郎中以上外官自知府道員學政以上武職自副將以上旗員自參領以上皆令各舉一人滿洲官員則保舉滿洲漢軍官員則保舉漢軍漢人官員則保舉漢人文職官員許保武職武職官員許保文職於滿漢文武內或係見任職官或係候補候選之人或係進士舉人貢監生員或係山林隱逸務期有猷有為有守品行才具足備國家之用者各人密封奏摺赴奏事人員處轉奏外官則遣家人齎送密摺來京付奏事人呈進即或親戚子姪等亦可據實薦奏不必以嫌疑引避但京官自尚書侍郎外官如督撫提鎮兩司皆係朕已經深知簡任者不必入所薦之列其奏摺內止開列本人官銜姓名註明所薦之人官銜考語不必引頌聖繁文此朕旁求俊乂之苦心冀賢才輩出師濟盈廷俾百職得宜庶務舉凡有保舉之責者不

得瞻顧私交不得受人屬託不得互相商議不得輕聽風聞夫十室之邑必有忠信凡人生平豈無一人熟識深知者况既列朝紳受國家之爵祿而朕又推心置腹畀以舉薦賢能之美事儻猶有懷藏私意濫舉非人者清夜捫心尚可以為人乎且朕之觀人往往洞見隱微將來觀所舉之人即可知舉人者心術之公私識見之明昧亦不使諸臣之得行其私也○諸王大臣等密奏延信罪狀二十款查延信向與阿其那阿靈阿拉錫普奇等結納黨援之罪一奉旨詢問年羹堯之處並不據實揭報黨援之罪二在西甯時陰與允禩交結黨援之罪三及復令其進藏時鎖營年羹堯代伊解釋保奏黨援之罪四延信原係阿其那阿靈阿蘇努等同黨奉旨交問伊身為將軍員勒明知其事反將無干之漢人路振揚舉出黨援之罪五遵奉阿其那傾心效順稱阿其那樸實稱阿靈

東華錄

雍正十一

聖

阿為人傑將伊女與阿爾松阿結親黨援之罪六捏造逆言告知年羹堯希脫黨謀黨援之罪七當 御前昂然伸足大不敬之罪一 皇上諭旨訓責坐聽不跪聆大不敬之罪二時屆 萬壽聖節不俟慶祝慕自起程回任大不敬之罪三在西甯時不遵諭旨將地方要務並未奏聞一事大不敬之罪四假捏病狀扶杖行走及令伊署大將軍印務棄杖前往欺妄之罪一諭旨訓練士卒不行欽遵反懷怒望將士卒混行痛責擾亂國政之罪一奉旨詢問應否進藏之處並不實心籌畫但云路有烟瘴希圖惑眾擾亂國政之罪二在將軍任內不親加訓練止圖宴逸負恩之罪一妄行保題官兵一百九十餘人市恩邀結人心之罪一在甘州時因青海用兵亂行調動遠處兵丁幾致可危失誤軍機之罪一身為將軍聞賊寇臨邊並不發兵追新城子失陷之後始行發兵失誤軍



機之罪二將拏到逆賊阿拉布坦温布屬下蒙古七人並不究審竟行釋放失誤軍機之罪三進藏時將國帑十萬兩入己貪婪之罪一以上罪案延信俱自認不諱請按律斬決以彰國法妻子發往右衛財產入官所屬佐領下人等交該旗辦理得旨延信從寬免死者與隆科多在一處監禁伊子不必革去宗室凡間散宗室原有在王府佐領兼轄之例伊等著入顯親王府佐領管轄驅使至伊屬下佐領人等原從顯親王家下分出仍著賞與顯親王家產不必入官伊有種種貪贓虧缺銀兩著將伊家產交與旗下大臣等查明還項○乙酉諭八旗大臣凡獲罪革職之人經朕復加錄用卽無罪矣嗣後承襲之時照常將伊等之子開列著爲例○壬辰內閣等衙門遵旨議覆河南總督田文鏡條奏盜案各款一事主捏報強盜如以姦情人命鬪毆等事捏報盜案本身無罪者

東華錄

雍正十一年

五

分別議杖本身有應得之罪者從重治罪若憑空捏報照律問遣甲長鄰右扶同捏報者照事主減一等治罪應如所請但捏報既定嚴例或事主已經據報而有司抑勒諱盜改強爲竊者除將地方官照例革職處分外該管各上司及督撫均應分別降調一呈報盜案責令州縣正印官會同營汛星往事主家查勘情形訊供填報如州縣官不親詣查驗捏作親詣者革職該管官照例處議處應如所請一正印官公出不及查勘卽令佐貳官申請鄰邑正印官代驗查地方佐貳捕官原以備地方之事若正印官公出應令佐貳捕官會同營汛星速代驗如查驗不實照正印官處分得旨盜案逾限不完卽行參處原爲官役弛縱而設若因限期迫促致有枉拏平民裁贓買贓教唆口供扳累無辜請弊甚非清理盜案之道嗣後果有虛實情形未分盜賊未確限內不能完結承

審官應如何詳報上司應如何報部展限之處另議儻有將易結之盜案不行速結濫請展限該督撫漫爲咨部經部駁查者應將該督撫及該有司如何處分之處亦著詳議又議稱凡報盜案責令州縣正印官會同營汛星往事主家查勘情形所以防事主狡飾之端也夫事主之強悍者或以竊報強柔懦者或以強改竊固有狡飾之情至於地方文武官員因畏疏防承緝處分恐嚇事主抑勒改供亦未可定如有此等不肖官吏應作何處分之處亦著詳議又議稱初報盜劫正印官公出應令佐貳捕官會同營汛速驗但佐貳捕官未可深信如遇失事而正印官公出佐貳捕官一面會同汛弁查驗先行緝捕一面申請鄰邑印官至事主家覆加查驗尤爲詳慎應如何定例之處俱著詳議具奏尋議嗣後盜案果有虛實情形未分盜賊未確限內不能完結者該管上司覈明

東華錄

雍正十一年

五

報部准其展限四箇月儻承審官將易結之盜案濫請展限者革職該管官及督撫分別降罰至地方文武官員因畏疏防承緝處分抑勒事主改供者革職再地方失事印官公出應令佐貳捕官一面會同汛弁查緝一面申請鄰邑印官覆驗如鄰邑印官推諉附會者照例降調餘俱如前議行從之○癸巳諭八旗大臣旗員以習武爲要卽文職亦不可棄若將弟兄子姪帶赴外任家口既多如何能爲廉吏而子弟但能倚仗勢力無所不爲擾害百姓最爲惡習漢軍內不得人材皆由於此也年幼者隨任猶可十八歲以上理應留京令其披甲學習馬步弓箭與國家出力如可以習文者送赴官學讀書著將外省旗員帶族人赴任所之處永行禁止儻係親子十八歲以上欲帶赴任所者著具呈該旗大臣請旨再旗人不應作外省驛丞典史等雜職漢軍內壯丁多之佐



領添編佐領或在直隸綠旗營當兵俱著會同吏兵二部定議尋  
議滿洲蒙古漢軍凡補授外任者嗣後俱不准其將十八歲以上  
之子弟隨任見在帶往者應撤回該旗當差學習至旗人補用外  
任文武雜職亦應承行停止漢軍閒散人丁有情願入綠旗者該  
旗咨部轉送直隸總督造入民籍准選為綠旗兵行走得旨外省  
旗員見在隨任子弟姑免調回其文武雜職等官俱著回旗如有  
該督撫提鎮等保留者准其留任○甲午準噶爾台吉噶爾丹策  
零遣使臣特磊來朝頒敕諭一道令使臣齋回諭曰據奏知爾父  
病故不勝惋惜爾父在時將一切事務未得裁處妥協台吉知爾  
父負朕之恩為非遣使遠來朕甚嘉之方今西藏地方噶隆阿爾  
布巴等與頗羅鼐等彼此結讐舉兵相拒朕正在躊躇爾奏稱欲  
在西藏煎茶設供廣行釋教以安眾生似屬非分準噶爾乃西北  
東華錄 雍正十一年 五月

隅一小部落耳釋教之廣行與否豈關爾之煎茶設供朕即位元  
年爾父奏稱寬宥伊罪言詞恭順朕以為出於至誠故欲清理疆  
界乃命使二次爾父反生嫌疑不能遵奉朕旨再羅卜藏丹津乃  
青海和碩特扎什巴圖爾之子伊骨肉中無故弄兵互相殘害朕  
差大臣前往命各息兵而羅卜藏丹津乃敢悖我 皇考聖祖養  
育之恩負朕之德侵犯內境被守邊輕兵擊敗遠行逃竄爾父應  
即為擒獻始見和好之誼乃於本地隱匿窩留是何意耶由此觀  
之從前所奏無一誠實之處可知矣前者羅卜藏丹津乃一愚戾  
不忠不孝之人爾父年高歷練力能將伊酌量裁處可以生之亦  
可以制之必不被伊愚弄是以不曾勒追今爾年少與彼相等以  
羅卜藏丹津之志氣高傲不顧恩義斷不肯屈於爾下守分安居  
必將離開爾等於爾大有不便爾務須將羅卜藏丹津送來朕念

伊父扎什巴圖爾從前勞績斷不將伊誅戮仍施恩養爾其祇  
遵朕命爾台吉應將利害輕重盡心籌畫自立主見特茲敕諭○  
丙申以張允隨為雲南布政使趙宏本為雲南按察使由貴州貴  
東道遷  
○以納海為河南按察使由中遷○戊戌左都御史沈近思卒遣平  
郡王福彭往奠賞治喪銀五百兩予祭葬諡端恪贈禮部尚書太  
子少傅廢一子入監讀書○己亥諭內閣吳淞石塘當日勘估時  
於海潮紆緩之處酌量修築土塘蓋因工程浩大節省錢糧起見  
但東南財賦之區灌溉田畝保聚室廬全賴海塘捍衛朕思海勢  
衝激風濤旋轉難定土塘經歷年久未免可虞不若一例改築石  
塘為百姓萬年之利著該撫確行勘估不得惜費省工苟且塞責  
務期堅固永垂久遠以副朕經理海疆愛養民命之至意○諭兵  
部向來雲貴川廣以及楚省各土司僻在邊隅肆為不法擾害地  
東華錄 雍正十一年 五月

方剽掠行旅且彼此互相仇殺爭奪不休而於所轄苗蠻尤復任  
意殘害草菅人命罪惡多端不可悉數是以朕命各省督撫等悉  
心籌畫可否令其改土歸流各遵王化此朕念邊地窮民皆吾赤  
子欲令永除困苦咸樂安全並非以煙瘴荒陋之區倘有土地人  
民之可利因之開拓疆宇增益版圖而為此舉也今幸承平日久  
國家聲教遠敷而任事大臣又能宣布德意勸撫兼施所在土司  
俱已望風歸向並未重煩兵力而願為內屬者數省皆然自此土  
司所屬之夷民即我內地之編氓土司所轄之頭目即我內地之  
黎獻民胞物與一視同仁所當加意撫綏安輯使人人得所共登  
衽席而後可副朕懷也但地方遼闊文武官弁需員甚多其開未  
必盡屬賢良之輩且恐官弁等之意以為土民昔在水火今既內  
附已脫從前之暴虐即畧有需索亦屬無傷此等意見則萬萬不



可著該督撫提鎮等嚴切曉諭不妨至再至三且須時時留心訪察稍覺其人不宜苗疆之任即時調換並嚴禁兵丁胥役生事滋擾務俾政事清明地方甯謐安民樂業共享昇平儻有不遵朕旨絲毫苛索於土民地方者著該上司立即參劾重治其罪即係平日保舉之人亦不可為之容隱果能據實糾參朕必有其失察之愆嘉其公忠之誼該督撫提鎮等可共體朕心各盡懷保邊民之道○庚子調圖理琛為兵部右侍郎以舒楞額為吏部右侍郎副由○戶部議准署兩江總督范時繹奏丁隨糧辦最為均平良法請以雍正六年為始將江蘇安徽各州縣應徵丁銀均攤入地畝內徵收從之○戶部議准廣東總督孔毓珣奏廣東廉州府欽州西北地名三不要與廣西之上思州安南之河口接壤既不屬欽州上思州管轄亦不屬安南地界故名三不要查此地與廣東東華錄

龍門協相近請併歸欽州以便就近撫綏而該地有三村曰白雞白鴿白灘又有土名曰北崙最為險要請於龍門協派撥千把兵丁設汛防守巡遊彈壓從之○署兩江總督范時繹奏江南太倉州鎮洋縣境內劉河鉅工已蒙發帑開濬而七浦一河原係民田該地土民情願自行開濬業戶給費佃戶出工不敢再費帑金候旨遵行得旨君民原屬一體民間之生計即國計也儻遇國用不敷之時勢不得不資藉於民力今國用充足朕為地方籌畫萬年之利不惜多費帑金興鉅工養育百姓若仍用民力以辦公事非朕本心也況小民效力工程或致荒其本業而又不免官吏之督催煩擾朕心實為不忍著仍動公帑辦理仍將朕旨徧行曉諭該州縣士民伊等當體朕愛養元元之心於工程告成之後加意照看歲歲疏濬防護俾地方永受其益則勝於目前之趨事赴功多矣

○擢納延泰為理藩院額外侍郎由理藩院中選○壬寅以唐執玉為左都御史轉嵇曾筠為吏部左侍郎仍留河東副總河任調劉師恕為吏部右侍郎仍署直隸總督以錢以塏為禮部右侍郎由副都御史○癸卯諭大學士九卿等人臣朋黨之弊最足以害人心亂國政唐虞之世共工驩兜輩比周為黨舜必真之於法孔子曰君子矜而不爭羣而不黨易經渙之四曰渙其羣元吉朱子謂上承九五下無應與為能散其朋黨之象則大善而吉是朋黨之小人固自古帝王之所必誅聖賢之所垂戒其為世道人心計誠深且切也蓋人臣之道惟在公忠體國古之純臣公爾忘私國爾忘家精白乃心鞠躬盡瘁念念惟知有君父事事惟知有朝廷雖一己之身家且不暇顧又何至有營私結黨朋比為奸之事惟奸惡之小人其心既陰險狡詐忍於悖逆君父擾亂國政而其才又足以籠絡要結使奸邪之輩盡入其黨遂成牢不可破之勢當日蘇努阿靈阿鄂倫岱等同惡相濟結為邪黨凡屬在朝臣工其庸懦無能者則棄置之而於聰明才智之人或動之以利或怵之以害或震懾之以權勢或誘惑之以美名使其人不得不墮其術中彼此固結日肆邪謀自以為國家大事皆在其掌握操縱之中以此煽惑人心擾亂國政若非我 皇考至聖至明乾綱獨斷則伊等比黨之害可勝言哉朕在藩邸時知之甚悉故臨御以來將伊等朋比為奸之處屢次宣示中外益深為世道人心 宗社國家之計不得不痛加懲創嚴加誡諭惟冀大小臣工以伊等為炯戒共絕背公植黨之私時懷公忠體國之念則一德一心上下交而其志同其於世道人心 宗社國家豈不深有益哉○乙巳江蘇巡撫陳時夏奏松江府華亭縣於十一月二十四日天降甘露樹



枝茅屋之上大如晶珠自辰至巳凝結不散父老歡慶奇祥合行  
奏聞得旨頻年以來屢蒙 上蒼垂賜休徵朕意但以封疆大臣  
得人代朕宣化爲真瑞似此嘉穀甘露景星慶雲河清海晏之祥  
朕實不敢以感召自居亦不敢以祥瑞誇詡於天下後世也爾等  
當仰體朕意期共勉之慎之○陝西按察使兼管河東鹽政碩色  
奏十月初三日起至十一月十一日止池鹽獻瑞不需人力自然  
滋生多至七百餘萬斤悉皆顆粒盤簇味甘如飴迥異常鹽下部  
知之○戊申諭工部向來漢軍得補河員凡經手一切工程修築  
既不完固防守復多疏虞上下通同侵欺浮冒虛糜國帑甚至冀  
幸隄工之衝決以遂其侵那開銷之私計種種弊端朕所洞悉今  
總河齊蘇勒悉心釐剔一應工程整頓料理俱有成效凡屬河員  
亟宜洗心滌慮痛改前非各自奮勉蓋河工關繫運道民生河官  
東華錄 雍正十一 空

之責任較之他員實爲重大務須悉知利害殫心竭力若塗飾耳  
目苟且塞責經該督題參定加重處斷不能寬也著將此旨徧諭  
河員互相儆戒以副朕廑念運道民生之至意○是月免直隸雄  
縣水災額賦有差○是歲人丁戶口二千五百六十五萬六千一  
百十人又永不加賦滋生人丁八十五萬二千八百七十七田地  
山蕩畦地八百六十三萬六千二百九十一頃四十六畝有奇徵  
銀二千九百八十一萬五千二十一兩有奇米豆麥五百三萬一  
千一百七十石有奇草五百八十四萬七千三百一十八束茶三  
十一萬八千四百七十五引行鹽五百一十一萬九千四百八十  
六引徵課銀三百八十六萬四千七十八兩鑄錢七萬二千三百  
五十二萬八千有奇

東華錄

雍正十二

臣王先謙敬編

臣周瀚蕃恭校

雍正六年戊申春正月癸丑諭內閣從前將江南河兵一千名撥  
往河南教習樁埽原議回日裁汰但此兵丁既熟悉樁埽尙可留  
用今詢河道總督齊蘇勒南河仍有需用之處此一千兵丁不必  
裁汰著仍留營差用河工差遣武弁之處甚多每營止有守備一  
員管轄亦屬不敷且闕少武職大員著添設參將一員遊擊二員  
守備十員令參將管轄遊擊分管名爲河營○以西柱爲江南河  
道副總河由內閣侍讀學士遷○丁巳封青海尼魯特扎薩克台吉羅卜藏  
察罕爲輔國公○己未閩浙總督高其倬奏同安縣大姓李姓陳  
姓蘇姓莊姓柯姓合爲包姓小姓各雜姓合爲齊姓彼此聚眾格  
東華錄 雍正十二

鬪互相殺傷隨經差委員弁將大姓爲首之李邦小姓爲首之葉  
祖傳等擒獲究審以警愚悍之習得旨此等處須要鼓舞屬員實  
心盡力方能有濟設遇一二有爲者甫欲整理稍加振作緣耳目  
不明謗謗易入拘以文法不原其情輒目之爲多事喜功屬員窺  
見隱微人人惟思潔身自全而已誰肯任怨冒愆勇往向前汝等  
督撫操通省權衡意指所向好惡愛憎關繫非淺若肯強勉如此  
力行一二年後見有成效始信朕言之不誣也一人之精力有限  
如不合眾力以爲用諸務殊難就理惟宜廣視聽勤訪察再加以  
委用得人則何事不克辦集耶○壬戌調朱綱爲福建巡撫常賚  
爲雲南巡撫○甲子諭內閣君臣上下之間必至誠相接始不愧  
堂廉一體之誼朕待內外大小臣工推心置腹事事至誠而爲臣  
者尙忍以僞妄欺詐之意待朕其罪誠不可追宜兆熊乃旗下平



常無能之人因其向忠厚謹慎荷蒙 聖祖仁皇帝深恩用至福建將軍伊在任並未出力報效及朕即位以來伊亦不過尋常供職前因直隸總督員缺一時不得其人故令伊署理印務昇以畿輔節制之重任教導訓誨至再至三然則朕之恩尚可負乎劉師恕向來過謙多端近來屢經彰著朕見其人尚謹慎小心且年力精壯深有悔過遷善之念是以寬宥格外加恩令其協辦直隸總督事務以觀後效然則朕之恩尚可負乎張廷係年羹堯案內獲罪之人且又虧欠錢糧法難寬貸朕念伊祖張玉書在 聖祖仁皇帝時效力多年而伊之過犯大約由於年羹堯之挾制不能自主於是赦其過愆復其官爵諄切訓諭冀其成人伊亦感激愧悔奏稱情願竭力報效朕是以用為直隸布政使然則朕之恩尚可負乎魏定國由知州擢用知府又經福敏法海保薦是以用為直隸按察使且因伊服官效力朕推恩及於其父逾格優待然則朕之恩尚可負乎大名府知府曾逢聖前者被參虧空朕料其歷任多年必有作弊貪贓之款令該督藩臬等曉諭該地方若果有被屈受害之人准其據實控告審理以懲貪墨昨聞有老秀才呈告曾逢聖居官劣款而張廷將此秀才嚴刑斃命詐稱在監病故且坐以平素積惡之名不思辯冤既奉諭旨誣告自有國法即此秀才果有應得之罪亦當審實奏聞按律置之於法方足以服眾心豈有訟獄未定曾逢聖之案未結而將首告之人遽以三木畢其性命之理此必有意袒護曾逢聖惟恐控告者多先殺一人以箝眾口似此慘酷之行世所罕見宜兆熊劉師恕身為總督若罔聞知負朕任用之恩甘蹈徇隱之咎尚得謂之事君以誠無欺無隱者乎魏定國專司一省刑名乃任張廷之恣意妄行全不置問及

朕面加詰責則將顛倒是非草菅人命數案全推於張廷而置身於事外若然則直隸之設立臬司衙門者何為朕之簡用魏定國者又何取乎朕以至誠待諸臣而諸臣以欺詐待朕若不嚴加懲治此風何由而息張廷魏定國俱著解任著福敏史貽直前往保定將曾逢聖各案及夾斃秀才情由一一秉公嚴審務將實情悉行究出不得絲毫徇隱○解高成齡任調岳濟為山西布政使張坦麟為山東布政使以趙向奎為江蘇布政使○以張燦為直隸按察使由兩淮鹽運使遷○乙丑晉封故惠郡王博翁果諾孫貝勒球琳為惠郡王領國公弘春為貝子○甲戌添設江南蘇松屬吳淞天妃七浦三開關官各一白茆徐六涇二開關官共一員○丙子轉錢以壇為禮部左侍郎以石文焯為禮部右侍郎由甘肅巡撫遷○戊寅諭內閣凡律例之設乃詳情察理揆度至當而後定者也審

東華錄 雍正十二年 三

擬罪案之時應引某條則引之斷無輕重任意或介在兩可之理常見外省本章及法司議覆疏內往往有先引一例復云不便照此治罪更引重罪以坐之此乃臣下巧於開脫均非明允之道從前刻之名歸之於上或冀法外之恩巧於開脫均非明允之道從前已經降旨禁止而去冬刑部本內猶有蹈此者夫治獄之道豈得其平而司刑之官在乎執法今以一罪而引兩律則是法無一定而獄不得其平矣豈朕明刑弼教之至意乎嗣後再有兩引條例者外省督撫提鎮本章著通政司駁回將情由參奏三法司本章著內閣駁回將情由參奏若所犯之罪當引輕律而故意坐以重罪亦難逃朕之洞鑒內外執法臣工各宜慎遵毋忽○以王承烈為左副都御史徐鼎為江西布政使由浙江杭嘉湖道遷○以高斌為廣東布政使由蘇州織造遷吳昌祚為山東按察使由福建臺澎道遷○己卯以刑部



右侍郎張保吏部右侍郎舒楞額俱兼管左都御史事兵部右侍郎胡煦協理副都御史事○先是雍正三年四月原任雲貴總督高其倬奏安南國疆界有內地舊境一百二十里應加清理於賭呪河立界安南國王具奏陳請 上命雲貴總督鄂爾泰復行清查給還八十里於鉛廠山下小河以內四十里立界安南國王復激切陳訴五年五月初四日 上敕諭安南國王曰朕令內外地方官清理疆界據原任雲貴總督高其倬遵旨詳考志書知開化府與安南國渭川州之界當在開化府逢春里賭呪河是以於斜路村等處設立防汛以肅邊境比因該國王具奏前來情詞懇切朕以懷遠為心勉從所請諭令該督撤回防汛人員別議立界此朕委曲保全之特恩也嗣據新任總督鄂爾泰奏稱查得鉛廠山下地方山川形勢中外截然且志書可憑糧冊可據塘汛舊基可

東華錄 雍正十二年

四

查居民服飾可驗實係內地應於此立界誠為仁至義盡等語朕允其所奏頒諭該國王遵奉施行料王祇承之下定當鼓舞歡欣戴朕錫土甯人之德踴躍拜命乃該國王仍復具奏辯訴是王以執迷之心蓄無厭之望忘先世恭順之悃忱負朕懷柔之渥澤也高其倬鄂爾泰皆公平鎮靜之臣非喜事邀功之輩祇以官守所在不敢曲徇私情朕統御寰區凡茲臣服之邦莫非吾土何必較論此區區四十里之地但分疆定界政所當先侯甸要荒事同一體目今遠藩蒙古奉朕諭旨莫不欽承恐後豈該國素稱禮義之鄉獨違越於德化之外哉王不必以從前侵占內地為嫌中心疑懼必欲拳拳中辯此乃前人之誤非王之過也王惟祇遵朕諭朕不深求其既往仍加惠於將來儻意或遲回有失從前恭順之意則朕亦無從施懷遠之仁矣朕怙冒遠方至誠至切用是諄諄曉

東華錄 雍正二二一

諭思之思之復於九月二十六日 命副都御史杭奕祿內閣學士任蘭枝往安南國宣諭杭奕祿等尚未至安南安南國王接領五月初四日 敕諭感恩悔過至是雲貴總督鄂爾泰以其陳謝表文奏呈表文曰安南國王臣黎維禰謹奏十二月初二日接領 敕諭焚香披閱喜懼交并竊臣國渭川州與雲南開化府接壤原以賭呪河為界即馬伯汛下之小河臣國邊目世遵守土臣罔知侵占內地為何等事且未奉 詔書是以備因陳奏旋奉 敕諭令撤回斜路村等處人員別議立界之地仰蒙 慈照欣幸無涯今復奉 敕諭定於鉛廠山小河立界 諭臣勿恃優待之恩懷無厭之望自干國典臣咫尺天威彌深木谷目今鉛廠山經廣南知府先已設關門築房屋立界碑臣國邊目土目遵臣嚴飭帖然無言臣竭誠累世向化 聖朝蒙 聖祖仁皇帝柔懷六十餘

東華錄 雍正十二年

五

年今恭逢 皇帝陛下新膺景命如日方升且薄海敷天莫非臣土此四十里地臣何敢介意有所觖望也茲荷 綸音曉諭誠切臣感戴 聖恩欣躍歡忭惟願萬方拱命 聖壽無疆 聖朝千萬年太平臣國千萬年奉貢謹奏得旨覽王所奏感恩悔過詞意虔恭朕特沛殊恩將雲南督臣等查出之地四十里賞賜該國王尋頒 敕諭齋送雲南即令杭奕祿任蘭枝前往安南宣讀 聖諭敕諭曰朕前令守土各官清立疆界原屬行之於內地未令清查及於安南也督臣高其倬以職任封疆詳考志書兼訪輿論知開化府與安南分界之處當在逢春里之賭呪河於是一面設立防汛一面奏聞比因該國王陳奏朕特降諭旨命督臣另議立界又恐高其倬固執已見復命接任總督鄂爾泰秉公辦理鄂爾泰體朕懷遠之心定界於鉛廠山下小河一面設立防汛一面奏聞

二八一



較之舊界已縮減八十里誠為仁至義盡此皆地方大臣經理疆界職分所當為者也朕統馭寰區凡屬臣服之邦皆隸版籍安南既列藩封尺地莫非吾土何必較論此區區四十里之壤若該國王以至情懇求朕亦何難開恩賜與祇以該督臣兩次定界之時該國王激切奏請過於舛望種種陳訴甚為不恭該國王既失事上之道朕亦無從施惠下之恩此天地之常經上下之定體乃王之自取非朕初心也頃鄂爾泰將該國王上年十二月內本章呈奏知該國王深感朝廷怙冒之仁自悔從前執迷之誤踴躍拜命詞意虔恭朕覽閱之餘甚為嘉悅在王既知盡禮在朕便可加恩况此四十里之地在雲南為朕之內地在安南仍為朕之外藩一毫無所分別著將此地仍賞賜該國王世守之並遣大臣等前至該國宣諭朕衷朕念已加惠藩王亦當俯從民便儻此地居住民

東華錄

雍正十二

六

人有情願入內地者已令督臣鄂爾泰酌量料理並諭該國王知之○辛巳諭雲貴總督鄂爾泰覽安南國王陳謝本章感恩悔過踴躍拜命情詞甚屬恭順該王既知盡禮朕亦便可加恩著將此四十里之地仍舊賞賜該國王特頒敕諭一道仍令杭奕祿任蘭枝齋往彼國宣諭朕意但思朕既加恩外藩亦當俯從民便此四十里內所居人民若有情願移內地居住者可加意資助安插目今滇首見有開墾地土之事令伊等受田耕種務使得所其情願仍居外地屬安南管轄者亦聽其意

二月壬午朔兵部議覆川陝總督岳鍾琪奏川省苗疆善後事宜一建昌土司惟河東西宣慰司甯番安撫司三處地方最廣而河東半近涼山半近內地請仍授安承爵之女安鳳英為長官司約束涼山一帶其附近內地者俱改隸流官管轄至河西甯番偏

近內地悉改歸流其阿都宣撫司阿史安撫司及紐結至溪等土千百戶共五十六處一併改流近衛者歸衛管轄近營者歸營管轄並擇番酋之老成殷實者立為鄉約保長令其約束一建昌舊設通判應裁改置一府設知府一經歷一裁建昌衛及左中前三所禮州守禦所改置一縣其甯番鹽井二衛俱裁改置二縣各設知縣一典史一會川衛改併會理州移會川營千總帶兵一百名分防州屬之會理若竹者保三寨以上一州三縣俱隸新設府轄

一建昌為邊疆重地請於越鴉所屬之柏香坪添設守備千總把總各一駐兵三百名冕山貼近乾縣添設遊擊一中軍守備一千二百五十名甯越營原設守備應改為都司添設千總一兵一百五十名鹽井衛添設遊擊一千總二把總一兵二百五十名其原

東華錄

雍正十二

七

設守備改為中軍守備帶把總一兵一百名移駐河西會川所屬之披砂添設遊擊一中軍守備一千總二把總四兵五百名再撥建昌鎮標中軍守備一帶兵八十名移駐建昌東之木托撥建昌鎮標右營遊擊一千總一帶兵二百五十名移駐建昌西北之熱水各與該地方之原設弁兵協同防守一苗民頑蠢性成地方文武官員如有勒索科派等弊應計贖治罪上司失察亦一併究擬一各衛所漢苗雜處田土交錯多有欺隱致相訐告地方官應於農隙之時履畝親勘務俾各守己業永杜爭端一苗獠等類每為漢人奴婢應令地方官查明稟行發還如果有身價酌量追給贖回違者治罪一番漢交界之處每月立定場期三次彼此公平交易該管官差兵役稽查不許漢民用強短價及兵役藉端措勒其或私入夷穴交易別有句結情弊從重治罪地方官失察者一併



議處一苗民既知向化即與齊民無異令該管流官一體編入保甲互相稽查一禁止漢民誘騙蠻人什物儘被控告訊實照例追贓治罪外如有兇蠻無故將漢民綁擄以及被漢民誘騙不告官司肆行綁擄者將惡蠻從重治罪一苗蠻散處邊方每有此處土司所轄而居住彼處者遇有事故每多隱漏應令該管官編造戶冊分清住址儻有事犯即於該地方追究一苗裸舊俗多以利刃隨身口角細故逞兇殘殺今既改土歸流應飭地方官轉飭該管頭目人等嚴行查禁不許帶刀出入並不許私藏鳥槍違禁等物一苗民散處山箐易於逃遁如遇地方失事汛官帶兵巡捕地方官差役嚴擊並移會鄰汛協力窮追務獲如有徇庇疏縱及牽累良苗者將該管官并分別議處從之尋定建昌新設府曰甯遠建昌新設縣曰西昌甯番新設縣曰冕甯鹽井新設縣曰鹽源○甲東華錄 雍正十二 八

申諭禮部朝鮮年貢之例每年貢米百石朕念該國路程遙遠運送匪易著減去稻米三十石江米三十石每年止貢江米四十石足供祭祀之用永著為例○乙酉戶部議覆四川巡撫德馨奏越嶲衛官馬廠等處番民五百二十五戶願入版圖認納蕎糧一百四十一石以充賦稅應如所請令其每年照數輸納越嶲衛所就近撥充營汛兵餉從之○丙戌諭宗人府果郡王為人直樸謹慎品行卓然朕即位以來命王辦理理藩院及三旗事務數年王矢志忠誠毫不顧及己私執持正理樂不瞻徇贊襄朕躬允稱篤敬王微有弱疾雖偶爾在家調養而一切交辦事件仍然盡心料理今承我 聖祖皇考六十餘年至聖至神化洽宇宙之恩普天共享昇平固無庸似昔年諸王效力於行間朕以為若能盡心為國備極忠誠恪守臣子恭順之道其人為尤勝其事為尤難著將王

晉封親王為朕之子弟及世世子孫之範○諭沿海官弁兵丁因公差委被風漂沒者照軍功陣亡例加恩分別優卹其領運弁丁及黃河下埽之人亦如之○丁亥諭內閣朕惟風雨時若百物繁昌皆由誠敬感格天心用能福佑下民時和歲稔而司天號令長養阜成風神之貺厥功允懋頻年以來朕虔祀龍神福庇蒼生歷有明驗因思古稱雨暘燠寒以風為本亦宜特隆祀典以答洪庥考之周禮大宗伯以禋燎祀風師虞書禮於六宗劉歆鄭康成之說咸謂六宗之內風其一也歷代各置壇兆至宋祥符間曾立風伯廟近代及本朝俱列 南郊四配之中典禮具備今欲於都城和會之地特建廟宇因時禱祀以展朕為民祈福之誠其考據禮儀相度營建之處著禮工二部會同內務府詳議具奏尋議謹按風師為箕星經傳考據歷有明文箕星係蒼龍之第七宿位在東北致祭方向自宜就其星位謹擇都城東北官房一所建立廟宇規模倣時應宮式樣俟廟成之日行令欽天監擇吉供奉從之○戊子裁江西豐城縣江甯司巡檢歸併柿源司巡檢管理○庚寅議敘剿撫苗疆功給貴州提督楊天縱拖沙喇哈番○辛卯調徐鼎為直隸布政使以李蘭為江西布政使趙宏恩為湖南按察使出湖北武 昌道遷 ○壬辰禮部議准福建巡撫常賚奏暹羅國王誠心嚮化遣該國夷商運載米石貨物直達廈門請聽其在廈發賣照例徵稅委員監督嗣後暹羅運米商船來至福建廣東浙江者請照此一體遵行得旨依議米穀不必上稅著為例○癸巳 上御經筵○兵部議准雲貴總督鄂爾泰奏烏蒙鎮雄地方邊關且烏蒙緊接東川鎮雄兼接威甯謹酌定營制烏蒙設立一鎮以總兵一員統轄率領遊擊一守備一千總二把總四兵一千三百名駐紮



烏蒙分設遊擊一千總一把總二兵三百名駐紮大關遊擊一千總一把總二兵三百名駐紮涼山守備一把總二兵二百名駐紮米帖守備一把總一兵二百名駐紮魯甸千總一兵一百名駐紮鹽井渡千總一兵一百名駐紮灘頭把總一兵一百名駐紮牛皮寨鎮雄添設參將一率領守備一千總一把總一兵六百名駐紮鎮雄千總一兵一百二十名駐紮夷良把總一兵一百二十名駐紮威信把總一兵八十名駐紮卻作把總一兵八十名駐紮吼西改貴州威甯鎮為一營裁去總兵一遊擊三守備二千總四把總八及兵五百名添設參將一留守備一千總二把總四兵一千名又裁去督標左右援剿兩協副將二遊擊二守備二千總四把總八及兵三千一百名改援剿協原轄之尋甸羅平二汛歸雲南曲尋鎮轄仍留右協兵六百名增入曲尋鎮其威甯及援剿兩協所

東華錄

雍正十二

十

裁兵三千六百名即以補充烏蒙鎮雄新設兵數再雲南永北鎮兵四百名撥歸維西營分汛防守所有貴州之威甯雲南之鎮雄東川三營總歸烏蒙鎮轄俱受雲南貴州提督節制其威甯原轄之畢赤營歸大定協管轄從之○甲午設八旗米局○丙申諭直省督撫布政使等任土作貢天地之常經守法奉公生民之恆性斷無有食地之利而不願輸納正供以甘蹈罪戾者何以錢糧虧空拖欠之弊積習相沿難於整理如此一則胥吏中飽之患未除也或由包攬入己或由洗改串票或將投櫃之銀鈞封竊取或將應比之戶匿名免追種種弊端不可枚舉其故皆由於錢糧完欠細數官未嘗顯示於民在官則以為民欠在民則以為已完故吏胥得以作奸而官民並受蒙蔽應飭州縣官每年令各鄉各里書手將所管欠戶各名下已完錢糧若干逐一開明呈送州縣官查

對無差即用印票出示各貼本里使欠糧之民家喻戶曉如有中飽等弊許執串票具控則吏胥不得肆其奸盜矣再則不肖有司借端侵漁那新掩舊之弊不可不察也朕因各省舊欠甚多恐民力難於輸納格外開恩准其分年帶徵其應徵之數有在十年以上者亦有寬至十年以外者酌其多寡分別遠近此朕愛養黎元之至意期於民欠易完而民力可紓也乃聞有不肖州縣官另立私冊於每年應徵分數之外溢額多收及至報解之時止照分數起解該管上司因其已經照數起解不復再行稽查而此多徵之數遂得任其侵那又成虧空之項且民間見已經完納者徒供官吏之侵漁亦遂忘其急公之念而抗延拖欠之事由此而起朕意分年帶徵之項亦應將花戶名下每年應完若干之處詳細開明出榜曉示令其按數完納以上二條乃據朕所聞書示其作何因

東華錄

雍正十二

十一

地制宜與斟酌立法之處總在地方大臣詳查弊端權衡損益督率有司實心經理果有忠誠廉幹之人自無不可清釐之事信乎治賦在乎得人除弊方能立政任地方之重寄者其慎思之○戊戌吏部等衙門議准雲貴總督鄂爾泰奏烏蒙鎮雄既經改土歸流併歸滇省管轄謹查烏蒙鎮雄地方接壤千有餘里而烏蒙地勢尤廣請仍設為府治其扼要之地一為天砥去舊治七里軒做寬平可建城垣請設知府一教授一經歷一司獄一知事一一為天關聖去府城寫遠設通判一駐紮又米貼地方去府治西北三百里控馭險要設知縣一教諭一典史一又魯甸鹽井渡地方各設巡檢一駐紮至於鎮雄較烏蒙稍險請改為州治稍移而南建立城垣設知州一學正一吏目一其夷良地方設州同一駐紮威信地方設州判一駐紮母享地方設巡檢一駐紮俱歸烏蒙府轄



至府州縣文武童生請暫照小學例各取進十名從之尋定烏蒙  
曰烏蒙府附郭縣曰永善縣鎮雄曰鎮雄州○已亥 上親耕藉  
田○庚子諭內閣外省州縣官員引見時有留京以部屬試用者  
因觀其才具似屬平常而一時不能遽定是以令其在部辦事以  
試看之若此等之人用爲部屬卽照例升轉恐平常之員與部中  
辦事之能員無所分別非當日留京試看之本意凡奉旨交部試  
用之員俱俟該堂官委用試驗具奏保舉後方准照例升轉將此  
傳諭各部知之○辛丑以何世堪爲刑部額外侍郎由貴州巡撫遷○壬  
寅諭兵部永順土司彭肇槐恪慎小心恭順素著兼能撫輯土民  
遵守法度甚屬可嘉據湖廣督撫等奏稱彭肇槐情願改土爲流  
使土人同霑王化朕本不欲從其所請又據辰沅靖道王柔面奏  
彭肇槐實願改土爲流情詞懇切朕念該土司既具嚮化誠心不  
東華錄 雍正十二 土  
忍拒卻特沛殊恩以示優眷彭肇槐著授爲參將卽於新設流官  
地方補用並賜以拖沙喇哈番之職世襲罔替再賞銀一萬兩聽  
其在江西廂籍地方立產安插俾其子孫永遠得所○甲辰諭內  
閣上年聞湖廣廣東江西等省之民因本地歉收米貴相率而遷  
移四川者不下數萬人已令四川督撫設法安插毋使失所但思  
上年江西收成頗好卽湖廣廣東亦非歉歲不過近水之地畧被  
淹損何至居民輕去其鄉者如此之眾也因時時留心體察今據  
各省陸續奏聞大約因川省曠土本寬米多價賤而無知之民平  
日既懷趨利之見又有傳說者謂川省之米三錢可買一石又有  
一種包攬棍徒極言川省易於度日一去入籍便可富饒愚民被  
其煽惑不獨貧者墮其術中卽有業者亦鬻產以圖富足獨不思  
川省食物價賤之故蓋因地廣人稀食用者少是以如此若遠近

之人雲集一省則食之者眾求如從前之賤價豈可得乎况彼此  
相隔或至千里或數千里小民離棄鄉井扶老挈幼跋涉山川安  
有餘資以供路費中途困厄求救無門不相率而爲匪類勢必爲  
溝中之瘠矣豈非輕舉妄動自貽伊戚乎草野識見庸愚必須訓  
示方能醒悟爲地方官者當撫綏之於平日而勸教之於臨時開  
其愚蒙恤其窮困時勤訓導使百姓知故土之可戀轉徙之非宜  
則愚民之不醒悟者亦少矣且各省皆有可墾之田土而所以任  
其廢棄者其故有二一則民俗好爲爭競當其未墾之時則置之  
不問及至既墾之後則羣起相爭是以將可耕之壤拋爲曠土甚  
爲可惜一則墾田必須工本而寒苦之民不能措辦以至委諸草  
莽爲有司者誠能經其疆界以息爭端助其籽種以資耕作寬其  
升科之年優其上農之賞則百姓斷無有不踴躍鼓舞趨事赴工  
東華錄 雍正十二 土  
者矣朕宵旰勤勞無刻不以百姓生計爲念茲頒諭旨並非禁百  
姓之謀食於他方也祇以愚民無知圖利心切惑於邪說見異而  
遷遂輕舍故鄉甘受流離之苦朕心實爲不忍夫在彼此皆吾赤  
子若本籍果逢歲歉難以資生該地方有司仰體朕心卽時奏聞  
朕必沛以恩膏使之得所何必分散地方以冀不可必得之利著  
各督撫曉諭官民等知之○丙午四川巡撫德奏參革按察使  
程如絲奉旨正法於部文未到之前五六日自縊身死顯係提塘  
先期漏洩應將各省提塘通行裁革得旨提塘管理京報設立久  
矣豈能禁革不用但伊等借郵傳之名作奸滋弊習以爲常如奉  
旨正法之人可以豫通信息亦可將奉旨寬宥之人先期設詞嚇  
詐此等弊端不可不加防範應如何定例俾緊要事件不至先期  
漏洩或以官員承充提塘分別賞罰定其考成著九卿確議尋議



提塘之設難以裁革向來多係微末職銜自無愛惜功名之念且從未將作奸提塘及保送不實之各官定有處分是以種種弊端無所顧忌請行令各督撫於本省武進士及候補候選守備人員內揀選取具該地方官印結申送咨部頂補三年無過准照本班即用怠惰貽誤者即行斥革如將應密事件豫通信息及設詞恐嚇詐騙一經發覺即交刑部治罪其出結之該地方官及督撫失察者分別議處從之○丁未調覺羅白清為浙江按察使由江蘇調○添設湖南湘潭縣城外巡檢一○庚戌諭內閣吏戶兵刑工五部堂官今皆各殫厥職贊襄政治共相黽勉矢勤矢慎端方自持剔除情弊杜絕請託甚屬可嘉朕深許之夫大臣果能廉潔自守其用度必稍不敷朕因國家政事資藉大臣之力而使之分心家計朕心不忍五部大臣內除差往外省署事之人外俸銀俸米著加倍給與其署理之大臣亦照此賞給若遇罰俸案件將朕分外所給之俸不必入議○何天培緣事降調以嵇曾筠為兵部尚書仍辦理河工事務由吏部左○以何世璠為戶部右侍郎仍專管刑部事務○圖理琛緣事革職調三泰為兵部右侍郎通智為禮部左侍郎由盛京工部侍郎調○是月免直隸薊州高陽肅甯豐潤博野靜海等州縣雍正五年水災額賦有差

東華錄

雍正十二年

西

三月壬子諭內閣覽福建巡撫常賚奏稱羅源縣孝子李盛山割肝救其母病傷重身故請加旌表部議以割肝乃小民輕生愚孝向無旌表之例應不准行朕思我 世祖章皇帝 聖祖仁皇帝臨御萬方立教明倫與人為善而於例慎予旌表者誠天地好生之盛心聖人覺世之至道視人命為至重不可以愚昧而誤戕念孝道為至宏不可以毀傷為正理立法垂訓實有深意但向來地

方有司未嘗以聖賢經常之道與國家愛養之心明白曉諭導編氓是以愚夫愚婦救親而捐軀殉夫而殞命者往往有之既有其事若不予以旌表恐無以彰其苦志而慰其幽魂所以數十年來雖定不予旌表之例而仍許其奏聞且有邀恩於常格之外者仰見 聖祖仁皇帝哀矜下民之 聖心如星之周詳而委曲也孝經曰身體髮膚受之父母不敢毀傷孝之始也孟子曰事孰為大事親為大守孰為大守身為大此皆言人子一身乃父母之遺體雖一髮一指不可偶有虧損以傷父母之所貽也孔子曰父母惟其疾之憂蓋父母之心無所不至偶有疾病尚以為憂設有不自忤逆之于父母怒而矜之若純孝之子則父母之憐愛又當何如也若以己身患病之故致其子割肝肉以充飲饌和湯藥縱其子無恙父母之心斷無不驚憂慘惕不安之理况因此而致傷生

東華錄

雍正十二年

五

又豈父母所忍聞者乎夫父母有疾固人子所當盡心竭力之時而孝道多端實不容效命捐軀於一節孔子曰生事之以禮死葬之以禮祭之以禮是以人生孺慕之誠原通百年而無間者也人子一身承先啟後負荷甚鉅若舍生殞命於倉卒之間而忘宗祀斷續之重非所以為孝也况人子於親本乎天性儻能盡至誠純孝之實則親病雖篤呼籲請禱力省一身之過誓願為一正人如此必能感天地動鬼神何須割肝割股以為回生之良劑乎家庭之行惟在至誠至敬善體親心不必以驚世駭俗之為著奇於日用倫常之外也至若婦人從一之義醮而不改乃天下之正道而其間節婦烈婦亦有不同者烈婦以死殉夫慷慨相從於地下固為人所難能然烈婦難而節婦尤難蓋從死者取決於一時而守貞者必歷夫永久從死者致命而遂已守貞者備嘗夫艱難且烈



婦之殉節捐軀其間情事亦有不同者或迫於貧窶而寡自全之計或出於憤激而不暇爲日後之思不知夫亡之後婦職之當盡者更多上有翁姑則當奉養以代爲子之道他如修治蕪蕪經理家業其事難以悉數安得以一死畢其責乎是以節婦之旌表載在典章而烈婦不在定例之內者誠以烈婦捐生與割肝割股之愚孝其事相類假若做倣者多則戕生者眾爲上者之所不忍也向來未曾通行曉諭朕今特頒諭旨著地方有司廣爲宣布務期僻壤荒村家喻戶曉俾愚民咸知孝子節婦自有常經而保全生命實爲正理則倫常之地皆合中庸不負國家教養矜全之德矣儻訓諭之後仍有不愛軀命蹈於危亡者朕亦不槩加旌表以成閭閻激烈之風長愚民輕生之習也○癸丑諭戶部君民上下之間休戚相同本屬一體論語曰百姓足君孰與不足是民間之生

東華錄

雍正十二

六

計卽國計也自古人君無不恤民之災濟民之困者而至於歉歲蠲免之數往往多寡不同者則時勢羸絀爲之出於不得已也如明洪武時凡水旱地方稅糧卽與蠲免成化時凡被災之地以十分爲率減免三分宏治時全荒者免七分九分者免六分以是遞減至被荒四分免一分而止我朝順治初年凡被災之地或全免或免半或免十分之三以被災之輕重定額數之多寡順治十年議定被災八九十分免十分之三五六七分者免十分之二四分者免十分之一康熙十七年議定歉收地方除五分以下不成災外六分者免十分之一七八分者免十分之二九分十分者免十分之三此例見在遵行凡此多寡不同之數或旋減而旋增皆因其時勢爲之亦非先後互異意爲增損也數十年來雖定三分之例然 聖祖仁皇帝深仁厚澤愛養斯民或因偶有水旱而全蠲

本地之租亦且並無荒歉而輸免天下之賦浩蕩之恩不可勝舉而特未曾更改舊例者蓋恐國家經費或不敷故仍存成法而加恩於常格之外耳朕卽位以來命怡親王等管理戶部事務清查虧項剔除弊端悉心經理數年之中庫帑漸見充裕以是觀之治賦若得其人則經費無不敷之事用沛特恩將蠲免之例加增分數以惠蒸黎其被災十分者著免七分九分者著免六分八分者著免四分七分者著免二分六分者著免一分將此通行各省知之朕視萬民實爲一體惻憐念切懷保情殷因思自古無不愛民恤下之人君亦斷無不急公親上之黎庶止以時勢所值各有不同今就日前國用計之可以加惠吾民使沾渥澤是以斟酌分數定爲規條儻將來國用益饒更可加增於此數之外假若經費或有不足凡爾百姓自然踴躍輸將則此例又可變通必不因朝廷格外之恩而遂忘奉公之本念也如此則君民一心上與下各盡其道太和洋溢感格上蒼將見災沴全消雨暘時若豐亨有慶旱澇無聞豈不美歟並令各省督撫轉飭有司徧諭鄉村眾庶咸使聞知○乙卯湖廣總督邁柱奏原任武陵縣知縣馬騰衢任內虧空銀兩應於原任巡撫趙申喬名下追賠完項得旨爲督撫者或操守不謹平時勒索屬員或沽譽邀名徇情寬縱以示恩惠有此二者屬員虧空當令其分賠如趙申喬當日居官操守清廉又復實心任事毫不瞻徇情面實大臣中之罕見者今伊屬員虧空若照例令伊賠補是清正任事之大臣與貪鄙庸碌者同一處分而子孫皆不免拖累殊非激濁揚清之道此項銀兩不必於趙申喬名下著追儻趙申喬名下再有似此應賠之項俱照此例免其賠補著該部將此通行各直省知之○丁巳大學士田從典以老

東華錄

雍正十二

七

東華錄 雍正十二 六



病乞休允之加太子太師賜帑銀五千兩○戊午命蔣廷錫為文淵閣大學士兼戶部尚書以范時繹為戶部尚書仍留署兩江總督○己未吏部以新補無錫縣知縣江日容崑山縣知縣朱紘帶領引見諭縣令乃親民之官最為緊要得其人則一縣之事無有不理不得其人則一縣之事必多廢弛蓋以縣令百里之內民事可以周知若果實心辦理則古人所謂無一夫不獲其所者乃力所能為非空文也向來州縣往往以民風之樸魯者謂為馴良而可愚以民風之秀穎者謂為巧詐而難御如無錫崑山自來皆苦煩劇殊不知地方所以難治者皆由縣令未能實心辦理之故耳若果實心實政惠澤及民則秀穎之俗其易治尤甚於樸魯如無錫崑山地方人多稟山川之秀氣讀書明理者多人心之公道易於感動非如愚樸之人賢否不能一時立辨也縣令果毫無欺偽

東華錄

雍正十二

六

其效即旋至而立應有何煩劇難治之理乎凡天下小民總不可欺視之雖若顛蒙而有司所行之政毫不能掩其耳目但可以正感而不可以術馭至於州縣徵收錢糧人人皆知寓撫字於催科然皆逐末不知其本夫正供之項小民無不樂輸緣不肖有司每於額外浮派以求贏餘或股民脂膏希圖肥己或上司勒索借為逢迎以致吏胥乘間中飽百弊叢生小民不勝苦累遂有姦猾之徒得持官府之短長抗糧包攬任意拖欠醇良者亦輸納不前矣若州縣潔己愛民毫無浮派則民間正供乃義當完納之項何憚而不早完乎惟當於肯完正供者實意撫恤於實在抗欠之頑戶嚴其催比毫不瞻顧此乃寓撫字於催科之道也即如為政之道不外寬猛兩端傳云寬以濟猛猛以濟寬者非謂行數端寬縱之事隨濟以數端之猛行數端猛烈之事隨濟以數端之寬也惟在

斟酌於情理之中宜寬而寬寬而不失於慢宜猛而猛猛而不失於殘寬猛咸得其宜乃為相濟之道未有遇事之先橫寬猛之念於胸中之理也此皆庸迂者錯會古人之意耳向來地方官多有欲借鄉紳之游揚則交結鄉紳而欺陵百姓或欲百姓之稱譽則袒庇百姓而摧折鄉紳不知百姓為國家之赤子豈可徇巨室之私交而肆其陵虐至於鄉紳或祖父為國家宣勞或己身為國家效力又豈可使簪纓轉賤於編氓而故為摧抑乎是鄉紳百姓皆不可存成見以待之惟當準之天理人情論其是非曲直物來順應而不為天下先乃能處之各得其平而無一偏之私也每見居官者於莅任之始多喜沽名釣譽行一二巧偽之事以求媚於人不知巧偽之術決無久久可行之理始雖粉飾可觀未幾而行藏畢露其可恥實甚何如秉公持正後先如一乎要之操守清廉乃

東華錄

雍正十二

十九

居官之大本操守素優則實心實政皆能力行而有餘否則大本已虧雖欲竭蹶矯飾而勢有不能故凡居官者必當端其操守以為根本乃可以勉為良吏夫太上言忘身而身存居官者儻能置利害得失於度外一以公忠報國愛民為心則不求名而聲譽自孚不求榮而爵祿自至若不能忘懷得失則舉動瞻徇行止卑污究之身敗名裂祿位仍不能保實為可憫朕於外省大小臣工之賢否無不留心體察是以實心任事之員由縣令而游歷司道以至擢任督撫者頗不乏人爾等當仰遵朕諭實力奉行不惟百姓受爾等愛養之惠亦爾等自求多福之道也○辛酉以何天培署兵部尚書原在兵部尚書○癸亥河東副總河嵇曾筠奏蘭陽新險工程平穩情形諭從來有備則無患覽奏抵禦機宜朕懷似可不為伏秋慮矣雖然天下事往往功成於險變起於平智或有不時不及施



力亦有時不足恃心一放則必懈弛故書垂無逸之訓而詩載戰戰兢兢之誠也惟當敬慎日增斯須不可去念期共勉之○改文  
華殿大學士張廷玉爲保和殿大學士○辛未調石文焯爲吏部  
左侍郎由禮部調○以吳達禮爲盛京工部侍郎由光祿寺調○癸酉安徽  
巡撫魏廷珍奏欵縣鄉民違例演戲應加嚴禁得旨雍正元年間  
鴻臚寺卿李鳳翥曾奏稱鄉邑中共爲神會斂錢演戲男女混雜  
耗費多端應行禁止朕因其所奏合理降旨允行蓋州縣村堡之  
間借演戲爲名招呼匪類開設賭場男女溷淆鬪毆生事種種不  
法擾害鄉愚此則地方有司所當嚴禁者至於有力之家祀神酬  
願歡慶之會歌詠太平在民間有必不容已之情在國法無一槩  
禁止之理今但稱違例演戲而未分晰其緣由則是凡屬演戲者  
皆爲犯法國家無此科條也朕之立法皆準諸情理之至當從無  
東華錄 雍正十二年 三

不可施行之事亦從無不便於民之事其有不便而難行者則有  
司奉行之不善也况朕屢諭各省督撫若有禁約難行之處即當  
據實奏聞以弛其禁若陽奉陰違無其實而有其名何以示信失  
體甚矣又如賭博一事乃應行嚴禁萬無可寬者而省會之地尙  
公然市賣賭具督撫兩司不能覺察豈有將民間不能禁止而國  
法所不曾禁止者一槩入於禁約之例恐問之督撫大吏亦無以  
自解也若將此通行曉諭知之○甲戌赫勝額領事革職以鄂彌  
達爲貴州布政使由鄂調○戶部議准浙江總督李衛等奏經理玉  
環山事宜一增改文員玉環山地方周圍七百餘里田地十萬餘  
畝山巒平衍土性肥饒界在温台之間實爲海疆要地請設温台  
玉環清軍餉捕同知一員將太平縣界之楚門老岸南塘北塘芳  
杜東嶽密溪洞林樂清縣界之磐石蒲岐三盤黃大嶽狀元嶽茅

埏等處俱歸玉環轄裁樂清縣嶺店驛驛丞改設巡檢一聽該同  
知差遣一酌定營制玉環之左右二營設參將一守備二千總二  
把總四兵九百名以左營爲陸路右營爲水師其添設弁兵卽就  
近移調撥補請裁磐石營水師參將一守備一千總一把總四兵  
五百五十名改歸玉環營再撥太平營東嶽千總一兵一百一十  
九名樂清營兵一百名大荆營兵一百名温州城守營兵三十一  
名俱歸入玉環營仍添設守備一以足新置弁兵之數其舊隸黃  
巖磐石兩營防守之陸路並磐石營原管之洋面與附近玉環舊  
隸黃巖之洋汛俱歸玉環營轄玉環營歸温州鎮統轄磐石營請  
改爲陸路設都司一千總一把總二兵三百名查該營除移調玉  
環營弁兵外仍存千總一兵二百七名請裁衛協右營都司一  
爲磐石營都司再抽撥台協把總一衛協把總一兵九十三名合  
東華錄 雍正十二年 三

原存兵弁以足新定之額仍歸樂清營轄從之○乙亥解柳國勳  
任以胡瀛爲江西按察使由驛監道調○裁安徽南陵縣裁嶺司巡檢  
一○丙子諭內閣朕覽律例舊文於名例內載有八議之條曰議  
親議故議功議賢議勤議能議貴議賢此歷代相沿之文其來已  
久我朝律例於此條雖具載其文而實未嘗照此例行者蓋有深  
意存焉夫刑法之設所以奉天罰罪乃天下之至公至平無容意  
爲輕重者也若於親故功賢人等之有罪者故爲屈法以示優容  
則是可意爲低昂而律非一定者矣尙可謂之公平乎且親故功  
賢等人或效力宣勞爲朝廷所倚眷或以勳門戚畹爲國家所優  
崇其人既異於常人則尤當制節謹度秉禮守義以爲士民之倡  
率乃不知自愛而致罹於法是其違理道而蹈愆尤非蚩蚩之氓  
無知誤犯者可比也儻執法者又曲爲之宥何以懲惡而勸善乎



如所犯之罪果出於無心而情有可原則為之臨時酌量特與加恩亦未為不可若豫著為律是於親故功賢等人未有過之先即以不肖之人待之名為從厚其實乃出於至薄也且使恃有八議之條或任意為罪漫無顧忌必有自干大法而不止者是又以寬容之虛文而轉陷之於罪戾姑息之愛尤不可以為優恤矣今修輯律例各條務俱詳加斟酌以期至當惟此八議之條若槩為刪去恐人不知其非理而害法故仍令載入特為頒示諭旨俾天下曉然於此律之不可為訓而親故人等亦各知儆惕而重犯法是則朕欽恤之至意也○諭兵部烏蒙鎮雄等處禦夷不法已經剿撫今又有匪類餘黨私自嘯聚見在用兵擒拏所有用兵事宜俱著總督鄂爾泰節制調度其四川建昌等處派兵堵截亦聽鄂爾泰節制調度○以彭維新為禮部右侍郎調高斌為浙江布政使東華錄 雍正十二年 三

以蔣洞為廣東布政使史在甲為山西按察使由監選○以公元為廣東按察使由監選○雲貴總督鄂爾泰奏化導生苗木林工七等一百一十五寨內附○是月免直隸東安邯鄲霸州寶坻等州縣雍正五年水災額賦有差

夏四月壬午吏部議准山西巡撫覺羅石麟奏蒲州為三晉之咽喉澤州當衝繁之重地僅設直隸州不足以資彈壓請升州為府各府各設知府一同知一經歷一統轄原隸之四縣附郭各添設知縣一專理一邑之事所有二州學正改為教諭吏目改為典史再蒲州之永樂鎮距城一百二十里澤州之攔車鎮係南北行旅往來之所請將二府新設之同知分防二鎮以專緝捕之責從之尋定蒲州新升府曰蒲州府澤州新升府曰澤州府蒲州附郭縣曰永濟澤州附郭縣曰鳳臺○丁亥刑部議奏署直隸總督吏部

尚書宜兆熊吏部右侍郎劉師恕失察革職大名府知府曾逢聖一案應降級調用得旨宜兆熊劉師恕俱著降調暫署直隸總督事務○壬辰諭內閣凡監禁斬絞重犯越獄顯係該管官疏縱之故州縣等官限滿不獲者照例革職仍留地方與接任官協同緝捕果能將越獄之犯緝拏全獲准將該員送部引見酌量開復俾尚有自新之路若三年限滿仍不能拏獲或不能全獲俱著該督撫奏聞請旨如此則疏縱者知所儆懼而盡心捕逃者亦可邀恩其如何詳細定例之處著九卿議奏尋議嗣後因斬絞重犯越獄降調之員仍留地方令其設法與接任官協同緝捕如三年限滿一名不獲照二名不獲例降三級調用二名不獲照三名不獲一名例革職二名不獲後止獲一名者仍照二名不獲例降三級調用軍流以下人犯越獄脫逃應仍照定例一二名者罰俸一年東華錄 雍正十二年 三

三四名者降一級調用從之○甲午以繆沅為內閣學士由通政使遷○庚子予告大學士田從典行至良鄉縣病故遺疏聞得旨田從典才品優長老成練達端方公直恪慎勤謹自辦理部務以及簡任綸雇實心宣力勤勞懋著屢以老病乞休情詞懇切朕因允其所請加太子太師銜以原官致仕賜以帑金馳驛回籍冀其頤養康健於一二年後再來京陛見以慰朕眷念老臣之意忽聞患病溘逝朕心深為軫悼遣散秩大臣一員三旗侍衛六員往奠茶酒並念伊子年齒尚幼無辦理事務之人遣內閣漢學士一員滿洲侍讀學士一員前往辦理地方官酌量委員沿途照看送至原籍其應得卹典著察例具奏伊子年幼家居著山西巡撫傳諭該地方官時加照看新舊接任之員俱將此旨傳知通行遵奉前朕賜田從典扁額對聯可暫於巡撫衙門收貯俟諭祭之時於兩司中



令一人齋往頒賜○壬寅諭內閣錢糧之加耗羨原非應有之項朕勤求治理愛養黎民欲將此項全行禁革而博採輿論留心體訪凡為州縣地方官實有萬不得已公私兩項之用度若全革耗羨其勢必不可行為有司者果能減輕收納不苛取於民在民亦所樂從此耗羨所以未盡裁革之故也州縣既有耗羨而上司官員無以養廉勢不得不收州縣之餽送是上司冒貪贓之罪以為日用之資在謹慎小心者則畏懼而不敢行必至過於窘迫而貪取濫用者又因無所限制借規禮之名恣意橫索弊端種種州縣公私之用既有不敷必致加派巧取為害於民况上司既收屬員之規禮則必有瞻顧回護之處而下屬反得操上司之短長於察吏之道大有關係所以雍正二年間山西巡撫諾岷請以通省耗羨提解存公將闔省公事之費及上司下屬養廉之需咸取於此

東華錄

雍正十二年

丙

上不誤公下不累民無偏少之弊無苛索橫徵之擾實通權達變之善策朕是以降旨允行此提解火耗之所由來也向來山西虧空甚多國帑久虛不能彌補從前撫臣多請將虧空之員革職留任以為彌補之計夫以不肖之徒令其留任還帑是以虧空為護官之符不但無益於國計亦且有害於民生而德音在任又借彌補虧空之名提火耗以肥私橐及諾岷接任潔已奉公實心辦理將虧空劣員悉行參革州縣火耗嚴行裁減而酌留羨餘以補無著之虧空既不累及於閭閻而有司亦免參罰又為官員定養廉之資為公事留辦理之費諾岷此舉於國計民生上下公私均有裨益然伊當始行之時不但晉省屬員怨望而內外臣工皆有異詞朕彼時降旨曰此事惟如諾岷之督撫方能行之耳蓋朕之意原聽各省督撫自為之而至於不能行之督撫不便行之地方則

朕並未強之使行也諾岷舉行之後隨有數省倣效其意提解十分中二三以備公用亦以地方公務繁多若不豫為計畫則一時需費仍至累及小民然此亦皆督撫自行奏請者非由朕諭也伊都立接諾岷之任曾奏山西虧空漸次清楚將來耗羨便可充餉朕嚴切訓飭曰本地之羨餘止應作本地之用度若歸公充餉斷無是理且恐相沿日久遂成公項不肖官員竟有重複徵收之事矣田文鏡亦曾奏稱豫省虧補已清火耗尚有贏餘等語朕批示之曰此項耗羨原係豫省官民之物假使果有盈餘則當增添官員養廉之資使其用度寬裕儻再有盈餘則當再減民間火耗之數使其儲蓄充盈蓋朕之准其提解耗羨者原是愛養官民之苦心若以支給地方公用之外尚有餘費即准收作公項朕必不為也前陳時夏亦具奏欲行提解耗羨之法因其有分別地方有無

東華錄

雍正十二年

丑

多寡之語朕諭之曰政令之行必須各屬一體方得均平若有所分別便可高下其手易滋弊端諭旨如此聞陳時夏向人云奉旨令全提耗羨此乃陳時夏自行奏請之事而以其名歸之於朕朕不受也今魏廷珍又效法之以上江提解火耗之事具摺陳奏恐外人不知亦以為出自朕意故特頒此旨明白曉諭蓋提解火耗之舉若行之果善亦督撫分內之事不得居功儻行之不善實足為伊身家性命之患無所逃罪總在伊等自行度量其願行者朕不拒阻其不願者朕亦不强也○癸卯福敏緣事革職以查郎阿為吏部尚書三泰為左都御史由兵部右侍郎○乙巳調稽曾筠為吏部尚書仍辦理副總河事由兵部右侍郎何世堪為吏部右侍郎由戶部○吏部議覆浙江總督李衛奏遵旨揀選舉人題補教職今選何玉機等九十員分別科分名次遇缺咨部補用或底彙題得旨教職雖



非州縣可比亦係職守官員無咨部補用年終始行稟題之理嗣後補用教職人員著每月一次具題永著為例○丙午黃焜緣事革職調徐鼎為湖北布政使以楊紹為直隸布政使由山東按察使遷○戶部議准山西巡撫覺羅石麟奏山西之蔚州與直隸之蔚縣界址交錯應俱歸直隸宣化府轄廣昌縣與蔚縣縣治村莊俱相錯而蔚縣向設廣昌巡檢一止經管廣德一里請將廣德地方歸併廣昌仍隸山西大同府轄其巡檢缺裁廣昌守備向係宣化蔚州路轄應令專屬山西靈邱路參將轄從之○丁未諭內閣凡辦理府州縣事務若得曾經出仕諳練之人於地方實有裨益朕愛惜人才於罷斥之員常降旨調來引見以觀其才具之優劣不忍令其棄置今思從前因公註誤之員其中未必無才守可觀者著吏部行文各省凡知府同知通判知州知縣任內除大計特疏糾

東華錄

雍正十二

五月

參外其因公註誤降革者該員曾經居官五年而離任之後交代清楚無錢糧案件未清之處准本人親赴吏部具呈吏部不拘人數即行奏聞考試履歷帶領引見候朕酌量起用起用之後若有貪婪不法再經參出必嚴加治罪儻係平庸無能或行止不端之人妄自陳請希圖僥倖者亦難逃朕之鑒察○是月免直隸永清文安玉田容城等縣所雍正五年水災額賦有差

五月癸丑以金拱為廣西巡撫張元懷為廣西布政使常安為廣西按察使由山西冀州道遷○丁巳戶部議准川陝總督岳鍾琪奏綏德州所隸綏德衛地雜處於綏德米脂清澗三州縣及榆林中十營堡之中其間有阻隔一縣而遙為管轄者亦有四圍俱係縣土而一區孤懸者地既分歸民亦散處該管官難於經理請將該屬地方近州者仍歸州轄近縣者改歸縣轄從之○戊午雲貴總督鄂

爾奏奏東川雖久改流而六營長九伙目俱沿舊習各踞一方有則補營長祿世豪法憂伙目祿天佑素稱兇悍為害邊疆今祿天佑已經擒獲見在安設防汛祿世豪前已被擒解司供擬在案二兇既靖一郡悉甯其餘營長伙目俱可漸次整理得旨平定東川在事官兵勤勞效力甚屬可嘉著鄂爾泰查明分別等次具題交部議敘賞資○壬戌諭內閣據山西太原總兵官袁立相稱平垣營守備梁玉年已六十八歲雖干八法而精力不衰且操守廉潔辦事敏練等語夫八法內開列年老者蓋謂其衰老不能辦事故令罷斥並非限定年逾若干即入於八法之內也若限定年歲以為處分則年齒未老而早衰不能辦事者又將姑容之乎况年老諳練事務之人尤為難得儻精力可用該上司當優待之以為後進之表式今袁立相既稱梁玉精力不衰而操守廉潔辦事敏練

東華錄

雍正十二

五月

止因其六十八歲遂將伊填入八法參劾之內殊非體朕愛惜人才之意梁玉著仍留任並令袁立相酌量梁玉既年老歷練若可勝遊擊之任將來遇有缺出著即題補○江西巡撫布蘭泰奏奏小溪驛驛丞送上司規禮得旨從前上司各官無養廉之資勢不得不受屬員之餽送而屬員之力難以供應故地方陋規不能悉行裁革數年以來朕百計籌畫為大小官員酌定養廉之項使公私有賴俯仰無憂儻再有索取規禮者自當重治其罪至於從前之陋規各省各項何處不有今若但就一二事參劾懲治而其餘悉置之不問則嚴於此而寬於彼用法不得其平若將既往之事一一追溯查參恐大小官員無人得免處分繁擾紛紜殊非為政之體况不教而加之以罪乃聖人之所戒如貪贓侵帑甚有關繫之事自不可隱匿姑容以長貪風而廢國法使墨吏不知儆懼若



地方多年相沿之陋止當禁約於將來不應追究其既往即使本人自首情願繳出亦止應具摺請旨或將此留為地方公事之用今乃顯然具本題參且欲將此銀歸作公項非情理也此案不必究問著該部行文將朕此旨訓諭布蘭泰○乙丑以李世倬為陝西甘肅按察使由四川松茂道遷○丙寅諭吏部人臣和衷共濟始於公事有所裨益今直隸總督宜兆熊劉師恕意見不合諸事參差朕屢加訓飭不能悛改若仍令同辦總督事務必致貽誤宜兆熊原係庸碌之人朕因其操守一節尚有可取故試用之自署福建直隸兩任觀之全不曉事著回京照部議所降之級補用吏部侍郎何世璠著署理直隸總督事務仍著劉師恕照前一同辦理○丁卯諭兵部富甯安署西安將軍事務以來為時已久所出員缺並未題補一次省城官弁乃定額之缺俱有管兵之責關繫甚重富甯安之意以為伊乃署印將軍苟且推卸俟常色禮到日聽其補放曾不計及伊身之署理或久也常色禮於今歲臘月自軍中至京明正方到西安如許員缺安可經年虛懸富甯安在巴爾庫爾出征處為將軍十餘年西安兵丁認識大半凡遇員缺理宜即行題補况為見任大學士非比別項小職銜之署將軍事者朕向日聞伊操守好辦事誠篤自為大學士以來恩賜頻仍錫封侯爵寵眷優渥富甯安理應屏除一切奮不顧身將國家事務實心辦理乃凡事惟自圖保全視國家之事與伊了無干涉深負朕恩富甯安見解將軍印務著交兵部嚴行察議尋議署西安將軍富甯安受 皇上洪恩寵眷優渥乃西安駐防武職關繫甚重而富甯安並不題補一次視國家之事漫不經心深負 皇上任用之恩應將富甯安照溺職例革職所得一等侯世職一併革去得旨富甯

東華錄

雍正十二

天

安著革去恩賞世職其革去大學士之處著從寬免○己巳諭內閣國家舉行大計乃三年考績之大典其中卓異人員皆加以特恩不次擢用誠以該上司為國家薦拔人才必深知灼見然後列為卓異斷無有徇私受託草率冒濫以負國恩而辱鉅典者而到任未久之上司不能深知屬員之賢否又准其題請展限以俟確訪如此則屬員人品之邪正自無有不能辨晰之理乃見有從前卓異之員而後任內竟至貪贓枉法罹於重罪者夫以三年之久數百屬員之多保舉數人以光大典則非一時應詔薦舉可比也其人既犯貪贓枉法之條則平日必係行止姦邪之輩又非尋常註誤及才力不及之類可比也督撫提鎮等專以察吏為務而乃以此等之人列為卓異及至敗露之後尚可藉口於知人之不易不能保其將來乎此等若不定以處分恐相沿日久必有濫舉失實之弊嗣後文武卓異官員有犯貪贓不法之款而審訊確實者將從前列為卓異之上司一併議處僅於該員未敗露之先有能查出參奏者免其處分其如何定例之處著九卿詳議具奏尋議嗣後文武卓異之員原任內有濫行貪酷不法之處原薦舉卓異之上司不行揭報題參者督撫提鎮降五級調用司道府副將遊擊等均行革職若文武官員卓異之後或復回本任或升轉他省別犯貪贓不法之款其原薦舉之各上司仍同在一省不行揭報題參者督撫提鎮降二級調用司道府副將遊擊等降三級調用如不在一省無容揭報題參者督撫提鎮降一級調用司道府副將遊擊等降二級調用不准抵銷從之○命領侍衛內大臣公馬爾賽在學士內辦事○辛未何天培緣事革職以石文焯為兵部尚書由吏部左侍郎遷○壬申諭內閣張坦麟從前為通倉監督乃倉

東華錄

雍正十二

天



務廢弛已極之時惟有張坦麟所管廢座整齊堅固米石無虧則張坦麟之實心為國家辦事不為習染可知矣及朕即位用為兩淮鹽運使伊剔除弊端一塵不染則其操守又可知矣及用為蘇州藩司到任後陳時夏即與之不合朕因撫藩既相齟齬不便仍令共事一方將張坦麟調任山東俾兩人各辦職任之事今當交代之時陳時夏令趙尙奎勒捐吹求百計播弄且違旨不令速赴新任必欲使張坦麟在蘇藩任內得受過愆以彰張坦麟之非而成己之是此等用意豈能逃朕之鑒察乎即據陳時夏奏摺中稱張坦麟交存銀二萬餘兩曾經奏明充餉又復云此項終成虧空不思此項既已歸公何以又成虧空是陳時夏之言不過欲歸過於張坦麟而不自覺其自相矛盾矣且督撫同在一方見聞確切總督范時繹極稱張坦麟居官之善而陳時夏則力貶之豈非出

東華錄 雍正十二年

辛

於私意乎大凡督撫不能甄別屬員優劣即為不能勝任朕以大公至正之心聽言觀人無絲毫偏向之處諸臣斷不能欺朕之耳目即如各省藩臬赴新任朕多准其具摺奏事蓋欲周知地方之情形或有為督撫所不及知者或有為督撫所不肯言者故令兩司得以陳奏且觀其居心之邪正公私朕嘗諭之曰朕並非疑督撫而信爾等也若信任爾等過於督撫即當以爾等為督撫矣何以尚在兩司之列乎此凡任兩司者人人共知之諭也况設計傾陷朋比黨同乃朕之所深惡屢頒諭旨訓飭今趙尙奎聽從陳時夏指使深負朕簡用之恩蘇松民情聰慧多有好用智巧者陳時夏誠實有餘而才識不足不能勝蘇撫之任著解任往山東署理布政司事陳時夏既稱張坦麟蘇州任內錢糧不清著將張坦麟仍留江蘇署理巡撫印務看陳時夏張坦麟任事之後辦理如何

再降諭旨○乙亥諭內閣田文鏡自到河南以來忠誠體國公正廉明豫省境內吏畏民懷稱為樂土以致上感天和從前三年收成豐稔而今歲八府各州二麥復登大有又如連年豫省黃河工程當暑雨時行之際全無泛溢此天地嘉佑之明驗吏治民風之善實為直省第一鄂爾泰公忠勤誠實心任事經理咸宜是以雲南地方連歲豐登今年通省郡縣以及苗蠻荒僻之地二麥皆十分收成滇省父老稱為罕觀從來天人感應之理捷如影響若各省督撫皆能如田文鏡鄂爾泰則天下允稱大治矣朕久欲用田文鏡為他省總督因豫省官民受其化導撫綏深切愛戴朕不忍令其舍之而去今思山東民俗官宜加整理而河南與山東地界相連以田文鏡之精神力量辦理兩省之事綽然有餘著將田文鏡授為河東總督管理二省事務凡山東應行關會總督案件

東華錄 雍正十二年

辛

俱照別省總督之例定限辦理山東官吏不得藉口有所稽遲此朕因人設立之曠典不為定例○諭兵部山西太原總兵袁立相老成練達實心任事幾次欲用為提督因太原一鎮甚屬緊要是以未用於他省著授為提督節制山西全省此朕因才而用者不必為例○雲貴總督鄂爾泰奏苗賊刀正彥主使兇類號召窩泥肆行劫害臣調遣官土弁兵擒剿深入攸樂等寨直搗賊巢首惡黨與悉就擒撫得旨鄂爾泰著議敘具奏其在事官弁兵丁於煙瘴險遠之地勤勞效力著從優議敘賞資提督郝玉麟亦著從優議敘尋議雲貴總督鄂爾泰應加二級提督郝玉麟應功加二等授都督同知其在事有功官弁兵丁俟造冊到日分別升賞從之○是月免江南無為宿松等五州縣直隸天津州雍正五年水災額賦有差

第一冊 續修四庫全書第 20 版反內



六月庚辰朔諭吏部向來滿洲官員各按旗分升轉如該旗不得其人則俸淺者往往驟得推升該旗人多即俸深者升轉亦致遲滯似於銓法未為均平朕意筆帖式等自當按旗補用至主事以上等官或可不拘旗分通行論俸升轉但此例由來已久在當年定例之初必有深意爾部會同滿洲大學士各部滿洲堂官及八旗管旗王大臣等秉公據理詳悉妥議具奏尋議滿洲官員向有旗缺翼缺公缺之分後因升轉不均於康熙八年將各部堂主事改為公缺又於康熙十年將各部郎中亦改為公缺八旗通行論俸升轉惟員外郎主事等官今仍按旗升轉銓法實未畫一嗣後請將員外郎內按翼按旗補用之員照郎中例改為公缺主事內按旗補用之員照堂主事例亦改為公缺其內閣中書監察御史給事中向係旗缺工部製造庫郎中向係翼缺俱改為公缺至旗

東華錄 雍正十二 班員外郎為一班主事為一班其刑部司官例用通曉漢字之人應另立一班八旗通行論俸又各項革職降調人員有指復原職原級及經保題並照伊所降之級補用者非奉特旨開復槩不通論前俸捐納人員向例試俸三年各項議敘人員應亦令試俸三年若議敘捐納人員內有本無前俸五年奉特旨補用之人無前俸者試俸三年其各項應升員外郎之主事等官俱令試俸二年再行通論前俸升轉至試俸年限未滿之前遇有缺出升轉恐致乏員應令吏部行文各部院將應升人員保送引見 欽點補授如此則銓法畫一而各員升轉得以均平矣從之○移湖北漢陽府通判駐漢口鎮荊州府糧捕通判駐沙市○予故太子太師文華殿大學士致仕田從典祭葬諡文端○壬午刑部議覆福

東華錄 雍正十二

建巡撫常賚奏建安縣民魏華音勒死親姪魏樟茂應依故殺姪律擬罪得旨尊長致死卑幼而律例內定罪從輕者原為倫常名分起見也今魏華音因犯偷割稻穀恐被告發輒將已故胞兄之獨子年僅十三歲於昏夜勒死以為誣告圖賴之計似此兇惡殘毒之人已在倫常之外安得尚論尊卑長幼之名分乎向來定例未曾詳加分晰似未甚協朕意凡因家務及卑幼有過而致死者仍照舊例其將卑幼致死以脫卸己罪及誣賴他人者應另定治罪之條正所以重倫常而厚風俗著九卿詳悉定議具奏尋議嗣後有因己身有罪或與他人有隙將期親卑幼致死以脫卸己罪及誣賴他人者應照親伯叔奪兄弟之子房產等情故殺例擬絞監候從之○癸未授先賢冉雍後裔世襲五經博士○丙戌以署廣東按察使尹繼善協辦江南河工事務○調費金吾為山東布政使以謝夏署河南布政使原任湖南按察使○以劉桐為江南安徽按察使由江西驛○吏部議覆河道總督齊蘇勒參奏監生火政升陳琦假冒考職州同應照律杖徒援赦寬免得旨大小官職皆國家名器所關假冒之人欺君罔上盜竊名器其罪較十惡不赦者亦不為輕此等之人若僥倖得官出身先已不正何以為百姓之表率且狡詐性成罔知信義必至於貪賊壞法無所不為若但予以杖徒不足以示懲火政升陳琦著發邊衛充軍不准援赦嗣後承以為例見在各省官員雜職內若有假冒頂替之人著自行出首朕開恩免其治罪但令革職回籍儻仍戀職潛藏將來或被糾參或被告發則於邊衛充軍之外加等治罪著通行直省督撫諭所屬官員人等知之○戊子敕封河東鹽池神為昭惠裕阜鹽池之神○己丑調通智為兵部右侍郎鄂爾奇為禮部左侍郎以

東華錄 雍正十二

一一九五



塞楞額為工部左侍郎岳濬署山東巡撫由山西布政使署 ○癸巳常賚  
 緣事革職調沈廷正為雲南巡撫以張廣泗為貴州巡撫調趙宏  
 本為貴州按察使以劉業長為雲南按察使由鹽驛道遷 ○裁江西布  
 政使照磨一南昌府檢校一樂安縣縣丞一臨江府豐積倉大使  
 一九江府廣盈倉大使一南浦所大使一○丙申諭內閣為政之  
 道以愛民為本愛民者必須厚民之生雨暘時若百穀順成始可  
 登蒼生於衽席然感召天和必由於民情之舒暢而民情舒暢必  
 由於吏治之克修從來言吏治者不外興利除弊二大端夫利之  
 所在小民自必趨事赴功不待督率而為者為上者不過相導之  
 而已至於除弊則小民所不能為之事而專賴為上之人時刻留  
 心體察破積習以厚民風者也蓋地方之害莫大於貪官蠹役之  
 廢削強紳劣衿之欺陵地棍土豪之暴橫巨盜積賊之劫奪此等

東華錄

雍正十二

書

之人不能化導懲戒則百姓不獲安生假若為大吏有司者圖寬  
 大之名沽安靜之譽於貪官蠹役則庇護之於強紳劣衿則寬假  
 之於地棍土豪則姑容之巨盜積賊則疏縱之雖在己無殘害百  
 姓之實迹而留此害民之人令百姓暗中受其荼毒無可控訴古  
 人云養稂莠者害禾稼惠姦宄者賊良民如此則民氣何由而舒  
 天和何由而致乎天以牧民之任授之君臣而百姓又復敬謹尊  
 奉胼手胝足竭力輸將以事其上為君臣者當共思之受天之恩  
 奉天之命食民之食衣民之衣而乃怠忽優游不能鋤姦禁暴置  
 民間疾苦於度外上負穹蒼下負百姓誠天地間之大罪人矣豈  
 但天理有所不容即清夜捫心當如何愧怍有牧民之責者各宜  
 撫躬自問時加儆省慎之勉之○戊戌刑部議覆署直隸總督宜  
 兆熊奏元氏縣柳文保毆死伊姪柳福滿應否照鶴六斤之例准

其留養得旨向例斬絞等犯非常赦所不原者其父母年至七十  
 家無次子始將應否留養之處開明罪犯情由請旨定奪此乃法  
 外之仁也然亦必本犯之罪有可原其父母之情有可憫然後准  
 其留養從前鶴六斤之案其父母年未至七十而李紱違例兩請  
 法司議覆時即照兩請具奏朕以被毆之人係抽風身死情罪尚  
 輕姑從寬典准其留養並非著為定例也今宜兆熊等將柳文保  
 之案援引鶴六斤之例兩請具題該部理應嚴行駁詰按律定擬  
 方為平允今仍照兩請議處欲自沽寬大之虛名而不顧國家之  
 憲典殊不知將實在有罪之人枉法縱釋使死者含冤生者抱痛  
 積孽亦已深矣而欲以此邀福於冥冥之中有此天理乎且定例  
 父母七十方行兩請是合例之人尚須酌量情罪之輕重而後從  
 寬今若又開未及七十留養之例將來各省效尤凡父母見存之

東華錄

雍正十二

書

人皆可援以為請而鬪毆殺傷擬抵者無幾矣兇暴之徒必致肆  
 行無忌何以示懲嗣後若情罪果輕該督撫據實陳奏朕自揆情  
 度理開恩寬宥無得強引留養以開枉法之端○己亥宗人府議  
 奏誠親王允祉受 皇上隆恩不知感激身為親王惟利是視將  
 國家政事置之度外將伊私事妄行瀆奏復因查出勒索蘇克濟  
 銀兩詢問之際憤怒怨望在 上前喝責王大臣等毫無臣禮應  
 革去王爵禁錮私第得旨允祉原係昏愚下質不明大義之人從  
 前 聖祖皇考因伊不孝不忠屢經降旨切責朕御極以來允祉  
 舉動無禮妄行瀆奏之處不可枚舉朕思見在惟此一兄事事容  
 忍昨於諸王大臣前憤怒情狀實屬悖逆但朕兄弟內如此等者  
 幾人故為此種狂妄必欲令朕將伊等治罪其心誠不可解良由  
 朕不能感化所致亦未可謂皆若輩之罪也允祉免其褫爵拘禁



著降親王爲郡王撤去佐領四箇視其改過與否伊此等悖逆皆由伊子弘晟所致法難姑容著將弘晟拏交宗人府嚴行鎖錮嗣後一應交與諸王公等會議之處允祉不必入班○庚子以原任山西道御史蕭震遺耿逆之變閩門盡節命祀功臣廟○辛丑諭吏部張廣泗見有招撫生苗等事貴州巡撫事務仍著沈廷正署理令張廣泗得以從容辦理俟張廣泗到任後沈廷正再赴雲南新任○乙巳添設雲南鎮沅府經歷一○戊申封故理密親王子弘瞻爲輔國公

東華錄

雍正十一

美

東華錄

臣王先謙  
臣周潤蕃恭校

秋七月庚戌朔諭大學士等工部奏銷雍正二年分錢糧黃冊遲延不奏特於今年六月初一日始行進呈朕令大學士等詰問工部堂官隨經大學士等參奏黃冊乃按日記載之檔案何事不在其內定例凡遇朔望吉期在京各衙門進呈奏章俱各詳加檢點黃國材等任意疏忽全無敬謹之心應將伊等交部嚴加議處等語夫天道福善禍淫賞善罰惡書經曰惠迪吉從逆凶此外別無可以趨吉避凶之道至於忌諱禳祥乃庸人下愚之見朕察理極明惟知順理以爲事天之本毫無避忌爾等大學士日侍左右諒無不深知者但人臣事君之道當時存敬謹忠愛之心是以每逢佳節吉辰呈送本章皆留心檢點此亦自古相沿之例至於奏章內有 陵寢字樣者亦必留心檢點蓋恐陳奏披覽之時觸目傷感也朕之思念 皇考 皇妣無時稍釋於懷而於吉旦清晨必焚香瞻禮豈因展閱黃冊見 陵寢字樣然後悲戚於心乎止因工部堂官等全無尊君親上之心怠玩疏忽不得已詰問申飭冀其醒悟悛改又恐此輩庸鄙無知以爲朕因避忌月朔不快於心將黃冊發出降旨切責是以特令伊等於今日月朔進呈朕覽面加曉諭所有開導伊等之愚蒙而教以尊君親上之大義並使眾人共知之○辛亥諭內閣賊盜乃安民之首務稂莠不剪則嘉禾不生姦宄不除則良善不安此一定之理朕時以此訓飭各省督撫有司諄諄往復而能實力奉行著有成效者甚少如江南蘇松等地方盜案多於他處而陳時夏等並未將積惡渠魁緝拏懲治

東華錄

雍正十三



范時繹管轄三省戢盜之才亦覺不足是以下江地方盜風不能止息小民受其擾累朕深為慮念浙省盜案向來亦多自李衛莅任以來留心整理匪類知所畏懼文武屬員協力緝捕不至漏網又派委文武官弁分地巡查將盜賊拐逃假銀扒手賭博等犯嚴拏懲治以儆刁頑而安善類李衛甚屬可嘉著將江蘇所屬七府五州除錢糧刑名外其一切盜案俱交與李衛管理文武各受其節制有能盡心緝捕及疏防貽誤者聽其舉劾遇有緝捕訪拏盜賊等事各營兵弁聽其調遣江南督撫等官亦仍照舊辦理不得因李衛管理稽查盜案而生推諉之念○癸丑宗人府參奏輔國公敬恆 三陵朔望行禮不遵會典違例濫用贊禮郎甚屬僭越應革去輔國公從之○甲寅調單疇書為戶部右侍郎彭維新為刑部右侍郎以蔡世遠為禮部右侍郎由內閣學士遷○河東總督田文

東華錄

雍正十三

二

鏡奏河南府孟津縣居民翟世有以耕種為業本年四月有陝西三原縣人秦泰販買棉花遺銀一百七十兩翟世有在路拾獲歸告伊妻尋遇原主給還不取分毫並不受謝義舉清操已經給扁嘉賞並請立碑獎勵諭天下之治平在乎端風俗而風俗之整理在乎正人心若人之存心果能守法奉公安分知足則不貪苟得之財不為非理之事衾影無愧俯仰寬舒而和氣致祥自然災害潛消諸福畢至子孫並獲安享所謂積善之家必餘慶也朕愛養黎元教誨諄諄至詳且悉惟期薄海內外革薄從忠以成蕩平正直之治而地方大吏有司等既不能躬行禮讓以為民之倡復不能懇切周詳以宣朕之訓是以還淳返樸之風不多槩見朕心實企望之今見孟津翟世有之事乃風俗休美之明徵國家實在之祥瑞也朕心深為嘉悅夫秉彝好德人心所同十室之邑必有

忠信宇宙之大兆民之廣豈無崇廉尚義之人止因大吏有司不以民風醇薄為念或遂至湮沒不彰耳果能化導訓迪於平時而遇忠孝節義之人敬禮表揚以為眾人之勸則奮發興起豈不成比戶可封之俗乎翟世有著給與七品頂帶仍賞銀一百兩以旌其善凡人境遇之豐嗇貧富皆有一定之數不可以倖而致假若貪者有餘而廉者不足則是定數不足憑而天道不可問矣無奈世人貪心一萌遂以明白淺顯之理不能知覺而見利思義不拾遺金便為古今罕覩之事如翟世有者乃耕田力作之農民未必備讀聖賢之詩書法古人之行誼而天性樸誠不欺暗室用能化導其妻共成義舉是以令聞達於朝廷拜章服帑金之賜如但計一時之利所得不過百餘金用輒易罄較今日之榮名豈啻霄壤之分哉儻人人觀感興起皆能如此存心則不但成讓路讓畔之

東華錄

雍正十三

三

休風而本人亦必受上蒼之嘉祐荷國家之恩榮詎不美歟上年京城內有鋤草夫役六十一者於伊草車內拾得銀五十兩不肯私取當官呈出隨經該管官員奏聞朕已降旨獎賞此事與翟世有之還金相類朕為人心風俗起見特頒此諭通行曉諭內外官民人等知之○乙卯增四川鹽驛道衙門鹽茶大使○丙辰諭內閣工部將國子監建立碑亭繪圖呈覽其舊立碑亭有用黃瓦綠瓦之不同朕詢問工部侍郎法保吳士玉皆茫然不能置對國學建立碑亭典禮攸關司其事者自當詳考源委然後入告乃法保吳士玉於辦理陳奏之事漫不經心有玷職守著交部嚴加議處○戊午江西巡撫布蘭泰參奏清江縣牛元弼於雷雨之時並不親身祈禱屠宰甫禁旋開張筵唱戲政務不理臨江府知府吳恩景代為隱飾請一併革職得旨牛元弼於屠宰開禁之後開筵唱



戲不比祈禱之時若牛元弼平日性好聲歌耽於逸樂則布蘭泰何以不早行參奏至所參政務不理亦當實指其廢弛者何事今因一時意見遽將該縣嚴參並知府一同革職定例內屬員犯貪贓重罪者知府徇庇及失於覺察其處分止降級調用今因屬員唱戲而遂將知府奏請革職似此越例之事幾有作福作威之意矣朕之待督撫大臣深加信任常有督撫參劾尙輕而朕從重處分者總以揆情度理期於公當而已凡爲督撫者當爲國家愛惜人才而於參劾之間尤當加意慎重若誤去一幹員其過更在誤薦劣員之上蓋薦一劣員而誤用之異日自然敗露若將幹員誤行罷斥則其人終身放廢不可復振天下人才幾何豈可因一時之喜怒而濫行摧折乎察吏之道公明二者缺一不可若存心本公而識見不到必致爲屬員所欺瞞浮言所蒙蔽布蘭泰之存心

東華錄

雍正十三年

四

雖無私徇而少知人之明且瑣屑不識大體地方雨暘之時若水旱之爲災全係乎督撫大臣之感召若果能布德行仁安民察吏自能上感天和豐亨有慶若政事有闕舉劾失宜以致雨澤不能應時而降此時徒恃祈禱之虛文已屬庸鄙之見而乃欲諉過於屬員以謝己之責不亦屈抑之甚乎牛元弼吳恩景不必革職若二人任內另有虧空劣蹟著布蘭泰查明續參再降諭旨若別無款蹟可參著牛元弼吳恩景送部引見候旨另用○雲貴總督鄂爾泰奏四川所屬涼山近連米貼地甚荒野吞都沙馬雷波黃螂等各土司俱係米貼裸賊祿永孝妻陸氏之姻親賊黨有恃故敢於蠢動吞都土司德昌助惡謀逆臣檄令鶴麗總兵張耀祖等三路進剿已將首惡陸氏擒獲其未獲之德昌見檄軍弁攻取山壘以絕根株得旨米貼逆夷肆行不法抗拒官兵鄂爾泰令總兵張

耀祖等領兵深入直搗賊巢擒獲渠魁撫定餘黨在事弁兵著從優議敘賞賚○庚申諭內閣向來督撫赴任之時有奏請將平日所知人員帶往以備委用者朕因督撫事務甚繁欲得素所熟悉之人以收臂指之效事屬可行是以允從所請令其帶往酌量題補近聞督撫等帶往人員在地方不甚相宜或羣相趨奉而指爲上司之腹心或妄生議論而以爲上官之偏袒其中弊端日生以致流言不少如楊文乾請帶王士俊殷邦翰前往廣東楊文乾信用之廣東閩省人心不服陳時夏請帶蔡益仁往蘇而江南之人指爲陳時夏之耳目莽鵠立請帶朱亨衍李敏德傅樹崇往陝西原爲備辦軍需乃不令效力一事藩司孔毓璞即逢迎巡撫以一人委署二缺而命往試用之員不行委署此皆帶往人員不宜於地方者朕思所帶之二三人其得力有限而沮眾人效力之心則

東華錄

雍正十三年

五

爲益少而無益多况屬員之微愆小過上司本應曲體保全而既爲督撫帶往親信之人理當畏避嫌疑有不便格外保全之勢亦非所以愛惜人才也且督撫等果公正精明善於察吏則閩屬中豈無有廉幹之員可相信以心相資爲理者何必於帶往之一二人是賴而啟眾口之疑議乎文官與武職不同武職以弓馬技勇爲主有操練兵丁差委巡緝之事督撫提鎮等將熟悉之人奏請帶往以供使令可以得其效用之益至於文員則不應帶往從前督撫等之奏請甚非朕亦不當允從其請除督撫已經到任之後因本地要缺奉旨題補而本地不得其人將別省舊屬題補者不必解任外如楊文乾陳時夏莽鵠立及各省督撫大吏從前所請帶往之人目今見在屬下者俱著回京請旨另用○山西巡撫覺羅石麟奏榮河縣沿河地方黃河水漲被淹村莊共十有八處見



在設法撫恤得旨地方年穀之豐歉水旱之有無全係乎督撫政  
事之得失天人相感之理確乎不爽石麟自任巡撫以來精神不  
能周到才力甚覺勉強朕已屢次訓飭兼為地方塵念今榮河縣  
果有河水泛溢淹及村莊之事夫黃河之在山西尚非險要之處  
而今歲入夏以來又非多雨之年乃忽聞水漲為患豈非封疆大  
吏政事有闕故上天垂象以示儆乎凡督撫之責全在於察吏除  
盜以安輯百姓儘不能盡斯二者必致上干天和黎庶並受其困  
凡屬封疆大臣當如何之勉勉盡心以稱職任而大臣等之保薦  
督撫者當如何之公忠詳慎務令得人以副君上之諮詢造生民  
之福澤乎其榮河縣被水之民加意撫恤之處著該部速議尋議  
按名散賑務使均沾實惠從之○辛酉雲貴總督鄂爾泰奏米貼  
賊黨悉平鶴麗總兵張耀祖所領官兵已於五月二十六日撤回

東華錄

雍正十三年

六

其井底壘及沿江渡口等處原議駐兵三百名請添設二百名足  
資巡察防範得旨米貼之事既竣滇兵可以回汛目下逃竄不過  
逆夷吞都土司德昌一人易於緝捕其剿撫雷波土司川省所撥  
之兵自足辦理四川提督黃廷桂有應行知會滇省官兵之處著  
黃廷桂就近知會餘照所請行○雲貴總督鄂爾泰奏烏蒙案內  
革職土司祿鼎坤乃祿萬鍾之親叔向居魯甸亦屬渠魁而當日  
官兵進剿烏蒙時祿鼎坤帶領二子及魯甸頭目等投見知府黃  
士傑隨經總兵劉起元給以外委守備立功贖罪及臣親至東川  
又復給牌准其效力錄用祿鼎坤始而前往化導祿萬鍾母子勸  
其歸順因主文劉建隆等抗違不從帶領祿萬鍾母子逃往大關  
祿鼎坤自備口糧督領土兵三千直搗鎮雄之脅是以祿萬鍾計  
窮勢迫投奔川營且招撫烏蒙頭目五十餘人各目所屬百姓數

千俱赴營投順逮米貼陸氏等句通川猥抗拒官兵祿鼎坤願以  
妻子為質調率土兵親往效力又有同案之白顏阿業亦隨縣鼎  
坤投誠者前陳明哲等抗違拒敵阿業會率土兵血戰破圍此皆  
有功之夷人祿鼎坤今應遠徙江甯阿業因其兄係叛案重犯緣  
坐應流仰懇俞旨可否寬免諭朕情冒萬方內地外夷皆同仁一  
視本欲其肯歸於善以受朝廷撫綏教養之恩祿鼎坤既能悔過  
自新輸誠向化且奮勇努力以助官軍與兇苗之怙惡不悛者相  
去霄壤應加特恩以為眾人之勸前經鄂爾泰題請照新定之例  
將祿鼎坤發往西甯安插今加特恩免其跋涉遷移即令安插雲  
南省城將祿鼎坤隸總督標下管轄令鄂爾泰酌量題授職銜並  
賞給養贍之費俾得從容敷用以示恩獎其同案之白顏阿業亦  
能悔罪輸誠著將流徙之罪開恩寬免○川陝總督岳鍾琪奏據

東華錄

雍正十三年

七

西藏駐紮之參將顏清如呈稱五月二十五日頗羅爾率所部兵  
由潘玉口至喀巴地方先遣兵一千餘名衝戰喀木卡倫與隆布  
奈之兵相敵是夜西藏斥堠兵丁俱隨從頗羅爾二十六日頗羅  
爾率兵直抵西藏駐藏大臣馬臘僧格即往布達拉地方守護達  
賴喇嘛頗羅爾一面安撫西藏一面派兵將布達拉地方圍困二  
十七日馬臘僧格回至西藏二十八日各廟喇嘛將阿爾布巴隆  
布奈扎爾爾等擒獻頗羅爾將伊等拘禁遂來見馬臘僧格告稱  
今率阿里及後藏兵共九千餘名前來西藏既獲仇人即欲回後  
藏防守隘口兵丁等乞奏聞 皇上加恩賞賜等語臣查頗羅爾  
於大兵未到之前奮勉報仇擒獲渠魁此皆 聖主恩威遠布之  
所致但渠魁雖已就擒阿爾布巴之子衮布見在江達率兵駐紮  
臣行令鑿儀使周瑛嚴加防範俟大兵到藏協力攻剿至頗羅爾



之兵九千餘名請加賞賜以示鼓勵得旨頗羅爾兵丁殊為效力著查郎阿等將豫備軍需錢糧內動支三萬兩給與頗羅爾令其酌量賞兵○己巳諭禮部怡親王之子弘曠薨逝弘曠係王妃所出著照貝勒例殯葬○辛未諭刑部為治莫要於安民安民莫急於弭盜朕夙夜孜孜勤求治理無時不以安輯萬姓為念豈忍沽寬大之虛名姑息養奸以貽害吾善良之赤子乎邇者各省文武大吏亦知體朕懷嚴緝盜賊之蹤蹟窮治盜賊之根株如浙江江南數十年之大盜積賊悉行拏獲而究問從前則供出劫賊害命之案不可勝數似此狡獪渠魁尚不能逃於法網則凡為盜賊之人其可不知悔懼乎朕念為盜賊者前此之愚頑皆自陷於死而不知而今此之窮蹙又將求其生而不得展轉思維深為不忍因是特頒訓諭指示迷途而望其自新悛改凡為盜賊者皆吾民也

東華錄

雍正十三

八

乃不肯為國家愛養之良民而甘為國家誅殛之匪類豈非自作之孽更復何所歸咎乎而為盜賊者每藉口於饑寒所迫計出無聊夫慮饑寒者謀生之心也而為賊盜者取死之路也以求生之心而趨必死之路雖在下愚不應出此凡能為盜賊之人必非老弱殘廢之輩有可用之膂力有可用之心思若務農耕種負販傭工即可為餬口之計或入營食糧當差效力且可為上進之階宇宙謀生之人百千萬億而謀生之策亦甚多端奈何作此喪心昧理違條犯法之事乎蓋由此輩或遊手好閒或賭博縱飲或好勇鬪狠一旦困乏窮苦利欲薰心遂生殺害劫奪之念以為昏夜之間無人識認未必即被拘執而受刑戮也不知一案敗露則眾案皆難掩藏一人被擒則夥黨皆難隱匿往事具在豈不聞之盜賊若肯為善良必不至於饑寒而死以視身首異處肆於市曹極

固同傷殘肢體父母妻子遷徙流離果何得而何失孰危而孰安乎朕心惡此輩之肆行不法又深憫此輩之愚昧無知示以自新之路特施法外之仁許其自首免罪凡各省盜賊未經緝獲到官者其中為首造意及傷害人命之犯若自行陳首朕酌其情稍可原者量從寬減若被人引誘迫脅跟隨為盜之犯自行出首則將伊應得之罪予以寬宥俾得改除舊惡永為良民受國家惠養之澤若此旨既到之後而為盜賊者不行自首其有已經自首免罪之後而復為盜賊者定行加重治罪儻有不肖官員因盜案不結有礙考成賄買無賴之人冒認為盜自行出首以圖銷案者一經察出將賄買之官及代認之人俱即正法不貸著在京在外地方大吏通行所屬俾遠鄉僻壤之民咸共知之○壬子故太子太傅武英殿大學士富爾安祭葬諡文恭○乙亥諭內閣前山東參

東華錄

雍正十三

九

革知縣朱成元令家人叩開一案朕命學士繆沅前往審理據繆沅將朱成元蒲臺縣任內餽送巡撫布按各官規禮印簿查出陳奏朕一一閱看知係朱成元任內二十餘年餽送上司之陋規而自雍正元年以後仍復餽送如故已交部嚴察議奏自朕即位以來嚴飭官方禁止私賄又恐督撫等官用度不敷暗中巧取是以給與養廉之項俾其公私有賴俯仰從容庶永杜苞苴以為激清吏治之本蓋上司既受屬官之餽遺又何以禁止屬官之貪墨甚至以餽遺之多寡分情誼之厚薄則屬員之優劣何由辨別而吏治尚可問乎各省督撫養廉之項皆經奏聞奉旨者司道等官亦皆於公用內支給其無公項可支之員亦應於督撫前陳明准其收受何項以為用度豈有朝廷既給養廉而仍收受屬員陋規之理今觀山東巡撫司道等官之私受陋規如故則他省或有似此



欺隱私受者亦未可知著各省督撫一一嚴查據實陳奏在地方官薪水之資自不可缺但於屬員之手接受節禮陋規則斷乎不可目今各省內或有尚未分給養廉之員著各省督撫悉心商酌辦理奏聞甯可以州縣應出之項解至藩庫從公發給而不可使其自相授受廢公義而徇私交留禮儀交際之名而長貪婪賄賂之弊也儻再有私收規禮者將該員置之重典其該管之督撫亦從重治罪○諭正紅旗漢都統等原任大學士甯完我乃國家舊臣朕念伊功績查伊後人其三世孫甯蘭人老成若有驍騎校缺出帶領引見甯蘭家貧賃住房一所內庫銀五百兩四世孫甯邦聖人平常係康親王屬下交與康親王給伊拜唐阿錢糧若能習文即令其讀書儻不能習文則挑在拜唐阿上教導行走成就時著王奏聞○命蘆溝橋造官房安歇會試舉人○丙子以張坦麟東華錄

雍正十三年

為內閣學士仍署江蘇巡撫事○戊寅刑部尚書勵廷儀奏請除監生考職倩代頂冒之弊得旨各省監生每於考職之時或憚於跋涉或不諳文理常託在京之親戚朋友代為應考而本人安坐原籍濫竊職銜此等陋習相沿已久是以數年來朕特遣大臣等司考試之事及後訪察知考試之臣亦止能校閱文藝不能除假冒之弊故於上年考試之後朕令將一千一百餘人通行引見彼時伊等知頂冒情虧不敢報名引見者九百餘人俱經降旨革退其引見之二百餘人朕以為皆係正身又見其中有人才可用者因揀選七十餘人交部即用或令外省督撫試用且有加恩用至知縣知州等官者近聞此即用人員之內竟尚有頂冒之人似此敢於欺罔可謂豈不畏死者矣今朕開恩准其自行出首若代考得官之人遵旨出首朕酌量寬減其罪其託人代考者情罪較輕

若遵旨出首但革去監生不治其罪儻仍前隱匿不首一經察出將與者受者即行正法其從前歷來考職監生有代考得官者俱照此例行○吏部議領侍衛內大臣公在內閣辦事馬爾賽等參奏工部所造黃冊屢經催辦乃任意遲延特於月朔吉日進呈顯係怠玩疏忽應將尚書黃國材侍郎鄂爾奇吳士玉法保申大成照溺職例革職得旨黃國材鄂爾奇法保俱著革職從寬留任吳士玉革去工部侍郎著在內閣學士內效力行走申大成著革職八月己卯朔諭直省督撫等知府一官管理通郡有察吏之責如知府得人則察吏以安民於地方實有神益但知府內有僅係循分供職不能察吏而又素無過犯不至於參劾者此等人員若令其久任地方於屬員賢否必不能詳察周知於吏治無益著各省督撫將見任知府詳加甄別其有才具中平不能察吏者一面具東華錄

雍正十三年

題以在京部屬改補仍令該員暫留本任辦事一面於本省同知以下知縣以上等官內揀選能勝知府之任者保題送部引見如所保人員可用准其補授俟伊到任後著前任知府交代清楚來京以部屬之缺改用如此則因才器使辦理部務得人而各省知府均屬勝任之員矣若所保人員到京引見時朕察其才具亦屬中平則仍將前任知府留於原任各省督撫宜秉公詳擇以副朕激敘官方之至意○庚辰福建巡撫朱綱奏各省舉行耕藉典禮於雍正四年奉旨選擇潔淨豐腴之地建壇置田又於雍正五年接部頒儀注內載藉田應在東郊但閩省州縣前此已建之壇已置之田有不在東郊者今悉令更正而地勢各有不同或依山濱海甚難辦理奏聞請旨得旨禮部所議藉田儀注引禮記天子耕於南郊諸侯耕於東郊之文是以將各省藉田議於東郊建置此



禮部識見拘泥之處夫建立藉田必在郡邑近城之地而各郡各邑地勢不同其城東一面或依山嶺或近河渠未必俱係平壤即無山水阻隔亦未必俱係潔淨豐腴之地安得以諸侯東郊爲比而令地方有司難於辦理乎况已建之壇已置之田又令遷移他所不但耗費更張亦大非敬謹虔誠之道閩省已設壇田不必更動其各省與此相類者著將此諭旨通行各巡撫曉諭所屬知之○以宗室塞爾赫爲左副都御史由御史史遷○甲申諭內閣官員有莅民之責其語言必使人人共曉然後可以通達民情而辦理無誤是以古者六書之例必使諧聲會意嫺習語音所以成遵道之風著同文之治也朕每引見大小臣工凡陳奏履歷之時惟有福建廣東兩省之人仍係鄉音不可通曉夫伊等以見登仕籍之人經赴部演禮之後其敷奏對揚尙有不可通曉之語則赴任他省又東華錄 雍正十三年 十一

安能於宣讀訓諭審斷詞訟皆歷歷清楚使小民共知而共解乎官民上下語言不通必致吏胥從中代爲傳述於是添飾假借百弊叢生而事理之貽誤者多矣且此兩省之人其語言既皆不可通曉不但伊等歷任他省不能深悉下民之情即伊等身爲編氓亦必不能明白官長之意是上下之情扞格不通其爲不便實甚但語言自幼習成驟難改易必徐加訓導庶幾歷久可通應令福建廣東兩省督撫轉飭所屬各府州縣及教官徧爲傳示多方教導務期語言明白使人通曉不得仍前習爲鄉言則伊等將來引見殿陛奏對可得詳明而出仕他方民情亦易於通曉矣○召布蘭泰來京調張坦麟署江西巡撫以尹繼善署江蘇巡撫由協辦河工內閣侍讀○乙酉諭吏部州縣爲親民之官地方事務全資料理凡有委署印務者必鄰近地方始能兼顧向來督撫藩司等委員署

印每憑一己之私心而不計道里之遠近此習相沿已久近日秉公之上司已將此等陋習滌除而其餘尙有未能盡改者如常賚官達之在廣東則以韶州府乳源縣令署廣州府之花縣又以廣州府之花縣令署惠州府之海豐縣此皆隔府差委相去數百里之遠者夫州縣一官錢糧必及時徵收盜賊必立時緝捕人命必當時相驗承審案件必如限完結若於數百里之外兼攝印篆不但顧此失彼諸務廢弛而吏役奔忙人犯拖累種種遲誤之處難以悉數嗣後州縣缺出該上司等必須選鄰近之賢能佐貳官署理如係地方要缺鄰近不得其人則將隔府正印官委署另委官員以署該員本縣之事務期人地相宜而各縣公務又不至於遲誤斯有裨益儻該上司有市惠徇情任意委署者經朕察出定嚴加處分○諭湖廣督撫等桑植土司向國棟保靖土司彭御彬暴東華錄 雍正十三年 十二

虐不仁動輒殺戮且骨肉相殘土民如在水火朕聞之深加憫惻既有被害男婦紛紛來歸情願編入版籍以免殘虐若拒而不納則結怨之土民必至無遺類矣朕撫有四海內地苗疆皆朕版圖漢土民人皆朕赤子偶有一夫不獲皆塵朕懷况數千里土民安忍置之度外今俯順輿情俱准改土爲流設官緝緝彈壓其應行審理之舊案著該督撫一併審結但帶兵入內官弁等須仰體朕心不得殺戮無辜並曉諭平日奉法之士司仍各安居樂業不必疑懼其土民向被桑植保靖二土司殘虐者著加意撫恤去其苛政務使出水火而登衽席以副朕除暴安民之意如有助惡黨與即行剪除儻歸誠向化皆從寬釋其向國棟彭御彬應安插何省不令失所之處著該督撫酌量定議以廣朕法外之仁仍將此曉諭附近土司咸使悉知朕意○命馬爾賽爲武英殿大學士由協辦大



學士事領侍衛 ○以傅泰署廣東巡撫由戶部右 ○召王暮來京

內大臣公遷 以王士俊署廣東布政使由肇高 ○丁亥諭諸大臣朕待臣下至

公至平從無一偏向惟視其人何如耳如楊文乾為廣東巡撫石

禮哈與阿克敦常資官達四人協力朋謀欲加傾陷而朕早已洞

燭其私嚴加申飭石禮哈會面奏楊文乾與伊不合恐被中傷朕

諭之曰爾等四人協力尚不能害一楊文乾楊文乾一人之力獨

能害爾等乎後楊文乾具摺陳辯朕諭此事朕先已洞悉其隱微

何待爾辯爾今自辯轉覺其小矣總之滿洲漢軍漢人朕俱視為

一體並無彼此分別又如邁柱巡撫江西則按察使積善誣奏之

及總督湖廣則布政使黃焜誣奏之朕察二人狡詐並加處分又

如李衛為浙江巡撫而黃炳誣奏其雲南藩司任內之事朕亦洞

燭狡詐又如田文鏡為河南巡撫而蔡珽李紱謝濟世等交結黨

東華錄 雍正十三年 十四

與極力排陷後皆敗露自罹重譴夫邁柱滿洲也李衛漢人也田

文鏡楊文乾漢軍也但能竭力盡忠則彼挾私傾陷之徒無論其

為滿洲漢軍漢人皆不得施其狡詐姦謀則朕之公平無偏可知

矣爾諸王大臣須存同朝共事公心不可略有分別畛域之私見

每遇一事惟秉公持平齊心併力據理以辨之勿稍存一滿漢形

迹於胸中以致事有參差蓋同朝之人雖地分不同其所辦之事

皆朝廷之事也何有於滿洲漢軍漢人蒙古而生彼此之見哉國

家須滿漢協心文武共濟而後能致治夫文武不可偏重而滿漢

顧可以偏向乎心無偏向則公公則未有不和既公且和是以百

官得其序萬事得其宜而天下莫不治平矣人有自患其孤立者

此謬說也古之所謂孤臣者其上諛諂蔽明舉朝皆以邪曲害公

義而其人孤忠莫白故謂之孤今之人縱矯然自異豈得謂舉朝

無一同志况朕以公正無私之心臨莅於上為臣者果能忠誠自

矢而與上一心一德雖舉朝無同聲附和之人其要為不孤也孰

大焉從來上下交而其志同其道總在一誠誠之為道有感必通

爾等以誠來朕即以誠應設或爾等不誠而以詐偽來亦必不能

逃朕之洞鑒也勉之慎之○己丑戶部議准湖廣總督邁柱奏荆

州一府縣延千有餘里其所屬之歸州巴東興山長陽四州縣施

州衛大田所俱地處山僻離府寫遠請將歸州升為直隸州裁施

州大田二衛所歸併為縣施州衛所管之施南十五土司應歸縣

轄同巴東興山長陽三縣俱隸歸州衛所原設之遊擊把總仍留

彈壓其衛守備千總守禦所千總俱裁去設歸州州判一新縣知

縣一典史一巡檢一衛教授改為教諭其訓導應仍舊制從之尋

定新設縣曰恩施○辛卯調史貽直為吏部左侍郎以王璣為戶

東華錄 雍正十三年 十五

部左侍郎由通政 ○壬辰諭內閣衙門事件交與科道官員稽察

者蓋欲其按限歸結不致遲誤也近見科道行查之案其衙門隨

便託詞回覆而科道遂不復問情由是科道之稽察不過查其遺

漏而已其遲延之故並未致問殊非差委科道之本意嗣後若但

以行查塞責遇有不應遲延之案該衙門託詞回覆而科道官並

不詳查即置之不問者經朕察出定將科道一併處分○高學尹

緣事革職以潘體豐為福建按察使由漳州 ○刑部議奏滁州民

賈榮生毆死無服族弟賈必富應擬絞監候安徽巡撫魏廷珍以

賈榮生之母徐氏年七十六歲家無次丁題請留養查徐氏見有

出繼次子賈瑞生可以養贍與留養例不符該撫所請無庸議得

旨賈榮生依擬絞著監候秋後處決大臣執法貴得其平始無偏

輕偏重之弊克副明刑弼教之意屢降諭旨甚為明晰今魏廷珍

旨賈榮生依擬絞著監候秋後處決大臣執法貴得其平始無偏

輕偏重之弊克副明刑弼教之意屢降諭旨甚為明晰今魏廷珍

旨賈榮生依擬絞著監候秋後處決大臣執法貴得其平始無偏



又以不合例之人題請留養且稱與例相符顯係市恩枉法將魏廷珍交部嚴察議奏以爲人臣市恩枉法者之戒○御史晏斯盛參奏八旗巡役每以查拏僭越借端肆橫臣乘馬入城並未令人導引止因隨行一騎偶然驚突前行前鋒兵丁等違將臣拘至營房及管旗大臣問明始行放回似此巡查不實臣不敢以事涉己身隱忍緘默得旨凡官員等車馬儀從之屬各有等差從前降旨申飭者原以重體統而防僭越今左翼前鋒兵丁等借端滋擾混行查拏甚爲多事若被屈官員隱忍不言則此輩益至肆行無忌晏斯盛據實陳奏甚屬可嘉著交部議敘其生事妄行之兵丁及該管官員等著交部議處○甲午以繆沅爲工部左侍郎由內閣學士遷王承烈爲工部右侍郎由右副都御史遷○河東總督田文鏡奏歸德府商邱縣賣麵賈人陳懷金拾獲遺金二十四兩全數付還銀主王東華錄  
雍正十三年 六

范時繹摺奏邳州地方有蝗蝻萌生朕卽諭令竭力撲滅無俾遺種莫被屬員蒙蔽近聞彼處蝗蝻該地方官並未用力撲滅怠玩從事而督撫付之不問著范時繹查明題參並將該督撫交部嚴加議處以儆怠玩○解莽鶴立任以劉世明爲甘肅巡撫由興漢總兵官遷○丁酉諭吏部朕屢降旨嚴禁官員收受陋規以清吏治今山東原任蒲臺縣朱成元印簿所開黃炳余甸收受之項鑿鑿可據及詢問黃炳余甸伊二人尙掩飾巧辯不肯承認甚屬可惡著將黃炳余甸革職解往山東交與田文鏡岳濬繆沅將此案及通省屬員餽送之處一一嚴審定擬具奏博爾多見在江南質審別案著該部行文江南督撫將伊收受朱成元及通省屬員規禮訊取確供移送東省儻博爾多不吐實情卽加刑訊○庚子陝西巡撫西琳參奏原任刑部尙書張廷樞子中允張縉告假在籍多藏厚積招集悍僕索債聚斂所有收受趙世顯銀兩一任催迫抗旨不完得旨陳夢雷係降附耿逆之人蒙 聖祖仁皇帝宥其重罪從寬發遣後又開恩赦回京師令其在誠郡王處行走乃伊生事招搖交結邪黨意欲擾亂國政其種種不法之處朕知之甚悉不可一日姑容是以於雍正元年仍令將伊發遣不使留住內地煽惑人心似此重罪之犯而刑部尙書陶賴張廷樞於朕初登極之際徇情枉法故意寬縱二人之罪經隆科多參奏朕知隆科多與陶賴張廷樞原有嫌隙或欲假公濟私是以特寬二人之罪止令降職閒居此朕莫大之恩伊二人當深知感戴省愆改過昨陶賴張匿勒什布賊私數萬兩該旗王大臣詢問時尙敢傲慢不恭咆哮狂肆不肯承認及至欲加刑訊始一一據實供出目今此案尙未審結將來陶賴自有應得之罪另降諭旨至於張廷樞名下應追



銀兩皆貪婪不法之賊款自當遵奉法度速行完納何至以抗延被參伊子張縉又稱病家居不肯供職效力顯係父子心懷怨望又復倚仗聲勢蕩檢踰閑聚斂營私剝削鄉里甚屬可惡張廷樞張縉俱著革職拏問交與該督撫嚴密治罪○丁未諭內閣浙江士習澆薄朕為世道人心計不得不嚴加整理今二年以來李衛王國棟先後奏稱兩浙士子感朕訓誨之恩省愆悔過將舊日嚮陵奔競之習痛自改除可稱士風丕變前年朕原降旨浙人秉性聰慧既知讀書必明大義非如強悍執滯之難於感化者一經指示則醒悟亦必最捷不出二三載以望其自新今果然矣明年即屆鄉試之期浙省士子准其照舊鄉會考試以示朕訓俗牖民樂聞遷善之至意○是月免江南高郵桃源海州清河等州縣雍正五年水災額賦有差

東華錄

雍正十三年

六

九月己酉以左副都御史宗室塞爾赫在內閣學士裏行走○壬子子故廣東巡撫楊文乾祭葬○癸丑諭內閣原任南陽總兵官李永陞向以居官不職收受軍政陋規經接任官參劾部議革職治罪朕令發往阿爾泰驛站坐臺效力今年春間朕恭閱 聖祖仁皇帝實錄見原任四川總督李國英擒剿逆寇勞績茂著因命查其子孫帶領引見彼時將伊孫李永安授為副參領並知李永陞即李國英之孫特從臺站地方調回授為參領面諭之曰爾不自念爾之祖父勉為好官朕心實不忍忘爾祖父之勞績也今特加恩宥仍予錄用爾其思之勉之昨該旗奏伊名下應追未完銀兩伊情願變產扣俸完納朕又降旨免追矣大凡官員等之祖父為國家宣力抒誠致身殉節者其子孫應體祖父之忠心倍加勉勵以紹家聲斯不愧名臣之後若犯法婪贓虧空國帑不修名節

有玷家風是不忠之外又加不孝之罪以情理論之應加倍重懲然朕繼述 先志褒功獎善追維往昔時時眷注於懷是伊等不肖之子孫忍於自忘其祖父而朕則不忍以其子孫之不肖遂忘其先人之善不加恩於其後嗣也著八旗通查凡有祖父陣亡盡節及偉績殊勳載在國史而子孫犯法問罪及虧空拖欠者無論已結未結著該旗大臣等秉公據實確查具奏又漢人中如嵇會筠之父錢以塏之祖抗節捐軀舍生取義已荷國恩優加榮獎又如趙申喬楊宗仁清廉公正乃國家實心任事大臣其任內一切應賠銀兩朕已槩從寬免無使絲毫牽累著各省督撫等確查所屬有居官清正如趙申喬楊宗仁湯斌陳瓊張伯行之比而其子孫犯法問罪及虧空拖欠者無論已結未結俱行秉公據實具奏若其祖父係陣亡盡節者亦著八旗照例查奏○甲寅阿克敦錄

東華錄

雍正十三年

九

事革職以宗室普泰為吏部左侍郎由御史遷○丙辰 皇八子福惠薨照親王例殯葬○己未兵部議准川陝總督岳鍾琪奏西固土司黃登燭堅錯父子濟惡岷州土司趙廷賢朋比為姦番民不安住牧情願改土歸流查黃登燭堅錯所管番地附近西固請將西固州同改為撫夷同知頒給印信以資撫馭趙廷賢所管番地附近岷州請隸岷州同知管轄至西固岷州地連邊寨汛守宜嚴請於兩土司適中之地令該管洮岷協委把總二員各撥兵二十名分駐巡查從之○庚申以元展成為雲南按察使由禮部議○癸亥諭議政王大臣等天津初設滿洲兵丁所定一切制度最為緊要以前兵丁合夥會往同知衙門內吵鬧今披甲巴甯阿又擊小刀將營田之知縣戳傷伊乃當兵之人將官員無故動刀戳傷甚屬可惡此等之人若不加以重罪則匪類不知儆戒著議政王大臣會



同三法司究擬具奏鄂齊乃有罪之閒散宗室朕加恩用至大臣錫封公爵可謂尊榮之至伊並不感戴朕恩爲國家效力前差往藏內凡事以私心辦理及回至朕前朕將去年阿爾布巴等殺害康濟爾一事詢問伊亦不知羞愧遮飾具奏補授天津都統以後仍不改過總不實心辦事並不教訓管束官員兵丁陸續生事鄂齊孤負朕恩其公爵都統一併革去補授三等侍衛效力行走不嚴行管束巴爾阿之該管協領佐領防禦騎校俱著革職即在天津披甲效力行走所遺員缺著都統速行揀選補授奉天將軍覺羅伊禮布因盛京事務繁多雖勉強供職終不勝任著調補天津都統伊禮布未到天津以前都統事務著前鋒統領袞泰署理其奉天將軍事務著盛京刑部侍郎武格暫行署理○甲子諭吏部陝西平涼府知府李桐因察覈屬員被知縣卓鳳詔詳揭經莽

東華錄

雍正十三年

二十

鵠立題參已降旨解任質審今據總督岳鍾琪奏稱李桐頗能盡心辦理軍需似此能員題參解任深可惋惜等語朕前曾屢降諭旨督撫大臣當爲國家愛惜人材如有賢能之員不得以小過微愆遽行參奏令其廢棄李桐爲伊父生日受屬員壽屏此猶情理之可恕者莽鵠立不念其平日居官尚能效力卽行參奏殊非大臣公忠爲國之意李桐著照岳鍾琪所請免其解任候審仍留原任○乙丑諭內閣工部侍郎塞楞額著兼內閣學士行走嗣後御門之日各部院所奏本章著派內閣侍讀學士二員輪班接本後卽出不必再入○丙寅調繆沅爲刑部左侍郎由工部調○以汪漉爲內閣學士由光祿寺卿遷○庚午諭戶部論語曰百姓足君孰與不足朕宵旰孜孜惟以足民益下爲念是以各省逋賦則蠲至數百萬每年正額則免至數十萬凡興作工程俱支國帑偶逢旱澇蠲

賑兼施此中外所共知共見者乃邇年以來各省督撫等有以地方舊有之項不敢入己奏請歸公者彼時陳奏之際似出急公奉法之心今細加體察此等款項多係地方相沿之積弊歷年未革之陋規不取之於民卽取之於國者一種欺世盜名之督撫往往奏請歸公以博清廉之美譽更有本係一己之贓私己入囊橐又恐敗露不得已而奏請歸公以蓋前愆又或回護前任之員而奏請歸公以掩其短則是諸臣欲沽一己之名欲逃一己之罪而巧借奉公之說爲此遮飾之計也著各省督撫等悉心確查若無礙於國無礙於民可以歸公之項則將緣由備細聲明具摺陳奏候朕批示其有上竊之於國而下取之於民者則應永行裁革不許借歸公之名以遂其私心而掩其積弊如有仍蹈舊習者經朕察出定行嚴加處分○甲戌諭內閣大凡爲臣者必以報稱君上爲

東華錄

雍正十三年

三

心而不得有瞻顧身家之念古聖賢之教皆是道也蓋在平時則正其誼不謀其利明其道不計其功孝弟忠信一一皆盡其實而不可有一毫之虛假及乎居官則國爾忘家公爾忘私盡屏其偏僻黨同之習悉去其沽名市惠之念此之謂實心任事而智名勇功於是乎出矣夫臣下之用心在上未有不洞燭其隱微者古之良臣有嘉謀嘉猷則入告於內而順應於外其誠意之交乎何如懇摯苟或挾詐任術飾貌修文隱微有潛伏之私則必不能忠敬以事上而上有不知其情僞者乎凡學古入官者宜矢之以至誠將之以篤敬秉虛公以揆大中之則務正直以遵王道之平存忠君爲國之實心務立身行道之大本以此自勉更以此交勉則可以成明良一德之盛矣○諭禮部各省考取拔貢原欲遴選儒生以宏教育向來之例俱於見考一二等生員內選拔文行兼優者



但恐作文有一日之短長而文理平通不列優等者其人或品行端方才識練達足備國家之用亦未可定嗣後著各省學政不必拘一二等之生員俱准收考酌量試以時務策論其人果有識見才幹再訪其平日品行端方即正考未列優等亦准選拔則文行兼收可以昭國家廣攬人材之典○以謝王寵為左副都御史順天府府尹遷○乙亥添設安徽布政司衙門倉大使一○丙子河東總督田文鏡奏東省倉庫錢糧俱有虧空且多那新掩舊之弊歷任撫臣不及查察該管之知府知州為之通同徇隱請嗣後東省知府直隸知州離任時將所轄州縣倉庫錢糧俱照豫省交代之例限三箇月令接任官查明出結如有虧空即著落知府知州均半分賠完後方許另赴新任備接任官徇情出結者即著落出結之官分賠再查知府直隸知州亦有倉庫向係該管之道員盤查

東華錄 雍正十三年 三

請嗣後道員升遷事故離任者亦照此例交代得旨東省吏治廢弛倉庫錢糧尚有虧空且多那新掩舊及仍復收受陋規加增火耗科派等弊是以特命田文鏡為河東總督整理清查掃除錮習雖管理錢糧係巡撫專責然岳濬以少年新辦巡撫之事或有未諳田文鏡練達老成經理豫省錢糧已有成效則東省錢糧於積弊叢生之後應悉聽田文鏡主張料理岳濬與費金吾盡心竭力協同贊助則自無不清肅之患矣儻稍存怠忽之念經朕察出定將布政使嚴加處分該撫一併議處田文鏡此奏俱照所請行又前適柱差往江西辦理錢糧甚為妥協今湖北湖南錢糧亦有不清者著適柱與巡撫一同辦理凡各省錢糧總督舊無兼辦之責今令田文鏡適柱兼理者乃因人而施後不為例○丁丑差往西藏吏部尚書查郎阿等奏臣等統領大兵自五月初六日由西甯

出口於八月初一日至西藏即會同在藏駐紮之副都統馬喇學士僧格將阿爾布巴隆布奈札爾爾等審訊據阿爾布巴等供謀殺康濟爾是實查阿爾布巴等身受國恩不思報效乃心存叛逆大干法紀應分別情罪將阿爾布巴隆布奈俱擬凌遲其阿爾布巴之子噶爾丹盆楚克袞楚克拉賈布鄂達爾漢噶爾藏吹達爾隆布奈之子席木本吹扎特俱擬斬將扎爾爾擬斬其妻及子喇克桑扎木巴並二逆之妻女及同胞兄弟俱離本處發遣並將協助阿爾布巴等之喇嘛人眾亦分別治罪番人素性兇惡阿爾布巴等須令番眾目覩正法以示懲戒臣等一面奏聞一面將阿爾布巴等及事內應斬人犯即行正法其應行發遣之人由撤回兵丁內酌量派出解送至江甯杭州荊州將軍處賞給兵丁為奴報聞○是月免山西榮河縣本年及江南懷甯鳳陽等縣衛江西上

東華錄 雍正十三年 三

高縣雍正五年水災額賦有差 冬十月庚辰改直隸永平府糧捕同知為理事同知仍兼糧捕事務○辛巳諭戶部向來江浙收兌漕糧俱用本地粳米擇其乾圓潔淨者方准交納遇收成稍薄之年該督撫每以紅白兼收為請朕皆允行夫米糧乾潔皆可久貯原不在色之紅白江浙兩省戶口繁多每年應納漕糧將及四百萬石若必拘定本地粳米恐米價昂貴民閒難於輸將嗣後江浙徵收漕米但擇乾圓潔淨不必較論米色准令紅白兼收和粳並納著為例○壬午以兵部右侍郎胡煦協辦刑部侍郎事左副都御史杭奕祿協辦刑部額外侍郎事○癸未鑲黃旗蒙古副都統宗室滿珠錫禮奏京營武弁等員參將以下千總以上應參用滿洲不宜專用漢人得旨從來為治之道在開誠布公遐邇一體若因滿漢存分別之見則是有意



猜疑互相漠視豈可以爲治乎天之生人滿漢一理其才質不齊有善有不善者乃人情之常用人惟當辨其可否不當論其爲滿爲漢也自我太祖高皇帝開國之初卽滿漢兼用是以規模宏遠中外歸心蓋漢人中固有不可用之人而可用者亦多如三藩變亂之際漢人中能奮勇效力以及捐軀殉節者正不乏人豈可謂漢人不當用乎滿洲中固有可用之人而不可用者亦多如貪贓壞法罔上營私之輩豈可因其爲滿洲而用之乎且滿洲人數本少今止將中外緊要之缺補用已足辦理若參將以下之員弁悉將滿洲補用則人數不敷勢必有員缺而無補授之人朕屢諭在廷諸臣當一德一心和衷共濟勿各存私見而分彼此在滿洲當禮重漢人勿有意以相遠始爲存至公無我之心去黨同伐異之習蓋天下之人有不必強同者五方風氣不齊習尚因之有異

東華錄

雍正十三年

五

如滿洲長於騎射漢人長於文章西北之人果決有餘東南之人穎慧較勝非惟不必強同實可以相濟爲理者也至若言語嗜好服食起居從俗從宜各得其適此則天下之大各省不同而一省之中各府州縣亦有不同豈但滿漢有異乎朕臨御以來以四海爲一家萬物爲一體於用人之際必期有裨於國計民生故凡秉公持正實心辦事者雖疏遠之人而必用有徇私利已壞法亂政者雖親近之人而必黜總無分別滿漢之見惟知天下爲公凡中外諸臣皆宜深體朕懷同寅協恭股肱手足交相爲濟則國家深

有倚賴久安長治之道必由於此也

○以趙宏恩爲四川布政使

郭朝祚爲湖南按察使

○丁亥諭兵部廣西八達寨兇苗

素行不法從前提督田駿意欲用兵征剿一面具奏一面卽行發兵朕比時諭令慎重籌畫不可輕舉總督孔毓珣亦據田駿知會

具摺奏聞田駿既欲舉行此事若果遴選兵弁調度有方何難計日安帖乃田駿遣弁失宜臨事疏忽以致極小苗寨相持日久不能迅速成功及黔省兵至鼓勇向前竟被損傷或黔兵急於成功輕敵受損或粵西兵丁坐視不救其情事俱未可定粵西自韓良輔李紱甘汝來等數人辦事習爲情玩既不能操練兵丁又不能撫綏苗眾兵力懦弱諸事廢弛相沿日久而田駿又係中平之才以致兇苗公然肆惡迨雲貴總督鄂爾泰調發滇黔之兵甫至其地逆獲卽行投首黨眾悉皆嚮化鄂爾泰辦理甚屬可嘉查廣西地方離廣東總督駐紮之處較遠而與滇黔兩省相近著鄂爾泰總督雲貴廣西三省一應軍民事務俱照總督例管轄滇黔官土兵丁年來剿撫所到成功不獨官兵奮勇卽土兵亦俱效力著動正項銀十萬兩交鄂爾泰酌量分別賞給其征剿八達寨之官弁

東華錄

雍正十三年

五

兵丁中有陣亡受傷者已令加恩優恤仍照例給與卹典賞賚凡屬征剿蠻夷不但官兵損傷者朕心深爲軫惻卽苗民被害亦深可憫此番總兵段宗岳雖統兵失利但伊到任未久又所用者乃廣西懦弱之兵或有不得已之處田駿係總統調度之員難辭其責其間功罪輕重俱著鄂爾泰詳查分別定議又鄂爾泰奏稱今年冬間前往貴州辦理公事著與廣西巡撫金鉷知會日期屆期金鉷親赴貴州將粵省地方一應事宜與鄂爾泰面共講論悉心妥議經理自有裨益○庚寅諭兵部康熙四十二年定例自提督以至千把各給親丁名糧以爲養育家口僕從之需此外不許一名虛冒夫有一武弁卽有親丁此項名糧理應前後官弁接受者聞湖廣原任提督俞益謨於離任之時將伊標下所有名糧一一募補但知有己而不知有人甚非體恤武弁之道嗣後武弁去任



之時即將名糧停扣不必募補留此與接任之員俾其得沾餘潤若他省營伍中有與湖廣提標相類者俱著遵朕此旨行○解覺羅白清任以馬世炳署浙江按察使原任安徽按察使○辛卯諭吏部湖廣土司甚多各司其地供職輸將與流官無異其不守法度者該督撫題參議處改土為流以安地方若能循分奉法撫綏其民即與州縣之循良相同朕深嘉悅何必改土為流使失其世業前據湖南巡撫王國棟奏稱下崗長官司向鼎屢懇請改土為流甚為誠切朕未准行今又奏稱土民有控告該土司之案正在查審朕思從前該土司改土為流之請大抵由於土民之怨懣及土司所請未曾准行而土民復又列款控告冀朕嚴治土司之罪而盡改為流其所控必非實情著該撫留心詳察凡屬土民必不敢控告土司皆由漢奸唆使搗弄冀生事端以便從中逞奸滋弊耳若各

東華錄

雍正十三年

五月

處土司等因他處已改為流不得已而做做呈請者朕皆不准若被漢奸唆使控告俾土司獲罪而改土為流者朕更不忍該督撫等當以朕內外一體之懷通行曉諭俾土司等守土奉法共受國恩不必改土為流始為嚮化至於土司實在不法惡蹟確著者該督撫據實參劾治罪○諭戶部從前西邊用兵多年允禩狂悖貪婪肆行不法又有延信等冒懷奸宄背公營私借軍需之名擾累地方耗費國帑遂致領兵承辦各員效尤無忌浮冒侵欺勒索嚇詐種種奸弊難以枚舉及至銷算軍需盡行敗露諸人名下應追銀兩共計六百餘萬若按律治罪則應置重典者甚多朕無可奈何開恩暫寬治罪令定例追完實法外之仁也此時力不能完者自應仍置之於法但念伊等在行間效力多年朕心有所不忍然國家一定之經費若一任侵蝕浮冒則國帑攸關國法安在朕亦

不得而私者今再四思維內府庫中有收貯銀兩乃 聖祖仁皇帝及朕歷年躬行節儉之所餘積非部中經費可比用是大沛恩膏將此銀兩動支九十四萬餘兩代滿漢蒙古官兵清還應追之項此朕委曲保全之至意格外施恩之曠典夫國家養育兵弁原為效力疆場執銳披堅乃臣子之常分儻一遇軍旅之事即存貪財罔利之心則天理必不能容國法亦難姑貸此次受恩之後若不知感激愧悔互相做戒洗心滌慮宣力抒誠將來再有犯者必難再邀倖免也思之思之○以加恩首善免直隸己酉年額賦四十餘萬兩○壬辰調劉世明為福建巡撫以許容為甘肅巡撫加浙江糧道蔡仕舛兼都御史銜為浙江觀風整俗使○癸巳諭諸王大臣等向因宗室諸王等閒居無職掌之事朕意望其學習事務增長才識是以諭令數人管理旗下之事原欲其與旗下大臣

東華錄

雍正十三年

五月

和衷共濟也今觀諸王之辦旗下事者與該旗大臣不甚相安似此則於諸王無益而於公事亦未免耽誤矣况諸王等所辦之事有舛錯者若一槩從寬則有關於國法若照例處分朕心又實不忍仍令閒居以善全之康親王崇安順承郡王錫保信郡王德昭俱不必辦旗下事公塞爾臣伊爾登所管都統事務亦著革退此內王公等所有職掌除宗人府外其餘兼管之處俱著停止○調石文焯為禮部尚書以路振揚為兵部尚書由陝西固原提督遷○塞楞額緣事革職調張保為工部左侍郎以杭奕祿為刑部右侍郎由左副都御史○以德祿在內閣學士裏行走由副都御史○甲午諭諸王大臣等易經謙卦之辭曰天道虧盈而益謙地道變盈而流謙鬼神害盈而福謙人道惡盈而好謙蓋滿則招損謙則受益此一定不易之道古聖人所以惓惓垂訓也人之所以能謙尤在於公而不私



和而不同周書之示戒則曰以公滅私虞書之陳謨則曰同寅協恭和衷哉公和私同之間實君子小人之所由分凡人立身行己待人接物未有不嚴辨於此而可以無失者也朕日以公和訓誨諸臣而能遵奉者少爾等同為國家大臣彼此實屬一體若見彼有錯誤之處即當密告之令其悔改而聽受之人默感其意即改其愆方為正理今則見人有錯誤於背後譏誚之而當面且作褒揚之詞閒有箴規過失者聽者不但不感且從而怨恨之身為國家大臣豈可蹈此等陋習子路人告之以有過則喜其樂於聞過者正其勇於改過也今人能自知其過者甚少如朕降旨詰責處分之人伊等心中尚懷怨望不能省愆何况朋友箴規之言安能欣然聽受乎易曰君子以虛受人周子通書曰無欲則靜虛動直蓋凡人之心虛則明有所蔽錮則昏人有欲求好之心尚流於偏

東華錄 雍正十三年 三

而不得其正况心意之間全是一團私欲蒙蔽其顛倒錯亂可勝言乎諸臣能公則可以祛意念之私能和則可以去阿比之習既公且和則自然能謙能虛於己則樂受規勸之言於人則能盡直諫之道人之閒兩得之矣○乙未川陝總督岳鍾琪奏四川建昌鎮屬喇汝高賊番素行不法嗣經擒剿平定復有逆番了馬車糾黨搶劫隨撥兵進剿於本年七月十八日擒獲了馬車賊黨以次就擒番疆底定下部知之○丁酉以汪瀛為工部左侍郎由內閣學士○子故福建巡撫朱綱祭葬諡勤恪贈兵部尚書○己亥 景陵寶城瑞芝生○庚子諭吏部國家政務必得其人而後理朕加意旁求多方遴選惟期庶司百職俊乂在官以收得人之效但各職需人之處甚多該督撫等又屢屢奏請而見在赴部銓選之員不敷揀用因思自古人臣為國有以人事君之義孔子論舉賢才

之道亦云舉爾所知可見凡人生平必有深知篤信之才足備朝廷任使者果其以公忠為心自無薦舉不得其實之理也茲特降諭旨著京官大學士以下主事以上之漢軍漢人外官督撫以下知縣以上之滿洲漢軍漢人每員各舉一人除見在知縣以上官員不必保舉外或係舉貢生監或係山林隱逸果有品行才猷可備任使者即親戚子弟亦不必引避嫌疑據實保舉至外官所轄之見任佐貳雜職等屬員亦准其保薦朕從政務需人起見開誠布公以期集思廣益內外大小臣工等共受國恩時懷報效自應秉公據實以展臣子之心必無有徇私冒濫以自蹈欺罔者儻或舉非其人將來覺察或試用不稱責有攸歸勉之勉之

十一月戊申改四川成都府管糧同知為管糧水利同知經理都

江以下各堰工○己酉諭內閣朕御極之初即降諭旨令諸臣不

東華錄 雍正十三年 三

必進獻儀物雍正三年冬諸臣以初行吉禮有進獻器皿書籍筆墨者朕酌收一二隨降旨令在京大臣嗣後停其進獻至在外督撫進本省方物土宜蓋以土產諸物乃各省所出該督撫藉此以展其敬愛依戀之心朕亦因以昭上下一體之誼其物不嫌於輕微簡略者所重不係乎物也今各省督撫中尚有未能深體朕心於土產之外復以器玩進獻者朕思督撫職任封疆用度繁多特為籌畫養廉之項原以供其日用要務之需安能尚有餘貲購求古玩儻在己不能購求轉向屬員索取尤為不可人臣事君之道惟在至誠至敬豈僅在區區進獻之豐美乎儻能永矢丹誠為地方安民察吏薦舉廉幹為國家供職分猷其可寶可貴豈不遠勝於進城之璧乎茲特再行宣諭儻或仍有進獻古玩者則併其方物土宜亦行擯卻○戶部議准雲貴廣西總督鄂爾泰奏滇省蒙



化甯州宜良等七府州縣額徵糧米運至兵多之州縣山路崎嶇艱於輸輓請照從前米折之價每石折銀九錢解赴兵多之處採買交倉名曰輕齋民實稱便其米多兵少各屬並請照例折價從之○庚戌諭戶部福建歷年地丁錢糧雍正四年冊報共未完銀四十四萬二千一百餘兩其或欠在官或欠在民從前未曾分別明晰經朕特遣大臣會同督撫徹底清查除查出官吏侵蝕那移虧空外實在民欠銀三十三萬八千三百餘兩朕思本年閩省州縣有數處徵欠雨澤收成諒不能十分豐足若於明年徵收正額之外仍帶徵歷年舊欠恐民力艱於輸將茲特大沛恩膏將康熙五十五年起至雍正四年民欠地丁銀三十三萬八千三百餘兩槩予蠲免其有已徵在官者即照數留抵雍正己酉年本戶正賦此朕惠養黎元勤求民隱之至意該督撫等應仰體朕心家喻戶曉並嚴飭州縣等官實力奉行務俾小民均沾實惠儻有不肖州縣陽奉陰違或將已徵在官者侵匿入己仍作民欠開報或將應行蠲免者私自徵收一經查出定將州縣官從重治罪該督撫一併嚴加處分再雲南貴州四川廣西等省皆係邊遠地方如有歷年實在民欠錢糧俱著該撫詳細查明將實數具奏○以葛森為山西按察使由江安糧道遷○癸丑諭大學士九卿等朕恭閱 太祖高皇帝實錄內 聖訓昭垂惟時以敬 天為要務諄諄誥誡念茲在茲邇來又覽明太祖本紀所載當時訓諭之時亦皆原本敬天之意是知天道昭明鑒觀有赫與人事感孚捷於影響自古迄今神靈首出之君必加以欽崇時憲為盛德大業所由成承烈顯謨所由極此明太祖之開創規模與我 太祖高皇帝後先同揆良有以也夫天覆萬物至高至遠而其實上際下蟠惟一理為充

東華錄

雍正十三年

三

曉並嚴飭州縣等官實力奉行務俾小民均沾實惠儻有不肖州縣陽奉陰違或將已徵在官者侵匿入己仍作民欠開報或將應行蠲免者私自徵收一經查出定將州縣官從重治罪該督撫一併嚴加處分再雲南貴州四川廣西等省皆係邊遠地方如有歷年實在民欠錢糧俱著該撫詳細查明將實數具奏○以葛森為山西按察使由江安糧道遷○癸丑諭大學士九卿等朕恭閱 太祖高皇帝實錄內 聖訓昭垂惟時以敬 天為要務諄諄誥誡念茲在茲邇來又覽明太祖本紀所載當時訓諭之時亦皆原本敬天之意是知天道昭明鑒觀有赫與人事感孚捷於影響自古迄今神靈首出之君必加以欽崇時憲為盛德大業所由成承烈顯謨所由極此明太祖之開創規模與我 太祖高皇帝後先同揆良有以也夫天覆萬物至高至遠而其實上際下蟠惟一理為充

東華錄

雍正十三年

三

周人心之中稟賦自天其大公至正之理即天之所以為天也朕臨御萬幾日深乾惕止求事上合天心至在廷諸大臣佐朕為理有贊襄輔翼之責一言一動皆在上天降鑒之中亦當無時無事而不敬畏豈可蔽於一己之私不知且明陟降之理乎茲朕特以素所躬行實踐者廣勸諸臣當每日於所欲言欲行之事一一揆度理義惕然內省必可以上對天地下自對其祖禰而無愧無怍者然後舉而行之則以自知之明為自省之功時刻矻庶無越蓋事之純乎天理者即以討罰刑威加之於人而其實乃所以為善事之違乎天理者即以慶賞賜予加之於人而其實乃所以為不善故凡違道干譽煦煦為仁自謂不愧於天者乃恃天之尤者也可不慎乎又若刑名之官職司邦憲為天下生命所關操生殺出入之大柄尤不可不知天道之精微凡議重議輕皆宜準之國法推之人情無枉無濫協於咸中乃可以為敬天畏天之實也故非特徇私利己之念毫不可萌即揣摩朕意妄為迎合亦萬萬不可夫人命至重自古帝王所最慎在朕之權衡成讞斟酌詳審原無成見於胸中諸臣有一毫迎合之見則私意障蔽天理無自而彰勢必宜寬而或嚴宜嚴而或寬既不能彈對越之誠又安能適合朕意之所在乎爾諸臣果能以循理為矜恤以執法為常經寬猛咸宜至公至當則天地之所昭垂即必為朕心之所孚合是揣摩迎合之私原可以不事也朕念一德一心明良交泰之道無有大於事天者是以不憚諄諄詳縷晰而著明之爾諸臣其敬聽無忽○丙辰諭內務府咸安宮見在空閒著設立官學將包衣佐領內管領之子弟並景山官學生內揀選穎秀者或五六十名或一百餘名入學肄業○刑部議覆原任江西巡撫布蘭察奏



信豐縣民殷志素家僕殷來福仔夥同邱文遠等偷竊伊主財物  
殷來福仔應依奴婢盜家長財物減凡盜一等例免刺僉流應如  
所請邱文遠等獲日另結得旨查律內監守自盜併贓論罪是較  
平常竊盜擬罪較重今奴婢盜家長財物與監守自盜官物者情  
罪相等豈盜官物者應從重而盜家長財物者便可從輕乎况殷  
來福仔起意勾引外人同盜伊主財物情罪尤屬可惡部議引減  
等之律定擬尤屬未協嗣後奴婢盜家長財物應如何定例之處  
該部詳議具奏尋議向例奴婢偷盜家長財物罪止於流是以勾  
引夥同奸奴罔知做懼嗣後奴婢自行偷竊家長財物者請照竊  
盜律分別贓數定擬不准減等仍行刺字其奴婢起意勾引外人  
通同夥竊者照凡竊盜律分別贓數遞加一等治罪贓數滿貫至  
一百二十兩以上者照律擬絞監候三百兩以上者照監守自盜

東華錄

雍正十三年

三

三百兩例擬斬俱不准援赦其被勾引之外人仍照竊盜律分別  
定擬從之○丁巳以何國宗為內閣學士由大理寺少卿遷○戊午以川  
陝漢土官兵勦撫番苗勤勞可嘉命發帑銀十萬兩賞之○以性  
桂為左副都御史由大理寺卿遷○己未諭兵部山東濟甯州有羣盜持  
械猝至文武齊集公所致傷官弁一事朕思武弁尚有營兵跟隨  
而文官止有衙役書吏不足備捍禦之用似應給與防護之人爾  
等酌議具奏尋議各省州縣額設民壯五十名又有捕役皂快人  
等防護未嘗無人因州縣官視為具文不加操練猝然有事即畏  
避潛藏請令直隸督撫嚴飭各州縣於所設壯丁內挑選壯健能  
軍器者二十名用為長隨以資防護該兩省司官給與五十名道  
府給與四十名同知通判給與二十五名總於各州縣壯丁內揀  
選州縣佐貳官亦宜酌量給與或四名或六名即在本州縣揀選

至所給每年工食銀六兩不得以荒缺扣減從之○庚申諭停今  
年決囚○工部等衙門議覆川陝總督岳鍾琪遵旨酌議督理插  
漢拖輝工程侍郎通智單疇書摺奏事宜一插漢拖輝地方遼闊  
開墾田地可得二萬餘頃止設新渠一縣鞭長莫及請沿賀蘭山  
一帶直抵石嘴子為界於省嵬營左近添立一縣設知縣典史各  
一漢唐二渠向設水利同知一專司其責今新開六羊渠等處  
隄岸甚長工完之後皆宜歲修請添設水利通判一專司渠務一  
招徠人民雖有四千餘戶讀書士子尚屬有限請學校教官暫停  
設立一石嘴子地方設營汛防守今既設兩縣宜分移二城請  
將守備一把總一兵一百五十名移駐添設縣治把總一兵一百  
名駐於新渠城內一鄂爾多斯向在閩門交易今既開渠築隄招  
集人民請將市口移於石嘴子墩臺按期貿易仍令守備把總稽

東華錄

雍正十三年

三

查彈壓庶不至借端生事均應如所請得旨建立學校一條據奏  
招徠人民已有四千餘戶朕思其中亦多讀書之人若必俟人文  
蔚起始行考取恐遠方士子目前阻其讀書上進之階應將兩縣  
中見在讀書願就考試者許其附入鄰近州縣內考試酌量加額  
收錄入學俟兩縣人文漸盛建學設官之日仍行撥入本學庶為  
妥協餘依議尋定新設縣名曰寶豐○予故原任吏部左侍郎加  
尚書銜致仕李旭升祭葬○戊辰諭內閣江西布政使王承烈升  
任來京奏稱布蘭泰在江西巡撫之任每事過於嚴刻朕因著令  
來京面加詢問布蘭泰本一微末之人朕因其居心謹慎操守尚  
好是以歷任擢用為湖南巡撫復見其居官辦事識見褊小已降  
旨調回授為侍郎適江西巡撫未得其人復將伊調撫江西並諭  
伊云江西事務自邁柱整頓之後汝可遵守安靜辦理乃伊到江



西後復蹈故轍並無改悔之念伊兩任內所辦之事所奏之摺朕見其苛刻瑣細不知為政大體朕隨事切加訓誨所以批諭之者剴切詳明至再至三見在收貯俱發與大臣及王承烈看過原不待王承烈之陳奏而後知之也所以將伊調回者意欲面行詢問並加訓諭倘冀其或能悔改乃伊奏稱臣在江西所辦事件往往從重從嚴待皇上敕改使思出自上朕一聞此語心中為之戰慄不覺汗流浹背天辦事之道惟在秉公得理中正無偏今有意嚴刻先為過甚以待折中必朕留心體察方得更改而伊又未豫先奏明朕又安從逆料其有心過嚴而事事皆為駁正乎况巡撫所辦地方事務不陳奏於朕前者甚多安可豫存嚴厲之見乎布蘭秦深負朕恩溺職已甚著革職○添設欽天監西洋人監副一○已已召納海來京調公元為河南按察使以樓儼署廣東按察使

東華錄

雍正十三年

五

由惠朝 ○庚午以廣西梧潯二廠稅課羨銀三萬一千餘兩分給府州縣及佐貳官為養廉之項○升四川夔州府屬達州為直隸州兼轄東鄉太平二縣○甲戌命直隸各省修志○乙亥諭戶部滇省邊鎮諸臣用度不敷朕深為軫念著將報明公件餘贖銀一萬三千兩全行賞給提鎮等官以為養廉若有盈餘令該提鎮酌為營伍公事之用以副朕眷念邊鎮之至意○諭兵部雲南等省所有苗蠻獠種種類甚多殘虐性成逞兇嗜殺剽掠行旅賊害良民又或劫去人口重價勒贖所以為內地平民之害者不可枚舉而眾苗之中又復互相仇殺爭奪不休於其所轄土民則任意傷殘草菅人命朕念普天率土之民皆吾赤子豈肯令邊省蒼黎獨受苗人之侵擾而苗眾繁多朕亦不忍聽其獨在德化之外是以從封疆大臣之請勦撫兼行切加訓誨務以化導招徠為本不可

脅以兵威或致多有殺戮屢頒諭旨甚明今幸數年之內苗人陸續歸誠者甚眾將來可望地方甯謐但官弁士卒跋涉於深山密箐之間歷險峻之區染瘴癘之氣而苗性狡獪反覆當用兵之際往往詭詐負隅出其不意以致官兵受傷亦聞有之事夫弁兵受國家多年教養之恩雖臨陣捐軀義不避難但以蠢然無知之苗蠻而致捐我義勇之士卒得失不足相抵朕心深為憫惻除已降旨賜卹賞賚外其雲南貴州四川勦撫苗蠻之官弁兵丁從前若有豫借銀兩俱免其還項陣亡之官弁兵丁著照陣亡例加倍賞給銀兩得病身故及受傷之官弁兵丁著照陣亡例賞給銀兩俱交與鄂爾泰岳鍾琪各於所屬確查動帑遵旨賞賜務俾均沾實惠以副朕優卹弁兵之至意○丙子諭戶部蘇州巡撫所屬七府五州自康熙五十一年起至雍正四年未完地丁錢糧積至八百

東華錄

雍正十三年

五

一十三萬八千餘兩其中蘇常松三府太倉一州積欠最多自一百四十餘萬兩至一百八十餘萬兩不等朕念切民瘼凡閭閻疾苦周知洞悉此未完錢糧或有產去糧存而不能完納者或有人產已盡而無可催追者或有從前遇歉收之歲而地方官匿荒未報小民無力輸將致成拖欠者累積十餘年之欠其數至千百萬兩但其中或有本係該地方官虧空而希圖脫卸捏作民欠者或糧戶已經交納而奸胥蠹役侵蝕入己仍作民欠者是此項未完大約官虧空者十之一二吏侵蝕者十之有三四其實係民欠不過四五而已在貧窶之民固不能為無米之炊而官吏因緣作弊蠹國害民情罪可惡若非徹底清查即欲加惠於百姓其道無由是以從前令張楷將江蘇民欠清查分晰張楷並不清查奏稱俱係民欠請分年帶徵朕雖姑允其請意甚未愜鄂爾泰於蘇



州布政使任內實力稽查將有頭緒時以雲南巡撫職任綦重將鄂爾泰補授而清查之案又未竟其事後陳時夏到任之後一味怠忽疲玩毫無整理釐剔之心將從前分年帶徵之項一併催追以致小民艱於輸納地方官又奉行不善日事敲撲嚴比七府五州之黎庶不得沾被恩澤朕心深為軫念乃陳時夏又奏稱蘇松積欠難於清結從前既蒙聖恩蠲免浮糧今請以舊欠之糧均派於新糧戶內分年徵收以抵補積欠夫蘇松浮糧朕仰承 皇考聖心每歲額免四十五萬兩煌煌明旨布告億兆豈有既蠲正額而復借此抵補積欠之理朕以誠信待天下臣民甯肯為巧詐之術乎且舊欠自有本人即非本人亦自另有著落若舍此不追而均派新糧是刁民因積欠而得利良民因先輸而倍徵從此人人效尤誰復輸供正賦况以舊欠派入新糧舊欠未必全完而新糧

東華錄

雍正十三

美

又致欠缺此種狂悖之論不過因朕留伊在蘇州清理未完一時不能脫身藉此草率完結耳今尹繼善見在清查尹繼善初任封疆茲事煩重非一人心力所能辦理蘇松等七府太倉等五州歷年帶徵地丁錢糧一槩暫停徵比俟朕派員前往與該地方官協理清查將各州縣官侵若干吏蝕若干實在民欠若干一一釐剔清楚朕當再降諭旨戶部即遵諭行令該督撫徧行出示曉諭其派員分查之處著戶部詳悉定議具奏

十二月己卯雲貴廣西總督鄂爾泰奏貴州苗拜克猛長寨古羊等生苗共一百四十五寨內附○庚辰 上於玉泉山大閱賜扈從內大臣及大臣官員兵丁等貂皮甲仗段匹銀兩各有差○丙戌諭兵部李衛自簡任浙江總督以來凡保舉武弁俱極允協具見留心營務嗣後下江軍政舉劾著總督范時繹張大有會同李

衛辦理○丁亥諭戶部朕惟善政養民利賴必資地力而率作興事倡先端藉縉紳惟茲甯夏所屬之插漢拖輝地廣土饒水利充裕朕特遣大臣會同該督撫等悉心經理濬治渠道設縣築城募民墾種次第修舉行見人民樂業饒沃殷阜漸成西北蕃庶之區此朕經國裕民之至計欲使地無遺力而亦甯夏一方人數千百年未興之樂利也聞彼中得水可墾之地計二萬餘頃每戶以百畝授田可安置二萬戶朕已諭令廣行召募遠近民人給以牛具籽種銀兩俾得盡力開墾給為世業惟是原議甯夏本籍見在出仕文武官員俱令開墾授業俾為世享之利今聞報墾者寥寥記曰貨惡其棄於地也力惡其不出於身也况乎上以急公而裕國下以力本而厚生縉紳者小民之望也果能身先倡率則民間之趨事赴功者必眾凡屬本籍之人不論文武官員或見任或家居均當踴躍從事急先墾種不可觀望因循耽延善舉凡茲所墾地畝俱照原議給為世業三年起科果能使沃土肥田有廣收之益無閒曠之區則不但於體國經野之謨重有攸賴而經營世產伊等子孫亦蒙永遠之澤矣○議政王大臣等遵旨議覆辦理西藏事務吏部尚書查郎阿等奏頗羅鼐原在後藏與唐古特相處日久眾皆信服應遵旨令頗羅鼐總管後藏事務自後藏至岡底斯阿里等處俱令其管理其前藏事務訪問素為土伯特信服之人二名投為噶隆據頗羅鼐保選二人一名色朱特色布騰一名策凌旺札爾俱係大員之子素為人所敬重臣等見二人誠實明白即令管理前藏投為噶隆但招地初定新放二噶隆辦理恐不能妥協頗羅鼐辦理噶隆事務為人信服查前藏後藏相離不遠事可兼辦臣等暫令頗羅鼐統管前藏後藏俟達賴喇嘛遷移完畢

東華錄

雍正十三

老



招地徵兵再令頗羅爾專管後藏從之○己丑諭刑部今年各省秋審情實人犯內有情罪略可原者已於旬到之時改爲監候刑部情實人犯今年暫停處決其情罪略可原者分別減等發落至於督撫九卿所擬緩決之犯論法則均有應得之罪而其中情事不一尙有彼輕於此稍可從寬者或因一朝之忿奮不顧身或因纖毫之利偶相爭角或因旁觀不平而致鬪或因被打情急而還毆似此類者均非有謀害之念於平日並無必殺之意於臨時止以愚民無知好勇鬪很遂致陷於重辟雖悔難追深可憫惻茲朕再四酌量特施法外之仁將此等人犯照可矜人犯免死減等之例發落伊等試思生於人世同爲父母妻子所倚賴之身何苦捨命輕生自罹法網縱使終身緩決亦止於囹圄之中幽囚待斃不亦大可哀乎今幸遇國家寬典特予矜全從此再生之年皆爲遷

東華錄

雍正十三年

五月

善之日當知恩不可以倖邀法不可以再試痛自悔恨力改前非共爲良善之民儻或再有過犯則斷乎不能苟免矣著該督撫於各犯發落之時將朕此旨明白宣諭加意訓誡務令人人改過自新以副朕矜恤下民之至意○升陝西鞏昌府屬之秦階二州爲直隸州以清水秦安禮兩當隸秦州文成二縣隸階州改徽州爲徽縣亦隸秦州徽州原設州判一改爲階州州判原設吏目一改管徽縣典史事原設學正一改管徽縣教諭事○辛卯戶部議覆署甘肅巡撫張廷棟奏甘省由前任巡撫石文焯收買小錢改鑄大錢擾民已甚請暫停鼓鑄得旨從前禁止小錢之時伊都立會奏請收買小錢朕嚴飭伊都立以民間行使小錢已久今若將小錢盡收入官儻一時未能多鑄大錢則民間市易不敷所用大有不便伊都立遵朕諭旨而止甘肅巡撫石文焯又奏請發帑收買

小錢暫開鼓鑄朕批諭云所陳開鑄一事朕詳細斟酌再諭若因不能禁止小錢欲藉此爲良策恐未必所毀銅錢能敷新鑄之用也小錢之禁不可急從暫寬候旨乃石文焯並不遵奉候朕再降諭旨復具摺懇請收錢開鑄朕以石文焯身在地方屢次懇切陳奏必確有所見是以允其所請交部准行不意收錢開鑄之弊煩擾驛馬貽累官民至於如此是石文焯之屢奏不過固執己見文過飾非而已石文焯身爲封疆大臣不將所行之事籌畫萬全遽行屢次陳奏甚屬草率著將石文焯交部議處○董永艾緣事革職調馬世炳署江蘇按察使以方觀爲浙江按察使由給事中選○甲午大學士朱軾以積疴未痊奏請解任調養得旨卿才具優長品行端謹老成練達勤敏和衷朕所深知正資倚任今偶患咳嗽之證自可從容調理待其痊可向來漢大學士多用二員見今閣中

東華錄

雍正十三年

五月

有大學士張廷玉蔣廷錫二人辦理實無曠缺卿當頤養之時必須寬懷激慮不以事物櫻心自然藥餌有功漸次平復以慰朕之殷懷今若以久未入直仍慮及內閣職務雖矢心匪懈具見卿之相誠而思慮紛縈殊有乖於調養之道朕昨以卿抱病多時特遣內大臣前往看視聞卿於內大臣之前力疾叩謝禮數繁多甚覺勞頓次日清晨又至宮門謝恩是轉增朕心之不安於義深爲未協朕知卿素性拘謹舉動備極小心是以比來一切飲饌服食之類未便頻頻頒賜正所以冀卿之安逸望卿之速痊也嗣後宜恪遵朕訓時加頤養導引中和節勞靜攝即受朕恩賚亦免其拜跪始於病體爲宜卿年尙未老若調攝有方自然全愈爲朕宣力之處甚多此時不必以解退陳情用是特手書諭旨賜卿其悉朕倦倦之至意○四川巡撫憲德奏西藏烏蒙等處辦運軍需蒙恩動



用倉穀毋許絲毫累民今崇慶州紳衿士庶以己貲代辦穀數至三千餘石及催令赴倉領回皆稱情願捐輸留爲本州儲備得旨該州士民慕義急公情詞肫摯此皆 聖祖仁皇帝六十餘年深仁厚澤浹體淪肌之效朕心甚爲慰慶著將崇慶州雍正七年額徵錢糧全行蠲免以示格外加恩善良之至意○甘汝來緣事革職以陳良弼爲左副都御史由太僕寺卿遷○丙申大清律集解附例告成○大學士九卿等議奏倉場米石虧空應著落前任監督各官攤賠得旨倉儲關繫天庾最爲緊要從前倉務廢弛弊竇叢生不得不嚴加整頓凡所以清查虧空治罪分賠者總欲令後人知所儆戒也今倉場各官俱已奉法積弊漸清人情咸知儆惕矣此項虧折餘米歷年已久其爲何年何人之虧空實難確指用沛特恩將此數十萬攤賠米石槩行豁免內有已經賠補者其急公守法東華錄 雍正十三年 聖

阿爾布巴等力屈勢窮被各寺喇嘛等拘執獻出欽差大臣到彼一一究問盡得其悖逆妄亂之情已將阿爾布巴等及逆黨正法西藏殲此渠魁黃教可興番眾可輯頗羅爾深知大義討逆鋤姦俾無辜受害者得雪沈冤背旨肆行者早正刑辟甚屬可嘉著封爲貝子以獎義勇以昭國憲○庚子命侍郎王璣彭維新往江南清查通賑○解西琳任以張廷棟署西安巡撫由布政使署○壬寅以馬爾泰爲工部額外侍郎由中選○是歲人丁戶口二千五百六十六萬九百八十又永不加賦滋生人丁八十六萬七百一十田地山蕩畦地八百六十五萬二千五百三十六頃二十畝有奇徵銀二千九百四十九萬九千九百一十六兩有奇米豆麥五百四萬一千二百七十九石有奇草五百八十二萬二千四百七十七束茶三十一萬八千七百七十五引行鹽五百一十二萬二千四百東華錄 雍正十三年 聖

之心甚爲可嘉著照數給還並交部議敘以示獎勵○吏部議准廣西巡撫金鉉奏思明一州地方狹小毋庸專設流官其就近之思明知府又係土司從無統轄流官之例請將該州仍歸太平府轄從之○命河南開歸河道分巡南汝道山東分守濟東道分守登萊青道並加水利銜各府同知通判及各直隸州同州判並監督水利聽道員調委○裁直隸古北口同知一○丁酉諭內閣從前西藏用兵之時頗羅爾甚爲效力蒙 聖祖仁皇帝授爲扎薩克台吉上年西藏噶隆等因嫉妬爭權彼此不睦阿爾布巴薩布奈扎爾爾暗結匪類公然肆惡將朝廷敕封貝子總理事務之康濟爾擅行殺害併欲害及頗羅爾頗羅爾受其逼迫領兵爲康濟爾復仇將逆黨罪狀奏聞是以朕特遣大臣等領兵前往究問情由以便分別治罪頗羅爾聞大兵將至率眾奮勇前驅直抵藏地



東華錄

雍正十四

臣王先謙敬編

臣周潤蕃恭校

雍正七年己酉春正月丙午朔諭蒙古王等朕思從前所定外藩扎薩克蒙古王等之俸祿比於內地王等較少者必非以內外之故遂有多寡之分也或因爾蒙古王等人員眾多且在外藩居住費用尚為儉約而國家錢糧亦或不敷之處故將爾等俸祿從少定議耳今朕恭承 上天垂佑 聖祖仁皇帝貽朕天下太平無事數年以來屢登豐稔國家錢糧頗為饒裕朕為統馭天下萬物之主凡事當周詳籌畫而行爾蒙古王等以下扎薩克一等台吉以上之俸今著概行加增一倍賞給再平常一等台吉從前俱無俸祿今亦著照扎薩克一等台吉等所食百金之俸賞給此乃

東華錄

雍正十四

一

朕特行加恩爾等之處朕亦不敢遽為定例總以國家錢糧之出入數與不敷為定耳嗣後著戶部理藩院於每年歲底將仍給與厚俸或加賞之處會同具奏請旨朕於臨時酌降諭旨○庚戌諭吏部臺灣地方遠隔重洋全在府道廳縣各得其人而該員又須熟悉風土情形殫心辦理於地方始有裨益向例人員以三年為滿後經原任總督滿保條奏將三年任滿之員加銜再留三年所以慎重海疆俾諳練之人久於其任也今據總督高其倬摺奏臺灣以六年為滿而調任之時渡海而往即須數月任滿之後候缺挨升以及交盤渡海又或一二年不等是前後合計須八九年且臺灣之例不帶家口其父母妻子隔越海洋未免有所牽挂應否請以四年為滿等語朕思臺灣道府廳縣等官自宜選用熟習諳練者然定期六年為滿又加以候缺交盤渡海之期實為太久今

再四思維臺灣人員自到任之日為始將滿一年之期著該督撫於閩省內地官員內揀選賢能之員乘冬月北風之時令其到臺新舊協同辦理半年之內大約可以熟悉地方情形則令舊員乘夏月南風之時回至內地補用將來接任之員俱照此更換該員到臺協辦之時俱一體算俸並給與俸銀及養廉之項如此則該員在臺前後不過二年為期甚近而更換之員先後協辦又可習練地方事宜似有裨益其道府大員作何請旨揀選同知以下等官作何銓選調補及量加議敘之處該部詳悉妥議具奏○辛亥雲貴廣西總督鄂爾泰奏十月二十九日恭遇 萬壽令節滇南省城五色卿雲光燦捧日經辰巳午三時至十一月朔絢爛倍常凡呈見兩日隨據布政使張允隨詳稱楚雄府之楚雄廣通兩縣姚安府之姚州及大姚定邊兩縣又順甯府知府傅達等先後呈

東華錄

雍正十四

二

報皆同誠從來未有之嘉瑞諭朕每遇此祥瑞蒙 上天慈恩自應感喜然實絲毫不敢慶幸惟倍加敬畏之心况此嘉祥實係卿忠誠所感而獻於朕壽日者正表卿愛戴之心也○壬子調元展成為廣西按察使常安為雲南按察使○癸丑諭戶部朕聞糧船過淮所費陋規甚多有一幫費至三四百金者旗丁既多苦累勢必多索於民甚為漕政之弊嗣後著派御史二員前往淮安專司稽察之任不許官吏人等向旗丁額外需索以致擾累其糧艘攜帶物件除照例許帶外該旗丁如有夾帶私鹽及違禁等物者亦著該御史稽察但不得過於吹求以致糧運遲滯至糧船抵通之時其該管衙門官吏及經紀車戶人等恐有額外需索陋規者亦著派御史二員前往稽察差往淮安之員著於二月初派往差往通州之員著於三四月內派往不必拘定滿漢各一員著都察院



按期開列請旨○甲寅諸王大臣等以滇省卿雲呈見上表奏賀並請宣付史館得旨朕治天下以實心實政為務不言祥瑞屢頒諭旨甚明今據雲貴廣西總督鄂爾泰摺奏恭逢萬壽令節雲南四府三縣卿雲呈見又引孝經援神契之語曰天子孝則卿雲見朕之事親不敢言孝但自藩邸以至今四十餘年誠敬之心有如一日止此一念可以自信朕每承天眷昭示嘉祥感激慶幸之中益加敬惕茲逢卿雲之瑞實愈增朕之敬畏鄂爾泰公忠體國實為不世出之名臣數年來節制滇黔等省化導所屬官吏人人奉公盡職懷忠君親上之心是以仰邀天貺卿雲見於滇省正所以表著該省官吏敬恭協和之忱悃也此則朕心深為嘉悅者今諸王大臣等奏請宣付史館朕之允行者非欲誇示於眾也蓋以天人感召之理捷於影響該督正己率屬有忠愛之丹誠則該省受福迎祥有光昭之瑞應朕願內外大小臣工均以鄂爾泰為法且願遠近各省官民等聞風慕義興孝勸忠人人共受上天之福佑乃朕心之所謂上祥大瑞也○丁巳諭內閣滿漢內閣大學士俱各全備理事務亦甚屬妥協無容再為增添朕因聖祖仁皇帝時所有年老大臣目今在朝者甚少時深注念禮部尚書陳元龍左都御史尹秦歷事聖祖仁皇帝多年屢經任使今雖年近八旬而精力尚健特加恩授為額外大學士以示朕優眷老臣成全耆舊之至意○以牧可登在刑部額外侍郎內行走出司業選○戊午諭內閣大學士陳元龍之子陳邦直向以年少輕浮罷斥回籍今經數年諒已悛改朕念陳元龍年近八旬止此一子又在原籍無人侍奉著將陳邦直復還編修之職令其來京交與伊父教誨管束並令掌院學士時加訓導以玉成之○己未命臺灣戍

東華錄

雍正十四

三

卒家在內地者歲發帑金四萬兩養贍之○晉封科爾沁輔國公烏爾呼滿爾為貝子○庚申諭禮部山川之神錫福於地方百姓是以自古帝王皆誠心展祀以答神貺即如向來盛京之地旱潦不時者凡六載康熙五十九年朕奉皇考命躬詣祖陵道經山麓謁北鎮廟潔蠲致祭因捐貲庀工載修廟宇屬令地方官員虔恭致祭自康熙六十年以至於今盛京年穀悉登豐稔又如黃河之神虔誠禱祀果見安瀾有慶萬姓甯居皆神祇垂佑顯然昭著纖毫不爽者此蓋舉目前一二事而言其他難以枚舉也古稱江海為百川之長而湖廣境內西南數省之水匯入大江又為川澤之總會凡屬地土人民及舟楫行旅皆仗江神默佑保護安甯允宜修建廟宇按時致祭以崇報享著湖廣總督會同湖北湖南巡撫確查妥議南北兩省應於何處各建廟宇或舊有祠廟敬謹東華錄

東華錄

雍正十四

四



係 太宗文皇帝時有偉績殊勳身膺厚恩之人原係三等公因削去恩詔所加官職授爲侯爵朕念恩格德爾舊日功績仍賞給所削官職授爲三等公著噶爾薩承襲俾其子孫世襲罔替○諭朕令各州縣歲舉老農給以頂帶榮身乃勸民務本力田還醇返樸之至意爲有司者自當仰體朕心恪遵諭旨擇其謹慎勤勞身無過舉者據實保送以爲萬民勸乃朕聞直省之舉老農也州縣憑紳士之保舉紳士納姦民之貨財上下相蒙苟且塞責而強有力者倖邀頂帶之榮遂成暴橫之勢深負朕勸農務本之意著直省督撫確實查明將冒濫生事之老農悉行革退另選題補從前有保舉不公或因賄屬情面營求而得者准老農本身及保送之官員自行出首朕從寬免其治罪但革去老農頂帶若此時不行自首各州縣官員又不行查出日後發覺定從重治罪該督撫等

東華錄

雍正十四

五

一併議處○諭刑部凡屬獲罪之人稍有一綫可寬者朕皆原情矜宥而於大臣等尤多格外開恩之處四格黨附蘇努不知愧恥以蘇努之大姦大惡爲國家巨蠹而四格依附交結甘心出其胯下伊繼蘇努都統之任將蘇努惡蹟概爲隱瞞已屬可惡蘇努竟敢將 聖祖仁皇帝硃批摺子塗抹褻慢臣工見之無不駭駭髮指似此大不敬之罪而四格代爲容隱四格之罪誠不可這是以照法司所擬將伊監候秋後處決昨朕恭閱 太宗文皇帝實錄見四格之祖莽古爾岱當日誠心效力懋著功勳四格不念其祖爲開國功臣黽勉自立而甘爲下流干犯國憲此乃自作之孽但朕心實念伊祖昔日之勤勞不忍將伊置之重典四格著從寬免罪釋放爾等將朕旨傳諭四格知之○以直隸古北口提督楊鯤協辦直隸總督○宗人府奏宗學教習期滿之舉人貢生請予議

敘得旨宗學教習期滿之時自應加恩議敘除舉人係應選知縣之員照原議銓選外其貢生等善於訓課未必嫻於吏治者一概用爲知縣不但於吏治無益而本人不能辦事致干參處亦非所以成全之也凡各處教習之貢生等著於期滿之時該管衙門帶領引見或用爲知縣或用爲教官候朕頒發諭旨因材器使將此通著爲例○癸酉諭禮部士子者百姓所觀瞻士習不端民風何由得厚是以考課士子設立舉優黜劣之典以爲移風易俗之道所關亦綦重矣無如教官愚懦無能學臣因循苟且往往視爲具文奉行不力每當學臣按試之時教官輒以無優無劣具文申詳草草塞責如此則善者何由而勸不善者何由而懲夫善者之湮沒不彰一時尙難覺察而不善之人僥倖苟免於目前不旋踵而劣蹟敗露每見蕩檢踰閑犯法亂紀之士子皆從前學臣教官之

東華錄

雍正十四

六

未曾開報劣行者其開情罪雖難一一追究然即此可知其中之容隱不少矣嗣後若教官沽名邀譽縱容劣生不行舉報者經學臣察出立即指參將教官照溺職例革職若學臣瞻徇情面不行糾參者一經發覺將學臣照徇庇例降級調用著將此永著爲例○諭工部平治道路王政所先是以周禮有野廬合方之職自四畿達之天下掌其修治俾車馬所至咸蕩平坦易行李輻輳津梁通達無雨水阻滯之累邇年以來廣甯門外已修石道其至通州運糧之路亦修整高潔往來行人頗爲便利今直隸至江南大道車輪馬迹踐歷歲久致通衢竟成溝塹兩旁之土高出如岸一遇雨水之時眾流匯歸積潦難退行旅每苦泥濘或致守候時日朕心深爲軫念但此通行大道已久成窪下勢難培築增高而大道之旁高埠甚多平治亦殊不易若於大道相近之處另開一道工



力似屬易施其間或有地形斷續之處應修建橋梁或有溝塍淤積之處應疏濬水道或所開之徑有借用民間田地者應補給價值並除錢糧或繞行之路有遠隔村莊旅舍者應引歸故道使有頓宿是非熟於相度地勢歷練道徑之人不能詳察妥當特派工部侍郎法保副都統韓光基原任護軍統領喀爾吉善二等侍衛特庫四員於今年夏秋之交自京師起程由良鄉至宿遷大道一路踏勘將如何另開新道之處詳悉議定估計工費繪圖呈覽○命陳元龍為文淵閣大學士兼禮部尚書尹秦為東閣大學士兼兵部尚書○甲戌巡察山東御史蔣洽秀題參利津縣知縣李周定陶縣知縣張劍奉行保甲不力請交部議處得旨數省之中差遣御史巡察盜案驛站者蓋因地方遼闊督撫未能徧歷其境而御史便於巡行訪察或可補督撫耳目之所未及並非令御史操東華錄 雍正十四 七

用人行政之事爾等何一不當據實奏聞乎明季吏治之壞多由科道巡按結黨營私紊亂是非所致朕屬精圖治耳目甚廣雖不專恃爾等但爾等身居言路自當盡其職守外而督撫以及州縣內而部院八旗五城等衙門如有不法及不稱職之人聞見確實皆可參奏使朕躬或有過失更當直陳極諫爾等何竟默無一言為臣之道惟在公忠如自揣不能供職即當引退何得苟且因循有曠職守嗣後其共勉之○丁丑實授尹繼善江蘇巡撫署江南河道總督以王璣署江蘇巡撫仍兼管清查錢糧事○戊寅以武格為陝西西安巡撫調王朝恩為盛京刑部侍郎以永福兼管盛京戶部侍郎事由盛京兵部兼管○以永國為盛京禮部侍郎由內閣侍讀學士遷○命吏部尚書查爾阿協辦陝西軍需事務○吏部議覆直隸總督何世璜參奏遷安縣知縣王孔彰失察礦徒應降一級留任勒東華錄 雍正十四 八



而各官又免瞻顧之慮應永著為例至協辦人員既從內地調往則內地員缺需員署理應於每年七八月間由臣部請旨照臺地道府同知通判知縣等員揀選人員命往以備調補委署之用凡調往各員期滿之日政績優著者准加二級稱職者加一級以示鼓勵至經歷縣丞以下及教職等官事務簡少無庸委員協辦應照定例三年稱職咨部以應升之缺卽用但在任候升亦未免稽遲時日應令該督撫查明各官將滿三年之時於內地揀行揀選調往令俸滿者回至內地候升再在臺人員其見滿三年者於調回內地時照舊例升用其先經加銜再留任三年者亦於調回內地時按伊等再留年分分別議敘從之○庚辰諭內閣齊蘇勒練達老成深悉河工事務是以授稽曾筠爲副總河專管北河而令齊蘇勒兼理南北兩河之事今尹繼善新管河務朕意欲令其與

東華錄

雍正十四

九

稽曾筠分任南北兩河又思治河之道必合全河形勢通行籌畫方可疏導安瀾若分令兩員管理恐有推諉掣肘之處著怡親王大學士等會同署江蘇巡撫王璣及九卿內本籍江南河南山東之人通曉河務者詳悉速議具奏○予故直隸總督何世璽祭葬諡端簡贈禮部尚書賞銀一千兩○辛巳諭內閣考官專司衡文之任必須學問明通者始能鑒別不爽雍正三年曾將在京科目出身應充正副考官之員通行考試分別等次記名於雍正四年掣籤命往各省使典試事今已越三年從前考取人員其中升遷外任及告假回籍者甚多卽有在京者其所學或以日久荒疏而前此之未曾入選者今用數年之功文藝未必無所進益且陸續新到之員亦復不少著照雍正三年之例通行考試俟朕分別記名以備持衡之任有不願就試者亦聽其意○加故河道總督拜

他喇布勒哈番齊蘇勒爲三等阿達哈哈番照例承襲並賞銀三千兩予祭葬諡勤恪○壬午諭內閣歷來河道總督如靳輔齊蘇勒二人實能爲國宣勞又安百姓合於有功臣祀典之例著尹繼善等就近相度地方合建祠宇有司春秋祭祀以副朕優獎功勳之至意○設福建觀風整俗使一從禮部右侍郎蔡世遠請也○癸未諭內閣江南蘇松等處錢糧歷年積欠至一千六百餘萬兩之多朕已加恩將康熙五十年已前未完者概行豁免其自五十年以後應徵之項又復寬限分爲十年至十五年帶徵原冀民力寬紓易於輸納也乃數年以來仍不能依限全完因思此等逋賦其實欠在民者固多而爲官員侵漁及吏胥土棍中飽者亦復不少若不確查詳覈明白分晰則此事難以辦理今特差大臣會同巡撫藩司及清查虧空之御史總理其事又遴選大員專界

東華錄

雍正十四

十

以分查各府之任再揀選州縣分派各處務令徹底清查但念錢糧爲數繁多而積弊歷年已久侵蝕之官吏人等甚眾其中情節亦有不同在官者或因奏銷之時原有民欠而願借考成那移報完及徵收民欠之後隨手花費未曾還項遂捏稱尙欠在民或交代之際有已徵未解之項乘機隱匿而接任之員不及查明遂仍作民欠收受其在吏胥土棍者或舞弊作奸暗行偷盜或廣爲包攬私入己囊又或鄉居寫遠之民難於入城託其代爲納課而一時用去遂成逋欠此皆情事之所有者今既徹底清查則水落石出從前玩法隱匿之案勢必盡行敗露均有難逃之重罪然朕心實不忍伊等之盡罔國典是以特降諭旨凡侵蝕錢糧之官吏人等准其自行出首有能據實自首毫無隱匿者從寬免其治罪其所欠錢糧仍照從前帶徵之限分年交納若官吏本身已故其妻



子嫡屬等自必悉知情由亦令自首免罪一體寬限帶徵此朕法外之仁所以保全伊等之身家性命儻仍怙惡營私執迷罔悟不行自首或首而不實則天譴國法均難脫漏尙可倖免乎定將伊等照律科斷所有侵蝕之項於一年限內監禁嚴追如逾限不完卽依擬治罪著欽差大臣巡撫等刊布朕諭務令所屬官吏軍民人等及遠鄉僻壤共知之○甲申 上謁 陵啓鑾○以原任吏部右侍郎協理直隸總督劉師恕補授內閣學士爲福建觀風整俗使○丁亥 上謁 昭西陵 孝陵 孝東陵○庚寅 上回鑾○壬辰諭內閣朕惟雲雨風雷之神代天司令俾百昌萬寶普含膏澤以錫福於烝民厥功並懋朕恭承 天眷恪修祀典爲四海蒼黎仰祈嘉佑已經特建廟宇崇祀龍神風伯而雲師雷師尙闕專祀嘗考虞書禮於六宗之文漢人以乾坤六子釋六宗震雷

東華錄

雍正十四

十一

異風均列禮祀而易曰雷以動之風以散之則風雷之發生萬物功實相等禮記曰天降時雨山川出雲周禮亦以五雲辨年歲是雲與雨皆運行造化同昭天貺者也前代及本朝 南郊大祀雲雨風雷俱列從壇之次式隆配享典禮亦既備矣邇年以來雲物兆祥雷行應候茂育庶彙宣布陽和庇國祐民之德靈應顯然今欲特建廟宇虔奉雲師雷師之神因時禱祝敬迓洪庥以展朕爲民祈福之意其考據禮儀相度營建之處著禮工二部詳議具奏○楊紹祿專革職以王魯爲直隸布政使由少詹事遷○癸巳諭諸王內閣九卿八旗大臣等準噶爾一部落原係元朝之臣僕其始祖曰額森額森之子托渾海至大員因擾亂元之宗族離間蒙古恐獲重罪遂背負元朝之恩逃匿於西北邊遠之處元末又煽誘匪類結成黨與遂自稱準噶爾肆行劫擄迨至我朝有噶爾丹策妄

阿喇布坦二人世濟其惡擾害生靈滅棄釋教造孽多端不可枚舉當我朝定鼎之初各處蒙古傾心歸順共輸誠悃請安納貢求爲屬國安享太平樂利之福八十餘年惟準噶爾一部落遁居西北五千里之外擾亂離間眾蒙古肆行劫奪噶爾丹身爲喇嘛不守清規不遵佛教破戒還俗娶青海鄂齊兒圖車臣汗之女爲妻後又潛往青海賊害伊之妻父鄂齊兒圖車臣汗擄其屬下人眾續因喀爾喀七旗內彼此稍有嫌隙奏懇 聖祖仁皇帝爲之和解因遣大臣同達賴喇嘛使者前往噶爾丹遣人暗探消息遂以喀爾喀等卑視達賴喇嘛使人爲辭遣伊族內微末台吉多爾濟查布將喀爾喀汗台吉等肆行陵辱喀爾喀汗等怒彼狂悖無禮會眾將彼殺害噶爾丹遂稱殺害伊弟多爾濟查布與喀爾喀構隙掩其不備發兵猝擊喀爾喀眾潰紛紛來投 聖祖仁皇帝深

東華錄

雍正十四

十一

爲軫念施恩育養遣使往噶爾丹處諭以兵爲凶器令其與喀爾喀和好多方開導詎噶爾丹冥頑不靈借追襲喀爾喀之名入犯邊汛彼時卽行勦滅復有何難我 聖祖仁皇帝好生爲德遣使責問噶爾丹惶愧恐懼設誓撤兵乃並不歸伊住牧之所仍潛居克爾倫圖拉地方暗行窺伺 聖祖仁皇帝復遣使降旨諭以應回原住牧地方噶爾丹佯稱遵奉諭旨仍乘隙潛掠沿邊蒙古之畜牧眾蒙古不獲安居我 皇考遂上告 天地親統大兵聲罪致討噶爾丹輒敢逆天與我西路大兵接戰伊軍大敗妻子被擒噶爾丹窘迫自殺彼時大兵卽行直搗巢穴收其部落我 聖祖仁皇帝恐天下後世有窮兵黷武之議因而中止策妄阿喇布坦者噶爾丹之姪也與伊叔噶爾丹不相和睦帶領七人潛逃至吐魯番地方居住 聖祖仁皇帝以策妄阿喇布坦向與伊叔不睦



懼其誅害遁逃生加以恩澤伊當感戴歸誠且 聖心仁慈不忍遣兵將噶爾丹餘賸部落悉行勦滅恩加格外遣使賞給策妄阿喇布坦彼時策妄阿喇布坦力弱勢微甚為恭順其後離間伊之妻父圖爾古特之阿玉氣汗與其子三濟扎布誘三濟扎布攜帶萬餘戶至伊住牧之處因而強占入己從此遂不安分肆意妄行窺伺青海擾害生靈率領賊兵前進被哈密駐防輕兵擊敗遁回策妄阿喇布坦又假黃教為名潛兵入藏無故殺伊妻弟拉藏汗毀壞寺廟殺喇嘛搶掠供器是以特遣大臣前往詢問乃伊督不畏死阻兵拒命使臣率師甚少兵力單弱伊得以愈肆猖狂 聖祖仁皇帝仍賜包容諭令邊外兩路大兵緩進屢次遣使示以 聖意謂策妄阿喇布坦果能悔過懇恩具奏其時另降諭旨若仍怙惡不悛然後將此部落人眾悉行勦滅此我 聖祖仁皇帝之本意也朕紹登大寶策妄阿喇布坦雖遣使求和朕知非伊本懷諭伊來使云爾歸告知爾台吉朕續承我 皇考大統爾台吉若欲受我 皇考天恩須得盡改前非遵朕諭旨定界安居若欲犯我 皇考天威任爾備兵前來定當加以天討如此降旨分晰利害遣使前去又恐策妄阿喇布坦心懷疑貳將兩路大兵盡行撤回乃伊因此愈生驕傲於定界一事妄欲侵占界地朕又向伊來使降旨云爾告知策妄阿喇布坦定界一事實於伊身有益如遵奉諭旨即遣使具奏若不遵奉諭旨亦必遣使前來乃伊並不回奏此際策妄阿喇布坦身故伊之長子噶爾丹策零遣使前來奏聞伊父身故之事稱伊父已經成佛又稱欲使眾生樂業黃教振興等語噶爾丹策零不過邊遠部落一微末台吉耳使眾生樂業黃教振興豈應出之語耶况伊果欲求和應代伊父謝罪懇

恩送回青海叛逆潛逃之羅卜藏丹津以贖前愆乃並不輸誠向化敢以如許妄誕之詞見之陳奏此特欲倣伊父之故轍耳聞噶爾丹策零甚屬兇暴且西藏阿爾布巴隆布奈扎爾雅等濟惡同謀將實心為國效力之貝子康濟爾殺害此等叛逆罪狀皆因準噶爾與伊處相近而逃去之羅卜藏丹津原係伊等姻戚彼此相依迫其窘迫倉卒之時則必投奔準噶爾亦屬顯然因頗羅爾奮勇直前截其去路阿爾布巴等未得前進即被擒獲準噶爾性好搶掠若雷在眾蒙古遊牧地方將來必受其害今朕已將來使遣回若伊諸事俱遵旨陳奏臨時朕另行裁奪降旨備仍前推諉矜張肆恣負朕屢次遣使開導指示之仁恩抗玩不恭將來噶爾丹策零斷非安分守法之人必至生事妄為况西北兩三路大兵盡已撤回此際伊等如或生事則我朝如許安享太平之略爾略等

東華錄

雍正十四

西

及辦理安插妥帖之青海西藏必至被其擾害甚屬可慮且此事乃 聖祖皇考注意未完之事仰賴 上天眷佑 聖祖皇考福澤國帑充裕官員弁兵同心奮勇願為國家效力實係可以舉行之會若遲疑不決定貽後悔夫用兵者國家不得已之事也窮兵黷武為聖帝明王之所深戒而以大加小以強陵弱又仁人君子之所恥而不為者况準噶爾彈丸之地又在極北之區得其土不足以誇耀武功此皆朕所熟思而詳審者也但雷此餘孽不行剪除實為眾蒙古之巨害且恐為國家之隱憂今天時人事機會輻輳時不可遲機不可緩天與不取古訓昭然且我 聖祖皇考為此籌畫多年未竟其事茲當可為之時朕不敢推諉亦不忍推諉此朕一人之見也用兵大事所關甚重不可輕率著諸王議政大臣九卿八旗大臣各抒己見公同詳確密議具奏尋議準噶爾部



落自噶爾丹逞兇悖逆策妄阿喇布坦復肆驕悍俱伏冥誅今噶爾丹策零兇頑踵惡若留此餘孽則喀爾喀青海西藏等處必被其擾亂伏乞 皇上命將興師大彰天討以除蒙古人民之害得旨諸王滿漢文武大臣等眾議僉同一切應行事宜即著辦理○甲午諭戶部農事為國家首務督率貴有專司前有人條奏請於各省設立農官以司勸課或設巡農御史令其巡行郡邑勸助農人及時力作亦足敦本業而防游惰等語朕思各省耕作之情形不同未可一例通行見今畿輔之地營種水田以來收穫甚多行之已有成效設立巡農御史之事當先行於直省每年特差御史一員於二月田功初起之時巡歷州縣察農民之勤惰地畝之修廢以定州縣考成其有因循推諉以致荒廢農田者即行參處該御史亦勤加勸課督令耕耘九十月閒稼穡納場之後回京覆旨

東華錄 雍正十四 五

至明年二月照例另派一員前往其該御史出巡一應供給車馬俱照見今巡察御史之例按日給發務使農業興修田功畢舉游手之人咸歸農畝以副朕重農務本之至意○諭鹽茶皆民生日用所必需查川省鹽課考成惟責之產鹽州縣其餘並無巡查之責且有僻遠地方不行官引以致私販充塞甚為鹽政之弊應將官引通行合省約計州縣戶口之多寡均勻頒發令其各自招商轉運儻有壅滯責成各州縣定為考成如此則有司等自必加意查察使私販息而官引銷弊端可以釐剔矣又聞川茶皆論園論樹以定稅額夫茶樹有大小不同園地有廣狹不一若概以園樹之數為額未為允當應將茶稅照斤兩收納方得其平以上二項著該督撫詳議定為成例使川省鹽茶經理妥協於民生均有裨益○乙未 上御經筵○諭內閣從來天人感應之理捷於影響

東華錄 雍正一四

凡地方水旱災祲皆由人事乖舛之所致或朝廷政事有所闕失督撫有司不得其人或一郡一邑之中人心詐偽風俗澆漓又或有一二大奸巨惡之徒滅棄倫常陰懷悖逆皆足以干天和而召災異數年以來朕以此理曉諭內外臣工及萬方黎庶者不啻三令五申矣乃湖南地方連歲屢遭荒歉朕以彼地之人事推之如竊民謝錄正等逞兇肆惡潛蓄邪謀又有大逆之曾靜張熙等滅絕天良性同梟獍地方有此等逆天悖理之人以致旱澇不時民人困阨雖朝廷之政教頻施有司之職業無忝安能代兇惡頑民祈禱天恩而寬其譴責乎楚風愚悍自昔為然朕念率土之人皆吾赤子同歸於善甚切殷懷著照浙江福建之例設觀風整俗使一員勸諭化導之御史李徽著補授都察院僉都御史為湖南觀風整俗使○諭戶部錢為國寶固貴流通以利民然必權衡輕重

東華錄 雍正十四 六

使得其平方能便民用而無囤積私銷之弊近聞馬蘭峪地方奉天直隸數府錢價過賤民間貿易物價必致虧損且恐姦弊從此而生著該督及奉天府府尹嚴飭地方官通行曉諭嗣後錢價每銀一兩止許換大制錢一千文並著該部行文各省督撫轉飭各地方每銀一兩所換制錢不得過一千文俾民用便利而國寶流通以為經久平準之定則○丙申諭內閣朕於興修闕里 文廟一事盡誠盡敬頒發帑帑務令規模宏壯堅固輝煌計日告竣雍正三年六月即飭令原任巡撫陳世倌領帑興工遴員修造奉奉委託至再至三嗣於塞榜額接任之時又復諄諄訓諭豈料陳世倌委任不得其人既已耽誤於前而塞榜額又復因循怠玩於後以致工程遲滯久未告成昨已遣通政使雷保前往協同署撫岳濬督催令在事人員殫竭心力迅速竣事陳世倌著速赴東省盡

三二一五



心辦理以贖前愆此次修理 文廟工程務期煥然崇闕堅緻壯麗纖悉完備燦然一新儻舊制之外有應行添設者有應加修整者俱著估計奏聞添發帑銀葺理丹雘工成之日朕當親往瞻謁以展尊禮 先師至誠至敬之意○丁酉以徐湛恩為額外內閣學士仍協理河南山東河工事務由左僉都御史遷 ○戊戌諭內閣各省關口開放船隻向例有部頒號簿以便稽查茲聞各關另設私簿徵收報部時始將號簿挨日填造其意以船隻往來多寡不齊不能逐日有徵收之數目是以勻派填造如此則簿內數目與商船過稅串票毫不相符殊非政體且凡事據實則可以無弊作偽則弊竇叢生嗣後各關於部頒號簿務須據實填寫如無船隻過稅之日亦即註明儻仍蹈前轍定行嚴加議處該部亦不得混行指駁致滋弊端○調彭維新為吏部右侍郎王承烈為刑部右侍郎

東華錄

雍正十四

七

以張大有為工部右侍郎性桂為漕運總督由左副都御史遷 ○封圖爾

古特固山貝子丹中為貝勒○己亥 上親耕藉田○諭內閣馬

爾泰之祖明安原係厄魯特部落貝勒 太祖高皇帝時納款歸

順在軍中亦甚效力建立功勳授為二等伯見今馬爾泰承襲朕

念明安當年勞績格外施恩著封為一等侯令馬爾泰承襲世襲

罔替○諭本朝施恩功臣錫以世職俾其承襲罔替者特以念其

戰功不忍絕其禮祀使世世子孫永沾恩澤也但其中有因絕嗣

未經承襲者朕甚憫焉著怡親王尹泰常壽三泰將從前建功立

績之大臣官員內有絕嗣者查其近宗如無近宗則查其遠族並

其親戚儻宗族親戚全無即於本旗內查其可令為後者襲職再

太祖 太宗時因功所給之拜他喇布勒哈番以上等官內有

襲替幾世者不必概查其世襲罔替者悉行查明具奏○諭據朝

鮮國王奏稱伊國賊黨謀逆旋即敗露遣兵捕緝醜類全獲已正典刑等語朝鮮國世效恭順受朝廷怙冒之德伊國兇醜即係干犯天討之人該國王先事覺察不使漏網從此境內無警官民又安朕心深為嘉慰茲因使臣回國著於常賜外加賜該國王糶段等四十四匹內府書籍四種該國官兵兵丁等發姦捕賊效力有功亦屬可嘉著頒帑銀一萬兩交與該國王分別賞給務令均霑以示朕旌賞之至意○庚子福建總督高其倬奏請揀發人員以備委用得旨高其倬向來不能教訓屬員以致閩省吏治廢弛朕前令各省督撫揀選州縣官一員咨送閩省朕又揀選能員陸續發往乃高其倬於屬員內悠忽瞻顧積習未除今又以知府同知缺出補用乏人題請揀發見今史貽直奉差閩省著會同高其倬劉世明將福建知府以下知縣以上各員優劣詳加甄別造冊具奏

東華錄

雍正十四

六

嗣後閩省有道員同知缺出即可將優等之員題請補授其間朕

或見有可用之人亦當命往補用○辛丑諭內閣浙省為財賦重

地民力輸將朕所軫念其舊欠錢糧非不欲開恩豁免止以屢年

未完之項乃頑戶之所拖欠若以抗正供而需膏澤則頑民獲利

而良善轉未邀恩非所以化導人心風俗也今據性桂摺奏浙省

紳士庶民咸能知朕教養之殷懷感朕訓誨之至意踴躍完納正

賦即此一事可以見其感恩遷善之誠朕實為浙省之士民風俗

稱慶非重此數十萬之國帑也浙省嚮善之速甚屬可嘉用沛鴻

恩將雍正七年額徵地丁屯餉錢糧蠲免十分之二共計六十萬

兩著李衛轉飭各屬恪遵奉行務使閭閻均霑實惠並將朕加恩

獎善之意徧行宣諭俾遠鄉僻壤咸共知悉○癸卯四川巡撫憲

德奏上年九月間瀘州里民呈稱軍需米石情願捐助不敢領受



倉穀臣見永甯建昌各路軍糧於不能馬馱舟載之處俱派撥就近州縣里民背運負戴奔馳實屬勞苦而瀘州里民亦在派撥之內是以不便再令捐輸未允其請後據崇慶州里民具呈樂輸臣因崇慶未經派運故據情陳奏今奉旨蠲免該州一年額徵錢糧鴻恩丕布萬姓歡騰諭朕前見崇慶州紳衿士民好義急公風俗淳厚深為嘉悅是以格外加恩蠲正賦以示獎勵今據巡撫臣德陳奏知瀘州里民曾經具呈在先且瀘民既有背運軍餉之勤勞又有樂助倉儲之忱雖撫臣未允所請而民情之忠厚善良實為罕見著照崇慶州之例將雍正七年額徵錢糧全行豁免巡撫憲德務體朕心轉飭該州恪遵奉行使閭閻均霑實惠儻諭旨頒到之日有已徵在官者准其抵算庚戌年額賦○是月免江西安仁縣甘肅武威縣蘭州廳雍正六年被災額賦有差

東華錄

雍正十四

九

三月乙巳朔諭內閣向來外官告病回籍不復起用朕從愛惜人材起見降旨令於該員告病之時該督撫若察其居官尚好即於本內聲明俟病痊後赴部引見仍以原缺補用文職已有此例文武本屬一體以後武職告病者著照文職之例行○調孔毓珣為江南河道總督以郝玉麟為廣東總督由雲南提督遷○丙午諭內閣總督田文鏡公忠歷練自莅任豫省以來撫綏化導以實心為察吏安民之本是以風清弊絕吏畏民懷地方舒暢之氣感召天和數年之中年穀悉登豐稔該督之功實為可嘉兼該省紳士庶民風俗向來醇樸又能遵封疆大臣之教人人向義輸忠以受上天之恩實可謂良民矣夫因荒歉而蠲免正賦者乃賑窮恤困之意若羣黎共敦善行以迓天庥屢歲有秋災祲不作則賞善旌良朕之加恩沛澤更為愉快著將豫省雍正七年額徵錢糧蠲免四十萬

兩總督田文鏡可確查分數通行所屬州縣一體遵奉使閭閻均霑實惠朕廣收人材以資吏治每當保舉引見之時覺豫省之人較少大約豫省土風器量謹愿有餘而才具明通不足今欲加以策勵以備國家政事之用著田文鏡通行所屬府州縣選其才猷可供任使者不拘人數資格秉公舉出該督再加遴選具題奏聞送部引見又念中州之民務本力田勤於耕作著該督於常例歲舉老農外再令所屬每處各舉一人給以八品頂帶以示優獎並將朕旨曉諭遠鄉僻壤之民俾共知之○川陝總督岳鍾琪奏四川雷波拉密結覺一帶蠻方廣袤千有餘里雷波土司楊明義與米貼陸氏同惡相濟結連吞都土司德昌及阿路結覺阿照等處逆蠻截糧傷兵負隅聚眾經四川提督黃廷桂遵旨率兵前進先勦雷波繼破拉密旋攻結覺又平定平底噶阿路阿照等寨峒一

東華錄

雍正十四

十

百餘處請以結覺地方歸沙馬土司管轄所獲番戶分建昌鎮永甯協管轄雷甯夔州兵五百名令敘馬營遊擊帶領千把總五員暫駐雷波雷重慶兵三百名令忠州營守備帶領千把總三員暫駐黃螂以資防範得旨雷波等處苗蠻狂悖不法句結惡黨騷擾附近民夷及官兵到日輒敢抗拒岳鍾琪等調度有方勦撫兼施俾兇犯全獲從此附近民夷咸得甯輯深屬可嘉辦理此事之大小文武官弁等著該部查明分別議敘○戊申諭內閣直省各處富戶其為士民而殷實者或由於祖父之積累或由於己身之經營操持儉約然後能致此饒裕此乃國家之良民也其為鄉紳而有餘者非由於先世之畱遺即由於己身之俸祿制節謹度始能成其家計此乃國家之良吏也是以紳衿士庶中之家道殷實者實為國家之所愛養保護則本身安可不思孳孳為善以永保



其身家乎夫保家之道奢侈糜費固非所以善守而慳吝刻薄亦非所以自全周禮以鄉三物教萬民有曰孝友睦婣任卹可知公財行惠任卹之義與孝友而並重也蓋凡窮乏之人卽游閒破耗自困其生又不知己過轉懷忌於温飽之家若富戶復以慳吝刻薄爲心腹削侵牟與小民爭利在年穀順成之時固可相安一遇歉荒貧民肆行搶奪先眾人而受其害者皆爲富不仁之家也逮富家被害之後官法究擬必將搶奪之貧民置之重典是富戶以斂財而傾其家貧民以貪利而喪其命豈非兩失之道大可惜憫者乎朕爲此勸導各富戶等平時當以體恤貧民爲念凡鄰里佃戶中之窮乏者或遇年穀歉收或值青黃不接皆宜平情通融切勿坐視其困苦而不爲之援手如此則居常能緩急相周有事可守望相助伎求之念既忘親睦之心必篤豈非富戶保家之善道

東華錄

雍正十四

三

乎從來家國一理若富戶能自保其身家貧民知共衛夫富戶一鄉如此則一鄉永靖一邑如此則一邑長甯是富戶之自保其身家富戶之宣力於國也况積善之家必餘慶種福果於天地之間子孫必常享豐厚豈不美歟著各省督撫將朕此旨通行該屬之鄉紳士民人等共知之○戶部議准漕運總督張大有奏向年山東河南二省有輸運薊州遵化豐潤三州縣官兵需用米石其沿途管押以及回空催趨例責成於押運通判以一員而管領數幫前後不能兼顧請添設薊糧千總二員輪流領運抵薊之日交糧守候則責成於千總空船回次則責成於通判從之○雲貴廣西總督鄂爾泰奏丹江鷄講生苗自恃地險人眾不服招撫經新任撫臣張廣泗調遣官兵分路進剿苗眾投誠其上下九股及清水江古州等處見俱以次甯貼得旨古州等處生苗自古未歸王

化其人愚悍性成罔知法度自恃地形險峻出沒靡常擾害居民劫奪行旅雖無背叛之迹然爲地方良善之患亦不淺矣向來石禮哈等曾以招撫之事奏請朕怙冒萬方豈忍令此地苗蠻獨在教化之外祇以石禮哈非能辦理此事之人故未允其請續經鄂爾泰陳奏前來朕見新任巡撫張廣泗才具優長周詳縝密必能副朕委任是以諭令辦理今張廣泗親歷苗境勦撫兼施苗民懷德畏威莫不抒誠歸向使自古未服王化之地均得沾被朝廷之聲教鄂爾泰張廣泗及在事文武官弁俱著從優議敘其兵丁等著鄂爾泰將帑銀賞資具奏○己酉吏部議准廣東總督孔毓珣奏瓊州一郡孤懸海外海口所城尤爲扼要商賈輻輳姦良易混請將瓊山縣縣丞移駐就近稽察得旨各省佐貳微員有地方職掌緊要者亦有新設新移正需料理者必須於眾員中揀選才具

東華錄

雍正十四

三

稍優熟練事務之人方可勝任著各省督撫將佐貳緊要之缺查明具奏交與該部註冊遇有缺出該督撫揀選題請調補如本省之員或將別省見任之員題補或請旨揀選永著爲例○庚戌署廣東巡撫傅泰奏監犯病故請按季彙咨以省煩瀆得旨審結定擬監犯病故隨報隨題著爲定例 聖祖仁皇帝臨御六十餘年未嘗更改所以慎重民命恐有獄卒陵虐滅口致斃等情也况廣東係山海交錯僻遠之區傅泰初任封疆於分內應辦之事尙未能周到何暇爲此越分陳奏之事且朕日理萬幾不敢稍自暇逸正冀爲大臣者贊襄鼓舞勵精圖治而傅泰奏稱章疏滋煩有瀆聖聽等語甚屬不合著將本擲還○命湖廣武郎等九府州武昌等十衛所丁銀攤入地畝內徵收○辛亥以嵇曾筠爲河南山東河道總督山東境內運河一併管轄由吏部尚書河東副總河遷○壬子戶部



議准四川巡撫憲德奏各省入川民戶向經一面造冊呈報一面咨查原籍在案但愚民風聞給贖招墾往往輕於轉徙况川省田地多經業主承丈自首將來餘荒多寡尙未可知不可不定以長策請嗣後各省續到流民自雍正七年爲始停其造冊咨查行令各省將實在無業窮民願往川省開墾者給與印照與先經查驗覆到之各戶一體安插如無照之人除在川各有生業准其編入保甲外所有游手之民著卽查明令回原籍從之○命江西開局鼓鑄○甲寅諭內閣自古帝王皆有功德於民雖世代久遠而敬禮崇奉之心不當弛懈其陵寢所在尤當加意防衛勿使褻慢至於往聖先賢名臣忠烈其祠宇塋墓亦當恭敬守護以伸仰止之忱著各省督撫轉飭各屬將境內所有古昔陵寢祠墓勤加巡視防護稽查務令嚴肅潔淨以展誠恪若有應行修葺之處著動用東華錄

雍正十四年 三

本省存公銀兩委員料理朕見歷代帝王皆有保護古昔陵寢之敕諭而究無奉行之實朕於雍正元年恩詔內卽以修葺歷代帝王陵寢通行申飭亦恐有司相沿積習視爲泛常嗣後著每年於歲底令該地方官將防護無誤之處結報督撫該督撫造冊轉報工部彙齊奏聞儻所報不實一經發覺著將該督撫及地方官分別議處明太祖陵在江甯昔我 聖祖仁皇帝屢次南巡皆 親臨祭奠禮數加隆著江南總督轉飭有司加意防護其明代十三陵之在昌平州者自本朝定鼎以來卽設立太監陵戶給以地畝令其虔修禮祀禁止樵採 聖祖仁皇帝屢頒 諭旨嚴行申飭著該督轉飭昌平州知州昌平營參將差委人員時加巡視務令地境之內清淨整齊儻陵戶或有不敷卽著該督酌量增添其南北二處陵寢防護無誤之處亦著該督撫等於每年歲底冊報工

部彙奏○丙辰命領侍衛內大臣三等公傅爾丹爲靖邊大將軍北路出師川陝總督三等公岳鍾琪爲甯遠大將軍西路出師征討準噶爾○戊午諭內閣嘗思歲時雨暘之各地不同者其故或由於朝廷政事有所闕失或地方官吏乖其職守或民間習俗澆漓人心僞薄皆足上天和致成災祲此理數之必然纖毫不爽者數年以來朕已諭之詳矣上年直隸通省地方收成豐稔惟宣化懷來保安三州縣獨愆雨澤朕心卽疑地方官民恐有招致之由秋間口北道王棠來京朕令進見曾經諭及今據王棠摺奏宣化懷來保安等處去年夏秋亢旱今春他處皆得瑞雪而此地獨少二月間臣因公出境勘得鷄鳴驛新保安之間有古惠民渠一道灌田數百餘頃旗民互訟歷三十餘年未曾結案臣詳勘渠道先剖曲直繼將上年所奉上諭再四宣布勸使回心一時旗民人東華錄

雍正十四年 三

等項頌皇仁卽時感悟分渠共溉永息爭端果於三月初一二等日連降瑞雪平地尺餘春耕有賴萬民稱慶等語王棠此奏不過敷陳其事而實乃天人感應之至理蓋人之所以爲心卽天之所以爲心儻一方之中彼此猜嫌構爭起訟人懷不平之氣斯天地之氣亦溷塞於一方不能和暢寬舒有不雨暘失序者乎古聖有言萬方有罪罪在朕躬朕躬有罪無以萬方今朕此言非爲人君寬解而推卸其責於臣民也君民上下原爲一體嘗見直省督撫官員等每遇年歲豐登輒曰此皇上之洪福此語朕從不受朕無自私之福以天下之福爲福若吏治激清民風醇厚以致時和年豐天下人各受其福卽朕之福也若官吏壞法營私黎庶驚陵成習以致召爲災異此皆用人不得其當化導未盡其方天下不能共受其福卽朕之歉於福也人君原無可諉之責而臣民自有各



盡之道朕以實心實政乾惕於上天下臣民果能勉修省同歸於善以感召於下則太和之氣流行於宇宙災沴何自而生雨雪應時而降人歌樂利百室盈甯以同受上天之慈惠豈不美歟著各省督撫通行所屬咸使聞之○諭從前屢降諭旨禁止賭博京城內外稽察甚嚴聞游手不法之徒潛往通州天津公然犯禁聚賭其賭具之所從來有司亦不究問又如京城禁止宰牛鬪鷄及畜養鷓鴣等事而無賴之輩則於通州天津地方仍敢擅宰耕牛私開鬪局文武官吏漫無覺察又聞京城禁賭而好賭之人隨潛匿於四鄉無人禁約似此陽奉陰違有干法紀通州天津二處之人五方雜處易於容留匪類通州有倉場侍郎衙門又有副將駐紮均當與知州等一體管理稽查違禁等事儻不實心稽查致有疏縱朕差侍衛御史等拏獲定將該侍郎副將知州等分別嚴

東華錄

雍正十四

五

加議處天津有總兵巡鹽御史及道員等官亦照通州之例行至近京鄉村中若有賭博等情該管汛地文武各員不得辭其責一經發覺決不寬貸○辛酉議政王大臣等遵旨議奏北路出征事宜一統領將弁應行派定京城八旗兵六千名自總統將軍外派副將軍參贊大臣前鋒統領等員其營總參領侍衛章京前鋒校護軍校驍騎校等均請派出以資差遣車騎營兵九千名應派總兵副將遊擊守備千總把總等員其押運糧餉大員隨印學士及中書司官筆帖式等均應派出奉天船廠察哈爾索倫土默特右衛甯夏七處共兵八千名應派統領及管轄之員至喀喇沁土默特兵八百名應派塔布囊等員率領一官兵起程分路定期北路官兵駐紮阿爾泰路途遙遠京城八旗兵於五六月間分五路前進出口後令察哈爾土默特兵同行車騎營兵分六路前進奉天

船廠索倫右衛甯夏兵俱於六月起程至大兵駐紮處會合一北路官弁共計總統將軍一員副將軍一員參贊大臣六員前鋒統領一員副都統十員總兵二員營總二十四員參領副參領四十一員雲麾使一員副將四員章京一百三十六員中書二員司官十三員侍衛十二員參遊八員前鋒校十七員護軍校一百八十一員驍騎校一百三十九員筆帖式四十三員守備十六員千把總九十六員共七百五十三員除奉旨賞賚外分別各給馬駝器械跟役口糧鹽菜銀兩與兵丁糧餉等俱遵旨寬裕支給得旨振武將軍公巴賽著為副將軍振武將軍印務著順承郡王錫保管理鑲黃旗滿洲都統侯陳泰右翼前鋒統領袞泰鑲白旗漢軍都統石禮哈正白旗滿洲副都統岱豪散秩大臣公達福正藍旗滿洲副都統覺羅海蘭俱為參贊大臣原任右翼前鋒統領丁壽以

東華錄

雍正十四

五

都統銜為軍營前鋒統領直隸正定總兵官魏麟河南河北總兵官閃文緒統領車騎營兵奉天副都統納秦統領奉天兵白都納副都統塔爾岱副都統西彌賴統領索倫兵白都納副都統費雅思哈統領甯古塔兵右衛副都統阿三統領右衛兵甯夏副都統蘇圖統領甯夏兵鑲藍旗蒙古副都統承保銀白旗滿洲副都統常祿統領察哈爾兵歸化城副都統馬爾齊布統領土默特兵塔布囊丹巴沙津達賴等統領喀喇沁土默特兵糧餉事務派法敏伊都立巴泰西琳傅德等管理盛京禮部侍郎永國兼內閣學士銜隨靖邊大將軍印前往北路軍營其辦理各款俱詳細妥協悉依議行○乙丑諭內閣士子讀書明理為庶民坊表若昧於急公奉法之義抗糧通賦是導民為非不止虧缺國課而已今見內外大小臣工為此條奏者甚多經禮部定議按限追比逾限不完



詳請褫革嚴追等語朕思士子一經笞杖則難洗終身之辱一經  
褫革則永無上進之階諸生縱不自惜其身名朕則深為諸生憫  
惜也聞各處催徵之例不同有責比催糧之差役者有撲責欠糧  
之本身者見年錢糧每至十月不完方將糧戶懲責是五月未經  
完半雖在百姓未必便行鞭撻而乃以此遽施於士子乎况生監  
之中貧富不等富戶故意抗違實法無可貸而貧生未能依限則  
情尚可原今應如何分別貧富使富者不得藉口以愆期貧者得  
稍紓其力沾沐朝廷體恤之恩而國賦又不至於拖欠著該督撫  
各就本省情形秉公詳察悉心定議務期寬嚴得當永遠可行儻  
該督撫內別有所見可以仰副朕矜憐貧寒之士子而又懲戒頑  
富之劣衿者亦著詳悉陳奏○丙寅浙江總督李衛奏臣欽奉恩  
綸俯俞入覲所有各任印務謹遵旨酌量分派委署請以欽差清

東華錄

雍正十四

壬

查浙江錢糧副都御史性桂署浙江總督觀風整俗使蔡仕舫署  
浙江巡撫下部知之○改山西大同府歸化城理事同知屬朔平  
府轄○庚午戶部遵旨議准川陝總督岳鍾琪奏秦省自南山往  
蜀路徑有長安縣之子午谷蓋屋縣之黑水谷郿縣之斜谷三谷  
之中斜谷黑水谷俱極險僻無庸開鑿惟子午谷漢唐之時為糧  
運大道後漸荒廢若將此路修鑿坦夷由西安徑抵漢江計程纔  
五百餘里最為便捷但宜設兵防範以便行人請於子午谷內秦  
嶺南之五郎關設守備一千總二駐兵二百五十名秦嶺北之關  
神里亦屬隘口請就五郎關所設營內撥千總一兵五十名分駐  
其地其黑水谷內之柳葉河應添設把總一兵五十名再將鳳翔  
城守營兵移駐郿縣專防斜谷兼防桃川號川等處其號川應添  
設巡檢一千總一兵一百名從之○癸酉召吳昌祚來京調公元

為山東按察使以陳世倌為河南按察使由開歸道遷○甲戌命京官  
有父母在籍抱病或年逾七十者不必六年俸滿准其歸省著為  
令○改貴州中曹土司所轄高坡等處四寨歸貴陽府轄○是月  
免福建侯官等九縣甘肅平番縣雍正六年旱災額賦有差

夏四月丙子兵部議准巡察湖南御史王瓚奏驛站苗疆事宜一  
巴陵之岳陽驛近在縣城請歸併該縣管理其湖南橋頭鋪應另  
設一驛即以岳陽驛丞移駐一湖北武昌府進京大路由河南  
信陽州中間楊店驛小河司廣水李家寨等處民居稠密道里平  
坦請將黃陂孝感雲夢安陸應山及平靖關原設夫馬酌量抽撥  
改置驛遞五站以便往來一楚俗熟悉符呪有作奸犯科惑世誣  
民者請照光棍例治罪得旨此本內議稱熟習符呪之人照光棍  
例治罪而未議及通行曉諭之後方照此例定擬甚屬疏漏從前

東華錄

雍正十四

壬

屢降諭旨凡有改定科條須寬其期限悉令家喻戶曉而猶有不  
率教者加以嚴懲始不為枉今法司更定律例而不示以遵行之  
期是謂不教而殺且地方官亦有難於奉行之處著另議具奏尋  
議應自雍正庚戌年為始犯者為首立斬為從擬絞監候行令該  
地方官徧行曉諭從之○丁丑吳達禮綠事革職以陳福壽為盛  
京工部侍郎由中選○福建總督高其倬遵旨題覆原任臺灣府鳳  
山縣知縣蕭震向因命案遲延經前撫臣題參革職查蕭震居官  
勤力人亦樸直但因伊父母年俱八十時時思憶精神漸減以致  
辦理不及從前請革職留任得旨凡官員等有父母年高而補授  
路遠地方者經朕聞知皆曲體其情改用近地使之便於迎養或  
得音問時通蕭震既有八旬之父母該督撫即應據實陳奏俾得  
遂其私情專心辦理公事方為大臣愛養人材之道乃隱不奏聞



致罹削職甚為屈抑蕭震著回籍省親後來京赴部引見朕再降諭旨○庚辰吏部議覆著貴州巡撫沈廷正奏永豐州所屬冊亨羅斛地方甚屬遼闊一切命盜案件俱係知州辦理未免稽遲請鑄給冊亨州同羅斛州判關防各一令其專司仍令該州兼轄從之○禮部題遵旨議建雲師雷師廟宇查唐天寶開增雷師於雨師之次每歲立夏後申日致祭宋元因之大明集禮增雲師於風師之次郡縣立雷雨壇於稷壇西風雲壇於社壇東又明會典所載秋分後三日合祭雲雨風雷等壇今雷師廟應建於西方立夏後申日致祭雲師廟應建於東方秋分後三日致祭從之○刑部遵旨議奏盜賊被獲應定同居處分之例以絕盜源請嗣後有犯強竊之案者其同居之父兄叔伯明知為匪或分受財物許即據實出首均准免罪本犯亦得照律減免如不先行出首其不分贓東華錄 雍正十四 完

而知情者照知人謀害他人不行首告律杖一百若知情而又分贓照本犯罪減一等發落自雍正庚戌年為始通行督撫轉飭地方官曉諭遵行從之○辛巳諭內閣直省各處皆有回民居住由來已久其人既為國家之編氓即俱為國家之赤子原不容以異視也數年以來屢有人具摺密奏回民自為一教異言異服且強悍刁頑肆為不法請嚴加懲治約束等語朕思回民之有教乃其先代畱遺家風土俗亦猶中國之人籍貫不同嗜好方言亦遂各異是以回民有禮拜寺之名有衣服拜寺之別要亦從俗從宜各安其習初非作奸犯科惑世誣民者比則回民之有教無庸置議也惟是凡人生產雖不同地而同具此天良習尚雖不同教而同歸於為善回民處天地覆載之內受國家養育之恩可不孜孜好善共勉為醇厚乎且朝廷一視同仁回民中拜官受爵游登顯秩

者常不乏人則其勉修善行守法奉公以共為良民者亦回民之本心也要在地方官吏不以回民異視而以治眾民者治回民為回民者亦不以回民自異即以習回教者習善教則賞善罰惡上之令自無不行悔過遷善下之俗自無不厚也如陝省之回民較他省尤多其販私聚賭私藏兵器種種不法之案屢出較他省回民為甚又如奉旨禁宰牛隻乃勸民務農勤稼所以重惜力耕之物命聞回民頗有怨言且有私自屠宰者此即居心殘忍不務本奉法之一端也朕念萬民一體之義豈忍視回民與眾民有殊特此詳加訓誨為回民者當知率由禮義講讓與仁毋恃強而陵弱毋倚智而欺愚儻自謂別為一教怙惡行私則是冥頑無知甘為異類憲典具在朕豈能寬假乎自茲以後父戒兄勉姻婭族黨互相箴規盡洗前愆束身向善以承天地覆載之恩以受國家教養東華錄 雍正十四 完

之澤豈不美歟直省各督撫等務宣布朕意咸使聞知○吏部議准四川巡撫憲德遵旨覆奏天全土司改設流官事宜一天全地方請改置一州設知州一吏目一駐紮碉門州同一分駐始陽一天全地方既改為州應隸府轄請升雅州為府設知府一經歷一增置附郭一縣設知縣一典史一以新設之一州一縣及名山榮經蘆山等三縣併歸府轄一雅州既改為府請以州學為府學改設教授一州訓導改為府訓導其府州縣三學取進生童並廩增出貢額數統俟人文日盛再議增置從之尋定天全新改州曰天全州雅州新升府曰雅州府雅州附郭縣曰雅安縣○侍郎銜在學士裏行走登德以老疾乞休允之○降厄魯特扎薩克郡王阿寶為貝勒以其擅移住游牧地方故也○丙戌諭大學士九卿等朕觀近日兵部奏事其中有一二件似欲迎合朕意者夫朕日理



萬幾初無絲毫成見於胸中惟期有當於大公至正之理已曾屢降諭旨爾等諸臣自應持正秉公悉心斟酌事事以當理為準庶政治有所裨益今乃於正理之外妄為揣摩則爾等焉能知朕意之所在而漫思迎合乎且部院所辦之事各有關繫如吏部有意迎合則銓選不公戶部有意迎合則財賦難理此皆有妨於政治者其為害猶小至若刑部職在明刑關繫最重儻稍以迎合為心則生死出入之間刑罰必不得其平上干天和下戕民命其害尚可言乎至於辦事之道凡人精神智力用之專一則詳明而得理用之紛雜則叢脞而多乖數年以來朕於辦理政務之時皆聚精會神專於所用如閱一本則專閱此本而不思其他治一事則專治此事而不及其餘是以志氣清明條理昭著一事既畢自可再辦一事至於政務稍暇中懷激激之時又不可放逸此心朕於此東華錄 雍正十四 三

時必將在京部院衙門及在外各省之事一一思維詳察由一部以及各部由一省以及各省靜中默識更覺端緒易尋所以辦事甚多而不至於遺忘者此也朕以一人之精神辦理天下之事而常覺有餘爾等諸臣以數人之精神辦理一部之事又何慮不足乎諸臣其共勉之○以和善署盛京戶部侍郎由內閣侍讀學士署申珠渾署盛京禮部侍郎由大理寺少卿署○議政王大臣等議准川陝總督岳鍾琪奏四川巴塘裏塘等處請授宣撫司三員安撫司九員長官司十二員給與印結號紙副土官四員千戶三員百戶二十四員給以職銜以分職守內巴塘裏塘正副土官原無世代頭目承襲請照流官例如有事故開缺題補至各番錢糧正項之外又有供給喇嘛衣單土官蠻兵頭目口糧雜糧等項未便仍令將弁等私自徵納請統作正賦收催從之○丁亥移湖北荊州徐關於田家

洲更名田關○戊子諭戶部國家承平日久戶口日繁凡屬閒曠未耕之地皆宜及時開墾以裕養育萬民之計是以屢頒諭旨勸民墾種而川省安插之民又令給與牛種口糧使之有所資藉以盡其力今思各省皆有未墾之土即各省皆有願墾之人或以日用無資力量不及遂不能趨事赴功徘徊中止亦事勢之所有者著各省督撫各就本地情形轉飭有司細加籌畫其情願開墾而貧寒無力者酌動存公銀穀確查借給以為牛種口糧俾得努力於南畝俟成熟之後分限三年照數還項五六年後按則起科總在該督撫等董率州縣因地制宜實心經理務使田疇日闢耕鑿維勤以副朕愛養元元之至意○庚寅命倉場侍郎劉於義山西按察使葛森清查西南軍需錢糧○以原任太僕寺卿涂天相署倉場侍郎仍復刑部左侍郎原銜○辛卯吏部議准雲貴廣西總督鄂爾泰奏雲南東川府治地方遼闊前經題准於巧家營地方增設會澤一縣但該縣距府五站小民輸納維艱請改為東川府附郭其東川經歷請分駐巧地並設立一汛撥官一員兵三十名以資防守從之○壬辰諭內閣外任督撫藩臬為全省之表率關繫甚重每當簡用之時常以一時不得其人深勞念慮凡內外大臣受國家厚恩均當留意於平時秉公奏薦盡以人事君之道京官自學士侍郎以上外官自藩臬以上著各人密保一人將其人可勝督撫之任或可勝藩臬之任據實奏明不必拘定滿漢亦不限定資格即府縣等員官階尚遠者果有真知灼見信其可任封疆大僚亦准列於薦牘之內若一時無深知可舉之人准其從容採訪不得草率塞責有負諮詢○移廣西思恩府同知駐土田州百色地方改潯州府通判為思恩府通判駐古零裁太平府全茗



土州吏目一南甯府果化土州吏目一宣化縣那龍寨巡檢一添設桂林府永甯州喇崗巡檢一南甯府宣化縣三官堡巡檢一橫州大灘巡檢一○癸巳諭內閣山東巡撫岳濬著前往西安送伊父岳鍾琪領兵起程再回原任巡撫印務著山東布政使費金吾暫行署理○甲午以吏部尚書查郎阿署川陝總督○復設江南南匯縣下砂二場浙江黃巖縣杜瀆場永嘉縣永嘉場場官各一裁江南金山衛浦東場場官一○乙未以申珠渾為左副都御史仍署盛京禮部侍郎○復設膠萊分司運判一○丙申諭內閣前降旨令兵部將因公誣誤降級革職之武弁查出具奏今日兵部查得三十六員具摺請旨摺內有施仁宥過等語此等浮泛頌揚有乖理道之詞昔年 聖祖仁皇帝屢經指示訓誨而數年以來朕又以之誥誡內外臣工者不啻至再至三矣蓋賞罰者天命之

東華錄

雍正十四

三

正人君奉天出治有善則賞有過則罰其柄非人主所得私也至其中亦有遇過而寬宥者則以其事本有可原之情或其人尙有可用之才故姑從寬典以許其自新耳夫人君惟令天下無一夫不獲其所方可謂之仁非縱釋奸宄遂可以謂之仁也不能化導百姓而使之不為奸宄已不可謂之仁矣若再務施仁之名而為姑息養奸之事則匪類肆行無忌良善固不能安枕而不良之人無所懲戒悛改將見犯法者愈眾是陷之入於邪惡之路也不仁孰甚焉施仁宥過四字若不能通曉其義用違其當則流弊無所止極即如今日兵部具奏請旨之三十餘人將來引見時豈皆可以起用若有不用者則是有不施之仁有不宥之過矣朕豈受此名乎朕治天下惟有教養兼施勸善懲惡此外非朕之所知也兵部侍郎楊汝毅胡煦並非不曉文義者且日侍班聯熟聞朕諭尙

昧昧至此則外省疏遠之臣工必更不能體會朕意也著將兵部堂官嚴加申飭並曉諭內外大臣官員知之○戊戌黃國材緣事革職以李永陞為工部尚書由都統遷○纂輯律例成○己亥命高其倬來京陛見以史貽直署福建總督由吏部左侍郎署○裁奉天府秦甯縣知縣典史教諭各缺○辛丑升陝西肅州為直隸州兼轄高臺一縣裁肅州通判○壬寅 上以征討準噶爾告祭 太廟○命馬會伯往肅州辦理軍需以趙宏恩署湖北巡撫呂耀曾署四川布政使尤清署四川按察使由鹽驛道遷○甲辰諭內閣朕荷 天地鴻恩俯垂眷佑寤寐之中對越 神明之心至誠至恪每見臣工奏章有山川效靈等字輕慢 神祇朕心深切不安屢經降旨申飭今衍聖公孔傳鐸奏賀慶雲本內仍用乾坤效靈字樣想未見朕歷來誠諭之旨耶衍聖公為 先師後裔服習家訓拜疏陳詞尤宜合理此本著更改另行繕寫具奏○諭兵部振威將軍揚武將軍印二顆送往西安交與大將軍岳鍾琪軍前有應用之處酌量委用○兵部議覆福建總督高其倬參奏休致海澄公黃應纘因承襲公爵賄屬該縣出結應革去職銜令該撫究擬具奏得旨黃應纘係告休之員承襲世職乃伊家事未免瞻顧私情若地方有司平日不開賄賂之門慣行勒索則黃應纘亦何至以財請託罹於罪戾是其罪全在知縣張渭烈張珂等也今欲得受賄情由應將知縣二人嚴加審訊便可定案黃應纘之祖父忠勳懋著若以承襲之事致干黜革朕心不忍黃應纘從寬免革職銜○是月免江南徐州甘肅河州平涼等三州縣被災額賦有差

東華錄

雍正十四

四

五月丙午諭內閣屢年以來朕以天人相感之理諄諄曉諭內外臣工益朕實切敬 天勤民之念於寤寐之中而確見其感應之



不爽尤願各省督撫有封疆之重任者體朕此心至誠至敬各盡其道以爲感格上天之本惠我蒸民共登衽席朕並非以年穀之順成有意歸美於大吏亦非以雨暘之差忒強欲卸責於臣工也假使爲督撫者因朕有地方豐歉由於吏治得失之論旨而欲自彰其善自護其短於奏報秋成或有溢美之詞於奏報歉收或有諱災之意則事天爲不誠事君爲不忠臨民待下爲不仁不信有此數端而欲荷上天嘉祐錫福凝禧有是理乎况粉飾一己之聲名而不顧民生之休戚其何以對所屬之官民而無愧怍乎朕畱心體察覺近來督撫等之奏報年穀閒有此弊不得不通行曉諭以防其漸在爾督撫等返躬自思有則改之無則加勉况朕之見聞甚廣訪察維勤儻掩飾於此而敗露於彼豈不自取朕之輕視乎人臣事君之道惟以誠實無欺爲本爾督撫臣其共勸之○戊

東華錄

雍正十四

五

申諭內閣朕見臣工等奏章閒有用山川效靈洪福齊天及一切頌揚背理之詞諄諄訓誡至於再三宜乎中外共知朕心矣乃昨衍聖公孔傳鐸奏賀慶雲本內竟用乾坤效靈之語朕覽之實爲悚惕不甯之甚朕於事 天事 神至誠至敬惟望 天地神祇俯鑒默佑錫福兆庶共享昇平若云感召天和或云受天之佑或云昭示靈應似此等語作頌揚之文尙於義不悖而於心亦安今乃謂天地神祇效靈於人君豈不聞王者父天而母地而敢爲此褻慢之語乎且朕之事 天亦猶臣下之事君也臣之視君也以爲九重之尊而以人君視天其相越之分又不啻九重而已也設以屬員頌其上官而稱爲上所崇奉或稱爲福與君齊彼爲上官者能安受而不戰慄乎今以效靈齊天等語見諸奏章何以異是不惟不知立言之體亦大失敬謹事君之道矣昔我 聖祖仁皇

帝深惡此等陳奏之詞常加訓誨今著再行申諭內外臣工知之嗣後如有仍用此等字樣者著通政司即行參奏如送內閣即著大學士參奏○已酉諭大學士九卿自古爲政者皆言寬嚴相濟所謂相濟者非方欲寬而雜之以嚴方欲嚴而雜之以寬也惟觀乎其時審乎其勢當寬則寬當嚴則嚴而已如十人當賞則俱賞之斷無以賞太多而舍一二人不賞之理十人當罰則俱罰之斷無以罰者太多而寬一二人不罰之理即如戶部也綜核錢穀惟在公平直省徵解錢糧其不足者固當查覈若餘於額數之外者豈遂不當查覈乎即如刑部也按律定罪務期明允直省審讞重案其閒失出者固當駁詰若失入而致冤抑者豈遂不當駁詰乎總之寬嚴適協其宜乃爲相濟非參雜於寬嚴之閒而爲子莫之執中也譬之飲食原相需也然亦當飲而飲渴者不可以食解當食而食飢者不可以飲充若強飢者以飲強渴者以食是相背也豈相需之道乎○辛亥諭內閣朕慎重民命畱心刑獄每於讞決之際往復審察至再至三是以外省每年秋審亦照朝審之例悉令三覆奏聞今思每日所進本章內有擬以極典及斬絞立決之犯雖其情罪俱屬重大律無可寬然朕心猶欲慎審而後置之於法嗣後如遇此等本章已閱過票籤交與本房者著批本官員照三覆奏之例進呈三次候朕再加詳慎然後批發以副朕欽恤矜慎之至意○命直省老農改爲三年一舉○四川巡撫憲德奏富波阿照等處苗民七百餘戶內附○癸丑 上幸南苑○孫卓以年老降太常寺卿以傳德爲禮部右侍郎由大理寺卿遷○移湖南湘潭縣縣丞駐朱亭市○甲寅 上閱車騎營兵於南苑○丁巳諭內閣向來有司官補授之時回避本省蓋因地方密邇恐其中有嫌

東華錄

雍正十四

五



疑牽制等弊也朕思江南之上江下江湖廣之湖北湖南陝西之西安甘肅雖同在一省中而幅員遼闊相距甚遠定制各設巡撫司道以統轄之其情形原與隔省無異則官員選補不過有同省之名而並無嫌疑牽制之處况既係同省則於彼處人情土俗較他省之人更為熟悉未必不於地方有所裨益嗣後凡江蘇安徽湖北湖南陝西甘肅諸處府州縣以下官員得本省之缺不在本籍巡撫統轄之內者不必令其回避其相隔在五百里之內者仍照隔省回避之例一體遵行○戊午吏部議覆湖廣總督邁柱奏湖南保靖桑植永順三土司新經改土為流請於永順東南之舊司治西北之江西寨各設知縣一典史一田家崗施溶州隆頭地方各設巡檢一其永順原設大喇司巡檢裁保靖之舊司治設知縣典史各一張家壩設巡檢一其保靖原設同知裁桑植以南原屬九谿衛之安福所應歸併桑植合為一縣添設知縣典史各一以上分設四縣應設知府一管轄並設經歷一俱駐紮永順其永順原設同知移駐喜鵲營專督永保新設二縣捕務桑植原設同知改為通判移駐江西寨專督安福所江西寨新設二縣捕務再永順請設副將一卽將桑植副將移駐立為永順協並設守備一千總二把總四兵八百名保靖設遊擊一卽將永定營遊擊裁改立為保靖營並設守備一千總一把總二兵四百名俱聽永順副將轄桑植應於九谿協撥守備一千總一把總二兵三百名駐防聽九谿協節制從之尋定永順新設府曰永順府永順東南新設縣曰永順西北新設縣曰龍山保靖新設縣曰保靖桑植新設縣曰桑植○庚申諭內閣凡遠省煙瘴之地及沿海之區因其險阻荒涼或民情難治是以有司缺出或揀選補授或將內地之員保

題調補該員到任之後有歷俸三年卽升者亦有五年卽升者所以恤其苦而賞其勞加恩於常格之外也乃向來督撫等徇情受託往往庇護私人以保題煙瘴邊缺為名俾得速於升遷仍將其人委署近地展轉留滯而本任意屬虛懸是以緊要之缺轉成閒曠之所矣近年以來雖州縣正印官不敢仍蹈故轍而同知通判等員則聞尚有借委署他處之名不到本任延至數年俸滿居然得以升遷者此等弊端甚有關繫嗣後著嚴行禁止儻有應行署理之處著該督撫就近差委不得使屬口巧為規避之計儻有仍前營私作弊者經朕查出定將該督撫及本員一併從重議處○四川提督黃廷桂奏黃螂土司國保呈請歸流情詞懇切應行具奏請旨得旨各處土司呈請改土為流者朕俱不允屢降諭旨甚明今據黃廷桂奏黃螂土司國保屢次具呈懇請題達據稱祖遺東華錄

東華錄 雍正十四 天

土地多被鄰封侵占兼以轄屬愚頑難以管教惟恐貽累子孫等語朕念該土司國保素知遵奉法紀自會勦米貼軍興以來隨營效力更為恭順其所轄土兵亦無助逆惡蹟今屢次懇請改土為流既於伊身及其子孫有益朕不忍違其所請著給與守備職銜並賞銀五千兩為立產安居之用其願居何處著該提督向伊詢問悉心酌議善為安插俾其永遠得所以副朕懷○壬戌諭內閣自本朝開國及平定三藩廓清湖漢褒忠錄功之典最為優渥凡文武官弁兵丁之效力行間著有勞績及臨戎致命遇敵受傷皆赤心報國之人朝廷沛澤加恩惟恐不速乃近年以來部臣辦事遲緩因循往往因一二事之駁查遂將眾人卹賞之典俱致淹滯卽如陝甘川省從前攻勦南川北川青海桌子山等處之文武官弁兵丁已經查覈明晰應行卹賞議敘止因青海等處功加冊結



內有原任巡撫王景灝同知張梅革職離任所造冊結無印可鈐部議駁查以致南川等案卹賞之處一併稽延經朕察訪而後知之夫官弁例應議敘者不得早沾國恩固爲不可而陣亡受傷人等遲至數載之後尙未邀帑金之賜尤可憫惻著該部速行卹賞議敘嗣後凡有出兵加恩之案其中若有應行駁查者止將應查之人扣除俟查明補給不得因一二人之行查而稽遲眾人應得之恩典將此永著爲例又如從前進藏出征之官弁兵丁若有豫借銀兩而本身陣亡或在軍中受傷病故者除照例卹賞外其所豫借銀兩概免追還○甲子諭戶部朕聞各省糧船過淮抵通之時該管衙門官吏胥役人等額外需索陋規以致繁費甚多運丁重受其累特命御史前往稽查革苛索等弊又查向來之例每船北上許帶土宜六十石朕思旗丁運駕辛苦若就糧艘之便順東華錄 雍正十四 奏

行禁約又復念其勞苦疊沛恩膏近見伊等之惡習刁風亦漸悛改是以特頒諭旨嚴禁過淮抵通苛索之陋規復令增添攜帶土宜俾得多沾餘潤以贍家口伊等益當感戴朕恩遵守法度共爲良善以免罪愆著總督倉場侍郎漕運總督將朕此旨通行刊布每船各給一張使運丁人等觸目儆心以副朕體恤訓誨之至意○乙丑先是湖南靖州人曾靜因考試劣等家居憤鬱忽圖叛逆道其徒張熙詭名投書於川陝總督岳鍾琪勸以同謀舉事岳鍾琪拘曾靜訊究問指使之張熙甘死不吐岳鍾琪置之密室許以迎聘伊師伴與設誓張熙始將曾靜供出岳鍾琪具奏併其逆書奏聞奉旨差刑部侍郎杭奕祿正白旗副都統覺羅海蘭至湖南會同巡撫王國棟拘提曾靜審訊據曾靜供稱生長山僻素無師友因應試州城得見呂留良評選時文內有妄論夷夏之防及東華錄 雍正十四 早

井田封建等語遂被蠱惑隨遣張熙至浙江呂留良家訪求書籍呂留良之子呂毅中授以伊父所著詩文內皆憤激激烈之詞益加傾信又往訪呂留良之徒嚴鴻逵與鴻逵之徒沈在寬等往來投契因致沈溺其說妄生異心等語隨將曾靜張熙提解來京旋命浙江總督李衛接查呂留良嚴鴻逵沈在寬家藏書籍所獲日記等逆書並案內人犯一併拏解赴部命內閣九卿等先將曾靜反復研訊並發看呂留良日記等書據曾靜供稱前因輕信呂留良邪說被其蠱惑兼聞道路浮言愈生疑罔致犯彌天重罪今蒙一一訊問並發呂留良日記等書極其狂悖又知 聖朝深恩厚澤 皇上大孝至仁心悅誠服自悔從前執迷不悟萬死莫贖今乃如夢初覺等語因俯首認罪甘服上刑內閣九卿等備錄供詞進呈 御覽諭內閣九卿等我朝肇造區夏 天錫人歸 列聖



相承中外從又述我 聖祖仁皇帝繼天立極福庇兆民文治武功恩施德教超越百王普天率土心悅誠服雖深山窮谷庸夫孺子以及凡有血氣之倫莫不尊親詎意逆賊呂留良者悍戾兇頑好亂樂禍自附明代王府儀賓之孫追思舊國憤懣詆譏夫儀賓之後裔於親屬至為疏賤何足比數且生於明之末季當流寇陷北京時呂留良年方孩童本朝定鼎之後伊親被教澤始獲讀書成立於順治年間應試得為諸生嗣經歲科屢試以其浮薄之才每居高等盜竊虛名誇榮鄉里是呂留良於明毫無痛癢之關其本心何曾有高尚之節也乃於康熙六年因考試劣等憤棄青衿忽追思明代深怨本朝後以博學鴻詞薦則詭云必死以山林隱逸薦則薙髮為僧按其歲月呂留良身為本朝諸生十餘年之久乃始幡然易慮忽號為明之遺民千古悖逆反覆之人有如是之

東華錄 雍正十四 望

怪誕無恥可哂可鄙者乎自是著邪書立逆說喪心病狂肆無忌憚其實不過賣文鬻書營求聲利而遂敢於 聖祖仁皇帝任意指斥憑虛撰造公然罵詈所著書文以及日記等類或鐫板流傳或珍藏秘密皆人世耳目所未經意想所未到者朕繙閱之餘不勝惶駭蓋其悖逆狂噬之詞凡為臣子者所不忍寓之於目不忍出之於口不忍述之於紙筆者也夫普天之下莫非王土率土之濱莫非王臣呂留良於我朝食德服疇以有其子孫者數十年乃不知大一統之義其日記所載稱我朝或曰清或曰北或曰燕或曰彼中至致逆犯吳三桂書亦曰清曰往講若本朝於逆藩為鄰敵者然何其悖亂之甚乎且吳三桂耿精忠乃叛逆之賊奴人人得而誅之呂留良於其稱兵犯順則欣然有喜惟恐其不成於本朝疆宇之恢復則悵然若失轉形於嗟歎於忠臣之殉難則汚以

過失且聞其死而快意不顧綱常之倒置惟以助虐迎寇為心不顧生民之塗炭惟以兵連禍結為幸何呂留良處心積慮殘忍兇暴至此極也又如偽永麻朱由榔竊立於流寇之中在雲貴廣西等處其眾自相攻劫貽禍民生後兵敗逃竄緬甸順治十八年定西將軍愛星阿等領兵追至緬城先遣人傳諭緬酋令執送朱由榔大軍隨至城下緬人震懼遂執朱由榔獻軍前此偽永麻之質豈豈有被執時滿漢官兵轉於伊馬前皆跪之事誓說荒唐誕謬極矣總之逆賊呂留良於本朝實有徵應之事蹟則概為隱匿而不書而專以造作妖誣快其私憤又文集內云今日之窮為義皇以來所僅見等語夫明末之時朝廷失政貪虐公行橫徵暴斂民不聊生至於流寇肆毒疆場日蹙每歲餉千百萬悉皆出於民力乃斯民極窮之時也我朝掃清寇氛與民休養於是明代之窮民

東華錄 雍正十四 望

咸有更生之慶逮我 聖祖仁皇帝愛育黎元海內殷庶黃童白叟不見兵革蠲租減賦之政史不勝書久道化成休養生息六十餘年民安物阜即考義皇以來史冊所紀屈指而數蒙 上天之眷佑可以比並我朝之盛者不可多得而乃云義皇以來未有之窮乎又日記所載怪風震雷細星如彗日光磨盪皆毫無影響妄捏怪誕之處甚多總由其逆意中幸災樂禍但以捏造妄幻惑人觀聽為事其失實不經皆不顧也夫災異亦古所時有 上天垂象原以儆戒人君令其修省進德若以捉影捕風之語指為災異傳諸後世或謂從前太平盛世尙有如此非常奇怪災異儻遇日月星辰水旱之變必生輕忽漫不經心凡所以啓後世人君之怠玩者其罪可勝言乎其他猖狂悖亂之詞令人痛心疾首者不可枚舉呂留良生於浙省人文之鄉讀書學問初非曾靜山野窮僻



冥頑無知者比且曾靜止譏及於朕躬而呂雷良則上誣 聖祖  
 皇考之盛德曾靜之謗訕由於誤聽流言而呂雷良則自出胸臆  
 造作妖妄是呂雷良之罪大惡極有較曾靜為倍甚者也朕向來  
 謂浙省風俗澆漓人懷不逞如汪景祺查嗣庭之流皆以謗訕悖  
 逆自伏其罪皆呂雷良之遺害也甚至民間氓庶亦喜造言生事  
 如雍正四年內有海甯平湖圍城屠戮之謠比時驚疑相煽逃避  
 流離者有之此皆呂雷良一人為之倡導於前是以舉鄉從風而  
 靡甚至地方官吏怵其聲勢之震陵黨徒之眾盛皆須加意周旋  
 優禮矜式以沽重儒之譽如近日總督李衛為大臣中剛正之人  
 亦於到任之時循例往例贈送祠堂扁額况他人乎此其陷溺人  
 心濁亂世俗害有不可勝言者數年以來朕因浙省人心風俗之  
 害可憂者甚大早夜籌畫仁育義正備極化導整頓之苦心近始  
 東華錄 雍正十四 聖

漸為轉移日歸於正若使少為悠忽不亟加整頓則呂雷良之邪  
 說誣民者必致充塞膠固於人心而不可解而天經地義之大閑  
 泯沒淪棄幾使人人為無父無君之人矣今日天道昭然惡貫時  
 至今其奸詐陰險盡情敗露則不容不明正其罪以維持世教彰  
 明國法且呂雷良動以理學自居謂己身上續周程張朱之道統  
 夫周程張朱世之大儒豈有以無父無君為其道以亂臣賊子為  
 其學者乎此其狎侮聖儒之教敗壞士人之心真名教中之罪魁  
 也朕即位以來實不知呂雷良有著述之事而其惡貫滿盈神人  
 共憤天地不容致有曾靜上書總督岳鍾琪之舉曲折發露以著  
 呂雷良之兇頑而呂雷良之子如呂葆中者曾應舉成名蒙 恩  
 拔置鼎甲仕列清華其餘子孫多遊庠序乃不即毀板焚書以滅  
 其蹟且前此一念和尚謀叛之案黨羽連及呂葆中其時逆蹟早

東華錄 雍正一四

已彰著蒙 聖祖仁皇帝如天之仁免其究問而呂葆中遂憂懼  
 以死就常情而論呂葆中之兄弟子孫遇如此之驚危險禍且荷  
 蒙 聖祖仁皇帝如此高厚洪恩尤當感激悔悟共思掩覆前非  
 以為倖逃誅死之計豈料冥頑悍驚習與性成仍復抱守遺編深  
 藏箝籥此固呂雷良以逆亂為其家傳故世惡相承罔知儆惕而  
 實乃天道昭然不容少昧使逆賊之陰謀徹底呈見於今日逆賊  
 之遺毒不致漏網於天誅也曾靜逆書朕已洞悉知外間逆黨頗  
 眾竟有散布訛言希圖構亂者然其所詆惟朕之一身朕可以己  
 意自為判定歸結若如呂雷良之罪大惡極獲罪於 聖祖在天  
 之靈者至深至重即凡天下庸夫孺子少有一縷之良亦無不切  
 齒而豎髮不欲與之戴履天地此亦朕為臣子者情理之所必然  
 應將已故逆賊呂雷良及見在子孫嫡親弟兄子姪照何定例治  
 東華錄 雍正十四 聖

罪之處著九卿翰詹科道會議直省督撫提督兩司秉公各抒己  
 見詳覈定議具奏○以對琳為內閣學士由郎中遷○裁陝西涼州府  
 平番縣西大通驛驛丞一添設縣丞一兼管驛務其沙井一驛改  
 隸蘭州轄○辛未諭內閣自古明目達聰之道欲以周知庶務博  
 採羣情其責端在於臣工之襄贊然必公正居心斯能以忠言讜  
 論裨益政治苟或植黨營私辯言亂政此倡彼和顛倒是非實國  
 家之罪人為王章所不宥嘗觀前明季世一二新進後生竊居言  
 路遂朋比固結挾制大臣把持朝政以致國是日非而不可挽此  
 其炯鑒也我 世祖章皇帝 聖祖仁皇帝聖神御極大觀在上  
 言路宏開羣邪屏息一切猖狂澆薄之風早已翕然丕變雖有不  
 肖之徒亦無能施其伎倆矣朕即位以來以公聽並觀為務以納  
 忠廣益為先既命滿漢文武大臣指陳政務又命科道等於露章

三三九



之外准具密摺奏事蓋以國家事務殷繁人情弊端種種諸臣有陳奏之心或有不便顯言之處故令密封進呈所以免其瞻顧去其嫌疑俾得各抒所見盡言無隱庶國計民生均有攸賴又如國家任事出力勤慎素著之大臣所辦公務既多豈能保其無所錯誤若因此而被指摘殊非情理其他偶罹過愆或其子弟家人生事失於覺察一經彈劾若朕不加處分則近於護庇若加以處分則彼之宣力甚多而不能恕其一眚朕心實爲不忍不若言事者密陳朕前待朕爲之斟酌輕重訓誨區處亦兩全之道凡此皆須出於至公至當方有裨益於風俗人心非使不肖言官藉密奏以自便其私也乃營私植黨之徒竟欲以此逞其奸黠甚或密行告訐詆毀大臣撓亂國政此風斷不可長朕是以降旨停止科道官之密摺止令各用露章蓋以其在大廷廣眾之間自不敢挾私心

東華錄

雍正十四

聖

而昧公道也乃復有公然紊亂黑白顛倒是非輒欲輕變舊章擅作威福者其餘則摭拾陳言苟且塞責又或相率而爲依違緘默之計竟未見一人一事實有所建白裨益於國計民生者夫以朝廷耳目之官視國家之政治如陌路而又欲以進諫之美譽歸之於己以不能納諫之名歸於君上忍心害理莫此爲甚言官以進言爲職豈容以國家之事沽一己之名朕之廣開言路者實欲以眾人之耳目爲朕之耳目使民隱得聞萬事就理並非邀虛懷受諫之名博建韜置鐸之頌也乃向來科道官密奏之弊如此近來露章之習又如此中外所共知共見者朕不得不再三訓飭言官有補闕拾遺之職庶幾痛改頹風洗滌故習盡諫言獻替之道成蕩平正直之風科道不愧諫議之官國家得收納言之效儻復蹈昔年故轍則有害而無益矣著傳諭科道等嗣後條奏事件著如

文武大臣等輪班具奏○壬申諭廣東督撫聞粵東地方四民之外另有一種名爲蠶戶卽蠶蠻之類以船爲家以捕魚爲業通省河路俱有蠶船生齒繁多不可數計粵民視蠶戶爲卑賤之流不容登岸居住蠶戶亦不敢與平民抗衡畏威隱忍踟躕舟中終身不獲安居之樂深可憫惻蠶戶本屬良民無可輕賤擯棄之處且彼輸納魚課與齊民一體安得因地積習強爲區別而使之飄蕩靡甯乎著該督撫等轉飭有司通行曉諭凡無力之蠶戶聽其在船自便不必強令登岸如有力能建造房屋及搭棚棲身者准其在於近水村莊居住與齊民一同編列甲戶以便稽察勢豪土棍不得借端欺陵驅逐並令有司勸諭蠶戶開墾荒地播種力田共爲務本之人以副一視同仁之至意

東華錄

雍正十四

聖

六月甲戌朔封土默特塔布囊沙津達賴爲輔國公○添設浙江台州府屬之海門前所家子三江口新亭章安道頭江口汛等處礮臺巡船○乙亥諭朕前所批岳鍾琪奏摺偶檢幾件發與曾靜看朕與岳鍾琪君臣之際一德一心在岳鍾琪之忠誠報國公正無私實自古大臣中所罕見而朕以至誠御下恩眷大臣亦極倚任之優崇洵爲上下交孚明良盛事且朕所批岳鍾琪奏摺甚多此不過數十分中之一分而摺內加恩岳鍾琪之處亦不過百分中之一分而曾靜乃欲上書勸之謀反豈非醉生夢死冥頑無知之人乎此乃天道不容令其自行敗露也查曾靜逆書內有傳聞岳鍾琪兩次進京陛見俱不允行岳鍾琪深自危疑因而上書等語曾靜平昔夷狄之見橫介於胸中又聞此無根之語不覺其逆心之愈熾遂爲此孟浪之舉但此傳聞之說必有所自來著曾靜確實供出以曾靜之所犯如此大罪今尙蒙朕之寬宥則傳說



浮言者若能悔改亦必從寬貸况傳說者未必即為造言之人若由曾靜供出之人轉究造言之緣起則此事可得歸結著杭奕祿海蘭詳悉宣示曾靜欽此○丁丑諭內閣游惰之民自昔治天下者所深惡若賭博之人又不止於游惰而已荒棄本業蕩廢家貲品行日即於卑污心術日趨於貪詐父習之則無以訓其子主習之則無以制其奴鬪毆由此而生爭訟由此而起盜賊由此而多匪類由此而聚其為人心風俗之害誠不可以悉數也凡為不善之事者雖干犯功令猶可得微利於一時獨至賭博則今日之所得明日即未必能保若合一年數月而計之勝者與負者同歸於盡此人所共知者無如邪僻之人一入其中迷而不悟數年以來屢次降旨嚴禁而此風尙未止息者以尙有製造賭具之人而有司之禁約未盡力也百工技藝之事可以獲利營生者何事不可

東華錄

雍正十四

聖

為而乃違禁犯法製此壞風俗惑人心之具其罪尙可言乎嘗思賭博之風所以盛行者父兄為之子弟在旁見而效之家主為之奴僕在旁見而效之甚至婦人女子亦沈溺其中而不以為怪總因習此者多故從風而靡者眾也假若嚴行禁止使人不敢再犯則日積月累此風自然止息無俟條教號令之煩也凡地方大吏有司均有化民成俗之責而乃悠悠忽忽視為泛常安辭溺職之咎今特定本地官員勸懲之法以清其源嗣後拏獲賭博之人必窮究賭具之所由來其製造賭具之家果審明確有證據出於某縣將該縣知縣照溺職例革職知府革職畱任督撫司道等官各降一級畱任如本地有私造賭具之家而該縣能緝拏懲治者知縣著加二級知府著加一級督撫司道等官著紀錄二次將此勸懲之法永著為例該督撫通行曉諭○理藩院奏達賴喇嘛之父

東華錄 雍正一四

索諾木達爾扎奉表進貢方物得旨索諾木達爾扎乃達賴喇嘛之父指教達賴喇嘛學習經典保護達賴喇嘛勤勞多年西藏之事毫不干預甚屬可嘉著封為輔國公○戊寅實授樓儼廣東按察使○己卯解楊鯤任以唐執玉署直隸總督由左都御史署○靖邊大將軍公傅爾丹奏兗州右營車兵李中倫拾有銀兩驗係皇賞情願歸還失主隨經查訪係北樓營車兵韓吉玉遺失驗看相符願歸拾取之人李中倫復堅辭不受應加獎賞得旨講讓與廉最為美俗而師旅出征尤以人和為貴今李中倫拾取遺金知為恩賞軍士之物即時稟知該管將弁情願給還本人似此見利思義同心同力之忱惻甚屬可嘉著賞銀六十兩以示嘉獎並傳諭內外直省兵丁等果聞風慕義共敦善行必仰蒙上天之賜同受國家之恩矣○甲申科道巴德保等遵旨將輪班條奏之處公同酌

東華錄

雍正十四

聖

議仍以無庸輪班合詞具奏得旨據爾等科道奏稱不敢輪班密奏者誠恐拘於班次限於奏期無可條陳摭拾細事冒瀆聖聰等語朕見諭部院旗下文武大臣輪班條奏其所言果皆摭拾細事冒瀆朕聰乎如爾等以輪班密奏為摭拾細事冒瀆朕聰則輪班為不可行矣既不可行則文武大臣之輪班條奏爾等即當奏請停止乃又緘默不言何也據爾等奏稱皇上於天下之事無不周知辦理妥協等語朕於天下之事無不周知者以進言之路廣也若如爾等之無所陳奏朕雖欲周知天下之事其可得乎爾等職司言路此所奏不合著另行定議具奏○裁廣東惠州府碣石衛守備一添設惠州府海防軍民同知一駐紮碣石衛裁海豐縣南豐平安二驛驛丞各一添設巡檢二分駐河田汕尾地方改東海客驛丞為東海客巡檢併歸新設海防同知轄○乙酉諭內閣朕



愛養黎元遐邇一體而邊遠之地小民家計不及近省尤朕心之所繫念數年以來甘肅四川雲南貴州廣西五省有用兵西藏及勦撫苗蠻等事其一應軍需皆動用公帑備辦秋毫不派及於民間有糧餉轉輸亦有資於民力今藏地苗疆俱已甯謐朕心嘉慰特沛恩膏著將庚戌年甘肅四川雲南貴州廣西額徵地丁銀兩悉行蠲免其西安各屬地方近日亦有豫備軍需之事朕心軫念著將庚戌年額徵錢糧蠲免十分之三此六省督撫大吏宜仰體朕心轉飭所屬有司敬謹奉行務使閭閻均沾實惠如有奉行不力被不肖有司暗飽私囊或奸胥土棍強劣紳衿包攬侵蝕者經朕訪聞必將通省大小官員分別從重治罪至於國家設官本以理民官有恤下之責民有奉上之義若設官而不為計及養廉之資則有司之賢者將窘迫而莫能支不肖者又橫取而無所檢是

東華錄

雍正十四

兗

以酌定將錢糧耗羨均給各官此揆情度理上下相安之道但思加恩百姓豁免正賦若將耗羨一併蠲除是民雖邀額外之恩而官員轉有拮据之苦上司或因此稍有寬假則必致巧取苛索於民流弊種種轉多於耗羨之數於吏治民生均無裨益著於庚戌年為始凡遇特恩蠲免錢糧者其耗羨仍舊輸納諒必民所樂從若因水旱蠲免者不得徵收耗羨將此永著為例○丙戌諭內閣浙江逆賊呂留良凶頑梗化肆為誣謗極盡悖逆迺其逆徒嚴鴻達者實為呂留良之羽翼推尊誦法備述遺言又從而恢張揚厲以附益之其詞有較呂留良為尤甚者夫呂留良以本朝諸生追附前明儀賓之末裔無端反噬憤懣猖狂已屬從古亂臣賊子中所罕見至若嚴鴻達自其祖父已為本朝之編氓踐土食毛戴高履厚嚴鴻達之於明代豈有故君舊國之思而於我朝實被逐生

樂育之澤何所庸其感憤何所庸其追憶而亦敢效顰乎茲擇其悖逆之語一併宣示日記有云索倫地方正月初三日地裂橫五里縱三里初飛起石塊後出火近三十里內居人悉遷避又云熱河水大發淹死滿洲人二萬餘又云十六夜月食其時見眾星搖動如欲墮狀又或飛或走羣向東行又云舊年七月初四日星變欽天監云此星出天沛垣入天市垣分野屬吳越有兵起於市井之中凡此荒唐叛逆之語自康熙五十五年及雍正六年內所記載者不勝枚舉其中惟索倫地方擁石出火實有之事蓋彼地氣脈使然前此已經屢見其旁遠近山頂亦有烈燄者而嚴鴻達以此為譏訕乎至熱河發水一事因此地山回巒抱中惟一道河流每雨水稍大眾水所匯或致衝決隄岸康熙四十八年六月大雨連晝夜其時附近行宮一帶地處高阜惟隔岸山根之下為水所漫溢本地久居之民及扈從之官兵皆知雨止水即減退安重不遷惟寄居之匠人等驚惶迷惑或有愚人編木為筏謂可乘流而渡遂有木筏觸石而解沈溺者數人是時朕以輪班恭請 聖安隨從官員二三百人駐紮即在水發之地因約束嚴整無一妄動之人及至水退皆安然無恙無一人被水者乃嚴鴻達謂淹死滿洲人二萬餘何妄誕至於斯極且熱河之地五方之人畢集而嚴鴻達謂獨淹死滿洲有此理乎嚴鴻達生今之世為今之民明代淪亡已久而我朝定鼎業經百年有餘乃臆造謠言好亂樂禍於昇平甯謐之時作干戈擾攘之望以 聖祖之德盛化神而公然誣蟻以今日之民安物阜而朝夕呪詛種種喪心病狂皆拾呂留良之唾餘而尤加幻妄豈非兇逆性成萬死有餘之逆賊乎且伊又貌作迂腐曲謹之態浮薄之士簞鼓其虛譽致有廷臣以纂修

東華錄

雍正十四

平



明史薦舉及伊者伊乃自鳴得意抗慢詭激其自記有云予自意定當以死拒之耳其大言藐抗若此又云衡州人張熙字敬卿來見言其師曾靜永興縣人在彼中講學學者稱蒲潭先生從前因讀講義始棄諸生夫以朕特旨詔修明史旁求山林隱逸之士而廷臣薦舉及伊至欲以死力拒竟視朝廷如兒戲等徵召於弁髦而於逆賊曾靜等叛亂悖惡之徒尺書馳問一介相通則數千里之外呼吸相應招納黨類天地間顯圖不軌擾亂綱常未有兇狡至於此極者也似此悖逆叛亂之人煽惑民心且獲罪於聖祖皇考與呂留良黨惡共濟其罪不容於死嚴鴻逵應作何治罪之處著九卿翰詹科道會同速議具奏○戊子諭內閣我朝建極綏猷遐邇率育海隅日出莫不尊親乃逆賊呂留良嚴鴻逵兇悖惡亂無父無君著書顯為謗訕於本朝之大統肆為詆斥之詞於我

東華錄

雍正十四

聖祖仁皇帝之深仁厚澤偉烈豐功任意為誣駭慢詛之語其猖狂妄幻肆無顧忌人人痛心疾首不共戴天朕已降諭旨將伊等極惡大罪之處宣示中外諸臣公議治罪至於嚴鴻逵之徒沈在寬生於本朝定鼎數十年之後自其祖父已在覆幬化育之中非止身被德教者可比綱常倫理之大義尤當知懷乃墮惑逆黨之邪說習染兇徒之餘風亦懷不逞附會詆譏慕效梗化之民稱本朝為清時竟不知其身為何代之人狂悖已極此沈在寬與呂留良嚴鴻逵黨同叛逆之彰明較著者也至其所著詩集有云更無地著避秦人又云陸沈不必由洪水誰為神州理舊疆此以本朝之宅中立極化理邇隆目為神州陸沈有同洪水之患其謬戾尤為狂肆且即以洪水言之明代二百餘年黃運兩河時時潰決生民日有淪為波臣之懼我聖祖仁皇帝時塵憂勤詳示方略

躬親相度至於再三凡所以修築捍禦之策疏濬導刷之宜悉經睿慮精詳盡美盡善以致川流循軌黃水安瀾數十年來隄工鞏固億姓永無昏墊之虞共享平成之慶迨朕紹膺丕緒恪遵謨烈加意修防仰荷上天眷佑七年以來河流咸歸故道海口深通清淮迅暢三省運道通行無阻至於北直畿輔之地南省浙江等處凡有海塘河渠以及應行經理水利之處皆漸次興修蓄洩以時旱潦有備府事修和桑麻徧野此時之神州何處可指為陸沈又何地可指為洪水乎且沈在寬云誰為神州理舊疆其意欲將神州付之何人經理也沈在寬年未滿四十而亦效其師之狂悖肆詆本朝乃於逆賊曾靜之徒張熙千里論交一見如故賦詩贈答意同水乳此其處心積慮以叛逆為事其罪實無可道著交與刑部將沈在寬訊取口供具奏○復設廣東廣州府東匯

東華錄

雍正十四

關批驗所大使一添設饒平縣東界場陽江縣雙恩場大使各一裁新甯縣雉崗場大使一併歸海晏場大使兼管○癸巳諭內閣浙江總督李衛之母汪氏訓子成名壽逾大耋前已降旨照伊子尚書品級給與封誥以昭特恩今伊子來京陛見未及回任遽聞溘逝深為憫惻著賜祭一壇令署督桂致祭李衛著給假兩月料理伊母喪事其各任印務暫著性桂蔡仕舫等照前署理○諭刑部前因直隸盜案往往多於他省是以降旨令將直隸盜案仍照舊例不分首從皆斬後因定例伊始鄉僻愚民未必人人盡知若一概置之重辟於心實為不忍是以將直隸盜案亦暫照各省盜案分別斬決發遣二項歸結原冀愚頑之輩感恩畏法遷善改惡共為良善之民也乃年來直隸盜案雖似略減而仍復不少且有所得贓物甚微非積盜行劫數次之人而甘心罹於重法者朕



推原其故必係地方有司未將從前首從皆斬之諭旨剴切詳明  
通行曉諭是以伊等罔知儆懼復蹈前轍用是再頒此旨著直隸  
總督徧行曉諭自庚戌年為始直隸境內再有為盜劫之事者定  
照首從皆斬之舊例行如地方官仍疏忽從事不明白徧行曉諭  
將來事發一併嚴加治罪○甲午賑江西大庾南康二縣水災饑  
民○丙申諭刑部等衙門聞得外間訛傳六月二十四五將開屠  
宰耕牛之禁回子等俱欲齊來謝恩等語又聞民間竟有私宰耕  
牛之事此必姦人造為訛言誘人犯法以撓禁令也凡朕所降旨  
禁約者事事皆欲濟民之用厚民之生無一事為朕之私心便用  
而設也如禁用黃銅所以裨益鼓鑄流通國寶朕豈別有需用黃  
銅之處乎如禁賭博所以端人心而厚風俗賭博之為害於人心  
風俗朕已屢降諭旨甚詳且悉非愚頑不移之輩無一人不以禁

東華錄

雍正十四

聖

約為當也至於禁宰耕牛以耕牛為農田所必需墾田播穀實藉  
其力世間可食之物甚多何苦宰牛以妨穡事乎今朝廷所需除  
祭祀照例供用其餘亦一概不用牛肉矣年來自禁用黃銅之後  
而錢價漸平民用頗利矣自禁賭博之後而開場聚眾者亦略知  
畏懼斂迹矣自禁宰耕牛之後而農家向日數金難得一牛者今  
已購買易而畜牧蕃矣可見利益民生之事亦既行之有效為良  
民者必皆知朕大公愛民之心為良有司者必能實心遵朕愛民  
之政惟百姓中有回子一類以宰牛為業試思買遷有無百工技  
藝何業不可營生而必欲為此犯禁傷農之事國家亦豈肯因一  
二游手回民無理之營生而令妨天下萬民之生計夫朕所禁之  
事必審度再四灼見其必應禁止然後見諸施行豈有旋禁旋開  
朝三暮四之理乎今訛傳宰牛開禁之語必係為匪姦徒造作言

語煽誘愚民使之犯法而於中取利甚屬可惡著該部步軍統領  
順天府府尹五城御史等通行曉諭京城直省並嚴行查訪如有  
違禁私宰耕牛及造為種種訛言希圖煽誘者立即鎖拏按律盡  
法究治如該管官不實力嚴查致有干犯者定行從重議處○已  
亥陝西總督岳鍾琪奏陝屬設立社倉一事懇請特頒諭旨恭錄  
鑄石又擬列社倉條約並請刊刻木榜以昭程式得旨朕惟國家  
建立社倉原令民間自行積貯以百姓之資糧濟百姓之緩急其  
春貸秋償及滋生羨息各社自為經營登記地方有司但有稽查  
之責不得侵其出納之權此社倉之古法也是以各省有請立社  
倉者朕皆令其聽從民便毋得強勒捐輸繩以官法以致便民之  
舉轉為民累所以曉諭各省督撫者不啻至再至三矣從前岳鍾  
琪在京時請於通省加二火耗內應行裁減每兩五分之數且暫

東華錄

雍正十四

聖

行徵收發與民間採買穀石分貯社倉俟採買數足即行裁減是  
於暫收耗羨之中隱寓勸輸之法實則應行的酌減之耗羨即小民  
切己之貲財而代民買貯之倉糧即小民自捐之積貯此藏富於  
民之良法最為切實而易行是以愈允所請令其辦理乃陝省官  
員不知此項穀石本係民貲又未識從前岳鍾琪奏請之由以為  
收貯在官即是公物不肯付民經管而胥吏司其出納者遂有勒  
買勒借之弊殊非數年以來朕之周咨詳盡多方生養斯民本意  
矣今特降諭旨將朕允從岳鍾琪之請並岳鍾琪陳奏原委明白  
曉示著署督查郎阿巡撫武格刊石頒布俾各州縣鄉社小民咸  
知朝廷經營設法之蓋藏實百姓自為斂散之資用儻地方官有  
於社倉穀石勘議交官不交百姓或指稱原係公項豫為公事侵  
那之地者俱以擾撓國政貽誤民生論從重治罪其岳鍾琪所擬



社倉條約著戶部鈔錄交與該督撫分發各州縣刊刻木榜於各鄉社倉暨立以為永久程式○庚子吏部議獲直隸布政使王馨奏各省藩庫俱設庫大使一官秩雖微職掌甚重向例以吏員銓選人品不一請照鹽大使例將候選知縣州同州判縣丞等揀補給與八品職銜與按察使知事等官較俸升轉從之○辛丑諭內閣據順承郡王錫保以在軍前效力之謝濟世註釋大學毀謗程朱參奏前來朕觀謝濟世所註之書意不止毀謗程朱乃用大學內見賢而不能舉兩節言人君用人之道借以抒寫其怨望誹謗之私也其註有拒諫飾非必至拂人之性驕泰甚矣等語觀此則謝濟世之存心昭然可見朕即位以來於用人之際至公無私不惟可以自信亦天下臣民所共知者即以田文鏡謝濟世二人之事言之田文鏡在 聖祖仁皇帝時為內閣侍讀學士朕從未識東華錄 雍正十四 五

其面亦並未知其姓名因雍正元年伊奉差祭告華山回京陛見將山西通省荒歉情形急切陳奏備極周詳朕以山西被災其時之巡撫德音身在地方不奏聞而田文鏡以奉差經過之員念切民瘼直言無隱其忠君愛國之忱惻深屬可嘉遂令田文鏡前往山西撫綏賑濟伊到彼果能盡心辦理於是將伊授為山西布政使令與諾岷和衷共濟嗣因河南諸事廢弛調任河南布政使未幾擢為河南巡撫見今授以河東總督之任一二年間深加信任尚可謂之見賢而不能舉舉而不能先乎又如李紱蔡珽與黃振國邵言綸汪誠等結黨行私營求報復而謝濟世姦惡復戾聽其指使參奏田文鏡貪贓納賄任意誣讎借直言政諫之名行其排擠傾陷之計朕當謝濟世陳奏之時立即洞燭其奸拏交刑部審問朕尚未忍置之重典著令革職發往軍前效力贖罪一時在

廷諸臣無不以為至公至當似此尙可謂之見不善而不能退退而不能遠乎至於朕心並無私好私惡惟以其人之善惡為好惡以眾論之是非為好惡何常豫存成見於胸中即如引見各官有見其才具似優者亦令該上司試看有見其人似屬平常者亦令該上司試看並諭令該上司秉公考課不必存迎合瞻顧之念是以各員莅任之後或朕旨曾獎其優而督撫參劾者多有之或朕旨以為平常而督撫保題稱職者亦有之朕未嘗以一己之好惡令天下督撫以阿徇而各督撫亦能仰體朕意從未嘗以朕之好惡漫為迎合也朕之用人惟期有益於國計民生者可謂之好人之所惡惡人之所好乎謝濟世於公正任事之田文鏡則肆行誣參於焚賊不法之黃振國以及黨護鑽營之李紱蔡珽邵言綸汪誠等則甘聽其指使而為之報復乃直顛倒是非紊亂黑白好惡東華錄 雍正十四 五

拂人之性者矣天理國法所不能容蓄已逮身而猶不知省懼何其謬妄至於此極夫拒諫飾非之說乃朕素所深戒然必責難陳善忠言諫論而後可以謂之諫若乃排擠傾陷之私言奸險狡惡之邪論豈可以直諫自居而冀朕之聽受耶試問謝濟世數年以來伊為國家敷陳者何事為朕躬進諫者何言朕所拒者何諫所飾者何非除處分謝濟世黨同伐異誣陷良臣之外尙能指出一二事否乎謝濟世以應得重罪之人從寬令其效力乃仍懷怨望恣意誹訕甚為可惡應作何治罪之處著九卿翰詹科道秉公定議具奏○以王廷揚為戶部右侍郎由通政使遷○壬寅諭廣西省在京官員據廣西學政衛昌績奏稱粵省風俗澆漓而紳士實為倡首即該省鄉紳之在京居官候補者亦稱本地紳士庶民湔洗積習未能驟除應設觀風整俗使以司化導等語朕觀廣西乃邊遠



小省通籍於朝者本不多人而其中即有謝濟世陸生柎者狂悖  
魯陵目無法紀則該省風俗之薄劣即此可見矣今御史陳宏謀  
等請照衛昌績所奏設立觀風整俗使獨不思爾等紳士乃兆庶  
之觀瞻閭閻之坊表若爾等果能於忠孝禮讓之道身體力行以  
為眾人之模楷而又各教訓其子弟各規勸其鄉黨則小民慕義  
嚮風觀感興起風俗自日歸於醇厚若不能端本澈源躬先表率  
而望秉鐸司教之官家諭戶曉使之改過遷善易俗移風所謂逐  
末而忘其本也爾等各思嘉惠桑梓貽福子孫當於己身自求之  
○癸卯裁陝西鄜州三川驛延長縣文安驛清澗縣石觜驛綏德  
州義合驛吳堡縣河西驛驛丞各一潼關縣遞運所長武縣驛口  
遞運所大使各一○是月免甘肅安定平涼二縣雍正六年雹災  
額賦有差

東華錄

雍正十四

毛

東華錄

臣王先謙  
臣周澐 著 恭校

雍正十五

秋七月乙巳命山東省開局鼓鑄○丙午諭內閣據順承郡王錫  
保奏在軍前效力之陸生柎細書通鑑論十七篇抗憤不平之語  
甚多其論封建之利言詞更屬狂悖顯係非議時政參奏前來陸  
生柎由廣西舉人部選江南吳縣知縣朕覽其履歷奏摺前惟頌  
聖浮詞中閒不過腐爛時文無一語近於直言規正亦無一事切  
於國計民生而倨傲誕妄之氣溢於言詞知其人必非醇謹及至  
引見之時舉動乖張朕將伊摺內之語詰問數條陸生柎總默然  
不能對但聞朕教訓轉多憤懣之色彼時將伊扣缺令以主事試  
用蓋以其人或小有才令其在京辦事學習以冀悔改也後伊改  
授工部主事引見時不惟毫無敬畏且傲慢不恭顯然逆抗形於  
詞色夫主事職列部曹外任知縣歷俸多年或卓異行取始得升  
補而陸生柎以邊方舉人筮任之初即膺茲職尚何負於伊而伊  
竟敢懟及君父乎伊係廣西人平日必有與李紱謝濟世結為黨  
援之處故敢如此是以將伊革職發往軍前與謝濟世同時效力  
一則令其觀滿洲尊君親上之心如此其謹懍一則令其觀我朝  
兵營之制如此其整嚴一則令其觀各蒙古部落熙皞醇樸之風  
如此其誠實庶冀伊等化去私邪勉於自新之路詎意陸生柎素  
懷逆心毫無悔悟怙惡之念愈深好惡之情益固借託古人之事  
幾誣引古人之言論以洩一己不平之怨怒肆無忌憚議論橫生  
至於此極也前錫保起行之時朕諭以軍前效力之漢官等果能  
安靜守法自知罪過則皆可貸其前愆開予自新或有私自著作

東華錄

雍正十五

一



怨懟罔上者亦未可定今果得陸生枏所著之書悖逆之情盡行敗露其論封建云封建之制古聖人萬世無弊之良規廢之爲害不循其制亦爲害至於今害深禍烈不可勝言皆郡縣之故等語古人之有封建原非以其制爲盡善而特矜此以駕馭天下也洪荒之世聲教未通各君其國各子其民有聖人首出則天下之眾莫不尊親而聖人即各因其世守封之亦眾建親賢以參錯其間蓋時勢如此雖欲統一之而不能也夏禹塗山之會執玉帛者萬國周武王孟津之役來會者八百侯國豈非夏后周王之所封建乎孔子曰天下有道則禮樂征伐自天子出孟子曰天下惡乎定定於一孔子孟子深見春秋戰國諸侯戰爭之流弊其言已啟一統之先幾矣至秦始皇統合六國制天下以郡縣自漢以來遂爲定制蓋三代以前諸侯分有土地天子不得而私故以封建爲公

東華錄

雍正十五

秦漢之後土地屬之天子一封建使多私心故以郡縣爲公唐柳宗元謂公天下自秦始皇宋蘇軾謂封建者爭之端皆確有所見而云然也且中國之郡縣亦猶各蒙古之有部落耳歷代以來各蒙古自爲雄長亦互相戰爭至元太祖之世始成一統歷前明二百餘年我太祖高皇帝開基東土遐邇率服而各蒙古又復望風歸順咸稟正朔以迄於今是中國之一統始於秦塞外之一統始於元而極盛於我朝自古中外一家幅員極廣未有如我朝者也至若賈誼晁錯欲削弱諸侯乃慮分封之失而欲一之非以郡縣爲失而欲分之也李泌因藩鎮之兵連禍結思以封建爲自固之謀豈嘗謂三代之制必可復乎今六合成大一統之天下東西南朔聲教所被莫不尊親而陸生枏云以郡縣之故至於今害深禍烈不可勝言試問今日之禍害何在陸生枏能明指之乎大凡叛

逆之人如呂留良曾靜陸生枏之流皆以宜復封建爲言蓋此種悖亂之人自知奸惡傾邪不容於鄉國思欲效策士遊說之風意謂封建行則此國不用可去之他國殊不知狂肆逆惡如陸生枏之流實天下所不容也又云聖人之世以同寅協恭爲治後世天下至大事繁人多奸邪不能盡滌詐僞不能盡燭大抵封建廢而天下統於一相既勞而不能深謀君亦煩而不能無缺失始皇一片私心流毒萬世等語同寅協恭固爲治之要至於知人任相惟在人君之明哲漢唐以來有賢君圖治於上則必有良相助治於下豈萬世無一知人之主乎且同寅協恭之道於封建何與陸生枏肆意妄言支離繆戾至於如此其言建儲也借引漢武帝戾太子事發論云儲貳不宜干預外事且必更使通曉此等危機等語書有教胄子之文禮有文王世子之篇儀文明備教戒周詳凡以

東華錄

雍正十五

養成德性欲其學於古訓深知民情物理之微周知人間疾苦稼穡艱難之故豈可禁之不聞外事乎至於父子天性家國一理惟有至誠至敬可以爲事親之道危機之說豈人子所忍形於言存諸心者乎設使江充掘蠶之時太子能居易俟命不詐出武庫兵發長樂衛則決不至有湖城之難是戾太子之禍正由於曉危機也又陸生枏云有天下者不可以無本之治治之等語其意借鈎弋宮堯母門之事以譏本朝之不早建儲貳夫建儲之事乃宗廟社稷萬世之業所關天下蒼生萬民之命所繫也儻不加慎重而所立不得其人其後不易之而不可欲易之而不可以至激爲多故者前代史冊歷歷可稽孟子曰爲天下得人者謂之仁又曰爲天下得人難言主器之重必得其人足以承先啟後者然後可以付之也我朝太祖高皇帝開創以來未嘗豫建儲位而我太



宗文皇帝繼位丕承恢宏大烈 世祖章皇帝紹業膺圖撫有中夏 聖祖仁皇帝深仁厚澤御宇絳長凡我朝 聖 聖相承皆未由先正青宮而後踐天位迺開萬世無疆之基業錫億兆民之洪庥逮朕纘登大寶承重熙累洽之盛統七年以來中外又安是我朝之國本有至深至厚者愚人固不能知也昔宋孝宗時虞允文請早建儲貳孝宗曰恐儲位既正人性易驕即自縱逸不勤於學疑有失德所以未建者庶幾無後悔耳孝宗尙知立儲之不易況我朝 聖哲高遠之見十倍於孝宗乎如陸生枏借漢武之事以譏刺者實爲彌天不可赦之罪人也其論兵制也則稱唐之府兵云李泌爲德宗歷敘府兵興廢之由府兵旣廢禍亂遂生至今爲梗上陵下替又云府兵之制國無養兵之費臣無專兵之患等語唐初府兵之制本於北周蘇綽之議其後變爲彊騎乃府兵東華錄 雍正十五年 四 廢弛不得不出於召募也德宗之世召募者多市人不可用故欲復府兵之法然其時亦竟不能復孔子曰以不教民戰是謂棄之無事耕種之農豈能嫻於武備有事徵發之擾豈能兼顧農桑以此爲制不但棄其兵並棄其民矣古者六鄉六遂之法遠不可稽後世民以養兵以衛民彼此相資唐宋以來法制漸詳軍農實稱兩便安有惜養兵之費而棄不教之民者乎本朝設立八旗京師重地禁旅雲屯又有巡捕三營以詰姦禁暴外省分設駐防將軍以及提鎮內外相維訓練甚備無事則分處什伍兵不擾民有事則整旅出疆兵以衛民此萬古之良法今八十年來太平無事老者以壽終幼孤得遂長孰非兵防衛守之力哉民間雖有正供以佐軍糈然所出僅百分之一耳其得養兵之利也多矣而陸生枏之爲此說者蓋其懷蓄逆亂之心鬱不得逞故以國無養兵

之費以搖動人聽冀或更制以紊亂軍政所謂執左道以亂政言僞學非以疑眾者王法之所不宥也其論隋煬帝云後之君臣儻非天幸其不爲隋之君臣者幾希等語隋文帝以勤勞節儉爲治史稱其倉庫實而法令行至煬帝以驕奢淫佚自取敗亡非可諉之於天也後之人主不爲煬帝之行豈至有煬帝之禍又何爲而望天幸乎陸生枏之意又何所指也其論人主云人愈尊權愈重則身愈危禍愈烈蓋可以生人殺人賞人罰人則我志必疏而人之畏之者必愈甚人雖怒之而不敢洩欲報之而不敢輕故其蓄必深其發必毒等語人主身爲天子富有四海自堯舜禹湯以來一人有慶兆民賴之豈有位尊而卽危禍者乎至於生殺賞罰人主皆奉天命天討以行之其生殺賞罰者皆其人之自取耳朕臨御以來日理萬幾皆奉若天道因物以付未嘗以己意生殺人賞東華錄 雍正十五年 五 罰人而陸生枏爲畏之怒之報之之說試問在廷諸臣朕自雍正元年以來曾以藩邸舊人而擢用者何人曾因當時宿怨而治罪者何人且朕從前與外廷之人毫無恩怨又何所庸其畏何所庸其怒何所庸其報哉且云蓄必深發必毒此陸生枏指阿其那等而言抑陸生枏自蓄此心也阿其那等各案內外臣工之所共知無俟朕再爲告諭陸生枏亦身列仕籍豈無見聞而爲此論其狂悖惡亂不亦甚乎又云雖怒之而不敢洩欲報之而不敢輕乃陸生枏自述其心也明矣雖蓄怒而不敢顯言是以託於論列通鑑以微洩其憤又怨而欲報欲報而不能但以身危禍烈等語肆爲呪詛其逆謀發露公然形於紙筆矣其論相臣云當用首相一人首相奸詔誤國許凡欲效忠者皆得密奏卽或不當亦不得使相臣知之等語夫從來不廢密奏者原欲周知天下之利弊無專令



參揭相臣之理况尊賢之道最要在於去讒敬大臣之道在於官  
盛任使君臣一德一心乃爲元首股肱之義是以擇相之道惟在  
得人若既得其人而又使人密奏且奏或不當而猶多方掩飾是  
窺伺挾詐教人以讒慝而招人以排陷也且相臣果屬儉邪便當  
諸章宣奏而羣小故爲排沮或欲動搖大臣或從門戶起見人主  
自宜分別是非以定邪正豈可調停和處於其間乎又云因言固  
可知人輕聽亦有失人聽言不厭其廣廣則庶幾無壅擇言不厭  
其審審則庶幾無誤等語舜命禹曰無稽之言勿聽勿詢之謀勿  
庸召公奭告武王曰言以道接朕於人言必決之以理揆之以情  
未嘗拒人之言亦未嘗輕聽人言此內外臣工所共知者陸生枏  
何爲而有此譏議乎又云爲君爲臣莫要於知人而立大本不徒  
在政迹然亦不可無術相防等語君臣之間豈容絲毫權術乎三  
東華錄 雍正十五年 六

讒聞慮疏虞憂盛危明防微杜漸而已至若籩豆之事則有司存  
等語從古聖帝王之道未有不以勤勞自勵而以逸樂無爲爲  
治者也是以治天下莫大於用人理財二端理財一事自應付之  
臣下至用人之權不可旁落今試以銓選之權付之大臣大臣敢  
膺此任乎無論稍存容私徇情之見者固不可一日當此重任即  
秉公持正之人於用舍黜陟之際不爲怨府卽爲禍源矣至若懋  
昭令德克勤小物不泄邇不忘遠古訓昭然漢宣帝綜覈名實治  
理一新光武務勤吏治唐太宗書守令姓名於御屏朝夕省覽古  
來賢主未有不本於勤勞者豈可以用人大節爲籩豆之事置之  
不問也又云絳度數諫異縛順從是以陷於朋比而不知蓋有聖  
功卽有王道使徒明而不學則人欲盛而天理微固不能有三代  
之事功至力衰而志墮未有能如其初等語夫嘉謀嘉猷入告於  
東華錄 雍正十五年 七

載考績必以政事爲據若不以政迹人亦何由而知耶其論王安  
石云賢才盡屏諮謀盡廢而已不以爲非人君亦不知人之非則  
並聖賢之作用氣象而不知等語聖人廓然大公物來順應有何  
作用乎宋神宗銳意求治而安石任意更張其失在於作用明矣  
又云篤恭而天下平之言彼固未之見知天知人之言彼似未之  
聞也人無聖學能文章不安平庸鮮不爲安石者等語安石之誤  
國在於不引其君於當道非謂知天知人惟有端居深拱靜默無  
爲篤恭於無聲無臭之表而遂可使天下平也故夫篤恭而天下  
平者正由敬信勸威之道而極言其效如此非百務盡隳上下睽  
絕而後可爲治也其文詞議論險怪背謬無理之甚又其論無爲  
之治云雖有憂勤不離身心雖有國事亦第存乎綱領不人人而  
察但察銓選之任不事事而理止理付託之人察言動謹幾微防

爾后乃朕日所望於大小臣工者卽位以來時時諭令諸臣以忠  
言讜論面折廷諍凡內外諸臣條陳政務有當理而可行者必令  
廷臣詳議施行並未嘗拒諫諍而喜順從也至於人臣朋比歷代  
有之有以阿諛諂附爲朋比亦有以傾險倖直爲朋比如漢之梁  
竇唐之牛李宋之紹述明之門戶是也若唐虞之世盈廷師濟一  
德一心謂之朋比可乎以上皆陸生枏論斷通鑑中語朕指出數  
條如此陸生枏生當盛世服習詩書身叨乙榜赴選朝官非若曾  
靜之僻處深山曠野不知天高地厚冥頑不靈之人也且觀其人  
未嘗不小有才謂宜感恩戴德勉思報效而乃懷不逞之邪心於  
進身筮仕之時肆無稽之橫議於政教修明之日對越大廷則暴  
戾恣睢之氣形於詞色遠逐邊塞則猖狂怪誕之說任意發舒其  
意專以搖惑眾心擾亂政紀爲務朕實不知其怨望何自而生憤



激何自而積此真逆性由於夙成狡惡因之紛起誠不知天命而不畏小人中之尤無忌憚者也陸生相罪大惡極情無可追朕意欲將陸生柑於軍前正法以爲人臣懷怨誣訕者之戒著九卿翰詹科道秉公定擬具奏○命工部額外侍郎馬爾泰往江南清查逋賦○王璣緣事革職以彭維新署江蘇巡撫由吏部右○趙向奎緣事革職調高斌爲江蘇布政使以程元章署浙江布政使由著○雲貴廣西總督鄂爾泰奏貴州安順府地方高耀等寨生苗獍狎等內附○丁未諭內閣今日御史楊保條奏內稱內外秋審緩決人犯若至三年請令該部查明請旨減等發落則各犯俱沐隆恩不至於監禁患病死亡等語從來殺人者死律有明條其有一時鬪毆殺人而非謀殺故殺或事涉謀故而其人非此案之首犯尙有一綫可生之路則於秋審之時細加商酌有可矜者減

東華錄

雍正十五年

八

等發落餘皆從寬入於緩決之內此法外之仁也今楊保欲將緩決三年之犯悉行減等發落是欲將國家讞獄大公之典行一己沽譽之私心朕於眾之前面詰云設爾之父兄子弟被毆致死不卽抵償爾心能釋然乎且待至三年之後竟將兇犯減等釋放爾能無憾於心乎伊俯首自問亦云不能釋然無憾試思天下之人誰無父兄誰無子弟其戚屬爲人毆殺而殺人者竟得脫然無事不令抵償爲父兄子弟者孰肯甘心縱令死者或無父兄子弟而魂魄有知能自解散乎年來秋審後朕亦令大學士九卿於直省緩決人犯中擇其情罪稍有可原者查出具奏朕詳加審慎降旨減等發落此皆揆情度理信其可以服死者之心然後見諸施行非可任意縱情概行未減以博寬大好生之名也我 聖祖仁皇帝臨御六十餘年慎重刑獄矜恤民命諄諄訓誨讞獄諸臣懇

惻周摯朕卽位以來又復時時戒飭體訪大抵各處命案俱屬應抵之人無屈枉之事夫彼既傷人之命秋決時不卽抵償乃其幸也而監禁囹圄尙以疾病死亡爲苦乎夫獄多縲囚原非德政然必天下化行俗美比戶可封普天率土皆安分守法無盜竊姦宄之徒型仁講讓無鬪狠輕生之輩而後時雍風動實致刑措之風方爲邇洽若未能如是但將應行治罪之犯概從寬釋以博囹圄空虛之譽吾誰欺欺天乎朕實恥而不爲也況縱法實足長奸恐寬宥之後而犯者愈眾此更朕所不忍者也至於楊保奏中以州縣牢獄褊狹而引入旗人犯築建高墻分禁以爲念其暑熱之苦恐染疾患此奏亦與朕之本意不符朕思犯罪之旗人非有異於犯罪之民人也特以民人牢獄之中俱係盜賊匪類慣行不法之重犯若令旗人同在一處監禁轉相煽誘漸染惡習將來愈難化

東華錄

雍正十五年

九

誨改故令隔別分禁以防其煽誘句通之漸非欲令其寬閒自在也且天下焉有身在縲縶之人而尙慮其不能舒展安閒者乎又焉有因牢獄褊狹而縱囚廢法以使其自如者乎度楊保條陳之意將以寬釋犯人爲陰德事耶豈知爲人臣而不肯秉公執法實心辦事乃欲枉法以沽長厚之名使百姓含冤負屈其造孽無窮必遭天譴尙何陰德之有楊保身爲御史有言官之責朕屢次諭令條陳展轉推諉及首行條奏又將此必不可行之事希圖寬厚之稱而欲以刻覈之名歸諸君上其居心甚屬可惡著交部嚴加議處尋議楊保身爲言官混行條奏請照奏事詐不以實之律革職杖徒得旨楊保著革職發往阿爾泰驛站效力○戊申九卿等議奏謝濟世批註大學肆行譏訕怨望毀謗怙惡不悛陸生柑編寫通鑑妄抒憤懣猖狂恣肆悖逆已極俱應擬斬立決卽於軍



前正法得旨陸生柎謝濟世二人議罪之本仍交與順承郡王錫保發與陸生柎謝濟世看本內所載諭旨各條伊等有何辨對著詢明確供具奏○戶部議覆雲貴廣西總督鄂爾泰奏原任工部侍郎申大成條奏黔省軍田許照民田一體買賣每畝上稅銀五錢給契爲業經九卿議覆准行但黔省軍田一畝之價可買民田二畝應納糧賦一畝亦可抵民田二畝若再徵稅銀五錢於民生無益仰請豁免嗣後凡有軍田授受悉照常例報稅應如所請得旨從前申大成條奏朕發與九卿議覆而後施行今覽鄂爾泰陳奏與廷議迥異大凡發與九卿會議之案因朕不能深知原委及本地情形難以定其是非是以諮詢博採以期有益於民生吏治其本地熟習風土之人及曾經作官於其地者白當仰體朕心據實陳奏而九卿等亦當向深知灼見之人細加諮訪而後定議方

東華錄

雍正十五

十

爲實心任事之道乃年來廷臣定議而外聞不能奉行又復奏請更改之案甚多此皆定議時草率塞責而深知灼見之人隨聲附和不肯直指其利弊也申大成所奏軍田一案既不可行則從前會議時有軍田省分之九卿官員何以不肯直言今朕既知其不可行若避朝更夕改之名苟且遷就以致貽累民生朕不忍爲也嗣後若有地方之事經本籍之人及曾爲彼地大員之人會同定議具奏備事不可行該督撫等奏請更改者朕必加究問○己酉諭滿漢文武大臣等書曰兢兢業業一日二日萬幾蓋言爲君之難也又曰子違汝弼汝無面從退有後言蓋言人臣之當匡贊其君也朕之行事若有可議諸臣豈得漠然視之而全無相關之意乎縱不能如古直臣之面折廷諍而時常進見可以從容密奏朕樂於聞善不吝改過惟冀諸臣盡言規正以補其闕若面從心非

豈朕所望於諸臣者哉朕即位之初或尙有不知朕心而不敢盡言無隱者今廷臣侍朕六七年矣豈於朕之居心行事尙不能深知而存猜疑之見乎至於朕每日訓飭諸臣者並非但以責人而不求之於己也朕事事以身先之且深覺爲善之可樂循理之甚安書曰作德心逸日休孔子曰君子坦蕩蕩聖人之言確乎不易諸臣但試行之必有暢然自得之樂也○庚戌以宗室塞爾赫署工部右侍郎由副都統署○辛亥諭內閣黃河隄岸乃運道民生所關最爲緊要年來殫心經理增卑培薄幸隄工堅固共慶安瀾獨是工程報竣例應歸汎修防而額設河兵堡夫止能修補水浪衝激之區防備臨險搶護之用至於隄身一年之內風雨淋漓車馬踐踏漸至侵蝕者亦勢所必有而隄遠工多不能責諸寥寥兵役朕留心訪察已久又復詢問通曉河工之人知故明總河潘季馴每

東華錄

雍正十五

十一

歲派夫加高五寸載在河防一覽即從前河臣靳輔亦有每兵一名招募幫丁四名給以隄內空地耕種免糧歲令加土五寸之議與朕計慮之處實相符合朕思隄工雖千有餘里若按丈每年加修五寸計費不過三四萬兩儻置之不議一年剝削四五寸合十年而計之其所費之多恐有不止於加修之數者况河流漲漫不時難以豫料何若逐年增修保固爲未雨綢繆之計也著南北兩河總督尹繼善嵇曾筠悉心商酌具奏至於州縣派夫銅弊久經嚴革而募丁給田之說亦不可行其每年歲修之費或動用藩庫帑金或於臨河州縣應解公用銀兩內就近支給若有不敷仍於藩庫撥補亦著河臣一併定議具奏○諭目今漕運抵通新漕即須料理漕運總督性桂見署浙江總督事務其總漕印務仍著張大有管理○甲寅以劉聲芳爲戶部左侍郎由太常寺卿遷○議政王大



臣等議覆河東總督田文鏡遵旨議奏山東青州府為適中要地內與陸路各營聲勢聯絡外與沿海營汛呼吸相通設立滿洲兵駐防可以資彈壓而重保障查青州府北城外有古廢東陽舊城基址請建造城垣衙署營房可以駐兵數千應如所請青州城外建造新城後自京派撥八旗滿洲兵二千永遠駐防設將軍一副都統一管轄並設協領四佐領十六防禦十六驍騎校十六再添設理事同知一隨印筆帖式三鑄給印信關防其俸祿糧餉等項俱照各省駐防之例支給從之○丁巳諭內閣各省鄉試舊例以巡撫為監臨布政使為提調道員為副提調按察使為監試道員為副監試朕思藩臬二員乃通省錢糧刑名之總匯入場一月有餘將地方公事沈閣遲延於官民均為未便況場務既有道員二人則科場之事已有大員料理不必又用藩臬從今科始各省以

東華錄

雍正十五年

三

道員一人為提調官一人為監試官永著為例○庚申雲貴廣西總督鄂爾泰奏滇省廣南府城三月初七日日麗中天慶雲擁護自午至酉萬眾歡呼下部知之○改廣東廣州府理雅同知為廣東理雅軍民同知升府屬之連州為直隸州兼轄陽山連山二縣○癸亥賜大學士張廷玉蔣廷錫第宅各一區白金千兩賜張廷玉調梅良弼扁額蔣廷錫鈞衡碩輔扁額○甲子諭內閣粵東三面距海各省商民及外洋番賈攜貨置貨往來貿易者甚多而海風飄發不常貨船或有覆溺全賴營汛弁兵竭力搶救使被溺之人得全軀命落水之物不至飄零此國家設立汛防之本意不專在於緝捕盜賊已也乃沿海不肖之弁兵等利欲薰心貪圖財物每於商船失風之時利其所有乘機搶奪而救人之事姑置不問以此居心行事更甚於盜賊其無恥殘惡已極豈國家兵弁忍為

之事乎廣東福建二省居多而他省沿江濱海之營汛亦所不免此皆該地方督撫提鎮等不能化導於平時又不能稽查懲究於事後以致不肖弁兵等但有圖財貪利之心而無濟困扶危之念也嗣後若有此等應作何嚴定從重治罪之條使弁兵人等有所畏懼儆戒著沿海督撫各抒己見議奏到時九卿再行會同定議此旨頒到之時著一面定議一面即行出示宣諭弁兵等知之○丙寅命各省委署試用人員在京命往者照委署職銜給以俸銀○命給奉天文職官俸米○丁卯添山東兗州府督捕同知一駐曹縣桃源集移原駐桃源集之曹州州同駐州治○改湖廣黃州府屬黃陂縣德安府屬孝感縣俱隸漢陽府轄○戊辰以謝旻為太常寺卿仍署河南布政使○己巳禮部題暹羅國王森烈柏遣使齎奉表文進貢方物請照例交送各該處查收得旨暹羅國王

東華錄

雍正十五年

三

遣使遠來貢獻方物具見惻誠朕念該國遠隔海洋所進方物齎送不易欲酌量裁減以示恩恤遠藩之意但此次貢物既已齎送前來難以帶回本國著照往例收納其常貢土物內有束香安息香袈裟布匹等在內府無須應用嗣後將此等免其入貢永著為例該部詳悉行文該國王知之○庚午署浙江總督性桂奏湖州府歸安縣民王文隆家育蠶二十七筐內有九筐萬蠶同織瑞蘭一幅長五尺八寸寬二尺三寸實為上瑞得旨朕聞養蠶之家或聚眾蠶於蓑囊之中面上糊鋪一紙眾蠶於紙上盤旋往來如織紛紛凝結久而成片器圓者成圓器方者成方既成之後去其原紙宛似人力織成以此推之器小者可成小幅則器之大者亦可成大幅矣今浙江所進大抵多由人工造作如果係萬蠶同織而成必有確實憑據可驗著明白查奏儻由人工造作亦將實情具



奏朕每事必期覈實況素性不言祥瑞豈可稍涉虛罔至於進爾之人不過微末鄉民希冀恩賞非作奸犯科者比亦不必嚴訊以致苦累○辛未諭都察院凡人臣辦事務須秉公持正不可存一恐懼好樂之心若先有恐懼好樂之心則心既不得其正事必不能得中或太過或不及皆非中庸之道所謂中庸者本日常常行之事即至當不易之理而人每多習而不察也且人臣事君尤當至誠不欺若稍存欺心更是獲罪於天試觀大姦大惡之人天不遽加之顯報必俟其罪惡貫盈全體敗露然後降之災殃以昭著於天下後世爾等必先問心若果能不愧幽獨方可質諸大廷廣眾遇事又必須審定是非不可偏執己見自以為是如辦一事初信為是者甯可再加詳審將他事比較並將他人議論詳酌或有未協之處必求至是而後行蓋天下自有公是公非必心無私曲

東華錄 雍正十五年 西

閏七月癸酉朔諭內閣九卿等易經云立天之道曰陰與陽立地之道曰柔與剛立人之道曰仁與義仁義雖分而其理則一天下之人但知仁主於慈義主於斷仁主於寬義主於嚴以為仁義各有所用而不知其相資相濟而不可須臾離也蓋有仁而無義則姑息之愛不合於事理當然之則矣孔子曰惟仁者能好人能惡人蓋其所好所惡必合於事理之宜而後天下享仁人之福所謂殺一人以安千萬人義之至正所以為仁之至也即如剪除盜賊義也盜賊既除則良善得甯豈非仁乎懲創兇頑義也兇頑既懲善者益勉於善而不善者且相率而遷於善豈非仁乎其相為用之處皆可以此類推其分仁與義為二而不能融會貫通者則見理不透故也○甲戌召張坦麟來京以謝覓署江西巡撫調趙國麟為河南布政使以潘體豐為福建布政使孫國璽為福建

東華錄 雍正十五年 五

方能辨別是非凡被他人所惑溺愛不明其為害尚小蓋以人為憑可冀有時覺悟儻自身溺愛不明其為害也更甚而覺悟體察也尤難夫心懷偏私則一己之是非已不能定又何能定他人之是非乎大凡立心行事必從根本上用力方能有濟若專務枝葉雖費盡心思於事無裨朕辦理天下事務廓然大公因事制宜實不豫立成見爾等凡有條奏如果有益於國計民生朕自採納若豫揣朕意曲為迎合或袒庇瞻徇畏首畏尾不惟於國家政事無補實難逃朕之洞察在國法何得寬貸也總之人情任勞易任怨難任怨之事不獨在臣工即為君者亦然但存心合乎天理雖有一二無知之輩肆為怨謗久之天下後世自有公論爾等果能公忠為國目下即被小人怨尤日久自然消釋 上天必加垂佑人主必能體察爾等敬聆諭旨各思奮勉勿負朕教誨之至意

按察使由驛鹽 ○召趙城來京以楊永斌為湖南布政使由貴州道遷 ○添設山西右玉縣之殺虎口威遠堡巡檢各一左雲縣之高山城助馬口巡檢各一平魯縣井坪城巡檢一移泌水縣東塢嶺巡檢駐端氏鎮○己卯諭內閣恭查 陵寢祭祀需用黍稷果菜是以設立園頭莊頭給與地畝俾其種植灌溉按時供辦康熙三年 聖祖仁皇帝於 孝陵設立莊頭園頭共給地四百一十晌至康熙三十九年又增給地一百五十三晌據禮臣查奏此二項地畝已足供辦祭品朕伏念 陵寢祀禮關係重大所需時獻品物必承辦之人充實豐裕然後嘉穀珍蔬繁茂鮮潔庶可展孝思而達誠敬今欲加增地畝若干賞給莊頭園頭使之供應饒裕著 三陵總管大臣詳悉查議到日交該部議奏尋議請撥附近膏腴之地二百七十五晌增給莊頭園頭令其辦理 陵寢祭品饒



裕鮮潔以達誠敬從之○庚辰吏部議准禮部侍郎傅德奏天  
壇內犧牲所牧養犧牲關繫祀典其所牧所副等官向例揀選老  
年之護軍校驍騎校補用以致管理不周漸生侵蝕等弊嗣後所  
牧所副員缺請令八旗滿洲都統於拜他喇布勒哈番拖沙喇哈  
番等官內揀選家道殷實年富才優者咨送兵部引見補授專司  
牧養如辦理五年稱職令太常寺堂官保題交與該部以應升之  
缺用從之○壬午吏部帶領各督撫保舉之知府耿觀謨等引見  
諭知府一官承上接下以察吏安民爲要務督撫統轄全省地方  
遊閱屬官多至百數十員察覈賢否自難人人確當所賴者汝等  
府道耳一府所屬其多者不過十餘州縣耳目易於周知如能與  
督撫同心協力則舉劾悉當吏治自然肅清但不得背公違理迎  
合督撫之意如屬員果賢督撫或有苛求爾等須竭力保全不可

東華錄

雍正十五年

六

搜求詳揭若係不肖之員雖督撫密露庇護之意亦不可委曲順  
從蓋劣員貽誤地方卽此時順從督撫曲爲徇此將來儻被新任  
督撫題參徒然貽累己身若秉公察吏獲罪上司卽被參劾至於  
降革朕調來引見面加詢問果係情真理當必將誤參之上司嚴  
加處分在汝等何害乎至秉公持正之督撫爾等又不得與所屬  
人員通同欺詐蒙蔽譬如督撫與朕必能一德一心方可振官方  
而清吏治若各懷欺隱之心朕亦難於辦理矣從來人才難得朕  
欲爾等察吏並非苛刻按求細事以參劾詳揭爲能如屬員之過  
出於無心情有可恕務必盡心教訓冀其悔改至再蹈前轍然後  
參揭方不屈抑人才爾等皆有志上進之人若能協同督撫報效  
國家撫綏百姓將來升投大員時自有賢能屬員來相贊助也古  
語云使天下無一夫不獲其所實非人力不能之事一府之大或

一人之力不能周到若一州縣得一好官則一方百姓受其福庇  
推之天下州縣各得其人豈非匹夫匹婦各得其所之明驗乎所  
以治天下之道惟在察吏一事再近來外官多有視督撫之行事  
以爲進退者如遇才守兼優不徇情面不避嫌怨之督撫卽踴躍  
向前若遇中等督撫則凡事因循觀望不肯盡心殊非臣子竭誠  
供職之道爾等總宜改除陋習勉盡職守以圖上進若不公忠勤  
慎報效盡職不惟深負朕恩且有何顏面以對保舉之人而忍遺  
累於知己之上司耶爾等赴任務期夙夜懷遵毋負朕諄切訓誨  
之至意○癸未諭王大臣等向來覺羅佐領或有或無俱未畫一  
今既將下五旗覺羅佐領由各該王屬下撤出作爲公中佐領朕  
意均派入旗方爲妥協前者宗人府設立宗學止令教習宗室未  
及覺羅覺羅人眾今若一概歸併宗學教者勢難徧及應每旗各

東華錄

雍正十五年

七

立一衙門管轄覺羅或王或公派委一員統理令其於各該旗覺  
羅內揀選老成練達品行端方者一二人分管卽於該旗衙門之  
旁各立一學除情願在家學習者外擇其可教之人令其讀書學  
射滿漢兼習所派出之管轄人員不時訓誨稽查如有行止不  
端不知守法安分者卽回明宗人府王等令在該旗衙門居住學  
習禁止出門俟其改行遷善之後再許出門年底彙疏具題如此  
則於覺羅少年子弟大有裨益而人人皆可成就著宗人府王公  
等會同滿洲大學士六部尚書詳悉議奏尋奏向設覺羅佐領共  
三十二分分屬鑲黃正黃正紅鑲紅正藍鑲藍七旗今請均  
勻移置入旗每旗定爲覺羅佐領四分再入旗各擇官房一所立  
爲衙署旁設清漢各一學入旗覺羅內自八歲以上十八歲以下  
子弟俱令入學分讀滿漢書有願在家讀書者聽之其十八歲以



上未曾讀書者於每月朔望傳至公署宣講 聖諭廣訓每旗派出王公等爲總管覺羅二人爲教長於筆帖式內揀選能繙譯者一人教授清書禮部教習一人教授漢書兵部揀選善射一人令其教射仍著宗人府不時稽查每年春秋二季該王公親身考試登記檔案覺羅內有取進文生員繙譯生員將滿漢教習交部議敘至一切支給公費等項俱照宗學之例行從之○諭內閣歷年各省貢監等赴部考職不過得一空銜在本人無選用之期在國家無引見之例是以伊等相沿陋習託人代考習以爲常朕深知其弊曾經降旨申飭而此風仍未止息前年於考試後特令通行引見一則欲察其真贋如何一則欲廣收人才於稠人之中以備州縣佐貳之用使不至於遺棄也比時應試一千二百餘人而報名引見者僅二百人朕就其中舉止從容應對明白者拔取數十

東華錄

雍正十五

六

志書內載本朝名宦鄉賢孝子節婦一應事實行令詳悉查報以備纂修該地方有司自應確查紀載採訪鄉評據實秉公咨送書館以彰直道今聞外省郡縣中竟有胥吏作奸借端生事向本家查取事實高下其手希圖賄賂者似此則有力者濫竊褒揚而無力者不能表見何以副國家彰善旌賢之典著各省督撫等通行嚴禁儻有仍蹈故轍者將該地方官即行查參○諭吏部朕見近來官員等彼此互揭之案甚多如上官揭報屬員而屬員隨即列款揭告上官知縣揭報教官而教官隨即列款揭報知縣似此若果出於公道則何不控告於未揭之前而乃報復於既揭之後其爲挾讐反噬情弊顯然但其中或有探知上官欲行揭報而先行詳揭者亦有逆料下屬必行揭報而先發制人者其情僞虛實種種不一總在督撫等悉心詳察秉公審理從庚戌年爲始凡挾私

東華錄

雍正十五

九

人交與吏部陸續選用及後再加訪察此等引見得官之人仍有代人考試並自行引見者可謂啓不畏法之徒矣因思若逐一嚴查或致生事擾累於是特頒諭旨令本人自行出首酌量免其重罪並令從前代考得官者亦准自首此格外矜全之恩也年來各省督撫題奏自首代考得官實由於捐納者朕俱開恩免其議處近聞外省地方官不問其人之得官與否概將歷年考職之人加以盤詰偏令自首甚至胥吏鄉約逐戶嚴查讐家挾私訐告種種紛擾多生事端則有司奉行不善之所致也朕旨原言代考得官者而今則並及遠年空銜之人朕旨原令本人自首而今則添官吏嚴查苛索之弊著該部行文各省通行曉諭凡考職人員止得空銜未曾得官者其自行出首與否聽本人之意若得官之人應行自首而隱匿不首者別經發覺自有國法再者前因纂修一統

互揭之案如所揭款蹟件件審實則照定例歸結儻數款之中有一款審虛仍照誣告律治罪若件件皆虛將挾私互揭之人嚴加治罪文武官員一體遵行著豫行曉諭咸使聞知○辦理陝西甯夏渠工兵部侍郎通智奏甯夏等屬修濬之大渠並六羊改渠一切工程告竣所有新渠甯夏平羅四縣田畝均沾灌溉請定兩渠嘉名以垂永久得旨大渠著名惠農渠六羊渠改名昌潤渠○子故戶部右侍郎單疇書祭葬○甲申諭戶部各省解送錢糧差委雜職領解此等微末之員功名甚輕或有中途盜隱捏報劫失之弊再失鞘銀兩令地方文武官員均賠亦未允協著察議具奏尋議各省領解錢糧例係巡檢典史等員遇有失事如但加以革職處分恐其假劫竊之名行偷盜之弊嗣後失鞘銀兩請令失事地方文員分賠一半其一半令解官分賠二分該省差委之大



員分賠三分儻解官實係微末窮員其二分亦著差委之大員賠補地方武員免其分賠至於解官不由通途不赴州縣挂號者其失鞘銀兩責令解官全賠其州縣官照道路村莊失事例限年承緝將此永著為例直省一體遵行從之○庚寅諭內閣科道乃朝廷耳目之官專以進言為職朕令於露章之外復行密奏者蓋欲其時進讜言匡朕之不逮有益於吏治民生也既係密奏則當加意謹慎不謀於人不洩於外方無忝於事君之義而不愧言官之任乃近見科道等之密奏並無直言規諫及有益於吏治民生之處而沽名邀譽之習仍然未除如科臣邱尚志密奏崇文門飯銀一事公然漏洩於外而御史李元直於未行密奏之先徧訪他人密奏之事而後入奏是皆不知其出於何心夫言官進言之意不過見諸施行也今邱尚志所奏朕已降密旨准行矣而彼仍然漏

東華錄

雍正十五年

干

洩於眾是被進言之意專為一己之名則何不見之於露章而乃隱之於密摺乎邱尚志於陳奏之事不肯慎密李元直察訪他人密奏之事而又捏造附會之言此即朋比黨援作威作福之漸也本應嚴加根究以儆澆風姑念二人尚係初犯著分別罰俸以示薄懲嗣後儻有密奏之事朕未將本人姓名發出而本人自行漏洩或私自存稿者一經發覺朕必嚴行訊究重治其罪○辛卯升直隸河間府屬之滄州為直隸州管轄南皮鹽山慶雲東光四縣○癸巳諭內閣凡州縣官新舊交代如錢糧倉穀驛馬等項自應據實盤查秉公授受在上司不得徇庇前官抑勒交代在後官不得留難前任挾詐行私斯於理為至當於法為得平即以倉穀驛馬二事言之若果米穀紅朽糠粃不堪自當據實揭報但聞有刻薄之人恣意苛索於揭颺之時高下其手好米亦有虧折以致前

任之官畏其揭颺勉強議幫銀兩而後得交代離任驛馬若果疲瘦不能應差自應退還前官著落賠補又聞有故意勒措者將好馬退還強令交銀又託言需馬應差以賤價買其原馬餘銀入己此等惡習各省州縣官每當有之朕曾經訪聞即督撫大臣亦有以此入告請定例通行嚴禁者朕思前後交盤乃國家政治之所關亦本人考成之所繫如果前任之人事務清楚豈後任者皆屬無良之人而好為刻覈之事今接任之干係既重而又不令其舒展盤查情理實未允協况不肖之員往往於將近離任之時百計侵蝕扣剋以貽後人之累則其過又不在接任之員矣是以前後之閒寬嚴之際難以概論亦難以法律相繩惟在督撫大吏等於未交代之先推誠訓誡正交代之際留心察訪既交代之後體其情理即此可知屬員之立志為人矣若過在前任則參處前任過

東華錄

雍正十五年

三

在後任則參處後任不存成見不涉徇徇耳目能周賞罰悉當則吏治事事可望肅清矣至於訓誡屬員又當動以天良曉以利害儻前官欲遺累於後人後官欲苛求於前任是皆損人利己假公濟私目前之獲利有限暗中之造罪無窮天道好還國法具在恐究不能免於貪刻之報著通行曉諭各省大小官員知之○改雲南楚雄府屬之定邊縣歸蒙化同知轄裁知縣典史教諭訓導缺增定邊巡檢一○丙申諭內閣朕耕藉之初雍正二年三年籍田所產嘉禾一莖四五穗者實係祥瑞穀後來府尹等所進十餘穗及今所進二十四穗者乃本來多穗之穀名曰龍爪穀當日播種時不應將此穀種攪入其中著該府尹等知之嗣後不可被小人愚詐○丁酉諭內閣八旗之貢監生員已經考取小京官筆帖式者若願就鄉試俱准其與舉子等一同入場使片善寸長不至遺棄



以副國家教養人材之典○吏部議准雲貴廣西總督鄂爾泰奏滇省元江府所轄之普洱地方請增置普洱一府設知府一經歷一其原設之普洱通判移駐思茅一普洱所屬之攸樂地方請設同知一遊擊一猛烏整董二處各設鹽課大使一俱隸普洱府轄一新設之普洱府應立學校請於元江府學調撥訓導一董率啟迪入學額數照滇省小學例取進八名其從前附入元江府各生俱撥歸普洱府學一請裁元江協副將普威營參將二缺另置普洱鎮設總兵一分中左右三營設遊擊三守備三千總六把總十二改元江協為元江營設遊擊一中軍守備一千總二把總四共兵三千二百名分汛防守聽普洱總兵官統轄從之○戊戌諭戶部各州縣設立常平倉積貯米穀原以備地方一時緩急之需所關甚重朕為此備極焦勞多方籌畫務期倉儲有備早潦無虞年來所頒諭旨亦深切著明矣夫收貯米穀必須倉廩堅固始為經久之計是以從前降旨將倉廩完整與否一併入於交盤之內以為州縣官考成今聞各省中偏僻之邑竟有向來本無倉廩而有司苟且因循不行詳請督撫藩司等亦漫不查察致將養民備荒之具或寄頓於寺廟或借放於紳士富戶之家而霉爛虧折生事滋擾之弊多由此起大非朕慎重民儲之意凡各省未有倉廩之州縣著督撫詳悉查明即行商酌建造○辛丑諭戶部直隸地方有寄莊寄糧之弊往往地寄此處糧寄他處相隔百餘里或數百餘里之遠即如宣化府懷安一縣有人地俱在懷安而寄糧於懷安者更有見在懷安納糧而寄地於順天府之寶坻豐潤三河相隔五百餘里者在徵糧者則鞭長莫及而寄地者則彼此無關脫漏欺隱之弊勢所不免地方有司實難稽察催徵著直隸總督詳

東華錄 雍正十五年 三

查妥議更正改隸再各省有似此寄莊寄糧者著該督撫酌辦理○壬寅調蔣洞為山西布政使實授王士俊廣東布政使○是月免江南靖江縣甘肅靖遠廳雍正六年遭災額賦有差八月乙巳敕封直隸通州倉神為均調顯祐司倉之神左翼倉神為豐儲裕餉司倉之神右翼倉神為佑農廣惠司倉之神新建倉神為凝禧阜眾司倉之神○丁未諭內閣朕自御極以來時時以庸民覺世為懷是以誥誡臣工訓誨士庶化導兵弁者周詳往復不憚煩勞無非欲其慕義嚮風遷善改過共遊於蕩平正直之途也凡此詔諭所頒皆以 皇考之心為心以 皇考之政為政繼志述事率由舊章當時 聖諭之所啟迪包涵者朕則闡揚而詳發之其中間有因革損益先後不同者則因時制宜化裁變通之道也惟是歷年諭旨或因一省而發或因一事而發有司等照例宣示於該管之處其別省遠地豈能一一周知且傳寫悉經書吏之手字句之間往往錯誤遺漏夫欲使薄海之廣臣民之眾遵道遵路易俗移風必使天下之人備聞朕訓深知朕心庶幾感發奮興以為進德修業之助今王大臣等合詞奏請上諭刊刻有裨益於人心吏治著照所請行朕亦不敢謂朕之諭旨可以有勞來匡直之功惟冀億萬臣民共知朕提撕做戒之苦心耳○吏部議准內閣侍讀學士梁世徵奏各省理事同知通判缺專為駐防官兵而設必須文義明通方能辦理事務嗣後請於應行揀選之中書小京官筆帖式內令該堂官將通曉漢文兼通繙譯者保送吏部照月官之例考試漢字履歷能繙譯者兼考繙譯將試卷進呈引見記名遇有理事同知通判缺出將記名人員請旨補授承為定例從之○命湖南省開局鼓鑄○己酉 上御經筵○諭兵部各

東華錄 雍正十五年 三



員每科考試武舉例用該省巡撫為主考官其閱看文字則用屬下舉人進士出身之同知州縣等爲同考官朕思各省巡撫多有未曾學習騎射技勇者何以評定舉子外場之優劣從今科爲始各省巡撫考試武舉時著就近省城之提督總兵一員同考外場秉公拔取若提鎮駐紮路遠或因公他出則令總督或提鎮派委副將一員代之○添設順天府大興縣之采育禮賢地方巡檢各一○辛亥裁湖南黃堡蘭江府沅水等驛驛丞缺歸各該州縣管理○壬子諭刑部歸旗人員嗣後有逾限逗遛在外應行枷號者著按其逗遛年月之多寡以爲枷號之期若逗遛一年卽枷號一年照此計算儻另有生事犯法之處則從重歸結永著爲例○癸丑諭內閣自古帝王之治天下設官分職不得其人則庶政莫由振舉而理財不得其道則國用不足雖欲減賦蠲租沛膏澤於東華錄 雍正十五年 西 萬姓其勢有所不能此自然之理也數年以來怡親王及大臣辦理戶部事務敬慎公忠風清弊絕阜民裕國府庫充盈國家經費旣敷則蠲除惟正之供施恩常格之外使羣黎百姓俯仰有餘乃朕寤寐之至願也昨署山東巡撫費金吾奏稱今歲東省秋成大稔父老皆言二十餘年以來所僅見朕思此乃督撫之賢有以感召天和也則凡爲督撫者宜何如之敬謹居心公忠奉職以不愧屋漏之誠爲感格上天之本耶聞今年秦省西安一帶夏月甚旱而地方文武大臣官員罔知修省此則封疆大臣之所當切戒者朕非卸責於臣工而屢頒此等諭旨也蓋實有見於天人感應之理纖毫不爽而夙夜敬謹乾惕覺鑒觀之有赫而呼吸之可通儻朕心有一刻之懈弛而徒以訓誡之詞責諸臣下其又何以對越天地神明乎又據廣東督撫布按等奏稱今年粵東雨澤均調百

穀順成合計通省米價自八錢至五六錢實粵省從來希有之事朕聞知深爲慰悅此皆該省民人等革薄從忠醇厚良善之心上天垂佑而錫以豐稔之所致也著將山東廣東二省庚戌年地丁錢糧各免四十五萬兩以獎地方官民之善直隸陝西今年各蠲銀四十萬兩庚戌年著再各免地丁錢糧四十萬兩山西通省連歲皆獲豐收著免庚戌年地丁銀四十萬兩安徽等屬亦著免庚戌年地丁銀四十萬兩此六省共蠲免額徵銀二百四十萬兩乃朕加惠閭閻之特恩該督撫等應轉飭有司仰體朕心敬謹奉行使小民均沾實惠儻不肖官吏及紳士土豪等有侵蝕包攬等弊一經發覺定行重治其罪並將失察之督撫上司等嚴加議處○移廣西宜山縣縣丞駐楞村○丙辰諭九卿等嘗見繼母於前母之于其相待之刻有在尋常情理之外者夫子之於繼母其奉養承順服制禮節一切與本生之母無異此倫常之道也則爲繼母者亦當視如親生願復撫養方爲交盡其道乃有一等婦人悍惡性成不明大義常存分別之心偏愛其所生之子而薄待前母之子若己未有子者又或懷嫉妬之念而憎惡前母之子或顯加之以陵虐或陰中之以計謀以致其子不得其死甚至絕其夫之宗祀而不恤是不但母子之恩已絕並視其夫如仇讐矣向以名分所在故律無擬抵之條事既出於情理之外所當酌量立法以防人倫之變朕意若繼母於前母之子有陵偏謀害等情至於身死者將情由審訊確實以其所生之子議子抵償若繼母未生子者則令歸其母家不得承受夫家產業如此庶使秉心兇悍不顧大義之婦人有所儆戒消其殘忍之心而保全其母子之恩義著九卿悉心詳議具奏尋議嗣後除繼母將前母之子毆殺故殺致令

第一冊 續修四庫全書 第 24 版 反內



其夫絕嗣者仍照例擬絞外如有父故之後繼母將前母之子任意陵虐毆殺故殺者地方官務將情由審確不必坐其繼母以收贖之虛罪即將繼母所生偏愛之子議令抵償擬絞監候如肆行陵偏致前妻之子情急自盡者將繼母之子杖一百流三千里若未生有子者勒令歸其母家不得承受其夫之產業所遺財產俱歸死者之兄弟及死者之子均分庶悍惡之繼母有所忌憚不敢肆為殘忍之行矣從之○丁巳諭大學士九卿等朕於用人行政是非賞罰總視乎理之至公而未嘗稍存成見大學士心有所忿憤則不得其正有所恐懼則不得其正有所好樂則不得其正有所憂患則不得其正夫心不正則是非可否皆不得其當其弊有不可勝言者矣周子通書云無欲則靜虛動直靜虛則明明則通動直則公公則溥可見人之心必靜虛動直而後應事接物可得東華錄 雍正十五年 庚

極以來凡文武大小官員進見時必諄諄訓誨諭以國計民生之要務至於近日廷臣科道等官輪班條奏其實在可行者即降旨施行其似有可採者即發令查議其有言之未當者或局於一偏之見或失於迂闊難行甚至懷挾私心不顧大體敷陳鄙瑣識見庸愚朕多召令入見面加訓誨剖晰其說諭以不可施行之故益朕意欲使其人曉然明白自知見識之淺鄙是以降旨之時周詳往復不憚煩勞儻其人退而錄記果能深會朕心詳釋朕旨一一紀載豈無舛錯遺漏豈不甚善但其事有甚難者彼於倉卒之際敬畏矜持或則錯會朕旨或則記憶不全又或書寫之間詞不達意或有意捏成顛倒朕諭所謂差之毫釐謬以千里者正復不少即如啟奏折本時大學士及學士滿漢多人皆每日進見素常熟習者而面奉諭旨退而繕寫進呈尚且未能悉協何況出於一人東華錄 雍正十五年 庚



縣之任者該堂官出具考語保送吏部照依科分班次銓用其不宜外任者分別以小京官及直省佐貳教職等缺改補從之○庚申諭內閣前據浙江署督性桂署撫蔡士舫等奏進湖州居民王文隆家萬蠶同織瑞繭一幅長五尺八寸寬二尺三寸父老皆稱從來未有之事朕恐小民圖利望恩或用人力造作而成因令性桂等詳細體訪務令確實勿為所欺昨性桂蔡士舫等於本地詳加驗看訪察實係自然成就並不由於人工具摺覆奏廷臣等以蠶桑織紉乃衣被之大原養民之切務今浙省有此瑞應則小民溫暖可期咸為國家稱慶朕素不言祥瑞數年以來每遇休徵必倍加乾惕儆戒所頒諭旨至再至三朕愛育元元務期普天幸土之人同沾實惠一時希有之物不足以禦飢寒備蒙 上天俯鑒惻誠錫福黎庶蠶桑普盛衣食充盈乃朕心之所謂祥瑞也○命

東華錄

雍正十五

天

浙江省開局鑄錢○癸亥諭內閣據雲貴廣西總督鄂爾泰奏黔屬思州及古州之梅得等處自七月初八日至閏七月十一日有五色彩雲光華燦爛疊秀爭華歷時經久一月之內七見嘉徵等語朕嘗言天人相感之理捷於影響督撫大臣等果能公忠體國實心愛民必能感召天和錫嘉祥於其所轄之地即如鄂爾泰頻年駐節本省祥雲三見於滇南今年以公事前往貴州慶雲即見於黔省仰見上天昭示顯然欲使君臣共知儆惕也朕從不因嘉徵而受慶賀而敬慎之念日益加虔想中外臣民亦知之矣夫上天示人君以災祥一如人君加臣下以賞罰也人臣受君上之賞固不可侈然自足放逸驕矜若並無欣慰之心而不以為慶則受君上之罰亦不知畏懼悛改此非矯情違眾之人即胸無忌憚之輩矣人君之於天其理亦復如是至於鄂爾泰之屢次奏報慶雲

者蓋以滇黔地方有此瑞應萬目共覩在人臣之心無不願國家之蒙福兆庶之凝禧州縣申詳而督臣陳奏此皆出於情理之不能自己儻有心懷不肖之人或且議其為迎合或且譏其為諂諛此皆藏幸災樂禍之邪心不止於春秋責備賢者而已惟是滇黔遠省荷上天之垂象加恩如此則大臣以及官弁兵民宜何如之敬謹虔恭以永承天貺是則所當夙夜加勉者也○禮部議准大學士陳元龍奏一督撫題奏事件本後貼黃務令融會全疏始末節其繁冗撮其緊要其慶賀陳謝及接到 上諭等奏章該督撫學問夙嫻者或用四六體式若平素未諳文義及提鎮武臣不妨質樸宣達無容拘定四六至於繕寫本章必遴選善書之人照部本式樣繕寫以昭敬謹之意違者分別議處一起居注館記注訓旨而各省題奏本章講官不得豫行詳閱無從查載嗣後請飭各

東華錄

雍正十五

元

省有題奏本章俱增寫揭帖一通送起居注館俟記注後將揭帖轉送內閣收貯永著為例從之○甲子改陝西西安府管糧通判為水利通判移駐涇陽縣之王橋鎮專管涇陽醴泉三原高陵臨潼五縣隄渠修濬事務○乙丑諭戶部京師大興宛平二縣知縣常以虧空被參朕體察其故二縣在輦轂之下每有一時速辦之公事不能遲緩者那移庫銀以濟用而支領還項未免遲延時日其上司察知庫帑有虧不得不行參劾此等虧空實有可原之情朕體恤臣工不忍聽其因辦公而遭罷黜為之思一備用之道著大宛二縣各領戶部銀一萬兩永遠存貯遇有速辦之公事即詳明府尹將此銀動支應用俟支領銷算之時仍復歸還原項於每年歲底報部查覈如此則辦公有賴備用有資再有虧空國帑或借名擅動備用之銀者定行重治其罪○裁湖北襄陽府大盈倉



大使樊城縣稅課大使二缺○丙寅諭工部朕惟古聖人之制祭祀也凡山川嶽瀆之神有功德於生民能為之禦災捍患者皆載在祀典蓋所以薦歆昭格崇德報功而併以動人敬畏祇肅之心也雍正二年浙江海塘潮水衝決朕特發帑金命大臣察看修築並念居民平日不知畏敬明神多有褻慢切諭以虔誠修省之道令地方官家喻戶曉徹覺眾庶比年以來塘工完整災沴不作居民安業蓋已默叨神佑矣今年潮汐盛長幾至泛溢官民震恐幸而水勢漸退隄防無恙此皆神明默垂護佑惠我烝民者也茲特發內帑銀十萬兩於海甯縣地方敕建海神之廟以崇報享著該督遴委賢員度地鳩工敬謹修建務期制度恢宏規模壯麗崇奉祀事用答明神庇民禦患之休烈且令遠近人民奔走瞻仰興起感動相與服教畏神遷善改過永荷休祥則於國家事神治人之東華錄 雍正十五年 三

道均有賴焉○戊辰復設山西汾陽縣黃蘆嶺巡檢一移原駐運城之安邑縣典史駐縣城增運城守備一巡檢一○庚午諭內閣嗣後凡總督來京陛見其行走班次著在尚書之後○辛未添設太常寺滿洲司庫一庫使二○予故工部尚書兼內大臣一等公夸岱祭葬

九月癸酉諭內閣向日由員外郎以下授為御史者有試俸一年稱職然後題請實授之例若該御史奉差在外係由揀選命往辦理公事者自應與在京之御史一體題請實授乃從前該衙門疏忽未曾題請遂致出差之御史試俸數年而不得實授深為未協著將出差之御史試俸一年期滿者與在京之員一同具題請旨永著為例○召王國棟來京以趙宏恩為湖南巡撫高維新為四川布政使由署四川按察使遺○添設驛監衙門庫大使一○甲戌張保緣

事革職實授馬蘭泰工部左侍郎○乙亥以李玉鉉為貴州按察使由福建興泉道遺○丙子刑部議准浙江按察使方觀奏一盜賊為害全在窩家舊例窩家兩鄰俱有杖責之條而同居親族未經定議治罪殊為遺漏嗣後強竊窩家同居之父兄伯叔與弟除自首免究外其知情不首者請分別擬杖以示懲儆一各省積匪猾賊為害最重嗣後凡遇緝獲審實不論會否刺字俱照應發遣之例發邊衛充軍一舊例盜賊同居父兄等不知情分贓者俱照斬絞之犯減等擬流似屬可矜嗣後除強盜為首傷人問擬斬決者其同居親屬照例杖流外其係夥盜未曾傷人行劫未至三次問擬發遣者親屬請減等杖徒竊盜滿貫擬絞並罪止流徒杖責者親屬各減二等發落永著為例從之○戊寅諭內閣數年以來各省民人屢有拾金不取之事朕以人心風俗漸有歸於醇厚之機深為慰悅皆加賞賜以示獎勵今據直隸巡察御史鄂昌等奏報文安縣居民盧尚義之妻梁氏拾金不昧告知伊姑給還本人及謝以布匹姑婦堅辭不受等語以貧家婦女織席營生乃能講讓與廉一門向善為人情所難之義舉甚屬可嘉著賞給米十石布十匹並令該地方官給與匾額以旌良淑○辛巳諭內閣步軍統領衙門事務繁多所有刑名事件應派部院堂官一員協同辦理參酌律例以期允當將此永著為例○諭戶部外任大小官員罰俸之例如罰俸一年者則將本年應領俸銀扣抵若再有罰俸之案則勒限一年追出俸銀解部一年不完又罰俸一年展轉增加常有因一二年罰俸而積至數年或數十年者此例不甚妥協在罰俸多案之州縣與力薄難完之微員深為可憫著該部通行各省凡有此等罰俸之員儘力不能完即將伊任內應得之俸逐年扣抵



不必勒限追繳又定例凡有休致革職病故之官員其應追罰俸銀兩俱行豁免惟江南等省有休革等事止將虛俸豁免其在罰俸以前食過之俸仍行追出直省例不盡一今著休致病故官員食過之俸概行免追其革職之員則追食過之俸以示懲儆直省一體遵行○癸未以會靜等口供及歷次所降諭旨刊刻大義覺迷錄頒行天下 上諭諸王文武大臣等自古帝王之有天下莫不由懷保萬民恩加四海膺 上天之眷命協億兆之懽心用能統一寰區垂庥奕世蓋生民之道惟有德者可爲天下君此天下一家萬物一體自古迄今萬世不易之常經非尋常之類聚羣分鄉曲疆域之私衷淺見所可妄爲同異者也書曰皇天無親惟德是輔蓋德足以君天下則天錫佑之以爲天下君未聞不以德爲感孚而第擇其爲何地之人而輔之之理又曰撫我則后虐我則

東華錄

雍正十五

三

仇此民心向背之至情未聞億兆之歸心有不論德而但擇地之理又曰順天者昌逆天者亡惟有德者乃能順天之所與又豈因何地之人而有所區別乎我國家肇基東土 列聖相承保乂萬邦 天心篤祐德教宏敷恩施遐暢登生民於衽席徧中外而尊親者百年於茲矣夫我朝既仰承 天命爲中外生民之主則所以蒙撫綏愛育者何得以華夷而有殊視而中外臣民既共奉我朝以爲君則所以歸誠效順盡臣民之道者尤不得以華夷而有異心此揆之 天道驗之人理海隅日出之鄉普天率土之眾莫不知大一統之在我朝悉子悉臣罔敢越志者也乃逆賊呂留良兇頑悖惡好亂樂禍做擾彝倫私爲著述妄謂德祐以後天地大變亘古未經於今復見而逆徒嚴鴻逵等轉相附和備極猖狂餘波及於會靜幻怪相煽恣爲毀謗至謂八十餘年以來天昏地

暗日月無光在逆賊等之意徒謂本朝以滿洲之君入爲中國之主妄生此疆彼界之私遂故爲訕謗詆譏之說耳不知本朝之爲滿洲猶中國之有籍貫舜爲東夷之人文王爲西夷之人曾何損於聖德乎詩言戎狄是膺荆舒是懲者以其僭王猶夏不知君臣之大義故聲其罪而懲艾之非以其爲戎狄而外之也若以戎狄而言則孔子周遊不當至楚應昭王之聘而秦穆之霸西戎孔子刪定之時不應以其誓列於周書之後矣蓋從來華夷之說乃在晉宋六朝偏安之時彼此地醜德齊莫能相尙是以北人詆南爲島夷南人指北爲索虜在當日之人不務修德行仁而徒事口舌相譏已爲至卑至陋之見今逆賊等於天下一統華夷一家之時而妄判中外謬生忿戾豈非逆天悖理無父無君蜂蟻不若之異類乎且以天地之氣數言之明代自嘉靖以後君臣失德盜賊四

東華錄

雍正十五

三

起生民塗炭疆圉靡甯其時之天地可不謂之閉塞乎本朝定鼎以來掃除羣寇寰宇乂安政教興修文明日盛萬民樂業中外恬熙黃童白叟一生不見兵革今日之天地清甯萬姓沾恩超越明代者三尺之童亦皆洞曉而尙可謂之昏暗乎夫天地以仁愛爲心以覆載無私爲量是以德在內近者則大統集於內近德在外遠者則大統集於外遠孔子曰故大德者必受命自有帝王以來其揆一也今逆賊等以冥頑狂肆之胸不論 天心之取舍政治之得失不論民物之安危疆域之大小徒以瑣瑣鄉曲爲阿私區區地界爲忿嫉公然指斥以遂其昧棄彝倫滅廢人紀之逆意至於極盡狂吠之音竟敢指天地爲昏暗豈 皇皇上天鑒觀有赫轉不如逆賊等之智識乎且自古中國一統之世幅員不能廣遠其中有不向化者則斥之爲夷狄如三代以上之有苗荆楚獯狁



即今湖南湖北山西之地也在今日而目爲夷狄可乎至於漢唐宋全盛之時北狄西戎世爲邊患從未能臣服而有其地是以有此疆彼界之分自我朝入主中土君臨天下並蒙古極邊諸部落俱歸版圖是中國之疆土開拓廣遠乃中國臣民之大幸何得尙有華夷中外之分論哉從來爲君上之道當視民如赤子爲臣下之道當奉君如父母如爲子之人其父母卽待以不慈尙不可以疾怨忤逆况我朝之爲君實盡父母斯民之道殫誠求保赤之心而逆賊尙忍肆爲訕謗則爲君者不知何道而後可也從前康熙年間各處奸徒竊發動輒以朱三太子爲名如一念和尙朱一貴者指不勝屈近日尙有山東人張玉假稱朱姓託於明之後裔遇星士推算有帝王之命以此希冀鼓惑愚民見被步軍統領衙門拏獲究問從來異姓先後繼統前朝之宗姓臣服於後代者甚多

東華錄 雍正十五 云

否則隱匿姓名伏處草野從未有如本朝奸民假稱朱姓搖惑人心若此之眾者似此蔓延不息則中國人君之子孫遇繼統之君必至於無噍類而後已豈非奸民迫之使然乎況明繼元而有天下明太祖卽元之子民也以綱常倫紀言之豈能逃篡竊之罪至於我朝之於明則鄰國耳且明之天下喪於流賊之手是時邊患四起倭寇騷動流賊之有名目者不可勝數而各村邑無賴之徒乘機劫殺其不法之將弁兵丁等又借征勦之名肆行擾害殺戮良民請功以充獲賊之數中國民人死亡過半卽如四川之人竟致靡有孑遺之歎其偶有存者則肢體不全耳鼻殘缺此天下人所共知康熙四五十年間猶有目覩當時情形之父老垂涕泣而道之者且莫不慶幸我朝統一萬方削平羣寇出薄海內外之人於湯火之中而登之衽席之上是我朝之有造於中國者大矣至

矣至於厚待明代之典禮史不勝書其藩王之後實係明之子孫則格外加恩封以侯爵此亦前代未有之曠典而胸懷叛逆之奸民動則假稱朱姓以爲構逆之媒而呂留良輩又借明代爲言肆其分別華夷之邪說冀遂其叛逆之志此不但爲本朝之賊寇實明代之仇讐也且如中國之人輕待外國之人承大統者其害不過妄意詆譏蠱惑一二匪類而已原無損於是非之公倫常之大儻若外國之君入承大統不以中國之人爲赤子則中國之人其何所託命乎况撫之則后虐之則仇人情也若撫之而仍不以爲后殆非順天合理之人情也假使爲君者以非人情之事加之於下爲下者其能堪乎爲君者尙不可以非人情之事加之於下豈爲下者轉可以此施之於上乎孔子曰君子居是邦也不非其大夫况其君乎又曰夷狄之有君不如諸夏之亡也夫以春秋時百里之國其大夫猶不可非况我朝奉天承運大一統太平盛世而君上尙可謗議乎且聖人之在諸夏猶謂夷狄爲有君况爲我朝之人親被教澤食德服疇而可爲無父無君之論乎韓愈有言中國而夷狄也則夷狄之夷狄而中國也則中國之歷代以來如有元之混一區宇有國百年幅員極廣其政治規模頗多美德而後世稱述者寥寥其時之名臣學士著作頌揚紀當時之休美者載在史冊亦復燦然具備而後人則故爲貶詞概謂無人物之可紀無事功之足錄此特懷挾私心識見卑鄙之人不欲歸美於外來之君欲貶抑淹沒之耳不知文章著作之事所以信今傳後著勸戒於簡編當平心執正而論於外國入承大統之君其善惡尤當秉公書錄細大不遺庶俾中國之君見之以爲外國之主且明哲仁愛如此自必生奮勵之心而外國之君見是非之不爽信直



道之常存亦必愈勇於為善而深戒為惡此文藝之功有補於治道者當何如也儻故為貶抑淹沒略其善而不傳誣其惡而妄載將使中國之君以為既生中國自享令名不必修德行仁以臻邇隆之治而外國入承大統之君以為縱能夙夜勵精勤求治理究無望於載籍之褒揚而為善之心因而自怠則內地蒼生其苦無有底止矣其為人心世道之害可勝言哉况若逆賊呂留良等不惟於我朝之善政善教大經大法概為置而不言而更鑿空妄撰憑虛橫議以無影無響之談為惑世誣民之具顛倒是非紊亂黑白以有為無以無為有此其誕幻講張誑人聽聞誠乃千古之罪人所謂賢不畏死凡民罔不怒不待教而誅者也非止獲罪於我國家而已此等檢邪之人胸懷思亂之心妄冀僥倖於萬一曾未通觀古今大勢凡首先倡亂之人無不身膏斧鑕遺臭萬年夫以

東華錄

雍正十五年

奏

天下國家之弊固豈烏合鼠竊之輩所能輕言動搖即當世運式微之時其首亂之人歷觀史冊從無有一人能成大事者如秦末之陳涉項梁張耳陳餘等以至元末之劉福通韓林兒陳友諒張士誠等雖一時跳梁究竟旋為灰燼而唐宋中葉之時其草竊之輩接踵疊迹亦同歸於盡總之此等奸民不知君臣之大義不識天命之眷懷徒自取誅戮為萬古之罪人而已夫人之所以為人而異於禽獸者以有此倫常之理也故五倫謂之人倫是闕一則不可謂之人矣君臣居五倫之首天下有無君之人而尚可謂之人乎而懷無君之心而尚不謂之禽獸乎盡人倫則謂人滅天理則謂禽獸非可因華夷而區別人禽也且天命之以為君而乃懷逆天之意焉有不遭天之誅殛者乎朕思秉彝好德人心所同天下億萬臣民共具天良自切尊君親上之念無庸再為剖示宜諭

但儉邪昏亂之小人如呂留良等胸懷悖逆者普天之下不可言止此數賊也用頌此旨特加訓諭若平日稍有存此心者當問天捫心各發天良詳細自思之朕之詳悉剖示者非好辯也古昔人心醇樸是以堯舜之時都兪吁咈其詞甚簡逮至殷周之世人心漸不如前故殷盤周誥所以詰誡臣民者往復周詳肫誠剴切始能去其蔽鋼覺其愚蒙此古今時勢之不得不然者每見陰險小人為大義所折理屈詞窮則借聖人之言以巧為詆毀曰是故惡夫佞者不知孔子之以子路為佞因子路何必讀書然後為學之語而發益以無理之論而欲強勝於人則謂之佞所謂禦人以口給也若遇呂留良嚴鴻逵曾靜等逆天背理惑世誣民之賊而曉以天經地義綱常倫紀之大道使愚昧無知平日為邪說陷溺之人豁然醒悟不至遭天譴而罹國法此乃為世道人心計豈可以

東華錄

雍正十五年

奏

謂之佞乎天下後世自有公論著將呂留良嚴鴻逵曾靜等悖逆之言及朕諭旨一一刊刻通行頒布天下各府州縣遠鄉僻壤俾讀書士子及鄉曲小民共知之並令各貯一冊於學宮之中使將來後學新進之士人人觀覽知悉儻有未見此書未聞朕旨者經朕隨時察出定將該省學政及該縣教官從重治罪特諭○命貧民借社倉穀石者即不遇荒歉亦准其給發以廣惠濟窮黎之意○甲申改廣西東蘭土州同駐紮鳳山管理鳳山芝山連嶺長里泗孟四苟六哨裁原設州同缺添設東蘭流知州一吏目一駐紮東院哨土州舊治撥柳慶協左營千總一添兵五十名駐東蘭州○乙酉 聖祖仁皇帝治河方略編纂成內閣進呈 御覽得旨朕惟 聖祖仁皇帝軫念民生而於黃運兩河尤慮 聖懷自甲子以迄丁亥六次 親歷河干指授方略一切修築堵塞事宜無



不出自宸衷規畫數十年來 聖謨睿訓備載此書凡有河防水利之任者皆應悉心詳閱奉為法則著繕寫三部發給河臣孔毓珣曾筠尹繼善令其敬謹閱看必於河務大有裨益但河性遷移或今日情形與昔年有不同之處著孔毓珣等三人會同商酌具奏又當年或有奉旨案件此書未經載入而該衙門有檔可稽者亦著查明具奏○戊子以孫國璽為山東布政使調李玉鈞為福建按察使以徐本為貴州按察使由翰林院○郭朝祚緣事革職調張燦為湖南按察使以姜穎新為直隸按察使由通永○改廣西思恩府屬之鎮安土府為流府設知府一裁原設通判缺留知事一員管轄歸順上峽都康向武小鎮安土屬奉義州一州裁歸順土吏目缺改設州同一添設千總一兵五十名駐歸順添設賓州直隸州州同一駐三里營○己丑免甯夏西甯等四府東華錄 雍正十五 无

及靖逆赤金柳溝等衛所額徵糧草○庚寅設漢軍清字義學○雲貴廣西總督鄂爾泰奏臣曾祖圖捫蒙恩入昭忠祠得與祀典竊念臣高祖屯太由汪欽地方率領七村親族人等效順歸誠蒙太祖高皇帝賞給全佐領又一拜他拉布勒哈番臣曾祖圖捫於擒剿諸役屢著勤勞及大凌河被圍圖捫領兵首先殺入敵陣又力擊張理兵奮勇陣亡今既叨列昭忠祠牌位僅書佐領伏乞將臣苗疆議敘之案准予銷免照臣職銜賞給封誥俾臣曾祖圖捫得以贈官位列大臣之末論此奏朕實欣悅俟朕恩命○署廣東巡撫傅泰奏廣州府理藩同知朱振基於前任連州知州任內私置逆賊呂留良牌位設祠奉祀連州學正王奇勳勒令闈學生員奔走趨奉茲據連州生員陳錫等合詞呈首相應題參究治得旨朱振基王奇勳俱革職鞫問其私置呂留良牌位奉祀情由該

督嚴審究擬具奏連州生員陳錫等深明大義不為邪說所惑據實出首以彰名教著將今年該州應試完場之舉子交與該學政秉公遴選學問優通者四人賞作舉人送部一體會試以示恩獎如今科所取副榜內有連州生監亦准作舉人○甲午雲貴廣西總督鄂爾泰奏附近雲南之南掌國王烏孫向化 天朝輸誠納貢備象二隻蒲編金字表文一道轉乞奏聞具題請旨得旨南掌國遠在西南徼外從來未通職貢今輸誠向化甚屬可嘉滇省起送來京之時著沿途地方護送照看應用夫馬食物著從厚支給以示朕加惠遠人之至意○裁河南甘棠驛驛丞缺增破石驛驛丞一○丁酉添設四川雅州府同知一瀘定橋巡檢一裁京壩驛驛丞一○辛丑諭戶部據奉天將軍多索禮奏今歲盛京秋成大稔禾稼瓜菜等項俱獲豐收米糧價賤朕思米穀者乃上天恩賜以養育萬民者也若人人存心敬愛天賜隨時撙節常留餘崇儉去奢謹身節用則天心必垂默佑雨暘時若俾常享盈甯之福若暴殄天物輕棄五穀不思稼穡之可寶罔念農事之艱難則必上干天怒而水旱災祲之事皆所不免此從來天道人事之斷然不爽者奉天地方百穀順成已八年於茲矣今歲收成又慶豐稔穀價之賤自昔罕聞朕心深為慰悅感戴 上天賜佑之恩則本地方官民人等宜敬謹愛惜以仰承天賜向來奉天居民有以米穀飼養豚豕之陋習此即暴殄天物之一端已令地方官勸諭禁止今不可因米穀饒餘復蹈前轍積貯乃王政之要圖民生之切務奉天地氣乾燥不比南方潮溼之區正當乘此豐收之時以為儲蓄之計著該地方官員通行曉諭勸導所屬民人若有穀之家果能留心積貯至於穀多價賤難於出糶者著大臣官員等即行



奏聞朕當發官價羅買或從海道運至京師俾積穀之家實獲利  
益必不使有穀賤傷農之歎也

冬十月癸卯以湖廣總督邁柱兼理湖北巡撫印務○乙巳吏部  
奏本月初一日夜文選司失火延燒房屋十數間所有檔案被毀  
應將值宿書辦交刑部嚴審當月司官議處臣等疏忽之處請敕  
部察議其所毀檔案於號件簿內查明行文內外各衙門將原案  
造冊送部得旨吏部近來諸事肅清官吏人等亦無可作之弊所  
失檔案仍可於他處查取校對胥役妄冀舞文弄法事已難行該  
部堂官總理大綱豈能時刻稽查不必交部察議當月司官及值  
宿書辦著交部照例歸結嗣後各部衙門存貯檔案之處應委筆  
帖式等官輪班值宿巡查至內閣本章及各衙門檔案皆應於正  
本外立一副本另行收貯如本章正本係紅字批發副本則批墨

東華錄 雍正十五年 早

筆存案其他檔案副本或另用鈐記以分別之如此不但於公事  
有益且可杜姦胥猾吏隱蔽改換之弊其如何詳細定例之處著  
大學士步軍統領會同九卿議奏尋議在京各衙門卷牘收貯之  
所應派筆帖式輪班值宿巡查各省督撫題奏事件例有副本送  
通政司嗣後應令一併送閣俟奉旨後內閣將副本遵照紅本用  
墨筆批錄另貯皇史宬其在京各部院覆奏本章亦照此辦理至  
部覆正本向來兼寫清漢全錄案呈不免稽遲時日嗣後所辦副  
本應毋庸全錄案呈止以漢字繕寫又各部院一切檔案應另立  
冊將全案備錄印信鈔蓋按次編號其存貯之所亦酌派筆帖式  
值宿巡查從之○升貴州大定州為大定府改威甯府為威甯州  
與平遠黔西二州畢節一縣俱隸大定府轄移威甯之知府通判  
經歷司獄教授駐大定大定之知州吏目學正駐威甯○封敖漢

台吉固山額駙羅卜藏為輔國公○丙午 景陵 聖德神功碑  
亭瑞芝生○丁未怡親王大學士九卿翰詹科道等遵旨訊問曾  
靜張熙照大逆不道律即行正法 上御乾清宮召入諸臣等並  
令李紱隨入諭曰今日諸臣合詞請誅曾靜張熙伊等大逆不道  
實從古史冊所未有以情罪論之萬無可赦但朕之不行誅戮者  
實有隱衷上年曾靜之徒張熙詭名投書與岳鍾琪岳鍾琪倉卒  
之聞忿怒驚惶不及籌算即邀巡撫西琳臬司碩色坐於密室將  
張熙嚴加根究問其指使之張熙不肯供出真實姓名旋即加  
以刑訊而張熙甘死不吐岳鍾琪無可如何越二三日百計曲誘  
許以同謀迎聘伊師與之盟神設誓張熙始將姓名一一供出彼  
時岳鍾琪具奏前來朕披覽之下為之動容岳鍾琪誠心為國家  
發姦摘伏假若朕身曾與人盟神設誓則今日亦不得不委曲以

東華錄 雍正十五年 早

期無負前言朕洞鑒岳鍾琪之心若不視為一體實所不忍況曾  
靜等僻處鄉村為流言所惑其捏造謗言之人實係阿其那塞思  
黑門下之兇徒太監等因犯罪發遣廣西心懷怨忿造作惡語一  
路流傳今已得其確據若非因曾靜之事則謠言流布朕何由聞  
知為之明白剖晰俾家喻而戶曉耶且從來國家之法原以懲一  
儆百曾靜等之悖逆諒宇宙內斷無第二人即後世亦可斷其必  
無有與之比者何必存懲一儆百之見所以寬宥其罪並非博寬  
大之名而廢法也一切朕另有諭旨又諭前謝濟世在阿爾泰軍  
前供出昔年參奏田文鏡實出於李紱蔡珽之授意朕令刑部訊  
問李紱蔡珽今刑部將口供呈覽其語仍復含糊希圖掩飾是以  
令爾等帶李紱進見將蔡珽李紱始末宣示爾等知之朕在藩邸  
懶於交接人所共知並不知蔡珽李紱之姓名因馬爾齊哈通曉



醫理常在府中行走後補授清江理事同知朕問明於醫理之人馬爾齊哈舉蔡珽以對朕因令其來見而蔡珽辭以職居學士不便往來王府且醫理癯瘠不能自信朕聞其言深為嘉許後年蔡珽來京力稱蔡珽塞爾圖二人才守識見實超羣類朕告以招之未來之故年羹堯因見蔡珽面言而蔡珽仍堅辭如前朕是以更器重之次年蔡珽補授四川巡撫時朕扈從避暑熱河蔡珽以身屬外官遠行在即向年熙轉求欲到朕園中一見朕相見時蔡珽則極稱李紱才品操守為滿漢中所少是時朕方知李紱之姓名也朕初極之初延訪人才以資治理因起復李紱原官旋授侍郎又命辦理漕務旋授為廣西巡撫伊具摺密奏黃國材收捐積弊巨稱黃國材廣通聲氣其子弟親戚布滿朝列今臣盡發其私必謀傾害朕諭以爾但公忠為國朕必加恩保護豈料伊在朕前如東華錄 雍正十五年 望

世捏款誣參欲令言臣挾制朕躬必遂其私怨而後已此風何可長也李紱蔡珽著交刑部訊取確供備再枝梧掩飾即加刑訊○設滿洲蒙古清字義學○戊申諭自古兇頑之徒心懷悖逆語涉詆誣者史冊所載不可枚舉然如今日會靜此事之怪誕離奇譁張為幻實從古所未見為人心之所共忿國法之所斷不可寬者然朕往復思之若伊訕謗之語有一事之實在朕有幾微不可問心之處則不但會靜當蓄不臣之心即天下臣民亦應共懷離異之志若所言字字皆虛與朕躬毫無干涉此不過如荒山窮谷之中偶聞犬吠鴉鳴而已又安得謂之訕謗乎上年此事初發之時朕即坦然於懷實無絲毫忿怒之意笑而覽之此左右大臣皆深知者嗣令侍郎杭奕祿副都統海蘭前往湖南拘會靜到案明白曉諭逐事開導動以天良祛其迷惑而伊始豁然醒悟悔過感恩東華錄 雍正十五年 望



罪猶輕獨不念 聖祖皇考六十餘年之豐功懋烈而作如此歸  
結豈為人子者所忍為乎阿其那塞思黑等之罪實萬死不足以  
贖矣伊等之奸謀若此目今敗露者即不勝其數其他匪類邪黨  
之聽其驅使者奚止數千百人造作種種誣謗之語已流散於極  
邊遠塞則宇宙之內鄉曲愚人為其所惑者豈止曾靜數人而已  
哉即如三姓之協領華賚身在地方有稽查之責乃伊將所見所  
聞俱行隱瞞不以入告朕在九重內何由而知之何從而究之  
又何自而剖晰開示使天下臣民共曉之今蒙 上天 皇考俯  
垂默佑令神明驅使曾靜自行投首於總督岳鍾琪之前俾造書  
造謗之奸人一一呈露朕方得知若輩殘忍之情形明目張膽將  
平日之居心行事徧諭荒陬僻壤之黎民而不為浮言所惑於萬  
一亦可知阿其那塞思黑等蓄心之慘毒不忠不孝為 天 祖

東華錄

雍正十五年

器

之所不容國法之所難宥處天下後世亦得諒朕不得已之苦衷  
矣此朕不幸中之大幸非人力之所能為者即此則曾靜不為無  
功即此可以寬其誅矣從來奸宄兇醜造作妖言欲以誣惑眾  
者無時無之即如從前妖言云帝出三江口嘉湖作戰場此語已  
流傳三十餘年矣又如廣西張淑榮等言欽天監奏紫微星落於  
福建今朝廷降旨遣人至閩將三歲以上九歲以下之男子悉行  
誅戮又如山東人張玉假稱朱姓係前明後裔遇星士推算伊有  
帝王之命似此誕幻荒唐有關世道人心之語往往地方大臣官  
員希圖省事目為瘋癲苟且掩護於一時而未念及迷惑之害日  
月漸遠傳播漸多遂不能究問其所自來轉令無辜之人受其牽  
累此皆庸碌無能視國家利害如膜外之大臣等養癰之害也又  
如村塾訓蒙之人本無知識而又窮困無聊心懷抑鬱往往造為

俚鄙怪妄之歌詞授於村童傳唱而不知者遂誤認以為童謠轉  
相流布此皆奸民之欲煽惑人心紊亂國法者地方大吏有司視  
為泛常不加稽察懲創以防其漸可乎前年有人捏稱侍郎舒楞  
額密奏八旗領米一事欲以搖惑旗人之心舒楞額聞之據實入  
奏比時朕隨降旨根究即得其造言之人加以懲戒凡屬流言初  
起之時若地方大臣即肯悉心窮究必能得其根由使奸宄不至  
漏網庸愚無知亦不至拖累其有裨於人心世道者良非淺鮮今  
因曾靜之事而查出首先造謗之渠魁蓋以此案發覺尚早易於  
追尋故可遞推而得其根源也且朕之寬宥曾靜非矯情好名而  
為此舉也虞書曰宥過無大刑故無小曾靜之過雖大實有可原  
之情昔我 皇考時時訓誨子臣曰凡人孰能無過若過而能改  
即自新遷善之機故人以改過為貴但實能改過者無論所犯之

東華錄

雍正十五年

望

大小皆不當罪之也朕祇承 聖訓日以改過望天下之人蓋過  
大而不能改勝於過小而不改者若曾靜可謂改過者矣朕赦曾靜  
正欲使天下臣民知朕於改過之人無不可赦之罪相率而趨於  
自新之路也且朕治天下不以私喜而賞一人不以私怒而罰一  
人曾靜狂悖之言止於謗及朕躬竝無反叛之實事亦無同謀之  
眾黨彼跳梁逆命之人果能束身歸命畏罪投誠尚且邀赦宥之  
典豈曾靜獨不可貸其一死乎且曾靜之前後各供俱係伊親筆  
書寫竝非有所勉強逼勒亦竝非有人隱授意指實由於天良感  
動是以後悔之心迫切誠懇形於紙筆此乃其可原之情竝非以  
其為諂媚頌揚之詞而欲寬其罪也若今日喜其諂媚而曲宥之  
則從前即當怒其誣謗而速誅之矣况曾靜今日頌揚之詞較之  
從前誣謗之語其輕重懸殊何止什伯論其情罪豈足相抵若有



人議朕喜會靜之詔媚而免其罪者則與會靜從前之大吠鴉鳴無以異矣然朕亦不論除造作布散流言之逆黨另行審明正法外著將會靜張熙免罪釋放並將伊之逆書及前後審訊詰問之語與伊口供一一刊刻頒布使天下之人共知之楚省地方大小官員等平日既不能宣布國恩敷揚朕訓化誨百姓盡去邪心致有此等愚昧狂亂之人實有忝於父母斯民之責此則深當愧恥者今若以羞忿怨恨之心或將會靜張熙有暗中賊害情形朕必問以抵償之罪會靜等係朕特旨赦宥之人彼本地之人若以其貽羞桑梓有嫉惡暗傷者其治罪亦然即朕之子孫將來亦不得以其詆毀朕躬而追究誅戮之蓋會靜之事不與呂留良等呂留良之罪乃 皇考當日所未知而未赦者是以朕今日可以明正其罪若會蒙 皇考赦免之旨則朕亦自遵 旨而曲宥其辜矣

東華錄 雍正十五年 吳

特諭○諭從來善惡之報纖毫不爽凡罪大惡極之人雖一時寬宥免於誅戮而伊展轉紆回仍復自投法網若有驅逐之使然者即如阿其那塞思黑允祿允禩門下同惡共濟之徒潛蓄邪謀陰懷逆志實國家之巨賊貽宗社之隱憂朕既洞燭其奸本應將伊等寘之於法以絕根株祇以一時不忍思古人殲厥渠魁脅從罔治之意予以寬典發遣邊方保其性命以爲此輩稍有人心或能感發天良悛改夙惡豈料逆天造孽之人不可化誨毒忍之性愈益猖狂上干 天地 皇考之怒委曲宛轉假手於會靜輩使奸黨匪類之罪狀一一呈露不容漏網天道昭顯若此能不令人毛骨悚然倍加警惕乎朕即位之初召諸兄弟於養心殿朕以肝膈肺腑之言痛哭向諸兄弟勸諭之曰朕蒙 皇考付託之重於諸子之中傳朕以大位不比前代繼統之君先後序立父子之間各

成其是非如禹湯之後而有桀紂天下不得因其子孫之不善而掩禹湯之功德若朕之於 皇考則是非得失實爲一體朕躬若是則 皇考之付託爲是朕躬若非則 皇考之付託爲非以皇考六十餘年之聖德神功超越千古朕斷不敢苟且怠荒甘於自棄使天下後世共議 皇考付託之誤致掩六十餘年功德之崇隆朕之此心 上天 皇考實鑒臨之凡我兄弟均受 皇考生成願復數十年天高地厚之深恩當仰體 皇考之心並思天無二日民無二王之義各抒忠盡協贊朕躬於朕所不能者輔之助之於朕所錯誤者規之諫之同心匡弼讓朕一箇是字使朕爲一代之令主以成 皇考之是即諸兄弟所以報 皇考罔極之鴻慈也似此諄諄勸告乃阿其那塞思黑等置若罔聞而悖逆妄亂之旨折不回不可以德化不可以理喻不可以情感不可以東華錄 雍正十五年 吳

恩結即如阿其那方封親王時伊即向人出怨望憤激之語且向在廷大臣云皇上今日加恩焉知未伏明日誅戮之意其目下施恩皆不可信又當大廷廣眾詛朕躬則其他可知矣朕初即位時塞思黑謂其左右人等曰不料事情竟至於如此我輩生不如死此伊太監王應隆親口供出者及令伊居住西甯時伊則以多金邀買人心以致奸民令孤士儀等人密投書札勸其構逆又如允禩依傍 景陵居住尙有奸民蔡懷璽投書院中稱伊爲帝而伊藏匿之是伊等之逆心斷不消除伊等之逆黨斷不解散朕早夜籌思總無可以料理措置以全頑梗以安宗社之良法萬不得已將阿其那塞思黑允祿允禩分別拘禁而不料阿其那塞思黑相繼皆伏冥誅朕之辦理此事皆默告 天地虔對 皇考熟思審慎量其輕重爲宗社國家之大計置此身於度外之舉此心可



以對 上天 皇考至於眾口之褒貶後世之是非朕不問也從前儲位未定時朕之兄弟六七人各懷覬覦之心彼此戕害各樹私人以圖僥倖而大奸大惡之人遂乘機結黨要結朝臣收羅羣小內外連屬以成牢不可破之局公然以建儲一事為操權於己唾手可成不能出其範圍此等關繫宗社國家之大患朕既親見而深知之若苟且姑容不加以懲創儆戒則兇惡之徒竟以悖逆為尋常之事其貽害於後世子孫者將不可言矣況古人云撫我則后虐我則仇是君民上下之間有天冠地履之義尚言施報之情豈有以臣下之分作亂犯上顯然昭著祇因系出宗親遂可縱惡長奸置宗社大計於不問乎故以在下言之則曰撫我則后虐我則仇而以上言之則曰忠我則臣背我則敵此一定之情理千古之通義也且孟子曰民為貴社稷次之君為輕夫以君與社稷相較君尚輕於社稷則兄弟宗親更不待言矣若但務敦睦九族之虛名而不計宗社蒼生之大患豈不本末混淆輕重倒置耶今不必遠引古昔之事即以我朝與明代之近言之我 太祖太宗剛毅明決豫燭機先不以私情而存姑息之見是以成大一統之規貽世世子孫太平之福明之建文優柔寡斷不知大義不識權變意欲保全骨肉而釀成永樂之禍卒至國危身喪為祖宗之罪人永樂雖幸而事成祖宗天下不致落他人之手然俯對臣庶能不赧顏乎傳之後世能免譏議乎且擾亂海內荼毒生靈宗社之危臣民之厄未有甚於此時者又如明宸濠之亂亦由於姑息釀成可為天下後世之鑒戒也總之人君不幸遇此等之事若見之既真知之既確則當權其利害之輕重而毅然決斷勿存小不忍之見顧己身之毀譽以貽禍患於無窮儻見之不真知之不

東華錄

雍正十五

癸

確而冒昧行之或更有私怨參乎其間則為 天地 祖宗之罪人亦不能逃於譴責也朕於阿其那等結黨構逆之情知之真確而其顯然背叛之迹又大廷廣眾之所共見共聞者彼時諸王大臣等屢次合詞陳奏請將阿其那塞思黑等即正典刑朕召入面見墮淚復切諭之曰阿其那塞思黑允禔允禵乃 聖祖皇帝之子朕之親弟骨肉手足爾等皆受 聖祖皇帝及朕深恩之人今所奏如此若稍有情罪不符之處陷朕於不義或稍有心口相違之處抱歉於隱微則得罪於 上天 皇考者莫大乎是其能逃於天譴乎此時諸王大臣異口同聲無不以為阿其那塞思黑等悖逆之情罪斷斷不容寬宥朕復逐一詢問人人皆言陳奏之處實實出於公心朕猶降旨詢問各省督撫提鎮等其所奏亦復僉同祇因尚有數處未曾奏到朕未降旨各令拘禁仍欲詳加斟酌而定之意而二人乃相繼而死朕尚未將伊等明正典刑也此京師億萬臣民所共知之事不待朕之曉諭者若天下之人必欲以朕誅戮二人為言據伊等罪情朝廷法律而論朕亦不以誅戮二人為諱蓋有此一番懲創使天下後世宗親不肖之輩知大義之不可違越國法之不可倖逃循理安分以受國家寵榮則所以保全骨肉宗親者大矣多矣此遵古帝王刑以弼教之意實盡敦睦九族端本之道者觀今日阿其那塞思黑已死而其逆黨匪類等仍不肯歇心更加搖唇鼓舌到處誣捏傳播冀惑天下民人之聽為構孽報復之端若非 上天 皇考俯垂默佑使之敗露則傳之天下後世尚貽疑似之端不但朕抱不白之譏可惜 皇考六十餘年際天蟠地之功勳 上天六十餘年錫福凝禧之恩眷俱付之流水矣朕又自幸撫躬內省實毫無幾微瑕疵之可指摘理

東華錄

雍正十五

癸



直氣壯因會靜此案得以明目張膽向薄海內外億萬臣民剖晰而暢言之不然則口將言而嚙嚙豈能免於瞻顧回護又何顏以對廷臣左右近侍之人乎朕蒙 皇考俯鑒惻忱於眾弟兄中惟許朕以誠孝二字朕時時自問不但用人行政起居出入之閒事事效法 君父卽隱微之閒偶舉一念必思此一念果合於我君父始敢存於胸臆否則必屏去之朕雖不敢自謂盡孝然生平一片愛慕誠敬之心實可以對 天地神明是以仰蒙 上天 皇考照察保護提攜每顯彰景象而發奸摘伏之處實非人力所能爲者朕惟有以手加額感激頂戴刻骨銘心益加勉勵而已朕因匪類誣捏浮言故明白剖晰前後降旨十數道以示臣民儆朕言有一字虛捏是亦如若輩之居心必遭 上天之責罰也特諭

○諭前曾靜逆書誣謗朕躬諸條離奇荒唐卽夢寐中亦無此誕

東華錄 雍正十五年 辛

幻怪異之境惟有加朕屠弟之名一節朕不辨亦不受已於前論中述其梗概但朕之苦衷尙有未曾詳晰宣示者當日阿其那陰險狡獪逆黨之渠魁塞思黑允禩皆聽其指揮願出死力而不顧倫常之大義其舉動甚不可測若阿其那果肯省愆悔過革面革心則其他斷無有不效法悛改者朕是以令塞思黑等分別居住而留阿其那在京所以加恩厚待冀其感激醒悟者無所不極其至且披肝露膽誠切勸告至於泣下所少者惟下跪懇求耳豈知伊悖逆不臣之念百折不回前諸王大臣等所參惡蹟數十條皆舉朝共見共聞之實事及至拘禁之後不但不知畏懼轉歡躍加餐橫肆之態不堪枚舉是豈尙有悛改之日耶塞思黑居住西甯逆狀種種無絲毫畏懼之心及令其來保定時豈但無儆惕之意一路談笑自如其解送人員向伊稱述朕卽位以來所辦政

務伊笑曰他從來原伶俐全無臣弟之道而其悖逆之念更熾又何可望其悛改耶允禩拘禁已四年有餘至今悍傲如昔允禩在拘禁之地尙爲鎮壓之術被伊太監出首朕遣大臣詢問情由竝從前結黨等事伊云我若說出口恐殺我如果皇上免我從前重罪則便一一實供所遣之大臣云皇上原有旨意汝若據實供出絲毫不隱必寬宥汝罪於是伊將從前阿其那塞思黑允禩等朋比作奸陰謀祕計暨朕卽位後所懷逆議一一供吐且自認鎮壓不諱是以諸王大臣力請正法朕仍將伊寬宥看伊近來似稍有感愧之意至於阿其那塞思黑從來之惡蹟其彰明較著爲朕所知者不可勝數而其處心積慮鬼域之行蹤爲朕所不知者不知凡幾伊等自意以爲朕必皆悉知料無可倖免之理是以殘毒之念日益加深妄亂之行愈無忌憚擇一死以累朕逆志堅定不可

東華錄 雍正十五年 辛

拔矣似此萬無可姑容之罪情而朕尙未忍卽置之於法仍令拘禁以待天下督撫大臣公奏到日再行酌定不料旬日之閒二人相繼俱伏冥誅實奇事也比時朕垂涕諭在朝大臣曰朕原欲爲十全之令主以報答我 君父之恩今有二人之事便魁勉十分之善亦減去其半矣此朕所遭之不幸豈非朕 父子前因夙劫之冤孽耶總之此等立心與國家君父爲仇之人暗結死黨潛蓄奸謀不將國家至於擾亂傾危其心不肯止息朕既洞燭其逆情若不先期防範及彼謀成事就而後應之則朕之力不能勝彼時身死無名爲天下後世笑不但負 皇考付託之重而宗社之安危正不可必天下生靈皆遭塗炭之厄矣幸朕每事洞燭幾先伊等之伎倆全無所施惟力造作惡言以爲煽惑報復之計由今日之事觀之雖渠魁數人被誅而其同黨脅從至微至賤之人仍復



懷藏逆志傳布大逆之語以此情形觀之然則朕之留心防範早為經理者豈非 上天 皇考默啟其心使宗社蒼生享太平之福耶從來仇敵之人造為謗議以洩其忿者往往有之朕從前未忍將逆黨悉行正法而充發邊遠時亦料此輩奸邪匪類必有怨望之詞想亦無人聽信但不料其污衊詆毀怪誕奇特至於此極亦竝不料有曾靜張熙輩遂信以為實而便生背叛之心也所幸薄海內外億人兆人受 皇考聖祖六十餘年深仁厚澤決髓淪肌不為匪類流言搖惑於萬一者豈人力之所能哉則 皇考之留遺於朕者豈止天高地厚而已哉今日不但雪朕不白之冤而 皇考又安宗社蒼生之功德愈加彰著矣揮淚書此再示臣民天下亦可以知朕之心矣○己酉怡親王等奏伏讀 上諭寬宥曾靜仰見我 皇上大度包涵如天之無不覆如地之無不載雖惡獸毒蛇魑魅魍魎不忍以雷霆殲滅欲使之革面回心自堯舜禹湯以至於今未聞此寬大之典也伏思我 朝勳業垂統 列祖聖聖相承 聖祖仁皇帝御極六十餘年豐功駿烈炳耀日星厚澤深仁浹洽宇宙 皇上嗣統建極大孝大德至聖至誠宵旰勤民仁育義正躬行節儉俾藏富閭閻廣沛恩膏以普甯黎庶蠲賑動盈億萬教養溥徧遐荒數年以來年歲豐登民氣和樂嘉祥駢集風俗阜成舉凡含齒戴髮之儔靡不沐浴 皇風歌詠 帝德山陬海澨僻壤窮鄉咸順則懷恩心悅誠服乃有曾靜者性與人殊兇狡狂幻蠱惑於逆賊呂留良之反書悖論復道聽阿其那塞思黑門下之奸徒匪類散布誣捏毫無影響之流言輒敢編集蜚語繕寫謗書令其徒張熙從湖南遠至陝西赴總督岳鍾琪衙門投遞雖不能為反叛之事實素蓄反叛之心是以惡貫滿盈神

明驅遣令其自行敗露身服典刑以消異類之邪說以正天下之人心也經年以來中外臣民聞其嗥吠皆切不共戴天之念思食其肉而寢其皮今 皇上沛如天之仁憫其始由誤聽今已悔悟情有可原特加寬宥伏讀 聖諭以改過望天下之人過大而能改勝於過小而不改若實能改過則無不可赦之罪又念跳梁逆命者畏罪投誠尚邀從寬之典大哉 皇言寬仁好生之德度越千古但曾靜梟獍性成陰謀不軌誣謗悖逆罪惡彌天查律例開載十惡凡謀反叛逆及大不敬皆常赦之所不原曾靜之罪在十惡乃三宥之所不及而張熙與曾靜共謀不軌赴陝投遞逆書思欲搆亂亦所難寬仰祈 皇上敕下法司即將曾靜張熙按律處決碎屍懸首查其親屬逆黨盡與殲除以明 朝廷之憲章慰臣民之公憤得旨寬宥曾靜等一案乃諸王大臣官員等所不可東華錄 雍正十五年 聖諭以改過望天下之人過大而能改勝於過小而不改若實能改過則無不可赦之罪又念跳梁逆命者畏罪投誠尚邀從寬之典大哉 皇言寬仁好生之德度越千古但曾靜梟獍性成陰謀不軌誣謗悖逆罪惡彌天查律例開載十惡凡謀反叛逆及大不敬皆常赦之所不原曾靜之罪在十惡乃三宥之所不及而張熙與曾靜共謀不軌赴陝投遞逆書思欲搆亂亦所難寬仰祈 皇上敕下法司即將曾靜張熙按律處決碎屍懸首查其親屬逆黨盡與殲除以明 朝廷之憲章慰臣民之公憤得旨寬宥曾靜等一案乃諸王大臣官員等所不可贊一辭者天下後世或以為是或以為非皆朕身任之於臣工無與也但朕亦再四詳慎所降諭旨俱已明晰諸王大臣官員等不必再奏儻各省督撫提鎮有因朕寬宥曾靜等復行奏請者著通政司將本發還○諭莊親王允祿等騎射乃兵丁最緊要技藝八旗大臣與章京等皆係率領兵丁出師行圍之人理應親率各官操演騎射嗣後遇平常較射之日俱著學習騎射若年逾五十五歲者聽之將朕此旨徧行曉諭○吏部議准四川巡撫憲德奏川省州縣先因地廣人稀政事簡少將雙流等縣裁併今生聚日繁應復設縣治照舊分理成都府復設雙流縣崇甯縣彭縣綿州復設彰明縣羅江縣重慶府復設大足縣璧山縣定遠縣夔州府復設大甯縣新甯縣潼川州復設安岳縣眉州復設彭山縣青神縣嘉定州復設威甯縣各設知縣一典史一其羅江驛驛丞裁驛務



歸併知縣管理各縣俱設訓導一以司學校從之○庚戌諭內閣  
大學士尚書侍郎都御史副都御史各大員有子孫在京闈及本  
省鄉試未經中式年二十以上者著各舉文理通順可以取中者  
一人開送內閣請旨尋開列大學士蔣廷錫子溥吏部尚書嵇曾  
筠子璜都御史唐執玉子少游吏部左侍郎史貽直子奕謩戶部  
右侍郎王廷揚子鏐禮部左侍郎錢以境子鑒禮部左侍郎鄂爾  
奇子鄂倫兵部左侍郎楊汝穀子綬刑部左侍郎繆沅子樓工部  
右侍郎張大有子鴻運侍郎署理倉場事務涂天相子士炳副都  
御史謝王寵子升等具奏得旨俱賜舉人戶部侍郎劉聲芳子劉  
俊邦因病未應鄉試亦賜舉人准其一體會試○諭翰詹科道等  
自古朋黨之患必至害於而家凶於而國而已身亦並受其毒爾  
等多由科目出身讀書明理當以此爲切戒務爲端人爲正士爲  
東華錄 雍正十五年 善

班本欲害田文鏡而適以自害其身豈不可爲眾人之炯戒哉夫  
人才力各有不同在朕之用實係因材器使爾等安分循理各盡  
職業自然識見日開閱歷日進今日之小臣卽他日大臣之器何  
必存躁妄之心以自限也至於閉門謝客以示孤介亦矯情之舉  
如在京之大臣外省之督撫平日果不見一人不聞一語又何以  
周知人之賢否事之利弊爾等新進小臣亦不必以師生同年往  
來相接爲諱但當和衷共濟勸勉箴規以道義相砥礪此則君子  
之朋朕所望於爾等者也天地神明之所佑者誠所惡者僞果能  
去僞存誠於處心積慮之間爲朝廷爲國家爲社稷爲蒼生此卽  
爾等所以自爲其身家不但己身榮顯子孫亦必受其福矣爾等  
將朕諭旨時時體認清夜自思躬行實踐朕言自必有驗勉之勉  
之○解樓儼任以黃文煒署廣東按察使由鹽運使署○移雲南永善  
東華錄 雍正十五年 善

國家倚賴之大臣不可誤入於小人之一途蓋小人有小人之器  
局識見小才氣亦小恃其小忠執其小信行其小惠縱有微長適  
成其爲小人而已大人有大人之器局識見大才氣亦大大忠大  
義大仁大智凡所作爲皆有關於國計民生此等大人實能公忠  
體國並無沽名邀譽之心而名譽自至是以爲臣子者凡事爲國  
起見所成自大若爲一身起見則所成必小甚至卑污苟且夤緣  
請託瞻徇情面黨同伐異流弊不可勝言朕在藩邸四十餘年於  
人情世態無不洞悉此等陋習實所痛惡朕於 聖祖仁皇帝前  
從無揣度意旨探聽信息及邀名沽譽之事朕兄弟輩則多蹈此  
轍朕惟以禮處事和而不流一生心蹟仰邀 皇考聖明洞鑒可  
見天下之結黨營私者徒自壞其心術品行耳欲求纖毫之利益  
不可得也卽如康五瑞本欲袒護李紱而究不能掩其惡李紱蔡

郎中王圖煒縱容家人張象九夾帶私鹽王圖煒及草率審詳之  
道府知縣等應交部察議得旨凡督撫大臣之考察屬官惟公正  
無偏賞當其功罰當其過則屬吏知感知畏相率而奉其訓導遵  
其約束苟賞罰不當不但過於寬縱屬員生玩愒之心卽過於嚴  
厲屬員亦起藐忽之念蓋以其賞罰不足憑而寬嚴無定準也朕  
思王圖煒係世宦之家奴僕眾多豈能保其無一生事爲非者儻  
王圖煒平日或係知情或事發之後將家人縱放藏匿不令質訊  
則當並治其罪今張象九於未事之先王圖煒早已責逐有案可  
據而范時繹乃稱刑訊之後改供是明係小人畏刑三木之下勉  
強承認未可爲信誠况卽張象九所改之供在王圖煒亦無通同  
作弊之處何至將王圖煒及審詳各官一併參奏范時繹之察吏



如此何以使屬員畏威而懷德奉令而承教乎王圖煒及審詳之道府知縣等官俱不必交議○甲寅甯遠大將軍岳鍾琪奏噶爾丹策零使臣特磊於十月初五日前至陶賴大板斥候臣隨派理藩院員外黑色前往於初六日將來使特磊等十一人帶至巴爾庫軍營據特磊云原解送羅卜藏丹津前來行至伊爾布和邵地方遇逃回蒙古三人稱總督今帶兵二萬從哈密一路前來是以請示噶爾丹策零將羅卜藏丹津仍回伊犁輕騎滅從齋摺前來等語臣以特磊之言實難憑信撥參將劉廷琰等將特磊伴送至肅州加謹防範得旨著劉廷琰伴送特磊赴京○丁巳設立五城鋪司巡檢各一○戊午添設熱河地東八溝地方通判一巡檢一○己未諭禮部朝鮮國王世篤恭順虔修職貢昔蒙 世祖章皇帝軫念藩封特頒 敕諭所有應進 聖壽冬至元旦表儀俱准

東華錄

雍正十五年

癸

於元旦併貢以彰柔遠之至意近見該國王於領受齋資等事皆特遣使臣齋表奏謝朕念該國距京三千餘里貢使往來未免勞費嗣後凡屬謝恩本章俱著與三大節表一同齋奏不必特遣使臣永著為例該部即行文該國王知之○諭雲貴廣西總督鄂爾泰忠誠體國經理苗疆勳績懋著伊曾祖圖捫於開國時奮勇陷陣效命疆場忠節炳然垂光衍慶積於其孫鄂爾泰為不世出之良臣祖孫忠良後先輝映朕甚嘉焉今鄂爾泰奏稱曾祖圖捫與祀昭忠祠牌位列銜佐領請將苗疆議敘之案移賞曾祖圖捫父誥封等語著將鄂爾泰之曾祖圖捫父俱照總督加內大臣兵部尚書職銜給與一品誥封其昭忠祠牌位改書新贈之銜入於大臣之列鄂爾泰苗疆之案仍著議敘○庚申諭理藩院紫禁城內蒙古王等著照在京王例騎馬貝勒貝子公等年六十五歲以上者亦

著騎馬○添設刑部左右見審司滿漢郎中員外主事十二員筆帖式十員專理見審事件○辛酉諭內閣雲貴廣西總督鄂爾泰以雲南趙州白崖地方平地忽涌甘泉二股摺奏內外臣工皆以滇省醴泉歸美於朕朕實不居也夫君臣上下本為一體設人君有父安百姓之心而其臣不能宣布德意以成善治或上官有撫字羣黎之念而其民不能感化以成善俗皆不足召天和而徵瑞應也鄂爾泰以公忠之心行撫綏之政至誠所感能使吏服其教民懷其惠所屬之境康阜恬熙而滇省官民又實能率從鄂爾泰之訓導風移俗易和氣致祥是以數年之中疊見慶雲醴泉之瑞此蓋上天恩賜以表著賢臣之善績也昔張堪之麥秀兩岐魯恭之蝗不入境彼郡邑守令有循良之化尙足感召嘉祥况節制三省化民成俗者乎又如范仲淹之治青州廣施惠政溪澤忽涌醴

東華錄

雍正十五年

癸

泉此皆載在典籍信而有徵者非朕褒揚鄂爾泰為勗見之論也凡督撫大臣加惠一方以致感格天心賜以上瑞此皆督撫之力朕不敢以為功而任用之得人與否則朕之責也諸臣將慶雲醴泉之端歸功於朕實於朕無涉若謂朕能推心置腹以信用鄂爾泰使得盡展才猷悉心教養以成風俗之美受上天之恩此則朕所不辭者○壬戌諭內閣科場乃國家取士大典關係甚重數科以來鄉會試主考同考皆慎遵功令屏除弊端輿論毫無異議朕亦屢加獎許然又恐其久而生玩故習復萌未嘗不隨時訓誨儆戒提撕也今年順天鄉試榜發後有人密奏闈中有頂替夾帶等弊朕令諸生自行出首今果有自首頂名者一人夾帶者四人此則外簾疏忽之咎已降旨將稽察官員嚴加處分又密奏今年場前有房考一二人與士子往來者夫以科場久已肅清之時不應



尚萌暗通聲氣之想凡科甲出身之官員自知有衡文之分便當  
速避嫌疑杜絕干謁何至以交遊形蹟啟人議論之端况士子應  
試之先豫懷鑽營倖進之念此即行止不端之人一旦忝竊科名  
豈能成有用之材為國家分猷宣力乎為房考者又何為收羅此  
等儉邪之輩豈但不能得其相助之益且必至敗己身之聲名干  
朝廷之憲典亦甚矣今歲外閒雖有浮言卻無實據姑免深問  
來春會場在即各省舉子雲集京師凡在京官員有考官之責者  
各宜豫先微惕戒慎小心防微杜漸勿以小不檢點被人指摘致  
貽科甲之羞况國法具在朕不能曲為寬假也思之慎之○甲子  
諭內閣朕夙夜孜孜以吏治民風為念惟蘇松所屬糧賦浩繁民  
欠累積官吏借此侵漁姦徒肆其包攬若不徹底清查則吏治難  
以整肅民風無由醇厚是以特命大臣總理清查之事又遴選大

東華錄

雍正十五年

奏

員分查州縣協理令將官侵吏蝕民欠三項明晰清釐不得絲毫  
蒙混又屢次降旨將蘇松等七府太倉等五州歷年帶徵地丁漕  
項錢糧一概暫停徵比俟釐剔清楚之後再降諭旨並令該督撫  
徧行出示曉諭是朕於清查一案已申示再四可謂明白詳備矣  
乃承命之員奉行不善其始以為官侵無幾遂將紳衿所欠帶徵  
之項指為官侵以致姦胥蠹吏借端挾詐如松江候選州同朱榮  
椿者積欠錢糧九百餘兩而為蠹書訛詐亦至九百餘兩此其明  
驗也又聞不肖州縣有以里圖櫃書侵蝕之項將來難於歸著議  
令宦戶富戶分派攤賠者又有將帶徵錢糧加增火耗以補官虧  
者其說雖未足盡信然人言藉藉總理其事者甯未聞之耶此皆  
由於承命之員不能深體朕心而以徵比為清查之誤也設朕欲  
藉此為催徵錢糧之計從前又何以降旨停徵乎其有自願完納

仍令地方官收受者緣浙江總督李衛來京陛見時奏稱江南舊  
欠錢糧自奉諭停徵之後凡有願完者州縣官恐涉先侵後吐之  
嫌概不收受於民情頗有未便等語朕以民間凡有隱匿錢糧尚  
准其自首豈有願完舊欠而不准其輸納之理是以諭令戶部行  
文該總理清查大員知之乃不意奉行者遂借此為由將停徵之  
項概行催徵名曰勸輸差役追呼甚於嚴比近見各員所奏有稱  
已完一百餘萬者有稱旬餘之內州縣完三萬餘兩者而溫而遜  
奏云此番清查首在勸其完納不徒在於造冊又聞朱鴻緒告人  
云鎮江一府舊欠二年內必令其全完是各員俱以完納錢糧為  
重而以清查官侵吏蝕民欠置之度外矣與朕旨不大相逕庭乎  
著將未完積欠概行停徵其中或有官吏侵蝕今自首完納贖罪  
者聽其交庫外其餘民欠即有情願交納者亦不准收受該總理

東華錄

雍正十五年

奏

之員務令分查協理各員恪遵前旨將官侵吏蝕民欠分別清釐  
無得絲毫蒙混儻仍有私行徵納及將民欠內之宦戶富戶掩蓋  
官吏侵蝕者該督撫及總理大臣即行指參從重治罪儻徇不  
舉或失於覺察經朕訪聞定將該督撫等一併交部嚴加議處又  
聞分查之員令各欠戶自行首報夫前旨之准令自首者乃侵蝕  
錢糧之官吏此等侵蝕之人本有應得之罪朕不忍其盡羅國典  
是以令其據實自首則從寬免其治罪至於歷年積欠前已分年  
帶徵令又一概停徵伊等又有何罪而令其自首乎總之各員不  
知朕徵清吏治惠養小民之心而惟以錢糧為重朝廷之德意不  
能宣究於下司其事者甯無愧乎諭到著督撫布政使即刊刻頒  
發所屬凡遠鄉僻壤悉行張挂使官吏紳衿軍民人等咸知朕意  
○乙丑諭內閣記載之失實人多忽而不知覺察朕侍 皇考聖



祖仁皇帝數十年時時祇聆 聖訓今觀臣工記載者舛錯疏漏之處甚多朕嗣統以來元年二年內閣面奉之旨書寫時動輒譌舛自張廷玉為大學士聽朕諭旨悉能記憶繕錄呈覽與朕言相符蓋記載一事良非易易毫釐千里之差不可不慎是以諸臣欲記朕諭者朕令繕寫進呈之後方許存稿恐其失實以傳謬也朕因科甲積習有關世道人心屢進翰詹科道諸臣而面諭之旋令翰詹等百餘員紀錄所聞繕摺以進朕一一披覽則人人各殊有與諭旨全不相符者有數語偶合而記憶不全者又有詞句鄙俚意義蒙晦者以一日同奉之諭旨而至於百其人者百其說不亦舛謬之甚乎其中若有能文之士私自存錄流傳於後遂以為朕當日之訓旨固然也其貽誤不淺矣朕觀前史所載未可全信每滋後人之口實如漢文帝見賈誼問以鬼神至夜半前席一事李東華錄

商隱則為詩譏之曰可憐夜半虛前席不問蒼生問鬼神夫賈誼入見時文帝方受釐坐宣室因感鬼神之事而問之此固非問蒼生時也如欲問蒼生之事隨時可以召對又何必夜半哉至於坐久前席亦尋常事耳且文帝漢之賢主也恭儉仁厚移風易俗閱歷世務深矣視賈誼之疏狂少年才識相去何啻什伯蓋知其不足與問蒼生故姑問鬼神耳賈誼經濟具見治安策中不獨論當世之務迂闊難行其於堯舜之治道亦未窺見本原也賈誼之策僅託諸空言文帝之功已見諸實事文帝豈棄才之主哉而王勃又謂屈賈誼於長沙非無聖主竄梁鴻於海曲豈乏明時朕以為屈賈誼於長沙必須聖主竄梁鴻於海曲正待明時鴻之詭激自棄於肅宗之朝誼之疏狂未足以佐文帝之治安得以是為二君譏議哉孔子嘗言為君難即此可見設有一未私議妄自記載非

惟庸主無由剖析雖明哲之君亦何從聞見而正其是非其流傳失實受誣於後世者不知凡幾矣孟子曰盡信書則不如無書誠以記載未可盡憑而欲杜好議論者之口也人情厭常喜新稗官野乘好事者流無端撰成一說娓娓動聽按之皆子虛烏有此其荒唐誕幻無足論者若夫記言記事國之大典將以徵信後世烏可或忽今乃新承提命而記錄多舛尚足當載筆續言之任而無忝乎用是奮筆翰詹諸臣奏摺細加揀汰其與朕之諭旨間有符合者採摭聯綴融會成篇付諸剞劂人賜一帙俾各朝夕觀省是訓是行以祛科甲之積習並知記載失實之非庶乎憬然惕然歷久而勿忘也夫○諭科甲出身官員等國家設科取士原欲得讀書明理之人列於庶位俾皆公忠體國實心任事於國計民生均有裨益此科甲之所以可重也乃科甲出身之人不思秉公持正東華錄

以報國恩相率而趨於植黨營私之習夤緣請託朋比袒護以至顛倒是非排陷報復無所不為風俗人心之害莫過於此朕御極以來多有人論科甲中人不可信朕於爾等科甲諸臣推心置腹期待甚厚以為用人者若捨爾等讀書之人則將以何等入為可用然使爾等積習相沿惟以黨護師生同年為事夤緣朋比貽害於人心風俗將使為君上者雖欲用科甲之人而有所不可則科甲諸臣抑何自暴自棄貽笑於天下以至此也朕早夜孜孜欲使萬民各得其所措天下於久安長治何事不加整頓釐飭務令秩然就理豈容爾等科甲中黨援積習為世道生民之害而不望其翕然丕變乎夫以科甲流品相誇尚其風自唐宋以來即有之前明而流弊已極不知讀聖賢之書惟以致君澤民為貴不在科甲之名也古之皋夔稷契誰為科目乎科目中人遇不從科目出



身者即鄙薄而非笑之不知彼之非笑科目者更甚此如江浙人議山陝為巖魯山陝人亦謂江浙為懦弱何關人品之輕重乎國家用人行政惟貴至公有人因科目而營私黨護即有非科目之人偏受其害如黜陟之際不肖者或以科目之黨援而升擢必有賢才因而屈抑矣賞罰之閒有罪者或以科目之黨援而倖免必有無辜因而冤濫矣科目之習一日不革則天下之公理一日不著爾等當豁然醒悟庶可使歷代相沿之敝習廓然頓除也且爾等亦思朕之不惜煩勞諄諄誥誡必欲爾等覺悟改易者豈惟上為國而下為民乎蓋以爾等品行之邪正於此分爾等名節之成敗於此判而爾等切身之利害更即於此而辨若使請託公行毫無顧忌則地方官員皆得任意作姦戕虐百姓罹其害者非爾之至親族屬即爾之鄉黨鄰里爾亦何所利焉況爾等以黨援袒護

東華錄

雍正十五年

為利者不過圖一時門庭之烜赫而已獨不思身後子孫能必其世世常為科甲乎一朝失勢則爾等子孫不即轉受科目之欺陵傾陷乎目前之利甚少日後之害甚大朕為爾等計之熟矣爾等乃不自猛省乎朕非禁絕爾等師生之分誼欲其不相往來也誠使師生同年平時互相規勸以道義勵以公忠各為國家分猷宣力雖日相親近奚害焉且爾等素以師生之誼情同父子則為父兄者自當教子弟以正豈可使之資緣請託而不知恥乎為子弟者自當事父兄以禮豈可與之資緣請託而不知非乎從來請託營求皆屬無益如州縣選得地方有求部院大臣作書屬託上司者在公正大臣自必不應設或應其所請而致書彼督撫大吏遂肯徇情曲庇乎徒使有人恃其奧援之請託遂至放佚怠惰不自檢束以極於貪污狼藉難免督撫之參劾彼請託者能挽救之

乎不如無所請託其有才守者不患無以自見即中材之人亦胸無倚仗皆做勉砥礪不敢為非而得以自全然則科目中人為其子弟親屬鑽營請託者亦愚之至矣朕之訓誨開導至再至三亦以為從古君臣之際所最罕得之遭逢爾等皆讀書明理之人果能深體朕訓幡然洗心滌慮盡改其積習有何不能辦理之事百僚師師和衷共濟何患政治不臻上理乎且人無不可改之過亦無不可化之氣質孔子云雖愚必明雖柔必強惟在其人自勵耳爾等聽朕訓旨不但貴於心悅誠服要在身體力行不可一時面從過後輒忘須時時做惕常若在朕前親受提撕方不虛朕諄切訓誨之至意也爾等翰林自以文章為職業但須為經世之文華國之文一切風雲月露之詞何所用之若既改官則各有當盡之政務人之心思才力難以兼營不可自負文人荒其職守蓋文

東華錄

雍正十五年

章政治理本相通事無旁貸急所當務方為盡職至於賦詩飲酒自附於晉人風流此等惡習所當深戒而痛絕者也翰林科道乃國家所賴以轉移風化之人朕所以屬望爾等者甚為切至朕觀初次訓誨時爾等領會者數十人中數人而已二三次覺領會者過半今則不能領會者大約不過四五人誠知朕所以再三訓誨不惜煩勞者實為國計民生之休戚實為人心風俗之安危實為爾等身家子孫之利害爾等各有天良自應人人覺悟感奮奮然不變盡去其黨援朋比之積習為朝廷殫竭忠誠秉公持正辦理庶務將見君臣上下一德一心治道自此而日隆世風自此而日厚我國家億萬年長享昇平爾等子孫亦世蒙其福如此而謂科目之取士固足重也豈不美歟爾等共勉之○戊辰諭內閣數年以來怡親王及內外大臣中數人協贊朕躬忠誠宣猷為國家辦



理政務勤慎奉職甚屬可嘉怡親王之儀仗著增一倍大學士張廷玉著加少保大學士蔣廷錫加太子太傅刑部尚書勵廷儀加太子少傅靖邊大將軍公傅爾丹甯遠大將軍公岳鍾琪雲貴廣西總督鄂爾泰俱加少保河東總督田文鏡加太子太保浙江總督李衛吏部尚書查郎阿甯夏將軍席伯俱加太子少保○是月免雲南甯甯縣水災額賦有差

十一月癸酉諭滿漢文武大臣今日冬至祀天於圓丘天氣晴明和霽迥異平時朕御極以來時時默禱凡遇壇廟祭祀典禮所關皆求上天賜以晴和天氣而齋戒之日朕必虔誠敬謹以為昭格之本不敢絲毫怠忽乃數年之中蒙上天鑒察朕心每逢祭祀典禮或先期風雨或過後陰寒而本日行禮之時必晴霽暄和此萬耳萬目所觀瞻歷歷不爽者天道至公惟佑善人

東華錄

雍正十五年

齋

一念善天賜之福一念不善天降之災且天道至近時刻照臨於前後左右帝王有帝王之天臣工有臣工之天即匹夫匹婦亦有匹夫匹婦之天舉首即是動念即是不以貴賤殊亦無須與離也善惡之報全視乎其人之自取即如播種者種稷生稷種黍生黍又如擊器者擊金則為金聲擊石則為石聲此一定之理無可疑者然其善惡之分又必視乎其心之公私所謂私者不但徇情枉法婪贓受賄然後謂之私有沽名邀譽之念亦是私有計較利害之念亦是私有迎合君上之念亦是私必將毀譽得失全不計及止一念順理而行以俟天命此乃所謂誠也然必敬而後能誠古之聖賢以主敬為本惟其主敬是以念茲在茲不愧屋漏無慚衾影處處可以對天則不善之念何自而萌乎既無不善之念則是一身之中方寸之內有獲福之基無招禍之理焉有不荷神明之

默佑而順適暢遂者爾諸臣試遵朕言而行自然覺悟自有效驗也總之為君為臣之道止有敬天勤民兩端而用人行政即在敬天勤民之內爾等每當頒祿受賞之際咸感激朕恩不知朕之所自奉與逮及大小臣工者皆百姓之脂膏也君若臣共受百姓之奉養而於教民養民之道漠不關心聽其失所清夜捫心何以自安尚云可以對天地而無慚乎吾君臣當共勉之○以方觀為陝西西安布政使調劉相為浙江按察使以馮景夏為安徽按察使由江蘇○甲戌發帑銀百萬兩加修高家堰隄工○兵部議准雲貴廣西總督鄂爾泰奏廣西右江鎮向設左右二營左營遊擊守備同總兵駐紮飯樂右營遊擊駐紮百色右營守備駐紮泗城府治查飯樂形勢低窪微有煙瘴兼非適中扼要之區百色地方人煙稠密實黔滇之門戶請將右江鎮總兵官及左營遊擊弁兵

東華錄

雍正十五年

筮

等移駐百色留左營守備一把總一兵一百五十名駐飯樂右營守備亦撤回百色移右營遊擊帶千把總各一撥原防百色汛兵一百名合泗城舊設兵二百七十八名駐泗城府治從之○乙亥以葛森為陝西甘肅布政使辦理噶斯軍需宋筠為山西按察使由給事○命甘肅布政使孔毓璞仍留原任○丙子以山西備辦軍需鞍履免辛亥年額賦二十萬兩○怡親王允祥奏辭增加儀仗得旨數年以來朕於怡親王有加恩議敘者王多再三奏辭情詞懇切朕勉從所請者有之王忠誠敬慎輔弼朕躬為國家宣猷效力之處甚多昨朕降旨加恩於內外公勤任事之大臣數人因念王之勤勤較之諸臣為最若不錫以獎功之典朕心實有未安是以增加儀仗一倍以表觀瞻稍示朕嘉予賢王之意在王領受並非越等逾分之事已頒諭旨不必固辭○以路振揚為鑾儀使



馬會伯為兵部尚書費金吾為湖北巡撫由山東布政使遷○戊寅諭內閣從來開國之初必有從龍之佐或開疆拓土茂建崇勳或陷陣衝鋒捐軀殉節至於承平之後伐叛討逆其抒誠宣力之臣壯猷忠節並足以垂光竹帛流譽無窮為人上者無不存篤念忠勳之心於本身厚加贈卹尤切望其子孫克紹前徽永受優待功臣之澤為之子孫者自當謹守家風努力奮志砥礪廉隅世世為國家有用之材以繼述先烈即或貧窶不能自振國家自必加以恩澤周卹其身家而不至於困苦無依也乃功臣之後往往有不肖子孫自取敗類或謀私結黨欺君誤國或貪贓壞法虧空國帑陷身刑辟以致發遣遠邊妻子入辛者庫在國家之法雖宗室懿親亦不能曲為寬宥豈能於忠節之子孫別開寬假之路乎此等之人不念先人之心迹以致深負國恩非惟不忠更兼不孝其祖父有東華錄 雍正十五年 矣

知亦應深惡而痛絕之且國家遇此等人寬之以恩則法有所不伸置之於法則情有所不忍為君者實處兩難之地其人之罪尚可言乎然伊等忍於負國而並忘其先人朕豈忍不念舊勳而不推恩及其後裔上年降旨令各旗將功臣之子孫內有犯法問罪及虧空拖欠者一一查出具奏今年各該旗陸續查奏前來朕詳加披覽斟酌情罪或其中勳節之後嫡派止此一二二人者如施世驊等共六十二員名下應追未完銀共五十四萬六千九百九十五兩金五百兩米一千七百二十一石此各項錢糧俱係國家公帑非朕所得私自加恩豁免者著將內庫銀兩照數撥補代為伊等完項其或擬以充發監候及妻子家屬入辛者庫等罪者概行寬釋凡此邀恩宥貸之人皆當捫心自愧刻骨銘肌並勉其子弟遷善遠辜毋或仍蹈故轍儻有過犯豈能再邀倖免凡屬忠節之子孫

皆當以此為戒共加奮勉儻因此次格外之恩或生玩法之念是朕之加恩不能勸人為善轉致導人為非矣豈不重負朕念舊褒忠之至意乎凡此寬宥人等儻有貧乏不能自給者准其於該都統處具呈俟該都統奏聞朕當另加恩恤以存養之○裁四川打箭鎗沈村二驛驛丞各一其驛務就近歸併雅州府同知及瀘定橋巡檢管理○己卯諭內閣管理阿爾泰臺站內大臣克什圖甯夏將軍席伯俱係軍前效力勞績茂著之人著各賞給拜他喇布勒哈番世職○戶部等衙門議准原任湖南巡撫王國棟奏岳州府屬之澧州距府遠遠請升直隸州將安鄉石門慈利三縣並將九谿永定二衛改為一縣俱歸澧州轄其新設縣治請於永定衛原駐之裴家河地方建立衙署應設知縣典史教諭訓導各一九谿衛舊治應設巡檢一稽查奸匪二衛守備俱裁從之尋定新設

東華錄 雍正十五年 矣

縣曰安福縣○乙酉諭內閣原任都統馬齊昔年征剿吳逆時著有勞績伊子常資在外任居官尚無貪贓款蹟止因與石禮哈阿克敦官達等朋謀排擠楊文乾又在朕前奏事不實以致罹於重譴今朕念伊父之功將伊免罪釋放另有降旨錄用之處○定滿漢科道品級六科給事中俱為正五品各道御史滿洲例由員外郎升授漢軍例由郎中升授俱為正五品漢御史由內閣侍讀翰林院編修檢討各部郎中員外郎補授者為正五品由主事中行評博行取知縣補授者為正六品○召公元來京以唐綬祖為山東按察使由鹽運○丁亥移湖北武昌守道駐黃州府城安陸府同知駐沔陽州之黃蓬山○戊子諭內閣西路軍需前經甯遠大將軍岳鍾琪悉心經理籌畫周詳一一妥協今岳鍾琪領兵出口乃地方巡撫大吏有司之專責自應竭力遵照辦理而許容在任凡



事推諉馬會伯但以潔己為務不肯擔荷查郎阿武格又係新任諸凡未諳上司屬員彼此猜疑推卸明年乃進兵之期關係最為緊要伊等之身家性命猶其小者耳應命在京大臣前往稽察督理方於軍務有益著兵部尚書查弼納往陝總理稽查軍需諸務常德壽常資俱著各給印信並令乘驛往來遇有分辦之處即分任其事仍聽查弼納調度凡關緊軍需事件俱著查弼納等相機派委該督撫料理其有應行續辦者即令地方官動支錢糧辦理奏聞若地方官有侵欺擾民者一面革職擊問一面奏請審擬其怠忽遲延者自督撫以及文武員弁俱著即行題參如有指稱軍需名色擾累民間之棍徒行役著即題請正法○調王廷揚為工部左侍郎汪隆為戶部右侍郎○己丑戶部議准原任戶部侍郎王璣奏山西蒲州府屬分縣治河增兵事宜一臨晉縣之虞鄉鎮

東華錄

雍正十五年

奏

請分設縣治增置知縣典史巡檢各一其臨晉縣見設教諭訓導各一額取童生二十名請將訓導一撥管新縣儒學事務童生各取十名一涑水一河經臨晉縣之東界猗氏縣之西界地處窪下時有侵溢請於東西兩岸各建水門木閘二座以時啟閉一蒲州府城內請添設千總一兵一百六十七名該府之永樂鎮添外委把總一兵十名臨晉縣城內添兵十名該縣之角杯村添把總一兵二十名其虞鄉鎮新設縣治添外委把總一兵十名從之尋定新設縣曰虞鄉○庚寅刑部議覆尚書德明奏律內向無竊盜誣良治罪之條故兇惡之徒肆行板害嗣後竊盜有將良民詐陷或指稱竊賊妄行板害者應加等比依三犯竊盜分別贓數多寡治罪如地方官故行徇縱照失察誣良例誣板致死者革職未經致死者降四級調用再強盜板害良民較之竊賊誣板被害尤甚請

嗣後除首盜殺人及傷人夥盜並行劫三次者俱例應正法無庸加等外其未傷人之夥盜有誣板良民者加等照夥盜傷人例擬斬立決從之○裁直隸古北口監督其稅課歸密雲縣徵收○乙未諭內閣凡交議條陳事件其原條陳之大臣亦著入班會議○丙申以阿山為內閣學士由太僕寺少卿遷○工部奏參革道員吳應龍修造威甯城工逾限應照例治罪得旨凡官員居官聲名不好者責任使者間令於該地方工程效力以示懲儆非其人犯罪甚重應籍沒家貲者可比也為督撫者於此等人員之身家存餘不足豈無聞見自應審度伊等之力量分別工程之大小派令辦理若不量其力而概與重大之工程則伊等自度力不能完即使竭蹶從事仍不得免於罪譴勢必觀望遲延並其所有之力亦退縮不前矣於工程有何裨益嗣後凡有此等效力人員著該督撫等詢問本人情願如何效力再察其力量果與所認相符然後派撥工程具奏請旨儻有欺誑推諉不肯據實承認者著該督撫題參再行治罪吳應龍既稱有產可變著該督撫詢問令伊將實在力量據實供出即照伊力量派委工程令其速行修理○丁酉諭內閣大學士孫柱雖素餐多年生平尚無大過且年已八旬先帝舊臣在朝者甚少著將伊名下應追銀兩俱行豁免其停俸案件亦著開復以昭朕優恤老臣之至意○法保緣事革任以宗室塞爾赫為工部右侍郎二格為左副都御史由副都統遷○敕封京都雲師為順時普蔭雲師之神雷神為資生發育雷師之神○己亥諭內閣各省兵丁於糧糈之外給以季餉所以撫養士卒令得仰事俯育以為地方捍衛所關甚重而朋銀一項於俸餉內扣留貯庫為各營買補馬匹之用亦國家恤兵至意也近聞直隸布政使等

東華錄

雍正十五年

奏



奸吏於請領朋銀時每匹扣陋規二兩至二兩五錢不等直隸如是  
他省大約皆然夫倒馬立有年限報銷復有成額豈容奸胥舞  
弊侵扣嗣後著各督撫及布政使查照定例按期給發如有奸吏  
增減剋扣遲延等弊各該督撫即行拏究按律重處儻督撫失於  
覺察布政司不能釐剔弊端朕有訪聞定一併嚴加議處至兵丁  
歲底豫借春餉及支放季餉亦聞有不肖餉書於放餉則需索季  
規於借餉則科斂借費此種奸弊深可痛恨著各該督撫一併嚴  
查禁革務須按季給發不得遲延該部通行直省督撫布政使將  
朕諭旨刊刻曉諭俾官吏兵弁等咸知之○諭兵部常色禮患病  
著加緊調養將軍印務著秦布管理副都統蘇圖同至軍前著在  
參贊上行走舒綉額不必來京○庚子諭內閣奉天地畝向來多  
有隱匿每有三四畝止報一畝者是以概以上則徵科民力輸將  
東華錄 雍正十五年

甚為寬裕後因有隱匿積弊民間互相爭競紛紛訟官民不便  
前歲朕遣大臣官員清丈漸次釐正田畝皆得實數今若按畝俱  
照舊則徵糧恐小民輸將無力著盛京戶部侍郎會同奉天府府  
尹確查田畝之肥瘠分別上中下三則起科酌定成額永著為令  
○是月免浙江江山縣水災額賦有差

十二月辛丑朔晉封哈密鎮國公額敏為貝子○改山西絳州屬  
之襄陵太平二縣隸平陽府解州屬之垣曲縣及平陽府屬之絳  
縣聞喜縣俱隸絳州○癸卯諭內閣從前據兩淮鹽政噶爾泰與  
運使何世璜奏稱兩淮鹽商因沐皇恩減省匣費各項每年省費  
百萬餘金而臣等又不受其規禮是以各商公送鹽院銀八萬兩  
送鹽道銀四萬兩但臣等蒙恩已各給發廉實無需用之處請解  
部以充公用朕以各商年來省費已多而鹽院鹽道又各有養廉

因允所請將此項解部交與內務府為修理道路及各項工程之  
用至次年噶爾泰與運使張坦麟援照前例復將銀十二萬兩奏  
請解部比時適因豫備軍需因令交與江南織造為製辦縣甲等  
項之用今噶爾泰與運使高澹又將銀十二萬兩奏請解京見今  
高澹參案有需索商人各款伊若果係用度不足何不即於此四  
萬兩中支用乃捨應得之項分外貪取於商朕因此於從前之事  
亦不能無疑矣著將此十二萬兩交與噶爾泰或給還各商或伊  
有需用之處即將此支用儻伊實無需用之處各商又不願領回  
噶爾泰見署安徽布政使印務著與魏廷珍確查上江地方有實  
在無著之虧空將此銀彌補以完本地公項○諭有人條奏內稱  
廣東諸務廢弛弊端種種如火耗提解收米折色及漁鹽各種稅  
務俱較昔加增至於盜賊公行誣告不息一切禁令不遵賭具仍  
東華錄 雍正十五年

賣地方有司並不過問等語朕覽此奏深為駭異朕宵旰焦勞無  
刻不以民生為念其准令督撫提解耗羨並稽查稅課贏餘者無  
非除弊止貪均平畫一使官民並受其福也所頒諭旨至數十次  
天下大小臣工無不共知朕訓矣何以粵東地方向有如此情形  
因提解耗羨而火耗轉致加增因清查稅課而有司轉行苛索因  
禁止私販而漁戶並受苦累是以朕愛養百姓之善政而奉行顛  
倒以濟其貪營巧取之私而置除暴安良移風易俗之政於度外  
該省從前督撫受朕倚任之重身在地方焉有朕已聞知而伊等  
漫無覺察之理郝玉麟傳奏到任未久嗣後宜整頓經理勿蹈前  
轍此旨到日著悉心確查嚴行禁約儻不肖有司仍有不知悔改  
者著參革拏問請旨正法如督撫等再有徇隱失察等情經朕察  
出定行從重治罪○諭朕即位以來屢有臣工條奏各處地方官



徵收落地稅銀交公者甚少所有贏餘皆入私橐雍正三年又有人條奏廣西梧州一年收稅銀四五萬兩不等正項銀一萬一千八百兩潯州一年收稅銀二萬兩正項銀四千六百兩應令該撫查數據實奏聞並令各省抽收稅銀之處俱據實奏報等語隨經九卿議令各省督撫遴選幹員監收一年之後視其贏餘若干奏聞候旨朕思孟子言治國之道首稱取於民有制所謂有制者即一定額徵之數也若稅課之屬無顯然額徵之數則官吏得以高下其手而閭閻無所遵循即如從前各處稅課經地方官徵收有於解額之外多數倍者且有多至數十倍者既無一定之章程則多寡可以任意其弊不可勝言屬員既已貪取上司必至苛求官員既已營私胥役必至橫索日積月累漸有加增之勢而難於稽查豈非民生之隱患乎朕是以允從條奏所請及九卿

東華錄

雍正十五年

聖

所議令各省督撫委員監收以定科則其徵收不及舊額者亦令奏聞降旨裁減年來報出贏餘之數朕皆令留於本地或作各官養廉之需或為百姓公事之用使官員用度有賴自不妄取民財使地方公事有資即可寬恤民力無非以小民之財物仍用之於民閒不令飽貪官污吏之慾壑而已若該督撫等果能督率有司奉行盡善將一年所收者悉心奏聞不及額數者請旨減免則賦有常經萬民共受其福矣乃聞外省中多有奉行不善者以朕愛民除弊之善政而庸劣有司借歸公之名或肥身養家或爭多鬪勝以致肩挑背負之微物皆徵收稅課而該撫等又不悉心稽查民閒苦於擾累或啟朝廷加稅之疑獨不思朕愛養斯民如江南浙江江西三省額徵錢糧則永遠豁免六十餘萬各省每年蠲免之賦又一二百萬不等而發帑為地方興修工程者又不下數百

萬豈有於數千百萬之帑金並不吝惜而轉於小民爭此蠅頭之利乎至於提解火耗乃均平通便之道官員有養廉之資民間無苛派之擾上司無得受餽遺徇情瞻顧之私下屬無請託鑽營暗通賄賂之弊屢頒諭旨甚明從前督撫中有請將耗羨歸公者朕切加諭飭蓋此項乃民間之物惟有用之本地若將絲毫歸公是朕利其所有矣朕必不為也著各省督撫將朕此旨刊刻頒布自諭到通行之後儻仍有加添重耗者一經發覺將經征之員於本地方即行正法其該管各上司失於覺察者亦必從重治罪決不寬貸○甲辰諭內閣十五日御門辦事奏事大臣及引見官員等俱著用補服嗣後朕臨御前殿與應用朝服之日照常服用外至御門理事止用補服遇應服蟒袍之日亦著補褂蟒袍永著為例○諭凡為人子者於親喪之禮不得備盡其心深為隱痛朕親

東華錄

雍正十五年

聖

身閱歷而知之故於內外大小臣工有不得已令其在任守制者乃因辦理政務從權之道未嘗不體其哀戚之情也如大學士朱軾蔣廷錫丁母憂皆給與假期回籍料理及來京之後仍令素服辦事不穿朝服不與朝會筵宴俾得盡其守禮之心其外任官員或特旨留任或經督撫題留者皆著給與假期令其回籍料理伊親之事畢而後回任不強其心之所不安也嗣後內外大臣官員若有奉旨在任守制者皆准其素服二十七箇月以盡人子之心若遇朝賀筵宴祭祀典禮齊集之處外省督撫提鎮司道府大員則委署員代行州縣等官則委佐貳代行再如直省文武官員於朝賀典禮齊集之處儻遇風寒之疾或肢體等患亦不宜勉強從事有乖調攝之道亦著屬員代替行禮其代替之處督撫提鎮則報明禮部司道副參以下等官則報明督撫提鎮著將此旨通行



各直省知之○乙巳移江西南康府同知駐吳城地方歸屋子縣  
轄撥九江營弁兵駐防移長嶺巡檢駐青山左蠡巡檢駐渚溪吳  
城巡檢駐三江口柴棚巡檢駐周溪鎮○丁未諭兵部鄂善前往  
涼州協同秦布辦理事務其駐紮太原兵丁著石麟暫行管理○  
戊申諭內閣廣東盜案繁多民俗犷悍應設觀風整俗使一員化  
導訓飭令風俗人心漸歸醇厚又該省督撫奏稱粵東士習未能  
端謹請設學政二員一司文衡一飭士行以爲造就人才之地朕  
思文行本屬相關不可離而爲二况廣東地方遼闊若司文司行  
分屬兩員仍各徧歷通省耳目聞見恐有未周著設學政二員按  
該省地方分管考試督察廣東觀風整俗使著右通政焦祈年補  
授通省教職士子令其兼行稽察○以孫嘉淦署工部左侍郎  
天府府尹署  
東華錄 ○兵部議覆四川提督黃廷桂奏夔州協屬達州太平二  
營距夔遙遠難於控制請就近歸隸川北鎮統轄得旨依議近來  
提鎮等每於到任後將營伍事宜條奏更張以爲盡職伊等身在  
地方敷陳時事其允協與否部臣不能遙度其情形每多議准即  
朕亦以伊等身爲本地大員必籌畫周詳然後陳奏是以照議准  
行者有之乃細加訪察竟有扞格難行或於該地方毫無裨益者  
是伊等陳奏之時或誤聽人言或苟且塞責並非確有所見計出  
萬全之舉也嗣後該提鎮等若於營伍地方事宜果有深知灼見  
斷不可不更改者方許具奏備有泛行陳請經部議准而究不可  
行者定將條奏之人嚴加議處○兵部議覆雲貴廣西總督鄂爾  
泰奏黔省新闢苗疆立營設官事宜一八寨去都勻郡城僅九十  
餘里實爲都黎總隘請將都勻營參將裁去改爲都勻協除舊有  
守備一員千把總六員外應設立副將一駐紮八寨增遊擊二守

東華錄 雍正一五

備一安兵一千六百名分爲左右二營以遊擊一分駐府城一隨  
副將駐紮一丹江汛近凱里營汛山勢斗峻素爲生苗盤踞請增  
立一營將凱里營都司裁去歸併丹江營轄除凱里營舊有千把  
總三員外丹江應設參將一守備二千總一把總二安兵一千六  
百名分爲左右二營名丹江營於大丹江駐一千名鷄溝駐三百  
名小丹江駐二百名餘爲凱里汛防一九股在雞溝清水江之中  
素稱強悍請將黃施營遊擊移駐施秉舊縣安兵三百名又有地  
名稟貢者乃九股出沒咽喉應駐兵二百名以資控制一清水江  
有南北兩岸寨分稠繁應於清水江居中設立一協名清江協增  
副將一遊擊二守備二千把總六分爲左右二營安兵二千名於  
適中之公鵝駐一千名對江北岸駐四百名柳傍駐四百名革冬  
駐二百名至鎮遠一協原因防禦清水江九股等處生苗而設今  
東華錄 雍正十五  
清水江已設營汛應將鎮遠協改爲一營將副將裁去其兩營遊  
擊除鎮遠應留駐遊擊一員守備一員千總把總共六員外所餘  
遊擊一守備一千把總六即令歸入清江協副將標下一天柱營  
向以附近生苗故設立參將今既分設營汛應將天柱營參將改  
爲都司存千把總三員所餘守備一千把總三歸入丹江一古州  
地方戶口極多乃都黎適中要隘應設一鎮名爲古州鎮增總兵  
一遊擊三守備三千總六把總十二分爲中左右三營安兵三千  
名將黎平協改爲一營副將改爲遊擊此所設協營並下游舊制  
一帶協營俱聽古州新鎮統轄一營汛既定應設文武分治請於  
都勻府添設同知通判各一以同知分駐入寨通判分駐丹江鎮  
遠府添設同知一分駐清水江黎平府添設同知一分駐古州俱  
加以理苗同知字樣一所設同知通判專駐苗疆有綏理地方緝

三八三



捕奸頑之責不可護衛無人應照湖南乾鳳二廳之例於同駐之官兵內各撥給把總一兵一百名以為親標一施秉舊縣既將遊擊移駐同城不便無文員請添設施秉縣丞一分駐從之○添設廣東潮州府惠來縣葵潭鄉巡檢一○裁駐防昌平順義良鄉寶坻固安采育東安霸州雄縣九處筆帖式各一○庚戌陳良弼緣事革職以王圖炳為左副都御史原任詹事○辛亥吏部議准雲貴廣西總督鄂爾泰奏雲南開化一府接壤交趾地方遼闊難設有同知通判經歷三員俱非印官不能分理政務請將通判一員裁去增置一縣設知縣一於地方有益從之尋定新設縣曰文山○改貴州洪番土司地方歸定番州流官轄○壬子署山東巡撫岳濬奏修理東省南北大路工程論諸凡工作惟勤查確勘屬員胥吏方不敢舞弊若少涉疏慢必致有名無實濬草塞責須遴委誠實

東華錄

雍正十五年

吏

人員不時催督看驗務俾修築堅固以利便行旅至於帑項第不令姦貪侵蝕耳何可吝惜果能錙銖皆用於工內即較原估稍多亦朕所樂聞也○癸丑大學士九卿等奏據督修孔廟工程通政使留保山東巡撫岳濬等奏十一月二十六日午刻正當孔廟上梁之前二日慶雲見於曲阜縣環捧日輪歷午未申三時之久仰惟 皇上尊禮 先師孔子典文周備又特頒發帑金興建闕里 文廟凡殿門廊廡悉做帝王宮殿之制易蓋琉璃黃瓦是以天心昭格顯示嘉祥於 孔廟告成之日慶雲呈見實從古未有之上瑞伏請宣付史館垂示奕世得旨朕平素尊奉 先師至誠至敬雍正二年闕里 文廟不戒於火彼時廷臣援明代宏治前事為言而朕心悚懼不甯引過自責親詣太學 文廟虔修祭告特發帑金命大臣等督工修建凡殿廡制度規模以及祭器儀

物皆令繪圖呈覽朕親為指授遴選良工庀材興造虔格之心數年以來無時稍閒今大成殿上梁前二日慶雲見於曲阜卿等歸美朕躬之詞朕不克當或者 上帝 先師見朕悚惕誠敬之心見茲雲物昭示瑞應朕不敢矜言祥瑞但能功過相抵朕之幸也應擇日躬詣太學 文廟祭告以申感慶之衷朕躬被 先師之福佑普天士子誦法服膺同受 聖人之澤著將明年會試取中額數廣至四百名壬子科各省鄉試每正額十名加中一名其十名之外有零數者亦加中一名此朕體奉 先師樂育之盛心特行造就人材之曠典諸士子其各興文敦行益加勉旃宣付史館著照所請行○甲寅實授岳濬山東巡撫程元章浙江布政使○乙卯以劉應鼎為四川按察使由建昌道遷○吏部議准四川巡撫德奏黎大所地方為西南孔道漢夷雜處千總一員不足以資彈

東華錄

雍正十五年

吏

歷請將千總裁去改置一縣添設知縣一再設典史一分駐泥頭俱隸雅州府轄又建昌之甯番衛已改為冕甯縣該衛之冕山所千總一員應裁從之尋定新設縣曰清溪○吏部等衙門議准河東總督田文鏡奏東昌等府幅員太廣宜設立直隸州以分職守請將東昌府屬之高唐州為直隸州分轄濟南府屬之禹城平原陵縣臨邑四縣兗州府屬之東平州為直隸州轄東阿平陰壽張陽穀四縣東昌府屬之濮州為直隸州轄觀城范縣朝城三縣青州府屬之莒州為直隸州轄日照沂水蒙陰三縣至從前所改直隸濟甯州仍歸兗州府轄其濟甯州原轄之鉅野嘉祥二縣改隸曹州鄆城一縣仍隸兗州從之○丁巳內閣學士桑格以疾乞休允之○己未調張大有為刑部右侍郎以何國宗為工部右侍郎由內閣學士遷○辛酉 上以闕里 文廟告成恭詣國子監祭 先師



孔子○吏部議准廣西巡撫金鉞奏粵西全州所屬西延司猛獠雜處巡檢一員不足彈壓請移本州州同駐紮將巡檢裁汰其全州仍添設州判一以資協理賓州所屬之武宣縣順流直達潯州不過四百里而距賓州地遙路險應將武宣縣歸潯州府轄庶公務不至稽遲從之○改廣西西隆州西甯縣歸泗城府轄移西隆州治駐偏牙州同駐入陽○壬戌刑部等衙門議奏陸生柎借論通鑑妄抒譏訕謝濟世批點大學肆行毀謗悖逆已極經臣等審明定罪奉旨交與振武將軍順承郡王錫保將陸生柎謝濟世逐一嚴訊茲據順承郡王錫保奏陸生柎謝濟世自知罪不容誅一字無能置隊應將陸生柎謝濟世俱擬斬立決於軍前即行正法妻子給付功臣之家為奴財產查明入官其陸生柎父母祖孫兄弟流二千里安置至妄行註釋之書俱著嚴查燒毀得旨陸生東華錄

雍正十五年 夫

柎著交與該將軍於軍前即行正法其父母祖孫兄弟俱從寬免其流徙謝濟世從寬免死交與順承郡王錫保令當苦差效力贖罪其妻子家產免其入官餘依議○丁卯諭內閣定例正月上辛日所穀於上帝若上辛在正月初五日以前則於次辛行所穀之禮雍正三年五年俱以次辛所穀率由舊章但元旦朝賀者朕躬之禮儀上辛所穀者祀天之大典也明年正月初二日上辛禮部題請於十二日次辛行所穀禮朕思若以正月而論則十二日為次辛若以立春而論則十二日為下辛矣因元旦朝賀筵宴而展所穀之期朕心深有未安著定於正月初二日上辛行禮先期照例敬謹齋戒停止朝賀筵宴嗣後若元旦逢上辛之期則於次辛所穀如在初五日以後或值初七日世祖章皇帝忌辰著該部兩奏請旨○署川陝總督查郎阿奏據四川總督黃廷桂咨

稱護理重慶鎮標遊擊保璠於委署黔彭營遊擊任內與酉陽冉土司書使往來節次勒索人口贏馬等物冉土司之子冉廣烜奸占董昌規之妻為妾一案餽送保璠銀兩禮物土司冉元齡又有川省奸徒楊承勳等結黨一案據賊黨供稱楊承勳家有金鑲玉印劉伯溫碑記伊弟楊七必要為王送在酉陽司等語俱應嚴究諭各省土司朕皆一視同仁莫不欲其遂生樂業共享昇平之福是以屢降諭旨令該督撫訓飭官弁加意撫綏無得借端滋擾若有苛虐生事者必重治其罪但管轄苗疆之官弁等往往不能仰體朕意屏除私念若土司等有不敬書使往來者則加以傲抗之名摭拾小事申報上司若私相往還有所餽贈則上司訪知又加土司以行賄鑽營之名究治其罪如此則土司豈不處於兩難乎即如該督參奏冉元齡之納賄於保璠朕知冉元齡必有屈抑難申之情也前據查郎阿奏稱四川奸徒楊承勳等謀為不軌假稱家有金鑲玉印其弟楊七必要為王送在酉陽司去等語朕批諭查郎阿云酉陽土司素稱恭順必無藏匿重犯之理若果楊七逃往酉陽地方則冉元齡亦無不嚴緝解送者如楊七未至酉陽而強向冉元齡索獲則冉元齡不更冤抑乎總之各處土司承祖父之遺業受朝廷之厚恩苟有人心孰肯作奸犯科自罹罪戾惟是奸民匪類等播弄構毀希圖獲利於官弁之前則假捏土司不法事端而在土司地方又肆行恐嚇恣憑之詭計為督撫大吏者安可不詳加審察而輕信屬吏之浮言為奸徒所愚弄乎此案內需索受賄之保璠著該督撫嚴加審訊照所定苗疆之例定議具奏冉元齡悉從寬免不必查究至於賊黨所供金鑲玉印之語尤屬荒誕夫民間所謂金鑲玉印即歷代傳國璽也當日元順帝將此

東華錄 雍正十五年 夫



聖歸沙漠是以明代求之未獲我 太宗文皇帝天聰九年察哈爾林丹汗之母將此寶進獻至今藏於大內今楊承勳家安得又有金鑲玉印即使有之亦係偽造無用之物耳賊黨謀逆之罪不在此印之有無也何必深究著查郎阿黃廷桂憲德等將朕諭旨一併曉諭西陽土司冉元齡知之○以和碩和惠公主下嫁多爾濟塞卜騰投為和碩額駙○己巳諭內閣昨據山西巡撫石麟奏報本年十一月初二保德州慶雲呈瑞今又奏報十二月初一日臨晉縣慶雲麗日歷午未申酉四時又據布政使蔣洞摺奏從前汾河形勢惟文水縣地勢低窪河身淤淺是以議開引渠二道正河一道今年六月內汾河水發河道改流文水縣自青高村至伊家社各開引渠二道舊時漫流已為沃壤而東城村欲開之河見今寬闊十餘丈或數十丈眾水會同河身長二十五里經年累月

東華錄

雍正十五

十

人力不能成功天然疏濬等語朕思晉省民風由來醇樸故感召天和履歲皆登豐稔即如近日豫備軍需民情踴躍爭先恐後悉出至誠觀此尊君親上之念則其孝親敬長克敦行誼可知而地方官員平日訓導有方亦即此可見是以仰蒙上天昭示瑞應以獎官民之善朕心深為慰悅著照河南省之例通行所屬府州縣將人材品行可備任使者不拘人數資格秉公舉出該撫再行詳加遴選具題奏聞送部引見並令各州縣於常例歲舉老農外再各舉一人給以八品頂帶以示朕褒嘉善俗廣沛恩膏之至意○是歲人丁戶口二千五百七十九萬九千六百三十九又永不加賦滋生人丁八十五萬九千六百二十○琉球朝鮮國入貢

東華錄

雍正十六

臣王先謙敬編

臣周瀚著恭校

雍正八年庚戌春正月辛未廣東布政使王士俊奏各州縣姦盜詐偽等罪犯請令地方官榜列姓名揭於通衢以示懲儆諭姦盜詐偽匪類欲以木榜書名感發其愧悔之心恐未必能然朕意果遇橫逆不法之輩鄉里必不敢書其名以籍其罪無非將良懦鄉民之小過填寫一二以塞責而已有名無實恐徒為百姓之笑具耳○丁丑以總理 陵寢事務領侍衛內大臣尚崇虞為盛京五部尚書○戊寅諭內閣雍正六年內湖南布政使趙城摺奏湖南見貯倉穀共計六十餘萬石之多又有收捐穀石本省可云有備但楚南地勢卑溼積貯既久不無霉爛之處請分撥別省令其來

東華錄

雍正十六

楚運往以免霉變等語朕將此摺發與戶部議稱應行文江浙督撫令其詳酌如有應需穀石之處即委員往楚轉運朕降旨俞允隨據兩淮巡鹽御史鳴爾泰摺奏據兩淮商人黃先德等具呈情願出資將湖南積穀三十餘萬石照依原買之價交納湖南藩庫領運隨地隨時售賣仍將所售價銀交納運庫等語隨經王國棟題明將雍正三年動帑所買穀一十六萬二千餘石照原價每石三錢四分九釐給商交價運售此湖南巡撫布政使及兩淮巡鹽御史前後具摺辦理之案也今據湖廣總督趙柱奏稱今年湖南岳常二府之臨湘武陵等十州縣微欠雨澤臣等豫為綢繆動用公項銀一萬兩買米備糶而貯倉之見穀與其照原價以給商不若留俟來年春夏照原價平糶以濟本地之民食似應飭商暫停領賣俟明年無需用之處仍聽該商領運等語朕思向因湖南撫



藩皆言地方積穀甚多難以久貯奏請分撥別省運售以免霉變是以兩淮商人有赴楚領運效力急公之請今商人既已交價而適柱又稱楚南需米備糶應請飭商暫停領賣是湖廣督撫藩司前後自相矛盾也湖南見貯穀六十餘萬石之多欲分撥別省以免霉變則本省府縣有需米之處正可將此奏聞平糶以濟民食而適柱乃云正在動用公項銀一萬兩買米備糶是適柱之奏又自相矛盾也且適柱又稱此時飭商停運俟楚省不需米穀之時仍聽該商領運等語是米貴之時則令商人停運而米賤之時則令商人領賣亦甚非情理之平朕意此米穀中必有虧空情弊至於噶爾泰既代商人具奏而又不為伊等行催楚省歸結其事亦屬不合查從前噶爾泰代眾商具奏領運之時原有隨時隨地售賣之語今江浙俱獲豐收米價甚賤湖南既有需米之州縣著該

東華錄

雍正十六

二

商仍照前議領米即於湖南需米之處照時價糶賣不許商人高擡價值儻商人獲有餘利聽其自取不許交官如此則准商領米得以貿易而楚省積穀仍得流通於商民均有裨益湖廣督撫等即遵諭行○己卯江南河道總督孔毓珣蘇州巡撫尹繼善奏修理高堰大事宜諭朕不惜百萬帑金以衛民濟運工程當務久遠堅固一勞永逸此外即再增數十萬兩亦不為多若因省小費致誤大計則所費百萬仍屬虛用也隄工卑矮之區固應增高而卑弱之所尤宜加厚可再詳加相度勘視切勿胸存小見凡有卑薄以及傾圮處悉將隄身拆砌務令自頂至底一律堅實期於永久獲益所需錢糧不必限定此數○壬午諭內閣從來左道妖言如識緯圖記禳祥禍福之屬皆足以惑世誣民為人心風俗之大患自古帝王皆深惡而嚴禁之苟有犯者必置重典雖赦宥不宥所

以為世道民風計者至深遠也朕觀陝西之人秉性直魯凡好為誕妄之說者多至此省搖惑人心年來屢有其事已降旨切加訓誡矣觀滿洲漢軍人等亦每易為此邪說所惑如延信之聽信道姑王氏年羹堯之聽信鄒魯與淨一道人允禩之聽信星士張愷皆借怪異荒唐之說以助其妄亂悖逆之心又如伊禮布為江甯將軍時信一風鑑令伊子易衣潛往相面從此江甯之弁兵等皆驚為靈驗其門如市今此人已牽連入於大逆案中矣可知僧道醫卜星相之類往往為姦宄之所潛藏不可不慎也昨總督范時繹又於江南人家查出違禁圖識之書是草野之間妖言惑眾之風未嘗止息地方官員儻不能化導禁約轉從而崇信之是竟以身為庶民之倡又何怪閭閻無知之人沈溺其中而不知覺悟耶凡造為災異禍福之說者其言不驗則為害尚小儻天時氣數偶

東華錄

雍正十六

三

與其言相合一二則信者愈眾而為害愈大甚至心懷不軌之徒借此妖言妄興兵革荼毒生靈不可不防其漸也滿洲八旗大臣弁兵等皆國家干城腹心之寄況我滿洲忠義之氣技勇之才實為人所莫及果能安分循理盡忠孝之道無邪僻之行自然上邀天地之恩永受國家之澤書曰惠迪吉從逆凶又曰作善降之百祥作不善降之百殃爾等但當於己身求之為善必獲善報為惡必獲惡報所謂如影隨形也奈何舍可以獲福之正理而信從姦民無稽之言被其牽累輕則罹於刑罰重則喪及身家不亦可憫之甚乎大凡為欺人惑眾之說者皆市井兇頑無賴之輩或胸懷不軌冀以搖動人心或貧困無依欲以騙取財物爾等試思之天下焉有修道前知之人不遜蹟於清淨寥廓之鄉而奔走紅塵與世俗相徵逐者乎凡我滿洲漢軍官弁兵丁等世受國恩共矢尊



君親上之素志豈肯聽姦人妖妄之言而遂為其所搖動但恐漸染日久有邪說在其意中而遇有委用使令之時或稍存疑貳之念則所關匪細故不得不訓誨開導之於平時使之恍然醒悟也著將此旨通行曉諭八旗及各處駐防兵弁等共知之○以王國棟辦理刑部侍郎事原任湖南巡撫○丙申衍聖公孔傳鐸奏兗州府屬屯莊集稅銀兩舊充尼山書院及林墓歲修之用今各省清查稅課請將此項報明歸公充餉得旨目今他省有清查稅務之事蓋因稅課一項向無定額地方官吏每多侵蝕欺隱高下其手刻剝小民是以令將實數查出凡舊額之外所有贏餘即留為本地官民之用並未將絲毫歸入公項也兗州屯莊集稅銀兩向充書院林墓歲修之費正是闕里之公用而孔傳鐸忽請解部充餉是將此項稅銀視為私囊也朕於 文廟工程敬謹辦理一切動用帑

東華錄 雍正十六年 四

金所費不下數十萬孔傳鐸甯不知之而為此卑鄙之陳奏甚屬不合嗣後著將此項集稅銀兩覈實支給為書院林墓之用○丁酉以俞兆晟為內閣學士由翰林院侍讀學士遷○戊戌署直隸總督唐執玉奏正月二十日鳳凰見於房山縣石梯溝山峯得旨朕素不言祥瑞屢降諭旨甚明上年據散秩大臣尙崇稟奏天台山民李萬良等呈報十一月十三日黎明見山中有一神鳥高五六尺毛羽如錦五色俱備所立處羣鳥環繞北向飛鳴等語朕以邊地居民所見事屬渺茫將所奏發還未曾宣示廷臣昨據總理石道事務散秩大臣常明侍郎宗室普泰奏稱石工監督司官田周呈報正月二十日在房山縣石梯溝山中見瑞鳳集於峯頭五色俱備文采燦然工匠樵牧居民人等約于有餘人莫不共見又據總兵官管承澤及順天府府尹孫嘉淦等所奏亦皆相同朕亦俱未宣示

廷臣可以知朕心矣今據署總督唐執玉繕本具奏朕思古稱鳳鳥乃王者之嘉祥朕撫躬自問功德涼薄不足以致鳳儀之上瑞此事猶疑而未信也○恩給國子監肄業貢生每年銀六千兩為衣食膏火之資其六堂助教等官命九卿於進士舉人內各舉所知候旨揀補

二月庚子朔諭內閣我國家膺圖受命則有佐命元臣際會風雲開拓疆宇至於承平之世亦有勞臣宣力綏靖不廷凡厥鴻猷駿烈焜耀旗常於是酬庸獎功錫以公爵分為一等至二等三等以第其勳勞表其閎閱比於古者河山帶礪之盟爰及苗裔永久勿替甚盛典也朕考古封爵之制漢唐以來公侯皆繫以郡縣之名而漢世功名顯著者則加以美號如信武冠軍建忠定遠之屬並以榮名垂光史冊本朝封王者選用嘉美字樣其嗣王襲封皆因

東華錄 雍正十六年 五

之而公爵則但分等次未有封號字樣朕意欲考其當日勳庸錫以嘉名追加為某公使勳勞之臣顯功不績常赫赫在人耳目間而其子孫承襲封號亦皆顧名思義共知奮勉世為國家效忠扞力期踵美前人之光以副朕褒念勳舊之至意至於宗室外戚則做古恩澤侯之例命為奉恩公或承恩公以昭寵錫其如何命名定制並將歷來功臣勳戚加錫美號之處該部詳查定議以聞○移廣東安定縣青甯司巡檢駐太平汛儋州安海司巡檢駐薄沙汛崖州抱歲司巡檢駐安樂汛添設瓊山縣水尾司巡檢一萬州寶停司巡檢一裁儋州大倉大使一瓊州府司獄一○癸卯以內閣學士俞兆晟協理戶部侍郎事○甲辰 上御經筵○乙巳景陵寶城山上靈芝生○諭吏部為政之道務在得人朕加意旁求惟期賢才奮庸布列庶位百職具舉嘉惠民生凡所以遴選而



登進之者亦多方矣雍正六年十月間以各處需員甚多而赴部銓選之人不敷揀用特降諭旨令京官大學士以下主事以上外官督撫以下知縣以上每人各舉一人送部引見今行之既已年餘而內外官員未經保舉者尚多則其平日必無深知灼見之人儻復展轉遲延必致人萌奔競之心而滋夤緣請託之弊所當酌量變通者也見今會試中額廣至四百名其中必有可供任使之入而直省選拔貢生陸續來京亦教導而成就之以備庶官之用著將各保一人之例停止若有已經到部者仍准其引見該部即行文在京各衙門併直省地方知之○諭直隸督撫提鎮等兵民各有職業是以分隸文武管轄不使混雜難於約束致生事端聞得廣東瓊州遠隔海外其弁員等竟於額設兵丁之外另有挂名兵丁乃係無賴之徒干把等員利其餽送即准附名投充而此輩東華錄 雍正十六 六

部會同兵部再加詳議以聞尋議嗣後從九品未入流等官無級可降遇應行降調之案在三級以內者如到任已歷數月著該督撫將居官如何之處聲明到部居官好者議以革職留任三年無過開復平常者議以革職或甫經到任尚未定其賢否亦著該督撫聲明到部議以暫行留任俟試看一年能勉效力准其三年開復平常者照例參革至各部院筆帖式例應降調者亦令各該管官聲明送部照例定議從之○轉張大有為刑部左侍郎實授王國棟刑部右侍郎○乙卯吏部議覆甘肅巡撫許容奏移設州縣事宜一靜甯州屬之安定監地方請改歸通渭縣轄其通渭縣治移駐安定監城一甯夏府屬之花馬池請添設州同一屬靈州轄一蘭廳同知請改為河捕同知專司河橋稅茶法暨捕盜案件其平涼府屬之固原廳歸併固原州管理一鞏昌府屬之岷州廳東華錄 雍正十六 七



止是以數年來加意整頓若果人心知儆舊習漸除令朕得施寬大之政乃朕之至念也此意於元年二年間即屢向左右大臣等密言之者近觀各省吏治雖未必能徹底激清而公然貪贓犯法及侵盜錢糧者亦覺甚少是眾人悛改之象與朕期望之意相符亦可遂朕寬宥之初心矣今欲大沛恩膏酌免遠年承追之項將各直省官員名下應追贓銀及侵欺那移流抵分賠代賠銀兩凡事在雍正三年以前已經發覺者該部查明情由具奏朕酌其情罪降旨免追其自雍正四年正月以後犯罪之案乃屢經訓諭而不悛改者不准寬免至於軍務錢糧關繫重大其昔年西甯肅州阿爾泰軍需等案內應追銀兩雖在雍正三年以前亦不准豁免此次特恩乃朕仰體 聖祖仁皇帝寬大至意爰施法外之仁豈但本人及其子孫免追比之苦獲再生之慶即承追之地方在官東華錄 雍正十六年 八

員則得免於處分在吏胥亦得免於杖責案牘減省事簡刑清莫不受國家寬大之賜咸當感激儆省互相勸勉以循良為楷模以貪墨為鑒戒則大小官吏永遠共沐國恩儻因逾格寬宥轉啟玩法之心復蹈從前之轍則曠典豈可再邀國憲豈能再免且背天逆理莫此為甚亦斷不能逃上天之譴責也○丁巳晉封誠郡王允祉為誠親王貝勒允禩為愉郡王貝子允禩為貝勒封二十一阿哥允禧二十二阿哥允祐俱為貝子二十三阿哥允祁為鎮國公○戊午以碩色為陝西西安布政使楊秘為陝西西安按察使由湖南○己未諭內閣滿漢內外兵丁朕皆一視同仁冀其俯仰有資吉凶用度不至匱乏為此拳拳於心久矣但經理區畫之方不得不由近而遠次第舉行以期無弊是以首及在京之入旗上年則通行各省駐防及督撫提督標下按其兵丁之數分別賞銀

之多寡令各該管大臣商酌營運取息以備兵丁支領之用至各省鎮標則擬漸次及之今見各處督撫提督具奏前來亦有經理得宜可收實用者亦有布置未當難於舉行者可見料理此事之難矣至於鎮臣之才又不及提臣等則料理愈覺繁難儻因朕此時加惠兵丁而啟將來爭競以致弁兵上下之間互相齟齬則是恤兵之美意轉生營伍之事端非所以愛之也著該總兵官徧行詢問標下兵丁等若朕賞銀後伊等聽該管官措置出納不生貪得冒領之心即或措置失宜甚至有侵蝕虧缺者伊等亦不忿爭怨望致生事端如此出具一一甘結令該總兵官具疏保題至於營運經理之法著該省總督巡撫提督會同總兵官悉心酌量如何料理可以長久遵行無弊並令督撫提督酌量該總兵官能否辦理此事具疏保題到日朕當降旨加恩若該省無總督提督即令東華錄 雍正十六年 九

巡撫確議保題其每年出入查覈及接任交代等事俱照督撫提標之例行○諭戶部從前歷年戶部虧空庫銀二百五十餘萬之多怡親王曾奏請將本部餘平飯銀陸續代為完補朕思歷年該管之堂官庫官所司何事若不責令賠補無以示儆因令孫渣齊秉公開報著追乃孫渣齊開報時高下其手甚屬不公以致追完之數甚少拖欠之數甚多累年不能清結今朕念孫渣齊之祖舊日忠勤已將伊免罪釋放並免伊名下應追銀兩其餘應追未完人員亦一體施恩悉行免追仍照怡親王所請將所存餘平飯銀代為完結○壬戌馬世珩緣事革職調徐本為江蘇按察使張鉞為貴州按察使以張體義為廣西按察使由蒼梧○理藩院遵旨議奏外國進貢來使俱有館舍安置惟回紇未經置館請撥官房一所為回紇館並擇在京回民頭目二名居住看守從之○甲子



移浙江甯波府同知駐鄞縣之大嵩定海縣岑港司巡檢駐岱山  
鄞縣四明驛驛丞駐江干增定海縣沈家嶼巡檢一〇丙寅增山  
東莒州石埠集巡檢一〇戊辰諭陝西督撫等安西沙州等處招  
民屯墾原爲惠養邊民之計是以累年以來備極籌畫經營期其  
得所今雍正六年民戶到齊之日計算至辛亥年例當輸賦之期  
但念小民甫經安插公私兼顧爲難著寬期二年於癸丑年升科  
俾民力寬裕俯仰有資以副朕格外加恩之至意〇加高其仲太  
子太保〇南掌國王烏孫遣使以猛花等奉表朝賀並請永定貢  
期得旨南掌國遠在西南徼外從來未通職貢今遣使前來奉表  
修貢具見惻忱朕心深爲嘉悅所請著禮部議奏尋議嗣後南掌  
國酌令五年進貢一次今年初次納貢應照蘇祿國初次進貢之  
例頒賜敕諭一道令該使臣恭捧還國以示嘉獎從之敕南掌國

東華錄

雍正十六

十

王曰朕惟輸誠效順遠人昭嚮慕之忱錫命褒庸天室懋撫柔之  
典矧茲殊域逃聽風聲旣納盡誠宜加賚予爾南掌國屬在遐陬  
克抒丹悃恪恭遣使梯航具達於神州懇切陳詞琛贄並將其方  
物允堪嘉尚用錫褒榮茲特降敕獎諭並賜王文綺器皿等物王  
其祇受益矢虔恭以副朕眷至王所請貢期念爾國遠在西南往  
來迢遞已敕禮部定議酌俟五年之外一修歲獻之儀若王有所  
敷陳則可隨時上達故茲敕諭〇是月免直隸薊州武清玉田等  
州縣及湖南澧州臨湘等州縣衛雍正七年水災額賦有差  
三月己巳諭內閣朕愛惜人材不忍聽其限於考成遂至放廢而  
外任各官案件繁多往往罹於參罰是以數年來因公註誤之員  
例應降革者多於覆本之內降旨令該上司出具考語送部引見  
若其才具稍有可用必再試以職任而成全之雖片善寸長亦不

肯輕棄也今思在京部院司官及旗員等雖參罰之案不多然亦  
有因公註誤者所當一體加恩與以贖過自新之路嗣後在京文  
武各官有因公註誤至於降革而任內無錢糧不清及治罪之案  
者准照外官之例令該堂官該旗大臣出具考語奏聞帶領引見  
或將該員仍留原任或另行試用或照例降革候朕降旨裁奪〇  
諭朕聞有數省督撫藩臬不能約束書吏者其胥役人等狐假虎  
威無惡不作而督撫衙門爲尤甚其名有內外班之分內班總管  
案件外班專遞信息朋比作奸種種嚇詐飽其貪壑則改重爲輕  
拂其所欲則批駁不已卽如廣東各案盜犯未獲無論年月遠近  
不拘盜犯多寡總督書辦概於冬季寫票差提承緝之吏目典史  
巡檢齊至肇慶示期批責其陋規則有院房年節禮每員到彼各  
送書辦銀三四兩遂准回任若微員無力餽送則差押不放甚  
送書辦銀三四兩遂准回任若微員無力餽送則差押不放甚

東華錄

雍正十六

十一

至稟請杖責此粵省之弊端也至於各省督撫書役則有承舍旗  
牌等名皆自號爲差官督撫給票差遣亦用差官字樣而通省吏  
民遂莫不以差官目之平日居坐班房包攬詞狀每於府州縣官  
謁見督撫之便私行屬託濫准枉斷及差往他處則肩輿逾分馬  
挂曾纓儼然官長沿途拜會司需索馬夫餽送此輩狡猾性成  
或以小忠小信趨奉本官得其歡心間或委其訪察屬員事蹟則  
假公濟私作威作福其害更不可言矣從來胥吏之爲患有關吏  
治在精明廉察之督撫自能覺照而防範之而庸懦之督撫爲所  
欺而不知受其累而不悟者正不少也又如藩司掌通省之錢穀  
臬司掌通省之刑名案牘如山不得不仗熟練之書役爲之辦理  
而其中百弊叢生舞文弄法之處不可悉數朕素知此輩之情狀  
已經定例嚴申禁約今再行訓飭是在督撫藩臬等約束於平時



訪察於臨事不因熟悉條例而輕聽其言不因善承使令而誤墮其術秉公駕馭用意防閑一有見聞即加懲治不存姑息之見不留回護之心如此則若輩雖欲舞弊而不能雖欲玩法而不敢矣儻任封疆岳牧之寄於一二管轄之書吏不能使之安分守法革面洗心又安能察吏安民詰姦禁暴成移風易俗之治乎朕深為庸懦之督撫蒲臬恥之○命江西省開局鼓鑄○壬申諭內閣牧令為親民之官一人之賢否關係萬姓之休戚自古以來慎重其選而朕之廣攬旁求訓勉告誡冀其奏循良之績以惠我烝黎亦備極苦心矣惟是地方事務皆發端於州縣頭緒紛繁情偽百出而膺斯任者類皆初登仕籍之人未練習於平時而欲措施於一旦無怪乎傍徨瞻顧心志茫然即採訪咨詢而告之者未必其盡言無隱此古人所以有學製美錦之歎也向以大學士朱軾左都

東華錄

雍正十六

十一

御史沈近思外任多年周知地方利弊雍正二年會令二臣商酌規則以為州縣之指南乃書未就緒而沈近思物故邇年以來朱軾復時多疾病此事遂致遲延去年始降旨令總督田文鏡李衛各抒其見繕錄諸條以進朕親加披覽在二臣各就其所閱歷者而言繁簡同異之間不必一致而慎守官方勤恤民隱其大指則一而已矣爰付劄劄頒賜州縣官各一帙俾置几案開朝夕觀覽省察提撕治效未臻必思所以勉之弊端未革必思所以去之本之以實心行之以實力毋始勤而終怠毋靜言而庸違如此則不但國家得司牧之賢草野有父母之頌而為牧令者從此身膺顯擢名標史冊豈不美歟○癸酉以趙之垣為通政使原任光祿寺卿○庚辰諭內閣甯夏地方萬民衣食之源在大清漢唐三渠水利是以定例每年疏濬修理使水流暢足民田均霑灌溉自歷年官員疏

忽怠玩以致閘道隄岸損壞衝決日見淺窄而三渠之中惟唐渠為尤甚近來其口過低其梢過高水勢不能逆流而上多誤小民耕種之期雖每春定有歲修之例然不能以一月之工程整十數年之荒廢也見今兵部侍郎通智開濬惠農昌潤二渠於甯夏水利自然明悉著會同光祿寺卿史在甲即行查議今歲豫備物料明春動工修補務令三渠堅固俾邊境黎元灌溉有資永享盈甯之慶○移福建福清縣縣丞駐平潭○辛巳賚下第舉人路費○甲申予故刑部右侍郎王承烈祭葬○丙戌諭內閣凡官員始初被參革職發審及審係全虛例應准其開復該部往往但免其罪而以已經革職無庸議含糊歸結非情理之正又有原參重罪審虛而該員尚有輕罪應以降級罰俸歸結者則應開復其官按其所犯予以降級罰俸之處分方於情法允協其應如何明晰定例

東華錄

雍正十六

十一

俾內外通行遵奉著九卿會議具奏尋議嗣後官員被參革職發審者審係全虛照例准其開復如該員先經別案革職本案審虛止將審虛之案開復其從前降革之案不得概予開復其先經別案降革留任者本案審虛亦將審虛之案開復俟補官日仍將從前降革留任之案帶於新任至原參重罪審虛而該員尚有輕罪例應降級罰俸者將原參革職之案准其開復按其所犯輕罪分別議處永著為例從之○諭直隸水利營田工程怡親王辦理多年實心任事各官遵其訓示罔敢怠玩今王偶抱微恙朕令靜養調攝不宜復以繁瑣之務使之榮懷著將水利衙門一切大小事件應啟知怡親王者俱稟知大學士朱軾定奪辦理有應行奏聞者朱軾即請朕旨俟怡親王全愈之日再行通知其在工官員等勿以怡親王不事督率稽查遂生玩忽之念嗣後工程重大事務



有調度失宜者則朱軾之責至於修築不堅防護不慎管束不嚴與怠惰疏虞推諉遲誤等弊朕皆於分理之官員是問儻少有不遵或經朕訪聞及怡親王全愈之後查出題參定行從重治罪○諭戶部湖廣新設永順一府所轄永順龍山保靖桑植四縣應徵秋糧向係土司交納實不從田畝徵收每年雜派任意輕重至於肥饒之田土官自行收種餘復為豪強分占民間止有零星硤確之地自改土歸流以後有司因田畝未經清丈或仍照舊冊攤派在無田之民陋規尙未盡除而隱占膏腴者不納田賦殊非任土作貢之義著將永順一府秋糧豁免一年令有產之家自行開報准其永遠為業按田肥瘠分別起科一切雜派私徵嚴行禁革是在督撫等督率有司善為經理儻奉行不善致土民不免疑懼則咎有攸歸矣○戊子增四川保甯順慶夔州三府同知各一甯遠

東華錄

雍正十六

西

○庚寅諭吏部查例載官員失察衙役犯贓十兩以上者革職朕思胥役眾多一官之耳目難於周徧儻知而故縱自當從重處分若但失於覺察即將本官罷黜則賢員因此誣誤者不少矣情有可原而處分太重轉易滋隱匿之弊此應加通變者該部其悉心斟酌另行定例具奏尋議嗣後直省衙役犯贓本管官除知情故縱照例革職外其止於失察者請照在京部院司官之例十兩以上該管官降一級留任不及十兩者罰俸一年各該督撫於疏內詳悉聲明交部分別議處從之○裁廣東武甯大陵二驛驛丞各一其驛務歸各該縣管理改欣樂平山平政蘇州四驛驛丞各一為巡檢○辛卯裁湖北荆山荆南孫黃漢江鄖城五驛驛丞各一○予故刑部左侍郎繆沅祭葬○甲午解范時繹任調史貽直署兩江總督由福建調○以伊拉齊為江西布政使由御史遷○胡瀛緣事降

東華錄

雍正十六

五

雅州二府通判各一敘州府照磨一越嶲衛經歷一順慶重慶二府司獄各一嘉定潼川達合四州州同各一嘉定潼川眉邛資綿瀘忠巴劍十州州判各一成都華陽巴墊江渠大竹宜賓富順隆昌永甯奉節梁山萬平武西昌榮遂甯德陽保十九縣縣丞各一富順南溪綿竹三縣主簿各一建始保汶川三縣典史各一邛州之火井漕瀘州之嘉明鎮達州之麻柳場簡州之龍泉驛會理州之苦竹壩灌縣之白沙河新都之彌牟鎮巴縣之木洞鎮銅梁之安居縣洽南充之東觀場岳池之黎梓衛南部之西河口廣元之百丈關朝天鎮昭化之白水通江之檬壩關宜賓之橫江宣化驛屏山之石角營萬縣之市郭里雲陽之雲安廠平武之中壩場樅為之牛花溪射洪之大庚渡蓬溪之蓬萊鎮敘永廳之古蘭州等巡檢各一裁太平縣明通巡檢一移建武通判駐屏山縣之新鎮

夏四月庚子清親王允祐薨輟朝三日賜祭二次造墳立碑諡曰度○以德齡為內閣學士由翰林院侍讀學士遷○癸卯賜周澍等三百九十九人進士及第出身有差○復設直隸邢臺縣西黃村巡檢一額賦有差



移行唐縣兩嶺口巡檢駐上碑村○甲辰諭內閣據署理川陝總督印務查郎阿奏川省墊江忠州等屬姦徒楊成勳王可久等捏造妖謠吹角嘯聚匪謀敗露楊成勳自縊身死今拏獲黨犯陳文魁楊成祿等按出訴狀怨白等彙言詞雖鄙俚不經其中指稱忠州地方丈量田地科派需索騷擾累民等事則曰禍冤起於戊申年奉旨清丈民田又曰上憲愛民如子察冤如神等語查四川清丈之舉始於馬會伯之奏朕惟恐不便於民諭令憲德悉心酌議以定行止隨據憲德奏稱蜀省昔年兵火以來人民稀少田地荒蕪及至底定歸復祖業者從來未經勘丈是以多所隱匿迨歷年既久人丁繁衍姦猾之徒欺其界畔無據遂相爭搆訟今應明白曉諭令將所管田畝分立地界各執本名立戶載入版籍每年納糧俱以串票為據如此則欺隱侵奪之患可以悉除矣又川

東華錄

雍正十六

七

省詞訟為田土者十居七八大率為界址不清亦非勘丈無以判其曲直清其田畝等語憲德之奏如此朕又詢問岳鍾琪據岳鍾琪所奏與憲德之言相同隨將諸人前後所奏發與九卿會議九卿亦以應當舉行合詞覆奏朕於是慎選科臣高維新等前往辦理而於伊等陛辭之時諄切訓誨務期剔除積弊安插善良俾閭閻共享甯靜之福並非為加增賦稅起見又復頒發諭旨若丈量案內百姓果有冤抑下情准其十數人同到督撫或欽差官員衙門控告但不許聚眾喧囂其呈狀著督撫欽差接受秉公審理此從前遣官清丈之始末也其勘丈造冊等費俱令動支帑金各官供應等項俱令從公支給無非體恤閭閻不使幾微煩擾之意上年冬月丈量之事將竣朕又念川省各屬徵糧科則輕重懸殊其田土肥瘠不等則賦稅自難畫一又復降旨凡隱瞞科則等處止

據實按則更定至於額糧稍重之州縣即比照就近適中地方之科則令其覈減以紓民力今年正月憲德以清丈事竣具本代達川民謝恩之詞通省士民咸稱川省數十年輕徭薄賦近日荒蕪漸闢而土著流民各居其半邊界不清總由田土未丈以致彙強爭占捏造無已今蒙清理疆界使強無兼併弱無屈抑又荷鴻慈將田不敷糧之戶悉予開除疆界既已分明額賦尤為公溥下符民志上契天心等語朕亦以為經理得宜於民生風俗大有裨益矣豈意姦民嘯聚為匪竟引清丈苛虐以為言雖冥頑兇暴之人本不足信然彼怨白中公然寫為奉旨清丈者豈非該撫憲德等但以清丈之事稱為奉旨至於己身奏請之處並未曉諭於眾耶陳文魁訴狀內稱上憲愛民如子察冤如神等語伊既稱頌川省上司是必憲德等有沽譽於民之道何不將朕之德意廣為宣播

東華錄

雍正十六

七

而乃蒙混含糊使姦民得以藉口耶又怨白所言需索騷擾等弊朕之差委人員俱令給與夫馬食用之資而一應勘丈造冊等項又悉令從公支給絲毫不以擾民朕之諭旨既詳且備如果奉行不善經理失宜則封疆大臣之責安得以此歸怨於上耶憲德既稱通省士民歡呼感戴異口同聲何以尚有陳文魁楊成祿此等匪類暗結邪黨肆行誹謗可見平日地方大吏化導之未周董戒之不力則深山窮谷之中安保無似此儉邪之小人惑於妖言而妄為私議者乎凡督撫所施行於地方之事自然皆係奉旨之事然其發端之始各有不同有由於內外諸臣條奏者有由於本省督撫題請者有朕特旨施行者朕屢屢訓諭督撫等即朕特旨令行之事該督撫等身在地方若果有不便於民之處即據實密奏朕即降旨改易如鄂爾泰田文鏡李衛於朕降旨施行之事復行



陳奏而朕即爲中止者甚多憲德獨不聞之乎四川清丈一事既曾奉旨朕豈肯推卸於臣工但其舉行之緣由始於該撫之陳奏而非朕本意君臣之間同辦政務是非得失不容歧視朕尙不肯推卸於臣工則臣工又安可轉推卸於朕耶數年以來朕以清丈之事時爲慮念但有訓誡之言從無獎許之旨昨據合省謝恩之奏而論似於地方有益其功亦憲德之功若果如姦民所言有需索擾累之事則該撫失於覺察咎有所歸朕在九重之上萬里之外安能代爲之謀耶著憲德將朕此旨通行刊布曉諭川省士民務令遠鄉僻壤共知之○丁未諭內閣古稱黃河之神上通雲漢光啟圖書禮曰三王之祭川也皆先河而後海惟神澤潤萬國福庇兆民自古及今功用昭著我朝自定鼎以來仰荷神庥尤爲彰顯或結爲冰橋以濟師旅或淤成沃壤以惠黎元或湧出沙洲作

東華錄

雍正十六

六

天然之保障或長就隄岸屹永固之金湯他如濟運通漕安瀾順軌有禱必應無感不通至於激清六省之遙閱歷七旬之久稽諸史冊更屬罕聞神之相佑我國家者至矣朕敬禮之心至爲誠切因念江南河南等處皆有廟宇虔恭展祀而河源相近之處向來未建專祠以崇報享典禮亟宜舉行查河源發於崑崙地隔遙遠人稀境僻其流入內地之始則在秦省之西甯地方朕意於此地特建廟宇專祀河源之神敬奉烝嘗以答神貺其如何加封神號及度地建廟一應典禮著九卿悉心詳議具奏尋議史冊所載漢祀河於臨晉宋台澶州置河濱廟進號顯聖靈源公明以河濱發源崑崙崑崙被中土特行致祭本朝順治三年封黃河神爲顯佑通濟金龍四大王之神康熙三十九年加封爲顯佑通濟昭靈效順金龍四大王之神查黃河發源西番枯爾坤山經河州之長甯驛

流入中國應令該督委員於河州口外擇地建廟設立神像春秋致祭其加封神號內閣擬擬從之○諭各省會試舉人向例給與盤費銀兩所以體恤士子助其資斧之需從前俱赴該省布政司衙門領取道途跋涉守候需時吏胥又多勒索扣剋之弊士子所得無幾嗣後著在本州縣衙門照數領給該州縣取各舉人領狀申詳布政司於奏銷冊內報部查覈庶吏胥無侵扣之事而士子亦免跋涉守候之苦若州縣有扣剋需索而督撫失於覺察者經朕訪聞將督撫一併議處○命改定大學士尙書品級大學士爲正一品尙書左都御史爲從一品○己酉諭內閣今年三月京師一帶雨澤愆期朕衷甚爲憂慮齋心默禱至三月二十五日得降時雨似覺霑足朕心稍慰昨據直隸署總督唐執玉奏報各屬得雨情形畿輔雨澤尙未周徧朕悉心殫思推求體察朕之用人行政朝乾夕惕之念實八年如一日此朕可以自信仰邀上天垂鑒卽在朝滿漢文武大臣等亦皆勤慎供職無貪殘不法之人忝竊高爵以致上干天和者惟是政務中有清查旗地寬免積欠二件乃近來降旨施行之事查國家定制旗人地畝不許民人典買例禁甚嚴乃無藉之徒不遵禁約彼此私相授受以致諸弊叢生姦僞百出爭訟告訐大爲人心風俗之害實有不得不清查釐正者朕又念此等積弊沿習多年按律究治有所不忍於是特降諭旨寬其違禁典買之罪且命動支內帑給價歸贖使旗地仍歸旗人不至爲民人巧占民人仍得原價不至貲本于虛永息爭端革除弊竇此朕格外之恩也或者差往清查之人奉行不善以致民心怨抑上干天和靳茲雨澤乎又如查免積欠之旨乃今年二月中旬頒發者自是以後京師一帶風多雨少有微旱之象意此等拖

東華錄

雍正十六

九

流



欠錢糧之劣員上虧國帑下剝民膏為天理所不容國法所難宥或者上天以朕查免之旨涉於邀譽市恩而非瘼惡懲貪之道是以昭垂此象以示儆乎近來舉行之事止此二端而天象如此朕心不能無疑著內閣九卿悉心詳議具奏備此二事之外有應行陳奏之處亦著據實具奏毋得隱諱尋大學士等議奏清查旗地竟免積欠二事慮周惠溥輿情歡洽無可擬議但臣等辦事實多過愆有忝職守當益加省勉以仰副 皇上敬 天勤民之至意得旨人情自以為是者多而能自省者少是以古昔聖賢莫不以箴規匡諫為貴朕以誠心接待諸大臣若諸大臣偶有過愆朕即面加誥誡冀其速改若朕躬稍有過失則當隨時匡正以輔朕之不逮此乃切望於諸臣者也近因京師雨澤愆期朕默加修省悉心體察一切政務皆與內外大臣等商酌而後舉行惟有清查旗地寬免積欠二事出於朕心之獨斷並不由於臣工之條奏亦未諮詢商度於廷臣今見天象如此朕心不能無疑是以降旨詢問至於諸大臣之供職尚屬勤慎小心若有應行教導改之慮朕自隨時指示○諭吏部道員有盤查錢糧審緝命盜案件之責是以州縣有虧空遲延等事該道與司府一例處分聞四川所屬州縣刑名錢穀等事竟直詳藩臬該道並不與聞若有處分則將該道一併參罰甚為屈抑且非設官本意著吏部行文四川巡撫令該省四道於所屬州縣每年巡歷一周如有虧空那移移諱盜等事即咨牒兩司詳報巡撫確查題參其地方詞訟該道亦得聽受審斷凡各州縣案件俱從該道申轉以專守巡之職○添設雲南師宗州州同一駐邱北○癸丑命塞爾赫仍以內閣學士兼禮部侍郎行走調鄂爾奇為工部右侍郎杭奕祿為禮部左侍郎寶授牧

東華錄

雍正十六

壬

可登刑部左侍郎○己未諭內閣朕激清吏治整飭官方時時訓勉大小臣工實心供職以熙庶績而惠兆民又恐職官甚多優劣不等或視誥誡為具文不知儆惕是以遇有參處之案率按例處分不稍寬貸蓋欲其謹小慎微時時檢束自不至踰閑蕩檢干犯重罰也而外省督撫等亦皆遵奉法紀察吏嚴肅不肯寬假姑容內外之考課如此並非苛刻以待臣下也近年以來朕留心體察多朕心深為嘉悅但從前參罰之案累積漸重擬於今歲秋冬之間開恩寬免以示獎勵曾向大臣等言之今者京師雨澤愆期朕虔加修省並推求政事之闕失而不得其由因思朕原有寬免各官參罰之心而未嘗降旨或者內外數百人員之中固有罰當其罪者亦有限於成例情屬可原者應即頒諭旨廣沛恩施咸予以自新遷善之路除特旨永停俸祿者不行開復外著將內外滿漢文武大小官員一應革職降級留任及罰俸停升之案悉行寬免准其開復儻此降革人員開復之後將來有犯貪贓侵蝕不法重罪者著於本內聲明具奏○庚申諭內閣向因各省員缺需人朕於部選之外特旨命往者甚多恐其中賢愚不等或有倚恃特用而生縱恣恣肆之心者又或該管上司不知朕心以其為特用之員而存瞻徇姑容之見者是以會有特用人員深負朕恩則加倍治罪之旨蓋欲其知所儆惕以圖上進也然必其所犯之罪果係貪婪不法不可寬宥方行加倍懲治非謂因公誣誤一切參罰案件皆以其為特用之員而概從加倍也從前屢降諭旨甚明近來該部及各省督撫尚有不問事之輕重概以加倍議罪者甚非朕立法之本意至於盜案越獄亦曾有加倍治罪之旨蓋因朕整飭

東華錄

雍正十六

壬



吏治於地方事務不許隱匿是以有司不敢諱盜諱命每有案件即行詳報以致監禁之犯未免較多而姦兇兇惡之徒往往乘間越獄冀脫重罪又有罪本不至於死亦乘機越逃者尤為逞姦玩法藐視憲典是以有加倍治罪之條以懲頑慝又恐罪犯等不知此例誤蹈重辟特令各地方官刊木榜置於獄中使身繫囹圄之人莫不知悉免致一時誤犯以上加倍治罪一條係朕曾經降旨者乃內而法司外而督撫往往比照此例以加倍定擬具題又有將本犯輕罪議以加倍而抵之於死者尤非平允之道且國家立法原一定而不可易其有應行從重加倍者亦必待朕酌其情罪特頒諭旨非臣工所可擅定者也嗣後凡有議處議罪之條俱照本律定擬其有負恩犯法情罪重大應從重定擬者必須折衷平允不得擅用加倍字樣開蒙混苛刻之端負朕立法牖民儆省防東華錄 雍正十六年 三

愈玩如此則人力易施蟲災可杜於禾稼大有裨益但小民愚昧無知又復苟且慵惰其曉諭開導防患於未然者有司不得辭其責實心任事之良吏必不肯於此等事膜外視之也○癸亥以稽曾筠署江南河道總督河東總督田文鏡兼管河南山東河道總督督五月戊辰朔調魏廷珍為湖北巡撫以程元章為安徽巡撫調張元懷為浙江布政使以兩淮鹽政噶爾泰兼理安徽布政使○己巳以原任兩江總督范時繹協辦河東河工○予故陝西布政使加太常寺卿銜方觀祭一次○辛未 上聞怡親王病篤幸王邸比至王已薨逝 上親臨視悲慟不已左右大臣等懇請節哀乃回宮轍朝三日○壬申 上親臨怡親王喪次奠酒舉哀悲慟逾時回宮○癸酉調德明為戶部尚書以海壽為刑部尚書常賚為東華錄 雍正十六年 三

刑部右侍郎原任雲南巡撫○調高其倬為兩江總督以劉世明為福建總督趙國麟為福建巡撫陳世倌署河南布政使張建德署河南按察使由驛鹽道署○以噶爾泰為戶部左侍郎劉相署安徽布政使劉章署浙江按察使由正黃旗參領署○甲戌諭內閣朕因怡親王薨逝中心悲慟雖強自排遣而飲食俱覺無味寢臥皆不能安蓋王之事朕誠敬忠愛之心八年有如一自自古以來無此公忠體國之賢王則朕所以待王之禮亦應在常例之外今朕素服一月以稍展思慕不釋之情此一月之內朕既素服則在廷諸臣遇朝服之期亦著仍穿常服一切宴會俱不必行凡朕加恩於王之處皆不足以酬王之碩德豐功而在朝之諸王大臣官員等受國家之恩必念國家失此賢王同深悲慟昨日朕親臨奠醑之時見滿漢文武諸臣悲切之狀人有同情朕心甚慰益見王之素行感人者深



也○署安徽按察使魯國華奏回民住居內地不分大小建不論  
閏月以三百六十日為一年私計某日為歲首羣相慶賀平日皆  
戴白帽設立禮拜清正等寺妄立把齋名目違制惑眾應請嚴行  
禁革恪守典章違者照律定擬如地方官容隱督撫徇庇亦一併  
議處得旨回民之在中國其來已久伊既為國家編氓即皆為國  
家赤子也朕臨御天下一視同仁豈忍令回民獨處德化之外是  
以曾頒諭旨訓以興孝勸忠望其型仁誦讓服教慕義共為善良  
即數年來亦未見回民作奸犯科逞兇肆惡者且其中有志上進  
者甚多應試服官同於士庶而以文武科名出身洊登顯秩為國  
家宣力效忠者常不乏人至回民之自為一教乃其先代相沿之  
土俗亦猶中國之大五方風氣不齊習尚因之各異其來久矣歷  
觀前代亦未通行禁約強其畫一也魯國華此奏甚屬苛刻怪誕

東華錄

雍正十六

五

回民何嘗不遵正朔而止以其私記時日即加以不遵正朔之名  
回民何嘗不遵服制而止以其便用冠巾即加以不遵服制之罪  
至於禮拜清正等寺名亦不過如各省村邑崇奉其土俗之神皆  
為祀典之所不載何獨於回民刻意吹求指為罪案乎若回民實  
有干犯法紀之處國憲具在自當按律懲治並無曲宥回民之條  
向後儻回民本無過愆而大小官員等但因其習尚少有不同以  
此區區末節故意苛求妄行瀆奏者朕必嚴加處分魯國華此奏  
非有挾私報復之心即欲惑亂國政著將魯國華交部嚴加議處  
○乙亥諭大學士九卿等茲因怡親王之事朕心悲戚爾等請朕  
節哀再三陳懇朕每事保惜精神不肯為勉強之舉時時以此訓  
諭臣工豈至今日而遂忘之但以王之事故朕一片忠赤之心至誠  
至敬王之年齒小朕八歲不但賴王襄贊朕躬且望王輔弼於將

來豈料王竟長逝耶王顯名厚德為宇宙之全人垂休光於竹帛  
固不以壽算之修短計而國家失此股肱心膂之賢王在朕躬則  
甚苦矣因廷臣等請安奏懇朕將朕意宣諭知之○丙子諭內閣  
怡親王忠孝性成端方清直當年事我 聖祖皇考敬謹恪恭克  
盡子臣之道深蒙 皇考慈愛而王慎密有加小心安分此中外  
所共知者逮朕御極之初命王總理事務王夙夜匪懈公爾忘私  
精白一心無欺無隱其殫竭忠誠贊襄於密勿之地者八年有如  
一日至於軍務機宜度支出納興修水利督領禁軍凡宮中府中  
事無鉅細皆王一人經畫料理無不精詳妥協符合朕心無煩朕  
之指示其有關於吏治民生之利弊有聞必奏每語必詳而為國  
家保護善類培養人材一片篤摯真切之念形於寤寐王之懿德  
美行從不欲表著於人而人亦無從盡知之朕即知王最深而亦

東華錄

雍正十六

五

口不能宣筆不能述也是以雍正四年特書忠敬誠直勤慎廉明  
八字以賜彼時降旨朕深知王之德洞悉王之心覺此八字實不  
能盡王之美善不過就王事朕之大端而言耳蓋王實能佐朕治  
安天下朕實賴王翼贊昇平徧觀自古史冊所載賢王懿戚從未  
有可與王比倫者且王居心之和平公正行事之寬厚仁慈皆足  
以享遐齡而懸壽算豈意王遽舍朕而溘然長逝耶自去年冬月  
王抱病以來朕縈於懷無刻稍釋商榷醫藥默禱神祇以冀沈疴  
頓起乃今醫藥罔效祈禱不靈天何奪我忠誠輔弼之賢王若此  
之速耶王抱恙時居住交暉園與圓明園相近朕聞欲親往看視  
王再三懇辭而於一旬半月之間必力疾入圓明園與朕相見及  
王病勢漸加力不能支惟恐朕心憂煩則稱交暉園乃起病之所  
暫且移避遂養病於西山無非欲與圓明園相遠令朕不深悉其



病狀可以安慰朕心也及王回城中府第朕以祈雨回宮前月得雨之後王屢次奏請朕幸圓明園是王但恐以病狀煩勞朕心而於己身之生死全不計及也及聞病勢沈篤朕方欲命駕臨視乃王聞知即脫塵而去蓋王不欲以永訣傷朕之懷是以顯此剛決之相其於去留之際明白超脫若此在王成一忠孝正直賢智慧覺之全人而朕頓失此柱石賢弟感痛悲哀何能自己耶王之德行功績難以枚舉從來豐勳偉烈必膺國家崇報之典惟王爲聖祖皇考之令子爲我朝列祖之功臣允宜配享太廟列於從前建立大功諸王之次庶與王之功德相副且可上慰列祖皇考在天之心而朕思念悲切之衷亦可稍解於萬一其餘一切恩卹典禮該部會同大學士九卿悉心詳察從優定議具奏尋議怡親王功在社稷皇上篤念忠勳特昭崇報配享太廟實東華錄 雍正十六年 五月

與王之功德相副其設位配享告祭禮儀禮部另行繕摺具奏其致祭應於定例二次外加祭一次墳碑交與工部敬謹建造祭文碑文由翰林院撰擬諡號由宗人府議奏得旨依議怡親王之懿德鴻勳自應錫以上諡但恐一字不足彰王之美善古者有大功賜之美號以表揚之朕會親書忠敬誠直勤慎廉明八字賜王字字皆王之實蹟今應否於諡號之上加此八字取古人申錫美號之義著大學士九卿會議具奏○丁丑諭大學士等準噶爾噶爾丹策零藏匿負罪潛逃之羅卜藏丹津抗違國法因特發兩路大兵聲罪致討期於今年進發直搗伊犁今噶爾丹策零遣使特奉表陳奏謂已將羅卜藏丹津解送天朝因聞進兵之信暫行中止若天朝俯念愚昧赦其已往即將羅卜藏丹津解送等語朕欲將特噶爾丹遣回並差大員至準噶爾諭以受封定界敦族睦鄰速將

逃匿送出伊若一一聽命朕當寬宥其罪其進兵之期暫緩一年俟特噶爾丹起身之後著甯遠大將軍岳鍾琪靖邊大將軍傅爾丹參贊大臣陳泰蘇圖來京其靖邊大將軍印務著副將軍巴賽護理並令署振武將軍順承郡王錫保就近協理所有應行事宜著馬爾賽張廷錫等詳議具奏尋議靖邊大將軍傅爾丹來京大約在九十月間應令於起身之前行文知會甯遠大將軍岳鍾琪先後到京以便會同商酌得旨兩路大將軍於九月十月間起身來京則到京之期已在冬底未免太遠著兩路大將軍在九月十五日前後到京見今差侍郎杭奕祿眾佛保同特噶爾丹往諭準噶爾岳鍾琪俟特噶爾丹回過軍營之後即將起程日期知會傅爾丹酌定起程靖邊大將軍印務已命副將軍巴賽護理甯遠大將軍應令何人護理著岳鍾琪奏聞其陳泰所統官兵著查克丹署理蘇圖所統官兵著舒楞額署理再者副都統圖克善黑色前往軍前交與傅爾丹酌量派管軍營事務○命大學士朱軾總理水利營田事理藩院左侍郎莽鵠立內閣學士對琳工部右侍郎何國宗協同辦理○戊寅諭內閣崇德報功國有令典懷恩慕義人有同情凡在京文武官員平日曾受怡親王教訓知王之美善者許其各詣王府致奠申哀○己卯莊親王允祿內大臣佛倫等參奏臣等奉命辦理怡親王喪事所見齊集人員無不銜恩垂泣獨誠親王允祉當皇上親臨回宮之後遲久始至逮宣讀皇上諭旨之時眾皆嗚咽悲涕而誠親王早已回家且每日於舉哀之時全無傷悼之情視同隔膜請交與該衙門嚴加議處得旨誠親王允祉性情乖張行事殘刻是以 皇考屢降諭旨宣示於眾今據爾等參奏著宗人府諸王貝勒貝子公八旗大臣九卿詹事科道會同定議具



奏○裁山西陽曲縣臨汾驛徐溝縣同戈驛祁縣賈令驛臨汾縣建雄驛洪洞縣普潤驛靈石縣瑞石驛霍州霍山驛聞喜縣涑川驛長子縣漳澤驛屯留縣余吾驛平遙縣洪善驛介休縣義棠驛鳳台縣太行驛永濟縣河東驛臨晉縣樊橋驛大同縣襄城驛平定州平潭驛忻州九原驛代州雁門驛驛丞各一○壬午 上臨怡親王邸奠酒舉哀畢回宮○諭內閣朕名及諸兄弟之名皆皇考所賜朕即位之初允祉隆科多等以諸王之名上一字與朕相同奏請更改朕不允行而伊等援引往例陳懇再三朕不得已奏聞 太后勉強許之今怡親王薨逝朕回思昔日與王同事皇考家廷孝友之情宛然如昨凡告 廟典禮所關有書王名之處仍用原名以誌朕思念弗釋之意○諭戶部年來甘肅地方辦理軍需雖一切動支公帑絲毫不取於民而輓運轉輸不無資於

東華錄

雍正十六

元

民力朕心軫念特將雍正八年額徵錢糧悉予蠲免以示恩恤今聞該撫許容以兵餉無抵將歷年舊欠勒限一年全完民間甚為擾累以致不法之徒借端生事許容才具短淺識見鄙陋辦理此事甚屬錯誤夫本年錢糧既經豁免而仍嚴比舊欠大非朕加恩沛澤之意若云兵餉無抵自可具題請撥何得於蠲免之年而行催徵之舉除生事民人應秉公懲治外著將徵比舊欠之處即行停止○丙戌諭內閣怡親王為朕辦理大小諸務無不用心周到而於營度將來吉地一事甚為竭力殫心從前在九鳳朝陽山經畫有年後因其地未為全美復於易州秦甯山太平峪周詳相度得一上吉之地王往來審視備極辛勤又恐隨從人等煩擾居民將飲食之屬俱不令前驅豫備常至昏夜始進一餐其所擇吉壤實由王親自相度而得而臣工之精地理者詳加斟酌詢謀僉同

且以為此皆王忠赤之心感格神明是以具此慧眼卓識也其相近山水回環形勢聯絡之處又有中吉次吉之地朕以王經營吉地實為首功欲以中吉者賜之王驚悚變色惶懼固辭朕鑒其誠心遂寢其事已而在六十里外涑水縣境內得一平善之地曰此庶幾臣下可用者奏請賜給朕彼時遲回未曾降旨王於病中令侍郎劉聲芳懇請轉奏朕不得已允其所請王得旨喜極至於踊躍忭舞云皇上待我隆恩異數不可枚舉今茲恩賜則子孫世世俱受皇上之福於縣長矣即日遣護衛前往起土越數日護衛呈看土色王取一塊捧而吞之蓋王知朕眷王之深惟恐坐域未定將來仍以前所欲賜之地賜之也其用心之謙謹周密至於如此王薨逝後朕詢問王府管事之人知王病中將身後之事一一指示特畫親王墳塋圖一幅與其王妃及諸子曰我身後塋地之制

東華錄

雍正十六

元

悉照會典所載親王之禮行毋得稍有踰越如或稍過則汝等違我之治命矣昨王府之人以圖進呈朕覽僅有門三間享堂五間此國家經常之制非所以待有大功之賢王者但思王之生平謙抑退讓朕每加恩禮王必再三懇辭朕鑒其一一實皆出於至誠往往愈允今若身後獨不從其言朕心有所不忍然以豐功碩德不世出之賢王而寢園僅循常制則褒德顯功之典禮實為缺畧朕心又有所不忍今如何使朕心之展轉不忍者得以大慰而揣度王心亦受之而安且揆之於禮適為合宜允協著大學士九卿等悉心詳酌定議具奏○戶部議准江蘇巡撫尹繼善奏蘇州府屬之常熟昭文二縣舊有丐戶不得列於四民邇來化行俗美深知愧恥欲滌前汚請照樂籍情民之例除其丐籍列為編氓從之○己丑諭兵部怡親王園寢在涑水東村見在興工修造著設立



守備一千總一把總二兵丁五十名永遠守護俱隸太平峪副將  
管轄○吏部議准廣東總督郝玉麟奏廣東肇高廉羅道駐紮肇  
慶府控制千里以外之高廉二府雷瓊道所轄雷州府在海之北  
瓊州府在海之南俱鞭長莫及請添設巡道一駐紮高州分轄高  
雷廉三府改肇高廉羅道為肇羅道雷瓊道為海南道並請將高  
雷廉道海南道及原設之惠潮道俱加兵備職銜以樹聲威從之  
○移江南望江縣楊灣河巡檢駐華陽鎮○辛卯宗人府等衙門  
議奏允祉情性乖張行事殘刻 聖祖仁皇帝屢降諭旨宣示於  
眾 皇上御極以來時加訓誡多方保全乃伊下愚不移罪惡日  
稔臣等謹就其罪之大者言之允祉事 聖祖仁皇帝諸事違逆  
罔知愛敬 聖祖仁皇帝聖躬違和允祉毫無憂戚且懷冀幸之  
意又恭謁 陵寢允祉並不早集行禮使諸王大臣候至巳時始  
東華錄 雍正十六年 辛  
至 昭西陵午時方至 景陵任意怠忽有乖典禮其於母妃也  
肆行忤逆又敬敏皇貴妃薨逝允祉服制未滿卽行剃頭此其不  
孝之罪一也當二阿哥廢黜之後允祉居然以儲君自命見廷臣  
更正東宮儀仗輒忿然謾罵此其妄亂之罪一也允祉素日包藏  
禍心希冀儲位與逆亂邪偽之陳夢雷親暱密謀遂將陳夢雷逆  
黨周昌言私藏家內妄造邪術拜斗祈禳陰爲鎮壓及事蹟敗露  
允祉罪在不赦我 皇上法外施仁不忍加誅逮後在 皇上之  
前抗傲無禮諸王大臣合詞參劾宗人府議以禁錮復蒙 皇上  
從寬止將伊降爲郡王薄示懲儆而伊毫不畏懼今年又蒙特恩  
復伊親王之爵而伊仍不知感戴此其狂悖之罪一也允祉向日  
與阿其那塞思黑允禩等交相黨附時切覬覦比暱匪類肆無忌  
憚及至阿其那塞思黑逆蹟敗露允祉乃密請交伊暗置死地意

在歸過 皇上 皇上宵旰勤勞每於允祉進見時賜坐優禮諭  
以勤政憂民諸事允祉漫不樂聞但以伊閒居散適之樂娓娓陳  
述此其欺罔不敬之罪一也滿漢文武大臣受 聖祖仁皇帝教  
養深恩又蒙 皇上加意委任而允祉視抒誠宣力者如讐敵愾  
邪不軌者爲腹心此其姦邪之罪一也從前皇貴妃喪事允祉當  
齊集之期俱詭稱有另交事件推諉不前及前年八阿哥之事允  
祉欣喜之色倍於平時此其惡逆之罪一也允祉之子弘晟兇頑  
放縱助父爲惡荷蒙 皇上鴻恩從寬禁錮允祉反以此銜恨於  
心時形怨望此怨懟不敬之罪一也允祉在 聖祖仁皇帝時侵  
帑焚贓盈千累萬又恣意需索所屬仍復逋欠繫繫 皇上深用  
體恤特賜帑金俾其饒裕而允祉毫不感激每以催追之項怨忿  
瀆奏此其貪黷負恩之罪一也怡親王忠孝性成謨猷顯著允祉  
東華錄 雍正十六年 壬  
心懷妬忌值怡親王薨逝並不懇請成服又不躬請 皇上聖安  
且於怡親王府齊集之所每日遲至早散當舉哀時全無悲泣之  
情反有慶幸之意此其悖理蔑倫之罪一也至於殘忍刻薄徇私  
挾詐之處難以枚舉情罪重大應將允祉削去和碩親王革退宗  
室卽行正法伊子弘晟兇頑放縱助父爲惡亦應革退宗室卽行  
正法再伊子輔國公弘景應革去公爵並伊諸子及孫俱革退宗  
室交與該旗編入佐領更名披甲當差允祉之女有品級者革去  
品級其妻妾並弘晟之妻妾俱交與弘景允祉所屬佐領應令該  
旗作爲公中佐領所有家產並伊子家產俱係大內分給應交該  
旗查明交內務府得旨覽諸王大臣官員所議若照議施行朕心  
有所不忍姑從寬宥將允祉革去親王其如何拘禁之處候朕  
另降諭旨弘晟秉性兇頑助父爲惡從前散禁於宗人府今著嚴



加拘禁弘景為人心性未定向不似其父兄之悖亂著仍留公爵以徐觀其後允祉所屬人等作何派撥之處朕另行降旨○壬辰湖廣安陸府知府談九敘等恭請 聖訓諭知府一官有承上率下之責關繫吏治民生最為緊要爾等勿視為傳舍但務逢迎上司以圖升遷為榮身之計果能察吏安民實盡其道即使終身不得遷轉亦足留名譽於將來若一味請託鑽營希圖保薦縱一時倖獲寸進而公論難免何能掩人之耳目哉刑名事件知府尤為上下關鍵務期公允當地方始無冤民不可聽屬員懇求亦不可畏上司駁詰而草率苟且以致訟獄顛倒下結民怨上干天和若催科一節固有考成果遇水旱災荒自當據實申詳加意撫恤不可隱匿以圖省事亦不可捏報以滋弊端夫寬大惠愛者乃為政之要道朕非令爾等嚴厲苛刻以從事也但古人云養稂莠者

東華錄

雍正十六

三

傷禾稼惠姦宄者賊良民若保全貪官汚吏以博長厚之名縱容地棍土豪以沽安靜之譽此大有害於人心吏治者也沽名邀譽乃居官之大患大凡在任時貼德政之歌謠離任時具保留之呈牒皆非真正好官也惟去任之後紳衿百姓思念不忘則不愧古之循良矣知府與知縣不同知縣為一邑之宰果能殫竭心力使四境之內民人樂業便是良有司至於知府則有統轄屬員之職若各屬之內有一人居官不善在知府分內即為一分曠職不可云潔已謹守遂可無忝牧守之任也天下人才難得儻過於苛刻摧殘則因細故微瑕而至於放廢終身者不少矣總之遇好官則當愛重保護之遇中材則當勸導扶掖之遇劣員則當懲治罷黜之以此督課屬員有不觀感興起者無此情理也至於參罰案件外官必不能免朕從不肯以情有可原之案廢棄賢員常有因公

參處之州縣官朕見其人材可用而逾格加恩遷擢者爾等勿存見小之念願惜功名局於庸眾之規模而無遠大之器量也將此諭旨吏部通行天下之知府直隸知州知之○癸巳諭內閣禮記曰聖王之制祭祀也法施於民則祀之以勞定國則祀之能禦大災大患則祀之此崇德報功之典千古不易者而人心懿好之公感思追慕有功於一郡則一郡祀之有功於一鄉則一鄉祀之此又緣人情而制禮自古及今名賢碩彥享俎豆而奉蒸嘗者不可勝數吾弟怡親王忠孝兩全智仁兼備嘉謨經國渥澤安民此朝野所共知者古稱聰明正直之謂神王之靈爽在天下不泯著道行內外直省有欲為王建立祠宇歲時展祀者著奏聞准其舉行其不能深知王之功德者不必行○召傅泰來京以鄂彌達為廣東巡撫調張允隨為貴州布政使葛森為雲南布政使以諾穆圖

東華錄

雍正十六

三

為甘肅布政使由員外郎遷往噶斯辦理軍需以趙挺元署甘肅布政使由陝西驛○乙未諭宗人府朕之諸幼弟朕向來不能深知從前曾據怡親王奏稱二十一阿哥允禧立志向上且深知感朕之恩恭敬之念出於至誠朕從前降旨將伊封為貝子著晉封貝勒公允禎仍封為郡王弘皙著晉封親王公弘景受朕寬宥之恩深知感激著晉封貝子  
六月戊戌朔日有食之○己亥諭內閣今科進士除選拔庶吉士外曹繩柱係見任中書以六部主事用其馬丙等五十八名著在六部額外主事上學習行走該部按各部司分多寡掣籤分派具奏三年之後如能稱職該部堂官題補如不能稱職該部奏聞其內若果有才猷出眾明練政治之員於一年之後該堂官將情由聲明保奏帶領引見請旨此各部分行走學習之員俱著照額外主



事之例給與俸祿又諭令科外用進士著就伊等本籍鄰近地方  
聖籤派往交與各該督撫分派藩臬衙門令其學習伊等中式之  
後原須候選數年始能得官今著學習三年委署試用一年約四  
年之後題補實授與伊等候選之員相仿而又得學習吏治較之  
閒居在家豈不大有裨益此三年之內若該地方需用人員仍著  
奏請另行揀選命往不必於新科進士內遷就委用儻進士中果  
有才具出眾平日熟練吏治不待學習者該督撫格外委署題補  
即於本內聲明具奏若才具庸常難以練習吏治情願改補教職  
者不拘三年之期准其具題改補其學習之員每年公費若干該  
督撫於公用銀兩內酌量給與著行文各督撫知之○李永陞緣  
事革職以張大有為工部尚書調王朝恩為刑部左侍郎由盛京  
刑部侍郎  
調○庚子吏部議准雲貴廣西總督鄂爾泰奏廣西富川賀縣僻  
東華錄 雍正十六年 詔  
處邊隅狴蠻盤踞添設官兵防守請於富川賀縣適中之麥嶺  
地方專設同知一為平樂府捕盜同知並添設守備一千總一兵  
一百五十名同駐麥嶺再牛巖小水峽應每汛添設把總一兵五  
十名長圳村龍窩村各添設一汛每汛設兵二十名賀縣屬之開  
山崗應設添一汛以外委把總一領兵二十名防守聯絡會哨總  
歸平樂協統轄從之○移江南潁州州同駐方家集○贈故吏部  
尚書馬爾漢太子太傅賜祭一次○辛丑以黎致遠為奉天府府  
尹兼理盛京刑部侍郎事由大理  
寺卿遷○壬寅敕封陝西河州口外河  
神為開津廣濟佑國庇民昭應河源之神○大學士九卿遵旨議  
奏本朝定例親王之諡一字郡王之諡二字而大戴禮檀弓注云  
古者以生號為歿後之稱原不必一定也伏稽歷代史冊懿親為  
輔弼者有之至於怡親王奉公體國精白一心孰如王之忠者夙

夜恪恭始終無斁孰如王之敬者盡忱篤棊一念不欺孰如王之  
誠者事必當理言必由衷孰如王之直者經理百度而不以為勞  
宣贊機宜而不著其迹孰如王之勤慎者清潔之操一塵不染洞  
達之識纖悉無疑孰如王之廉明者可為生前之寵錫即可為身  
後之休光以此加於諡號之上洵合人心之至公請將 御書忠  
敬誠直勤慎廉明八字加於怡親王諡法之上其一字之諡交與  
宗人府議奏得旨覽奏怡親王申錫美號之典與古禮相符庶足  
表王平生之美善朕心深慰著依議行其一字之諡著宗人府會  
同大學士定議具奏尋宗人府等衙門擬諡請旨命諡曰賢○癸  
卯張坦麟緣事革職以鄧鍾岳為內閣學士由少詹  
事遷○甲辰諭內  
閣周書洪範言人身五事若有得失在天之休徵咎徵即各以其  
類應之此即朕每日所諭天人感應之理捷於影響者也夫所謂  
東華錄 雍正十六年 詔  
修人事以感召天和者必須君臣上下各盡其道各殫其誠以為  
昭事上天之本若人君有朝乾夕惕之心而大臣官員不能承流  
宣化或君臣有移風易俗之念而民情士習不能革薄從忠則偏  
而不全不克成會極歸極之盛而欲冀上天俯垂默佑普錫繁禧  
豈不難乎是以為君而存推諉於官民之心者非賢君也為官民  
而存推諉於君上之心者非良有司良百姓也惟當各盡其道以  
待天恩近見直省各處奏報雨澤頗覺均調麥秋亦屬豐稔朕心  
深慰但聞浙江雨水稍多田禾閒有澇溢之患朕悉心推求其故  
想因今年春夏之交京師雨澤愆期朕為畿輔祈禱並憂慮及於  
江浙地方已而京師得雨而朕心則專為浙江求至南方多雨情  
狀朕未曾聞知但以少雨為懼所以朕屢諭外省大臣凡覺有水  
旱之機即當速奏朕知之者正為此也南方既已多雨而朕心仍



復祈求或因此一念以致上天賜雨過多浙省有滂溢之處乎又考之洪範曰狂恒雨若浙省素稱人文極盛之區今年會試朕加恩取中至七十名而一甲三人悉登浙士或者士子之心不免矜驕之氣如洪範之所謂狂者致干恒雨之徵乎此朕就目前天象人事而推測之有不能無疑者朕每遇雨暘不時即撫躬自省不敢玩忽況古聖人之垂訓千古為昭惟願浙之多士遇登進之榮即懷盛滿之戒見示儆之象益深敬畏之心必能仰邀天眷於方來矣○丁未諭大學士等從前怡親王常在朕前奏稱白家疃一帶居民忠厚良善深知感激朝廷教養之恩今王薨逝而彼地居民人等感念王之恩德願自備資本建立祠宇歲時致祭輿情懇切足徵王之遺愛在人而民風醇厚亦即此可見朕欲將白家疃數村地丁錢糧永遠蠲免以為將來祭祀香火之資並使良民永

東華錄

雍正十六

五月

沾恩澤爾等確議具奏尋議白家疃等十村莊具呈建祠之鄉民共三百餘戶內有田土者甚少查得此地附近有入官田土三十餘頃需人耕種不若將此數村人口酌量多寡派撥地畝令其世世營業每年除辦祭物外俾得均沾餘潤所有應納錢糧永遠蠲免庶於鄉民俱有裨益從之○乙卯山西巡撫覺羅石麟奏六月初一日太原等處日食之期濃雲密布未見虧蝕紳民稱瑞理應奏賀得旨從前欽天監奏今年六月初一日日食九分二十二秒朕心深為畏懼特降諭旨令內外臣工等悚惕勉勵各盡厥職以懷天戒今石麟以山西省城當日食之時濃雲密布及雨霽之後日已復圓具本題賀宋嘉祐時日食入雲不見時議稱賀司馬光云京師不見四方必有見者今晉省陰雨豈能概論天下乎石麟所奏殊屬不合著將本發還○丙辰諭內閣凡內外大小事務必

據實辦理始得其是非之正合乎人心之公若有挾制之弊及苟且遷就之情則事不得其正而違乎人心之公其為吏治風俗之患不小矣至於文武雖屬兩途然同為朝廷之官同辦國家之事實為一體所當和衷共濟據實秉公以盡勿欺之道聞得外省有文官已申文書而武員恐其干礙或於中途掣回者或勉強令其更改者武既可以施之於文則文亦可施之於武似此挾制成風苟且遷就何以得事之實情除事之弊竇況目前雖草率結局而嫌隙自此而生文武不和實始於此著督撫提鎮通行曉諭嚴加禁約儆所屬有犯此等情弊者即據實參奏毋得姑容○河東總督田文鏡奏豫省紳衿感戴 皇仁恭建 萬壽碑亭得旨朕以實政訓示天下臣民如稱功頌德建立萬壽碑亭鏤金刻石之舉皆屬粉飾虛文朕所不取前以豫省之官方整肅民俗醇良感召

東華錄

雍正十六

五月

天和屢豐有慶是以特加恩賜用示褒嘉該省官民紳士感激朕恩惟有益加勉勵永為循吏良民以承上天之眷佑至於撰文建碑稱揚功德不過外觀之虛文耳嗣後各省若有倣倣而行者著該督撫先期諭止之○丁巳廣東總督郝玉麟奏瓊州府等處於本年三月十八日祥雲朗見五彩繽紛自卯達辰經雨時之久得旨年來各省奏報慶雲者甚多朕並未以為祥瑞該地方官民宜各修職業益加勉勵以迓天庥○鄂爾泰奏黎平都勻等寨生苗內附○戊午子故江南河道總督孔毓珣祭葬諡溫僖○己未免甘肅河州等廳衛等處及西甯涼州府屬番糧一萬二千有奇○湖廣鎮守總兵官周一德奏白沙明溪等處五月十一日慶雲麗天霞光萬道自辰至酉萬目共覩得旨朕不以慶雲為祥瑞湖南地方民多刁悍俗亦頑梗該省官員果能實心化導使之奉守法



度化驚悍爲循良易澆漓爲醇厚此則朕心之所謂祥瑞也○辛酉大學士等遵旨議奏怡親王瑩制宜用享堂七間享堂之外中門三間內圍牆一百丈中門之內建焚帛亭祭器亭中門之外建神廚五間神庫五間東西廂及宰牲房各三間碑亭一座其外爲大門三間周圍牆二百九十丈大門外設奉祠二十間再加石橋二石牌坊一擎天柱二神道碑一俱斟酌典禮允合輿情得旨怡親王有遺言身後殯殮止用常服一切金玉珠寶之屬概不可用王妃及諸子遵其遺言止以常服爲殯即平日所束之帶亦未曾用朕親臨其喪亦祇以血淚巾帕及所佩香囊附棺中示含玉之意誌永訣之哀蓋王天性節儉一生服食之需愛惜物力不肯多費絲粟故拳拳於身後如此且識見高明深懷古人寶玉送死之戒是以附身附棺之物皆從其遺言不忍違其素志至於園寢之

東華錄

雍正十六

五月

制則關繫國家之典禮德懋懋官功懋懋賞乃古今之通義恐非朕所得私亦非王所可讓者今大學士九卿等詳明定議悉與典禮符合甚愜朕懷著依議行○癸亥諭內閣禮部尙書石文焯原係庸才內升以來每事退縮毫無踴躍奮勉之心著革任以原品在八旗井田效力行走兵部尙書馬會伯在肅州委辦軍需以來諸凡推諉貽誤措置顛倒著革職仍令在甘肅署理總兵官事務效力贖罪○以錢以增爲禮部尙書由禮部左侍郎遷○以唐執玉爲兵部尙書仍署直隸總督史貽直爲左都御史仍署兩江總督調劉於義爲吏部左侍郎寶授涂天相總督倉場侍郎○汪滢緣事革職以俞兆晟爲戶部右侍郎由內閣學士遷○寶授孫嘉淦工部左侍郎○以謝王寵爲宗人府府丞龔棟爲左副都御史由宗人府府丞遷○乙丑諭宗人府怡親王第三子弘曠朕指配富察氏尙未婚娶而弘

曠病故富察氏聞知卽慟哭截髮至王府懇求持服守制彼時怡親王不允富察氏於門外跪哭以夜繼日王始終未允並未遣人與彼一語王之意以王子已故不忍再誤富察氏之終身也乃富察氏歸至母家持服守節二年以來之死靡他今年吾弟薨逝富察氏又至王門悲慟銜哀懇求服孝從前之事吾弟並未奏聞今王之管事人員以應否准其服孝奏請朕始知之遂降旨准伊服孝令進王府諭王妃收以爲媳富察氏以幼年之女能知大義矢志柏舟其情可憫其行可嘉弘曠身後一應禮儀俱照貝勒之例著於弘曠親姪內以一人爲弘曠之嗣卽襲封貝勒令富察氏撫養俾其無子而有子以彰節女之厚報焉○移江南定遠縣主簿駐北鑪橋東○丙寅諭內閣尙書舜典云欽哉欽哉惟刑之恤哉朱子曰所謂欽恤者欲其詳審曲直令有罪者不得免而無罪者

東華錄

雍正十六

五月

不濫刑也吾弟怡賢親王嘗奏朕云今法司衙門凡有審問事件並不究其情之虛實動以夾訊夫聽斷之下求之於辭氣耳目以察其情設誠以待之據理以鞫之未有不得其實者何庸夾訊儻有證佐確據情罪顯著而本犯猶狡獪不以實供則不得已而用刑若並不詳鞫其情而概用重刑嚴訊三木之下何求不得此重案之未免有冤抑牽累也吾弟之言如此是以八年以來凡朕交王承審數十年繁難大案皆以誠敬用心以情理感格簡孚閱實愚頑自將罪犯委曲招吐從未會夾訊榜楚一人而諸案情罪無不允當吾弟之存心忠厚如此今外省有司既不能聽辨五辭無明決折獄之才每遇重大案件至期限將滿之時慮及處分則連用重刑該犯欲緩須臾之命凡官吏訊問之語靡不承認並據其供招鍛鍊成獄且凡遇命盜案件其中牽連之人有司亦明知其



無辜而欲為開釋恐致上司之翻駁遂有非夾訊不能歸結之論夫欲保全一己之功名彌縫上司之查駁無論情之虛實罪之輕重輒用三木以訊每致未結而有刑斃之人此其居心尚可問乎吾弟怡賢親王存心仁恕固不待言而其本言總不欲使天下有一冤抑之人俾國家受濫刑之議此其忠君愛國之心出於誠懇篤摯是以凡有聽斷歸乎至當能使羣議帖服刑章式敘也今吾弟薨逝之後凡啟靈大祀之日上天必賜以清和景象而羣工黎庶各致其哀慕深情天之報吾弟亦云厚矣吾弟嘉談入告之事不可勝數偶因戒飭問官輕用三木一節將吾弟敷奏之言宣示於眾且布告各省有司令咸以吾弟怡賢親王之聽訟居心奉為按鞫之規範則明慎用刑庶幾咸中有慶矣著凡掌刑衙門將此諭刊榜示於堂署○丁卯諭內閣江甯織造郎中隋赫德具

東華錄 雍正十六年

摺奏稱本年六月初一日日食之期江甯地方先期陰雨至午後則天色清明萬物共見日光無虧地方咸以為瑞特行奏賀等語朕彼時即批諭切責隋赫德此並非爾職掌應奏之事且以識見庸鄙之人而輕言天象尤屬誕妄又山西巡撫覺羅石麟奏稱太原等處濃雲密雨日食不見朕亦降旨切加申飭矣從來天象之災祥由於人事之得失若上天嘉佑而示以休徵蓋欲人之知龜勉永保令善於勿替也若上天譴責而示以咎徵蓋欲人之知所恐懼痛加修省於將來也受天嘉佑而或驕矜縱肆怠惰前修則將轉福為災矣受天譴責而或戒慎悚惕省改前愆則將化災為福矣此天人感應呼吸相通之理朕所日日訓示天下臣民者況天之錫福降災即如人君之賞罰也凡為臣者受賞一次則終身當有奮勉感激之心受罰一次則終身當有儆惕抱愧之意安

有過後即淡漠置之俟有賞罰之時而復知感懼者乎雍正八年六月初一日之日食乃上天垂象以示儆所當永遠敬畏勿忘兢業之心詎可以偶爾觀瞻之不顯而遂誇張以稱賀乎山西地方偶值陰雨不可以概天下至隋赫德所稱江南日光不見虧缺朕推求其故蓋日光外向過午之後已是漸次復圓之時所虧止二三分是以不顯虧缺之象昔年遇日食四分之時日光照耀難以仰視 皇考親率朕同諸兄弟在乾清宮用千里鏡四周用夾紙遮蔽日光然後看出考驗所虧分數此朕身經試驗者若果虧蝕不及分數則係欽天監推算之誤又豈可因此而怠忽天戒稍存縱肆之心乎康熙三十六年二月初一日日食是時我 皇考降旨日食雖人可豫算然自古帝王皆因此而戒懼蓋所以敬天變修人事也若庸主則諉諸氣數矣去年水潦地震今又日食意必陰盛所致豈可謂無與人事乎可諭九卿知有人事應修改者悉心奏聞 皇考敬 天之心誠切如此是以上天眷佑本年即成蕩平噶爾丹之大功邊方甯謐中外歡騰此即轉災為福之明徵也又康熙五十八年正月初一日日食 皇考在宮敬謹齋肅特命諸皇子赴禮部衙門虔誠禮拜是以陰雲微雪未曾顯見皇考諭廷臣曰京師雖未曾見別省無雲之處必有見者況日值三始人事不可不謹或有缺失之處諸臣應商酌確議此皆我皇考之聖訓子孫臣民者今見外省臣工中有因今年日食不顯而生欣喜之心為慶賀之奏者甚屬非理大違朕心特諄切宣諭俾中外臣民共知之

東華錄 雍正十六年



臣王先謙

臣周瀚蕃恭校

秋七月庚午 上親詣怡賢親王殯所奠酒○諭內閣怡賢親王月祭著行至明歲八月舉殯時明歲周年及舉殯前期俱照大祭禮讀文致祭三年後每歲俱行常祭禮此係特恩後不為例○辛未子故湖北巡撫費金吾祭葬○壬申改湖南永州府清軍同知為理藩同知移駐江華縣添設道州江華甯遠永明之緊要各汛千總二把總八百隊十六募添分汛兵丁共三百名○四川巡撫憲德奏建昌所屬木裏喇嘛率眾歸附○甲戌諭內閣虞書曰明四日達四聰先儒注曰廣四方之視聽以決天下之壅蔽也蓋天下之患莫大於耳目錮蔽民情物理不能上聞則雖有勵精圖治之心而措置未必合宜究難成一道同風之盛是以各省督撫大臣於本章之外有具摺之例又以督撫一人之耳目有限各省之事豈無督撫所不及知或督撫所不肯言者於是又有准提鎮藩臬具摺奏事之旨即道員武弁等亦間有之此無非公聽並觀欲周知民間之情形耳並非以奏摺代本章凡摺中所奏之事即屬可行之事也是以奏摺進呈時朕見其確然可行者即批發該部施行若介在疑似之間則交與廷臣查議亦有督撫所奏而批令具本者亦有藩臬等所奏而批令詳督撫者亦有聽其言雖是而不能必其奉行之無弊則批令實心勉勵還朕一是字者凡為督撫者奉到硃批之後若欲見諸施行自應另行具本或咨部定奪為藩臬者則應詳明督撫俟督撫具題或咨部之後而後見諸施行若但以曾經摺奏遂藉口已經得旨而毅然行之則凡錢糧

東華錄 雍正十七

之開銷官員之舉劾以及苗疆之軍務地方之工程諸如此類督撫皆得侵六部之權藩臬皆得掣督撫之肘矣行之日久滋弊必多為害甚鉅不可不防其漸也且各省文武官員之奏摺一日之間常至二三十件或多至五六十件皆朕親自覽閱批發從無留滯無一人贊襄於左右不但宮中無檔可查亦並無專司其事之人如部中之有司員筆帖式書吏多人掌管冊籍緝閱規條稽察原委也朕不過據一時之見隨到隨批大抵其中教諭之旨居多今於教諭之處則未見敬謹遵奉而於未曾允行之事件則以曾奏過三字含糊藉口以圖自便有是理乎況朕曾降旨凡摺中批諭之處不准引入本章以開挾制部臣之漸則奏摺之不可據為定案又何待言乎著將此曉諭各省奏摺諸臣知之若督撫提鎮等以此愚弄屬員擅作威福准屬員據實揭報或該部或都察院

東華錄 雍正十七

即行奏聞若屬員等以此挾制上司肆志妄行該督撫提鎮等即據實參奏○諭都察院凡國家之事須實心辦理公同商酌務期妥協若以衙門人眾互相推諉因循怠忽此風斷不可長爾都察院衙門堂官及御史等所交事件理應同心辦理如堂官有不到之處爾等御史亦當共相協助何得視為膜外今議設立巡檢一疏內稱設立巡檢原以助兵馬司耳目之所不及該鋪內一應盜逃以及黃銅賭博宰牛鬪毆打降酌酒等項應令該巡檢協力稽查不得專擅以侵司坊官之職守凡遇有地方應報之事件當令該巡檢一面申報該城御史仍一面報明該司坊官庶乎不致生事滋擾等語夫既令其稽查又止許其報明不得專擅儻或地方有不法等事必待報明然後拘拏遇盜賊則盜賊已逃遇賭博則賭博已散遇酌酒則醉者已醒雖三尺之童亦知其斷不可行者

東華錄 雍正十七

東華錄 雍正十七



爾等獨不計及此乎且設一官必有一官之職若止許其報明則與番捕何異何必設此巡檢如恐其生事滋擾則當議令一面拘拏一面詳報不許擅自審理儻有不應拘拏之人牽連被累該城御史審明之日將該巡檢參處方為妥協爾等俱係言官乃本衙門應辦之事並不實心辦理遲延數月仍復草率定議甚屬不堪著將原本擲還另行詳細妥議具奏其都察院堂官及御史等一併交部察議尋議五城關外巡檢於該管地方遇有盜逃及黃銅賭博宰牛鬪毆酗酒等事將人犯立即拘拏報明司坊官詳解該城御史發落該巡檢不得擅自審理從之○乙亥諭內閣各省文武諸臣奏摺經朕硃筆批示者俱令呈繳以備稽查但向來未定呈繳之期以致各員遲早不一有二三月後乘便呈繳者有於年底彙齊呈繳者夫既奉硃批查辦此事下次查辦奏事之時即應東華錄 雍正十七年 三

將硃批原摺呈繳以備朕之檢閱若具奏此事而仍留硃批原摺於外則朕處無檔案可稽未免難於辦理著通行曉諭凡接到硃批者仍照舊乘便呈繳若具奏此事應將原批一併呈進如所批查辦之事尚未就緒准將硃批存留俟辦理具奏之時一同呈繳

○丙子雲貴廣西總督鄂爾泰奏貴州上夏情等寨生苗內附○丁丑轉蔡世遠為禮部左侍郎以吳士玉為禮部右侍郎由內閣學士遷

○戊寅諭內閣國家效忠宣力之臣動績茂著必應崇報之典令其世享烝嘗雍正二年朕已敕建昭忠祠自開國以來致命立功盡忠報國之儔皆得春秋妥侑世世血食顧念古者大蒸之祭凡法施於民以勞定國者皆得並列祀典永受明禋則我朝名臣良弼其經邦佐治黼黻昇平者皆祭法所必登朕欲為之建立祠宇久矣即如怡親王之精白一心忠誠體國勳在 社稷澤被生民

其功德隆盛又豈一切效忠宣力者之所可比倫乎洪惟 太祖太宗勅業垂統厥有一德佐命之良 世祖撫綏萬邦實多奮庸熙載之彥迨我 聖祖臨御六十餘年其間良臣碩輔後先相望據朕所深知者舉其一二如大學士圖海公賴塔大學士張英尚書顧八代馬爾漢趙申喬河道總督靳輔蘇勒勒總督楊宗仁巡撫陳瓚等持躬正直奉職公忠或垂節鉞之勳或勵冰霜之節俯仰無愧為朝野所共欽終始不渝無瑕疵之可指似此等靖共爾位不愧古大臣之風者正不乏人既樹羽儀於一世宜隆俎豆於千秋且使世世為臣者觀感奮發知所慕效羣以皋夔稷契共相期待則明良喜起之盛朕於斯有厚望焉著於京城內白馬關帝廟之旁選擇吉地特建廟宇命名賢良祠春秋以時展祀其應入祀之員著內閣會同該部確查本朝滿漢文武大官才德著聞東華錄 雍正十七年 四

完名全節者詳慎開列具奏請旨將來繼起之臣亦併得沾被恩光永為盛典○刑部議奏從前設立鼓廳衙門以達民間冤抑原派科道輪流巡值嗣因歸與通政司管理未派專員致有誣妄越訴之人踰牆混行擊鼓請飭通政司每月派參議一員輪班掌管遇有擊鼓之人訊明確供奏聞請旨其有因小事突入謊告者首犯杖一百徒三年餘人減一等其捏告大款欲圖洩忿及將法司已經斷明事件妄圖翻案者首犯發邊遠衛所充軍餘人減一等如有敕令主使之各照首犯治罪從之○改山西保德州所屬興縣仍隸太原府轄○己卯江南河道總督嵇曾筠奏六月二十六七等日風雨連綿東省蒙陰沂州鄒費滕嶧各地方山水暴發直注邳州溢入黃運兩河奔騰南注已飭該道廳等加緊保護無使漫溢得旨今年春夏之交北方雨水畧少朕即慮夏秋之間雨



水必多屢諭河臣加緊保護工程以防伏秋之汛今觀湖河漲溢情形有非人力所能捍禦者朕惟有修省戒懼以懷 上天示儆之深恩更念邳州宿遷桃源等處水勢驟長禾稼室廬必遭淹沒深可憫惻著差往江南清查錢糧之侍郎馬爾泰彭維新御史安修德等星赴被水地方動支藩庫銀數萬兩速行賑濟並遴選廉明人員帶往分派各處會同地方官悉心辦理勿稍稽遲勿令遺漏務使窮民人人安堵甯居各得其所其被災之處今年額徵錢糧著悉行蠲免儻有已經完納者准作明年額徵之數聞發水之處民間田舍亦被損傷著巡撫岳濬遴選賢能官員前往查勘動支庫銀速行賑濟勿使一夫失所其應行蠲免錢糧之處著一併確查奏聞請旨○河東總督田文鏡參奏河南管河道拖克拖海玩忽河工於伏汛危險之時並不竭力督率搶護協理河臣范時

東華錄

雍正十七

五

釋安坐旁視藐法誤工請革職嚴審得旨拖克拖海以筆帖式微員用爲河南南岸同知經田文鏡稽會筠等大計特薦來京引見朕看其人甚屬平常但因伊等合詞薦舉料其必有所見於是准其卓異旋升戶部員外郎因其熟諳河工仍以升銜管河工同知事務今年春夏之間朕因稽會筠摺奏拖克拖海可勝克甯道之任後見田文鏡將王鴻勳題補克甯道降旨詢問田文鏡據田文鏡奏稱王鴻勳宜於克甯道之缺拖克拖海在豫日久熟練河工若用爲河道實爲駕輕就熟於是與稽會筠會題請將伊補授河南管河道朕降旨俞允以此等微末不堪之員數年之內屢膺薦舉受朕深恩格外超遷至觀察大員之職拖克拖海苟有人心宜如何奮勉急公以圖報稱乃當河工伏汛危險之時而伊視本身職掌如同局外顯因田文鏡未將伊題補克甯道蓄憾於心又見

差委朱藻到工監督中懷嫉妬以爲功過成敗與己無涉似此挾私廢公背恩藐法將上司屢次舉薦之德一槩遺忘尙得謂之有人心者乎范時繹乃一旗員朕念其爲勳臣之後加恩擢用諄諄訓誨望其克紹家聲乃在江南總督任內玩愒廢弛因循苟且無一察吏安民詰奸禁暴之善政且其居心行事詐僞不誠巧令朱鴻緒在朕前奏其操守廉潔至於日食不敷朕聞之惻然動念急令江南江西巡撫等爲伊籌畫養廉之道及查明之後始知伊於應得之項原係收受並不至於艱窘而朕猶欲俾其用度寬餘仍令加增以與之無非成就其操守使之專以殫力於封疆也乃江浙地方潛藏匪類生事不法蠱惑人心朕令李衛悉心查拏李衛果恪遵辦理又密諭范時繹若浙江行文到江南查緝人犯務必慎密拏解勿使漏網豈料范時繹袒護私交縱容匪類竟有與馬

東華錄

雍正十七

六

世琦通同作弊之事各犯供據鑿鑿不能掩飾朕又密諭李衛於審訊定案之時留意保全勿使罹於重罪蓋猶諒其無交結逆黨之心不過瞻徇情面之所致且范氏一門見今爲大員者止范時繹范時捷兩人耳勳臣後裔漸致零落朕心不忍所以委曲成全之者至矣范時繹到京朕仍不肯令其罷斥廢棄特命料理太平峪吉地工程以爲效力自新之路適因北河總督不得其人於是命伊前往膺茲重任伊出京之時朕面加訓勉伊亦自陳感恩悔過願圖後效情詞懇切豈料范時繹下愚不移以本身專司之務又當伏汛危急之時田文鏡所委各員俱上緊搶護而范時繹與拖克拖海安坐於旁竟同陌路視國事如弁髦視民命如草芥此等負恩溺職之愆在他人尙且不可況在范時繹之身乎拖克拖海著革職卽於河工險要地方永遠枷號示眾范時繹亦著革職



將一切工程交伊加謹防護俟秋汛過後擊送來京將伊從前所  
 犯罪案悉行查出從重定擬具奏儻今年防護不謹少有疏虞卽  
 將范時繹拖克拖海請旨旨貶工部工程之處正法凡人貪得求進  
 之心無有止足而不自知其分量受恩而永遠知感者少稍不  
 滿意而心懷怨望者多是以上司待屬員之難亦如人君之待人  
 臣也當其未用之前則思進用既進用矣又思邀君心之信任既  
 信任矣又或以不及某某爲憾卽如舉劾之間若諸臣意見僉同  
 人君亦何樂而不從之無奈彼此所言互異不得不斟酌審量以  
 定去取而不從其言者又以此怏怏於心似此懷庸鄙之見者正  
 不少也屬員之於上司始初被薦之時亦知感激及遲至一二年  
 後州縣則以不得題升府道爲憾矣府道又以不得題升兩司爲  
 憾矣偶見同列選官卽起妬嫉之念或見他人信用卽生退縮之  
 東華錄 雍正十七 七

心如拖克拖海今日之事小人之情狀畢露不得不嚴加懲治以  
 挽頹風而祛惡習著通行直省共知之○裁甘肅巡撫衙門筆帖  
 式一○庚辰以趙殿最爲內閣學士由少詹事遷○癸未復設江南蘇  
 州府總捕同知海防同知各一松江府董漕同知水利通判各一  
 常州府水利通判一總捕通判各一○添設河南太康縣縣丞一  
 祥符縣朱仙鎮巡檢一○甲申移貴州南籠府通判駐威遠汛地  
 方隸安順府統轄○丙戌總理營田水利事務大學士朱軾等奏  
 交河縣所屬隄工水勢漫溢請將在工人員交部議處得旨今年  
 雨澤頗調而北河隄工水勢漫溢蓋自吾弟怡賢親王薨逝遂至  
 籌畫多疏防護鮮術河工關繫國計民生最爲緊要朕心深慮念  
 其作何善後之計著詢問九卿具奏莽鶴立自差委以來因病尙  
 未任事何國宗另有辦理工程著免其議處朱軾不能彈壓屬員

使之殫力盡心著交部察議其專管分轄統轄各員著交部嚴加  
 議處至漫溢一帶地方禾稼室廬必遭水患著該督遴選賢員星  
 速查勘動用公帑加意賑恤勿使稍有失所其被水應免錢糧之  
 處著確查奏報候旨蠲免○添設直隸易州州同一○癸巳諭內  
 閣開刑部右侍郎常賚回京路過西安府該省督撫二人及副都  
 統四人率同文武等官奏請朕安乃於齊集之處副都統陸寶陳  
 良棟等與巡撫爭論班次大失體統朕思同爲滿洲大臣共事一  
 方自應倍加和協彼此敬禮以爲官弁兵民之表率况請安關繫  
 大禮而乃於大廷廣眾之前互相爭競俾遠近傳爲笑談深可愧  
 恥此番若係巡撫倡論在先朕自將巡撫議處今聞爭論之端起  
 於副都統等則其過不在巡撫矣大約武臣平日以文臣缺於周  
 旋或有應付不到之處懷怨於心是以假公濟私加文臣以無禮  
 東華錄 雍正十七 八

而不顧大臣之體此風斷不可長西安副都統四人著交與總督  
 查郎阿務將何人倡議何人附和之處一一查明無得稍爲徇隱  
 其倡議之人交部嚴加議處附和之人交部議處若查郎阿不能  
 據實查明朕卽將副都統四人俱調來京另派大臣審訊嗣後西  
 安一應會集之處巡撫班次著在副都統之上永遠遵行該省巡  
 撫副都統等若因此番爭論之故文臣或有留制武臣之意武臣  
 或有怨忿文臣之心別尋事端暗生嫌隙經朕訪聞必究問根由  
 將理屈之人從重治罪大凡文武不和皆起於私心蔽錮若公則  
 未有不和者朕之訓誡至詳且悉同爲國家之臣同辦國家之事  
 不能遵朕訓旨共矢和衷止因一念之私遂至懷挾猜疑各立門  
 戶置國家公事於不問有是理乎嗣後各省儻再有文武不和者  
 朕定將文武官一併調取來京嚴加究治以爲人臣因私廢公者



之戒○丙申改雲南永昌道為分巡迤西道添設分巡迤東道一  
 八月己亥諭戶部前聞直隸地方有被水之州縣朕心軫念已星  
 遣侍郎牧可登副都統阿魯等分路前往蠲賑兼施茲據署督唐  
 執玉奏稱各屬被水情形消長不一有上諭所及之處而水勢消  
 落可免成災者亦有上諭未及之處而田廬被災急須拯恤者著  
 行文交與牧可登阿魯等照該督所請悉心查勘覈實通融其前  
 諭未及之處有應行賑濟者即交附近差往之大臣官員等速行  
 料理務令得所以慰朕拯恤災黎之至意○諭據河東總督田文  
 鏡奏報山東被水之州縣朕已降旨諭令動支銀穀加意賑恤茲  
 聞萊州府屬之昌邑壽光濰縣青州府屬之益都沂水博興高苑  
 臨朐濟南府屬之鄒平等縣俱被水患民舍田禾不無傷損著該  
 督撫委員查勘應否與從前所報州縣一體加恩之處一面辦理  
 東華錄 雍正十七 九

一面奏聞儘再有續報被水者亦著遵照前旨速行料理毋使稽  
 遲○壬寅吏部議准江蘇巡撫尹繼善奏江蘇要地駐員防範事  
 宜一蘇州崇明一邑屹峙重洋為江南屏障所有武職設總領四  
 營而文職止一縣令應添設巡道一員統轄太倉通州二屬駐紮  
 崇邑至崇鎮四營向俱駐紮縣城而該縣所屬沙地極為遼遠未  
 免巡查不及應撥左營一營分駐永興沙其半洋沙應添設巡檢  
 一大安沙應以原駐縣城之巡檢移駐並撥左營千把二分防至  
 戲臺等沙十處應各設哨船一隻派兵巡緝一江蘇按察使見駐  
 江甯與下江巡撫衙門相距大遠應改駐蘇州其蘇松道有巡緝  
 之責不宜駐紮蘇城應改駐松江上海縣統攝通洋口岸至福山  
 營係江防門戶應於蘇鎮四營內每營撥沙船一隻歸屬該營與  
 京口狼山等汛按期會哨從之○予故原任禮部尚書李周望祭

東華錄 雍正一七

葬○乙巳戶部遵旨議奏京畿各府有莊屯之地方旗人事務繁  
 多應以三百里內外為一路分為八路設官八員分司辦理得旨  
 依議旗莊等處設立官員乃立法之始必得賢能之人實心辦理  
 訓導有方始有益於人心風俗茲所差往之員著該管大臣於所  
 屬內揀選保舉差往之後仍著留心察訪或有不能稱職或在地  
 方生事保舉大臣據實參奏者免其誤保之處分若不行參奏經  
 朕訪聞發覺者將保舉大臣一併議處○己酉甘肅巡撫許容奏  
 本年六月十五日遵旨於河州口外營建河神廟宇即有祥雲捧  
 日五色成文至七月初五日自積石關至撒喇城查漢達斯等處  
 百餘里忽見黃河激清徹底凡歷三晝夜官民喜躍稱慶以為從  
 來未有之上瑞得旨朕從來不言祥瑞年來各省奏報慶雲醴泉  
 鳳凰芝草之屬悉皆屏卻惟務君臣士庶修德行義以承天眷屢  
 東華錄 雍正十七 十

頒諭旨詳矣今年春降旨於河州口外地方恭建廟宇以答河神  
 福國佑民之賜而彼地河流即昭上瑞顯著休徵益見天人感應  
 之理捷如影響若求之不以其道或以己事或出私心則不但  
 能感通且上干明神之怒惟以公心為昭事之本必蒙上天垂鑒  
 而默佑之其益加勉勵夙夜敬謹以受天恩○辛亥諭內閣吾弟  
 怡賢親王之事朕躬至誠至敬翊贊助襄裨益於 宗社國家民  
 生吏治者功勳懋著自古罕有比倫而其忠愛之心肫誠篤摯出  
 於至性更有非言詞稱述所能宣者朕即加恩沛澤於常格之外  
 究不能展朕崇德酬庸寤寐懷思之念也吾弟之子弘曉著襲封  
 怡親王世世相承永遠弗替凡朕加與吾弟之恩典後代子孫不  
 可任意稍減佐領屬下等項亦不可那移更改再者朕於雍正三  
 年春曾降諭旨於王諸子之中再封一郡王以昭恩獎彼時王再

四一一



四懇辭情詞諄切朕不得已勉從所請今吾弟薨逝朕追念遺骸中心展轉在賢王應有加隆之禮在朕衷實有難已之情雖與吾弟素願相違朕亦不遑顧恤弘皎著封為郡王世襲罔替○癸丑諭戶部據湖廣總督邁柱奏稱沔陽州錢糧自康熙五十五年至雍正四年積欠銀八萬九千二百餘兩里民一聞清查爭先完納今已完銀二萬二千四十餘兩其官侵役蝕包攬之項仰請暫緩究治一年追完如逾限不完照例治罪其餘實在民欠並懇與以一年之限分作三限徵收則民力寬舒等語朕之降旨清查積欠者原以地方貪官汚吏及不法衿棍借民欠之名恣意侵蝕蠹國累民為害甚鉅不得不清釐懲治以儆將來今於沔陽州連賦之內果查出侵蝕包攬銀三萬餘兩而里民一聞清查即爭先完納可見民心本屬善良而從前之間有拖欠者則官吏衿棍導之為

東華錄

雍正十七

十一

非又或因該州近水常有滂溢之事力量未免不敷並非有心頑抗輕視國課也其見在未完之民欠三萬餘兩朕意欲開恩酌量蠲免俟督撫造具清冊到日再降諭旨目今著停止催徵並將此旨出示曉諭百姓知之其侵蝕包攬之項著照邁柱所請寬限一年令其完納如逾限不完照例治罪○諭兵部從前朕以武弁一年所得俸薪不敷所用令自提鎮以至千把總酌量給與親丁名糧以資養贍今各省添設外委千把尚未議及念此外委人員所辦者千把總之事而所食者仍止本身一分馬糧一應公差紙筆衣馬之費實有不敷著將各省添設外委千把總每名給與步糧一分即令伊之子弟家人頂食以資養贍儻有巧借辦公名色剋扣兵餉滋擾地方者著該管官即行揭報該轄大員指參毋得姑徇寬縱○乙卯已刻京師地震○丙辰以地震賜八旗兵丁帑銀

每旗各三萬兩圓明園兵丁每旗各一千兩以為修葺屋宇之用○戊午發帑銀二萬兩遣員往勘近京地震情形加恩賑給○署直隸總督唐執玉等奏請於直隸省建怡賢親王祠一所任縣之穆家口建祠一所天津建祠二所從之○己未諭宗人府康親王崇安心術狡詐行止輕浮豈堪為宗室之坊表不准管理宗人府事其宗令事務著裕親王廣祿管理○移河南信陽州州判駐平昌關改信陽汛為信陽營添設守備一兵五十五名屬汝甯參將轄○庚申諭宗人府吾弟怡賢親王第三子弘暉於今年病故彼時降旨一切禮儀俱照貝勒之例嗣又降旨於怡賢親王諸孫之中以一人為弘暉之嗣令福晉富察氏撫養今著將甯郡王弘皎之長子永喜為弘暉嗣襲封貝勒○壬戌蔡世遠緣事降調轉吳士玉為禮部左侍郎以王圖炳為禮部右侍郎由左副都御史遷○以沈

東華錄

雍正十七

十二

廷正為河東河道總督張允隨為雲南巡撫由貴州布政使遷九月丁卯朔諭內閣昨因京師地震凡兵民等屋宇傾圮者已降旨詳查賞給銀兩以為修理之費而滿漢大小官員等亦俱有修垣葺屋之事朕心軫念著將各部院衙門官員入旗都統副都統統領驍騎校護軍校等以及上衙門之世襲官上三旗侍衛內務府官員步軍統領衙門等官巡捕三營官弁每人俱賞給半年之俸○諭八旗都統八旗兵丁等房屋傾圮者昨已每旗賞銀三萬兩為修理之用聞該管之都統官員等不論坍塌垣牆之多寡及有無傷損人口之處一槩均勻給散並無差等其名則均而實則不均之甚總因伊等潦草塞責不肯以實心經理公事俾朕之恩澤不濫不偏登眾兵於柩席也除從前所賞銀兩各旗已經均給外朕再賞每旗帑銀三萬兩著該旗大臣等悉心確查分別等次



秉公賞給務令寒苦之家實霑恩惠儻仍任意給發不能公當者經朕訪問必於該旗之大臣官員是問至於八旗官弁已給半年之俸不在查賞之內○戊辰諭內閣自古爲治之道在於和衷孟子曰天時不如地利地利不如人和蓋天下之事未有不和而能有成者果能和矣則天地神明尙覺呼吸可通而況於人乎然能和之道惟在於公公則必不至於不和不公則斷不能和此又一定不易之理朕所日日訓誨天下臣民而望其洗心滌慮信受奉行以共享昇平之福也文武雖屬兩途然同在一省一方之中同辦國家之事則不但有同舟之誼實如手足臂指之同在一身也人身一體不適則百骸皆爲之不甯此亦顯而易見者奈何爲私欲蔽錮而任肢體之互相戕賊以貽腹心之患乎數年以來朕留心體察內外同事臣工頗能遵朕諭旨勉矢和衷之義即文武各

東華錄

雍正十七

三

官同在一方而各殫其職無爭競嫉忌之念者亦多有之此皆人心風俗之善亦該省文武大臣實心表率化導之功也惟有廣東一省惡習相沿頹風難挽文與武既分爲兩黨而文與武與武又各分爲一黨如楊文乾石禮哈常賚阿克敦官達之互相排陷讎怨相尋則皆方願瑛一人從中播弄之所致至於文武彼此告訐之言不可殫述文官則言武職諸員或向知府包攬漏稅或向州縣屬託人情稍不如意卽出謗言以勤謹辦事者爲過於躁急以不徇私情者爲擅作威福又如兵米一項地方有司給與本色而營弁以不能折價爲憾往往蓄怨於心此文員陳訴之大槩也武官則言文職諸員貪鄙居心黨援不解恃有承審之柄藐視武途大小有司資緣交結武弁若拂其意卽啓釁端以爲報復之計常有武職查拏違禁之事如賭博私宰等類而文員則置若罔聞

或徇情釋放又如礦山聚眾至數千人係府縣官員之家人勾引姦徒開採希圖重利武弁遣兵驅逐以致結怨益深此武弁陳訴之大槩也年來似此等語達於朕聽者不止數處亦不止數人雖出於怨懟之口不足盡信然亦未必皆全無影響之談爾文武各員自思之膺國家簡命之榮受管轄兵民之寄乃以營私網利之故相傾相軋效市井無賴小人之所爲而置人心風俗官方戎政於不問爾等不自知愧朕實爲爾等愧之況督撫藩臬而有袒護文官之心則武弁必有被其屈者矣提督總兵而有袒護武弁之心則文員必有受其枉者矣文員而有袒護百姓之心則必有無辜受累之百姓矣不和之故由於不公不公之害至使官弁兵民並受其困爲臣工者尙可狃於故習而不猛省速改乎巡撫統率全省文員

東華錄

雍正十七

四

提督統率通省武弁至於總督則兼文武而統轄之者果能秉公持正無黨無偏以己身爲庶官之坊表而又時宣揚朕諭俾其儆戒提撕若遇屬員有爭競告訐之事則以理判其曲直不存文武偏向之見過小者切加戒飭過大者卽入彈章俾強弱不得相陵是非無或倒置如此而屬員有不革面革心嚮風率教者無是理也朕今再頒諭旨通行曉諭著該督撫等遵照刊刻通省文武大小官弁各給一道俾令朝夕觀覽改前愆而敦善行儻再有蹈襲故轍罔知悛悔者則是冥頑不靈自違越於訓教之外矣國法具在本人自無所逃而文武大臣表率無方訓導不力有忝封疆之任負朕倚任之恩亦定嚴加處分不稍寬貸觀風整俗使亦當留心稽察可也○庚午禮部遵旨議奏褒功列爵古有成規而肇錫嘉名尤屬旌庸盛典我朝佐命元勳承平良弼錫之公爵旣已分



爲一二三等以示寵榮 皇上篤念舊勛更隆追獎誠宜考其平生之實蹟加以庸顯之令名謹按佐命之臣開疆拓土者宜做漢之信武奉義建策唐之翼國開國宋之福國元之忠武壽國明之雄武靖甯等名其宣勞盡力於承平之日者宜做漢之冠軍壯武富民褒德唐之安國宋之崇國成國元之甯國定國明之崇信忠勤等名或就其所樹之勳予以安東征西定期朔平南等名或就其立功之地予以秦晉齊豫吳越楚蜀粵閩滇黔等名上加征靖蕩平綏定安輯等字將原封一二三等之號仍冠美名之上至宗室等公則加封奉恩字樣外戚等公加封承恩字樣庶禮以義起名與實符宜之制敕照舊例而彌光襲之子孫跋前疐後踵美矣臣部將一二三等公並宗室外戚公誥命事實造具清冊移送內閣撰擬美名恭候 欽定從之○辛未封故瀋親王允禩子弘曠爲

東華錄

雍正十七

五

多羅瀋郡王○壬申理藩院奏喀爾喀扎薩克郡王汪扎爾所辦軍前應用駝隻誤限不到怠玩軍務有負國恩應革去王爵應襲之人奏請承襲從之○丙子實授黃文煒廣東按察使○丁丑諭大學士等從前直省應行起運錢糧該省撫藩以解部爲艱每至撥餉之時百計營求借備公協餉之名存留本省而戶曹堂司亦就中漁利將雜項稅課盡留該省司庫卽正項解部者亦屬寥寥以致外省撫藩得藉存庫名色通同那用而州縣效尤亦不肯隨徵隨解官侵吏蝕虧空累累怡賢親王總理戶部以來與二三大臣同心釐正直省一切正雜錢糧除實在存留並各封貯數十萬兩以備公用外其餘悉於春秋二季按數撥解從此各省不敢有虛收虛報之弊是以虧項漸清帑藏充裕今怡賢親王薨逝戶部大臣仍遵守遺規未嘗稍易但恐不肖司官及姦猾胥吏乘間覬

覲希圖撞騙而無知外吏或冀倖可以復行舊習稍留掩蔽虧空餘地仍令書吏家人到京鑽營亦未可定儻有此等或經戶部大臣察出參奏或朕親有訪聞定將該巡撫藩司革職究擬司官書吏卽行正法決不姑貸○加河南河北道朱藻僉都御史銜協辦總河事○戊寅移陝西臨潼縣丞駐關山鎮○己卯工部議奏湖廣總督邁柱奏湖南永順等處新設一府四縣原議府治在榔溪地方今查局勢狹隘未便建設請將永順府移駐猛洞以永順一協兵弁隨城駐紮其桑植同知應改爲永順通判仍駐桑植司治永順同知移駐且武營龍山縣移駐麂皮壩並移田家峒巡檢駐榔溪施溶州巡檢駐王村張家壩巡檢駐里耶均應如所請從之○庚辰移貴州遵義府糧捕通判駐仁懷縣舊城其仁懷縣署改駐生界撥把總一兵五十名駐防○壬午闕里 孔廟成○甲申

東華錄

雍正十七

六

論內閣朕臨御萬方宵旰勤求惟以愛養斯民爲念數年以來除租減稅疊沛恩膏不但旱澇歉收之處蠲賑兼施卽該省年穀順成不須寬賦而朕欲使民力饒裕每加格外之恩蓋國家經費既敷則藏富於民俾各家給而人足乃朕之至願也查各省錢糧朕特降諭旨蠲免者已多今次第舉行應及於江西湖北湖南三省著將辛亥年三省額徵錢糧各蠲免四十萬兩又念直隸乃畿輔首善之地應沛殊恩山東今歲被水之州縣稍多朕心甚爲軫念除二省澇溢地方已加意賑卹並將本年額賦照例蠲免外著將辛亥年二省錢糧各蠲免四十萬兩以上五省各該督撫應仰體朕心嚴飭有司敬謹奉行務令閭閻均霑實惠○乙酉諭內閣朕覽高其倬等所奏太平峪吉地事宜甚屬妥協大凡讀書居官之人通曉堪輿者甚少卽或知之又往往以此爲諱不肯身任其事



高其倬乃封疆大臣爲國家樹績建勳爲己身揚名垂譽原不必以此爲宣力見長之地乃其心以爲國家之事莫大於此以一身協贊怡賢親王肩此重任籌度萬全無一毫瞻顧推諉之意此實出於一片忠愛至誠之惻不僅材識超羣已也高其倬著賞給一等阿達哈哈番管志甯明圖任擇善海望保德等地理明通贊襄勤慎一併議敘○己丑以沈廷正爲左副都御史由山東河南河道總督遷庚寅諭內閣今年八月十九日地動朕恐懼修省以懍天戒並將夏秋以來朕躬靜攝不能勤敬如前以致上干天和引過自責曉諭天下今經一月矣地氣尙未全甯又值兩次陰雨朕軫念露處之民恫瘝乃身未嘗不願與之共此苦也惟是天地之災祥皆由於人心之感召朱子曰吾之心正而天地之心亦正吾之氣順而萬物之氣亦順然天地之心安有不正者其或有不正乃從人心東華錄 雍正十七年 七

之所感天地豈有降災於人之理也尙書曰作善降之百祥作不善降之百殃善惡之報如影隨形是人人有感格天地錫福降殃之理遇災而懼上下貴賤當同此心乃顯而易見之理也當地動之日朕偶先登舟是以並未受驚卽既動之後城內宮中及圓明園宮眷子孫長幼內外侍從數百人悉皆安吉豈非上天示儆之時仍賜護佑耶今者地動之象久而未定雖當日曾經 皇考訓諭曰大動之後必有微動康熙十八年地動至一月有餘又曾見書籍記載明成化時地動至二十三日是地動經月之久亦向來之所有者然度修人事以轉移天心必須君臣上下各殫其誠惻朕身居帳幕之中寤寐悚惕寢食靡甯者已一月有餘矣願爾大臣官員士庶兵丁等人誠心感激上天示儆之深恩返衷自問思過省愆不但惡事邪念急宜掃除卽怨尤抑鬱之心亦當屏絕

則天高聽卑必垂照察不但地土甯靜共獲安居且可永免上帝之譴責斷無再罹險阨之虞朕非以地動之異諉過於臣工黎庶也朕之平生先責己而後責人先自勉而後共勉願天下臣民共知朕心○諭吏部向來各處鹽政弊端甚多累民蝕課難以清釐多由鹽場大使不得其人之所致是以定議於候補候選知縣等員內揀選命往令司大使之事彼時該部因人員不敷遂將監生捐納職銜之人亦入於揀選之內今行之二年眾人潛啓鑽營之念聞有央求同鄉京官出結而私相餽送者此風斷不可長嗣後鹽場大使之缺止准於候補候選人員內揀選引見不必用捐納職銜之人儻或人員不敷著將在部學習之人及留京之拔貢生令各部堂官及國子監祭酒等擇其爲人謹慎有身家可以辦事者保送吏部以備揀選○辛卯諭內閣從前因吾弟怡賢親王氣體清弱時常抱恙朕諭令訪聞精於醫理之人及通曉性宗道教者以爲調攝頤養之助上年吾弟奏稱京師白雲觀近有一人通曉心性之學朕令召來一見王以未曾深知不敢令其入見朕云其人之學術精粗深淺朕面詢卽知第召來一見無妨也逾數日遵旨進見朕所詢問伊不能對及諭以心性之學伊則僞作欽服之狀極口稱頌朕察其虛詐中無所有畧加賞賜而遣之後朕降旨與外省一二督撫令其便中訪問通醫學道之人隨經李衛奏稱聞中州有賈士芳者平素通知數學臣未曾識面亦不能確知其人朕隨降旨與田文鏡將伊送來初到時朕令內侍試以卜筮之事伊言語支離啓人疑惑因自言上年曾蒙召見朕始知卽白雲觀居住之人也伊乃自言長於療病之法朕因令其調治朕躬伊口誦經呪並用以手按摩之術見伊心志姦回語言妄誕竟有



天地聽我主持鬼神聽我驅使等語朕降旨切責伊初聞之亦覺  
 惶懼繼而故智復萌狂肆百出公然以妖妄之技欲施於朕前伊  
 欺世惑眾素行不端曾經巡撫楊宗義訪問查拏伊始稍稍斂跡  
 厥後仍復招搖今則敢肆其無君無父之心國法具在難以姑容  
 且盡毒魘魅律有明條著拏交三法司會同大學士定擬具奏○  
 雲貴廣西總督鄂爾泰奏建水州邊外猛弄塞長白氏內附○壬  
 辰諭內閣直隸水利營田吾弟怡賢親王殫數年之心力區畫經  
 營為小民興萬世之利甫定規模而賢王薨逝遂至防護多疏隄  
 岸漫溢朕心憂慮深恐將來日漸廢弛前功墮棄特命九卿等籌  
 畫善後之策今覽九卿所議多屬浮辭至云凡怡賢親王所欲行  
 而未竟者皆分別緩急次第興工此語更屬支離夫已行而未竟  
 者則王之事也若云欲行而未竟者此乃游移影響之談巧卸其

東華錄

雍正十七

九

責於王矣王既會未見諸施行則以後辦理之事皆諸臣之事若  
 辦理妥協王不居功若辦理不妥而以欲行二字歸過於王朕豈  
 忍聞此語乎當怡賢親王經理之時朱軾多病就衰艱於跋涉此  
 眾人所共知者至於莽鵠立性情偏僻何國宗器量卑庸祇因今  
 歲工程緊要姑且用之非謂可以長膺此任也且朱軾等居住京  
 師安能遙辦河工之事自應特設管理大臣以專職任將其中事  
 務可以分派地方官者則分派辦理以收羣策之效九卿所議俱  
 未及此著另行詳議具奏○雲貴廣西總督鄂爾泰奏永昌府邊  
 外孟連土司每年願納廠課鶴慶府邊外怒子每年願貢土產得  
 旨孟連地方及怒子野夷地處極邊自古未通中國總督鄂爾泰  
 化導有方俾各輸誠效順任土作貢虔心向化甚屬可嘉其孟連  
 土司廠課每年六百兩為數太多著減半收納以昭柔懷至意怒

子每年貢納土產時著給鹽三百斤以為犒賞○乙未諭八旗蒙  
 古都統察哈爾地方原係蒙古遊牧處所若招民開種則遊牧地  
 方必至狹隘且民人蒙古雜居一處亦屬無益著行文察哈爾總  
 管等查有此等擅行招民開種之處據實呈報將前罪悉行寬免  
 儻仍復隱匿一經發覺加倍治罪○復設廣東潮陽縣縣丞一  
 冬十月丁酉王大臣等議奏左道賈士芳性生悖逆術習妖邪假  
 託知醫之名顯露不軌之迹請照大逆律凌遲處死其親屬男十  
 六以上皆斬十五以下並母女妻妾等給付功臣之家為奴得旨  
 賈士芳著改為立斬其應斬人犯著監候其應為奴之妻女等暫  
 著地方官嚴行看守○己亥刑部等衙門議奏原任庶吉士徐駿  
 狂誕居心背戾成性於詩文稿內造為譏訕悖亂之言應照大不  
 敬律擬斬立決將文案盡行燒毀從之○庚子諭禮部大小官帽

東華錄

雍正十七

十

頂從前定議未曾分別詳確著該部再行妥議定制具奏尋議自  
 親王至公侯伯及一品大臣以上俱照見今所用帽頂毋庸更議  
 外其二品以下朝帽頂與平時帽頂俱按品分晰酌議輔國將軍  
 及二品官俱用起花珊瑚朝帽嵌小紅寶石奉國將軍及三品官  
 俱用藍寶石或藍色明玻璃朝帽嵌小紅寶石奉恩將軍及四品  
 官俱用青金石或藍色涅玻璃朝帽嵌小藍寶石五品官用水晶  
 或白色明玻璃朝帽嵌小藍寶石六品官用碾礫或白色涅玻璃  
 朝帽嵌小藍寶石七品官用素金頂朝帽嵌水晶石八品官用起  
 花金頂九品官及未入流俱用起花銀頂進士舉人貢生仍用金  
 頂生員監生仍用銀頂得旨依議總督未加尙書銜者著為正二  
 品侍郎及外省巡撫俱著為從二品○辛丑諭內閣據甯遠大將  
 軍岳鍾琪奏吐魯番回目額敏和卓屯田種地恭順效力甚屬可



嘉朕聞之深爲喜悅額敏和卓賞段二十四其種地效力之回民賞銀二千兩著提督紀成斌差遣員弁前往吐魯番會同額敏和卓秉公賞給以示朕加恩外藩之至意○大學士等遵旨議覆烏蒙叛夷搆逆總督鄂爾泰已調撥川黔官兵剋期進剿恐賊夷遠逝渡江入川請於沿江緊要之處分防堵禦但川省各路汛地營兵或有不敷應行令提督黃廷桂召募充補得旨川省派撥漢土兵丁著每名賞銀五兩此所派官弁兵丁俱聽鄂爾泰節制調遣滇黔二省已派兵九千名各處汛守或有應行添補之處著鄂爾泰斟酌便宜召募○壬寅大學士等遵旨議准署福建總督阿爾賽奏臺灣道府應縣等官舊例到任一年之後督撫揀選內地之員赴臺協辦俟半年後將舊員調回補用統計前後不過半年而獨當其任者不過半年爲期太近該員未必不以任事不久草率東華錄 雍正十七 王

塞責諸務該延請嗣後調臺各員俟到任二年該督撫選員赴臺協辦仍照例於半年後調回舊員則在臺各員既得盡心辦事又可免交盤頓疊及草率諉延之弊從之○癸卯諭大學士等尙書查爾納著馳驛來京西安軍需著署督查郎阿前往肅州辦理仍兼理川陝總督印務秦布著回西安將軍之任護軍統領宗室哈爾吉著前往涼州代秦布統領兵丁○添設江南揚州府水利同知一駐紮泰州東臺場○甲辰諭內閣各省人命抵罪之案其應輕應重朕確有所見者卽降旨定奪若其情罪在疑似之間而擬罪在可輕可重之際朕心不能卽定者方交與九卿定議以期平允乃往往見九卿定議之案槩以減等發落覆奏如此則朕何不卽令減等而必多此曲折乎凡此交與九卿定議之案其中有應行減等者或有可以枷責完結者亦有不可寬貸仍應按律抵罪

者向後務期權衡允當寬嚴適中以副朕明罰敕法之至意○諭我朝定鼎之時漢軍從龍入關技勇皆爲可用今海內承平日久伊等耽於安逸且意在文職而不在武弁是以韜畧騎射遠不如前目今官至提鎮副參者寥寥無幾而在內簡用都統副都統時亦覺難得其人朕爲此時慮於懷常思漢軍生齒日繁當籌所以教養之道而額設之兵丁爲數又少似應酌量增添於國家之營伍旗人之生計均有裨益如外省之駐防漢軍子弟日漸繁衍而本身錢糧各有定數難以贍養應令餘丁回京披甲亦可望其成人又如外官隨任之子弟往往遊蕩荒廢前曾有旨悉令回京披甲當差習學弓馬以圖上進又如候缺之微員一時難以銓選者若情願披甲當差到應選時仍許輪班補用則在彼既可得受錢糧以爲餬口之資又可豫先習學弓馬以備居官之用又如內務府人丁甚眾於充役當差之外其閒散人丁亦可撥入八旗披甲再五旗諸王之漢軍佐領仍屬本王外其貝勒貝子公等之漢軍佐領實無所用應撤歸旗下公中佐領當差且可免掣肘之弊其如何增添漢軍兵額及如何妥協充補永遠可行之處著尹泰查弼納石文焜石禮哈莽鵠立德麻等議奏尋議漢軍八旗總計領催槍手礮手放爾布教養兵並銅匠鐵匠弓匠聽差護城看門及看守礮位火藥局教場等兵以至步兵門軍共一萬七千五百二十八名今請於原額之外酌量增添兵二千四百七十二名以足二萬之數但查上三旗一百二十七箇佐領又半箇佐領下五旗一百三十八箇佐領應將上三旗佐領每旗均爲四十分下五旗佐領每旗添足三十分其上三旗所餘之七箇佐領酌量撥入下五旗從前半箇佐領下所轄人少俱以公中壯丁補足之計添設



佐領三箇共二百七十分皆各勻整所有新添佐領下應增領催十五名步兵領催三名步兵四十八名每佐領下各補足槍手四十名放爾布八名共應添補槍手五百四十六名放爾布一千三百六十名上三旗每旗補足教養兵一百八十八名下五旗每旗補足教養兵一百四十九名共應增添教養兵五百名如此則八旗漢軍佐領由此均齊而兵丁足用至挑補新添兵丁見據八旗冊開在京閒散壯丁約萬餘人此外各省駐防漢軍之餘丁情願歸旗者行令各該將軍咨送歸旗挑選充補再外官隨任子弟年至十八歲以上者悉令歸旗除情願讀滿漢書者移送官學國子監肄業並學習弓馬外其情願披甲食錢糧者仍准挑補甲缺再候選徵員情願披甲者亦准其披甲如遇選期輪班補用至內務府見今查出過繼養子等項人丁約二千餘名亦應撥入各旗漢

東華錄

雍正十七

重

軍壯丁不齊之佐領下一體挑選披甲當差至於下五旗漢軍佐領除親王郡王屬下外其貝勒貝子公等既有包衣佐領則所屬漢軍人等應歸入各旗公中佐領庶漢軍不苦生計之無資而國家亦收營伍之實效矣從之○丁未實授謝夏江西巡撫○增廣東吳川縣州巡檢一○己酉諭內閣辦理軍需必得熟練之員方為有益陝甘二省州縣官員備辦軍需有經手數年者有經手一二年者似此熟練人員若因細過微瑕即行參革則接任之員初辦軍務未免生疏或致遲誤嗣後陝甘地方辦理軍需之州縣官員若無大過其所犯情有可原者著該督撫揆情度量加寬宥若錢糧微有不清而事屬因公者統俟大軍凱旋之後查覈明白以定功過○雲貴廣西總督鄂爾泰奏烏蒙蠻獮自改流設鎮臣不時諄屬隄防乃總兵劉起元乘臣往來黔粵私派公費侵欺

糧餉客民被劫混將頭人拷比臣訪聞得實隨密差中軍副將魏翥國前往按款確訊一面摘印以憑參奏不意於八月二十六日至二十九日夷眾叛逆圍城劫殺總兵官劉起元等雖劉起元撫綏失宜激變有由臣膺封疆重寄愧覺察之已遲恨參革之不早請賜罷斥速簡賢員料理總督事務並暫假臣以事權督師進剿雖馬革裹屍亦所至願得旨烏蒙逆苗悖叛已令遣發官兵分路進剿總兵劉起元既苛刻於平時又不能防禦於臨事粗疏暴戾自速其辜惟是遊擊江仁知縣賽枝大等倉卒遇害累及妻孥深可憫惻著總督鄂爾泰查明具奏加恩賞卹至於烏蒙蠻眾其性反覆靡常朕常慮其不能帖然甯謐今年春夏以來朕躬違和精神不能貫注及此鄂爾泰於夏秋之間亦抱恙而烏蒙遠隔千餘里豈計慮之所能周不但朕所深知亦中外所共諒也況鎮臣劉

東華錄

雍正十七

重

起元撫馭失宜防範鮮術事由激變責有攸歸該督引咎自劾並請解任督師之奏大非朕心其節制滇黔川省各路兵丁之處仍遵前旨行○改陝西潼關縣大慶關巡檢歸朝邑縣轄○四川巡撫憲德奏會鹽營所屬木里喇嘛六藏塗都內附○辛亥諭大學士等兵部尚書查弼納著為副將軍命往北路與靖邊大將軍傅爾丹副將軍巴賽辦理軍務副都統德祿著往北路軍前與隨印之內閣學士永國辦事副都統銜馬爾薩著授為內大臣與陳泰蘇圖海蘭參贊軍務戴豪泰石禮哈不必參贊軍務舒楞額不必來京著前往振武將軍處代馬爾薩辦事黑色圖克善俟大將軍到營著令來京石禮哈不諳滿洲軍營事務著管理綠旗兵丁但不可膺統轄之任著大將軍等酌量派委○諭兵部年來出征兵丁在外支給口糧而仍給與坐糧以養贍其家口蓋因其荷戈



持戟效力戎行不忍令有內顧之慮也各省土兵有派撥征勦者則於起程時賞給銀兩而無養贍家口之例朕思本身遠出在外則於營生之計不能兼顧其父母妻子或致俯仰無資深可軫念嗣後土兵之出征者除恩加賞賚外其父母妻子在家照守兵坐糧之例每月給銀九錢米三斗米折銀賞給著督撫提鎮差委官弁前往該地方會同土官秉公散給務令均霑實惠儻有侵蝕剋扣等弊一經發覺定行從重治罪決不寬貸目今雲貴川廣等省效力之士兵即照此例行並將此旨通行曉諭各省土兵知之○壬子諭內閣向因大興宛平二縣近在輦轂之下常有速辦之公事不得不那移庫銀以濟用而上司察知每以虧空題參至於罷斥治罪實為可憫用沛特恩於大宛二縣各發庫銀一萬兩存貯該縣儻遇有速辦之公事准其詳明府尹動支應用此朕體恤有

東華錄 雍正十七年 五月

司之至意也近思辦理軍需之州縣其急切應付之處不容刻緩而該州縣並無存貯備用之項若擅動公帑又干嚴譴有司實處兩難不可不為籌及朕意欲於辦理軍需及事務繁劇之州縣亦做大宛之例酌留帑銀以備急切公事之用其如何舉行俾辦公有賴而弊竇不生著大學士會同大將軍岳鍾琪總督高其倬悉心定議具奏尋議嗣後辦理軍需省分請計其事務繁簡留銀三十萬兩或二十萬兩其公務簡少而錢糧又屬富饒之省分應酌留十五萬兩或十萬兩交督撫藩司酌發各府及直隸州存庫所屬州縣遇有緊急軍需即時請給其相距寫遠而事屬不容刻緩者准其一面具文一面先動本州縣庫銀支用俟給發後還項仍令逐案報銷督撫藩司嚴行稽覈從之○諭戶部陝西四川地方民風醇樸歷年通賦甚少查每年徵收錢糧之期四月完半十月全

完此定例也朕思四月十月既屆納課之期小民必須豫先經營是麥穀未收之時即為輸將之計或因稱貸而受剝於富豪或因平糶而大虧其價值且如甘肅地方有徵收本色者若在糧穀未穫之前更為竭蹶歷來川陝錢糧既無拖欠之陋習著將四月完半者寬至六月十月全完者寬至十一月俟夏麥秋禾築場納稼之後從容完課俾民力紓徐以副朕愛養黎元之至意○雲貴廣西總督鄂爾泰奏官兵報捷恢復烏蒙情形查東川一路烏獠性最冥頑煽惑諸苗江外則句連涼山下方阿驢各賊以為仗江內則糾合巧家營者家海以為黨援始於祿鼎坤成於祿鼎新祿萬福而東川之凡為祿氏兇目起而應之近江則補以址地方要截江路近城以則以擢地方窺伺城垣東川境內乞泥矣氏歹補阿汪等寨東川境外急羅箐施魯古牛畢古等寨迤運至於武定

東華錄 雍正十七年 五月

尋甸所屬隘口沿途堵塞拆毀橋梁以致行路斷絕威甯一路阿底為咽喉鎮雄一路奎鄉為鎖鑰悉句通頭目互謀叛逆殺傷塘兵搶劫糧運且串結漢奸代傳木刻奸細四布惶惑民心臣一面飛調官兵分三路分防會剿一面出示曉諭令各地方官團練鄉兵以資守望復嚴緝漢奸密拏奸細訊確逆情隨皆梟示凡出師弁兵各賞銀兩檣杉棉襖運糧夫役照價增加給與通計兩省所調官兵共一萬數千人土兵半之東川一路令臨元總兵魏翥國總統兵馬仍聽提臣張耀祖調度續因魏翥國被祿鼎明家人行刺帶傷祿鼎明正法隨改委楚姚總兵官官祿威甯一路令安龍總兵官哈元生總統兵馬以梧州副將徐成貞副之鎮雄一路有鎮雄營參將韓勳勇敢可用仍令哈元生調度隨據韓勳在莫都地方與賊血戰一晝夜殺賊數百連毀四寨賊眾奔散又



在奎鄉連戰三日收賊八千殺賊二千餘眾此鎮雄一路之情形也又總兵官官祿遊擊王耀祖等前進東川擊敗猓賊燒毀十三寨斬獲甚眾又遊擊何元等勦捕阿旺急羅等殺賊三百餘人賊哀求投降擒男婦大小一百三十一口又遊擊紀龍等勦洗者家海逆猓斬殺無數此東川一路之情形也又據哈元生前進烏蒙擊敗賊眾數萬射死兇目黑寡暮來連踏賊營八十餘座直抵烏蒙恢復郡治此威甯一路之情形也見在飛催張耀祖分路窮搜務獲渠魁盡屠醜類所有安插調劑事宜已飭徐成貞會同文員一面料理其在事員弁功過各異事竣分別具題聽候部議諭凡犒賞此役皆從裕厚不可稍存省費小見於公用正項內酌量動用摺奏以聞○癸丑以徐本為湖北布政使王紘為江蘇按察使由直隸滿河道遷○甲寅諭內閣大學士馬爾賽張廷玉蔣廷錫自簡任綸扉以來祇遵朕訓仰體朕心懋著忠勤恪恭奉職今年夏秋之間朕躬偶爾違和馬爾賽張廷玉蔣廷錫贊襄機務公正無私慎重周詳事事妥協至誠之惻方之史冊所載一心一德之風洵屬無愧數月之中朕躬得以靜養調攝者實賴伊等翊贊之力也今朕躬已經全愈宜加恩錫以褒良佐以勸臣工馬爾賽張廷玉蔣廷錫著各賞給一等阿達哈哈番永遠承襲仍各加二級其所賜世職伊等或帶於本身或給與伊子聽其自便○諭向因四川地畝隱匿甚多以致奸猾之徒欺其疆界不清契券無據侵陵攘奪告訐不休數年來內外諸臣奏請清丈者不下數十人蓋以田畝隱匿不但無益於國課亦且有害於民風朕再四思維始遣科臣高維新等前往川省會同道府州縣官料理清丈之事近聞該省州縣中有地少糧多之處乃歷來地方官勉強加增者此番

清丈並未覈減即如成都華陽邛縣溫江等處皆然其他州縣或尚有與此相類者著巡撫德轉飭布政使高維新等再加確查若有糧賦稍重之處即據實奏請覈減以副朕均賦恤民之至意○乙卯吏部題從前由部院郎官補授參領佐領者俱兼部院行走至部院各司官員承襲世職者其兼理之處未有定例請嗣後凡世職品與部院司員品相等者仍令兼理行走如有世職品大部院司員品小者俱令在世職上行走所遺部司員缺另行銓補永為定例得旨依議嗣後世職品大不應兼理司員者果係才具出眾之員准該堂官員奏保留帶領引見其循分供職者照例開缺不得奏請兼理儻有請託徇情等弊該員引見時朕察其不稱保留或保留之後辦事不能妥協即將具保之該堂官嚴加議處○丁巳諭內閣山東今年偶被水患特命大臣會同巡撫查賑有東華錄 雍正十七年 五月 房屋傾頽者賜以修葺之資並大發倉糧計口授食又准總督田文鏡之請將青萊登三府州縣存貯倉穀及通省捐監穀石照時價平糶其奉天販米商船亦准到東貿易是東省小民今歲三冬糧食有資可以無慮但恐明年青黃不接之時米價或致昂貴不可不豫為籌畫朕思奉天連年豐稔各州縣倉儲及莊屯收貯皆極充裕且與東省一海之隔順風揚帆一日可達應趁此時北風之便將奉天近海州縣存貯米糧運送二十萬石至山東海口交與地方官俟明年二三月間照市價平糶於小民甚有裨益著正白旗漢軍都統祖秉衡刑部右侍郎王朝恩前往奉天會同將軍府尹辦理○戊午諭內閣烏蒙逆蠻不法雲貴四川見在用兵征勦聞川省之永甯建昌地方山路崎嶇所用軍糧皆須民人背負方能運送非若坦途之可以車馬馱載也舊例每糧一石運送百



里給與腳價一錢而民夫一名止能背負米糧三斗百里之程須行兩日是百姓一日之所得無幾未足供其日用之資著該撫即行確查凡川省有山路險峻之處運送軍糧需用人力與永甯建昌相類者著將腳價速議加增一面奏聞一面即行給發其他雲貴等省若有似此腳價不敷之處亦著該督撫確查增添仍一面奏聞該地方有司務當實力禁止假冒等弊使力役之民實沾恩澤○以闕里 文廟告成命 皇五子弘書醇郡王弘曠前往告祭○辛酉增熱河巡檢一○壬戌以馮景夏爲安徽布政使調王紘爲安徽按察使以喬世臣爲江蘇按察使由浙江杭州府還○甲子召岳濬來京陛見以刑部右侍郎王國棟署山東巡撫吏部左侍郎劉於義協辦山東巡撫事○是月免江南壽州合肥廬州等州縣雍正七年旱災額賦有差

東華錄 雍正十七

元

十一月己巳諭 惟 至聖先師孔子道冠百王功高萬世朕景仰企慕寤寐弗諼備舉崇奉之儀用申報享之願查世襲官爵歷代俱有成規而 聖廟執事之員向來未加爵秩所當廣置官僚以光祀典今欲特設 聖廟執事官三品者一員四品者四員五品者六員七品者八員八品九品者各十員各按品級給與章服每逢 聖廟祭祀之時虔肅冠裳駿奔趨事凡此人員著衍聖公於孔氏子孫內選擇人品端方威儀嫺雅者報部充補每年各給俸祿銀二十兩其孔氏子孫內有情願充補之人或曾經出仕而退休在籍者或身有職銜而未曾出仕者以及貢監生童等皆可入選若屆鄉試之期有情願入場者准以監生入場應試朕意如此著大學士等會同該部定議具奏尋議闕里聖廟雖有管句典籍司樂等官分司執事而設官不過數員職銜又止七品制度

東華錄 雍正一七

威儀未爲周備嗣後應遵照諭旨按品增設執事官員給與章服祭祀時令其陪列執事每年各給俸銀二十兩其增設人員令衍聖公將本族之致仕在籍及有職未仕並貢監生童內分別宗支遠近揀選人品端方威儀嫺雅者詳慎酌定應與品級報部具奏充補此等人員內有遇原職輪班應選者聽其就選赴任其由貢監生員充補人員有情願鄉試者令其一體鄉試若係童生准作監生編入四氏號內照額取中再嗣後遇有此項人員缺出俱令衍聖公揀選擬補報部彙奏從之○辛未增雲南都勻清江二協丹江一營千總各二把總各四黃施營千總一把總二○癸酉免貴州新墾起科暨由四川湖廣廣西改隸各地畝本年分額徵銀三萬三千三百兩有奇○甲戌浙江觀風整俗使蔡任舫緣事降調裁觀風整俗使缺○乙亥諭戶部向來各處落地稅銀大半爲

東華錄 雍正十七

字

地方官吏侵漁入己是以定例報出稅銀八百兩者准其加一級多者以此計算年來地方官員皆知守法奉公凡有稅課皆隨收隨報不敢侵隱其報出之數每倍於舊額止恐將來不無冀倖功名之人希圖優敘以致恣意苛索擾累小民且落地稅銀非正項錢糧有一定之數者可比侵蝕隱匿者固當加以處分而爭多鬪勝者不但不當議敘亦當與以處分其如何定議並如何議敘加級處分之處著吏部戶部悉心妥議具奏尋議嗣後各省落地稅及稅契銀兩如按求需索以致盈餘之數倍於正額或將十數年以前置買產業苛索擾累者令該督題參革職上司失察徇庇者查出照例議處其於正額外實在盈餘者以八百兩爲率准加一級多者不得過三級永著爲例從之○丙子諭內閣凡漢軍人員之祖父皆本朝開國時從龍入關是以受國家之恩最爲優渥而

四二一



其中懋著功勳者不但加恩於本身且望其世世子孫居高位食厚祿綿慶澤於無窮也無如其中有一種不肖之人忘國家高厚之恩背祖宗忠義之訓自暴自棄干犯王章伊等不自念其先人而朕於執法定罪之時未嘗不念忠勳之後竟罹罪譴為之含淚悽然不忍頒發諭旨也范時繹乃一參領耳朕念其為名臣之後加恩用為總兵官又特授江南總督之重任且官階加至都統尚書伊在江南玩愒廢弛無一察吏安民之善政視地方之事如膜外而鹽梟巨盜待朕訪確姓名密諭批示始行緝捕又如江浙地方潛藏匪類蠱惑人心伊不能禁約稽查以端風俗轉與私相往來及伊到京朕猶不忍令其廢棄特令料理太平峪工程適因北河總督不得其人令伊前往豈料伊正當伏汛危險忍心坐視曠職負恩至於此極此范時繹之大槩也尚崇虞之祖尚可喜於

東華錄 雍正十七

三

太宗文皇帝時抒誠歸順及吳逆變亂尚之信雖干叛逆之條而尚可喜則始終不失臣節至其父尚之隆侍從內廷數十年小心勤謹深受 聖祖仁皇帝之恩尚崇虞原係散秩大臣朕望其成立特加任用令管理 陵寢事務因奉天積習未改特授伊為盛京五部尚書令其整理訓導乃一到新任行事乖張參奏從前差往辦理之官達朕將官達召回詰問官達陳奏尚崇虞在任種種狂肆之狀復據平郡王參奏朕令大臣等將伊與同事官員一一傳齊質問則伊狂妄不敬背公行私之處悉皆確實此尚崇虞之大槩也李永陞原任河南南陽總兵官聲名不好隆科多曾經參奏朕查確將伊罷黜發往口外臺站效力贖罪及朕恭閱 聖祖仁皇帝實錄見四川原任總督李國英平寇捕賊懋著勞績詢其子孫則李永陞其嫡派也遂降特旨將伊調回授以參領之職後

又加恩遷擢至於都統辦理該旗事務似屬盡心職守朕以為感奮自新大改故轍遂授為工部尚書豈料伊一到工部之任遂作弊營私婪贓繫繫延姦胥為幕客以開招搖納賄之門審訊鑿鑿無可置辯此李永陞之大槩也此三人者均係漢軍世家之裔彼之祖父效忠宣力如此國家之酬庸賞功如此而彼之負恩孤德如此凡在廷臣莫不為之歎息痛恨想伊祖父有知亦應含恨於九原惟是朕再四躊躇若欲按律置之於法則追念伊等前人勳勞拳拳勿釋若欲寬宥其罪又恐開將來功臣子孫肆行不法之漸展轉遲疑實不能決但思伊等所犯尚不似隆科多年夔堯蔡珽不可赦宥今且施法外之仁將范時繹尚崇虞李永陞釋放令伊等洗滌肺腸遷善改惡儻能戴朕寬宥浩蕩之恩痛自愧悔將來或另有使令之處若怙惡不悛再有過犯定行正法莫希再邀

東華錄 雍正十七

三

寬典也又論范時捷係開國名臣范文程之孫乃不念國家培植之恩並不思伊祖宗積累之厚其在陝西為官時諂媚年羹堯辱身賤行不顧為人鄙笑朕令其來京辦理旗務則志氣昏庸委靡不振無心為國家出力是以降為藍翎侍衛以示懲戒繼因 陵寢地方辦事需人將伊命往今范時繹獲罪罷黜范氏子孫竟無見居大員之人范時捷尚非棄材可比是以令其管理古北口提督事務觀其如何改過自新一洗從前之愧恥直隸總兵俱聽范時捷節制後不為例○己卯諭內閣據雲貴廣西總督鄂爾泰奏報官兵恢復烏蒙情形朕心甚慰烏蒙事起倉卒賊眾屯鳥聚多者萬餘人少亦數千而鎮雄參將韓勳以奎鄉四百人戰敗賊眾數千連破四寨賊變膽總兵官哈元生副將徐成貞以二千餘人破賊數萬數日之內恢復烏蒙此三人者實為功首著交部



從優議敘其在事人員參將康世顯遊擊王耀祖張起紀龍王先  
何元王友文會長治土千總安天爵帶領官兵皆能奮勇爭先蕩  
平賊寨各著勞績鎮雄州知州徐德裕擒獲逆黨安輯良民亦屬  
可嘉凡此人員著鄂爾泰分別次第具奏到日交部從優議敘至  
隴慶侯之庶母二祿氏矢死效忠解散逆謀四川沙馬土司沙氏  
立志不移親身赴建皆係婦人能知大義應加特恩以示嘉獎沙  
氏照其應得封典加一等給與誥命二祿氏給以六品安人敕命  
並各賞銀一千兩綵段二十端其餘各土司有在軍前效力及保  
境安分者令鄂爾泰會同黃廷桂憲德查明酌量賞給至滇黔進  
剿漢土兵丁應照川省之例每名賞銀五兩其哈元生韓勳所統  
兵弁皆奮不顧身血戰數十陣首先破賊更屬勇壯著每名賞銀  
二十兩將此所賞銀交與哈元生等視其兵丁中出力之多寡酌  
量分別等次賞給若一例均賞亦可參將遊擊著賞銀五百兩守  
備三百兩千總一百兩把總五十兩以獎忠勤之將士再另動司  
庫銀一萬兩賞給哈元生為伊軍前效力及賞賚之費該部遵諭  
速行○改四川成都府屬松潘衛歸龍安府轄○辛巳諭內閣皇  
五子前往山東闕里專為 文廟祭祀大典並不與聞地方一事  
若有無知生事之人向皇五子前告狀者著地方官嚴拏治罪將  
此豫先通行曉諭沿途官民弁兵人等知悉○改江蘇江甯府屬  
溧陽縣歸鎮江府轄○壬午吏部等衙門議准甯遠大將軍岳鍾  
琪奏設立邊方郡縣事宜一陝省延安府屬榆林靖邊神木三廳  
管轄沿邊三十堡除神木同知所轄東十堡已改歸州縣管轄外  
其榆林同知所管中十堡靖邊同知所管西十堡見今夷漢雜居  
必須大員彈壓請於榆林地方設知府一照磨一即將榆林州同

靖邊經歷定邊縣丞各改為知縣懷遠堡亦改設知縣四縣俱添  
設典史一榆林衛教授改為府教授其榆林靖邊衛訓導俱改為  
縣學訓導定邊懷遠二縣請將綏德膚施二縣之訓導改設俱歸  
新設之榆林府知府轄一榆林添設府縣足資分理原設之榆林  
靖邊同知及波羅州同威武鎮靖巡檢榆林廣育倉大使各缺均  
請裁汰惟留神木同知一以司糧捕一榆林道員轄延安綏德鄜  
州等處今榆林既改為府請將神木道改為延綏道移駐綏德鄜  
管轄延安綏德鄜州等處其新設之榆林府並延綏道所屬之直  
隸葭州吳堡府谷神木等州縣俱改歸榆林道轄從之○移雲南  
大理府通判駐所屬趙州迷渡裁迷渡巡檢缺增白崖巡檢一裁  
開化府經歷缺增文山縣典史一○予故署戶部左侍郎常德壽  
祭葬○丁亥諭內閣各省選拔生員到京朕俱特派大臣秉公考  
東華錄 雍正一七

試分別等次進呈前有湖北應山縣生員楊可鏡一卷文理荒疏  
經部議照例革去選拔領朕聞楊可鏡乃明臣楊漣之元孫昔順  
治四年楊漣之子楊之易為江南松江府同知遭提督吳勝兆之  
叛捐軀殉難忠節凜然蒙 世祖章皇帝之恩優加贈卹此即楊  
可鏡之曾祖也朕思楊漣父子兩世忠義其後嗣子孫若稍能自  
立品行無虧雖文藝不工亦當格外造就楊可鏡准作選拔赴國  
子監肄業仍著禮部帶領引見○晉封喀爾喀扎薩克郡王丹津  
多爾濟為扎薩克和碩親王○戊子諭內閣朕即位之初清查戶  
部錢糧始知歷年以來虧空竟至二百五十餘萬兩之多是時怡  
賢親王管理部務奏稱此項虧空歷年已久若一一根究責令賠  
補則獲罪之人甚眾懇請寬免查究嗣後以本部餘平銀兩陸續  
代為完補數年以來該部既有補帑之事是以各省解銀交庫之



時平銀未免稍重但從前解京銀兩到部交納時雜費繁多又有暗中包攬官吏勒索種種情弊此中外所共知者自怡賢親王管理三庫以來弊絕風清各色浮費悉行禁革雖餘平銀兩畧覺加添而較之從前雜費則減省已多且怡賢親王之意原欲俟虧空彌補全完之後仍將平銀裁減此亦王屢次陳奏於朕前者今庫中虧空之項俱已補足若將辛亥年春撥解部銀兩照從前餘平之數減去一半該部即行文各省巡撫布政使知之此項銀兩大約出自耗羨項下嗣後著留於本省以備地方公事之用若司庫官員有額外多索者著管理三庫之王大臣查參若外省官員因此次恩旨將解部之項或有扣剋短少等弊亦著王大臣指參議處○已丑賜齊大勇等一百十八人武進士及第出身有差○復設四川北道一駐保甯府○庚寅諭內閣凡朕降旨特交事件

東華錄

雍正十七

五

該衙門有即行辦理者亦有遲久尚未辦理者總因無專司稽察督催之人是以遲速不齊間有耽延嗣後著於滿漢文武大臣內派出數人管理欽命上諭事件專任稽查督催之責其滿司官即用議政處辦事之員漢司官著派出之大臣等揀選委用○裁江南臨淮縣濠梁驛滁州滁陽驛江浦縣江淮驛六合縣棠邑驛丹徒縣京口驛江都縣廣陵驛儀徵縣水驛高郵州孟城驛寶應縣安平驛山陽縣淮陰驛清河縣清口驛宿遷縣鍾吾驛驛丞各一其驛務歸各州縣管理復設潛山縣青口驛太湖縣小池驛驛丞各一增南陵縣公館驛桃源縣古城驛驛丞各一○辛卯復設廣東鹽運使衙門知事一駐紮潮州府○封巴林輔國公桑里達為郡王○癸巳解孫國璽任以孫蘭芬署山東布政使由登萊青道署○是月免廣西天鎮縣旱災額賦有差

十二月丁酉傅爾丹自京回北路軍營○己亥以署安徽布政使劉栢為太常寺卿○工部等衙門遵旨議奏直隸河工關緊重大請設立河道水利總督一員駐紮天津令四道廳員及印河各官受其節制一切事務俱照河東總河例行其營田事務仍歸直隸總督管理從之○辛丑敕封直隸滹沱河神為長源永濟滹沱河神○壬寅岳鍾琪自京回西路軍營○于故戶部侍郎三庫事務已降旨發粟蠲租並令該督撫加意撫恤但至明歲春間青黃不接之時恐不無借資鄰省買米減糶之事湖南湖北二省向來積穀甚多正在豫籌出陳易新之法而今年又復豐收穀價太減恐民間出糶維難朕特思酌盈劑虛之道著將從前商捐及耗羨銀兩存貯楚省藩庫者動支五萬兩遴選賢員分往所屬豐收價平

東華錄

雍正十七

五

之處糧買新穀暫行收貯俟鄰省需米平糶即令委員來楚照楚省原買價值先儘倉貯之穀交買運回以濟民食仍將新穀補倉價銀還項如此則鄰省無費糶之虞楚省得出陳之益事屬兩便儻鄰省可以不用則仍留楚省於青黃不接之時照價平糶於民亦屬有濟著該督撫遵諭料理並移會鄰省知之○丙午以和碩端柔公主下嫁齊墨特多爾濟授為和碩額駙○辛亥調葛森為貴州布政使以常安為雲南布政使馮光裕為雲南按察使由鹽道遷○癸丑命大學士朱軾兼管兵部尚書○以吏部左侍郎劉於義為直隸河道水利總督內閣學士徐湛恩協辦河道事○刑部等衙門會議呂留良身列本朝子於妄附前代儀賓之裔追思舊國詆毀朝章造作惡言妄行記撰猖狂悖亂罪惡滔天甚至敢將聖祖仁皇帝誣讟指斥悖逆已極臣等莫不切齒痛心允宜按



律治罪顯加誅滅以扶人紀以絕亂源呂留良應到屍梟示財產  
入官伊子呂葆中曾叨仕籍世惡相濟前此一念和尚謀叛案內  
連及呂葆中逆蹟彰著亦應到屍梟示呂毅中應擬斬立決伊子  
孫並兄弟伯叔兄弟之子及女妻妾姊妹子之子妻妾應行文該  
督查明按律完結並行知各省府州縣將大逆呂留良所著文集  
詩集日記及他書已經刊刷及鈔錄者於文到日出示徧諭勒限  
一年盡行焚毀得旨呂留良懷悖逆不臣之心假託先儒糟粕餘  
論欺世盜名以致人心陷溺為其迷惑已久愚昧之徒稱為夫子  
幾謂其駕乎程朱之上甚至奉祀書院以尊崇之今其逆謀穢行  
無不敗露天下焉有喪滅倫常猶得託名於理學之林而著作尙  
有可取者乎今內外臣工等合詞陳奏朕思呂留良之罪從前論  
旨甚明在天理國法萬無可寬然天下至廣讀書之人至多或者  
東華錄 雍正十七

千萬人中尙有其人謂呂留良之罪不至於極典者朕愼重刑罰  
誅奸鋤叛必合乎人心之大公以昭與眾棄之之義至其所著書  
集臣工等奏請焚毀復思呂留良不過盜襲古人之緒餘以肆其  
狂誕空浮之論有識見者固不待言即當日被其愚惑者今亦自  
然窺其底裏而嗤笑之也況其人品心術若此其言更何可取今  
若焚滅其蹟假使毀棄不盡則事屬空文儻毀棄盡絕則將來未  
見其書者轉疑伊之著述實能闡發聖賢精蘊而惜其不可復得  
也即呂留良書籍中有大逆不道之語伏思我 聖祖仁皇帝聖  
德神功際天蟠地如日月之照臨宇宙萬古為昭豈呂留良所能  
虧蔽於萬一乎將廷臣所議行文直省學政徧行詢問各學生  
監等應否照議將呂留良呂葆中劉屍梟示伊子呂毅中斬決其  
所著文集詩集日記及他書已經刊刷印暨鈔錄者盡行燬

之處著秉公據實作速取具該生監等結狀具奏其有獨抒己見  
令其自行具呈該學政一併具奏不可阻撓隱匿俟具奏到日再  
降諭旨○增甘肅張掖縣驛丞一駐紮沙河兼管沙河撫夷二驛  
高臺縣驛丞一駐紮鹽池兼管鹽池雙井二驛改涼州平城驛兼  
管之通遠驛務歸平番縣管理○乙卯護理甯遠大將軍紀成斌  
奏準鳴爾賊人乘我西路軍營不備傾其醜類二萬餘眾犯闕舍  
圖卡倫盜趕駝馬總兵官樊廷率副將冶大雄等領兵二千轉戰  
七晝夜救出兩處卡倫官兵會合總兵官張元佐等擊殺賊兵不  
計其數將駝馬牲畜悉行奪回得旨所奏逆夷盜趕駝馬情形大  
學士等可傳諭靖邊大將軍傅爾丹參贊陳泰蘇圖令其行文副  
將軍巴賽等駐牧和博克薩里之逆夷或遣賊眾至北路卡倫偷  
盜駝馬亦未可定宜小心防範不可疏忽亦不得聞信矜張務宜  
東華錄 雍正十七

鎮靜嚴密萬全無弊傅爾丹等亦速馳赴軍營斟酌妥辦○四川  
巡撫憲德奏川省回民感激 天恩集眾誦經恭祝 萬壽得旨  
數年以來凡內外臣民等感戴朕恩有欲建立碑亭及開設壇  
以申頌祝者皆已嚴行禁止並令大臣官員殫竭誠意屏絕虛文  
曉諭所屬士庶兵丁等一體遵奉屢降諭旨甚明川省回民集眾  
誦經該撫不行禁止轉為代題甚屬不合著嚴飭行並曉諭眾回  
民知之○丁巳諭戶部今歲山東被水之州縣朕心軫念殷切已  
令地方有司加意撫綏又特遣大臣等按戶查賑並給以修葺室  
廬之資其成災州縣之地丁錢糧及漕糧並行豁免欲使閭閻厚  
沾恩澤咸登衽席也頃又思該省既有被災之州縣則本地所產  
之米較少於平時其不成災州縣應有交官漕糧若此時仍照舊  
徵收則米價稍昂未免輸將竭蹶但查漕糧向無豁免之例今年



之暫免徵收者出於朕之特恩至不成災之州縣尤難越例蠲除  
今再四思維著將東省不成災之州縣今歲應徵之漕糧停其徵  
收俾民間多留穀石則民間自覺寬裕俟明年收成之後令百姓  
照數交官此項不必運送京師即存貯本省補完今歲散賑之倉  
穀如此庶於地方大有裨益著即遵諭行○諭朕查陝西臨洮府  
屬之保安堡番民歸化多年按照田畝起科共額徵糧八百一十  
五石五斗因該堡向日止設番兵一百二十名即以應納之糧抵  
作應支之兵食伊等知種地而不完賦知充伍而不領糧相沿已  
久嗣因番兵差操未便於是另募內地民兵二百名以備防汛即  
將額徵之番糧充作兵丁之月餉其舊設番兵悉行開除惟是保  
安一堡與新附上下龍布阿步喇等番族界址相接新附番族俱  
按戶科糧每戶止納青稞一斗而保安則按田起科以不及千戶

東華錄

雍正十七

完

之番民歲徵糧八百餘石未免多寡懸殊非朕一視同仁之意著  
將保安堡番糧亦照新附番民之例每戶納糧一斗徵收在倉留  
為積貯其見募之兵二百名所需糧料俱照例給與折色以示朕  
加恩番民之至意○擢喀爾吉善為兵部額外侍郎由郎中遷○己未  
四川巡撫憲德奏建昌鎮甯越營所屬番民望里五呷等二百三  
十二戶內附○壬戌諭內閣 皇五子致祭闕里 文廟典禮告  
成回京奏稱恭謁 孔林周視規制見享堂墻垣間有年久傾圮  
之處朕尊崇 先師夙夜罔教今廟貌已經鼎新林園允宜修葺  
著欽天監選員前往會同衍聖公孔傳鐸相度方位宜於何時營  
治詳慎定議屆期朕命大臣前赴曲阜與衍聖公孔傳鐸協同敬  
謹修理務令崇闕堅固光垂永久以昭朕尊禮 先師之至意○  
諭大學士等準噶爾乘我不意傾其賊眾盜趕馬駝狡獪兇惡罪

無可赦但西路所存駝馬不無疲乏是從前所議直搗伊犁之計  
尚非萬全之道朕意欲於西路巴爾庫爾北路之卡倫外各築一  
城以重兵駐紮時出遊兵以掩擊其眾擒擄其人畜賊兵必撤其  
遊牧之所遠行藏退我當更進數百里擇地築城開墾屯種以資  
軍食駝馬牛羊無事牧放有事則盡收入城賊眾既無所獲我軍  
一出可以襲取其輜重且賊必不敢踰我軍駐紮之城而東矣著  
岳鍾琪詳悉定議北路傳爾丹處亦詳細密商之○甲子諭大學  
士等自有軍務以來喀爾喀等甚為出力來歲大兵進剿之時所  
有派在卡倫豫備之三千名喀爾喀兵丁不必前往俾其得以照  
管牲牧著派出內扎薩克之兵二千名前往卡倫駐紮令科爾沁  
郡王羅卜藏喇錫翁牛特貝子羅卜藏敖漢公羅卜藏總統管理  
此所派出之官兵照例加與恩賞○是月免直隸蔚州蔚縣水災

東華錄

雍正十七

完

額賦有差○是歲安南國來貢○人丁戶口二千五百四十八萬  
四百九十八又永不加賦滋生人丁八十五萬一千九百五十九  
田地山蕩畦地八百七十八萬一千七百六十頃十七畝有奇徵  
銀二千九百七十八萬六千八百六兩有奇米豆麥四百七十一  
萬八千六百九十五石有奇草四百九十九萬六千七百七十一  
二萬六千七百九十九引行鹽五百一十四萬九千一百十五引徵  
課銀三百八十三萬八千四百十七兩有奇鑄錢七萬五千七百  
八十六萬五千有奇



雍正十八

臣王先謙敬編

臣周瀚蕃恭校

雍正九年辛亥春正月乙丑朔諭內閣朕思惠養黎元之道莫先於除賦蠲租使萬姓均沾渥澤陝西甘肅二省經理軍需迄今數年凡米糧芻牧車馬牲畜之類皆動支公帑備辦一絲一粟不使擾民然朕每念地方既有軍務縱不取辦於民財未嘗不資藉於民力而陝甘二省之民人踴躍趨事甚為可嘉年來已屢降蠲賦之旨茲特再沛恩膏將雍正九年西安所屬額徵地丁銀蠲免十分之三甘肅所屬額徵地丁銀全行蠲免該督撫等可轉飭有司敬謹奉行務令閭閻均霑實惠○庚午命工部左侍郎馬爾泰協辦西安軍務正紅旗滿洲都統德成協辦青海噶斯軍務○副都

東華錄

雍正十八

統達爾奏噶斯卡倫見被賊圍臣將關防交與滿岱並調取西甯綠旗兵三百名防範番子臣親率兵出邊往援柴旦木地方若賊人敗遁即領兵追襲得旨達爾領兵前往應援格默爾等亦是但奏稱追襲甚屬孟浪巴爾庫爾之兵原為搗賊人巢穴而設噶斯之兵乃為駐防而設若來犯噶斯之賊兵無多勢均力敵則即行剿殺儻以全力擾動青海則噶斯隘口屬無用之地即撤兵退至近邊形勝之處會集青海之兵駐紮防守儻賊勢頗重即領兵退入邊內爾從前會將西甯之兵調撥五百名今又為番人調兵三百如果番人有事爾之三百兵丁何能濟乎兵力宜聚而不宜分頻頻分調是何計策防守邊圍較防守青海尤為急務目今止宜堅守切不可急遽躁妄○乙亥諭大學士等準噶爾賊人乘我西路軍營不備傾其醜類犯我卡倫盜趕駝馬總兵官樊廷等領

兵二千轉戰七晝夜擊殺賊眾又將盜去駝馬牲畜奪回樊廷忠勇冠軍頗得勝算總兵張元佐副都統綽般台吉衮布三等台吉定而拉錫領兵應援奮力夾攻大敗賊人副將張朝良以孤軍被困而能全師出圍凡此將弁皆見義能勇致身效力均屬可嘉樊廷著賞銀一萬兩給一等阿達哈哈番張朝良治大雄俱著賞銀五千兩給拜他喇布勒哈番張元佐綽般俱著賞銀三千兩給拖沙喇哈番台吉衮布著封公爵三等台吉定而拉錫著授為扎薩克一等台吉其餘有功將弁俱著大將軍岳鍾琪查明奏聞加恩從優議敘再著署內務府總管鄂善馳驛前往肅州於軍需銀兩內動支十萬兩令大將軍將此番出征弁兵等查明戰功等次按名賞給至陣亡將弁兵丁分晰查明造冊具奏從優賞卹該督撫動用正項錢糧於安西地方建立忠勇祠將陣亡之將士等設造

東華錄

雍正十八

牌位致祭俾義烈將士永遠流芳以示朕崇獎忠勳之至意○癸未諭內閣劉聲芳在太醫院效力有年屢加特恩用至戶部侍郎伊於部務茫無知識上年夏秋間朕體偶爾違和伊並不用心調治推諉輕忽居心巧詐深負朕恩著革去戶部侍郎仍在太醫院效力贖罪行走從前所賞伊子廕生及舉人俱著革退戶部侍郎員缺著左都御史史貽直兼署冀棟朕聞其通知醫理加恩用至副都御史乃伊識見昏庸遇事推諉著革去副都御史補授御醫之缺效力行走○甲申諭大學士等準噶爾賊眾侵犯西路汛界盜竊駝馬乘我不備事起倉卒其力戰克敵者甚屬可嘉而授命疆場者尤為可憫前已降旨令建忠勇祠春秋祭享以表忠節矣茲應賞給世職令其子孫承襲永誌恩施副將徐宗仁著給與拜他喇布勒哈番守備劉貴才劉芳雨李國勳俱著給與拖沙喇哈



番其應得卹典仍著該部察例具奏千總王大謨徐維新外委把總方正劉世勤俱著該部從優議卹此外如有應加恩卹之弁員俱著大將軍岳鍾琪查明具奏凡陣亡兵丁於卹賞定例之外俱倍加賞賜其隨役人等有受傷亡故者照兵丁卹賞定例給賞朕今以酒三爵遙酌陣亡將士著署內務府總管鄂善將酒齎往軍營凡陣亡將士每名以羊一隻奠祭宣朕憫惻傷悼至意朕不得已而用兵本期全師克敵不損一人乃為至願豈必捐軀致命始稱效忠報國乎今此陣亡弁兵朕雖加恩優卹而惻怛不忍之念愈覺難釋於懷著鄂善將朕諭旨徧行宣布令眾知之至所賞賚銀十萬兩鄂善至軍營時或與大將軍岳鍾琪或與護大將軍印務紀成斌分別將弁兵丁建功出力之等次秉公賞給務使均沾恩賜以示國家酬庸獎勵之令典○乙酉諭內閣朕聞洞庭一湖

東華錄 雍正十八

絲亘八百餘里自岳州出湖以君山為標準一望杳渺橫無涯際而舵桿洲居西湖之中去湖之四岸或百餘里或二百餘里舟行至此儼遇風濤斗作無地停泊亦無從拯救多有傾覆之患昔人曾經勸議若於此處建築石臺則狂風巨浪之中商船有挽泊之所實有神益止以水中立基工用浩繁事不果行朕以勤求民瘼為心凡內外遠近地方疏濬修建工程可以利濟羣生者無不樂為興舉况商賈行旅之往來可以避風波之險而登衽席之安尤事之亟宜舉行者查營田水利衙門有存公銀二十萬兩著解送楚省交與總督邁柱會同巡撫趙宏恩遴選賢能之員相度估計悉心經理建築石臺以為行舟避風停泊之所務期修造堅固垂諸永久毋得草率塞責○丁亥諭內閣山東地方上年遭值水患窮民乏食朕心軫念屢頒諭旨並遣大臣賜粟賜金加恩賑濟不

忍使一夫不獲其所又念上年該省禾稼歉收則今春青黃不接之時米價必致騰貴特命截留鄰省漕糧三十五萬石撥運奉天米穀二十萬石減價平糶以惠濟閭閻朕之為東省民食計者亦備極籌畫矣細思上年濟兗東三府之被水較平時為甚今發粟平糶固不慮價值之高昂而赤貧之民仍苦於糶買之無力且聞被水之後有餬口轉徙四方者今各省漸次資送回籍此等民人回籍之後無以為資勢必至於失業深屬可憫著侍郎劉於義牧可登巡撫岳濬確查實在窮民無力糶買穀石者再給兩月口糧以恤其困苦資其耕作查濟兗東三府尚有存倉穀四十萬石即將此為散賑之需儘不敷用再將截留之漕糧以二十萬石平糶以十五萬石增添散賑著該侍郎等遴選賢員作速分投辦理使黎民均沾實惠並傳宣朕旨曉諭百姓等受朕格外之恩當乘此

東華錄 雍正十八

春和努力耕種勿因失業而作邪僻之事勿因困厄而懷怨尤之心果能祇遵朕訓則豫順之氣自能感召天和賜以安全之福思之勉之○戊子封喀喇沁塔布囊羅布藏策布登為輔國公○己丑賜大學士張廷玉贊猷碩輔蔣廷錫萬機賢輔扁額○庚寅諭內閣上年江南邵宿等十八州縣遭值水患窮民乏食朕心深切軫念特命大臣會同該督撫動帑發粟撫綏賑恤增給口糧之數加添散賑之期並賞給修葺屋廬之費務使被水黎民咸登衽席今據該督撫等奏報正月十五日已滿散賑之期朕思江南麥熟在四月之杪其間青黃不接之時尚應為之籌畫雖本省鄰境皆有平糶之米穀而赤貧之民無資糶買者仍復艱於餬口深可憫惻查揚州鹽義倉有積穀數十萬石原備賑濟之用著動支二十餘萬石加賑窮民四十日口糧以濟其困乏資其耕作該督撫會



同欽差侍郎彭維新等悉心奉行並曉諭百姓乘此春和盡力南  
畝勿再游手失業有負朕痲瘵軫恤之至意○辛卯轉彭維新為  
吏部左侍郎調吳士玉為吏部右侍郎胡煦為禮部左侍郎以任  
蘭枝為兵部右侍郎由內閣  
學士遷

二月乙未命撥奉天米二十萬石通倉米十五萬石又採買五萬  
石運赴山東備用其東昌以下近水州縣命截留湖廣江西漕糧  
三十萬石存貯○實授喀爾吉善兵部左侍郎○多羅愉郡王允  
禩薨報朝二日賜祭二次造墳立碑諡曰恪○戊戌諭大學士等  
肅州甘肅涼州移駐滿洲兵四千名又涼州有歸化城兵一千名  
尙無統領之員甯夏滿洲兵見今不過六百名著戶部右侍郎傅  
泰前往署理甯夏將軍印務其肅甘涼等處兵丁著常賚前往給  
以鎮安將軍印務令其統領仍聽大將軍岳鍾琪調遣○己亥以  
東華錄 雍正十八年 五

孔毓璞為左副都御史仍留肅州辦理軍務由甘肅布  
政使遷○庚子諭  
理藩院布魯克巴部落人等互相讎殺貝子頗羅鼐遣使解和宣  
朕威德甚屬可嘉著封為貝勒伊子一等台吉珠爾麻特冊登屢  
次領兵效力邊疆著封為輔國公○以溫而遜為山西按察使湖  
南岳常  
道遷○吏部議覆福建總督劉世明等條奏臺灣事宜一臺灣  
府南面向隸鳳山北面向隸諸羅管轄者俱應改歸臺灣縣管轄  
一臺灣縣羅漢門地方緊要請以臺灣縣縣丞移駐與汛弁互相  
防察一鳳山縣萬丹地方請添設縣丞一管轄淡水枋寮口等處  
其原設淡水巡檢移駐大崑麓一諸羅縣笨港地方煙戶繁多奸  
良莫辨請添設縣丞一令其查拏巡緝其原設佳里興巡檢移駐  
鹽水港一彰化縣距大甲溪一百五六十里溪北更為遼遠一切  
錢糧命盜等項悉令赴縣殊屬不便請將大甲溪以北地方歸淡

水同知就近管理從之○壬寅吏部議准廣東總督郝玉麟奏廣  
東肇慶二府屬地處低窪沿河山禾惟賴圍基堅固俾免水患始  
獲有秋向例屬縣丞管理但縣丞駐紮邑中潦水驟發猝難兼顧  
惟巡檢所轄地方與民最親偶遇潦漲圍基危險即可督率鄉民  
救護南海三水高要三縣事繁請以縣丞為督理巡檢為專管高  
明四會兩縣事簡請以知縣為督理巡檢為專管每年按時督率  
修築凡遇潦水漲發如防護稍有貽誤入於大計內分別劾參從  
之○甲辰移福建臺灣淡水同知駐竹塹添設臺灣貓霧揀鹿子  
港竹塹八里岔大社等處巡檢各一○乙巳諭大學士等駐藏之  
官弁兵丁等已經數年未曾更換朕心甚為軫念查從前派往之  
兵係陝西一千名四川一千名今陝西兵丁見有征勦準噶爾之  
事難以派往西藏四川新募充伍之兵甚多著提督黃廷桂巡撫  
東華錄 雍正十八年 六

憲德酌量於新舊兵丁內揀選二千名前往西藏將從前駐藏之  
兵換回其弁兵等自總兵以至千總亦應更換若大員內一時不  
得職銜相當之人可揀選幹員加銜委署前往○己酉王肅章緣  
事革職以刁承祖為湖北按察使由湖南糧  
道遷○辛亥 上親耕藉  
田○壬子添設湖南六里吉多坪同知一經歷一排補美隆團寨  
等處巡檢各一○癸丑以王蘭生為內閣學士由翰林院侍  
讀學士遷○甯  
遠大將軍岳鍾琪奏軍機事宜十六條一吐魯番地方饒沃宜廣  
為屯種一吐魯番通伊犁之路逆夷出入經由必須嚴設卡倫一  
準噶爾之所屬回子先宜收撫一巴爾庫爾等處宜多派兵丁以  
資戢守一襲擊逆夷使其不安駐牧一駐紮土魯番兵丁之駝馬  
宜酌定數目一領兵官員請為添派一牧放馬駝羊隻應嚴加防  
範一酌添羊隻以資兵食一巴爾庫爾之新城宜積貯糧石一綠



旗兵之餘丁無庸添設一車兵之器械請為酌增一移兵駐紮吐魯番宜豫為定期一屯種之農具籽種宜豫為辦運一吐魯番巴爾庫爾兩處駐防宜通聲息一進剿兵數宜豫為酌定得旨大將軍岳鍾琪陳奏軍機十六條朕詳悉披覽竟無一可採取之處朕心深為憂煩岳鍾琪以從前輕言長驅直入之說又為賊夷盜趕駝馬既恥且憤必欲襲擊進剿勉強復前說若以今日之勢命伊統領大兵直搗巢穴能保其必勝乎奏辦之事皆未妥協大學士等將朕旨傳諭之○乙卯諭大學士等陝甘二省年來辦理軍需雖皆動用正項錢糧民間無絲毫之費然輸輓糧運伺候差徭不無勞苦朕已降諭旨加恩獎勵但必得地方大吏仰體朕心凡料理軍務固不可任其延緩而過於迫急未免擾民查覈錢糧固不可聽其浮銷而過於苛刻則必至剝民督撫等大員嚴緊一分

東華錄

雍正十八

七

則州縣官必於百姓加緊一倍如能寬容一分則小民必得一分之惠武格馬爾泰二人急公之心皆切但恐諸事過於苛迫可將朕旨傳諭凡承辦州縣或於原額之外遲緩無多而其人之才可用者不妨略示寬容其開銷物料腳運之費亦必斟酌時價不可刻意覈減但此旨不可宣露於人恐有不肖之州縣借此遷延浮冒其漸不可長也○丙辰吏部議覆署直隸總督唐執玉奏天津直隸州係水陸通衢五方雜處事務繁多辦理不易請升州為府設知府一糧捕通判一經歷一教授一訓導一附郭置天津縣設知縣一縣丞一典史一改州學正為教諭此新設一縣同該州原轄之青縣靜海及滄州南皮鹽山慶雲一州三縣統歸新升之府轄其舊設之河間府海防同知應就近改屬天津天津舊設之州同吏目應裁霸昌道屬之寶坻縣廣表六百餘里其毗連之梁

城所距寶邑甚遠一切公務該縣不能兼顧請將寶坻縣之江窪口起至西頭莊止南路一帶割歸梁城並改所為縣設知縣一典史一教諭一訓導一舊設所千總一應裁從之尋定天津新升府曰天津梁城所新改縣曰甯河○戊午諭大學士等準噶爾父子濟惡背天逆理狡獪百端為邊方之巨患朕繼述先志綏靜西陲特遣兩路大兵聲罪致討數年以來慎選將士輓運軍需區畫周詳備辦饒裕而三軍之氣鼓勇直前人人思奮朕常教以古者聖人之訓臨事而懼好謀而成天道惡盈謙沖受益軍氣當壯而軍心則不可驕此我將士及在廷臣工所共聞者也上年正月間西路大將軍岳鍾琪奏報雍正七年十二月二十八日夜巴爾庫爾軍營有紫氣祥光絳巨東北歷四時之久光華絢爛二月間又據署總督查耶阿奏報鞏昌府屬之靖遠衛紅嘴子地方乃黃河

東華錄

雍正十八

八

過渡之所每年正二月間東風解凍河冰漸薄冰橋既難行走渡船亦難撐駕行李停滯歲以為常乃今年正月官運糧車至此冰忽開融舟行無阻誠從來未有之奇遇等語朕覽奏不敢遽以為喜輒行宣示於外特命封貯內閣以待大軍凱旋即此可以知朕心矣此番西路撥派之將士皆遴選訓練之精銳其氣勢倍覺壯盛遂未免有恃強輕敵之心以致賊人乘我不備侵犯境內搶掠牧場並傷我兵弁豈軍志驕矜有干盛滿之戒 天心特以此示儆耶上年被賊侵擾之處朕與大將軍岳鍾琪等不能計慮於事先實難辭疏忽之過至於軍營牧放駝馬最宜布置有方乃以牲畜置於賊人來路之旁又與大營相隔遼遠被賊人乘機盜竊則審度形勢之謂何岳鍾琪更難辭咎又如達爾統領噶斯之兵曾奏請製辦皮套等物以為兵丁手足禦寒之具而西路兵丁去冬



出戰之時冒犯冰雪手足凍傷者多有則亦大將軍未嘗留意於平時也凡此既往之錯追悔無益從來勝負乃兵家之常禍福有倚伏之理從前因疏忽而致虧損將來自可小做而成大功惟望合營將士等以敬謹之心辦理戎事以忠義之勇對越上天自可仰蒙 上帝慈恩默垂保護書云皇天無親惟德是輔况準噶爾罄其所有甲兵不過三四萬之眾即以上年之事論之小策零敦多卜係伊防守西拉百爾要地之首領乃於冬閒傾其人眾犯我卡倫我軍以數百人固守小營彼不能奪並不敢萌窺伺大營之念僅於中途以全力邀截我師四路畢集而我總兵官樊廷張元佐等以數千人擊敗彼數萬之眾則賊之力量伎倆不過如是而已蓋彼之所長在於偷盜駝馬而我師一時失於防範遂爾墮其術中並非彼之兵力有餘也觀賊之虛張聲勢分兵侵擾噶斯卡東華錄 雍正十八年 九

偷窺伺圖呼魯克之糧石我師以百餘人即可防守而追逐之則更鼠竊狗偷之行不堪之甚者也總之行軍之道心不可驕而氣不可餒凡我將士務去從前驕矜之心而鼓將來勇敢之氣候朕徐徐籌畫必有蕩寇萬全之勝策俾將士等歡欣鼓舞奏凱歌而膺爵賞也其軍營得傷患病之兵丁著用心調治務令痊可朕正籌畫加恩使之更換休養以恤勤勞著大將軍將朕此旨通行曉諭出征將弁兵丁知之○再免西安所屬本年額賦四十萬兩○免西安肅州兩路兵所借帑銀○己未諭內閣上年秋月山東地方山水為患即聞河南亦有數縣被水朕以總督田文鏡身在地方自能經理妥帖冬閒見總督邁柱奏摺知豫省被水之民有覓食餬口於湖廣者該省已陸續資送回籍朕又切諭田文鏡督率有司加意撫恤且念豫省連歲豐稔今不過數處歉收自可支持

度日不至困窮失所是以未遣專官前往查賑今聞祥符封邱等州縣乏食窮民沿途求乞而村鎮中更有賣鬻男女為山陝客商買去者田文鏡欲將說合之中保媒人拘拏懲治至於鄉村有糧之家多被附近窮民呼羣覬覦於昏夜之中偏勒借貸有司不能究問朕聞之深為駭異朕以愛養百姓為心惟恐一夫失所即如上年直隸山東江南被水之州縣朕皆疊沛恩施豈獨於豫省之民靳茲膏澤田文鏡近來年老多病精神不及故為屬員所欺誑耳夫賣鬻男女之事在平時亦有之此乃出於本人之情願非官長所可禁止者至於荒歉之歲自以撫綏安插使民不至離散為第一義若不能撫綏安插而但禁其賣鬻子女以避離散之名是絕其生路也豈為民父母者所忍言乎刑部侍郎王國棟向曾在豫省居官著給與欽差大臣關防馳驛前往將被水之州縣一一查明飛飭該地方官動用本地倉穀錢糧覈實賑濟務使窮民咸登衽席不得稍有遺漏俟麥熟之後奏聞停止儻地方官奉行不善怠忽從事著王國棟嚴參重治其應行緩徵之州縣著傳朕諭旨即行緩徵以免追呼之擾○命陳世倌回河南按察使任調高斌為河南布政使以白鍾山為江蘇布政使由淮徐道遷○予故兵部左侍郎永壽祭葬○壬戌諭大學士等朕思川陝二省地方數千里甚為遼闊今西邊有辦理軍需之事總督一員難於控制向來川省曾設總督今仍著添設四川總督一員即以提督黃廷桂補授○是月免直隸天津大城等三十四州縣雍正八年水災額賦又免兩淮通泰淮三分司所屬茈澗等五場雍正七年水災折價銀兩有差

三月甲子朔諭喀爾喀王貝勒等爾喀爾喀原係大部落因爾等



先是但知好佛誦經廢弛戎務曾被噶爾丹戰敗爾等受 聖祖  
 仁皇帝恩養教訓四五十年練習武藝非比從前之怯懦去歲準  
 噶爾賊人乘西路軍營不備盜竊馬匹總兵官樊廷等率兵二千  
 救援卡倫與二萬賊兵交戰殺賊甚多旋即遁歸備賊人入爾等  
 遊牧之地爾等當乘時努力報恩雪恥朕遣兵進剿準噶爾原非  
 利其土地人民特為爾等不能安甯之故耳其深悉朕意各加奮  
 勉毋忽○丙寅諭大學士等甯遠大將軍岳鍾琪先後接到所降  
 諭旨辦理諸務雖較之從前所奏略有頭緒而中間尚有錯謬之  
 處如將肅州駐紮之固原甯夏兵丁二千五百名撥到軍營者原  
 以補缺少原額也又奏稱將此二千五百兵與撥出口之西安兵  
 一千名涼州兵五百名駐紮圖呼魯克毛垓圖等處若北路一有  
 調遣即將此兵丁從庫庫拖米之路赴阿濟卡倫應援如四千名

東華錄

雍正十八

上

兵尚不敷用再於軍營內挑選精兵四千名於哈喇烏蘇直赴畢  
 濟卡倫應援等語北路滿漢兵丁及察哈爾等處兵丁三萬餘名  
 加以喀爾喀數萬之眾豈有尙資藉於西路應援之理設賊人果  
 傾其全眾犯我北路則西路之師自應直向木魯河賊人畱駐之  
 所及伊爾布爾和邵放卡之處搶擄其牲畜勦滅其人眾又何暇  
 分其兵眾以作應援之師乎且阿濟畢濟去北路大軍之營尙遠  
 賊人能越我軍營而至尙勞西路應援之兵乎此等設施實未妥  
 協至請將滿洲歸化城兵丁交與常賚帶領至西安駐紮與朕意  
 相符及將圖呼魯克糧石運交軍營收貯所議亦為允協應照所  
 請行○乙亥諭大學士等甯遠大將軍岳鍾琪署總督查耶阿因  
 聞賊營脫回兵丁藍生芝傳說噶爾丹策零帶領部落家口移駐  
 哈喇沙爾並有四月初一日小策零多敦卜會兵去犯北路之言

薛畫四條具奏隨傳問多爾濟波羅特據稱哈喇沙爾係回子所  
 住耕種之處相近有小城多科魯勒克其地氣候炎熱又甚隘小  
 僅可容千餘家四面係開種田畝不能牧放多爾濟在哈喇沙爾  
 居住最久波羅特亦親聽彼地人傳說二人言的確與否雖未必  
 盡然大約其地之不甚寬大可知噶爾丹策零若欲移駐於此必  
 率其全部而來少亦一二萬人哈喇沙爾果能容此大眾乎且以  
 情理論之伊犁為賊之巢穴西北與圖爾古特哈薩克接壤實皆  
 賊之讎國噶爾丹策零又安敢舍其巢穴而遠居於哈喇沙爾乎  
 如果率其大隊住於吐魯番相近之處則賊之注意在我巴爾庫  
 爾軍營而岳鍾琪乃云賊人由吐魯番一路直侵哈密截我營站  
 乘勢侵擾安西肅州沿邊一帶等語據多爾濟波羅特俱云哈喇  
 沙爾至吐魯番雖有路徑皆係沙磧其自吐魯番至哈密亦由沙  
 磧大隊難行一沿南山係一綫細路又須仍從巴爾庫爾經過然  
 後得達二人之言果確則賊眾不能從哈喇沙爾直至吐魯番而  
 吐魯番一路不能直侵哈密也明矣設賊人欲侵犯哈密巴爾庫  
 爾大營之大軍豈竟任其出入而令阻截臺站乘勢侵擾安西肅  
 州乎至云賊人以大隊全赴西路攻我軍營賊勢甚眾我軍眾寡  
 莫敵當持重戒嚴堅壁固守一面知會北路遣兵應援一面飛調  
 綠旗滿洲蒙古兵丁由無克克嶺三面攻擊等語從前事起倉卒  
 彼時軍營兵馬無幾是以諭令岳鍾琪備賊夷以大隊再犯當持  
 重堅守以待應援今則見在軍營馬步車兵約有一萬九千餘名  
 加以安西甘肅之兵六千名續派兵四千名共二萬九千名是兵  
 不為寡矣夫樊廷以馬步二千敵彼二萬轉戰七晝夜猶足以相  
 當乃以二萬九千人之眾而云眾寡莫敵何懦怯至此且從前尙

東華錄

雍正十八

上



欲直至伊犁搗其巢穴豈有賊人來至數百里內而無勦殺之策轉堅壁而不出乎獨不思我軍堅壁不出僅賊但虛張聲勢作攻我軍之狀而分其眾以侵擾圖呼魯克塔爾那沁哈密等處阻截營站斷我音問此時將任賊於軍營近地肆行無忌乎岳鍾琪又欲以圖呼魯克毛垓圖及西安之滿洲蒙古官兵由無克克嶺會合夾攻賊人若果至巴爾庫爾賊即敗逃亦從關舍圖一路直走伊爾布爾和邵而遁無克克嶺相去二三百里安所得夾擊之又云賊夷或令吉穆察之兵侵犯軍營而以哈喇沙爾之賊侵犯青海查哈喇沙爾之至青海必由噶斯噶斯之口甚隘斷不能行且賊人既遣人侵犯大營彼豈不虞我軍之勦殺自必畱哈喇沙爾之眾以爲援應又何敢分其眾侵犯青海乎至慮賊之率其醜類悉赴沙洲等處尤爲背謬賊若由噶斯伊孫察罕齊老圖而進則

東華錄

雍正十八

五

此數路斷難容走萬餘人若由大道而來又不知何法可以越我巴爾庫爾軍營而過也岳鍾琪於口外地方形勢茫然不知於軍務機宜亦覺昏憤凡巴爾庫爾軍營築城之要策及大軍勦賊之勝算並未籌及而但將旁枝末節盈篇累牘備極周詳朕披覽之下實爲煩憂如藍生芝所聞賊人有搶卡倫牲畜踐踏禾苗之語不思賊人若來搶奪我卡倫牲畜我獨不能勦戮此搶奪之賊乎賊人可以踐我禾苗我不可乘其踐踏而擒之乎岳鍾琪何以但能慮賊而不知籌己也又藍生芝云有哈密回子報信領路等語哈密回子之不可信由來已久亦當諒其苦情蓋其力量微弱遭準噶爾之陵虐恨之入骨而畏之如虎其或偶然通信於賊者乃恐懼之至爲將來自全之計我軍固不可不畱意隄防然不可使彼有疑懼之心我之軍力能庇護哈密自不爲賊所用岳鍾琪

不必因藍生芝之言而深究也至西鳳二府運糧一事原因軫念甘肅連年輓運軍糈民間不無煩擾是以特命范時繹到彼協同巡撫武格侍郎馬爾泰將西安鳳翔二府米石運至甘肅涼州以資軍食武格等議行本運之法俾西鳳二府官民任轉運之勞甘肅地方少得息肩朕意深以爲然今岳鍾琪查郎阿又爲遞運之議是與雍正元年設臺盤運相同將來必有派撥協濟之累或更以交接卸責至將米石灌水攙沙從前誤累豈可復蹈爾等可傳諭岳鍾琪等知之○湖廣總督邁柱遵旨將沔陽州實在民欠糧銀三萬二千餘兩分晰造冊具題得旨朕愛養元元時下減賦蠲租之詔每思豁除舊欠則頑戶獨蒙恩蠲免新糧則善良均被澤此亦情事之易知者惟是沔陽民欠與他處不同該州近水常有湧溢之患朕所深悉其未完民欠銀兩著從寬豁免○戊寅工部

東華錄

雍正十八

五

議准江南河道總督嵇曾筠會同巡撫尹繼善奏江南黃運兩河工程關係運道民生設官分職必須因地制宜隨時通變請將宿桃中河通判改爲宿遷運河通判安清中河通判改爲桃源安清中河通判其海防同知應移駐董家營改爲分管山安南岸河務海防同知江防同知改爲揚河江防同知並添設董家營巡檢一把總一從之○免直隸霸州文安等七州縣未完民欠糧米二萬一千六百餘石○庚辰吏部議准江西巡撫謝良奏江西吉安廣信二府屬皆有永豐一縣文移印信不無混淆請另改嘉名以免滋弊從之尋定廣信府屬永豐縣曰廣豐○壬午諭大學士等紀成斌聞賊人侵擾吐魯番之言即令樊廷等領兵四千前往應援此舉甚屬錯謬朕已降旨嚴切申飭至於從前採買吐魯番糧石本應給與運價令其自送軍營乃計不出此而遣官發駝遠行搬



運致啓賊人偷盜之心及至去冬逆夷猖獗之後猶不將辦糧之  
 弁兵撤回此則疏忽錯誤之甚者也惟是朕之怙冒萬方之心若  
 坐視吐魯番之被寇侵陵而不爲之籌畫保護朕心又有所不忍  
 從前原曾降旨與吐魯番人眾若畏懼準噶爾即移向近邊之地  
 居住是以拖克拖麻穆忒帶領之人移駐近邊者皆享安甯之福  
 可再行曉諭回子等伊等儻自揣力不能敵不妨仍爲移避之計  
 朕當從厚賞給盤費並令地方官善爲安插使之得所若此番曉  
 諭之後伊等仍復觀望則賊人再來侵擾之時聽伊等自爲之計  
 我軍不便護庇矣○癸未諭內閣朕欲於在京官員內揀選老成  
 明白者數十員命往陝西內地州縣辦理宣諭化導之事著大學  
 士會同該教習於庶吉士內揀選數員各部堂官在本部學習人  
 員內揀選一二十員國子監祭酒等在選拔貢生內揀選二三十  
 員俱交送內閣帶領引見○大學士等議覆靖邊大將軍傅爾丹  
 奏北路軍營遵旨築城查科布多地方按連布婁爾與庫里野圖  
 相近係進兵大道請於此處築城從之○乙酉以三泰爲禮部尚  
 書由左都御史遷○戊子大學士等遵旨議奏臣等謹將襲封一二三等  
 公十員並伊等先世開列名單恭擬美名進呈 欽定擬撰誥命  
 給與始封襲封之員其宗室外戚公應照禮部原議宗室封爲奉  
 國公外戚封爲承恩公一併給與誥命得旨一等公圖海定爲忠  
 達公一等公賴塔爲襄績公三等公恩格德爾爲奉義公一等公  
 鰲拜爲超武公一等公圖賴爲雄勇公二等公圖爾格爲果毅公  
 三等公費英東爲信勇公三等公多尼庫魯克爲建烈公三等公  
 和碩圖爲勇勤公一等公揚古利爲英誠公○命揀選八旗家人  
 二千以伊禮布爲副將軍統之赴西路軍營備用○壬辰以鄂爾

奇爲左都御史仍兼理工部侍郎事○是月免直隸霸蔚二州故  
 城清河交河西甯四縣江南建平縣黑龍江墨爾根城等處官莊  
 雍正八年被災額賦有差  
 夏四月癸巳朔河東總督田文鏡因病乞休得旨田文鏡著暫行  
 來京調理伊常服按察使陳世倬方劑亦著隨其來京河東總督  
 之銜原爲田文鏡而設今仍以巡撫銜著浙江布政使張元懷署  
 理該部將前河南巡撫關防查出送往交與張元懷其河東總督  
 關防仍留豫省俟田文鏡病痊回任之日照舊管理○以孫國璽  
 署浙江布政使由大理寺少卿遷唐繼祖署河南按察使由鴻臚寺卿署○甲午  
 召魏廷珍來京以王士俊爲湖北巡撫調楊永斌爲廣東布政使  
 以張琛爲湖南布政使胡瀛爲湖南按察使由直隸清河道遷○乙未諭  
 內閣朕因直隸州縣之被水不過近河村莊其他高阜之處收成  
 東華錄 雍正十八年 六  
 豐稔彼此可以相資不至艱於謀食是以未頒加賑之旨今聞畿  
 南州縣之中有被水輕重之不同其被水輕者民間可以支持而  
 被水稍重者卽有日食不敷之慮卽大名府屬之長垣東明開州  
 等處皆地勢窪下之區失業之民甚覺艱窘恐其他州縣亦有與  
 之相類者今去麥熟之時尚有月餘應籌接濟之道以資其耕作  
 若從京師遣官分查必致稽遲時日副都統趙宏濟係上年散賑  
 之員著馳驛前往保定會同該督唐執玉布政使王善等查閱上  
 年散賑檔案將其中被水稍重應行加賑之州縣一一確查明白  
 遴選賢員星速分途前往會同該地方官或動倉穀或動帑銀覈  
 實散賑至麥熟之時停止備奉行不力或有遺漏浮冒等弊經朕  
 訪聞定將大小官員從重議處○戊戌裁廣東澄海縣東壟河泊  
 所大使改設樟林鎮巡檢一○己亥吏部兵部議准廣東總督郝



玉麟奏改設縣治事宜一裁海豐縣之甲子捷勝二所改置一縣於東海濱立縣治設知縣一典史一移海豐縣訓導為新縣訓導改原駐東海濱千總為新縣城守營千總一海豐縣屬地方有附近東海濱之坊廓石帆吉康等三都並大安陳牙雲落礮峯橫隴石陂黃塘賴僧朋塘上護赤花廊公半逕新田螺溪上下沙等十六屯請撥歸新縣管理一舊設東海濱巡檢改為甲子巡檢移駐甲子城與河田巡檢俱隸新縣管轄其汕尾巡檢改為新縣黃沙坑巡檢一海豐長樂輿甯龍川永安五縣與新縣捕務應歸駐紮碣石之軍民同知管理一請裁平海大城海安大鵬雙魚五所改設平海所巡檢一該所原管軍屯錢糧歸併歸善縣管理大城海安二所軍屯糧米歸併饒平徐聞二縣管理並請添設新安陽江二縣縣丞各一駐紮大鵬雙魚二所城一請裁陽江縣太平驛東華錄 雍正十八年 七

陽春縣樂安驛驛丞二缺其驛務歸各該縣管理於太平地方添設巡檢一以司捕務從之尋定東海濱新設縣曰陸豐○復設廣西鬱林州州判一添設鬱林州撫康巡檢柳州府懷遠縣梅寨巡檢各一○庚子諭內閣朕御極以來繼述 皇考聖祖仁皇帝又安區宇之 聖心旰食宵衣朝乾夕惕欲使溥海內外休養生息物阜民安永戢兵戈咸登衽席以成蕩平熙皞之治是以宣猷敷治之閒宏綱庶務凡有益於民生者莫不興舉不便於民生者莫不屏除若有幾微措置失宜即五內展轉寤寐難安豈肯好大喜功興兵構難使百姓有供應之勞不遑甯處哉惟是鋤暴乃所以安民撫內必兼乎攘外此古今不易之至理帝王治世之常經凡爾百姓靡通大義者即莫不知之不必待高遠之識也惟彼準噶爾一部落原係元朝之臣僕其始祖曰額森額森之子托渾漸至

大員因擾亂元之宗族離間蒙古惟恐獲罪遂背負元朝之恩逃遁藏匿於西北邊遠之地煽惑匪類要結黨與自稱準噶爾當我朝定鼎之初各處蒙古傾心歸順求為屬國獨準噶爾一部落違越於德化之外至噶爾丹策妄阿喇布坦二人則尤狡獪兇頑之甚者噶爾丹身為喇嘛不守清規不遵佛教破戒還俗娶青海鄂齊兒圖車臣汗之女為妻又潛往青海地方賊害伊之妻父而擄其人眾又復巧構毀隙乘喀爾喀之不備發兵猝擊以致喀爾喀人眾潰散紛紛投我天朝蒙 聖祖仁皇帝施恩撫恤遣使前往噶爾丹處諭令戢兵和好多方開導乃噶爾丹冥頑不靈轉借追襲喀爾喀之名犯我邊汛彼時即行勦滅復有何難我 聖祖仁皇帝至仁如天好生為德特遣官員前往責問是時噶爾丹惶愧恐懼設誓撤兵仍復潛住近邊暗圖窺伺且乘閒搶掠蒙古牲畜俾其不獲安居我 聖祖仁皇帝始親統六師躬行天討噶爾丹逆天背理自速滅亡此噶爾丹之始末也策妄阿喇布坦者乃噶爾丹之姪也彼時既平噶爾丹即可鋤絕根株不留餘孽祇因我 聖祖仁皇帝寬大仁慈赦罪宥過且念策妄阿喇布坦素與伊叔不相和睦情有可原於是加以天高地厚之恩將噶爾丹餘孽部落賞伊收管此時伊力弱勢微甚為恭順其後則離間伊妻之父子誘其妻弟攜帶萬餘戶至伊住牧之地因而強占入己由是勢力漸增竟敢肆意妄行窺伺青海侵犯哈密又潛兵入藏殺害伊妻弟拉藏汗毀壞寺廟荼毒人民我 聖祖仁皇帝特遣大臣前往詢問乃伊昏不畏死阻兵抗命因使臣率師甚少兵力單弱伊得肆其猖狂此實天下臣民所共憤者我 聖祖仁皇帝仍賜包容諭令兩路官兵姑緩前進以俟其悔過輸誠若枯終不悛則



命將徂征犁庭掃漠此我 皇考之本意也朕卽位以來伊雖遣使求和而詐僞作奸仍復如故且將我青海叛臣羅卜藏丹津收畱藏匿朕屢次降旨諭以定界息兵而伊狡飾枝梧巧幻百出及策妄阿喇布坦身故伊子噶爾丹策零繼立其妄亂之性狂悖之行更過於其父其遣使陳奏之詞甚屬支離妄誕卽如前年西藏阿爾布巴等之戕害康濟爾亦因與準噶爾地方相近而逃匿之羅卜藏丹津又係伊等姻戚彼此相依是以敢於悖逆朝命而仗準噶爾以爲狡免之三窟也似此世濟其惡之人以逞兇挾詐爲心以劫物傷人爲事不可以德感不可以理諭無賴無恥懷逆藏姦時時欲戕害臣服我朝之蒙古部落以壞我屏垣若當此可以經理之會而瞻顧因循避與師動眾之名爲耽逸偷安之計將狡寇一日不滅則蒙古一日不安邊境一日不甯內地之民一日不

東華錄

雍正十八

九

得休息而首先疲於奔命者卽三秦之黎庶也卽以上年之事論之賊夷先遣使臣僞稱請和及朕降旨停兵以待信息而彼於深冬冰雪之時傾其醜類乘我不備侵犯汛界盜竊駝馬然則此等狡寇固可置之度外聽其貽害於將來乎從來窮兵黷武爲聖明王之所深戒而以大加小以強陵弱又仁人君子之所不忍爲者况準噶爾彈丸之地遠在極北之區得其地不足以耕耜得其民不足以驅使卽使滅此朝食亦不足以誇廟略而耀武功此皆皇考與朕熟思審處先後籌畫數十年而出於萬不得已者也惟是地方有軍旅之事厲兵秣馬諸務紛繁雖不取辦於民財恐不免借資於民力向蒙 皇考軫念秦民勞勩所以加恩優恤之者無待朕之縷述矣朕御極之元年卽將陝甘二省康熙六十年以前民屯衛所未完銀米豆草等項悉行蠲免又將舊例應完之

三釐三合免其徵收數年以來西安所屬額徵錢糧或免四十萬或免八十萬甘肅所屬錢糧則連歲全行豁免他如展納課之定期寬帶徵之舊欠開墾地畝修築河渠悉動帑金永爲民利此皆朕之加惠於秦民者可約略舉之也卽以西陲用兵之事言之北路軍需交與怡賢親王等辦理西路軍需交與大將軍岳鍾琪辦理皆定議於雍正四年者王大臣等密奉指示一絲一粟皆用公帑製備纖毫不取給於民間是以經理數年而內外臣民並不知國家將有用兵之舉及至雍正七年大軍將發飛芻輓粟始有動用民力之時朕皆敕令地方有司照數給與腳價嚴禁剋扣短發侵蝕等弊儻有不肖官員借稱軍需科派擾民者著該管大臣卽行題參革職先動帑金傳集百姓如數給還朕所以爲百姓防患除弊者亦極嚴切矣上年該督撫先後奏稱民人中有願捐草束

東華錄

雍正十八

十

以供牧養者紳衿士庶中有願捐車輛以資輓運者朕皆獎以溫諭仍令照數給與價值去冬賊夷猖獗之後將來軍餉較前未免繁多又特加派運價一切軍務悉令有司寬裕辦理朕豈肯因戎事緊急稍涉權宜使閭閻騷擾於萬一哉意謂三秦眾庶必能諒朕不得已而用兵之苦心悉朕不忍累民之至意矣乃近年風聞陝西之民竟有怨朕而私相謗議者總因十數年來陝西居住之允禩塞思黑年羹堯延信等皆懷挾異志包藏禍心其脅從之黨實繁有徒如塞思黑之令狐士儀年羹堯之鄒魯淨一道人延信之道姑王氏等皆公然以反叛爲眾人之倡則其他匪類之造作妖言暗中煽動者又不知其幾矣地方既有奸回之人而又值軍興旁午或有司自顧考成閒有奉行不善之處是以愚民無知惑於邪說溺於私情偶因用力於目前遂忘受恩於平日此亦事勢



之所不免者夫秦風樸直自古爲然樸則易被人欺直則善言易入止以向來未有宣諭化導之人而該省督撫以及有司既有刑名錢穀之專責又有徵兵籌餉之軍需簿書執掌難於兼顧是以準噶爾之始末邊防關繫之情形 皇考與朕奉天討罪除暴安民萬不得已之苦衷並未家諭戶曉但聽僉邪小人搖唇鼓舌誦謗朝政變亂是非無怪乎草野之中被其迷惑者不少也今朕特頒此旨遣左都御史史貽直侍郎杭奕祿署內務府總管鄭禪寶率領翰林院庶吉士及六部學習人員國子監肄業之選拔貢生等前往陝甘二省開導訓諭覺悟愚蒙儻合省民人等果能篤尊君親上之義消亢戾怨懟之情將見和氣致祥必邀上天默佑迅奏膚功邊塞永甯烽煙屏息不但爾等安居樂業俯仰優游卽爾等世世子孫共享昇平之樂矣至於軍需各項悉動帑金差員辦

東華錄 雍正十八年

三

理不得扣剋短少貽累小民所降諭旨至再至三著欽差大臣悉心訪察儻有不遵諭旨卽行題參或所定官價有不敷用之處卽卽據實奏聞若兵馬經過之地有不遵紀律騷擾民間者小過卽告知該管大臣懲治大過卽行參奏不得姑容務使兵民和洽內外輯甯以迓天庥以副朕念○甲辰移廣西慶遠府同知駐宜山縣之德勝鎮添設宜山縣龍門司巡檢一○乙巳何國宗緣事革職以趙殿最爲工部右侍郎由內閣學士遷○禮部議覆御史湯俠奏凡遇大祀中祀嗣後請令六科散給事中各道監察御史照郎中例一體敬謹陪祀永爲定例從之○甲寅改陝西西安府永豐倉大使爲西安糧道永慶倉大使○乙卯予故禮部尙書常壽祭葬○丙辰廣東巡撫鄂彌達奏瓊山儋州歸化等州縣生黎四百八十丁內附○戊午諭內閣聞天津一帶民間漁船專以販魚爲業每

年穀雨以後芒種以前是其捕取之時亦猶三農之望秋成也若此時稍有耽誤則有妨一年之生計矣目今天津運往山東積貯米糧皆雇覓漁船裝載然亦當聽小民之情願勿以濟山東百姓之儲而妨直隸民生之計著直隸總督天津總兵官速飭辦理糧務人員就近酌量此時不可強雇漁舟致令失業此係積貯備用之米石俟過芒種以後運送亦未爲遲其速將朕諭徧行傳知

五月甲子諭大學士等鎮安將軍常賚著領兵前往安西駐紮石雲倬著授爲西路副將軍前往軍營○辛未諭內閣用兵以籌餉爲先而挽運以得人爲要果得其人則民力不致煩勞國帑不敢糜費而兵食饒裕士飽馬騰其裨益於公事良非淺鮮也年來西北兩路用兵籌餉事宜朕心實費區畫北路軍糧范毓積承領運送諸事諳練措置得宜朕深嘉獎已加優敘西路軍糧向來俱係

東華錄 雍正十八年

三

官運今行之日久難保無侵帑累民之處因思通政使趙之垣副將馬龍乃三秦世族且官至大員於本地土俗民情素所熟習若照范毓積之例領取帑銀轉輸挽運似屬可行之事朕將此詢問趙之垣據稱情願效力查內地軍糧應送巴爾庫爾軍營者年來經理已有頭緒但自軍營進勦之糧尙無轉運之善策著趙之垣前赴軍營與馬龍公同商酌如何運送之法聽其自行定議酌量舉行每石運價若干朕悉照數給與不令絲毫賠墊但不可有浮冒侵蝕之弊總與地方有司毫無干涉其開運速機宜及道途防護等情則與大將軍該督撫等計議而行俟趙之垣到彼與馬龍商酌定議果能承領辦理具奏到日給與欽差關防○癸酉雲貴廣西總督鄂爾泰奏烏蒙逆賊悖亂將士忠勇忘身不三旬而復郡治不七旬而收全土今渠魁就擒並無漏網雲貴土兵已經全



撤得旨烏蒙改設府治之初諸事尚未就緒又值劉起元不善撫馭激成事端逆黨勾連幾有猝難收拾之勢而將弁軍士奮勇爭先旬月之間消平寇亂此皆總督鄂爾泰平時節制封疆以公忠表率官僚以義勇訓練將士而臨機應敵又復調度有方用能迅奏尙功永安苗境論功行賞當以鄂爾泰爲先但念該督自聞賊變以來時時以先事疏防引過自責今軍事告竣不肯自居蕩寇之功屢次陳奏情詞懇切朕從其所請以成其謙抑之素志若以功過而論則一時疏略之微瑕豈能掩其多年教養之善績耶特將朕意宣諭中外共知之所有陣亡帶傷及奮勇官員著該督查明送部從優議敘賞卹○乙亥諭大學士等從前三月間賊眾有二千餘人來吐魯番見我兵前往應援賊兵卽先行潛遁今據大將軍岳鍾琪奏報四月間又有賊千餘來擾吐魯番並有二百餘東華錄 雍正十八年 五月

內閣朕視天下兵丁皆爲一體莫不冀其生計有賴俯仰從容然養育於平時者自有經常畫一之道而加恩於格外者則不得不由近及遠次第舉行如恩賞兵丁生息銀兩一事首先於在京之八旗次則推廣於各省駐防及督撫提督標下又次推廣於各省鎮標皆令將軍副都統督撫提鎮大臣會同經理以爲長久之計數年來固有料理得宜可濟兵丁之緩急者而措置未協啓人議論者亦往往有之則此事經畫之難可知矣至於各省協標兵丁雖同列行伍而駐紮分防之處與督撫提鎮相隔遙遠若偶遇緩急必須文移來往多延時日始得領此數金豈能濟其一時之用若照例給發則見今督撫提鎮大臣辦理此事尙覺繁難未能妥貼副將以下等官豈可交辦此事恐徒貽累於弁員而無裨於兵丁實用也近聞各省協標兵丁有謂督撫提鎮等不爲代請而生東華錄 雍正十八年 五月

人犯我陶賴卡倫等語朕看此情形或者將來賊人由哈喇沙爾潛往噶斯地方又如上年故智暗行騷擾或增添人眾窺伺青海亦未可定格默爾等所統兵力未免稍單朕前次曾有不應調撥西甯兵丁之旨若此時有應用添兵之處恐格默爾等亦不敢調取德成亦不敢派撥可傳諭德成達爾瑪允中管承澤格默爾爾滿岱福甯等從前可以不令調撥兵丁者蓋西甯軍務尙未就緒自以固守根本爲是今西甯布置已定兵力有餘若賊人窺伺噶斯白應發兵應援况目前青海蒙古兵丁尙未攢集齊全卽器械等件亦未周備難以望其捍禦賊鋒亦賴官兵爲之保護著德成等就近酌量儻有用兵之處或者管承澤爾滿岱帶領前往或德成另議一二人前往至官兵派出之後遇有本地添兵防守之處卽將土兵派出此旨著德成並諭眾佛保殷扎納知之○癸未諭

怨望之心者不知國家之恩施並無偏向戎行之沐澤自有後先將來西陲軍務告竣國用充饒朕自徐思周徧加恩之策若伊等不察事勢此時俱欲均沾妄生冀倖是因朕逾格之恩而啓非分之望則朕惟有將見行之恩賞悉令撤回然後可以畫一豈不因數人之無知而阻眾人受恩之路乎思之○丁亥廣西巡撫金鉞奏教職一官無可展施縱有才能莫由顯著請於廣西教職內擇其年力強壯應對明白才品可觀之員咨送督臣分派雲南貴州兩省俟遇有州縣及佐貳等缺酌量試用題補並請通行各省一體遵行得旨訓士理民俱關緊要封疆學政各有專司定例彼此不得干預若將教官之優者悉改膺民社之寄是以理民爲重而以訓士爲輕凡畱司鐸之任皆有司所棄而不取之人勢必使天下教官莫不希冀升遷日萌鑽營倖進之念孰肯專心訓課



為國家教養人才乎况督撫不可干預學臣之事亦如學臣不得干預督撫之事也金銜所奏豈非欲兼攬學政之權且沽教官之稱譽乎即據稱教職一官無可展施其才能莫由顯著既如此則又如何知其可辦吏事而選用乎若以語言應對之閒定人品之優劣分才具之短長恐鑑衡之失實者不少矣至於教官之賢者督撫原可隨時保舉而大計之年又可列為卓異並非不得與於薦揚之選者金銜實屬冒昧著將原本擲還○戊子雲貴廣西總督鄂爾泰奏廣西思明土府所屬之鄧橫寨強暴恣橫積惡少年通計一百九十餘戶丁壯千人而兇徒聚處專事劫殺左有雷蓬右有邨練暗結黨羽密竹層柵結為外衛深壕險坎設為內坑槍箭能出不能入兵役敢進不敢前黔苗滇獠之中從無此兇悍者從前提臣張溥以為必不可縱而所委副將向清昧於形勢輕率東華錄 雍正十八年 五月

進勤致損軍威臣令鎮臣蔡成貴自二月十四日抵軍營搶築礮臺築營駐守示以圍困之意一面督兵漸偏賊巢剋期攻入三月初四日據報我軍分中左右三路攻賊之四六九三甲占據其要隘焚毀其寨柵殺死賊兵無數生擒一百餘賊悉行正法尚餘男婦六百餘名解送省城聽候發落賊眾全平報聞

六月甲午諭大學士等甯遠大將軍岳鍾琪摺奏準噶爾賊眾二千餘人圍困魯谷慶之城晝夜攻打二十餘日吐魯番回子奮勇出擊殺死逆賊二百餘人帶傷之賊甚多請以三千勁兵兼程而進必獲全勝將來即以此三千兵丁駐紮吐魯番合之回民足備防禦等語前次聞吐魯番回民等感恩望濟之言甚為懇切恐賊眾再以大力侵陵伊等不能抵敵為其所困已降旨令大將軍岳鍾琪酌量發兵應援不必拘執前說今岳鍾琪具奏之日尚未接

到朕旨是以仍作遊移之詞凡應兵之道在於隨機應變不容刻緩若果岳鍾琪確有所見即應遣兵速往一面奏聞何必待降旨到日始遣兵前往乎又奏稱挑選精兵三千名駐紮吐魯番外餘贍壯健兵丁雷駐新城防守儘足備進擊烏魯木齊之數等語朕思我兵進擊烏魯木齊之時若有賊眾繞道侵犯新城當思應援勦殺豈可但作防守之計至於此時應援吐魯番自屬應行之事但噶爾丹策零性情躁妄此次失利之後或於冬季多添兵力攻擾吐魯番未知我三千兵丁合之回子之方便可以從容捍禦否且我軍駐紮吐魯番則將來不得不時為應援岳鍾琪從前曾有吐魯番駐兵數萬之奏若此時駐兵三千將來因此牽制有不得不加增之勢此則舍本逐末必不可行者也朕思吐魯番乃阿爾灰哈喇沙爾兩路之關鍵既有軍駐紮則將來築城於烏魯木齊東華錄 雍正十八年 五月

時呼吸相應賊人不敢繞襲我軍之後况我軍正欲進攻賊之巢穴若賊人果以大眾來犯吐魯番則我軍不勞遠行可以就近殲滅之亦是善策總在岳鍾琪悉心籌畫務期萬全若將大營兵丁三千名派往吐魯番則此三千之數當另行撥派以足額吐魯番地方難於多養馬匹况此三千兵丁乃為防守之用非為追擊之用所帶馬匹可酌量存留其餘仍遣回大營牧放至於礮火鉛彈多帶備用上年官買吐魯番糧石不必運送軍營即著雷貯吐魯番以備火兵之用吐魯番回民額敏和卓等誠心向化盡力擊賊甚屬可嘉著大將軍傳旨獎勞酌量賞給段匹銀兩茶葉等項彼地既遭賊人侵害恐收成歉薄糧食不敷著即以官買糧石酌量賞給務使回民得所將此詳悉傳諭大將軍岳鍾琪知之○乙未移廣東廣州府通判駐新城南海縣縣丞駐十三行○丙申封故



愉郡王允禩子弘慶為愉郡王○丁酉陳福壽緣事降調以對琳  
 為盛京工部侍郎由內閣學士遷○戊戌諭宗人府朕叔恭親王常甯昔  
 年受 皇考友愛深恩不知感激報效而因循怠惰悠悠終身此  
 中外所共知者恭親王身後 皇考因滿都護賦性庸愚不便將  
 伊承襲以其弟海善襲封貝勒令在內廷行走教誨施恩望其成  
 立以繼恭親王之後乃伊性情暴戾行止乖張口出逆言心無倫  
 理種種罪惡不可殫述嗣因步軍統領託合齊案內款蹟敗露革  
 去貝勒禁錮在家未幾仍蒙 皇考寬宥慈恩將伊釋放遣往軍  
 前效力贖罪乃伊仍不悛改輒敢違旨私回若論軍法憲章均無  
 可赦朕念其為恭親王後裔委曲全其性命仍行拘禁此海善之  
 大概也從前海善獲罪之後無應襲之人 皇考不得已而仍用  
 滿都護且加以厚恩畀以寵榮要職無非欲其努力向上改過自  
 東華錄 雍正十八年 天  
 新以延恭親王之一脈乃伊下愚不移轉入於阿其那塞思黑蘇  
 努保泰等之邪黨私相固結而不思 皇考高厚之鴻慈其顛倒  
 妄亂至於如此及朕即位以來又復加恩任用指示開導以動其  
 天良冀收後效而伊顧戀匪黨狡獪百端搖惑人心阻撓國政且  
 鑽營詐偽行止卑污其獲罪被參之案不可枚舉朕悉行寬宥而  
 保全之此滿都護之大概也滿都護之弟對青額庸劣不堪罔知  
 愧恥昔在侍衛班聯會因飲酒沈醉竟溺於中和殿階級之上此  
 眾人所共知者海善之子倫木布昔蒙 皇考深加恩養令在乾  
 清門侍衛班中行走訓誨矜全冀其上進乃 皇考升遐之日萬  
 國臣民如喪考妣而倫木布面無悲戚之容目無涓滴之淚朕以  
 此知其未具人心矣是以降旨將伊與伊父海善一同拘禁今已  
 病故此對青額倫木布二人之大概也朕叔恭親王之子孫大抵

如此假使稍有可望成立之人則滿都護屢獲重罪之後朕即可  
 選擇而用之矣止因不得其人是以將滿都護姑容曲宥以至於  
 今今滿都護病故無子見無可承襲者朕念吾叔後嗣凋零再四  
 思維或擇一人襲封貝勒或賜襲郡王以繼其後然而得其人則  
 可以繼續先緒不得其人則必至廢墜家聲且一時勉強襲封而  
 不克承受將來獲罪被譴難以保全非所以成就之也海善等即  
 前車之鑒著宗人府會同議政大臣八旗都統滿洲尚書侍郎兼  
 公詳慎於恭親王子孫內選擇可以襲封之人公同舉出奏聞請  
 旨若果不得其人朕意欲照 皇考時以朕弟瀋郡王過繼純親  
 王之例於朕幼弟中選擇一人封為郡王以繼恭親王之後如此  
 朕叔之王爵可以長久縣延而伊之親子孫各守祿位易於稱職  
 永遠同受國家之恩澤似為有益亦著會同悉心定議具奏○庚  
 東華錄 雍正十八年 天  
 子甯遠大將軍岳鍾琪奏賊夷圍困吐魯番臣挑選馬步三千名  
 令張元佐曹勤張存孝統領於四月二十四日進發又令顏清如  
 帶兵二千名前赴塔庫駐紮又備兵四千名令紀成斌統領前赴  
 陶賴要隘駐紮賊人傾眾前來臣即親身統領陶賴及塔庫二  
 處駐紮之兵兼程前往勦戮惟是回民若令此時遷移途中行走  
 不能便捷三千護禦兵丁首尾亦不能相顧擬將應援三千馬兵  
 內暫留一千名駐紮吐魯番以為抵禦防範其餘二千名馬兵令  
 其回營如蒙准臣前奏安設三千兵駐紮吐魯番臣即將駐紮塔  
 庫之步兵二千名令其前往補數俟我軍進擊烏魯木齊之時再  
 令回民遷移內地即將此一千兵丁護送可無劫奪之患得旨應  
 援吐魯番之舉朕早已降旨此奏尚有計算未到之處今年秋閒  
 襲擊是第一善策至於應援吐魯番乃相機不得已之舉耳若但



加意籌畫於應援之師而不計及於襲擊之舉是舍本而逐末也且發應援兵丁三千名之外又令顏清如領兵二千名駐紮塔庫紀成斌領兵四千名駐紮陶賴是已派兵九千與前請旨駐兵三千於吐魯番之奏大不符合矣今年原議挑選精兵一萬二千名進擊烏魯木齊不知此所派應援吐魯番之九千兵在此一萬二千名兵丁之外乎亦即在其內乎此兵平定吐魯番回營人馬尚可進擊乎况前奏設三大卡倫於要隘之處安兵三千名此非大營之精兵乎今稱存營兵丁尚有萬餘足以防禦假若賊人既擾吐魯番使我兵前往應援大眾侵犯軍營或再如上年之故智擾過大營驚擾塔爾沁及圖呼魯克等處不識尚可勒殺耶或但能防禦新築城池也奏摺中總未言及甚屬疏漏至於吐魯番一部落乃向來甚費商議置之度外者即上年遣發弁兵駝隻往彼

東華錄

雍正十八

元

搬運米糧亦俱未經奏聞致生賊人窺伺之心屢次侵擾此乃從前辦理錯誤以致目今有不得不應援之勢今大將軍親在軍營若確見速應救援便當遣兵迅往何必遲回審顧且前次奏稱留兵三千名便可防護吐魯番萬無一失今又將吐魯番應否留兵及回民應否遷移何時動身之處請旨定奪前後全不符合顯有推諉之意朕在數千里之外豈能洞悉地方情形臨事機宜豫先一一計算指示乎殊失朕信任倚賴之初心矣儻見此諭旨以為吐魯番不應內移勉強順合朕意輕率舉行則尤其不可○壬寅諭內閣今年仲夏以來京師雨澤愆期目前甚覺亢旱朕於宮中齋心虔禱尚未仰蒙天降甘霖展轉思維從來上天之錫福降災悉由於人心感召尚書曰作善降之百祥作不善降之百殃古人又曰福之至也人自生之禍之至也人自成之蓋上天慈愛為心

斷無降災於人之理其遭值水旱饑饉者皆由天下人之自取所當恐懼修省以懷天戒若因此而或生怨尤之心則其獲罪更大而為無忌憚之小人矣朕深明此理時刻自做切切冀望天下臣民共修趨吉避凶之道以承受上天之恩數年以來諭之詳矣今茲亢旱之象或由於朝廷政事之有闕或由於臣工職業之不修或由於士民心術之不慎有一於此皆足以干天和而致祲沴儻有無知小人不察人事感召之故不知上天垂象之意狂肆冥頑敢生怨對則乖戾之氣自外生成上天雖欲寬宥而不得矣朕兢兢戒懼夙夜靡甯再四推求欲得致旱之由急行改易凡屬臣工均當撫躬自思何處不能稱職何事應當獲譴一一省察而悛改之至為士為民者雖無治人理事之權而舉念之純疵居心之善惡天高聽卑實垂昭鑒苟無自作之孽必不遭難道之條總在吾

東華錄

雍正十八

辛

君臣士庶各自捫心省愆思過勿推於他人而存自恕之念勿諉諸氣數而忘儆惕之心則和氣致祥時雨甘霖必仰邀上天之恩賜勉之勉之著將此旨通行曉諭在京官弁兵民人等咸使知悉其近京省分若有缺雨之處著一體宣示○諭賭博之事敗壞品行蕩費家貲其為害於人心風俗者不可悉數欲杜此惡習則賭具之禁自不可以不嚴朕為拳拳訓飭至再至三凡地方大吏有司有教養斯民之責者皆當仰體朕心奉行唯謹不當視為具文也京師戶口繁多五方雜處年來稽查嚴密不肖之徒頗知斂跡至於外省之稽查較京師為易而督撫以至守令奉行不力聞省會之地有公然製造賭具列諸市肆而不知畏懼者百姓之藐法如此則大小官吏能辭溺職之罪乎步軍統領衙門屢次拏獲私賣賭具之人供稱販自外省地方則外省之疏忽廢弛顯有證據



矣賭博難禁而造賣賭具之禁尚屬易行之事前年定例凡失察造賣賭具之知縣照溺職例革職知府革職留任督撫司道等官各降一級留任著該部將朕此旨再行宣諭儻嗣後有犯者必照定例處分不稍寬貸○癸卯以京師亢旱命清理刑獄○添設貴州安順府同知一駐郎岱○丙午靖邊大將軍傅爾丹奏臣等於五月初六日至科布多築城地方隨據烏蘇圖舒魯克卡倫駐防之侍衛巴爾善等拏獲準噶爾賊夷塔蘇爾海丹巴一名供稱噶爾丹策零派兵三萬令大策零敦多卜小策零敦多卜及大策零敦多卜之子多爾濟丹巴三人統領陸續起程至阿爾泰山奇林地方會合來犯北路今小策零敦多卜已至察罕哈達地方大策零敦多卜與伊子多爾濟丹巴尚未到齊見在之兵止有二萬餘名噶爾丹策零恐哈薩克國聞知乘虛來攻豫先派兵一萬台大東華錄 雍正十八年 三

策零敦多卜之子納木扎爾達錫衛徵和碩齊總領駐防阿爾輝地方又派兵一萬令諾顏和碩齊總領駐防阿里馬圖西拉百爾地方噶爾丹策零遊牧處兵丁不過二萬名保守又供噶爾丹策零前令其妹夫羅卜藏策零帶兵一萬名往阿里馬圖西拉百爾駐紮防哈薩克國羅卜藏策零因與噶爾丹策零不和率領其屬下三千餘戶來到大國噶爾斯地方噶爾丹策零聞知派吳喇忒巴噶滿朱追逐交戰被敗復遣喀喇沁杜噶爾之子查衮追逐因此大策零敦多卜遲延未來等語臣思賊人尚未全至乘其不備正宜速迎掩殺臣等揀選京城各省兵一萬名輕裝由科布多河西路於六月初九日起程分爲三隊前鋒統領丁壽散秩大臣公達福副都統塔爾岱率領第一隊參贊馬爾薩副都統承保西彌賴率領第二隊臣等統領大兵前進沿途襲擊其科布多築城地方

雷兵七千三百名仍舊築城防守糧餉令都統袞泰總兵胡傑等管轄科布多河東係通奇林要路派定滿洲兵二千名俟都統侯陳泰副都統阿三到時駐紮管轄與袞泰等互爲應援所有統兵起程日期理合具奏報聞○丁未傅爾丹奏臣等於初九日分隊起程之後遣前鋒統領丁壽參贊馬爾薩副都統塔爾岱等統兵率嚮導官前行瞭望賊勢在扎克賽河地方擒獲準噶爾賊夷巴爾喀等十二名據供小策零敦多卜牧場在察罕哈達地方離臣等軍營止三日程途僅有兵一千名尚未立營防守大策零敦多卜因途中有病留駐和博克山其子多爾濟丹巴已於小策零敦多卜山梁前駐紮羅卜藏策零與噶爾丹策零不和率領其屬大約不往圖爾古特即往青海等語臣等乘夜進兵襲擊察罕哈達賊人奏入報聞○副都統格默爾奏騰格里卡倫扎薩克諾爾布東華錄 雍正十八年 三

於五月二十八日背叛擾亂臺站劫掠馬匹旋即逃至滾額爾吉庫庫烏蘇遊牧之處臣即令扎薩克恭格台吉阿拉布濟等領兵追逐又領巴顏等追至喀喇果爾地方見恭格等已將諾爾布圍困復又脫逃巴顏等追緝至蒙古爾托羅海地方擒獲諾爾布並其佐領里塔爾與恭格等押解回營其效力之扎薩克台吉弁兵等查明具奏報聞○戊申副都統達爾賽奏青海原扎薩克墨爾根戴青拉查上等悖逆逃遁渡梭羅木河而去臣等率兵追至河濱先將其子察罕拉布坦生擒隨整兵往擊拉查上等營寨拉查上等威迎降跪叩投誠臣等率領由梭羅木河大路回至青海遊牧處其效力之台吉弁兵等查明具奏得旨從前親王戴青和碩齊察罕丹津一聞伊姪拉查上等逃走即將拉查上部下人等收回察罕丹津歷年效力行走今已老病仍感恩效力甚屬可嘉著賜大段



二十四再發銀一千兩令其酌量賞伊部下效力人等拉查卜雖係伊兄之子朕知其素不相睦至拉查卜之子察罕拉布坦能知伊父之罪不肯同逃殊屬可憫拉查卜甚屬庸愚雖無故逃遁見我兵追趕即便迎降罪尚可恕著將伊送至京師候將伊逃遁之故問明將伊交察罕丹津之處另降諭旨其拉查卜公爵朕尚欲令其子察罕拉布坦襲替並曉諭知之○改廣東陽山縣星子朱岡巡檢二員歸連州轄○己酉諭刑部凡竊賊滿貫者定例擬絞監候此等賊犯論其情罪無可矜原而每年秋審之時按律又不至於處決是以往往監禁多年不行結案即該犯有悔過改惡之心亦無自新之路著刑部將各省此等賊犯已經三年者一一查出酌其情罪或應釋放或應減等發落並日後再有過犯如何從重治罪之處一併定議具奏○庚戌諭刑部在京監禁人犯其情罪尚輕按律不至於擬決者已令該部該旗查明暫行釋放俟處暑後再行酌量寬減歸結其外省輕罪人犯亦應酌量加恩著將已經到部之案其中有問擬徒杖而准其折責者該部查出悉行寬免結案○辛亥甯遠大將軍岳鍾琪奏賊夷圍困魯谷慶四十九日賴漢回官兵協力固守殺賊人二百餘名帶傷者甚多賊人見攻魯谷慶城不下遂圍困附近之哈喇火州城堡用木梯三百餘副為攻城之具回民等用槍擊死賊人三百餘名賊眾一聞大兵應援之信倉皇逃遁道下馬匹槍刀等件並拋棄所造飯食而去及總兵官張元佐等領兵兼程前進賊眾已遠遁無蹤張元佐等到魯谷慶城下回自額敏和卓及回民老幼男婦出城迎接歡聲震地張元佐等因天氣炎熱馬匹疲乏雖官兵奮勇滅賊不敢窮追今臣將派往之馬兵撥存一千名駐紮魯谷慶其餘兵丁

東華錄

雍正十八

三

俱行撤回若賊夷又率二三千人來侵則官兵與回兵可以抵禦儻傾眾而來臣當親統大軍就近剿殺以免我師遠行若必令回民遷入內地則俟我軍進擊烏魯木齊之後即令官兵一千名護送行走更屬無慮得旨賊夷侵犯吐魯番之舉實由我軍屯運糧石啓釁以致有不得不應援之勢今官兵遊行往返恐將來似此無益之舉正多不知大將軍亦曾計及此否此番回民感戴救濟之恩歡聲大震將來賊夷切齒於吐魯番必思報復以大力侵陵之儻至狼狽流離時不知仍似此感戴乎目今賊夷以三萬眾侵犯北路見據靖遠大將軍傅爾丹等奏報前岳鍾琪曾有親統大兵前往吐魯番勦殺而雷紀成斌看守之奏假若賊人此番不向北路而向西路將賊眾分為兩大隊以一隊先侵吐魯番及岳鍾琪領兵應援前往賊人又以大隊侵犯軍營再散其醜類於塔爾那沁及圖呼魯克等處不知我軍之力尚可從容肆應否今賊夷圍困魯谷慶哈喇火州二城官兵冒暑遠行疲勞士馬未遇一人未戮一賊而岳鍾琪摺奏中有奮勇滅賊之語將以此番之舉遂謂建功樹績於戎行乎賊夷聞風而遁可謂懼我軍威乎即雷兵駐防與遷移回眾朕意尚無定見大將軍在軍營與遙揣者不同若果確有所見自當因時制宜以身任之總之向後若有應援吐魯番之舉止可委將發兵便賊首親來攻取吐魯番大將軍亦不可統兵親往吐魯番一切事宜岳鍾琪當與伊禮布常賚石雲倬等詳密籌畫作速定議○壬子實授宗室塞爾赫內閣學士○甲寅上以雨澤愆期齋心祈禱並命各部院大臣官員設壇齋戒是日甘霖大沛○乙卯命王國棟往河南趙殿最往山東辦賑緝賊○己未轉王圖炳為禮部左侍郎以吳襄為禮部右侍郎

東華錄

雍正十八

三



士○是月免江南宣城等四縣雍正八年水災額賦有差

東華錄

雍正十八

三

東華錄

雍正十九

王先謙敬編  
周澗蕃恭校

秋七月丁卯諭大學士等傅爾丹從前奏稱準噶爾被擒之賊人丹巴曾供噶爾丹策零之妹夫羅卜藏策零帶領所屬三千餘戶來投噶斯一路會降諭旨與達爾等問明緣由令在有水草之處暫行安置今情形甚屬可疑不可墮其術中著密諭達爾眾保德成等令其加謹防範不可妄動○命鄂爾泰來京陛見以高其倬署雲貴廣西總督尹繼善署兩江總督王國棟署江蘇巡撫刑部右侍郎○戊辰諭大學士等陝西西安巡撫武格著來京有交辦事件侍郎馬爾泰署理西安巡撫事務杭奕祿協辦西安軍需其宣諭化導之事交與史貽直鄭禪寶分辦○己巳改江西浮梁永新龍泉萬安等營守備缺俱為都司僉書○四川總督黃廷桂奏西鎮口外瞻對等處賊番糾黨搶掠調兵次第勦撫得旨進勦瞻對漢土官兵奮勇力戰直搗巢穴番眾率先輸誠已將賊首擒獻此次出征效力有功之弁兵等著酌量議敘賞賚所有傷亡漢土官兵著照例賞卹○辛未大學士九卿等奏怡賢親王功德光昭中外謳思勿替宜崇報享以慰輿情前直隸總督唐執玉請於天津立祠已蒙俞允今復據各省督撫將軍等據所屬官弁紳士兵民公呈節次題請應准其各建祠宇以申思慕之忱得旨從前降旨內外各省官民有實被吾弟怡賢親王之德澤誠心感激者准建立祠宇以展其追慕之忱今遠近各省紳士軍民合詞懇請雖賢王美善孚於懿好之公異口同聲不謀而合朕思天下至大其傳聞王之令名而未親被王之恩惠者若一體建祠展祀則與朕



之諭旨不符即王平日謙抑為懷亦必不歆享也除畿輔之地王  
之功德理宜俎豆千秋已降旨俞允建祠外奉天為 祖宗發祥  
之所仰蒙福佑篤生賢王為國家宣猷佐政則俯順官民籲請建  
立祠宇於情理為宜至於兩淮鹽務積弊多年自王總理戶部以  
來弊端永杜苛累全除眾商咸沐恩膏萬竈皆成樂土再者江南  
戶口殷繁水利最關緊要王念切民生留心諮訪將一切興修事  
宜奏聞於朕朕本欲俟直隸工程就緒之後令王前往江南為萬  
民興久遠之計王亦身任不辭後以國政需王贊襄不能即往旋  
據陳時夏之奏王奏請速行朕因命督撫大臣等相度經營因勢  
利導今東南數千里河流疏通有灌溉之利而無泛溢之虞者實  
王勗始之力也王之功德其顯著於江南者如此准於揚州地方  
建立祠宇一所以慰輿情浙江總督李衛前為戶部司官時朕並  
東華錄 雍正十九 二

四分撥督標兵八百名撫標兵二百名移駐尋甸其原防尋甸兵  
三百名移駐羅平從之○壬申吏部議准山東巡撫岳濬奏東省  
沂莒二州自改為直隸州後錢糧倉穀沂州屬兗甯道轄莒州屬  
登萊青道轄查登萊青道遠駐萊郡去莒州六百餘里兗甯道遠  
駐濟甯去沂州五百餘里均覺鞭長莫及且兗甯道專司河務今  
管轄兗州一府沂曹東平三州統計二十七州縣一衛一所殊難  
兼顧請另設兗沂道一員駐紮沂州將兗甯原轄之兗州府屬  
十四州縣一衛一所並直隸沂州及所屬二縣登萊青道原轄之  
直隸莒州及所屬三縣統計二十一州縣一衛一所俱歸管轄如  
此則登萊青道分出莒州一屬無控制遼遠之虞而兗甯道僅轄  
二州得以專理工程於河防亦大有裨益從之○兵部議准湖南  
巡撫趙宏恩奏鎮守所屬四營紅苗地方今分設塘汛請移前  
東華錄 雍正十九 三

不知其名姓王在朕前極力保薦謂其才品俱優可當大任朕因  
將李衛屢加擢用至浙江總督浙人深受李衛之益者皆王薦舉  
之功也准從浙人之請於杭州建立祠宇以申其感戴之誠其餘  
各省陳請建祠者俱不必行○兵部議准雲貴廣西總督鄂爾泰  
烏蒙一鎮中左右三營額兵止二千八百名而威甯鎮雄東川三  
營又止額兵各一千名應援防守均覺不敷請照廣西左右鎮之  
例置中前左右四營應添設前營遊擊一守備一千總二把總四  
外委千把六兵一千六百名合原設之兵定為每營一千一百名  
鎮雄東川二營請各添守備一把總二兵二百名分為左右軍威  
甯營請改設為威甯協裁參將缺改設副將一添設都司一千總  
二把總四兵五百名分為左右兩營再曲尋所屬之尋甸州為東  
川烏蒙扼要之區請另置一營添設參將一守備一千總二把總

營遊擊一添把總一帶兵二百名駐紮池河移右營守備一帶兵  
一百名駐紮巖口添千總一帶兵一百名駐紮地良坡添把總一  
帶兵四十名駐紮鴨保寨再添把總一帶兵三十名駐紮火畧坪  
其餘小汛二十三處酌量安兵七百五十五名又黔省五汛乃鎮  
算至六里必由之路應歸楚省設汛至栗林等寨應歸各營管轄  
並添兵四百名方足分防其左營汛地廣遠應再撥把總一兵五  
十名分防勞神寨從之○癸酉靖邊大將軍傅爾丹奏臣等六月  
初九日進兵十七日擒獲賊夷已陸續奏聞二十日遇賊二萬餘  
人連日交戰殺賊數千因賊匪踞山拒險難以仰攻移營和通腦  
兒地方誘賊邀擊賊人益兵尾追圍困軍營索倫察哈爾歸化城  
土默特喀喇沁兵丁俱乘機潰逃臣等整齊殘兵且戰且走賊人  
追擊晝夜力戰臣傅爾丹等渡哈爾哈納河於七月初一日已至



科布多修城地方前因索倫等處逃兵妄造謠言都統滾泰等以全軍失利奏聞今因賊人有從科爾多河兩路來犯之信臣見在辦理防守之事其每日交戰情形陣亡之大臣官員查明續奏得旨前據北路都統滾泰等奏報大將軍傅爾丹等領兵進剿為賊所困全軍失利彼時已傳諭西路大將軍岳鍾琪令其加意防守今據傅爾丹奏稱官兵為賊誘敵於七月初一日帶領兵馬回至科布多軍營等語是從前北路逃軍所報竟屬子虛不過兵馬有傷損之處大將軍等原無恙也可即傳諭岳鍾琪知之總之目前進兵之議且不必言而防守之策倍當加意著大將軍等照近日諭旨謹慎辦理○甲戌諭大學士忠達公馬爾賽著授為撫遠大將軍先於派出京城兵內挑選一千名輕騎前往圖拉等處形勝之地駐紮會同喀爾喀副將軍王丹津多爾濟等辦理喀爾喀遊

東華錄

雍正十九

四

牧及一切豫備防守事務副都統達爾濟富昌著同大將軍馬爾賽前去續著侯馬蘭泰副都統胡琳帶兵一千名前去其餘兵四千名俱著豫備停妥俟大將軍調遣再令前往八旗漢軍內派兵四千名著都統李杖祖秉衡帶領前往四子部落後面水草茂盛處駐紮以備調遣其派出右衛及歸化城之兵各一千名俱暫在本地豫備調遣其餘兵丁若有調遣之處馬爾賽會同丹津多爾濟商酌辦理○實授傅泰甯夏將軍以海望為戶部左侍郎由內務府○調張鉞為廣西按察使張體義為貴州按察使○增江西瑞昌縣肇陳口巡檢一移都昌縣縣丞駐張家嶺增蔡家嶺汛撥兵防守裁南康府楊林河泊大使○乙亥甯遠大將軍岳鍾琪奏七月初五日據北路都統滾泰等咨稱準噶爾賊夷以全力侵犯北路於博克托嶺相近和通腦兒地方傅爾丹等被其圍困臣思

傅爾丹及從征官兵奮力勦殺自必破圍取勝惟是賊人此番領眾來犯北路者以西路軍營上年遭其騷擾駝馬缺乏難以進擊因有輕視西路之心臣此時統西路精兵擊烏魯木齊伊恐我師直搗巢穴自必撤北路之兵回顧伊犁我軍既挫其鋒即便旋師休息嚴防汛界是不待交戰而賊夷先已疲勞臣不敢坐失乘虛進擊之機宜今帶領參贊提督紀成斌理藩院侍郎顧魯公衮布都統貝敦總兵官張元佐王緒級等啓行前進其軍營各項事務暫交副將軍石文焯辦理報聞○丙子諭大學士等據順承郡王錫保奏稱喀爾喀遊牧之處俱已安頓妥協兵丁亦漸次到遊牧之界喀爾喀三路副將軍各思效力臣等將禦賊守城之策會同商酌豫備等語觀此順承郡王錫保等辦理防範甚屬有方但須謹慎之中愈加謹慎賊人到科布多修城之處儻不力行戰或

東華錄

雍正十九

五

暫時圍繞待我策應之師以施誑誘之計順承郡王喀爾喀副將軍等切勿前往策應致墮賊人術中伊等應防護喀爾喀遊牧並看守察罕叟爾地方此最緊要之事果能固守即伊等之功矣若賊人久圍科布多不去可俟各路兵丁俱到察罕叟爾之時錫保等於喀爾喀兵丁及防戍蒙古兵丁內挑選二三千名給與馬匹分為數起晝夜前進或尾賊後乘機將賊人馬駝盡行趕出隨得隨殺賊人性畜日漸虧損自然逃遁矣但須防其知覺來追豫思保全之策毋得鹵莽再我兵果蒙天眷敗退賊眾亦斷不可深入追擊賊人逃遁後凡應行看守之處尤宜嚴加防範若賊眾被兵擒獲或力窮來歸除兇悍必不容赦者之外其餘稍有可原即從寬宥斷不可因我兵受害之故妄行殘虐以圖洩憤至喀爾喀等見在南遷遊牧兵丁赴察罕叟爾者甚眾所帶糧糗未必敷用且



需火藥鉛彈等物查察罕叟爾所有穀石羊隻等物甚多量我軍足用存備外著錫保酌量賞給喀爾喀兵丁使之充裕勿存妄費錢糧難以銷算之見朕斷不因所費過多即加譴責也將此傳諭順承郡王錫保知之○副都統達爾賽保奏據逃遁被獲之貝勒達錫策零供稱年幼多病因諾爾布作亂聞我旗下之墨爾根阿里克鄂木布等同擾臺站搶掠馬匹心懷恐懼於六月初八日隨母遷移八十里在遊牧內圖古里克地方居住隨訴知王益蘇克汪扎爾並遣人擒獲墨爾根等並非敢逃遠處等語查達錫策零之伯父貝勒達顏其父貝子噶爾丹代青諾爾布皆實心效力其伯父歿後因封達錫策零為貝子其父歿後皇上施恩合兩貝子之爵封達錫策零為貝勒並兼管扎薩克理應感恩報效乃無故潛逃甚屬妄行請將達錫策零革去貝勒或降為貝東華錄 雍正十九年 六

子或降為公爵伏候 聖裁得旨達錫策零年幼無知聽信謠言畏懼遷移並非有意逃遁且值王益蘇克汪扎爾追趕即迎前陳訴又將伊屬下掠馬之人拏送達錫策零從寬免其革去貝勒○以阿克敦為額外內閣學士隨撫遠大將軍印原任吏部左侍郎○庚辰諭大學士等從前令在科布多地方修城原欲駐兵進剿之意今宜以保固疆域為要務賊退之後將科布多駐防兵丁悉行撤回令於察罕叟爾扎布韓等處駐紮近於喀爾喀之遊牧便彼此易於策應著行文大將軍傅爾丹順承郡王錫保與喀爾喀副將軍等定議具奏至科布多兵丁或乘青草即行撤回或俟阿爾泰嶺下雪之後徐徐撤回令伊等公同商酌料理○諭青海王貝勒貝子公台吉等爾等俱係願實汗之子孫自祖宗以來依附內地邊疆恪順供職我 聖祖仁皇帝視爾等如子孫撫育六十餘年寵

東華錄 雍正一九

遇之隆至優極渥且念爾等尊崇黃教是以我朝於達賴喇嘛班禪額爾德尼備極恩眷若準噶爾暗遣賊兵侵犯西地殺害喇嘛毀滅供器實為黃教之罪人爾等儻違棄先人崇祀之教孤負國家歷沛之恩一家之內興起兵戎以啓賊人僥倖之端雖愚昧之人亦不出此前者羅卜藏丹津聽信流言敢行背叛我朝發兵征剿逃竄在準噶爾處困苦恥辱爾等無不聞知今爾若到彼處路途如許遙遠馬畜必致疲斃彼豈能為爾等置立產業分予遊牧地方令爾等各統所屬依然保聚乎況準噶爾四面皆成讎敵終歲爭戰不休凡用兵之處必置爾等於前虐使任意豈若各守祖父基業永享太平之為得乎爾等若不熟計利害聽伊誑誘之詞依附賊人妄思蠢動將來與師問罪必先及爾等彼時即欲悔禍國法不爾貸也朕所以頻降諭旨反復開導令爾等會集兵丁小心防守將屬下人早行移入者實冀保全爾等為進剿之用也爾等各思朕愛護安全之至意詳細曉諭屬下人等合力防範果能遵旨奉行朕自大沛恩膏爾等遊牧妻子既無吞併之憂而中外安居亦永享無窮之福矣○辛巳實授張照內閣學士○以諾爾渾為兵部額外侍郎由參領遷○甲申李玉鉉患病解任以劉藩長為福建按察使原任福建臺灣道○靖邊大將軍傅爾丹奏六月十七日擒獲厄魯特哨探賊夷二十三名供稱博克托嶺有賊兵二千駝馬萬匹遣參贊蘇圖副都統岱豪等率兵三千往剿十八日遣前鋒統領丁壽統兵一千五百名應援與賊戰庫里野圖嶺殺賊四百餘名賊驅駝馬踰嶺敗遁十九日丁壽蘇圖等與臣傅爾丹合兵一處二十日賊兵二萬餘人從高埠衝突大營力戰一日殺賊千餘道都統塔爾岱馬爾齊率兵二千名奪占西山二十一日因賊

東華錄 雍正十九年 七

四四七



營險要移營至和通腦兒誘賊邀擊遣丁壽蘇圖參贊覺羅海蘭副都統常祿西彌賴領兵據山梁之東塔爾岱馬爾齊屯守西山副都統承保居中策應參贊馬爾薩由東路公達福岱豪在前副都統舒楞額土默特公沙津達賴等在後俱保護行營臣傅爾丹統兵繼進移營時賊人列陣衝突軍營來攻丁壽塔爾岱兩軍丁壽等力戰殺賊千餘忽狂風驟雨冰雹齊至丁壽等為賊圍困臣傅爾丹遣兵將塔爾岱援出又令承保救援丁壽等因日暮未能解圍二十二日覺羅海蘭衝殺賊隊潰圍而出丁壽蘇圖馬爾齊俱自盡常祿陣亡西彌賴命索倫兵救援丁壽索倫兵俱潰散西彌賴隨亦自盡二十三日賊晝夜犯臣大營力戰殺賊五百餘名土默特公沙津達賴等及察哈爾歸化城土默特喀喇沁兵一時潰散軍營止存滿洲兵四千名二十四日隨印侍郎永國及覺羅

東華錄

雍正十九

八

海蘭岱豪俱自盡臣等以餘兵退歸步設方營保護輜重以達爾岱署前鋒統領達福舒楞額殿後承保統右翼馬爾薩統左翼臣傅爾丹與副將軍巴賽查弼納往來巡察副都統德祿捧攜救印起行賊夷領兵三萬餘四面來侵二十五二十六連日力戰殺賊千餘二十七日殿後公達福陣亡二十八日臣等渡哈爾哈納河賊夷尾追衝突左翼力戰殺賊五百餘名遂登山嶺分兵二隊臣傅爾丹率德祿承保自右下山巴賽查弼納舒楞額自左下山臣傅爾丹於七月初一日至科布多修城地方兵丁陸續至營者共二千餘名臣傅爾丹隨遣弁兵往迎未歸諸將惟塔爾岱於初七日負傷至營巴賽查弼納馬爾薩舒楞額今尚未至臣輕舉妄動以致敗績請將臣等正法用彰國憲奏入得旨此舉損兵敗績雖屬有罪朕覽爾等之竭蹶力戰寬恕其罪痛惻難忍不覺淚下將

朕親束之帶賜與軍營令傅爾丹繫之爾等忿激之下急思報復恐又妄動賊人雖來不可輕進追擊但能相機堅守即爾等之功科布多地方若難固守可回至察罕叟爾駐紮今已授馬爾賽為撫遠大將軍領兵前來時爾等公同商酌料理○乙酉諭內閣朕以直隸山東河南夏間雨澤愆期特命截漕賑濟既而三省陸續奏報得雨朕心稍慰茲聞直隸山東及河南彰德衛輝二府有窮民因秋成無望豫為渡河而南以圖就食者蓋因本地歉雨之時尚未聞截漕查賑之諭旨輒思就食他省若即令資遣還鄉恐時屆仲秋耕種之期已過轉致失所著該撫飭令沿河州縣於各渡口詳詢其所欲往地方有力不能自達者量給路費仍知照該州縣善為安插除有親朋可依及已傭工得食者聽其自便其乏食之民著用截漕米石照例計口賑給有欲回本籍者即給贖遣

東華錄

雍正十九

九

回其不願即歸者候來春給以贖糧使之回籍俱照例動用存公銀兩造冊送部如各省樂善之家有能存恤周濟者該地方官酌量輕重賞給花紅旗扁最優者詳請題達給以頂帶以示鼓勵設愚民無知因鄰省安插得宜仍復離鄉棄業該地方官務悉心安集剴切曉諭令其勿離故土又聞渡河流民有欲往湖廣者去鄉更遠回籍愈難著該地方官即於所到地方安插務須規畫盡善毋使一夫失所以副朕勤恤民隱子惠元元之至意○傅爾丹奏臣回至科布多修城處驗看工程遂將逃遁之京城正藍旗副參領官保阿達哈哈番陸格首先造謀潰散訛言惑眾之索倫領催里色奔德爾圖先正軍法至黑龍江佐領巴都馬始雖勸阻索倫後亦夥逃妄報科布多河西守卡倫之侍衛吳林泰擅離汛地至營報信前鋒參領金柱前鋒校黑達色奉丁壽之令報信大營並



不衝隊前進先還築城之處俱請革職效力贖罪土默特公沙津達賴由塔布囊晉封公爵不知圖報臨陣潰逃請飭部議罪駐紮科布多河東之參贊侯陳泰副都統阿三聞臣等軍圍困之信都統滾泰調取守城並不應援反率領所屬兵二千名並達錫領到察哈爾兵三百名急回扎布韓地方請交部嚴加議罪再歸化城之士默特副都統衣布夸蘭大里查布參領塞楞額皆背恩降賊凡被獲脫歸之人俱見其在策零敦多卜之營請先將其妻子正法至賊兵聞暫駐阿爾泰山嶺地方專候噶爾丹策零之信以決進退謹奏○丙戌諭大學士等原任盛京戶部侍郎傅爾丹著調回往軍營效力○諭傅爾丹奏稱歸化城之士默特副都統衣布夸蘭大里查布參領色楞背恩降賊請將其妻子按律正法等語朕思歸化城土默特等世受國恩凡遇用兵之地奮勇效力已歷

東華錄

雍正十九

十

多年總未有一背國降賊之人今衣布等不顧辱及祖父累及妻子貽羞於眾土默特縱按律處治罪所應得朕今法外施恩衣布等之妻子從寬免死仍令伊等照舊安居著行文與丹晉將此悉諭土默特弁兵知之○丁亥諭大學士等康親王崇安今於八月二十一日起身前往軍前著賞給內庫銀一萬兩其隨往該屬人員昭順承郡王出征之例賞給應得馬匹照定例折價交與該王辦理○四川總督黃廷桂等奏川省存貯米穀見止四十二萬石有零請早為籌畫將常平倉捐例改穀作銀隨時糴買並酌開捐納事例將銀買穀存貯得旨川省乃產米之鄉積貯易於為力該督撫請開捐納誤矣况改穀折銀又復將銀買米徒滋弊端更屬背謬但通省積穀止四十萬石為數實少應如何增貯之處著大學士等詳議具奏○戊子諭內閣廣西道通交趾聞該地方有無

知愚民拋棄家業潛往交趾地方開礦更有奸匪之徒潛逃異域以致追緝無蹤者似此違禁妄行漸不可長著廣西巡撫提鎮悉心酌量於往來隘口及山僻可通之處撥兵添汛飭令該管官兵加謹巡查儻有私行出口之人務押解原籍照例治罪庶愚民不至流離異地而奸徒不致違颺漏網矣○己丑諭大學士等西路防禦賊人之事已屢經降旨與大將軍岳鍾琪等豫為留心料理但禦賊人之道務須計出萬全朕披覽輿圖見軍營至肅州中間甚為遼闊而邊外一帶如赤金柳溝金塔寺沙州瓜州等處散處之民人甚多牲畜亦眾萬一賊人乘其不備而騷擾之則巴爾庫爾之大將軍何可分勢於各路堵禦凡此黎元皆吾赤子橫被擄掠荼毒於心實為不忍況搶奪民人之牲畜即為賊眾之口糧則與我疲斃賊人之計亦大相左矣朕意當令居民豫度就近可居

東華錄

雍正十九

十一

之地一聞賊信即遷移以避務期免其侵害若從前駐兵之處有應添兵力以保護百姓者亦著大將軍即行調撥但不可分大營之兵勢使賊人此次遠來一無所獲所謂不戰而屈人之兵也但須善於奉行安慰民心勿使驚惶疑惑以致失所此朕為恐邊外居民被賊侵害豫籌防範之大概也至於用兵之道固以防邊固本為先而機會可乘亦不可失若但堅壁自守聽其肆行無忌雖有可乘之機仍復拘泥成見則又恐賊勢猖狂將來何所底止今冬西路已豫備賊眾若來我師以逸待勞以靜待動大將軍外觀形勢內度己力儻有可乘之機或發兵出擊以挫其鋒或堵禦隘口以遏其路或暗設埋伏以出其不意或趕逐馬匹以驚其眾心亦足使賊人喪膽但萬萬不可輕舉遠逐以分兵勢大將軍止在大營調度不可親身前去副將軍等亦酌量行之擊賊之時賊人



以馬兵前來我師以步兵出擊實勝於馬兵禦敵不可棄長就短是以見在添派北路兵丁朕將漢步兵四千名派往大將軍當共知此意則派撥各得其宜且使眾人各效其所長而大功可成矣朕又細思西北兩路大營乃防邊擊賊之根本若果兩路大營堅固整齊不為賊人所搖撼則彼必瞻顧徬徨恐我軍截其歸路堵其巢穴不敢肆行無忌即如今春之率眾潛歸不敢久留西路者恐北路之兵襲其後路也此番六月之不敢偏近科布多軍營者又恐西路之兵搗其巢穴也目前賊既得志於北路伊知北路兵力不能進取則今冬仍往西路且增添賊眾更多於侵犯北路之力量俱未可知總在大將軍先事圖維臨時權變勿貪功前進勿坐失機宜斯為美善又如賊人侵犯劫掠多在風雨陰晦之時此際天氣潮溼槍礮之火藥難出弓箭之力量輒懈二者均未便利

東華錄

雍正十九

十一

當多備手槍挑刀等械以為擊賊之具可助槍礮弓矢之力將此傳諭岳鍾琪知之○吏部議准廣東總督郝玉麟奏新會開平兩縣連界之大官田地方與兩縣城遠隔請增置一縣設知縣一典史一訓導一分新會縣藥運司巡檢改隸新縣從之尋定新設縣曰鶴山○增奉天府牛莊城倉官一○庚寅大學士等遵旨議奏四川總督黃廷桂奏請開捐積穀查通省積穀僅四十餘萬石為數實少再買六十萬石請分作三年隨民間穀價貴賤約計每年買穀二十萬石每石約價三錢動支夔關及鹽茶盈餘銀六萬兩分發州縣總期三年內買足至各府州縣衝僻繁簡不等其大縣應貯若干中縣若干小縣若干府倉若干倉庫作何先期添造或該地方應貯糶糴雜糧之處令該督撫分別酌議辦理得旨所議甚屬周詳妥協依議速行但每年穀價貴賤不等如畫定三錢恐

價貴時或至抑勒強買價賤時不免侵漁冒銷著再行詳議具奏尋議四川穀石價值三錢為率每年貴賤不等應隨時酌量如遇價賤不及三錢即可過於二十萬石之數或值甚賤之州縣應及時採買詳請酌量銀兩但遇價值不止三錢亦可不及二十萬石之數或價值甚貴之州縣應停止採買以待來歲秋成總於三年內通籌買足六十萬石買貯後照例存七糶三以免紅腐從之八月癸巳諭大學士等肅州金塔寺原種進貢之哈密瓜朕思與其種瓜何如種穀以資民食著行文該督撫等嗣後不必進獻並著曉諭彼處民人知之○命鑲藍旗護軍統領侯馬蘭泰正黃旗滿洲都統查克旦鑲黃旗滿洲都統公博爾屯原任西安巡撫武格為撫遠大將軍馬爾賽參贊○丁酉諭青海蒙古及番夷人等朕統御萬方凡中外民人皆一視同仁莫不欲使之得所爾等沿邊番夷及青海蒙古同受國家撫綏保護之恩並無歧視目今準噶爾賊人窺伺邊境或將來侵擾青海蒙古而黃河以南之蒙古畏避賊鋒投奔近邊番夷之地亦未可定爾番夷等須留心照看切勿因向日曾有嫌怨乘其危急而加以戕害若蒙古中有不法之徒搶掠番人者許番人用力抵禦不必退縮將來事定之後朕自然以理斷其曲直分別賞罰番人蒙古皆朕赤子果能遵朕諭旨彼此相安同受朝廷之恩澤方是爾等之福思之○吏部議准署兩江總督尹繼善奏准安府屬之山陽縣揚州府屬之江都縣事務殷繁幅員遼闊請各添設知縣一分治查山陽縣屬廟灣鎮見有城池營汛請改為縣城令新設之縣駐紮再添設縣丞一典史一移廟灣司巡檢駐草偃口鹽城清溝司巡檢駐上岡將鹽城縣學訓導撥歸新縣又查江都縣原轄新舊兩城今酌量分

東華錄

雍正十九

十三



界舊城西屬舊縣東屬新縣新城南屬舊縣北屬新縣其邵伯上官二巡司並邵伯驛俱歸新縣瓜州萬壽二巡司並廣陵驛俱歸舊縣將原設之主簿訓導各一撥歸新縣並添設典史一再如皋縣東沿海一帶港口繁多縣令鞭長莫及請添設主簿一駐掘港場從之尋定山陽新分縣曰阜甯江都新分縣曰甘泉○庚子諭大學士等據副將軍石雲倬奏稱七月十三四等有準噶爾賊人侵擾吐魯番副將王廷瑞等分兵迎敵與賊連戰屢勝生擒賊人七名殺賊二百餘人獲軍器馬匹不計其數等語王廷瑞分兵迎賊甚屬孟浪此番賊眾不過一二十人王廷瑞等幸獲小勝不但不足為喜朕更為吐魯番憂之賊人屢被吐魯番之敗創其懷恨益深必復以大眾報復石雲倬可速傳旨曉諭吐魯番嗣後賊人來犯但當堅守城垣不可迎敵若魯谷慶一城可以容住回民

東華錄

雍正十九

西

人眾則合防守之官兵堅守一城愈妙如一城不能容住多人則別住於相近之哈喇火州等處將馬匹牲畜速行收拾城中柴草豫為多貯以備應用賊眾若分兵來圍彼此堅壁清野俾賊人無所施其伎倆且有將軍襲其後奪取其馬匹坐致疲敝自必遠遁亦不可追逐賊眾長於騎射吐魯番如於馬上比決勝負則回民十不及賊人之一若固守城垣以拒敵賊人亦十不及回民之一用我之長乘賊之短此萬全無弊之道也凡事持重鎮靜為之能保護吐魯番城垣人眾其功勝於殺賊多矣○以左都御史史貽直協辦陝西西安巡撫事○吏部議准山西巡撫覺羅石麟奏大同府屬之大同縣縣令外止有典史一不敷委辦請添設縣丞一甯武府所屬四縣向係衛所今改併為縣其倉糧業歸各縣經管所有舊設之神池利民倉大使二缺萬億廣盈永甯甯化倉副

使四缺請裁查甯化倉距縣百里所有倉糧請即委甯化堡原設之巡檢收放永甯州所轄之方山堡離州寫遠請添設巡檢一駐紫舊城代州既改為直隸州管轄三縣請裁原設邊儲倉大使缺改設糧捕州判一代州所屬繁峙縣之平刑關最屬險要請裁原設倉大使缺改設巡檢一直隸平定州原設州判一奉裁未久請照舊復設直隸絳州解州均屬繁難要缺請各添設糧捕州判一從之○辛丑封喀喇沁貝子僧濛扎布為貝勒○壬寅實授劉師恕內閣學士仍留福建觀風整俗使任○癸卯靖邊大將軍傅爾丹奏臣世受國恩蒙 皇上授以大將軍重任不能遵奉 聖諭妄動輕舉損折國家歷年生聚教養之將士上勞 聖慮不惟法不可容即臣心愧報亦難以偷生於人世今 皇上不即加誅降旨慰諭復加賞賜實從古未有之隆恩但臣此次進討大臣數人

東華錄

雍正十九

五

悉已身故臣若不勉勵將士收軍而回轉使賊人得計因與副將軍巴賽查弼納等計議我等若死於賊則已今若輕生自殺其如國體與將士何惟當竭力護衛餘兵至建城之處以待國討茲惟有同心鼓勇力戰擊賊因遂曉示軍營奮兵率眾展轉而出同時分軍統領者巴賽查弼納馬爾薩舒楞額等至今並無消息損兵折將至於如此臣不但無以仰對 天顏亦何以腆顏統眾 皇上縱格外施恩不加誅戮臣死之日難見陣亡將士於地下也今臣已至城所安置哨站並傳諭喀喇爾喀副將軍等令其備運糗糧固壘深溝以息將士招集商人謐甯蒙古諸務悉已就緒伏乞 皇上速遣賢將統率大軍將臣調回同臣妻子一件正法以昭國憲得旨朕從前諭旨甚明朕之處事豈肯不持大義以定是非而聊為此目前慰勉之理惟輕信賊言冒險深入中賊詭計是爾之



罪至不肯輕生自殺力戰全歸此爾能辨別輕重之處事定之後朕自有辦理之道爾若念慮紛擾以致血氣消耗不能報讎雪恥上損國威下玷家聲罪尤甚焉爾其勉勵勇氣安心敬揣計圖遠大以答朕恩○甲辰諭內閣雲貴廣西總督鄂爾泰來京陛見於署督高其倬到滇之後起身著乘驛按程而行所過地方派撥弁兵護送沿途文武官員悉按該管上司之禮迎送供應○以索柱為額外內閣學士由大理寺卿遷○以刑部侍郎常賚為西路副將軍調西路副將軍正黃旗滿洲都統覺羅伊禮布為撫遠大將軍參贊

東華錄

雍正十九

七

○丙午諭大學士等據靖邊大將軍傅爾丹仍欲令兵丁在科布多地方駐紮防護爾等會同大將軍馬爾賽將應撤之處確議具奏再將查克旦率領駐紮庫布可爾地方兵丁應否撤於察罕叟爾之處一併議奏尋議科布多駐紮兵丁遠隔察罕叟爾千有餘里難於互相捍衛察罕叟爾地方與喀爾喀遊牧之地相近如將大兵會集一處駐紮不但軍威強盛防護亦有裨益應將科布多兵丁撤回察罕叟爾其駐紮庫布可爾兵亦應撤回察罕叟爾從之○諭理藩院青海扎薩克一等台吉恭格效力有年前羅卜藏丹津叛逆時在哈麻爾嶺奮勇殺賊今又追擒諾爾布著加恩封為公爵○改江南江甯城守右營遊擊缺泗州浦口二營守備缺俱為都司僉書○戊申西藏貝勒頗羅鼐等奏報準噶爾欲送回拉藏之子蘇爾雜立為西藏汗得旨準噶爾殺害拉藏將其子蘇爾雜擄去今稱送回西藏我兵須嚴為防備從前策妄阿喇布坦遣策零敦多卜襲西藏時亦誑稱噶爾丹丹津同其女來藏乘其不備進兵襲取藏地今送回蘇爾雜之言正噶爾丹策零施行奸計若唐古特部落少為玩忽即蹈從前策零敦多卜之故轍矣準

噶爾賊人既殺拉藏豈有實心將蘇爾雜送回西藏令代父職之理著頗羅鼐將此情由曉諭眾唐古特知之準噶爾人揚言發兵五千護送噶爾雜道途險阻全軍豈能齊到目今西藏有內地兵丁二千名板班兵丁五百名又駐防又木多兵一千名見催來藏爾處亦有訓練蒙古兵丁應與駐紮西藏大臣會同商議於阿里者斯肯圖魯克野等處要隘遠設卡倫詳加瞭望協力防守準噶爾賊眾若以兵隨蘇爾雜斷不可容留即迎戰擊退賊敗走時亦斷不可追襲蘇爾雜父兄被人殺害伊豈不忿恨若果思報讎並感戴朕恩帶領數人恭順來歸爾等收留悉心安頓至若立汗之事當令達賴喇嘛禪額爾德尼奏聞於朕方可建立豈可令噶爾丹策零任意妄行頗羅鼐原扶助拉藏效力行走後因拉藏被賊殺害朕令爾料理西藏事務爾約束唐古特實心效力是以

東華錄

雍正十九

七

加恩封爾為貝勒今蘇爾雜若果率領數人來歸爾即行奏聞候朕另頒敕旨○己酉諭宗人府順承郡王錫保自派往軍前以來辦理軍務克殫誠心勤勞宣力甚屬可嘉王之祖多羅額郡王亦係國家懋著勞績之賢王著將錫保晉封順承親王○諭內閣雍正七年八月內降旨陝西四川直隸山東山西河南等省所派出征之大小官弁俱係能員嗣後六省所出之官弁員缺著該上司委員遞行署理准其算俸俟凱旋之日將出征之員與委署之員合併比較揀選引見請旨補授蓋欲使效力疆場之人即可得缺升遷而委署稱職之人材亦得兼收並用實兩全之道也但行之二年委署之員漸多實授之員漸少每遇缺出該管大員往往以不得合例委署之員甚費籌度前經陝西總督查郎阿請將委署之員越次再行委署朕已降旨允行又請揀發遊守等官二十四



員為陝甘二省之用朕又降旨令將出征有功新回營汛之人揀選題補矣今思各省出征之員未能即回本任而委署之缺日積日多則題補之法應行變通著於十缺之中分出三缺為出征弁員升補之缺北路者交與大將軍馬爾賽西路者交與大將軍岳鍾琪揀選題補其餘七缺則將本省之弁員或即行題補或暫行委署令該管大臣酌量施行其直隸之缺交與提督路振揚甘陝二省交與署督查郎阿河東二省交與總督田文鏡四川交與總督黃廷桂山西交與石麟石麟著以巡撫署理山西提督事務給與印信通省武弁聽其管轄○辛亥大學士忠達公撫遠大將軍馬爾賽啓程 上命 皇四子 告祭 奉先殿王以下官員俱至西長安門外送行○甯遠大將軍岳鍾琪奏臣遵旨襲擊烏魯木齊於七月十二日自巴爾庫爾啓行從伊爾布爾和邵地方經東華錄 雍正十九 六

行五百餘里直至穆墨河地方並無賊夷卡倫於二十三日臣統領大隊沿途擊賊至阿察河有賊夷數百人在前引誘臣即嚴整攻殺賊夷敗走我兵追至厄爾穆克河賊夷在隔河踞住山梁排列三處約有三四千人臣先令總兵張元佐等領步兵為右翼提臣紀成斌等領馬兵為左翼總兵王緒級曹勳等領兵由中路而上居中策應又令參將黃正位等帶領勇健兵從北山鈔襲賊人之後官兵齊進奮勇爭先飛奔山梁直衝賊隊自辰至午將三處山梁俱皆奪取賊夷往西敗遁殺死賊夷不計其數因山路崎嶇天色將晚我兵不便窮追臣即收兵紮營於二十四日接奉 上諭令臣略行襲擊即撤兵回營臣追趕賊夷離納鄰河不遠至烏魯木齊僅有兩日路程因烏魯木齊一帶賊營搬移已空深入無益臣於七月二十五日統領大兵回赴巴爾庫爾仍按程埋伏精

東華錄 雍正一九

兵禦後以防賊夷尾隨偷盜馬匹理合奏聞得旨岳鍾琪此次領兵襲擊賊眾進退遲速俱合機宜弁兵等鼓勇爭先同心效力甚屬可嘉著岳鍾琪將在事有功之人分別造冊送部俟成功之日一併從優議敘賞賚其陣亡及帶傷之兵丁著照例賞卹○靖邊大將軍傅爾丹奏臣至科布多後詳訪巴賽等總無確音今有從賊營逃回之正紅旗前鋒校陸明阿據稱中賊刀傷被擒在賊營遇土默特夸蘭大查布云副將軍巴賽查弼納於六月二十八日越嶺至一小河俱各戰歿又有賊營逃回之正黃旗護軍海壽係參贊馬爾薩傳事之人據供於六月二十八日隨馬爾薩至哈爾哈納河相近紅石巖下馬爾薩中槍陣亡海壽救援被擒等語至舒楞額未得確音俟查明再奏報聞○是月免江南無為甯國等十州縣鳳陽長淮二衛雍正八年被災額賦有差

東華錄 雍正十九 九

九月辛酉朔諭內閣前據奉天將軍等奏請設立水路防汛於草河穀河等處朕因此地與朝鮮國連界恐於該國或有不便之處特行降旨詢問今該國王奏請仍遵舊例著照所請不必添設防汛亦無庸交兵部再議○癸亥諭喀爾喀弁兵等喀爾喀騎射諳練丁壯強幹勇於戰陣厄魯特不嫻騎射性懦弱而誇張惟長槍是賴一經敗北不敢回視後因喀爾喀傾心經典惟以尊崇佛教為事不習技勇而厄魯特巧詐性成乘爾七旗不備突然加兵是以被其攻擊不能保全遂至失所當土謝圖汗澤卜尊丹巴胡土克圖奔赴 聖祖皇帝請救時 聖祖憐念從前恭順納貢收留養贍安插內地其喀爾喀各頭領仍照向來等次晉封汗王貝勒貝子公台吉扎薩克加恩賞給俸祿令各回原處居住安享康樂迄今已三四年矣從前大兵於烏蘭布通地方擊敗噶爾丹噶

四五三



爾丹復來犯克爾倫地方 聖祖親統兩路大兵征剿噶爾丹於圖拉地方被我兩路大兵擊敗勢窮力竭奔至薩克薩圖古里克地方死亡殆盡其後因策妄阿喇布坦煽誘離間意在收取喀爾喀 聖祖洞悉其情保護喀爾喀於疆界處駐兵十有一年又以準噶爾偏近喀爾喀不免侵擾命大兵踰阿爾泰深入額敏寨爾地方再三掃蕩厄魯特肝膽俱碎今知噶爾丹策零又欲侵擾喀爾喀朕於扎克拜達里克及察罕叟爾等處不惜千萬糧餉添兵數萬特為喀爾喀耳邇來北路軍前將軍大臣等輕兵進剿未及深察地利頗為失律然鏖戰十有餘日殺傷賊人數千行軍勝負乃其常事聞爾喀爾喀以宵小捏傳準噶爾賊由科布烏蘭古木地方兩路來犯之語坐臺喀爾喀竟各棄牲畜搶奪驛馬離站四散爾喀爾喀各台吉感恩效力朕所深知爾等屬人止據流言遠

東華錄

雍正十九

年

爾驚竄何懼怯之甚歟爾等試思之準噶爾賊人盜取馬匹而外不敢與勁敵曠日持久計其人眾不過三四萬內地大兵數萬見駐爾地西疆何必畏懼退縮乎今準噶爾賊動曰往食懦弱喀爾喀即此一言豈丈夫之所堪受昔日噶爾丹攻擊爾等時和托輝特根敦貝子希卜推哈坦巴圖魯等尾隨噶爾丹擊敗準噶爾取其馬匹駝隻和托輝特亦喀爾喀部落人也爾等何妨效法之嗣後喀爾喀各部人將朕所降諭旨各銘於心凡遇行陣坐卡殿後等處勇往效力斷不可上負 聖祖及朕深恩並貽羞於爾部主不過數年勞瘁便可永息兵革常享安樂矣其各勉之○甲子副都統達爾等遵旨議奏青海拉查卜原係貝子從前羅卜藏丹津叛亂時餘眾俱赴西甯伊獨逃往喀木地方從寬降為公爵今又無故逃遁拉查卜理應正法但伊因畏懼逃遁追兵一至即便迎

降請從寬免其正法將拉查卜交與西甯總兵官永遠圈禁其長子察罕拉布坦豫先歸降請停其承襲公爵授為扎薩克一等台吉管領該旗佐領下人至與拉查卜同逃之扎薩克台吉查漢喇卜灘向係圖爾古特微末台吉相依親王戴青和碩齊察罕丹津因不從羅卜藏丹津叛亂 皇上加恩授為扎薩克一等台吉乃無故逃遁追兵既至尚不迎降以致被擒理應正法但並未乘亂生事亦從寬交與西甯總兵官枷鎖嚴禁再查漢喇卜灘之族弟協理二等台吉達爾濟見在駐牧居住不肯同逃請將查漢喇卜灘之扎薩克台吉令其承襲則伊屬佐領不至改隸他人矣得旨拉查卜係察罕丹津兄之子察罕丹津效力有年著將拉查卜寬免交察罕丹津管轄查漢喇卜灘從前征剿羅卜藏丹津亦曾效力並著寬免交伊弟台吉達爾濟嚴加管束餘依議○丁卯以鄂

東華錄

雍正十九

年

爾奇為兵部尚書福敏為左都御史協理兵部侍郎○以申珠渾為盛京禮部侍郎由左副都御史遷○戊辰靖邊大將軍傅爾丹奏賊人侵犯洪甲舒魯克地方離科布多城有五十餘里臣將馬匹牲畜收入城中固守得旨大將軍馬爾賽並無軍營急辦事務今賊人又來犯科布多地方可行文令其緩行前進若臺站已斷或酌量回來或尋嚴固地方駐紮偵探○宗人府遵旨將恭親王子孫十二歲以上者八人等帶領引見得旨前因滿都護病故無子海善雖有子恐不能保守恭親王家業故特交與諸臣議奏今經宗人府查明引見始知尚善子孫甚多朕看倫木布之子斐蘇人聰慧尚可保守家業著將斐蘇仍封為多羅貝勒將原管佐領查明給回○辛未調王國棟署浙江巡撫以喬世臣署江蘇巡撫○調刁承祖為江蘇按察使以唐繼祖為湖北按察使由署河南按察使○王申靖



邊大將軍傅爾丹奏據烏蘇舒魯克卡倫之侍衛達什爾圖報稱賊人駐紮紅鄂羅腦兒地方約有萬人又科布多城外三十餘里有賊兵五六百名往布延土前去等語臣等固守城池如攻城賊兵人少勢弱即相機勦殺報聞○甲戌郝玉麟因病請假允其暫解印務在署調理以張溥署廣東總督由廣東○吏部議准江西巡撫謝夏奏設官移駐事宜一南昌府屬新建之吳城一鎮前經部准署撫臣張坦麟奏請將南康府同知移駐彈壓遂以吳城改隸星邑凡遇查拏匪類拘審人犯關移往返轉致稽遲請仍隸新建一吳城鎮商民繁雜離縣寫遠應設大員彈壓請令南康府同知兼轄吳城捕務其相近之樊家壠及松門吉山等處俱令該同知管轄一吳城汛地原係南昌水師營弁兵駐防嗣因改隸星子故於九江協內派兵防守今既復歸南昌應將九江協弁兵撤回東華錄 雍正十九年 三

仍於南昌水師營派撥一松門吉山俱在鄱湖之中二山相去十里控禦迢遠止有吉山一汛請於松門添設一汛亦令南昌營水師撥兵駐防得旨依議前經張坦麟條奏請將南昌府新建縣之吳城鎮改隸南康府星子縣管轄經部議准行在案今該撫謝夏奏稱不便從前張坦麟冒昧陳奏妄事紛更甚屬不合嗣後文武官員等儻有將地方不可施行之事妄自陳奏舉行經後任復請更改者將原奏之人交部議處儻原奏本是而後任妄為指摘或有意翻案者經朕察出亦必從重處分將此永著為例○乙亥李衛來京陛見以李燦署浙江總督由江南崇明○丙子振武將軍順承親王錫保奏據圖壘卡倫之察哈爾章京西拉等報稱圖壘毛海控科爾苦克齊圖等處俱有賊兵往來又賊兵二千餘由阿哈爾拜已至奎蘇地方並分兵往大蘭一路等語臣即令喀爾喀

副將軍郡王額駙策凌貝子羅卜藏等統兵分路往尋賊蹤如有偷盜牲畜之賊即行擊殺賊如大隊來犯合兵會勦報聞○戊寅諭大學士等從前大將軍馬爾賽奏稱聞賊人來犯科布多之信臣請暫居第十五臺候順承親王再發咨文差人至推河探信賊來犯察罕叟爾臣往會漢軍兵營調右衛一千兵歸化城一千兵在吳喇武北形勝之地駐紮以安慰內地扎薩克若無賊信仍往察罕叟爾等語朕以此奏甚是宜駐臺站不必前往察罕叟爾辦事令將右衛一千兵歸化城一千兵俱各妥備聽候馬爾賽調遣續經馬爾賽又奏稱賊人駐於科布多地方近處臣自十五臺起行差人前去探信急赴察罕叟爾等語朕以此奏妄謬仍令其遵旨駐紮臺站朕兩次所降諭旨尚未到今馬爾賽又奏稱賊人已至奎蘇地方欲會合漢軍四千兵喀喇沁一千兵並調右衛歸化城各一千兵前赴推河等語凡事宜審定之後方可相機而行若聞一賊信即展轉不定如何辦理馬爾賽今帶領七千兵至推河何用此奏甚屬不合近喀爾喀副將軍丹津多爾濟奏稱若令漢軍兵四千駐紮在四子部落旗分皆曠野之地如遇雪大之年必無柴薪請將此兵駐紮歸化城相近有柴之處等語已經行文於領兵前往之侍郎諾爾渾等令暫駐歸化城翁淩山附近有柴木水草之處候旨爾等行文馬爾賽賊人若無侵犯察罕叟爾搶臺等信仍遵前旨駐紮臺站儻有賊信急退回歸化城相對第十四臺駐紮候旨○調勵廷儀為吏部尚書以劉於義為刑部尚書仍署理北河總督事務○吏部議准廣東巡撫鄂彌達奏添設移駐官弁事宜一粵東新會開平兩縣交界之大官田及清遠英德兩交界之大埔坪均屬衝要請各設捕盜同知一專司督捕一大官



田同知所轄有新會新甯兩縣距廣南韶連道駐紮之地甚遠請將該同知歸肇羅道就近統轄大埔坪同知所轄有廣甯長甯兩縣距惠潮肇羅二道駐紮之地甚遠請將該同知歸廣南韶道就近統轄其大埔坪地方請撥右翼鎮標左營千總一帶兵三十名駐防協緝並交該同知管轄一陽江縣之海陵島電白縣之沙壩墟離縣寫遠均為要地請各添設巡檢一以資防範一粵東理番同知向係兼管連州連山陽山三州縣捕務後因改為理番軍民同知專理猺事所有三州縣事務停其兼管邇年以來猺人馴服事理不繁請將三州縣捕務仍歸理番同知一體查察一欽州如昔司止設巡檢一不足以資彈壓請將廉州府同知移駐其地再崖州外接安南內鄰五指生黎請將瓊州府海防撫黎同知移駐其地又高州府屬之梅菪地方奸徒出沒請將該府通判移駐專

東華錄 雍正十九年 五月

司捕務又羅定州屬東安縣之西山夙稱盜藪請將原設羅苛司巡檢改為西山司巡檢移駐稽查並撥河頭營把總一帶兵二十五名駐防協緝其羅苛司原管地方改歸東安縣典史專管一潮肇二府通判請兼捕盜職銜各分地方經管督緝潮州府同知見駐饒平縣黃崗專理海防事務請將附近之饒平惠來海陽潮陽澄海普甯六縣捕務歸該同知專管其附近郡城之揭陽大埔程鄉鎮平平遠五縣捕務歸肇慶府同知管理德慶封川開建四會四州縣捕務歸通判管轄從之○庚辰諭大學士等據大將軍馬爾賽奏稱本月十四日臣從第十九臺退回欲往會漢軍兵營已行令領兵侯馬蘭泰等於吳喇忒之愛卜哈河地方擇有水草駐紮候臣調遣等語前伊數次奏摺朕俱明降諭旨令伊駐紮臺站今馬爾賽若離臺站往會漢軍兵營諸凡信息從何得聞漢軍兵

既令駐紮吳喇忒之愛卜哈河地方伊又欲何處調遣奏事並不候旨意見昏憤甚屬不合爾等可行文馬爾賽等令漢軍四千兵喀喇沁一千兵俱於歸化城翁滾山附近有柴木水草之處過冬馬爾賽仍遵前旨於歸化城相對第十四臺駐紮○吏部議准署直隸總督唐執玉奏順天府各州縣程途遠近惟通州為適中之地請將西南兩路同知所管之大興宛平東安永清固安房山良鄉涿州等州縣以及東路同知所管之新設甯河縣旗人一切刑名事件改歸通州理事通判就近審理各由該路捕盜同知覈轉再解臬司道路既不紆回人犯得免拖累從之○甲申命貴州開局鼓鑄○丙戌禮部尚書錢以壇年老乞休加太子少保銜致仕○丁亥吏部議准山西巡撫覺羅石麟奏晉省吉州並所屬之蒲縣及隰州並所屬之汾西縣舊係平陽府統轄經撫臣諾岷題准

東華錄 雍正十九年 五月

將吉隰二州改為直隸州以蒲縣鄉甯二縣歸吉州管轄以大甯永和汾西三縣歸隰州管轄但歷考舊制蒲縣為隰州之門戶而汾西實為平陽之臂指請將吉州屬之蒲縣改隸隰州隰州屬之汾西縣仍歸平陽府一切政務庶為安便從之○兵部尚書署直隸總督唐執玉因病乞假允之○戊子以阿蘭泰為左副都御史由內閣額外○以劉於義署直隸總督調沈廷玉為直隸河道總督以朱藻為河東河道總督由協辦總河事○以高斌為河東副總河徐聚倫為河南布政使由山東○己丑 皇后那拉氏崩○庚寅 上輟朝五日奉移 大行皇后梓宮於九經三事殿

冬十月癸巳諭大學士九卿等皇后崩逝朕心震悼此時即欲親臨含殮大臣等以朕躬初愈本日已經臨視不宜再勞懇詞力阻朕勉從其請暫停前往今該部具奏祭奠禮儀日期朕思 皇考



昔年於 皇妣孝誠仁皇后 孝昭仁皇后之喪如何親臨盡禮之處朕雖未見至康熙二十八年 皇妣孝懿仁皇后崩逝當梓宮未移之時 皇考朝夕臨奠及奉移之後每遇祭祀日期悉皆親往此朕所親見者今皇后自垂髫之年奉 皇考恩命作配朕躬結褵以來四十餘載孝順恭敬始終一致忽焉長逝實深愴惻一切致祭典禮本欲親往以展悲懷乃自上年以來朕躬違和調理經年近始全愈醫家皆言尙宜靜攝不可過勞因思上年怡賢親王薨逝之後朕悲情難遏曾親奠數次頗覺精力勉強朕躬受 皇考付託之重 宗社攸關爲億萬臣民所倚賴今夙恙初痊正當加謹保護況目前軍務緊要一切機宜甚費籌畫若又親臨喪次不但往來奠醊之間外勞形骸而觸景增悲更致內傷心氣實非攝養之所宜即朕自度力量亦覺勉強但今皇后喪事國東華錄 雍正十九 家典儀雖備而朕躬禮數未周於理恐有未協於情實爲難忍權衡輕重之間如何可使情禮兼盡以慰朕心著公同定議具奏尋議 聖躬所關至重至大時居初冬天氣作寒 聖躬雖已全安尙須加謹保護 大行皇后諸事俱已遵照舊章儀文隆備前月二十九日 皇上已經臨視若遇祭祀之期又復親往奠醊勞動悲傷實非所宜伏查明代會典皇后喪儀止載皇子及百官應行典禮無親臨祭奠之儀今 大行皇后喪次有皇子朝夕祭奠若遇祭期例可遣官致祭伏乞停止親往從之○丁酉移 大行皇后梓宮於田村蘆殿○戊戌撫遠大將軍馬爾賽奏據辦理扎克拜達里克糧餉原任巡撫西琳報稱賊人來至扎克拜達里克城南噶爾特地方劫掠牧場駝馬因守城兵少未敢追逐又據三十臺至四十二臺章京額林沁等陸續報稱各臺俱有賊蹤係在

推河居住厄魯特王色卜騰旺布及貝勒多爾濟色卜騰之屬下人乘機擄掠報聞○刑部等衙門議奏據辦理青海事務都統德成等擒獲叛賊諾爾布里塔爾解部審訊諾爾布係圖爾古特一小姓台吉來至青海依人生理於羅卜藏丹津叛逆時伊父曾效涓埃 皇上格外加恩不令隸屬青海特授扎薩克一等台吉又選派柴旦木軍前忽行叛逆搶劫馬匹拒捕官兵里塔爾身爲佐領附逆作亂俱應照律擬斬解往青海立決示眾查諾爾布叛逆時妻子皆在遊牧地方聞信即來請罪應免其爲奴其胞弟色特爾布穆既不知情又追捕拉查卜有功 皇上已加恩令其承襲扎薩克一等台吉諾爾布妻子即交與色特爾布穆管束養贍得旨諾爾布里塔爾俱著解送西甯口外即行正法免其示眾餘依議○庚子以散秩大臣伯欽拜理藩院左侍郎納延泰副都統阿東華錄 雍正十九 岱俱爲撫遠大將軍參贊○改廣東化石營守備缺爲都司僉書○乙巳諭撫遠大將軍馬爾賽爾從前奏稱備兵一事已行文於順承王等語爾領兵尙未至察罕叟爾並不知軍前之情形即欲指示順承王殊覺不合見今蒙古扎薩克等俱遵靖邊大將軍印信行事若又用撫遠大將軍印信調遣則蒙古難以遵行撫遠大將軍印信除奏章及行部咨文鈐用外其調遣兵丁等事不准鈐用昨爾又奏稱吳喇忒毛明安四子部落蘇尼特阿霸垓等旗察哈爾兩翼各豫備兵一千聽其調遣等語吳喇忒等扎薩克察哈爾旗皆邊外之兵豈可妄動爾即欲豫備調遣亦當請旨乃並不奏聞即行調遣甚屬背謬再爾所偵探軍機並不確實即行具奏辦事亦甚含糊爾宜盡其所長效力行走○丙午以吳金爲額外內閣學士由郎中遷○戊申以魏廷珍爲禮部尙書由湖北巡撫遷○青海厄



魯特郡王額爾得尼厄爾克托克奈奏 皇上憫臣年邁特降恩旨於臣諸子中可襲王爵者命臣舉出一人加恩封為長子代臣效力行走伏思臣長子阿拉布濟奉旨領兵往紫柴旦木因擒獲叛逆諾爾布已蒙授一等台吉臣之三子索諾木丹津年二十三歲立志向上守正而行臣遵旨請將此子襲替得旨索諾木丹津著照所請封為長子阿拉布濟效力行間加恩晉封為輔國公

○甲寅吏部議覆署陝西巡撫史貽直奏參革興安州知州張勤寵除嗜酒貪佚無故稽留屬員各輕罪不議外其收受紗錠計價三兩六錢按律應擬杖七十得旨張勤寵嗜酒貪佚無故稽留屬員此等舉動難以居官臨民議以斥革洵不為枉若計賊論罪必有貪婪實蹟方可引律定擬今以紗錠微物所值不過幾金即論賊議以杖責則苛細太甚大失平允之義封疆大臣察吏當執公

東華錄

雍正十九

天

平之法而定罪亦當體可恕之情張勤寵杖罪著寬免○乙卯振武將軍順承親王錫保奏準噶爾賊人大策零敦多卜小策零敦多卜多爾濟丹巴等於八月十一日自夸額爾齊斯至索爾畢烏拉克秦地方留兵四千以為應援領兵二萬六千來犯科布多等處科布多察罕叟爾扎布韓軍營兵威強盛防守嚴密遂直抵克爾倫侵取喀爾喀遊牧今賊將海倫鄂爾哲等領兵三千前去劫掠策零敦多卜之兵向蘇克阿爾達胡屯紮又令小策零敦多卜之子曼濟領兵三千往鄂爾海錫拉烏蘇等處搶掠牲畜九月二十日臣令王丹津多爾濟額駙策凌等合兵向蘇克爾達胡擊賊二十一日至歐登楚爾地方遣台吉巴海等領兵六百名夜至大策零敦多卜賊營擒賊三人而還大策零敦多卜遣賊將滾楚扎卜錫拉巴圖魯領兵三千來追巴海等誘至歐登楚爾大營二十

二日王丹津多爾濟策凌列陣力戰自辰至午陣斬賊將喀喇巴圖魯其賊將錫拉身負重傷率賊敗遁復擒殺數百餘賊是夜策零敦多卜等即移至台錫里山屯紮二十五日曼濟兵敗回營俱退至哈布塔克拜塔克地方遁去臣思準噶爾賊人乘機深入分路侵犯妄思劫掠仰仗 天威王丹津多爾濟額駙策凌等領兵直抵賊巢奮勇擒殺賊兵遠遁臣等見在選兵追襲其有功將士查明再奏得旨喀爾喀副將軍親王丹津多爾濟郡王額駙策凌率領喀爾喀弁兵奮勇爭先戰敗準噶爾劫殺擒賊甚屬可嘉丹津多爾濟從前效力已加恩封為親王著賞銀一萬兩郡王額駙策凌晉封為和碩親王亦賞銀一萬兩扎薩克圖汗親王策旺扎布雖未歷戰陣在營同順承親王宣力辦事亦賞銀五千兩其餘王貝勒貝子公眾台吉官員兵丁內懋著勤勞者著順承親王查

東華錄

雍正十九

天

明具奏加恩優賞○丙辰晉封貝子弘春為貝勒○振武將軍順承親王錫保奏王丹津多爾濟額駙策凌等分路追擊大兵登達爾畢山瞭望賊蹤並無煙塵計賊人已過阿爾泰山難以前進追擊隨即撤兵報聞○戊午諭靖邊大將軍傅爾丹等爾等在科布多地方恃勇輕進墮賊詭計致失地利損兵折將軍前獲罪我朝例所不貸本應執法究治但傅爾丹整頓餘兵回至科爾多地方固守城池賊眾併力來犯復能列陣以待賊人遠遁隨即遣兵各處截殺奪回被掠馬駝此次擊賊可贖爾等前罪今朕已盡行寬免惟陳泰罪不可宥爾等嗣後須勉效力朕自格外加恩○是月免江南邳州山陽等二十三州縣潼安一衛雍正八年水災額賦有差

十一月庚申朔諭大學士等昨據順承親王及傅爾丹等奏報知



北路賊兵已退邊境甯謐已寄知大將軍岳鍾琪令其不必發兵往阿濟畢濟矣但思賊兵雖離北路冬間或向西路自應仍前防範至於吐魯番屢拒賊兵賊人銜恨將來擾害吐魯番勢所必有今雖暫派官兵三千名駐防然究非長久之策回民應否遷移官兵何時可撤著岳鍾琪悉心籌畫具奏○壬戌命馬爾賽率兵由歸化城往扎克拜達里克駐紮○癸亥靖邊大將軍傅爾丹奏官兵已至察罕叟爾命順承親王錫保為靖邊大將軍降傅爾丹為振武將軍協同辦理軍務○改河南陝州營守備缺為都司僉書增千總一○甲子諭大學士等爾等可傳諭傅爾丹伊原與順承親王不合王諸事並無過失近日傅爾丹輕進以致虧損官兵若大將軍印務仍命管理非但眾心不服即傅爾丹心亦不安伊既失蒙古等之心綠旗兵丁亦未必孚信伊所恃者惟數索倫耳豈

東華錄

雍正十九

三

知首先潰散幾致伊於危殆者即索倫乎順承親王諸事遵朕指示領大兵在察罕叟爾賊夷懼其聲威不敢侵擾旋即敗遁朕今令傅爾丹為王協理以贖前愆至殲賊立功唯王是賴傅爾丹悉心盡力勉圖報效若仍執前見妄存私意與王不和不但無益於國家傅爾丹恐益增罪戾矣○乙丑以史貽直為兵部尚書由左都御史○大學士等遵旨議奏扎克拜達里克地方甚屬緊要馬爾賽所領漢軍兵四千名即令馬爾賽統領前往扎克拜達里克地方駐紮見今可分作八隊起程馬爾賽起程時撫遠大將軍印交送康親王暫管另給一印與馬爾賽伊領兵到扎克拜達里克時與欽拜阿成阿等所領兵丁俱聽順承親王調遣得旨依議馬爾賽著給與綏遠將軍印阿克敦等即令隨馬爾賽前往辦理印務○丙寅諭喀爾喀汗王貝勒貝子公扎薩克台吉並各屬下人等近

日準噶爾賊夷噶爾丹策零寄信與王喇嘛扎卜稱喀爾喀厄魯特法教相同本屬和好及噶爾丹博碩克圖時失陸既而我父追念前好曾屢奏 皇帝乞將喀爾喀青海復舊安置今 皇帝欲將我如喀爾喀青海入於旗下佐領之內給與封號以故我等與兵至此若能成事則將喀爾喀青海照舊安置即不能成事亦不令統屬於人等語此實係賊夷奸詐離間之詭計從前爾喀爾喀人等被噶爾丹戰敗以致失地我 聖祖皇考憫念爾等歸誠存恤愛養將喀爾喀諾顏等按伊原品封為汗王貝勒貝子公扎薩克屬下人等俱各賜生業安享富饒令歸原遊牧處爾等之感恩報德同心效力乃人所共悉者準噶爾賊夷出狂悖之言借安置爾等為詞欲肆行擾亂即論爾等之封號親王郡王貝勒貝子等爵位俱係我朝冊封宗室子孫兄弟之號其餘臣下雖效力立功

東華錄

雍正十九

三

並無封貝子之例惟四十九旗扎薩克成吉思汗之後博爾濟錦氏台吉等誠心歸順我 太宗皇祖俱賜以宗室封號視如骨肉結為姻親累世榮寵何常視為奴僕乎至編設旗分佐領亦欲其易於查考以便加恩並恐扎薩克等互起爭端之故今已及百年何嘗役使爾等一人乎自分旗以來爾喀爾喀之鄂托克達魯哈等屬便於查管遇饑饉則賑濟之行圍出兵則厚賚之何有催徵之事乎此亦爾等所共知者準噶爾賊夷奸詐狡獪外託黃教而擾亂藏地違背教源口雖稱為青海喀爾喀兩家而又搶掠爾等將胡土克圖俱欲搶奪奸惡極矣且準噶爾一姓自厄爾柏克尼古勒蘇克齊汗之後與兵擾亂諸部落殘殺博爾濟錦氏幾至斷絕至今讎怨未已今策零敦多卜前來被爾喀爾喀等勦殺敗遁賊夷懷恨必深思欲報復乘隙擾亂若賊夷之事不定則爾喀爾



喀不得安眾蒙古亦不得安朕是以不惜國帑發數萬大兵遠行  
征剿綏靖邊圉止為爾等生全之計也爾屬下人等宜仰體朕心  
各加奮勉藉朕威力效法此次進兵之王貝勒貝子公台吉等朕  
必為爾等勦滅賊夷永保安甯前者噶爾丹作亂時爾等互為搶  
掠盜竊今又有搶掠盜竊者此種惡習甚屬愚賤其務力為悔改  
且爾等既屬內地多年共知法度若舍棄遊牧擅行掠竊干犯王  
章何不力戰賊夷立功雪恥乎爾等歸順賊夷亦斷不能保全  
爾等令爾等安享也爾等宜熟計之○諭青海王貝勒貝子公扎  
薩克台吉等近日準噶爾賊夷遣策零敦多卜二人領賊眾越阿  
爾泰來侵喀爾喀欲搶掠克爾倫及劫取澤卜尊丹巴胡土克圖  
被喀爾喀副將軍王丹津多爾濟額駙策凌等率兵分路迎擊勦  
殺生擒並獲其駝馬賊夷敗遁因轉思離間寄書與喀爾喀善巴

東華錄 雍正十九

三

岱青王之孫王喇嘛扎卜希圖誑誘擾亂成事喀爾喀深知賊夷  
詭計父子前後一轍忿怒痛恨不改初心今爾青海台吉等久荷  
聖祖皇考冊封位號寵顯榮歷有年所至於編設旗分以便  
稽查賞賚復恐扎薩克以強凌弱互起爭端譬之厄魯特有得沁  
者有鄂托克者有扎薩古爾者有得默齊者皆為易於管轄而已  
爾有饑饉朕必加周給隨獵行兵必加賞賚從無徵輸爾蒙古者  
朝廷恩典至優至渥矣若以封號旗分為賤亦可奏明酌改且爾  
厄魯特之台吉阿巴賴諾顏之子孫見在準噶爾處果為帥領乎  
抑為屬下乎即如羅卜藏丹津降附賊夷即將伊所屬分散為奴  
較之受天朝封號孰榮孰辱準噶爾原係成吉思汗之奴隸爾等  
俱係成吉思汗之弟哈布圖哈撒爾之子孫若以博爾濟錦氏諾  
顏等之先世論之準噶爾乃爾等之奴隸也奈何甘心自屈受制

於奴隸乎可自思之爾等當知賊夷詭計勸諭屬下分別利害令  
其亦如喀爾喀之奮勇立功豈可甘為懦怯受賊夷蹂躪乎朕因  
準噶爾反間致書故又諄諄降旨爾等如能遵行則可以保全妻  
子遊牧永享安甯之福矣○丁卯諭內閣四川重慶府知府馬世  
端原係巡撫憲德題升之員今因溺職被參憲德自行檢舉數年  
以來凡遇督撫自行檢舉之案朕皆令大學士等兩擬票籤進呈  
是以憲德此案大學士等於照例擬票外亦添從寬免擬一籤但  
朕詳閱此本王鴻勳縱役殃民馬世端徇情容隱乃司道揭報而  
督撫題參者朕思司道既已揭報則憲德安能隱匿不參與督撫  
查出糾參者不同難援自行檢舉之例免其議處也憲德仍交部  
議嗣後有與此等相類者不必兩擬票籤○改山東臨沂沂州沙  
溝梁山等營守備缺俱為都司僉書○戊辰以劉應鼎為四川布

東華錄 雍正十九

三

政使高維新署四川按察使原任四川布政使○改江蘇嘉定縣江灣司  
巡檢為南翔司巡檢移駐南翔鎮○改湖北湖南撫標中軍遊擊  
缺為參將督標中軍守備黃州龍陽九谿永順等協中軍守備道  
士泮永定等營守備各缺俱為都司僉書○庚午以浙江杭嘉二  
府屬蟲災命減價折徵漕米○移四川小河營遊擊駐南坪改永  
甯協左右營遊擊夔州協中軍守備及通巴忠州平番柏香馬邊  
大壩安阜梁萬阜和甯安德靖潼縣等營守備各缺俱為都司僉  
書○辛未靖邊大將軍傅爾丹奏臣率領大兵於本月初六日已  
至察罕叟爾京師滿洲兵臣自行統率在察罕叟爾之東巴顏布  
拉克地方過冬歸化城土默特之兵令與王桑里達居住之濟斯  
布隆地方附近駐紮盛京船廠右衛察哈爾哈喇沁土默特綠旗  
兵離滿洲營相去五里次第安營黑龍江兵丁令在大營之北扎



哈蘇泰呼集爾圖地方駐營防守得旨交辦理軍機事務大臣等議奏尋議本月初四日靖邊大將軍印即令順承親王掌管應行文順承親王將各處弁兵如何擇地屯紮之處會同傅爾丹酌量辦理從之○癸酉改山東文登膠州二營中軍守備甯福壽樂二營守備各缺俱爲都司僉書○甲戌諭大學士等朕因陳泰罪不可宥曾嚴降諭旨今傅爾丹奏內仍以陳泰爲參贊開列職名甚屬錯誤爾等行文與順承親王陳泰至察罕叟爾時著卽革職鎮罕嚴審具奏○丙子以塔林爲額外內閣學士署刑部右侍郎原任西安布○己卯諭八旗都統等八旗漢軍兵丁技藝俱未嫻熟皆失於訓練所致今於額數之外挑選丁壯二千名另設一營教習訓練務期精銳再入旗漢軍動舊大臣等子弟因其父兄失於教導甚乏可用之才朕心深爲憐憫見今尙耿石李佟祖蔡王諸家

東華錄

雍正十九

五月

之子弟無論在京在外其年至十五以上二十歲內外者著揀選帶領引見朕量其才器令其學習行走日後俾得成就以副朕加恩造就勳舊子弟之至意○以彭維新爲左都御史轉俞兆晟爲戶部左侍郎以韓光基爲戶部右侍郎由副都○庚辰諭大學士等喀爾喀郡王汪扎爾前因追殺逃走之烏梁海由貝勒封爲王爵去歲軍營送駝誤期經部議黜革此次出兵著賞給汪扎爾貝勒原爵同公策凌旺布領兵前往○辛巳添設三姓地方副都統一佐領六防禦四筆帖式二披甲八百名○戊子大學士等遵旨議奏據傅爾丹奏稱管領喀喇武兵一等塔布囊丹巴從軍剿賊衝鋒力戰受傷入骨今因傷發病故臣等遵旨從優議卹或贈爲扎薩克一等塔布囊或授爲輔國公恭候 欽定得旨丹巴著追封輔國公世襲罔替○刑部議覆甘肅巡撫許容奏回民居住之

處嗣後請令地方官備造冊籍印給門牌以十戶爲一牌十牌爲一甲十甲爲一保除設立牌頭甲長保正外選本地殷實老成者充爲掌教如人戶多者再選一人爲副不時稽查所管回民一年之內並無匪盜等事令地方官酌給花紅以示鼓勵從之

十二月庚寅朔日有食之○辛卯諭內閣牧可登著革退刑部侍郎俟伊承審事件具奏之後再離任刑部侍郎員缺著西安巡撫武格補授西安巡撫事務仍著馬爾泰署理史貽直協辦○以馬喇爲工部尚書由護軍統領○封科爾沁台吉鄂齊爾爲輔國公○壬辰諭理藩院西藏一等台吉噶錫巴那穆扎爾色卜騰具奏謝恩進獻方物從前因伊父噶錫巴那穆扎爾於阿里地方陣亡經頗羅鼐奏請將噶錫巴那穆扎爾色卜騰承襲爲一等台吉令伊子噶錫巴那穆扎爾色卜騰承襲聞噶錫巴那穆扎爾色卜騰甚是勤勞效力伊又係康濟爾之兄

東華錄

雍正十九

五月

子康濟爾誠心效力始終不懈並無子嗣今將噶錫巴那穆扎爾色卜騰格外施恩封爲輔國公世襲罔替○轉吳士玉爲吏部左侍郎調任蘭枝爲吏部右侍郎由副都○癸巳刑部議准原任西安巡撫武格奏流犯有年踰六十老病龍鍾者請照孤貧之例准其撥入養濟院給以口糧俾得全活餘年從之○廣東布政使楊永斌奏定例鐵器不許出境貨賣而洋船私帶禁止尤嚴粵東所產鐵鍋每連約重二十斤查雍正七八九年夷船出口每船所買鐵鍋少者自一百連至二三百連不等多者至五百連並有至一千連者計算每年出洋之鍋約一二萬斤誠有關繫應請照廢鐵之例一體嚴禁違者船戶人等照例治罪官役通同徇縱照徇縱廢鐵例議處嗣後令海關監督詳加稽查至商船煮食器具銅鍋砂鍋俱屬可用非必盡需鐵鍋亦無不便外夷之處於朝廷柔懷遠人



之德意並無違礙得旨鐵斤不許出洋例有明禁而廣東夷船每年收買鐵鍋甚多則與禁鐵出洋之功令不符矣楊永斌所奏甚是嗣後稽查禁止及官員處分商人船戶治罪之處悉照所請行粵東既行查禁則他省洋船出口之處亦當一體遵行永著為例

○丙申以價格為理藩院額外侍郎雙喜為內閣學士由內閣侍讀學士遷

○己亥冊諡 大行皇后曰 孝敬皇后頒詔天下○復設福建督標右營參將一福甯左營閩安右營遊擊各一建甯左營汀州左營延平右營漳州中營興化右營守備各一改撫標中軍遊擊缺為參將福協右軍守備福建將軍標下中軍守備臺灣北路淡水營守備長福營右軍守備邵武城守右營守備泉州城守營安海汛守備同安營灌口汛守備各缺俱為都司僉書○辛丑增翁源縣際下鄉巡檢一博羅縣城仍留原設把總一原防之都司撤

東華錄 雍正十九 美

回府城以舊駐惠州府城左營守備移駐長甯增長甯縣屬老虎坳汛移千總一駐防際下鄉及長甯縣屬錫場山各增一汛每汛設外委把總一統歸惠州協轄○癸卯改廣東瓊州協左營守備興甯和平確州東莞三水四會那扶等營守備各缺俱為都司僉書○甲辰靖邊大將軍順承親王錫保奏甯古塔副都統塔爾岱呈稱 皇上恩旨念塔爾岱宣力可憫令回原任但大兵正值滅賊之期是塔爾岱雪恥之日若負罪而還何顏見七十有七之老母且塔爾岱傷痍悉已平復仰懇仍留軍前等語謹此代奏得旨朕覽塔爾岱所奏為之惻然若准伊所請朕實不忍若不准則軍中難得此練習之賢將今暫依所請賞伊母銀一千兩再賞塔爾岱一千兩資伊用度○奉天府府尹楊超會奏奉天各屬從前一切公務皆取給里下總計一歲之科派多於正額之錢糧如遇奏

銷地丁驛站大造編審人丁大計考察官吏等項自臣衙門家人書吏以至治中知府州縣各處均有陋規銀兩名為造冊之費歲科考試童生自府丞至治中知縣衙門亦有陋規銀兩名為考試之費至大小官員到任凡修理衙署鋪設器用以及查點保甲換給門牌印捕等官紙張飯食俱行攤派銀兩每項約有數十兩至百餘兩不等更或衙蠶里書從中指一派十侵收包攬弊竇多端臣已嚴飭各屬勒碑永禁並令嗣後徹底澈清不許絲毫派累得旨從來地方科派陋規甚為民間之擾累楊超會通行查禁辦理甚是但恐相沿已久官吏人等尚有陽奉陰違者又恐日久法弛將來接任之員或有仍襲從前之陋習著將楊超會所奏宣示於外令奉天官吏人等永遠遵行以除積弊以惠閭閻○改山西撫標中軍遊擊缺為參將殺虎協中軍守備大城陽和高山渾源廣

東華錄 雍正十九 毛

昌平刑忻州右衛井坪利民神池八角朔州樺林鎮西保德懷仁等營守備各缺俱為都司僉書○乙巳諭內閣逆賊呂留良以批評時藝託名講學今罪蹟昭彰普天共憤內外臣工咸以罪犯私著之書急宜焚毀為請朕以為從來無悖逆之大儒若因其人可誅而謂其書宜毀無論毀之未必能盡即毀之而絕無留遺天下後世更何所據以辨其道學之真偽乎以故毀書之議槩未允行頃者翰林顧天成奏稱呂留良所刊四書講義語錄等書蠱惑浮淺鄙毫無發明請敕學臣曉諭多士勿惑於邪說爰命在廷儒臣詳加檢閱茲據大學士朱軾等於其講義語錄逐條摘較纂輯成帙呈請刊刻編頒學宮朕以逆賊所犯者朝廷之大法也諸臣所駁者章句之末學也朕惟秉至公以執法而於著書者之為醇為疵與駁書者之或是或非悉聽之天下之公論後世之公評朕皆置



之不問也大學士朱軾等既請刊刻頒布學宮俾遠近寡識之士  
子不至溺於邪說朕思此請亦屬可行姑從之以俟天下後世之  
讀書者○諭大學士等侍讀學士查克旦見今派往喀爾喀地方  
操兵防範著給還侍郎原銜○丙午實授諾爾渾兵部侍郎○丁  
未諭大學士等紀成斌久歷戎行曾有戰功是以朕加恩用至總  
兵官後因大將軍岳鍾琪極力保薦謂其可以大用始將伊擢用  
四川提督令在西路協贊軍務上年岳鍾琪來京陛見將大將軍  
印信交與紀成斌護理乃紀成斌隄防疏忽為賊人所窺始則盜  
竊馬駝既則偏近軍營無所忌憚此時紀成斌一籌莫展幸賴樊  
廷等奮力出擊以寡敵眾大挫其鋒而賊眾始退紀成斌之罪誠  
擢髮難數朕猶暫寬其罪俾得勉效力以贖前愆乃伊一年以  
來怠忽巡每見欽差大臣但言我實乃巴爾庫爾弁兵之罪魁  
東華錄 雍正十九 完  
紀成斌有忝職守深負朕恩著革去提督改為副將交與岳鍾琪  
凡有差遣之處令其效力贖罪若仍不知愧悔著即參奏嚴究四  
川提督著陝西延綏總兵官顏清如補授陝西延綏總兵著陝西  
沙州副將張豹補授紀成斌著補授陝西沙州副將○阿蘭泰緣  
事降調以阿成阿為左副都御史由副都統銜遷○改雲南督標中軍守  
備廣羅騰越劍州三協中軍守備順雲營守備貴州遵義黔西二  
協左右營遊擊平遠定廣二協中軍守備普安永安順新添平  
伐仁懷石阡等營守備廣西新泰思恩平樂慶遠等協中軍守備  
上思龍憑墟藤上林富賀三里麥嶺等營守備俱為都司僉書○  
戊申吏部遵旨議覆直省府州縣等缺地方之要簡不同人才之  
優絀各異必人地相宜方於吏治民生均有裨益嗣後除道府員  
缺係請旨補授並沿河苗疆一切應行題補之缺仍照舊例遵行

其同知通判知州知縣內經督撫冊報係衝繁疲難四者俱全或  
兼有三項之缺最為緊要令各該督於見任屬員內揀選熟練吏  
治品級相當之員具題調補所遺之缺歸部銓選至衝繁疲難四  
項內兼有二項以及專有一項之缺據各省冊報十居八九若歸  
在外題補恐外省調缺太多見任屬員不敷揀選調補之用應照  
例歸於月分升遷如初選之員於到任後或人缺不稱仍令督撫  
酌量具題對調再各省丁憂病故在外所開之缺向來扣留知照  
督撫將試用人員委署今衝繁疲難既經分別則在外所開缺內  
如係四項俱全或三項相兼者請照舊例扣留令該督撫將見任  
屬員選擇調補所出之缺將試用人員署理其不兼四項三項之  
缺歸部銓選至嗣後有應設應改之缺令該督撫即於改設本內  
將四項或全或兼或專等因分別聲明直隸各省一體遵行從之  
東華錄 雍正十九 完  
○改四川撫標中軍遊擊缺為參將○己酉 聖祖仁皇帝實錄  
聖訓告成○庚戌封喀爾喀扎薩克輔國公阿努里為貝子○王  
子諭大學士等貝勒阿寶並伊子衮布在西路軍營甚屬效力阿  
寶又帶所屬兵丁防範遊牧殊為可嘉著賞還伊郡王原爵○癸  
丑復設湖北孝感縣馬溪河巡檢一改應山縣平里市巡檢為平  
靖關巡檢移駐三里店○裁四川松潘衛守備缺改設龍安府同  
知一照磨一俱駐松潘增南坪巡檢一○改河南督標中軍守備  
缺為都司僉書○甲寅張體義緣事革職以方顯為貴州按察使  
由貴東○是歲琉球國來貢○人丁戶口二千五百四十四萬一  
千四百五十六又永不加賦滋生人丁八十六萬一千四百七十  
七田地山蕩畦地八百七十八萬六千一百九十頃八十畝有奇  
徵銀二千九百七十九萬七千五百一兩有奇米豆麥四百七十



六萬八千四百八十七石有奇草五百一萬七千七百二十七束  
茶三十二萬八千七百二十引行鹽五百一十九萬二千三百四  
十四引徵課銀三百九十五萬一千一百兩有奇鑄錢十萬四千  
八百七十五萬九千六百六十有奇

東華錄

雍正十九

四

東華錄

雍正二十年壬子春正月辛巳封順承親王錫保子熙良為世子○  
臣王先謙  
臣周澐著恭校

壬午命鄂爾泰為保和殿大學士兼兵部尚書由雲貴廣西總督遷○癸未  
甯遠大將軍岳鍾琪奏臣因入冬以來積雪甚深嚴飭卡倫之弁  
兵止令登城瞭望不許分遣遠哨詎料駐防鏡兒泉副將馬順不  
遵軍令陽奉陰違擅遣弁兵遠出巡哨致城北山內兵丁突遇賊  
夷被傷二名衝失一名副將馬順隨遣遊擊楊玉守備張嵩先後  
帶兵追趕賊夷遠遁其違令之副將馬順理合參奏得旨鏡兒泉  
卡倫離軍營不及百里駐兵不少賊來即致傷失兵丁一任遠遁  
岳鍾琪是何防範且安設卡倫原為巡探如雪霧黑夜尤宜加意  
東華錄 雍正二十

東華錄

雍正二十

一

若止令登城瞭望不許分遣遠哨以為恐有疏防是必將待賊臨  
城而後防矣是何軍令岳鍾琪不知自咎僅以副將陽奉陰違為  
詞朕實不解將岳鍾琪與該副將等交部嚴察議奏○乙酉禮部  
題 孝敬皇后冊諡禮成請照例遣官敕諭朝鮮國王得旨上年  
十一月已計告該國王今因冊諡禮成又遣官員前往恐外藩不  
無迎送供應之煩此次不必命使爾部照頒示各省之例一體行  
文朝鮮將朕此旨傳諭該國王知之○丁亥諭理藩院厄魯特郡  
王額駙阿寶之子公袞布在西路軍前甚屬效力著加恩封為固  
山貝子○裁雲南賓川州賓居巡檢添設景東府猛統巡檢一○  
戊子諭內閣廣東總督郝玉麟病痊著仍回原任辦事○改江西  
撫標中軍遊擊缺為參將武甯鉛山瑞州撫州廣昌鄱湖興國文  
英永鎮橫岡羊角永豐樟樹南康南湖等營及南昌贛州城守營



守備俱爲都司僉書○改直隸張家口協標左右二營遊擊河間  
通州大名石匣三屯山永等協中軍守備懷安城西城赤城滴水  
巖懷來城靖安堡長安嶺樂亭三河采育豐潤張灣寶坻廣平順  
德杜勝忠順王家坪晉家路密雲城潘家口燕河路懷柔城新雄  
易水白石口沿河口河屯等營守備及正定府龍固營大名協右  
營守備各缺俱爲都司僉書

二月己丑朔增廣東香山縣黃梁都巡檢一○庚寅諭內閣我朝  
撫有方夏 列聖相承惟以愛養黎元爲本 聖祖仁皇帝臨御  
六十餘年恩施累洽於九州獨賑動逾乎千萬深仁厚澤決髓淪  
肌朕登大寶仰體 皇考仁愛之聖心勤恤閭閻疾苦之民隱宵  
旰孜孜凡可以厚民生布膏澤者至周且渥歷年以來蠲免賑恤  
疊沛頻施海內亦既共知而共見矣惟是任土作貢者治世之常

東華錄 雍正二十

經勸善懲惡者馭民之大法禹貢以三壤成賦周官以九式經邦  
國家經費皆取給於正供聖人恤民之心無窮而取民有制亦不  
能頻施逾格之恩以紕國用也至於遊民情農王政所禁奸胥墨  
吏國法不容使蠲租免賦而奸黠頑惰之屬皆得濫沐恩膏良善  
急公者轉未能均霑惠澤又豈爲政之道哉朕以爲蠲除歷年之  
逋賦而使頑戶偏蒙其澤不若減免新歲之額徵而使眾民普受  
其惠數年來曉諭中外者屢矣是以清查帶徵錢糧如直隸河南  
山東山西浙江等省民間完納者最多朕皆特沛殊恩於該省豐  
稔之年將額徵正賦蠲免四十萬兩無非欲將帶徵完納之數仍  
散於良善之氓使比戶均被恩施並未收之府庫此亦天下所共  
知共見者江南蘇松等處財賦甲於天下而歷年積欠亦較他省  
爲最多朕既豁免康熙五十年以前之未完者其五十一年以後

應徵之項復寬限十年十五年帶徵以紓民力又思此等逋賦實  
在民欠者固多而官吏侵蝕者正復不少特遣大臣官員等會同  
撫藩及地方有司逐一徹底清查分晰官侵吏蝕民欠三項以除  
蒙混之弊又恐承命之員以徵納清釐致滋紛擾悉將帶徵各項  
停其輸納嚴諭各員實力奉行務使分晰清明毫無疑費今據侍  
郎彭維新巡撫尹繼善等奏報清查告竣自康熙五十一年起至  
雍正四年通計各屬積欠共一千一十一萬六千三百兩零其中  
侵蝕包攬者共四百七十二萬六千三百兩零實在民欠者五百  
三十九萬零俱覈對明白無有涸涸朕因江蘇積弊叢生籌  
畫多年而爲此清查之舉所以經國計清吏治實欲厚民生而除  
民累也苟有益於羣黎百姓朕卽樂沛浩蕩之恩況朕敬承 皇  
考寬賦恤民之鴻慈於蘇松額徵浮糧豁免四十五萬積歲計之

東華錄 雍正二十

其數何啻幾千百萬豈於區區之積逋有所靳惜哉但念官役之  
侵蝕奸徒之包攬蠹國害民固爲法所不宥而民欠蠶聚亦皆抗  
玩疲頑之習日積月累以至於斯也今欲槩行豁免不惟墨吏奸  
胥罔知懲戒且積久欠糧之頑戶無不霑恩被澤自以爲得計而  
急公之善良不與焉洵非阜民善俗之道也則與其蠲除歷年之  
逋賦孰若免新歲之額徵爲大有益於斯民乎再四斟酌欲將侵  
蝕包攬之項分作十年帶徵實在民欠之項更加寬緩分作二十  
年帶徵嗣後從壬子年爲始本年帶徵之項完納若干朕卽照所  
完之數蠲免次年額徵之糧若干若官吏百姓等果知悔過急公  
於每年帶徵額數外多完若干朕卽將次年錢糧照多完之數豁  
免如此則朕之清釐積欠並無絲毫入官實皆沛爲萬民普被之  
澤而貪墨奸蠹之徒無所傲倖抗玩疲頑之習知所做惕庶幾吏



治肅清而民風醇厚共成比戶可封之俗矣著該督撫督率地方官實心奉行其官吏侵蝕之項務於本人名下著追毋得株連以滋擾累其民欠之項俱按各戶花名完納毋得波及兄弟親戚致令盡役借端苛索備有奉行不善生事擾民者該督撫即行題參嚴加議處至侵蝕錢糧之官吏皆應加重罪之人第歷年既久人數繁多不忍槩行執法治罪著施恩法外寬為分年帶徵若廢員中有能悔過自新不拘年限先行完納者應分別准其開復以示獎勵其依限完納者寬免其罪胥吏中有先期及依限完納者亦酌量加恩寬免其罪○吏部議准廣西巡撫金銜奏歸順土知州岑佐祚緣事革職查無應襲之人請改土為流設知州一吏目一駐紮州城舊設州同移駐舊州地方把總移駐隴邦村其頻崗屯隘上旬榮勞四邦各隘酌設百隊土兵以資防守從之○改廣東

東華錄

雍正二十

四

撫標中軍遊擊為參將○辛卯諭內閣我朝從前文武大臣持躬正直奉職公忠樹績建勳完名全節者朕已降旨於京師賢良祠永遠展祀以彰令範因思外任大臣鎮撫封疆宣猷布化忠勇效命威愛宜民其政績卓然可紀者若於身故之後建立賢良祠俾得永膺祀典既足慰兵民懿好之公亦足為後來居官者之勸如近日之將軍蔡良提督張雲總兵蘇大有魏壽國皆素有賢聲勤勞王事而歿於官者允宜在賢良之例著直省各於省會之地建立祠宇其與祀之人即從近年為始向後凡有應請入祠者該地方督撫於一人各具一本請旨不必彙奏○召沈廷正來京以王朝恩為直隸河道總督由刑部左○壬辰以塔林為吏部右侍郎由領外內○調孫嘉淦為刑部右侍郎以陳樹萱為工部左侍郎由大理寺○辦理哈密事務員外郎永恒等奏正月二十一日準

噶爾賊突犯哈密貝子額敏擒獲賊人蒙克據供領兵賊人係色布騰策零那木扎爾等由烏魯木齊遣兵六千來攻哈密臣等晝夜守城相機剿賊報聞○癸巳戶部議准升任雲貴廣西總督鄂爾泰奏黔省遵義府屬之正安州見在州治地僻人稀並無城郭其土坪舊治地勢寬闊編氓亦眾請將正安州治移駐土坪又綏陽縣旺草里離縣遠接壤土坪請將旺草里改歸正安州轄從之○乙未以性桂署刑部尚書魏廷珍為漕運總督由禮部○丙申以直隸山東河南山西陝西五省少雪命督撫清理刑獄○轉眾佛保為理藩院左侍郎實授納延泰理藩院右侍郎○丁酉甯遠大將軍岳鍾琪奏據辦理哈密事務員外郎永恒查斯海副將焦景斌貝子額敏呈稱正月二十二日準噶爾賊兵逼近哈密登城瞭望約三千餘人臣查哈密地方有副將焦景斌帶領官兵一

東華錄

雍正二十

五

千五百名駐防又參將韓良弼帶領山西綠旗兵八百名駐紮城內足資固守但賊人既已侵逼哈密自應遣兵截殺臣遣總兵官曹勳等帶兵五千星夜由回落兔大坂五堡地方截其後直至哈密應援總兵官張豹帶兵二千名由闊舍圖嶺赴哈密接應又據永恒等報稱二十三日城池左近賊兵甚少其大隊俱往南湖黃蘆岡向東北沿山一帶前赴塔爾沁等語臣查塔爾沁沁地方有提督顏清如帶兵四千名駐紮城內可以固守又令總兵曹勳等於黃蘆岡一帶相度地勢據其要隘相機掩殺臣更慮賊人或由毛垓圖爾庫爾等路竄入北山逃遁歸巢查北山正西及西北兩路有巴漢恩度爾插漢專津二處俱係賊人必由之路臣更派副將軍石雲倬帶領原任兵部尚書馬會伯率綠旗兵三千二百名前赴巴漢恩度爾一路埋伏署鎮安將軍卓爾帶領前鋒統



領宗室哈爾吉副都統僧保張正文等率驍勇官兵暨入旗滿兵共三千八百名前赴插漢專津一路埋伏副將軍常泰帶領都統良敦總兵官張存孝率滿漢兵三千二百名前赴無克克嶺地方截殺臣率軍營兵馬見在豫備接應報聞○戊戌大學士鄂爾泰奏古州丹江等處開闢苗疆一皆懷遵 聖訓宣布仁威將士用命非臣之能况數年以來疊受殊恩異數臣自問百無酬一伏乞皇上俯鑒愚忱准免議敘得旨覽奏情詞懇切具見誠悃卿忠勇懋著使苗梗向風不但綏靖苗疆之功績爲人所難能而仔肩重任之公誠亦大臣中所罕有國家酬庸賞功關繫鉅典非卿可以己意遜讓亦非朕可以私心增減者仍遵前旨行○己亥兵部遵旨議奏升任雲貴廣西總督鄂爾泰貴州巡撫張廣泗辦理苗疆剿撫允協鄂爾泰應給與一等阿達哈哈番查鄂爾泰見係三東華錄 雍正二十 六

沿途搜剿等語臣查賊人率眾長驅深入塔爾沁一帶原圖擄掠牲畜今軍營所留馬匹羸頭俱在山西四道溝畢留大坂內牧放官兵防護嚴密牲畜並無傷損報聞○庚子諭內閣國家典禮首重祭祀每當齋戒日期必檢束身心竭誠致敬不稍放逸始可以嚴昭事而格神明朕每遇齋戒之日至誠至敬不但殿廷供設銅人卽坐卧之次亦書齋戒牌存心做惕須臾弗忘至內外大小官員雖設齋牌於官署但恐言動起居之際稍有褻慢卽非致齋嚴肅之義查明代祀典凡陪祀及執事之人有懸祀牌之例今酌定齋牌之式令陪祀人員佩著心胸之間使觸目做心恪恭罔懈並得彼此觀瞻益加省惕其於明禮大典愈昭虔潔著傳諭各部院及八旗並直省文武官員一體遵行○甯遠大將軍岳鍾琪奏臣合總兵官曹勳統領副將紀成斌率兵應援哈密於正月二十七日將至二堡地方正遇賊人大隊約有五千餘人卽奮勇進擊交戰一晝夜二十八日賊眾登山抗拒曹勳等復四面奮攻爭先力戰從卯至午賊眾大潰殺傷無數奪其馬匹牛羊並救出兵丁及漢回商民數百名所餘賊兵由沙磧敗遁西逃曹勳領兵搜捕直抵二堡下營二十九日曹勳自二堡行至柳樹泉總兵官張豹協同哈密副將焦景茲塔爾沁副將陳經綸等與曹勳合兵一處乘夜追剿臣思賊人腹背受敵縱有殘寇免脫勢必逃至無克克嶺臣隨知會副將軍石雲倬常齊署鎮安將軍卓鼐等派遣滿漢兵丁六千名於無克克嶺南山口之梯子泉一帶截殺仍著總兵官曹勳將所領官兵在沙磧泉駐紮以張聲勢所有大捷緣由理合繕摺奏報得旨大將軍岳鍾琪奏報各路撥派官兵進剿堵截及總兵曹勳等擊敗賊人之信調度有方運籌亦備官兵兵丁



奮勇效力擊敗賊眾朕心嘉慰惟是曹勳領兵一路正當賊鋒其所帶兵丁稍覺單弱而勇健將弁亦覺尙少再賊人若由無克克嶺逃遁則有常賚石雲倬等堵邀擊殺假若敗殘餘賊由沙磧而遁必由齊克塔木經過吐魯番之官兵早能得信與回民併力邀擊豈不更善又穆壘駐兵一事朕已降旨與岳鍾琪令其計議舉行則吐魯番回民遷移之事可以緩商至穆壘築城若事在必行以速為善今賊夷受創而去乘機動工更覺順便並令岳鍾琪速議奏聞○癸卯大學士等議覆直隸古北口提督路振揚等奏直隸獨石口參將請改為副將增都司一千總二把總三馬營堡把總改為千總再添撥千總一龍門路城都司改為遊擊趙州堡把總改為守備張家口路屬柴溝堡增參將一把總一其應添兵丁請於宣化鎮兵內抽出四百三十名再召募四百名以敷防守至

東華錄

雍正二十

八

於山西沿邊各營路將領應行增添新路助馬路俱增千總把總各一將軍會堡增千總一馬市水口改原設外委把總為千總平魯路增把總三得勝路增把總二鎮宏堡鎮邊堡宏賜堡鎮羌堡拒門堡保安堡鐵山堡威虎堡迎恩堡焦尾城增把總各一其應添兵丁俱於大同鎮殺虎協朔平城守營內抽撥足額無庸另募所有直隸山西一帶邊牆俱無庸修築其坍塌各口應用木柵鹿柵堵塞從之○丙午大學士等議奏陳泰世受國恩身為參贊傅爾丹統兵進剿之時特授伊兵二千令在科布多河岸駐紮以備賊兵乃陳泰一聞索倫逃兵訛言即畏懦不前領兵回向扎布韓後傅爾丹屢次催調陳泰惟事推諉又不即赴科布多殊干法紀應照律擬斬秋後處決行文軍營令將陳泰解送來京交刑部監候得旨陳泰之罪斷無可赦著照擬處斬即在軍營監禁至秋

審時擬為情實具奏俟命下之日再行正法○丁未李蘭綠調以王絃為江西布政使孫詔為安徽按察使由浙江甯台道遷○姜穎新患病解任以寶啟瑛為直隸按察使由光祿寺少卿遷○戊申裁山西吳城青城二驛驛丞各一○辛亥甯遠大將軍岳鍾琪奏準噶爾賊由五堡之南沿沙磧敗遁若尋有水草路必繞至無克克嶺一路西竄臣前派副將軍常賚石雲倬所領之官兵六千餘名俱於正月二十九日午未時已齊至無克克嶺臣與副將軍常賚石雲倬兵一到無克克嶺略為歇息即令石雲倬挑帶四五千名先赴梯子泉一路截殺署鎮安將軍卓爾琿滿兵三千名接應其餘官兵令常賚帶領守截無克克嶺山口三十日午後賊人適在山口二十里屯住石雲倬等如即遣發官兵乘夜潛襲滅此自不待朝食詎料初一初二等日查無捷音至初三日始據卓爾琿咨稱初一日

東華錄

雍正二十

九

賊兵業已逃竄初二日即遣驍勇兵近接遠捕賊人從陶賴大坂之西越向納庫山遁歸臣思將軍三員帶兵萬餘觀望不前以致賊人驚覺遠颺深為駭異及副將軍等陸續撤兵回營詢其情節據常賚卓爾琿同稱三十日午後見有賊人屯住山口石雲倬總不發兵直至戌時始派兵一千五百名令總兵官張存孝帶領在山下等候又數次遣人攔阻不許前進石雲倬安寢帳房初一日天明始領兵東行十餘里隨即安營造飯煎茶繼轉西而行張存孝至賊人屯住之處餘火未息報稱賊人竄遁不遠請其速行前進追剿石雲倬又傳令撤兵不許追襲臣以梯子泉一帶實逆賊歸巢之要路又慮無克克嶺之西南尚有塔庫納一路亦係賊人歸途務須派兵堵截查有涼州右營外委馬得玉乃熟識塔庫納庫道路之人令其馳赴行營聽候發兵領路不料石雲倬大怒以馬



得玉為多事欲行責治並不發兵邀截賊人果由塔庫納庫一路  
逃歸坐失機會石雲倬乖戾債事臣實難代為隱諱不得不據實  
奏聞得旨辦理軍機大臣嚴察議奏尋議石雲倬應革職交與岳  
鍾琪同常賚卓鼐等詢明確供解京按律究擬從之○壬子諭大  
學士等據大將軍岳鍾琪奏報賊人從塔庫納庫一路遁逃並撤  
兵回營各情由此次賊夷狂肆昏亂深入重地投身羅網乃自速  
滅亡也我師既以逸待勞且我眾彼寡但能申明軍紀要截擊殺  
並不必奇謀異算斷不至免脫狼奔今乃坐失機會不但不能屠  
剿且使賊人由坦途而遁此實朕與廷臣意料所不及者其領兵  
之石雲倬已降旨治罪至岳鍾琪素諳軍旅本非庸材緣懷游移  
之見致乖戰守之宜前車之鑒非止一端嗣後當深悟前非痛自  
省惕先事綢繆臨事堅定壹號令以振軍聲示威信以齊眾志庶  
東華錄 雍正二十  
十  
可以奏膚功而收後效朕猶深望之○癸丑諭大學士等前議二  
四月間穆壘築城駐兵一事已降旨大將軍岳鍾琪令其酌量辦  
理今再四思維以數萬官兵移駐穆壘春間馬駝既恐應力不足  
且時日稍覺忙迫未必事事皆能就緒不若遲至六月夏秋之交  
將諸事豫行慎密辦妥大兵進發一舉可成將來豫備兵丁之時  
須出其不意速完城工則戰守皆易矣穆壘駐兵之舉既緩則吐  
魯番之兵糧當急為籌畫吐魯番既有官兵二千名若再加三千  
名則軍勢益壯不但可以保護回民即將來禾稼在野之時賊人  
前來踐踏我師合回眾擒剿之亦易為力此時發兵三千前往就  
便可以將米糧運送或由沙磧小路零星運往亦可儻催哈密之  
人運送而令吐魯番之人接應皆照數給與腳價著岳鍾琪悉心  
妥議辦理○諭西路副將軍石雲倬已革職議罪朕欲於各省督

撫提鎮中簡用一人前往軍營協辦軍務貴州巡撫張廣泗才幹  
優長實心任事數年以來苗地用兵該撫親歷戎行深諳軍務著  
卽馳驛來京面請訓旨前往軍營為副將軍賞藩庫銀一萬兩製  
辦行裝貴州巡撫印務著廣西布政使元展成前往署理廣西布  
政使印務著廣西按察使張鉞署理廣西按察使印務著廣西慶  
遠府知府徐嘉賓署理○命劉世明往西路參贊軍務以郝玉麟  
署福建總督鄂彌達署廣東總督楊永斌署廣東巡撫甘汝來署  
廣東布政使由江南蘇松○甲寅移江南淮徐道駐宿遷縣  
三月己未裁雲南磨者井烏得井鹽大使添設白石谷井復隆井  
鹽大使二改琅鹽井吏目為大使○癸亥 上親耕藉田○甲子  
以常賚為內大臣仍留軍營托時為刑部右侍郎原在倉○乙丑  
諭內閣直省各府州縣設立壇壇致祭 社稷及風雲雷雨山川  
東華錄 雍正二十  
十  
城隍之神每歲春秋展祀以崇報享典至重也從前初建之時有  
司或視為具文規制未必周備及歷年既久漸有傾圮之處又未  
必及時修葺是以僻遠之郡縣規模簡略禮儀草率者往往有之  
甚非肅將禮祀之本意也著禮部查照定例行文各該督撫轉飭  
府州縣敬謹如式修理以重祀典仍令造冊報部每遇該管官員  
升遷事故俱照先農壇忠孝節義祠列入交盤項內查明接受則  
有司自顧考成經理益加虔恪矣○添設山西平定州甘桃鋪驛  
丞一○丙寅改陝西慶陽靖邊西鳳潼關波羅神木定邊漢中永  
昌中衛花馬池河州洮岷永固等協中軍守備及沙州協左右營  
鳳翔城守營邠州營盤屋營富平營金鎮關營七里關營綏德營  
鄜州營文縣營碾伯營響水堡懷遠堡常樂堡雙山堡建安堡高  
家堡鎮羌堡安邊堡鎮靖堡新城堡張義堡蔡旗堡安遠堡二眼



井堡橫城堡威遠營清水堡梨園堡馬營墩堡硤口堡孤山堡大壩堡保安堡歸德堡黃墩堡踏寶堡赤金營柳溝營岔口營岷州營舊洮堡西固堡南川營守備俱為都司僉書○戊辰甯遠大將軍岳鍾琪奏據擒獲準噶爾賊巴顏等供領兵來犯哈密係台吉色布騰及小策零敦多卜之子策零那木扎爾等鳴爾丹策零去年九月內調兵六千名在烏魯木齊地方會齊至奇台附近處過冬今年正月十二日由奇台起程於二十日夜過無克克嶺前赴哈密其侵犯阿爾泰之兵去年十一月間小策零敦多卜回至哈喇沙爾大策零敦多卜回至塔爾巴哈台留小策零敦多卜之子曼濟在撥東濟地方過冬今因哈薩克兵擄掠準噶爾七百餘戶噶爾丹策零已將曼濟撤回欲往哈薩克地方發兵報聞○改江南安康撫標中軍遊擊蘇州城守營遊擊壽春協安慶協河標督東華錄

雍正二十  
主

漕標京口將軍標等中軍守備缺及廬州亳州溧陽平望泰興掘港楊舍孟河黃浦柘林青村南匯東海蕭營小關子窈子港等營守備俱為都司僉書○丁丑大學士等參奏據甯遠大將軍岳鍾琪奏報賊人敗遁及臺站牧廠情形諸摺情詞互異前後舛謬岳鍾琪以無克克嶺為賊遁歸必由之路其梯子泉地方恐賊鋌而走險之道則當派撥兵丁時即應指定兩處酌遣官兵邀截而必俟已至無克克嶺始令往梯子泉並令石雲倬等略為歇息是賊人之得從塔庫納庫潛逃而歸者雖石雲倬之罪而岳鍾琪亦難辭咎也又前奏塔爾那沁各廠看守甚嚴賊人一無所得後又奏報失去牲畜並各廠弁兵亦有損傷且云截殺賊人收回羊馬所得足償所失覲然不以為恥殊非大臣奏對之體又無克克嶺離軍營僅九十里賊兵過嶺而軍營茫然不知所設坐卡兵丁此時

何在且鏡兒泉撥濟察罕哈麻爾復設三大卡倫專為探信而設乃一無聞見則平日所云傳遞號礮頃刻可至者尙足恃乎當草枯馬瘦之時賊以五六千人入我卡倫越過軍營直至塔爾那沁我兵三萬餘眾周圍密布既任其來復任其去賊並不奔沙磧竟由小路而去似此玩忽縱賊奏報不實深負 聖恩有玷倚任請將岳鍾琪救部嚴加議處得旨該部嚴察議奏○戊寅諭內閣向因武員養廉不敷以致扣剋兵餉是以酌定親丁名糧以為養贍家口之費又因營伍公用無資定有額兵百名准抽二名之例似此曲加體恤無非施恩於弁員使應有之兵數再無虛冒以收戎行之實效也近聞各省中尙有數處不能全除空糧之弊或於親丁名糧之外仍有家人長隨頂名支領者又有字識匠作之輩賄求濫充而勇力之人轉不得入選每遇調撥差用則委靡退縮不東華錄

雍正二十  
主

耐勞苦前歲湖廣提標曾以兵丁二百名調補鎮單四營其中逃避者即已過半又加援剿黔苗時提標兵丁往來鎮單六里等處跋前疐後行役維艱國家歲費帑金養一兵期獲一兵之用若實存之名數既有空虛而在伍之兵丁又復怯懦不振則所謂武備修明者安在乎著該管大臣用心稽查勤加訓練務將陋規永革諸弊悉除毋得溺於積習苟且因循負朕委用儻屢經訓飭之後有不知悛改者定加嚴譴○兵部議准升任雲貴廣西總督鄂爾泰奏黔楚交界之生苗久居化外今銅仁所屬坡東坡西向化歸誠者一百五十一寨均宜設協安營移兵駐紮請於銅仁協添兵八百名大定協添兵五百名遵義協添兵一百八十八名鎮遠營添兵一百名合原設將弁帶領分防松桃水城等處裁去施南營參將一留守備一與所轄之石阡營俱歸鎮遠營轄移正大營同



知駐紮松桃大定府通判駐紮水城從之○己卯封喀喇沁塔布  
臺厄爾德尼爲輔國公○庚辰裁雲南曲靖府通判增元江府通  
判一駐他郎南安州州判一駐碼嘉姚州州判一駐普湖改臨安  
府原轄之新平縣歸元江府轄普洱鎮原轄之元江營歸臨安鎮  
轄其元普沅威鎮改爲普洱沅威鎮臨安改爲臨元改爲江  
鎮移元江營守備駐他郎○丁亥諭辦理軍機大臣等朕覽大將  
軍岳鍾琪陸續奏摺知官兵騎赴軍營之馬及塔爾沁等處收  
放之馬有沿途疲瘦倒斃者有傳染時疫者有被賊人劫奪者見  
今存贖馬匹寥寥無幾夫以多年購買豫備之馬匹而棄之有如  
草芥其咎將誰歸乎又據岳鍾琪奏稱穆壘駐兵俟所調駝馬到  
營之日卽速起程等語口內解送之馬遠涉長途不令休息卽欲  
驅使前赴穆壘其力實有不能目今口內駝馬陸續解送軍營賊

東華錄

雍正二十

西

人探知必又生窺伺之念且將來移駐穆壘之後所有駝馬牲畜  
甚多如何收放布置以防偷盜岳鍾琪須悉心籌算思慮豫防毋  
得仍蹈前轍再者朕聞軍營中自大將軍以至將弁皆用兵丁之  
力伐木取土蓋造房屋兵丁等雖勉供使令而退有怨言夫兵丁  
身列戎行枕戈荷戟冒敵衝鋒是其職業至於興作力役非其事  
也是以從前築城時凡兵丁之情願傭工者朕皆照數給與工價  
而不忍輕用其力將弁欲蓋造房舍自當捐己貲以雇夫役豈可  
圖一身之便安而不恤兵丁之勞苦使伊等操練辦公之外復竭  
蹙以供其私役乎從來爲將帥者與士卒同甘苦然後可以得其  
歡心而鼓其銳氣今軍營之行事如此豈不與古人領兵之道相  
左乎將來移駐穆壘時儻有復蹈前轍者經朕訪聞必嚴加治罪  
○是月免山東濱州新城等八州縣雍正九年水災額賦有差

東華錄 雍正二〇

夏四月戊子朔諭果親王等圓明園官兵應廣其升遷之路增補  
官員其如何增補之處著議奏尋議圓明園原設每旗營總各一  
員副護軍參領各二員護軍校委署參領各四員護軍校各十員  
副護軍校各九員今請於八旗見有之副護軍參領內每旗揀選  
一員補授護軍參領隨營總辦事向例副護軍參領係五品今請  
准爲四品其護軍校委署參領請准爲五品每旗增補護軍校四  
員副護軍校五員又內府三旗護軍參領共三員今增補營總一  
員亦請准爲四品令掌管關防再隨關防之筆帖式每旗選補四  
名內府三旗亦各令選補四名從之○辛卯兵部等衙門議准升  
任雲貴廣西總督鄂爾泰奏都江河道開通地方遼闊宜添設文  
武官員分防彈壓上江請置一協設副將一遊擊二守備二千總  
四把總八兵二千二百名分爲左右營下江置一營設遊擊一守  
備一千總二把總四兵八百名九股適中之台拱置一營設參將

東華錄

雍正二十

五

一守備二千總二把總四兵一千名分爲左右軍其古州鎮原議  
駐城兵三千名內撥五百名分布各汛清江協分防柳羅之兵四  
百名內抽出二百名以一百名防守大營後山一百名添駐公鵝  
城內至黃施營原設遊擊一千總一把總二應裁兵五百名撥歸  
台拱營新設兵丁之內仍令分駐舊施秉稟貢二處所餘黃施守  
備一千總一把總二兵二百名卽改爲專營以上各協營俱歸古  
州鎮統轄再於都勻府設理苗通判一駐紮上江永從開泰天柱  
等縣增縣丞三分駐下江古州清江等處又廣西慶遠府屬之荔  
波縣離府治五百餘里山路險遠請改隸貴州都勻府轄得旨朕  
與大學士鄂爾泰面加商酌新疆遼闊直通楚粵兼有內地舊汛  
非古州一鎮所能統轄查都江清水二江地界形勢兩路劃然牽

四七一



合歸一終難控馭而古州鎮處都江之適中清江協處清水江之適中遙對雄峙各踞要區若於清江協裁去副將改設一鎮並於九股亦裁去參將改設遊擊將新疆之丹江營台拱營與內地之銅仁鎮遠黃施天柱石阡平越等協營俱歸管轄其餘都勻協黎平營並新設之上江下江諸協營仍隸古州鎮管轄則弁兵原止如舊俸餉亦不須增添於數千里苗疆可無鞭長不及之慮更屬妥協著將清江協改鎮以雲南永北總兵官趙文英調補餘依議

○孫蘭芬緣事革職調徐聚倫為山東布政使以鄭禪寶為河南布政使由御史○辛丑工部議准升任雲貴廣西總督鄂爾泰奏滇省水利全在昆明海口見經修濬膏腴田地漸次涸出至如盤龍江金梭銀梭寶象海源馬料明通馬溺白沙等河俱與海口相近宜建閘築壩合雲南府水利同知巡查並請於昆陽州增水利州

東華錄 一 雍正二十 六

同一駐紮海口以專責成再通省有水利之處凡同知通判州同州判經歷吏目縣丞典史等請加水利職銜以資分辦從之○壬寅召樓儼來京以李蘭為江西按察使降調江西○癸卯解潘體豐任以劉藩長為福建布政使李玉鉉為福建按察使原任福建按察使

○予故戶部尚書德明祭葬諡勤贈太子少保○乙巳調海壽為戶部尚書實授性桂刑部尚書○兵部遵旨議覆大學士鄂爾泰等參奏岳鍾琪玩忽縱賊奏報不實應行議處查岳鍾琪身為大將軍專制邊疆賊夷以五六千人從無克克嶺入我卡倫侵犯哈密岳鍾琪茫然不知令賊劫掠牲畜從塔庫庫綏騎遁歸岳鍾琪智不能料敵於平時勇不能殲敵於臨事律之軍法百喙難辭應削去公爵並革去宮保世職暨總督職銜仍令暫護大將軍印務以圖後效得旨岳鍾琪削去公爵並革去宮保降為二等侯

仍留總督職銜護大將軍印務戴罪立功○予故原任吏部右侍郎加左都御史銜王沛檀祭葬○丙午諭辦理軍機大臣等阿齊圖受朕殊恩用至大臣並不感恩報效輒將交辦事件任意推諉及至差往之處又將並未交辦之事矢口言論私出怨言沿途復向地方官勒索餽送騷擾驛站卑鄙不堪阿齊圖著革職前往博第巴爾米忒操練兵丁之烏爾輝地方效力贖罪行走○調張大有為禮部尚書以范時繹為工部尚書由都統○移安徽宿州州同駐徐溪口○壬子賑永吉州被災災民○甲寅諭果親王允禮等近見圓明園兵丁氣象較前甚優圓明園之八旗及內府三旗著賞給教習人員令伊等子弟學習漢書其一切事宜著定議具奏尋議設立學舍當視營房之遠近鑲黃正黃正白鑲白四旗營房相近請設學舍一所教習二名正紅鑲紅二旗營房相近設學舍一所教習一名正藍鑲藍二旗營房隔遠內務府三旗原同一營設學舍二所教習三名其教習人員在入旗及內府生員內選取給與錢糧季米四年一換訓誨優者咨行吏部即以筆帖式用劣者革退另行選補從之○乙卯工部議升任雲貴廣西總督鄂爾泰奏全滇水利事宜一嵩明州陽林海疏深河道水勢暢流周圍草塘均可招民開墾一宜良縣共開河五道其四道俱經引水灌田惟江頭村所開舊河地形稍高應自胡家營北接舊河另開一道以資灌溉一尋甸州尋川河中有整石四十餘丈難以開鑿應另濬沙河十五里俾得暢流一東川府城北漫海一區地本肥饒因積水棄置今開河建閘水消田出亦可招民承墾一浪穹縣羽河等處築隄四十餘丈俱補苴一時急宜委勘加修一臨安等屬應築工程暨通粵河道嵩明州河口俱請委員查勘及時興工務

東華錄 一 雍正二十 七



期深通堅固以垂永久從之○改直隸秦甯營守備爲中軍都司兼管左營○是月免直隸赤城縣雍正九年電災額賦有差

五月丁巳朔以山東濟南等府少雨命截南漕米四十萬石備糶

○戊午勵廷儀病假以彭維新暫署刑部尙書○調徐聚倫爲河南布政使鄭禪寶爲山東布政使○辛酉以京師少雨命清理刑

獄○壬戌吏部議覆山西按察使溫而遜奏江南素稱澤國河湖

交通臣歷任江南見丹陽至鎮江口數十里河身稍窄糧艘往來

常致擠塞雖見在疏通恐數十年後復至淤淺各府州縣有兼司

水利之名而無講求水利之實太湖新設同知分管水利亦未能

料理妥協請於蘇松常鎮四府太倉一州五處適中之地設一道

員專司河湖水利俾其巡歷上下審量情形整修器具隨宜調度

庶責成專而收效遠其原設太湖同知可裁從之○癸亥諭入旗

東華錄 雍正二十

都統等入旗借支公庫及廣善庫銀兩數十年來拖欠未完者尙

有四十餘萬當時原因旗人每遇急需卽向人那貸以至每年所

得俸餉不足補償愈至窘乏於是特設公庫廣善庫以周其不足

而伊等罔知感恩任意花費至有僞捏事端一人名下多至三四

千金者國家庫帑百姓脂膏豈容恣其虛誑盜竊濫用情甚可惡

是以其人雖故亦於其子孫弟姪及家下披甲人等俸祿錢糧坐

扣一半俾人知祖父欠帑日後爲子孫之累庶冒領侵蝕之風可

以少息但入旗官兵賴俸祿錢糧應差欠帑人數眾多儻生計艱

難未免有誤公事著將入旗借欠公庫廣善庫案內人員本身已

故將伊子孫等坐扣一半俸餉抵補伊祖父舊欠者開恩豁免以

降旨之日爲始照舊賞給此朕格外之恩後不爲例其餘虧空侵

蝕那移婪贓等項仍遵前旨分別查奏○甲子諭大學士等趙之

垣著來京張體義著給與按察使銜前往肅州與副將馬龍一同

辦理運糧事務○戊辰諭辦理軍機大臣等護軍統領阿思海著

授爲前鋒統領令往西路軍營管轄滿洲兵行走侍郎武格至巴

爾庫爾時著給與揚武將軍印統轄巴爾庫爾滿洲兵伊禮布在

參贊內行走協同武格辦事總督劉世明著授爲副將軍統轄巴

爾庫爾綠旗兵與武格馬會伯商酌辦理事務○江甯織造內務

府郎中許夢閣奏原任江甯織造綬赫德已將司庫八十五筆帖

式巴圖借用銀兩代爲賠補應免重追得旨向來織造官員往往

爲司庫筆帖式所愚弄恣意妄行侵盜國帑及至事發總恃有織

造代賠置身事外積弊若此斷不可不加懲戒江甯織造綬赫德

離任時大有虧空朕特降旨令接任許夢閣徹底清查以清弊蠹

乃許夢閣以司庫等借用之項稱爲綬赫德已經代賠無庸重追

東華錄 雍正二十

獨不思綬赫德管理織造關稅兩項其代賠之銀卽係兩項贏餘

均爲國帑安得不覈實歸公而乃私取以償屬員侵盜之項乎許

夢閣瞻徇情面草率完結著交與內務府嚴加議處綬赫德著革

職司庫八十五筆帖式巴圖等名下虧缺之項悉從本人追出交

官再織造本非大員而在外體統任意僭越至於司庫筆帖式官

職尤卑乃以欽差爲名妄自尊大與督撫拜帖稱呼俱用平行禮

妄誕已極嗣後著嚴行禁止儻有以片紙隻字平謁地方官及不

按品級規矩僭越妄行者定行從重治罪○己巳以舒喜爲禮部

右侍郎由御史遷○壬申兵部議准直隸河道水利總督王朝恩等奏

直隸河標見在議設營制請將附近天津之務關路參將改爲河

標左營中軍副將務關守備改爲中軍守備仍駐務關張灣營守

備改爲河標右營遊擊仍駐張灣務關崔黃守備改爲右營守備



移駐天津其崔黃留把總一員駐防仍歸左營轄武清之蒲溝汛暨楊村蔡村務關二汛俱歸左營轄務關以北安平灤縣香河西儀四汛與張灣二汛俱歸右營轄添設隨標千總一歸左營轄把總一歸右營轄並請於左右兩營共抽兵六十名駐天津再務關原轄之寶坻一營永樂一汛距河遙遠請仍歸鎮標轄從之○甲戌諭戶部福建臺灣府彰化縣經兇番擾害之後百姓耕種未免失時該縣所有雍正八九年分未完穀六千五百餘石著悉行豁免○乙亥豁免江南吳江震澤二縣坍沒湖田額徵銀一千一百三十餘兩○增廣東南澳海防軍民同知一○吏部尚書勵廷儀故遣官奠茶酒○己卯大雨○甲申諭內閣八旗辦事不諳悉條例諸事每多未協朕思各部司官多有熟悉則例識見明通者若於郎中員外等官內慎加揀選每旗添設二員助都統副都統辦理東華錄 雍正二十

理旗務似有裨益該員於本職部務仍照舊辦理都統等奏事時該員隨副都統之後本章奏摺內亦著列名著大學士會同各部堂官加意揀選務在得人若司員不敷揀選科道侍讀等官亦可選用○頒 御製重修闕里 聖廟碑文墨筆收藏闕里以為世守從 衍聖公孔廣燦請也

閏五月丙戌朔增陝西寶豐定遠二營守備各二把總各二○戊子免陝西甘涼甯肅各提鎮營兵借支銀一萬八千四百兩有奇○丙申護甯遠大將軍岳鍾琪奏據駐紮魯谷慶總兵官王建瑞稟報賊人寨桑額爾克得松領兵千名分東西二路來犯哈喇火州城參將劉廷琰遊擊李英等分兵迎敵殺傷賊人俱皆敗走劉廷琰等領兵追剿賊人遠遁因見黑霧大風不便窮追撤兵回城臣等仍飛飭王廷瑞晝夜嚴防時加哨探報聞○丁酉諭八旗官

員人等朕自御極以來普天率土未嘗歧視而入旗人等尤國家教養百年望其遂生復性共享安樂於久遠若其中頑劣貪鄙之習故加寬縱將為人心風俗憂無所底止朕實不忍聽其陷溺不為援手有負 皇考之付託也從前嚴治貪婪清釐帑項即追呼牽擾有所不恤者誠欲入旗人等各思罪愆漸自醒悟知有所不為庶無往不利此朕訓愛之初心也昨於雍正三年以前虧空各項令查奏酌免諭旨內業經明白曉諭今特再沛恩膏將雍正三年以後九年以前入旗官員人等應追銀兩除本身虧空侵蝕借帑及貪賦盜用等項不准查免外其有年遠之案於雍正八年恩旨以後發覺者與本身已故著落子孫追賠坐扣俸餉抵補者或本身雖在其應追之銀實係分賠代賠無著之項或因公那用並未入己者又或應追之本人已經豁免而開欠之人尙在著追東華錄 雍正二十

或本身已經寬免而在奉旨以前報出田房人口抵補其間人口病故田房變價不敷仍行追補者著該旗將各項情由造冊開送內閣轉奏候朕酌量分別加恩寬免此次諭旨著再徧傳俾入旗人等深知朕恩恪遵朕訓洗心滌慮痛改前非循理奉公謹身節用以副朕教育諄誡之至意○辛丑禮部議覆甯古塔將軍常德奏長白山為發祥福地神迹顯著請於烏喇之板山望祭處蓋造享殿以肅祀典從之○裁山西代州營千總一增冷泉關營千總一改冷泉關營把總為潞澤營把總○移廣東化州梁家沙司巡檢駐平定堡○癸卯以常有協辦戶部侍郎事統 甲辰恒親王允祺薨輟朝三日加祭二次造墳立碑諡曰溫○宗人府以允祉病故奏聞得旨三阿哥允祉向來秉性乖張器量狹小 皇考每言其不識忠孝大義自朕即位以來屢次加恩不知感激時為



開導不知省悟朕皆優容之近年則強悍難制漸無忌憚經諸王大臣等參奏朕不得已將伊拘禁於景山之永安亭令伊眷屬隨往供其使令並將伊子弘景封為貝子以承其家業此朕委曲措置之苦心也近因患病醫官前往調治奈病勢沉重醫藥罔效朕心惻然一切殯葬之禮著照郡王例賞內庫銀五千兩料理喪事

○己酉子故太子少傅吏部尚書勵廷儀祭葬加祭一次諡文恭

○庚戌福建巡撫趙國麟奏臺灣北路大甲西番不法殘害官兵經臺灣總兵官呂瑞麟同臺灣道倪象愷帶領兵壯剿撫兼行已將脅從之樸仔籬等社先後就撫續有鳳山縣南路奸民乘機聚眾殺傷官兵經升任陸路提督王郡親率弁兵剿追解散今南路奸匪陸續拏獲究審見在嚴緝首犯吳福生到日即可定案其大甲西番土官率領全社男婦老幼四百十九名造冊就撫見在查

東華錄 雍正二十

訊實情究出首兇定擬仍於各莊緊要之處設兵防護南北兩路安定報聞○辛亥岳爾岱因病解任以兆華署理總督倉場侍郎

由給事○癸丑諭內閣大學士蔣廷錫見在患病尚須調養戶部尚書事務著兵部尚書鄂爾奇左都御史彭維新署理刑部尚書事務著浙江總督李衛署理鄂爾奇仍管兵部尚書事○甲寅甘肅巡撫許容奏五月間五月間甘省各屬俱陸續得被甘霖因從前得雨稍遲豆麥有薄收之處其臨屬之蘭州鞏屬之靖遠涼屬之平番得雨最遲夏禾麥豆俱已枯槁止可補種晚禾得旨朕念甘省備辦軍需未免煩勞民力而各屬內又有收成歉薄之州縣意欲將本年甘肅各屬錢糧全行豁免以加惠秦民但諭旨到日已屆初秋開徵既久錢糧多已完納不能普徧霑恩凡得雨稍遲之處著許容將舊欠新賦悉行停徵再與查郎阿悉心計議或將

備辦軍需州縣之錢糧全行蠲免其中收成稍薄者再加賑恤其不辦軍需之州縣而收成又復照常者仍照額賦徵收著會同密議具奏○乙卯諭內務府見今天氣炎熱著海望會同署步軍統領鄂爾奇在各門設立冰湯以解行人煩渴工部所窖冰塊如不敷用即將崇文門宣課司餘銀採買辦理示著為例○免湖南湘陰縣流沙地畝額賦

六月己未以阿山為吏部右侍郎由內閣學士遷○癸亥諭內閣大學士鄂爾泰上年來京陛見朕以雲貴廣西三省地方緊要本欲令其回總督之任今因西北兩路軍務尚資協贊經理其眷屬不便久住滇南著總督高其倬等將大學士家口料理進京其雲貴廣西地方緊要事宜有應知會大學士鄂爾泰者仍行知會並三省文武官員應稟報者照常稟報將此通行曉諭三省官弁知之○丙

東華錄 雍正二十

寅以史在甲為左副都御史由大理寺卿遷○丁卯護甯遠大將軍岳鍾琪奏據賊營脫歸之鄂爾多斯參領阿玉錫供稱噶爾丹策零令小策零敦多卜領兵三萬來犯北路賊兵隊內並有投降準噶爾之巴濟達錫達爾扎貝子茅海台吉冊凌協理台吉益蘇克岱青等五人引路以大隊搶掠察罕叟爾附近居住之喀爾喀等直至克爾倫地方巴濟並獻計與噶爾丹策零云喀爾喀等係懦弱之人可以肆行搶掠等語謹奏得旨巴濟等有負國恩實當誅戮伊並不以投順賊人為恥反欲取信於賊妄稱喀爾喀懦弱易於搶掠殊屬可惡喀爾喀等一聞此語自必痛心切齒奮勇爭先矣著行文順承親王曉諭軍前喀爾喀等知之○己巳四川總督黃廷桂奏建昌鎮所轄竹核地方當涼山中為苗疆腹心其東南一路有吡姑及魚紅地方層巒疊嶂為諸蠻出入門戶請增遊擊一守



備一千總二把總四兵五百名谷堆地方為咽喉要道請增都司一千總一把總二兵四百名其東北一路有格格地方及蠻部出沒之處請增都司一千總一把總二兵四百名至於大赤口為竹核左翼門戶且有諸夷盤踞請增參將一守備一千總二把總四兵八百名其小河壩地方所在險要請增都司一千總一把總二兵四百名又竹核西距靖遠營一百七十餘里中係諸夷巢穴請於適中之勒必鐵地方撥靖遠營守備一把總一兵一百五十名駐守再竹核去新舊營汛甚屬遼遠非建昌一鎮所能統轄請將竹核協副將改設總兵一左右二營都司改設遊擊再增中營遊擊守備各一千總二把總四兵三百名共一千五百名分為三營以成體制其竹核池南一帶阿都等處地名更大夷蠻愈眾俟設鎮安營之後再行次第料理得旨黃廷桂所奏竹核安兵設鎮

東華錄

雍正二十

五

一事關緊要朕聞川省蠻地從前雖屢次用兵然或懸賞誘致指為投誠並未加以懲創又或以蠻逃避而附近良懦轉遭搶擄以致眾心不平前案未結而變端復啟又或畏難退縮捏報撤師草率完結此次竹核安兵設鎮務須籌畫周詳布置完密俾邊圉永靖始為有益大學士鄂爾泰熟悉彼地情形著悉心詳議具奏尋議川屬涼山一帶周圍數千里竹核適當其中形勢寬平四達蠻境各種番蠻皆反覆不常岳鍾琪前議於竹核設副將一協兵止一千二百名固屬單弱不足以資控制今黃廷桂請將竹核改協為鎮並分設各營所議已屬周詳但名為一鎮兵不過一千五百名且總數兵數雖有四千名而零星分布仍不足壯聲勢而鎮番蠻據臣愚見竹核鎮營固須妥算而阿都等處應並熟籌兵力宜合不宜分蠻巢宜遠不宜近但使我勢聯絡不必是處設防臣

謹擬於竹核一鎮設兵三千名內撥兵一千名分駐呼姑格格等處魚紅大赤口阿都沙馬普雄地方各設參將一營額兵各一千名互為犄角則涼山雖闊蠻種雖繁而一重鎮五大營上連建昌下接昭通三鎮雄峙舊營環拱控馭則指臂相牽擒剿則呼吸立至如果將弁得人似可邊圉永靖其作何安設塘汛可否抽撥弁兵伏祈 皇上敕下黃廷桂等毋專執成議亦毋以臣言為然熟商妥酌請旨定奪從之○壬申署雲貴廣西總督高其倬奏雲南普洱府屬思茅土把總刀興國勾結苦蔥蠻悖叛煽動元江夷人圍攻普洱府城又通關大寨獵夷附和苦蔥過阿黑江犯他郎地方元江營守備馬漢勛率把總康天錫深入陣亡臣即調遣迤東迤西官兵令臨元鎮總兵官董芳總統節制由元江景東兩路剋期進剿報聞○甲戌靖邊大將軍順承親王錫保等奏據賊營脫

東華錄

雍正二十

五

歸之喀爾喀根都爾錫等供稱小策零敦多卜領兵於奇林處會齊從布拉罕等處發兵一萬五千和通胡爾哈等處發兵一萬五千二路來犯阿爾泰於七月間進兵等語臣等思準噶爾賊性狡或一路而來或分路前進俱不能豫定今將特斯路豫防一萬精兵擇水草處駐紮外再將軍達爾濟所領兵丁尚未到白格爾范清燠所運之米已有三千餘石運到白格爾地方應加防守臣等見派原任提督周瑛何祥書等統領三千綠旗兵丁前赴白格爾駐紮又調副都御史阿成所領家選兵二千臣處黑龍江兵一千內扎薩克兵一千喀爾喀兵二千同駐台錫里山以三千綠旗兵為翼在白格爾深溝高壘嚴排鹿角防守糧米既可要賊之來路策應達爾濟遠來之兵亦甚有益報聞○乙亥實授索柱內閣學士○辛巳辦理軍機大臣等遵旨議奏喀爾喀扎薩克一等台



吉策勒克率領四十餘人與準噶爾賊人連戰二次奮勇殺賊以致陣亡伊子孫屬下人等俱被賊人搶擄其子密什克被賊擄去十日方能脫出見在伊母處 皇上軫念策勒克等實心效力特沛恩膏賞策勒克妻銀五百兩段十匹伊屬下人等各賞銀十兩段一匹得傷者加賞銀五十兩順承親王已行文扎薩克圖汗親王策旺扎卜遵旨頒給至策勒克之一等台吉其子密什克或蒙恩加等承襲恭候 欽定得旨台吉策勒克奮勇陣亡可憫可嘉策勒克著追封輔國公令伊子密什克世襲罔替伊等家產著順承親王豐裕賞給以圖永久○壬午吏部議奏八旗都統印房筆帖式五年效力期滿調補部院者向未議定何等品級見在俱用爲無品筆帖式請照八旗左右二司筆帖式之例定爲八品令其食俸庶品級均平以示鼓勵從之

東華錄

雍正二十

美

東華錄

雍正二十一

臣王先謙敬編

臣周潤蕃恭校

秋七月乙酉朔諭內閣我朝設立各省駐防兵丁原以捍衛地方申明武備其歷來所定規條俱屬盡善無可更張乃近有以一二事瀆陳朕前者一則稱駐防兵丁子弟宜准其各省鄉試獨不思國家設立駐防弁兵原令其持戈荷戟備干城之選非令其攻習文墨與文人學士爭名場屋也在弁兵之子弟有能讀書向學通曉文藝者原聽其來京應試以廣伊等進取之途並未禁其從事文學也若悉准其在外考試則伊等各從其便競尚虛名而輕視武事必致騎射生疏操演怠忽將來更有何人充駐防之用乎况我 聖祖仁皇帝臨御六十一年所以教養弁兵者至周至渥如果應行早已著爲令典又何待今日之喋喋敷陳乎一則稱駐防兵丁身故之後其骸骨應准在外瘞葬其家口應准在外居住獨不思弁兵駐防之地不過出差之所京師乃其鄉土也本身既故之後而骸骨家口不歸本鄉其事可行乎若照此行之日久將見駐防之兵皆爲漢人是國家駐防之設竟爲伊等入籍之由有是理乎以上二條皆事之必不可行者著將朕旨頒布於外俾無知之人豁然醒悟不得再行妄奏○諭工部尚書馬喇不曉部務辦理該旗事件亦多昏聩率意著革職○實授常有戶部右侍郎○丙戌以武格爲工部尚書轉托時爲刑部左侍郎以覺和托爲刑部右侍郎由郎中遷○丁亥山東巡撫岳濬奏曹州鉅野縣民李恩家本年六月初五日牛產瑞麟屬身牛尾徧身皆甲甲縫有紫毫玉定文頂光彩爛生實爲盛德瑞徵請詔付史館宣示中外得旨山



東地方前歲被水百姓不獲甯居去夏今春雨復愆期朕遣官發粟賑恤多方幸未至流離失所即京師去夏今春晴雨亦不均調西北兩路不得已用兵征戍將士露處於外備極勞苦朕心戒懼修省但知感 上天垂象示儆之恩不敢望嘉祥之誕錫今聞瑞麟產於東省實增愧悚該撫奏請詔付史館宣示中外皆屬虛文將朕朝乾夕惕對越 上天之悃忱曉諭天下臣民共知之○己丑諭內閣朕師傅原任尚書顧八代子孫甚貧著加恩賞銀一萬兩○庚寅禮部議准湖北巡撫王士俊奏荊州府江陵縣為 關聖帝君盡忠投命之地冢墓見在當陽今有五十二代孫歲貢生關朝泰歲時奉祀請照解州洛陽守祠之例授為五經博士准其世襲從之○壬辰以甘肅百姓輸輓勤勞免河東河西各屬應徵銀米草束已經完納者准作來年正賦○解諾穆圖任以鄂昌為東華錄

陝西甘肅布政使由前夏 ○甲午增江南江甯水師守備一把總二駐江口歸江甯將軍轄京口水師都司千總把總各一駐高資港歸江陰副將轄移朱張圩千總駐大沙順江洲大港把總駐朱張圩歸鎮江營轄○乙未賜大學士鄂爾泰第宅一區○命四川省開局鼓鑄○丙申調鄂爾奇為戶部尚書性桂為兵部尚書以福敏署工部尚書由左都御史署○護甯遠大將軍岳鍾琪奏移駐穆壘官兵臣等遵旨於六月二十七日辰時分作兩路啟行臣同副將軍常寶統兵一萬二千名由闕舍圖大路直進副將軍張廣泗同署鎮安將軍卓爾統兵七千餘名由都龍吉之北約洛圖一路前進兩路官兵約於闕舍圖地方會合更派官兵四千餘名委副將譚定邦馮廷雄總理糧運護送車輛駝隻分為四運而進又委總兵岳舍奇帶領湖廣官兵殿後凡應行事宜統俟師抵穆壘之後

次第料理報聞○丁酉命少保大學士伯鄂爾泰督陝甘經略軍務○戊戌諭辦理軍機大臣等西路軍營事務岳鍾琪辦理總不妥協著回京其甯遠大將軍印務著署陝西總督查郎阿署理副將軍張廣泗暫行護理查郎阿年來辦理軍務事合宜克勝大將軍之任但肅州路遠未便來京請訓今特命大學士鄂爾泰馳驛前往肅州傳朕訓諭查郎阿著先期料理並賞給公用銀一萬兩陝西總督印務及所辦軍需事務著直隸總督劉於義前往署理賞銀五千兩朕於訓諭劉於義之處亦著大學士鄂爾泰傳旨許容范時捷俱著在肅等候查郎阿起身時著知會提督樊廷一同出口○以李衛署直隸總督程元章署浙江總督徐本署安徽巡撫鍾保署湖北布政使原任甘肅 ○己亥諭內閣貴州提督哈元生朕另有簡用之處著馳驛來京陛見並賞給公用銀三千兩東華錄

製備衣裳貴州將弁內有伊平日所深知之幹員准揀選四五人令其隨後來京亦著巡撫給與驛馬並酌量每人賞給銀兩以資路費○庚子召王國棟回京以程元章兼管浙江巡撫事○加蔣洞侍郎銜往肅州辦理軍營事務以溫而遜署山西布政使由按察使 ○辛丑諭辦理軍機大臣等據靖邊大將軍順承親王錫保奏稱七月十四日賊眾來侵烏孫珠爾處傳爾丹等接戰數次敗賊前隊及賊兵後隊全至盡力衝突我師失利還歸大營等語烏孫珠爾處傳爾丹領兵萬餘既已破賊前隊則後隊自應敗去如何我師遂被衝散回營用兵失機罪在不赦去歲傳爾丹冒昧進剿損傷官兵迫回科布多時尚能整頓軍旅邀截賊眾是以特恩寬免其罪理應竭力報效冀雪前恥何以又復僨事儻因賊眾我寡恐有疏失相機回營尚屬可原若係輕躁懦弱以致失機即應革



職嚴加議處或官兵內有見敵先潰者即應正法示眾著大將軍順承親王秉公詳查據實陳奏○甲辰移直隸天津府鹽捕通判駐青州分司所屬之越支場裁滄州分司所屬之利民阜民利國富民海盈阜財六場鹽大使缺其竈戶歸各該州縣管轄○乙巳諭辦理軍機大臣等國家重務在於用兵凡領兵大員有表率之職者必合志同心聯為一體屏矚域之見去推諉之私始能奮勇直前以濟公事焉有各懷疑貳互相推卸尚能壯三軍之氣而成克敵之功乎劉世明武格伊禮布等志氣頽惰俱懷怨望之心而劉世明與武格又復彼此推諉將一營軍務視為兩歧伊等俱係國家重用之大臣而居心行事如此無怪乎將弁兵丁等相率效尤怠惰偷安無振作同仇之氣也似此深負簡任全不思國家不得已而用兵之苦心著嚴切傳諭劉世明武格伊禮布知之○大東華錄 雍正二十一年 四

祿著由西安前赴甯夏等候大學士鄂爾泰有面傳之旨其西安所辦軍需事件著內閣學士德齡協同左都御史史貽直辦理○山東巡撫岳濬奏曲阜縣六月二十五日午時皎日正中慶雲環捧日輪五色絢爛又於日之西南有霞光三道歷午未二時細細不散正值 孔林工竣之時上瑞疊臻千秋罕遇得旨朕素不言祥瑞惟有朝乾夕惕感 上天垂象示儆之恩何敢冀嘉祥之疊錫已屢降諭旨訓教天下臣民但自信生平尊師重道出於至誠闕里為 聖人之鄉尤切羹牆之慕前歲 文廟重新慶雲湧見今園林工竣復覩嘉祥或者朕誠敬之衷為神明之所歆格故顯示以象用昭日監在茲之義與朕感慶之下倍增虔悚爰諭天下臣民共知之○己酉諭內閣據湖南巡撫趙宏恩奏南嶽為朕主壽之山廟宇碑亭宜加重葺朕思皇天無親惟德是輔朕受天眷命為天下主一行事一舉念皆 上天 皇考之所照臨若身無失德自蒙垂慈護佑德行有虧居心行事獲罪於天天下億萬臣民豈能代朕祈禱而寬其譴責乎朕御極以來無日不以此訓示天下臣民凡有奏請建壇誦經為朕祝釐延壽者悉嚴諭禁止至於山嶽江河之神為地方捍禦災賜福兆庶者則虔修祠廟潔誠展祀以申報享之忱並非為朕一身祈福也 上天 皇考實鑒此衷南嶽之神佑我楚民廟貌久未修理應照該撫所請敬謹舉行惟是趙宏恩陳奏之詞識見鄙陋不知朕心用頒此旨再行宣諭俾眾共知之○以左都御史福敏協理大學士○以鄂善署兵部侍郎由內務府總管署○辛亥增山西繁峙縣平刑站大同縣聚樂站驛丞各一○癸丑以唐執玉兼理刑部尚書事○甲寅諭內閣向來大計參劾官員除貪酷發審外其餘俱送部引見嗣後特



參文武官員比照大計之例列在浮躁不及等款亦著送部引見永著為例

八月乙卯朔以戴永椿署山西按察使由御○靖邊大將軍順承親王錫保奏目今準噶爾賊人前赴危得爾河源地方臣等偵探已確酌議於奔博圖山嶺發兵堵截共派滿洲蒙古兵一萬八千名令王丹津多爾濟總統額駙策凌王羅卜藏喇錫桑里達貝子特古斯羅卜藏公羅卜藏參贊查克旦塔爾岱阿岱前鋒統領塔爾馬善副都御史阿成阿副都統阿那布胡習禮額爾勤烏察拉王常哲庫訥阿思哈布爾沙貝勒僧滾扎卜公羅卜藏策布登沙津達賴等分派督率於七月二十一日起程報聞○丙辰諭宗人府海善從前甚屬狂妄近已悛改著加恩賞貝勒原銜○免雲南昭通東川二府雍正九年分未完額賦以八年被兵瘡痍未復也

東華錄

雍正二十一年

六

○丁巳改廣西右江道原轄之鎮安府歸左江道轄南甯府原轄之胡潤寨及下雷土州俱歸鎮安府轄○庚申禮部議准順天學政吳應葵奏順天府童生考試舊例除大宛二縣屬府丞專理外其餘二十三州縣於州縣考試後俱由霸昌道錄取轉送查霸昌道駐紮昌平州各州縣有往返八九百里或六七百里者殊屬未便嗣後請就近改歸四路同知各按所屬州縣錄取轉送永著為例從之○壬戌諭內閣向來偷竄人漫之犯若係滿洲蒙古則發往江南荆州有滿洲兵駐防之省城當差若係漢軍漢人則發往廣東廣西雲貴煙瘴地方當差近聞發遣廣東人犯例在崖州陵水等處此地水土最惡易染疾病每多傷損朕思此等不良之輩雖孽由自作然其情罪較之盜犯尚覺稍輕即發遣之本意亦欲全其性命也今因水土不服以致傷生殊可憫惻若將此等人犯

改發沿海一帶衛所入伍充軍俾得保全軀命似亦法外之仁著廣東督撫會同按察司確查議奏其雲貴廣西等處地方風土有與此相類者亦著該督撫將如何改發之處妥議具奏○兵部議准河東總督田文鏡奏登州鎮新添兵一千名其中右二營請添設千總一把總一外委三以資約束從之○西路副將軍張廣泗等奏臣等自巴爾庫爾起程七月十一日直抵穆壘竊見穆壘地處兩山之間築城其中形同釜底又兩山蔓延叢雜受敵甚易據守甚難實非屯兵進取之地查巴爾庫爾地處平原南北兩山南合實為巴爾布爾之關鍵再西烏蘭烏蘇口則北山已斷南山之北即屬沙磧是以康熙五十四年間大兵屯駐巴爾庫爾即於關舍圖派兵駐守今請於關舍圖駐紮重兵關舍圖以西之烏蘭烏

東華錄

雍正二十一年

七

蘇口南山一帶之陶賴無克嶺北山一帶之小關舍圖色必忒鄂龍吉察罕哈麻爾鏡兒泉及糧運臺站經由之噶順吳爾圖哈必爾漢等處俱各安駐兵丁則與巴爾庫爾大營形勢通聯可免賊人窺伺但此事宜迅速舉行交冬降雪則沙磧地面賊人肆意出沒萬難籌畫矣得旨所奏甚為明晰著速即辦理並傳諭大學士鄂爾泰署大將軍查郎阿目下撤兵之後如何防範進剿並吐魯番回眾作何安插之處詳悉酌議辦理張廣泗又奏臣抵穆壘之後身親閱歷見大將軍岳鍾琪調度兵馬籌運糧餉以及統馭將士之處多屬乖方不敢不據實列奏一穆壘兵丁除滿洲蒙古外其綠旗多係步兵而日行站程俱係五六十里七十餘里不等路徑崎嶇身負口糧器械炎日奔走沿途困憊迫行抵穆壘全無布置及探有賊騎窺覷岳鍾琪倉皇忙迫令關營官兵沿山架梁



兩三晝夜不得休息其派撥兵丁旋派旋移略無甯所一穆壘城工未就駐紮營盤關繫甚重臣與副將軍常賚兩營所駐正當西北要衝乃派兵止二三百人或百餘人即岳鍾琪營盤亦僅兵丁數百人儻遇有警將何以抵禦至於部曲隊伍自有一定統束岳鍾琪每值調撥築於各營分攤在兵丁則為雜湊在官弁則非本營且如鎮協以至千把所屬兵丁一經抽撥即應以該管官帶往餘留者竟之統束猝遇別有調撥不得不另委將弁官與兵素不相識徒滋紛亂一準噶爾賊人專資馬力我兵致敵必須馬步兼用而岳鍾琪立意用車查車戰利在平原今自巴爾庫爾至穆壘沿途溝壑崎嶇或紆道繞過沙磧情勢總不相合至馬步兵丁除弓箭鳥槍外止令各帶木棍一根大刀長戟等械全無豫備官兵莫不竊議一岳鍾琪堅執穆壘地方可以牧放駝馬今經細勘並無收放之處例斃甚多因令綠旗兵留馬二千匹餘悉趕赴烏蘭烏蘇闊舍圖一帶牧放查烏蘭烏蘇闊舍圖止駐二千餘兵差使繁多何能分管牧馬且距穆壘甚近萬一賊人窺伺勢難兩顧殊屬可虞一穆壘駐兵數萬糧運最為緊要岳鍾琪初謂車行甚易加以駝運至九月可運貯十萬石不至缺誤今查車路多亂山大嶺必須繞從沙嶺正屬賊人出沒要衝難於防護兼之岳鍾琪一聞賊信不論虛實輒令停止糧車似此遲緩轉瞬冰雪在地運送更艱數萬之眾何所託命一岳鍾琪罔恤士卒號令不明鎮將大員時加呵斥參遊以下日事鞭筆平時議論風生或聞小警張皇失措性復剛愎不喜人言題奏事件奉到諭旨數月不宜臨事突然傳示令人莫測誠偽諸事怪僻難以悉數臣雖力圖規正無奈置若罔聞軍務重大不敢代為徇隱祈 皇上乾斷報聞○改直

東華錄

雍正二十一年

八

隸馬蘭鎮屬松棚路千總一羅文峪把總一兵一百一十一名仍歸薊州協轄○癸亥諭辦理軍機大臣等據副將軍張廣泗等奏稱穆壘形勢四面受敵必不可以駐紮大兵牧廠運道正在可虞交冬下雪之後賊人無處不可出沒甚難籌畫等語上年據岳鍾琪奏稱巴爾庫爾屢被賊人侵擾穆壘形勢實為萬全之地願以全家性命保其有益無害是以廷議允從其請今張廣泗等所奏如此則岳鍾琪欺罔之罪擢髮難數矣目今賊人聞知穆壘駐兵之信必悉力前來阻撓侵擾惟是賊眾見在盤據北路未必更有多人分向西路我兵速乘此時撤回巴爾庫爾乃第一要策也不必更有遲回至所稱闊舍圖烏蘭烏蘇等處各分別駐兵等語伊等身在地方必有真知灼見聽其酌定就近辦理務期妥協至於吐魯番回民年來輸誠向化情甚可憫我兵既撤之後回民應如何

東華錄

雍正二十一年

九

料理或酌留官兵在彼防護或將頭目緊要之人安插近地著張廣泗等就近商議辦理○乙丑增四川泰甯巡檢一○丁卯移福建龍巖縣丞駐溪口雁石司巡檢駐適中驛○庚午辦理軍機大臣等議奏據辦理藏務侍郎僧格等奏巴爾布國雅木布葉楞庫庫穆三汗在西藏極邊遠處萬里之外與中國從未相通今仰慕 皇仁特遣使請安進貢方物辭意誠懇應令來使至京朝見但天寒路遠往返務須二年應行文僧格等宣布 皇上體恤遠人之意轉諭來使令其旋歸並加恩賞資給與馬匹更換俾得從容起程得旨依議敕諭巴爾布國雅木布葉楞庫庫穆三汗曰據爾等奏稱從前不知內地禮儀未遂觀光之志今遣使朝覲恭請訓諭進貢之物不多略盡敬恭之忱等語朕為天下主一視同仁爾等汗越在邊遠自古未通華夏慕朕仁化萬里輸誠朕甚嘉悅



所進方物悉已收納第念道路遙遠往返艱難爾使臣即由西藏  
遣回爾等汗但與西藏貝勒頗羅爾協力和衷維持黃教以副朕  
普育羣生之至意特賜段匹玻璃器各物一併發往○予故太  
子太傅文華殿大學士蔣廷錫祭葬加祭一次諡文肅○壬申北  
路副將軍王丹津多爾濟額駙策凌奏臣等奉大將軍王錫保調  
委統領滿洲蒙古索倫喀爾喀等兵二萬餘人追擊準噶爾逆賊  
至厄爾得尼招地方於八月初五日遇賊連擊十餘次日暮追至  
大山梁間殺賊萬餘屍遍山谷河流盡赤負傷逃走者甚眾所獲  
器械駝馬牛羊無算見在賊眾逃往鄂爾昆上游向推河而去臣  
等率領大兵自厄爾得尼招起程尋敗賊蹤跡追剿前進報聞○  
癸酉諭辦理軍機大臣等據王丹津多爾濟等報稱八月初五日  
在厄爾得尼招地方我兵與賊人交戰賊眾大敗由鄂爾昆之上

東華錄

雍正二十一年

十

游向推河逃遁而去等語可將原摺錄寄大學士鄂爾泰署大將  
軍查即阿知之賊人既由西爾哈腦兒投阿爾泰而去若遇雪阻  
截必向阿濟一帶潛行向巴爾庫爾以覓生路大學士鄂爾泰等  
速將北路得勝情由寄知巴爾庫爾軍營令其於阿濟要隘之處  
派兵堵截毋得疏忽再者穆墨大兵撤回之時賊人或於中途窺  
伺或潛襲我軍之後務須加意防範至於巴爾庫爾乃根本之地  
亦須計算萬全俱著大學士鄂爾泰等就近妥協籌畫○參贊內  
大臣侯馬蘭奏奏八月初九日賊夷二千餘人來犯西爾哈尼招  
臣選兵一千一百名同副都統費雅思哈士默特總管珠胡代喀  
爾喀協理台吉孫都布帶領出城迎擊賊兵大敗斬殺百餘人獲  
器械無算次日追至那壘果爾地方賊夷連夜遁去隨行知綏遠  
將軍馬爾賽並報大將軍順承親王報聞○乙亥諭辦理軍機大

臣等劉世明由侍衛之職朕加恩用至總兵提督伊在提鎮任內  
居官尚好是以用為福建巡撫升授總督上年西路領兵需人朕  
念伊熟悉邊地情形特召來京命為副將軍授以巴爾庫爾領兵  
之重任料伊受朕深恩必思勉力為將弁之表率豈知伊苟  
且瞻顧退縮不前全無奮勵振興之氣既忝職任重負國恩著革  
職交與署大將軍查郎阿照總兵或副將之例於領兵艱苦之處  
令其效力贖罪儻再有錯誤疏忽即行參奏在軍前正法○戊寅  
靖邊大將軍順承親王錫保奏副將軍王丹津多爾濟額駙策凌  
等追賊至厄爾得尼招奮勇擊殺賊眾萬餘除檄行綏遠將軍馬  
爾賽建勳將軍達爾濟各領兵截殺外臣選派三千兵馬委扎薩  
克台吉葛木丕爾前鋒參領達度等率往截殺即日起程報聞○  
己卯岳爾岱病痊命仍回倉場侍郎任○壬午移廣東合浦縣縣

東華錄

雍正二十一年

十一

丞駐永安○癸未實授李衛直隸總督郝玉麟福建總督程元章  
浙江總督鄂彌達廣東總督徐本安徽巡撫楊永斌廣東巡撫鍾  
保湖北布政使甘汝來廣東布政使○甲申命撥戶部庫銀二百  
萬兩解送北路軍營備賞給有功官兵之用○增山東濟甯河標  
城守營千總一把總二○是月免江南滁州甯國等五州縣雍正

九年水災額賦有差

九月乙酉朔諭辦理軍機大臣等此次準噶爾逆賊志欲搶奪澤  
卜韓丹巴胡土克圖侵掠喀爾喀部落直趨察罕叟爾大營由杭  
愛山肆行猖獗王丹津多爾濟額駙策凌參贊大臣塔爾岱及諸  
王大臣台吉等共領滿洲蒙古喀爾喀等兵二萬奮勇尾追千里  
到鄂爾昆河厄爾得尼招地方諸王大臣及台吉官兵等同心協  
力為國輸誠奮勇攻擊將三萬逆賊斬殺大半餘賊喪膽奔逃甚



屬可嘉此次軍功非尋常勞績可比官員兵丁著從優議敘其隨從額駙策凌在克爾森齊老地方擊賊官兵著加倍議敘領兵效力之王貝勒貝子公扎薩克白吉等應賞巴圖魯名號升授職銜今於議敘軍功之先特沛恩綸略爾喀和碩親王丹津多爾濟著賞給智勇名號略爾喀和碩親王額駙策凌著賞給超勇名號略爾喀多羅貝勒冊卜登從前在阿爾泰軍前著有勞績去年在蘇克阿爾達胡地方攻擊準噶爾又懋著勤勞朕已賞給信勇名號此次在厄爾得厄招大敗準噶爾賊眾又復追擊效力前驅冊卜登著封為多羅郡王扎賴特固山貝子特古斯從前在阿爾泰軍前曾效力行走此次在克爾森齊老擊賊甚力在厄爾得厄招又復大敗賊眾建立功勳特古斯著封為多羅貝勒敖漢輔國公羅卜藏隨從額駙策凌在克爾森齊老擊賊又在厄爾得厄招大敗

東華錄

雍正二十一年

三

稱疊眾所共知朕以為馬爾賽必感戴殊恩實心為國效力因授為大將軍遣往軍前乃伊未至歸化城先將馬匹牲畜傷損數千在口外第八臺處聞科布多地方準噶爾賊眾消息便自怯懦奏請往歸化城又將馬匹牲畜不擇好水草之處牧放折損大半且不禁約兵丁縱其貪饕飲食肆意糜費以致變賣衣服如此乖謬妄為之罪朕猶寬恕與以效力贖罪之途授為將軍令往扎克拜達里克而馬爾賽沿途又不調養駝隻倒斃數千然朕猶優容之望其效力也頃準噶爾賊眾來犯察罕叟爾之大兵直越杭愛搶奪略爾喀等部落王丹津多爾濟策凌參贊塔爾岱等率領大兵尾追至鄂爾昆之厄爾得厄招地方大敗賊眾殲其大半賊拋棄馬畜及一切器械膽裂奔敗大將軍順承親王已札令馬爾賽會同達爾濟截殺王丹津多爾濟等亦以賊眾大敗投往推河行文

東華錄

雍正二十一年

三



國法軍法俱難寬宥著將馬爾賽之綏遠將軍領侍衛內大臣公以及賞給阿達哈番俱行革退其將軍印務著欽拜暫行署理領侍衛內大臣員缺著侯馬蘭泰補授其公爵係伊祖圖海立功所得著馬禮善承襲今已行文令馬爾賽明白具奏俟回奏時將馬爾賽正法之處另降諭旨○諭西路軍營將弁兵丁等噶爾丹策零父子兇頑世濟其惡戕害臣服我朝之蒙古部落窺伺我邊疆國家不得已用兵之苦心已屢經曉諭官弁兵丁等知之矣夫三軍司命在於將帥朕慎重其選以岳鍾琪乃將門之子久歷行間從前用兵青海會有勞績且於西陲情形素為熟練伊亦自信克當此任是以命為西路大將軍一切徵兵運餉選將設官之事凡有所請無不允行實冀其殫心竭力奏績邊疆為一勞永逸之計豈料伊秉性粗疏辦事闊略平居志大言大似有成算及至臨

東華錄

雍正二十一年

十四

時則張皇失措意見游移且賞罰不公號令不一不恤士卒不納善言自奉太豐待下鮮惠今略舉其失機一二事言之前年冬月陛見入都軍營之事全無料理以致賊人盜竊駝馬傷我弁兵嗣後朕時時降旨諭令慎密周防乃今年正月賊人越過大營直至哈密及塔爾沁等處搶掠牲畜戕害回民伊將令不行調度無術竟令已入網羅之寇賊由坦道遁逸而去又如穆壘駐兵之舉實由岳鍾琪之奏請且稱願以全家性命保其萬全乃我兵移駐之始即有賊人潛過穆壘河東搶擄馬匹傷害官兵見今運道收廠時受侵擾此皆岳鍾琪失算誤國之昭著者其他顛倒昏憤疏忽錯謬之處不可枚舉以統兵之人居心行事如此無怪乎三軍之士離心解體兵氣為之不振也朕思用兵之事關繫重大似此一籌莫展屢失機宜則軍務何日能竣我三軍之士何時得以休

息用是特降諭旨將岳鍾琪調回京師以吏部尚書陝西總督查郎阿署理大將軍事務命大學士鄂爾泰親至肅州頒賜敕書指授方略查郎阿素性忠良赤心為國虛懷謙受能體下情自辦理軍需以來事事妥協邊疆情形皆所深知一到軍營與副將軍張廣泗常賽等合志同心和衷共濟必能運籌決勝靖寇安邊是在爾將弁兵丁等鼓舞奮興急公努力盡洗從前委靡怠惰之習合千萬之人為一心則忠誠格和氣致祥必邀上天之默佑迅速成功膺國家優隆之爵賞是此日之更換將帥酌改規模實爾西路軍營通塞否泰轉移之機也今年七八月閒賊兵以三萬人侵犯北路深入厄爾得尼招地方意欲迎奪喇嘛擄掠喀爾喀蒙古我師奮勇前追殺死賊兵萬人積屍如山河水盡赤賊夷乘夜逃奔拋棄馬匹牛羊器械不計其數而我兵受傷者不過十餘名領

東華錄

雍正二十一年

十五

兵之大小將弁未損一員此實行間將士合力同心仰邀天祐之明驗也今賊人既受大創於北路未必不輕視西路重整餘力以向巴爾庫爾冬春防範尤宜嚴密不可疏忽著署大將軍等將此曉諭各營將弁兵丁咸使知悉至岳鍾琪屢次失機之罪甚大律以國法不容寬貸又聞軍營弁兵無不含怨著署大將軍查郎阿徧行詢問軍營將弁兵丁等岳鍾琪自領兵以來果屬事事乖張人心共怨否抑或尚有可取之處否務使三軍之眾人人各抒己見據實舉出即有互異不妨兩奏以聞○丙戌湖南巡撫趙宏恩奏乾州所屬寶流溪等九寨內附○丁亥 上詣怡賢親王殯所奠酒○庚寅 上以怡賢親王次日發引復親詣殯所奠酒○召尹繼善來京以魏廷珍署兩江總督性桂署漕運總督○由兵部○壬辰諭辦理軍機大臣等康親王崇安母妃患病著將撫趙大將



軍印交與歸化城都統丹晉收貯崇安即速來京○以海潮驟長沿海居民被水命督撫等加意撫綏其甌戶鹽丁被水者發商捐義倉及嘉興倉穀賑之○癸巳諭辦理軍機大臣等朕念博爾屯之祖舊日勞績將博爾屯屢加任用伊並不黽勉向前因命往扎克拜達里克馬爾賽軍前效力乃王丹津多爾濟等在厄爾得尼招大殲賊眾之後所有被困奔逃之賊前至扎克拜達里克伊有精兵萬餘並不邀擊懦怯觀望俾其遁去博爾屯如會勸馬爾賽而不允其罪尚輕如並未經勸過則伊之首領亦難保矣一切情節著據實回奏其參贊大臣內大臣都統俱著革去以閒散公在軍前效力行走○甲午以兆華為盛京戶部侍郎署倉場侍郎○乙未大學士伯督巡陝甘經略軍務鄂爾泰奏北路逆賊於八月初五日在厄爾得尼招地方被我兵大敗由鄂爾昆河源向推河地方東華錄

東華錄 雍正二十一年 六

逃去查畢濟一帶乃逆賊敗遁必由之路中間有衞他馬哈之沙磧係畢濟要隘離巴爾庫爾不過三百餘里臣隨於八月二十八日咨行護甯遠大將軍印務張廣泗令其挑選滿洲察哈爾精兵二千名交前鋒統領阿思海總統佐以副都統達什選綠營精兵一千名交總兵張存孝總統佐以副將馮廷雄即日起程前往衞他馬哈堵截並令阿思海等一到衞他馬哈即遣弁兵哨探畢濟一帶如有賊蹤飛報張廣泗領兵追剿又令張廣泗備兵數千名遣發繼進以壯聲援得旨鄂爾泰身在肅州一聞信息即調遣兵丁截殺賊眾斯可謂為國之大臣達爾濟諾爾渾欽拜等擁兵萬餘駐紮扎克拜達里克遇準噶爾窮寇徒手奔逃並不迎擊待其已過虛作追趕之勢怯懦不堪將此寄與伊等知之○改湖南衡州府屬桂陽州為直隸桂陽州管轄臨武藍山嘉禾三縣○丁酉

諭喀爾喀七旗貝勒貝子公台吉屬下人等去年朕降旨令爾等移居內地爾等並不感悅遵行朕又屢次催促始勉強遷移此次準噶爾賊兵前來幸王丹津多爾濟等帶領大兵將賊兵殺敗爾等始得脫免否則爾等部落豈能保護產業牲畜朕思爾等喀爾喀本屬一體豈有甘居庸懦受人庇護之理嗣後各宜激烈奮發將賊兵悉行剿滅不特永享昇平抑且垂光史冊矣勉之○張元懷緣事革職調王紘為浙江布政使以宋筠署江西布政使原任政○以盧焯為河南按察使由南汝道遷○庚子護甯遠大將軍張廣泗奏八月二十八日臣與署鎮安將軍卓爾參贊顧魯暨在營鎮將等密商將大營全撤自穆壘起程於三十日已回關舍圖但細閱關舍圖地方路程叢雜氣候嚴寒兼之城堡尚未築完四處草廠盡被賊人燒毀實亦難於久駐臣等不敢固執前議請將大兵東華錄

東華錄 雍正二十一年 七

盡行撤回巴爾庫爾惟於附近緊要處酌量安兵駐守查得陶賴無克克二處係賊人南來徑路各安兵一千五百名按濟察罕哈麻爾二處係賊人西來大路各安兵一千名又鏡兒泉鳴順並烏普土克爾忒克三處在巴爾庫爾之北賊人或由沙磧或由北山皆可前來應於鏡兒泉安兵二千名噶順安兵五百名烏普土克爾忒克安兵一千名又圖古里克圖爾庫爾二處在巴爾庫爾之東北乃賊人自阿濟畢濟越沙磧而來之要路應各安兵一千名仍於一切要隘之處分安小卡倫遠行哨探另派兵丁看守牧廠哈密塔爾那沁二處亦俱派兵防守再穆壘大兵既撤則吐魯番孤懸一隅所當豫籌駐兵運糧之道查吐魯番原駐兵八千名並見留押運糧糈之兵丁五百名係分駐魯谷慶哈喇火州皮禪洋海勒木津塞木津漢墩七處查勒木津塞木津漢墩三處俱與賊



近聲勢不能聯絡請將三處官兵速行撤回歸併魯谷慶哈喇火州皮禪洋海四處分駐並將三處回民亦俱移至魯谷慶等處城內居住庶免賊人窺伺而我兵亦易於防範報聞○丁未以彭維新為戶部尚書由左都御史遷○戊申解黃文偉任以張渠為廣東按察使由肇羅○己酉諭辦理軍機大臣等據順承親王錫保奏傅爾丹在烏孫珠爾地方並不整備官兵豫籌堵禦之策輒輕調兵進擊以致有誤軍機傅爾丹著革去公爵並領侍衛內大臣振武將軍○封故恆親王允祺子弘旺為恆親王○甲寅添設江南漕標城守營把總一外委把總一漕標左右兩營把總各一外委千總把總各一

冬十月戊午諭辦理軍機大臣等今年賊眾來侵之時順承親王雖履行文馬爾賽達爾濟等令相機而行並未示以如何截殺如

東華錄

雍正二十一年

七

何堵禦王身為大將軍馬爾賽等乃所屬之將喀爾喀地方及賊人所行路徑王所素悉乃不為先期指授殊屬疏忽且馬爾賽失誤軍機坐視殘寇免脫王即應嚴加劾治直待朕降旨將馬爾賽擊問始行參奏甚屬優柔觀望著行文訓飭○以吳士玉為左都御史由吏部左○壬戌諭內閣領侍衛內大臣奏事之班次不宜隨部院衙門嗣後領侍衛內大臣前鋒統領護軍統領合為一班列於八旗奏事班次之後內務府國子監合為一班列於都察院理藩院奏事班次之後鑾儀衛光祿寺合為一班列於內務府國子監奏事班次之後○癸亥諭辦理軍機大臣等喀爾喀副將軍王丹津多爾濟自用兵以來實心效力去歲奮勇追殺準噶爾賊人今又在厄爾得尼招統領滿洲蒙古喀爾喀兵丁大敗賊眾斬馘萬餘挫其鋒銳賊人喪膽望風逃遁自是軍威遠震疆圉甯謐

喀爾喀扎薩克等可共享太平之福如此建立大功雖賜伊墨爾根巴圖魯之號朕心猶為未足向來外藩蒙古王等之子並無晉封世子之例朕念丹津多爾濟勞績昭著用加特恩著照宗室王等之例將伊長子多爾濟色布騰封為世子再翁牛特貝子羅卜藏喀爾喀扎薩克台吉齊旺俱在厄爾得尼招奮勇殺賊貝子羅卜藏著晉封為貝勒扎薩克台吉齊旺著晉封為輔國公○命振武將軍參贊都統查克旦在靖邊大將軍參贊上行走○甲子諭內閣馬爾賽本屬庸材我 皇考聖祖仁皇帝念伊祖大學士圖海舊日功勳望其子孫成立將馬爾賽少年襲封公爵訓誨成全優加擢用乃伊不能仰承 聖恩致遭罷黜旋經一載我 皇考不忍令其廢棄仍命襲封且加以格外之恩榮身兼數職無非勉力玉成以繼名臣之後也及朕御極之初仰體 皇考優待勳臣

東華錄

雍正二十一年

九

之盛心首先及於圖海封一等公配享 太廟兼立專祠永承禋祀又推恩及於馬爾賽念其家世不同歷官年久加恩優待賞賚駢蕃此舉朝所共知者雍正五年大學士富甯安奉差陝西滿洲之在內閣者僅有馬齊一人又因年老不能辦事而滿洲之官階資格可用為大學士者復不得其人是以令馬爾賽備員政府以為班聯領袖其實未能贊襄一事敷奏一言稍有補政治之萬一此亦舉朝所共知者朕初即位時命伊兼管鑲藍旗都統伊以不能辦事力辭朕亦曲從其請蓋其苟且偷安不能出力之心朕早已知之至於伊歷來貪贓不法之案漸次敗露者朕皆暗中為之消弭其應追之贓銀數萬兩又復降旨悉行寬免更賞世職以逮其子孫賜帑金以固其操守凡所以恩待之者遠出諸臣之上以為馬爾賽苟有人心必無有不知感恩圖報之理去年六月間傳



爾丹統領北路大兵駐紮科布多誤被賊人所誘真功輕進至於敗北得順承親王調度運籌重加整理軍聲復振朕因傅爾丹既已失機不可再膺元戎之寄順承親王久勞於外既有保障之功應令暫解軍務回京休息於是將馬爾賽投爲北路大將軍畀以討賊防邊之重任伊在京承命之時卽有退縮怨望之意及領兵行走並不教訓兵丁愛惜馬力未到歸化城而馬匹已陸續倒斃於道矣行至第八臺聞賊人有侵擾科布多信息卽逡巡畏懼奏請退回駐紮相機前進乃至歸化城時又不於水草好處牧放馬匹日事遷移以致兵丁之馬傷損大半其意以爲馬力不敷便可藉口推託以遂其退避之奸志也伊在京面奏朕云爲將之道必須與士卒同甘苦乃伊到歸化城卽伐木取材蓋造煖室全忘士卒之露處竟欲久居於此爲娛老之計者且心懷怨望於眾大臣

東華錄

雍正二十一年

壬

齊集之前口稱領兵爲大將軍不如發遣黑龍江反爲安逸其但知有己而不念國家悖逆庸愚一至於此朕知其不可以爲大將軍改授綏遠將軍令其領兵赴扎克拜達里克駐紮以爲堵禦邀截之計今年七八月閒賊人侵犯察罕叟爾輒敢越過杭愛深入我境搶掠喀爾喀地方是時大將軍順承親王派副將軍蒙古王丹津多爾濟額駙策凌參贊大臣塔爾岱等率領官兵尾隨賊人之後於八月初四日追至厄爾得尼招地方與賊人相遇鏖戰一日自黎明至於昏黑賊眾大敗殺賊萬餘積屍遍野河流盡赤賊人魂膽俱喪拋棄馬畜器械乘夜逃遁此次對壘仰荷上天恩佑我軍大小官員止損二人兵丁被傷者不過數十乃從來罕聞之盛事大將軍順承親王及蒙古王丹津多爾濟等卽將賊兵大敗情形並由推河潛逃之信馳報馬爾賽等令其發兵堵賊歸路軍

營將士無不踴躍奮往有滅此朝食之心而馬爾賽立意坐視按兵不舉同事之大臣等再三約會陳說馬爾賽堅執不從傅爾丹以機不可失情急至於跪求而馬爾賽始終不允且向達爾濟等差來之人云我兵不令出城夜間賊人來時我兵止在城上吶喊助威爾等兵丁若昏夜來我城下我卽施放槍礮等語似此悖逆之言聞者莫不駭異及聞賊人既已潛逃達爾濟等又復約會進剿而馬爾賽遷延不行直至次日方領兵緩行五十餘里虛作尾追之狀又越二日行數十里託言賊已遠去追趕不及遂領兵回營此胡琳身在軍前目覩情形具摺陳奏者朕又降旨詢問軍營參贊欽拜等據欽拜博爾屯諾爾渾回奏賊人由推河等處逃遁馬爾賽兵力單弱博爾屯願領兵前往應援馬爾賽不允嗣議截殺賊人之事諾爾渾向馬爾賽云我等應卽派兵迎截若再遲延傷

東華錄

雍正二十一年

壬

賊人全過便坐失機宜是時李林云我等惟當固守城池而已馬爾賽惟以李林之言爲是不聽諾爾渾等之言及至佐領札木素告稱我向扎克拜達里克來時見沿途賊人陸續經過等語馬爾賽正傳集會議間而李林又向馬爾賽堅執守城之說諾爾渾等又再四告稱如後面尚有賊人此番經過之時決無燒荒之理視此燒荒情形卽係後面確無餘賊之明證我等急當追剿斷不可失此機會馬爾賽方領兵起程及到博木喀拉地方僅選兵七百名令欽拜前進馬爾賽竟回至扎克拜達里克等語此欽拜博爾屯諾爾渾回奏之大槩也朕又降旨詢問馬爾賽馬爾賽回奏之摺一味枝梧強爲推卸馬爾賽縱賊之罪百喙其能辭乎况欽拜等尙皆惶懼認罪而馬爾賽猶復覲顏巧辯無一愧赧之辭冀售欺於萬一則其蓄心狡猾奸險更可知矣此次賊人大敗之後狼



狠不堪馬爾賽擁兵萬餘不必出奇制勝但肯遵循常理堵截賊人之路實可使之一騎不返即或有逃奔餘黨而我師以大隊追襲其後必不使殘敗之寇得以漏網生還實乃奏凱成功易於完結軍務之機會也馬爾賽身任統兵之職地當扼要之區賊過不行堵截賊去又不尾追端坐空城視同秦越眾人苦勸之言堅執不聽竟令入網之獸復得免脫將來餘孽跳梁一時未能翦滅伊誰之咎似此有意阻撓軍機紊亂國事並非尋常失機之比馬爾賽不思國家高厚之恩不念伊祖積累之舊在國為叛臣在家為逆子不忠不孝莫此為甚若馬爾賽此番情罪或為人臣所間有尚可念其先世之勳曲加寬貸而馬爾賽縱寇之罪豈可貸乎且伊之負恩如此朕撫躬自思加厚恩而招怨望朕實無以自解亦實有所不甘此皆朕乏識人之明誤用匪人朕先謝罪 宗社臣

東華錄

雍正二十一年

三

民將馬爾賽正法以為人臣受恩深重而心懷悖逆者之戒著詢問在京滿漢大臣九卿及北路軍營扎克拜達里克軍營將弁等令據實即行回奏大凡微員庶民治罪之案皆屢經審訊而後定豈有馬爾賽為國家大臣不加審訊而遽行治罪之理馬爾賽之心之罪朕知之甚悉見之甚確實無幾微可疑昔年 皇考對朕兄弟輩會數次面諭圖海乃我朝第一良臣將來應配享 太廟 皇考厚待圖海之恩誼朕無時敢忘今將馬爾賽治罪之時愈益思念及此伊既忍悖我 皇考逆伊祖父朕執大法以理天下而於不忠不孝之人姑息寬宥遲回不決實無以對我 皇考亦負伊祖圖海之忠心矣至於李杅世受國恩不思報效居心安誕行事乖張前在廣東將軍任內縱令所屬兵丁擁鬧巡撫公堂槍傷守備大千法紀經三法司議將李杅擬斬監候雍正六年朝審

九卿擬以情實具題原應不赦朕念其為勳臣之裔免死釋放旋又降旨將伊補授都統仍襲伯爵此朕宥過錄用莫大之恩也去年北路派出漢軍兵丁揀選領兵大員朕因李杅為漢軍世族管兵多年諸事尚屬素諳特旨將伊派往料其感恩悔過必能黽勉自新豈知伊中懷叵測於軍機緊要之時一言僨事其罪與馬爾賽等著一併訊問具奏○禮部等衙門遵旨議奏我朝勳舊名臣屢邀異數雍正二年已敕建昭忠祠祀勤事授命諸臣勳忠之典至優且渥茲復命於京城內建立賢良祠春秋展祀其應入祠之滿漢文武大臣等公同詳酌如怡賢親王之精白一心忠誠體國勳在社稷澤被生民允宜首請入祠其元臣良輔如大學士公圖海公賴塔大學士張英尚書顧八代馬爾漢趙申喬河道總督靳輔齊蘇勒總督楊宗仁巡撫陳瑊等久在 聖明灼見之中入

東華錄

雍正二十一年

三

祠崇祀於禮相符此外滿漢文武大臣或望著巖廊或名垂竹帛或操嚴冰槩或績懋封疆謹取其事蹟參之眾論擬定大學士范文程等三十五員均應入祠崇祀得旨原任將軍阿喇納恪謹持躬忠誠奉職從前西陲用兵實力年久收復吐魯番平定青海俱有勞績原任都統馮國相樸誠自矢從無過愆向來各旗公庫俱有虧空惟馮國相所管正藍旗全無欠缺此即其出納謹嚴操守潔清之實證阿喇納馮國相應否入賢良祠著九卿會議具奏尋議原任將軍阿喇納都統馮國相按其實事洵屬賢良大臣允宜一體崇祀從之○乙丑諭辦理軍機大臣等吐魯番回民遷移近邊一事據副將軍張廣泗等計議明晰伊等身在軍營自有確見但不知此際有無賊人阻滯所議遷移之事會否舉行若果於冬月遷移則天氣寒冷深可軫念雖張廣泗等奏稱塔爾沁向有



城堡儘可令回民暫住令其耕種朕思此地並無房屋回民何以棲身查哈密地方和暖其城外五堡等處原係哈密回民居住之所若將移來之回民分派此地暫行安插過冬令額敏和卓轉飭本地回民就近照看似為有益若哈密回民果能同心照看使之得所朕必將額敏和卓及回民等加以重賞至於吐魯番新來之回民著查郎阿等重加賞賜派委幹員加意撫綏諸凡寬裕料理務令伊等不知有遷移之苦將來若令其在塔爾那沁居住可早為辦理物料以便及時興造房屋俾獲甯居爾等可將此寄信前去並令劉於義等知之儻冬月不即遷移可遲至春間再議舉行

○戊辰諭辦理軍機大臣等據將軍達爾濟奏稱撥派鄂爾多斯之三千名原屬精壯乃協理台吉策旺多爾濟與貝勒達西喇卜坦諾衣羅卜查木蘇將兵丁私行更換三千兵內五百餘名不堪東華錄 雍正二十一年 丙

調用又逃亡四百餘名等語朕不惜國帑數千萬億極邊遠塞駐紮兵丁特欲保全喀爾喀內扎薩克之故也伊等理應各自奮勉勦殺賊人乃私換兵丁肆意遁逃此係扎薩克等從來未有之事今派侍郎納延泰選補額缺之兵將逃回官兵嚴加治罪為首逃遁者即著正法貝勒達西喇卜坦諾衣羅卜查木蘇協理台吉策旺多爾濟長史護衛等俱著嚴加治罪其不堪調用之兵五百名著回原游牧處所夫懲罪勸功乃國家之大典今歲八月副將軍王丹津多爾濟額駙策凌等於厄爾得尼招地方大敗賊眾喀爾喀王台吉等俱已賞給巴圖魯之號備得封典升銜恩及子孫又動庫帑二百萬兩分賞官兵給與功牌去歲喀爾喀西邊扎薩克圖汗部落數扎薩克被賊搶擄陣亡受傷人等朕施恩重賞其與賊交戰已故之一等台吉策勒克已贈為公爵令伊子密什克襲

東華錄 雍正二十一年

替至於奴僕房產衣裝等項亦盡行賞給著納延泰即將策旺多爾濟等貽誤情節告知圖爾古特貝子丹中王阿寶六旗鄂爾多斯三旗吳喇忒毛明安四子部落及遷內游牧居住喀爾喀西邊扎薩克等伊等既在一處居住與喀爾喀內扎薩克有何分別如果訓誨屬下人等不使相奪相盜接壤地方酌設卡倫有一二不肯小人犯法即秉公懲治則其餘自不敢妄為矣伊等誠能懷遵國法協力勦賊不過勞苦數年將來豈不各享太平之福乎公通摩克屬下人等去歲雖加恩賞但親屬被擄有欲尋求妻子者亦有己身被擄尋求妻子脫回者著交與公通摩克等務令給與妻室家產加意照看如有投來之人亦收留養贍詳詢賊信即報知辦事官員即中偏圖侍衛常明乃專理西界喀爾喀扎薩克等事之員如有此等人一面交扎薩克照看一面據實奏聞○己巳諭

東華錄 雍正二十一年 丙

內閣賢良祠之王大臣應各立小傳以紀生平事蹟著左都御史吳士玉吏部右侍郎任蘭枝禮部右侍郎吳璣擬彙進呈○癸酉景陵瑞芝生○庚辰諭辦理軍機大臣等岳鍾琪受朕深恩重加任用西陲討賊之舉伊亦身任不辭是以用為西路大將軍一切徵兵運餉選將設官凡有所請無不允行實冀其殫心竭力無隱無欺克著綏靖之績乃伊秉性粗疏辦事怠忽將國家軍旅重務視同泛常且賞罰不公號令不一不恤士卒不納善言傲慢不恭剛愎自用以致防禦追擊屢失機宜軍務廢弛士氣不振以多年豫備之馬駝牲畜數十萬或被賊人偷盜或因失養損傷及至需用之時寥寥無幾而凡陳奏於朕前者皆虛假詐偽之詞為恬過飾非之計其誤國負恩之罪難以悉數岳鍾琪著革職交與兵部拘禁候朕另派大臣訊問○轉任蘭枝為吏部左侍郎以孔毓

四八九



璞為吏部右侍郎由左副都御史遷

十一月丙戌諭辦理軍機大臣等甯古塔將軍常德著為靖邊大將軍之副將軍○癸巳以馮景夏為左副都御史李蘭為安徽布政使調唐繼祖為江西按察使以王柔為湖北按察使由湖南辰沅靖道遷

○乙未諭吐魯番頭目額敏和卓等吐魯番部落遠在邊境之外去巴爾庫爾軍營尚有七八百里易為賊人之所窺伺我師難於庇護朕以仁愛為心是以聽其自便不强其歸順我朝致受賊人之侵擾也乃前歲岳鍾琪並未奏聞直以己意遣官帶領駝隻前往採買米石致啟賊人侵擾而額敏和卓與回眾等誠心歸嚮我朝努力奮勇抗拒賊兵上年賊眾三次圍攻回眾與官兵併力抵禦不但全城無恙且出其不意乘間擊刺屢挫賊鋒忠勇之氣甚屬可嘉然賊夷狡獪異常時以侵擾吐魯番為疲敝我師之計是

東華錄 雍正二十一年 天

以副將軍張廣泗等議將爾等搬移近邊之地以避賊人侵害前月具奏到日朕深念爾等移徙之時賊人或於中途窺伺又恐天氣寒冷男婦老幼苦於行役屢降諭旨令署大將軍等於途次加意防護到時善為安插務令人人得所此數月以來朕無時不以爾等安土重遷繫繫於心也今閱署大將軍查即阿等奏報回民大小一萬餘口已於十月十四十七等日陸續起程羣情踴躍計日可到朕心甚為欣慰因思年來爾等屢遇強寇而未遭其戕害今安穩遷移永居樂土世受我朝恩庇此皆爾等忠誠感格上天顯賜福佑之明徵也除已降旨令署大將軍等悉心部署並優加賞賚外額敏和卓著封為扎薩克輔國公其餘頭目等有應加恩賞授官職者俟大將軍查奏到日再降諭旨著將此通行曉諭回民共知之○以七世同居賜湖南沅江縣生員謙衿 御書世篤

仁風額○丁酉諭內閣閱陝西甘涼沿邊一帶營伍廢弛總督劉於義事務繁多不能親身察閱著禮部左侍郎杭奕祿來往稽查悉心整頓給與欽差大臣關防凡有辦理事宜俱與劉於義酌行山西近邊營伍與陝西相近者亦著杭奕祿一體稽查與山西巡撫石麟酌行工部左侍郎署西安巡撫馬爾泰奉差西甯西安巡撫印務著兵部尚書史貽直署理內閣學士德齡協辦其軍需事務亦著德齡協同史貽直料理○戊戌河東總督田文鏡以久病未痊奏請解任調理允之○己亥以孫國璽署河南巡撫阿蘭泰辦理河東副總河事內閣侍讀學士○庚子加兩江總督尹繼善兵部尚書銜實授喬世臣江蘇巡撫○以王士俊為河東總督德齡為湖北巡撫噶世圖協理西安巡撫事兼辦西路軍需原署西甯安巡撫○解徐聚倫任以刁承祖為河南布政使徐士林為江蘇按察使由安徽府知府

東華錄 雍正二十一年 天

○大學士伯曾巡陝甘經略軍務鄂爾泰奏武備軍威火器最重貴速利遠火藥宜精若硝味不淡炭體不輕礮色不淨而又配合不細則氣滯不靈三軍難恃以為勇臣經由邊郡見各標營堡施放槍礮火煙不直且半濃黑知製藥多不如法曾經嚴飭指示大略惟是揀材置料硝易而礮難硝賤而礮貴惜費省工輒以藉口陝甘兩省素稱地不產礮必赴外省採買運費工價未免浩繁肅州極邊每礮一斤價值一錢至二錢不等軍需要地接濟維艱查肅州嘉峪關金佛寺堡之所管汛地內南山隘口抵朱魯郭池邊而西有硫磺山一座周圍四五十里徧產硫磺環山遠近並無番夷住牧若委員開採依法煎熬合算人工運費每淨礮一斤值不過五分而出產甚多用之不竭不獨便利軍需亦足接濟陝甘兩省標營需用事關邊陲武備見與劉於義面商妥員經理一面

東華錄 雍正二十一年 天

○大學士伯曾巡陝甘經略軍務鄂爾泰奏武備軍威火器最重貴速利遠火藥宜精若硝味不淡炭體不輕礮色不淨而又配合不細則氣滯不靈三軍難恃以為勇臣經由邊郡見各標營堡施放槍礮火煙不直且半濃黑知製藥多不如法曾經嚴飭指示大略惟是揀材置料硝易而礮難硝賤而礮貴惜費省工輒以藉口陝甘兩省素稱地不產礮必赴外省採買運費工價未免浩繁肅州極邊每礮一斤價值一錢至二錢不等軍需要地接濟維艱查肅州嘉峪關金佛寺堡之所管汛地內南山隘口抵朱魯郭池邊而西有硫磺山一座周圍四五十里徧產硫磺環山遠近並無番夷住牧若委員開採依法煎熬合算人工運費每淨礮一斤值不過五分而出產甚多用之不竭不獨便利軍需亦足接濟陝甘兩省標營需用事關邊陲武備見與劉於義面商妥員經理一面

東華錄 雍正二十一年 天

○大學士伯曾巡陝甘經略軍務鄂爾泰奏武備軍威火器最重貴速利遠火藥宜精若硝味不淡炭體不輕礮色不淨而又配合不細則氣滯不靈三軍難恃以為勇臣經由邊郡見各標營堡施放槍礮火煙不直且半濃黑知製藥多不如法曾經嚴飭指示大略惟是揀材置料硝易而礮難硝賤而礮貴惜費省工輒以藉口陝甘兩省素稱地不產礮必赴外省採買運費工價未免浩繁肅州極邊每礮一斤價值一錢至二錢不等軍需要地接濟維艱查肅州嘉峪關金佛寺堡之所管汛地內南山隘口抵朱魯郭池邊而西有硫磺山一座周圍四五十里徧產硫磺環山遠近並無番夷住牧若委員開採依法煎熬合算人工運費每淨礮一斤值不過五分而出產甚多用之不竭不獨便利軍需亦足接濟陝甘兩省標營需用事關邊陲武備見與劉於義面商妥員經理一面

東華錄 雍正二十一年 天

○大學士伯曾巡陝甘經略軍務鄂爾泰奏武備軍威火器最重貴速利遠火藥宜精若硝味不淡炭體不輕礮色不淨而又配合不細則氣滯不靈三軍難恃以為勇臣經由邊郡見各標營堡施放槍礮火煙不直且半濃黑知製藥多不如法曾經嚴飭指示大略惟是揀材置料硝易而礮難硝賤而礮貴惜費省工輒以藉口陝甘兩省素稱地不產礮必赴外省採買運費工價未免浩繁肅州極邊每礮一斤價值一錢至二錢不等軍需要地接濟維艱查肅州嘉峪關金佛寺堡之所管汛地內南山隘口抵朱魯郭池邊而西有硫磺山一座周圍四五十里徧產硫磺環山遠近並無番夷住牧若委員開採依法煎熬合算人工運費每淨礮一斤值不過五分而出產甚多用之不竭不獨便利軍需亦足接濟陝甘兩省標營需用事關邊陲武備見與劉於義面商妥員經理一面

東華錄 雍正二十一年 天

○大學士伯曾巡陝甘經略軍務鄂爾泰奏武備軍威火器最重貴速利遠火藥宜精若硝味不淡炭體不輕礮色不淨而又配合不細則氣滯不靈三軍難恃以為勇臣經由邊郡見各標營堡施放槍礮火煙不直且半濃黑知製藥多不如法曾經嚴飭指示大略惟是揀材置料硝易而礮難硝賤而礮貴惜費省工輒以藉口陝甘兩省素稱地不產礮必赴外省採買運費工價未免浩繁肅州極邊每礮一斤價值一錢至二錢不等軍需要地接濟維艱查肅州嘉峪關金佛寺堡之所管汛地內南山隘口抵朱魯郭池邊而西有硫磺山一座周圍四五十里徧產硫磺環山遠近並無番夷住牧若委員開採依法煎熬合算人工運費每淨礮一斤值不過五分而出產甚多用之不竭不獨便利軍需亦足接濟陝甘兩省標營需用事關邊陲武備見與劉於義面商妥員經理一面

東華錄 雍正二十一年 天

○大學士伯曾巡陝甘經略軍務鄂爾泰奏武備軍威火器最重貴速利遠火藥宜精若硝味不淡炭體不輕礮色不淨而又配合不細則氣滯不靈三軍難恃以為勇臣經由邊郡見各標營堡施放槍礮火煙不直且半濃黑知製藥多不如法曾經嚴飭指示大略惟是揀材置料硝易而礮難硝賤而礮貴惜費省工輒以藉口陝甘兩省素稱地不產礮必赴外省採買運費工價未免浩繁肅州極邊每礮一斤價值一錢至二錢不等軍需要地接濟維艱查肅州嘉峪關金佛寺堡之所管汛地內南山隘口抵朱魯郭池邊而西有硫磺山一座周圍四五十里徧產硫磺環山遠近並無番夷住牧若委員開採依法煎熬合算人工運費每淨礮一斤值不過五分而出產甚多用之不竭不獨便利軍需亦足接濟陝甘兩省標營需用事關邊陲武備見與劉於義面商妥員經理一面

東華錄 雍正二十一年 天

○大學士伯曾巡陝甘經略軍務鄂爾泰奏武備軍威火器最重貴速利遠火藥宜精若硝味不淡炭體不輕礮色不淨而又配合不細則氣滯不靈三軍難恃以為勇臣經由邊郡見各標營堡施放槍礮火煙不直且半濃黑知製藥多不如法曾經嚴飭指示大略惟是揀材置料硝易而礮難硝賤而礮貴惜費省工輒以藉口陝甘兩省素稱地不產礮必赴外省採買運費工價未免浩繁肅州極邊每礮一斤價值一錢至二錢不等軍需要地接濟維艱查肅州嘉峪關金佛寺堡之所管汛地內南山隘口抵朱魯郭池邊而西有硫磺山一座周圍四五十里徧產硫磺環山遠近並無番夷住牧若委員開採依法煎熬合算人工運費每淨礮一斤值不過五分而出產甚多用之不竭不獨便利軍需亦足接濟陝甘兩省標營需用事關邊陲武備見與劉於義面商妥員經理一面

東華錄 雍正二十一年 天

○大學士伯曾巡陝甘經略軍務鄂爾泰奏武備軍威火器最重貴速利遠火藥宜精若硝味不淡炭體不輕礮色不淨而又配合不細則氣滯不靈三軍難恃以為勇臣經由邊郡見各標營堡施放槍礮火煙不直且半濃黑知製藥多不如法曾經嚴飭指示大略惟是揀材置料硝易而礮難硝賤而礮貴惜費省工輒以藉口陝甘兩省素稱地不產礮必赴外省採買運費工價未免浩繁肅州極邊每礮一斤價值一錢至二錢不等軍需要地接濟維艱查肅州嘉峪關金佛寺堡之所管汛地內南山隘口抵朱魯郭池邊而西有硫磺山一座周圍四五十里徧產硫磺環山遠近並無番夷住牧若委員開採依法煎熬合算人工運費每淨礮一斤值不過五分而出產甚多用之不竭不獨便利軍需亦足接濟陝甘兩省標營需用事關邊陲武備見與劉於義面商妥員經理一面

東華錄 雍正二十一年 天

○大學士伯曾巡陝甘經略軍務鄂爾泰奏武備軍威火器最重貴速利遠火藥宜精若硝味不淡炭體不輕礮色不淨而又配合不細則氣滯不靈三軍難恃以為勇臣經由邊郡見各標營堡施放槍礮火煙不直且半濃黑知製藥多不如法曾經嚴飭指示大略惟是揀材置料硝易而礮難硝賤而礮貴惜費省工輒以藉口陝甘兩省素稱地不產礮必赴外省採買運費工價未免浩繁肅州極邊每礮一斤價值一錢至二錢不等軍需要地接濟維艱查肅州嘉峪關金佛寺堡之所管汛地內南山隘口抵朱魯郭池邊而西有硫磺山一座周圍四五十里徧產硫磺環山遠近並無番夷住牧若委員開採依法煎熬合算人工運費每淨礮一斤值不過五分而出產甚多用之不竭不獨便利軍需亦足接濟陝甘兩省標營需用事關邊陲武備見與劉於義面商妥員經理一面

東華錄 雍正二十一年 天



先支銀數百兩交總兵沈力學作本開工得旨開採硫磺固於軍需有益但行之日久不無私販盜賣之弊著署督劉於義飭令總兵沈力學派兵防護實力稽查俟開採足用後奏聞請旨又奏甘涼肅爲軍需彙集之地倉儲緊要請將見行捐納款項改折本色糧石在甘涼肅等處交納得旨邊地改折米石以便積貯於軍需誠爲有益但在本地採買恐價值騰貴轉不便於軍民除甘涼肅本地民人援例者准卽以所有糧石交納外其他處捐納人等俱應由他處運交不得於甘涼肅採買著該督等通飭曉諭稽察禁止○移福建漳州府同知駐平和縣南勝地方改南靖縣車田地方歸漳浦縣轄○予故禮部尚書加太子少保銜錢以塏祭葬諡恭恪○甲辰予故太子太保河東總督田文鏡祭葬諡端肅○己酉加吏部尚書河道總督嵇會筠太子太保○庚戌江南河道總督嵇會筠奏洪湖爲黃運兩河之保障高堰乃淮揚二郡之屏藩蒙恩發帑金百萬興築石隄爲捍患計兩載告成請 御製碑文以垂久遠從之

東華錄

雍正二十一年

天

十二月乙卯諭內閣孫嘉淦於雍正元年尚係翰林院檢討朕看其爲人似屬樸實屢加任用遷擢數年之閒官至侍郎實望其殫竭誠心爲國家宣猷效力乃伊偏執自用從前屢有陳奏皆迂闊瑣碎不可見之施行者朕切加訓誨冀其開擴識見至近日則緘默不言並無一事之敷陳矣伊爲國子監祭酒乃瞻顧私情將親弟孫揚淦薦用爲監丞孫揚淦行事乖張士論不服以致孫嘉淦聲名大損此眾所共知者國子監教習人員特爲教育人材而設伊等分派之後有實心供職者亦有怠惰廢弛者自應分別用舍以示激勸卽稱職人員之中有通曉事體可膺牧民之寄者亦有

熟習文藝可勝司鐸之任者又當因材器使以資實用是在祭酒等秉公分晰陳奏朕前始可免冒濫名器用違其材之弊朕爲此屢降諭旨孫嘉淦身爲大臣專司成均之職甯不知之今於引見教習期滿人員時朕令舉其所知而孫嘉淦並不據實陳奏遂稱宋鑄一班六人俱屬可用及朕詳加詢問又忽稱方從仁實不堪用一時任意反覆顯係欺罔應加重懲以爲人臣詐妄負恩者之戒著將孫嘉淦革職交刑部究擬具奏尋議孫嘉淦懷私欺罔應照律挾詐欺公者擬斬監候秋後處決得旨孫嘉淦從寬免其治罪著在戶部銀庫效力行走○吏部議奏據兵部咨靖邊大將軍和碩順承親王錫保將陣亡大臣官員造冊送部照例錫予世職查副將軍尚書查弼納參贊內大臣馬爾薩副都統蘇圖覺羅海蘭應授拜他喇布勒哈番兼拖沙喇哈番散秩大臣一等公達

東華錄

雍正二十一年

元

福副都統岱豪西彌賴常祿前鋒統領丁壽侍郎永國應授拜他喇布勒哈番二等侍衛德明等一百一十八員及領催委署章京之傅成格等一十六員均應授拖沙喇哈番其祭葬銀兩各按品級照例卹賞從之○庚申實授吳金內閣學士○辛酉諭內閣朕妹純愨公主在日賦性柔嘉秉心淑慎今額駙策凌又在北路建立戰功晉封親王純愨公主著追封固倫公主賜祭一壇並修理墳塋以昭恩眷○壬戌諭內閣鄂齊以閒散宗室朕加恩用爲散秩大臣及都統等官又因西藏微勞命伊襲封公爵乃怠忽因循並不實心效力雍正五年西藏阿爾布巴背叛傷害康濟爾朕將西藏人等不合情由面問鄂齊伊視爲泛常信口奏對其在藏料理未協之處全然不知愧懼則居心之泄慢可知矣復命管理天津水師慢無約束一任兵丁擾累地方是以降旨革退公爵在侍



衛內行走繼又念伊在宗室中尚為通曉事務不忍令其放廢仍命管理口都統及護軍統領印務其自新以贖前愆豈料伊貪利納賂於胡五贖身案內又私得銀兩准其歸宗甚屬卑鄙無恥著將鄂齊革任交與宗人府拘禁照所得銀數十倍追出○癸亥添設湖北漢陽府同知一駐漢口鎮專司督捕該鎮及漢陽漢川二縣巡緝事宜仍兼理清軍水利等務其移駐漢口鎮之通判仍回駐漢陽府城協理孝感黃陂二縣捕務○甲子賜大學士鄂爾泰 御書公忠弼亮額○諭辦理軍機大臣等額駙策凌明年回軍營時令京城操演之兵及沿途宣化大同右衛歸化城等處兵丁俱候額駙閱看○乙丑諭內閣呂留良治罪之案前經法司廷臣翰詹科道及督撫學政藩臬提鎮等合詞陳奏請照大逆之例以昭國憲朕思天下讀書之人甚多或者千萬人中尚有其人謂

東華錄

雍正二十一年

三

呂留良之罪不至於極典者又降旨令各省學臣徧行詢問各學生監等將應否照大逆治罪之處取具該生結狀具奏其有獨抒己見者令自行具呈學臣為之轉奏不得阻撓隱匿今據各省學臣奏稱所屬讀書生監各具結狀咸謂呂留良父子之罪罄竹難書律以大逆不道實為至當並無一人有異詞者普天率土之公論如此則國法豈容寬貸呂留良呂葆中俱著戮屍梟示呂毅中著改斬立決其孫輩俱應即正典刑朕以人數眾多心有不忍著從寬免死發遣甯古塔給與披甲人為奴備有頂替隱匿等弊一經發覺將浙省辦理此案之官員與該犯一體治罪呂留良之詩文書籍不必銷毀其財產令浙江地方官變價充本省城工之用○丙寅諭辦理軍機大臣等聞揚武將軍工部尚書武格在軍前捏造撤兵之說惑亂軍心著拏解來京嚴加訊問○實授元展成

貴州巡撫張鉞廣西布政使○以耿麟奇為廣西按察使由蒼梧道遷○添設廣東惠州協興甯千總一外委把總一○丁卯以張照為刑部左侍郎仍兼內閣學士行走○岳爾岱患病解任調兆華為倉場侍郎由盛京戶部侍郎調○以廣東觀風整俗使光祿寺卿焦祈年為順天府府尹裁觀風整俗使缺○唐繼祖患病解任以張廷樞為江西按察使由湖北道遷○先是靖邊大將軍順承親王等遵旨議奏馬爾賽負恩縱寇不忠不孝即誅戮不足蔽辜臣等傳集文武官員恭宣諭旨詳加詢問莫不異口同聲痛心切齒李林曾犯重愆棄瑕錄用乃復懷姦濟惡法所難寬應將馬爾賽李林即正典刑以昭國憲兵部等衙門議奏馬爾賽世受國恩身邀異數為北路將軍手握重兵坐視賊人逃遁有心僨事貽誤軍機應將馬爾賽梟示軍前李林庸懦貪狡與馬爾賽姦惡相濟應一併正法得旨

東華錄

雍正二十一年

三

馬爾賽著即處斬免其梟示李林著在軍前監候秋後處決至是命副都統索林奏事郎中張文彬馳驛前赴扎克拜達里克軍營將馬爾賽正法○己巳諭辦理軍機大臣等此次賊人大敗見今歸化城無備兵之事著將撫遠大將軍印信移取回京收貯康親王崇安不必前往○庚午諭辦理軍機大臣等從前署大將軍查郎阿摺奏請將吐魯番回眾在肅州所屬王子莊安插經廷臣議令總督劉於義等確勘詳查妥協辦理朕思回民等輸誠嚮化自應選給水土饒衍氣候和煦之地俾得樂業安居肅州之王子莊水泉甚少可墾之地不敷回民耕種查瓜州地土肥饒水泉滋潤氣候亦和與回民原住地方風景相似且見在開墾可種之地甚為寬闊足資回民耕牧由塔爾沁遷至瓜州路不甚遠可免跋涉之勞著署總督劉於義巡撫許容將吐魯番回眾即於瓜州安



插其築堡造房給與口糧牛種等項亦行估辦交原任潼商道王全臣料理再令查郎阿即於軍營派一武職大員先赴瓜州會同王全臣悉心妥辦回眾自塔爾沁遷移之時著提督顏清如沿途照看至瓜州安插事畢顏清如仍回軍營辦事○諭內閣貴州提督哈元生才幹優長實心辦事伊母逾八旬訓子有素今在籍病故著賜祭一壇以示恩眷○刑部等衙門議奏逆賊嚴鴻達梟獍性成心懷叛逆與呂留良黨惡共濟誣捏妖言實覆載所難容為王法所不貸嚴鴻達應凌遲處死已伏冥誅應戮屍梟示其祖父父子孫兄弟及伯叔父兄弟之子男十六以上皆斬立決男十五以下及嚴鴻達之母女妻妾姊妹子之妻妾俱解部給功臣之家為奴財產入官沈在寬傳習呂留良嚴鴻達之邪說猖狂悖亂附會詆譏允宜速正典刑凌遲處死其嫡屬等均照律治罪又呂

東華錄

雍正二十一年

三

留良案內黃補菴自稱私淑門人所作詩詞荒唐狂悖車鼎豐車鼎賁刊刻逆書往來契厚孫用克陰相援結周敬輿甘心附逆私藏禁書黃補菴應擬斬立決妻妾子女給功臣之家為奴父母祖孫兄弟流二千里車鼎豐等俱擬斬監候又呂留良案內被惑門徒房明疇金子尙應革去生員杖一百僉妻流三千里陳祖陶沈允懷沈成之董呂音李天維費定原王立夫施子由沈斗山沈惠侯沈林友應革去教諭舉人監生生員杖一百徒三年朱霞山朱芷年從學嚴鴻達時年尙幼小張聖範朱羽采令伊等幼子從沈在寬附學訓蒙審無與沈在寬交好之處應無庸議得旨嚴鴻達著戮屍梟示其孫著發甯古塔給與披甲人為奴沈在寬著改斬立決黃補菴已伏冥誅其嫡屬照議治罪車鼎豐車鼎賁孫用克周敬輿俱依擬應斬著監候秋後處決房明疇金子尙俱著僉妻

流三千里陳祖陶等十一人著杖責完結張聖範朱羽采朱霞山朱芷年著釋放○眾佛保緣事革職轉納延泰為理藩院左侍郎以班第為理藩院右侍郎由內閣○移湖北應城縣崎山鎮巡檢駐長江埠松滋縣紅巖巡檢磨盤州監利縣瓦子灣巡檢駐朱家河○癸酉以王以巽為內閣學士由內閣○辦理軍機大臣等議覆稽察黑龍江等處御史章格奏發遣黑龍江地方之覺羅等子孫生育甚蕃並無教訓之人日流汗下且有在彼披甲者查該處之甲特為養贍該處之人若多為覺羅所得則有礙於本處人等生計若不令披甲覺羅又無以為生且既披甲必致與兵丁一體驅使又恐歷年久遠覺羅等之子孫或致難以查考請嗣後將覺羅內遣往人等有彼處身故者行文該將軍將伊妻子送回京城交與伊伯叔等管轄教訓應如所請但覺羅原與下民不同

東華錄

雍正二十一年

三

犯罪至於發遣必其情罪重大不可輕恕者若發遣身故又令伊妻子回京殊覺煩擾請嗣後覺羅等有應行僉妻發遣者俱免其發遣永遠拘禁於該旗高牆之內庶覺羅不肖之人知所畏懼亦無煩擾從之○福建總督郝玉麟奏臺灣北路大甲溪等社兇苗不法官兵剿平之得旨嘉獎下部議敘○復設廣東督標右營右哨二司把總一○丁丑諭八旗旗員子弟久隨外任不但伊等安逸遊蕩荒廢無成而在署干預地方之事每壞伊等父兄聲名是以從前議定外官子弟十八歲以上者悉令歸旗或讀書肄業或披甲食糧使之各有成就不至廢棄此朕教養之恩也至伊等子弟中有可以助其父兄辦理事務或別有情節不能相離者朕原准其奏聞請旨而道府以下官員不能自達於朕亦有督撫代奏之例今太原知府劉崇元將伊姪劉度昭私留任所涇陽縣縣丞



羅思哈將伊子什勤誑稱年歲未及不行咨送似此怠玩功令之員不可不加懲戒劉崇元羅思哈俱著解任送伊子姪來京該旗大臣奏聞請旨嗣後儻有不行奏聞而私留子姪在任者悉照此例並交部議處○庚辰諭理藩院額駙策凌子車布登扎布隨伊父軍前行走甚屬效力著封為輔國公○復原任禮部左侍郎蔡世遠職銜○禮部尚書張大有卒遣禮部堂司官前往祭奠○是月免山東泰安滋陽等五十一州縣旱災額賦有差○是歲人丁戶口二千五百四十四萬二千六百六十四丁又永不加賦滋生人丁九十二萬二千一百九十一丁田地山蕩畦地八百八十一萬三千七百八十頃八十六畝有奇徵銀三千八萬九千四兩有奇米豆麥四百七十五萬二千七百四十五石有奇草五百二萬六千二百八十八束茶三十三萬二千二百九十一引行鹽五百東華錄 雍正二十一年 酉

一十六萬二千七百八十三引徵課銀四百一萬五百六十七兩有奇鑄錢九萬一千一十七萬一千一百二十有奇

東華錄

雍正二十二年

臣王先謙敬編 臣周壽蕃恭校

雍正十一年癸丑春正月丁亥諭內閣川省為產米之鄉歷來聽商賈販運從長江至楚以濟鄰省之用雍正九年巡撫憲德以川省米價稍昂又復展辦軍糈奏請暫禁商販此不過一時權宜之計至雍正十年川省收成豐稔米價平減憲德即當奏請開禁乃至今照前禁遏以致米穀不能流通楚省不得川米之益甚非大臣公平辦事之道況日今江浙有需米之州縣望濟於楚省而該撫不令川米赴楚則鄰省何所資藉著即傳諭憲德速弛米禁毋蹈遏糴之戒○戊子大學士等遵旨議覆浙江總督程元章奏海甯縣今年夏秋潮勢自東而西侵入仁和縣界石草各塘坍塌無常勢甚危險等語查海東塘向有修築石草各工而西首見銜之仁和縣界原係土工離杭城僅二三十里且與長安壩下河向北一帶相距不遠設有疏虞建瓴而下有關杭嘉湖蘇松常六郡利害自應速為修築以備春伏大汎但各處塘工止有石土之分獨甯邑又有草工者蓋緣其地沙活土浮潮頭往來按挾塘脚即使大石鋪砌而上重下虛最易顛倒不得已修築草塘暫為堵禦是

三項工程因時隨地各不可少但該督止稱各塘危險未經疏明何項塘工無憑懸揣應令逐一詳勘即乘春閒水小時將應行補葺修築之處酌動錢糧相機辦理其通盤形勢作何籌畫久遠之法應俟特簡大臣前往查勘再行定議得旨著內大臣海望總督李衛馳驛前往浙江會同總督程元章將海塘工程通盤相度形勢籌畫事宜應作何修築以垂久遠之處詳細查勘悉心定議其



修築工程大理寺卿汪澂原任內閣學士張坦麟前往承辦仍照舊令程元章總統辦理張坦麟即於本籍前往直隸總督印務著署刑部尚書唐執玉暫行署理營田觀察使顧琮協辦○庚寅命加賑江南沿海被水饑民四十日其鹽場電戶亦照貧民例加賑一月○敕修江南范公隄○辛卯諭宗人府朕幼弟允祕秉心忠厚賦性和平素為皇考之所鍾愛數年以來在宮中讀書學識亦漸增長朕心嘉悅著封親王皇四子皇五子弘晝年歲俱已二十外亦著封為親王所有一切典禮著照例舉行○壬辰諭內閣各省學校之外地方大吏每有設立書院聚集生徒講誦肄業者朕臨御以來以教育人材為念但稔聞書院之設實有裨益者少浮慕虛名者多是以未嘗敕令各省通行蓋欲徐徐有待而後頒降諭旨也近見各省大吏漸知崇尚實政不事沽名邀譽之

東華錄

雍正二十二年

二

缺出卽行題補平越營遊擊羅資衮以帶兵應援勇往被害深可憫惻伊子羅雲標見在隨征效力著授為守備該督等酌量題補至楊馥羅資衮應得卹典俟事竣題報到日仍照例賞給○庚子命大學士伯鄂爾泰前往北路軍營經畧軍務○辛丑辦理軍機大臣等議覆靖邊大將軍順承親王參奏振武將軍傅爾丹在烏孫珠爾地方遇賊並未親身督陣以致兵丁懦怯回營原任副都統阿三推諉退縮一與賊遇卽行奔北等語應將傅爾丹阿三交三法司定擬具奏順承親王錫保不能籌畫指示應交宗人府議處得旨烏孫珠爾對壘情形朕會細問額駙策凌傅爾丹情罪尚有可原從寬免其治罪著留軍營聽大將軍等調遣效力贖罪行走阿三前歲同陳泰貽誤軍機朕曾加恩免其治罪今據大將軍參奏情由甚屬可惡已在軍前取有確供交三法司定議具奏餘

東華錄

雍正二十二年

三



靖邊左右副將軍印二顆交大將軍收貯以備額駙策凌等調遣滿洲蒙古兵丁之用○遣官賑札賴特貧民○丙午諭內閣國家以制科取士原以規士子所學而士子所學關乎世道人心是文體之所繫固甚重也士子讀聖賢書果能講求明體達用之學則以平日蘊蓄發為文章自然法正理純得聖賢語氣可以傳世而行遠此則有本之學有用之文為國家所重賴者若不於根柢講求而但以華靡相尚則連篇累牘皆屬浮詞聖賢精義既全無發明聖賢語氣又毫不相肖國家亦安用此浮夸淺薄之士哉至於二三場策論尤足規經濟實學乃向來士子多不留心而衡文者又每以經義已經入彀遂將策論濫收恕取不復加意閱看殊非設科本意今會試伊邇著禮部先期曉諭應試士子於二三場文藝均應努力殫心毋得潦草完卷試官如以限於時日不能細心

東華錄

雍正二十二年

四

校閱後場不妨奏請展限務得真才以收實用若所取試卷中有經義可觀而策論疵繆荒疏者朕惟於主考官是問○丁未 上啟鑿謁 陵○戶部議准左副都御史三格奏自肅州以至哈密計程一千五百餘里其間沙州安西等處向屬肅州道轄但該道駐紮肅州事務甚繁於口外地方鞭長莫及且見在西安開墾屯種又有吐魯番回民於瓜州安插須有大員就近彈壓撫綏教導尤屬有益應添設安西兵備道一其原設之安西同知一移駐瓜州辦理水利屯田與原設之靖遠通判以至四衛一所俱令該道統轄從之○庚戌 上謁 昭西陵 孝陵 孝東陵回鑾○壬子諭內閣朕躬謁 陵寢見沿途地方安設水缸甚多或動支錢糧或派用民力著查明具奏地方官職司民牧當以休養百姓為務若止以灑道清塵為迎合朕心之舉錯謬已甚鑿與所過即畧

有塵土亦復何礙伊等於此等處過於用心轉被朕之譴責何不以此用之於民生吏治重受朕之嘉獎耶一併傳諭知之○二月癸丑朔 上還京師○四川建昌總兵官趙儒奏紫古喇兒斯堡等處賊番狂逞不法殺害廠商臣率領官兵於九月初六日自建昌分路進剿攻克番寨六十餘處擒獲首兇十二月十一日撤兵得旨嘉獎下部議敘○賑濟杜爾伯特災荒戶口並賞資耕牛籽種○乙卯以葛森為盛京戶部侍郎原任雲南布政使○己未 上御經筵○封二十四阿哥允祕為和碩誠親王 皇四子 為和碩寶親王皇五子弘晝為和碩和親王○以慶復為工部尚書內大○庚申諭內閣古云兵可百年不用不可一日不備所謂備者非徒操練技勇演習行陣而已如馬匹軍裝礮火器械軍行必需之物一一豫備於平時有事調撥便可剋期起行不至拮据延

東華錄

雍正二十二年

五

緩此乃設兵之本意也我國家承平日久武備漸弛年來朕屢降諭旨諄諄訓飭雖該管大臣等稍知以訓練為務然馬力不足資裝器用俱不周每聞派遣之信勉強周章遷延時日所謂豫備者但有虛名而無實際此則該大臣所當深知痛改加意整理者又如營中有必需之匠役不得不酌量給與兵糧數名以資養贍而將弁等每多借此名目將水火夫役等人多占名糧又每將精壯兵丁多派為親隨不令當差及遇頭目把總缺出即於此內拔補以致荷戈持戟者差使繁多而不得上進之路朕向知此弊已屢降諭旨切加申飭近聞此風仍未全改亦著該管大臣嚴行查察毋得姑容又聞各營中閒有公中餘利如甘州提標馬廠之類原係存公備用而該管將弁往往據為己有收入私囊遇有過往應酬及營中雜費仍攤派兵丁而不卹其艱苦此弊尤當禁革今再



行曉諭儻敢視爲具文仍蹈前轍勿謂罰不加衆希冀苟免其情罪輕者照例處分情罪重者必在本地正法○以吳士玉爲禮部尚書涂天相爲左都御史仍兼理倉場侍郎事○予故禮部尚書張大有祭葬諡文敬○辛酉晉封貝勒弘春爲多羅泰郡王○以陝西布政使鄂昌協理陝西西安巡撫事○壬戌以戶部尚書彭維新協辦內閣事○甲子諭理藩院喇嘛扎卜前年一聞賊信卽駭然驚潰及戰於克爾森齊老地方棄軍奔往遊牧處所朕恐此中別有情節令其來京訊問伊竟無一語置對甚屬怯懦無恥著革去扎薩克和碩親王令伊弟德親扎布承襲撤回一佐領賞給額駙策凌喇嘛扎卜著交該衙門議處尋議喇嘛扎卜係喀爾喀部落親王盟長不思訓導屬人效力軍事應按律正法得旨喇嘛扎卜理應照議治罪但伊祖親王善巴於喀爾喀等未定之先卽

東華錄

雍正二十二年

六

輸誠歸順後於軍事甚屬效力是以 聖祖仁皇帝加恩於喇嘛扎卜備極愛養著從寬免死在京永遠監禁○以兩淮鹽政高斌辦理江南副總河事○乙丑兵部議准直隸總督李衛奏易州地方恭建 萬年吉地原設易水營都司一把總二馬守兵二百三十七名不敷差遣請添設中軍千總一馬兵十名守兵四十名從之○癸酉裁雲南宣威州屬儻塘可渡驛丞改設可渡巡檢一兼管一驛事○甲戌諭內閣從來天時之旱澇由於政治之闕失人事著於下天道應於上感召之機捷於影響朕深明此理纖毫不爽而刑獄爲民生休戚所關更爲緊要一有枉抑天氣卽爲之不舒上年京師無雪今春雨澤又少朕心惶懼深恐用人行政之閒錯誤失當朝夕修省莫釋於懷朕觀各部院中惟刑部聲名不好司員作弊胥吏逞姦道路之閒人言嘖嘖海壽身爲尚書乃一部

之表率伊先懷挾私心何能使所屬之人奉公守法乎王國棟受朕深恩膺封疆之重寄乃伊在湖南浙江等任非水卽旱或遇蟲災歷歷可數及回刑部辦事而天時又有亢旱之象何其前後一轍如此伊心尙不知儆畏視爲泛常是漢軍汚下習氣全然未改也刑部職任何等重大而海壽王國棟之居心行事若此一任司官胥吏作奸犯科舞文弄法豈有不上干天和之理朕屢次諄切誠諭深望伊等愧悔改儻仍然執迷不悟朕惟有執國法以正其罪非第革職降罰而已刑部事務朕非不欲另派大臣清查經理然新派之大臣平時既未練習科條一到豈能洞悉情弊展轉思維不得不仍於經歷之大臣是問著即將大小事件應完結者完結應改正者改正種種弊端徹底釐剔務期正本清源毋再因循玩忽海壽王國棟二人尤須痛改前非力圖後效否則身試法網亦無可如何也朕前躬謁 陵寢見沿途地方安設水缸甚多比時詢問按察使寶啟瑛據奏係動支錢糧豫備者因卽降旨切責將寶啟瑛交部議處今觀畿輔之地雨雪亦未均調寶啟瑛爲職掌刑名之大員而識見庸陋如此則聽斷鞫鞫之際必有不得其當者安得不加儆懼爾等部院大臣俱有辦事之責刑部固爲刑名總匯而各部事務與刑名相關涉者亦多如戶部錢糧之虧欠工部工程之查覈吏部兵部員弁之考成皆有處分及交送刑部之件諸大臣俱應慎重周詳小心敬謹以懍天戒朕之用人行政如有錯誤諸大臣科道等卽當切實指陳直言無隱朕之省身思過實出至誠若少有從事虛文之意是自欺以欺天矣尙敢冀天心之感格乎文武大臣科道等官尙有輪班條奏之例近年以來軍務殷繁暫時停止恐耳目未周下情或有壅於上達者著仍

東華錄

雍正二十二年

七

之表率伊先懷挾私心何能使所屬之人奉公守法乎王國棟受朕深恩膺封疆之重寄乃伊在湖南浙江等任非水卽旱或遇蟲災歷歷可數及回刑部辦事而天時又有亢旱之象何其前後一轍如此伊心尙不知儆畏視爲泛常是漢軍汚下習氣全然未改也刑部職任何等重大而海壽王國棟之居心行事若此一任司官胥吏作奸犯科舞文弄法豈有不上干天和之理朕屢次諄切誠諭深望伊等愧悔改儻仍然執迷不悟朕惟有執國法以正其罪非第革職降罰而已刑部事務朕非不欲另派大臣清查經理然新派之大臣平時既未練習科條一到豈能洞悉情弊展轉思維不得不仍於經歷之大臣是問著即將大小事件應完結者完結應改正者改正種種弊端徹底釐剔務期正本清源毋再因循玩忽海壽王國棟二人尤須痛改前非力圖後效否則身試法網亦無可如何也朕前躬謁 陵寢見沿途地方安設水缸甚多比時詢問按察使寶啟瑛據奏係動支錢糧豫備者因卽降旨切責將寶啟瑛交部議處今觀畿輔之地雨雪亦未均調寶啟瑛爲職掌刑名之大員而識見庸陋如此則聽斷鞫鞫之際必有不得其當者安得不加儆懼爾等部院大臣俱有辦事之責刑部固爲刑名總匯而各部事務與刑名相關涉者亦多如戶部錢糧之虧欠工部工程之查覈吏部兵部員弁之考成皆有處分及交送刑部之件諸大臣俱應慎重周詳小心敬謹以懍天戒朕之用人行政如有錯誤諸大臣科道等卽當切實指陳直言無隱朕之省身思過實出至誠若少有從事虛文之意是自欺以欺天矣尙敢冀天心之感格乎文武大臣科道等官尙有輪班條奏之例近年以來軍務殷繁暫時停止恐耳目未周下情或有壅於上達者著仍



照前例輪班條奏○丙子賚厄爾得尼招破賊官兵銀九萬九千餘兩○刑部等衙門遵旨議奏原任副都統阿三於大將軍調遣時託故後期遇賊奔北貽誤軍機應即於軍前正法從之○丁丑移湖南澧州嘉山鎮巡檢駐津市○庚辰改直隸永平府司獄司為巡檢移駐喜峯口○是月免江南徐州豐縣等六州縣雍正九年江西清江等三縣雍正十年水災額賦有差

三月壬午朔諭辦理軍機大臣等西藏駐紮弁兵本為保護唐古特人等以防準噶爾賊夷侵犯而設比來賊夷大敗徒步奔逃力覺勢窮不能遠涉藏地則其無力進兵可知且頗羅雍輸誠效力唐古特之兵亦較前氣壯見今藏地無事兵丁多集則米穀錢糧一切費用等項雖給自內地而唐古特人等不免解送之勞朕意量其足以防守藏地留兵數百名餘者盡行撤回其留藏之兵著

東華錄

雍正二十二年

八

總兵官周起鳳帶領駐紮青保馬喇苗壽著總理藏務至此項兵應撤若干應否將駐紮又木多之雲南兵丁一併撤回著詳議具奏尋議西藏居住之四川二千兵內應留兵五百名為該地守護之用餘俱撤回原處三年後仍於四川官兵內派換其又木多居住之雲南兵一千名原為救援藏兵而設今應撤回五百名照四川兵丁之例三年更換從之○乙酉大學士張廷玉奏一請酌定分別監禁之例國家設立監獄原以收禁重罪之人是以各省人犯罪重者桎梏收禁罪輕者取保看守獨刑部衙門遇八旗部院步軍統領以及五城御史等交送人犯不論曾經奏聞與否亦不論情事之大小罪犯之首從一經鎖送即行收禁候審致獄吏欺陵嚇詐諸弊叢生及至定案重犯少而輕犯多甚有審係無辜應行釋放而一時干累困頓備嘗請救九卿定議嗣後凡各衙門送

部人犯何等應行收禁何等應行取保分別定例遵行一請詳慎引例之條律例之文各有本旨而刑部引用往往刪去前後文詞止摘中間數語即以所斷之罪承之甚有求其彷彿比照定議者或避輕就重或避重就輕高下其手率由此起夫都察院大理寺與刑部同為法司衙門若刑部引例不確應令院寺駁查改正駁而不改即令題參如院寺扶同蒙混或草率從事請即將院寺官員一併加以處分得旨九卿確議具奏尋諭凡各衙門見獲人犯該徒罪以上者於送部時務將案內干連人犯情罪重輕聲明文內以便分別收禁其杖笞等案各自訊明發落完結毋庸送部備收禁以致拖累無辜者該堂官查出即行題參交部議處又凡引用律例務必情罪相符如律內數事共為一條輕重互見仍聽止

東華錄

雍正二十二年

九

引所犯本罪若一條止斷一事不得任意刪減或律例無可引用援引別條比附者應令於疏內聲明律無正條今比照某例科斷備承審官仍前玩忽援引失實及律例本有正條而故引別條出入人罪該堂官查出將承審之司員題參書吏嚴拏究審各照本律治罪至三法司衙門理宜一體詳慎嗣後凡應法司會審事件刑部引例不確院寺即查明律例改正備院寺駁改猶未允協三法司堂官會同妥議如院寺扶同蒙混別經發覺將院寺官員一併交部議處從之○丙戌諭內閣雲南貴州廣東廣西四川福建六省舉人赴京會試郵程遙遠非近省可比朕意欲於落卷中擇其文尚可觀而人材可用者添取數人候旨錄用以昭朕格外加恩之意著傳諭主考官於六省試卷遵旨取中外其次等可取之卷不拘數目秉公選出俟發榜後朕另派大臣會同主考官驗看



人材更加遴選再六省下第舉子內除願與下科會試者著在禮部報名一併交與派出之大臣主考官揀選奏聞請旨○丁亥上親耕藉田○乙丑理藩院參奏土默特輔國公沙津達賴前於和通胡爾哈地方臨陣遁歸又於烏孫珠爾地方對敵挫衄請革去公爵得旨沙津達賴著革去輔國公在軍前效力贖罪○癸巳吏部議准前署兩江總督尹繼善奏改設府縣事宜一江蘇直隸徐州改爲徐州府設知府一附郭增置一縣設知縣一與原轄之豐沛蕭縣四縣及邳州睢寧宿遷三州縣俱歸府轄改淮安府分駐徐州之河務同知爲徐州府河務同知添設糧鹽捕通判一經歷一改徐州原設之鹽捕河務州同爲新縣糧河縣丞吏目爲典史南岸州判爲南岸主簿北岸州判爲北岸主簿改州學正爲府教授以徐州原設之訓導改管新縣學一鳳陽府屬之壽州請分東華錄 雍正二十二年 十

以示獎勵又聞土民中有生計艱難者亦應加賞卹俾得並沐恩施其如何分別賞賚之處著查議具奏尋議四川各番部中明正一部最爲恭順土司土婦效力尤多請各賞綵段十匹所屬頭目人等賞銀二千兩其裏塘巴塘乍了又木多四部宜撫司以下應賞綵段自十匹至六匹以次酌給所屬頭目人等每部賞銀一千兩黎烏齊羅隆宗說板多冰壩四番部土司大胡土克圖以下應賞綵段自八匹至四匹以次酌給所屬頭目人等每部賞銀六百兩至各部番民內有生計艱難者行令該督黃廷桂委員會同該土司等查明動帑賞恤從之○召唐綏祖來京以吳騫爲山東按察使由廣州府○壬寅諭內閣 太廟享祀向無上香之儀朕意應確議增添至真帛獻爵時朕意應行跪禮著大學士會同禮部酌古準今敬謹定議具奏尋議漢唐以前尙仍三代燭蕭之禮至東華錄 雍正二十二年 十一

宋時始有上香之儀並於每位前跪三上香奠帛獻爵亦如之爵以三獻明洪武定制無上香奠帛之儀爵兩獻亦不跪至嘉靖時始改從宋制本朝會典因洪武所定而酌增之是以有奠帛有三獻爵而無上香之儀臣等敬謹詳議大祀莫重於 郊壇而孝享莫尊於 崇配至 宗廟之禮宜與 社稷壇同查祭 社稷壇時 皇上親詣 大社 大稷前跪上香則 太廟自應一例請嗣後享祀 太廟 皇上詣 太祖高皇帝位前跪三上香 太宗 世祖 聖祖位前亦如之分獻官亦詣兩廡跪上香其禘祭及 太廟後殿 奉先殿儀亦如之至奠帛獻爵之禮 太廟社稷俱不親獻是以 皇上於拜位前恭立所以亞於郊壇也應請仍照舊儀行從之○癸卯子故禮部尙書吳士玉祭葬諡文恪○甲辰裁安徽鳳陽關稅大使一○子故刑部尙書署直隸總督



唐執玉祭葬○丁未以副都統覺羅佛凝兼內閣學士裏行○  
戊申以巴顏泰為內閣學士由內閣侍讀學士遷○庚戌以徐杞署陝西  
肅布政使由通政司左參議署○裁湖北歸州屬南遷巡檢牛口巡檢興山  
縣屬高雞寨巡檢長陽縣屬楚家園巡檢各一○是月免直隸薊  
州蠡縣等七州縣江南通泰淮三分司所屬豐利等二十五場雍  
正十年水災賦課有差

夏四月壬子朔諭內閣今日諸臣進殿試卷朕閱至第五本字畫  
端楷策內公忠體國一條云僚案之際善則相勸過則相規無詐  
無虞必誠必信則同官一體也內外亦一體也廣而至於百司庶  
職何莫非臂指手足之相關數語極為懇摯頗得古大臣之風因  
拔置一甲三名及拆號乃大學士張廷玉之子張若靄朕心深為  
嘉悅蓋大臣子弟能知忠君愛國之心異日必能為國家抒誠宣  
東華錄 雍正二十二年 三

力大學士張英立朝數十年清忠和厚終始不渝張廷玉朝夕在  
朕左右勤勞翊贊時時以堯舜期朕朕亦以皋夔期之張若靄稟  
承家教兼之世德所鍾故能若此因遣人往諭張廷玉使知朕實  
出至公非以大臣之子而有意甄拔乃張廷玉進見再三懇辭以  
為天下人才眾多三年大比莫不望為鼎甲臣蒙恩見居政府而  
臣子張若靄登一甲三名占寒士之先於心實有不安儻蒙皇恩  
名列二甲已為榮幸朕以伊家忠盡積德有此佳子弟中一鼎甲  
亦人所共服何必遜讓張廷玉跪奏云皇上至公以臣子一日之  
長蒙拔鼎甲但臣家已備沐恩榮臣願讓與天下寒士求皇上憐  
臣愚衷若君恩祖德佑庇臣子留其福分以為將來上進之階更  
為美事陳奏之時情詞懇至朕不得不勉從其請著將張若靄改  
為二甲一名以表大臣謙謹之誠並昭國家制科盛事令普天下

士子共知之○諭任啟運授為翰林在阿哥書房行走于開泰焦  
以敬吳超桑調元李光型劉學祖著賜進士補入殿試榜○查勘  
浙江海塘內大臣海望等奏查浙省江海情形其門戶有三省城  
東南龍嶺兩山之間名曰南大壘機河莊兩山之間名曰中小  
壘河莊山之北甯邑海塘之南名曰北大壘此三壘之形勢也今  
南大壘早已淤成平陸數十年前水由中小壘出入後漸徙流北  
大壘年來北大壘之桑田廬舍已成滄海若欲遏江海之狂瀾仍  
歸中道恐非人力所能為者查海甯東南有尖山聳峙鎮鎮海口  
其西有小山俗名塌山相去百餘丈見今江水大溜緊貼北塘直  
趨尖山塌山之間而海潮激塘護沙日刷若於尖塌兩山之間俟  
冬初水落修建石壩設法堵塞使江水海潮仍向外行則北岸護  
沙可望復漲至於仁甯二邑海塘自華家術以東尖山以西一帶

東華錄 雍正二十二年 三  
塘工有草塘條石塘塊石塘不等內有大學士朱軾於巡撫任內  
修築石塘五百丈完固無損又新建之條石塘尚屬整齊其餘草  
塘易於朽爛而石塊舊塘亦易於坍塌殊非經久奠安之計似應  
改建大石塘庶可垂諸永遠再請於海塘之內添設土備塘一道  
比之舊塘再高五六尺務於今年秋汛以前上緊趕築完工萬一  
風潮泛溢有此備塘抵禦似可以衛護民生咸成樂土得旨所議  
俱屬妥協著交部照所奏行朕思尖塌兩山之間建立石壩以堵  
水勢似類挑水壩之意所見固是若再於中小壘開挖引河一道  
分江流入海以減水勢似更有益從前雖經開挖復壅塞者皆因  
惜費省工之故今若加工開挖兩工並舉更覺妥備石壩建後即  
有漲沙而石塘亦可漸次改建以為永遠之利其開挖引河之處  
著程元章會同汪滢張坦麟等相度地勢酌量辦理○癸丑賜陳



俟等三百二十八人進士及第有差○甲寅諭理藩院鄂爾多斯郡王查木陽身爲副將軍並不將伊屬下精兵派出且遲延日期疏脫兵丁甚屬不合著削去郡王授爲貝勒發往軍前效力贖罪貝子齊旺班珠爾羅卜藏於伊屬下派兵時並不詳慎以致逃回甚屬怠忽著降二等授爲輔國公○乙卯命稽曾筠爲文華殿大學士兼吏部尚書仍管江南河道總督事調劉於義爲吏部尚書仍署陝西總督以涂天相爲刑部尚書張照爲左都御史馮景夏爲刑部左侍郎由左副都御史遷○以吳襄爲禮部尚書鄧鍾岳爲禮部右侍郎由內閣學士遷○以高起爲兵部右侍郎由光祿寺少卿遷楊超曾爲倉場侍郎由奉天府尹遷○戊午諭辦理軍機大臣等從來造作言語煽惑人心者律有不赦之條若在軍前造言傳播其罪更重應照軍法卽正典刑此自古相傳之憲典也數年以來西北兩路用兵征東華錄

雍正二十二年 四

蘭泰於去年賊至推河時領兵截殺奮勇成功故將伊調回留朕左右令其學習辦事近聞軍前人等俱喧傳馬蘭泰一聞賊至甚是畏怯喀爾喀協理台吉孫都布再四跪請出戰始行遣往馬蘭泰出營行未二十里卽回朕將此問之馬蘭泰據奏係人捏造陷害之語此事日後自有分曉馬蘭泰軍前事務尙未完結著仍往紅郭爾鄂隆地方督兵操演效力行走公豐盛額不必前去○添設山西大同府同知一駐府城朔平府通判一駐左雲縣應州安東巡檢一駐口前村○移廣東遂溪縣湛川司巡檢駐東海白鶴寨把總駐東山汛○己未諭內閣國家聲教覃敷人文蔚起加恩科目樂育羣才彬彬乎盛矣朕惟博學鴻詞之科所以待卓越淹通之士俾之黼黻皇猷潤色鴻業膺著作之任備顧問之選 聖祖仁皇帝康熙十七年特詔內外大臣薦舉博學鴻詞召試授職東華錄

雍正二十二年 五

討準噶爾該管大臣官員等居心急辦事粗疏號令不嚴稽察不密聞有不肖之人在軍營各處捏造全無影響之談或稱京師近有某事或稱某營近有某事一人倡先眾口附和愚昧之人不能辨別信以爲實而該管之官員大臣等雖心知其非往往以爲難於根究希圖省事置之不問遂致若輩肆口流傳全無忌憚又有從軍營回來之人造作言語以惑亂在京之聽聞如此等事不但有妨於公務亦且大害於人心不可不嚴加禁約著行文各路將軍令其詳細曉諭該管弁兵及跟役買賣人等嗣後備有造作浮言者必將爲首之人究出姓名奏聞請旨卽於本處正法示眾其失於覺察之該管官弁一併治罪若能查出參奏免其議處至在京造言生事之人交與步軍統領八旗大臣五城御史順天府先期曉諭儆怙惡不悛卽行查拏從重治罪○諭朕從前以侯馬



設城垣駐防大兵於今多年因柴草不敷是以移駐阿爾達爾托  
維海後因柴草亦不敷用於去年又移至烏里雅蘇台此外所有  
厄得爾齊德爾特爾啟塔米爾等處雖地方寬闊俱係杭愛山陽  
殊近內地又特斯等處僻在迤北儻逆賊由南路來犯邀截抵禦  
呼應不靈俱不便屯駐大兵見今移駐之烏里雅蘇台山頭各建  
礮臺滿洲蒙古大兵駐在左近且特斯台錫里又各有兵一萬駐  
紮甚屬鞏固賊兵斷不能逼近城垣應請於烏里雅蘇台地方內  
外植木中實土塊建造城垣於城內建設倉庫明歲青草生時調  
集官駝將察罕叟爾所貯錢糧米石軍裝火藥等項陸續運送從  
之○辛酉辦理軍機大臣等遵旨議奏據靖邊大將軍順承親王  
錫保經畧軍務大學士伯鄂爾泰奏稱達爾濟身為將軍並不將  
兵丁馬匹沿途加意牧放以致疏忽傷損及至扎克拜達里克聞

東華錄

雍正二十二年

六

賊人敗遁之信並不截剿及將馬匹盡行趕至營內復致虧損坐  
視賊遁又不尾後追剿及賊人去後始博追擊之名又即行歸營  
回奏時乃借端巧飾情屬可惡請將達爾濟交部嚴加議處得旨  
達爾濟著革職令為護軍交與順承親王凡有苦差效力之處令  
其前往贖罪行走達爾濟員缺著護軍統領吉富阿前往推河領  
兵駐紮○壬戌諭王大臣等朕前聞武格在巴爾庫爾軍營捏造  
撤兵之說口稱吐魯番回民搬至內地安插即將巴爾庫爾之兵  
全行搬至布隆吉爾一帶駐紮以致軍營弁兵各懷退撤之心不  
思勉効力又武格在營諸事怠忽凡遇操演從未親加查閱朕  
所聞如此武格身膺領兵之任乃以訛言惑眾重違軍紀若留在  
軍營恐滋事端是以特降諭旨將武格革職解來京嚴加訊問  
嗣據署大將軍查郎阿奏稱武格向張廣泗云署大將軍曾具奏

欲派兵襲擊旨意不允已授倉場侍郎岳爾岱為大將軍來營料  
理張廣泗以為必無之事而武格猶堅稱係參贊大臣願魯告知  
親見殊批奏摺等語朕隨即降旨令查郎阿詢問願魯據查郎阿  
奏願魯呈稱願魯在營最久軍令捏造謠言罪在不赦豈敢以毫  
無影響之事憑空捏造告知武格等語武格受朕深恩由侍衛參  
領之職擢用至侍郎巡撫前因西路領兵滿洲大員甚少武格平  
素似尚有勇畧是以召令進京畧以將軍重任乃伊一到京師神  
氣改常朕即面加訓飭伊又奏稱馬爾泰不勝巡撫之任此乃希  
冀復為陝撫之意因朕未遂其願心懷怨望勉強前赴軍營朕猶  
冀其感恩宣力特升為工部尚書乃伊全無人心視軍機重務如  
同膜外且時存退縮之念奏報俱屬子虛又將賞資兵丁皮衣皮  
帽等項止量行散給其餘俱留貯軍營以致恩不下逮今竟敢捏

東華錄

雍正二十二年

七

造全無影響之事矢口傳述冀以擾亂軍務煽惑人心從來造言  
生事者律有不赦之條按以軍法決不待時况假稱朕旨其罪更  
甚著王大臣等一一嚴訊確供具奏○癸亥增張家口筆帖式一  
駐和爾科○甲子以阿成阿為鑲黃旗護軍統領鄂爾賽為左副  
都御史由御史史遷○實授高維新四川按察使○乙丑諭刑部向來直  
隸盜案往往多於他省朕以畿輔重地理宜倍加清肅乃宵小肆  
行如此不得不嚴加懲創以示儆戒是以豫先屢次曉諭然後定  
例於雍正八年為始將盜夥不分首從皆行正法此朕辟以正辟  
不得已之苦心也近年以來直隸盜案較前減少是小人頗知畏  
法朕仍可遵奉 皇考法外施仁之意從寬辦理矣著將直隸盜  
案仿照各省分別法無可貸情有可原定擬具奏備奸民玩法日  
後盜案復多朕必仍照不分首從皆斬之例行若各省盜案有加



多於平日者亦照不分首從之例行著各該地方有司通行曉諭務使遠鄉僻壤之民共知之○戊辰工部等衙門議准內大臣海望等奏浙省修建海塘事宜一分管工程人員請酌量揀選派委辦事工竣之日分別等第保題議敘一應給工價請銀米兼發於米賤地方委員採買糧石運至工所搭放庶夫匠雲集本地米價不至昂貴一添設官兵宜專責成請設副使道一員加以海防兵備職銜海塘文武官兵聽其調用並兼轄沿海州縣等官又海防同知原設二員請添設一員俱令分管塘工兼轄兵役再添設守備二員分爲左右營管轄千總四員把總八員外委十六員兵一千名以備調遣一官兵宜分派駐紮查海甯爲沿海數縣適中之地新設道員請駐紮海甯乍浦同知仍照舊駐紮其舊設同知一員請駐紮海甯新設同知一員駐紮仁和左營守備駐紮海甯之東華錄

東華錄 雍正二十二年 支

東右營守備駐紮海甯之西各分界址派防塘汛從之○庚午辦理軍機大臣等遵旨議覆甯遠大將軍查郎阿奏奏巴爾庫爾軍營駐紮重兵接濟與無克克兩處卡倫俱係亂山環繞路徑錯雜最易藏奸是以專派副將紀成斌在接濟駐紮總兵張元佐在無克克駐紮乃紀成斌等漫無查察一任賊人藏住亂山暗行窺伺在接濟卡倫白楊溝等處劫掠糧車一輛空車四輛及車戶人等由陶賴庫免爾庫逸去所有副將紀成斌等之抗違玩誤及總兵張元佐等任意疏忽理合據實參奏查紀成斌負恩縱賊漫視軍務相應請旨革職按律究擬張元佐等請一併交部察議得旨依議紀成斌著革職交三法司嚴擬具奏○壬申諭吏部部屬官員有告假期滿及丁憂起復緣事開復者定例俱於單月俟有本部缺出補用而本部出缺未必適逢單月之期所以候補各員有

待至經年累月者朕思告假期滿及緣事開復人員自應遵照定例等候單月之缺若丁憂起復之員亦拘此例於情理未協嗣後著不論單雙月遇有本部缺出卽行補用將此永著爲例○以孫國璽爲左副都御史王士俊兼管河南巡撫事○以方苞爲內閣學士由翰林院侍講學士遷○兵部議准四川總督黃廷桂奏三渡河新闢苗疆地方遼闊請於河西之七里堡添設參將一守備二千總四把總入馬步兵一千二百名酌量分駐廟頂磴多等處河東之瓦尾虛郎二處各設都司一千總一把總二馬步兵四百名酌量分駐黑磧山白宿凹等處再移甯遠府廠務同知駐紮七兒堡添設冕甯縣縣丞一駐紮瓦尾專理苗疆事宜從之○丁丑添設兩廣鹽運使司運判一駐廣東合浦縣石康地方移廣東順德縣縣丞駐容奇鄉○戊寅添設太常寺贊禮郎八○己卯諭內閣朕覽本朝人刊寫書籍凡遇胡虜夷狄等字每作空白又或改易形聲如以夷爲彝以虜爲鹵之類殊不可解揣其意蓋爲本朝忌諱避之以明其敬慎不知此固背理犯義不敬之甚者也夫中外者地所畫之境也上下者天所定之分也我朝肇基東海之濱統諸國君臨天下所承之統堯舜以來中外一家之統也所用之人大小文武中外一家之人也所行之政禮樂征伐中外一家之政也內而直隸各省臣民外而蒙古極邊諸部落以及海濱山陬梯航納貢異域遐方莫不尊親奉以爲主乃復追溯開闢帝業之地目爲外夷以爲宜諱於文字之間是徒辨地境之中外而竟忘天分之上下不且背謬已極哉孟子曰舜東夷之人也文王西夷之人也舜古之聖帝而孟子以爲夷文王周室受命之祖孟子爲周之臣子亦以文王爲夷然則夷之字據不過方域之名自古聖賢



不以爲諱也至以虜之一字加之本朝尤爲錯謬漢書注曰生得曰虜謂生得其人以索貫而拘之也敵國分隔互相訛詆北人以南爲島夷南人以北爲索虜漢唐宋元明邊烽不息每於不能臣服之國指之爲虜我滿洲居東海之濱若言東夷之人則可令普天之下率土皆臣雖窮邊遠徼我朝猶不忍以虜視之惟準噶爾背天逆命自棄於王化之外或可呼之爲胡虜耳總之帝王之承天御宇中外一家上下一體君父臣子之分定於天尊親忠孝之情根於性未聞臣子之於君父合體同心猶可以絲毫形迹相歧視者也我朝正位建極百年於茲 列聖相承功德隆盛 世祖章皇帝入撫中夏救斯民於水火而登之衽席仁心仁政洋溢中國 聖祖仁皇帝臨御六十餘年深仁厚澤淪肌浹髓中國之聖主自堯舜以來能倫比者有幾朕以涼德繼承統緒勤求治理勉效 祖考雖未能跋及萬一然十載之秉公矢誠朗如天日滿漢蒙古並無歧視此心久爲臣民所共曉夫滿漢名色猶直省之各有籍貫並非中外之分別也若昧於君臣之義不體 列聖撫育中外廓然大公之盛心猶泥滿漢之形迹於文藝紀載開刪改夷虜諸字以避忌諱將以此爲臣子之尊敬君父乎不知卽此一念已犯大不敬之罪矣嗣後臨文作字及刊刻書籍如仍蹈前轍將此等字樣空白及更換者照大不敬律治罪各省該督撫學政有司欽遵張揭告示窮鄉僻壤咸使聞知其從前書籍若一槩責令填補更換恐卷帙繁多或有遺漏而不肖官吏遂借不遵功令之名致滋擾累著一併曉諭有情願填補更換者聽其自爲之○庚辰諭辦理軍機大臣等家選兵丁前往軍營之時朕降恩旨凱旋之日將伊等妻子俱令出本主之家編爲另戶但各路軍營從征

人內亦有分檔開戶之人充當領催披甲者伊等久在軍營辛若效力甚屬可憫著各路軍營將軍大臣等將效力行走好者以伊等姓名註冊俟大兵凱旋之日亦照家選兵丁例編爲另戶

五月辛巳朔調托時爲工部右侍郎以盛安爲刑部左侍郎由太僕寺

○癸未諭翰林院教習庶吉士所以造就人材使沈潛經籍涵泳藝林可以典制誥之文鳴國家之盛也從前庶吉士皆就翰林院讀書教習大臣不時策勵是以身心約束學殖易增館閣之閒蔚然稱盛朕意今科選拔庶常仍令在衙門讀書俾教習諸臣得以朝夕訓課兼厚給廩餼資其膏火庶幾枕經藉史文藻可觀克稱詞臣珥筆之職其應查照前例及如何加與廩給之處著酌議奏聞○甲申諭內閣翰林院編修張若靄庶吉士鄂容安鄂倫俱著在辦理軍機處行走○署雲貴廣西總督高其倬奏普思逆賊刀興國等句結夷眾叛逆不法臣檄提臣蔡成貴總兵官董芳楊國華等統兵攻剿賊首刀興國及附賊之士目楊昌祿李世蕃等皆經擒斬梟示計前後擒獲要犯並賊眷共五百餘名斬殺逆賊三千六百餘名招出投誠男婦四萬二千六百餘名此外未獲逆賊據險負固見飭董芳窮搜嚴剿務盡根株得旨此次效力之官弁兵丁著分別議敘賞賚其陣亡帶傷者著照例加恩○丁亥調孫詔爲江西按察使以劉吳龍爲安徽按察使由光祿寺少卿遷○己丑諭內閣朕於直省地方偶遇災祲卽爲之寢食不甯豁租發粟截漕平糶多方撫恤務使貧民無一不得其所又念各該地方雖或收以歉薄豈無蓋藏豐裕之家伊等誼篤桑梓休戚相關若各人量力樂輸旣可以展其睦嫻任恤之情亦可以爲恤災扶困之助是以曾經降旨通行勸導然亦聽紳衿士庶自爲之不相強也近

東華錄

雍正二十二年

二十

東華錄

雍正二十二年

二十



聞直省地方捐貲周急好善樂施頗不乏人此誠鄉鄰風俗之美亦人心古處之一驗也此等良善之人應加恩澤以示褒嘉著各該督撫留心體察秉公確訪其捐助多者著具題議敘少者亦著地方大吏給與匾額並登記檔冊免其差徭以昭朕與人同善之至意○庚寅諭戶部各省州縣設立社倉原以便民濟用者遇應行借給之時該州縣一面申詳上司一面即速舉行方可以濟閭閻之緩急儻其中有假捏虛冒等弊自難逃督撫之耳目聞直隸百姓借領社穀必待該督咨請部示而後准行往返動經數月小民懸待孔殷仍不免重利告貸之苦嗣後著該督李衛酌量定例變通辦理咨報存案○刑部等衙門議奏武格居心狡詐蓄志姦邪捏造毫無影響之事假稱諭旨惑亂士卒之心貽誤軍機重務負恩誤國情殊可惡應擬斬立決得旨武格著改為應斬監候秋

東華錄

雍正二十二年

五

駙策凌掌管靖邊右副將軍印務著塔爾岱掌管副將軍常德著與額駙策凌同行議政大臣永福著授為內大臣與塔爾岱同行餘依議○丁酉 大清會典告成○庚子改湖南茶陵州屬之小集地方歸攸縣管轄復設攸縣鳳嶺巡檢一○壬寅辦理軍機大臣等議准甯古塔將軍杜賚奏海島特門奇圖山等處綽敏等六姓仰慕 皇仁傾心歸化每年納貢貂皮請施恩賞以示獎勵請照例賞給嗣後六姓之人交該將軍處每姓各立頭目一人以為約束每年所貢貂皮分別解送從之○丙午諭禮部賢良祠之王公大臣等著於本家各賜祭一壇○丁未免甘肅所屬本年應徵額賦二十七萬餘兩○復設永定河北岸同知一○己酉刑部等衙門議奏副將紀成斌從前失機縱賊即應明正典刑蒙恩寬宥仍留軍營效力業經奏委駐紮接濟卡倫乃毫無愧悔故違將令

東華錄

雍正二十二年

五



賊資我馬駝器械得於次年侵犯北路是兩路軍營之被賊擄掠者皆紀成斌之貽害也彼時在廷大臣即奏請將紀成斌明正典刑以肅軍紀朕猶予以自新之路特降諭旨暫緩治罪俟事竣再定實望其抒誠勉力稍贖前愆乃伊獲罪後在營一載仍無愧悔效力之心朕始降旨將伊革去提督降為副將遇有差遣令其盡力行走若仍不知改悔必究前案重處所諭甚明伊若稍有人心自應感恩畏法洗滌肺腸以圖後效乃於雍正十年正月賊犯哈密之時同曹勳領兵堵截遇賊於二堡之西仍復退縮不前致賊免脫尚敢扶同曹勳捏報力戰蒙混掩飾今於伊駐防接濟卡倫又敢故違將令漠視軍務以致車輛被劫是紀成斌所至之地在在疏防無不失機養寇既不思從前獲罪之重大亦不念曲加寬宥之深恩冥頑不靈誤公債事駁其前後情罪實無可貸著署大

東華錄

雍正二十二年

西

將軍等將紀成斌即於軍營處斬以為將弁失機縱賊負恩誤國者戒餘依議○移四川墊江縣新設縣丞駐高灘場梁山縣新設縣丞駐沙河鋪

六月丁巳命武弁中熟習水師之人毋得調補陸路以致用違其長○轉鄧鍾岳為禮部左侍郎以張廷璐為禮部右侍郎由詹事遷○戊午禮部議覆蘇祿國王臣母漢末母拉律林奏伊祖東王於明永樂年間來朝歸至山東德州病故所有墳墓及子孫存留賜恤之處經今三百餘年廢墜已久懇請修理給復臣部行文山東巡撫飭查今據巡撫岳濬咨報前明永樂中蘇祿國東王巴都葛叭哈刺率眷來朝受封歸國歿於德州地方命有司營葬勒碑賜諡恭定長子都麻含歸國襲封次子安都祿三子温哈喇留居德州守塋今墓在州城迤北神道享亭悉已坍塌其子孫以其祖名分

為安溫二姓今德州祀典每歲額設銀八兩為蘇祿王祭祀之需等語查蘇祿國遠隔重洋感戴 皇上德化進表謝恩為伊遠祖墳墓子孫懇請整理給復情詞懇切應如所請令山東巡撫轉飭德州地方官清查蘇祿國王墓址所有神道享亭牌坊等項修葺整理於安溫二族之中選取稍通文墨者各一人為奉祀生給與頂帶承以為例並知照該國王從之○己未諭內閣據署河南巡撫孫國璽奏豫省歷年耗羨銀兩除本地公事支用外見存司庫銀七十萬兩有奇又社倉存貯穀麥等項共計二十八萬石有奇等語從前提解耗羨本是激清吏治休養生之意屢經降旨此項出自民間若本地公用充裕之時朕仍當加恩本地官民使之霑被惠澤不令歸入公帑也今豫省存貯耗羨既有七十萬之多而該省官員等所得養廉又已敷用正當加惠閭閻俾令邀恩格外著將河南本年地丁錢糧豁免四十萬兩即以存貯之耗羨照數撥補還項該督王士俊可督率有司敬謹奉行大凡耗羨多餘之省該督撫藩司等往往不甚愛惜並不為百姓計而存樽節之心若伊等留意民生儲蓄充盈亦可為加惠編氓之助○庚申

東華錄

雍正二十二年

壬

皇子弘瞻生○辛酉諭大學士等劉貴人晉封為嬪其應封字樣著選擬具奏尋封為謙嬪○復設福建陸路提標右營前營福甯鎮標右營建甯城守左營漳州鎮標中營水師提標後營閩安協左營臺灣鎮標左營臺灣協左營千總各一督標右營福甯鎮標左營建甯城守左營連江營漳州鎮標左營海澄營雲霄營詔安營汀州鎮標右營邵武城守右營海壇鎮標右營閩安協右營烽火門臺灣鎮標左營臺灣協左營右營淡水營把總各一○甲子諭理藩院策旺扎布係西路喀爾喀汗兼副將軍乃與賊交戰畏



懼敗回擾動眾心慮遠移居內地又並不約束屬下人等肆行偷盜官糧牲畜騷擾貿易人等甚玷國家養育之恩理應即行正法但念伊祖父原係喀爾喀內之汗累代敬神朕不忍正法將策旺扎布從寬免死監禁○丙寅諭內閣從前雲貴廣西等處不法土司除首惡懲治外其餘人等則令安插內地給以房屋地畝俾得存養不至失所聞該省督撫等不即留心經理遲至一二年後始撥給房地以為養贍而地畝又相隔遙遠土司不能親自耕作惟賴該縣代徵糧穀賣銀移交每年非被佃戶侵收即被胥吏中飽有名無實以致各土司饑餓困頓竟有私自逃匿者重負朕體恤生全之至意著通行曉諭有安插土司之地方令該督撫悉心稽查若有從前辦理不善之處即行更改並飭有司等不時體察務令安全以受國家養育之澤儻仍疏忽從事必嚴加議處○命李東華錄

衛往古北宣化等處閱兵以顧琮暫署直隸總督由太常寺卿署○庚午諭內閣祀事修明國家令典孔子文廟春秋祭儀尤宜備物盡敬聞外州縣中有因荒裁減公費者朕思公費既減必致祭品簡畧或轉派累民間二者均未可定著各省督撫查明所屬有因荒減費之州縣即於存公銀內撥補以足原額務令泰盛豐潔以展朕肅將禋祀之誠其各慎遵毋忽○諭京師至江南數千餘里行旅絡繹朕於雍正七年特遣大臣官員前往督率地方官成梁除道不惜帑金功成迅速又令道旁種樹以為行人憩息之所復降旨交與該地方官隨時留心保護近聞官吏怠忽日漸廢弛低窪之地每多積水橋梁亦漸圯陷車輛難行道旁所種柳樹殘缺未補且有附近兵民斫伐為薪者此皆有司漫不經心而大吏不稽查訓誡之故也著傳諭該督撫等轉飭有司仍前整理或遇雨水泥

潦隨損隨修不得遲緩其應行補種柳樹之處按時補種並令文武官弁禁約兵民毋許任意戕害儻有不遵將官弁題參議處兵民從重治罪○壬申諭刑部獨子留養之條乃國家法外之仁而兇惡之徒往往恃有恩例肆意妄行或眾人共毆而推諉於一人或一人獨承以脫眾人之罪在無識之有司又以姑息為寬大遷就具獄種種弊端難以悉數是以每年奏請獨子留養之案甚多凡殺人者抵償乃天理人情之正或其中情有可原而曲從寬典此又體古帝王罪疑惟輕之意隨事酌量者若不論情罪輕重而但以獨子概令從寬已非情理之當況其間未必盡係獨子乎有罪之人僥倖漏網恐成長奸之漸但定例已久朕不便遽行改易且不教而殺有所不忍著通行曉諭內外軍民人等已身既為獨子更當思念父母無依謹身奉法以遠刑辟若好勇鬪狠怙惡不

東華錄

檢數年之後獨子傷人之案仍復不減朕惟有執法抵罪以懲兇頑不能曲為寬假也此旨著通行宣布務令遠鄉僻壤之人咸使聞知○甲戌喬世臣來京陛見以孫國璽署江蘇巡撫由左副都御史署

○丁丑諭辦理軍機大臣等兵部尚書性桂內閣學士雙喜著往北路軍營與原任工部侍郎巴泰協理軍需事務○戊寅貴州提督哈元生奏九股頑苗悖叛臣奉命進剿擒獲兇逆首犯一百九名見交撫臣收審其餘軍前斬戮俘獲約計數千至悔罪投誠者准其安插軍威大振苗蠻畏服但剿撫初定應駐重兵彈壓除台拱營制兵一千外暫留官兵三千分布防範其所調湖廣廣西官兵酌量撤回得旨據奏九股頑苗蕩平其善後事宜著該督撫會同哈元生悉心定議具奏



東華錄

雍正二十三

臣王先謙敬編

臣周濟蕃恭校

秋七月庚辰朔諭辦理軍機大臣等據侍衛達哈蘇奏稱科爾沁公喇嘛扎布旗分並無牲畜其貧苦人等止有六月至八月米糧今年種穀無多又經亢旱無收等語朕思此所種之穀即使全收亦不足養贍數千人口恐致饑饉流散不可不豫為籌畫伊等與何處相近即動支彼處米穀賑濟及如何養贍俾其過冬之處爾等查議具奏尋議科爾沁公喇嘛扎布旗分貧苦人等共六千六百有奇今年十月至來年八月約計口糧共需米七千八百餘石與白都訥相近除將白都訥存米五千石支給外餘請酌給銀兩資其養贍再來年耕種時籽種不足者並請給銀令戶部派筆帖

東華錄

雍正二十三

一

式一員將銀運送辦理從之○吏部等衙門議准原署兩江總督尹繼善奏兩淮鹽政事宜一淮南三江營地方舊設鹽捕同知不足以資彈壓請改設巡道一督緝揚州通州各屬鹽鹽城阜甯靖江等縣鹽務以重職任一儀徵縣之青山頭請立一專營設守備一把總一外委把總一兵一百名江都縣之馬家橋甘泉縣之邵伯鎮北壩僧道橋各添設把總一兵三十名分駐巡緝一淮所製鹽重地向屬淮安分司經營嗣後請令督臣會同鹽政選委賢能府佐監掣一揚州府之搜鹽廳地方緊要請於通省佐雜或試用候補人員內揀選一員會同揚州武弁協力盤查一淮南所屬之秦壩淮北所屬之場關大伊關永豐壩烏沙河湖口泗州天場兩關俱係私梟出沒隘口請於通省佐雜內揀員管理其淮南各員歸新設道員管轄淮北各員就近歸淮徐二道管轄從之○辛巳

諭內閣禮部侍郎杭奕祿係朕特差稽查沿邊營伍之大臣理宜體恤弁兵潔己奉公以副委任乃聞其沿途驕奢放縱擾累兵民甚屬溺職著革職○禁止直省將軍督撫提鎮於經制外濫給外委千把總牌札○癸未湖南觀風整俗使李徵緣事革職裁觀風整俗使缺○乙酉大學士陳元龍以年老乞休得旨大學士陳元龍老成練達學問優長奉職多年宜勞中外朕念 聖祖仁皇帝簡用舊臣晉秩綸扉俾承恩眷今以年逾八旬乞休情詞懇切朕勉從所請著加太子太傅銜以原官致仕令伊子翰林院編修陳邦直隨歸侍養起程之日賞給酒膳果品著六部滿漢堂官餞送沿途官弁迎送盡禮○丙戌諭內閣聞上年秋月江南沿海地方海潮泛溢蘇松常州近水居民偶值水患其本地紳衿士庶中有雇覓船隻救濟者有捐輸銀米資賑者今年夏間時疫偶作紳衿

東華錄

雍正二十三

二

等復捐施方藥資助米糧似此拯災扶困之心不愧古人任恤之誼風俗醇厚甚屬可嘉著該督撫宣旨褒獎將捐助多者照例具題議敘少者給與扁額登記檔冊免其差徭並造冊報部○諭據署湖廣提督張正興奏四月初六日常德府城內民居失火延燒兵民房屋二百餘戶朕屢降諭旨令各地方有司豫備救火之具遇有不虞即竭力搶救此非不可以人力撲滅者今常德民居偶爾失火遂至延燒房屋如此之多是該地方救火之具平日並未留心而搶救又不用力可知矣湖廣如此他省可知著傳旨通行曉諭嗣後儻仍復疏忽因一三家失火而延燒多戶者定將該地方官從重議處該督撫一併察議○戊子以順承親王錫保調度無方坐失機宜命平郡王福彭代為定邊大將軍○己丑戶部議覆協理直隸總督顧琮奏直屬向無額設獄囚口糧以致瘵斃不



少嗣後請一體准設得旨依議在獄囚犯舊例俱給口糧止因各省額設之項有無多寡不同有司奉行不一卽聞有州縣官自行捐助亦不可以爲常著通行各省督撫藩臬悉心詳查若府州縣額設之項歲有餘糧則當分給於不足之府州縣若本地原無額設之項或額數不敷應卽公同酌量動支存公銀兩覈實散給令監犯日食有資不至飢餒儻有刑書禁卒剋扣等弊一經發覺將該管官員一併議處○江南副總河西柱奏江南通州所屬范隄修築告竣各場籠戶感戴國恩情願急公效力請將原發工價銀兩繳還運庫得旨朕發帑修理范隄原係保護鹽場加恩竈丁之意所用工價銀兩何用伊等捐輸著出示曉諭照數給還勿使不肖官吏人等侵蝕中飽○庚寅諭辦理軍機大臣等前因大將軍傅爾丹輕進失利順承親王錫保在察罕叟爾調撥兵丁防範科

東華錄

雍正二十三年

三

亦著革去見命多羅平郡王爲定邊大將軍俟到軍營時著錫保聽平郡王指示效力贖罪如仍前玩忽經平郡王參奏定行從重治罪丹津多爾濟乃喀爾喀一徵末台吉蒙 聖祖仁皇帝施恩教育承襲伊父扎薩克貝勒朕御極之初封爲郡王嗣因採買馬駝效力晉封親王屢加恩眷去年厄爾得尼招大敗賊人之時伊捏奏冒功朕賞以墨爾根巴圖魯之號賜與黃帶子封其子多爾濟色布騰爲世子乃於克爾森齊老領兵救援時故意遲延行至十里卽安營住歇旋撤兵回營及厄爾得尼招接戰之時額駙策凌領右翼官兵奮勇衝擊已將賊兵殲殺殆盡而丹津多爾濟坐擁左翼官兵觀望不前次日賊人皆欲急行追擊伊又枝梧逗遛致賊由杭愛山後逃遁伊並不尾追轉由杭愛山之南繞道遲延致誤大事且數年以來所辦馬駝甚屬不堪理應將丹津多爾濟

東華錄

雍正二十三年

四

布多俱屬妥協是以朕格外加恩晉封親王投爲大將軍及去年賊兵來犯錫保竟不豫備奏稱撥兵一萬令赴烏孫珠爾而所到之兵僅有三千又將領兵之將軍傅爾丹畱於大營致賊直越克爾森齊老始遇額駙策凌將軍塔爾岱等奮勇截殺一面差人呈報令其速發援兵而錫保不卽發兵俟丹津多爾濟到後始遣赴援丹津多爾濟行未十里卽紮營住歇是時額駙策凌等與賊拒戰二日知援兵不至始各收兵回營坐失機會錫保自爲大將軍以來每聞賊至輒驚惶無措兵丁時撤時撥二年之內馬匹傷損數萬闔營無不怨恨夫身膺大將軍之任賊來不能邀擊及深入之後又令免脫此皆調遣失宜怯懦畏葸之所致也深負朕簡用之恩理宜從重治罪姑念其前歲在科布多尙能籌畫整備著暫革去大將軍親王其順承郡王查應襲之人承襲熙良世子之爵

從重治罪○甲午吏部議准升任奉天府府尹楊超曾條奏設官



分理事宜一裁復州通判缺改設復州知州一學正一吏目一裁  
 義州巡檢缺改設義州知州一吏目一並將土默特耕地民人附  
 入義州民籍一金州請設為縣裁原設巡檢缺添設知縣一典史  
 一一奉天府治中請照各府管糧廳分管糧務理事通判照各府  
 督捕廳專司督緝如有失察逃盜等案照例議處從之尋定金州  
 新改縣曰甯海○乙未諭內閣大學士孫柱八旬衰邁著以原官  
 致仕○庚子轉舒喜為禮部左侍郎以留保為禮部右侍郎由詹事遷  
 ○四川潼川州鹽亭縣麒麟生○乙巳吏部議覆署刑部尚書承  
 恩公慶復奏一向例刑部督捕司設有前後二司督捕一廳請歸  
 併為一司以專責成除滿漢司官四員仍照舊例外其筆帖式八  
 員內請撤回二員一江南一司員少事多請分為江蘇安徽二司  
 辦理滿司官除舊撥四員外請再撥二員漢司官除郎中原設二  
 員外請添設員外郎一主事一一各司案件繁多請照工部例設  
 督催所派滿漢司官各二筆帖式二專管登記查催從之○賑江  
 西大庾等十一縣被水饑民

東華錄

雍正二十三年

五

八月己酉朔諭內閣貝子允祐著同莊親王學習辦理正黃旗滿  
 洲事務貝勒允禧著同果親王學習辦理鑲紅旗滿洲事務○兵  
 部等衙門議准福建總督郝玉麟奏臺灣營制事宜一臺灣遠隔  
 重洋民番雜處請於府治增置城守營設參將一守備二千總二  
 把總四兵一千名防守府庫倉獄並分駐鎮標南北兩路各汛所  
 有鎮標原設三營之兵撥派各汛者全數撤回府治以資彈壓一  
 南路原設參將一守備一千總二把總四兵一千名不敷防範分  
 撥之用請將駐紮山猪毛口守備改為下淡水營都司會書再添  
 設千總一把總二兵五百名合原設弁兵分駐山猪毛口阿里港

東華錄

雍正二十三年

六

新園萬丹鳳山縣治鳳彈下埤頭攀桂橋觀音山石井等處一北  
 路延袤千有餘里原設參將一守備一千總二把總四兵一千一  
 百二十名亦不足分防彈壓請改參將為副將再添設都司一守  
 備一千總四把總八兵一千二百八十名分中左右三營以都司  
 為中軍守備為左右二營分駐諸羅縣治及斗六門竹腳蔡笨港  
 鹽水港彰化縣治貓霧揀蓬山竹塹中港後壠南崁淡水等汛其  
 臺協水師原撥笨港鹽水二汛兵丁仍撤回水汛一安平地方外  
 控海洋內扼臺郡實係唇齒之區請設立礮架七座並酌量起蓋  
 倉廩貯粟三萬石以資兵餉一臺屬田地丁口漸增請將各處莊  
 民編造保甲其各番社鄉保暨通事俱嚴加選擇勿令姦匪充當  
 並設立社學延請優行生員教導以化愚蒙舊習一臺屬流寓人  
 等內有人材出眾從前隨征效力者請給外委功加劄付即委為  
 社長約束居民三年無過准與內地兵丁以把總相間補用一臺  
 灣孤懸海外總兵一官有統馭民番之責請照山陝沿邊之例改  
 為挂印總兵官從之○甲寅諭內閣據山東巡撫岳濬奏東省歷  
 年耗羨銀兩見存庫銀七十五萬四千兩有零從前豫省奏有存  
 庫銀七十餘萬朕已降旨將豫省本年地丁錢糧蠲免四十萬兩  
 以加惠通省百姓今東省亦應一體加恩著將雍正十一年地丁  
 錢糧照豫省之例蠲免四十萬兩即以存貯之耗羨照數撥補還  
 項該省督撫務飭有司實力奉行俾閭閻均霑實惠○乙卯諭領  
 侍衛內大臣等近御當差之親軍俱係由佐領內挑取之人若將  
 舊人挑為前鋒恐致誤事嗣後親軍內未滿十年者准挑前鋒其  
 過十年者毋得挑取永著為例○予故致仕大學士孫柱祭葬○  
 丙辰諭辦理軍機大臣據署甯遠大將軍查郎阿等奏稱庫爾墨



圖山地方有逆賊五十餘人來侵被我官兵奮力攻擊斬殺二十餘人餘俱生擒未脫一騎等語此次經理調撥甚屬可嘉所有效力人員俟查即阿查明等次具奏到日再降諭旨數年以來因西路將軍等辦理疏忽是以逆賊敢於玩視今賊兵經此番傷損必懷畏懼或於今秋即整兵侵犯西路或於冬天侵犯北路俱未可知著傳諭查即阿等令其詳悉籌畫辦理○大學士管翰林院掌院事張廷玉等遵旨議奏新科庶吉士蒙恩議給廩餼謹酌每月各給銀四兩五錢其器用什物向工部支取並撥給官房一所為教習館令庶吉士等肄業其中新刊 上諭每人各賜一部內務府所刊經史詩文每種頒發三部永遠存貯館內以資課習從之○辛酉加賑直隸武強武邑二縣被水饑民○丁卯諭內閣直隸河渠水利關繫國計民生朕悉心經理開濬河道修築隄工務令東華錄 雍正二十三年 七

宣洩有資閭閻獲福又特設正副總河董率其事以專責成因王朝恩久歷外任且受朕深恩是以用為總河畀以畿輔河工之重寄乃聞王朝恩自到任以來性好安逸不耐煩勞僅於運河一路坐船勘驗工程其他各處從未親歷以致緊要之處隄岸殘缺水道壅淤平時漫無覺察今夏雨水雖多旋即晴霽並非久陰積澇可比而蘄運鄉等河及河閒天津之運道並順德廣平大名之百泉滏陽漳河等處決口漫溢傷害田廬又如滄州甌河月隄潰決並不奏聞希圖隱諱似此有忝職守深負朕恩著革職仍留該地方所有今年應賠工程銀兩悉於王朝恩名下追出還項其直隸河道總督員缺著太常寺卿營田觀察使顧琮補授徐湛恩身為副總河不能協助辦理甚屬怠忽著革去副總河交與顧琮差遣委用少有懈怠亦著嚴行參奏其副總河員缺著永定河道定柱

補授○戊辰諭辦理軍機大臣等據署陝西總督劉於義等奏吐魯番等處回民已移至安西男婦大小共八千一百七十三名口朕查從前回民自吐魯番移至塔爾沁時共九千二百七十三名口今其中竟有病故例應扣除口糧但伊等甫到安西甯使之食用寬裕著仍照原數支給以示朕格外之恩至總管額敏和卓及伊親丁著照官員例支給糧米以示優異○諭兵部從前滿洲侍衛補用綠旗員缺乃朕鼓勵人材之意近觀所用滿洲人員能整頓營伍者無幾且綠旗應用之員甚多嗣後滿洲藍翎侍衛著仍在侍衛內行走揀選都司守備時不必帶領引見○己巳添設順天府四路捕盜同知衙門經制外委把總各一○甲戌吏部議准湖廣總督邁柱奏湖北恩施縣忠建地方離縣遠請改為忠建鎮添設巡檢一土司經歷寨一帶地方應添設經制外委把總各一東華錄 雍正二十三年 八

兵九十五名分汛防守從之○丁丑以觀音保為理藩院額外侍郎額爾○吏部議准廣西巡撫金鉷奏太平府屬恩城州土知州趙康祚緣事參革無人承襲請改土歸流隸崇善縣管轄裁恩城州吏目缺添設崇善縣丞一分駐彈壓徵解錢糧從之○是月免江南六安舒城宿州等縣衛雍正十年水災額賦有差九月己卯朔以高其倬以總督銜管江蘇巡撫事趙宏恩署兩江總督鍾保署湖南巡撫由湖北布政使署○庚辰諭內閣朕御極以來時時訓諭奉差考官諸臣秉公持平杜絕私情以為國家培養人才之本幸奉差諸臣皆能仰體朕心恪遵朕訓屏除弊竇選拔真才十年來試事肅清士論翕服朕屢向廷臣等嘉獎再三乃河南學政俞鴻圖原係查嗣庭案內獲罪之人朕格外寬宥復加任使諒伊必能感激黽勉考校公明以圖報效今據河東總督王士俊列



款糾參賊私鬻累實出朕意料之外况當天下學政徵清之會而  
俞鴻圖一人首先犯法納賄營私甚屬可惡俞鴻圖著革職差戶  
部侍郎陳樹萱前往豫省會同總督王士俊將本內參奏情由及  
有名人犯一併嚴審定擬具奏○辛巳鄧鍾岳緣事降調轉張廷  
璐為禮部左侍郎以史在甲為禮部右侍郎由左副都御史遷○刑部等  
衙門議准署甯遠大將軍查那阿參奏總兵官曹勳奉派領兵哈  
密縱賊失機飾詞捏報請在軍前正法梟示得旨曹勳著在軍前  
即行正法示眾○壬午添設福建臺灣府學及臺灣鳳山諸羅彰  
化四縣學訓導各一○癸未諭內閣向來倉場事務廢弛已極乃  
朕所親見者經理之初難於整頓是以定例將殫心供職之滿漢  
監督三年任滿即升以示鼓勵十年以來經朕留心整理又復時  
時降旨訓飭屏除弊端今倉務漸次消釐無復從前之陋習嗣後

東華錄

雍正二十三年

九

為監督者但能謹守成規便可稱職亦不似從前之難於辦理矣  
若仍三年任滿即升似覺太優著大學士九卿會同倉場總督酌  
量定擬具奏尋議各倉監督嗣後果能實心效力倉穀無虧滿監  
督筆帖式三年差滿以小京官即用仍按筆帖式論俸升用主事  
漢監督候選道府同知知州及保舉學習人員三年差滿准以應  
得之缺即用如內有貢監生員無職銜可用者交吏部酌量議敘  
其見任小京官歷俸淺者差滿准其加俸三年如歷俸已久者仍  
按俸推升於升任內加二級至降革效力人員差滿著倉場總督  
出具考語從之○辦理軍機大臣等議准署陝西總督劉於義奏  
回民頭目奉旨賞給職銜請照伊等從前有功等次定品級之大  
小將一等頭目給與正百戶職銜四等頭目給與副百戶職銜照  
例頒給號紙從之○移廣西泗城府經歷駐天峩四甲添設照磨

一駐府治巡檢一駐平樂一甲永福縣縣丞一駐鹿寨村○乙酉  
吏部遵旨議奏定例滿洲舉人選用小京官漢軍舉人選用知縣  
從前漢軍舉人有冒入滿洲額內中式者以致內用外用任意趨  
避嗣後請令各該旗於考試時將應考人員詳加分別開明咨送  
順天府如仍有混行冒考中式者查出將咨送之該旗都統佐領  
等官交部議處舉人革退從之○吏部議覆直隸總督李衛奏直  
隸地方遼闊州縣事務殷繁所有佐雜官員宜酌量增改查故城  
縣鄭家口景州龍華鎮河間縣景河鎮北魏村獻縣韓村南皮縣  
舊縣鎮滄州孟村呂家橋鹽山縣楊二莊青縣杜林鎮天津縣葛  
沽西沽等處請各添設巡檢一東明縣杜勝集請復設巡檢一吳  
橋縣連窩驛交河縣新橋驛滄州甌河驛青縣流河驛乾甯驛靜  
海縣奉新驛天津縣楊青驛武清縣楊村驛通州和合驛等驛丞

東華錄

雍正二十三年

十

請兼巡檢職銜磁州州判請移駐彭城鎮其河間縣管河縣丞駐  
張各莊清河縣管河縣丞駐油房鎮俱兼巡檢事務裁河間府稅  
課大使缺其稅課歸經歷徵收再青縣之長蘆鎮改歸滄州南皮  
縣之舊縣鎮改歸鹽山縣各就近管轄易州之黃土臺等十二村  
改歸涞水縣黃莊司巡檢兼管其紫荊等八十六村以易州分駐  
紫荊關之上陳驛驛丞兼巡檢職銜管理從之○辛卯諭內閣朕  
已降旨諭祭賢良祠大學士張英於本籍大學士張廷玉著給假  
數月於十月十三日起程回家舉行典禮張若靄著隨去其族中  
子弟若有在京閒散職銜可以暫假者准其隨回襄事江蘇學政  
張廷璐亦著給假暫回本縣其學政印務照例交與督臣代管俟  
事竣仍回本任○癸巳以孫詔署湖北布政使凌燾署江西按察  
使由御史○丙申禮部題康親王崇安慶請照例遣官致祭二次造



墳立碑令宗人府議加諡號得旨著予祭一次○己亥移廣東高明縣太平司巡檢駐三州墟○庚子諭刑部大臣爾等身為大臣須務其大者遠者如國家之水旱生民之凍餒最為緊要一夫不獲其所即係朕與諸大臣之責至犯法論死本由其人自取原不必過為寬縱或謂刑官開釋罪人可以積陰德於子孫此大不然如果秉公據法使刑皆當罪則慶流子孫此理之可必者如將殘忍兇惡之人屈法姑容欲邀一己之福而令死者含冤於地下不但不能致福且足以遺殃有罪之人法所難貸原不得任意從寬也夫寬且不可任意而況於嚴乎朕處事惟至公無私據案件而論其事之是非初不先存一毫意見至於平日不能化導使不犯罪朕與諸臣方且抱愧斷無以不殺人為刑措之理朕見之最真最切特與爾諸大臣言之○辛丑諭內閣直隸總督李衛參奏戶部尚書鄂爾奇著革職交與果親王允禮理藩院侍郎莽鵠立戶部侍郎海望左都御史張照吏部侍郎鄂善會同秉公審理○壬寅 上御洞明堂閱秋審湖廣等省情實招冊諭刑部曰爾等所進秋審冊俱經細加酌勘擬定情實但此內有一綫可生之機爾等亦當陳奏蓋在秋審定擬時自當執法而在句到時儻有可寬之處又當原情二者原不相背斷不可因已定情實欲符前奏難以更改遂隱默不復奏也執法原情總歸於大公至當而已閱畢又諭曰朕閱招冊得寬一犯便心意順適若不能寬便覺不快諸臣自同此心即質之天下之人自亦同此心斷未有以多殺一犯為快者但犯人情罪必實有可寬之處而後予以矜全此心順適方出於自然若犯人情罪萬無可有勉强求一時之順適屈法從寬致令惡人無所懼恣肆妄行則罹於法網者必多皆此姑息

之一念貽之害也辟以止辟欲求斯民之遷善遠罪正不得暫圖一時之順適耳○甲辰改四川潘州協左右兩營守備為都司會書增設達建寺營千總一

冬十月壬子諭內閣今年各省秋審人犯有不應緩決之案經九卿改為情實者甚多甚為允協督撫通省大僚臬司刑名總匯錄囚定獄何等重大之事豈可一味因徇苟且如各省督撫臬司執法科罪而九卿詳請平反或九卿據法定議而朕酌奪從寬如此方合政體豈有執法之官而任意於法外徇縱者乎督撫既如此定議若九卿不行改正則朕亦無如之何將使殺人者不死而國法不伸刑罰不中矣今九卿雖經改正然不將至當不易之理明白曉諭督撫臬司中識見鄙陋者或謂九卿定議務從苛刻稍存迎合之意遂於可矜可緩之案槩以情實奏讞其流弊尤不可言

爾等將改正各案逐一查明通行申飭俾各省督撫臬司嗣後悉心定擬庶於政體允合稱朕明刑欽恤之至意○癸丑諭刑部盜犯越獄傷人兇惡已極而撫臬擬以緩決殊為失當朕前言凡為大臣須務其大者遠者如善良之民至於凍餒老者不得遂其養幼孤不得遂其長何等可憐可憫之事是朕之責亦即諸大臣之責也比之活一兇殘之人孰重孰輕孰是孰非乃今人識見蒙蔽每謂寬宥一人可以積德蔭及子孫不知寬縱兇殘之人以沽仁厚便非公正之道朕此心止有一公字十一年以來行事大臣等所共知共見若能以朕之心辦理天下國家之事朕實嘉賴焉○甲寅諭內閣各省商牙雜稅額設牙帖俱由藩司衙門頒發不許州縣濫給所以防增添之弊不使貽累於商民也近聞各省牙帖歲有增添即如各集場中有雜貨小販向來無籍牙行者今槩行



給帖而市井姦牙遂恃此把持抽分利息是集場多一牙戶商民  
 即多一苦累甚非平價通商之本意著直省督撫飭令各該藩司  
 因地制宜著為定額報部存案不許有司任意增添嗣後止將額  
 內退帖頂補之處查明換給再有新開集場應設牙行者酌定名  
 數給發亦報部存案庶貿易小民可永除牙行苛索之弊矣○調  
 慶復為戶部尚書以馬禮善署刑部尚書忠建○復設直隸大名  
 順德廣平兵備道一兼管河道工程以河閒天津二府分巡事務  
 歸天津河道兼管其永平一府通薊遵化三州三河武清甯河寶  
 坻四縣歸通永河道兼管保定正定二府及直隸五州歸清河道  
 兼管添設保定府糧捕通判一駐府城天津府糧捕通判駐滄州  
 ○乙卯改四川重慶府屬之黔江縣隸重慶府分駐黔江同知管  
 轄兼轄附近彭水一縣升府屬之忠州為直隸州管轄墊江鄧都  
 東華錄 雍正二十三年 三

及夔州屬之梁山三縣移順慶府通判駐鄰水縣豐和場甯遠府  
 西昌縣縣丞駐禮州所添設打箭爐同知衙門照磨一○丙辰大  
 學士張廷玉給假南回賜帑金一萬兩為祠宇祭祀之用並賜  
 御用冠帶衣裘及貂皮人簾內紵等物頒給內府書籍五十二種  
 交與江南織造高斌從官艘運至桐城本籍○壬戌截留浙江杭  
 湖二府漕糧各五萬石存貯本處備用其歸安烏程二縣應徵漕  
 米命折價解部○命果親王允禮管戶部事○以喬世臣為左副  
 都御史原任江蘇巡撫○癸亥以富德為額外內閣學士○丙寅諭內閣  
 原任巡撫伊都立辦理進剿科布多兵糧著授額外侍郎○己巳  
 調托時為戶部右侍郎常有為工部右侍郎○賑山東德州恩縣  
 等十州縣水災饑民○庚午諭理藩院鄂爾多斯扎薩克公齊旺  
 班珠爾羅卜藏深悔上年軍營疏忽之愆此次效力勤勞著加恩

給還固山貝子之職

十一月丁亥賜孫宗夏等一百一人武進士及第出身有差○戊  
 子命彭維新等稽察京通各倉○壬辰諭內閣大學士嵇曾筠自  
 簡任河道總督以來整理有方調度合宜朕念伊父之忠義伊母  
 之節操雖已贈卹褒旌尚未膺一品封典今特沛殊恩著給與大  
 學士應得誥封以示優眷○乙未安南國王嗣子黎維祐遣陪臣  
 訃告故王黎維禔喪喪並請襲封貢方物○戊戌正藍旗漢軍都統  
 公慶復等遵旨議覆八旗世職絕嗣人員有以近族遠族子孫為  
 後者有以親戚收養為後者其從前立功所得世職應分別降等  
 令其承襲至墳墓在盛京及不知墳墓所在者既無人承管祭奠  
 應無庸承襲得旨朕加恩絕嗣人員為之立後賞給世職令其承  
 襲皆念伊等勤勞不忍聽其血食斷絕也其墳墓在盛京而承襲  
 東華錄 雍正二十三年 四

世職之人在京當差者如情願往盛京居住即令移住盛京隨彼  
 處當差至不知墳墓所在者亦可立墳祭奠著一體加恩賞給世  
 職令其承襲○己亥諭內閣年來江南河工因總河諸臣經畫有  
 方調度得宜實已湖河奠定民慶安瀾但河防關繫重大將來河  
 務必得通曉熟練之人遵循分理斯克繼前功而全河形勢非平  
 日講求親身閱歷必不能胸有成算洞曉機宜即修防堵築以及  
 估工查料等事亦非經練熟諳備悉利弊必不能隨時損益有裨  
 工程是通曉河務之員不可不豫為儲備也著每年在各部院揀  
 選賢能勤慎司官二員帶領引見派往江南學習河務酌量委辦  
 估工查料等事以二年為期出具考語咨回本任如有操守才具  
 實堪任用即行保奏留工酌量題補其不堪學習者不必拘定二  
 年於試用數月後即咨回原任另行派員前往學習如此數年後



通曉熟練者自不乏員於河工諸務大有裨益矣○辛丑以楊秘署湖北布政使偉璵署陝西西安按察使由湖北德安府知府署○癸卯以福敏署刑部尚書由左都御史署○甲辰命果毅公訥親在辦理軍機處行走○升直隸保定府屬易州為直隸州以保定府之涑水及山西省之廣昌二縣隸之

十二月壬子宗人府奏請襲封順承郡王爵得旨熙良著襲封多羅順承郡王代伊父錫保效力贖罪○徐士林緣事降調以郭朝鼎為江蘇按察使由福建汀漳道遷○乙卯命四川巡撫憲德來京陛見

○免山東高唐鄒平等二十七州縣本年分旱災額賦有差○丙辰添設廣東廣州府佛山鎮同知一移佛山鎮都司駐大灣千總移彰陽里五斗口司巡檢駐平洲○戊午諭內閣從前廣東巡撫鄂彌達條奏臺灣地方僻處海口向無城池宜建築城垣礮臺以

資保障經大學士等議令福建督撫妥議具奏今據郝玉麟等奏稱臺灣建城工費浩繁請於見定城基之外買備茨竹栽植數層根深蟠結可資捍衛再於茨竹圍內造建城垣工作亦易與舉等語郝玉麟不過慮其地濱大海土疏沙淤工費浩繁成工非易故

有茨竹藩籬之議殊不知城垣之設所以防外患如必當建城雖重費何惜而臺灣變亂率自內生非禦外寇比不但城可以不建且建城實有所不可也臺郡門戶曰鹿耳門與府治近號稱天險港容三舟傍皆巨石鋒棧如劍戟舟行失尺寸頃刻沈沒內設礮臺可恃以為固其法最善從前平定鄭克塽朱一貴皆乘風潮舟行入港水高港平眾艘奔馳無所阻礙大兵一入即獲安平港之巨舟賊無去路而撫其府市人民南北路商賈一聞官軍至絡繹捆載而來相依以自保物力既充軍氣自倍賊進不能勝退無可

守各鳥獸散終無所逃遁故旬日可以坐定向使賊眾有城可據收府治人民財物以自固大兵雖入攻之不拔坐守安平曠日相持克敵不易蓋重洋形勢與內地異此即明效大驗固未可更議建置也若謂臺灣築城即以禦臺灣外寇是又不然從前兩征臺灣皆先整兵泊舟於澎湖之南風澳以候風潮風潮之便歲不過一時時不過數日若盜賊竊發或外番窺伺泊舟澎湖則夕至而朝捕之矣至南北二路可通之地雖多然如南路之蟻港北路之八掌溪海翁港鹿仔港甲西二林三林中港竹塹蓬山惟小舟可入其巨港大舟可入者不過南路之打狗中港北路之上淡水其次則北路之笨港鹹水港去府治較遠縱有外寇亦取道於此備設礮臺派撥汛兵朝夕巡視自足以資控禦今郝玉麟等請於見定城基之外栽植茨竹藉為藩籬實因地制宜甚有裨益其淡水

東華錄 雍正二十三年 五  
等處礮臺務須建造各屬並應增修不可惜費省工或致潦草應如何舉行之處著該督撫妥協定議具奏○己未彭維新緣事解任調史貽直為戶部尚書仍署陝西西安巡撫涂天相為兵部尚書以張照為刑部尚書徐本為左都御史王紘為安徽巡撫調刁承祖為浙江布政使以盧焯為河南布政使張鳴鈞為河南按察使由江蘇太○俞兆晟緣事解任調陳樹萱為戶部左侍郎韓光基為工部左侍郎趙殿最為戶部右侍郎由工部右○果親王允禮等奏直隸總督李衛參奏鄂爾奇一案臣等遵旨審理鄂爾奇所犯之罪例止革職但伊受 皇上重恩有責任使應請加倍治罪得旨鄂爾奇受朕深恩有玷職守大負伊兄鄂爾泰之教訓理宜從重治罪朕念鄂爾泰裨益國家政務甚多以之相抵所請將鄂爾奇加倍治罪之處著從寬免○移福建興化府倉大使一駐



福州府管理常豐倉務其興化府倉務改歸經歷管理○免江南  
 泰州常熟金山等二十六州縣衛雍正十年分水災額賦有差○  
 庚申以憲德為工部尚書鄂昌為四川巡撫由陝西甘肅○轉留  
 保為禮部左侍郎以鍾保為禮部右侍郎仍署湖南巡撫李世倬  
 為湖北布政使齊式為陝西甘肅按察使由肅州○以謝旻為工  
 部右侍郎常安為江西巡撫馮光裕為貴州布政使徐嘉賓為雲  
 南按察使由廣西○以碩色為陝西西安巡撫楊祕為陝西西  
 安布政使何師儉為陝西西安按察使由西安驛○實授劉章浙  
 江按察使○辛酉諭入旗都統等嗣後承襲世職之年幼子弟著  
 該旗大臣等加意照看成全造就遇大臣等升轉時亦必傳諭接  
 任大臣此朕特恩務令年幼子弟均霑實惠如大臣有不遵行者  
 經朕查出必加倍治罪○壬戌諭內閣各省保送優生內廩增生  
 東華錄 雍正二十三年 七

俱准作歲貢附生准作監生入監肄業其武生於到部時禮部考  
 試騎射具奏請旨○以高斌署江南河道總督由兩淮○福建觀  
 風整俗使劉師恕患病解任裁觀風整俗使缺○癸亥以禮部尚  
 書吳襄兼管左都御史事○添設湖南湘陰縣新市鎮巡檢一○  
 甲子添設江南安徽甯池太廣道一駐紮安慶其滁和二州分巡  
 事務歸廬鳳道管理○改福建督標水師營遊擊為參將○丁卯  
 馮景夏因病解任以喬世臣為刑部左侍郎由左副都御史遷○以凌如  
 煥為內閣學士由翰林院侍讀學士遷○戊辰大學士等議准直隸總督李  
 衛奏直隸新募之兵二千名請分為督標前後二營每營轄兵一  
 千名各設遊擊一中軍守備一千總二把總四外委千總三外委  
 把總五俱歸中軍副將轄從之○是月免山東高唐鄒平等州江  
 西新淦等縣本年及江南泰州常熟金山等州縣衛雍正十年被

災額賦有差○是歲人丁戶口二千五百四十一萬二千二百八  
 十九又永不加賦滋生人丁九十三萬六千四百八十六田地山  
 蕩畦地八百八十九萬四千六百四十畝有奇徵銀二千九百  
 八十七萬二千三百三十二兩六錢有奇米豆麥四百七十九萬  
 三百五十二石有奇草五百五十六萬三千一百十三束茶三十  
 四萬二千三百五十一引行鹽五百二十三萬三千八百五十六  
 引徵課銀二百九十八萬八千八百五十一兩有奇鑄錢六萬八  
 千四百三十六萬二千有奇

東華錄 雍正二十三年



臣王先謙  
臣周翰蕃恭校

雍正十二年甲寅春正月己卯諭諸王大臣等爾諸王大臣以元  
日立春恰遇甲寅年丙寅月戊寅日甲寅時瑞雪續紛竟日盈尺  
考之占書最為嘉祥豐年可慶為朕稱賀朕素不言祥瑞降諭至  
再至三爾諸王大臣聞之熟矣凡祥瑞者特其兆爾兆為吉之先  
見全在人事贊成凡靈芝卿雲麟鳳嘉禾之屬皆天心所以示喜  
豈得不以為慶但須君臣益加修省以祗承庥命果能事上合  
天心則祥乃成其為祥否則其事尚在未成何得遽為稱慶洪範  
恭之對待曰狂如或因有嘉兆而不加修省遂侈然自肆則咎徵  
特在轉移之間爾祥其可恃乎譬如爾諸王大臣朕以其人可用

許以加恩其人一聞朕旨便自放縱頓改前操朕亦惟有收回成  
命加以罪豈得更不轉移而仍以恩待乎朕於天人感應之際  
信之甚篤知之甚明信之篤是以一刻不敢自懈自逸知之明是  
以不憚反復申明詰誡詩云天維顯思無曰高高在上蓋面前虛  
空即是昊天足履撮土即是大地如人有七尺之軀拔一毫毛則  
通體皆知痛癢豈人於天地之中舉一念行一事而天地有不呼  
吸相通者乎作善降之百祥作不善降之百殃如影隨形如響應  
谷形谷既存而以影響為不可必之數豈不愚昧之甚夫善者公  
而已矣心乎天下國家之謂公心乎一身一家者之謂私為大臣  
者誠心乎天下國家之公而不計及一身一家之私天有不降之  
百祥者朕信其必無是理然則其一身一家之計正復得則兩得  
也苟心乎一身一家之私而不計及天下國家之公天有不降之

百殃者朕亦信其必無是理然則其一身一家之計亦復失則兩  
失也朕雖深信此理朝乾夕惕不敢刻忘然天下國家之事非朕  
一身所能獨理書曰天工人其代之朕不能不賴爾諸王大臣之  
克代天工則朕固不能已於諄諄訓誡爾諸王大臣也人惟無志  
則不能自立而推諉他人如為大臣者以天下國家之事為己事  
身任之而不辭一人如是人人如是則內外大小諸務有不事事  
合宜者乎如使八旗部院每事諉之參佐司屬參佐司屬又諉之  
大臣督撫藩臬諉之府廳州縣府廳州縣又諉之督撫藩臬又或  
內則諉之於外外則諉之於內皆謂主上自有乾斷如此則朕雖  
朝乾夕惕亦何由使事事合宜以仰邀上天之嘉祥福應乎今歲  
元旦時雪既有其兆當益加奮勵朝夕修省以成此瑞慶我君臣  
其共勉之○甲申諭辦理軍機大臣等據查郎阿摺奏由準噶爾

來投之厄魯特巴圖濟爾噶爾稟稱噶爾丹策零欲前來請和或  
遣準噶爾之人為使或即用內地之人尚在未定又據賊營脫出  
投赴北路之人亦稱噶爾丹策零見在行查被獲人等意欲遣還  
請和等語朕思逆賊欲遣使請和者特為安輯部人分擾我軍之  
計爾定非實意若不准其所請則必傳諭所屬曰我為爾等業經  
引罪求和無奈所請不准用以固結士心而使我軍聞之亦以賊  
請和而不允遂致懈於效力如此姦謀詭計不可不加詳察爾等  
密咨兩路大將軍賊若遣使前來但諭以朝廷欲偃息甲兵使眾  
生樂業屢經遣使爾台吉並無欲和之意每藉端推託今果引罪  
請和須派親信之人如台吉寨桑等應行事理詳議前來方為奏  
達乃止令爾等微員及內地微末之人前來未便收納如此曉諭  
方合事理至我兵進剿之計斷不可因此遲回濡滯仍照常整備



相機舉行○辛丑定邊將軍平郡王福彭奏軍中駝馬最關緊要見今喀爾喀扎薩克諸藩臣感戴隆恩莫不竭力辦理如喀爾喀貝勒班第等進獻駝馬猶力請停其賞給價值伏念遠臣當此軍興之際不肯私其所有况臣等宗臣如諸王貝勒貝子公等皆有馬場滋生馬匹當需用之時而置之閒散無用之地豈不內愧於心即臣家稍淡薄見有馬場滋生馬五百匹情願自送軍前備用伏乞 皇上俯鑒微忱恩准所請並將臣摺交諸王貝勒貝子公等一同閱看臣料諸宗臣等必以臣言為當踴躍爭先切急公之義矣得旨著交宗人府與諸王等閱看○壬寅諭辦理軍機大臣等侍郎查克曰此次前往喀爾喀車臣汗部落諸事辦理妥協甚屬可嘉著給與尚書銜賞銀五千兩其入官房地人口俱著給還○甲辰諭內閣據大學士嵇曾筠摺奏臣於三月內料理臣母喪事畢即趨赴河工凡一應修守搶護機宜悉心籌畫查察各工價辦妥協所有總河印務伏祈仍著高斌管理臣協同保固伏秋兩汛平安霜降後懇懇俯准回籍終制等語河工事務嵇曾筠已經辦理妥協今於料理伊父喪事之後赴工指示機宜則一應工程自可保固平穩著照所請行再嵇曾筠原籍常州距淮安不遠明歲工程亦可就近往來協同經理在伊終制之心既已得遂而河防事務亦大有裨益矣

二月丁未朔大學士伯兼管兵部尚書事鄂爾泰奏兵部堂司官蒙混造冊冒銷驛站錢糧得旨驛站奏銷各項銀兩弊端百出從前兵部堂官何以不行查察鄂爾泰實心任事方不負為朝廷大臣從來大姦大弊皆由小事積累而成若能不時留心查覈遇有一毫情弊即行革除何至滋蔓為害此內外大臣應共相勉勵者

著將此摺交各部院堂官閱看鄂爾泰著交部議敘范時繹等著交部察議○改福建甯協副將為總兵管轄延平一協楓嶺一營○己酉諭理藩院鄂爾多斯貝勒達西拉卜旦病故爾等因伊怠忽兵事其子喇錫塞楞議降爵鎮國公但喇錫塞楞深知伊父之罪尚能竭力辦事著封為固山貝子○辛亥改廣西直隸賓州並州屬之上林遷江二縣俱歸思恩府轄撥賓州原屬之來賓一縣仍歸柳州府轄○添設山東登州鎮成山衛汛派千總把總各一戰守兵一百名駐防養魚池海口○壬子諭內閣直隸省關稅監督於地方官原不相統轄一切呼應不靈且大小口岸甚多監督一人勢難分身兼顧地方文武各員以為無與己事並不協力稽察則奸商之隱漏地棍之把持俱所不免嗣後凡有監督各關著該督撫兼管所屬口岸飭令該地方官不時巡查如有縱容滋擾情弊聽該督撫參處至監督徵收稅課及一切應行事宜仍照舊例遵行不必聽督撫節制○刑部右侍郎覺羅和托因事革職○癸丑 上御經筵○丙辰移廣東歸善縣縣丞駐惠州府城欣樂司巡檢駐三棟墟內外二司巡檢駐梁化墟連州來岡司巡檢駐東坡觀惠來縣神泉司巡檢駐靖海○己未晉封貝子允祐為貝勒○以呂耀曾為左副都御史由奉天府府尹遷○以兩江總督管江蘇巡撫事高其倬為江蘇巡撫○庚申禮部議覆廣東巡撫楊永斌奏興甯縣民幸登運年一百二歲長子幸伯達八十二歲次子幸伯玉八十歲三子幸伯錦七十八歲四子幸伯旺七十四歲五子幸嘉賓六十七歲一門眉壽千載希逢請予旌表以光盛典得旨依議幸登運著加賞上用段一匹銀十兩○壬戌 上以大學士張廷玉回京遣內大臣戶部侍郎海望迎勞於蘆溝橋頒賜酒

東華錄 雍正二十四

三

東華錄 雍正二十四

四



膳○大學士等議覆營田觀察使陳時夏奏文安大成兩縣界內修築橫隄一千五百餘丈本年營田四十八頃俱獲豐收但恐水涸卽成旱田請於大隄東南向家杜開建石閘隄內空河引子牙河之水以資灌溉仍於北岸多開涵洞或添建小閘以資宣洩從之○乙丑遣翰林院侍讀春山兵科給事中李學裕致祭故安南國王黎維禱兼敕封故國王嗣黎維祐爲安南國王○大學士等議奏浙江海塘工程前奉諭旨令該督程元章等先築土備塘一道堵塞尖山水口漸次改建石塘並於中小壘開挖引河分洩江流以減水勢今據該督奏稱尖山水口勢難堵塞引河亦難於開挖查海塘關繫重大其如何捍禦潮勢保護塘工之處自應及早商辦乃該督漫無成見遷延愈久成功益難應令該督再於中小壘詳加踏勘如何施工疏濬卽令妥確定議具奏至尖山水口實

東華錄

雍正二十四

五

係海塘受患之由若不急爲堵塞則每年徒費錢糧究於塘工無補亦應交該督等將應用物料豫購齊備俟冬初水落設法舉行得旨浙省海塘關繫重大固須詳慎尤戒遲疑若總理不肯擔承則分任者愈多瞻顧其何以謀奠安而垂永久程元章毫無確見著將海塘一應工程交杭州副都統隆昇總理令御史偏武前往協辦所需文武工員俱聽隆昇揀調其運辦物料給發錢糧等項仍著程元章料理毋得推諉稽遲○添設貴州黃平州州同一駐舊州獨山州州同一駐三腳壘清平縣縣丞一駐凱里銅仁縣縣丞一駐松桃普安縣罐子窩驛丞一威甯州得勝坡巡檢一黎平府照磨一裁黎平府屬八舟龍里歐陽新化四土司吏目缺移普安縣原駐罐子窩典史回縣城○己巳實授傅德內閣學士○壬申諭辦理軍機大臣等據大將軍平郡王奏稱塔爾馬善等進剿

東華錄 雍正二四

行至額爾齊斯河地方見逆賊人眾牲畜盡行收去遂領兵暫回所有懦怯不行速進情由已經移咨飭行等語朕思我軍進襲逆賊既已探知先行移避卽令深入於事何益平郡王移咨飭行殊爲過當軍行紀律甚嚴若以大將軍所諭而塔爾馬善等竟不遵行固屬未便備勉強前進而擄掠並無所得方今春令馬匹疲瘦口糧無幾甚爲堪虞斷不得以輕忽貽誤今王之大營見駐地東離行軍之處甚遠一切軍機所關綦重額駙策凌身在彼地我軍情形逆賊虛實知之必悉嗣後凡調撥進退之處係策凌承辦事件俱聽伊總理著密行知照平郡王及額駙策凌○貴州巡撫元展成奏銅仁府界坡東城西苗民一百六十寨內附○甲戌兆華緣事降調以宗室塞爾赫爲倉場侍郎由內閣學士遷○丙子予故禮部左侍郎舒善祭○是月免直隸通州豐潤等州縣浙江新城分水

東華錄

雍正二十四

六

等縣江南宿州靈璧等州縣雍正十一年被災額賦有差三月丁丑朔諭內閣范時繹由旗員歷任內外顯職朕念其爲勳臣之後逾格加恩實冀其追思伊祖爲國家竭忠宣力繼述家聲豈料伊在江南任內居心詐僞辦事瞻徇吏治官方毫無整飭鹽梟巨盜縱令遠颺甚至奸宄不法之徒私相往來曲爲袒護情弊敗露朕猶諒其愚昧而保全之復用爲北河總督予以自新之路乃當伏汛危險之時袖手旁觀將國計民生視同膜外朕知其不可外用降旨切責撤回京師仍念范氏子孫見爲大員者甚少范時繹屢經獲罪之後定感朕三宥之恩痛自奮勵以圖後效因仍用爲工部尚書兼管兵部事務今復將一切部務巧於推諉玩愒性成全不實心效力是朕屢加特恩而不知感恩屢獲重罪而不知愧誠可謂下愚不移非尋常疏忽之咎可比范時繹著革職

五一九



書職任以為負恩溺職者戒○戊寅大學士等議准杭州副都統隆昇奏浙江海塘工程奉旨命臣總理查得河莊等山之東首舊有南港河一道舟楫可通今西首沙淤者僅一十五里挑挖甚易所費亦輕應募夫施工開挖從之○兵部議准雲貴廣西總督尹繼善奏黔省九股新關苗疆善後事宜八款一、台拱舊營地基窄狹請改建於歐家寨地方以收形勢之勝一、九股地方邊關前議駐兵一千尚覺單弱請再添兵二千將台拱營改為一鎮移清江鎮總兵官駐紮置中左右三營設遊擊三守備三千總六把總十二酌量分駐下乘稿貢等處以通鎮遠聲勢清江改為一協設副將一統率原設左右兩營官兵一、台拱既設鎮請將清江同知移駐其地清江既議改協請於鎮遠府添設理苗通判一駐紮清江撫戢苗夷其天柱縣縣丞應裁添設施秉縣主簿一分駐台拱

東華錄 雍正二十四年 七

以備同知任使一、台拱糧運緊要查歐家寨前有河一道可以直通下乘請確估疏濬以利輓輸一、台拱增駐之兵若新募充補技藝生疏請於各鎮協營兵內擇其精壯熟練者抽撥充補以資緩急一、從前焚剿各寨不無逃匿山箐之人請將見在拋荒之田徧行曉諭令復故業一、九股地方雖增設官弁多方化導猝難收效請將苗疆界址清查於舊有頭目內擇其良善老成者按寨大小酌定鄉約保長甲長令其管約稽查一、古州清江地界相連中多險要應於適中朗洞地方分設塘汛並令文武官弁巡行化誨從之○吏部右侍郎史在甲以病乞休允之○壬午調葛森為刑部右侍郎以官保為盛京戶部侍郎署太僕寺卿○癸未 上親耕藉田

○甲申刑部議奏參革河南學臣俞鴻圖受賄營私應擬斬立決得旨俞鴻圖著即處斬學政科場乃國家興賢育才之要政關繫

重大十餘年來各省試官不聞有婪贓敗檢之劣蹟朕心頗喜以為試事漸次肅清今觀俞鴻圖贓私累萬則各省學政之果否激清朕皆不敢深信矣蓋學政與督撫同在一省學政之優劣督撫未有不深知者止因督撫有所請託分潤代為隱瞞朕復何從而知之嗣後各省若有考試不公徇情納賄者經朕訪聞除將學政從重治罪外該督撫亦必按照溺職例嚴加處分○賑濟江西新淦等五縣水災饑民○戊戌以徐本為工部尚書由左都御史選○刑部議奏參革河南學政俞鴻圖婪贓累萬伊父戶部侍郎俞兆晟平日不能教子及家人曹楷來往京中會銀而俞兆晟憤然罔覺應降二級調用得旨俞兆晟向來品行不端與李維鈞結為姻親又依附年羹堯門下皆朕所深知者因伊痛自悔過辦事尚有才幹用至戶部侍郎自怡賢親王仙逝復萌故智弊端種種將王數年

東華錄 雍正二十四年 八

苦心整理之成規任意更張甚屬可惡今伊子俞鴻圖納賄婪贓紊亂學政非尋常私弊可比伊有此逆子豈真一無見聞而欲脫然事外乎刑部審理時止引失察家人子弟之條希冀從輕完結大徇情面著將刑部堂官交都察院嚴察俞兆晟著革職令刑部秉公嚴審定擬儻仍瞻顧徇隱朕必親審以明此案將承審官自有另行處治之道○己亥定八旗副參領俱為正四品○以岱奇為內閣學士內閣學士○雲貴廣西總督尹繼善奏官兵進剿普斯逆夷大捷情形諭普思一帶土賊猖狂皆前歲漏網之賊首自號神仙迫脅夷民煽惑滋擾今總督尹繼善檄飭各路將弁周儀等剋期進剿擒斬首惡神仙喃奔等二百餘名招出投誠夷民八千餘名尚有賊首召補達等三名及其餘黨竄匿未獲攸樂思茅一帶悉已蕩平尹繼善悉心調度俱屬妥協自應乘此軍威將首惡



盡掃以期一勞永逸至擒獲賊首當卽行正法其眷屬卽行分賞  
投誠之眾急宜撫綏脅從之徒量加懲治凡事每懈於垂成忽於  
既定尹繼善甫制滇南雖心力俱強而威信未立此舉實關全省  
籌畫非僅爲元新普思計也可傳諭尹繼善知之○河東總督王  
士俊奏原任河道總督陳鵬年清勤任事於豫省河務著有成勞  
請入豫省賢良祠以申報享從之○庚子辦理軍機大臣等議奏  
喀爾喀公葛木丕爾於上年冬月嚴寒之時率領官兵過阿爾泰  
山嶺開通雪路百餘里深入賊境直抵察罕胡濟爾等處賊眾驚  
潰拋棄輜重四路奔逸當經擒獲賊夷男婦人口及馬匹牲畜等  
物因賊既遠遁振旅還師甚屬效力應行文定邊大將軍平郡王  
副將軍額駙策凌將葛木丕爾等功績註冊議敘從之○命覺羅  
佛凝我不必在內閣學士內行走○添設廣東龍川縣老隆司巡  
東華錄 雍正二十四 九

田民如出洞催令起程民如自知眾怨親離投緞自縊按其情罪  
未足蔽辜伊子弟俱非善類難以承襲請將容美司改土歸流俾  
土眾早登衽席應將田民如原領敕書印信號紙繳部查銷其一  
切善後事宜應令該督妥協辦理從之○乙卯諭內閣朕御極以  
來於滿洲人材廣開登進之路冀收得人之效是以雍正元年定  
有滿洲亦准考試武場之例今思滿洲弓馬技勇遠勝漢人將來  
行之日久必致科場前列悉爲滿洲文藝不及漢人又恐考試內  
場時不免有傳遞代作等弊於作養人材之道未有裨益著行停  
止○兵部議准山西巡撫覺羅石麟奏山西新平得勝等路邊外  
地廣民稠實屬緊要請於高廟子地方設衛守備一衙門口地方  
設衛千總一歸朔平府轄赤不漢契地方設衛守備一後營子地  
方設衛千總一歸朔平府轄從之尋定高廟子新設衛曰豐州衛  
東華錄 雍正二十四 十



者十月一百者一年若犯徒流者均照八旗人等折柳號日期分別拘禁柳號二十日者在宗人府拘禁四十日二十五日者拘禁五十日三十日者拘禁六十日三十五日者拘禁七十日四十日者拘禁八十日其犯軍流等罪者悉照旗人軍流應折柳號日期在宗人府鎖禁統俟滿日釋放以抵其罪從之○戊午諭吏部各省卓異人員俱有見任地方之責每當大計之年理應先行具本候旨敕交部院查議其與例相符應准卓異者奏聞令其進京引見如與例不符不准卓異者候朕酌量應令引見與否再降諭旨著為定例○改山東曹東道為管河道專管通省黃運兩河事務所屬曹州改歸兗莒沂道轄東平州改歸濟東道轄○甲子諭內閣各省府廳州縣俱有地方民社刑名錢穀之責不應無故赴省謁見上司擅離職守是以律例定有處分朕復屢加訓飭通行禁

東華錄

雍正二十四

十一

約聞近年以來此習尙未盡除良由庸陋屬員以奔競趨承為務往往借稱公事逗留省會冀博上憲之歡心而無識之督撫亦或習而不察不知已蹈曠官之咎地方事務有應調取屬員赴省辦理者該督撫自有酌量若本官任內之事必應面見督撫口稟者本不常有其他或用文書稟帖皆可通達事情候批指示何必遠離職守僕僕道途以致公事廢弛詞訟淹滯至於賀節祝壽尤屬有損無益之虛文若該督以此相尙俾屬員等爭先恐後則其人

之識見可知又何能勝督撫之任耶著再行曉諭儻有仍蹈前轍者經朕訪聞將屬官上司一併嚴加議處○李玉鉉年老休致以張廷枚為福建按察使由糧道遷○增江南通州州同一駐河基鎮改崇明縣大安司巡檢為三角等九沙巡檢隸通州轉移狼山鎮右營千總一駐官河○乙丑命康良親王傑書子輔國將軍巴爾圖

襲封和碩康親王封故康親王崇安子永恩為貝勒○丁卯以孔毓璞為左都御史由吏部侍郎遷○常有緣事降調以傅德為工部右侍郎由內閣學士遷○庚午諭大學士等朕於一切器具但取樸素適用不向華麗工巧屢降諭旨甚明前廣東曾進象牙席朕甚不取以為不過偶然之進獻未降諭旨切戒今則獻者日多大非朕意夫以象牙編織為器或如團扇之類其體尙小今製為坐席則取材甚多倍費人工開奢靡之端矣著傳諭廣東督撫若廣東工匠為此則禁其毋得再製若從海洋而來從此屏棄勿買則製造之風自然止息○以宋筠為奉天府尹調刁承祖為江西布政使以張若震為浙江布政使由鹽驛道遷○辛未准噶爾勞章伊特根兒袞楚克等率屬百餘口來降○癸酉諭內閣五城司坊等官各有管轄之地越界舉人固不免滋擾然路遇關隘酒拐騙嚇詐之徒若

東華錄

雍正二十四

十一

因地非管轄遂置而不問以致逃遁無蹤亦非稽查整飭之道似應不論何地皆准其拘執移送該城司坊官廳詳該御史審訊發落至曖昧隱僻不法等事雖訪問的確猶非刻不可緩則准其密詳該城御史查拏並密詳本城御史存案如此庶無推諉亦不至攬越應如何定例飭行之處著九卿議奏○以甘汝來為禮部右侍郎張渠為廣東布政使調耿麟奇為廣東按察使以黃士傑為廣西按察使由雲南池道遷○甲戌歸化城都統丹晉奏吳喇忒鎮國公達爾瑪機里第等屬下游牧地方去冬雪大風寒人畜傷損蒙皇上遣理藩院郎中文保等按戶賑濟查明大小共一萬五千三百八十五口賑濟六月共米七千二百四十五石一斗各扎薩克親身分散貧窮蒙古共沐 皇恩謹造清冊送部查覈下部知之五月己卯兵部議准湖廣總督邁柱奏湖北施南宣撫司覃禹鼎



與容美土司田民如翁婿濟惡姦貪殘暴在施南銅鼓山私開路徑直抵容美派夫運米私藏礙位今容美土民能明大義將覃禹鼎及施南司印信一併押解到臣理合請旨革職嚴審明正其罪又據施南土民周一昌覃祈德等向化輸誠呈請改土歸流急救倒懸請分設文武官弁以資彈壓應將施南宜撫司准其改土歸流一切善後事宜妥協辦理從之○辛巳諭大學士等彭維新受朕深恩不次擢用爲戶部尚書且令辦事內閣數年以來所以委任優待之者至深至厚伊苟有人心必無忍於背負之理況伊歷任辦事庸碌朕誤視爲過於拘謹限於才力種種姑容今在戶部衙門輒敢徇情作弊植黨營私將怡賢親王殫忠竭力多年經畫之良規任意更張甚屬可惡今刑部審訊此案竟敢懷挾私心公然在朕前巧於舞弊將應行詰問根究之處一槩蒙混開除而反東華錄 雍正二十四 三

撥兵四十名駐防新堡再調千總一員兵五十名駐紮柔遠堡專司巡察以實邊防從之○丁亥以呂耀曾爲吏部右侍郎由副都御史遷○己丑移四川成都府水利同知駐灌縣○辛卯吏部等衙門議准福建總督郝玉麟奏酌覈海疆情形增改府州縣治事宜一福甯地當衝要崇山峻嶺向設直隸州不足以資彈壓請改爲福甯府設知府一通判一府司獄兼管經歷事一府教授一並置附郭一縣設知縣一訓導典史各一同原轄之福安甯德並改建甯甯所轄之壽甯縣統歸福甯府轄一福州府屬之古田縣地方寥廓錢糧積欠難清內有雙溪地方水土平行可以建築城垣衙署請分古田地增置一縣設知縣一典史一訓導一仍隸福州府轄一泉州漳州二府俗悍民刁地方太廣請各設直隸州分理泉屬之永春縣改爲直隸永春州隸以德化大田二縣漳屬之龍巖縣改東華錄 雍正二十四 四



事但覺可恥更有何榮朕之提撕儆覺已至再三而庸愚之人向未醒悟今特再行宣諭該都統等務須諄切化導並不時稽察俾八旗人等遵照所頒定例實力奉行毋得陽奉陰違負朕崇儉黜奢維風訓俗之至意○實授趙弘恩兩江總督○以德齡協同劉於義辦西路軍需楊毓署湖北巡撫程仁圻署陝西西安布政使河東鹽運使○乙未諭辦理軍機大臣等今年進兵之事兩路將軍大臣等所議互異強行進兵賊人豫知將那移駐牧先為躲避則我軍徒勞而無所獲勢必復回此事尚無完日朕意今年停止進兵遣使前往宣示利害賊果知懼求和即行定議完結賊若游移推諉則此際豫行整備明年大兵即行進剿著額駙策凌署大將軍查郎阿俱來京公同詳議確定於事方為有濟今年既暫停進兵可令大兵在科布多相近處擇形勢之地分駐牧馬一應汛哨卡

東華錄

雍正二十四

五

倫嚴行防備○丁酉諭辦理軍機大臣等北路副將軍額駙策凌侍郎傅爾學士阿克敦原任侍郎眾佛保西路署大將軍查郎阿俱著馳驛作速來京著大將軍平郡王帶領傅爾丹暫駐科布多處總統弁兵辦事平郡王未到之先著塔爾岱常德等暫行辦理其由烏里雅蘇臺軍營接運糧餉撥送馬匹等事著交明薩穆哈欽拜等令薩穆哈欽拜錫保協辦聽大將軍平郡王指示而行查郎阿西路軍營一應事務著張廣泗辦理○己亥以楊應琚署陝西甘肅布政使由西甯道署○辛丑刑部議覆福建巡撫趙國麟奏武平縣民藍厚正因胞兄藍元正欲占其田毆打殞命應擬斬立決但其母年老家無次丁藍元正一子年方七歲又有廢疾藍厚正應否准其留養恭候 欽定得旨朕因近日刑部法司辦理刑名案件輕重失倫者甚多因將此本發與九卿詳悉閱看令其

各抒己見於朕前面奏以觀其識見便於教導今日戶部尚書慶復等十七人奏稱弟毆胞兄至死法無可貸刑部尚書福敏張照侍郎王國棟等十二人奏稱藍厚正之母戴氏年逾七十一孫幼穉厚正之罪可以從寬等語朕思人心風俗之本莫重於倫常夫以田土細事而毆胞兄至死實屬人倫之變若因母老而曲從寬宥則凡凶惡之人父母年高兄弟單少者皆得肆行無忌並可置倫常於不問有是理乎此等兇暴之徒枉法容留但足為人心風俗之害尚望其孝養伊母撫乃兄之幼子俾其成立耶福敏張照王國棟乃專掌刑名之大臣而識見卑庸糊塗姑息至於如此不可不加懲儆著交部嚴察藍厚正照例即行處斬○癸卯吏部議覆左副都御史鄂爾賽奏六科給事中員缺從前滿漢俱有以員外郎升用者今漢給事中缺出例由漢御史轉用其滿給事中請

東華錄

雍正二十四

五

照漢給事中之例亦俱以御史轉補從之○甲辰辦理軍機大臣等議覆四川總督黃廷桂巡撫鄂昌奏西陽宣慰土司冉元齡年老患病以庶出第三子冉廣烜捏報嫡長子請襲以代理司事冉廣烜加派貪婪姦惡殘暴以致族目人等情急疊控俱願改歸內地眾口同聲斷難姑容查西陽司屬地方與楚秦接壤風俗情形與內地無異土民等苦其虐累久已離心請改土歸流以順民情應如所請將該地方歸入內地設官經理今黃廷桂等以冉廣烜貪虐各款具本參究再西陽司附近東南一隅尚有石耶邑梅地壩平茶四小土司久欲內屬並應乘機改流以收全局一切事宜令黃廷桂鄂昌妥協辦理從之

六月丙午以邵基為左副都御史由會都御史遷○丁未湖廣總督邁柱奏忠尚宣撫司田光祖等十五土司齊集省城呈懇歸流因見承



順保靖桑植諸處改土以來土民安輯各得其所今土眾等既不  
甘土弁之魚肉而土弁又不能仍前彈壓是以激切呈請歸流黨  
蒙俞允將各土弁分發各營給以外委千把總銜令其食糧以終  
餘年則土司官民各遂其生矣得旨忠尚等十五土司望風歸鄉  
願入版圖朕俯念輿情准其改流其一切善後事宜著總督邁柱  
詳籌定議○改福建順昌縣仁壽巡檢為縣丞南安縣大盈驛仙  
遊縣楓亭驛甯化縣石牛驛驛丞俱為巡檢仍管驛務增永春縣  
黃坂古格地方仙遊縣興泰里巡檢各一○辛亥諭吏部兵部近  
來外省不應題補之缺督撫提臣等悉遞行題補較前過多在部  
候缺之人未免銓補壅滯嗣後若實因地方緊要必須熟諳風土  
之員不得不題補者著於本內聲明亦止可將見任簡僻地方之  
員調補所遺之缺仍歸部選內外銓用方各得其平○移四川保

東華錄

雍正二十四

七

甯府同知駐南部縣給鹽茶同知關防○壬子改福建糧道為分  
巡糧驛道鹽驛道為鹽法道專管鹽政兼理福廠船工○甲寅諭  
內閣從前拏獲賭具議敘從優者原為力禁地方賭風起見儻該  
員等但察究數案為幸叨議敘之舉其餘仍怠於稽查是徒邀恩  
一時而於地方賭風終未禁絕嗣後大小官員等所屬地方有賭  
博失於覺察者除照例議處外將從前拏獲賭具議敘之加級紀  
錄俱著銷去永著為例○命湖廣四川督撫設立三峽等處救生  
船隻○丙辰移廣東新會營守備駐新甯縣城改增城右營原設  
把總為千總外委把總為外委千總並增外委千總一○丁巳吏  
部議准河東總督王士俊奏衛輝府管河通判經管河工又兼鹽  
糧捕務勢難兼顧應將見任通判令其專管河務添設通判一經  
理鹽糧捕務河南糧道經收錢糧統計三十餘萬應設庫大使一

照浙江糧道庫大使之例歸開封府經歷就近兼管南陽府南陽  
縣汝甯府汝陽縣俱附郭首邑地方遼闊各請添設縣丞靈寶縣  
兼管巡檢職銜以司緝捕滑縣老岸鎮汝陽縣廟灣鎮池縣硤  
石驛固始縣往流集各請設巡檢一從之○戊午復置河南南陽  
府南召縣設知縣一典史一撥南陽縣訓導一管理學務移見駐  
南召通判仍回南陽府○癸亥吏部議准河東總督王士俊奏濟  
南為山左首郡舊定地制疆域井然自分設直隸高唐泰安二州  
形勢不聯難資控馭應將高唐州所屬禹城平原陵縣臨邑等四  
縣及泰安州所屬之長清縣仍歸濟南府轄其高唐州無庸更設  
直隸州仍歸屬東昌府至肥城一縣應歸泰安州轄再武定州控  
制海疆為全省北門鎖鑰州牧一官實難兼顧請將武定州升為

東華錄

雍正二十四

六

武定府附郭添設一縣同原屬之陽信海豐樂陵三縣管轄外再  
以濱州蒲臺霑化利津四州縣及濟南府屬之青城商河二縣統  
歸武定管轄共計一州九縣成一府治設知府一同知一經歷司  
獄各一教授一附郭首邑添設知縣一典史一武定州原設之訓  
導改縣學至樂陵縣舊縣鎮巡檢同駐縣城閒冗可裁從之尋定  
武定新設附郭縣曰惠民○辛未吏部議准禮部尚書三泰奏中  
書科例設滿洲中書舍人一漢中書舍人八筆帖式十二甚屬事  
簡請照行人司分派禮部辦事之例止留滿漢中書各一筆帖式  
二在本科辦事其餘中書七筆帖式十令其分派內閣行走與內  
閣中書一體分班辦事如遇草恩內外誥軸繁多仍回本科辦理  
從之○壬申添設奉天理事通判一其前為二員一駐奉天府蓋  
平縣分管海蓋復金四州縣一駐錦州府錦縣分管錦甯廣義四



州縣旗民官員有會審不公等事稽查揭報○是月免直隸薊州文安等州縣雍正十一年水災額賦有差

東華錄

雍正二十四

九

東華錄

雍正二十五

臣王先謙敬編

臣周瀚蕃恭校

秋七月甲戌朔以白鍾山為江南副總河調劉藩長為江蘇布政使以張廷枚為福建布政使莊令翼為福建按察使由廷建邵道遷○戊寅改湖南糧驛鹽道為糧道增驛鹽道一○丙戌調海壽為工部尚書憲德為刑部尚書○吏部議准河東總督王士俊奏東省青州府屬益都縣附郭繁劇請於該縣屬顏神鎮分置一縣設知縣一典史一改益都縣訓導為新縣訓導撥青州營把總一駐紮新縣其原駐顏神鎮通判一巡檢一俱裁從之定顏神鎮新分縣曰博山○丁亥命郝玉麟來京陛見以阿爾賽署福建總督由福州將軍署

○庚寅增京城巡捕三營千總七把總六移北營遊擊駐安定門外○辛卯吏部議准河東總督王士俊奏山東省改設府縣事宜一直隸沂州請升為沂州府裁知州州同學正吏目缺設知府一通判一教授一經歷一司獄一增置附郭一縣設知縣一縣丞一典史一以沂州舊設訓導為新縣訓導並原屬之郟城費縣暨直隸莒州與所屬沂水蒙陰日照三縣俱歸沂州府轄一沂州原屬之羅滕鎮巡檢一李家莊徐公店驛丞二請改歸新縣管轄從之尋定沂州府附郭縣曰蘭山○癸巳諭辦理軍機大臣等西北兩路用兵已經數年將士效力戎行久在邊外朕心深為不忍再四思維或應乘此兵力盛強直進賊境俾軍務早完以息將士或應遣使往彼諭以利害俾其醒悟二者未能遠定北路副將軍額駙策凌西路署大將軍查郎阿來京與辦理軍機之大臣悉心計議伊等意見亦不畫一朕思軍務關繫重大應博採眾論詳慎籌畫



著王公滿漢文武大臣公會議各行已見據實具奏○丙申增  
起居注衙門漢主事一○戊戌康親王巴爾圖等遵旨議奏準噶  
爾賊夷世濟其惡屢次興戎鳴爾丹策零狂悖兇頑較伊父策妄  
阿喇布坦爲更甚我 皇上爲安逸生靈計欲特賜包容遣使前  
往開陳利害但賊人狡詐性成恐難遽信目今兩路大兵駐紮邊  
境賊夷之地勢情形俱已深悉且糧糗馬駝軍裝器械無不豫備  
整齊宜乘此時於北路派兵三萬名西路派兵二萬名約會齊進  
併力殲除如賊果知畏懼悔禍祈恩我 皇上再寬其罪戾議定  
邊界似屬於事有益大學士張廷玉等遵旨議奏鳴爾丹策零擾  
害生靈早應遣發大兵立加屠滅惟是我 聖祖仁皇帝如天之  
仁於策妄阿喇布坦狂悖妄行猶復曲賜包容不加誅戮我 皇  
上以 聖祖之心爲心屢示恩諭俾息紛爭恐伊孟浪輕舉騷擾  
東華錄 雍正二十五 二  
蒙古是以駐兵邊地以爲防範仍諭兩路大將軍停止進剿仰見  
天心仁愛原非必欲毀其巢穴滅其醜類也今賊人自厄爾得  
尼招大敗之後勢窮力竭本年春間我兵從北路襲擊直越額爾  
齊斯賊夷驚惶不敢迎戰但罔識 聖心之寬大白以負罪深重  
不可復追因此迷而不悟日益冥頑若蒙特遣大臣前往曉以利  
害寬其已往之愆予以更新之路噶爾丹策零審度勢力實不能  
支諒必誠心悔過俯首求和若仍執迷不悟則是伊自速危亡再  
議征討更覺事易功倍矣得旨準噶爾一部落習尙貪殘世濟其  
惡策妄阿喇布坦狡獪非常當其跳梁之時我 皇考聖祖仁皇  
帝審觀形勢洞悉機宜會密諭曰彼地遼遠我往則我師徒勞彼  
來則彼師受困是以經理八九年惟令兩路將軍陳師邊境以待  
之卽將軍富甯安傅爾丹之屢次襲擊亦欲誘之使來便於邀擊

而賊究不至富甯安等亦未多獲而歸此當日之情形也及朕卽  
位之初籌畫邊事敬佩 皇考之明訓確知策妄阿喇布坦之奸  
頑持重不肯輕舉且以將弁兵丁等久役在外勤勞可念因將兩  
路兵馬撤回暫令休息中間緣清書疆界一事遣人曉諭再三朕  
則開誠布公彼則枝梧巧詐朕仍包容寬宥之未幾策妄阿喇布  
坦身故伊子噶爾丹策零繼領部落朕慮有侵擾眾蒙古之舉不  
得不豫爲防範又以其人孟浪無知剽輕任性必率賊眾冒昧前  
來是以仍於兩路駐紮大兵至於命將一事岳鍾琪久在西陲習  
於軍旅伊亦踴躍從事因命爲西路大將軍北路大將軍傅爾丹  
朕恐其才具不勝重任爰允廷臣之推舉並遣查弼納爲副將軍  
伊陞辭之時朕諄諄詳諭令部署完密度勢審機務策萬全實冀  
專閫之大臣戮力同心不負簡用也乃噶爾丹策零輕舉妄動果  
東華錄 雍正二十五 三  
不出朕之所料於雍正八年冬月發兵侵犯西路此正我師乘時  
擊賊之機會而岳鍾琪來京陛見請將大將軍印務交與紀成斌  
署理前此岳鍾琪身在軍營全無布置將駝馬牲畜十數萬置於  
賊人來路之旁供其掠取紀成斌庸懦不堪於賊人來犯之時畏  
縮驚惶一籌莫展致賊人得志而去次年賊以全力向我北路初  
北路領兵大臣與喀爾喀等皆懷賊人斷不敢來犯之心一切軍  
需又未豫爲完備傅爾丹查弼納等復誤聽俘虜誑言並不奏聞  
領兵輕進彼時朕卽向廷臣言之賊人恐有詭詐我師此進甚不  
妥協未幾奏至果墮術中雍正十年正月賊人僅以七千之眾來  
犯西路深入哈密塔爾沁地方此又易於大創之機會而岳鍾  
琪身處軍營調度乖舛坐令入網之獸復得駭逸此西路軍營人  
人切齒痛恨者於是賊志愈驕肆無忌憚傾其醜類以向北路越



過察罕與爾軍營直至厄爾得尼招地方副將軍額駙策凌等奮勇擊賊殲其精銳將及萬人餘賊喪膽乘夜遁逃經由札克拜達里克一帶此地朕豫設重兵萬有四千以遏賊歸路似此殘敗之賊誠如釜底遊魂但遣兵數千人遮擊便可使隻騎不返乃馬爾賽坐守空城一旅不發賊至不擊賊去不追俾餘孽猶存邊氛未息馬爾賽之罪誠擢髮難數也總之朕之籌畫於事先者雖未有爽而臣工之失機於臨事者則不一而足矣今賊人自厄爾得尼招大創之後畏我兵威遷徙遠去看此情形兩路軍務一時難以告竣特召兩路領兵將軍來京與辦理軍機之大臣悉心計議北路副將軍額駙策凌西路署大將軍查郎阿力主進剿朕以軍務關繫重大復令在朝王公滿漢文武大臣公同集議茲覽所奏意見亦不盡一據兩路將軍皆言兵力有餘士氣奮勇賊勢窮蹙人

東華錄

雍正二十五

四

心離散似此則遣兵進討未嘗不可但 皇考當年聖意與朕本心俱不欲勞師遠涉而駐兵防守邊界又未免時日耽延將士久勞朕心不忍朕意且遣使臣前往準噶爾面諭噶爾丹策零曉以利害示以寬大之恩旨開其迷誤從此畫清邊界彼此不得踰越著北路大將軍平郡王將進駐科布多之大兵仍撤回察罕與爾以釋賊人疑懼之心若噶爾丹策零聞朕諭旨果有悔心之萌一一遵行則兩路大兵俱可徐徐議撤儻仍執迷怙惡自取滅亡俟使臣回京之日別作計議○辛丑吏部等衙門議准河東總督王士俊奏河東總督衙門駐紮河南開封府與山東沿海地方相隔遙遠請移駐山東兗州府俟移駐後裁兗州總兵遊擊二缺設督標中軍副將一城守參將一改兗沂道爲兗沂曹道駐紮兗州以資承辦事件從之

八月丙午遣侍郎傅爾丹額外內閣學士阿克敦副都統羅密前往準噶爾諭台吉噶爾丹策零諭曰從前爾遣使特磊奏聞爾父亡故彼時朕即召入特磊面降諭旨詳加開導令將羅卜藏丹津送至越二三載並無回奏故於兩路駐兵防守邊界爾乃遣特磊奏稱已將羅卜藏丹津等送至途間聞有兵至故暫停解送特遣人懇求指示伏願廣興黃教愛惜生靈等語朕即遣使臣杭奕祿眾佛保同特磊前往巴爾庫爾軍營與爾商議諸事因朕躬違和故未將特磊召見令部臣傳旨遣回即有疑難不便之處亦當彼此遣使議和豈有輕動兵戈之理特磊乃卑賤之人未免捏詞告爾以圖債事爾若果無動兵之心爲生靈黃教起見則當向我國使臣懇切陳奏乃並未接見使臣猝然發兵侵我巴爾庫爾軍營搶去馬匹又發兵阿爾泰地方彼時我國將軍大臣未行請旨忽畧

東華錄

雍正二十五

五

輕動致爾得利未幾爾兵侵我卡倫我兵於蘇克阿爾達胡地方迎戰爾遂收兵退去次歲爾復協力來擾喀爾喀遊牧被我師輕騎掩殺戰於厄爾得尼招地方爾兵大敗今春我哨探兵丁至額爾齊斯地方時爾遊牧處人俱行遁匿烏魯木齊駐紮之人亦行移去我兩路將軍大臣即欲盡驅雄兵乘勢進剿朕悉諭令停止朕爲天下元后惟以好生爲本並無將準噶爾必行剿滅之意况得爾土地人民於我大國亦何補之有爾若執迷不息兵戈則我師更換駐防毫無缺乏之慮不過稍費糧餉耳但如此相持日久彼此皆勞非徒士卒苦累而馬匹牲畜亦多損傷是以朕心深爲惻然今特遣使臣侍郎傅爾丹學士阿克敦副都統羅密等前來宣諭朕意與爾商議愛惜生靈彼此罷兵之事若我大兵仍在爾遊牧近處駐紮恐爾心生疑貳今巴爾庫爾軍兵因使臣由彼處遣



往故暫令守候駐紮其北路已抵阿爾泰軍兵俱撤至察罕叟爾爾欲遵旨罷兵同享安逸即與遣往大臣明白定議朕已將一切事務面諭大臣爾宜詳思如誠心知過痛改前愆樂遵朕旨則朕將往事盡行寬宥斷不食言至於是非利害爾宜酌定欲搆兵欲止戈欲安逸眾庶欲殘害生靈亦惟爾擇而行之特諭○戊午諭內閣從來天人感應之理捷如影響朕自臨御以來每遇水旱災祲即恐懼儆思政事之闕失虔加省改不肯諉其過於臣民惟是上天之降災往往盡地分疆廣狹不一有鄰省俱獲豐登而一省獨遭荒歉者亦有通省皆收而一府一縣或一鄉一里獨罹災沴者此豈上天有所厚薄於其間哉或由彼地之文武官弁政令乖舛或由本鄉之人庶風俗澆漓其招致之由必非無故不可不敬懷天威上下各自省畏也即如雍正六年直隸通省地方收成

東華錄

雍正二十五

六

豐稔惟宣化府所屬之宣化懷來保安三州縣交界之處廣約四十里長約百里獨愆雨澤甚覺亢旱是年冬月他處皆得瑞雪而此地獨少此必地方文武大員不能妥協或無知愚民有干和氣之所致今年六月間又聞宣化地方苦旱七月杪又有被冰雹之處其大有如拳如雞子者田禾多被損傷朕思冰雹雖北方所時有而宣化鄉村被災獨甚為近來所罕見可見上天垂象屢屢示儆於宣化者顯然若彼地官民或視為氣數之適然而不知恐懼戰慄思過省愆是不知敬天畏天而為無忌憚之小人矣其何以感召天和享百室盈甯之慶乎著該部將朕此旨通行曉諭宣屬文武官員兵民著人人各自省疚共戴上天垂象示儆之意以迓將來時和年豐之福○增廣東平遠縣壩頭司巡檢一西甯縣懷鄉司巡檢夜護司巡檢各一裁都城司巡檢一○辛酉吏部議准

河東總督王士俊奏豫省府州縣改設分隸事宜一直隸陳州請升為陳州府直隸許州請升為許州府裁知州州判學正吏目等缺各設知府一通判一教授一司獄兼管經歷一增陳州府附郭一縣設知縣典史各一以陳州舊設訓導為新縣訓導並原屬之西華商水項城沈邱四縣暨開封府屬扶溝太康二縣俱隸陳州府轄增許州府附郭一縣設知縣典史各一以許州舊設訓導為新縣訓導並原屬之臨潁襄城郟城長葛四縣暨直隸禹州及所屬密縣新鄭二縣俱隸許州府轄一直隸鄭州並所屬滎澤滎陽汜水河陰四縣請改歸開封府轄河南府屬盧氏縣請改歸直隸陝州轄從之尋定陳州府附郭縣曰淮甯許州府附郭縣曰石梁○壬戌諭宗人府貝勒允禩人本庸愚性復懶惰朕從前加恩特封貝勒冀其知恩悛改奮勉向上以副朕期望之意豈料伊秉性

東華錄

雍正二十五

七

糊塗毫不知感上年派往祭陵伊行至通州稱病而回今年派出又託病不往甚屬無知著革去貝勒降為公爵以示儆戒引春向來為人尚屬小心勤謹所以屢加恩眷及封郡王之後肆口輕佻不顧行止迥異從前且所辦該旗事件種種舛錯著革去郡王仍為貝子管理鑾儀衛衙門事務○乙丑雲貴廣西總督尹繼善奏官兵進剿元江臨安普思一帶逆夷悉平○以覺羅柏修為內閣學士由御史選○辛未召王柔來京調寶啟瑛為湖北按察使以多綸為直隸按察使由御史選○增直隸薊州糧河通判清河道屬瀋龍河管河通判天津道屬三角淀管河通判各一祁州管河州同一蠡縣管河縣丞魏縣管河縣丞武清縣管河縣丞各一東鹿縣管河主簿東安縣管河主簿各一潮河外委把總白河外委把總永定河外委把總各一改鎮標安陵汛千總一兵五十三名歸河標



轄河標左營崔黃口汛右營西儀集汛把總二兵七十六名歸鎮標轄○壬申諭內閣謝昃本一司官之職朕因其有辦事諳練之名不次擢用至湖南河南藩臬兩司歷任上官皆言其優因簡用江西巡撫乃伊到任以來一切辦理及奏請事件瞻徇模稜虛偽不實是以降旨內用侍郎再加試看今據接任巡撫常安奏稱伊在江西任內吏治懈弛官糧逋欠營伍曠廢竊賊眾多種種玩愒之狀不可枚舉著革職○以顧祖鎮為內閣學士由詹事選○裁太常寺犧牲所滿所副一增設漢所牧一

九月乙亥諭刑部國家刑名最關緊要而九卿秋審定擬尤為讞獄大典各省撫臣所奏若輕重不同九卿當悉心斟酌務期畫一以成協中之治假使寬縱者仍其寬縱嚴刻者仍其嚴刻則各省刑名委之督撫更無餘事又何用廷臣之集議乎嗣後秋審案件東華錄 雍正二十五 八

若其中有應改而不改及不應改而妄改者經朕察出定將九卿從重議處若九卿及與議之官員等意見或有不同准兩議陳奏請旨定奪即眾人皆同而一人獨異者亦准陳奏○丁丑諭內閣各省所定府州縣衝繁疲難等缺多未確當著各該督撫再行詳細查明據實具題如具題之後將來接任督撫仍有題請更改者將原題草率之督撫交部議處其苗疆煙瘴邊遠等缺亦著一體分晰確當具奏如有疏忽亦照此議處○禮部議准江西布政使李蘭奏故唐御史中丞張巡見危授命保障江淮江西居民廟祀最盛捍禦鄱陽一湖屢昭顯應請加封賜祭從之尋封為鄱陽湖顯佑安瀾之神○戊寅兵部議准直隸總督李衛奏裁改官弁兵丁事宜一張家口協標請裁遊擊一左右營守備二千總五把總九改右營都司為左營中軍守備一改張家口協標參將為遊擊

增千總二把總三裁柴溝營參將一改柴溝營守備為都司一改龍門路遊擊為都司所轄趙川堡守備為千總添撥龍門路屬長安嶺把總一成長安嶺都司歸宣化鎮轄一改石匣營副將為提標前營遊擊裁守備一千總一把總三一裁順義營遊擊一撤原撥居庸路把總一歸本營改懷來路參將為都司懷來路中軍守備為懷來城守備一增岔道汛守備一永甯路千總一東馬營外委把總一一移石匣營守備一駐天津鎮添撥甯河縣把總一韓村外委把總一一改順德廣平兩營都司俱為遊擊各添撥千總一外委把總一杜勝營添撥千總一外委把總一移開州千總駐臨洛關添撥開州城守備一把總一高家鋪等集外委把總磁州彭城鎮外委把總各一一移易州馬水口外委把總一駐黃莊司紫荊關外委把總一駐奇峯口原設官莊嶺汛兵駐孔奇莊添設

東華錄 雍正二十五 九  
馬水口把總一涑水縣把總一一改河協城操營守備為景州營守備移城操營外委把總駐大龍灣南皮縣外委把總駐馮家口馮家口把總駐南皮縣一添撥馬水口營固城店把總一撤原撥高陽新安二縣之河協外委把總二回本營添撥高陽新安外委把總各一一添設張家口外太平莊把總一黑河川千總一一宣化府屬之沙城延慶州屬之永甯城並古北口城內各增巡檢一從之○辛巳吏部議准宗人府府丞張國棟奏賢良方正出身人員原因行止端方才品素著始應保薦得官之後除因公誣誤仍照定例議處外如犯貪酷不法等案應分別加倍治罪至原保舉之州縣道府及不能查出之督撫等亦請分別加等議處從之○甲申遣吏部侍郎呂耀曾大理寺卿德福往貴州宣諭古州等處苗蠻人等諭曰朕為天下生民主撫御萬方凡有血氣皆吾赤子



莫不望其遂生復性以同受朝廷之德化是以各省苗獠獯種類雖殊皆漸次經理化其頑梗期其善良况爾古州等苗人尤非僻處窮邊者可比地界在黔粵兩省之中與內地人民土壤交錯乃從前惡習相沿罔知法度恃其險阻出沒無常擾害居民邀截行旅且即同類之中自相仇殺報復相尋以強陵弱以眾欺寡視劫奪為固然等人命如草芥此等殘忍之風朕實深為憫惻故於數年前命封疆大臣等經理化導其怙惡抗拒者不得不懲以兵威而革面革心者悉加意撫綏俾遊樂土今苗疆諸事就緒凡爾苗眾皆為服教向化之良民矣不但朕民胞物與一視同仁之懷於焉大慰即爾苗眾亦當知去危苦而就安全離湯火而登衽席豈非爾古州等處從來未有之美俗乎如果自茲以往戕賊之念不萌頑梗之心不作安居樂業守法奉公樸者優游於耕鑿秀者東華錄 雍正二十五

沐浴於詩書爾等苗眾與土著之民一同上進且使爾子子孫孫服疇食德永受國家教養之福豈不善歟今因苗疆奠定特遣大臣會同該省文武大員親歷古州等處宣朕諭旨並賞賚爾等苗眾其仰體朕心祇遵朕訓父教其子兄勉其弟族黨親朋互相勸勵共敦善俗永息刁風以副朕育正羣生之至意○改順天府北城黃土司巡檢為清河巡檢駐清河○戊子諭內閣各省生童往往因與地方有司爭競齟齬相率罷考此風最為惡劣士為四民之首讀書明理尤當祇遵法度恪守憲章化氣質之偏祛黷陵之習况國家之設考試原以優待士子予以上進之階凡此生童不知感戴國恩鼓舞奮勉而乃以私忿罷考為脅制官長之計有是理乎嗣後如果該地方官有不公不法陵辱士子等情許生童等赴該上司衙門控告秉公剖斷儻不行控告而邀約罷考者即停

其考試若合邑合學俱罷考即全停考試該部妥議通行○辛卯諭內閣嗣後凡繕寫諭旨進呈時將硃筆更改者甚多並著各處查出謄寫與硃筆所改之旨一併呈覽○海壽緣事解任以刑部尚書憲德兼理工部尚書事○壬辰西路副將軍張廣泗等奏本年九月初四日吳爾圖水有賊數百人夥聚藏匿臣即飛飭副都統班第達什原任總兵張元佐遊擊郎建業於初五日五鼓齊赴喀桃以南蘆草溝一帶復飛飭固原提督樊廷帶兵赴謙泉子地方分路搜剿果於喀桃遇見賊夷潛伏我兵奪據山梁衝入賊隊連敗賊眾越過噶順直抵鄂龍吉大坂計斬賊四百餘人生擒三十六人身負重傷者甚眾所獲馬匹器械口糧等物無算追殺一百七十里餘賊遠遁得旨張廣泗調度分遣悉協機宜在事將弁兵丁等俱各奮勇直前得獲全勝甚屬可嘉著從優議敘賞賚東華錄 雍正二十五

署大將軍查郎阿雖奉調來京然自統兵以來與張廣泗同心協力整飭戎行鼓勵士氣此番克捷亦由查郎阿平日訓練整頓之所致著一併交部從優議敘○癸巳諭刑部爾等職司邦禁弼教明刑惟一秉至公庶幾大小獄訟歸於平允夫胸中不存一物但存一片公心猶恐人之情偽難窮未必事事協於至是何况先存一從寬從嚴之見橫據胸中以待事至是則纖塵著眼泰山在前而不能視豈能得其實情又况挾私徇情顛倒是非乎至於用刑不可視為習慣人情乍見則心怵目驚相習則安之若素朕在藩邸時奉 聖祖仁皇帝諭旨審理事件初見夾訊竟至戰慄悲涕迨經數次辦理之後便視為尋常人情熟習薰染之為害如此爾等日日習見未免臨事輕率務須保守此心常如初見之忱惕更須將面前聽訊之人之心詳細體量委曲推求則不特不敢輕易



用刑且心誠求之何患情實之不得夫事之情形不一如人之面目不同雖極相似之案件若細心推求必有不同之處非律例之所能該縱使加倍增添律例亦斷不能全該未來之案件若非實心辦理秉公衡量其輕重之間豈能無失爾等如肯以至公之心求其平允則刑貪戮暴正所以為集福之基如其寬嚴任意輕重失衡或且以婦寺之仁曲貸姦宄之命以為求福之道斯則自求其禍有何福之可得朕於此理見之甚明爾等深信力行自有有效驗勉之慎之又諭朕每閱讞至罪重惡極人犯雖情理可惡必平心靜氣將伊致罪情由詳加審度苟有一稜可生之路必為之細細推求求其生而不得方置之於法不敢因一時之見而失於嚴至情似可原者朕推情度理必其實有可原然後加以矜恤亦不敢任一時之見而失於寬爾等刑憲大臣尤須詳體此意於讞獄

東華錄

雍正二十五

三

時必設身處地詳慎推求以期允當一案有一案之委曲一犯有一犯之情罪不可有意於寬亦不可有意於嚴大凡人之處事始而矜持久則漸熟未必不輕忽任意若於用刑之時能常存初任刑憲之心庶刑獄得其平而天下無冤民矣○調楊超會為刑部額外侍郎呂耀會為倉場侍郎由吏部右侍郎調○福建總督郝玉麟奏臺灣府彰化縣沙里興社生番內附○乙未命雲南廣西省開鑪鼓鑄○丙申改廣西貴縣辛安寨巡檢為五山汛巡檢陸村移平南縣大同鄉巡檢駐大烏墟裁武宣縣安永巡檢一移原駐武宣縣城之縣郭鎮巡檢駐縣郭冬十月丙午果親王九禮奏凡臣工條奏理宜據實敷陳不當相為授受及摭拾已行之事希圖塞責嗣後係細微之事本部院大臣即酌定辦理如該員不行呈明酌定而率為條奏者交部分別

察議儻已經呈明而該大臣不行的酌定仍准其聲明條奏若事果應行將該大臣議處至羣相參酌摭拾舊事混行瀆奏者從重治罪得旨果親王所奏是著交該部照所奏行並通行曉諭輪班條奏之大臣官員知之○丁未命陝西督撫確查州縣歉收之處奏請蠲賑○韓光基緣事革職以顧祖鎮為工部左侍郎由內閣學士遷○吏部議准直隸總督李衛奏熱河入溝地方各該管官事宜一熱河地方既設承德州知州一員應令原設同知通判專管旗人之事該知州專管民事一口外幅員甚廣凡遇盜案請令該汛武職會同文員協力緝捕一熱河監獄請專歸承德州管理並添設吏目一員以資督捕一入溝同知原為專管三處喀喇沁民事務而設若仍令承德州兼理恐有彼此推諉情弊應將該地方民人命盜案件命該同知自行驗審如有關涉蒙古之事令會同值年

東華錄

雍正二十五

三

章京驗審一入旗既駐有專官應將熱河東河通判所管之八溝東街等處歸於該同知章京管轄一入溝同知所司會審案件應與章京並列官銜用同知關防徑行詳解達部無庸向喀喇沁各王子處用印一命盜等案民人事件關涉蒙古者該章京行令扎薩克等交與所轄地方查緝解送一入溝東街向有與熱河通判協辦之守備千總各一員應撥與八溝同知就近協辦巡查並請照通判衙門之例添設巡檢一員一入溝同知承德州知州請仍隸霸昌道管轄並照邊缺之例三年無過即行升用一熱河理事同知通判等所管巨細案件向例俱應先報內部定擬人犯由古北口提督轉解與內地州縣不同今既設立知州同知等官請嗣後除在外法司難以定案者仍會審徑行解部外一切旗民命盜照例申解該上司審擬具題一入溝地方遼闊該同知駐紮之處



請酌量添設遞馬五匹捕役八名以供差遣從之○禮部議准署湖南巡撫鍾保奏永順自設府分縣以來人文日盛請於永順府城內建立考棚設教授一所屬永順龍山保靖桑植等四縣各設訓導一再永順縣向有永定衛歸併戶口桑植向有慈利縣歸併戶口俱附澧州考試今永順既設考棚自應各歸本籍從之○己酉諭大學士等朕思欲小民各得其所亦非必不可得之事如內外大小各官果皆知為臣不易之道實心實力教養斯民雖不能風移俗易亦可使之安居樂業若以小民犯法為伊自作自與已毫無干涉是視斯民之痛癢漠不關心矣夫州縣不特為民之父母亦民之師長也須刻刻提撕教誨不啻訓課蒙童與之講解自然漸漸明曉常見有諄諄與一人言而旁聽者竟能領會故知教導之法貴優游漸漬非偶然宣講上諭便可謂教民也即如招

東華錄

雍正二十五

志

冊內案件俱係為上者不能教養所致而不肖有司尚敢營私壞法納賄徇情朕不知伊等實具何等肺腸天下上智之人不教而善者不可多得下愚不移者亦少惟中材之人最多全賴有司善為訓迪見良善者扶持之兇暴者懲治之使百姓曉然於良善之必獲福兇暴之必取禍則誰不勉為良善之徒乎○諭鬼神之道實為體物不遺古聖賢云無愧衾影蓋實見得隨處有神明所以如此戒謹耳惟信以為有而時時誠敬厥後必然受福若以為無而事事怠慢厥後必然受禍理有一定毫髮不爽也○命尚書三泰徐本俱協辦內閣大學士事○庚戌王國棟緣事革職以楊超曾為刑部右侍郎額外○壬子賑直隸霸州固安等十七州縣被水饑民○癸丑命江蘇截留漕糧二十萬石於被水州縣平糶並於冬春之際發倉散賑○諭原任大學士田從典品行端直老成

東華錄 雍正二一五

謹厚居官廉潔奉國公忠應入賢良祠以風有位著九卿會議具奏尋議照例入祠立傳再於其家賜祭一壇從之○戊午諭內閣向以浙江吏治營伍俱須整理而浙閩總督駐紮閩省未免隔越是以特授李衛為浙江總督兼管巡撫事務此係因時制宜隨才任使一時變通之政並未永著為例也今浙江事務經李衛辦理以來已漸整頓而程元章又以伊之才力難兼總督巡撫鹽政三重任恐致曠誤為辭近郝玉麟來京陛見朕看其才具精神足以貫注兩省著仍照舊例授郝玉麟為浙閩總督程元章以總督銜專管浙江巡撫並兩浙鹽政事務又從前降旨將廣西一省暫隸雲貴總督管轄者因廣西與貴州接壤俱有苗疆應辦事務若非該總督總統節制恐文武官弁呼應不靈今苗疆用兵事竣諸事就緒年來內外臣工俱奏稱廣西距雲南路遠廣東路近不若就

東華錄

雍正二十五

志

近為妥便等語滇黔兩粵情形本是如此即朕初意亦不過俟苗疆事竣仍行照舊非謂尹繼善不能兼管三省而前後互異也其應否仍隸廣東之處著九卿會議具奏○己未諭內閣向因倉場米石關繫緊要在京十倉每倉或都統或副都統各派一員御史各派一員專任稽察之責於倉場不無裨益但從前未定更換之期見在各員中有歷至三四年者朕思日久因循易生怠惰且恐偶有疏虞該員慮干失察因而掩飾彌縫亦未可定著定為三年更換之例屆期各倉一同更換若有接任之員未滿三年即屆更換之期者亦一體更換庶稽察嚴密而瞻顧之弊可免該部即遵諭行○諭原任大學士高其位端方廉潔忠厚和平簡任綸扉壽登大耋應入賢良祠以旌耆舊著九卿會議具奏尋議照例入祠立傳再於其家賜祭一壇從之○以巴泰為工部尚書原任工部右侍郎

五三三



○調喬世臣為工部右侍郎以王紘為刑部左侍郎調趙國麟為安徽巡撫以盧焯為福建巡撫由河南布政使遷○甲子以廟宗萬為內閣學士由鴻臚寺卿遷○丙寅諭內閣四川夔州稅務向因未定章程從京師派員前往監督數年以來章程漸定不須特遣官員著照舊例仍交地方大臣委員管理○給事中黃佑奏請將國朝臣工文詩賦頌派員遴選刊布直省得旨著內閣禮部翰林院等衙門議奏尋議我國家文運昌隆超越前代 聖祖仁皇帝御製文集精微廣大燦若日星我 皇上聖學高深文明光被宸章奎藻炳蔚古今凡在珥筆諸臣廣揚盛烈歌詠昇平或朝章國典譜以聲詩或上瑞嘉符形於雅頌以至應制紀恩詞林館課誠宜搜輯薈萃刊刻頒行俾海內士子有所程式再查康熙四十八年大學士陳廷敬等編集 皇清文穎一部業經進呈因選擇尚未精當是東華錄 雍正二十五 六

以未行頒發今請將原本交發翰林院派員遴選謹將 聖祖文集選錄冠於卷首並懇 皇上頒發御製詩文敬謹編入垂示萬世至諸臣所作除將文穎所選者詳慎刪錄外其嗣後廷臣進呈詩頌等冊一併發出彙選務取音律和平詞義正大者陸續編次進呈俟書成之日刊刻頒行從之○己巳景陵寶城山瑞芝生十一月壬申朔諭內務府大阿哥允禔薨逝著照貝子之例辦理○癸酉諭宗人府大阿哥允禔之子弘昉著封為鎮國公○加原任工部右侍郎年希堯左都御史銜○甲戌以劉章為河南布政使楊宏緒為浙江按察使由福建鹽道遷○丙子諭內閣四川布政使劉應鼎朕原不知其人因伊在四川建昌道任內稱譽者甚多是以就近歷任至布政使亦駕輕就熟之意數年以來朕觀其屢次奏摺並無實心實政有裨地方之處心亦疑之今據總督黃廷桂參

奏頗有貪利營私種種劣蹟劉應鼎深負任用著解任交與總督審擬四川布政使員缺著湖北按察使寶啟瑛補授湖北按察使員缺著河南管河道白映棠補授○以邵基為吏部右侍郎由御史○壬午諭內閣朕聞閩省漳泉地方民俗強悍好勇鬪狠而族大丁繁之家往往恃其人力強盛欺壓單寒偶因小故動輒糾黨械鬪釀成大案及至官司捕治又復逃匿抗拒目無國憲兩郡之劣習相同而所屬之平和南勝一帶為尤甚朕思上天陰陽下民與以至善之性故云民之秉彝好是懿德雖五方之風氣不齊而本然之性則有善而無惡漳泉之民亦未有天秉獨異者其所以不善之故則因俗尚鬪陵漸成積習耳聞目見皆剽悍桀驁之風而無禮讓謙遜之心遂令本然至善之性陷溺而不自知也其中即有善良之人亦不過自潔其身實難以數人之力挽風俗之澆東華錄 雍正二十五 七

滴朕自臨御以來屢頒諭旨訓迪內外臣庶詳明諄切至再三自通都大邑至僻壤遐陬咸使之家喻戶曉而各省民風漸能奉法循理不敢蕩檢踰閑且如最難化者莫過苗蠻犛犛之人近亦頗知革面革心有欣欣向化之意豈漳泉內地之人轉不如苗眾等之悔過遷善革薄從忠而甘於自暴自棄陷身法網乎朕心深為不忍特降諭旨切加訓導易曰積善之家必餘慶積不善之家必餘殃書曰作善降之百祥作不善降之百殃此言善惡感召之機捷於影響作奸犯科之人既為王法所不容必為天理所難容禍福利害之間判然兩途則爾等亦何所憚而不為善何所利而為不善乎大抵居鄉之道親睦為要保身之道循分為先毋以強陵弱毋以富欺貧毋以智侮愚毋以眾傷寡毋為行險僥倖之事毋為干名犯義之行父老子弟聯為一體鄰里鄉黨視為一



家相相助息訟息爭使朝廷旌爲義鄉有司表爲仁里身名俱  
泰刑罰不加天下樂利之事安適之境無過於此况閩省文風頗  
優武途更盛而漳泉二府人材又在他郡之上歷來爲國家宣猷  
效力者實不乏人獨有風俗強悍一節爲天下所共知亦爲天下  
所共鄙何不翻然醒悟共相勉勵而成禮義仁讓之鄉乎著該督  
撫仰體朕心時加訓誡更立勸懲之法實力奉行務俾俗易風移  
以副朕一道同風之至意○丁亥兵部議准河東總督王士俊奏  
東省裁衛設縣事宜一大嵩成山二衛請改爲二縣裁衛守備教授  
授各一設知縣典史教諭各一一靖海威海二衛裁衛守備教授  
各一添設巡檢各一靖海衛即以甯海州議裁之乳山寨巡檢移  
駐威海衛即以文登縣原屬之溫泉寨巡檢移駐均歸併文登縣  
管轄一萊陽縣行村鄉巡檢改隸大嵩新縣文登縣赤山寨巡檢  
東華錄 雍正二十五 六  
改隸成山新縣從之尋定大嵩改設縣曰海陽成山改設縣曰榮  
成○戊子封理密親王允初子弘眺爲輔國公○以陳世倌爲左  
副都御史由順天府尹遷○命原任湖南按察使王柔前往江南與太僕  
寺卿俞兆岳協理海塘事務○庚寅戶部議准河東總督王士俊  
奏東省向有寄莊地畝一項以彼邑民人買置此邑地畝因而不  
派差徭止於正供之外每畝徵銀一二分至四五分不等名曰外  
徵以代徭役但地畝之授受不常官吏得以上下其手今東省丁  
糧俱經攤入地畝何必留此此外徵之名請將歷城等六十一州縣  
寄莊地畝並歷城益都二縣照寄莊徵銀之廢薄基地工項所有  
外徵銀兩各按州縣地畝一併均攤以杜偏累之源絕加派之弊  
從之○壬辰兵部議准河東總督王士俊奏東省裁改衛所事宜  
一萊山一衛雄崖浮山二所請改歸即墨縣轄靈山一衛歸膠州

轄所有守備千總教授各缺俱裁一萊山衛原設把總請改爲千  
總靈山衛把總亦改爲千總雄崖浮山二所各添設把總一二  
衛二所既裁應各添設巡檢一駐紫除掖縣原屬之柴葫寨膠州  
原屬之逢猛司及益都縣顏神鎮議裁之巡檢三員請分撥移駐  
外再添設巡檢一以資查緝從之○癸巳吏部議准四川巡撫鄂  
昌奏道府州縣分轄改設事宜一川東道屬之順慶府請改隸川  
北道川北道屬之蘇州請改隸松茂道松茂道屬之資州改隸永  
甯道夔州府屬之新甯縣改隸達州一川東道原轄之渝關稅務  
請就近歸重慶府管理一直隸嘉定潼川二州俱請升爲府治設  
知府通判經歷各一二府附郭各增置一縣設知縣典史各一並  
原屬各縣俱歸府轄改州學正爲新縣教諭州訓導爲新縣訓導  
從之尋定嘉定新升府曰嘉定附郭縣曰樂山潼川新升府曰潼  
東華錄 雍正二十五 九  
川附郭縣曰三臺○甲午免陝西階州等三州縣本年逋賦其人  
民所借口糧應於秋收後徵還者俱行豁免西安同華榆葭等州  
屬民借食糧亦照例免還○諭朕聞涼州府鎮番縣屬柳林湖地  
方屯田地畝經加銜侍郎蔣洞估計開墾修築渠壩置備農具等  
項共銀七萬八千餘兩而辦理此事率多營私作弊蔣洞委用原  
任知縣潘治州判石廷棟二人所修渠工岸壩在在草率俱經冬  
水衝塌而蔣洞視同膜外不問不究又今春下種之時種少報多  
隱匿籽種一千餘石又平地工價一項共該銀七千八百兩委官  
領去分發屯民而潘治石廷棟等朋比分肥短發工價銀四千餘  
兩又蔣洞將屯田下贖存銀八千二百餘兩虧空無存朕所訪聞  
如此蔣洞受朕深恩何以負恩溺職至於此極非派員確查難定  
虛實著副都御史孫國璽前往涼州將以上情節詳確查勘無得



私毫贍徇○辛丑諭內閣朕賞各省兵丁生息銀兩原交與該管大員善為營運以濟緩急之用從前有草率從事者即將此銀借給兵丁收取利息以為賞卹似此辦理甚不妥協朕已降旨諭飭嚴行禁止近聞仍有無識無能之總兵官希圖省事暗中借給兵丁者又有兵丁假商人借領之名而其實自用官銀繳利者朕思兵丁切要用度莫大於吉凶二事朕既已賞給銀兩則二事可以粗備至於尋常衣食之類無銀則可節省有銀易至輕費此乃人情之常今見有官銀可借到手甚易一時用去將來補償無資其拮据之苦仍官兵親受之豈朕愛養加惠之本意乎至於兵丁假借商名領銀繳利更為不可兵丁既非殷實之家又非久慣貿易之人虧折之後從何賠補不但領銀之兵受累於目前且致將來之兵不能受國家之恩澤此顯然可見者著各該管大臣一一清

東華錄

雍正二十五

二十

查若有似此情弊速行更改儻官銀不敷營運不妨據實奏聞或地僻難於招商不妨輕減利息若取兵丁之息銀以為賞卹是以朕惠兵之心而成將來累兵之舉則該管大員經理不善之罪無可寬貸除從重議處外仍將虧欠之項責令賠補

十二月癸卯諭內閣據程元章奏稱臣以巡撫兼司鹽政所有緝私一事必賴弁兵協力同心始克整頓請嗣後有關鹽政事宜仍令各鎮協營照舊分辦督緝儻有歧視玩忽臣即據實題參等語大凡經理鹽政必以緝私為第一要務從前惟總督李衛管理兩浙鹽務時恤商裕課事事妥協程元章接任之後朕諭令做照舊規毋得紛更成法乃伊管理以來兩浙鹽務雖不至於做壞聞已漸不如前程元章此奏蓋恐將來鹽政漸弛而豫留地步以武弁不歸統轄為卸過之計獨不思程元章為總督已數年鹽政漸不

整理又豈武弁呼應不靈之咎耶著照程元章所請凡揀選將弁及一切兵馬營制自聽督臣郝玉麟辦理外其有關於鹽務事宜著各鎮協營聽程元章派辦督緝如有歧視怠忽者則據實指參似此文武合為一體兵弁聽其督派鹽務稍有不整則責有攸歸矣○增廣東陽春縣黃泥灣巡檢一移欽州屬營界司巡檢駐龍門瓊州屬臨高縣博鋪司巡檢駐和舍市○乙巳辦理軍機大臣等議准歸化城都統丹晉奏歸化城添設同知等官之處經臣等奏請覆准在案查歸化城地廣事繁俱係原設同知辦理兼有協同察哈爾鄂爾多斯扎薩克等辦理之事誠不可無分司之人但添設同知一員恐轉致互相推諉應請停其添設同知於歸化城南之和林格爾東之坤都倫西之托克托城西北隅之薩爾齊等四處各添設筆帖式一員駐紮令與原設同知協辦事務三年限

東華錄

雍正二十五

二十

滿更換從之○改陝西西安鹽道為督糧道驛傳道為驛鹽道○戊申兵部議准工部尚書徐本等奏臣等奉命浙江審事查浙江衢州為福建兩江門戶請將衢協副將一缺改為衢州總兵官置中左右三營以資彈壓衢協原設都司二員一改為中營遊擊一改為守城都司並添設右營遊擊一駐江山左營遊擊一駐常山原設守備三員一改為中營守備一改為城守都司守備其原駐江山守備改為右營守備外請另添左營守備一防守華埠再應添千把各一除原設千總五把總十一並將平陽一營嚴州金華二協各裁千總一員撥補外請另添把總五員並於通省簡僻各營內抽撥兵丁三百名以備衛鎮之不足其提屬之嚴州一協楓嶺一營處州鎮屬之蘭谿一汛俱就近歸衢鎮轄至金衢嚴三府幅員甚廣查察須有專官請復設分巡金華嚴道一員駐紮衢州



府城再添設同知一員駐紮峽口以便巡查從之○庚戌移奉天府原駐蓋平縣之理事通判駐熊岳○辛亥以奚德慎為內閣學士由給事中遷○癸丑吏部等衙門遵旨覆奏廣西省向與黔省均有辦理苗疆事務是以暫令雲貴總督統轄今黔粵兩處苗蠻輸誠向化用兵事竣請循舊制將廣西就近仍歸廣東總督統轄從之○甲寅諭內閣在京滿漢小京堂內若有平時粗語河務情願前往河工協助河道總督辦事者著自行舉報爾等奏聞請旨○丙辰刑部尚書憲德奏臣部事件繁多見今封印在即辦事之堂官甚少應請派員協辦得旨命徐本福協辦刑部尚書事○丁巳以魏廷珍為兵部尚書調顧琮為漕運總督朱藻為直隸河道總督以白鍾山為河東河道總督由江南副總河遷○以高斌仍署江南河道總督由兩淮鹽政署○己未諭內閣聞甘州地方於上年正月內有提標兵丁張宏印等六人行劫張掖縣民陳進孝家傷害事主陳訓一案見在審擬又本年九月內張掖縣民李福家一連兩夜被劫十月內有張掖縣民王建文家被盜二案及擊獲盜犯張雷等九人俱係甘州提標兵見在食糧者從來甘肅一帶民風醇樸素無大盜劫奪之案况今歲河西各屬俱獲有秋糧價亦較往年平減其涼肅二鎮兵丁亦各安靜守法而甘提標兵輒敢數十成羣公然盜劫該管員弁平日所司何事如何訓練約束竟至如此肆行無忌署提督劉世明由侍衛微員朕加恩用至提督總督伊在總督任內毫無善績可稱其弟劉錫瑗竟牽連於山西叛案之內朕猶格外開恩赦宥嗣因西路領兵需人念伊熟悉邊地情形特召來京授以副將軍之任豈料伊一到軍營請事委靡退縮全無奮勇宣力之意西陲弁兵無不恥笑之其罪與武格等朕猶念其久

歷戎行不忍遽令廢棄仍令署理甘州提督印務以為贖罪自新之路豈料伊在任二年一味苟且因循視國家之事如同膜外朕屢次訓飭毫不悛改今伊所轄兵丁目無國法劫奪橫行擾害良善聞之令人髮指不識劉世明具何心胸而負恩溺職至此也劉世明著革職交署總督劉於義會同巡撫許容將兵丁行劫各案及縱兵為盜負恩溺職情由一一嚴審定擬具奏甘州提督印務著副都御史二格前往署理內閣學士岱奇見差往甯夏有辦理事件俟辦理後前往肅州協助劉於義辦理軍需事務○吏部遵旨將情願河工效力人員帶領引見得旨內閣侍讀學士劉永澄授為南河副總河鴻臚寺卿劉勳授為河東副總河俱著加僉都御史銜其河東副總河阿蘭泰著回京○庚申諭禮部前據太常寺奏請於雍正十三年正月初十日恭祭 祈穀壇今據順天府府尹奏稱於雍正十三年正月十二日進春朕思祈穀乃新春典禮似不應在立春以前著該部會同太常寺悉心定議具奏尋議謹按禮經月令所載祈穀典禮原在立春之後所以順時令召農祥也查康熙五十五年正月初十日應祭 祈穀壇其時尚未立春 聖祖仁皇帝命大學士等定議於正月三十日下辛行禮臣等會同酌議應請於雍正十三年正月二十日辛卯致祭 祈穀壇並請嗣後每年祈穀俱在立春後辛日舉行永著為例從之○雲貴總督尹繼善奏本年十月二十九日恭逢 聖壽之辰雲南楚雄大理等處卿雲見○辛酉調葛森為盛京刑部侍郎申珠渾為刑部右侍郎○刑部議奏廣西南甯府屬之遷隆崗差目修建營房越占安南地界土目王元光土練廖廣土官黃震中等應分別治罪得旨依議從前渠那設隘既由奸民廖廣圖利咬令遷



隆土官黃震中妄稟而勘界員弁惟聽土官之言遂爾立隘設防今經該督撫等查明渠那地方實非遷隆所屬之內地已將隘梯隘移置於剝馬村板蒙隘移置於柏心村中外之界以十萬山下小河為限並將土官等分別治罪著總督尹繼善巡撫金鉉將勘明地界改設隘口及渠那地方給還安南遵守各緣由行文該國王知悉並飭令守隘員弁不時巡查毋得縱放內地奸民出外騷擾以副朕懷柔遠人之至意○壬戌兵部以進剿桌子山碁子山青海及南北西三川等處軍功奏請議敘得旨軍功議敘乃國家賞功之大典必至公至確始足以表章勞績鼓勵軍心從前桌子山碁子山征剿一案乃年羹堯岳鍾琪張大其事有意捏成者即在事效力官弁亦不過以伊等私心任意開入冊內冀邀議敘並無功績可紀應不准議敘○癸亥調胡瀛為湖北按察使白映棠

東華錄

雍正二十五

吉

為湖南按察使○是月免安徽滁州宣城等州縣衛及直隸霸州永清宣化萬全等州縣被災額賦有差○是歲琉球國入貢○人丁戶口二千六百四十一萬七千九百三十二又永不加賦滋生人丁九十三萬七千五百三十田土山蕩畦地八百九十萬一千三百八十七頃二十四畝有奇徵銀二千九百九十九萬一千六百三十一兩有奇米豆麥四百七十九萬三千八百二十八石有奇草五百五十七萬四千六十九束茶三十四萬三千七百一十一引行鹽四百九十三萬六千二百引徵課銀三百九十九萬二千五百五十七兩有奇鑄錢六萬八千五百三十九萬有奇

東華錄

雍正二十六

臣王先謙敬編

臣周潤蕃恭校

雍正十三年乙卯春正月己卯諭內閣今日諸王大臣等以雍正十二年十月二十九日慶雲見於雲南之大理等府又見於廣東之高州府又山東甯陽縣產毓麒麟嘉瑞仰見上天慈恩福佑具摺稱賀朕向來不言祥瑞非為謙讓之虛文歷年以來各省多有慶雲之瑞茲又值朕生辰雲南廣東兩省同見上天昭示嘉祥但兩省慶雲何如處處而暘時若俾歲歲五穀豐登萬民樂利斯真可謂上天慈佑爾等為朕思之何由使宗室天潢之中人人品行端方何由使八旗根本之地事事奉公守法何由使六卿喉舌之司紀綱整飭萬事咸宜何由使封疆守土之吏大法小廉萬民安業朕之願望常多未滿則斯產麟何足深慶若以產麟為朕德所感益屬朕所不居傳言誠能格天乃致產麟之瑞朕十二年來懇切至誠時時訓誡爾諸王大臣所頒諭旨不下數千萬言而諸王大臣尚未盡能激發天良公正無私實心辦理國家政事則是朕於人心未盡感格而謂能感格天心實不敢自信也朕惟益加勉勵爾諸王大臣亦當各思所以答朕諄諄期望之至意至於朝廷一絲一粟皆天下之民脂民膏如朕今者解衣以賜此衣雖被於朕躬實未嘗成之朕手揆厥由來仍是萬民脂膏豈朕所得而自有哉凡一絲一粟用得其當則是以民力所成者令教養民生之人食其美報朕與斯人兩居其是用不得其當則是以民力所成者供剝削民生之人恣其暴殄朕與斯人兩居其非如其是也朕亦何可言功如其非也朕豈得不引為己咎爾諸臣自思之

東華錄

雍正二十六



必如何而後可使君臣之施受常居其是又何忍受君之恩而轉使君為爾等受過乎夫大小臣工各有職業孜孜矻矻尚恐墮廢安得有寸晷餘閒優游逸樂如果無可辦之事有此刻清閒此即上天所賜之福當及時思其職業何事當為思其過愆何事當改主敬二字實不可以須臾離者主敬則昏惰自去精明自生有事無事心常惺惺斷不肯別尋無益之消遣以致縱欲敗度爾諸王大臣亟須猛省奮勉厚自期待果能實心實力辦理國家政事俱成朝廷公正之大臣則澤被生民感召天貺將使四海九州之大盡致五風十雨之徵此時再感上天慈佑賀朕瑞祥豈不更勝於慶雲屢見麒麟疊生乎是乃朕所切望者諸臣尚各勉旃○召劉藩長來京調張渠為江蘇布政使以薩哈諒為廣東布政使

事○辛卯諭內閣傳泰由參領之職加恩擢用數年間至於巡撫伊在任內並無一長可稱朕以其才具不宜封疆之寄旋命署理甯夏將軍事務其所職掌不過坐鎮地方約束兵弁整飭營伍數事並非伊力所不能料理者乃玩忽性成將國家公事視同膜外以至所管弁兵恣肆放縱目無法紀毆斃人命擾累地方溺職負恩莫此為甚傳泰著革職拏問其甯夏將軍印務著副都統赫星署理其署副都統佟山身在地方見傳泰如此廢弛不行規勸又不奏聞深負委任著革職仍留署副都統任效力贖罪○壬辰諭內閣朕每見天下督撫有司等於人命盜案查審定擬時曲為開脫以行其婦寺之仁意謂寬宥一人可以種陰德於冥冥之中不知君與臣皆任教養斯民之責平時不能殫教養之道使之不陷於重辟在吾君臣已有不得辭之過然尚屬伊等干犯法紀自取其罪國家設立科條原以禁暴除姦使人共守非可枉法市恩

是故刑罰之設乃不得已而然至於水旱災荒天時有不齊之數既寡孤獨人生有所遇之窮彼甯填溝壑而不肯為匪者率皆良民似此無辜之赤子不幸而遭值困厄朕以牧養斯民之任寄之天下督撫有司而不能保護撫綏登之衽席乃視同秦越聽其飢餓流離此孟子所謂受牧牛羊立而視其死者天高聽卑必加重譴而顧欲於命盜案中曲活一二有罪之人以冀幸福報何識見顛倒一至於此乎朕望天下督撫董率有司屏棄虛文敦尚實政平時則勸農教稼闢地墾荒崇儉黜奢儲糧積粟以立其根本偶有旱潦即據實奏聞殫心區畫俾澤中鴻雁共慶樂郊有此濟人利物之功方不負父母斯民之職較之曲活一二罪人者相去奚啻霄壤耶至於樂善好施史稱義舉扶危濟困人有同心周禮以六行教萬民孝友睦婣而繼以任恤可見任恤之道與孝友並重

東華錄 雍正二十六年 三

也鄰里鄉黨之間原有休戚相關之誼以己之有餘濟人之不足在我本為不多之費而在人已為當厄之施况民有秉彝自然觀感興起眾擎易舉利益孔多從來積善之家必有餘慶一人行善則慶在一家眾人行善則慶在眾姓果然風俗醇良號稱仁里則和氣致祥天道之感應捷於影響凡水旱災祲之戾氣悉變為五風十雨之休徵矣然興仁樂善者乃鄉鄰長厚之風而鼓舞旌揚者則大吏有司之責如所屬內有紳衿士庶惠愛鄉閭力行善事該督撫等當優禮褒嘉加意培植以表揚之應題請者即行題請將朕此旨刊刻頒布務使遠鄉僻壤人人知悉○解鄂昌任調楊秘為四川巡撫以吳應棻署湖北巡撫由左僉都御史署○實授程仁圻陝西西安布政使○庚子以德福為盛京禮部侍郎由大理寺卿遷二月壬寅朔諭內閣聞各省武弁中有於該管上司前文稟應對



用天恩天喜天顏聖明謝恩等類字樣者且於上司批示稱為接奉殊批此等謬妄處皆由該弁不諳文義信口稱呼無人指教其文稟多憑幕客胥吏書寫該弁目不識丁以致草野無禮至於如此嗣後著該管上司隨時教導俾各知禮節傳諭直省督撫提鎮等知之○癸卯諭內閣定例文武生員不准入伍食糧聞陝甘兵丁內有文武生員見充營伍而延緩一鎮竟至六十餘名之多在文武生員名列膠庠各應專心舉業嫻習技藝以圖上進豈可又挂名營伍其已經入伍之兵粗知文藝願應考試者原有准入武場一體鄉試之例不必又附名學校若以一身而兼顧兩頭必且互相牽制轉致兩誤著通行陝甘各提鎮將各兵內之文武生員查明革糧令其歸學如有情願革去生員當兵食糧者即行知該學政除名准留營差操並飭行各營將弁嗣後文武生員一概不

東華錄

雍正二十六年

四

許濫收入伍將此通行各省知之○增山東運河廳千總把總各一河捕廳泃河廳把總各一○乙巳以侵帑營私革辦理口外屯田事務左都御史孔毓璞職○已酉 上御經筵○庚戌調魏廷珍為禮部尚書以高起為兵部尚書王鈞為工部右侍郎由光祿寺卿遷○兵部議准署陝西總督劉於義奏西大通鎮設兵三千六百名弁兵過多應加裁汰請裁大通鎮總兵一遊擊守備千總各二把總四兵一千二百名改設副將一都司一留千總二把總四兵八百名鎮南之白塔營裁參將守備千總各一把總二兵四百名改設都司一留千總一把總二兵四百名鎮西之永安營裁千總把總各一兵二百名留遊擊一守備一千總一把總三兵六百名至河州地近極邊原設副將一都司一千總二把總四兵一千一百八名不足以資彈壓請改副將為總兵官添設遊擊二分為左右

營改都司為守備增守備一把總四兵八百九十二名從之○壬子以覺羅倫達禮為廣東按察使由中選○癸丑 上謁 陵啓鑾○丙辰 上謁 昭西陵 孝陵 孝東陵 景陵回鑾○己未 上還京師○庚申莊令翼休致調覺羅倫達禮為福建按察使白映棠為廣東按察使以彭人瑛為湖南按察使由直隸清○辛酉諭內閣從來文武兩途國家並重未嘗軒輊於其閒習其業者必專心致志不惑於兩歧然後有所成就可以備國家之用每見無識之武臣沽名邀譽輒稱營伍中設立義學興文育材又或請令駐防兵丁子弟就近應該省鄉試此皆舍本逐末糊塗顛倒之見夫國家設立營伍原為折衝捍禦之計營伍中提鎮大臣乃弁兵之表率也意之所向眾共趨之今乃浮慕讀書向學之虛名而於持戟荷戈之地以文章翰墨相矜尚是本業在武而注意於文

東華錄

雍正二十六年

五

必致弁兵等相習成風人材漸至軟弱武備亦至廢弛豈整飭戎行之道乎彼弁兵之子弟其資性聰慧可以讀書者聽其延師自課循例考試以圖上進此乃兩全之道為提鎮大員者何必以虛名倡率使之輕視本業且與其設義學以課文何如設義學以課武尤為輕車熟路易於有成也至於各省駐防乃專為武備而設其子弟通曉文義者原聽其來京應試以為進身之路若准其在

外就近鄉試則伊等各從其便競尚習文之名而漸忘用武之實將來更有何人可充駐防之選乎在京師則文武並用是以文武兼收在駐防則武備是資應以武途為重即如農工商賈各專其業然後可以收其效此古今不易之理奈何界在兩歧其流弊必至兩誤向後仍有妄行奏請者朕必加重處○壬戌以劉吳龍為光祿寺卿劉柏為安徽按察使由江蘇蘇州○癸亥以吳應棻為



兵部右侍郎仍署湖北巡撫由左僉都御史遷○甲子命工部尚書巴泰協辦內閣大學士事○丁卯兵部議准四川總督黃廷桂奏更定營制事宜一永定營遊擊請改為都司裁守備一千總一把總二兵二百名冕山營遊擊改為都司裁守備一千總一把總二兵三百名所有原管龍潭潭等地方歸靖遠營轄一柏香營都司千總把總各一兵三百名悉裁所有原管夷民撥歸越嶺營轄一越嶺營路當孔道舊設官兵不敷防範請將遊擊改為參將添設千總一把總二兵一百名移守備把總各一兵一百二十名分防柏香地方從之

三月丙子諭軍機大臣等據遣往準噶爾使臣傅爾丹等奏稱噶爾丹策零請將哲爾格西拉胡魯蘇地方為我喀爾喀遊牧地界等語朕思伊既如此懇求若堅執不允恐使臣徒勞往返終無完結

東華錄

雍正二十六年

六

之日但朕無由懸定此係喀爾喀等遊牧處額駙策凌素所深知著將傅爾丹等奏摺並地圖密寄額駙策凌令其細閱噶爾丹策零所請應否准行如不可行或於我原定地方之內伊原定地方之外另有何處可立邊界暨定界之後其中空閒地方應否禁止彼此打牲之處俱著詳細定議事關重大務期永遠有益著於噶爾丹策零使臣垂納木喀等未到之前具奏○己巳吏部等衙門議准湖廣總督邁柱奏苗疆建置事宜一彝陵州請改置一府裁知州州判學正吏目缺設知府通判教授訓導經歷司獄各一附郭一縣設知縣教諭典史各一俱駐府城分防同知一駐灣潭一容美土司請改一州設知州吏目各一駐州城州同一駐五百坪州判一駐北佳坪改慈利縣屬之大崖關歸新州管轄添設巡檢一駐紫其地其大崖關外原設土百戶一請裁一五峯司改置一縣

設知縣典史各一駐縣城改長陽縣屬之漁陽關歸新縣轄添設縣丞一駐紫其地所有新改州縣及歸州長陽興山巴東等州縣俱隸彝陵新設府轄一府屬地方請設遊擊一守備一千總二把總四外委千把總四兵七百名分防駐紮其各緊要隘口酌添塘汛三十九處武弁均於彝陵鎮右營內抽撥從之尋定彝陵新設府曰宜昌附郭縣曰東湖容美新設州曰鶴峯五峯新設縣曰長樂○癸未諭內閣據刑部議覆江西民人徐節孫因救母情急致死黃起鵬一案本內有徐節孫若不奪打聽其下手則其罪與殺母無異等語殊為錯謬凡父母與人爭鬪而救護情急致傷人命者止當原其救父母之情若救護不力而即加以殺父母之罪自古及今無此科條也此等過當之語即見之談論尚且不可今乃載入奏章通行天下是迫人子以不得不殺人之勢又添殺人救親之條例矣况果如部議設有兇惡之徒謀欲殺人先令伊父母尋釁鬪毆故作跌撲損傷之狀而伊子繼至迫切救護斃人性命且得引此案以自辯則貽害長豈豈可勝言乎數年以來屢降諭旨凡救親情急致成命案者當察其情罪之輕重以定減等與否假若一概從寬則其中詐偽日出弊端叢生刑罰多不得其平矣徐節孫之罪實有可原但部議與殺母無異一語大有疵病不得不指出曉示內外之秉持法憲者○丁亥 上親耕藉田○戊子江南總督趙宏恩奏江甯省城舉行保甲事宜諭編立保甲先應查度地方之可行與否有司才力之能行與否毋一味嚴急勉強從事儻地方或不相宜才力或不逮反滋紛擾毫無裨益前代論治術者動稱社會保甲二事然必須俯順輿情徐徐訓導相機酌宜而行之方能奏效非賭博宰牛私鑄盜匪等項但當繩之以

東華錄

雍正二十六年

七

酌宜而行之方能奏效非賭博宰牛私鑄盜匪等項但當繩之以



法者之可比也且立法之初嚴以勝寬而不知過嚴之弊害亦隨之蓋寬徐則奸宄暫時潛蹤而善良卻不至株連嚴急則奸宄固無所容身而善良亦不免擾累矣總之為政以得人為要用得其人自能因地制宜順時敷教若不得人縱奇策神術徒美聽聞耳於事何濟○辛卯裁直隸張家口協標左營守備一○甲午貴州古州總兵官韓勳奏上年七月苗人老包等捏造出有苗王之語當被拏獲交審嗣經釋放今年二月內古州屬之八妹高表等寨聽信妖言糾集苗眾滋事妄行臣差撥兵丁躡探確實即派兵彈壓二十五日各寨頑苗同聲響應圍攻汛城將沿途安設之塘房毀壞而藏弩等寨遂與八妹同謀糾結遠近附和官兵奮力勦禦殺死頑苗多人並將六寨搗毀臣等差遣嚮導通事人傳諭各寨令將倡首糾結之人獻出見據樂鄉等六寨各將首犯拏解懇求東華錄 雍正二十六年 八

招安得旨八妹高表等寨地處險僻離鎮協較遠巡歷難周此番蠢動雖係奸苗煽誘糾眾妄行然揆厥情事或因騷擾或因恐嚇遂至激成事端俱未可定不然以二萬苗眾若早蓄異謀何以旋聚旋散官兵一出即悔罪來歸並無自固之詭計即除捏造謠言及倡首糾結之人著督撫提鎮嚴緝勒審明按律治罪外其起事根由務期確實查出不得絲毫粉飾寬縱以致長奸貽害且上年七月即有苗人老包等捏造苗王之語嗣經釋放是上年造言之人未經根究殊屬怠忽今八妹等寨雖經懲創然既已為非終懷疑懼况造言倡亂之奸苗尚未盡除餘眾難甯貼著該督撫提鎮剴切曉諭苗人勿蹈前轍致干勦除並飭文武官弁留心訪察嚴禁兵役騷擾等弊以安苗眾○戊子子故禮部尚書吳襄祭葬諡文簡○己亥定邊左副將軍額駙策凌遵旨議奏噶爾丹策

零請以哲爾格西拉胡魯蘇為我喀爾喀遊牧地界查從前喀爾喀遊牧地界尚未至哲爾格西拉胡魯蘇地方應即照伊所請行但我卡倫原在阿爾泰池東勒貝和邵和通鄂博布延圖科布多托羅和烏蘭等處安設此係哲爾格西哲胡魯蘇界外應議定將我卡倫照舊安設至厄魯特遊牧應以額爾齊斯為止如伊不遵或以阿爾泰嶺為界不得越過哈巴博爾濟阿里克泰清吉爾等處至中間交壤之處彼此俱毋得打牲嗣後阿爾泰池東令我處巡邏池西令彼處巡邏如此庶爭端可以永息再準噶爾策妄阿喇布坦在時其遊牧原在河泊克薩里察罕胡濟爾池西數年以來漸越額爾齊斯賊夷素性狡詐反覆無常使伊遊牧相逼太近則防守實難斷勿令過阿爾泰嶺方為善策報聞

夏四月癸卯諭內閣教習舉人貢生多係不應即選之人考取補東華錄 雍正二十六年 九

用卽三年期滿不過勤於訓課其職易稱止宜量加議敘以示鼓勵從前議以知縣教職卽用未免太優且中式進士之人尚須分部學習挨班銓選知縣若科分甚淺之舉人教習三年遠行卽用遲速轉覺相懸殊屬太驟至舉人銓選教職亦須照依科分歷久方能揆補今以近科舉貢教習期滿俱准卽用以致年久應選之人轉多壅滯於銓法亦未均平其應如何酌定班次分別選用之處著吏部詳議○甲辰諭內閣縣令為親民之官關係民生休戚最為切近是以自古帝王慎重司牧之選以端化民成俗之源朕亦屢降諭旨若果縣令皆得其人各治其邑各子其民竟可使閭閻之中無一夫失所此非誇大之論也凡選用知縣者內多進士舉人出身之人其中才具可觀克稱厥職者固多而年老迂疏不諳吏治者亦復不少朕念其攻苦寒窗幸登科目不忍遽令放廢



是用定以改教之例俾得邀一命之榮且居師儒秉鐸之席此朕隨材器使委曲成全之至意也况改補教職之後若果教士有方通曉吏治仍可膺卓異薦舉以為上進之路此又在本人之自勉並非限以教職終身也每見候選各員年老才庸不稱縣令之職而苦不自量仍欲勉強謁選其意蓋以縣令為榮希圖僥倖且以到任之後不能辦事仍可改補教職無礙於功名故為苟且姑試之計殊不知邑宰之職民社攸關以不能勝任之人冒昧銓選及到任之後試看一年半載再請改教其閒展轉更換時日已多事務廢弛之患有必不能免者豈非庸碌貪位之人貽之咎耶嗣後科目出身之員若係揀選命往者到任後不勝縣令之任准該督撫以教職題請改補如係月選之員或年力衰邁或才識庸愚即當於未選之先或臨選之際呈請改教若不自度量仍欲銓選知

東華錄

雍正二十六年

十

閩閩之擾累况本地有司見在勸民開墾彼謀生務本之良民正可用力於南畝何必為此微俸貪得之計以長喧囂爭競之風此時正在計議之初停止甚易著該部即行文該省督撫令其遵諭停止○戊午吏部議准署西安巡撫史貽直奏陝西直隸同州請升為同州府裁知州州同吏目缺設知府通判經歷各一改西安府撫民同知為同州府撫民同知增置附郭一縣設知縣典史各一並同州原轄之朝邑郃陽韓城澄城四縣暨直隸華州與所屬之華陰蒲城潼關三縣及見屬直隸耀州之白水一縣俱歸同州府轄其直隸耀州與所屬同官一縣改歸西安府轄從之尋定新設同州府附郭縣曰大荔○乙丑以德希壽為左副都御史由直隸遷

東華錄

雍正二十六年

十一

縣該員到任後著該督撫留心察看或以才力不及或以溺職分別題參不得奏請改教以遂其自便之私如果有為人謹慎學問優通者著該督撫將應否改教之處具本聲明送部引見請旨○乙巳頒 聖祖仁皇帝御製全集賜諸王大臣翰詹官員等隨具摺恭謝得旨俱著往 恩佑寺謝恩○溫而遜緣事革職調王馨為山西布政使以張鳴鈞為直隸布政使繆孔昭為河南按察使由舊河○丁巳諭內閣廣東開採一事十數年來內外臣工奏請者甚多朕悉未准行上年總督鄂彌達巡撫楊永斌奏開採以資鼓鑄於粵民生計大有裨益言之再三朕發九卿確議旋經議覆准行後復有數人條陳極言其不應行今朕再三思維廣東近年以來年穀順成米價平減盜賊漸少地方甯靖與從前風景迥異今若舉開採之事聚集多人其中良頑不一難以稽察約束恐為

閩閩之擾累况本地有司見在勸民開墾彼謀生務本之良民正可用力於南畝何必為此微俸貪得之計以長喧囂爭競之風此時正在計議之初停止甚易著該部即行文該省督撫令其遵諭停止○戊午吏部議准署西安巡撫史貽直奏陝西直隸同州請升為同州府裁知州州同吏目缺設知府通判經歷各一改西安府撫民同知為同州府撫民同知增置附郭一縣設知縣典史各一並同州原轄之朝邑郃陽韓城澄城四縣暨直隸華州與所屬之華陰蒲城潼關三縣及見屬直隸耀州之白水一縣俱歸同州府轄其直隸耀州與所屬同官一縣改歸西安府轄從之尋定新設同州府附郭縣曰大荔○乙丑以德希壽為左副都御史由直隸遷



陬僻壤家諭戶曉儻宣諭之後仍有不顧軀命輕生從死者不必概予旌表以長閭閻憤激之風○己卯雲貴總督尹繼善奏台拱古州兩鎮見今會勦奸苗其事起於奸苗圖騙銀錢造言誑惑古州文武不能善為彈壓一聞聚集之信不即迅速擒擊漸至附和句結鎮臣韓勳撥兵王嶺擊散眾苗不即行追捕致令蔓延均難辭咎俟事竣詳查具奏報聞○辛卯加湖南辰永靖道兵備銜○乙未諭內閣據河東總督王士俊奏稱山東安山湖地勢低於運河其湖旁涸出之地請分別開墾以濟民食等語山東運河之水全賴諸湖停蓄以資灌注所以前人有水櫃之名後因諸湖淤墊附近居民侵占為田以致水少不能濟運大有關於漕務經朕屢降諭旨令河道總督等悉心經理近年始無水淺停舟之慮今王士俊所奏乃為開墾起見朕思湖水專資濟運儻或經理之初但貪田畝之有餘而不計湖水之不足將來田多水少漕運稽遲則顧此失彼未免輕重倒置不可不慎之於始也著交部詳確議具奏尋議運道深通全賴諸湖蓄洩即竭力疏濬尚恐淤墊未便改淤為田有妨濟運應令該督會同總河確勘具題再議得旨湖瀦蓄洩專為濟運王士俊奏請開墾為田止據委員張體仁等一面之詞並未親身歷勘遂欲舉行甚屬草率此乃必不可行之事毫無疑義亦無庸再行確勘王士俊所奏不准行○丁酉敕諭準噶爾台吉噶爾丹策零曰朕軫念眾庶止息兵戈振興黃教安逸生靈用是特遣使臣降旨宣諭爾極悅服遣垂納木喀等進貢齋表內稱若使後世言某皇帝與某台吉失好以致眾生勞苦殊非美名若互相和好振興黃教安逸生靈則可垂休聲於永久等語朕披覽之際不勝嘉許欣悅果能知此天必錫之以福若不知此

惟以貪暴為事則天亦必加之以禍此常理也至於搆兵之由爾意若自朕始者昔我 聖祖皇考時眾云準噶爾之人秉性貪暴好尚兵戈侵擾鄰封不崇釋氏仁慈之道彼時朕猶未深信後爾父策妄阿喇布坦無端侵我哈密又遣兵赴藏擾亂佛教殘毀寺廟傷害喇嘛朕始知前言不妄似此則兩路之駐兵防範謂始自我 皇考可乎我 皇考聖心仁愛惟欲安撫眾生故遣使往來數次乃爾父推託遷延始終無定朕續承大統爾父又遣根頓來京朕仰體 皇考仁愛之心仍欲和好俾黃教振興生靈安逸令根頓至朕前親執其手諭云爾回時可告知爾台吉朕執爾之手即如見爾台吉之面朕與爾台吉應俱教訓子孫輩令其永遠和好於是遣使議和定界詎意爾父並無和好之意屢次託故遷延且藏匿我朝之逃亡羅卜藏丹津並未告知使臣以致諸事未成

東華錄 雍正二十六年 三

和議中止自此朕亦未遣使前去爾亦不遣使來京後爾父物故爾遣特磊奏云爾父已成佛矣不思佛為天下人之所尊禮者爾云成佛其誰尊禮乎且特磊舉動驕慢不知禮法是以朕諭特磊云爾台吉若果誠心遵旨和好可將羅卜藏丹津解送前來並將邊疆定界朕豈有遣發大兵之理乃爾之和好未定則爾意實未可測不得不為防範故兩路有駐兵之舉及爾又遣特磊前來奏稱羅卜藏丹津已解至中途聞大兵發遣是以中止爾若果將羅卜藏丹津解送自應直到軍營何以中途而返耶朕因解送羅卜藏丹津之言涉於虛妄故於特磊同時令部內加以拂意之言責以難行之事然並未勒令遵行也若果勒令遵行自應寫入敕諭之內乃不寫入敕諭止於部內行文者特令爾知非朕意也爾縱有難行之處亦應聲明陳奏何以並無回覆而於使臣在巴爾庫



爾軍管等候之際潛兵盜我馬匹此非構兵自爾乎我兵果欲進  
勦則於特昂去後乘爾兵無備之時不行襲擊轉俟爾兵有備有  
是理乎此俱已往之事朕既軫念眾生將爾從前過愆悉已寬宥  
無庸置議今爾既遵禮義敬奉朕旨歡悅順從欲修和好遣使  
來京朕心甚嘉之再爾使垂納木喀等口奏從前曾言將羅卜藏  
丹津解送俟大事定後不難辦理至定界一事阿爾泰原係厄魯  
特遊牧之地杭愛原係喀爾喀遊牧之地請由哲爾格西拉胡魯  
蘇等處至巴爾庫爾地方定為邊界等語羅卜藏丹津爾從前既  
屢奏解送即與解送無異但所云阿爾泰係厄魯特遊牧之地此  
噶爾丹從前之事噶爾丹為我兵勦滅取其土地並其骨殖子孫  
俱經爾父獻納此眾人所共知者見今噶爾丹之屬人及丹濟拉  
之子孫俱在內地爾等準噶爾曾未越阿爾泰遊牧居住乃謂為厄  
魯特遊牧之地可乎且喀爾喀等尚不令近阿爾泰遊牧者原欲  
使兩界相隔稍遠可息爭端而可令準噶爾之人居此乎夫永遠  
和好之事定界實為要議朕特命大臣等與垂納木喀等公同酌  
議務期兩有裨益指定邊界具奏而垂納木喀等云我台吉所交  
口奏言詞之外並無別語不便擅定等語此事在京既不能定議  
用是再頒敕諭遣來使垂納木喀等齋回若果誠心修好疆界不  
可不明設日後無知之人越界妄行稍有爭競則又生事端矣况  
定界之說原起於爾父策妄阿喇布坦奏請以安眾生者彼時朕  
曾降旨嘉許後又請將阿爾泰山梁外哈道里哈達清吉爾布喇  
清吉爾兩處不必置為閒地朕未准行今特欲安逸眾生永遠和  
好將此兩處空閒之地俱屬於爾止自克木齊克汗騰格里上阿  
爾泰山梁由索爾畢嶺下哈布塔克拜塔克之中過烏蘭烏蘇直

東華錄 雍正二十六年 西

東華錄 雍正二六

抵噶斯口為界並將爾父所請自胡遜托輝至哈喇巴爾魯克悉  
作空閒之地似此分界在爾並無難行不便之處爾其仰體朕加  
恩眷注之意遵諭定界方可永遠修好朕為天下主惟思扶持黃  
教利濟眾生敦崇和睦執中循禮斷不強汝以難行者至於不便  
大國之處亦不能俯允爾請也爾爾遵奉諭旨議定疆界之後猶  
以喀爾喀之遊牧偏近爾屬不免疑懼奏請稍展空閒之地亦屬  
可行俟爾遣使再來陳奏時朕當另降諭旨台吉其熟思詳審酌  
定具奏並賞給噶爾丹策零各色段十匹○戊戌諭內閣各省秋  
審定例該督撫會同司道等官審錄分晰情實緩決矜疑具題關  
繫最為重大向聞外省會審之時不論案件多寡務於一日之內  
悉行定議一切俱聽督撫主張不特守令不敢置喙即司道亦無  
一辭輕重定於俄頃之間是非決於一人之口究其實際督撫亦  
未必了然不過令幕客糊一略節貼於冊上徒飾觀瞻而已况有  
席捲懸彩鼓吹喧闐日甫踰中即退而肆筵行酒竟有似於宴會  
之禮者甚至召令優人演劇為樂近來曉明義禮者多各檢點而  
此風猶未盡革夫刑罰者國家不得已而用之者也天以父母斯  
民之責畀之吾君臣凡茲犯法獲罪之民皆吾赤子也平時不能  
撫綏化導使之遵守法度免於罪愆已有忝於教養之職矣及陷  
於刑辟之後又復視為泛常不察情罪之輕重率定爰書之出入  
寬所不當寬而嚴所不當嚴以致讞獄不得其平冤情抑而莫訴  
勸懲兩失兇暴肆行所謂明刑弼教者安在清夜捫心能無愧赧  
乎朕自臨御以來於一切刑名案件莫不虛衷敏息詳慎推研每  
於法司所進立決本章悉令內廷管本官員三次覆奏然後批發  
每年秋審朝審時朕先將招冊細披覽及至旬到之日復面與

東華錄 雍正二十六年 五

五四五



大學士刑部堂官等往復講論至再至三然後降旨蓋哀矜惻怛之意動於不能已而發於不自知並非欲博欷恤好生之名於天下臣民也 聖祖當年於旬到日皆著素服朕亦效法行之凡為督撫大臣者受朕封疆之寄應與朕同此哀矜惻怛之心乃各省秋審大約皆於一日之間草率定局並未博採羣議詳察實情不過視秋審為具文於會審之日雖不使穿著素服豈有結綵設席徵歌演劇之理此則殘忍性成不學無術者之所為嗣後各省秋審時該督撫務率司道等官敬慎周詳殫心辦理必使權衡不爽情罪相符向來並無限期何妨多寬時日安得視為虛文故套輕忽民命以供其自便之私至於會集既久除日食常餐外儻有肆筵設席仍蹈從前陋習者經朕訪聞必嚴加議處○命內大臣常賚統雷駐巴爾庫爾兵丁以鎮安將軍印給之提督顏清如原任

東華錄

雍正二十六年

六

尙書馬會伯協同辦事○己亥禮部議覆河東總督王士俊奏請奉祀先蠶臣等謹按蠶神名號周禮鄭注上引房星以馬祖為蠶神然蠶固與馬同出於天駟而天駟可謂馬祖實非先蠶誠如李釋之論淮南子引蠶經黃帝元妃西陵氏始蠶蓋黃帝制作衣裳自此始也漢記苑窳婦人寓氏公主事屬無稽查禮記享祀先蠶不著名號隨建先蠶壇於宮北三里為壇高四尺唐會要遺有司享先蠶如先農宋景德三年詔祠先蠶依先農例遣官攝事本於周禮有宗伯攝祭之文也前明釐正祀典山川百神各依本號如農始炎帝止稱先農之神則蠶始黃帝亦應止稱先蠶之神再周制蠶於北郊其壇應設於北郊祭日用季春吉已一切壇制祭品俱視先農典禮京師為首善之地應於北郊建壇奉祀屆期派禮部堂官一員承祭通行直省各府州縣一體遵行從之

五月癸卯諭大學士等據湖廣總督邁柱等陸續奏報台拱逆苗不法情形黃平施秉一帶俱遭其擾害似此則黃平以西之重安江驛凱里汛及大風洞地方施秉偏東之青溪所屬及焦西地方周圍二三百里恐皆不免踐踏朕心深為慮念其鎮遠府城雖稱賊攻甚急但既有土兵三千星往援勦賊眾自然解散黃平州之西即緊接清平縣有哈元生在彼料理自可無慮惟是此番苗變既向結熟苗漢奸料難即速平靖甯可多備楚兵以資調遣著總督邁柱提督董芳等再撥兵二千名陸續前進協力嚴勦以除兇逆至賊苗敗遁之後必仍歸還巢穴其助惡熟苗漢奸知無所逃勢必唆令攻打古州等處亦不可不豫為籌畫著廣西巡撫金鉞提督霍昇即派精銳三千名選才能大員統領以二千名由洪江一路徑到黎平進古州背後應援彈壓以一千名由河路至平宇

東華錄

雍正二十六年

七

一帶防範下江以備相機調遣爾等可密寄信前去其有應行就近辦理事宜著湖廣廣西督撫提鎮等一面探聽信息相度機宜辦理一面奏聞務期妥協○乙巳以阿克敦署工部左侍郎由領事署○丙午諭內閣朕覽刑部侍郎申珠渾等查審鄂昌一案其中多避重就輕瞻徇隱漏之處鄂昌以戶部司官簡用監司之職因其歷任上司皆極口稱之朕見其年力精壯尚屬明白曉事又係大學士鄂爾泰之姪自然恪遵伊叔之教努力向上以報國恩是以不次超擢用為四川巡撫乃伊蒞任以來所辦事件種種乖張顛倒國法大抵性情狂妄而又沈湎於酒以致糊塗昏憤至於如此鄂昌既負朕擢用之深恩又玷伊叔鄂爾泰之顏面論情論理均屬可惡不可不加重懲著革職解來京交與刑部將摺內查審不到之處另行嚴審定擬具奏按察使高維新以科員用至



藩臬大員之職且屢次寬其處分仍畱在任乃不知感戴朕恩抒誠報效竟以專掌之刑名視同膜外聽從鄂昌黏籤發司草率結案永甯道劉嵩齡以新進小臣擢用御史復用道員在川數年因循塞責不思殫心職守止以逢迎上司為務今私將銀瓶盛酒巧於餽送大玷官箴高維新劉嵩齡俱著革職解來京交部審訊定擬具奏○癸丑王蘭生緣事降調以吳家驥為內閣學士由翰林院○丁巳諭大學士等前湖廣督撫提鎮奏報台拱逆苗不法情形比即降旨與湖廣督提於調發官兵三千名外再撥官兵二千名陸續前進以備征剿之用又諭廣西撫提派撥精兵三千名分為兩路前往以資應援彈壓今覽尹繼善奏摺其所檄調鄰省官兵之處與朕諭旨相符計此時進剿之兵合四省計之已二萬有餘哈元生親在軍前統領調度諒自有平定之策爾等可傳東華錄 雍正二十六年 六

諭哈元生乘此兵威須將清江台拱上下九股兇苗及內地倡首附逆惡寨痛加剿除務盡根株不貽後患其遠寨偏脅附從各苗有悔罪求撫者皆令盡繳器械然後准撫備敢抗違不繳亦相機剿除如此辦理方能一勞永逸若其中有勢不可行之處可據實奏聞但毋稍存姑息之念陽奉陰違令異日更起事端哈元生統領四省官兵著授為將軍凡赴援將弁俱聽伊節制調遣其將軍名號敕印爾等議奏請旨速行頒發尋命哈元生為揚威將軍○己未增河南分巡河陝汝道一駐紮陝州撥原隸開歸道轄之河南一府陝州一州並隸南汝道轄之汝州一州俱歸新設道員轄改分守開歸道為分守糧驛鹽道撥原轄之開歸陳許四府俱歸管河兵備道轄○庚申以李如蘭為四川按察使由雲南○癸亥諭內閣據山西巡撫覺羅石麟奏稱陽曲汾陽兩縣紳衿士民李

杭十時盛等情願各捐銀兩存貯公所以為周恤比閭之資臣見在與各該地方官公同酌議或置田地或為營運因地制宜以垂永久等語夫所謂樂善好施扶危濟困者大抵於水旱饑饉之歲散財發粟賑救羣黎又或於平常無事之時造義倉以儲米穀修橋路以便行人或置敦宗贍族之田或立養老育嬰之所凡此善事多端必須出自本人之誠心而又親身經理誼同休戚始可以惠鄉閭而收實效今石麟奏稱陽曲汾陽兩縣紳衿士民願捐銀兩存貯公所其作何措置之處俟與地方官公同酌議是該處並無見在應辦之事此乃另開捐納之條也若遇無才之有司經理不善必致為胥吏之所中飽土棍之所侵蝕而不能裨益於貧乏之鄉人此人人能料及者而石麟如此辦理是何意見陽曲汾陽紳衿士民等既已捐助其樂善好施之念可嘉著將石麟奏摺及開報名單交部分別議敘並令石麟將各姓所捐之銀妥商位置務令地方得受實益勿致虛糜向後若有無故捐銀交官者與朕原旨不符俱著停止○甲子 上命果親王允禮 皇四子寶親王 皇五子和親王弘晝及大學士鄂爾泰張廷玉尚書慶復魏廷珍憲德張照徐本都統李禧甘國壁侍郎呂耀曾俱辦理苗疆事務○諭辦理苗疆事務王大臣等貴州台拱逆苗不法擾害黃平地方居民四散躲避朕心恐其流離甚為軫念應令鄰省官員凡有來至該地方界內者務須加意綏撫悉心賑恤或應派在京大臣前往或應即交與該督撫料理之處爾等速議具奏再赴黔會剿官兵雲集糧餉最為緊要應作何運送協濟之法爾等一併速議具奏尋議逆苗不法被擾之居民順苗有逃避他所者該州縣務須安插得宜計口投食俱動用倉穀庫銀賑恤仍請欽差大



臣一員前往撫綏稽查務令得所至會勦官兵糧餉請令湖廣督撫酌撥務須充裕接濟並令兩廣總督鄂彌達悉心妥辦得旨依議著刑部尚書張照副都御史德希壽馳驛前往○諭內閣工部尚書巴泰向在 聖祖仁皇帝時歷官有年因其居心巧詐諸事摸稜毫無建白之處已經棄置數十年不復起用朕即位以來因部中乏老成之臣念伊居官年久經歷有素尚非新進之人可比特加遷擢用為大員乃伊在任巧詐性成全無報效嗣因北路軍前辦事需員命伊前往管理糧務伊在彼數年並無勞心辦理之事此眾所共知者朕以其年已七旬奉差在外特令回京俾得休息又值滿洲九卿內見在敘俸年深者甚少因用為工部尚書伊若具有天良自應感戴重恩及其餘年努力奮勉以稱要職乃伊於工部事件仍一味因循推諉視為局外於己無涉且將舊定章東華錄 雍正二十六年 壬

程任意更改經果親王差回屢次參奏朕料其意以為但能潔己沽名即可自全殊不知竊位苟容致令諸務闕冗廢弛乃臣子之大戒巴泰身為正卿且受朕格外恩遇而忍如此居心行事必有其故前伊自軍前回時朕曾詢問軍營之事伊除收發軍糧外一切皆云不知似此則其蒼滑之習全未悛改真可謂下愚不移者矣巴泰著革職凡內外臣工身膺職掌務須殫精竭力圖報國恩大小諸事悉心整頓此乃人臣之常分若但知潔己而不知奉公國家亦安用此木偶為也如果實心為國之人便有錯誤朕必原諒而保全之如彼馬齊高其倬魏廷珍甘國璧等非不能辦事之人乃習成巧術自謂保身遠害藉為推卸之計此風有妨於政治無益於國家况將來後進效尤其弊有不可勝言者朕每加恩於諸大臣其子孫亦多擢用所以嘉其為國之心也若遇此圖自全

罔顧國事者彼既視國家為陌路朕豈肯委曲成全以遂其私心向後若必不肯改悔朕不但不成全伊等之生前即伊之子孫若非有卓越之才朕必不加恩錄用所以儆戒臣工俾各猛省以除陋習內外臣工其咸知朕意○乙丑裁山西凌井開泥沙瀾平刑等四驛驛丞○丙寅諭辦理軍機大臣等準噶爾使臣垂納木喀等到巴爾庫爾軍營起身後著副將軍張廣泗回至西安候旨另有用處○丁卯諭辦理苗疆事王大臣等據哈元生元展成奏報古州逆苗不法臣哈元生於四月二十日馳赴軍前調度閏四月三十五月初一等日副將紀龍周儀署參將哈尚德崔傑等各領官兵分路擊殺逆苗奔逃斬獲無算驛路開通黃平一帶地方居民復業及時耕種等語前黃平一帶居民被逆苗擾害時朕心深為軫念已經降旨諭令督撫動撥正項錢糧確查賑恤今民人復業之初或仍有遷徙未回及資生無力者著元展成遴選賢員招徠安插加意撫綏勿令一人失所此次哈元生進剿已降旨授為揚威將軍所有在事有功將弁兵丁俟事竣查明分別議敘其附賊之逆寨餘黨應剿撫之處著哈元生酌量辦理據元展成奏摺內稱黃平地方為倉廩監獄重地逼近苗疆從前何意止設官兵三十名被賊侵擾而伊平時全不留心籌及亦不具奏請旨以致倉卒無備甚屬溺職今官兵到彼賊苗回避乃自然之情勢而元展成奏報之時不自知從前辦理之非大言不慚似有以地方復舊為幸之意甚屬不合事畢論其功過著交部嚴察議奏

六月乙亥諭戶部各省從前辦公無項可動上下共相相應官民並受其累即各官薪米之需皆取給於該地方之耗羨而地方大小不一多寡亦不均平往往不能固其所守此人人洞悉其弊者

東華錄 雍正二十六年 壬



山西巡撫諾岷始請提解耗羨之法後各省督撫次第效法將經年費用之款項衙門事務之繁簡議定公費派給養廉俾公事私用咸足取資自行此法以來吏治稍得激清間咸免擾累此中利益乃內外所共知共見者各省布政司職掌錢糧之總匯自應加意慎重其應批解者隨時查催不使拖欠其應支給者嚴加稽覈不致冒濫庶財用常充而官民永受其益乃數年以來朕畱心體察外省布政使中竟有庸劣無識之人將此項銀兩視為無足重輕之物而不念其為民脂民膏或那補借支或任意費用前任含糊交代後任不便深求竟將有關國計民生之項漸成紙上空談而督撫亦不查察似此日久愈難清楚矣在當日舉行之初朕原降旨此事若善於奉行則地方可受其益儻奉行之不善則地方轉受其累各省之能行與否總聽該督撫自為酌量並未強其

東華錄

雍正二十六年

三

一例通行也今覽近日情形恐漸有不妥之處將來貽人以口實則非朕准行之本意也著戶部先行查明各省公費養廉銀兩其有按年造冊咨送查覈無差者無庸清查外其並未造冊咨送及雖有冊籍而籠統開造者其中必有不清之處即著勒定期限令造清冊送部查覈至於清查之法應自該省議定公費養廉之年分起至前任卸事之日止將額徵公費完欠雜支同餘積未給各數目按年歸款各官養廉照依正署起止月日應得分數並扣除空缺逐一徹底清查其收數內有拖欠未完者分別可否著追其支數內有透動加增者分別是否應給見在各年應存銀兩有無那移虧缺分晰接受催追著落完補嗣後按年分晰造冊隨同奏銷錢糧各冊咨送戶部覈銷如此則各省存公銀兩可以漸次清理而接任各官收支亦必慎重於國計民生均有裨益矣○辛巳

東華錄 雍正二一六

刑部議奏諾爾渾參奏福祿軍前鑽營各款並無實蹟但福祿係允禩心腹用人行止不端應擬斬監候得旨前據諾爾渾密奏福祿乃允禩心腹用人術行止俱不可問於北路出兵時營求派往伊到軍前毫無效力之處又復鑽營該管諸大臣由護軍校委放閒散章京復委副參領又署理掌管緊要軍機兵部員外郎似此匪人竟充要職恐擾亂與洩漏皆於軍機未便等語朕因覽諾爾渾所奏福祿秉性姦邪存心叵測種種實錄鑽刺之處大干法紀是以降旨解回京交與刑部嚴審定議今覽刑部審訊情由福祿出兵數年並無過犯且在和通胡爾哈殺賊受傷得受恩賞又曾派往科布多隨征效力凡諾爾渾所奏姦惡擾亂洩漏軍機皆全無影響之事且諾爾渾狡猾乖張近日諸事敗露此即伊造言誑奏之一端也福祿著釋放其諾爾渾原摺著發出與福祿並

東華錄

雍正二十六年

三

朕目閱看並令在廷臣工共知之朕待天下臣民無不子以改過自新之路即如阿其那塞思黑隆科多年羹堯之黨與屬下朕加恩錄用者不可勝數並無成心豈以福祿為允禩舊屬而存刻待之意該部既審無實蹟且有行間效力之勞便當據實奏聞請旨豈有不審實情誤引律條擬以大辟之理著嚴飭行○癸未以查克旦為工部尚書額外○甲申禮部議覆貴州學政晏斯盛奏黎平府屬亮寨正長官龍紹儉呈稱由生員出身請應科舉查龍紹儉既已承襲土官不便准其鄉試得旨土司龍紹儉原由生員出身既有志觀光陳請科舉准其一體應試若得中式其土司世職著伊將應襲之人舉出承襲○丁亥諭內閣見今道府出缺甚多一時不得勝任之員著在京三品以上滿漢官員於見任科道部屬及知府同知知州通判知縣內各舉一人或勝道員之任或勝

五四九



知府之任填註明白於三日內交送內閣彙齊奏聞候朕簡用若所舉有相同者亦准彙奏伊等身為大臣歷官年久豈無深知確見之一人可膺保薦者况奉朕特旨尤當矢公慎以副朕諮詢之意儻懷挾私心瞻徇情面將來所舉之人或有不端劣蹟或不能勝任定將原保舉之大員嚴加議處○庚寅吏部議准貴州巡撫元展成奏平越府知府朱東啓患病請回籍調理俟病痊起用得旨向來外任官員告病者即行休致無病痊復用之例朕從愛惜人材起見特准各省督撫酌量若屬員內居官素優而患病是實者於告病本中聲明將來病痊仍行引見補用此朕體恤成全之大恩也近於引見之時見起用各員本無大恙調治未久即赴部銓補者甚多則患病之不實顯然矣又有借名告病而巧為規避者或因繼起有人囊橐豐厚冀娛晚景或因民俗刁悍地方繁劇慮及考成其該管上司但見屬員不戀官職遂爾代題而不覺受巧宦之欺蒙也今且言一二人如原任福建漳州府知府王之琦同知王時翔等皆因地地方繁劇而託詞告休者本皆精神強健並非實病得請之後譙樂歡遊朕知之最確似此者各省不可枚舉今元展成題請平越府知府朱東啓告假回籍調理俟病痊起用明係該員畏懼苗疆而為此規避之計朱東啓著解任仍留黔省調理俟病痊之日自黔送部引見將來有似此告病該督撫題請病痊起用者俱著畱於該省調理不准回籍俟病痊之日該督撫送部引見若永遠告休不請起用者該督撫司道必察其患病果實一時難痊或年老力衰不能辦事然後照例申詳題建備受屬員之欺蒙或徇平日之情面仍蹈故轍朕訪聞必將該上司從重議處○辛卯諭內閣自古地方官員有進獻方物之禮蓋以

東華錄

雍正二十六年

西

東華錄

雍正二十六年

西

地土所產貢之於君所以將其誠意為其君者鑒其意而酌納所以為堂廉之誼聯上下之情也朕即位以來亦循照舊例聞有進獻珍寶古玩者朕槩降旨停止向來鎮臣中亦有隨督撫進獻者朕皆諭止之至於所獻之物備隨時賞賜內外臣工以示眾人一體之意並非朕所需用而收貯內府也雖臣之效忠於上君之加恩於下不在乎此然亦儀文禮節之一端所以歷來未廢凡為督撫者既以此將其誠敬之惻則當於採辦之時厚其價值俾所屬官民歡欣從事方為事君盡禮之實心乃朕向聞各省大員採備貢物有特上司體勢發價減少者以致民間受累視為畏途如榆次不敢種好瓜肅甯畏植好桃外間傳為話柄近朕訪聞福建採買柑果有短價累地方官民之處則與君臣聯接之本懷大相違背朕豈肯為此無益之儀文而令承辦之微員貿易之百姓或受擾累哉以貢物而累閭閻萬萬不可即或交與屬員代辦而價值不敷令其暗中賄補是又假公濟私收受賄賂之巧術也似此食用微物朕發價市買何所不得豈肯私毫累及地方可通行曉諭督撫等自接奉此旨為始著將從前貢物之數再減一半儻仍蹈舊轍朕必將各省貢獻之例全行禁止○貴州巡撫元展成參奏都勻府屬之清平知縣邱仲坦當逆苗圍攻凱里之時嚴諭民人不得豫行逃避及見賊勢兇橫該縣即回清平凱里被災逆苗圍城又不能巡查防守致奸苗入城放火監犯悉行免脫再有平越府之平越知縣楊興道提臣統兵駐紮楊老驛隘口一切軍裝糧運飾詞推諉阻滯不前邱仲坦畏縮無能楊興道推諉玩延均難姑容特疏題參請旨革職得旨邱仲坦身為縣令見賊勢兇橫驚惶潛避全無防守稽查以致奸苗入城放火疏縱獄囚大干法紀



楊興道將糧餉軍裝推諉阻滯甚屬可惡著革職學交總督尹繼善嚴審定擬似此犯法劣員元展成止請革職並無審擬字樣顯係巧於徇庇俟軍務竣後將元展成交部嚴察議奏○壬辰辦理軍機大臣等議准署陝西總督劉於義奏肅州軍興以來運糧車夫採割草束夫役既係陝甘無業貧民流寓傭作以爲度日之計不下萬人目今大兵凱旋此輩窮民一無事事難以自給日則散在市廛夜則居宿古廟日復一日恐至流入匪類應卽令沿途地方官給與口糧派佐雜千把外委解送回籍安插從之○福建提督王郡奏呂宋國以麥收歉薄今附洋船載穀二千石銀二千兩海參七千斤來廈賣銀羅麥多則三千石少則二千石查五穀不許出洋律有明禁今呂宋以穀易麥臣與督臣撫臣見在商酌請旨欽定得旨朕統御寰區內外皆爲一體呂宋雖隔重洋朕心並無歧視國家之所以嚴禁五穀不許出洋者乃杜奸商匪類私販私載暗生事端之弊若該國偶缺米糧以實情奏聞於朕朕尙酌量豐餘以濟之今呂宋以麥收歉薄載穀易麥更爲情理之當從者著該督撫等轉飭有司按照穀麥時價均平羅羅不許內地之抑勒欺詐俾番船載麥回國以濟其用並將朕旨傳諭來商知之○丙申諭辦理苗疆事務王大臣等黔省逆苗不法擾害黃平一帶村莊哈元生等領兵進剿逆苗雖聞風逃遁仍敢盤踞山梁爲負隅之技前已降旨授哈元生爲揚威將軍專司征討惟是苗黨眾多地方遼闊見調四省官兵甚多滇黔之兵從上游前進湖廣之兵從下游前進其中相隔路遠哈元生調遣難周湖廣提督董芳熟悉苗地情形著授爲副將軍一切勦撫機宜著與哈元生和衷協力公同辦理目前或應分領夾擊將來如何彈壓安置俱

東華錄 雍正二十六年 五月

著哈元生董芳悉心籌畫務期妥協以副朕委任之至意董芳著馳驛前往○辦理苗疆事務王大臣等遵旨議奏黔省逆苗不法黨類眾多地方遼闊見調四省官兵會剿眾至三萬前已授哈元生爲揚威將軍統領官兵聽其調遣查滇黔進剿之兵須從上游前進湖廣之兵須從下游前進兩路之兵須從黎平一路前進古州兵分三路機勢各有不同哈元生一人調度指示或恐鞭長不及轉致稽遲今湖廣提督董芳熟悉苗疆情形已授爲副將軍與哈元生協同料理查楚兵五千原係董芳所轄應聽董芳調遣而粵東粵西官兵八千名前進古州若古州等處無庸八千全數所餘之兵應並令董芳統率調度至哈元生見駐楊老地方其上游調來之滇黔漢土官兵共一萬數千餘名應聽哈元生統率調度與董芳分領夾攻毋致耽誤儻兩路有會合進擊及彼此互調之處務令和衷商酌知會照應不得參差重複有誤機宜至內地清理之後哈元生卽應酌帶各省鎮弁前進苗疆統率勦撫而內地各寨應彈壓安置並於附近苗疆要隘駐兵應援之處應令董芳辦理其哈元生董芳所辦事件兩人互行知會並令知會撫定苗疆大臣張照等及該省督撫再查各省官兵已陸續到黔理應速清內地急援清江乃內地逆苗仍然猖獗而清江勝乘猶未開通且文移往來猶從僻路遞送此中情由或係兵力未齊或係逆苗阻截應令張照哈元生等據實具奏又查調撥楚省官兵赴黔原爲保護城汛勦禦逆苗之用今清溪被攻甚急鎮遠相去甚近何以鎮遠文武坐擁楚兵一千八百名之多竟不分撥救援以致縣城失守文武官員是何意見應令張照等一併秉公查奏從之○丁酉辦理苗疆事務王大臣等奏黔省台拱所屬九股逆苗不法

東華錄 雍正二十六年 五月



竄入內地侵犯城池肆行燒擄不法已極令將軍哈元生副將軍董芳統兵會剿務將逆寨兇苗並造意句引惡類痛加剿除不得姑息竣事庶使生熟諸苗有所懲戒至附近台拱諸苗有實係協從者應令哈元生董芳按其情罪酌量辦理應行文撫定苗疆大臣張照等知之又查哈元生統領滇黔漢土官兵一萬有餘由楊老白西而東董芳帶楚兵五千由清溪自東而西地僅四百餘里兩路夾攻兵力既足敷用惟台拱等苗由清江出清平黃平等州縣外尚可由丹江而出都勻查入寨丹江之苗見在並未蠢動該協管額兵共有三千二百名足資防禦且都勻至清平路止兩站既有本營防守而董芳所統之兵亦易聯絡似可無庸增兵其黎平一路為古州門戶官兵既進之後或逃遁諸苗以錦屏天柱等處防兵無多乘隙竊發亦未可定應令董芳於兩粵八千兵內酌

東華錄

雍正二十六年

天

撥一千名駐紮黎平府要隘之地以備應援剿捕之用又荔波縣係貴州廣西兩省交界之地雖新疆內有都江一協駐兵二千二百名而廣西又有慶遠一協駐防但進剿之後官兵調遣不時或苗眾逸出滋擾亦不可不豫籌應行令廣西巡撫提督就近撥兵防禦又湖廣提督董芳統兵赴黔湖南皆係苗地且偏近黔苗亦須聲威彈壓應令荆州將軍袁泰挑派滿洲官兵一千二百名令副都統一員統領前往常德駐紮其官兵起程一應事宜應令總督邁柱照例料理從之

秋七月甲辰改山東曹州泰安州俱為府○戊申諭內閣前開辦省海塘於本年六月初二日風潮偶作衝決甚多總因數年來經理官員將舊日工程不隨時修補以致腳根空虚隆昇與程元章等意見不合汪漜張坦麟但知隨聲附和顧國家之前因履

使民夫剋減石料經朕申飭略知收斂然每石萬斤尚減價六七折不等欲符原估六萬之數責令石匠包賠以致逃亡誤工朕不惜數百萬帑金冀以保全一方民生而各官懷挾私意不知為國為民宜乎上天垂象以示儆也自今秋汛正大一切修搶保護事宜俱交與隆昇程元章汪漜張坦麟等悉心料理儻仍蹈前轍再有疏虞致傷田廬民命必將伊等從重治罪郝玉麟既不據實奏聞亦不能置身事外○令截留湖南漕米十三萬石備黔省賑恤之用○廣西提督霍昇奏與總兵王無黨等率兩粵兵七千餘名陸續已到古州分兵前進入寨剿殺逆苗七次斬獲甚多見與古州總兵韓勳酌議分撥進剿○已酉改江南潁州為府○令督撫轉飭州縣官嚴禁酒肆不得沽酒與軍營撤回之兵丁違者責懲○調派保定兵二千及熱河浙江湖廣四路回營兵各一千往常

東華錄

雍正二十六年

天

德辰沅等處分駐彈壓命都統甘圖等統率料理以湖南緊接黔省之思南鎮遠等府也○乙卯刑部議革職署甘州提督劉世明等縱兵為盜冒餉侵帑各案請擬斬立決從之○大學士一等伯鄂爾泰疏請罷斥並削去伯爵得旨古州苗疆一案從前鄂爾泰以為必應征剿彼時苗民相率向化功成迅速朕心嘉悅特錫伯爵乃平定未久即數次蠢動近則直入內地焚劫黃平一帶郡邑居民受其擾害朕詢問情由鄂爾泰亦以為出於意外是從前經理本無定見布置未協所致則朕一時之輕率誤信亦無以自解國家錫命之恩有功則受無功則解古今通義著解大學士任削去伯爵並給假養病仍食俸○丙辰以浙江風潮為災命朱軾往勘海塘總理工程隆昇等俱聽節制○丁巳史貽直奏鎮臣米國正倡買蒙古子女以致該將弁軍民效尤 上諭米國正等因蒙



古乏食用價收買俾得存養與尋常典買蒙古人口者有間不必  
參處○查郎阿奏準噶爾使臣垂納木喀等到營於六月二十七  
日出關舍圖卡倫西去○雲南總督尹繼善奏大兵雲集分路會  
剿焚洗逆巢數十殺苗千餘生擒賊首阿九訊知大賊首汪柱等  
於空拜等寨築屯嚴飭擒剿見在清平黃平餘慶平越等處俱已  
平定○湖廣總督邁柱奏前於湖南永定九谿二衛適中之地建  
設安福縣治人民田賦附近安福者歸安福遠在各屬者撥歸各  
屬惟二衛撥歸慈利永順二縣所征屯糧疆界不清民屯差互官  
民多有未便永定衛四面環山一水四達人民聚居商賈輻輳請  
於永定衛地添設一縣以原撥永順慈利二縣所轄軍戶與慈利  
縣分出民人並見在改土歸流之茅岡司地計周圍八百餘里建  
縣治設知縣一員典史訓導各一定所設縣曰永定部議從之○

東華錄

雍正二十六年

三

安徽巡撫趙國麟奏壽州新分鳳台縣田賦淆混等則莫辨無魚  
鱗底冊可稽有豪強兼併愚懦包賂之弊請履畝清查如有隱漏  
及避重就輕者准自報其地糧多之戶亦令勘明改正不得逾八  
月之限部議從之○己未南稱族番民貢馬為郭羅克賊番劫奪  
例應補交馬價免之○庚申許容奏甘肅全省本年額賦蒙恩蠲  
免其未奉旨之先已經完納者一十二萬餘兩請照例充餉上  
諭朕因嘉獎秦民急公趨事是以特加格外之恩而其中爭先完  
課者尤為良善之民著將已完若干准作來年正賦許容可傳旨  
速諭俾聞咸知朕意○辛酉以邁柱為武英殿大學士兼吏部  
尚書查郎阿為文華殿大學士兼兵部尚書以張廣泗為湖廣總  
督查郎阿仍管陝西總督召史貽直來京劉於義仍留肅州以欽  
差大臣關防給之俟軍需告竣請旨回京

八月己巳諭辦理苗疆事務王大臣等向來經理苗疆之意原因  
苗性兇頑久為地方居民之害是以計議勦撫為安百姓之計  
乃經理不善以致逆苗突入內地旬引熟苗肆行搶掠良民遭其  
荼毒以安民之心而成害民之舉朕與經理之大臣安能辭其過  
耶每當讞獄之時遇身獲重罪之犯應加刑辟者朕與執法之官  
猶必再四推研求其生而不得然後真之於法今黔省被害之民  
皆無罪之良民也我君臣目視其遭兇苗之慘禍此心更何以安  
其幸得保全之民人此時當竭力撫綏勿憚煩勞勿惜公帑期登  
災黎於衽席若再稽查不力董率無方以救災恤困之資或飽污  
吏貪官之腹不令窮民得沾實惠經朕訪聞必將大小官員在該  
省即時正法其災黎避往之地方亦照此旨一體料理貴州既有  
被害之州縣則運餉募夫俱須鄰近接濟著將今年黔省錢糧通  
行蠲免其被賊殘害之州縣蠲免三年若有已徵在官者准抵下  
次應徵之額賦著將此旨通行曉諭各省官弁兵民等咸使聞知

東華錄

雍正二十六年

三

○哈元生奏自五月初六日以後遣發各省官兵將雜溝丹江稿  
貢台拱柳羅清江各處俱已開通軍聲大振見今痛加勦除其有  
實係被脅附從者許其悔罪投誠得旨慎無姑息以貽後患惟於  
張照哈元生是問○免江南泰州上元等二十州縣雍正十二年  
水災額賦有差○丁丑諭辦理苗疆事務王大臣等湖南沅州切  
近黔省聞難民聚集者竟至萬人且雇募夫役赴黔運餉者又多  
係沅州之民著將沅州今年額賦全行蠲免若有已徵在官者准  
抵明年應徵之數其雲南廣西近黔之郡縣若有似此多養難民  
努力趨事者著該督撫查明具奏○癸未授先賢再耕後裔世襲  
五經博士○乙酉改性桂為吏部尚書仍留軍營以通智為兵部



尙書○丙戌命蒙古牧養軍營牲畜每年一百匹內倒斃六匹以下者免其賠補○丁亥 上不豫仍照常辦事○戊子 上疾大漸召莊親王允祿果親王允禮大學士鄂爾泰張廷玉領侍衛內大臣豐盛額訥親內大臣戶部侍郎海望至寢宮前大學士鄂爾泰張廷玉恭捧 上御筆親書密旨命 皇四子寶親王爲皇太子卽皇帝位少頃 皇太子傳 旨著莊親王允祿果親王允禮大學士鄂爾泰張廷玉輔政○己丑子刻 上崩遺詔曰自古帝王統御天下必以敬 天法 祖爲首務而敬 天法 祖皆本於至誠至誠之心不容一息有間是以宵旰焦勞無日不兢兢業業也朕蒙 皇考聖祖仁皇帝爲 宗社臣民計慎擇於諸子中命朕續承統緒紹登大寶夙夜憂勤深恐不克負荷惟仰體 聖祖之心以爲心仰法 聖祖之政以爲政十三年以來竭慮殫心東華錄 雍正二十六年 三

朝乾夕惕雖至勞至苦不敢以一息自怠方冀圖安保泰久道化成今朕躬不豫奄棄臣民志願未竟不無憾寶親王皇四子秉性仁慈居心孝友 聖祖皇考於諸孫之中最爲鍾愛撫養宮中恩逾常格雍正元年八月朕於乾清宮召諸王滿漢大臣入見面諭以建儲一事親書諭旨加以密封收藏於乾清宮最高之處卽立爲皇太子之旨也其後仍封親王者蓋令備位藩封諳習政事以增廣識見今既遭大事著繼朕登基卽皇帝位仰賴 上天垂佑 烈祖貽謀當茲寰宇乂安太平無事必能與億兆臣民共享安甯之福至於國家刑法禁令之設所以詰奸除暴懲貪黜邪以端風俗以肅官方者也然寬嚴之用又必因乎其時從前朕見人情澆薄官吏營私相習成風罔知省改勢不得不懲治整理以戒將來今人心共知儆惕矣凡各衙門條例有從前本嚴而朕改易

從寬者此乃從前部臣定議未協朕與廷臣悉心斟酌而後更定以垂永久應照更定之例行若從前之例本寬而朕改易從嚴者此乃整飭人心風俗之計原欲暫行於一時俟諸弊革除之後仍可酌復舊章此朕本意也向後遇此等事則再加斟酌若有應照舊例者仍照舊例行自今以後實願內外親賢股肱大臣念朕朝乾夕惕之苦衷仰答 皇考聖祖仁皇帝利益 社稷蒼生之誠念各秉忠良屏除恩怨一心一德仍如朕在位之時共相輔弼俾皇太子成一代之令主則朕付託得人追隨 列祖 皇考在天之靈亦可不愧不忤矣皇太子仰承 祖宗積累之厚受朕訓誨之深與和親王弘晝同氣至親實爲一體尤當誠心友愛休戚相關親正人行正事聞正言勿爲小人所誘勿爲邪說所惑 祖宗所遺之宗室宜親國家所用之賢良宜保自然和氣致祥綿 祖東華錄 雍正二十六年 三

宗 社稷萬年之慶矣莊親王心地醇良和平謹慎果親王至性忠直才識俱優皆可倚以辦理政務者大學士張廷玉器量純全扞誠供職鄂爾泰志秉忠貞才優經濟此二人者朕可保其始終不渝將來二臣著配享 太廟以昭恩禮其應行儀制悉遵成典持服二十七日釋服布告天下咸使聞知○是歲十一月丁未恭上 尊諡曰 敬天昌運建中表正文武英明寬仁信毅大孝至誠憲皇帝 廟號 世宗○乾隆二年三月庚寅葬 泰陵○嘉慶四年五月戊辰加上 尊諡曰 敬天昌運建中表正文武英明寬仁信毅睿聖大孝至誠憲皇帝 上在位十三年 聖壽五十有八 上睿哲性成寬仁內蘊天姿英毅神采奕然奉事 聖祖仁皇帝曲盡孝思蒙 睿最深禔躬秉禮誠一不移尤能調護宮廷烝烝友愛而大公至正無黨無偏當其恪守藩維 睿襟凝



逸固已穆然深遠矣 聖祖宸衷默鑒神器攸歸繼統以來以善繼善述之心昭不顯丕承之烈紹聞衣德建極綏猷蓋十三年如一日焉 郊壇禋祀必親必虔清明在躬昭事上帝誠之至也素服三年永懷孺慕煥聞優見默契羹牆孝之至也其勤於政事也朝乾夕惕旰食宵衣盛暑祁寒勵精罔間凡臣僚章奏目覽手披不稽晷刻竭百千臣工以一人治一事而不足者 上一心獨覽坐照靡遺健之至明之至也其慎於用材也位事惟能知人則哲凡臣僚得失皆在 睿照之中公忠交著者寄以股肱才守兼優者加之倚任杜朋黨比周之習懲沽名袒護之私賞不逾時罰無枉抑優給養廉贍私家之用倍增恩俸紓內顧之艱義之盡仁之至也 文德則 經筵歲舉釋菜 親臨崇五代之榮封廣兩闈之解額兼文行以重館選簡考官以慎文衡公車者置邸舍於郊

東華錄

雍正二十六年

書

有專師六館生徒恥言奔競此士風所以丕振也 武功則 天威遠播 廟算如神青海定而萬里獻俘西藏安而遐方嚮化允安南之請地示以懷柔減朝鮮之貢糧綏之德意又復貯公項以恤戎行之緩急出帑金以濟八旗之吉凶從征之士許以更番退老弁員予之半俸此戎政所以聿修也至於心周海宇念切烝黎減賦捐租設倉貯穀莫不與時消息計畫萬全耕藉以勸農功營田以足畿輔倉儲充溢水利畢興又復宜民善俗興孝崇廉隆廟祀以旌烈褒忠酌議敘以睦鄰任卹所謂先之勞之富之教之法良而意美也若夫刊律例以昭示愚氓重桁楊以式敬庶獄爰書待決奏覆必至再三定讞不移哀矜見諸辭色憫囹圄之苦則淹繫恆寬念瘴癘之鄉則遷流可改所謂好生之德洽於民心也昔

程子之論治道曰天下之大非體乾剛健不能治也或欲爲而不知所措或始銳而不克其終或安於積久之弊而不能改爲或惑於眾多之口而莫之適用朱子亦曰古人察理精密持身整肅其意以愛人爲本及其施之於政事便須紀綱禁約截然而不可犯然後吾之寬愛得以隨事及人而無頹敝不舉之處也 上臨御十有三年一本乎乾德之剛天行之健兢兢業業慎始敬終故不泥於成憲不愆於舊章羣言有所不能消庶務有所不能困程子所稱剛健朱子所云寬愛 上一心運之而變而通之以盡利鼓之舞之以盡神嗚呼盛矣珠聯璧合之瑞靈芝甘露之祥符貺炳爍歲不絕書而 聖懷謙約有而不居嗚呼此所以紹 列聖之詒謀而益裕萬年之景福也歟

東華錄

雍正二十六年

書



# 東華續錄

東華續錄目錄

乾隆一

起雍正十三年八月己丑盡十月

乾隆二

起雍正十三年十一月盡十二月

乾隆三

起乾隆元年正月盡六月

乾隆四

起元年七月盡十二月

乾隆五

起二年正月盡六月

乾隆六

東華續錄 目錄

起二年七月盡十二月

乾隆七

起三年正月盡六月

乾隆八

起三年七月盡十二月

乾隆九

起四年正月盡六月

乾隆十

起四年七月盡十二月

乾隆十一

起五年正月盡六月

乾隆十二





起五年七月盡十二月
乾隆十三
起六年正月盡六月
乾隆十四
起六年七月盡十二月
乾隆十五
起七年正月盡六月
乾隆十六
起七年七月盡十二月
乾隆十七
起八年正月盡六月
乾隆十八
東華續錄 目錄
起八年七月盡十二月
乾隆十九
起九年正月盡六月
乾隆二十
起九年七月盡十二月
乾隆二十一
起十年正月盡六月
乾隆二十二
起十年七月盡十二月
乾隆二十三
起十一年正月盡六月
乾隆二十四

起十一年七月盡十二月
乾隆二十五
起十二年正月盡六月
乾隆二十六
起十二年七月盡十二月
乾隆二十七
起十三年正月盡六月
乾隆二十八
起十三年七月盡十二月
乾隆二十九
起十四年正月盡六月
乾隆三十
東華續錄 目錄
起十四年七月盡十二月
乾隆三十一
起十五年正月盡六月
乾隆三十二
起十五年七月盡十二月
乾隆三十三
起十六年正月盡六月
乾隆三十四
起十六年七月盡十二月
乾隆三十五
起十七年正月盡六月
乾隆三十六



起十七年七月盡十二月

乾隆三十七

起十八年正月盡六月

乾隆三十八

起十八年七月盡十二月

乾隆三十九

起十九年正月盡六月

乾隆四十

起十九年七月盡十二月

乾隆四十一

起二十年正月盡六月

乾隆四十二

東華續錄

目錄

四

起二十年七月盡十二月

乾隆四十三

起二十一年正月盡六月

乾隆四十四

起二十一年七月盡十二月

乾隆四十五

起二十二年正月盡六月

乾隆四十六

起二十二年七月盡十二月

乾隆四十七

起二十三年正月盡六月

乾隆四十八

起二十三年七月盡十二月

乾隆四十九

起二十四年正月盡六月

乾隆五十

起二十四年七月盡十二月

乾隆五十一

起二十五年正月盡六月

乾隆五十二

起二十五年七月盡十二月

乾隆五十三

起二十六年正月盡六月

乾隆五十四

東華續錄

目錄

五

起二十六年七月盡十二月

乾隆五十五

起二十七年正月盡六月

乾隆五十六

起二十七年七月盡十二月

乾隆五十七

起二十八年正月盡六月

乾隆五十八

起二十八年七月盡十二月

乾隆五十九

起二十九年正月盡六月

乾隆六十



起二十九年七月盡十二月
乾隆六十一
起三十年正月盡六月
乾隆六十二
起三十年七月盡十二月
乾隆六十三
起三十一年正月盡六月
乾隆六十四
起三十一年七月盡十二月
乾隆六十五
起三十二年正月盡六月
乾隆六十六
東華續錄 目錄
起三十二年七月盡十二月
乾隆六十七
起三十三年正月盡六月
乾隆六十八
起三十三年七月盡十二月
乾隆六十九
起三十四年正月盡六月
乾隆七十
起三十四年七月盡十二月
乾隆七十一
起三十五年正月盡六月
乾隆七十二

起三十五年七月盡十二月
乾隆七十三
起三十六年正月盡六月
乾隆七十四
起三十六年七月盡十二月
乾隆七十五
起三十七年正月盡六月
乾隆七十六
起三十七年七月盡十二月
乾隆七十七
起三十八年正月盡六月
乾隆七十八
東華續錄 目錄
起三十八年七月盡十二月
乾隆七十九
起三十九年正月盡六月
乾隆八十
起三十九年七月盡十二月
乾隆八十一
起四十年正月盡六月
乾隆八十二
起四十年七月盡十二月
乾隆八十三
起四十一年正月盡六月
乾隆八十四



起四十一年七月盡十二月

乾隆八十五

起四十二年正月盡六月

乾隆八十六

起四十二年七月盡十二月

乾隆八十七

起四十三年正月盡六月

乾隆八十八

起四十三年七月盡十二月

乾隆八十九

起四十四年正月盡六月

乾隆九十

東華續錄

目錄

八

起四十四年七月盡十二月

乾隆九十一

起四十五年正月盡六月

乾隆九十二

起四十五年七月盡十二月

乾隆九十三

起四十六年正月盡六月

乾隆九十四

起四十六年七月盡十二月

乾隆九十五

起四十七年正月盡六月

乾隆九十六

起四十七年七月盡十二月

乾隆九十七

起四十八年正月盡六月

乾隆九十八

起四十八年七月盡十二月

乾隆九十九

起四十九年正月盡六月

乾隆一百

起四十九年七月盡十二月

乾隆一百一

起五十年正月盡六月

乾隆一百二

東華續錄

目錄

九

起五十年七月盡十二月

乾隆一百三

起五十一年正月盡六月

乾隆一百四

起五十一年七月盡十二月

乾隆一百五

起五十二年正月盡六月

乾隆一百六

起五十二年七月盡十二月

乾隆一百七

起五十三年正月盡六月

乾隆一百八



起五十三年七月盡十二月

乾隆一百九

起五十四年正月盡六月

乾隆一百十

起五十四年七月盡十二月

乾隆一百十一

起五十五年正月盡六月

乾隆一百十二

起五十五年七月盡十二月

乾隆一百十三

起五十六年正月盡六月

乾隆一百十四

東華續錄

目錄

十

起五十六年七月盡十二月

乾隆一百十五

起五十七年正月盡六月

乾隆一百十六

起五十七年七月盡十二月

乾隆一百十七

起五十八年正月盡六月

乾隆一百十八

起五十八年七月盡十二月

乾隆一百十九

起五十九年正月盡十二月

乾隆一百二十

起六十年正月盡十二月

後跋

東華續錄

目錄

十一



東華續錄

乾隆一

臣王先謙敬編

臣周澐恭校

高宗純皇帝 世宗第四子也 母孝聖憲皇后鈕祜祿氏原任

四品典儀官加封一等承恩公凌柱之女以康熙五十年辛卯八

月十三日子時生 上於雍和宮邸 上生而神靈天挺奇表珠

庭方廣隆準頤身發音鏗洪舉步嶽重規度恢遠巖然拔萃六歲

就傳受書於庶吉士福敏過日成誦課必兼治康熙壬寅年十二

謁 聖祖於圓明園之鑾月開雲見即驚愛 命宮中養育撫視

周摯備荷 飴願恩慈親授書課教肅有加偶舉愛述說以試誦

解融徹獎悅彌至 命學射於貝勒允禧學火器於莊親王允祿

肆輒精能每呈教宮門習園南苑園體審機疊發奇中垂髫英武

東華續錄 觀者莫不欽為天授而神槍寶鞬準的具存 貽誨有深焉者其

年秋隨侍 聖祖巡幸避暑山莊 賜居萬壑松風讀書其中一

日望見 御舟泊晴碧亭畔聞 聖祖呼名即趨巖壁而下 顧

謂勿疾行恐致蹉跌愛護殊常獅子嶺北為 世宗游邸扈蹕時

賜園 聖祖幸園中進膳 特命 孝敬憲皇后率 孝聖憲皇

后問安拜觀 天顏喜溢連稱有福之人以 上豫信也木蘭秋

獨入永安莽喀園場 命侍衛引射熊甬上馬熊突起 上控轡

自若 聖祖御槍殪之事畢入武帳語 溫惠皇貴太如曰是命

貴重福將過子雍正元年次辛祈穀禮成爲 世宗登極初次大

祀之典 召 上入養心殿 賜食一饗意已爲他日付託之本

仰告 昊蒼故俾承福受胙秋八月御乾清宮密書 上名緘固

召諭諸王大臣敬藏 世祖所書正大光明扁額上冬至月屆

聖祖周忌大祭 命代謁 景陵五年丁未年十七 賜成大

婚禮於西二所踐阼後賜名重華宮者是也八年庚戌彙書閣所

製詩文爲樂善堂集告成十一年癸丑春正月封爲和碩寶親王

每歲 命代祀北郊準噶爾之役兩朝未竟陳師西北兩路 上

實親聆運籌黔苗不靖繼有兵事 世宗命綜理軍機諮決大計

○雍正十三年乙卯八月丁亥 世宗不豫時 駕駐圓明園

上孝思純篤與和親王弘晝朝夕謹視戊子 世宗疾大漸 召

莊親王允祿果親王允禮大學士鄂爾泰張廷玉領侍衛內大臣

豐盛額訥親內大臣戶部侍郎海望入 寢宮受 顧命己丑

世宗崩 上趨詣御榻前捧足大慟號哭仆地王大臣哀請恭奉

大行皇帝還宮諸大臣等欽遵 遵命恭宣 詔旨曰寶親王

皇四子 秉性仁慈居心孝友 聖祖仁皇帝於諸孫之中最

東華續錄 爲鍾愛撫養宮中恩逾常格雍正元年八月間朕於乾清宮召諸

王滿漢大臣入見面諭以建儲一事親書諭旨加以密封藏於乾

清宮最高處即立 爲皇太子之旨也其仍封親王者蓋令備

位藩封諳習政事以增識見今既遭大事著繼朕登其即皇帝位

上恭聽畢感慟號呼良久尋諭奉 大行皇帝遺命著莊親王

果親王鄂爾泰張廷玉輔政鄂爾泰因病解任調理今既輔政著

復任○安奉 大行皇帝於乾清宮○以 遺命尊奉 如母爲

皇太后復奉 皇太后懿旨以上之元如爲后○召朱軾回

京以嵇曾筠總理浙江海塘工程趙宏恩兼署江南河道總督

兼署○ 大行皇帝大殮命以乾清宮南廡爲倚廬席地寢苦

慮 皇太后過哀每日詣乾清宮東暖閣問安○庚寅諭總理事

務王大臣等 皇考鞠育深恩昊天罔極今忽遭大故痛入五中



况我 皇考十三年來肝食宵衣備極勞瘁是以薄海內外共享昇平之福不獨朕心感切仰報無由也若服制一節仍遵定例朕心實為不忍惟有行三年之喪稍盡思慕之誠於萬一天下臣民仍照定例行○諭外省文武大臣等差員齋到京者照常啟奏無得沈滯○諭雍正八年六月欽奉 皇考諭旨張廷玉器量純全抒誠供職其纂修 聖祖仁皇帝實錄宣力獨多每日遵旨繕寫上諭悉能詳達朕意訓示臣民其功甚鉅鄂爾泰志秉忠貞才優經濟安民察吏綏靖邊疆洵為不世出之名臣此二人者朕可保其始終不渝朕萬年之後二臣著配享 太廟今朕欲將 皇考此旨入於 遺詔內頒發大學士鄂爾泰張廷玉履行固辭朕惟知遵奉 皇考聖旨復再三降諭而鄂爾泰張廷玉又懇切奏請稽古典禮然朕以為必應入於 遺詔鄂爾泰張廷玉既以稽

東華續錄

乾隆一

三

東華續錄 乾隆一

走數年捏稱在 大行皇帝御前一言一字以及在外招搖煽惑斷無不敗露之理一經訪聞定嚴行拏究立即正法決不寬貸○王辰諭大將軍查郎阿駐肅州與劉於義同掌軍務北路大將軍平郡王福彭堅固防守○諭王大臣等苗疆事務關係緊要時塵皇考聖心從前 命朕與辦理此事之王大臣等屢經會議備聞 聖諭周詳深悉其中情事今遭 皇考大故朕哀痛不勝勉遵 遺命辦理天下政務朕思目前緊要之事無有過於西北兩路及苗疆用兵者除西北兩路已經降旨外其苗疆勦撫賊眾總在領兵將帥合志和衷方為有益揚威將軍哈元生副將軍董芳俱受 皇考天高地厚之恩當此領兵重任自當同心協力兩人合為一人於一切軍務商酌妥協而行至於奏報軍務情形彼此俱當據實備稍存意見致有參差地方不即安謐則伊等之身家

東華續錄

乾隆一

四

五六三



善侍衛二員隨護○諭王大臣等黔省逆苗不法擾害地方哈元生身為提督節制通省官兵彈壓控馭皆伊專司乃平時辦理漫不經心既不能先事豫防及至逆苗反覆初尚無多若彼時即乘機調度弗誤機宜亦不難立即撲滅或即潰散而哈元生猶自掩飾一任勾結迨至肆行焚掠蔓延數郡始自督兵聲言征剿先進駐楊老次移守清平觀望遲疑並不援救以至賊氛愈熾州縣失陷然猶曰兵力單微難以分布援兵未到不得不待以慎重調遣也乃滇楚兩粵官兵次第雲集堵禦按剿皆已敷用而哈元生零星遣發若前若卻勇畧無聞所稱恢復不過空城所稱開通仍多阻截據各處奏報情形約畧相同夫兵已數萬時已數月內地苗疆尚無一就緒近且有截糧傷官等事是哈元生籌謀無術調度失宜其所報斬獲報開通皆不無粉飾以圖掩過則人言非虛

東華續錄

乾隆一

五

亦可以概見矣哈元生受 皇考深恩以微弁擢至提督於頑苗蠢動之時猶示原宥不加懲處旋授以將軍敕印者所以念其前功勉其後效冀其感愧奮勵鼓勇抒謀誓期滅此朝食為苗疆久遠計庶事可速竣邊方攸賴哈元生亦得藉以自免罪戾也乃數月以來並無寸效諸多可虞哈元生是何料理是何肺肝爾等可密行嚴飭哈元生若仍不痛自悔悛肅清內地底定新疆或復懷挾私心欲將就完事不特貽誤軍機罪有應得而背負 皇考之深恩其罪滋重尤難以姑寬矣○甲午諭王大臣等經理苗疆原為安謐地方起見從前 皇考諭旨至為明晰乃逆苗反覆不常近復騷擾內地百姓被其荼毒是以 皇考特命提督哈元生為揚威將軍又因地方遼闊苗眾甚多恐哈元生一人料理未能周到復令湖廣提督董芳為副將軍先後遣發滇楚兩粵官兵前往

會剿又令尙書張照等總理撫定苗疆兵馬錢糧一切事務乃各省官兵陸續到黔已經數月而剿捕事宜尙未就緒今遭 皇考龍馭上賓事務殷煩部院大臣在京者甚少已降旨令張照回京其總理苗疆事務令張廣泗前往黔省料理當日 皇考以張廣泗曾任貴州巡撫熟悉苗疆情形且從前原係伊承辦之事故特用為湖廣總督俾得就近接應辦理今張照既回京是以遣伊前往總理近聞哈元生董芳意見參差不能和衷以致軍務機宜俱未妥協張廣泗素日贊心任事深蒙 皇考獎許今膺總理之任當一秉公忠悉心籌畫剪除兇逆無恤善良俾地方即速安謐為一勞永逸之計伊到黔後哈元生董芳自必聽伊指授不容各逞私見備張廣泗不能使伊二人同心協力仍復懷私不以國事為念貽誤軍務朕惟於張廣泗是問王大臣等可傳諭張廣泗知

東華續錄

乾隆一

六

之○丙申諭王大臣等自古人君為治莫要於周知庶務通達下情我 皇考天縱生知猶聖不自聖十三年來廣采羣言以資治理自督撫提鎮外如學政巡察藩臬二司及出差官員等皆准具摺陳奏事件既可以周知在外情形又可以隨時批示以增長臣工之識見 殊批諭旨一書乃千古所罕見者朕以沖齡繼登大位正當廣為諮諏以補見聞所不及其從前何等官員准其奏事或有 特旨令其奏事者俱著照前摺奏  
九月丁酉朔日有食之○諭六部俱屬緊要必須經理得人近來各部皆有章程惟兵刑二部辦事多有未協兵部尙書高起性乖張懷私挾詐刑部尙書憲德識見卑鄙昏愒糊塗此二人者 皇考每見必嚴行申飭廷臣共知朕侍側時屢聞 聖諭深以二人不能勝任廢弛部務為慮原欲更換但未降旨今朕即位之



初豈容以不能勝任之人爲一部之表率貽誤公事高起憲德著  
解任仍帶尙書銜候朕另降諭旨○命果親王總理刑部莊親王  
總理工部鄂爾泰總理兵部以甘汝來爲兵部尙書○己亥 上  
卽皇帝位於太和殿以明年爲乾隆元年加恩中外罪非常赦所  
不原者咸赦除之○庚子定 大行皇帝聖諱上一字書允字下  
一字書正字○諭諸王大臣奏三年之喪難以舉行請朕仍依舊  
制以二十七日釋服朕受 皇考顧復深恩昊天罔極中心哀慕  
不能自已欲行三年之喪稍盡臣子之誼朕承 皇考付託之重  
惟期恪守 貽謀勉遵 先志使天下又安永享昇平之福乃朕  
之孝非以持服三年遂爲盡孝也自古帝王亦有行三年之喪者  
今諸王大臣所引杜預心喪之說後人多議其非朕自幼讀書與  
未嘗披覽典籍者有聞此等議論豈可援以爲據耶若以 遺詔  
東華續錄 一 乾隆一 七  
有二十七日釋服之旨此乃爲天下臣民而言非指朕一人也從  
前 皇祖聖祖仁皇帝沖齡踐阼未得舉行我 皇考大行皇帝  
卽位之時軍國重務速應辦理之處甚多是以俯准廷臣之請然  
素服齋居三年如一日也今經 皇考十三年宵旰勤勞孜孜圖  
治舉凡大綱小紀莫不悉有章程今日遵守成規一如 皇考在  
日朕親承指授一一奉行而已展轉思維三年之喪在朕今日實  
屬可行况昨日大學士等奏稱十五日以後應照例進本辦事朕  
已允行豈行三年之喪遂不能辦理一切事務乎至 郊壇祭祀  
大典原可並行不悖諸王大臣所奏以日易月之說斷不准行朕  
意已定毋得再請其如何行三年之喪著詳查典禮確議具奏○  
諭各省督撫大臣有進貢方物之禮昨福建督撫齊到閩省果品  
乃照例進獻於 皇考之前者朕不便發回已交所司敬謹收貯

備 几筵供享之用若遠省大臣進貢 皇考之物已齎送在途  
者准其赴京交奏事官員轉奏其各省照例進朕之物舉行停止  
雖食物果品亦不許進俟三年之後候朕再降諭旨著通行傳諭  
各省督撫大臣等一體遵行○諭佛法以明心見性與善能仁舍  
貪除慾忍辱和光爲本而後世繼流竟借佛祖兒孫之名以爲取  
利邀名之具奸詐盜僞無所不爲以致宗風頹敗象教衰微此皆  
不肖僧徒貽之咎也我 皇考聰明睿知天縱多能而於性宗之  
理洞晰精微深通奧妙萬幾餘暇每召見僧衲指示提撕冀其勉  
力參悟俾佛教廣有傳人以爲勸善去惡之一助此 大慈悲父  
覺世之苦心也乃數年以來真能領會 聖訓者甚少 皇考嘗  
爲歎息今陸續散出於外其閒品行不一難保無借端生事之人  
如昔年 世祖章皇帝時木陳忞大有名望深被 恩禮而其所  
東華續錄 一 乾隆一 八  
著北游集則狂悖乖謬之語甚多至其誇張 恩遇處尤爲庸鄙  
又玉林國師弟子骨嚴行峯著侍香紀畧一書更爲誕妄荒唐供  
人噴飯已蒙 皇考特降嚴旨查出銷毀此中外所共知者前事  
可鑒朕不得不留心申飭著該部傳旨通行曉諭凡在內廷曾經  
行走之僧人理應感戴 皇考指迷接引之深恩放倒身心努力  
參究方不負 聖慈期望之至意儻因偶見 天顏曾聞 聖訓  
遂欲借端誇耀或造作言辭或招搖不法此等之人在國典則爲  
匪類在佛教則爲罪人其過犯不與平人等朕一經察出必按國  
法佛法加倍治罪不稍寬貸○諭朕欽奉 皇太后懿旨裕妃侍  
大行皇帝多年誕生皇五子已蒙 聖恩封爲親王今裕妃應  
封貴妃謙嬪誕生圓明園阿哥今應封妃欽此著交該部將應行  
典禮查議具奏○諭王大臣等前蒙 皇考聖諭命張照前往黔



省計議苗疆用兵事宜並無定黔民之被難者 聖意甚為切至  
 實冀其殫心竭力以副委任今覽張照奏摺將目前用兵情形及  
 何處已經清理何處尚未清理將來如何勦撫之處並未一一分  
 晰明白陳奏至於被難之民深可憫惻張照摺內止言鎮遠清溪  
 難民光景亦未言及如何撫恤安插之法其他被苗擾害之處張  
 照總未議及看其連篇累牘之奏竟以巧詞揣度有意迎合我  
 皇考至聖至明因物付物並無成見亦無成心張照何得以私心  
 鄙識妄為得計甚負 皇考之恩有虧大臣之義又伊奏稱新開  
 苗疆當因其悖亂而降旨棄絕此語尤為乖謬前朕奉 旨與王  
 大臣會議時云苗人見在跳梁此時斷無棄置之理惟有俟事  
 平之後再行計議彼時張照亦力主此說今何以自相矛盾如此  
 且摺內忽云棄置忽云痛勦仍是兩歧之見究不知其意之所在  
 東華續錄 九

甚屬糊塗爾等可傳旨嚴行申飭看伊如此另具肺腸是苗疆事  
 宜伊必不能辦理妥協幸早有諭旨令其回京也○命朱軾協同  
 王大臣總理事務○王寅總理事務王大臣奏孟冬頒朔請易時  
 憲下一字為書字○鑄乾隆錢○甲辰諭陝甘督撫蘭州平涼諸  
 府州縣收成歉薄宜加意賑恤○乙巳諭朕之兄弟等以名字之  
 上一字與朕名相同奏請更改朕思朕與諸兄弟之名皆 皇祖  
 聖祖仁皇帝所賜載在玉牒若因朕一人而令眾人改易於心實  
 有未安昔年諸叔懇請改名以避 皇考御諱 皇考不許繼因  
 懇請再四且有 皇太后祖母之旨是以不得已而允從厥後常  
 以為悔屢向朕等言之即左右大臣亦無不共知之也古人之禮  
 二名不偏諱若過於拘泥則帝王之家祖父命名之典皆不足懸  
 矣朕所願者諸兄弟等修德制行為國家宣猷效力以佐朕之不

速斯則尊君親上之大義正不在此儀文末節閒也所奏更名之  
 處不必行○諭王大臣等前次見張照奏事光景料其不能辦理  
 苗疆事務是以將伊調回命張廣泗前往更換今又見張照陳奏  
 各件看其語氣全是懷挾私心妄為揣度特降諭旨嚴行訓飭爾  
 等可將諭旨鈔錄寄與張廣泗閱看其張照所奏各款內有應交  
 與張廣泗查辦者又不可以人廢言著照爾等所議寄去苗疆事  
 務緊要惟有持平辦理不可豫存意見於胸中從前原係鄂爾泰  
 獨任其事後來逆苗煽動張照在京時見 皇考申飭大學士鄂  
 爾泰因其向來料理原未盡善也繼有解任之 旨而張照遂以  
 私意揣度每次陳奏過甚其詞不知鄂爾泰之解任原因其以病  
 陳請即削去伯爵亦伊自行懇辭者及解任之後仍荷 天恩眷  
 注賜俸賜蔭倍極優渥使張照聞知未必有今日之奏也今朕用  
 鄂爾泰為大學士又總理事務張廣泗又不可以為新主之所重  
 待而有迎合之心總之人臣事君之道惟有據實秉公無偏無黨  
 此事之始末鄂爾泰之功過將來事竣之後自有定論不在此時  
 但言其過遂可謂經理苗疆之嘉猷也至於棄置新置之說 皇  
 考偶向朕與王大臣等商及以為從前原不應料理非謂目下也  
 比時詢謀僉同力奏其不可張照即在與議之列 皇考深以為  
 然今張照以為密奉棄置之 諭旨且將此轉告哈元生錯謬已  
 極可令張廣泗傳諭哈元生知之爾等可密寫朕諭與張廣泗總  
 之苗疆一切全交伊料理當屏去私心惟公惟正不知有己不知  
 有人並不知有朕諭惟期盡美盡善為經久萬全之計設目下勦  
 撫失宜將來善後無策朕惟張廣泗是問○丙午命公慶復往軍  
 營換回平郡王○丁未 大行皇帝梓宮安奉 雍和宮奉 皇



太后居東配殿 上仍居乾清宮南廡苦次○戊申諭朕自幼齡  
蒙 皇祖慈愛篤摯撫育宮中 太妃皇貴妃 貴妃仰體 皇  
祖聖心提攜看視備極周至朕心感念不忘 太妃密妃誕育莊  
親王 太妃勤妃誕育果親王二王為 皇考宣力多年公忠體  
國今又輔朕辦理政務裨益良多此四 太妃應各加封號以展  
朕敬禮之意著該部定議具奏○己酉賜莊親王允祿果親王允  
禮永遠食雙俸鄂爾泰張廷玉世襲一等輕車都尉朱軾世襲騎  
都尉 因王等總理事務 梓宮安奉 ○陝西巡撫碩色奏榆林府  
屬靖邊定邊二縣距府六七百里距省千九百餘里請改隸延安  
府轄榆林一府僅轄榆林懷遠二縣請將直隸葭州及葭州所屬  
神木府谷二縣歸榆林府轄無庸更設直隸州惟向隸葭州之吳  
堡縣地在葭州南距榆林稍遠請就近歸直隸綏德州轄下部議  
東華續錄 乾隆一

東華續錄 乾隆一

積慶垂床之厚澤加以 皇考德盛化神功成治定恩澤周於寰  
宇聲教訖於無垠因之 天人協應符貺聿彰揆諸事理固有宜  
然者茲朕繼緒之初仔肩伊始深恐未能繼述萬一豈能遽召嘉  
祥惟當與中外諸臣以實政實心保守永平大業時深乾惕日懷  
幾康切不可務瑞應之虛名致啟頌揚之說也爾總理事務王大  
臣等可傳諭各省督撫等共體朕心嗣後凡慶雲嘉穀一切祥瑞  
之事皆不許陳奏並傳諭將軍提鎮等知之○諭朕思 皇祖時  
年久大臣如原任大學士張英謹厚和平公忠奉職原任侍郎勵  
杜訥恪勤恭慎練達老成原任尚書顧八代人品端方學問充裕  
昔侍 皇考讀書朝夕講論有裨 聖學 皇考臨御時特降溫  
綸將張英加贈宮傅勵杜訥追贈尚書顧八代加贈太傅三人並  
入祀賢良祠又侍衛海青侍從 皇祖多年勤勞懋著仰蒙 皇  
東華續錄 乾隆一

五六七

行○庚戌以勵宗萬為禮部右侍郎徐元夢為內閣學士  
○辛亥諭王大臣等我 皇考臨御萬方勤求治理惟務實  
心實政從來不言祥瑞每各省督撫奏報慶雲甘露嘉禾瑞蘭醴  
泉麟鳳之類皆蒙 特降諭旨訓示開導告以靈貺式昭益宜矢  
誠矢敬勵人事以迓 天庥至為深切著明或廷臣合詞請賀均  
未邀 俞允此海內臣民所共知者蓋以治天下之道惟在君臣  
上下一德一心政績激清黎民康阜斯為國家祥瑞之明效大驗  
而不徒在雲氣物產之菁華也如果海宇一道同風眾庶安居樂  
業雖不聞瑞物之來亦無損於太平之象其或吏治民生稍未協  
和底績即使休嘉疊告諸物備臻於地方治理亦毫無裨益耳仰  
惟 聖謨所布萬世當遵况朕今日尤不敢比擬 皇考臨御之  
時 皇考上承 皇祖聖祖仁皇帝六十餘年重熙累洽之昌期



一切典禮成禮服詣 几筵前仍縞素 妃 嬪於二十七日除服後二十七日內成素服遇典禮用禮服 皇子與諸王百官咸二十七日除服百日薙髮外省官員軍民人等俱照定例行奏入上召總理事務王大臣面傳 皇太后懿旨日諸王大臣議奏持服之禮酌古準今情理允協知道了欽此 上降旨亦以所議甚悉允行○諭王大臣等前內大臣海望自北路軍營回京時奏稱鄂爾坤發遣人犯在彼種地並無實濟且恐日久之後人數漸多致生事端似應改發他處彼時 皇考以鄂爾坤見有大兵駐紮豈有不能彈壓之理此奏不合曾經降 旨教導令總理事務王大臣辦理軍機大臣等議覆此事並無定議之語殊有觀望之心及朕降旨諭令再議而王大臣等尚未知 皇考聖意也伏思 皇考之意蓋以此等發遣之犯原係身獲重罪之人今發軍前種地者乃保全之大恩令其效力贖罪耳若其中果有情罪冤抑不應發往者乃辦理刑名大臣之錯誤自應聲明具奏寬釋其罪方於情理允協若本無冤抑之情止因其不善開墾遂爾改發內地以兵丁代之是獲罪之重犯又不肯急公趨事者轉得遂其僥倖之心矣且兵丁平日職業惟在騎射當差耕種之事非其所素習若以不能力耕為詞則將遷移內地之民往耕邊塞之地乎此事之斷不可行者若以此處不應聚集多人則將嗣後發遣之犯改發他處尚屬可行似此已發之犯豈有更改他處之理且無論大軍在彼儘足彈壓即彼處無兵亦毫無可慮者若以伊等不能耕種自應令該將軍大臣等嚴加督率定為賞罰之條以示懲勸况耕種本非難事非工作技藝之可比若肯用力人人能之其所以苟且因循未收實效者皆該管官員疏忽怠玩之所致也海望

東華續錄

乾隆一

七

心地純良但識見平常且有固執己見之處伊所陳奏豈可盡以為是爾等之意思以朕降特旨將海望署理戶部尚書且不時召見遂起觀望之心將伊陳奏之事向奉 皇考申飭者仍復含糊議覆甚屬不合凡辦理天下之事惟有物來順應不可豫存是非可否之見於胸中不但海望所言即莊親王果親王大學士鄂爾泰張廷玉為朕所深加任用者亦不可以其所言盡以為是蓋識見不到思慮未周人所常有也不甯惟是即朕之諭旨儻有錯誤之處亦當據實直陳不可隨聲附和如此則君臣之間開誠布公盡去瞻顧之陋習而庶政之不就理者鮮矣諸王大臣等日在左右尚不知朕心未免觀望之意則在外臣工之未曾接對者又當何如乎此事若非朕看出豈不至於錯誤向後當以為戒並將虛公持平之道曉諭內外臣工共勉之○乙卯奉 皇太后還宮居景仁宮是日 上移居養心殿○諭據大學士鄂爾泰等奏請迴避朕之御名上一字擬書宏字下一字擬書歷字朕思尊君親上臣子分誼當然但須務其大者以將恭敬至於避名之典雖歷代相沿而實乃文字末節無關於大義也中外臣工如身膺文職者當思宣猷布化裨益於國計民生官居武職者當思效力抒忠奏績於疆場牧圉士子讀書勵行黎民守法奉公方為克盡愛戴尊崇之實若但於御名謹避將字畫更改並失其字之本義揆諸古人二名不偏諱之理既不相符且區區拘泥之見亦不足以明敬悃甚無取焉所請改寫宏字歷字不必行嗣後凡遇朕御名之處不必諱若臣工名字有同朕心自不安者上一字著少寫一點下一字將中間禾字書為木字即可以存迴避之意矣爾部可傳諭中外一體遵行○諭莊親王果親王召見便殿賜坐之時俱行拜

東華續錄

乾隆一

七



禮朕心深為不安王等皆 聖祖仁皇帝之子 大行皇帝之弟  
於朕為叔行輩甚尊豈可常行拜禮於朕前乎君臣上下分義固  
所當遵然便殿宴見之時非朝會大典可比禮以義起古人所貴  
朕心所未安之處即禮之所當隨宜斟酌者嗣後如升殿朝賀典  
禮攸關之處諸王等仍遵定例行禮外若便殿宴見時朕親親親  
均不必叩拜以昭朕敬長親親之意○命廷臣輪班奏事○詔大  
學士以下三品京堂以上平日深知灼見之人不拘品級資格據  
實密封奏聞○丁巳刑部奏援赦合例朝審人犯 上曰赦非善  
政但朕即位之初盡遵舊制誕布新恩凡此罪人亟宜改悔法司  
仍詳記檔案如既赦之人再干法紀朕必將伊等加倍治罪○戊  
午命五城煮賑○賞李紱侍郎銜管戶部三庫事原任○己未諭  
各省民欠十年以上者已於恩詔內蠲免茲特再行降旨將雍正  
十二年以前各省民欠一併寬免其江南積欠內官侵吏蝕二項  
乃從民欠中分出者亦照民欠例寬免○諭本年恩詔內凡文武  
官員見在議降議罰及住俸戴罪者俱著寬免已頒布通行朕查  
我朝遠年恩詔內凡革職及赦督撫究擬者曾有寬免之例今朕  
即位之初切望內外大小臣工洗心滌慮痛改前非為國家宣力  
以圖後效特沛浩蕩之恩予以自新之路著將文武官員見在議  
革者亦准寬免至於赦下督撫究擬之案其情罪輕重不等著該  
督撫秉公酌量若所犯情罪應援恩詔寬免者俱著入於寬免之  
內以副朕宥過施恩之至意○諭歷代僧人披剃有給與度牒之  
制所以稽禁行重律儀也我 世祖章皇帝於順治八年停其納  
銀仍給度牒迨 聖祖仁皇帝康熙初年並給發度牒亦經停止  
蓋其時僧徒尙未甚多又當玉琳國師筑溪禪師主持法席相繼

振興之餘猶知共循遺軌故不給度牒亦屬可行近日緇流大眾  
品類混淆各省僧眾真心出家修道者百無一二而愚下無賴之  
人游手聚食且有獲罪逃匿者竄迹其中是以佛門之人日眾而  
佛法日衰不惟參求正覺克紹宗風者寥寥希觀即嚴持戒律習  
學小乘之人亦不多見蔑棄清規徒增塵玷此其流弊將不可勝  
言朕崇敬佛法秉信夙深參悟實功仰蒙 皇考嘉獎許以當今  
法會中契超無上者朕為第一則並無薄待釋子之成見可知特  
以護持正教之殷懷不得不辨其薰蕕加之甄別著該部仍行頒  
發度牒給在京及各省僧綱司等嗣後情願出家之人必須給度  
牒方准披剃仍飭府州縣等衙門嚴查僧官胥吏毋許借端需索  
擾累僧徒違者從重治罪爾部即遵諭行○諭王大臣等本年恩  
詔赦款甚多但奴僕告家主之案名分攸關情罪可惡毋得援恩  
東華續錄 乾隆一  
詔赦免蓋凡官民人等身蹈過愆大干功令者自然不能掩蓋且  
無人不可舉首斷不容奴僕挾制短長妄行首告而紊尊卑之定  
分也嗣後遇有奴僕首告家主者雖所告皆實亦必將首告之奴  
僕仍照例重治其罪爾等即交該部通行曉諭永著為令○禁擅  
造寺觀神祠○庚申晉封公允禱為員勒守護 大行皇帝山陵  
○詔開鄉會恩科命於乾隆元年八月舉行鄉試乾隆二年二月  
舉行會試○免貴州苗匪擾害州縣本年應徵糧米○壬戌諭從  
來帝王撫育區夏惟在教養兩端蓋恆產恆心相為維繫教民之  
道必先之以養民惟期順天因地養欲給求俾民氣和樂民心自  
順民生優裕民質自馴我朝 列聖敬 天勤民垂統萬世 皇  
祖聖祖仁皇帝六十餘年久道化成惟是承平日久生齒日繁而  
地不加廣我 皇考宵旰孜孜勤求治理惟恐一夫不獲其所今



朕續承大統安忍稍有糜費侈用之心凡供膳品味無所加增衣服器用無所濫費宮室苑囿無所改營爰賴中外諸臣共體朕心以成朕志於民生日用所由阜成民生樂利所由豐豫之處在在求其實際事事謀其久遠各殫誠心期登斯民於衽席勉之勉之○諭本年順天鄉試弊竇甚多解元許秉智係革職戶部員外郎許秉義胞弟家貨甚富情弊顯然著將考試官顧祖鎮戴瀚革職擊交刑部請旨派大臣嚴審按律究擬朕當 皇考大事正哀痛迫切之時豈復能留心文字是以今年鄉試十魁卷特旨命徐本福敏方苞楊超曾四人覆閱伊等毫未經心漫無覺察亦著交部嚴察議奏原參一摺發出著原派之大臣按款審訊務在秉公辦理得其實情亦不必以朕降旨在先有意迎合侍講顧祖鎮時為工部學士戴瀚翰林院學士○命清查叢林古剎齋田編入冊籍○大學士馬齊以年老乞休允之○乙丑蘇州巡撫高其倬奏江陰縣地棍夏壽等糾夥至許墅關稅房肆行不法飭屬嚴拏究辦得旨海觀繩離任而即有此事汝尚有顏面乎 皇考每以高其倬魏廷珍並論謂皆有才而皆不實心任事汝毋以今日為得計也朕之心即 皇考之心朕之賞罰豈與 皇考有異乎土棍妄行大干法紀若再不能拏獲重懲汝不辭縱盜之大譴乎且高其倬之柔奸 皇考能姑容之朕不能姑容也勉之戒之○漕運總督顧琮奏請蠲免江南蘇松二府浮糧又請禁關稅贏餘逐年加增陋習得旨所奏浮糧關稅二件甚屬可嘉汝未陳奏之先朕早已洞悉敕交王大臣密議因國家經費須當量入為出通盤計算兼之求治不可太速一時未可輕舉然汝奏與朕意脗合朕甚忻悅覽焉

冬十月丙寅朔諭我 皇考篤念怡賢親王公忠體國翊贊政治

之勤勞加恩於嗣子怡親王望其有所成就以繼怡賢親王之遺緒今當讀書務學之時著再揀選翰林官一員與林令旭一同課讀再誠親王自幼蒙 皇考慈愛令在宮中與朕兄弟同學讀書乃王性耽安逸不知黽勉向學以副 皇考期望之意屢煩 聖心降旨訓飭而王尚未悛改皆朕所親見者今朕仰體 皇考愛弟之心何忍恣視著選派翰林官二員為王師傅用心教導務令學業有成儻王仍前怠惰當竭力規勸教誡之若勸誡不從即奏聞於朕候朕降旨儻不能盡訓導之職又為王隱過朕必於該翰林是問○諭朕前降旨三年之內不准各省督撫進獻土產若有進獻 皇考之物已在途次者准其進呈昨江南總督趙宏恩獻食物器具乃八月中旬齎發在 龍馭上賓之先朕不忍遣回謹留為 几筵陳設之用恐他省不知情由特行曉諭嗣後凡有進獻之物即齎送到京奏事官員亦不准接受轉奏俟三年之後朕再降旨朕仰承 聖祖 皇考福蔭凡服用器具之屬何一不備取之宮中而有餘正不待四方之入貢也在諸臣各懷尊君親上之心固欲藉物產以伸其誠敬然此貢獻之物豈能自備於家而不取資於民力乎是朕多受一次貢獻即諸臣多費一次經營諸臣多費一次經營即百姓多費一次供應朕不忍以無益之方物重煩吾民也諸臣果有愛戴之誠心惟當體朕子惠元元之意凡一絲一粟皆思為人民留其有餘使之家給人足則勝於朕之身受矣○諭近見直省督撫提鎮及藩臬等摺奏或勸朕節哀或請叩謁 梓宮奉差在外大臣又有具摺請安並無陳奏之事者夫創鉅痛深中情所發雖欲自遏而其道無由豈疏逃之臣可以空言相止者乎若夫毀不滅性經有明文記稱武王達孝乃在善繼



善述朕受 皇考付託之重荷 列聖丕基自當為天下慎保此  
身亦無事諸臣之勸勉也先王之禮甸服者日祭侯服者月祀以  
其地至近本應有職事於王朝今以四海九州之遠乃欲置封疆  
民社而叩謁 梓宮毋乃明知其不可而姑漫言以自表歟朕在  
政之初諸臣自宜各陳其職事及吏疵民瘼有裨於實政者而蹈  
常襲故崇飾虛文朕何望焉至於具摺請安並無陳奏之事則雖  
有忠愛之忱而實未知朕之心也元后作民父母故古先聖王日  
昃不遑暇食用誠和萬民以安之也必天下之民舉安而後朕之  
心安而後朕之身安使人君而惟務一身之安則天下之民必有  
不得其安者矣夫親民之吏催科不擾刑罰必中水旱無墾奸蠹  
悉除所以安一州一縣之民也由守牧監司以至督撫進循良斥  
貪暴毋通貨賄毋聽請屬毋好讒諂毋惡取直所屬羣吏果有實  
德於民必愛惜曲成使得行其志所以安連州比郡通省之民也  
小大戎臣能固封守恤士卒軫其飢寒均其勞役所以安行伍之  
民也諸臣信能朝夕孜孜職思其居以安天下之民則所以安朕  
之心安朕之身者實效具見朕必嘉其忠誠繁文末節非所尚也  
朕所望於諸臣者惟在實心輔成治化自今以後凡無關於政事  
之實者不必具摺具本陳奏○命副將軍常德赴北路軍營○免  
四川襄塘巴塘土司及西甯番眾土貢一年○湖廣添平等所土  
司改設流官把總職銜承運承襲○丁卯諭父母之恩昊天罔極  
而喪禮以三年為斷者所以節仁人孝子之哀而有所極也三  
年之喪猶不能終則百行皆無其本矣魯公禽父衰經而即戎孔  
子以為有為為之也古者諸侯之大夫士雖有既葬而服國事之  
禮然古之仕者不出其鄉殞殞皆親窆窆既營雖使經而即事義

尚可安也今之仕宦近者猶數百千里舍殮不知宅兆未卜而冥  
然於官所情能自己乎往者道府以上要缺閒有督撫保題在任  
守制而 特旨從之者其後遂習為故常並及州縣微員其中有  
平日督撫所親信而欲留者有竟自願留者有多方營求以得之  
者而不得者且用為恥夫事親孝故忠可移於君使其人本仁孝  
而強奪其情則儼然不能終日必至愴怛昏迷廢弛公事若以為  
安則忍戾貪冒之人也國家安所用之而所治士民亦安能服其  
政教乎自後必其地其任其事其時決不可少是人而無能相代  
者乃在保題以憑覈奪餘俱停止永著為例○諭黔省逆苗不法  
地方文武官弁不能先事豫防及苗眾猖獗用兵征勦領兵大員  
又復各持己見不能和衷共濟加以張照舉動乖張以致辦理失  
宜用兵數月仍無頭緒朕心甚為憂慮因湖廣總督張廣泗才品  
優長且從前久任苗疆諸事熟練是以命其前往代張照之任今  
思用兵關繫緊要事權若不歸一難以早奏膚功張廣泗著授為  
經略自揚威將軍哈元生副將軍董芳以下俱聽張廣泗節制調  
遣○授大學士張廷玉三等子以長子張若謨襲以恩賞世襲一  
等輕車都尉○以王蘭生為內閣學士由少詹  
事遷○戊辰刑部  
侍郎王紘年老乞休得旨王紘以年屆七旬難勝刑部繁劇之任  
懇請致仕朕念伊係 皇考簡用舊人事簡之部尚可辦理著勵  
宗萬以禮部侍郎管刑部侍郎事王紘以刑部侍郎管禮部侍郎  
事○己巳轉王鈞為工部左侍郎以張廷琛為工部右侍郎由詹  
事遷  
○辛未諭洪範庶徵凡雨暘之愆和闕人事之得失所以著感應  
之理使修人事然水旱之災雖堯湯不能免惟有勤恤民隱竭力  
補救可化災沴而成太和總在積至誠以昭假不可萌一念之欺



罔也督撫身任封疆重寄奏報收成分數乃關係地方民命必確  
實無欺始得議行蠲賑以甦民困朕平日留心此事見各省奏報  
收成分數或有止據一方豐收數目為定雨水過多之處以高阜  
所收為準亢旱時有之年以低下所獲為準並不分晰某處豐收  
某處欠收其意止圖粉飾以邀感召和氣之名而不知即此一念  
欺罔已為獲罪於民獲罪於君而獲罪於天矣夫至誠格天乃聖  
人體信達順參贊化育之事爾等督撫即使辦理妥協亦不過仰  
承 皇考聖訓遵循罔越豈得因年歲之豐阜貪天之功為己功  
平若歲豐可引為己功則必歲歉懼為己罪捏報豐收不恤民難  
使飢凍流亡之慘不得聞免賑恤之恩不得下逮職思其故  
誰為厲階清夜捫心何以自問且朕體 皇考敬 天勤民之意  
膺君國子民之任豈肯姑貸此等督撫以為民害耶嗣後務各做

東華續錄

乾隆一

三

省所奏報各地方收穫分數不得絲毫假飾以干重戾○諭督撫  
身任封疆之寄凡一切事宜俱應據實辦理而嚴緝盜賊所以甯  
輯地方尤關緊要夫盜賊豈能盡絕在地方官查拏嚴密使犯者  
無所逃隱然後未犯者始可望其畏法而改行所慮督撫昏懦柔  
靡不能覺察不肖州縣官希圖脫免處分隱諱盜案督撫受其蒙  
蔽以為某州某縣絕少盜賊而不知盜賊方竊發而未已也更有  
督撫存心狡詭弋取甯謐美名不恤民生之失所轉喻屬員使  
之彌縫盜案而地方官稟承其意每於踏看時窮詰事主鉤致隱  
微或誣以家賊或坐以妄報使失事之家不得不懇求銷案是不  
惟受盜劫之慘而更遭官刑之辱但有一二案如此則呈報被盜  
之累通省皆知人各惴懼吞忍不報終歲之閒名為無盜而不知  
縱盜殃民正使繼起者橫行而無所忌朕深悉此弊殊為切齒儻

或仍有此等喪失良心之督撫斷不姑貸以貽民害其地方不肖  
有司有拖累事主希圖諱匿者督撫若不即行指參經朕訪聞亦  
必從重處分○諭據李禧奏稱在京漢軍兵丁可否照官員之例  
遇有喪事准借四月錢糧或懇格外施恩賞給資生銀兩等語王  
大臣等奏稱見奉諭旨令為八旗籌議恆產為兵丁久遠之計漢  
軍兵丁本應一併入議今李禧諸事敗露且將密奏之件宣揚於  
外欲以市恩其所奏姑且不必施行等語朕思天下事止論其應  
行與否不必論其為何人所奏也李禧劣蹟雖已敗露其人甚屬  
可惡而其言未必一無可採此魯論所謂不以人廢言也至於以  
市恩歸咎臣下朕不為也何則條陳在臣下而允行則出朕旨臣  
下之承流宣化即朕之恩施臣民也若臣下恐居市恩之名將應  
行之事格而不行以致膏澤不能下逮朕實不忍推而廣之臣下

東華續錄

乾隆一

三

之功即朕之功臣下之過即朕之過朕斷不敢以功過歸臣下也  
即如各省之豐歉水旱其所以感天和而致天戒者亦惟在朕躬  
朕此心實可以對 上天 皇考惟願諸臣屏去私心緝熙百度  
直陳無隱以副朕望其賞給漢軍兵丁生息一事朕原與王大臣  
等商酌次第舉行者豈可因李禧陳奏而中止著交該部定議並  
將此旨曉諭中外臣工知之○諭徐元夢以年老衰邁不能辦理  
刑名事件懇辭刑部侍郎之任徐元夢著調補禮部侍郎其刑部  
侍郎員缺著木和林調補○以任蘭枝為禮部尚書由吏部左  
王申諭據果親王密奏江南等省漕項蘆課及學租雜稅等銀亦  
係雍正十二年以前之民欠似可照例豁免特行請旨等語朕思  
此等欠項實係應免者果親王分晰詳明據實陳奏甚屬可嘉著  
全行豁免並令嗣後遇有恩詔俱將各項入於豁免之內永著為



令果親王秉性忠直辦理部務悉本公心是以蒙 皇考深加優獎推誠信任而王亦不屑以寬慈邀譽是以外閒或有嚴厲之疑皆不知王之居心者又或有司員奉行不善之處亦未可定實與王無與今觀密奏調免漕蘆等項舊欠一摺則王存心寬厚辦事公明即此可見著將原奏及朕此旨宣示九卿等共知之○諭國家圖治以得人為先故以人事君者人臣之大義雖出於至公尚恐無知人之明况參以私意乎向來薦剡多屬黃緣朕深悉其弊今番特令諸臣各行保舉惟冀痛洗積習以展丹忱據陳樹萱奏保鹽大使陳樹芳係伊族弟又保優貢生陳長鎮詢之亦係伊同族殊可怪歎夫內舉不避親必自處實屬所舉者實屬祁午而後可試問陳樹萱為人果足以比祁奚而所舉者實屬等果足以方祁午耶且陳樹萱生平所知廷臣外寮豈竟無一二東華續錄 乾隆一

派也若俱屏除宗牒之外則將來子孫與庶民無異當初辦理此事乃諸王大臣再三固請實非 皇考本意其作何辦理之處著諸王滿漢文武大臣翰詹科道各抒己見確議具奏其中若有兩議三議者亦在陳奏○諭會靜大逆不道雖置之極典不足蔽其辜乃我 皇考聖度如天曲加寬宥夫會靜之罪不減於呂留良而我 皇考於呂留良則明正典刑於會靜則屏棄法外以呂留良更謗議及於 皇祖而會靜止及於 聖躬也今朕紹承大統當遵 皇考辦理呂留良案之例明正會靜之罪誅叛逆之渠魁洩臣民之公憤著湖廣督撫將會靜張際即行鎖拏遴選幹員解京候審毋得疏縱洩漏其嫡屬交地方官嚴行看守候旨○特命八旗都統察舉孝廉方正○加左都御史福敏太子太保贈侍郎蔡世遠禮部尚書加祭一次諭文勤○甲戌諭王大臣等治天下之道貴得其中故寬則糾之以猛猛則濟之以寬而記稱一張一弛為文武之道凡以求協乎中非可以矯枉過正也 皇祖聖祖仁皇帝深仁厚澤垂六十年休養生息民物恬熙循是以往恐有過寬之弊我 皇考紹承大統整飭紀綱俾吏治激清庶事釐正人知畏法遠罪而不敢萌徼倖之心此 皇考之因時更化所以導之於至中而整肅官方無非惠愛斯民之至意也 皇考嘗以朕為賦性寬緩屢教誡之朕仰承 聖訓深用儆惕茲當御極之初時時以 皇考之心為心即以 皇考之政為政惟思剛柔相濟不競不絀以臻平康正直之治夫整飭之與嚴厲寬大之與廢弛相似而實不同朕之所謂寬者如兵丁之宜存恤百姓之宜惠保而非謂罪惡之可以悉赦刑罰之可以姑縱與庶政之可以怠荒而弗理也朕觀近日王大臣等所辦事務頗有遲延疏縱之處想



以朕寬大居心諸臣辦理可以無事於整飭耶此則不諒朕心而與朕用寬之意相左矣夫經世物理貴乎君臣惟日孜孜交勉不逮朕主於寬而諸王大臣朕明振作以輔朕之寬夫然後政和事理俾朕可以常用其寬而收寬之效此則諸臣贊助之功也儻不能如是恐相習日久必至人心玩愒事務廢弛激朕有不得不嚴之勢此不惟臣工之不幸抑亦天下之不幸更即朕之不幸矣朕與王大臣同辦國家政事實為一體爰開誠布公將計慮所及時行曉諭期於共相勉勵以防將來之流弊○雲貴總督尹繼善奏駐防攸樂之普洱府同知應移駐思茅改為思茅同知其原駐思茅之普洱府通判裁普洱府添設知縣一威遠地方改歸鎮沅府轄其原設撫夷同知改為鎮沅府分防威遠撫夷同知一切刑名錢穀事務照大關同知之例仍令辦理從之○調徐本為刑部尚書起涂天相為工部尚書原任尚書○乙亥諭朕登極恩詔內凡內外滿漢官員自一品以至九品均予封贈所以錫類敷恩遂臣子顯揚之願勵移孝作忠之風也查舊例丁憂人員不得均邀封典朕思丁憂之員乃恪遵朝廷定制自盡其為子之情與廢斥在家告假回籍者不同况在任守制者俱得一體霑恩丁憂之員反不得邀榮以顯其親情既可憫而理亦未協著該部查明伊等原官品級一併給與封典以成孝思○諭直省州縣有沿河沿海衝繁疲難要缺例准該督撫題請調補其餘悉歸吏部銓選乃近各直省督撫題請調補者甚多有並非應行題請之缺亦一槩題請朕思調補一事督撫豈能盡出於至公即令至公而取舍豈能盡出於至當且督撫一人之耳目安能周知通省之屬員勢不能不寄耳目於他人既寄耳目於他人則營求請託之弊均不能免即督撫

不以他人之耳目為憑而一己之好尚亦易以啓屬員之迎合喜諂媚者以阿諛見容喜才能者以紛更干進在督撫以為得人不知已默受屬員之欺而於地方全無裨益也况政治必歷久而後諳銓選必按例而無弊若他省州縣員缺不論其有無緊要及題請合例與否而槩從外省調補則地方官員既遷徙靡定而吏治民情未能熟悉其在部候選之官終年不得員缺而至於壅滯皆流弊所必至者嗣後各直省督撫務遵定例除沿河沿海衝繁疲難要缺仍准題請調補外其餘槩歸部選不得濫行題請倘要缺之外實有人地相宜必須題請調補之處聲明本內以憑覈奪○諭各直省勸令開闢荒地以廣種作以資食用俾無曠土游民原係良法美意然必該督撫董率所屬官吏實力奉行毫無粉飾俾地方實有開闢之田民間實受耕種之利以此造報升科方於國計民生有所裨益乃朕見各直省督撫題報開墾者紛紛不一至於河南一省所報畝數尤多而閩省繼之經朕訪察其中多有未實或由督撫欲以廣墾見長或由地方有司官欲以升科之多迎合上司之意而其實並未開墾不過將升科錢糧飛灑於見在地畝之中名為開荒而實則加賦非徒無益於地方而並貽害於百姓也嗣後各該督撫宜仰體 皇考愛民至意誠心辦理凡造報開墾畝數務必詳加查覈實係墾荒然後具奏不得絲毫假飾以致閭閻之擾累若不痛洗積弊仍蹈前轍朕訪聞必從重處分不稍姑貸○諭王大臣等乃者因準噶爾遣使乞和故令北路大兵撤回駐鄂爾坤其許準噶爾乞和之事雖尚未定朕意以為和與不和總無關繫惟在我籌辦妥協計及久遠耳蓋大兵之興原欲保護喀爾喀等若曠日持久我兵屯駐之地悉喀爾喀之地一



切需用牲畜及游牧行走不免有害於喀爾喀之生計既於喀爾喀無益而糜費國帑勞瘁兵力常在極邊屯駐亦非國家之長計遠慮且戍守之處太遠仍屬無濟當量其近邊要害之地以鎮守之縱使準噶爾賊寇復萌侵擾喀爾喀之意但越阿爾台嶺遠行數千里兵寡力微豈能獲利如欲大集其眾而來近者自額爾德尼招大創之後銳氣已折又歷年經我兩路大兵拒截人馬傷殘亦安能遽為整理其外况有哈薩克布魯特與之構難設不自顧悉其游牧以全力深入我境斷不能獲利何以旋歸耶然在我惟當嚴為之備雖賊寇潛窺不使得逞必令負創而還則自知震警邊境可以永固於蒙古生計與我之兵力國帑俱受其益至於辦理之道戍兵宜於何處駐紮喀爾喀內扎薩克游牧之地宜如何守護卡倫如何安設糧餉如何辦運均俟平郡王到日會同總理

東華續錄

乾隆一

七

事務王大臣及傅鼐等詳悉確議具奏事雖未定而先事裁審則係理精詳於久遠之計庶幾有裨○命宗室覺羅因罪革退者子孫分賜紅帶紫帶附載 王牒○以李紱為戶部左侍郎仍管庫務○丙子命旗務宜遵舊制務從簡易○諭內務府總管太監等尊卑有一定之體統上下有不易之禮儀自宜循分遵行豈容稍有僭越太監等乃鄉野愚民至微極賤得入宮闈叨賜品秩已屬非分隆恩况朕八旗滿洲舊人甚多豈盡得如太監等日親天顏出入內廷乎爾等當自揣分量敬謹小心常懷畏懼庶幾承受皇恩得免罪戾凡諸王大臣皆國家屏藩輔弼之人爾等尋常接見自應恭謹盡禮豈得與奉旨宣諭時一揀舉止乎至內廷阿哥等我朝舊制無論王公大臣俱行跪見請安之禮惟有親伯叔行乃免跪見至尊重也何况爾等微末太監諺云一歲主百歲奴上下

之分秩然豈得以阿哥等年尚冲幼遂爾怠忽耶即如蘇培盛乃一愚昧無知人耳得蒙 皇考加恩授為宮殿監督領侍賞賜四品官職非分已極乃伊不知惶愧感恩竟敢肆行狂妄向日於朕兄弟前或半跪請安或執手問詢甚至與莊親王並坐接談毫無禮節莊親王總管內務府事務凡內廷大小太監均屬統轄蘇培盛即目無內務府獨不思莊親王乃 聖祖仁皇帝之子 大行皇帝之弟乎昔者寒思黑之子弘晷呼魏珠為伯父 皇考會嚴切教訓此風不可長也前朕與和親王等在九州清宴瞻禮時值蘇培盛等在彼飲饌伊等不但不行迴避且復延坐共食而阿哥等亦有貪其口腹與之同餐者朕躬後至稍坐而出嗣是朕不復在九州清宴用飯夫阿哥等一時失於檢點而蘇培盛狂妄驕恣公然與皇子等並坐而食似此種種悖亂不可枚舉此皆朕躬所親見者也再張爾泰從前亦甚驕縱及獲罪革退之後見朕兄弟猶敢竟行執手問詢不法如前此二人之行止如 皇考察知自必早行懲治決不姑容也至張起麟乃效力最久之人年紀老邁見朕兄弟猶必長跪請安不敢怠忽或我輩賜坐伊必叩頭席地而坐此宮中太監所共見者至今思之殊可憫念陳福李英暨王常貴張玉柱向會屢奉 皇考訓旨傳諭朕宮及和親王等設有嚴飭教訓旨意必皆正顏厲色告誡周詳毫無瞻顧之私甚合大體及至尋常進見則復敬謹小心周旋盡禮設彼時伊等傳宣諭旨而稍有曲意迎合不顧體統之處朕必鄙薄而問其罪豈復肯加恩任用乎蓋傳旨有傳旨之體統而自見有自見之體統此四人者較蘇培盛張爾泰何啻天淵今朕紹登大寶恐太監之風漸熾故降旨訓諭蘇培盛等此時必心懷憂懼與其憂懼於今

東華續錄

乾隆一

天

漸熾故降旨訓諭蘇培盛等此時必心懷憂懼與其憂懼於今



日何不敬謹於當時朕今即將蘇培盛問以不敬之律未為不可  
 即揆之於理亦未為過當然朕君臨天下惟以大公至正為心因  
 念蘇培盛之偶爾失儀尚屬糊塗可赦之罪未至漢唐宋明宦寺  
 之放縱也然星星之火尚能燎原涓涓不杜終成江河從前 皇  
 考因太監等敬謹畏法小心供役是以 特沛殊恩賞賜官職實  
 為榮幸伊等在 皇考前固知戒謹恐懼而愚昧無知之輩於外  
 面遂漸加驕縱不似 皇祖時之守法矣伊等既不能仰副 皇  
 考加恩之至意朕獨不能執法以懲其罪乎儻蘇培盛等仍復怙  
 惡不悛朕不但重治其罪必將眾太監之官職盡行削革伊等縱  
 不自惜獨不為眾太監稍留餘地耶嗣後爾太監等各宜慎遵制  
 度恪守名分如遇奉宣諭旨之時朝廷自有儀制設有嚴飭之旨  
 自宜莊厲傳宣不可稍顧情面而尋常以公事接見王公大臣時  
 東華續錄 乾隆一 元  
 禮貌必恭言語必謹不可稍涉驕縱以失尊卑大體即在街市行  
 走不可出言詈人父母若太監等有詈人父母者許被詈之人即  
 行重責至接奉內廷阿哥等事件必當莊重敬謹不可曲意順從  
 而奉朕旨傳宣又當仰體朕意告誡諄諄不可稍有瞻徇尤不可  
 略通信息設總管太監自行見阿哥等必當拜跪請安阿哥等賜  
 坐必當席地而坐即宮內之宮眷雖答應之微爾總管不可不跪  
 拜也阿哥之家眷雖宮女子之微爾總管不可不跪拜也此朕防  
 微杜漸之舉後世子孫世世遵行若總管太監等仍敢蹈襲前轍  
 妄自狂縱不遵定制經朕察出將首犯之人立行正法眾太監官  
 職並行革退著將此旨亦曉諭阿哥等知之內務府總管衙門仍  
 登記檔案若太監略有放縱許內務府總管先拏後奏○以劉勳  
 為直隸河道總督由河東副○丁丑釋園禁宗室○左都御史孔

毓璞以侵帑革職○戊寅命恭遇 列祖 列后忌辰均照 陵  
 寢時饗禮○諭吏部國家政務殷繁需才辦理遇有部院員缺一  
 時不得其人是以暫令兼攝非得已也朕昨觀張楷彭維新俞兆  
 晟陳世倌等均係罷斥負罪之員但伊等獲罪之由尚非貪婪犯  
 賊者比且尚有可用之才曾經 皇祖 皇考錄用任使朕今格  
 外施恩蠲免前愆特加拔擢彭維新著署理都察院左都御史張  
 楷著署理戶部侍郎俞兆晟著在內閣學士裏行走副都御史陳  
 世倌見在出差其副都御史員缺著陳世倌署理陳世倌回京日  
 朕另降旨彭維新等務各悔過更新感 皇考生成之德念朕任  
 用之恩奮志報效實力奉公儻不痛加前愆復干咎戾則不惟不  
 知畏罪亦並不知感恩朕必加倍卽置重典彭維新等以○己卯  
 命江蘇開爐鑄錢○順天學政錢陳羣奏凡三十歲以內守節之  
 東華續錄 乾隆一 三  
 婦人後因子貴受封請一體旌表從之○辛巳諭朕聞各省地方  
 於開稅雜稅外更有落地稅之名凡糶鋤其薪炭魚蝦蔬果之  
 屬其值無幾必查明上稅方許交易且販自東市既已納課貨於  
 西市又復重徵至於鄉村僻遠之地有司耳目所不及或差胥役  
 徵收或令牙行總繳其交官者甚微不過飽奸民猾吏之私囊而  
 細民重受其擾矣著通行內外各省凡市集落地稅其在府州縣  
 城內人煙輳集貿易眾多且官員易於稽查者照舊徵收但不許  
 額外苛索亦不許重複徵收若在鄉鎮村落則全行禁革不許貪  
 官污吏假借名色巧取一文著該督撫將如何裁革禁約之處詳  
 造冊報部查覆備奉旨之後仍有不實心奉行暗藏弊竇者朕  
 必將有司從重治罪該督撫並加嚴譴此旨可令各省刊刻頒布  
 務令遠邇僻壤之民共知之○諭朕閱督撫奏屬員及題請改



教本章每有書生不能勝任及書氣未除等語夫讀書所以致用  
凡修己治人之道事君居官之理備載於書故傳說之告其君曰  
學於古訓乃有獲又曰念終始典於學成王訓其臣曰學古入官  
議事以制政乃不迷又曰不學牆面莅事惟煩人不知書則偏陂  
以宅衷操切以處事生心害政有不可救藥者若州縣官果足以  
當書生二字則以易直子諒之心行寬和惠愛之政任一邑則一  
邑受其福莅一郡則一郡蒙其休朕惟恐人不足當書生之稱而  
安得以書生相戒乎若以書生為戒朕自幼讀書宮中講論二十  
年未嘗少輟實一書生也王大臣為朕所倚任朝夕左右者亦皆  
書生也若指屬員之迂謬疏庸者為書生以相詬病則未知此正  
伊不知書所致而書豈任其咎哉至書氣二字尤可寶貴果能讀  
書沈浸醞釀而有書氣更集義以充之便是浩然之氣人無書氣  
東華續錄 乾隆一  
即為麤俗氣市井氣而不可列於士大夫之林矣是書氣正宜從  
容涵養以善培之安可勸之使除而反以未除者為病乎且朕聞  
外間斥人之短每云伊欲做好人朱子云學者通病在思作貴人  
而不思作好人人果欲做好人行好事則甚有益於民生有益於  
國事造福無窮若以好人為戒不幾相率而拂人之性乎凡此皆  
係識見麤鄙不知治體不明大義之言朕今姑發其蔽而教戒之  
尚各翻然思悔○命釐正文體毋得避忌○命刑部尚書徐本軍  
機處行走○總理事務王大臣議准大學士朱軾奏民間田地丈  
量首報宜一併永遠停止所貴開墾者原為人無恆業地有遺利  
督令耕畜為足民計非為增賦起見且區區報墾之糧於國課無  
加毫末不但丈量不可行即責令首報之條嚇詐攤派大吏名為  
急公小吏兼以牟利請飭督撫將見在報墾田地詳確查明如係

虛捏據實題請開除若護短文飾察出嚴治得旨依議速行○王  
午諭從來審究案件參奏之人不在承審之列蓋恐參奏之人承  
審不無懷挾私心而被參之人即有屈抑難於伸訴也是以外省  
題參事件定例督撫審撫參督審庶被參者情不得抑而用法  
始平况八旗參奏之事在旗員未諳律例問擬情罪恐不無舛錯  
嗣後八旗參奏事件俱著刑部秉公審理原參之人不得從中攙  
越至於八旗內務府高墻原因旗人定罪之後不便與民人一處  
監禁是以暫於各旗設立高墻分禁今遇恩赦一切雜犯俱已寬  
免其餘重犯仍應歸入刑部監內分別旗民收禁其八旗內務府  
高墻不必安設○癸未諭內務府總管太監等圍明園阿哥處太  
監王自立前日來請 皇太后安未候見朕徑回圍明園去今  
皇太后向朕說圍明園阿哥請安稱朕為汗阿哥阿哥年小如何  
東華續錄 乾隆一  
知道請安之禮自然是王自立教阿哥如此此時不向好處導引  
候阿哥長大倚恃 皇太后照看性情自然驕縱稱慣了汗阿哥  
字樣朕雖不見責經王大臣聞知必然參奏豈不貽誤阿哥如今  
阿哥年幼傳諭王自立盡心往好處導引阿哥係朕之弟日後成  
立知感朕恩即是朕之輔佐爾等將王自立傳來重責四十板令  
伊回去小心導引阿哥俟明年阿哥進宮來一併令謝成照管與  
永璜永璉同住齋宮阿哥等朝夕相見必按長幼禮節若因是朕  
之子令圓明園阿哥卑禮相見斷乎不可○命設張家口至鄂爾  
坤臺站接運軍米○以圖理琛為內閣學士○甲申諭大義  
覺迷錄著照徐本所請停其講解其頒發原書著該督撫彙送禮  
部候朕再降諭旨○停候選舉人進士分部學習例○實授海望  
戶部尚書○乙酉諭朕聞利不十不變法害不十不易制蓋以政



有恆則易守法數變則奸生而况州縣之隸屬有常文武之職業有定者乎往者直省一二州縣理宜改隸及員弁宜增設者 皇考會允督撫之請救部議行而督撫中遂有借此以見其整飭地方留心吏治而絕無關於利害之實者不知改隸一邑則獄訟錢穀改易簿書百弊叢生急難綜察增設一官則文移期會事緒益紛供給送迎閭閻滋擾且封域驟改奸宄或致潛藏官吏日增責任轉無專屬自後必州縣離府遠實宜改隸市鎮繁雜之地定須添官彈壓者方准具題酌度其餘不許濫奏至於守土之官必久於其職而後政教可行故周室邳隆居官者以為姓氏兩漢之盛為吏者長其子孫是以上下相親利病周知而民安其政教也近見道府州縣員缺督撫多題請更調有二三歲而更或一歲而更者如此則雖有循良不能從容展布民何由被其休澤諸督撫東華續錄 乾隆一

身為大臣當實心體國凡無關利害之事不宜陳奏况此類皆無利而有害乎○諭古之葬者厚衣之以薪葬之中野後世聖人易之以棺槨所以通變宜民而達其孝心也本朝肇迹關東以師兵為營衛遷徙無常遇父母之喪棄之不忍攜之不能故用火化以便隨身捧持聊以隨其不忍相離之願非得已也自定鼎以來八旗蒙古各有安居祖宗墟墓悉隸鄉土喪葬可依古以盡禮而流俗不察或仍用火化狂於沿習之舊而不思當年所以不得已而出此之故也朕思人子事親送死最為大事豈可不因時定制而痛自猛省乎嗣後除遠鄉貧人不能扶柩回里不得已攜骨歸葬者姑聽不禁外其餘一槩不許火化儻有犯者按例治罪族長及佐領等隱匿不報一併處分朕又聞漢人多惑堪輿之說購求風水以致累年停柩漸致子孫貧乏數世不得舉葬愚悖之風至此

為極嗣後守土之官必多方勸導俾得按期葬埋以妥幽靈以盡子職此厚人倫美風俗之要務也務各慎遵毋忽○諭比來殷富之家有願出己財以賑恤鄉里者即周官五黨相賙通財救荒之遺意是以 皇考恩賜議敘以鼓勵風俗而又恐因是或滋弊端於本年五月閒山西巡撫石麟奏稱太原府紳衿士民捐銀助公以備周恤一摺 特降諭旨以為樂善好施者大都由地方之水旱飢饉捐資賑助即平常無事時或置義倉義田及養老育嬰等事必出於本人之誠心而又能親身料理始可以惠鄉閭而收實效石麟於地方見無應辦之事而乃奏紳衿士民捐銀以備公用直是另開捐納之條而胥吏土豪乘此得以侵蝕與所降旨不合會經嚴加申飭並令向後不得無故捐銀交官是 皇考於獎誘善良之中而豫防其流弊至深且悉也朕觀各直省捐助一事或東華續錄 乾隆一

督撫欲博化民成俗之譽授意屬員或有司欲邀勸輸宣力之名多方迎合竟至抑勒誅求計家貲之豐約定捐輸之多寡甚且假公苛斂中飽侵漁名曰利民而適以病民誠有如 皇考諭旨中所慮及者嗣後各州縣如遇荒歉及修城築隄公事果有殷實良民實情樂輸者許親赴布政司具呈詳請題奏地方官不得自行申報其他如倡立義田義倉義冢許具呈本州縣詳報上司立案仍聽本人身自經營不許胥吏土豪希圖漁利該督撫秉公覈實大者題請議敘小者量行旌獎儻有官吏勒派該督撫失察及徇庇者均照例分別處分至於道不拾遺蓋以孔子至聖德盛化神所治僅蕞爾之魯故偶一有之成康之際周召輔治百度修明刑措四十餘年不聞有此則非人情所常有之事而政治之美不徒恃此子子之小義可知矣近見該督撫以此陳奏者漸多若不加以



禁遏恐滋奸民邀賞有司干譽之弊諸督撫果能實心體國子育  
蒸黎休養化導使衣食滋殖仁讓相先太平之象自有薰蒸而不  
可掩者亦不在道不拾遺之一節也嗣後即果有此該州縣量行  
獎賞不得申詳該督撫亦不得以此陳奏○諭果親王為 皇考  
宣力多年公忠誠直 皇考稱為一德一心朕即位以來止因總  
理事務加給雙俸今當仰體 皇考友愛之至意再行加恩履郡  
王在朕諸叔之中年齒最長且實心辦事朕意欲晉封親王貝勒  
允禧幼好讀書識見明晰辦理旗務亦屬妥協朕意欲封為郡王  
著總理事務王大臣會同宗人府定議具奏○授鄂爾泰一等子  
世襲罔替以恩賞世襲一等輕車都尉並原襲三等男照例歸併○丙戌命查開國軍功世  
職准立嗣承襲○調中珠渾為戶部侍郎由刑部調○工部議准閩浙  
總督郝玉麟奏閩省灘河危險請於建甯府浦城縣至福州府古  
東華續錄 乾隆一

原情酌理慎測誠偽淺深之介以定出入輕重之衡則殘民命而  
傷天和此其負國曠官豈他職所可比耶且律條有定不足以該  
事之變故引例以斷即呂刑所謂上下比罪也不肖有司及胥吏  
巧法舞文出入輕重皆由於此苟不能詳察則失人固以戕良民  
而失出亦以縱奸究誤重則受刑者不服誤輕則含冤者不伸夫  
一夫不獲時子之辜我君臣代天討以用五刑必至虛至公必誠  
必慈務盡乎天理之極而不可執成心儻督撫擬罪有於律例未  
安必悉心詳察另議奏聞不得稍涉疏忽即如近日湖廣督臣具  
題臨時行強毆傷僧人以思身死之鄧正一案刑部擬照殺人強  
盜例斬決梟示題覆朕思強盜殺人有明火執杖殺人而取其財  
物者有起意行竊被事主追毆希圖脫身因而回毆至傷事主身  
死者其中情罪原有分別今鄧正穿窬入廟以思執棍出視鄧正  
頓起強心持鎌向敵致傷以思身死與殺人強盜亦微有差別其  
應否梟示尚宜斟酌朕已著九卿另議具奏諸凡此類刑部皆須  
細心體究使絲毫不爽書曰與其殺不辜甯失不經朕深望於明  
刑弼教之臣工焉○己丑諭從前允祿允禔狂肆乖張不知大義  
罪戾種種皆獲罪 皇祖之人我 皇考悉皆寬宥因恐其在外  
生事復懼重譴不得已加以拘禁乃委曲保全之大恩也今朕即  
位念二人收禁已經數年定知感 皇考曲全之恩悔己身從前  
之過意欲酌量寬宥予以自新著總理事務王大臣宗人府九卿  
會議具奏○諭從前三阿哥年少無知性情放縱行事不謹 皇  
考特加嚴懲以教導朕兄弟等使知儆戒今三阿哥已故多年朕  
念兄弟之誼仍收譜牒之內著總理事務王大臣酌議具奏○晉  
封公允祁為貝勒○以來保署工部尚書開弄鶴○庚寅諭今之



書吏即古之府史胥徒也各部院衙門皆額設召募所以檢收檔案總寫文書乃役滿之後每復改換姓名竄入別部舞文作弊更有一種缺主己身並未充役居然盤踞都中呼朋引類遇事生風影射撞騙靡所不為此十數年以前之積弊也 皇考洞悉此種惡習屢降諭旨著都察院五城坊官嚴查訪緝其有潛匿京師及附近州縣者該地方官定以失察處分有能拏獲者以名數多寡分別議敘載入 欽定條例中俾各實力奉行用是元二年以後奸徒漸知斂戢部務得以整齊此 皇考之所以芟鋤積莠而滋植良苗民生吏治均受裨益也朕御極以來仰遵 皇考遺詔每事務從寬厚凡八旗直省以至窮邊極壤無不殫慮精思周詳體恤冀臻惇大成裕之治然寬厚二字非可一槩視也厚民生紓民力加惠於兵丁施恩於百姓乃為寬厚朕所以仰承 先志而日東華續錄 乾隆一

夜孽孽者此耳若夫姑息以養奸優柔以縱惡聽若輩貽民害而滋國事以待善良者待奸蠹則適所以成其慘刻殘忍而為不寬厚之尤者也朕深恐此輩不知朕所以用寬厚之意而故智復萌以身試法用是特為申諭著都察院五城坊官順天府大宛二縣及九門提督各文武衙門不時嚴查訪緝儻有此輩潛匿京城或潤入貼寫之中並有罪遞回原籍之後仍潛入京師或附近地方者事發之日除本犯治罪外定將失察各衙門照例處分必不姑貸○辛卯諭前李禧參奏蕭德貴鑽營行賄一案奉 皇考諭旨著該都統會同該部審理隨據李禧等審訊以貝子弘春得受蕭德貴銀一千兩違法貪賄是實應交宗人府查議續經宗人府議將弘春革去貝子在家圍禁此本年六七月間事也比時 皇考聖心深知其中情罪不確特降諭旨交與兵部另行確查今據兵

部查奏弘春並無受賄情事其指名撞騙者乃尼克里所為而從前尼克里與伊家人黑子誣賴弘春受賄者實係李禧耿翰等將尼克里主僕非刑夾訊逼令供扳人人知為冤抑我朝宗室甚多其中不肖之人或性情暴戾或行事乖張容或有之至於枉法婪贓貪污敗檢者則從來罕見今李禧耿翰等申謀取供鍛鍊成獄必欲誣弘春以受賄之罪是何肺腑著交與刑部一併嚴審究擬具奏從前兵部等衙門審訊之案著發回另議具奏 皇考諭旨後處決耿翰杖一百徒三年○追封 孝敬憲皇后曾祖透訥巴圖魯祖布克查父費揚古俱為一等公晉封費揚古之子一等侯武格為一等公世襲罔替○免雍正十二年以前旗退地畝及入官地畝民欠○壬辰停舉人充鄰省鄉試同考官 皇考諭旨州縣官入關分枝○吏部議刑部尚書徐本奏請復知縣行取舊例應行知各省督撫遇行取之年於正途出身知縣內揀選賢能出眾之員不拘資格大省保舉五六員小省保舉三四員送部引見以主事用至所奏行取知縣揀補御史之處查御史見改為正五品於翰林編檢各部郎中員外郎內保舉簡用若知縣即得升補未免過優且與康熙四十四年定例不符應毋庸議從之○癸巳諭弘春案 皇考聖慈望其成立晉封郡王加恩優渥此中外所共知者乃伊秉性巧詐愆過多端於上年奉 旨革去郡王仍留貝子之職冀其悔過自新伊仍不知悔改家庭之間不孝不友其辦理旗下事務始則紛更多事後則因循推諉種種不安之處深負 皇考天恩著革去貝子不許出門令宗人府將伊諸弟帶領引見候朕另降諭旨○諭傅爾丹岳鍾琪石雲倬馬蘭泰失誤軍機負恩欺罔之罪不可勝數本應即正典刑以彰國法但我 皇考從前未即降旨今朕仰



體 皇考遲回降旨之意著將傳爾丹岳鍾琪改為應斬監候秋  
 後處決石雲倬馬蘭泰之罪較傳爾丹岳鍾琪稍輕亦著改為斬  
 監候○甲午裁八旗委參領副佐領等官停部院司員協辦旗務  
 ○改易州泰甯協為鎮以 山陵重地 閩浙總督郝玉麟奏請  
 修理海塘捐納條款酌增六條得旨浙江修理海塘工程該督郝  
 玉麟等奏請捐納條款經九卿會議准行朕思捐納一事原為一  
 時權宜無益於吏治並無益於國帑朕知之甚悉浙省增捐之處  
 不必行海塘工程著動正項錢糧辦理○吏部議奏浙江海塘工  
 程潰決應將承辦之副都統隆昇總督銜管巡撫事程元章大理  
 寺卿汪滙內閣學士張坦麟均降一級調用得旨隆昇程元章汪  
 滙張坦麟係特簡辦理塘工之大員且蒙 皇考訓誨諄諄望其  
 和衷共濟自應堅固修築以資捍禦乃伊等私心蔽鋼意見參差  
 東華續錄 乾隆一 完

惟為苟且塞責之計以致隄岸易於衝潰此乃關繫民生切要之  
 務不應援赦寬免隆昇程元章汪滙張坦麟著將部議各降一級  
 從寬免其調用仍令督工效力贖罪倘再有怠忽之處朕必加以  
 嚴懲○管兩淮鹽運布政使高斌奏辦理運口江工請於鹽務巡  
 費節省銀內動支得旨捐修之事朕所不取應動何項即動用何  
 項况急公奉上原不在此也若從汝所請恐天下督撫效尤保無  
 刻民之事乎

東華續錄

乾隆二

臣王先謙敬編

臣周倫恭恭校

十一月丙申朔命纂修 大行皇帝實錄○諭各省教職乃師儒  
 之官所以訓迪約束為多士之表率也若不賞給品秩則與雜職  
 無異恐地方之人不加禮貌而本人亦遂以冗散自居不知殫心  
 課士以盡職任其應如何加給品級以示鼓舞責成之意著吏部  
 議奏尋議教授係從九品加為正七品學正教諭訓導係未入流  
 學正教諭加為正八品訓導加為從八品升轉仍照舊例從之○  
 丁酉諭朕聞外省百姓有生計稍裕之家每遇喪葬之事多務虛  
 文侈靡過費其甚者至於招集親朋鄰族開筵飲謂之開喪且  
 有於停喪處所連日演戲而舉殯之時又復在途扮演雜劇戲具  
 東華續錄 乾隆二

者從來事親之道生事死祭皆必以禮得為而不為與不得為而  
 為之者均為非孝是知各循其分乃能各盡其孝初不以奢靡相  
 尚也况當哀痛迫切之時而願聚集親朋飲酒演劇相習成風非  
 惟於禮不合抑亦於情何忍此甚有關於風俗人心不可不嚴行  
 禁止著各省督撫等通行明切曉諭嗣後民間遇有喪葬之事不  
 許仍習陋風聚飲演戲以及扮演雜劇等類違者按律究處務在  
 實力奉行毋得故為寬縱○諭辦理天下事務貴得其平必是非  
 輕重無絲毫或爽而後可以協天理而當人心况刑罰尤宜慎重  
 萬不可因奉旨發審遂存迎合避嫌之心與其失出甯為失入而  
 輒置人於重法也即如戴瀚科場一案朕因未得真情特命王大  
 臣會同刑部審理今議以戴瀚聞 大行皇帝升遐之後言笑自  
 若照忌辰演戲之例擬斬監候具奏戴瀚如科場舞弊果真即宜



置之重典若場中談笑自若乃無實據可憑者豈可因此以入重罪乎况比照忌辰演戲之例更不相符許秉智鈔寫文字正副考官分東西校閱以及刪改進呈試卷各條情節審訊俱未周到著王大臣覆加詳審另議具奏請旨大凡發審事件因是非真假不能一時遽定故命廷臣讞鞫若其初情罪確實無復疑似便可即置於法不待推問矣至發審之後實係無辜何妨即行開釋儻因朕發審之故而恐審虛免罪有礙前旨必欲周內其罪則竟視朕為飾非文過之主矣夫視朕為飾非文過之主何如待朕為虛衷慎刑之主乎况係欽案而擬罪加重則刑法失平啟眾人之議論何以服遠近而昭勸懲乎若欽犯案件一例擬斬是視為固然不應斬者固屬冤抑而應斬者亦為不應斬之人矣至於恩出自上之說尤為不可儻朕一時不能詳察則失入者必多粵稽我 太

東華續錄

乾隆二

二

三

祖高皇帝諭旨凡有罪之人執訊不可不嚴而定罪不可不慎河足垂戒萬世為用刑之準則嗣後凡各直省有刑名之責者毋執成見毋挾偏私務各虛心聽斷胥歸平允以共體上天好生之心用襄國家祥刑之治○以圖理琛署工部右侍郎由內閣學士署○己亥轉木和林為刑部左侍郎以納延泰為刑部右侍郎由理藩院王國棟署刑部侍郎○庚子諭張照自到黔省以來挾詐懷私擾亂軍務罪過多端張照來京時著交總理事務王大臣會同刑部確查嚴審定擬具奏○改廣西思恩協為營鎮安營為協○辛丑諭四民之中惟農夫作苦自食其力最為無愧飭庀八材以利民用非百工莫備士則學大人之學故錄其賢者能者至於商賈阜通貨賄亦未嘗無益於人而古昔聖王尚慮逐末者多令不得衣絲乘車推擇為吏以重抑之今僧之中有號為應付者各分房頭世

守田宅飲酒食肉並無顧忌甚者且畜妻子道士之火居者亦然夫一夫不耕或受之飢一女不織或受之寒多一僧道即少一農民乃若輩不惟不耕而食且食必精良不惟不織而衣且衣必細美室廬器用玩好百物爭取華靡計上農夫三肉祖深耕尙不足以給僧道一人不亦悖乎朕於二氏之學皆洞悉其源流今降此旨並非博不尚佛老之名也蓋見今之學佛人豈特如佛祖者無有即如近代高僧能外形骸清淨超悟者亦稀今之道士豈特如老莊者無有即如前世山澤之癯能凝神氣怡養壽命者亦稀然苟能遵守戒律焚修於山林寂寞之區布衣糲食獨善其身猶於民無害也今則不事作業甘食美衣十百為羣農工商賈終歲竭蹶以奉之而蕩檢踰閑於其師之說亦毫不不能守是不獨在國家為游民即繩以佛老之說亦為敗類而可聽其耗民財溷民俗乎

東華續錄

乾隆二

三

著直省督撫飭各州縣按籍稽查除名山古剎收接十方叢林及雖在城市而願受度牒遵守戒律閉戶清修者不問外其餘房頭應付僧火居道士集眾面問願還俗者聽之願守寺院者亦聽之但身領度牒不得招受生徒所有貨產如何量給還俗及守寺院者為衣食計其餘歸公留為地方養濟窮民之用並道士亦給度牒之法該部詳細妥議具奏○諭吏部月選官員引見每先期考試履歷蓋看其通曉文義與否若有條奏事宜更可觀其識見即虞廷敷奏以言之意也朕近覽月官履歷率多頌聖泛語鋪張功德滿幅盈篇閱之殊為可厭夫先資拜獻貴於抒寫誠惻似此粉飾浮夸豈朕樂聞頌揚之詞而為廷試之舉耶嗣後考試月官履歷如果伊等於政治確有所見准其據實條陳或自述何以居官何以莅事亦准敷納若胸中無欲吐之言止許繕寫履歷其濫用



頌聖套語者槩行禁止○壬寅吏部等部議准署湖廣總督通  
奏忠尚宣撫司田光祖十五土司公懇歸流分設一府五縣以資  
治理請於恩施縣地方建設府治以原設恩施縣為附郭首邑施  
南司桐子園大田鎮官渡壩四處各設縣治隸新設知府轄新設  
府及先設之彝陵府歸荆州道統轄其歸荆州道原轄之安陸府  
改隸襄陽道德安府改隸武漢黃道統轄一府五縣營制汛防應  
設副將一員馬步守兵千五百五十七名聽彝陵鎮總兵統轄四  
川夔州府屬建始縣去恩施不過百里改歸新設府轄議定府名  
曰施南附郭縣曰恩施屬縣曰宣恩來鳳咸豐利川移建始來屬  
從之○乙巳諭國家久道化成人文蔚起 皇考樂育羣材特降  
諭旨令直省督撫及在朝大臣各保舉博學鴻詞之士以備制作  
之選乃直省奉詔已及二年而所舉人數寥寥朕思天下之大  
東華續錄 乾隆一  
材之眾豈無足膺是舉者一則各懷慎重觀望之心一則衡鑒之  
明視乎在己之學問或已實空疏難以物色流品此所以遲回而  
不能決也然際此盛典安可久稽朕用再為申諭凡在內大臣及  
各直省督撫務宜悉心延訪速行保薦定於一年之內齊集京師  
候朕廷試儻直省中實無可舉亦即具本題覆○諭朕聞江南太  
平府蕪湖縣有雜辦江夫河逢錢糧歲徵銀二千三百零四兩歷  
年已久房屋傾圮而額稅仍存小民輸納艱難頗為地方之累朕  
即位以來勤求民隱已降旨禁革雜稅此即雜派中之先宜豁免  
者著該督撫遵旨將此項錢糧二千三百零四兩即行寬免永著  
為例○諭朕聞吉凶異道不得相干故娶在三年之外而聘在三  
年之內者春秋猶以為非禮記稱大功之末可以冠子可以嫁子  
父小功之末可以娶婦已雖小功既卒哭可以冠娶妻三年之喪

痛深創鉅苟有人心者必宜於此焉變矣乃愚民不知禮教起於  
卑隸編氓之家有慮服喪之後不得嫁娶乘父母疾篤及殯殮未  
終而成婚者其後商賈中家多有之士大夫亦聞為之而八旗效  
之朕實憫焉自今伊始自齒朝之士下逮門內有生監者三年之  
喪終喪不得嫁娶違者奪爵褫服其極貧阜隸編氓父母卧疾呻  
吟床褥必賴子婦以躬薪水治藥然者聽其迎娶置饋俟疾愈喪  
畢而後成婚古者禮不下庶人其斯之類歟曾子問親迎女在途  
而墜之父母死女改服布深衣縞總以趨喪亦此義也其商賈中  
家不必以士大夫之禮繩之然人性皆善朕知其必有觀感興起  
而不忍自同於氓隸者矣○丁未恭上 大行皇帝尊諡曰 敬  
天昌運建中表正文武英明寬仁信毅大孝至誠憲皇帝 廟號  
世宗○戊申追封 皇太后曾祖額宜騰祖吳祿俱為一等公  
東華續錄 乾隆一  
父凌柱封為一等公世襲罔替○晉封貝勒允禩郡王允禩貝勒  
允祜允禔之母追封誠親王允祕之母俱為嬪○追封皇一兄弘  
暉皇八弟福慧為親王○召邁柱來京以史貽直署湖廣總督  
部尚書○庚戌以孫嘉淦為左都御史由吏部右○辛亥賜公凌柱  
世襲佐領○壬子諭戶部聞晉省大同朔平二府辦納本色米豆  
一項向例按里徵收腳價距倉三四百里者每石增至腳價銀三  
四錢不等輸納太重民力難支此不但與通省錢糧之火耗懸殊  
即以大朔二府所屬州縣相距倉廩遠近而計離倉愈遠腳價愈  
多亦不免偏枯嗣後除離倉最近之州縣向係糧戶自行赴倉交  
收者仍聽民便令其自運不徵腳價外其餘州縣每石米豆止徵  
車腳銀一錢此外不敷之運費著於司庫存公耗羨銀內撥給添  
補令各該州縣官承領雇運不得絲毫剋減及私行派擾再聞每



米豆一石向例徵收加耗糧八升亦覺太重嗣後每石免耗糧四升止徵耗糧四升以二升為州縣等沿途虧折之耗二升為存倉鼠雀之耗諒無不敷均自本年始永遠為例○命慶復為定邊大將軍○增設廣西右江鎮遊擊一員○免雍正十二年以前兩淮竈戶舊欠○癸丑嚴禁銷毀制錢○甲寅諭貴州古州台拱等處自古未沾王化其地實在數省疆域之中是以調兵進剿朕即位以來內外咸與維新即彼生苗亦在血氣之倫若能聞詔輸誠當悉貫其罪○諭果親王為 皇考宣力多年向因氣體稍弱 聖懷時時體恤令在邸第辦事以保護精神即 遺詔中亦拳拳諭及自朕即位以來王總理事務夙夜勤勞今天氣正寒朕心深為廬念俟過百日後或隔數日一入內直或天氣晴暖時隨便入見所有應辦事宜即在邸第辦理○免貴州三年內耗羨銀兩○丙辰恭上 孝敬憲皇后尊諡曰 孝敬恭和懿順昭惠佐天翊聖憲皇后○諭河南地方自田文鏡為巡撫總督以來苛刻控求以嚴厲相尚而屬員又復承其意指刺削成風豫民重受其困即如前年匪災不報百姓至於流離蒙 皇考降旨嚴飭遣官賑恤始得安全此中外所共知者乃王士俊接任河東不能加意惠養且擾亂紛更以為幹濟借墾地之虛名而成累民之實害彼地民風淳樸竭慮以從罔敢或後甚屬可嘉然先後遭督臣之苛政其情亦可憫矣王士俊著解任來京候旨河南仍照舊例止設巡撫即著工部侍郎富德補授並將朕旨宣示豫民咸使聞知○丁巳諭往者 聖祖仁皇帝特製臺省之箴以專言責 皇考世宗憲皇帝諭旨亦諄諄及之洵以耳目之司乃國是所由彰官常所由肅也朕以藐躬繼承丕緒一日萬幾常恐措置失宜以負 皇考付

託之重繩愆糾謬正爾諸臣得自竭其忠誠之會也中外大臣或有詭法行私及昏庸不能任職者近者實迹有微遠者輿論不協皆宜據實彈劾以廣朕之聰明而近觀諸臣所奏大率毛舉細故無關體要朕以實心求言而專司言責者乃以虛文塞責無乃內負夙心而外慚清議乎其各自砥助凡有關於國政民依者知無不言若仍以不急之務漫充奏牘或其人已自敗露而後摭拾其非又安用此言官為耶至於懷私挾怨受人指屬互相攻訐乃聖祖之箴所謂尤為不臧者有或蹈此乃自貽伊戚也勉之慎之○實授鍾保湖南巡撫召常安來京以俞兆岳為江西巡撫由太僕寺○戊午以平郡王福彭協辦總理事務○調木和林為吏部侍郎起法敏為刑部侍郎原任陝西巡撫○己未諭朕聞東省泰山碧霞靈應宮凡人進香者俱在泰安州衙門輸納香稅每名輸銀一錢四分通年約計萬金無力輸稅者即不許登山入廟此例起自前明迄今未革朕思小民進香禱神應聽其意不必收取稅銀嗣後將香稅永行蠲除如進香人民有願捨香錢者各隨願力不得計較多寡亦止許本山道人收存以資修葺祠廟山路等費不許官吏經手絲毫染指永著為例○諭王大臣等據張廣泗奏抵黔省鎮遠地方查詢苗疆情形雖用兵數月仍茫無頭緒大路雖可行走而逆苗時出煽劫生苗內為首大寨全然負固從前起事之時元展成以熟苗必不致反哈元生又以為苗人不難撲滅而張照立意阻撓以巧詆為能而置應辦之事於不理及調集各省兵丁數萬餘名哈元生但於大路沿途密布而所用以攻剿之師不過一二千人東西奔救顧此失彼董芳駐守八弓僅以招撫為可了事較之哈元生更全無實際張照於董芳所辦之事極口贊揚於



哈元生所辦之事痛加醜詆分兵分地以致哈元生束手無措張照倚董芳為援董芳以張照為可恃文移往來互相攻訐一切軍機事宜皆各行其意從無一字相商所以大兵雲集已經數月而毫無成效等語張照受 皇考深恩伊又自請前往苗疆辦理效力乃居心深險行事乖張種種挾詐懷私擾亂軍務昨已交刑部嚴訊今據張廣泗奏前來張照著革職拏問將前後事情及張廣泗摺內所參各件一一嚴審定擬具奏董芳自請前往黔省領兵效力蒙 皇考賜以副將軍職銜厚加賞賚令其與哈元生同心共濟早奏膚功乃伊以張照為可恃與哈元生有意齟齬事事各行其意並不彼此相商且駐守八弓臨敵不前僅以招撫為可了事董芳著革職拏解來京嚴審定擬元展成身為巡撫親在地方不能撫綏以致逆苗猖獗且文武不和互相推諉及至逆苗全

東華續錄

乾隆二

八

煽黔民受其荼毒 皇考及朕先後屢降諭旨令其不可惜費不可苟且務使殫心竭力撫綏安插昨奏報已經賑恤難民事竣回署被難窮民皆不致失所今覽張廣泗所奏是難民並未安頓就緒元展成耽玩公事輕視民命甚負 皇考倚任之恩元展成著革職拏解來京候審其巡撫印務即著經畧張廣泗兼管哈元生身為黔省提督軍務是其專司乃逆苗蠢動不能防患於未萌及至調集大兵又不能即行進剿遲回觀望用兵半載有餘尙毫無就緒應與元展成一併加以嚴懲姑念見在領兵進剿著革去揚威將軍暫留提督之職交與張廣泗差遣委用聽其指示調度若能奮勉效力尙可稍贖前愆若再有怠忽貽誤及剛愎自用之處著張廣泗嚴參將前事一併治罪德希壽與張照同奉差委膺茲重任乃張照如此狂悖乖張伊但隨聲附和今又與張廣泗一同

列名陳奏事件竟似張照之罪與伊毫無干涉者德希壽甚屬無恥亦著革職拏解來京一併審擬至張廣泗所奏苗疆情形及辦理機宜甚為明晰其料理賑恤事宜亦甚屬妥協各項動用錢糧准其報銷俱著照張廣泗所奏辦理王大臣等可傳諭知之○諭直隸營田乃 皇考教稼養民之至意但事關地方必須本地方有司實力奉行始得裨益朕意將營田觀察使撤回專交地方官管理其如何派道府大員督率稽查之處著總督李衛妥議具奏○癸亥諭向來州縣徵收錢糧因銀色有傾銷之耗折解送有路途之盤費故於正項之外徵收耗羨原無定額其廉潔者尙知自愛不肖者任意徵求而督撫至道府等員於中收受節禮陋規互相容隱弊難究詰嗣經巡撫諾敏田文鏡倡為提解歸公之法各該督撫就本省情形酌定分數徵收以為各官養廉及地方公事之用除所定分數外絲毫不許溢徵蓋以耗羨原屬格外之項與其聽地方官私行徵取不如明定分數使有節制不敢違越也然在未提解以前尙為私項既提解以後或恐不肖官員視同正課又得於耗羨之外巧取殃民從前 皇考洞見流弊屢降諭旨欲俟將來虧空全清府庫充裕之日漸減漸革 聖心慮念未或忘之朕紹承大統切念民依孜孜軫恤日與王大臣等悉心籌畫期使吾民於正項之外絲毫無擾而一時勢有未能尙須從容計議惟是提解耗羨之法行之已十有餘年恐日久弊生奸吏夤緣剝削羨外加耗重困閭閻不可不為深慮著各該督撫嚴飭有司咸體朕意知耗羨一項可減而決不可增可於格外從寬而斷不可額外多索儻於所定分數之外又借估色添數為名多取絲毫者該督撫即行題參重治其罪儻督撫徇隱不舉或經科道糾參定

東華續錄

乾隆二

九

該督撫即行題參重治其罪儻督撫徇隱不舉或經科道糾參定



將該督撫等一併嚴加議處再各省耗羨分數率在加一上下然  
江南賦重之區如蘇松常鎮四府額賦較之他省幾及數倍雍正  
六年以前每兩加耗僅五分雍正六年以後增至加一且有司又  
復巧取苛索民何以堪其令江南督撫詳加酌定量減分數徵收  
不得仍前重耗困民儻敢陽奉陰違朕必於該督撫是問○諭朕  
聞山西大同偏關老營水泉三汛兵丁向有交納徭銀一項該汛  
兵丁並無承種田地一經充伍即按名額徵悉在餉銀內坐扣交  
納每年約徵收徭銀六百八十兩有奇相沿已久至今未革朕思  
三汛營兵既無營業地畝而派納徭銀扣除月餉未免減其養贍  
之資朕心軫念著從乾隆元年為始將此項蠲免該部行文晉省  
巡撫提鎮遵照朕旨永著為例○諭諸王貝勒貝子公等朕惟治  
天下之道在親親而親親之道在慎終追遠凡我宗室皆 太祖

東華續錄

乾隆二

十

太宗之子孫理宜親睦無致疏離昨據爾等具奏服制一事各  
分支派朕以未為允協收令再議及至晚間覽內廷尊藏 皇考  
在 皇祖時所奏一摺乃知裕親王太福晉薨逝時 皇祖駕幸  
園場猶令在宮諸太妃往弔而 皇考及諸皇叔亦俱奏請成服  
由此觀之彼時古道猶存也迨皇叔怡賢親王薨逝時 皇考令  
朕兄弟詣王府弔慰又令五阿哥成服彼時眾以為異數之優加  
並不以為事理之當然由此積漸以往將來皇家子孫互相驕侈  
而篤親之誼將至湮沒矣朕每以此為懼古云以父母之心為心  
天下無不和之兄弟以祖宗之意為意天下無不睦之宗族爾諸  
王貝勒貝子公等皆當以 太祖 太宗之心為心視國事如家  
事互相規勸以底於善如此則可以副朕篤親之意而 列祖鴻  
基亦以丕振於億萬世矣夫親族者天地之常經務宜永遠一例

豈可因君上一時愛憎所降之旨姑任意辦理乎嗣後即朕之子  
孫如迺近支尊長之事亦應令成服其諸王屬下人等仍照從前  
所定支派遵行外諸王貝勒貝子公等應如何成服齊集之處務  
須準理酌宜以盡篤親之意旨內事理著諸王貝勒貝子公等公  
同詳議具奏○賞已革宗室阿其那塞思黑紅帶收入 玉牒○  
甲子諭向來道府缺出俱係吏部開單請旨補授蓋 皇考聖意  
以郡守監司皆有察吏安民之責必慎重選用始能勝任也在  
聖考勤政十有三年周知人才之優劣故能如此辦理今朕即位  
之初正在延訪之時尚少真知灼見可當特簡之選者昨廷臣條  
奏內有請照往例仍歸部選之奏見交該部議覆朕思道府等缺  
若槩歸部選恐繁劇緊要之地不得勝任之員若槩由特用不但  
目前朕意中之人且恐資深俸久者至於壅滯朕再四思惟嗣後

東華續錄

乾隆二

十一

道府缺出或衝繁疲難四者俱備或兼有其三者則令該部開單  
請旨其餘悉歸部選如此則於循資較俸之中仍有選才舉能之  
義各員既得升補而要地又可得人似於情理允協著該部定議  
具奏○諭總理事務王大臣會同刑部審問李禧耿韜存心奸險罪惡  
不吐實情至於夾訊辦理實為錯誤夫李禧耿韜存心奸險罪惡  
多端其人固不足惜但伊等官職已在大臣之列國家之名器則  
宜惜古者刑不上大夫蓋以維國體而勵臣節國體不維則無尊  
卑上下之辨臣節不勵則大臣擁高爵大官而有徒隸無恥之心  
此實詎所以諄切辨論也朕欲風勵天下使人各自愛其敦節行  
尤宜自大臣始大臣有不自愛者朕仍設廉恥以養之庶動其天  
良激勵鼓舞嗣後三品以上大員身罹罪譴即奉旨革職等問者  
法司亦不得遽加三木如有不得不夾訊者亦必請旨永著為例



○乙丑經畧湖廣總督張廣泗奏欽奉 聖旨敬據微忱得旨古  
州八萬一事實非我 皇考之本懷彼原屬化外不入版圖之人  
一旦制之以禮法賦之以租稅雖云最薄最少以示羈縻猶之縛  
虎狼以皮革與夫縛之以絲麻其為不快於中而將償事則一也  
故今年逆苗之動至於此極朕覽 皇考批賜尹繼善之摺至於  
流涕觀卿此奏猶有護過之意此則不可摺內已批示矣朕惟以  
大公至正治天下敬 天勤民為本懷既為天子惟有代 天子  
民以盡為民父母之職而已夫為民父母而忍視其子之投於水  
火而莫之救耶汝等大臣更代朕為一省之父母者也即云古州  
一事為將來久遠慮朕恐久遠未及慮而貽害目前之譏雖大學  
士鄂爾泰等汝等始事之人百口置喙不能辭也夫人孰無過過  
而能改則無過矣今日之事正我君臣改過之秋若護過則大不  
東華續錄 乾隆二

奏矣並著軍營王大臣等會同將發給噶爾丹策零文書編纂一  
道迅速由驛發來候朕閱看汝等意見看來形勢秋閒防守甚為  
緊要惟王大臣等知之若洩漏於兵丁等致形畏懼於事無益其  
喀爾喀津巴之發回與否事尚未定須將此旨大意諭兵丁等知  
之庶軍情可固矣又奏準噶爾情形得旨朕仰遵 皇考眷愛生  
靈之意統計國家錢糧數目無論準噶爾之和與不和謹守我疆  
域以養民力彼來時不過折挫銳氣自取敗虧是以深慮遠謀始  
建息兵之議但一切事務愈加詳細始能有益多用思索方致安  
善今觀四部落喀爾喀所議請我兵者有二議息兵者一處而已  
看來我兵似難遽議撤回昨沁拜亦以暫留見有綠營兵丁奏請  
已交王大臣等嚴議矣朕思準噶爾賊心甚詭請若二三年間尚  
不致起事惟數年之後我兵盡撤伊若潛過阿爾台山梁擾動喀  
爾喀等游牧地方惟時歸化城兵不能速到必至喀爾喀等寒心  
此亦應籌畫之事若一味坐守則數萬兵丁遠戍鄂爾坤等處何  
時休息汝曾任戶部尚書此數年所費錢糧汝豈不知見在之糧  
雖足充數年之用若數年後又作何計較見在大軍情形如此錢  
糧情形又如此總未得一久遠善全之策朕反復思之若將東三  
省兵亦如歸化城兵令攜帶家口在鄂爾坤駐紮數千在彼耕種  
而食仍由京城支運錢糧是否相宜之處朕將此旨大槩亦諭額  
駙策凌伊到彼時爾等相其地勢悉心籌畫詳議具奏若稍有未  
當之處勿因朕行遠爾爾遵循俟汝奏到時朕再思之  
十二月丙寅朔命纂八旗氏族通譜○改陝西金塔營遊擊為副  
將○丁卯諭王大臣等前令滿漢文武大臣官員科道等輪班條  
奏自後不必拘定班次隨時陳奏○復設川陝總督裁四川總督



以黃廷桂為四川提督仍照舊制○轉徐元夢為禮部左侍郎以勵宗萬署禮部右侍郎○以納延泰為刑部左侍郎○總理事務王大臣奏覆審考試官戴瀚擅改文字進呈欺詐依律杖一百徒三年聽從私改之同考官徐煥然扶同進呈之考試官顧祖鎮杖九十徒二年半從之○己巳諭大學士鄂爾泰張廷玉莊親王果親王曾奏請各迎 如母於邸第朕聞奏心甚不安今再四思維人子事親誠欲各遂其願自今以後每年之中歲時伏臘令節壽辰二王及各王貝勒可各迎 太如於邸第其餘仍在宮中則王等孝養之心與朕敬奉之意庶可兩全和親王分府後亦照此禮行○諭凡官員丁憂守制者遇有恩詔例不准封朕前已降旨加恩給予封典其養親回籍之員皆因父母年高棄官歸養幸逮親存適逢曠典而亦格於成例不得請封情殊可憫著將回籍終養之員照伊等原官品級一併給予封典遂其孝思○庚午諭據正藍旗蒙古副都統布延圖奏稱福建廣東廣西貴州雲南等省地處極邊界連外國且山林險阻苗民雜處而統兵大員向未補放滿洲請將此五省提督總兵官參用滿洲等語夫人主君臨天下普天率土均屬一體無論滿洲漢人未嘗分別即遠而蒙古番夷亦並無歧視本朝 列聖以來 皇祖 皇考逮於朕躬均此公溥之心毫無畛域此四海臣民所共知共見者蓋滿漢均為朕之臣工則均為朕之股肱耳目本屬一體休戚相關至於用人之際量能授職惟酌其人地之相宜更不宜存滿漢之成見邊方提鎮亦惟朕所簡用耳無論滿漢也昨從尙書來保之請議令緣邊古北口一帶提鎮副參遊守官兼用滿洲者良以滿洲騎射比漢人為純熟於控制北邊為相宜並非有意歧視滿漢也無知之徒

妄生揣摩以為滿洲當親形之奏牘紊亂成規甚為不合布延圖著嚴飭行嗣後若有似此分別滿漢歧視旗民者朕必從重議處布告天下使明知朕意○諭民間買賣田房例應買主輸稅交官官用印信鈐蓋契紙所以杜奸民捏造文券之弊原非為增國課而牟其利也後經田文鏡創為契紙契根之法豫用布政使印信發給州縣行之既久書吏夤緣為奸需索之費數十倍於從前徒飽吏役之壑甚為閭閻之累不可不嚴行禁止嗣後民間買賣田房者仍照舊例自行立契按則納稅地方官不得額外多取絲毫將契紙契根之法永行禁止至於活契典業者乃民間一時借貸銀錢原不在買賣納稅之例嗣後聽其自便不必投契用印收取稅銀其地方官徵收稅課多者亦停其議敘仍著各該督撫嚴飭藩司時加訪察儻有吏書索詐侵蝕等弊立即嚴行究處無得稍為寬縱再在京兩翼收稅之處亦照此例行○甲戌實授圖理琛工部右侍郎○乙亥諭王大臣等八旗大臣等在 皇考時辦理旗務錯謬之處甚多屢蒙 皇考訓誡開導諄復周詳伊等總不能領會 聖訓所辦事專務深刻煩苛以為如此方可立身無過之地且恐怨歸於已動云出自 聖意此種惡習甚可痛恨朕繼承大統以來諸臣條奏旗務頭緒繁多章程不一是以略加斟酌去其繁冗俾從簡易蓋以事繁則難於理事簡則易於遵循所以使之率作興事專心竭力於應辦之件也近聞八旗都統副都統等於會議之時多不到班其到班者往往不以正務為意或彼此相謔言笑無忌向來公豐盛額性好嬉戲想八旗大臣等從而效之耶凡人於閒居無事之時嗔笑尚且檢點何況身為大臣在集議緊要之地而肆無忌憚若此有是體乎至於會議到班皆係



奉旨事件如平郡王公訥親等曰在內廷協辦總理事務自不得  
分身前往其海蘭旺扎爾策楞永興等皆在御前行走尙且到班  
與議而專理八旗事務之大臣轉晏然怠情輕視公事是何意見  
著伊等明白回奏若伊等奉到此旨之後又復不喻朕意但揆尋  
一二事參劾一二人以爲奮勵振作則又伊等從前苛刻之故智  
而非朕申飭之本意也總之辦理事務寬嚴當得其中若嚴而至  
於苛刻寬而至於廢弛皆非寬嚴相濟之道嗣後若不悛改朕必  
嚴加處分朕降此旨非於即位之初申飭諸臣以示威欲其畏懼  
也蓋以旗務廢弛所關甚大不得不嚴加申飭本欲召入諸臣面  
降諭旨恐伊等仍不能領會朕意不過免冠叩首於事仍無裨益  
王大臣等可傳旨切諭之伊等俱受國重恩自當各加猛省痛改  
前非以副朕之期望○丁丑命各直省酌糶常平倉穀○戊寅恭  
東華續錄 乾隆二

上 皇太后徽號曰 崇慶皇太后○己卯諭王大臣等準噶爾  
雖遣使乞和防邊之事自宜豫籌縱彼極其恭順遵旨定議亦不  
保其久而不變朕意彼之乞請誠與不誠俱可勿論惟嚴備邊疆  
而已其嚴備之道又當計其久遠而便益者蓋我大兵之興原爲  
保護喀爾喀而駐紮多年既占彼遊牧之地又用其供運之力在  
彼誠不免拮据而內扎薩克蒙古之在軍營者或有一二無知之  
徒不免以我等爲喀爾喀故以致歷此艱苦爲辭殊不知眾扎薩  
克蒙古等首先歸順於我 太祖 太宗之時與滿洲無異奔走  
效力卽如一家喀爾喀等雖在後歸順蒙我 皇祖 皇考歷年  
惠愛視伊等亦同一家初無二致此次行師非特保護喀爾喀亦  
爲徧安眾蒙古之計也但爲時既久事多未便經我 皇考洞鑒  
念黃教生靈欲息軍旅曾降諭旨朕惟仰體 皇考聖心欲悉撤

東華續錄 乾隆二

大兵休息眾人見今在喀爾喀戍守之兵宜如何撤回應否仍留  
駐若干駐紮應在何處其喀爾喀之游牧如何防護卡倫後殿如  
何安置之處著詳悉定議具奏再與準噶爾議定邊界之事已經  
往召額駙策凌王丹津多爾濟俟其到時令與爾等公同酌議此  
定界之事乃關繫眾喀爾喀之游牧永遠生計必諮詢部眾公同  
商定始可受益而扎薩克甚多不便並令至京著行文喀爾喀眾  
扎薩克等將應如何定界及伊等游牧或用己力防守或仍須內  
扎薩克與滿洲兵保護著各出己見以聞俾知朕之撤兵並非不  
念伊等而外視之也特籌其生計有益久遠可行伊等其知朕恩  
恤之意共計久遠便宜之道定議具奏朕詳覽眾議其言是者朕  
將斟酌採用卽有未協朕亦容之不加責備也○改總管內務府  
大臣內閣學士俱爲從二品○庚辰調傅爾丹爲刑部尙書仍兼管  
東華續錄 乾隆二

兵部○論禮部議覆僧道給與度牒一事虛文多而實際少與朕  
意尙不相符朕之諭令清查僧道者並非博不尙佛老屏斥異端  
之名也蓋僧道之中有應付火居二種借二氏之名而作奸犯科  
肆無忌憚恐將來日流日下更無所底止是以酌復度牒之法辨  
其薰猶判其真偽使有志焚修者永守清規而市井無賴之徒不  
得竄入其中爲佛老之玷此乃培護二氏法門之深意望其肅清  
嚴整若朕有沙汰僧道之心則何不降旨勒令伊等還俗而乃酌  
復度牒之制慎加甄別有何爲乎至於給發度牒一事若經由僧  
道錄司之手勢必又滋苛索之弊且禮部議稱度牒一張交銀三  
錢夫交官者雖僅三錢而本人之所費恐十倍於此矣此等之人  
亦吾赤子朕豈忍歧視而使之不得其所乎僧有宗門教門律門  
之分皆遵守戒律清淨焚修者卽應於此中選擇僧錄司以爲緇

五八九



流之領袖或亦可行至於應付僧徒皆令受戒給予度牒若不願受戒者勒令還俗此事禮部所議多有未備著總理事務王大臣會同九卿定議具奏若有以此舉為多事無益僧道而徒滋煩擾者亦准奏聞請旨○實授陳世倌左副都御史○何師儉因病解任以魏定國署西安按察使原任直隸按察使○辛巳諭從前陝省地丁火耗經年羹堯岳鍾琪先後定為加二以一錢五分作為各官養廉及一切公費其五分則採買社倉穀石以裕積貯後因積穀已多無事採買則以此五分添助軍需盤費之用此向來情形也今大兵漸撤軍需簡省而仍存加二之耗羨殊非朕愛養黎民之至意著將此五分即行裁減備末了軍需項下有應用之處即於公費項下支給該督撫務體朕意督率有司實力奉行俾黎民均沾惠澤○壬午諭朕臨御以來加惠元元將雍正十二年以前各省

東華續錄 乾隆二

六

民欠錢糧悉行寬免誠以民為邦本治天下之道莫先於愛民愛民之道以減賦蠲租為首務也惟是輸納錢糧多由業戶則蠲免之典大業業戶邀恩者居多彼無業貧民終歲勤動按產輸糧未被國家之恩澤尚非公溥之義若欲照所蠲之數履畝除租繩以官法則勢有不能徒滋紛擾然業戶受朕惠者十苟捐其五以五惠佃戶亦未為不可近聞江南已有嚮義樂輸之業戶情願捐免佃戶之租者問與仁讓之風朕實嘉悅其令所在有司善為勸諭各業戶酌量減彼佃戶之租不必限定分數使耕作貧民有餘糧以贍妻子若有素豐業戶能善體此意加惠佃戶者則酌量獎賞之其不願者聽之亦不得勉強從事此非捐修公項之比有司當善體朕意虛心開導以興仁讓而均惠澤若彼刁頑佃戶藉此觀望遷延則仍治以抗租之罪朕視天下業戶佃戶皆吾赤子恩

欲其均也業戶沾朕之恩佃戶又得拜業戶之惠則君民一心彼此體恤以人和感召天和行見風雨以時屢豐可慶矣○諭河防隄岸開壩等項一切工程凡有關運道民生者定例俱動正項錢糧應用乃各省竟有於田畝捐派者豈果出自小民之願大都上司因節省錢糧起見授意屬員為粉飾之計相沿日久官吏藉端苛索民間所費必致數倍不特苦累民生亦於國計無補朕聞山東省挑空運河每年有派幫民夫工食銀五萬三千四百餘兩江南松江海塘歲修有每畝捐錢五文京口挑空運河每年於蘇松常鎮太等府州照數徵漕糧正耗米協解銀三千八百餘兩蘇松常鎮大通六府州應修河渠開壩令長洲等三十三州縣按畝派錢五文三文二文不等以供大修並令每畝又酌量捐錢以為歲修四川歲修隄堰令每畝派銀一二釐不等直隸運河空淺於天

東華續錄 乾隆二

十九

津等州縣每畝幫銀一釐以上各款總於田畝正賦之外派令捐輸合計捐數共十萬餘兩而官吏之借端苛派必不止於此者正帑之所省有限官吏之中飽無窮著該部行文四省督撫即將該省捐輸各項於乾隆元年為始一槩革除仍嚴飭所屬官吏無得行私徵派以為民困其挑空運河等項工程需用銀兩著該督撫覈實奏明於公項內酌撥動用報部覈銷○准內外未補實缺各官恩詔給封○吏部議准署湖廣總督邁柱等奏湖南永定九谿二衛經前任巡撫王國棟題請改為安福縣第所徵屯糧疆界不清應請於永定衛添設一縣歸澧州轄其界內之慈利永順桃源桑植四縣攙雜田糧各就附近統歸方圖繪造圖冊送部從之定縣名曰永定○甲申諭審案不許株連婦女○曾靜張熙伏法○丙戌諭隆昇剛愎自用怙過不悛若仍留浙江於海塘無益著



解任來京其副都統織造二缺候朕另降諭旨程元章身為巡撫不知和衷共濟乃懷挾私心貽誤公事亦不應留於浙省著解任來京其巡撫印務即著大學士嵇曾筠兼管俾地方管轄與海塘工程歸併一手自無掣肘牽制之患張坦麟汪際俱照司道例聽嵇曾筠節制委用江南總督趙宏恩駐紮江甯難以兼管河務江南總河員缺著高斌補授其管理兩淮鹽政候朕另降諭旨○命歸化城設駐防將軍副都統二員協理○己丑諭朝鮮國感戴我朝之恩虔修職貢甚為恭敬凡大臣官員之差往彼國者向有餽送儀物之舊例朕以厚往薄來為念若令使臣照例收受恐該國不免繁費若槩不收受又恐該國王以使臣遣涉缺餽贖之禮有歉於心著從此大詔使始凡餽送白金儀物等項悉按舊例裁減一半永著為令該部即行文該國王遵行○命追諡賢良祠入祀

東華續錄

乾隆二

二十

諸臣○以王士俊署兵部侍郎原任河東總督○辛卯諭 皇祖妣仁皇后外家俱蒙恩賜公爵惟 孝昭仁皇后外戚未曾加封二等公

訥親向蒙 皇考嘉獎以為少年大臣中可以望其有成者今朕即位以來訥親行走勤慎實心供職著晉封一等公世襲以示推錫恩榮之典○諭督撫之於屬員體統雖分尊卑均有辦理地方事務之責屬員惟當實心供職不宜以趨走逢迎為尚督撫亦宜體恤屬員減其傳喚恕其末節俾得舒暇以理本任之事朕聞附省之首府首縣不論有無要緊公務每日伺候督撫衙門侵晨而往日午未歸率以為常恬不知怪其督撫同城者撫傳未歸督傳又至僕僕於道奔走不遑夫附省郡縣催科獄訟較他處更為殷繁即令專心致志猶恐精神不逮乃似此竭蹶趨承必致廢弛本任事務是以擬認為重而以職事為輕矣朕更聞閩廣督撫司道

等官彼此宴會廢時失事屬員效尤此風至今未改諸凡積習甚非大吏之所以督率屬員與有司之所以恪恭厥職也嗣後各宜留心改易凡附省郡縣有司督撫非面商之事不得無故傳喚其離省各屬官尤不得輕離職守如有逢迎應酬作無益以害有益并啓貢緣弊竇者更玷官方朕必加以嚴譴○禁各鈔關例外苛取○壬辰纂修明史成○是歲朝鮮來貢

東華續錄

乾隆一

二十



東華續錄

乾隆三  
王先謙校  
臣周潤齋恭校

乾隆元年丙辰春正月丁酉諭為治之道在於休養生民而民之  
所以休養在乎去其累民者使其心寬然自得以及各謀其生各安  
其業而後富足可期此在親民之吏隨事體察惟恐毫末有累於  
民而已朕思我 皇考世宗憲皇帝誠求保赤有孚惠心蠲免額  
徵寬減浮糧偶有水旱災祲卽行賑恤如救焚拯溺仁心仁政千  
載莫並而民生猶不得寬裕者大率由督撫大臣不能承宣德意  
而有司中刻覈居心昏庸寡識者或以苛察為才能或受蒙蔽而  
不覺以致累民之事往往而有也卽如催徵錢糧而差票之累數  
倍於正額拘訊訟獄而株連之累數倍於本犯抽分關稅而落地

東華續錄 乾隆三

守口給票照票貧民之受累數倍於富商巨賈至查拏賭博黃銅  
以及私宰私鹽之禁胥役營兵因緣為奸佐貳雜職橫肆貪酷一  
案而化為數案一人而波及數人如此等者不可枚舉以此擾累  
吾民無怪乎民多不得自安其生業而朝廷之德施終不能盡致  
閭閻於康阜也嗣後各直省督撫所以董率屬員者務以休養吾  
民為本而一切擾累之事速宜屏除庶民生可遂而民氣以舒然  
督撫之不善會朕旨者又恐因此而謂諸事可以不辦將轉成廢  
弛之習不知寬大之與廢弛判然不同不顧民生專務紛更以矜  
幹濟者外似振作而實則廢弛也勤恤民隱安靜悃愾以培元氣  
者乃非廢弛而真能振作也其尙各體朕意○命柏修在刑部侍  
郎上行走都統○戊戌准漢軍兵丁與滿洲蒙古一體挑往莊  
溟涼州駐防○己亥命易州旗營貯穀每歲春散秋還並令盛京

一體貯穀備荒○癸卯總理事務王大臣議覆直隸總督李衛奏  
請出蠶省分建先蠶壇臣等案為壇以祀先蠶經傳未聞未便各  
省城通立應於京師建祠奉祀至期遣禮部堂官一員承祭從之  
○乙巳經畧張廣泗奏苗疆獲勝情形得旨貴州逆苗侵擾內地  
從前辦事諸臣措置失宜歷時甚久毫無就緒朕是以特命張廣  
泗為經畧專其事權俾得悉心辦理據奏見在分兵三路合力並  
進上游九股與雜講首逆各寨分布弁兵四千餘名清江下游各  
逆寨分布弁兵五千餘名同時進剿三方首惡眾悍巢固為各處  
逆苗所倚恃者俱已搗毀其附從黨羽皆知畏懼紛紛求請招安  
者不下數百寨等語張廣泗辦理苗疆軍務以來一切調度俱合  
機宜其在事官弁兵丁奮勇戮力甚屬可嘉著詳記檔案俟事竣  
之日分別議敘具奏又奏黔省軍需銀張照任意糜費今支用將

東華續錄 乾隆三

完軍需未竣請撥銀八十萬兩來黔接濟得旨從前張照辦理苗  
疆事務將撥解黔省軍需銀一百萬兩收貯貴東道庫總不令本  
省藩司與聞及元展成因軍需緊急司庫無項可支咨明張照促  
其協濟乃張照覆稱與伊全無干涉並不理論身為總理而公然  
膜視如此誠不知其是何肺腸及其動用錢糧又復錯雜外謬如  
運送軍糧並不按程途里數以致夫役任意延挨所運米數遞減  
而運費日增徒滋糜費其採買馬匹則將草料銀兩俱給馬夫承  
領以致馬匹倒斃疲瘦者甚多種種任意乖張甚屬可惡今據張  
廣泗奏前來著該部查明前項糜費應賠錢糧勒限嚴追在張  
照名下賠還十分之二又據張廣泗奏稱見在軍需未竣請撥銀  
八十萬兩來黔接濟等語著戶部卽撥銀一百萬兩交與張廣泗  
料理動用○丙午署甯遠大將軍查郎阿等奏巴里坤大兵撤後



請仍於哈密地方駐兵五千大兵出征數年不便再行留駐應於甘涼西肅安西各提鎮兵內派出更換布隆吉赤靖等處應分駐五千於內地標營兵內輪班派往安西鎮營向有分防汛守加以肅州甘涼原設戰兵及分駐涼莊滿兵以之接應口外兵力已屬寬裕原不在安西防兵之多寡俟數年後邊界大定或應量減則將布隆吉赤靖等處防兵陸續議撤哈密距安西甚遠不可無重兵彈壓此五千兵應永遠分駐以靖邊徼下總理事務王大臣議行○準噶爾噶爾丹策零遣使奉表貢方物○丁未諭河東總河嗣後修築河南孟縣小金隄動支公項毋派民捐○己酉總理事務王大臣議覆御史蔣炳奏請升契神主於崇聖祠中與五王並祀查契為明倫敷教之始應入祀典惟契為有商之始祖於孔子有君臣之分祖孫之派其請升主於崇聖祠恐有未安請敕東華續錄 乾隆三

之和不定界與否原無關體要但定界之事起於伊父策旺阿拉布坦奏請其初意止欲得阿爾台山外哈道里哈達清吉勒布拉清吉勒等處而已 皇考尚不允其請後因撤兵息民竟以其地賜之以克木齊克汗騰格里循阿爾台山梁下索勒畢嶺至哈卜塔克拜塔克之中過烏爾蘇至噶斯口為界又允伊父所請呼遜托輝至喀喇巴爾楚克作中間地今爾等至京請和若不議定疆界何以為信且能保邊境小人異日不起爭端乎若噶爾丹策零但求喀爾喀無踰哲爾格西喇呼魯蘇尙可俯允不然朕遣使何為爾等至此亦何為朕知噶爾丹策零本無求和之意特借此牽率奏請希圖通市之利耳所見如此能不為朕所恥笑若能遵 皇考諭旨定界朕必格外施恩所得不更多乎我 皇考惟以闡揚黃教休息生靈為心朕深體 皇考之心與教安民而外初無用兵之意縱爾部欲激發朕怒亦斷不勤兵於遠也朕不但欲令我內部喀爾喀各安其生視爾準噶爾部人亦如我赤子業已議定撤兵止少量留守邊此爾等所共知朕欲天下之民舉安即守邊之事亦與和不無涉也噶爾丹策零嗣後能體 皇考與朕之心則遣使來不然各保其境可也儻更不自揣量犯我邊境朕自有辦理之道以天朝之威靈兵臨爾部尚不獲全利爾準噶爾螳臂之力勞師涉遠豈能有濟爾還其明告噶爾丹策零令更熟思審處定議具奏吹納木喀奏稱 大皇帝諭旨當謹記歸告噶爾丹策零其所陳奏實遵 成佛大皇帝旨意欲振興黃教安逸眾生所以輸誠上請非敢借遣使以圖通市又諭噶爾丹策零如無此意甚善與教安民乃 皇考與朕之事非噶爾丹策零之任也縱彼實力行之止及準噶爾一小部落耳俾天下萬



國蒙被床澤其事自在朕躬且爾言實遵 成佛大皇帝旨今日  
 噶爾丹策零之奏與前次 皇考諭旨合乎否乎果欲定議當就  
 事論事何得牽引遠年噶爾丹之事如此瀆陳往復真無了期矣  
 爾等不過奉使之人成則與有榮施不成則空勞往返定界之事  
 誠非爾等所得擅議朕當另遣大臣前往爾起程時有敕書付爾  
 噶爾丹策零能體朕意謹遵 皇考原旨定界可再遣使來不然  
 亦無庸復遣其遣使當仍遣爾來至我邊界時可告我守邊大臣  
 噶爾丹策零表文內有違旨定界之語方許入境如無此語決不  
 許入也聞爾等仍攜貨來不忍復令攜歸可留住數日貿易事畢  
 起程可也○癸丑西北兩路大兵凱撤酌留鄂爾坤及烏里雅蘇  
 臺駐防兵丁召大將軍慶復回京派參贊大臣二員協同策凌辦  
 事○召劉章來京以徐士林為河南布政使由福建汀漳道遷○乙卯諭  
 東華續錄 乾隆三 五  
 私鹽之禁所以除蠹課害民之弊大夥私梟每為盜賊通藪務宜  
 嚴加緝究然恐其展轉株連故律載私鹽事發止理人鹽並獲其  
 餘獲人不獲鹽獲鹽不獲人者槩勿追坐至於失業窮黎肩挑背  
 負易米度日不過四十斤者本不在查禁之內蓋於裕商足課之  
 中而即以寓除奸愛民之道德意如是其周也乃近見地方官辦  
 理私鹽案件每不問人鹽會否並獲亦不問販鹽人數多寡一經  
 捕役汛兵指拏輒根追嚴究以至挾怨誣扳畏刑逼認干累多人  
 至於官捕業已繁多而商人又添私雇之鹽捕水路又添巡鹽之  
 船隻州縣毘連之界四路密布此種無賴之徒藐法生事何所不  
 為凡遇奸商夾帶大梟私販公然受賄縱放而窮民擔負無幾輒  
 行拘執或鄉民市買食鹽一二十斤者並以售私拏獲有司即具  
 文通詳照擬杖徒又因此互相扳染牽連貽害此弊直省皆然而

江浙尤甚朕深為憫惻著直省督撫嚴飭各府州縣文武官弁督  
 率差捕實拏奸商大梟勿令疏縱其有愚民販私鹽四十斤以上  
 被獲者照例速結不得拖累平人至貧窮老少男婦挑負四十斤  
 以下者槩不許禁捕所有商人私雇鹽捕及巡鹽船隻幫捕汛兵  
 俱嚴查停止毋得滋擾地方俾良善窮民得以安堵○丙辰諭西  
 北兩路用兵以來一應軍需皆取給於公帑不肯絲毫累民而費  
 用繁多不得不資藉捐納以補國用之不足此中外所共知者當  
 日 皇考聖意原欲俟軍需告竣即行停止今大兵漸撤軍需減  
 省著將京師及各省見開捐納事例一槩停止夫議捐納者未嘗  
 不出於士子之口而留生童捐納一款是士子首以捐貲為進身  
 之始矣其應停留之處著漢九卿翰詹科道會同確議具奏尋  
 議生童捐監係士子一進取之路順天鄉試例有南北監生定為  
 東華續錄 乾隆三 六  
 血字號中式且游學隨宦在京者亦得藉為應試之階應留戶部  
 捐監一條各省一槩停止不令照前考職並請以每歲捐納之銀  
 留為各省一時歲款賑濟之用從之○諭教職乃師儒之官有督  
 課士子之責蒙 皇考世宗憲皇帝加恩優待屢次訓勉與有司  
 一體賞給封典朕即位以來念伊等官秩卑微恐以冗散自居不  
 思殫心盡職特加品級以鼓勵之查舊例教職兩官同食一俸未  
 免不敷養廉著從乾隆元年春季始照各員品級給與全俸永著  
 為例○命乾隆元年二月鄉試迴避試卷另行考試取中○高其  
 倬因病解任以顧琮署江蘇巡撫○丁巳召張廷枚來京  
 以王任任署福建布政使○召袁承寵來京以喬學尹署湖  
 北按察使○己未署湖南永州鎮總兵崔起潛疏劾鄂  
 爾泰張廣泗中外欺蔽迎合 上曰苗疆一事關係重大 皇考



當日即命朕會同王大臣辦理情形原委尤所熟悉比來張廣泗之經畧哈元生之暫留領兵董芳元展成張照之革職擊問皆朕特降諭旨大學士鄂爾泰未嘗贊一詞此廷臣所共知者崔起潛捏詞妄奏著即革職解部審擬具奏○庚申 上啟鑾謁 陵○癸亥 上謁 昭西陵 孝陵 孝東陵 景陵回鑾○是月經畧張廣泗奏分剿新疆首逆各寨俱已搗毀各請招安俟辦理妥協即進攻高坡一帶分兵部署大小丹江並八寨山苗等處得旨黔省逆苗不法擾害地方自上年四月以來用兵征剿以蕞爾蠢苗而合五省之兵力歷七八月之久尚未甯帖此皆從前張照等乖張錯謬之所致朕以卿熟悉苗疆情形且從前係自家辦理之事是以即位之初即將張照撤回命卿更換旋即授為經畧今據奏征剿情形較前已有頭緒是以明降諭旨特加褒獎以鼓士氣

東華續錄

乾隆三

七

東華續錄 乾隆三

之旨則倉皇失措此豈公忠體國大臣之所為夫大臣惟當以國事為重不為目前之謀為遠大可久之計俾地方甯謐百姓又安方為不負倚任朕知卿固無所觀望但君臣交勉有不得不然者卿即體朕相期之意以滿朕望可耳又奏調集外省官兵擬於四五月間新疆定局之後酌量撤回得旨朕原命卿斟酌非強令撤兵也萬里之間遙制軍機可乎一以委卿矣所云為君之難非身歷其地者必不知之即如逆苗一事從前 皇考會命朕兄弟與聞見敗省摺奏皆係觀望意旨委曲迎合從未見以實心奏對者即朕今日非不日念苗疆也若朝下一令焉為苗疆暮下一令焉為苗疆則汝等大吏不知所適從矣然恐號令之繁而欲省其言詞則又將觀望以為皇上之意不在苗疆也即此一事之為難而他事可以類推此意非指卿亦不過幾暇之筆耳

東華續錄

乾隆三

八

二月丙寅 上還京師○諭任土作貢國有常經無論士民均應輸納至於一切雜色差徭則紳衿例應優免乃各省奉行不善竟有令生員充當總甲圖差之類者殊非國家優恤士子之意嗣後舉貢生員等著察行免派雜差俾得專心肄業備於本戶之外別將族人借名濫免仍將本生按律治罪○詔山東巡撫修理少昊陵帝堯廟及周公顏子曾子孟子等廟○令內務府三旗照滿洲蒙古漢軍例各立米局備糶○總理事務王大臣議覆會都御史李徽奏請訂孝經入四子書進程子顯入 大成殿二條據稱聖言稱經自孝經始諸經以此稱經等語謹按經解名篇著於禮記離經辨志載於曲禮則經名早見孝經稱天之經地之義乃舉經常之道而言安得以擬議之辭指為定名之義又稱古文孝經劉炫偽作朱子亦未深考吳澄據許慎說文始為考證等語謹按孔

五九五



安國古文孝經獻之祕府者未及施行許慎亦未得見劉炫偽作詳於隋書辨於唐會要見於陸德明釋文先儒早知其非不待吳澄之辨安得謂朱子亦未深考又稱孝經以前六章為根柢中三章為體要後九章為會通三者人數六者地數九者天數合為十八章等語謹按孝經第一章乃全部綱領自天子以至於庶人皆以孝為本次孝治次聖治歸於紀孝行反是則有五刑推此則為至德要道道有經權常變皆可通於神明而復申言事君結以喪親則孝道純備而宗義開明俱從第一章脈絡貫注天地人本一理固於數無涉且數於孝經何涉李徽強分之數又於天地人何涉至請以孝經同學庸訂為一册自乾隆元年為始遇鄉會試與學庸一體命題等語謹按四子之書乃朱子所自訂刊於臨漳宋理宗頒行學宮至元明以及我朝遵行已久大學中庸程子從禮

東華續錄 乾隆三十九

記摘出朱子訂入四書孝經單行篇章無多何可與四書並列朱子為孝經刊誤疑其非盡聖人之言說得都不親切吳澄亦曰今文亦不無可疑疑其所可疑信其所可信去其所可去存其所可存朱子意也制科取士第一場首試四書文三篇二場用孝經論一篇與性理互出所以尊崇聖經總期發明經義文與論何擇李徽欲請訂入四書將使天下後世謂四書訂於朱子五書訂於李徽殊不自量之甚朱子熹羽翼經傳闡發義蘊蒼萃羣言衷於至當四書集註章句親切詳明使學者涵泳細繹具見聖賢立言精意我 聖祖仁皇帝特進朱子熹入配 大成殿所以為天下萬世學者樹之標準俾知所趨向非以朱子熹為賢於周程諸儒也如李徽所言程子顯亦宜入 大成殿周子敦頤以下均可以次詳酌則周子敦頤二程子頤張子載邵子雍皆宜附於十哲之列

孔子及門如南容有若子賤諸賢不亞於程周諸子並不亞於十哲亦未盡入 大成殿踵事日增將貽後議揆諸尊崇至聖以師表萬世之至意亦豈有當至性善之說詳於孟子皆淵源之論李徽以人性之善為支派謂程子顯解繼之者善亦人性之支派指此為有功能性是不獨有悖孟子亦大非程子之意敷陳外謬學術攸關誠恐無知效尤或詆毀先賢或穿鑿經義或託名理學自便其私大為世道人心之害請嚴申飭得旨這所奏是著交該部頒發天下學政咸使遵行○己巳甘肅甘州涼州等府雍正十二年歉收且有牛疫該督撫未經奏報 上降旨切責議賑○封理密親王允初之子弘曠孫永璈為輔國公○命考試八旗廢員精於國語者充八旗滿洲教習○以補熙署漕運總督由松江○召七克新來京調奕德慎為盛京工部侍郎由工部右○庚午免

東華續錄 乾隆三十九

宣化府門稅以口鹽歸張家口徵收○壬申詔直省生員監生年七十以上者優免一丁八十以上者給與八品頂帶○封莊親王允祿之子弘普為貝子○癸酉諭治道貴乎得中矯枉不可過正前屢降諭旨訓迪廷臣見八旗辦事情形及諸臣條奏事件尙有未合大公至正者如八旗事務頭緒繁多章程不一朕是以畧加斟酌去其繁冗俾從簡易而都統副都統等竟於會議之時多不到班更有乾清門奏事亦不到者且有交辦事件遲至一年半而後議奏者有朕面詢所奏之事情節而茫然不能應對者如此則日漸廢弛鮮能振作豈朕料理旗務之本意乎又如諸臣條陳關稅者甚多而皆未得其樞要夫鈔關之弊如額外巧取違例橫徵奸胥猾吏多般需索自當嚴行禁止違者重治其罪故鄉村落地稅苛累細民已經特諭革除若將關稅正項槩行議減不過官



吏中飽上有損於國課而下無益於商民乃事理之顯然可見者  
又如有請除學校煩苛之弊欲更成例者在國家養育人才士子  
原當優恤儒學臣等約束規條過於嚴厲俾多士有束縛之苦而  
無優游之樂固不可行若一味寬縱不繩以禮法則蕩檢踰閑如  
前明之紳衿武斷鄉曲凌虐庶民貽害於風俗人心而本身亦罹  
法網豈國家優待士人之道乎其他矯枉過正與此相類者不一  
而足是皆狃於一偏而不知其流弊者也大抵皇祖聖祖仁皇  
帝之時久道化成與民休息而臣下奉行不善多有寬縱之弊  
皇考世宗憲皇帝整頓積習仁育而兼義正臣下奉行不善又多  
有嚴刻之弊朕繼承統緒繼述謨烈惟日孜孜止欲明作有功以  
幾悼大成裕之治近規諸臣奉行漸有錯會朕旨而趨於怠弛之  
意朕滋懼焉天下之事有一利必有一害凡人之情有所矯必有  
所偏是以中道最難先儒謂子莫所執乃楊墨之中非義理之中  
也必如古聖帝王隨時隨事以義理為權衡而得其中乃可以  
類萬物之情成天下之務故寬非縱弛之謂嚴非刻薄之謂朕惡  
刻薄之有害於民生亦惡縱弛之有妨於國事爾諸臣尚其深自  
省察交相勸勉屏絕揣摩迎合之私心庶幾無曠厥職而實有補  
於政教戒之慎之○甲戌賞江南佐雜官養廉○敕陝西停禁商  
販俾晉屬民食有資○遣准噶爾來使吹納木喀起程召入乾清  
宮諭曰此次爾等來時朕未曾派出大員與爾等議定疆界者非  
朕不受爾等請和意欲興戎也以爾台吉噶爾丹策零未能遵奉  
皇考諭旨酌定疆界且又假詞陳請朕雖派員定議亦屬無益  
况疆界一事爾等豈可專主是以未經定議將諭旨命爾等齎回  
噶爾丹策零又奏請遣使先是皇考軫念黃教眾生曾經遣使

爾等並未遵奉定界今朕遣使何益噶爾丹策零誠能遵奉皇  
考諭旨酌定疆界具奏即一言足以蕪事不然雖往返遣使何為  
且定界之事不過從爾所請於我天朝無涉朕仰體皇考聖心  
闡揚黃教安養眾生斷無與爾興戎用兵之事今將官兵撤回各  
歸本處惟稍留弁兵以衛疆圉爾等亦有所聞此等守衛疆圉  
之兵無論與爾和好與否防守地方在所必設朕為大君既經降  
旨斷無復改之理諭旨內俱經備載噶爾丹策零接奉此旨誠能  
遵奉皇考諭旨留意黃教眾生酌定疆界遣使具奏抑或遵照  
諭旨指示止以喀爾喀遊牧不過哲爾格西喇呼魯蘇一事為請  
亦屬可行朕自降旨指示爾使臣惟思玉成此事始屬有益亦不  
致徒勞往返朕兩次所降諭旨爾須謹記俟去時諭噶爾丹策零  
當思久遠之策勿顧目前小利噶爾丹策零係一部落為首台吉  
豈不知此且爾等激朕興師不過希圖小利耳今不出師止守內  
地邊疆爾等何利之有總之和則於爾有利否則於爾無利此皆  
事之顯然者將此曉諭噶爾丹策零一切利害詳細酌定○以晏  
斯盛為安徽布政使由鴻臚寺○丁丑諭朕聞河南武陟縣木藥  
店沁河隄工關繫民居廬舍每年派農夫修築以防水患里民按  
畝派錢約計二千四百餘兩頗為地方之累若設立長夫二十名  
歲支工食三百六十兩即可省民間二千餘金之幫貼著該部傳  
諭河南總河白鍾山照此辦理其設立長夫每年應領工食即動  
豫省存公銀兩給發不得絲毫累民永著為例儻吏土棍等仍  
有借名科派者交與該管官嚴查從重治罪○以士子入闈遇雨  
各賜銀三兩○命福建額徵屯糧歸州縣徵收○己卯賜準噶爾  
台吉噶爾丹策零救書曰噶爾丹策零朕續承大統繼述皇考



世宗憲皇帝之志無分中外一視同仁以振興黃教安養眾生為務今爾遣吹納木喀來奏稱阿爾台本我游牧之地杭愛乃喀爾喀游牧之地既經和好此疆彼界原不必條分縷析今因遵旨定界故敢奏聞又稱諭旨所示哲爾格西喇呼魯蘇等處雖已指明我部疆界尙未定喀爾喀游牧之界故未敢定議祈再稍展空地遣使來此酌定令喀爾喀與我部邊界彼此闊遠伏乞允行按定界之事本起於爾父策旺阿喇布坦奏請乞以阿爾台山外哈道里哈達清吉勒布拉克兩隅賜爾初尙未蒙 俞允其後皇考一意休兵息民方可其請令以克木齊克汗騰格里循阿爾台山梁下索勒畢嶺由哈卜塔克拜塔克之中過烏蘭烏蘇至噶斯口為界爾父又請以呼遜托輝至喀喇巴爾楚克為居中閒地毋與喀爾喀游牧逼近致彼此猜疑 皇考降旨此事亦屬可行

東華續錄

乾隆三

五

今爾誠恪遵我 皇考聖訓奏請則我原設卡倫不必動移但令喀爾喀游牧稍稍內徙朕自當體 皇考興教安民之意降旨俯允爾乃並不遵我 皇考之訓竟欲以哲爾格西喇呼魯蘇為爾邊界專令喀爾喀內徙別留中間闊遠之地牽率奏請明係託故枝梧如此則朕更遣使何為朕為萬方共主當使羣生皆得其所不但軫恤內地蒙古即爾準部亦在我撫綏之內仰承 皇考仁育萬物之心以息兵端業已降旨撤兵豈復更張爾若不恤爾部起釁殃民勞爾部眾擾我邊疆則朕亦無如之何矣爾台吉其圖及久遠將一切利害得失之故再四思維詳悉定議一遵 皇考諭旨則遣使來奏否則不必更遣使矣特降敕諭付爾來使齎還隨敕賜各色段俱十端○庚辰諭朕自繼序以來勤思治理廣開言路俾大小臣工皆得密封摺奏蓋深慮民隱或壅庶事失理故

公聽並觀以求濟於實用諸臣必宅心虛公見理明徹慮事周詳各忤忠悃實有切於國政民依官方吏弊然後可以佐朕不逮故凡言有裨益立見施行而邇來諸臣所奏或不能適合厥中徒有陳奏之名而不計及實有裨於政治與否或瑣屑而昧於大體或空言而無補於國事非朕求言之本意也故前降諭旨諄諄訓迪其中尤可詫怪者謝濟世請用其自註學庸易朱子章句頒行天下獨不自揣己與朱子分量相隔如雲泥而肆口詆毀狂悖已極且謂明代以同鄉同姓尊崇朱子之書則直如龔下老婢陳說古事雖鄉里小兒亦將聞而失笑也李徵欲以孝經與四書並列為五立義支離屬辭鄙淺於宋元大儒所論孝經源流離合會未寓目即欲變亂歷代論定列於學宮數百年不易之舊章亦不自量之甚矣至於在任守制事本不可常行者之禮記諸侯既葬王政

東華續錄

乾隆三

五

入於國大夫士既葬公政入於家故戴德喪服變除言古者歷降之服其居處飲食哭泣思慕一如其常期蓋禮有以權而制者苟能自盡居喪之實心亦可無憾也今溥海奏請勒令從前在任守制者雖喪期既滿仍令解任追服朕令羣臣守制者原以行於將來非以論其已往且時過事遠而勒令衰經三年於傳所謂喪事即遠之義亦未有當至配享 孔廟千秋禮教所關典至鉅也兩漢傳經之儒久升孔廡後代復護繼之者且數數然也陳世倌乃連舉數人無乃輕率至若準噶爾侵擾藩屬部落我 聖祖為邊疆久遠之計設兵彈壓本非有耀武窮荒之意 皇考念我軍屯戍日久彼國亦甚困弊故遣使宣諭撤戍兵休養士馬皆因時制宜以撫綏中外陳世倌請修方畧意涉違迎如謂調兵籌餉之屬可為後式則各部具有冊籍何用別為一書凡此類皆無當於



實用而有關於國體夫此數人者皆輿論所推服為讀書人而久不見用者也今朕拔而用之而數人之識見若此陳奏若此豈不有愧於士林之清議與朕特擢之恩乎朕若因其妄行瀆奏交部議處不為無名但朕志切求言諸臣言雖不當不惟從寬免其譴訶亦並不介意然不得不明白訓示者恐無知之徒爭相效尤肆言無忌天下無識者之聽聞志慮未免為所惑亂則所關於世道人心者非淺鮮故使言者自省而聞者知戒各務竭忠效誠指事當物以副朕諄切求言之本意○諭朕聞江南淮安府屬之桃源縣徐州府屬之宿遷縣睢甯縣濱臨黃河沿河地畝淹涸廢常雍正五年因朱家口潰決之水復循故道其舊淹田地始得涸出而河臣為地棍所欺遂以此地為新淤之腴產睢甯縣報升地五千三十九頃宿遷縣報升地四千七十二頃桃源縣報升地三千八百四十二頃嗣蒙 皇考世宗憲皇帝勤求民隱特頒諭旨以淤地勘報不實令河臣會同督臣委員查勘共豁地七千二百餘頃萬民感頌所有存留地五千七百餘頃俱照各縣成例折算實地三千五百餘頃科則亦經減輕其潼安一衛裁汰改歸州縣徵收乃比年以來應納錢糧仍催徵不前蓋此淤出之地畝即舊有之糧田是以民力維艱輸將不繼也朕以愛養百姓為心既洞悉其中情事自當加恩開除以紓民力著將宿遷睢甯桃源三縣見存新淤涸復改科地糧額徵銀六千五百四兩全行豁免其雍正十三年淤地未完錢糧亦免徵收至水沈地畝仍照例歸於每年冬勘該部即遵諭行○命喀爾喀每歲選兵三千屯駐鄂爾坤防秋又命扎薩克圖汗格勒克雅木不勒等於扎卜堪台西里等處仍設內卡座蒙古游牧無過察罕和羅等處○加楊名時禮部尚書

銜兼管國子監祭酒事原任吏部尚書○辛巳諭翰林以讀書為職業然讀書將以致用非徒誦習其文辭也古來制誥多出詞臣之手必學問淹雅識見明通始稱華國之選有裨於政事今翰詹官員甚多於詩賦外亦當留心詔敕掌院學士以下編檢以上可各以己意擬寫上諭一道陸續封呈朕覽既可以規其文藝之淺深並可以觀其胸中之蘊蓄儻有切於吏治民生者朕亦即頒發見諸施行則詞曹非徒章句之虛文而國家亦收文章之實用矣嗣後庶吉士散館後即照此例行○癸未諭翰林撰擬王貝勒貝子冊文如朕叔朕兄等皆呼為爾某於朕敬長之意未符此心有所不安凡遇叔兄等皆當稱叔稱兄自弟姪以下則用爾字永著為例○令宗人府查諸伯叔之子孫年未及封者挑在侍衛章京上行走○召吳騫來京以黃叔琳為山東按察使原任浙江巡撫○甲申諭兩浙東華續錄 乾隆三 五  
鹽務向來廢弛自李衛為浙江總督以來留心整理諸事妥協及李衛離浙程元章接任其性辦事迂懦鹽政漸不如前是以 皇考諭令布政使張若震暫行兼管前據張若震奏稱藩司之職經管通省錢糧頭緒繁多難以兼顧鹽務且緝私全賴官弁協力未免呼應不靈恐誤公事等語張若震准解鹽政之任俾得專心於職守大學士稽曾筠見為浙江巡撫著照從前李衛之例改為浙江總督兼管兩浙鹽政其管轄地方節制官弁等事悉照李衛前例行稽曾筠既為浙江總督郝玉麟著以閩浙總督銜專管福建事務朕聞浙省濱海之地向來鹽價每斤不過數文今加一倍且有不止一倍者小民甚為不便其如何先賤今昂之故大學士稽曾筠可細心體察多方調劑使之平減俾商民均受其益又聞官弁兵役捕緝私鹽之時每遇大梟不敢過問往往縱之使去至於



肩挑背負之窮民資以餬口者則指為私販重加懲處種種弊端不可悉數前降諭旨甚明尤當加意稽查實心辦理以除弊竇○免河南祥符等四州縣雍正十二年民欠○乙酉以二格為兵部右侍郎由左副都御史遷○丁亥命候考博學鴻詞人員每月給膏火銀四兩○戊子尊 世宗憲皇帝陵曰 泰陵○己丑諭朕前以應付僧火居道士竊二氏之名無修持之實甚且作奸犯科難於稽查約束故酌復度牒之法使有志修行者永守清規而無賴之徒不得竄入其中以為佛老之玷其情願還俗者量給贖產其餘歸公留為養濟之用此亦專為應付僧火居道士而言也名山谷利閉戶清修者在所不問前降諭旨甚明見交與王大臣九卿會議乃聞外省傳述錯誤一切僧道皆有惶惑不安之意恐將贖產歸公遂爾弊端百出有將己身田宅詭寄他人戶下希圖藏匿者東華續錄 乾隆三十七有謀屬書吏分立花戶詭名以多報少者有減價速求售賣變銀入囊者且有局外匪類從中借名索詐者夫此等僧道既謀利戀財如是揆之仙佛之法乃糠粃稂莠也即收其私囊歸公以養濟窮民亦何不可之有天下後世自有公論但朕之本意原以天地好生之心為心一物不得其所如已推而納之溝中此庸愚無知之僧道亦天下之一物耳朕何忍視同膜外况朕先所降旨甚明原以護持僧道而非有意苛刻僧道今觀伊等情形是愚昧無知被人恐嚇而不知原降之諭旨也著該部先行曉諭去其迷惑至於應付僧火居道士之贖產因無所歸著是以有養濟窮民之說究竟國家養濟窮民豈需此區區之財物亦不可不稽查歸公此處著另議具奏○諭各直省督撫無越次保題○達賴喇嘛遣使貢方物優賚之○辛卯以程元章為漕運總督○以杭奕祿為額

外內閣學士原任禮部侍郎○壬辰諭貴州軍營員弁著照西北兩路軍營例自副將以下准張廣泗酌量題補○准滿洲蒙古舉人補內閣中書○河南巡撫富德奏參前任督臣王士俊報墾多罔捐輸累民得旨富德前因豫省開墾一事辦理不妥民多怨言是以朕令王士俊解任來京於稠人之中特簡用爾為巡撫以繼其後實望汝竭力殫心秉公據實除從前之弊端收後來之利益俾豫民永永受福也今覽汝奏第一摺內則稱王士俊虛報開荒種種欺罔而第二摺內又稱豫省地畝隱匿者甚多除二十三年首報之外猶有欺隱與其恩施於查隱既明之後不若恩施於查隱未明之前可否特降諭旨槩行豁免等語是汝同時兩奏而自相矛盾如是朕竟不解汝意之所在也夫無田有糧固為民累而有田無糧亦豈國體汝果能公平寬厚辦理妥協自有以服百姓之東華續錄 乾隆三十六心為地方久遠之計今乃束手無策不能辨其為熟為荒應留應去而巧為陳奏欲朕下一諭而免汝之查察以圖苟且了事人臣以忠誠事君者固如是乎且果係實在欺隱王士俊已經查出者朕方當獎賞王士俊以為汝等無能庸碌督撫之勸舉而委棄之可乎所謂公平之政非汝等婦寺之仁砒砒之才所能勉強也夫無才尚無才而加之以詐將何底止此事汝不能辦理又兼胸有成見無怪乎措置失宜敷陳巧偽也為今之計可將老荒及鹽鹼河灘之地確無可疑者悉行開除以慰民望至於夾荒地界在疑似者從容查訪不必急遽即欲定局俟布政使徐士林到任時汝與伊熟商經理之或不至於大誤至豫省勸輸銀兩既屬勉強可停其催交○雲貴總督尹繼善奏官兵攻克空稗台雄等寨經略張廣泗奏攻克大小丹江暨高坡山苗等處均得旨嘉獎



三月乙未朔諭朕聞浙江紹興府屬山陰會稽蕭山餘姚上虞五縣有沿江沿海隄岸工程向係附近里民按照田畝派費修築而地棍衙役於中包攬分肥用少報多甚為民累嗣經督臣李衛檄行府縣定議每畝捐錢二文至五文不等合計五縣共捐錢二千九百六十餘千計值銀三千餘兩民累較前減輕而胥吏等仍不免有借端苛索之事朕以愛養百姓為心欲使閭閻毫無科擾著將按畝派錢之例即行停止其隄岸工程遇有應修段落著地方大員委員確估於存公項內動支銀兩興修報部覈銷永著為例○丙申增設阿拉善山下滿洲牧廠○戊戌諭陝西甘肅二省民人屢年轉運軍需朕親批諭旨令許容寬裕料理勿使災民稍有失所乃許容不但無痾瘵乃身之意並朕旨亦不祇遵似此膜視民艱何以稱撫綏之職許容著解任來京巡撫員缺著劉於義署

東華續錄

乾隆三

九

自周以前人類中未嘗有此此四惡者劫人之財戕人之命傷人之肢體破人之家敗人之德為善良之害者莫大於此是以我皇考愛民之深憂民之切嚴申糾禁戒飭守土之官法在必行日夜捕緝積歲月之久而後道路少響馬及老瓜賊而商旅以甯賭博及造賭具者漸次改業而家室以安聚黨打架者斂迹而城市鄉鎮鮮聞鬪鬪娼妓遠藏不敢淹留於客店此皇考十有三年政教精神所貫注而海內臣民顯見其功效實享其樂利者也朕自嗣位以來蠲免租賦豁除賠累裁革積弊增廣赦條無非惠保良民使得從容休息衣食滋殖而無識諸臣誣謂朕一切寬容不事稽察以致大小官吏日就縱弛民間謠言諸禁已開風聞直省四惡皆微露其端倪即如天津一帶私鹽橫行無忌恐其他類此者相繼而起是守土之官敢悖世宗憲皇帝之明旨墮十有三

東華續錄

乾隆三

二十



所缺之數至於佐雜教職等官俸工槩免扣除俾微末官吏得以  
 養贍若有因地方荒缺而裁減祭祀銀兩者著遵雍正十一年  
 皇考世宗憲皇帝恩旨於該省存公銀兩內撥補以重祀典俱著  
 各省督撫悉心妥議辦理○諭向來廣西鹽引因商人無力承辦  
 以致民間有淡食之苦於雍正元年督臣孔毓珣題請官運官銷  
 借動庫銀為鹽本赴廣東納價配鹽分給各州縣照部定價值發  
 賣行之二年已有贏餘遂將通省鹽價照部定之數每斤減價二  
 釐發賣百姓稱便雍正五年又經孔毓珣奏稱粵西鹽斤自官運  
 官銷以來已無鹽缺價貴之虞應請仍照部定原價一體銷售不  
 必裁減二釐部議准行至今因之朕思食鹽乃小民日用之需部  
 價既多二釐則民間所費必不止於二釐廣西地瘠民貧道路遙  
 遠應令鹽價平減以惠閭閻自乾隆元年為始著照雍正元年原  
 東華續錄 乾隆三  
 題每斤減去二釐銷售○給予告滿漢大學士及部院尚書全俸  
 著為令○甲辰戶部遵旨議奏各省防範私販請照兩浙兩淮見  
 行之例六十歲以上十五歲以下及年少之有殘疾者婦女年老  
 而孤獨無依者許其負鹽四十斤易米度日於不縣報名驗實註  
 冊給以印烙腰牌木籌每日赴場買鹽一次不許船裝至因地制  
 宜之處請令各督撫鹽政悉心妥議得旨依議速行○乙巳加上  
 列祖 列后尊諡○諭王大臣等天下之理惟有一中中者無  
 過不及寬嚴並濟之道也人臣事君一存迎合揣摩之見便是私  
 心而事之失中者不可勝數矣昔我 皇考臨御之初見人心玩  
 愒諸事廢弛官吏不知公事宵小不知畏法勢不得不加意整頓  
 以除積弊乃諸臣誤以 聖心在於嚴厲諸凡奉行不善以致政  
 令繁苛每事刻覈大為閭閻之擾累然則 皇考之意果如是乎

朕即位以來深知從前奉行之不善留心經理不過欲減去繁苛  
 與民休息而諸臣又誤以為朕意在寬遂相率而趨於縱弛如盜  
 賊賭博之類漸已露其端倪而天津一帶鹽梟糾合多人肆行無  
 忌若非總督李衛明曉政體參奏查拏其為地方之害正非淺鮮  
 又如寬賦一事諸臣動輒以關稅為言不知關稅正額本無害於  
 商民其為商民之害者乃胥役之需索額外之誅求耳督撫大吏  
 身任地方於此等事不能留心查禁以甦商困而但欲妄減惟正  
 之供可乎見在各省督撫皆昔年 皇考簡用之人即朕偶有除  
 授亦係從前曾任封疆者乃當年條奏則專主於嚴而近日條奏  
 又專主於寬以一人之身而前後互異如此是伊等胸中毫無定  
 見並不計理之是非事之利病而但以迎合揣摩希冀保全祿位  
 固結恩眷而不知大違乎 皇考與朕之本意適成爲庸鄙之具  
 東華續錄 乾隆三  
 臣而已若循此以往不知省改勢必至禁令廢弛奸宄復作良善  
 受其擾害風俗漸就澆漓將我 皇考十三年教養整理之苦心  
 功虧一簣此朕心所大懼者不得不懇懇過慮懇切告誡繼自今  
 務去偏私之錮習各以大中之道佐朕辦理天下事務永底平康  
 之治若因此諭又復錯會意旨以嚴刻苛細相尚則識見更爲庸  
 劣其咎不可道矣可將朕旨各書一道密寄各省督撫其中才識  
 兼長不陷此弊者原不乏人毋庸朕旨訓飭戒勉但伊等既任封  
 疆之重均有化導屬員之責亦一併傳諭知之○命鄂爾泰張廷  
 玉等舉翰林科道部屬內品學兼優者考擢試差○丙午諭江南  
 長江一帶向有貢獻鮐魚之例至康熙年間停止因而地方改為  
 折價向網戶徵收解充地方公用乃歷年既久或網戶改業或移  
 徙他方展轉牽連又加胥吏借端苛索遂致沿江捕魚之人代受



追呼之累朕思當年 聖祖仁皇帝停止貢鮮乃愛惜民力之至  
意何用此些須折價煩擾小民著該督撫查明豁免永著為例○  
頒十三經二十一史於各省會及府州縣學○設盛京宗學覺羅  
學○戊申諭兵部尚書傅爾丹聞今科會試遺卷內向有佳卷目  
今場事已竣朕於科場事宜不能深悉應如何加恩增中之處爾  
可會同大學士鄂爾泰朱軾議奏○癸丑命續修國史○命鄂爾  
泰等取會試薦卷三十卷年老舉人試卷五卷准一體殿試○福  
建按察使覺羅倫達禮請定遇赦人犯再犯罪名條例 上曰遇  
赦人犯如再犯加倍治罪之旨係恐其再犯使之知儆勉為良民  
耳朕何忍薄待吾民槩定一例以待人之再犯乎○甲寅以索柱  
為左副都御史仍兼內閣學士○乙卯諭廣東山海奧區貧民多  
以捕魚為業各縣俱有額徵漁課為數無多相沿已久後因歸善  
縣不肖知縣私取陋規加於額徵十數倍遂經撫臣定議加增漁  
稅一千餘兩作為贏餘而海豐惠來潮陽三縣亦仿照加增海豐  
縣則增至四千餘兩惠來縣增至五百餘兩潮陽縣增至七百餘  
兩朕思粵東山多田少小民生計艱辛故以捕魚為養贍之計今  
他縣漁租皆仍舊額而歸善等四縣獨徵收加重恐漁民輸納維  
艱非國家愛養黎元之意著將四縣加徵之數悉予豁免仍照原  
額徵收其捕魚小船尤不應在輸稅之內再查粵東有埠租一項  
亦民間自收之微利前經地方官通查歸公為濬修圍基之費今  
圍基既動公項銀兩修築則埠租一項亦著一體免徵以免閭閻  
之煩擾該督撫轉飭有司實力奉行毋使奸胥地棍借端私取致  
窮民不得均沾實惠○諭昨據尚書傅爾丹奏稱各省來京會試舉  
人內有年歲七十八十以上者四十餘人志切觀光可否酌量加

恩錄用朕因令查落卷之大臣等一併簡閱續取中五人其餘未  
取者著交與禮部驗看酌量分別作何賞給職銜之處妥議具奏  
此等年老舉人朕格外加恩乃一時之曠典在伊等無心遭遇則  
可若心存希冀強赴公車以致皓首寒儒跋涉辛苦既啓僥倖之  
心亦非朕愛士恤老之意此事後不為例著禮部通行曉諭知之  
○丁巳宗人府議處果親王允禮於三月初一日 皇上親詣  
堂子安桿祭祀時託病不到應照例削去王爵奏入得旨允禮原  
應照所奏治罪但伊自辦理部務以來尚屬勤奮著免其削去王  
爵將特恩賞給親王之雙俸裁去並將加給一倍親王之護衛官  
員及護軍馬甲撤回○戊午命雲貴川廣福建舉人未經中式者  
著照雍正十一年例揀選○頒 聖祖仁皇帝御製周易折中性  
理精義朱子全書 欽定尚書傳說彙纂詩經傳說彙纂春秋傳  
說彙纂儲於太學刊示諸生○命修舜陵並設歷代帝王各陵陵  
戶○己未諭劉於義奏許啓盛重仲俱非常赦所不原請准其贖  
罪朕前因官爵有關名器仕途不宜冒濫是以降旨停止捐納至  
於贖罪一條原係古人金作贖刑之義况在內由部臣奏請在外  
由督撫奏請皆屬斟酌情罪有可原者方准納贖其事尚屬可行  
嗣後將贖罪一條仍照舊例辦理○辛酉諭士子倚恃青衿抗欠  
國課定例褫革追比原以懲戒不率使知禮法至革後如能清完  
者准予開復所以廣自新之路也今直省所有雍正十二年以前  
舊欠錢糧俱已豁免此等革生內容有所欠錢糧亦已陸續完納  
止緣尾欠未清未會循例開復而所欠又奉豁免之恩詔遂令所  
革衣頂永無開復之期情殊可憫著各督撫轉飭各州縣查明前  
經欠糧革退之舉貢生監等實係抗欠不完褫革之後並未完納



者仍不准開復若所欠錢糧曾於革後陸續完納止有未清之尾  
 欠而適逢赦免之恩詔將疏革之案准其開復俾得改過自新並  
 將姓名登記檔冊備此次邀恩之後將來再有抗欠之事著該督  
 撫嚴參治罪○壬戌吏部議復御史鍾衡奏請加國子監從八品  
 助教為從七品正九品學正從九品學錄為正八品正八品監丞  
 加為正七品從八品博士加為從七品滿洲蒙古助教等缺品級  
 均歸畫一應如所請從之○癸亥諭提督總兵出境照例具題無  
 許擅離汛守○降圖理琛為內閣學士以杭奕祿為工部侍郎○  
 甲子張廣泗奏報合攻牛皮苗寨首逆就獲搜剿餘黨無算  
 夏四月庚午禮部遵旨詳議清釐僧道之法請令順天府奉天府  
 直省督撫轉飭該地方官於文到三月內將各戒僧全真道士年  
 貌籍貫焚修處所清查造冊取具印結申送彙齊到部發給度牒  
 東華續錄 乾隆三 五  
 轉飭地方官當堂給發各僧道收執遇有事故追出戴繳嗣後情  
 願出家之人必請給度牒方准簪剃受戒如有借名影射及私行  
 出家者查出治罪至於應付僧人令地方官一體給與度牒若不  
 願受戒者即行勒令還俗其中老邁殘疾既難受戒又難還俗者  
 查實給與度牒看守寺廟以終天年又如深山僻壤不能遠出受  
 戒及俗家並無可歸者亦姑給與度牒仍另行註冊永不許招受  
 生徒至清微正一道士除龍虎山上清宮由真人給與印照各直  
 省清微靈寶道士仍給部照毋庸給牒外火居道士俱令還俗年  
 老不能還俗者亦暫給部照永不許招受生徒又尼僧亦應照僧  
 道之例願還俗者聽其還俗不能還俗者亦暫給度牒永不許招  
 受年少生徒嗣後婦女必年逾四十方准出家年少者嚴行禁止  
 從之○以閻堯熙為湖北按察使由山西鹽道遷○壬申授王常海蘭

為參贊大臣協同額駙策凌辦事○召吳應棻回部辦事以高其  
 倬為湖北巡撫由右通政遷○乙亥命保舉賢良方正○丁丑諭山東  
 泰安州香稅朕已降旨豁免近聞湖北太和山凡遠近進香者亦  
 有香稅一項小民虔禮神明止應聽其自便不宜徵收香稅以滋  
 擾累所有太和山香稅著照泰安州之例永行豁免○命歸化城  
 設立養濟院○戊寅召楊秘來京以王士俊署四川巡撫由兵部  
侍郎遷○庚辰以隋人鵬為河南按察使由少詹事遷○辛巳以貴州提督哈  
 元生遲誤軍機命拏解來京○裁直隸副總河以總督兼管河務  
 ○壬午諭捐納候選之貢監舉人仍准鄉會試○諭部員奉差學  
 政開缺後仍准推升○癸未命各部降革漢司員開復後准通算  
 前俸○以陳惠榮為貴州按察使由江西廣德府道遷○丙戌諭八旗為  
 國家根本從前敦崇儉樸習尚敦龐風俗最為近古迨承平日久  
 東華續錄 乾隆三 五  
 漸即侈靡且生齒日繁不務本計罔思節儉朕即位以來疊沛恩  
 施無非欲令其家給人足反樸還淳惟是曠典不可數邀亦不可  
 常恃儻伊等不知痛改前非仍蹈覆轍則是下愚不移自取罪戾  
 可通行曉諭官兵人等各敬聽朕言無負期望○戊子賜金德  
 瑛等三百四十四人進士及第出身有差○辛卯諭從來經學盛  
 則人才多人才多則俗化茂稽諸史冊成效昭然我 皇祖聖祖  
 仁皇帝道隆義頊學貫天人凡藝圃書倉靡不博覽而尤以經學  
 為首重 御纂周易折中尚書彙纂詩經彙纂春秋彙纂等編又  
 有朱子全書性理精義正學昌明著作大備我 皇考世宗憲皇  
 帝至德同符孝思不置特敕直省布政司將諸書敬謹刊刻准士  
 子赴司呈請刷印蓋欲以廣 聖教振儒風甚盛典也乃聞各省  
 雖有刊板而士子刷印寥寥蓋由赴司遞呈以候批發既多守候



之勞且一生所請不過一部斷不能因一部書而特為發板開刷  
士子所以欲多得書而其勢不能也朕思諸書實 皇祖惠教萬  
世 皇考頒行天下之典籍安可不廣為敷布著直省撫藩諸臣  
加意招募坊西人等聽其刷印通行帶與嚴禁胥吏阻撓需索之  
弊但使坊賈皆樂於刷印斯士子皆易於購買庶幾家傳戶誦足  
以大廣厥傳朕又思 聖祖仁皇帝四經之纂實綜自漢迄明二  
千餘年羣儒之說而折其中視前明大全之編僅輯宋元講解未  
免膚雜者相去懸殊各省學臣職在勸課實學則莫要於宣揚  
聖教以立士子之根柢每科歲案臨時豫飭各該學確訪童生中  
有誦讀 御纂諸經者或專一經或兼他經著開名冊報俟考試  
文藝之後該學政就四經中斟酌舊說有所別異處摘取數條另  
期發問止令依義條答不必責以文采有能答不失指者所試文  
東華續錄 乾隆三  
稍平順童生即予入泮生員即予補廩以示鼓勵務宜實力奉行  
以副朕尊經育才之意○壬辰布魯克巴部諾顏林沁齊墨喇卜  
濟親至西藏恭請 聖安並貢方物恩賞有加○癸巳免江南阜  
甯等州縣雍正十三年通賦○吏部議准署湖廣總督邁柱奏湖  
南上崗下崗茅岡大刺等處改土歸流上下二崗請歸桑植縣轄  
大刺歸龍山縣轄茅岡歸永定縣轄從之  
五月戊戌諭據兩廣總督鄂彌達奏本年二月內欽奉上諭凡行  
鹽地方大夥私販自宜嚴加緝究其貧窮老少男婦挑負四十斤  
以下者不許禁捕所有商人私雇鹽捕及巡鹽船隻幫捕汛兵悉  
行停止臣遵照部文出示曉諭各梟徒痛加改勉為聖世良民  
乃省城各處竟有梟販成羣手執印刷小票稱奉廣東按察司明  
示許令販私不服盤查及查白映棠告示竟未遵奉諭旨分別老

幼混稱貧難百姓四十斤以下者不許緝捕儻敢私自查緝許被  
害之人指名赴本司衙門控告等語以致強壯奸徒無不藉口貧  
民公然販私成羣結黨目無法紀白映棠以刑名之官撓越鹽政  
率意妄行逞私債事其咎難逭理合奏聞臣今酌定規條凡有近  
場實在貧難無可資生之人如年過五十以外或在十五以內及  
並無依靠之貧獨老婦許其挑負四十斤以下在本境易米度日  
不許透越外境違者以私鹽論該場埠巡丁如有將貧難合例之  
人騷擾盤查者即以誣指平民販私治罪其有年屬壯強者即四  
十斤以下仍以私鹽究擬若有人鹽並獲齊非大夥私梟仍照舊  
例立即詳結不得株連至見設之巡丁巡船其界連場地者必須  
扼要巡查不便稟行停止又如廣西銷鹽各埠以及界連交趾私  
鹽衝賺之鎮安等處再福建之長汀江西之甯都皆大夥私梟出  
東華續錄 乾隆三  
沒之地亦難遽行停止仍請照前設立惟有貴成各地方官隨時  
稽查儻有生事擾民者嚴加懲治等語朕因各省鹽務向來辦理  
未安不肖官吏往往縱放大梟拘拏小販以致濱海近場之窮民  
藉肩販以度日餬口者胥受擾害是以諭令寬其禁約毋許苛求  
原以惠養貧民並非縱容匪類聽其作奸犯科也豈知無賴之徒  
妄稱奉旨肆行無忌在直隸則有天津之事在江南則有鎮江之  
事在廣東則有廣州之事遠近一轍不約而同若不速加嚴懲則  
各處聞風效尤將大為地方之擾害李衛之嚴密查拏鄂彌達之  
據實參奏此二人辦理乃深知朕心而洞悉政體者若天下督撫  
皆似此居心而不存觀望之念秉公執法則兇暴咸知斂迹必無  
長奸貽患之慮鄂彌達著交部議敘其鹽務條規即照所奏行白  
映棠職司刑憲不特不禁約私梟反出示給票縱民為匪甚屬溺



職著解任來京候旨朕自臨御以來時時以我 皇考愛養百姓之心為心凡從前官吏之奉行不善涉於煩苛者皆次第革除務期與民休息若天下民人體朕此意改過遷善化頑為良則朕寬大之政可以永遠施行此天下臣民之福即朕之福也今則不然即於私鹽一事朕本欲酌寬其禁以養恤窮黎而奸民乘機伺隙結黨呼羣凡向來之畏法而不敢輕犯者今則公然肆橫無所憚懾觀此情形是奸頑之民不容朕行寬大之政也朕為天下主惟有執兩用中期與天下臣民休養生息以成久道化成之治豈肯姑息養奸貽風俗之憂釀閭閻之患哉為此切加曉諭俾遠近百姓各自醒悟洗心滌慮務為善良奉公之民以永受朕恩著各省督撫將朕此旨刊刻頒布務令遠鄉僻壤咸共知之○己亥以王恕為廣東按察使由江安道遷○庚子諭國家以科目取士廷試之後

東華續錄 乾隆三

分別任用或選授庶常或分部學習或以縣令銓補此因材器使之道欲令士子各展所長裨益政治原非有用舍去取於其間也聞向來士子因詞林地望資格優於外任每以得預是選為幸及至引見後輒於內用外用妄生計較此狃於習俗見聞之陋而於朝廷優待士子之心實未深悉蓋今時縣令所轄土地人民等於古者侯伯子男之國撫綏經理實賴通材故親民之官所繫最重果其材猷政績卓然表著類皆不次超擢膺其任者何得不力圖報稱而更生企羨乎若身預詞林之選者其名實尤難相副蓋文詞不工於館職固為有愧即使詞采可觀尚恐流為浮華無用之士務各砥礪廉隅講求經術漸致淹雅宏通以無負選後儲材之意至於在部學習人員分曹佐理各有攸司當念外省官吏措置偶或失宜倘有內部為之駁正至部中所定章程一經奏准通行

將來即引為成例稍有舛錯貽誤不少安得不倍矢精勤期免隕越總之百司庶府悉非營利之階梯政事文章各有當修之職業務宜屏除私意勉效忠良庶幾識見日增猷為日著士風吏治漸臻上理朕實於爾等有厚望焉○諭朕因李紱保舉新進士過多又聞伊在朝班將新進士派令九卿保舉特降諭旨詢問今據李紱奏稱同在朝房有諮詢擬議者從旁勸助臣實有之且曾向趙之垣言及新進士原承猷文藝頗工勸其保舉等語是李紱將伊私人派令九卿保舉之處已自認不諱伊又稱懷承訓誨惟有永絕妄言等語朕即位以來並未有因臣工多言即加以處分者今李紱明係妄舉乃自謂妄言避重就輕希圖蒙混著交部嚴加察議尋降補○辛丑命改進士單月選班銓選舉人○停止山西巡察○吏部議覆兵部侍郎吳應棻奏督撫衙門設七品幕職二員

東華續錄 乾隆三

兩司設八品記室二員三年一考報部存案六年考滿送部揆選道府州縣設一九品掾司申報督撫本人有出身者計考先用本官降革不准與考本官以贓酷敗不能救正定議處分後官得辟留前任幕賓升調亦可帶往他省等語查各省督撫幕賓雍正元年奉 旨令分別保題議敘布按二司為通省錢穀刑名之總匯應准照督撫之例分別保薦其道府州縣各員到任即將幕賓姓名籍貫申報督撫存案六年勤慎無過辦事幹練准令本官出考申送各該督撫詳加考覈具題議敘濫行保舉照例議處至各衙門幕賓既未設有定額去留來往聽其自便從之○壬寅諭朕聞河南彰德一府七縣共漕米三萬餘石而臨漳縣辦米三分之一他邑每畝徵米四五合或七八合不等獨臨漳每畝徵米一升三合有奇從前兌糧水次在臨漳境內回隆鎮是以額徵本色獨多



今水次移在湯陰縣五陵鎮臨漳運米必越安陽湯陰地方始到五陵且地方產米無多漳民辦運維艱等語朕思臨漳所辦漕米果多於他邑小民不無苦累若欲減運又有關於額賦其可否照附近水次之安陽湯陰等縣則例按畝徵米起運其餘改徵折色之處著傳諭巡撫富德查明酌議具奏○癸卯諭三代以前不言水利溝澮之制時蓄洩備旱潦尙書周禮所載爲田功計者其利甚溥開渠引水溉田育穀始於戰國蓋因阡陌既開溝澮尋丈已失其舊也歷代言水利者得失參半總以相土宜順水勢近不擾民遠可利人爲主今江南所屬蘇松常鎮四府太倉一州見在興修支河做河工海塘之例督撫分委降革廢員及本籍候選考職人等效力承修朕思渠港圩壩附近溉田原宜開濬以備旱澇但開濬之法須河身深廣蓄洩得宜其挑取塗泥遠移他處或培窪下之地或築隄岸之上方爲久計若雇夫挑土堆貯河旁雨淋水潦旋即入河不久淤塞務名無實徒滋煩擾至古隄舊渠僅遇旱潦不爲田害便宜仍舊紛更改築甚無謂也今蘇松等處內地支河原不比河工海塘之險古隄舊渠如元和至和等塘民利往來田資灌溉至今受益吳本澤國三江震澤支流四溢如邱與權單諤邨竄趙霖夏原吉周忱等所論水利考據精覈得失瞭然今效力承修人員相度形勢諳練自遜前人儻有夾塘蓄水石梁洩河止宜加修不必改築若有必應開濬建築之處督撫留心細勘並飭州縣協辦工程一應調遣指臂易使至長洲等州縣按畝派錢以供大修朕已降旨停止儻有官吏藉端中飽及絲毫派累經朕訪聞必加嚴處嗣後督撫以至州縣建言爲民興利或利小而害大或利在目前而害伏於後或有利無害而其事易創難成皆宜

詳審熟籌慎之於始以體朕惠養元元至意○甲辰諭聞山東青州府益都縣有前明廢藩更名地一項在當日爲藩封之產不納課糧招人承種輸租各佃止更姓名無容過割謂之更名地較之民糧多二倍至四倍不等在當日居民投靠藩勢借佃護身積漸增加沿爲陋例今則同爲民田而納糧尙仍舊額名爲欽租地糧多賦重小民輸納維艱朕心軫念著將欽租名色裁革照依該縣上等民地按畝承糧每大畝納銀二錢一分零每小畝納銀六分四釐零歸入民糧項下一體徵收俾循惟正之供永除偏重之累○諭朕聞各直省鹽政辦理之法各異如雲南所產井鹽俱係府州縣領銷派定額數由各鹽井領運分銷辦課不許越界販賣通行已久但府州縣繁簡不同民間生齒多寡不一凡兩迤衝繁之處人民輻輳不難照常銷引閒或缺鹽借之鄰近州縣協濟其山僻州縣鄉村寫遠居民鮮少地方官恐蹈墮銷之咎礙考成遂將鹽斤分派里甲挨戶分食官鹽按限繳課名曰煙戶鹽小民家口多者可以照數納銀若貧民家口無多餘鹽未會食盡及期催追前課未完後派之鹽又至展轉積累懸欠難償夫鹽爲小民日用必須之物慮民遠涉是以因地制宜不徒爲銷引計也乃一則患鹽之不足一則患鹽之有餘俱非均平之道著該督撫酌量變通悉心妥議務使官不墮銷民無偏累毋得拘於成見又聞雲南陸涼州地方馬廠等處瀕水低窪以樹藝升科未久其徵收夏糧秋稅有無累民之處該督撫一併查議具奏○丁未諭河南永城縣地方本年四月黃水忽發從江南碭山縣南下衝坍申公隄等處已切諭豫省巡撫加意賑恤潘家道口一帶地方年來屢遭水患自應亟爲疏通但此水下流多在江南宿虹等州縣若止挑濬



上源則水無歸宿著河南巡撫會同江南總督總河勘辦○命州縣修建六房公廨○庚戌諭江南浙江大吏化導士民痛改奢靡積習○免會靜張熙親屬緣坐○壬子命南河副總河移駐徐州○乙卯諭朕聞宣化府屬之懷來縣僻處山邊向有保字號墾荒地七十一頃徵糧八百六十餘石始於前明時防禦邊患募兵戍守卽以近山地土令其耕種每軍士一名種地五十畝者准作半年糧六石種地一頃者准作一年糧十二石彼時應募屯軍不過圖免本身雜差遂不計地之多寡荒熟今歷年既久其間有地荒而糧存者有地少而糧多者官民不免賠累之苦且該縣徵糧科則上地每畝徵糧五升六合中地三升六合獨此項地土則每畝徵糧至一斗二升民力尤難輸納著該督委員確查將山地不可耕糧無所出者共計若干奏聞豁免其可以耕種之地則按照本縣科則分別定議俾邊塞黎民永沾實惠○暹羅國王參立拍照廣拍馬嘯六坤司尤提雅菩挨表謝 欽賜扁額並貢方物賞賚有加○丁巳諭刑部審訊出差朝鮮國正使兆德副使釋伽保知伊等頒詔彼國時於餽遺正禮外復照舊日朝鮮陋例開都請別請兩單私行授受自認不諱朕已降旨將兆德釋伽保交部嚴行治罪因思朝鮮歸順我朝恪守藩封之職蒙我 列祖 皇考怙冒深恩至優至渥卽如貢獻一節亦屢經裁減厚往薄來無非加惠遠人之至意朕卽位以來又將該國餽送使臣禮儀令減半以示體恤乃兆德等於正禮之外復受陋規其罪固不可道而該國王卽照陋例應付亦屬不合若該國王能體朕心自當以恪遵諭旨爲恭順不當以私厚使臣爲恭順也著禮部行文與該國王嗣後凡有使臣奉差被國務宜遵朕前旨將餽送正禮如銀兩物件

之類裁減一半至陋規所有都請別請等項悉行禁止不得私與一件既干功令復負朕懷遠之恩○己未諭朕夙夜孜孜任賢圖治惟期內外大小臣工共砥廉隅以襄邇理今列茲庶位者讀書科目之人不少正宜宣力國家以副朕望迺人而不齊拜官除職之際竟有不念官守之當如何而盡政事之當如何而舉輒咨問於缺地之豐蓄計較於養廉之多寡者士大夫聞之毫不爲怪良可慨歎抑或身任繁要而致羨於優閒或位列清華而垂涎於豐膺豈先資拜獻者之所宜出此哉董子曰正其誼不謀其利明其道不計其功士子稽古入官當以遠大自期安可謀食懷居甘自菲薄且朝廷設官各有分司惟當各盡職守主錢穀者必謹出納之數理刑名者必諳律例之條大僚有恭儉惟德之思一命有存心愛物之志豈可萌出位願外之妄想自曠當官之職業哉爲諸臣者務宜痛自儆省咸思精白乃心靖共爾位不負讀書二字嚴義利之界立廉恥之防庶幾風俗古而人心端斯吏治清而民生厚朕實有深望焉○庚申諭朕前訪聞得原任江西巡撫常安回京船過仲家淺開口於不應放關之時嚇令開關僕從多人聞官畏其威勢躲避不敢過問常安遽行越漕起板將船放行朕隨傳旨詢問常安伊乃多方掩飾蒙混回奏朕復降旨詢問總河白鍾山令其據實奏聞今據白鍾山奏常安於三月開船過仲家淺關僕從多人勒令開夫起板放船開夫不敢私起伊家人復扭開夫蜂擁開署倚勢嚇逼凌辱開官以致開官躲避常安遂起板前行反將開夫掌嘴洩忿又常安盤至安山開時伊家人兩次到開喝令起板開官任其無狀不敢違例放行等語常安身爲大臣於朕卽位之初輒敢橫行如此此皆 皇考臨御時所未經見聞者及

東華續錄

乾隆三

五

東華續錄

乾隆三

五



朕降旨詢問伊復枝梧巧飾不將實情陳奏其屬可惡常安著革職擊交刑部及伊生事家人一併嚴審定擬具奏朕御極以來見從前內外臣工不能仰體 皇考聖意諸凡奉行不善遂有流於刻覈之處是以去其煩苛與民休息並非寬縱廢弛聽諸弊之叢生而置之於不問也而內外臣民不喻朕意遂謂法令既寬可以任意疏縱將數年前不敢行爲之事漸次干犯即如鹽禁稍寬乃朕優恤窮民之意而直隸江浙閩廣諸省私梟鹽棍輒敢招集無藉之徒肆行無忌見在查拏究處然此不過編戶小民不能深悉朝廷德意一時觸法犯禁猶可云愚昧無知至於常安乃封疆大吏豈不知憲典之當遵而亦爲此市井跋扈之舉乎朕看此等情形天下臣民竟有不容朕崇尚寬大之勢傳曰寬則得眾易曰元者善之長也朕以天地好生之心爲心豈肯因一二無知之輩即自改其初志但治貴得中若於玩法之徒亦用其寬則所謂積莠不除將害嘉禾儻不速爲整理恐將來流弊無所底止是以近日處分臣工數案如李紱之濫舉進士朕即將伊降級調用勵宗萬之擅將監場御史咨送吏部處分福敏之辦理廢員推諉遲誤朕即將伊等交部嚴察議處又如王常出口多騎驛馬數匹乃總理事務王大臣偶爾疏忽亦見在交部察議蓋此等事件在 皇考時或可格外從寬而朕此時辦理則不便稍有假借良以玩忽縱肆之風漸不可長此風一長則寬不成其爲寬而民反有受其累者如李紱勵宗萬之事即營私作弊之漸常安之事即目無功令之漸懲一儆百爲治之道固當如是朕豈忽變而爲嚴刻者哉大凡人臣居心惟當以義理爲權衡而不可稍存迎合之見君所謂可臣或以爲否君所謂否臣或以爲可雖明旨已降尚不可依違

遷就而况妄行揣度以爲迎合乎且妄行揣度亦未有不至於大誤者即如 皇考當日至仁如天寬大慈祥惠鮮懷保時時以百姓爲念上年朕奉 命辦理苗疆事務時 皇考憫恤黔民至於墮淚此朕與諸王大臣所親見者其他不可枚舉乃臣下妄行揣度頗以 皇考意主於嚴此豈能知 皇考之聖心者數月以來又復妄行揣度以朕意在於寬是豈知朕之存心者若見朕於常安李紱輩玩法營私之不少假借輒復妄行揣度以朕欲轉寬爲嚴而於辦理兵民之事有意過刻致百姓或有失所是則私心蔽錮識見卑污其罪更不可道矣總之治貴得中事求當理不當寬而寬朕必治以廢弛之罪不當嚴而嚴朕又必治以深刻之罪內而九卿百職外而督撫庶司咸當洗心滌慮各加儆省毋蹈前轍自干咎戾則朕之百姓可以永久受朕寬惠之澤矣

東華續錄 乾隆三  
○諭朕聞甘省以糧載丁從前辦理未善致多偏枯屯民甚屬苦累見有民戶丁銀攤入屯戶者九千二百二十五兩屯戶輸納維艱朕心深爲軫念再四思維此種丁銀乃國家惟正之供並非無著之項止因從前岳鍾琪任意增減遂致苦樂不均今應酌籌變通之法以惠甘民著將此多攤九千餘兩暫爲豁免俟下屆編審之時將平慶臨鞏四府及新改直隸之秦階二州所屬各州縣新編人丁應完丁銀均勻攤入民地糧內漸次補額即分作二次編審逐漸補足亦可務令徐徐增補以紓民力俟補足之後即行停止永不加賦著督查即阿劉於義悉心妥議辦理朕又聞康熙五十七年伏羌渭秦安會甯等縣及岷州衛有地震傷亡缺額之七千六百八十丁該銀一千四百八十六兩有零人口既無丁銀自應蠲免乃岳鍾琪亦攤入田糧之內尤屬錯誤著該



督等即查明豁除毋貽民累朕又思甘省從前多係衛所管轄屯戶其屯戶額徵悉係糧料草束為兵丁必需之物是以蠲免地丁時此項不在蠲免之內惟雍正十年 皇考格外加恩將民戶屯戶應徵各色糧草一槩豁免此從來未有之曠典也朕意民屯均為赤子所當一視同仁兵食或有不敷再當別為籌畫嗣後遇有蠲免地丁之年著將屯戶應納之糧草蠲免三分之一永著為例○頒 聖祖仁皇帝御製律歷淵源於直省學宮書院○命直省州縣門軍毋以里民充○癸亥命科道內升外轉未得缺之先仍准食俸辦事○經略張廣泗奏授勦大箐擒獲首兇並回兵辦理內地情形得旨覽卿奏報授勦逆苗之事已有八九分就緒曷勝欣慰此皆卿調度得宜將士奮勇之所致也在事人員應各詳記俟事定後朕皆加恩賞賚趁此兵威大振之時切不可有欲速圖

東華續錄

乾隆三

五

功之志善後事宜切須計及萬全莫復遺後日之慮有人建議以為牛皮大箐係逆苗窟穴恃以為惡之一道若趁此兵力將大箐用火攻之法焚毀無遺則永無逆苗之害云云不知可行與否卿其酌量○江西巡撫俞兆岳奏民閒斗斛之制宜畫一禁演扮淫戲以厚風俗等語得旨王者之道同律度量衡蓋以此民閒日用最切之事而風俗之所關也宜令畫一之奏是不可有欲速之心致民閒有所不便則得矣先王因人情而制禮未有拂人情以發令者忠孝節義固足以興發人之善心而媒褻之詞亦足以動人心之公憤此鄭衛之風夫子所以存而不刪也若能不行抑勒而令人皆喜忠孝節義之嚴而不觀淫穢之齣此亦移風易俗之一端也汝試姑行之

六月甲子朔諭古者鄉學之秀始升於國其時諸侯之國皆有學

今府州縣學並建無遞升之法國子監雖設於京師道里遙遠四方之士不能胥會則書院即古侯國之學也居講席者固宜老成宿望從遊之士亦必立品勤學爭自濯磨俾相觀而善庶人材成就足備朝廷任使學臣三年任滿諮訪考覈如果教術可觀人材興起各加獎勵六年之久著有成效奏請酌量議敘諸生中材器尤異者准令薦舉一二以示鼓勵○加禮部堂官雙俸○調揚汝毅為戶部侍郎以姚三辰為兵部侍郎○丁卯諭國家制科取士經義代聖賢立言當循循矩矱先民是程非四子六經濂洛關閩之粹言不可闕入前蒙 皇考世宗憲皇帝特降諭旨以清真雅正為主誠以文品人品恆相表裏雅鄭之分淄澠之別辨之不可不精也主司務矢公矢慎慎以襄盛典○諭朕御極以來日理萬幾早夜孜孜惟恐政事稍有曠廢屢頒諭旨訓誡臣工務期

東華續錄

乾隆三

五

百度具舉無稽留淹滯之弊以副朕勵精求治之心近因天氣炎暑聞八旗六部大臣惟恐朕躬煩勞欲將當奏之事擇其緊要者奏聞引見之人擇其緊要者引見其餘則俟之秋涼之後此則不知朕心者朕辦理天下事務寒暑有所不避豈肯自圖晏安况批閱奏牘引見官僚亦不至過於勞瘁即彼引見之人雖受暫時之熱而得早被錄用諒亦不以為苦嗣後可照常奏事引見不必有意減少○禮部議覆山東巡撫岳濬奏奉旨修葺堯廟宇因備稽史傳俱稱堯陵在濮州境內東平一陵實屬沿誤應移東平堯陵估計重建工料改建濮州堯陵等語按呂氏春秋兩漢志水經注文獻通考堯陵在濶濮間無疑考一統志所載亦俱相符其祀堯於東平州者緣金末河決舊迹無存明洪武開始於東平葺陵建廟應令該地方官確勘濮州城東南六十里殺林舊址詳加料



估動項興修於陵前設堯母靈臺祠配以中山夫人悉如舊制逢祭告大典遣官行禮東平一陵有司以時展祀從之○戊辰諭各省學政俱已賞給養廉資其用度惟雲南舊有文武新生餽送費儀數金之例足敷公署之用相沿已久是以未曾議及養廉朕思新進寒士即指辦數金仍屬拮据此項應行禁止其學政養廉著每年另賞銀四千兩於司庫銅息內照數支給永著為例○命各省提督總兵進京照督撫例不必赴部投文○己巳禁私造烏槍○命修築貴州苗疆州縣城垣○以慶復署吏部尚書仍兼管戶部事務○辛未諭易名以諡古之制也自周公定為諡法後世帝王未有無諡者明建文為太祖之嫡孫繼承大統在位四年固儼然天下共主矣及成祖既立有其天下並去其年號而史官所書則仍稱為建文元年二年三年四年此國之所賴有信史也然不

東華續錄

乾隆三

三

仁也恩詔之頒期以息事甯人使遠邇咸知遷善改過共為良民以成太平之治聞各省於一切案件仍行提審駁審嚴刑酷吏恣意株連使無辜之人困於囹圄細微之事刻為鍛鍊含冤稱屈所在多有夫罪名未定案情未協或仍有須審詳者但既非犯在不赦則斷讞亦易成招若使合於赦款之人不得即邀赦免之澤而已酷刑斃命或因拖累破家則後即審明援赦亦已無及是朝廷已生全之而有司故戕害之貌視功令殘虐民生莫此為甚且頒詔之後已逾半年而題結咨結批結之案尚屬寥寥遲玩已極著刑部即行文各該督撫速行嚴飭各屬立即詳慎查明逐一詳報歸結省釋如有仍前濫刑擾累及稽延滋弊以阻抑國家德意者一經察出罪有攸歸斷不輕貸即刑部所有案件亦應速為剖晰勿致沈閣以副朕哀矜庶獄之意○己卯諭昔我皇祖聖祖仁皇帝闡明經學嘉惠萬世以大全諸書駁雜不純特命大臣等纂集易書詩春秋四經傳說親加折衷存其精粹去其枝蔓頒行學校昭示來茲而禮記一書尚未修纂又儀禮周禮二經學者以無關科舉多未寓目朕思五經乃政教之原而禮經更切於人倫日用傳所謂經緯萬端規矩無所不貫者也昔朱子請修三禮當時未見施行數百年間學者深以為憾應取漢唐宋元以來註疏詮解精研詳訂發其義蘊編輯成書俾與易書詩春秋四書並垂永久其開館纂修事宜大學士會同該部定議具奏○諭國家以經義取士將使士子沈潛於四子五經之書含英咀華發摯文采因以規學力之淺深與器識之滄薄而風會所趨即有關於氣運誠以人心士習之端倪呈露者甚微而徵應者甚鉅也顧時文之風尚屢變不一苟非明示以準的使海內士子於從違去取之

東華續錄

乾隆三

三



介曉然知所別擇專意揣摩則大比之期主司何以操繩尺以度  
 羣才士子豈能合矩矱以應技羅乎有明制舉之業體備各種如  
 王唐歸胡金陳章黃諸大家卓然可傳本朝文運昌明英才輩出  
 劉子壯熊伯龍以後作者接踵莫不根柢經史各抒杼軸此皆足  
 為後學之津梁制藝之科律者自坊選之禁垂諸功令而大家名  
 作不得通行士子無由觀斯文之炳蔚率多因陋就簡剽竊陳言  
 襲取腐語間或以此倖獲科名又展轉流布私相倣效馴至先正  
 名家之風味邈乎難尋所繫非淺鮮也朕欲哀集有明及本朝諸  
 大家時藝精選數百篇彙為一集頒布天下以為舉業指南學士  
 方苞工於時文著司選文之事務將入選文逐一批抉其精微與  
 突之處俾學者了然心目間用以拳服摩擬再會試鄉試墨卷若  
 必俟禮部刊發勢必曠日持久士子一時不得觀覽嗣後應弛坊  
 東華續錄 三 乾隆三

開刻文之禁儻果有學問淹博手眼明快者不拘鄉會墨卷房行  
 試牘准其照前選刻但不得徇情濫薦及狂言橫議致釀惡俗朕  
 實嘉惠士子望各精勤厥業以底大成尚悉敬體朕意共相黽勉  
 ○諭朕惟州縣為親民之吏自宜廉平不擾懋著循聲乃獄訟催  
 科之際官民情意易致睽隔百姓潛受苦累而無由自訴者則以  
 書役之為害甚劇州縣官不知所以振刷而剔除之也朕訪聞直  
 省州縣衙門經承之外必有貼寫正役之外每多白役此數十輩  
 無賴之徒假託公務橫肆貪婪其為小民擾累何可勝言故有訟  
 獄尚未審結而耗財於若輩之手兩造已經坐困者矣額糧尚未  
 收納而浮費於催徵中飽於蠹胥已什去二三矣其餘勾緝命盜  
 因緣舞弊遇事風生株連無辜賄縱要犯大率貼寫白役之為害  
 居多各直省督撫務宜嚴飭各該州縣將所有吏役按籍鈎考其

有私行充冒者悉行裁革設正額書役實不敷用不妨於貼寫幫  
 役中擇其醇謹者酌量存留亦必嚴加約束毋得非時差擾至於  
 經承正役務須時刻稽查儻有壞法擾民之事立即按律重懲庶  
 使若輩知所顧忌不得肆其伎倆或明知故縱姑息養奸又或  
 喜其巧於趨承受其蒙蔽此則不愛百姓而愛吏役即屬戕害吾  
 民之甚者也為民父母其忍出此乎且胥吏之為害不止州縣衙  
 門已也凡徵解錢糧上司書吏輒向州縣書吏索取費用因而縣  
 吏假借司費紙張名色派索花戶又如徵解漕糧時糧道衙門書  
 吏需索縣吏規禮因而縣吏遂勾通本縣家人盤踞倉廩於正額  
 外多收耗米稍不遂意百般留難遠鄉小民以得收為幸守候為  
 艱不得不飽其貪壑又聞司院衙門凡州縣申詳事件每先發各  
 房書吏擬批送籤書吏從此作奸射利遲速行駁之閒得以上下  
 東華續錄 三 乾隆三

其手蓋衙蠹之為擾自上及下正不自州縣始也是在為督撫者  
 整肅紀綱立閭省之表率而監司守令各奉厥職互相糾正則弊  
 絕風清民安衽席朕惠養元元之恩意得以周浹閭閻矣○癸未  
 諭國家命官分職亮采宣猷固欲各矢公忠共襄國事然必俯仰  
 無憂而後可以專心效職朕臨御以來洞知京員俸祿所入未足  
 供其日用深為慮念止以量入為出國有常經必須籌畫周詳始  
 可施行久遠今查得戶部有平餘銀兩係各省與正供隨解之項  
 每年約有十六七萬金不等此項銀兩在內在外原存儲以備公  
 事之用者若即以分給部院辦事之人作為養廉於情理亦為允  
 協著總理事務王大臣等查明部院各衙門事務之繁簡官員之  
 多寡其原有飯銀已足敷用者無庸賞給其不敷者酌量加添其  
 向來並無飯銀者酌量給與至翰詹京堂等衙門雖事務不繁而



淡薄較部院更甚均當令其一體沾恩可按數分派詳悉妥議具奏再外省武職俸祿之外尙有心紅紙張及親丁名糧之屬而旗員別無養廉此亦久廢朕懷者前已加恩將步軍營之章京等量給空糧資其用度今參佐等員其有空糧者無庸賞給外其未經賞給者亦應照例分別賞給以昭朕優恤文武臣工之至意其妥議具奏○乙酉禁百工當官貼費○丙戌諭朕聞三代聖王緣人情而制禮依人性而作儀所以總一海內整齊萬民而防其淫侈救其彫敝也漢唐以後廢備郊廟朝廷之儀具其名物藏於有司時出而用之雖縉紳學士皆未能通曉至於閭閻車服宮室飲食嫁娶喪祭之事皆未嘗辨其等威議其度數是以爭為侈恣而耗敗亦由之將以化民成俗其道無由前代儒者雖有書儀家禮等書而儀節繁委時異制殊士大夫或可遵循而難施於黎庶本朝東華續錄 乾隆三

會典所載卷帙繁重民間亦未易購藏應萃歷代禮書並本朝會典將冠婚喪祭一切儀制斟酌損益彙成一書務期明白簡易俾士民易守著總理事務王大臣會同該部從容定議○以程元章署禮部侍郎實授補熙漕運總督由松江○丁亥禁四川松潘各鎮將私斂番民○戊子諭外省知縣由正途出身任內無參罰者按其資俸行取來京以主事補用其有廉明公正之員或因公墜誤與例不符者亦准督撫保題此古三載考績之意所以簡賢能錄功最也但各部主事設有定額一年之中出缺無幾又有應補之人則行取來京之員挨班選授三年內必不能用完而下次行取之期又至日積日多勢將有遲至四五年不能得缺者朕思此等人員服官供職著有成效故特予行取以優待之今令其遠離原任需次選曹在彼不免守候之苦而外任轉少一諳練之縣令

東華續錄 乾隆三

殊為可惜所當酌量變通者嗣後行取屆期該部將合例之人具題後知會督撫照武官保舉註冊之例仍留本任辦事俟單月缺出按俸銓補得缺之後給咨引見再赴新任庶各員不至去官守選轉多壅滯之虞而外吏得以駕輕就熟仍司牧民之職其如何定例之處吏部詳議具奏○前任甘肅巡撫許容以隱匿災荒營私樹黨革職解京治罪○辛卯諭國家設官所以甯人也京師為輦轂之地五方之人雲集輻輳是以於五城分命滿漢御史及兵馬司正副指揮吏目等官糾察而稽查之又有步軍統領專掌九門巡捕營員查匪類緝盜賊察賭博等事犯者輕則自行懲治重則送部究擬立法亦甚詳矣嗣以外城街巷孔多慮藏奸匪各樹柵欄以司啓閉因而設巡檢官數十員於在京考職候選雜職人員內揀選補用此等之人本係微職一膺斯任妄謂得操地方之東華續錄 乾隆三

權所用衙役率皆本地無藉之徒望風應募遂於管轄之內欺詐愚民遇事生風多方擾累甚至卑陋無恥散帖斂分苛索銀錢官役分肥於地方並無查察防範之效而司坊各官反得推諉卸咎又安用此冗雜之員也著將巡檢察行裁革其柵欄仍照舊交與都察院五城及步軍統領酌派兵役看守至裁退之各巡檢著都察院分別等次交部酌量補用其未補者仍歸伊等原班銓選○命查勘江南江西被水村莊酌免本年額賦○命直隸新舊營田歸州縣管理○壬辰諭督撫為封疆重臣一省數千里之閭吏治民生寄焉所以激濁揚清風示羣吏者莫要於糾劾貪暴刻深苟且昏惰之守令所以移風善俗殺靖良民者莫要於訪拏地棍衙蠹生事不才之生監然是二者真知確見而盡得其實其道甚難何則督撫所寄耳目者不過一二投契之監司或朋好族姻及多



年相信之家僕凡人公正無欲忠信不欺而才智又能不為人所欺者千百中無十一儻寄耳目非其人則將以除奸而轉為售奸之藪將以剔弊而適開叢弊之門其顛倒枉直擾害閭閻有不可勝言者蓋守令之巧詐者多工於掩飾周旋而安靜悃悃清白自守之吏率不能迎合監司彌縫督撫之左右苟寄耳目者以私意為愛憎以毀譽為公評漫聽浮言捏構條款督撫信為誠然或且惟恐不然則彈章朝上眾口多譁縱復自悔孰能認過深文苛法務實其事以自直朕所前聞往往若此至於劣生棍蠹訪聞不實片紙發行即時扭解縱能虛心體察昭雪釋除而其人已身殘家破矣又况筆楚之下何求不得誣證屈服者沈冤豈能更白乎夫政貴有經事求得實督撫果能公忠體國實意為民於所屬守令平日訟獄催科馭吏臨民之實蹟一一留心而察之其人之明暗

東華續錄 乾隆三

公私仁暴十可八九得然後驗以民情之向背酌以眾論之參差則舉劾自無大謬矣至於劣生棍蠹剝蝕地方良懦編氓莫不痛心切齒特無力首告恐轉為所害耳如果諄切曉示凡被害之家許據實上控不以越訴格而不行立即親提證據審實無虛重懲不貸其誣告者罪亦如之則法在必行民知可信將宿惡寒心朋奸斂迹既無用以蜚語流言循訪拏之故事而懷怨挾讐欲相傾陷以快其私者更何以逞焉繼自今各直省督撫宜爭自砥礪布實德於斯民以無負朕委心倚任俾專制一方之至意也○直隸總督李衛奏巡查鹽梟情形得旨此事阿揚阿並未陳奏卿但盡心辦理若果問心無愧他人之萋斐豈能動朕是以朕之保全諸臣皆諸臣之自保全也何則朕豈能以己之好惡為朝廷用人去取之章本乎○河南按察使隋人鵬奏巡撫富德吏治廢弛操守

難信定例故違紛更滋弊四款得旨撫臣之去留豈汝等藩臬一摺所能搖動朕聽哉能贊助者竭力贊助之不能贊助者虛心平氣聽撫臣之自處若撫臣有大過亦終不能逃朕之洞鑒也若此摺之奏功過居半何則富德之器原非朕十分賞識但汝若一字不密則是自取罪戾也

東華續錄 乾隆三



臣王先謙敬編

臣周潤蕃恭校

秋七月癸巳朔以黔苗擾害民多就食沅州諭免沅州本年額賦及耗羨○甲午諭朕思宗社大計莫如建儲一事自古帝王即位首先舉行所以重國本定鴻基朕即位已逾半載未經降旨非視此事為後圖良以人心不古往往有因建儲太早以致別生事端是以皇祖當日於建儲一事大費苦心皇考御極之元年聖心即默注朕躬不肯宣布中外傳集諸王大臣九卿特加訓諭親書密旨收藏此我皇考監古宜今寶愛玉成之妙用也今皇子冲幼雖若可緩而國本攸繫自以豫定為宜再四思維惟有循用皇考成式親書密旨照前收藏此乃酌權劑經之道將來皇

東華續錄 乾隆四

子年齒漸長識見擴充志氣堅定朕仍布告天下明正儲貳之位朕之尊尊告諭誠恐天下讀書泥古者以不早建儲為疑用是特為宣曉今日朕親書密旨著總理事務王大臣親看宮中總管太監謹收藏於乾清宮正大光明扁額之後○丁酉諭州縣查勘水旱雜費俱動用公帑毋許派累○署甯古塔將軍都賽護覆都統巴爾岱條奏請裁伯都納地方新設長甯縣所募民人附近歸永吉州安插其牛馬雜稅等項交副都統徵收從之○己亥設泰陵官○諭積儲平糶之法原以便民乃聞各省州縣於倉穀出入竟有派累百姓者當出糶之時則派單令其納銀領穀若干及買補之時則派單令其納穀領銀若干納銀則收書重取其贏餘納穀則倉胥大肆其勒抑甚至以霉爛之穀充為乾潔小民畏勢不敢不領惟有隱忍賠累而已更有山多田少之地產穀無多而該

地方官不能向他處採買但按田畝冊籍數算發價派令百姓將田畝歲收之穀交倉絕不為民間計及蓋藏至有十餘畝之田而亦責其承買穀石者在附近居民去倉廩不遠尙可就近轉輸至於遠鄉僻壤離城或百里或七八十里之遙亦一槩令其領銀納穀小民肩挑背負越嶺登山窮日之力始至交納之所而奸胥蠹吏又復任意留難及平糶之日而寫遠鄉村更不能均沾實惠是徒有轉運之苦而不獲蒙積儲之益夫良法美意行之不善流弊種種其作何變通之法使閭閻實受糶糴之益而無有擾累各該督撫大吏當悉心籌畫令有司實力奉行以副朕愛養斯民之意

○免貴州通省本年額賦及耗羨○設蘇州海防道專管海塘歲利水○停稽查歸化城御史○庚子申禁科場舞弊○辛丑諭貴州古州等處苗眾從古以來未歸王化我皇考世宗憲皇帝如

東華續錄 乾隆四

天之仁特允督臣所請不忍棄置僻壤之外遂因伊等俯首傾心輸誠歸順之切收入版圖使得沾濡德澤共享昇平之福原非利其土地人民為開拓疆圉之舉也即如從前所定糧額本屬至輕至微不過畧表其向化輸租之意俟數年之後原欲並此加恩寬免此皇考撫恤苗民之聖心向朕與諸王大臣曾經再三宣諭者詎苗眾生性反覆靡常於上年三四月間騷擾內地並旬引熟苗攻掠城池燒毀村落百姓被其荼毒兇惡頑梗法所必誅是以遣發大兵分別進討勦撫兼施其中肆逆抗拒者或就誅夷或被擒獲而脅從附和之苗寨又各擒縛為首之犯相率投赴軍前呈繳器械悔罪歸誠軍務漸次告竣朕思此等逆苗孽由自作固王法所當重懲者在皇考與朕視之其辜天率土皆吾赤子此特示予中之不肖者耳今身罹刑辟家口分離朕心仍覺不忍且



見在就撫苗眾多屬脅從附和其中尚有並未從逆始終守法之各寨均當加意撫恤俾得生養安全因思苗人納糧一事正額雖少而徵之於官收之於吏其閒經手重疊恐繁雜之費或轉多於正額亦未可知惟有將正賦悉行豁免使苗民與胥吏終歲無交涉之處則彼此各安本分雖欲生事滋擾其費無由况蠲免新疆苗賦原屬 皇考聖意朕此時當敬謹遵奉見之施行者也用是特頒諭旨著總督張廣泗出示通行曉諭將古州等處新設錢糧盡行豁免永不徵收伊等既無官吏需索之擾並無輸納賦稅之煩耕田鑿井俯仰優游永為天朝良順之民以樂其妻孥長其子孫苗眾亦具有人心豈有舍衽席而蹈湯火之理至於建立營汛分布官兵乃國家定制原以詰奸禁暴安戢善良各省內地且然况苗疆險要防範尤不可不嚴且設兵之意所以禁約漢奸播弄東華續錄 乾隆四十四年

構釁又以查察熟苗私入句引朋比為奸非特以新附之苗為不可信而以重兵彈壓之也其設兵事宜仍著總督張廣泗遵照前旨悉心妥議辦理至駐守弁兵均當謹守法度不得借端滋事如有絲毫擾累該管官即行詳報題參從重治罪若或隱匿不報經朕訪聞定將該管文武各官一併重處苗民風俗與內地百姓迥別嗣後苗眾一切自相爭訟之事俱照苗例完結不必繩以官法至有與兵民及熟苗關涉之案件隸文官者仍聽文員辦理隸武官者仍聽武弁辦理必秉公酌理毋得生事擾累貴州總督張廣泗可一併曉諭知之○癸卯吏部議覆雲南巡撫張允隨奏請停老農總吏之例查歲舉老農給以八品頂帶所以勸民稼穡乃各州縣中往往有似農非農之輩覬覦鑽謀恃職不法雍正七年改為三年一舉較前更難賄屬益甚請停止如果有務本力農者仍

不時獎賞又定例州縣到任揀選殷實老成書吏二人充錢糧總吏五年毫無虧空各部以九品雜職即用雖為慎重倉庫其中縱容徇隱挾制夤緣之弊甚多請將總吏停止仍責成該管上司盤查均應如所請再直隸州縣向設有提牢典史與總吏事同一例亦應停止從之○以德沛為古北口提督調普泰為兵部左侍郎○甲辰建奉天府屬新設復州永吉南海義州四州縣 文廟○乙巳停庶吉士開列順天鄉試外廉官○戊申定五等世職漢文以精奇尼哈番為子阿思哈尼哈番為男阿達哈哈番為輕車都尉仍各分等拜他喇布勒哈番為騎都尉沙喇哈番為雲騎尉○辛亥追諡明建文皇帝為恭閔惠皇帝○癸丑諭聞各直省老民老婦從前已經旌賞者遇有恩詔不得再行給賞即如豫省新鄉縣老婦劉氏今年一百十五歲因雍正十二年開年登一百十三歲曾經題准建坊賞賜此番恩詔不得入冊朕思劉氏躋此罕有之貞壽自應一體霽恩以昭曠典著該地方官仍造入恩賞冊內使伊得被光榮各直省老民老婦凡年登百歲從前已蒙旌表者俱照劉氏之例仍加賞賜以示朕優待壽民之意將此永著為令○甲寅減徵陝甘兩省雍正十三年未完耗羨○乙卯命五城掩埋骸骨○丙辰張鉞因病解任以楊錫綬署廣西布政使由廣東肇 ○戊午給佐雜官離任身故回籍路費○給山西佐貳官養廉兼署者准支一半○調高其倬為湖南巡撫鍾保為湖北巡撫○實授鄂善吏部左侍郎○己未吏部議准湖南巡撫鍾保奏沅州地處邊隘最關緊要今鎮道俱移駐鎮守地方沅城內僅副將知州兩員似覺單薄請改沅州為府治附府設縣一附近沅州之黔陽麻陽二縣改歸知府轄從之○庚申飭直省修 文廟



祭祀樂器○署四川巡撫王士俊密摺陳奏四條得旨朕棄瑕錄用實是憐汝才幹尚屬有為故汝臨去之時朕何等訓諭乃汝巧偽居心私欲不能盡除而為此藉直言之名遂已私之事汝試思朕豈不能察汝之主哉不能察汝則朕不用汝矣汝四條所陳謂今之條陳率欲翻駁前案羣臣之翻駁前案即朕之翻案也朕翻案者何事大學士之兼部乃 皇考之成憲汝欲朕改之非翻案乎惟部議舉人兩條目下不無其弊但此弊亦非一日矣即使汝在部汝能免乎故論語云為君難且莫舉 天 祖付託之重民物仰賴之殷為難即此用人一端千難萬難者也但此亦自知其難耳旁無一人可語而汝輩僉邪之人又安足與語哉汝藉直陳之名而行己私天理何在汝不畏哉昨日傳龔亦如此舉動大覺可笑汝等姑靜俟之若謂朕為拒諫汝再明白回奏來○辛酉

東華續錄

乾隆四

五

上御養心殿召入總理事務王大臣九卿諭曰昨王士俊密奏一摺朕洞見其巧詐居心背理害道沽直之名以自遂其私披覽之下不勝痛恨比即嚴批申飭並將原摺發與總理事務王大臣及是日在乾清門奏事之九卿等公同閱視朕意以為王大臣九卿深明大義次日必有參劾王士俊者乃止據口奏其陳奏之非而未劾其巧偽之罪今日御史舒赫德封章特參備陳王士俊喪心病狂妄發悖論不宜復加寬容仍畀封疆之寄朕用是召入王大臣九卿等面諭之據王士俊第一條云近日條陳惟在翻駁前案甚至對眾揚言止須將 世宗時事翻案即係好條陳之說傳之天下甚駭聽聞等語夫指羣臣為翻案即謂朕為翻案矣此大悖天理之言也從來為政之道損益隨時寬猛互濟記曰張而不弛文武不能弛而不張文武勿為一張一弛文武之道文武豈有

意於張弛哉亦曰推而行之與民宜之耳昔堯因四岳之言而用鯀鯀治水九載績用勿成至舜而後殛鯀於羽山當日用鯀者堯也誅鯀者舜也豈得謂舜翻堯之案乎我 皇考即位之初承 聖祖仁皇帝深仁厚澤垂六十餘年之久休養生息物熾而豐厥後遂有法網漸弛風俗漸玩之勢 皇考加意振飭使綱紀整肅弊革風清凡此因勢利導之方正所以成繼志述事之善也又豈得謂翻 聖祖之案乎 皇考初政峻厲至雍正九年十年以來人心已知法度吏治已漸激清未始不敦崇寬簡相安樂易見臣工或有奉行不善失於苛刻者每多救其流弊寬免體恤之恩時時下逮是即十三載之中而劑酌盈虛調適競絳前後已非一轍矣至朕繼承丕緒泣奉 遺詔諭令向後政務應從寬者悉從寬辦理朕祇遵 明訓衣德紹聞凡用入行政兢兢以 皇考誠民

東華續錄

乾隆四

六

育物之心為心以 皇考執兩用中之政為政惟恐膠固成見有違時措咸宜之理弗勝負荷之重御極以來與廷臣敬慎斟酌庶曰陟降庭止克綏予乎蓋 皇祖 皇考與朕之心原無絲毫間別如果內外大小臣工俱能仰體使政治清平民生安樂可以垂之永久而無弊又何必更有因時制宜之舉無如法久自必弊生奉行每多過當不得不因畸重畸輕之勢而為之維持調劑以歸於正直蕩平之道此至當不易之理乃王士俊嘗為翻駁前案是誠何言是誠何心耶夫朕躬有所闕失朕惟恐諸臣不竭慮盡心直言規切至於事關 皇考而妄指 前猷有意更張實朕所怵惕靡甯而不忍聞者也又據王士俊第二條稱大學士不宜兼部之說尤見其自相矛盾挾私懷詐之情形纖毫畢露大學士之兼部正 皇考之成憲王士俊欲朕改之是又導朕以翻案也彼意



不過為大學士鄂爾泰而發以冀感朕之聽夫朕豈為僉王所惑之主哉多見其不知量矣即如王士俊墾田一事市與利之美名而行剝民之虐政中外共憤人人切齒設使此案敗露於皇考之時豈能稍為寬宥乎彼回京時畏首畏尾一言不發今見朕之復加摧用遂欲掩飾從前之罪且中傷與己不合之人撰為邪說以覆護之以為前案不宜翻駁此則其設心之機詐有不可勝詰者至於第三條所云各部辦事豫存一私意計較某省督撫正在褒嘉其事宜惟某省督撫方得不是其事宜駁不論事之當否而專以逢合為心及第四條所云廷臣保舉人員率多瞻徇情面甚至有巧索酬謝之事等語朕思部件題駁懷挾私心或不免保舉徇情夤緣賄屬亦難保其必無即以近日廷臣論之如勵宗萬之引薦不但徇情受託其保舉河員聞竟有納賄之事又傅鼎為東華續錄 乾隆四十七年

人奏求恩廢一事亦屬瞻顧情面爾廷臣受朕深恩豈因王士俊之妄言而遂不駁一事不薦一人乎惟當清夜捫心此等陋習有則痛自痛除無則益加勉勿為僉王王士俊輩所訕笑以全朕簡用委任之顏面也古稱為君難即此用人一節已千難萬難矣但亦自知其難耳旁無一人可語者而王士俊僉邪小人又安足與語哉王士俊為人巧詐眾所共知朕格外保全棄瑕錄用原念其尚有才幹或可造就姑令署理川撫陸辭之日朕何等諄諄訓諭乃巧詐之習牢不可破外飾鯁直以便己私敢將悖理之言妄行陳奏關繫重大不可姑恕將舒赫德參奏原摺交與王大臣九卿等會議具奏尋奏奸惡暴著國法不可暫弛請將王士俊擊解來京交法司嚴審定擬明正其罪以為人臣怙惡亂政罔上行私者戒從之嗣經法司照大不敬律擬斬立決得旨改為斬監候秋

後處決○准貢生酌補佐貳○命楊秘回四川巡撫任○湖南巡撫高其倬奏城步殺甯苗獨不靖飭汛兵設法誘擒若不能擒出諸兇即行勦捕得旨夫兵者凶器不得已而用之者也朕思苗疆甫定又為此舉不涉於黷武乎但史貽直與卿尚非好事喜功者比若地方中有萬不可已之勢亦不可姑息者也諸凡酌量為之八月甲子召金鉉來京以楊超會署廣西巡撫○丙寅禮部左侍郎徐元夢以年老乞解任允之命加尙書銜食俸在史館內廷等處行走○己已諭朕愛養元元凡內地百姓與海外番民皆一視同仁輕徭薄賦使之各得其所聞福建臺灣丁銀一項每丁徵銀四錢七分再加火耗則至五錢有零矣查內地每丁徵銀一錢至二錢三錢不等而臺灣則加倍有餘民間未免竭蹶著將臺灣四縣丁銀悉照內地之例酌中減則每丁徵銀二錢以紓民力從乾隆元年為始永著為例○減江南崑山新陽二縣浮糧○庚午兵部尙書傅爾丹奏革職○壬申諭朕聞山東章邱縣有缺額糧銀三千九百一十餘兩因從前地方官捏報墾荒以致糧無抵補相沿已久事難究追其見在已攤入地畝者雖每畝為數不多而其實則在正供之外民力未免艱難其未攤入地畝者更屬虛懸無著有司亦難賠墊朕心軫念官民著將已攤入地畝者於乾隆元年查明開除免其徵收其未攤入地畝者從雍正十三年起悉行豁免俾閭閻永無加派之苦而有司亦無賠補之累該撫可董率地方官實力奉行○乙亥轉木和林為禮部左侍郎以滿色為禮部右侍郎○丁丑諭後食為事君之心而重祿乃勸臣之道從前在京文員俸入未足供其日用時座 皇考聖懷是以雍正三年 特旨增添漢官俸米而各部堂官又 加恩



給與雙俸其餘大小各員原欲次第加恩俾得均沾渥澤今朕仰體 皇考嘉惠臣工至意彷彿雙俸之例將在京大小文武俸銀加一倍賞給令其用度從容益得專心於官守所給恩俸著自乾隆二年春季為始再從前賞給各部堂官雙俸時欽奉 皇考諭旨遇有罰俸事件止罰正俸其恩俸仍行支給今各員所加之俸亦照此例行○己卯賞原任侍郎胡煦原銜子胡季堂准作廕生○乙酉諭今年伏秋交會之際朕深為黃運海塘等處繫念昨據江南河道總督高斌大學士嵇曾筠河東河道總督白鍾山等摺奏在在保護平穩南北河工與浙江海塘關繫國計民生最為緊要仰荷神明默佑俱各循流順軌朕心不勝感慶理宜虔修祀典以答神貺○諭朕聞浙省屯糧向來每石徵銀一兩因軍丁等輸納維艱於康熙年間 特恩減免改徵銀五錢五釐計算每畝徵銀八分有零彼時惟嚴州一所遺漏開報未經查明減免每畝仍徵銀二錢一分五釐查杭州前右二衛屯田與嚴所地方相距咫尺每畝止徵銀一錢二分八釐零而嚴所地土比通省較薄賦額則比通省較重實屬偏枯所當酌量變通使一體均沾恩澤為此特頒諭旨將嚴所屯糧循照杭州前右二衛科則徵收以紓軍力其應豁減銀兩若干著大學士嵇曾筠確查報部永著為例○諭浙江濱海地皆斥鹵向來鹽價甚賤居民稱便十餘年來鹽價增長近則加至二三倍不等夫以小民日用必須之物而昂貴若此朕心深以為憂即中外之人亦無不知兩浙鹽貴之為累者朕屢次切諭大學士嵇曾筠令其悉心經理乃數月以來雖據奏報鹽價漸平然較之十數年前仍屬昂貴朕再四圖維並留心諮訪鹽價之貴固在於場鹽少產亦由於商本艱難惟有使商人鹽斤充

裕則鹽價自然平減今酌定增斤改引之法將杭嘉紹三所引鹽循照兩淮舊額每引加增鹽五十斤連包索共重三百三十五斤至松江一所原屬濱海產鹽之區向因額設季引九萬餘道分別上中下三則徵收正課公費銀五萬四千餘兩遂使近場州縣多有鹽貴之苦今循照沿海溫台等處之例改行票引九萬餘道每引給鹽四百斤令商人設店住賣如此增斤改引一為變通則商本寬裕轉輸便易商人不受減價之累百姓多受減價之益大學士嵇曾筠再為多方調劑加意體恤庶可復還十數年之原價以便民用著該部行文嵇曾筠遵旨辦理○遣官賑喀喇沁饑○丁亥通智免以那蘇圖為兵部尚書將軍○辛卯免河南永城縣水災漕糧

九月乙未諭王大臣等據辦理 泰陵事務恆親王弘旺內大臣東華續錄 乾隆四 十 戶部尚書海望奏稱 世宗憲皇帝梓宮安奉 泰陵地宮請照景陵之例安設龍山石其隨入地宮之分位並萬年後應留之分位相應請旨等語朕敬將萬年後應留分位之處奏請 皇太后懿旨奉 皇太后懿旨 世宗憲皇帝梓宮安奉地宮之後以永遠肅靜為是若將來復行開動揆以尊卑之義於心實有未安况有我朝 昭西陵 孝東陵成憲可遵 泰陵地宮不必豫留分位朕伏承 懿旨仰見 皇太后坤德恭謹 聖慮周詳自當恪敬遵奉做照 昭西陵 孝東陵之例另卜萬年吉壤候朕詳酌再降諭旨至 皇考梓宮奉安地宮時著照例安設龍山石其隨入地宮之 皇妣孝敬憲皇后梓宮應居左稍後 敦肅皇貴妃金棺應居右比 孝敬憲皇后梓宮稍後○丙申總理事務王大臣刑部議奏遵旨會審古州苗疆一案革職刑部尚書張照懷



私挾詐擾亂軍機革職貴州提督哈元生觀望逗遛失陷城寨均應擬斬監候革職湖廣提督董芳擅調官兵革職貴州巡撫元展成撫馭乖方均應僉妻發邊遠充軍革職副都御史德希壽巧詐不實應枷號鞭責再張照德希壽糜費兵餉俟查明確數勒限嚴追得旨從前經理古州苗疆原非 皇考聖意因臣工陳奏降旨詢問大學士鄂爾泰伊以為可行然後命張廣泗從事比時規模雖定而善後未周鄂爾泰即離總督之任上年逆苗蠢動擾害地方鄂爾泰具疏引咎請削伯爵又因患病懇解大學士之任我皇考允其所請削去伯爵並解大學士任是鄂爾泰經理未善之處已奉 諭旨處分結案矣及解任之後 聖心深為眷注賜俸賜藥恩禮頻加此廷臣所共知者八月二十三日欽奉 遺詔輔政迄今一載恪共厥職在朕今日若泯其見在佐理之功而復論

東華續錄

乾隆四

十一

其從前已結之案大非情理况鄂爾泰節制三省時其所定之苗疆甚多皆至今甯謐民無擾累其勞績不可念乎至張廣泗奉鄂爾泰之委辦理古州鄂爾泰遠在雲南張廣泗身在黔省凡區畫布置之不協張廣泗無可推卸此亦中外所共知者但伊自為經理以來殫心調度悉合機宜蕩滌苗氛撫綏黎眾是此日之功已可掩從前之過揆諸聖人罪疑惟輕功疑惟重之義張廣泗仍當交部議敘以獎軍功至於哈元生身為全省提督乃苗人造逆不能覺察於機先及賊眾肆行又復稽遲於臨事按律治罪亦復何辭但念伊屬鄙武夫知識短淺尚非有心貽誤軍機且從前征剿烏蒙曾經效力今既革職擊問著從寬免死釋放張照受恩深重且自請經理苗疆茲鉅任而乃懷私挾詐種種妄行罪莫可追朕是以降旨將伊革職擊問但念伊浮躁性成又誤聽道路傳聞

播弄之言遂立意與哈元生齟齬哈元生之罪既已從寬張照亦著免死釋放至於元展成本屬中材適值地方難辦之事兼之文武不和諸凡掣肘遂至倉皇錯亂莫展一籌董芳身為副將軍不能和衷共濟負恩實甚但伊初到黔省辦理軍務為時尚淺德希壽一無所知諸事聽張照之指使此三人者雖有應得之罪尚有可原之情既已革職擊問其治罪之處俱著寬免古州苗疆一案上年起事之時朕即奉 皇考諭旨同王大臣計議辦理仰蒙 聖諭指示凡地方之情形軍機之得失與官弁之優劣賢否無不洞悉周知即位以來深知張照董芳元展成哈元生等在彼各逞私懷但以彼此攻擊為事斷無益於公務是以陸續降旨將伊等擊解來京而以經略之任專畀於張廣泗俾伊一無牽制庶可迅速成功夏秋以來軍務漸次就緒今王大臣及法司衙門將哈元

東華續錄

乾隆四

十一

生等分別定擬具奏朕酌其情罪特降斯旨凡從前諸人革職擊問先後之不同與此次之從寬赦宥悉皆斷自朕心惟期膚功克奏永靖苗疆不但大學士鄂爾泰未曾旁置一語即總理事務王大臣亦未曾襄贊一詞也且此數人者豈皆與鄂爾泰不合者乎則非其所主亦已明矣儻無知之人復有如崔起潛者妄生疑議以為朕聽臣工之陳奏如此辦事而疑公正大臣之有所偏黨則愚昧錯謬之甚將此一併曉諭知之○丁酉諭禮部尚書楊名時係 皇祖簡用舊臣服官年久學問醇正品行端方朕仰體 皇考聖意宣召來京正資委用今聞溢逝深為憫惻著賞內庫銀一千兩遣內務府官一員經紀其喪派散秩大臣帶領侍衛十員賜奠茶酒再加贈太子太傅准入賢良祠應得卹典該部察例具奏尋予祭葬諡文定○戊戌以慶復為刑部尚書仍兼管吏部事起



傅鼎署兵部尚書○壬寅賞哈元生副將銜發往西路軍營效力  
○甲辰定拔甲凌虐遣犯罪並免有職人員為奴○丙午賞已故  
原任禮部侍郎胡煦內庫銀五百兩治喪○戊申命董芳發往雲  
南以副將用張照在武英殿行走○庚戌諭大學士朱軾品行端  
方學術醇正為 聖祖簡用之大臣 皇考著注有加簡任機務  
純修清德望重朝端朕自幼讀書宮中嘗聞講論即位以來正資  
老成襄贊昨聞抱恙沈篤朕親往看視尚冀調治痊可今聞溘逝  
朕心深為震悼特命輟朝一日親臨祭奠以昭敬禮賢大臣之誼  
又兩賜內庫帑金經理喪事茲覽遺疏拳拳以吏治民生為念具  
見忠悃著加贈太傅入祀賢良祠應得卹典該部察例具奏尋予  
祭葬諡文端○壬子命內閣翰林院精選本朝臣工奏疏入選諸  
臣內有素行端純者准入祀賢良祠○召戴永椿來京以元展成  
東華續錄 乾隆四  
為山西按察使○癸丑諭致仕大學士陳元龍著舊大臣服官宣  
力五十餘年今乞休在籍朕仍望其頤養林泉以承恩眷忽聞溘  
逝深為軫惻應得卹典著察例具奏尋予祭葬諡文簡○實授王  
仕任福建布政使○丁巳諭朕即位以來屢下求言之詔至再至  
三出於誠切並非尚納諫之虛文誠以朕躬闕失無由自知必賴  
直言匡正而隨時納諫者乃臣子事君之大義胸有所見即當直  
陳於君上之前使言之果當朕當即時改易收轉圜之益即使其  
言之不當朕亦得以己意明白剖示釋其疑心亦開誠布公之道  
也今覽蔣炳所奏直據所見剴切敷陳不負朕求言之意乃近日  
言官中所罕見者朕甚嘉之但伊奏稱哈元生董芳元展成張照  
等既明知其罪犯顯見其劣蹟不宜授以高官大職等語哈元生  
身為提督貽誤封疆朕所痛恨因念其尚有勇力會著軍功是以

從寬免罪發往西路軍營以副將銜效力贖罪並未畀以見任  
官職董芳到黔不久因與哈元生齟齬以致軍務稽遲時日其罪  
尚輕此中外所共知者今發往滇南止以副將效力亦未復其原  
官元展成本屬中材適當地方最難之事遂至經理周章至巡撫  
無領兵之責情尚可原今補用臬司令其效力而官階已降數等  
矣至於張照不過令在殿中修書行走亦未授以職任也况棄瑕  
錄用或降旨訓諭後而仍改用他途予以自新之路者此從古帝  
王罪疑惟輕愛惜人材之意朕亦或做而行之若事關名節大玷  
官箴者朕斷不輕貸也此數人之用舍黜陟原出於朕之大公而  
並無偏私之見爰因蔣炳之奏將朕意宣示之然先事防微人臣  
事君之大義設因此而用舍任意則大非慎簡庶僚之意此朕所  
時時自儆而羣臣皆當隨事繩糾者也蔣炳知朕求言之心直陳  
己見應加獎賞以為言官勸著交部議敘朕願大臣及言官等時  
時以匡弼為懷意所欲言即直陳無隱言之而當朕自加以優待  
即言之不當朕亦不加譴責惟是公私之辨不可不嚴儻有借直  
諫之名以自行其私妄意惑亂朕聽者亦斷不能逃朕洞察也○  
己未 御試博學鴻詞一百七十六員於保和殿○追封黃氏格  
格為儀嬪○庚申諭粵西舊有軍屯田畝當日原係給與各屯兵  
領耕不與民田一例編徵四差等項是以糧額較重於民田其他  
州縣偏重之數無多又無別項差徭民間尚不至苦累惟武緣一  
縣所徵糧額較之下則民田每畝多出銀二錢二分未免過重小  
民輸納維艱著該撫將武緣縣軍田舊額酌減每畝定以一錢徵  
收永著為例示朕優恤間閭之意○經畧張廣泗奏清理內地熟  
苗情形自本年八月以來各路官兵暨各該地方文武員弁撥剿



查擊共斬獲逆苗一千三百八十餘級生擒苗犯並逆屬男婦二千四百餘名口見在新疆剿撫事宜俱已全竣所有內地餘孽惟附近八弓黃平一帶尚有十餘寨未盡清理者見有提督王無黨等在各該處清查辦理指日可竣得旨知道了苗疆一事卿料理得宜處朕筆不能宣惟有深慶得人耳至於善後事宜惟期一勞永逸不在慮忙就緒也

冬十月壬戌至乙丑卿雲三見○吏部引見月選官得旨掣得貴州平遠州之李治國奏稱伊母年老難以遠離著以近地知州補用所遺平遠州員缺該部另行揀選此等掣得遠缺人員既奏稱親老不能遠離若不令其改補近地非朕以孝治天下之意但其中有因遠缺不願前往而借端規避者亦未可定嗣後有似此等奏稱親老不能遠離者准其改補俟將來丁憂服闋之後仍令補授從前所掣之遠缺如此則目前既可遂其養親之念亦可杜不肖規避之端永著為例並曉諭伊等於掣籤後將親老緣由具呈吏部引見時該部奏明請旨李治國即照此例行嗣於八年四月內閣查出李治國面奉諭旨一道奉旨此旨內丁憂服闋四字著改為養親事畢四字應行處通行文改正又於十三年九月奉硃筆改正並傳旨嗣後俱著寫應補之日○顧琮丁憂以邵基為江蘇巡撫由吏部左○甲子諭朕聞外洋紅毛夾板船到廣時泊於黃埔地方起其所帶礮位然後交易俟交易事竣再行給還至輸稅之法每船按礮頭徵銀二千兩左右再照則抽其貨物之稅此向例也乃近來夷人所帶礮位聽其安放船中而於額稅之外將伊所攜置貨見銀另抽加一之稅名曰繳送亦與舊例不符朕思從前洋船到廣既有起礮之例此時仍當遵行何得改易至於加

添繳送銀兩尤非朕嘉惠遠人之意著該督查照舊例按數裁減並將朕旨宣諭各夷人知之○吏部議准雲貴總督尹繼善奏廣南為粵西交趾分界之區地方遠闊事務殷繁知府一員實難綜理請於廣南府添設附郭縣一其土富州錢糧仍歸土州經徵由府報解土同知知州二員仍屬府轄從之○乙丑命廣東廣州等二府沿江建築石隄○引見考取博學鴻詞劉綸等十五員得旨劉綸潘安禮諸錦于振杭世駿俱著授為翰林院編修陳兆崙劉玉麟夏之蓉周長發程恂俱著授為翰林院檢討楊度汪沈廷芳汪士鏗陳士璠齊召南俱著授為翰林院庶吉士查康熙年間例等由科甲出身者授檢○兵部尚書通智以協辦歸化城事務任意更張將土默特官員恣意用刑革職○丙寅命纂修 世宗憲皇帝本紀○丁卯命建綏遠城於歸化城東北○大學士管川陝

總督查郎阿等奏陝省屯田更名地畝其額賦本重於民田雍正五年間前督臣岳鍾琪又請將通省之丁糧攤於通省之地糧其屯地畝每本色糧一石亦照民折銀一兩之例均載丁銀一錢五分有奇以致屯更百姓於正供外增派銀二萬四五千兩實為苦累請照甘省豁除屯丁之例辦理又督標火器營額兵一千名乃拔於咸長等州縣之屯丁每名每月止領餉銀七錢外皆屯民幫貼請照鎮標步兵之例召募領餉免其在屯衛提補從之○戊辰裁陝西屯兵歸農○命各省鄉試設內簾監試官○己巳諭內閣學士劉統勳著大學士嵇曾筠帶往浙江學習工程○庚午以俞兆岳為吏部左侍郎調岳濬為江西巡撫以法敏為山東巡撫由刑部右○辛未 世宗憲皇帝梓宮發引 上奉 皇太后恭送 泰陵啓變○丙子 世宗憲皇帝梓宮至 泰陵敬奉

東華續錄 乾隆四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百



梓宮於 享殿 ○丁丑行奉安 享殿禮 上奉 皇太后回鑾  
○以王蘭生署刑部右侍郎 由內閣學士署 ○戊寅 上詣怡賢親王墓  
前奠酒 ○庚辰 上恭奉 皇太后還宮 ○辛巳增設江南河兵  
戰糧 ○癸未諭朕查兩淮鹽法從前浮費繁多商力日困欽奉  
皇考諭旨徹底清查革除浮費釐定應留之項以備地方公用乃  
原任鹽政臣噶爾泰於酌定存公之外又以商人具呈餽送鹽政  
銀八萬兩名曰公務餽送運司銀四萬兩名曰薪水奏請歸公蒙  
皇考批諭此係噶爾泰等應得之項若有需用之處聽其自行  
支用伊若不用即退還眾商不必歸公欽此噶爾泰又奏稱眾商  
力量寬裕此項實出情願又奉 皇考諭旨俟有地方公事將此  
應用是 皇考聖意不肯令其歸公諭旨實為明切後據噶爾泰  
經手辦理雖每年按綱具奏其實商人未能照數完繳丙午丁未  
東華續錄 乾隆四十七

務朕臨御以來已經一載敬念 皇考付託之重兢兢業業凡敬  
天勤民之大端不敢稍有怠忽一切政務幸無大過但庶務繁  
多朕豈能事事熟悉正賴賢王大臣共相贊助以成治况 皇  
考當日登極年已四十有五在藩邸日久國事民情無不洞悉尙  
簡用總理事務王大臣怡親王等協理三年然後報罷朕之才識  
遠不逮 皇考之萬一王大臣正當竭力抒誠仰佐朕躬何可遽  
辭總理事務若辭奏之心出於至誠又不若公忠體國和衷辦事  
凡朕政事有失即為規諫思慮未到代為籌畫以克盡股肱心膂  
之任較之辭解總理不更善乎著照常辦理不必再辭 ○丙戌刑  
部左侍郎勵宗萬以徇私保薦河員革職 ○戊子諭西陲用兵以  
來陝甘百姓急公效力甚屬可嘉今大兵既撤正與民休息之時  
著將乾隆二年甘肅錢糧全行豁免西安等屬蠲免額賦之半 ○  
東華續錄 乾隆四十八



賞罰倒置在卿責己之誠並非掩飾而朕酬功之典自有權衡忻悅覽之題到仍有旨諭部又奏覆布政使馮光裕條奏苗疆事宜一伐山通道一飭禁巫巫一從容化導以變苗習得旨料理俱屬妥協議論實皆公平至云使其漸染華風變為內地朕意千百年之貴州總督皆似卿則千百年之久安長治皆可保若法待人行則不若仍其苗習而順導之使彼知有恩而不忍背有威而不敢犯如是而已矣何係區區古州之苗盡歸王化然後成一道同風之盛哉

十一月庚寅准噶爾台吉車林等內附授車林為三等侍衛○辛卯改湖北彝陵鎮為宜昌鎮○壬辰加尊 聖祖仁皇帝四太妃為 壽祺皇貴妃 溫惠貴妃 順懿密妃 純裕勤妃○詹事王奕清奏各部主事銓補壅滯宜酌量變通請以應用主事者或兼用同知或改用通判下吏部議尋議覆凡廕生應得主事引見請旨如堪以外用者及保舉七品小京官歷俸已滿三年者並准以通判改補中書科中書行人司行人大理寺評事太常寺博士向止升用主事者准以同知兼用從之○癸巳轉楊超曾為刑部左侍郎仍署廣西巡撫實授王蘭生刑部右侍郎○甲午加大學士稽曾筠太子太傅○命徐本為東閣大學士兼禮部尚書仍兼管刑部事以孫嘉淦為刑部尚書楊汝毅為左都御史姚三辰為吏部右侍郎孫國璽為兵部左侍郎劉永澄為左副都御史

○乙未 上恭奉 皇太后移居壽康宮○丙申諭四川各土司向有貢馬之例其所貢本色則添補各營倒斃之馬而折價之馬每匹納銀十二兩此舊例也查通省營馬近已倣照驛馬例每匹給銀八兩而土司貢馬折價仍是十二兩之數蠻民未免多

費朕心軫念著從乾隆二年為始土司交納馬價每匹裁減四兩止收銀八兩永著為例○設四川救生船隻○允徐士林回籍省親以溫而遜為河南布政使原任山西○甲辰除山西偏關等三汛兵廠馬夫徭銀○調馬爾泰為刑部右侍郎以柏修為工部左侍郎調程元章署刑部右侍郎命王蘭生以刑部右侍郎原銜管禮部侍郎事○乙巳轉趙殿最為戶部左侍郎以呂耀曾為戶部右侍郎崔紀為倉場侍郎由詹事○和碩慈靖公主薨遣官致祭建碑如例○辛亥諭王大臣等昨據貴州總督張廣泗陳奏苗疆善後事宜朕降旨交王大臣會同該部妥議今朕思張廣泗所奏第一條請於新疆內地添設官兵駐紮彈壓自應照所請行但所添兵丁計一千三百餘名以之分布各處朕意似稍覺不敷見在安設營汛是否足敷巡防之用目前斷不可以節省錢糧而為遷就

之舉第二條請設立郡縣在目前似可不必或因地方遼闊所有同知通判營官難於統轄酌設道員彈壓巡查似尚可行至第三條奏請將內地新疆逆苗絕戶田產酌量安插漢民領種朕思苗性反覆靡常經此番兵威大創之後雖畏懼懾伏而數十年後豈能豫料若於新疆各處將所有逆產招集漢民耕種萬一苗人滋事蠢動則是以內地之民人因耕種苗地而受其荼毒朕心深為不忍此必不可行者朕意逆苗因罪入官之地自無復賞給逆苗之理與其招集漢人不若添設屯軍即令兵丁耕種俾無事則盡力南畝萬一有警就近即可抵禦且收穫糧石又可少佐兵食以省內地之輓運較屬有益其安設屯軍於額設汛防兵丁之外就地畝之多寡酌量添設或專令屯種或令與汛防兵丁更番屯種則苗疆駐紮之兵數較多而兵氣自奮且省添兵之費朕意如此



可先行寄信張廣泗知之苗疆善後事宜關繫重大亟宜詳慎籌畫俾可永遠遵行張廣泗切不可因從前原欲郡縣其地目今仗此兵威遂欲迴護前議也總之苗疆之事可省而不可繁可拒卻而不可招徠即今之添兵設防亦不過因已經如此辦理於國家顏面有關難於全撤耳尙須妥協計議使地方永遠甯謐○壬子改直隸井田爲屯莊分隸霸州固安防禦○乙卯賜馬負書等九十八人武進士及第出身有差○己未免福建永安所福甯衛淨糧○是月三禮館總裁大學士鄂爾泰等奏擬定纂修三禮條例一曰正義乃直詁經義確然無疑者二曰辨正乃後儒駁正舊說至當不易者三曰通論或以本節本句參證他篇比類以測義或引他經與此經互相發明四曰餘論雖非正解而依附經義於事物之理有所發明如程子易傳胡氏春秋傳之類五曰存疑各持

東華續錄

乾隆四

五

一說義皆可通不宜偏廢六曰存異如易之取象詩之比興後儒務爲新奇而可欺惑愚眾者存而駁之使學者不迷於所從然後別加案語遵折衷彙纂之例庶幾經之大義開卷了然而又可旁推交通以曲盡其義類得旨此所定六類斟酌允當著照所奏行○江西巡撫岳濬奏辦理山東武備事竣再赴江西新任得旨知道了江西自常安諸務廢弛之後俞兆岳復徒務小節而不能整飭大綱所以特命汝往汝其勉力爲之以副朕簡任之意十二月庚申朔命常安管理北路糧餉○辛酉除湖北漢陽縣衝坍屯地及下稅地應攤丁銀○癸亥諭朕聞近日督撫中於屬員餽送土宜物件間有收受一二者此風斷不可長夫吏治以操守廉潔爲本而持廉之道莫先於謹小慎微是以懸魚留犢前史著爲美談而陸贄亦云鞭撻不已必及珠玉古名臣持身之謹恪如

此我 皇考世宗憲皇帝宵旰勤勞日以整飭官方激清吏治爲惠養斯民之要道十餘年來直省督撫類能稟守 訓諭砥礪清操用使大法小廉以貪墨爲懼而閭閻共受其福朕繼緒以來實意中外臣工恪遵 聖訓實力奉行一如 皇考臨御之時豈可以交際之微開苞苴之漸且從前州縣陋規未革所入本豐即餽送上司亦非盡剝削小民所得自酌定養廉各有定數多者千金少者數百金僅足爲養贍家口延致幕客之資安有餘力交接上司勢必額外巧取吾民深受其患督撫爲一省表率既收州縣土宜則兩司道府餽遺又不可卻而州縣既送督撫土宜則兩司道府餽送又不可少層累遞及督撫所收有限而屬員之費已不貲矣且我 皇考酌定養廉之意原欲使上司下屬無絲毫之授受則舉劾悉出公心無所瞻徇迴護至督撫養廉之項頗爲寬裕一

東華續錄

乾隆四

五

絲一粟不必取辦於有司而屬員亦不得藉端獻媚俾督撫得潔己秉公盡察吏安民之職設因些微土產而於黜陟之間稍干物議抑豈遠嫌之道我 皇考激清整飭之良規萬世所當遵守者何忍稍有踰越漸致縱弛用是特申誠諭務各懷遵如有暗中收受者或經朕訪聞或被風聞參劾必嚴加議處以爲簠簋不飭之戒○命故太子太保內大臣哈世屯戶部尙書米思翰入祀賢良祠○乙丑改壽春協爲鎮○增翰林院滿講官二員○丙寅諭仰惟 皇考世宗憲皇帝德並高深恩覃海宇駿烈鴻功垂裕萬世允宜配享 郊壇永崇禋祀朕思來年三月之吉 梓宮奉安地宮 山陵事畢升祔 太廟之後配享之禮理宜敬謹舉行第其時夏至伊邇冬至尙遙若先奉配 方澤恐前後之未協若俟冬至南郊然後舉行又覺時日之久曠敬稽我朝舊制順治十四



年三月 世祖章皇帝恭奉 太宗配享 園丘翌日配享 方澤康熙六年十一月丁未時屆 南郊 聖祖仁皇帝恭奉 世祖配享越十日配享 方澤兩朝典制均係特行禮隆儀備燦垂史册且稽之經傳成周郊祀后稷以配天宗祀文王於明堂以配上帝卽月令所謂季秋大享帝也召誥載三月丁巳用牲於郊釋者謂非常祀而祭天以告卽位也又宋仁宗皇祐二年以大慶殿爲明堂合祭天地三聖並侑一如園丘南郊之儀則是古來因事郊祀之禮不必定在二至之時明矣我朝舊制盡孝盡誠與古符合來年 世宗憲皇帝配 天大禮宜遵照舉行其應行典禮詳議具奏尋議乾隆二年三月初五日 世宗憲皇帝升祔 太廟後謹遵兩朝舊制於夏至前敬選吉日恭奉 世宗憲皇帝配饗 園丘夏至配饗 方澤三年孟春上辛日配饗 大饗殿從之

東華續錄 乾隆四

○諭朝鮮歸順我朝恪守藩封之職累世恭謹向來八旗臺站官兵於每年二八月間攜帶貨物前往中江與朝鮮貿易朕思旗人等俱有看守巡查之責原無暇貿易且亦不諳貿易之事遠人到邊恐致稽遲守候多有未便嗣後著內地商民與朝鮮國人貿易卽令中江稅官實力稽查務須均平交易毋得勒指滋擾以示朕加惠遠人之至意該部並將此傳諭朝鮮國王知之○丁卯諭湖北鶴峯州長樂縣原係容美土司地方每年徵秋糧銀九十六兩自前年改土歸流該督撫題明俟設立州縣後確查成熟田畝照內地科則輸糧今鶴峯州成熟田地共六百五十四頃應科條餉銀四百七十九兩長樂縣成熟田地一百八十三頃應科條餉銀一百六十七兩朕查雍正八年湖南永順等土司改土歸流之時蒙我 皇考念其地瘠民貧將土民承種成熟地畝應納錢糧卽

照原額秋糧二百八十兩之數分則升科仍寬免一年在案今容美事同一例且聞彼地山田瘠確土瘠水寒物產涼薄若照內地科則徵糧土民不無拮据著將鶴峯長樂二州縣見報成熟田畝亦照永順之例卽以原徵秋糧銀九十六兩之數作爲定額於乾隆丁巳年爲始造册徵收嗣後若有招徠墾墾荒地再行奏報酌量升科至裁改土司以後未經查丈以前雍正十二二十三年及乾隆元年共應徵秋糧銀二百八十八兩悉著寬免不必補徵以示朕愛養土民至意○壬申吏部議覆內閣侍讀學士德通奏滿洲官員由別衙門升授翰詹等官者向仍兼原衙門行走但以堂官兼理司務體制未協等語應酌令翰林院講讀學士詹事府少詹事庶子國子監司業等官各回升任其由員外郎升侍讀侍講諭德洗馬由主事升中允由小京官升贊善者品級不甚懸殊仍

東華續錄 乾隆四

兼兩處行走如侍讀等官兼主事小京官品秩已逾二級亦照例開缺從之○戊寅命科道等官不兼部務○甲申命開濬毛城鋪引河○是歲朝鮮南掌進羅安南來貢



東華續錄

乾隆五

臣王先謙敬編

臣周澗恭恭校

乾隆二年丁巳春正月癸巳諭各省屯糧科則輕重不一朕聞山西所屬太谷祁縣徐溝清源交城朔州馬邑左雲右玉偏關等十州縣之屯糧有較之民田過重者有同一屯地而徵糧之本折多寡不同者有同一科則而額糧之輕重相去懸殊者念此屯民皆吾赤子若地瘠糧重未免輸納維艱著該撫石麟轉飭各州縣有司秉公確查各就原額糧則之重者酌量裁減具題請旨俾輕重各得其宜輸糧不致竭蹶以示朕愛養屯民至意○給浙江佐雜官養廉以浙省差務繁多○甲午諭向來臺灣丁銀重於內地朕已加恩倣照內地之例酌中減則每丁徵銀二錢以紓民力今聞東華續錄 乾隆五

臺地番黎大小計九十六社有每年輸納之項名曰番餉按丁徵收有多至二兩一兩有餘五六錢不等者朕思民番皆吾赤子原無歧視所輸番餉即百姓之丁銀也著照民丁之例每丁徵銀二錢其餘悉行裁減該督撫可轉飭地方官出示曉諭實力奉行務令番民均霑實惠又聞澎糧廳淡防廳均有額編人丁每丁徵銀四錢有零從前未曾裁減亦著照臺灣四縣之例行○免雍正十二年以前各省漕應追行糧漕贈○庚子諭據原任江南巡撫俞兆岳奏報乾隆元年九江贛州兩關稅課贏餘銀兩較前任共減收九萬有餘此事見已交與該部及新任巡撫岳濬查覈奏聞朕前因各省關稅於正額之外每多無名之費恣意苛索苦累商民是以降旨整剔弊端將應行減除者槩令禁止全在督撫大臣等督飭司權之員潔己奉公實力遵行以副朕輕徭薄賦加惠商

民之至意今就江西一省言之已少收銀十萬兩推之各省則約計百有餘萬矣如果商民得沾實惠即更逾此數亦朕所樂聞有何吝惜但從來關稅稅務與百物價值原係相為表裏如果關稅減輕則物價亦必平賤若稅輕而價仍不減羣情亦不能帖服此一定之理也今京師貨物價值日見騰貴而外省亦復不減於前是各關所減課銀商民並未沾被恩澤徒飽胥吏之囊橐耳我皇考臨御以來激清吏治凡此等官侵吏蝕之習久已弊絕風清今督撫諸臣如不能稽察屬員被其蒙混則庸懦無能有忝封疆之任若或已身稍有染指則名節有虧朕一經擯斥之後斷不復加錄用也可將此旨傳諭各省督撫令其各行稽查深自儆省若錯會朕釐剔弊端藏富於民之意又欲多報贏餘以致商民受困識見鄙陋其罪更不可追矣○召趙宏恩來京以公慶復為兩江總督調那蘇圖為刑部尚書以訥親為兵部尚書由內大○乙巳實授楊超曾廣西巡撫以金鉞為刑部左侍郎○丙午釋王士俊回籍○庚戌諭雲南離京甚遠遇青黃不接之處著疆吏即調劑奏聞○召辦理海塘之大理寺卿汪濬內閣學士張坦麟回京○癸丑免京師至易州七州縣乾隆二年額賦○丙辰諭在璣衡以齊七政視雲物以驗歲功所以審休咎備修省先王深致謹焉今欽天監麻象考成一書於節序時刻固已推算精明分釐不爽而星官之術占驗之方則闕焉未講但天文家言互有疏密非精習不能無差海內有精曉天文明於星象者直省督撫確訪試驗術果精通著咨送來京該部奏聞請旨

二月庚申停榜後保舉庶吉士及改用額外主事例○甲子諭前據御史薛韞條奏各款內有限田一條頗有關繫是以交與總理



事務王大臣閱看今據王大臣等議稱限田之說種種擾亂為害甚大斷不可行而薛祖以此悖謬之說見之章奏理應交部察議等語朕念切求言若因此加以處分恐阻人進言之路且伊所敷陳者尙有直蕙之氣近理之語即如養德性謹好尙二條雖尋常迂闊之談眾人所習聞而朕十二三歲時所熟悉之論君德修明惟在躬行實踐不徒尙喋喋講論之虛文然使此等之言時聞朕耳以補朕之遺忘亦未為不可至所稱起居冊檔不應進呈御覽等語則自 皇祖 皇考以及朕躬從未披覽記注不知出於何人之謬傳也蓋人君政事言動萬國觀瞻若有闕失豈能禁人之不書儻自信無他又何必觀其記載當時唐太宗索觀記注朕方以為非豈肯躬自蹈之乎又稱法司衙門辦理特交之事必引重律一條朕辦事以來詳閱刑部本章亦並無此弊薛祖職司言責東華續錄 乾隆五

分宜進言雖限於識見自成固陋然言不必其有當意猶本乎抒誠著從寬免其察議又今日御史舒赫德奏稱近來九卿多有委靡習氣不實心辦事即如周琬一件九卿中無一人能斷此事者又稱雷霆雨露均屬天恩又稱九卿應時常接見以察其居心行事激濁揚清等語當日 皇考時時召見九卿諄切訓誨反覆周詳至十三年之久而能祇承 聖訓深知勉勉者能有幾人且錯會 聖意自以為揣摩得當而失之毫釐謬以千里者不知其凡幾也朕自分學力識見不逮 皇考之萬一即使朕時常召見諄諄告誡又不能免訓誨過切啓眾人以非禮待臣工之譏誠不若九卿追思 皇考之遺訓各自奮勉之為愈也况朕未嘗不接對九卿諸臣之居心行事豈惟悉其梗槩亦能察其所安其中能矢念公忠才識明達可為國家棟梁時勤咨訪大有裨於政治為朕

所深服者尙未見其人也爾等九卿惟當夙夜匪懈自期待為國家可倚賴之人慎勿自輕自棄以貽小臣等之訾議是則朕心所切望者至於該御史等所稱既惇大成裕必兼明作有功等語其意以惇大成裕明作有功分爲兩事不知惇大非寬縱之謂明作非嚴刻之謂要惟不競不練無怠無荒大中至正庶可幾到隆之上理我君臣其共勉之○乙丑建歸化城○丙寅安南國王黎維祜卒嗣子黎維禕遣使告哀附貢方物○丁卯命親老改補人員應補日准通算前俸○立河南南召縣學宮○己巳 上以登極詔內赦款奉行遲延特旨切責○庚午恭繕 世宗憲皇帝上諭告成○癸酉諭朕因外省軍田糧額輕重不等年來留心訪察聞浙江温州衛見徵屯田三百一十二頃每畝徵銀一錢七分零台州衛見徵屯田二百二十頃每畝徵銀一錢四分零比本地民田較重丁民輸納未免艱難查杭州前右二衛科則均係一錢二分八釐温台二衛屯田著照此例畫一徵收永著為例俾沿海丁民受減賦之益○丁丑復命揀選下第舉人發本省以教職用○戊寅遣翰林院侍讀高壽修撰陳倏冊封黎維禕為安南國王○庚辰 孝敬憲皇后梓宮發引 上恭送往 泰陵啓鑾○辛巳召劉於義來京以德沛為甘肅巡撫由古北口○甲申 孝敬憲皇后梓宮至 泰陵 上詣 世宗憲皇帝享殿恭奠安奉 孝敬憲皇后梓宮於 享殿○乙酉詣 孝敬憲皇后梓宮前行暫安奉禮○是月安慶巡撫趙國麟奏懇曲賜訓誨有所遵循得旨學問戒乎自欺莅政臨民尤戒乎自欺要當以學問與政事看作一事則無入而不自得若看作兩截則不為章句之腐儒必為簿書之俗吏乃自欺之甚者也因汝有此奏故諭之○大學士



管川陝總督查耶阿奏三渡河西之七兒堡地方添設瀘甯一營據撫臣楊秘委勘之鹽源令王秉鑑稱瀘甯處萬山之中陰雨不時原修城工旋補旋倒實難垂久而瀘甯同知宋虞凱又稱實係山坡地勢傾側猛雨不時山水衝激倒塌傾圮勢所必至隨檄令建昌鎮總兵趙儒建昌道李學裕會同前赴瀘甯秉公查勘得旨知道了此皆王秉鑑宋虞凱不實心任事或有冒銷為楊秘無能卿在鄰省之故所當查參追究而不可姑息者也○四川巡撫楊秘奏前任督臣黃廷桂議奏河西七兒堡添設瀘甯一營臣委員查勘並據建昌鎮總兵趙儒札指情形不獨城工旋修旋塌萬難垂久抑且兵糧輓運阻隔派累滋擾所設營制亦多種種未善得旨朕未看汝摺即先批示查耶阿摺中矣此皆出於汝與黃廷桂不和彼卸督而留提汝尚不敢為此奏必至伊來京汝始敢為此奏東華續錄 乾隆五

汝試思汝尚具人面貌乎查耶阿摺中朕尚疑出於宋虞凱輩之玩公營私觀此則係明出汝意矣汝若謂實因地勢如此不妨摺奏前來朕另差大臣一員前往相度若如汝所言朕必重處黃廷桂以為妄生事端者戒如其不然汝亦不能免將此奏與查耶阿觀之

三月庚寅葬 世宗憲皇帝於 秦陵 孝敬憲皇后附 上回鑾○辛卯實授程元章刑部右侍郎○壬辰 上還京師○癸巳

世宗憲皇帝 孝敬憲皇后升祔 太廟○丙申諭給與僧道度牒一事朕前後兩頒諭旨明切曉示冀督撫有司辦理妥協昨問及安徽巡撫趙國麟據伊奏稱有此一番激汰嗣後便可不必再給度牒等語朕不知趙國麟之意將以度牒為多事滋擾而不必給耶抑謂釋道之教應行禁絕而嗣後無庸給發遂永不許人

為僧道耶恐直省督撫未必能如是精明強固不動聲色遂使天下無一僧道也夫朕之酌復度牒本以僧道徒眾太繁賢愚混雜其中多童稚孤貧父母親戚主張出家而非其所願者亦有託迹緇黃利其財產仍然蕩檢踰閑者甚至匪類作奸犯科不得已而雍髮道裝以避盤詰藏垢納污無所不至是以發給度牒令有所稽考亦如民間之有保甲不致藏奸實監之有執照不容假冒果能奉行盡善則教律整飭而閭閻亦覺肅然豈欲繁為法禁苦累方外之民耶夫釋道原為異端然誦讀經書而罔顧行檢者其得罪聖賢視異端尤甚焉且如星象雜流及回回天主等教國家功令原未嘗禁絕彼為僧為道亦不過營生之一術耳窮老孤獨多賴以存活其勸善戒惡化導愚頑亦不無小補帝王法天立道博愛無私將使天下含生之類無一不得其所僧道果能閉戶

焚修亦如隱逸之士避迹山林於世教非有大害豈忍盡驅還俗使失業無依或致顛連以終世哉至於少年為尼常恐心志未定別生事端故待年已老成始許披髮亦非盡絕其教也若云僧道多一人則盡力南畝少一人恐目今為僧道者未必皆肯盡力南畝朕令直省督撫年終彙題即欲徐徐辦理之意而非謂目下盡行禁絕人之為僧道也據趙國麟此奏誤會朕意恐他省督撫尚有似此者故再行申諭務體朕撫育羣生物各得所之意詳悉妥議徐徐辦理又前年以民間喜建寺廟而舊時寺廟傾圮者多特諭止許修葺舊寺舊廟近聞舊址重修者絕少聞有新建寺廟者地方官並不將朕諭旨宣布開導此亦奉行不謹怠忽從事之一端並諭令直省督撫知之○飭各直省增孤貧口糧遇閏加給○革廣西桂林臨江二廠雜稅○甲辰諭工部尚書涂天相在學



士裏行走俞兆晟乃降調革職之員朕以其曾在部中辦事之人故特加錄用乃二人一無建白惟以庸懦保位為事大負朕擢用之意且年皆老邁著給以三品頂帶各回原籍工部尚書著趙宏恩補授○以顧琮協辦吏部尚書事○禮部議江南總督趙宏恩奏上下兩江士子分闈鄉試建造貢院各事宜應如所請得旨從前陝西甘肅奏請分闈考試經總理事務處議不准行安徽赴江甯應試既不若湖南有洞庭之險並不若陝甘道路遼闊徒以增廣解額廷議遂加以應否分闈令該督撫議奏之語而趙宏恩等遂有分闈之請今部議准行明係九卿中江南人多而甘陝無人遂致事同而議異此風斷不可長道本著發回趙宏恩等不願事理之當否違議分闈殊屬不合著交部嚴察議奏其江甯安徽既經增額分中則房考官應否酌添並見在貢院應如何拓展修理

東華續錄

乾隆五

七

俾士子得以從容考試著該督撫另行妥議具奏○乙巳廣西巡撫楊超會參奏刑部左侍郎金銜於廣西巡撫任內向蒼梧道黃岳牧私借銅務充公銀兩得旨革職交刑部審奏○戊申給事中畢誼奏請特赦史臣取經史諸書及古來奏議不論卷帙亦無拘忌諱日派二人各寫數幅進呈伏乞聽政之餘必賜披覽得旨朕在潛邸六經諸史皆嘗誦習自承大統劫苾萬幾少有餘閒未嘗不稽經讀禮今年練既逾畢誼所奏令諸臣日繕經史奏議理得施行在朕廣挹羣言可以因事監觀隨時觸發而覽諸臣所進亦可考驗其學識或召見講論則性情心術並因此可覘但畢誼所奏止及史臣而朕意科道職司獻替應令一體錄呈其規條應如何酌定並分日按班呈奏事宜著總理事務王大臣定議具奏○己酉程仁圻丁憂以帥念祖署西安布政使

由禮科給○庚戌總

理事務王大臣議奏歸化城蓋造新城去右衛僅二百餘里無庸添設將軍請將右衛將軍移駐新城止添副都統二員其右衛之副都統二員仍留原處亦歸併將軍管轄從之○辛亥諭朕因楊秘不勝川撫是以命伊來京而以王士俊代之既而王士俊因事革職一時未得其人是以仍命彼前往臨行之際復諄諄告誡以吏治民生之故今自回任後並無悔改之心而玩視民瘼一味挾私於吏治民生毫無裨益大負朕擢用之恩著革職在川以己力保固濶甯工程五年再行請旨四川巡撫著碩色調補陝西巡撫員缺著倉場侍郎崔紀署理○壬子諭朕即位以來屢下求言之詔實冀科道諸臣各抒忠盡凡有見聞即據實陳奏俾無壅蔽乃近見進言諸臣仍多揣摩迎合之習竟有悉屬浮言毫無實際如御史謝濟世所奏者據稱有罪復用之人如隆昇者國人皆曰不

東華續錄

乾隆五

八

可近來如隆昇者更多等語果如謝濟世所言伊身為言官即應指明事蹟實舉姓名不應為此含糊之論又稱王士俊逮勘赦回頃聞清問及之議者以為將來不藩司必臬司等語王士俊之罪彰明較著原無可復用之理前日朕問及者欲令其赴軍臺效力因其已經回籍故未降旨今謝濟世乃謂欲用為藩臬不知何所見而為此臆度之語又稱官員在任守制已奉特諭停止而近日督撫又漸次請行等語近來督撫並未陳請官員在任守制者惟湖南辰永靖道李珣因承辦貴州軍糧在途遇有親喪曾經該撫高其倬題請暫留部議令其事竣回籍守制亦非竟在任守制也今謝濟世漸次請行之語又何所指乎又稱監生不准考職經九卿翰詹科道議准永行停止昨恩詔內有監生仍准考職一款夫考職者入仕之路也既准捐監又准考職者是復開捐例之張



本等語貢監考授職銜原屬舊例蓋因州縣佐貳既不使用科甲又不使用吏員出身之人是以將貢監按年考職挨次補用從前候選人員壅滯尙可議停今既不開捐例若再永停考職則十數年後佐貳一官無人銓補今謝濟世乃以考職爲開捐張本夫考職與開捐有何關涉而爲此支離之語乎又謝濟世奏稱半年以來非無可言之事而無進言之人此臣之所以不能已於言等語夫半年以來既有可言之事謝濟世職司獻納何以不行陳奏且半年以來何嘗無進言之人豈謝濟世獨罔聞知乎乃稱因無進言之人而不能已於言則顯懷觀望之私且多詭譎之意前後語言誕妄支離本應交部嚴加議處以爲妄行演奏者戒但朕念切求言豈因一昏愚無知之謝濟世遂阻進言之路故寬免交部著嚴行申飭伊若以爲事有確據著將伊摺內所陳一一明白回奏

東華續錄 乾隆五

九

從來言官陋習相沿多由迎合若人主意爲綜覈臣工率刻意吹毛求疵巧避瞻徇之迹而置君德於不問若人主意在樂聞已過則又往往於朝廷之政事吏治之得失不一言及甚有臣工不能靖共羣僚或植黨援會不敢一指摘以違嫌避害爲事控拾陳言以自沽能攻君心之名是其居心之陰巧乃國家之大蠹也朕孜孜求治常恐不及使偶有關失言官果能據實彈劾亦足爲用人鑑戒若徒勦襲膚詞則史冊具在儘足披覽何用伊等喋喋陳奏乎今觀謝濟世所奏多係揣摩迎合之意是以一一剖晰開示諸臣儻錯會朕意轉生畏葸之念則又不知朕推誠布公之心者也著傳諭各科道知之○召鍾保來京調楊永斌爲湖北巡撫由廣東調○甲寅以王慕署廣東巡撫由山西布政使署○召富德來京以尹會一署河南巡撫由兩淮鹽政署○乙卯以劉統勳爲刑部左侍郎由內閣學士遷

○起許容署山西布政使○丙辰命恩赦以前人犯情輕者均免通緝○是月湖南巡撫高其倬奏報湖南城步綏甯之兇裔蒲寅鳳老一等劫殺多案拒戕兵役今仍出山戕害民人攻卡拒傷弁兵不法已極見在設法勦懲以除此害得旨知道了此事汝於去年具奏時朕卽諭以持重得體爲要今既釀成事端而不可中止切莫又欲苟且完局以圖了事而傷國體也

夏四月己未朔諭日來廷臣奏事甚稀得無謂天久不雨朕心憂惻恐重以煩朕以是爲愛君耶陽愆陰伏正宜君臣交儆勤思治道以仰邀 天鑒諸務尤當直陳不諱以踐畏 天憫民之實其咸喻朕意毋忽○壬戌禮部奏朝鮮國王咨請中江每年二八月開貿易懇仍舊例遵行得旨朕前以臺站官兵每年二八月開攜帶貨物前往中江與朝鮮貿易兵丁既不諳貿易之事且不無需

東華續錄 乾隆五

十

索撥累誠恐遠人到邊守候遲殊多未便是以降旨令內地商民前往均平交易內地商民卽指附近臺站之百姓而言並非於京師關內另有派遣此朕體恤遠人之意也今該國王既請仍如舊例著照所請仍循舊例與兵丁等按期交易可傳諭該國王知之○癸亥諭水利所關農功甚重雲南跬步皆山不通舟楫田號雷鳴民無積蓄一遇荒歉米價騰貴較他省過數倍是水利一事尤不可不講也朕常籌慮會面詢大學士鄂爾泰據奏前任雲南凡可以疏濬處所已漸次興舉因廣西省產米甚多如可通舟卽能接濟會委開廣西剝隘地方至雲南屬廣西府河道雖已有頭緒猶恐未能深通再四川省亦產米之區滇屬尋甸州之牛欄江其下有車洪江流水可通川江若能開通川江舟楫可直抵嵩明州之河口亦會委員查勘因形勢險窄眾議難行時已進京遂爾



中止此外川河前經引導見有可達昭通者若由昭通次第開鑿或可通牛欄江亦大有裨益等語可將此情節寄字與尹繼善令其悉心籌畫無論通粵通川及本省河海凡係水利及凡有關於民食者皆當及時興修不時疏濬總期有備無患要須因地制宜事可謀成斷不應惜費如難奏效亦不必強作著並諭張允隨知之○甲子諭聞得江浙兩省民閒輸納白糧較漕糧費用繁重甚屬艱難朕心深為軫念諭令該部詳查具奏兩省歲運白糧二十二萬餘石太常寺光祿寺各賓館需用二千餘石王公官員俸米約需十五六萬石內務府禁城兵丁及太監食用等項需一萬石尙餘五萬石存倉等語朕思光祿寺等處所支原以供祭祀及賓館之用在所必需其王公百官俸米應用白糧者可酌量減半以粳米抵給至賞給禁城兵丁及太監米石亦可將白糧裁減給以

東華續錄 乾隆五

粳米如此則每年所需白糧不過十萬石仍照常徵收起運其餘十二萬石著漕運總督會同該督撫酌行改徵漕糧其經費銀米俱照漕例徵收以紓民力至減除白糧數內應作何添放粳米之處戶部詳議具奏○諭朕前因蕭永等處屢遭水患應作何辦理為又安百姓之計令該督撫總河等勘明妥議嗣據該督撫等奏請疏濬毛城鋪迤下一帶河道經徐蕭睢宿靈虹等州縣下至泗州之安河陡門紆回曲折六百餘里以達於洪澤湖復出清口仍與黃會已經該部議行隨據淮揚京員夏之芳等聯名陳奏以為未便朕以為該員等生長淮揚所奏毛城鋪引河不便開通之處果有所見亦未可定此事關係重大是以復降諭旨令總河會同該督撫悉心籌畫不可固執己見亦不可曲徇人言務期於運道民生萬全無弊今據高斌趙宏恩來京進呈河圖面奏情事乃知

夏之芳等所奏俱非見在情形據夏之芳等稱毛城鋪減水壩原因徐州一帶兩岸山勢夾束河水屢屢為患是以前河臣靳輔於康熙十七年題明建設減下之水使歸洪湖以助清刷黃六十年來上下河道民生均受其益等語但見今毛城鋪濬河乃因毛城鋪壩以下舊有之河身淤阻量加挑浚使水有所歸並非開鑿毛城鋪之壩也乃夏之芳等妄行添入開毛城鋪之一語使朕亦不能無疑會屢次批示高斌不可固執己見而王大臣遂亦不能定此案淮揚百姓因夏之芳倡議於京遂浮論百出而莫可止退今據高斌趙宏恩來京奏稱乃舊有之河並非昔無而今始開通況減下之水紆回曲折六百餘里經由楊疇等五湖為之停蓄一入湖邊即已激清從無挾沙入洪湖之患亦無洪湖不能容納之處又豈如夏之芳等所言危高堰而妨淮揚之民生運道乎朕披閱

東華續錄 乾隆五

河圖毛城鋪口門外近年以來刷深支河十餘道前經高斌奏明見將毛城鋪上游洩黃近溜支河全行堵閉惟留旁流之郭家口支河一道與下游倒甸水之定國寺支河一道相機分洩不合過多則將來毛城鋪所洩之水較之從前尙為減去大半豈從前多洩之水不為淮揚之害而此後少洩之水轉為淮揚之患乎况今高斌等議於毛城鋪口門中間築亂石滾壩俾無衝深奪溜之虞則引河之水勢自不至奔湍迅疾從來洪湖之水蓄以濟運刷黃水少則淮弱黃強水多則高堰可虞數年以來湖水微弱黃水每致倒灌入運今清口見議疏濬寬深則清水暢流無阻正慮清水暢洩有傷全湖元氣今如所議毛城鋪洩下之水則足以助清刷黃而清水不患其弱且高家堰一隄 聖祖 世宗屢發帑金修築堅固足為淮揚保障而天然一壩又經總理事務王大臣會同



九卿定議非遇異漲不得輕開則淮揚州縣之水患自由此可免此見今毛城鋪引河之應行開濬情形也朕令高斌趙宏恩公同總理事務王大臣與夏之芳等悉心講論而夏之芳等身未親歷其地徒以惑於浮言復固執偏見及王大臣等略為辨論即多遁詞其原無定見可知矣今日忽據御史甄之璜鍾衡抗疏陳奏甄之璜奏稱毛城鋪開河淮揚百萬之眾憂慮恐惶因致直隸地方雨澤愆期等語夫淮揚與直隸相隔數千里直隸之亢旱與毛城鋪引河何涉而乃為此支離誕妄之語鍾衡條奏二摺皆係毫無裨益之事將毛城鋪一案牽引敘入尤屬巧詐河防重務必須明白指陳尤須詳細斟酌固不可偏執己見又豈可徇人言從前邵基晏斯盛等所奏尚不過狃於眾論拘於識見而畢誼之奏亦止論眾議紛紜原未指陳可否今甄之璜鍾衡並未親歷河工確

東華續錄 乾隆五

三

知河務且非淮揚本籍乃毅然奏請停止明係受人指使為先入之言挾黨營私豈為公論從來地方重務每妄生議論動有阻撓乃明季相沿之陋習此風斷不可長甄之璜鍾衡著革職交部嚴審定擬具奏夏之芳等既以冒昧之識阻撓河務於前又以巧詐之私希冀掩過於後此並非尋常奏對不實者比著交部嚴察議奏毛城鋪斷自朕見事屬應行著照九卿原議令總督慶復會同高斌確估定議具奏並將見在辦理情形有利無害之處曉諭淮揚士民知之○以早命刑部清理庶獄○乙丑論從來國家廣開言路原期明目達聰集思廣益以有裨國是也無如人心不古率多觀望揣摩如不導之使言則緘默苟容以保祿位若屢下求言之詔則又或勦襲膚詞以博能攻君心之名甚至結黨植援欲阻撓公事以遂其私若不加懲創則經理庶務每致眾議紛紜羣言

東華續錄 乾隆五

淆亂鮮不至債事而傷道者此明季之陋習不可不防其漸也比來如河南鄭州一案孫嘉淦富德吳應棻等各持意見周琬一案都察院與鄂善互相攻訐今毛城鋪一事又復眾論參差若踵此而行徒有妨於國體毫無益於公事且毛城鋪一案高斌趙宏恩來京面陳情形甚為詳晰朕命總理事務王大臣等面詢夏之芳俱係道詞伊等見事不能行又有甄之璜鍾衡為之陳奏其指使朋比更屬顯然而雅爾哈善援引漢文帝唐太宗故事欲寬其處分夫甄之璜鍾衡所奏並非規諫朕躬之失也國政所關不容擾亂是以治其阻撓之罪此乃進退賞罰之大要豈可避有妨言路之嫌而置是非於不問乎雅爾哈善所奏甚屬錯謬因伊尚係拘於識見而非由於請託故從寬免其議處王大臣等可嚴行申飭並將朕旨曉諭總之言路不可不開而公私不可不辨如果朕躬

東華續錄 乾隆五

四

其事未當能直言其失朕必樂於聽受諸王大臣某事有誤能直指其非朕亦必為之獎許若無稽之言弗詢之謀既古聖人所不聽不用而懷私挾詐希圖涇渭政務尤當懲一儆百此並非阻撓言路也科道諸臣中有誠心為國者必不因一二人所言不當致罹處分遂阻其直言敢諫之氣自當更有嘉謨嘉猷以圖入告其觀望迎合之輩或因此有所悚惕而不敢進言是本無忠愛之誠無非為身名之計即使進言其所進之言亦槩可想見曾何足以匡君德而輔政務乎朕萬幾在握中有定見必不因拘墟之見而有所淆惑也○丙寅 世宗憲皇帝齊妃薨駕至五龍亭殯所奠酒○戊辰命侍衛永興往河南松福往山東查勘旱災○刑部遵旨審覆廣西巡撫金銜用印票借支蒼梧道庫銅務充公銀一案應請照例枷責得旨前因楊超曾參奏金銜借用充公銀兩一摺

六三三



內稱金鉞在廣西巡撫任內各項錢糧收支不清者甚多容臣陸續查參等語朕意其必有貪劣實蹟是以交部嚴察議奏後楊超會查參到來皆係瑣屑無關重輕之事則金鉞尚無劣蹟可知今覽刑部所審此案原非正項錢糧且金鉞用印文支借而黃岳牧用印冊申報亦非暗相侵蝕可比部議金鉞枷責之處著寬免所借銀兩亦不必著追黃岳牧俟到京後該部帶領引見另降諭旨○己巳總理事務王大臣遵旨會議一議清口前據夏之芳等奏稱疏濬清口臣等以清口狹隘湖流勢緩難以敵黃議令總河高斌會同該督撫詳加相度悉心妥議嗣據巡撫邵基奏稱河臣籌議清口之處與臣意見相同今據趙宏恩高斌奏稱清口會黃東注入海全資洪澤湖蓄洩得宜其尾閘之山圩天然南北二壩非遇異漲斷不輕開俾全湖之水蓄聚有力暢出清口至冬春湖水微弱每逢東北大風則黃水灌入應籌抵禦之策查寓賑於工案內開挑七道引河之三汊河今議再加寬深俾水道通利雖遇互寒水微之候亦得引流暢出抵禦黃流但清口固宜暢流而亦不可過洩應於霜降水落之後將清口西壩增長一二十丈以資收蓄至伏秋清水盛漲將清口東壩酌量開寬一二十丈則清黃足以相抵而蓄洩俱為得宜查清口之水所以刷黃濟運河臣與督撫諸臣籌議挑濬清口引河俾暢流無阻並蓄洩機宜所見既屬相同應悉照河臣所奏行一議運河前據御史常祿奏准揚運河日久淤淺請大加挑濬嗣經河臣議於天妃正越兩閘之間各建草壩三座再建正石閘二座越河石閘二座又於閘尾各建草壩三座重重關鎖層層收蓄將運河淤淺之處一律估挑幫築隄岸經九卿議准請俟運河大工告竣之後再令總河會同督撫相度

東華續錄 乾隆五

十五

次第酌辦亦應照原議行以上各條臣等公同總河高斌尚書趙宏恩悉心籌議事關重大仰祈 聖鑒訓示再請敕下九卿公同覆議施行得旨此事朕已洞悉原委王大臣與高斌趙宏恩所議俱屬合宜不必再交九卿著依議速行○裁貴州清平等二十三處驛站○免福建閩縣侯官二縣缺額銀米○庚午諭朕因天時亢旱齋戒虔禱憂惕靡甯亦惟引為朕躬之責未嘗委之臣下在九卿大臣等既膺簡畀重任自當仰體朕心共矢寅恭以遂天鑒原不待朕之訓飭也今覽春山奏請自內閣部院各大臣及翰林院科道郎中等官除照常辦事外俱各輪班赴 壇祈禱至夜則於各衙門齋宿等語朕思諸臣所禱齋宿亦止奉為具文詎能昭格而庶官人數甚多儻有一二人其心以為不便而出於勉強則慢褻尤甚春山所奏無益且未悉朕不諉責臣下之意特曉諭廷臣知之○以張照為內閣學士原任刑部尚書○辛未諭各省督撫題補人員因格於部例而要地需人遂許其摺奏允從所請以致違例升用者頗多在各省督撫忠於國家為人材起見者豈無其人而因許摺奏遂於其中或同鄉或世誼或世誼之同鄉違例奏請補用者實繁有徒矣夫朝廷之官階豈可為私門之桃李嗣後督撫摺奏補用人員者著於摺內聲明本人科分籍貫以憑朕酌奪焉○准包衣佐領管領與八旗聯姻○癸酉諭昔年 皇考軫念部務繁多之尚書侍郎 特恩加賜雙俸並令遇有罰俸處分免罰加賜之恩俸此格外之曠典也上年朕將在京文員俸銀槩加一倍大小均霑雖名恩俸其實即正俸也若遇處分時亦照從前部堂之例不罰加增之俸是在京文員竟無罰俸之事何以示懲且與武員事不畫一未免偏枯勢不可行嗣後大小京員遇有罰俸

東華續錄 乾隆五

十六



案件將本身應得俸銀按年按月計算不必分別扣除○諭王大  
臣等蘇州巡撫邵基在上書房行走數年資性聰明頗曉世務朕  
深知其爲人料伊亦必知朕之用人理政多能照察自當小心奉  
公恪守繩墨不敢稍有踰越則封疆重寄尙可勝任此朕簡用邵  
基之本意也乃自伊到任以來所辦事件尙未見何如而題補官  
員一節則不能無私如臬司戴永椿知府王喬林石杰知州褚翔  
書皆其同鄉道員李梅賓盧見會皆其同年今又具摺將革職通  
判王廷熙署直隸通州知州通州知州張桐請署淮安府知府查  
王廷熙又係伊之同鄉而張桐卽大學士張廷玉之姪也夫督撫  
薦舉人材乃封疆第一要務卽循例保題者尙當稍避嫌疑况越  
格逾例題升題補而可任意行之乎觀邵基意中竟以朕之待彼  
深信不疑而爲此舉動不知檢束是朕知邵基而邵基竟不知朕  
東華續錄 乾隆五  
矣若踵此而行將來必致大負朕恩爾等可傳旨嚴行申飭嗣後  
當洗心滌慮痛自檢改毋蹈前轍自取罪愆○甲戌祀 天於  
圖丘恭奉 世宗憲皇帝配享○乙亥諭禮部奏本月十六日恭  
奉 世宗憲皇帝配享 圖丘禮成甘霖正沛仰見 皇上至孝  
至敬之誠感格天心其應如響自後可望雨澤時行今禁屠祈禱  
將近彌月可否謝雨之處具奏請旨等語昨朕恭奉 皇考配享  
圖丘辰刻雖經得雨尙未霑足且昨晚今早仍復多風如我君  
臣遠以得雨爲昭格天心朕衷實爲抱愧吾誰欺欺天乎卽爾等  
王大臣亦不當如此存心如此陳奏也但禁止屠宰已將彌月物  
價漸至騰貴民間多有未便其僧道誦經原屬儀文亦非切務著  
照禮部所請停止至於朕在齋居躬行減膳虔誠祈禱自不敢稍  
減於前况朕虔念農功爲民請命當該部未經求雨之時早已積

東華續錄 乾隆五

誠於中無時有閒惟 上天鑒此忱悃朕亦不以此宣示臣民也  
該部所奏謝雨之禮且不必行應俟霖雨旣渥之後再竭誠仰答  
神貺○丙子諭傅爾丹陳泰岳鍾琪貽誤軍機罪無可貸我  
皇考念傅爾丹陳泰祖父俱有功勳而岳鍾琪從前亦曾效力是  
以未將伊等正法朕仰體 皇考聖心將來秋審時亦必不行句  
決但前此用兵之際不便遽行釋放今軍務已竣朕矜恤之意不  
忍使之久繫囹圄俱著寬釋令其自愧○以畿輔缺雨免直隸今  
年額賦○丁丑諭允祿允禩前因獲罪削爵禁論其獲罪原委  
並無屈抑之處但朕念伊等爲天潢一派自加恩寬釋以來亦皆  
深知前非自悔自艾安分家居未嘗生事今復加恩賜給伊等公  
爵空銜不必食俸仍令在家居住其各安靜守法以副朕篤厚宗  
支之意○諭朕前因御史夏之芳等陳奏毛城鋪之事惑於浮言  
東華續錄 乾隆五  
復固執偏見王大臣等正在考訂閱而御史甄之璜鍾衡復爲陳  
奏顯有指使附和阻撓公事之意是以將甄之璜鍾衡革職交部  
嚴審夏之芳等交部嚴察議奏蓋國政所關不容紊亂若以私意  
阻撓則害理而傷治此風斷不可長並非以言官所言稍有不當  
而卽加以處分也今朕思伊等固有應得之處分但恐識見卑陋  
之人謂朕加罪言官或畏蕙觀望卽確有見聞亦緘默不言則大  
非朕求言之本意矣甄之璜鍾衡從寬免其治罪著降三級仍留  
御史之任夏之芳等以淮揚之人言河工之事雖所言失實而情  
尙可原著一併免其議處○諭王奕清爲伊父大學士王揆求請  
卹典情詞懇切王揆當日不能深知 皇祖默定儲位之聖心昌  
味瀆奏固屬不合但伊身居政府爲國本起見尙屬分所應言今  
朕垂念舊臣加恩宥過其應得卹典該部察例具奏尋予祭葬○

六三五



免雲南乾隆元年帶徵秋糧○庚辰武都等族番民改土歸流○  
 總理事務王大臣等議覆據定邊左副將軍額駙策凌奏貝勒青  
 滾雜卜報三月初十日噶爾丹策零遣人送還去秋被掠津巴鄂  
 羅斯且有致車臣汗等書書中所言仍欲得阿爾台似應覆與一  
 書等語臣等觀準夷此舉大有窮蹙向化之意但阿爾台斷不可  
 與前此救書業已詳備毋庸再給應令額駙策凌作書答之臣等  
 恭擬呈覽從之擬書曰固倫額駙策凌致書準噶爾台吉今年四  
 月津巴來得台吉書云我欲取阿爾台台吉尚未曉 大皇帝之  
 意我果有取阿爾台之心大兵豈肯盡撤我撤大兵即可知 大  
 皇帝之意矣阿爾台乃天定交界爾父渾台吉時阿爾台以南原  
 無厄魯特游牧自滅噶爾丹博什克圖以來我等建城駐兵其地  
 眾所共知其不令爾游牧者原欲以阿爾台為閒地兩不相取彼

東華續錄

乾隆五

十九

此隔遠庶永和不起爭端耳今台吉反云難以相讓給試思  
 阿爾台果係誰地誰能讓給 大皇帝據理論爾剖斷甚明台吉  
 尙爾飾說是不願息眾生也論說滋多空勞往返總之阿爾台可  
 以給爾與否台吉宜再詳思不可偏執利己之見也又謂偏處則  
 有害我等游牧彼此相持誰受其害尙在未定 大皇帝洞鑒留  
 作隙地正欲廣教安民耳台吉若欲如前者首禍興兵是勞苦眾  
 生皆爾之故於我無涉也來書又言興兵構怨遠亦可至我 大  
 皇帝諭令分畫疆界原欲爾我自息兵爾誠遵旨定議我兵必  
 不為禍始亦不復向科布多居住儻爾復造釁端我惟坐待其來  
 並不煩內地兵惟盡我喀爾喀之力上報 主恩孰是孰非孰好  
 生孰不好生自有天鑒我部惟體 大皇帝仁育之心防邊居守  
 弗為禍始勞苦士馬而已台吉其知之又謂我卡倫偏近阿爾台

故爾生疑擒此二人自今卡倫宜向內撤按我等見在卡倫乃  
 聖祖仁皇帝時設立至今並未外移即議定地界卡倫豈可不立  
 今欲令我內撤是強以難行之事也又謂母近阿爾台游牧或致  
 生事台吉果遵 大皇帝諭旨止議定界於理甚合於爾亦無甚  
 難行今反言生事是猶意在興兵也惟末云當告知邵院大臣奏  
 聞 大皇帝以廣黃教以安眾生知台吉雖多飾詞仍意在求和  
 耳我已舉大略奏聞欽奉 大皇帝諭旨噶爾丹策零遣吹納木  
 喀來時諸事俱經降旨曉諭何彼尙未深悉朕意彼既行文於爾  
 爾可再以朕諭曉諭之書至台吉其詳審是非利害遣使達誠如  
 爾難於遣使我當代奏令爾使赴京共成和好若仍牽率借端於  
 事何益○癸未諭朕查閩省澎湖地方係海中孤島並無田地可  
 耕附島居民咸置小艇捕魚以餬其口昔年提臣施煥倚勢霸占

東華續錄

乾隆五

二十

立為獨行每年得規禮一千二百兩及許良彬到任後遂將此項  
 奏請歸公以為提督衙門公事之用每年交納率以為常行家居任  
 意苛求漁人多受剝削頗為沿海窮民之累著總督郝玉麟宣朕  
 諭旨永行禁革其見在捕魚船隻飭令該地方官照例編號稽查  
 辦理此項陋規既裁若水師提督衙門有公用必不可少之處著  
 郝玉麟將別項銀兩酌撥數百金補之○丁亥除廣東雲南雜稅  
 ○是月刑部左侍郎劉統勳奏浙省海塘工程惟朱軾所建五百  
 丈至今堅固其餘舊塘俱難經久至於堵築尖山開空引河費用  
 浩繁成功難必此督臣嵇曾筠所以專主建築魚鱗大石塘之議  
 也我 皇上不惜百萬帑金以衛浙民田廬今歲北岸海沙漸漲  
 南岸江溜漸通可望成功海甯城南石塘五百丈見已完竣密鐵  
 長椿平鋪巨石灌以米汁灰漿釧以鐵釘鐵錫後來工程若始終



如一可保永遠無慮查向來保固之法於塘外鐵橋石層累而上作爲坡陀之形名爲坦水此項工程在今日有不得不修之勢計海塘與河工形勢迥不相侔河工有應築應開應濬之不同即有不得不築必不可築之異海塘之內皆屬寸土寸金之地一有衝決民命攸關且鹵水一入數年之內必致顆粒無收既議築塘捍禦自不容有兩歧之議此實在情形也得旨知道了久而悉其情形再久而識其作法原不可以欲速者也

五月戊子朔減山西太谷等十一州縣屯田額賦○己丑諭朕聞福建丁銀一項雍正二年經原任巡撫黃國材請照各省之例就田勻派每田糧一兩勻丁銀一錢至二錢不等通省頗以爲便獨有龍巖州屬之甯洋縣甯甯府之壽甯縣因地糧少而丁額重若照勻入地畝之例則有田之家即成加賦勢有難行止得仍循其舊查通省丁銀中則不過二錢而甯壽二邑每丁徵至四錢二三錢不等民力未免艱難朕愛養黎元欲其均霑膏澤不忍令其竭蹶於輸將著將二縣丁銀照中則每丁徵收二錢其餘盡行寬免

○辛卯賜于敏中等三百二十四人進士及第出身有差○壬辰諭翰林乃文學侍從之臣所以備制誥文章之選朕看近日翰詹等官其中詞采可觀者固不乏人而淺陋荒疏者亦不少非朕親加考試無以鼓勵其讀書向學之心自少詹讀講學士以下編修檢討以上滿漢各官著於本月初七日齊赴乾清宮候朕出題親試儻有稱病託詞者著另行具奏朕必加以處分考試之日著乾清門侍衛察視○癸巳命京城四鄉設廠平糶○予故刑部侍郎銜兼禮部右侍郎事王蘭生祭○甲午赦發遣人犯妻子回籍○丙申諭養民之政多端而莫先於儲備所以使粟米有餘以應緩

急之用也夫欲使粟米有餘必先去其耗穀之事而耗穀之尤甚者則莫如燒酒燒酒之盛行則莫如河北五省夫小民日營其生稍有錙銖輒以縱飲爲快無裨於喪祭賓客老病之用而適以啓譴譁角鬪之媒特以飲少輒醉其價易離人皆樂其便易故造之者多而耗米穀也較他酒爲甚往者 皇祖 皇考屢嚴燒鍋之禁有司陽奉陰違必待眾口嗷嗷始不得已而稽查禁約及薄有收穫仍然公行無忌夫與其禁於已飢之後節省於臨時孰若禁於未飢之先積儲於平日今卽一州一邑而計之歲耗穀米少者萬餘石多者數萬石不等則禁止之後通計五省所存之穀已千餘萬石矣雖有穀之家不能皆分所有以周貧乏而所存之穀自在民間可以通融接濟較之無米之炊不啻霄壤矣况遇歲稔豐收穀必甚賤貧民之生計益饒家有蓋藏之效未必不由於此而無識之人或以造酒之家不免失業爲慮不知壟斷市利率由黠悍之富民因其貲財串通胥役敢於觸禁肆行並非貧民無力者之生業也是禁之則貧民裕養生之資不禁則富民獲漁利之益其間得失利害較然可觀朕籌之已熟北五省燒鍋一事當永行嚴禁無可疑者至於違禁私造之人及賄縱之官吏如何從重治罪其失察之地方官如何嚴加處分之處著九卿卽行定議具奏

○戊戌 御試翰林詹事等官擢陳大受等三員爲一等餘升黜留館有差○准本年新進士條奏地方利弊○庚子諭向來 列祖實錄聖訓告成之後皆藏之金匱石室廷臣罕得見者朕思 列祖聖訓謨烈昭垂不獨貽謀於子孫亦且示訓於臣庶自應刊刻頒示俾人人知所法守今朕次第敬覽 皇祖 皇考五朝實錄聖訓應將閱過之 聖訓陸續交與武英殿敬謹刊刻○諭農



桑為致治之本我 皇祖嘗繪耕織圖以示勸農德意 皇考屢下勸農之詔親耕藉田率先天下所以敦本計而亟田功意至厚也朕思為耒耜教樹藝皆始於上古其播種之方耕耨之節與夫備早驅蝗之術散見經籍說各有取宜蒼萃成書頒布中外著南書房武英殿翰林編纂農書進御○丁未諭朕自幼齡仰蒙 皇祖慈愛撫育宮中又命 太妃皇貴妃 太妃貴妃提攜着視兩太妃仰體 皇祖聖心恩勤備極周至朕心感念不忘意欲為兩太妃千秋之後另建園寢令王大臣稽查舊例王大臣奏稱古有另建園寢之制今若舉行於典禮允協朕奏聞 皇太后欽奉 懿旨允行可傳諭該部於 景陵稍後附近處敬謹相度擇地營造其規制稍加展拓以昭朕敬禮之意○己酉以鍾保署工部左侍郎原任湖北巡撫○庚戌諭滿洲進士選授庶常向例俱學習漢書去年因徐元夢條奏滿庶吉士復令分習清書朕思滿語係滿洲自幼所習止須漢文通順人人皆能繙譯且授職之後自可令辦繙譯清文亦不致荒廢何必於選館時專令學習乎嗣後滿洲庶吉士習清書之例著停止○辛亥祭 地於 方澤恭奉 世宗憲皇帝配享○命各關遇歉免收米稅○除廣東開建恩平二縣米稅○乙卯除湖南雜稅○丁巳諭在京八旗文武各官遇有親喪例於持服百日之後即入署辦事原以旗員人少若令離任守制恐致誤公而伊等在二十七月之內仍各於私居持服以自盡其心惟是朝會祭祀之期或有執事或有陪祀之處仍俱一體行走未加分別俾盡孝思嗣後在京旗員有親喪者二十七月之內凡遇朝會祭祀之禮應一槩免其行走

制州縣量設熟諳農務者董勸○上御養心殿召入九卿等諭曰我 皇考當年時時召見九卿面加訓諭諄切周詳實望在廷諸臣共矢公忠勉為皋夔稷契以勤至治且欲使上下交而志同太和之氣充盈於朝宇也無如聽受者多領會者少竟有親承聖諭而出茫然不知所謂者聞有巧偽之人妄逞胸臆以為 聖訓如此 聖意別有所在似此私心揣度其間毫釐千里之謬更不可言矣我 皇考深悉此弊是以雍正八九年以後召見諸臣不似從前之密此朕當時所熟聞而習見者假使諸臣祇受 聖訓之時心領神會身體力行則皋夔稷契何難再見於今朕臨御以來日與總理事務王大臣辦理一切機務亦非疏遠九卿大臣也以國家政治自有應密而不可樂以宣示眾人者如召對九卿而九卿中有啓心沃心以裨益政教者豈不盡善使九卿而尚待東華續錄

朕之訓誨則縱極反復丁寧豈能有加於 皇考聖訓之外至於勸勉之意既殷則訓飭之言必切又恐諸臣以為督責太過非待大臣之體年來言路諸臣頗有以頻接大臣為請者是不知朕心者也但爾等既置身朝列即係朕之股肱心膂但當視國事為己事休戚相關大者在匡維君德次則於國計民生及本身職業之要務早作夜思一有所見即據實入告毫無欺隱方為無忝厥職今觀九卿中能副朕之期望者甚屬寥寥即如春夏以來直隸山東雨澤愆期朕宵旰焦勞無一時之或釋而九卿中以此為念者不過十之一二雖應行經理之事朕已與總理事務王大臣多方豫籌次第布置然此乃民命所關至為重大九卿多人豈無有應奏之事豈無有欲陳之言何以科道小臣尚有一二建白者而九卿反緘默不語竟似置身局外耶韓愈詩有云中朝大官老於事

六月己未 上念農桑為國家本務命直省疆吏做周禮遂師之



詎肯感激徒媿媿古今如出一轍矣夫君臣之間必誠意通達始能感召太和若稍有間隔即於和氣有乖方今致早之故未必不由於此朕為此言非欲委過於臣下也無非欲我君臣誠意交孚一心一德盡化觀望迎合之習悉屏偏徇固執之私耳即如燒鍋一事朕已降旨嚴禁而孫嘉淦摺奏以為有不便於民之處朕復降旨令九卿毋得曲從朕旨迴護孫嘉淦再行詳確定議夫以已經降旨之事朕尚不難收回成命爾等九卿又何所用其瞻顧耶九卿於朕躬尚且不必瞻顧則於同朝寮友更何所用其依違耶如果各有所見不能強同何妨兩議三議以待朕之裁定總之大臣任事以和衷為貴而和必出於公斷未有公而不和者蓋是非曲直本有一定若有意周旋則求合於此必有拂於彼到處皆成掣肘豈非自貽伊戚乎若果能一秉至公即意見偶有不同而事東華續錄 乾隆五

能積穀而反於民間不無紛擾滋弊是兩說不可並行者也今觀王大臣所議尚不無迴護朕旨之處殊非朕虛衷求言期於利用厚生之意即如一議內稱燒酒之害最甚本宜嚴禁但加重本犯之罪條嚴定官吏之處分恐小民無知犯法吏胥緣以為奸於民情有所未便應照從前已行之成法為之懲治等語一議內稱燒鍋本犯仍照舊例治罪應將官員處分分別定例其已經造成之燒酒仍准其售賣等語據此則禁止仍屬虛文但嚴官吏之處分而本犯之治罪如舊則造酒之人既無所畏憚而官員或轉以干涉考成多方迴護仍於禁約無益况造成之酒仍准售賣則奸民私造者皆以沽賣陳酒藉口遷延歲月雖禁猶不禁也何用王大臣之兩議為哉若能直指利弊或欲行嚴禁燒鍋則必詳議查察之法以為端本澈源之論若以為比戶搜查轉形滋擾則朕旨可東華續錄 乾隆五



十二年未完民欠○命江西開爐鑄錢○庚午諭劉元燮奏李紱張坦麟二事朕實並未降旨亦未將旨收回而外邊遽爾傳說此風斷不可長伊有風聞言事之責此奏甚屬可嘉著交部議敘此等妄行傳說不已將來嚇詐生事之弊皆從此出此向來南書房之陋習經 皇考十三年以來教訓殷勤此習已漸改革嗣後九卿及南書房翰林等務當小心恪遵凡有關係之事倍加慎密不可纖毫洩漏遇風影之談尤不可轉言傳播以惑眾聽如有仍蹈前轍者經朕訪聞或科道等官糾參必加嚴懲至於汪由敦陳辨一摺如伊果有其事雖強辨何益如實無干涉則不辨自明亦當靜聽乃朕甫交總理事務王大臣詢問劉元燮伊何由得知劉元燮奏中有伊名乎即此已足見其耳目頗廣必招搖生事不安分之人也著革去內閣學士在侍讀學士上效力行走○刑部左侍

東華續錄

乾隆五

三

郎劉統勳奏新任督撫提鎮往往奏請隨帶人員以備委用在封疆大吏平日親知灼見自應有幹練之才足收指臂之益惟先寄耳目於數人即付腹心以要缺補用不循資格輿論指為私交更相做效滋弊多端嗣後請文員除河工效力武員除軍前效力外槩停其隨帶如本省本標人員不敷任用則奏請由部揀發若謂任之後如屬員內果有才能出眾之人則據實保奏仰候 皇上諭部引見量才任使如此可以杜封疆大臣偏袒之陋習才能人員鑽營之故智似於政體官常均為允當從之○辛未諭今年五月間山東雨少運河水淺以致糧艘不能銜尾而進沿途空淺起創甚費經營而臨清以北更多阻滯朕細加訪察臨清以北全賴衛水合汶濟運而衛水發源於河南衛輝府至臨清五百餘里沿河居民往往私洩以為灌溉之用每致運河水淺糧艘難行經前

任河臣靳輔題定每年於五月初一日盡堵渠口使衛水全歸運河以濟漕運此歷年遵行之成法也今因日久法弛衛水來源小民不無偷放之弊遂致運河水勢長落不常重運難於北上目前正當緊要之時所當稽查嚴禁者著北直南河總督速行辦理務使衛水涓滴不至旁洩糧運道行無阻若地方有司有視為故套者即行查參○是日京師雨○甲戌內閣學士圖理琛年老乞休允之○庚辰兩江總督慶復奏參刑部侍郎俞兆岳在江西巡撫任內巧取派捐受餽各款得旨革職命岳濬查奏○辛巳調程元章為吏部右侍郎王鈞為刑部右侍郎王紱為工部左侍郎以方苞為禮部左侍郎由內閣學士遷○癸未以凌如煥為內閣學士原任內閣學士○乙酉以張坦麟署安慶按察使由內閣學士署○是月署陝西巡撫崔紀奏農事以水利為要陝屬地方農民待澤於天遇旱即束手無

東華續錄

乾隆五

三

策晉省蒲屬五邑及陝省富平蒲城二縣井利頗多擬更為推廣除延安榆林二府邠鄜綏德三府所屬地土高厚不能鑿井外其餘西安同州鳳翔漢中四府並商乾興安三州可鑿之地甚多見在民間亦有行者今據各屬報到西安府屬可鑿井者共田三千一百餘頃同州府屬可鑿井者共田六百五十五頃乾州武功縣可鑿井者共一百十餘村落又漢中九屬渠水最盛半係稻田可鑿井者十分之二仰冀恩准將地丁耗羨銀兩借給無力貧民以資鑿井之費分三年清還開井之後並請免其以水田升科得旨此係極應行之美舉但須徐徐化導又必實力奉行方於民生有益朕自然不照水田升科也



臣王先謙敬編

臣周瀚蕃恭校

秋七月戊子以渾河水發派侍衛策楞五十七等各帶銀二千兩分往盧溝橋良鄉撫恤○辛卯以裁缺長甯縣民戶地畝徵收審驗等事改設州同一仍隸永吉州管轄○壬辰以陳時夏為內閣學士由新州營田○癸巳命侍衛松福等各帶銀二千兩往文安新州等處撫恤○乙未以永定河隄工衝決命協辦吏部尚書事顧琮前往會同李衛勦籌畫辦理○丙申減廣西土司貢馬折價照四川例減四兩定為八兩○命再撥庫銀三千兩撫恤良鄉○丁酉命直隸山西熱河等處邊外地畝改徵本色○戊戌諭部院會議事件聲明至稟衙門○壬寅 御試續到博學鴻詞於體仁閣授萬松

齡張漢為翰林院檢討朱銓洪世澤為翰林院庶吉士○癸卯諭自古致治以養民為本而養民之道必使興利防患水旱無虞方能使蓋藏充裕緩急可資是以川澤陂塘溝渠隄岸凡有關於農事豫籌畫於平時斯蓄洩得宜潦則有疏導之方旱則資灌溉之利非可諉之天時豐歉之適然而以臨時賑恤為可塞責也朕御極以來宵旰憂勤惟小民之依是咨是詢前後諭旨諄復再三但化導自在有司而督率則由大吏近日直省督撫惟甘肅巡撫德沛到任後即以興水利裕倉儲為請署西安巡撫崔紀亦有勸民鑿井灌田之奏尚能留心民食知本計之所當先其餘能盡心於吏治官方命盜錢糧諸事者尙不乏人而於民生衣食本源未能切實講求地方守令亦惟於刑名錢穀自顧考成至以愛養百姓為心留意於稼穡桑麻如古循吏所為者益不可得即如直隸今

年夏初少雨深以曠旱為憂及連雨數日尙不甚大而永定河隨有漲溢之患決口至四十餘處低窪之地多被水淹雖因山水驟發然水性就下其經行之地自有定所設豫為溝渠以洩之為塘堰以蓄之自可以分殺水勢不至匯為洪流衝突漫衍如此之甚是皆平日不能豫先籌畫所致也東南地方每有蛟患考之於古季夏伐蛟載在月令今土人留心者尙能豫知有蛟之處掘地得卵去之則不為害且蛟行資水遇溪澗而其勢始大田疇雖不可移而廬舍塋厝尙可遷就高阜之地以避之是以未嘗不可先事豫防惟在實心體察耳該督撫有司務體朕痾瘵乃身之意刻刻以民生利賴為先圖一切水旱事宜悉心體究應行修舉者即行修舉或勸導百姓自為修理如工程重大應動用帑項者即行奏聞妥協辦理興利去害俾旱潦不侵倉箱有慶以副朕惠愛黎元至意○諭天下親民之官莫如州縣州縣之事莫切於勤察民生而務教養之實政夫所謂知州知縣者欲其周知一州一縣之庶務悉心經理四境即其一家精神必須貫注有事則在署辦理無事則巡歷鄉村所至之處詢民疾苦課民農桑宣布教化崇本抑末善良者加以獎勵頑梗者予以戒懲遇有爭角細事就地剖斷以省差拘守候之苦煙戶牌甲隨便抽查使不敢玩法容隱鄉愚無知則面加開導庶幾上下之情通達無阻而休戚相關親愛之誠油然而生而提撕易入如此從容歲月始可以收循良之實效不愧為民父母之稱乃今之州縣有司止以簿書為事平日安坐衙署除驗相人命因公踏勘外足迹不至鄉間以故鄉民非有事匍匐公庭目不覩官長之面耳不聞官長之訓無論窮瘡疾苦未能周知即四境情形亦茫然莫曉胥役約保等蒙蔽之弊因之以



起顧名思義親民之謂何而情誼隔如此也凡州縣所管地方大率不過百餘里最廣者二三百里周遭巡歷為時亦不甚多即事繁之處亦未必朝朝聽訟日日比櫬果能精勤勿怠斷不至於經理無暇遂置閭閻於膜外也至於農田之事尤為養民之要務春耕秋斂之時各宜下鄉察其勤惰稽其豐歉儻有應先事圖維臨時酌辦者悉心計議申詳上司定議舉行但往來鄉村必須輕騎減從絲毫不擾里民方為有益若失於覺察以致書吏鄉保及跟隨人役等借端生事擾累百姓則較之航逸偷安端居不出者其過為更大朕必加以嚴譴著各省督撫遵朕此旨董率有司實力奉行務使官民上下情意流通聯為一體以副朕教養斯民之至意○諭四川民賴廷珍賴可年王茂榮圖財謀害汪九錫一案該部議稱例應不分首從皆斬立決等語但汪九錫並未身死賴

東華續錄 乾隆六

廷珍賴可年王茂榮俱從寬改為應斬監候秋後處決朕思圖財害命原同強盜之例查盜案尚有分別不盡立決而謀財之案或以數人而抵一人之命於法未免稍重大凡圖財害命者若無起意為首之人必不能行事今若將起意為首者一人立置重典其餘改為監候使天下人人知起意之罪不同於脅從之人難緩須臾之死不敢造謀糾約則此等兇惡之事無倡先之匪類未必不漸次減少其如何定例之處著九卿詳悉定議具奏尋議圖財殺人之案此等人犯實屬兇殘應將造意為首並為從加功者依律擬斬立決其為從未加功者改擬斬監候秋後處決至圖財傷人未死之案雖被害幸而未死但已豫存致死之心於法實無可貸應將造意為首者亦依律擬斬立決其為從加功傷人較之造意有閒改擬斬監候秋後處決若為從未加功傷人則情有可原照

例減等發遣請增入律例冊一體遵行下部知之○轉程元章為吏部左侍郎以崔紀為吏部右侍郎仍署陝西巡撫○丁未諭朕臨御以來凡入旗部院及直省虧空銀兩施恩豁免已不下數千萬溯其虧空之源或係侵蝕或係那移侵蝕者以公家之帑金充己身之私囊其罪固無可追而那移之項則由辦理不能妥協苟且遷就之所致亦屬罪所應得者是以當年我 皇考世宗憲皇帝分別著追以示懲儆原出於不得已即朕今日之加恩寬免亦出於不得已並非以伊等數十年之虧欠一旦豁免遂謂人人蒙澤而以為快舉也朝廷體恤臣工詔釋授祿原以厚其身家長其子孫即為臣子者服勤宣力亦自應思世沐恩榮長叨覆露豈有以身犯法虧欠帑項累及子孫而倖逃國典轉相慶幸以為得計者乎是朕心實不願於此等事加恩天下臣工亦不當於此等處

東華續錄 乾隆六

望恩也夫公爾忘私爾忘家乃人臣事君之大義今縱不能屏棄身家之念亦當思所以保全身家為長久之計若苟圖一時之利罔顧後害以致身敗名裂貽累後人則下愚之甚者及至虧空被劾身家已傾子孫並獲罪戾而後希冀豁免又何如謹身節用遵守法紀早自立於無過之地以長沐國家養育之恩乎况虧空國帑必須稽查縱能掩飾於一時不能不敗露於異日至敗露之後而得恩免乃朝廷格外之曠典尤非可以屢邀者內外臣工有應得之俸祿養廉於仰事俯畜亦足自給所當各自猛省嚴義利之辨審禍福之關毋得縱慾敗度自貽後悔至於題奏虧空案件動云家產盡絕夫所謂家產盡絕者必上無片瓦下無立錐飢不得食寒不得衣有不可終日之勢若今所謂家產盡絕之人衣食未常虧缺家口仍得支持不過無力完帑遂過甚其辭以邀恩免



而實非至於此極也夫國家享億萬年無疆之休惟冀大小臣工永沐恩膏於勿替若至於家產盡絕豈厚待臣工之意况本無實事而徒存此虛名又何為者嗣後一切虧空案件仍照舊例辦理如有實在不能完納者但當云無力完帑出具保結不得用家產盡絕字樣著將此旨傳諭內外臣工知之○壬子增築江南山陽等五州縣隄工○癸丑直隸河道總督劉勅以疏防革職○以陳世倌為倉場侍郎由左副都御史遷○丙辰諭蠲免錢糧所以紓民力而惠黎元或偏災偶見尤宜急加寬恤故周禮荒政以薄徵為先乃不肖州縣一聞蠲免恩旨往往於部文未到之前差役四出晝夜催比追呼之擾更甚平時迨詔旨到日百姓已完納過半朝廷有賜復之恩而閭閻不得實被其澤甚至官吏分肥侵漁中飽情弊種種深可痛心我皇考世宗憲皇帝洞悉其弊雍正十一年八月內諭免甘肅地丁銀兩奉旨將已完在官之項准抵明年正課此誠萬世之良規所當遵奉者嗣後凡有豁免俱以奉旨之日為始其奉旨之後部文未到之前有已輸在官者准作次年正賦永著為令如官吏蒙混隱匿即照侵盜錢糧治罪

八月己未湖南巡撫高其倬奏擒獲城步等縣兇獠在事官弁賞卹有差○壬戌命巡漕御史四員分駐淮安濟甯天津通州○癸亥給遞解人犯口糧○甲子諭數年以來各省督撫往往奏稱某道某府不勝外任請調京改補朕欲驗其人才常允所請令送部引見酌量補用今馬宏琦奏稱黜陟本有恆規內外無容偏重微特衰廢者不宜復占曹司即平常者亦不應數行改補等語朕思內外原屬並重曹亦為要職督撫等於所屬道府內有不能勝繁劇之任者即當奏請調簡若並不能勝事簡之任即應勒令休

致何得輕視京職而為苟且姑容之計以便其私耶人君日理萬幾所降諭旨豈能必其盡當司言責者果能據理直陳於政務自有裨益殊非託之空言而無濟於實用者可比馬宏琦所奏可嘉著交部議敘並將伊原奏發各督撫知之○乙丑命河南永城等十九州縣改徵折色銀兩○甲戌命大學士鄂爾泰詳勘直隸河道水利○丙子以顧琮署直隸河道總督○辛巳以趙之坦為左副都御史由通政使遷○壬午復設貴州威甯鎮總兵官○築浙江魚鱗大石海塘○貴州總督張廣泗奏遵旨籌畫苗疆業將叛苗絕戶田產安設屯軍並查餘苗見種之田凡攬入絕田內者令指明坵段撥歸屯軍另查閒田給還苗人其有應遷移者均飭令承辦官量給銀米以資其費前計算絕田約可安屯軍五六千戶見據各具報清江可安屯軍二千六百餘戶古州三保可安一千一百餘戶八寨可安八百餘戶丹江可安九百餘戶其餘尚有古州山苗一帶暨臺拱凱里黃平施秉勝清平等處約計可安五六千戶此皆清出叛苗絕產分布安屯其應設屯堡一百餘處亦皆形勢扼要若去營汛稍遠不宜安屯者皆撥還苗人並賞無業窮苗並未嘗如尙書顧琮所奏於深山邃谷招募屯田盡奪生苗衣食之地也見細察苗人無不悔過自新及時耕作前經奏請添兵三千餘名各查出田畝又可安屯軍一萬餘名分布險要於經久之計已屬萬全得旨苗疆經此一番料理自必有數十年之安靜無事然經久之計不可不圖而用人之際尤所當慎不然法雖良而無人經理所謂徒法不能以自行也

九月戊子諭御史舒赫德奏請將各省稅務歸併旗員管理此奏甚無識見彼意以為旗員生計艱難若管理稅務則可沾餘潤以



資養贍不知國家設立關隘原以查察奸宄利益商民並非為收稅之員身家之計也若以旗員貧乏而差遣之是導之使貪矣朕日以砥礪廉隅訓勉臣工尚恐其不能遵奉而可以謀利之見為之導乎况當日旗員管理關務者亦指不勝屈惟視此以為利藪故貪黷之風侵蝕之弊不一而足因而身罹罪譴籍其家產累及子孫是今日旗員之貧乏未必不由於當年收稅之所致也豈可使之復蹈前轍且各省委辦稅務率多道府等官並無滿漢之別如滿洲有任道府廉潔自愛者何嘗不可派委而必定以為例乎總之為上者施逮下之仁惟有勵以忠勤示以節儉固其根本之圖為下者皆當早作夜思宣力供職以承受國家惠養之恩方可謂之計長久蓋厚其生計之道不可不思而長貪風以為惠下則利未見其利而且貽害於後日此理甚明非所以教旗員之道亦東華續錄 乾隆六

並非所以愛旗員之心也朕御極之初圖理琛即為此奏總理事務王大臣亦以為可行朕並未允後此陳奏者紛紛朕不雅行亦未交議今舒赫德又條奏及此可將朕旨宣布於外使咸知朕意毋得以斷不可行之事再行妄奏○給順天府府丞以下官養廉○辛卯以大挑運河淮安等府屬漕糧准改徵折色○給江蘇蘇州等衛所養廉○癸巳命河南山東河兵樁手准食戰糧○乙未諭邵基簡任江蘇巡撫正資料理昨聞患病沈重特遣御醫馳驛前往調治冀其痊可今聞溢逝深為憫惻著該督委員經紀其喪送回本籍應得卹典該部察例具奏尋子祭葬○調楊永斌為江蘇巡撫以張楷署湖北巡撫由禮部○丙申除雲南陸涼州早馬廠瘠地額賦減水馬廠魚課○諭 至聖先師孔子天縱聖神師表萬世尊崇之典至我朝為極盛 皇考世宗憲皇帝尊師

重道禮敬尤隆闕里 文廟 特命易蓋黃瓦鴻儀炳煥超越前模朕祇紹 先猷夙膺念切思國子監為首善觀瞻之地梓靡規制宜加崇飾 大成門 大成殿著用黃瓦 崇聖祠著用綠瓦以昭展敬至意○丁酉頒 聖祖仁皇帝御製文集 世宗憲皇帝硃批上諭 御製樂善堂集於官學○庚子除江西豐城縣每年增修江隄捐項○癸卯實授鍾保工部右侍郎○甲辰諭國家設立科道官員專司建言之責必心本無私又能通達治理乃為無忝厥職若識見雖未明通而居心樸誠則其言雖愚戇而尚無害於事理朕亦鑒其忱悃而優容之惟胸懷愛憎之私借章奏以展其巧計者則有玷臺垣國法不可輕恕即如並未深悉地方民情而奏稱某地某事甚善而承辦之人已暗受推薦奏稱某地某事不善而承辦之人已暗被中傷是其敷陳之時並非據實秉公東華續錄 乾隆六

匡勳政務而言在於此意注於彼其居心尚可問乎看來近日科道中此等氣習頗不能免亦難逃朕之洞察今年毛城鋪一案即其明驗也朕所以已敕部糾察而復寬恕者特以伊等職在言官過為初次然寬大之恩不可屢邀而獻納之實所當躬踐至如前日御門御史謝濟世露章奏參九卿刑部秋審不公其意本於據誠尚近於愚戇一流而非出於愛憎之私者此事已交總理事務王大臣查奏即使所奏非當朕亦取其懇直斷不以所言未協輒加斥責也其餘科道官員當捫心自問如稍有愛憎之私未泯於中者各宜猛省悛改毋蹈罪戾○召史貽直回部辦事以德沛為湖廣總督元展成為甘肅巡撫由山西按察使選○丙午黃士傑卒以馮元方為廣西按察使由廣東廣南道選○丁未降薩哈諒為山西按察使調刁承祖為廣東布政使以阿蘭泰為江西布政使由內閣侍讀學士選



○召鄭禪寶來京以黃叔琳為山東布政使白映棠為山東按察使由陝西漢○戊申命直隸籌補倉糧○以嚴瑞龍為湖南按察使由鴻臚寺○己酉命江蘇揚州等六府州屬夏麥改徵米石○庚戌定滿洲郎中保送道員例○辛亥命州縣以下官養廉就近坐支○癸丑免雲南安甯州乾隆元年夏稅○除甘肅河西等三府州縣衛馬糧

閏九月丙辰朔諭川省耗羨銀兩向因公用不敷每兩完銀二錢五分朕御極以來加惠閭閻減去一錢止存一五之數無非欲使民力寬餘受國家休養之澤也今據碩色奏稱該省相沿陋規於火耗稅羨外每銀百兩提解銀六錢名為餘平以充各衙門雜事之用等語聞之不勝駭異火耗之報官原以杜貪官汚吏之風若耗外仍聽其提解此非小民又添一交納之項乎一項如此別項可知一省如此他省可知朕思此等浮多之費雖為數無幾而取

之商民層層剝削其數必不止此難免地方之擾累著巡撫碩色永行革除以杜官吏借端需索之弊儻公用內有必不可少之項著於存公耗羨內支給報銷別省有如此者著各該督撫查明具奏○除江南高郵等五州縣河隄屋租嗣後禁止增建○戊午濬直隸涑水縣拒馬河○庚申諭刑部奏江西巡撫岳濬參奏原任巡撫俞兆岳缺少九額二關盈餘銀兩一案應令該撫按款審明分別定擬朕因各省司權官吏於正稅之外巧立名色多方需索有累商民以是屢降諭旨各令裁減為恤商之計但恐不肖之徒外託減稅之名陰行侵蝕之事徒飽私囊而恩惠不得下逮又不可不嚴加查覈以清弊竇原非為錢糧起見也俞兆岳辦理關務未久而缺額至十萬餘兩較之他省為數甚多朕恐其中不無情

弊特令岳濬詳細稽查乃伊遲至半年之久而奏稱無著者僅有二萬五千餘兩又皆不得確據是俞兆岳於稅務無甚情弊而岳濬誤會朕意參請究追豈朕經理關權之本意乎俞兆岳著暫行保釋其中有應令該撫查察之處俟審明具題到日另行定議○乙丑定八旗武職年老休致酌給全俸半俸例○命福建酌賞浙江教習蠶戶養贍田畝○丙寅總理事務王大臣九卿會議禁止燒鍋一事據河北五省督撫各抒所見陳奏內有請仍照舊例查禁者有請宜寬於豐年而嚴於儉歲者有請不必禁止者有請永行查禁者有請嚴禁躉與販者臣等公同詳議因地制宜者國法之備因時立法者王政之經王制有曰修其教不易其俗齊其政不易其宜凡謂居民服食器用之不能盡一也燒鍋一事各省之情形不同所以各省督撫之陳奏亦不能盡一應令各於本省

因時制宜實力奉行以觀成效至躉與一項係燒酒盛行之源眾論僉同自當嚴禁惟所請治罪之處互有異同宜改歸畫一請將躉與販運者定以杖一百柳號兩箇月以示懲儆從之○丁卯諭王大臣等貴州總督張廣泗奏內地新疆逆苗絕產請酌量安插漢民領種彼時朕降諭旨以苗性反覆靡常若新疆招集漢民耕種萬一苗人滋事蠢動是內地之民人因耕種苗地而受其荼毒此必不可行者不得已而思及屯軍乃指相近內地之處而言隨經王大臣議交張廣泗再行詳議具奏復據張廣泗奏稱逆苗絕戶叛產俱令自行首舉苗人等爭先首報一無抗違且歡忻踊躍毫無疑忌但此等叛產安設屯軍以資分布防維必須接聯營汛以及糧運商旅經由水陸通衢處所而叛苗絕產與餘苗見種田畝多有攙雜應將見戶之田凡有攙入絕田內者令其指明若干



坵段歸併屯內即以絕田之在旁列不宜安屯之處令該苗自行相度按數撥還甯使有餘毋令不足等語又經王大臣議照所請辦理在案今尹繼善來京陛見朕詢及苗疆事務伊一一陳奏大約以逆苗產業分布屯軍之舉尚未妥協朕再四思維數年以來經理苗疆原期甯輯地方化導頑梗並未利其一絲一粟是以苗地應輸之正供朕皆仰體 皇考聖心永行革除不使有輸將之累豈肯收其田畝以給內地之民人乎從前屯田之意原因該督等奏係無主之絕產故有此議今看來此等苗田未盡係無主之產或經理之人以為逆苗罪在當誅今既宥其身命即收其田業亦法所宜然故如此辦理殊不知苗眾自有之業一旦歸官伊等目前雖惕於兵威勉強遵奉而非出於本心之願安能保其久遠甯帖耶至於撥換之舉在田地有肥瘠之不同而畝數又有多寡

東華續錄

乾隆六

十一

之各異其能銖兩悉合屢服其心使苗眾無絲毫較論之念乎總之頑苗叛逆之罪本屬重大國家既施寬大之恩待以不死予以安全而此區區之產業反必欲收之於官則輕重失宜大非 皇考與朕經理苗疆之本意矣料此時張廣泗正在辦理屯軍之事可速將朕旨馳寄令其即行停止查辦之官應撤出者即行撤出其絕產實有幾何如何布置之處必熟籌萬妥請旨施行不可固執前見張廣泗向有郡縣其地之請今屯軍如此經營伊意中尚不能不瞻顧前說也又諭古州等處苗人等爾等苗眾向來未歸王化素性兇頑每多自相仇殺視人命如草菅且時時出擾內地戕害居民劫奪行旅為黔楚數省之患久矣後據該省督撫奏稱爾等有向化之忱是以我 皇考世宗憲皇帝天地為心不忍棄置併幪之外諭令督撫經理收入版圖使得均霑實惠共享昇平

之福乃爾等性多反覆又復反叛干犯城池荼毒百姓繩以國法罪在必誅朕又念叛亂必有為首之人特諭經略等分別勦撫殲厥渠魁脅從罔治俾爾等得保首領全其家室又念從前所定糧額雖至輕微而官吏徵收不無擾累特命將維正之供盡行革除又以苗地風俗與內地百姓迥別諭令苗眾一切自相爭訟之事俱照苗例完結不治以官法則所以加恩爾等者可謂至矣前者內外大臣等請將苗地收為郡縣朕不允行今督臣又奏稱苗逆絕戶叛產令自行首出分給屯軍其中叛苗絕產與餘苗見種田畝彼此多有攙雜應將見戶之田攙入絕田內者查明坵段歸併屯田即以絕田之在旁列者按數撥還眾苗無不歡欣樂從等語朕思此等田畝未必盡係無主之產不忍以爾等自有之業強令歸官且撥還之舉恐有以瘠易肥以少易多之弊况爾等叛逆之

東華續錄

乾隆六

十二

罪最為重大國家既施浩蕩之恩槩行寬宥予以安全又豈肯將此區區之田產收之於官致有虧爾等之故業乎用是特頒諭旨令經理大臣停止屯軍之事另行熟籌萬妥以又安爾等苗眾爾等受此重恩當各思悔過遷善安分守法永為天朝良民以長享太平之福澤爾等具有人心其敬聽朕旨無負諄諄訓諭至意○以尹繼善為刑部尚書調慶復為雲南總督以那蘇圖為兩江總督○戊辰名溫而遜來京以范琛為河南布政使由江南廬○已諭外省有荒缺銀兩之處向例在於知府以下等官俸工內扣除抵補朕念佐雜微員力量單薄不應在扣除之內已於乾隆元年三月內降旨諭令在督撫司道大員及知府正印官俸工內酌量均攤以抵所缺之數今思官有尊卑役無大小微員俸工既經免其攤扣其餘各衙門人役皆當差效力之人額支工食數兩藉



以養贍其家若因荒缺扣除則伊等餬口無資情有可憫查此項共計銀一十二萬餘兩著於乾隆戊午年為始各省大小衙門人役工食俱准於地丁項下照額定之數全行支給免其扣荒使執役之人均沾恩澤○命培築直隸清河隄岸○庚午諭聞今年夏秋間有小琉球中山國裝載粟米棉花船二隻遭值颶風斷桅折舵飄至浙江定海象山地方隨經大學士嵇曾筠等查明人數資給衣糧將所存貨物一一交還其船隻器具修整完固咨赴閩省附伴歸國朕思沿海地方常有外國船隻遭風飄至境內者朕胞與為懷內外並無歧視外邦民人既到中華豈可令一夫之失所嗣後如有似此被風飄泊之人船著該督撫督率有司加意撫恤動用存公銀兩賞給衣糧修理舟楫並將貨物查還歸本國以示朕懷柔遠人之至意將此永著為例○壬申除江西袁州饒州

東華續錄

乾隆六

十三

二府雜稅減南昌等三十二縣茶課○己卯諭朕前因各省軍屯額糧過重密諭各省督撫確查今據尹繼善奏稱滇省軍丁一項從前未曾攤入地畝原議俟查有欺隱軍屯田地陸續抵補每丁自二錢八分至六錢二分不等共應納銀一萬五千三百八十兩內除自雍正四年至十一年抵去銀三千餘兩外尚有應徵丁銀一萬二千二百七十餘兩歷年惟按冊載老丁名字徵收或已無寸土而追比無休或已絕後嗣而波及同伍等語滇省軍丁一項從前既未曾攤入地畝而見在完納丁銀之人又係無田之人邊地屯民未免輸納維艱深可憫恤著將應徵軍丁銀一萬二千二百七十餘兩自乾隆三年為始槩予豁免俾無業屯民永釋苦累○命修永定河隄壩○築江南陽山縣毛城鋪減水壩○壬午賜哈攀龍等一百七人武進士及第出身有差○甲申諭從前雲南

東華續錄 乾隆六

布政使陳宏謀摺奏廣西借鑿報折一事與金銛所奏互異朕已諭令督臣鄂彌達撫臣楊超曾秉公查究毋得徇徇目今尙未覆奏而陳宏謀又復具摺曉諭陳宏謀身為滇省藩司此並非伊任內之事其始出之奏猶云據已知而直陳以備採擇既降旨與他人查議則伊事已畢惟有靜候無再言之理乃伊不待督撫諸臣議覆而又為是瀆奏竟傲然似以為不如伊所奏不止者是誠何心且伊為粵人即所言盡是而從之猶敢鄉紳挾制朝廷之漸况未必盡實乎殊屬冒昧之至著交部嚴加議處以為將來之戒

天津道

冬十月乙酉朔諭策楞訥親因伊母之喪奏請守制二十七月情詞懇切凡滿洲大臣官員遇有親喪於百日之後即入署辦事者以旗員人少若皆守制三年則公事必致有誤亦出於勢之不得已也滿洲服制以百日為期今年朕因木和林之奏特降諭旨令滿洲大臣於二十七月之內不與朝會宴集之事而持服一節尙在交議未定但思滿洲官員及世職等俱藉俸祿以贍其家口如皆令離任開缺無以為養贍之資其事亦屬難行雖人子之於親喪盡哀盡禮以答劬勞之德乃出於天性至情初不計及俸薪而朕養育旗人之意則不得不為之籌畫萬全今訥親之奏若抑令止循舊制人子之心必有展轉難安者其應作何斟酌分別定制俾公事私情俱得兩盡之處著大學士會同九卿妥議具奏武職自副將以下向無丁憂之例今應如何酌量定制一併議奏尋議嗣後文武旗員遇有親喪百日後仍令入署辦事並照常支俸至入朝進署及一切公所准用素服惟進至御前應用吉服時則仍從吉服凡朝會祭祀謹遵本年諭旨免其執事其升遷之處除奉

東華續錄

乾隆六

十四

從吉服凡朝會祭祀謹遵本年諭旨免其執事其升遷之處除奉

六四七



特旨升用外暫停開列至服滿後較俸之時仍准算俸其八旗生監舉人進士二十七月內暫停考試銓選再武職官員定例副將以上准其丁憂參將以下不准丁憂亦不准給假葬親其果係獨子家無次丁者查所管防守營汛尚非緊要許該督撫提鎮奏明給假近者不得過六箇月遠者不得過十箇月蓋緣武職防守汛地緊要若一槩丁憂離任恐更易生手於武備汛防大有不便是以不准丁憂定例遵行已久毋庸再議惟給假治喪之例非獨子槩不准行情殊可憫請嗣後參將以下等官除軍機調遣仍不准給假外其餘各營武職自參將至千把無論獨子與非獨子凡遇親喪俱應給假其父母歿在任所者准其扶柩歸葬在籍者准其回籍奔喪近者不得過六箇月遠者不得過十箇月該督撫將給假日期報部事畢依限回營素服辦事二十七月之內遇朝會祭祀齊集一切應穿吉服之處俱免隨班行走未滿服前毋庸升轉至服滿後仍准算俸從之○復元儒吳澄從祀 文廟○丁亥諭朕聞浙江嚴州府桐廬縣屬有官抄秋租二項額徵條銀較之民產科則多至三五倍不等前代相治事隔久遠不知起於何時而此二項田土多屬瘠薄又因賦重輸納維艱每至催徵逋逃相繼甚可憫念查此二項原徵銀七百九十九兩若依民產科則共應減銀五百八十一兩零著從戊午年為始減去淨多之數照民產一例徵收俾小民均沾實惠○戊子 上以馬蘭峪 陵寢工竣躬親展謁啟鑾○己丑命山東濟陽等十六州縣兩次被災地方改徵折色○辛卯 上詣 昭西陵 孝陵 孝東陵 景陵 行禮○壬辰祭 景陵回鑾○甲午諭據孫國璽石麟等奏晉省被災五州縣請銀米兼賑隨經部駁令其撥動鄰縣穀石分別散

東華續錄

乾隆六

十五

東華續錄

乾隆六

十六

給如不得已而銀米兼賑令該撫酌定價值報部已降旨允行朕思積貯之設所以裕民食也當荒歉之歲地方米穀必致缺乏發粟散賑既可令無食貧民藉以餬口而奸商之囤積者亦不得借以居奇此救荒之常理也且米石出入眾目共覩上司亦易於稽查若以銀分給殊非周濟貧民之本義而貪官猾吏浮冒侵蝕更弊端百出矣但恐晉省倉糧平日原未必充裕而今年被災之處或尚不止五州縣儻或倉儲無幾輓運需時則災民之迫不及待者不得即沾升斗又非朕軫念窮民之至意用是再頒諭旨著孫國璽石麟等詳查地方實在情形如果鄰邑米多易運即照部議撥給若糧少運難著暫行銀米兼賑仍酌定價值報部一面辦理一面奏聞總在多方稽查務使官吏無所容奸窮黎均沾實惠○丙申除福建南平縣浮冒丁銀○實授崔紀陝西巡撫尹會一河南巡撫張楷湖北巡撫許容山西布政使楊錫紱廣西布政使戴永椿江蘇按察使張坦麟安慶按察使魏定國陝西按察使凌燾江西按察使○丁酉免雲南新開夷疆借給墾荒銀兩○以雙喜為盛京戶部侍郎由內閣學士遷○甲辰命水師毋輕調陸路○乙巳減江西南昌等七州縣浮糧○調趙殿最為吏部右侍郎由戶部左調○庚戌命清理馬政○癸丑湖北巡撫張楷奏請 聖訓得旨覽廉之一字何庸訓汝但汝初到任正當留心地方大務俾綱舉目張庶政咸修方足以稱此任而首為是沾沾之論則汝自謂確執實自知之言所當擴充識見以為封疆大器又朕近親 皇考殊批頗以汝為沾名鈞譽之流汝其服膺 聖訓時時省過自改可也○貴州總督張廣泗再奏苗疆安頓情形得旨據卿前摺奏陳已交王大臣議行矣此旨或改行頒發或無庸頒發之處卿於彼案議



覆歸結可也卿既熟悉苗情又屢經籌度且以身家相保朕自然聽卿料理至陸見之時尙早以苗疆甫定須卿彈壓卿其候旨可也

十一月丁巳禮部奏朝鮮國王李昉請封世子李愼年未及歲與例不符應否准其册封得旨該國王既稱運暮之年伊子李愼知識漸長輿情所在願名位早定情詞懇切著照所請行○己未撥通倉米六萬石備近京東北州縣冬賑○轉呂耀曾爲戶部左侍郎調王鈞爲戶部右侍郎以陳惠華爲刑部右侍郎由詹事遷○庚申減免江南蘇州松江二府浮糧免徵銀二十萬兩○壬戌命裁八旗官米局嚴禁鋪戶囤積○命額駙策凌護送準噶爾夷使來京以海蘭署理副將軍○丁卯以吳拜爲內閣學士由詹事遷○戊辰 上以三年服闋恭謁 泰陵啓鑾○辛未 上謁 泰陵○命增熱河駐

東華續錄

乾隆六

十七

防兵丁改總管爲副都統○免江南銅山碭山二縣通賦○壬申祭告 泰陵 上釋服回鑾○乙亥 上還宮○庚辰命增修七政時憲書○莊親王允祿等辭免總理事務○免山西興縣等四州縣旱災丁銀○辛巳命大學士鄂爾泰張廷玉尚書訥親海望侍郎納延泰班第爲軍機大臣○除山東商河縣嶽荒地徵銀並雍正十三年乾隆元年通賦○壬午諭翰林坊缺仍帶俸深編修檢討二十員引見○諭大學士鄂爾泰辭總理兵部事務大學士張廷玉奏辭兼管吏部戶部事務情詞懇切至於再三卽數年來亦屢有人陳奏大學士不應兼管部務者此乃就常例而論不知國家委用大臣隨時變通止期有裨政治難以拘執成規亦多有與例不符而出於不得已者諸臣未能盡知也 皇考當日命鄂爾泰張廷玉兼理部務迄今多年朕御極以來亦知兼攝爲

難二臣亦屢以爲請而其中實有難於更易之情勢蓋兵部尙書訥親雖年力精壯實心任事而莅任未久諸事尙未諳習吏部職總銓衡關繫甚鉅非謹慎練達者未易勝任此二臣者實爲朕心之所倚賴今乃辭解部務將來之繼二臣辦理者其事受協與否朕尙未能豫知豈肯遽從所請在二臣受國家厚恩當視公事如己事亦不當以任事簡少易於盡職而忽視部務往復瀆陳也俟數年之後朕酌量再降諭旨鄂爾泰仍著兼管兵部張廷玉兼管兩部事務實多難於兼顧准其解退戶部仍兼管吏部其他兼管部務之大學士邁柱徐本不必兼管工部刑部○癸未諭朕御門聽政之時翰林院修撰編檢與科道一同侍班翰林班次在科道之上科道懸帶數珠而翰林未有定制朕思侍從之臣理應畫一嗣後修撰編檢亦著一體懸帶數珠以肅朝儀○諭劉元燮奏

東華續錄

乾隆六

十六

辭廣西蒼梧道請仍留御史之任查劉元燮於八月內奉旨外轉旋於閏九月內吏部引見道員劉元燮卽隨班入見彼時並未奏請留京今閏五月有餘而忽爲此奏明係不願前往廣西捏辭規避且伊又稱吏部應夾單請旨不應照康熙年間之例將伊入於月選等語不知缺有繁簡之不同有應請旨補授者有應歸於月選者從前閏九月內有請旨缺出吏部已將劉元燮夾單引見一次朕未降旨補用是以仍在候補之列今遇有月選之道缺吏部照例銓選此一定之理並無錯誤劉元燮何得挾其私心支離瀆奏將前後情節藏匿希圖蒙混以惑朕聽不自知其矛盾也劉元燮若果欲留京效力何不奏請於奉旨外轉之時又何不奏請於初次引見道員之日及至籤掣廣西之後忽爲此奏其居心尙可問乎且劉元燮指內引周昌汲黯自比彼與古人誠偽邪正相去



天淵乃不自知分量而公然引以自况見之章奏其奸邪無恥亦已甚矣又伊今年六月閒因外間偶有謠傳李紱張坦麟除官一節曾經奏聞朕降旨嘉獎以鼓勵言官究竟亦極平常之事其餘伊所條奏則皆摭拾陳言苟且塞責並無有裨政治可見諸施行者今何得大言不慚輒以敢言自詡試思伊所敷陳有一裨於政治切於朕躬可以萬一仿彿周昌汲黯者耶至於月選道府州縣等官由吏部過堂掣籤九卿在午門公同驗看此乃國家定制無人敢違而劉元燮以為凌辱豈有九卿同在班聯而目擊書吏筆帖式凌辱道員之理此又不問而知其為欺罔也似此巧詐狂妄挾私規避之人竟敢以直言自居是實有玷於周昌汲黯者也朕若再加姑容則將來言路必至於不可問而假公濟私朋黨之風因是而起矣不得不嚴加處分以示懲儆劉元燮著革職發往廣東華續錄 乾隆六十九

西以佐貳等官令其效力贖罪若再有規避不實心盡力處即著該督撫題參從重治罪○除山東德州蓬萊等州衛雜稅○增熱河副將以下員弁○湖南巡撫高其倬奏報收成分數得旨語云湖南熟天下足朕惟有額手稱慶耳

十二月甲申朔補熙丁憂以查克丹為漕運總督由工部尚書遷○實授來保工部尚書○免直隸大興等七州縣八旗餘絕地畝乾隆元年額賦十分之三○丙戌改內閣典籍為七品官○丁亥 上御太和殿册立 嫡妃富察氏為 皇后封高佳氏為 貴妃那拉氏為 嫺妃蘇佳氏為 純妃金佳氏為 嘉嬪○庚寅命江西瀘溪縣漕糧改徵折色○壬辰命嗣後御殿大學士於殿內賜茶○甲午以册立 皇后禮成加上 皇太后徽號曰 崇慶慈宣皇太后○除江蘇鹽城阜甯二縣濱河地糧○丁酉諭各省常平

倉原為濟民而設每年青黃不接之時存七糶三以給民食秋成之後照數買補出陳易新不致紅朽以備歉歲賑恤之用法至善也但有司奉行不善其弊遂有不可勝言者當其出糶之時惟附近居民就近赴買而鄉民則往返守候不能徧及且城中矜戶役戶牙口囤戶與倉書聲氣相通捏名報買而州縣之內丁隨役亦乘機暗竊通同盜買雖倉額有虧總期秋熟買補還倉時於斗秤溢額浮收填補遮蓋此平糶時之弊也至買補之際往往擇縣中富戶發給銀兩令其交穀有照時價短發十之一二者有銀色低潮者或令自運還倉腳價無出又或用斗則以大易小用秤則以重易輕且交倉折耗盤倉供應之費皆出之小民此富民受累也乃更有照糧派買之弊每處派一買頭總斂各戶照數交倉此等窮黎二月新絲五月新穀尚然不敷豈能堪此擾累朕思穀貴則東華續錄 乾隆六十九

出糶穀賤則買補自然之理然天時豐歉靡常而價值低昂難定儻或買補之時不能無賠累之苦則官吏不能不問之閭閻而不肖者更欲藉此獲利則其害益不可問矣其中弊端種種朕知之甚悉即臣工參奏者亦甚多但再三思維若明降諭旨又恐啓奸民阻撓公事之漸可密寄各省督撫將如何籌畫辦理使官吏無累而蓋藏常足之處悉心定議具奏○特准八旗另戶兵丁考試繙譯一次○命官員准丁本生父母憂一年○追封 皇后之父李榮保為一等公以其子傅文承襲一等侯○戊戌諭軍機大臣等前據陝西巡撫崔紀奏稱行令民間鑿井以為灌田之用此亦有益於稼穡之事朕已允行今聞崔紀辦理未善自隴州至潼關一帶井面圍圓止合抱有餘深者不過二三丈淺者僅有丈餘即有深處又多係阻滯之士甫能及泉旋即壅塞潼關一帶如此則



他處可知秦中地勢本高積土深厚今開空若此儻遇天時亢旱禾苗未見焦枯而各井已先涸矣且以十畝之地勒開三井所起土塊即堆積田中是今歲方萌之秋麥已損傷一二又嚴限四十日告成小民奔走不遑甚苦竭歷凡民間開井砌甃者非數十金不可即土井亦須數金今甃井發價七兩土井發價三兩實不敷用民有怨言是崔紀欲求速效草率從事而不知其無益有損也朕所聞如此可速傳諭崔紀令其悉心體察詳加籌畫務收鑿井之益而去閭閻之擾儻有地勢不能開挖者亦即聽從民便毋拂輿情○禮部侍郎方苞奏懇解部職專力修書允之命仍食原俸在書館行走○己亥命江南贛榆沐陽二縣漕糧改徵折色○庚子諭先師孔子聖集大成教垂萬世我皇祖聖祖仁皇帝皇考世宗憲皇帝親詣辟雍登堂釋奠儒臣進講經書諸生圍橋東華續錄 乾隆六

伯仍著伊子張若鸞承襲○乙巳諭朕聞雲南昆明縣有老丁田地一項原係督撫兩標牧放營馬之區坐落省會昆海之濱本屬草澤嗣因沙壅淤成可墾之地節年以來定為額收租米一千五百六十八石除完納稅糧條編並給發老丁口糧兵需米九百二十三石外尚餘米六百四十五石從前題報歸公遵行在案但此額收數目乃照豐收之年科定者而地處海濱土壤瘠瘠若遇水大歉收之時則小民完納甚艱可為軫念除老丁米石並糧條仍應照舊完納外其歸公米六百四十五石著該督撫查明永行豁免俾租額減輕民力寬裕即從乾隆二年為始○辛亥諭閩省丁銀勻入地畝已歷多年上年朕查出通省缺額田地五萬四千餘畝已降旨將糧銀豁免以紓民力但所勻丁銀未曾裁免仍屬小民之累著將應納丁銀九百六十一兩悉行免徵永著為例又聞東華續錄 乾隆六

命易蓋黃瓦以展崇敬俟工程告竣之日朕躬詣釋奠用昭重道隆師作人造士之意○議敘總理事務王大臣莊親王允祿果親王允禮各賞給一鎮國公平郡王福彭賞給奉國將軍大學士鄂爾泰張廷玉各賞給一騎都尉大學士徐本尚書訥親海望各賞給一雲騎尉世職○追復誠郡王允祉原封諡曰隱○追賜訥親曾祖額亦都巴圖魯雲騎尉○壬寅以莊親王姪甯和襲封鎮國公平郡王弟福靖襲封奉國將軍○大學士邁柱以病免○以吳家驥為禮部右侍郎由內閣學士遷○癸卯諭大學士張廷玉在內廷宣力多年輔弼贊襄勤勞著朕之視大學士鄂爾泰張廷玉一切恩眷均屬一體今大學士鄂爾泰因賞給騎都尉已由一等子照例歸併授為三等伯張廷玉亦著加恩由三等子從優授為三等



東華續錄

乾隆七

臣王先謙敬編

臣周澐恭校

乾隆三年戊午春正月乙卯命福敏為武英殿大學士兼工部尚書以馬爾泰為左都御史由兵部左侍郎遷○戊午諭從前宗室王公等嫁娶候旨指配者居多凡人嫁娶理應及時今宗室蕃衍若不分別遠近一槩候旨指配不無逾時久曠之慮朕意世系近者若年已長成婚姻結定令其奏聞若尚未結定令其請旨世系遠者當各聽其便其如何分別遠近定例之處著宗人府王等詳議具奏尋議 皇上伯叔輩王貝勒等子女兄弟輩王等子女至十五歲請旨其餘宗室子女特旨指婚者令候旨行餘酌量及時婚嫁應得品級該部照例奏給從之○辛酉祈穀於 上帝恭奉 世宗

東華續錄

乾隆七

一

一

憲皇帝配享○諭昔年各省解京餉銀有隨平陋規一項雍正元年蒙 皇考諭令停止嗣因清查部庫約計虧空銀二百五十餘萬兩事歷多年難於究問經怡賢親王以各色浮費既已禁革奏請將京餉平餘陸續彌補以重國帑每餉銀一千兩收平餘二十五兩較之從前陋規雜費減省已多至雍正八年虧空補足欽奉 皇考諭旨嗣後解部平餘銀兩著照從前之數減去一半此項原出於錢糧耗羨即留於本省以備地方公事之用欽遵在案是以前年來解部之平餘已較原數裁減一半矣朕思平餘即係耗羨並非別有加徵解交部庫與存貯藩庫均為國家公事之需但目前尚有平餘解部之名恐外省官吏或有借端需索者亦未可定著從乾隆三年為始將減半平餘銀兩一槩停其解部即存貯本省司庫遇有地方荒歉及裨益民生之要務確應賑恤辦理者即

東華續錄

乾隆七

一

一

將此項奏明動用報部查覈此項既出民力輸將仍令一絲一粟均濟百姓之緩急朕何取焉若該省大小官員有奉行不善使百姓不沾實惠者朕惟於該督撫是問○癸亥諭朕惟四子六經乃羣聖傳心之要典帝王馭世之鴻模君天下者將欲以優入聖域茂登上理舍是無由我 皇祖聖祖仁皇帝 皇考世宗憲皇帝時御講筵精研至道 聖德光被比隆唐虞朕夙承 庭訓典學維殷御極以來勤思治要已命翰林科道諸臣繕進經史格言正論無日不陳於前特以亮陰之中經筵未御茲既即吉亟宜舉行所有典禮該部其誼日具儀以聞○諭閩省丁銀勻入地畝完納數年以來朕留心體察如甯洋壽甯南平等處地少丁眾小民難以輸將已降旨減輕以紓民力又如通省缺額田地既將糧銀除則丁銀亦應寬免復降旨令該督撫查辦無非欲薄賦輕徭去閩閩之擾累也今聞各州縣丁銀俱已適中惟漳州府之平和縣汀州府之清流縣延平府之永安縣尚有田少丁多之苦每田糧一兩徵丁銀四五錢不等較之別邑多至加倍有餘所當酌量變通俾此三邑一體沾恩著該督撫酌本地情形當如何裁減便民之處悉心定議具奏○甲子 上幸圓明園奉 皇太后居暢春園凡慶節恭迎 皇太后御長春仙館以為例○乙丑諭都城西郊地境爽塏水泉清潔於頤養為宜昔年 皇祖 皇考皆於此地建立別苑隨時臨幸而辦理政務與宮中無異也朕孝養 皇太后應有溫清適宜之所是以奉 皇太后駐蹕於此不忍重勞民力另築園囿朕即在圓明園而敬葺 皇祖所居之暢春園以為 皇太后高年頤養之地一切悉仍舊制畧為修繕無所增加伏思我 皇考盱眙宵衣勵精圖治親書勤政扁額懸諸殿楹



朕瞻仰思慕時做惕不敢稍自暇逸庶幾承先志而踵前  
 徵文武大臣等當共勵精勤電勉職業若以朕駐蹕郊圻欲節勞  
 勤將應辦應奏之事有意減少遲延則不知朕心之甚矣向來部  
 院及八旗大臣皆輪班奏事自仍照舊例行至諸臣中有陳奏事  
 件即行具奏不必拘定輪班日期大學士等可通行傳諭知之○  
 庚午諭國家昇平休養戶口繁滋生聚日多蓋藏未裕儲蓄之方  
 不可不豫為籌畫從來積貯以常平為善但地方有司每以歲久  
 徵變易罹參處折耗補數貽累身家一見積穀稍多即為憂慮而  
 無識之上司亦遂被其搖惑而不為緩急可恃之計獨不思民間  
 既少蓋藏而倉庾又無儲備天時旱潦豈能保其必無一旦年穀  
 不登其何賴以無恐向有常平捐監之例後因浮費太多捐者甚  
 少遂漸次停止歸於戶部乾隆元年朕將捐款盡停而獨留捐監  
 東華續錄 乾隆七

一條者蓋以士子讀書向上者日多留此以為進身之路而所捐  
 之費仍為各省買穀散賑之用所降諭旨甚明今再四思維積穀  
 原以備賑與其折銀交部至需用之時動帑採辦展轉後期不能  
 應時給發曷若在各省捐納本色就近貯倉為先事之備足濟小  
 民之緩急乎去冬侍郎孫國璽從晉省回京請將捐監事例移回  
 本省朕降旨詢問該撫並諭他省不得援以為例今思貯粟養民  
 乃國家第一要務果於民生有益則當因時變通不必固執前議  
 著各督撫確查所屬見存倉穀若干足敷本地之用與否若將捐  
 監之例移於本省令捐本色於地方有無裨益各據本省情形悉  
 心妥議若事屬應行即將如何定例定數之處詳議具奏至於在  
 外收捐則有包攬苛索種種弊端而積穀既多則存七糶三出陳  
 易新之際其弊更難悉數此皆該督撫所當隨時稽查盡心釐剔

東華續錄 乾隆七

俾閭閻實受常平之益官民無賠累之苦方不負愛養斯民之重  
 寄○癸酉以朱藻為直隸河道總督顧琮協理河道事○乙亥諭  
 履親王自管理禮部以來恪慎周詳實心任事三年之內備極勤  
 勞今大禮已成禮部事務該堂官自循照辦理履親王不必兼管  
 ○諭湖北忠崗等土司改土歸流增設施南一府統轄恩施宣恩  
 咸豐利川來鳳建始六縣除恩施係屬舊縣建始自川省改歸並  
 恩施分歸咸利二縣之田地人丁向有定額無庸另議外其餘改  
 土地方新入版圖者該督撫見在查勘分別升科但該土司向來  
 輸納秋糧不計田地多寡每年統計止納七十三兩六錢四分今  
 若照內地升科則徵收必至加於前數朕心愛養土民望其共受  
 國恩原不計貢賦之多寡乾隆元年會降諭旨將容美司改設之  
 鶴峯長樂二州縣成熟田地即照原額秋糧銀九十六兩之數作  
 東華續錄 乾隆七

為徵收定額今忠崗土司與容美事同一例著將查明成熟田地  
 即照原額秋糧銀七十三兩六錢四分之數按田分派作為定額  
 無庸另擬科則俾土疆黎庶永沾薄賦之恩至乾隆二年未完秋  
 糧一併豁免○命福敏馬爾泰議政處行走○以王承堯為內閣  
 學士由詹事府○遣散秩大臣祥泰內閣學士岱奇冊封朝鮮國王李  
 吟子愷為世子○准噶爾使臣達什等奉表至京表曰准噶爾台  
 吉噶爾丹策零奏言恭進 大皇帝聖明雍正年間 世宗憲皇  
 帝與我父當日情事 大皇帝既盡知之不敢復瀆陳近者屢欲  
 遣使恭請 聖安因前歲吹納木喀齋回 敕書內有爾誠遵  
 皇考前旨定界則遣使來不然亦無庸復遣之諭竊思遵照 大  
 皇帝諭旨我屬下人不得至阿爾台山實有未便僞冒昧陳請恐  
 有乖 諭旨勢不得已暫爾停遣去秋我邊界人言蒙古在我境

六五三



內安設卡倫攜二人來因念既不得遣使事又不容中止不若即藉此二人致書車臣汗令其轉達車臣汗報書令我繕奏遣使一切情事當代為詳悉具陳故今復遣達什等入奏向來阿爾台山本係我部遊牧之地若盡令移駐山陰恐地窄不能容納多人請嗣後喀爾喀與厄魯特各照見在駐牧無相掣肘庶幾彼此兩安以廣黃教以息羣生伏祈 大皇帝鑒憫隨表進貂皮三十一張奏入 上諭軍機大臣曰閱準噶爾噶爾丹策零遣使求額駙策凌轉奏之疏甚屬恭順其事有易竟之機可遣使齎敕前往與噶爾丹策零將定界之事定議完結著侍郎阿克敦充正使御前三等侍衛旺扎爾乾清門頭等台吉額默根充副使將應議事件皆明悉曉諭之即與準噶爾來使一同起程

東華續錄

乾隆七

五

二月癸未朔諭果親王持躬耿直賦性剛方辦理公事不避嫌怨

皇考素敦友愛眷注維殷朕御極以來命王總理事務方資倚任乃王舊疾時作去歲轉劇朕常加存問令御醫用心調治今年正月二十日太醫奏稱王病勢沉重朕欲親往看視因值齋戒之期特著和親王代往自此以後王疾漸減且精神稍增移住郊外林亭朕心喜慰方謂從此調理可望痊愈從容召見今聞薨逝深為震悼著莊親王履親王經紀其後事朕即於本日親臨其喪一應典禮該部速議具奏是日 上詣王邸第賜奠尋予加祭一次立碑造墳諡曰毅○乙酉奉 皇太后懿旨以皇六弟弘瞻為果親王嗣襲其封○丙戌諭本年春季 文廟朕降旨親詣行禮查文廟春秋二祭舊例俱是遣官我 皇考尊 師重道始定親祭之禮開年舉行乃從來所未有者今覽太常寺奏進儀注朕躬獻爵一次其亞獻三獻之爵豫先陳設香案上朕思既行親祭仍

當從三獻之儀著另繕儀注進呈○駐藏侍郎杭奕祿等奏貝勒頗羅鼐以額納特珂克部落拉達克汗德忠那木札爾所上表文及貢物交臣轉奏查拉達克汗德忠那木札爾乃呢瑪那木札爾之子父子並感國厚恩凡得準噶爾消息輒附頗羅鼐以聞自聖祖仁皇帝 世宗憲皇帝數加恩賚今復進表貢物若更頒予救命量施恩澤當益勸勉傾心內向奏入命賜德忠那木札爾敕書一道加賞段匹器具有差○丁亥釋奠 先師孔子懸 御書扁額 大成殿○壬辰命湖南平江縣漕糧改徵折色○命修山海關邊牆○癸巳以佶奇為刑部右侍郎學士遷○甲午 上御正大光明殿噶爾丹策零使臣達什博濟爾入覲諭曰定界之事朕前降旨甚明今以額駙策凌奏請故許見爾等噶爾丹策零奏章朕已觀覽其與額駙策凌書亦經奏聞奏內稱喀爾喀與厄魯

東華續錄

乾隆七

六

特請悉駐牧如故彼此兩安庶幾推廣黃教休養羣生伏乞大皇帝鑒閱觀噶爾丹策零此次奏言極其恭順有誠心求和之意朕甚嘉之爾等舉止亦謹慎可嘉但於分界之處仍未指明尚屬蒙混蒙古游牧無常冬夏隨時遷徙若不指定山河為界日後邊人保無爭乎必彼此各守其界無得踰越庶可永固和好若噶爾丹策零未嘗明諭爾等爾等自不敢擅議朕當另遣大臣前往與噶爾丹策零詳悉定議又爾等曾告額駙策凌乞我國卡倫稍向內移卡倫之設由來已久於今豈得議移且噶爾丹策零奏中並未及此據爾等私見陳請不惟與噶爾丹策零所奏不符亦非爾等分所宜言也達什等奏言此係噶爾丹策零口屬不然使臣等何敢妄言今 大皇帝既許遣使自可與噶爾丹策零面議而定上復諭曰爾等云噶爾丹策零口屬便爾瀆陳若朕遣使至爾部



彼不過遵旨而言何敢於教諭之外復增一言朕為中外共主無分喀爾喀與厄魯特咸一體視之並無欲益喀爾喀損厄魯特之意今噶爾丹策零請邊界人居住如故此事尚可俯允若乞我卡倫內徙殊未合理爾部邊界人且不肯移徙我 聖祖暨 皇考時舊設卡倫反可動耶朕於厄魯特尚無異視之心豈肯曲從爾意轉騷擾我喀爾喀乎凡事合於理朕無不允不然雖百請亦不允也朕即日遣使噶爾丹策零其遵旨定議以固信好朕面諭之言爾等詳悉記憶歸告噶爾丹策零爾等臨行時朕尚有敕書付朕使者頒示噶爾丹策零知悉尋賜達什等銀兩段布有差○乙未 上啓鑾謁 泰陵○戊戌 上謁 泰陵○命公產旗地准民人置買○己亥祭 泰陵回鑾○辛丑 上幸南苑行圍○壬寅 上還京師○癸卯諭直隸宣化府屬懷來保安二縣採辦楊木長柴供 郊壇 宗廟焚帛之用向無開銷之例俱係兩縣捐貲繼因添用柴薪分派宣屬他縣協辦相沿已久朕思州縣公捐易啓借端科派貽累小民之弊不可不防其漸著從乾隆三年為始將每歲需用楊木長薪照辦解之數動用正項造入地丁冊內報銷令出產之懷來縣承辦以專責成○乙巳諭各省常平社倉歉收借領免息著為令○以徐家賓為雲南布政使張坦熊為雲南按察使由直隸天○丙午 上御經筵○丁未清江南運河工竣○己酉設臺灣北路義勝永勝二寨○湖北武昌府江塘成○命元聖後裔五經博士東野衍兆恭遇視學大典一體陪祀觀禮從衍聖公孔廣榮請也○庚戌暫免臨清天津兩關米豆稅○辛亥 上親耕藉田三推畢加一推自是以為常○壬子趙宏恩以納賄解任以高其倬為工部尚書張渠為湖南巡撫由江蘇布政使遷

東華續錄 乾隆七

三月甲寅 上詣太學釋奠 御彝倫堂命講中庸尚書廣太學鄉試中額召衍聖公孔廣榮等入見訓諭之賞賚有加○調許容為江蘇布政使以胡瀛為山西布政使鄭禪寶為浙江按察使原任布政○乙卯諭陝西鑿井灌田一事從前崔紀辦理不善苟且興工止務多井之虛名未收灌溉之實效經朕訪問降旨申飭命其聽從民便毋拂輿情乃伊接奉諭旨之後即檄行藩司轉飭地方官務須空深砌固不得草率從事又差遣佐雜等官分路勘驗凡屬淺井悉令掘之使深而土易淤塞者則令修砌堅固其從前開挖而未成井者又復勒令填平以至井底之寒泉無處灌注勢必傾瀉於地中井中之溼土無處搬移勢必堆集於麥上不但麥苗無益亦且大受其損况去冬得雪霑足今值麥苗青蔥秀發之時農民及時鋤治轉盼播種秋禾東作方興正田功不遺之候而乃東華續錄 乾隆七

迫令掘井砌井使農民廢時失業人心甚覺徬徨是朕諭令俯順輿情而崔紀則勒令深挖修砌以掩其非又令填平廢井以掩其過重負朕委任封疆諄切訓誨之意矣再者大學士查即阿因見陝省收成歉薄穀價昂貴不得已禁止商販運赴他省曾經具摺奏聞而山西蒲州與陝西郃陽韓城等縣僅一河之隔彼地商販遂串通邵陽韓城等處奸徒指稱縣民羅買口糧舢舨相接揚帆直下一過河東即達山西地界崔紀未會究問陝西之人遂以崔紀庇護桑梓縱違禁之私販噴有繁言觀此情形崔紀不便仍留西安之任著調補湖北巡撫將張楷調補西安巡撫速赴新任張楷到任後崔紀交代再赴楚省至秦省鑿井灌田之事張楷可善體民情妥協辦理○諭近京地方上年被水今春少雨民間米價昂貴朕心甚為憂慮悉心細籌添設米廠減價平糶其他有益於

六五五



民食者莫不慮及原欲使閭閻小民易得升斗以為餬口之計也乃發米日多而市價並不稍減轉或加增其中必有居奇之人糴買官米展轉糴買獲重利以肥身家是但知有己而不知有人矣獨不思太倉之粟原以備官兵俸餉之需今因民食維艱減價糶糴此軫念民瘼之至意諒為中外所共悉凡屬良民見朕如此焦勞如此露晷俱當感發善心縱不能出其所有以濟窮困奈何將官家惠資貧民之物轉為一己圖利之資而坐視多人之謀食艱難會不一動念乎又如京師錢文昂貴朕不得已設立官局以平市價而錢價近復加昂亦必有奸民囤積不肯輕售以待厚利者夫商賈即百姓也朕一視同仁並無區別乃朕施一利民之政而伊等即多一營私之謀何人心之不古難以化誨遂至此極耶至於八旗之人動輒望賞望借以濟匱乏不知國家經制有常為政有體豈有無端賞借以博眾人一時感悅之理且國家之有恩施亦如上天之有雨澤若雨澤下降而播種不豫力作不動亦不能望收穫况一時之賞借猶如一時之驟雨可暫而不可常能給而不能足加之伊等又不能撙節愛惜隨手浪費於生計絲毫無補其裨益果安在耶朕實不忍兵民等之癡愚不悟特頒此旨再行曉諭各該管衙門可刊刻宣布俾人人觸發本心痛改惡習庶幾感召天和雨暘時若不獨蒙福佑於無窮而人心風俗亦可望漸歸於敦厚矣○復設八旗官米局○戊午以雅爾呼達為內閣學士由太常寺○丁卯 上詣 黑龍潭祈雨○諭李世倬條陳改鑄錢文一事經九卿三議具奏凡廷臣會議之案原令各抒己見不必強同至於隨聲附和之弊乃人臣所當切戒者今此案三議覆奏正得各抒己見之義朕深取之不必以互異為嫌但錢文關係

重大必須斟酌盡善著大學士悉心定議具奏尋議據吏部衙門議稱欲平錢價必須改鑄錢質竊思錢價之低昂原不在錢質之輕重縱復再減二分錢價亦恐不能平且改鑄錢文與見在錢文一體行使新舊夾雜重輕不一民間更易紛爭所議似不可行又據尚書孫嘉淦議稱銅斤留供兩局鼓鑄外請將餘銅陸續分發售賣竊思售賣餘銅止應於產銅之省聽商民購買市價若令運解來京統入官局再分發售賣不獨徒費腳價轉滋紛擾即論體制亦屬未協所議亦不可行又據戶部等衙門議稱查歷來錢法過重則慮私銷過輕必致私鑄今制錢酌重一錢二分若再減二分與從前所鑄重錢一體使用則奸民必致銷毀重錢而鑄輕錢李世倬所奏亦無庸議從之○命大學士九卿舉堪任道府人員○以包括為甘肅按察使由山東登萊道遷○戊辰賜準噶爾台吉噶爾丹策零敕書曰準噶爾台吉噶爾丹策零前歲爾遣吹納木喀來朕以廣教安民之故欲與爾議定疆界罷息干戈在朕甯有食言之理爾誠遵我 皇考諭旨以阿爾台山為分界止請喀爾喀游牧稍令移徙勿動原設卡倫朕尚可俯允降旨指明喀爾喀游牧所止之處乃爾並不遵旨反請以哲爾格西喇呼魯蘇為爾邊界如此則遣使何益故朕復諭以遵我 皇考前旨則遣使不然則無庸復遣使降旨甚明此次爾令達什來致書額駙策凌又有進朕奏章乞額駙轉奏朕故召爾使入見又聞爾奏內云請令喀爾喀與厄魯特游牧俱照見在居住無相牽掣彼此兩安言已近正但分界地名未經指明蒙古游牧無常冬夏隨時遷徙若不指定山河為界他日邊境細人或起紛爭仍難要久以爾奏言恭順故朕特命大臣前來朕使到時爾與酌合機宜必使分界之事此次



即得定議若仍不揆情理偏執己見託故推諉則於事無益即往復遣使亦徒然耳朕為天下共主凡各部民人皆欲令其安生並無彼此異視之意果事屬兩便朕無不允若有一不便任誰奏請總無偏聽之理為此特降敕書命侍郎阿克敦侍衛旺扎爾台吉額默根同爾使達什等前往隨敕賜各色采段十端命額駙策凌亦致書噶爾丹策零隨書用各色采段四端○濟東便門護城河○庚午召劉統勳回部辦事○壬申以早命刑部清理庶獄○癸酉命大學士鄂爾泰等照元年例舉任文衡者仍令一體考試○丁丑禮部議覆尚書銜徐元夢奏論所記四科止就陳蔡諸賢記載後人據此定為十哲從祀 文廟正殿嗣以顏子升配先師因升顯孫子師於殿以補其數 聖祖仁皇帝又以朱子熹昌明聖教升位其是十哲可不必拘矣考論次章即載有子之說

東華續錄 乾隆七

其言行氣象皆與聖人相似則有子若宜得升堂配享確然無疑再如宰子子冉子求一因短喪有不仁之斥一因聚斂有非徒之責論者謂宜移祀兩廡其兩廡中如南宮子适宓子不齊俱以君子見稱孔子自宜並于升配等語謹按十哲之祀昉於唐開成至宋咸淳升子張以補缺數以孟子稱得聖人一體故也有子若最為游夏所服孟子亦稱智足知聖從前未躋十哲實為缺典應如所請升有子於殿內東旁卜子夏之下移朱子熹於西旁顯孫子師之下通行國子監直省府州縣學一體遵奉至宰子冉子皆聖門高弟未容輕議其餘諸賢經稱許者甚多亦豈能槩躋十哲所請兩廡升配均毋庸議從之○戊寅諭督撫升調非特奉諭旨均俟交代後起程○己卯命考選科道一體引見○禮部議覆河東河道總督白鍾山奏陳留縣廟祀河神黃守才偃師縣人靈顯

昭著宜加封號從之賜號曰靈佑襄濟之神○辛巳以直隸旱截留北倉米二十萬石備賑

四月甲申諭各省督撫向來有進貢方物之例朕御極之初即降諭旨令三年之內停止進貢俟即吉後再行請旨數月以來雖各省督撫尚未舉行但朕思此事甚屬無益蓋進貢之意不過曰藉此以聯上下之情耳殊不知君臣之閒惟在誠意相孚不以虛文相尚如為督撫者果能以國計民生為務公爾忘私爾爾忘家則一德一心朕必加以獎賞若不知務此而徒以貢賦方物為聯上下之情則早已見輕於朕矣且朕見在諭令督撫等毋得收受屬員土宜誠以督撫取之屬吏屬吏未必不取之民閒目前所受雖微久之必滋流弊若進貢方物雖云督撫自行製辦而展轉購買豈能無累閭閻是所當行禁止者惟織造關差鹽差等官進貢物件向係動用公項製買以備賞賜之用與百姓無涉不在禁例其督撫等有牧民之責者槩行停止貢獻○以早申命求言○僧格免以納延泰為理藩院尚書由刑部左○大學士管川陝總督查郎阿參奏承辦軍需道沈青崖等私運侵帑詞連前任陝西總督劉於義遣馬爾泰往鞫解劉於義吏部尚書任○戊子撥山東德州臨清倉穀於直隸備賑○己丑調孫嘉淦為吏部尚書以趙國麟為刑部尚書孫國璽為安徽巡撫由兵部○壬辰諭直隸總督事件繁多難以兼顧河務李衛不必管理其一切河工事宜應交總河專辦俾事權歸一方有神益顧琮仍著會同朱藻悉心辦理○癸巳命納延泰議政處行走○丁酉減安徽懷遠武平兩屬屯田科則○己亥命九卿等舉劾月官○命各直省題奏本章按季咨內閣通政司查覈○辛丑調二格為工部右侍郎以班第為兵

東華續錄 乾隆七



部右侍郎勒爾森為理藩院左侍郎山鶴○以玉保為理藩院右侍郎由理藩院○壬寅諭今日御史李賢經具摺條奏事件其

閱頌揚之詞甚多如德尙寬仁政從簡易廣開言路納諫如流等語朕臨御以來雖夙夜孜孜勤求治理而一切敷施措置豈能悉協於中撫己捫心實難自信時時省惕今見臺臣極口稱揚益重朕之愧也且朕之行事其是非得失當聽天下後世之公論尤不在進獻之諛詞從前已降旨訓飭今李賢經又蹈此習特再曉諭俾眾知之至其條奏內稱天下之事繁則擾擾則勞勞則倦應請嗣後在內各部院在外各直省所辦一切瑣屑事務不必盡煩睿覽其無益於治道或有傷於治體者請內會九卿外飭督撫公同酌議可裁減者裁減宜禁革者禁革如果事關重大方請斷自上裁所謂勞於求賢逸於任人等語從來為政之體自應總攬大綱

東華續錄 乾隆七

十三

不規細務然而因時制宜亦有不可以槩論者昔我 皇考即位之初庶務紛繁有不得不兼綜整理之勢是以雍正四五年以前殫心竭慮日昃不遑其精勤勞瘁之心實從古帝王所罕有朕承百度維貞之後率由舊章遵循惟謹較之 皇考之時已覺前任其勞而今享其逸矣然此亦當時會之適然耳若使目前有應行辦理整頓之事如 皇考當日之情形則朕心亦必勉效法竭蹶靡甯詎敢圖旦夕之暇豫乎朕此時之宣猷布政斟酌緩急權衡輕重固不敢廢弛而叢脞亦不致瑣屑而紛更此朕心可以自信者若如李賢經所奏將諸事委之臣僚而朕居九重之上端拱無為則廢弛叢脞之弊必不能免不但心有未安即揆之於理亦斷乎其不可也况朕春秋方富年力正強乃勵精圖治之始凡節勞省事之說尤不當陳之於今日也又條奏內稱土地不增稅糧

如故經費之數亦應調停在官吏則職業不加於昔而雙俸已倍於前在太倉則輸納不益於前而賑糶幾倍於舊源少身窮後將安繼等語此奏甚屬錯謬朕之加恩官僚雙俸者原非博惠下之美名冀人之感頌也蓋以厚其恩贍方可固其廉恥冀臣下自知興廉與義恪共乃職之意儻俸祿既增而仍有貪汙受賄不守官箴者朕必按律治罪不稍寬假此正激清吏治之一端不必於臣工養廉之典較此多寡之數也至於太倉之粟見在有三年之蓄不為不裕况國家儲積以備不虞所謂不虞者正謂年歲荒歉黎民艱食以此平糶散賑惠濟閭閻俾不至於饑餓若此時而不用倉穀又於何處用之豈有太平無事之秋而必專指兵革之虞以為不虞之備乎又條奏內稱進退人材之際當嚴邪正之辨必須權衡在己兼採眾論使好善惡惡輕重長短不齊之限量一一中

東華續錄 乾隆七

十四

乎當然之則無少差謬等語虞書曰知人則哲惟帝其難之蓋為治之道莫難於用人而用人之道莫難於分別邪正自古人君斷無有知其為邪而用之知其為正而斥之之理惟是隱微難明疑似難辨以致舉錯不當用舍失宜其辨別之法欲採輿論而輿論每不可憑欲加密訪而密訪又不可信若立科條以為鑑別進退之標準則所立之法即為百弊之所叢生矣此實難之又難有莫可名言者又條奏內稱各省軍政所薦或號令嚴明弓馬嫻熟或持己廉潔諳練營伍不過此數事求其洞曉韜畧謀勇兼長深得士心若孫臏穰苴吳起者其人不多見請於本京設韜畧之科廣為收羅等語夫所謂弓馬嫻熟營伍諳練等事尚係實而可見者至於韜畧運於一心其神明變化之妙全在當機猝應平居無事之日何從試驗而知之若設韜畧之科採其議論便加錄用不過



如目前試士之策論半屬紙上空談何以定將才之優劣乎况孫  
臧穰苴吳起數人乃不世出之才即求之史冊中亦不多得而李  
賢經乃於近今武途中援以為比不亦大相逕庭耶朕見伊條奏  
特就一時所見指出數事以朕意宣示但伊所奏款項甚多其中  
不無可採者著大學士會同九卿閱看定擬具奏尋議考績之典  
三年舉行遵行已久况卓異之外又有行取保舉各途如有實心  
愛民之員各省督撫自可循例保薦正不必又定以歲擢一二人  
之例徒事紛更各省督撫提鎮皆由特旨簡拔所屬員弁儻有廢  
弛滋事冒功構毀自必加意查察參處即大臣升轉加銜官弁保  
舉議處見在俱有成例均不必再行更張邊境倉儲原屬緊要但  
查先經戶部議覆大理寺卿汪濬摺奏直隸各省州縣酌量地方  
之大小戶口之多寡分別加倍積貯以備不時之需其應買穀若  
東華續錄 一 乾隆七 十五  
干應動何項銀兩以及作何採買貯倉之處俱已行令各督撫妥  
議經畫至所稱鎮守之兵必諒其性習土宜以使人情則直隸山  
西川陝以及雲貴沿邊等省俱係於土著內召募充伍即見在調  
遣兵丁北路換班西路駐防者俱於附近營分派撥並無南北易  
地不便人情之處且有定例賞軍功給糧餉養家口儘足以示鼓  
勸何必另立勳格若夫邊關墻垣屯堡各該督撫提鎮久經相度  
建造修葺緊要地方皆有大員彈壓按汛防守各有專責何至有  
互相推諉之事該御史所奏均無庸議從之○轉岱奇為刑部左  
侍郎以鍾保為刑部右侍郎○癸卯增廣西各營兵額○甲辰諭  
各省所有學田銀糧原為給散各學廩附貧生之用但為數無多  
或地方偶遇歉年貧生不能自給往往不免飢餓深可憫念朕思  
伊等身列膠庠自不便令有司與貧民一例散賑嗣後凡遇地方

散賑之時著該督撫學政飭令教官將貧生等名籍開送地方官  
覈實詳報視人數多寡即於存公項內量撥銀米移交本學教官  
均勻散給資其餽粥如教官開報不實給散不均及為吏胥中飽  
者交督撫學政稽察即以不職參治至各省學租務須通融散給  
極貧次貧生員俾沾實惠此朕體恤貧生之意若生員等不知感  
激自愛因此而干預地方恃有生監護符以致肆行種種不法之  
事該督撫等仍應照例查察毋使陷於罪戾○丙子內閣學士吳  
金以奉使挾私妄奏革職○戊申轉吳應榮為兵部左侍郎以凌  
如煥為兵部右侍郎由內閣○辛亥命見任教職中式准留任  
五月癸丑諭王大臣等據漕運總督查克丹奏漕船過淮之後尚  
須經歷各處閘壩方能渡黃自四月起運河之外清口之內湖水  
微弱黃水漸盛河流倒灌停蓄沙淤以致清口風神廟前積有橫  
壘二道各寬十餘丈糧船輕者起剝重者守候經河臣委員挑挖  
並添築草壩攔截湖流束水衝沙無如旋空旋淤一時未能暢達  
等語朕思湖水之弱或係運河已開深通而湖水流入運河者過  
多故其勢弱不足以刷黃耶抑或高斌去年請將運口舊制稍改  
為曲灣雖清流可以濟運而緩水不能敵黃遂用此有橫壘耶從  
來治水機宜惟在隨時利導成法具在可循而不可拘爾等即寄  
信高斌令其詳細籌度務使淤沙盡去運道暢達毋致阻滯糧運  
或並河道更費周章可也尋奏清口淤淺實因黃水一時過盛兼  
之東北大風所致係黃盛於清非清比前微弱及入運過多之  
故今一雨之後風恬浪靜黃水平退湖水立時暢出淤淺之處衝  
刷寬深清口通利已有明驗至運河挑濬不過就淤淺處開挑非  
大開深廣萬無入運過多之事至運口改入三汊河之內形勢稍



灣正為將入運之水減少分數不令過多而清口全湖之水自裴家廠張福口等引河暢出形勢通順並無灣曲之形及多分入運之患臣伏查明臣潘季馴河防一覽書載防清口淤澀一條云偶遇黃水先發淮水尚微河沙逆上不免淺阻然黃退淮行深復如故不為害也正與今日清口情形適合得旨覽此奏朕懷釋然○丁巳諭直隸河工樁手准食戰糧○辛酉貴州定番州逆苗滋事總督張廣泗派兵討平之○甲子予故大學士連柱祭葬諡文恭○丙寅定各省水旱災五分即准蠲免例○丁卯諭 黑龍潭龍神福國佑民靈顯素著每遇京師雨澤愆期祈禱必應是 明神功德實能膏潤田疇順成年穀為萬姓之所仰賴昔年 皇祖式廟廟貌建立豐碑 皇考又復易以黃瓦用昭敬禮今應加封號以示尊崇大學士會同該部定議具奏尋加昭靈沛澤神號四字

東華續錄 乾隆七年

○庚午諭副將參將引見督撫嚴實加考○辛未諭楊永斌久歷外任聲名素優是以用為蘇州巡撫近聞伊年將七旬精力不逮難勝繁劇之任著來京署理禮部侍郎蘇州巡撫員缺著布政使許容署理蘇州布政使著徐士林前往署理朕因蘇藩事務緊要一時不得勝任之人不得已命徐士林往署且伊服制亦將屆期滿况又與實授者有別徐士林可即由本籍起程來京請訓再赴新任不必以服制未滿固辭○壬申命江西湖南運穀接濟福建

○甲戌諭王大臣等近看李衛辦事甚屬穩率不似從前昨已降旨訓諭今覽奏雨水麥收情形之摺其中錯謬之處甚多如奏稱連日忽陰忽雨見在入土尺許尚未透足等語天下豈有得雨尺許而尚未透足之理明係雨澤短少而為捏飾之奏觀此則從前所報未必尺許者竟屬全無雨澤矣又稱麥收已畢市價平減誠

恐麥賤傷農等語自古穀賤傷農之說原指屢豐之後而言然亦非常理况直隸地方舊歲既屬歉收今年麥秋長短不一以此日之情形而為麥賤傷農之說豈不背謬乎又伊所開米價單內保定府稻米每一倉石價銀二兩六錢至二兩七錢五分稱為價中大名府稻米每一倉石價銀一兩七錢五分至二兩一錢四分稱為價賤豈有如此米價尚得為中尚得為賤乎朕念切民依固不肯以年歲歉薄委咎於督撫然亦豈可置之不問蓋督撫身膺民社之職凡遇雨暘年穀最緊要之事當倍極周詳慎重庶能上感天和下紓民困今陳奏於朕前者尚且如此則其辦理措施豈能妥協大出朕意料之外可傳旨訓飭之尋李衛奏覆備陳感悚得旨汝先不是此據人其所以忽而至此者朕實不能解其故慎之勉之○乙亥諭前都察院奏九卿等驗看月官時有素知其品行

東華續錄 乾隆七年

端謹或才具優長者即填入名單以為引見時酌調繁簡之助朕批准施行今刑部郎中王槩奏稱此例一行恐九卿詹事科道中袒護知交曲徇戚誼始以情託繼以賄求而借端招搖指名撞騙之弊俱從此生等語從來人君敷治用人為最要而知人為最難內而訪之九卿外而問之督撫此即詢四岳闢四門之義雖諸臣之中公私未必一致將來徇情作弊之事亦未能保其必無然經朕覺察自有國法不容寬貸而未事之先朕則不忍存逆詐億不信之心因噫廢食將廷推公舉一槩竟置不用也况自舉行以來九卿驗看月官尚未有填註薦語者豈有出令未允又欲遽議更張朕之令諸臣不時條奏並許司官參領等亦得奏事者一則欲博採眾論以資治理一則觀其陳奏可以知其人之識見才具如何諸臣既奉詔進言必當有關於國計民生之要務或朕躬闕失



或政事乖差據實指陳朕不難收回成命今觀諸臣所奏並無謬論嘉謨不過就目前一二時事反復辨論朝更夕改從來國家政務必行之數年而後可以徐收其效焉有取必於且暮開者即如禁銅一案議論即不一而無所適從若以為當開則既開禁之後錢價未必平減若以為當禁則從前禁止多年銅斤之缺少如故並未見其充盈今日之言當禁者何不早言之於開禁之日也諸臣之條奏朕多敕交部議若部臣皆以不行議覆又似不體朕從善如轉圜之意者依違遷就姑且准行則徒事紛更而無益於政治朕熟察近日情事如此因王傑條奏特頒此旨曉諭諸臣共知之○戊寅以喀爾吉善為內閣學士原任兵部侍郎

六月癸未 上憂旱虔禱自是日至甲申大雨○諭向例外省主考官聞命之日即速就道蒙 皇考世宗憲皇帝念其辦理行裝

東華續錄 乾隆七

未免忙迫伊等既奉命典試自知奉法惟謹不必過於防範特令稍寬起程之期此體恤臣工之厚意也近聞奉差諸臣起身甚遲有至十餘日外者殊非遠嫌之意著禮部酌定日期著為定例尋議雲南四川貴州廣東廣西福建湖南七省以十日為限浙江江西湖北陝西江南五省以七日為限河南山東山西三省以五日為限逾限參奏從之○諭朕聞雲南麗江府原係土府於雍正二年間改設流官比時清查田地戶口時有土官莊奴院奴等類共二千三百四十四名伊等並無田糧皆願自納銀以比於齊民每名編為一丁每年納銀六分六釐共徵丁銀一百五十四兩七錢零迨滇省民丁改為隨糧派納而此項夷丁不得與有糧之戶一例攤派至今照舊徵收其中不無貧乏之家艱於輸納者著該督撫查明業予豁免俾邊地夷民永無催科之擾○乙酉諭朕聞江

南州縣徵收錢糧有加增火耗之處可傳諭那蘇圖許容等嚴查閩屬如果有劣員暗地加耗立即題參治罪以為殃民肥己者戒但以朕所聞江南如此恐別省亦有此風不急為查禁則貽害百姓將不可言朕御極以來政崇寬大而人心澆薄漸啟玩縱之端以為不妨稍有假借不知所謂寬大者乃愛養良民俾無失所求盡父母斯民之道耳非謂舉殘暴害民之輩而悉寬之也即如獨租稅以裕物力減重賦以恤民艱水旱偏災立行賑恤雨暘愆候先事綢繆無一不為民生起見至於官吏處分之從寬者非其心有可原則由才向可用刑章謹罪之從寬者非其情原可憫亦必迹在可疑若謂貪官污吏一切包容惡棍奸民孽從釋宥以示寬大是滋稂莠而妨嘉穀縱虎狼而賊生靈殘忍酷虐無過於此尚何寬大之有前後屢頒諭旨至為明切而尚誤以玩縱為寬大是

東華續錄 乾隆七

非誤會朕意直任意行私賂脂膏而肥囊橐乃國法之必不可宥者矣從前火耗未經提解州縣恣意橫徵飽其谿壑苦累百姓是以 皇考允各省督撫提解火耗之請而優給各官養廉令不得額外巧取所以懲貪風而紓民力用意誠善即養廉稍薄之州縣亦必就其所辦事務酌予足用該員量入為出自無不敷何得暗加重耗刻剝小民以為自潤之計情罪至為可惡該督撫等不時體訪如有不肖州縣於應收火耗外絲毫加重者立即題參嚴行治罪如不行覺察經朕訪聞確實必將該督撫一併嚴加議處斷不姑容○命各部院引例不得刪減亦不得例外兩請○丙寅以唐綏祖為廣西按察使由太常寺少卿遷○丁卯河南巡撫尹會一奏豫省折中之法始自明朝至我朝復經丈量定則民間承業完糧百年有餘相安已久今欲釐定科則非履畝丈量實難憑信設一丈



量必致妨廢農業紛擾閭閻若舍此而令里書開報業戶自陳則  
 飛灑捏飾諸弊叢生是除弊適以增弊於民更多未便請將涪州  
 等二十四州縣並延津收併之昨城縣地畝錢糧仍各照舊制折  
 中行糧停其釐定科則以免滋擾從之○戊子葛森因病解任以  
 吳拜為盛京刑部侍郎由內閣學士遷○乙未諭從來利之一字乃聖人  
 之所不諱而為賢者之所謹防易乾文言釋元亨利貞曰利者義  
 之和也利物足以和義繫辭曰理財正辭禁民為非曰義論語亦  
 曰因民之所利而利之與周易正相發明惟放利自私則不可耳  
 蓋義利本非兩截用以利物則公而溥是利即義也用以自利則  
 貪而隘是利即害也後人但見言利之害遂將義利判然分為兩  
 途如冰炭水火之不相入孟子恐人舍義言利日趨於害而不自  
 覺所以有何必曰利之說也所謂利物者以百姓之貨財謀百姓  
 東華續錄 一 乾隆七  
 之衣食上之人不過為之董率經畫而已所謂自利者指克聚斂  
 取下民之脂膏充朝廷之府庫以致民力益竭民怨日增其為害  
 孰大焉今鄂彌達奏請廣東潮州府屬海陽六縣民隄請借給商  
 人關稅銀十萬兩營運生息次第興修經戶部議准御史陳高翔  
 以為督臣不應言利復行條奏朕交爾等會議又各抒所見兩議  
 進呈朕覽後議以借帑營運辦理公事為非持論未嘗不正但經  
 理天下之事必須總攬全局期於可行如海陽等六縣隄岸係小  
 民自修之工程因其力量不足是以仰賴官修而廣東所有公項  
 又不敷本省公事之用不得已而為營運之舉但廣東商人資本  
 無多往往不惜重利向人借貸以圖利息是以向來皆借給帑銀  
 出息收鹽以為裕商之計今借給官稅銀兩既可稍紓商困又可  
 裨益民田頗稱兩便若以借帑築隄為不可行則商人之借帑收

鹽亦不可行矣推而至於內外惠濟兵丁銀兩皆營運出息之所  
 出若以生息為非則向來之賞養兵丁以為吉凶之用者可以一  
 旦中止乎兵丁惠濟既不可中止而國家之經費有常又何從措  
 辦此格外之恩賞乎將來有人援照海陽隄工之例以請停止營  
 運者爾等其將議准乎抑議駁乎可知議天下事者本有因時制  
 宜之道識見不可不廣也夫以義為利以利為利之辨朕籌之已  
 審目前實有不得不通盤算計權宜辦理之勢如果將來國用充  
 盈百姓家給人足則見在施行之事又何不可變通之有此案者  
 照前議行可將兩議並朕諭旨俱行頒發俾各省督撫知之若非  
 大有益於民生之事而輒以生息營運為辦理公事之善法則又  
 不知為政之體者矣○丙申定八旗家奴開戶例○戊午命內外  
 糾參六法官願引見者聽○准江蘇買洋銅○頒鐵斛○辛丑諭  
 東華續錄 一 乾隆七  
 一月以來京師喧傳尚書孫嘉淦密奏在朝大臣多人如大學士  
 鄂爾泰張廷玉徐本尚書公訥親尚書海望領侍衛內大臣常明  
 皆在所參之內是朝中大臣得免者鮮矣諸臣皆係朝廷簡用之  
 人守法奉公實心盡職並無可指摘之處而鄂爾泰張廷玉尤係  
 皇考特簡之大學士為國家之棟梁以孫嘉淦較之識見才猷  
 豈能與二人為比朕特以其操守廉潔向有端方之名故屢次加  
 以擢用非以其才識在二人之上也如果其才識在二人之上朕  
 何難即用為大學士而仍在尚書之列乎且朝廷政務繁多正賴  
 宣猷佐理之羣彥豈有將諸人悉行罷斥而專用孫嘉淦之理乎  
 至於伊密參之語毫無影響如果諸臣有可參之事孫嘉淦身為  
 大臣何不可登之籍章而乃見之密奏既云密奏惟有孫嘉淦自  
 知之伊又豈肯漏洩於人以招眾怨乎朕不知造作謬言之人是



何肺腸或忌嫉孫嘉淦之人見朕將伊升用而造為此說以排擠之耶或趨附孫嘉淦之人欲相引重而造為此說以揚其特立獨行之直名耶此語朕聞之已將一月而都察院堂官及科道等遇此等應行參奏之事何以默無一言也若置之不問則造言生事之人方且以為得計而無知之官員或且疑為實有是事將見黨援門戶之風從此而起無所底止矣前我皇考因都下謠言甚多曾降諭旨令步軍統領五城御史等訪拏重懲此風稍息今復蹈故轍於國體大有關係但此事傳言已久目前姑不深究止令步軍統領巡城御史嚴行禁止之嗣後如有此等造言之人必當查拏根究其所自來重寘於法以杜人心風俗之害至於大小臣工有陳奏事件既不見之明本而用密摺便當加意謹慎不令人知之方合謀猷入告之義且朕見諸臣有參奏彈劾之類外人每不能得其確耗而加恩沛澤之舉則諭旨未發之前或諭旨既發之後外人往往傳播知為某人之奏豈非向人陳說以為居功干譽之計乎朕為天下主一切慶賞刑威皆自朕出即臣工有所建白而採而用之仍在於朕即朕之恩澤也豈以諸臣市惠為嫌而較量一時之稱道但國家辦事有體名不正則言不順如事之不當密者即應明見之章奏如用密摺封達朕前者必係當密之事而又宣露於人其居心尚可復問乎事君之道當如是乎朕御極以來崇尚寬大內外臣工當加倍恪慎益矢公忠以成朕寬大之治若因禁令稍疏始而廢弛漸且流於踰閑蕩檢是諸臣自干罪戾國法具在豈能曲為寬假耶此意朕於雍正十三年即宣示臣工矣奈日久怠生今因一二近事並將朕衷宣諭令內外諸臣共知之○子唐儒韓愈裔世襲五經博士○癸卯命湖南撫恤費

州難民○除廣東崖州虛升地畝額賦○乙巳增苗疆府州縣養廉○以福十寶為內閣學士由少詹事遷○丙午左都御史楊汝毅乞休允之